





14-8.11.14



SELECTA IN LIBROS ARISTOTELIS DE ANIMA,

Generatione, & cœlo, subtilioris doctrinæ, quæ in Cō-
plutensi Academia versatur, miro quodam or-
dine disposita, & in dilucidam
methodum redacta.

*Per Licentiatum Franciscū Murcia de la Llana in insigni Collegio Theolo-
gorum Collegam, & Regia auctoritate librorum Censorem.*

Dirigido al Ilustrísimo señor don Fernando de Azevedo Arçobispo
de Burgos, y Presidente de Castilla.



col enven



MATRITI. Ex Typographia Regia.

M. DC. XVI.

175915

T A S S A.

YO Iuan Gallo de Andrade Escrivano de Camara del Rey nuestro Señor, doy fe, que por los Señores del Consejo se ralsò vn libro intitulado, Commentaria in libros Aristotelis de Anima, Generatione, & Cælo, & super Metheora Aristotelis, à cinco marauedis el pliego. En Madrid a 16. dias del mes de Otubre de 1615.

*Iuan Gallo
Andrade.*

VIdi hoc volumen, & nihil notatu dignum in eo inueni, quod non correspondeat suo exemplari. Datum Matriti, die decima mēsis Octobris, Anno 1615.

*Licenciatus Murcia
de la Llana.*

DE mandato Regij Senatus vidi Selecta super libros Aristotelis de Anima, Generatione, & Cælo, Licenciati Francisci Murcia de la Llana, in quibus omnibus nihil inueni fidei contrarium, & moribus obnoxium: multa verò acutè, & cum breuitate tractata, quibus studentium ingenia possint exerceri, & acui. Datum Vallesoleti, die undecima mēsis Aprilis. Anno 1604.

*Doctor Petrus Sanz
à Soria.*

EL REY.

POR quanto por parte de vos el Licenciado Francisco Murcia de la Llana, Corrector de los libros, nos fue hecha relacion, que os auiamos hecho merced de dar licencia, y priuilegio, para que portiempo de diez años pudiesdes imprimir vnos Comentarios que auia des compuesto, intitulados *Seleeta super vniuersam Aristotelis Philosophiam*: los quales eran cumplidos, y al presente auia mucha necesidad de los dichos Comentarios, por ser muy necessarios para la Republica. Atento lo qual nos pedistes, y suplicastes os mãdassemos prorrogar la dicha licencia, y priuilegio por otros diez años mas, ò como la nuestra Merced fuesse: lo qual visto por los del nuestro Consejo, fue acordado, que deuiamos mandar dar esta nuestra cedula para vos en la dicha razon, y nos tuuimoslo por bien, por la qual os prorrogamos, y alargamos el dicho priuilegio que asì os dimos para poder imprimir los dichos Comentarios, que de sufo se haze mencion, por otros cinco años mas, que corran, y se cuenten desde el dia de la data desta nuestra cedula, y os damos licencia, y facultad, para que vos, ò la persona que vuestro poder ouiere, y no otra alguna, podays, y pueda imprimir, y vender en estos nuestros Reynos de Castilla los dichos Comentarios, por el dicho tiempo, guardando en todo el tenor, y forma de la dicha nuestra licencia, y priuilegio, sin exceder del en cosa alguna. Fecha en Madrid a 29. dias del mes de Agosto de 1614.

YO EL REY.

Por mandado del Rey nuestro Señor.

Jorge de Tovar.



A DON FERNANDO
de Azeuedo Arçobispo de
Burgos , y Presidente
de Castilla.

PRUDENTE fue el consejo, señor Ilustrissimo, que dio Iechre à Moysen, caudillo del pueblo de Dios, quando pareciendole, que era imposible poder gouernar solo aquella esparcida Republica, le persuadio, que eligiesse persona de satisfacion, en quien pudiesse descansar el gouierno, y el pudiesse diuertir el cuydado, exemplo que en V. S. Ilustrissima ha puesto en execucion el Moyses prudente desta politica, y religiosa Monarquia, en quien no solo puede descansar el peso de tanta maquina, y diuertir el cuydado de tan graues negocios, sino tambien el descuydar del todo con la experiencia de tan prudente consejo, de tan auentajada Religion, y de tan religioso zelo: dignissimo Presidente para
el

el buen gouierno, eminente Letrado, para que tenga su lugar la justicia, y piadoso Prelado, para que a exemplo suyo, en los demas se mire socorrida la necesidad de los subditos. Dezia Filon, que aquellos solos podian tener por gloria de estar en lugares eminentes, a quien auia levantado su virtud, parece que estaua mirando las personas de V. Señoria, y del señor Patriarca su hermano, meritissimo Inquisidor General, y dignissimo Presidente de Castilla, cuyo assiento ocupa V. Señoria por la inuidiada muerte de tan gran varon: sentencia, que reducida a pratica, ha descubierto sus quilates: porque al que el fauor de fortuna leuantò a grandignidad, de que puede gloriarse, no deuendole a sus meritos mas, que si jugando llegara a conseguirla? V. Señoria Ilustrissima, y el señor Patriarca son los que justamente pueden tener por blason ilustre el lugar que han ocupado, y esta Republica tenerse por dichosa de auer alcançado tiempos en que los que tienen en sus ombros este gouierno ayan subido a el justamente, por los escalones de sus esclarecidas virtudes. Cosa casi natural en esta generosa casa de Azeuedo, desde sus principios, en tiempos del Rey don Alfonso Quinto Rey de Ouiedo, que murio de un factazo, estando sobre Viseo, debaxo de cuyas banderas, militando Fernando de Azeuedo por los años de nouientos y ochenta y tres, Capitan valeroso, y de gran fortuna, y en los del Rey don Enrique el Segundo, Iuan Gonçalez de Azeuedo, que passò de Portugal a Castilla, de quien desciende don Manuel de Aze-

Azevedo y Zuñiga, Quarto Conde de Monterrey, y Hernan
Gonzalez de Azevedo, de quien descienden los Azevedos de Vi
llalon, y por linea derecha de varon descendientes todos del so
lar antiguo, que está en la Merindad de Trasmiera, junto de
Riuamontan lugar de Hoz, en la Iglesia de Santa Maria de
Taroya donde esta casa tiene el primer assiento, assi por esso co
mo por ser presentera de las Abadias de Eras, y Castañedo, en
esta tan ilustre, y antigua casa, como principal cabeça, resplan
decio Hernan Gonzalez de Azevedo, tercero abuelo de V. S.
Ilustrissima, persona de gran prudencia, de cuya gruesa haziē
da, y posesiones publican las montañas ser tantas, que edificò
junto a su casa solariega, una Iglesia, aduocacion de san Panta
leon, para que le dixessen Missa, por estar media legua la pa
roquia, a quien sucedio en ella Hernan Gonzalez de Azevedo,
que con treçientos Infantes en la guerra de Granada, mostrò lo
que su sangre pedia, derramandola por la fe: sucedio en esta ca
sa, y solar Iuanes Gonzalez de Azevedo, q̄ tuuo por hijo a Iuan
Gonzalez de Azevedo, en la misericordia favorecedor de los po
bres, en la verdad amparador de los huérfanos, en la piedad pro
curador de todo lo tocante el Culto diuino, d̄cho padre de V. Se
ñoria Ilustrissima, y del señor Patriarca d̄o Iuā Bautista de Aze
uedo Presidēte de la General Inquisiciō, y del Real de Castilla,
como tēgo dicho, dignissimo Obispo de Valladolid, y del señor don
Francisco Gonzalez de Azevedo, q̄ tiene por hijos a d̄o Fernādo
de Azevedo Colegial del insigne del Arçobispo de Saluāca, y a
don Francisco de Azevedo Cavaliero del abito de Alcantara, y
del señor don Iuan de Azevedo Cavaliero del abito de Santia
go, y Alguazil Mayor de la General Inquisicion. Y no se le hizie
ra nuevo al padre de V. Señoria Ilustrissima ver en su casa la
mitra Arçobispal, que cubre las sienes de V. Señoria, y las de
Patriarca,

Patriarca, q̄ cubrio las de su hermano, acordandose de dō Alonso de Azevedo Arçobispo de Santiago, y Patriarca de Alexandria, cuyo hijo fue don Alũso de Azevedo Arçobispo de Toledo, y Primado de las Españas, fundador del insigne Colegio, que llaman del Arçobispo en Salamanca, que parece, que esta Monarquia Española ha estado, como en costumbre, viendo los sujetos desta casa, que han ocupado tan grãdes dignidades, de elegir a los parientes mas cercanos, por conocer, que junto con su ilustre sangre nacen tambien con sus esclarecidas virtudes. V. Señoria Ilustrissima ampare este volumen que dirijo a su grandeza, para que si fuere censurado mi atreuimiento, por parecer la carga desigual a mis ombros, viendo el nombre de V. Señoria Ilustrissima estampado en este principio, los encoxa el que se atreuiere, y yo sea con el solo defendido. Guarde nuestro Señor a V. Señoria Ilustrissima. De Madrid a 14. de Setiembre de 1616.

El Licenciado Murcia
de la Llana.



COMMENTARIA

In Libros Aristotelis de Anima.

P R O O E M I V M.



Ostquam Aristote. egerat de principijs, & affectionibus cōmunibus omnium mobili, quod præstat in

8. lib. Phys. & de ente mobili incorruptibili in libris de Cælo: denique de alijs entibus naturalibus, tam simplicibus quàm mixtis, vt in libr. de Generat. & in libr. Metheor. tamen agendum testabat de præcipuo ente naturali, quod est animatum, quod præstat in his lib. de Anima, & de historia animalium, de longitudine, & breuitate vitæ: sed quia principium formale, & substantiale, quo animatum in suo esse constituitur, est anima, ideò hoc loco per tres libros disputat de anima, & eius potentijs. Et quidem, vt moris est, circa obiectum horum librorum Autores non omnino cōueniunt, quibusdam asserentibus

obiectum horum librorū esse corpus animatum; qualis est Paulus Venetus cominen. 3. Iandunus quæst. 3. Alijs verò asserentibus, tale obiectum esse animam, non verò corpus animatum. Quam sententiam vt longè veriore tenent hoc loco Albert. Mag. S. Tho. Aegid. & plures alij, Arist. enim hoc 1. lib. de Anim. text. 2. reddit rationem, quare agat de anima, quia scilicet est natura quædam, cū sit principium operationum animalis: idque ratio ipsa manifestè ostendit. Id enim est subiectum aliquius scientiæ, cuius natura, proprietates, & affectiones, traduntur in tali scientia. In hac autem parte Philosophiæ ex professo agitur de natura, & quidditate animæ, & de eius potentijs: ergo reuera illa est subiectum horum librorum.

Addo tamen cum Apollinario hoc loco quæst. 3. de corpore animato, etiam hoc loco ex professo

A non

non egerit Aristot. egisse tamen de illo in lib. de animalibus, de historia animalium, de longitudine, & breuitate vitæ, ac pluribus alijs: ac decuit sanè, cum inter omnia entia naturalia, de quibus ad Philosophum agere spectat, animatum sit perfectissimum, & de illo passionibus eius propriæ demonstrari possint. Ex quo etiam patet, ad Philosophum spectare, agere de anima: agit enim Philosophus de natura, & ente naturali, anima autem quædam natura est, quia est principium operationum vitalium ipsius viuientis, natura autem est principium motus, &c.

Secundò id probatur in particulari, nam in primis, anima sensitiua, scilicet, quæ est principium sensationis, & anima vegetatiua, scilicet quæ tantum est principium nutritionis, & augmentationis, sunt quædam formæ in suo esse materiales, quia à materia pendent, suntque generabiles, & corruptibiles: ergo earum consideratio propriè spectat ad Philosophum. De anima rationali etiam probatur, quia quamuis in suo esse spiritualis sit, respicit tamen materiam physicam, affectam qualitatibus certis sensibilibus, ad eius introductionem necessarijs: ergo, vt sic, ad Philosophum pertinet disputare de illa. Vnde perperam hoc loco Caietan. asseruit, animam

rationalem, secundum gradum illius vltimum, scilicet, quo intellectiua est, non pertinere ad Philosophum: nam adhuc, vt intellectiua est, importat ordinem ad materiam physicam affectam qualitatibus, ad eius introductionem necessarijs: ergo etiam vt sic, ad Philosophum spectat.

Dicendum tamen est secundò, tractationem de anima rationali quodammodo ad Metaphysicum spectare, scilicet, in quantum est substantia quædam spiritualis per se subsistens, hac enim ratione Metaphysicus disputat de substantijs separatis, scilicet, de intelligentijs, eandem tamen in ordine ad materiam physicam considerat Physicus.

Difficilius tamen est, vtrum etiam anima rationalis separata à corpore, sit obiectum ad Philosophum pertinens. Et breuiter respondendum est, iuxta prædictam distinctionem, nam in quantum anima separata, etiam importat ordinem ad materiam physicam, quamuis actu illam non informet hac ratione, pertinet ad Philosophiam: eadem verò, in quantum præcisè consideratur, vt substantia quædam spiritualis per se subsistens, ad Metaphysicum spectat, neque in his, cum facilia sint, opus est longam texere disputationem.

LIBER PRIMVS

de Anima.

PROOEMIUM.



IN Hoc lib. qui quatuor capita continet, duo præstat Philoso. nam in primo capit. proponit dignitatem, difficultatem, atque utilitatem huius scientiæ de anima, in tribus verò posterioribus varias refert, & rejicit antiquorum sententias circa naturam animæ, ut deinde in secundo lib. propriam de hac re proferat sententiam, & quia in secundo lib. latius à nobis de natura animæ disputandum est, ubi etiam prædictas antiquorum sententiæ referam; hoc loco ea solum breuiter attingam, quæ Arist. de utilitate, & dignitate huius scientiæ docuit. Dicit ergo in primis, scientiam de anima reliquis esse præstantiorem, tum nobilitate obiecti, tum etiam certitudine demonstrandi.

Docet præterea, vilem esse ad omnes alias scientias, & sic explicari potest; nam in primis est utilis ad Meta. anima enim est quid mediū, inter substantias prorsus à materia separatas, de quibus agit Meta. & inter formas prorsus materiales: at-

que adeo non parum iuvat ad cognoscendas substantias separatas. Est etiam utilis ad Philosophiam moralem: nam hæc agit de virtutibus moralibus, & earum actibus, quæ omnia, & ab anima rationali pendunt, & in illa subsistantur, atque adeo multum conducit ad moralem Philosophiam, cognitio animæ, & potentiæ eius, de quibus hoc loco agitur: est etiam utilis ad Logicam, hæc enim agit de operationibus intellectus, quæ sunt actus ipsius animæ. Tandem est ad Mathematicas quodammodo utilis, & quascūque scientias, in quæ agitur de anima rationali, & potentijs sensitiuis animæ, in quibus experientiæ, quibus Mathematici ducuntur, fundantur.

Ingerit tamen non parvam difficultatem ex posterioribus Arist. id quod primo loco docuit, scilicet, scientiam de anima præstare reliquis, & nobilitate obiecti, & certitudine demonstrandi: nam vel comparat scientiam de anima cum reliquis scientijs, & sic falsa videtur eius sententia: nam demonstrationes Mathematicæ sunt omnium certissimæ, atque adeo non potest

excedere illas in certitudine demonstrandi. In nobilitate obiecti non potest excedere Metaphysicam, hæc enim agit de ente communissimè sumpto, tum etiam de Deo, & intelligētis, quæ animam longè superant in perfectione. Si autem compareret scientiam de anima cum reliquis Philosophiæ partibus, non minus videtur eius sententia difficilis; nam etiam Philosophus agit de Primo motore, quo nihil potest esse nobilius, tum etiâ, quia omne totum præstantius est sua parte: ergo ea Philosophiæ pars, quæ agit de animato, seu de animalibus, longè præstat istam nobilitate obiecti.

Respondetur tamen cum S. Thom. & alijs hoc loco prædictam comparisonem, non esse inter scientiâ de anima, & reliquis scientiis, sed inter illâ, & reliquis partes Philosophiæ, neque enim est in Aristot. fundamentum aliquod, quare etiam ad alias scientias prædicta comparatio extendatur, & difficile profectò saluari potest, ut argumentum probat, facta verò comparatione ad reliquas Philosophiæ partes, facilius intelligitur: anima enim est præstantissima inter omnes naturas, quas Philosophus considerat, & ita dignitate obiecti reliquas antecedit, certitudine verò demonstrandi superat illas, non quidem in quibuslibet demonstrationibus, sed in demonstrationibus à posteriori: istæ enim in scientia de anima sumuntur ab operationibus

bus ipsius animæ, quæ nobis maxime sunt notæ, ut pote, quas in nobis ipsis experimur, & ita quoad nos certiores sunt prædictæ demonstrationes.

Vnde ad rationem factam respondetur, Philosoph. agere de primo motore, qui nobilior est anima, non tamen agit Philosoph. ita directè, ac de anima: de anima enim agit, ut de principio formali intrinseco alicuius entis naturalis, de Primo verò motore, solum in quantum est vniuersale principium operationum, & motuum, quos Philosoph. considerat, & ita consideratio de anima magis directè ad Philosoph. spectare videtur, quam scientia de Primo motore.

Ad secundum respondetur, animatum excellentius esse obiectum, quam anima, Aristot. tamen non distinguit scientiâ de animato à scientia de anima, cum pro eodem reputentur, sed loquitur de alijs partibus Philosophiæ, quæ nihil ad animam.

Hoc loco quidâ disputare solent, utrum accidentia conducant ad cognitionem substantiæ; occasione sumpta ex eo, quod Aristot. dicit, naturam animæ ex eius operationibus, & accidentibus dignoscendam esse, dicam tamen ego de hac re commodius tertio libro de anima, dum examinabimus, an substantia cognoscatur per speciem accidentis: quare his, & alijs futilibus omisissis, ad ea, quæ difficultatem habent, perueniamus oportet.

LIBER SECVNDVS

De Anima.

Caput primum, & secundum.



Postquam Aristotel. in superiori libr. varias de animæ natura sententias in medium adduxit, easdemque reiecit, iam in his duobus capitibus eius naturam, & essentiam ex propria sententia explicat. Et quidem in primo capite duo agit: in priori parte nonnulla supponit, in secunda verò parte adducit animæ definitionem, eamque explicat. Primò ergo supponit, quòd ens, aliud est substantia, aliud accidens. Secundò, quòd substantia est triplex, scilicet, materia, quæ est quædam potentia; forma, quæ est actus, & perfectio; & compositum ex utraque. Tertiò supponit, substantiam aliam esse corpoream, aliam incorpoream: rursus corpoream, aliam animatam, aliam verò inanimatam. Quartò supponit, actum esse duplicem; aliū primū, vt scientia; aliū secundum, vt actualis contemplatio.

Denique in secunda parte probat in primis, animam non esse corpus, quia corpus non est in alio, anima autem est in alio, scilicet, in corpore: ergo anima non est cor-

pus. Vnde diffinit animam, dicens: *Anima est actus corporis physici, & organici potentia vitam habentis.* Explicat autem definitionem, dicens, animam non esse quemlibet actū, sed actum primum; quia sicut scientia respectu speculationis est actus primus, quia ab illa procedit speculatio, ita vigilia, aut somnus ab anima procedunt, & ita anima est actus primus. Quòd verò sit actus corporis physici, & organici, probat à simili de anima arboris: nam sicut in arbore sunt varia, & diuersa organa, scilicet, folia, radices, & fructus, ita in corpore physico, & organico, sunt varia instrumenta. Et hæc de litera primi capitis.

In secundo capite, intentum Arist. est, adducere aliam animæ definitionem, per quam demonstret primam iam adductam: tria agit. Primò, nonnulla supponit. Secundò, duas quæstiones mouet, & soluit. Tertiò, tandem colligit secundam animæ definitionem, per quam demonstrat priorem.

Primò ergo supponit, animatum differre ab inanimato per vitam, viuere tamen, inquit, multis modis cōtingit, quædam enim habet animam vegetatiuam, cuius operatio est nutritio, & augmentatio, quales sunt plantæ, & hæc, inquit,

A iij sepa.

separatur à sensitiua: plantæ autem non sentiunt. Alia verò habent animam sensitiuam, qualia sunt, quæ habent sensum, diciturque, sensum tactus omnibus inesse animalibus. Alia tandem habent animam intellectiuam, seu rationalem.

Quibus suppositis in secunda parte capitis dubitat primò: cum hæc omnia, scilicet, vegetare, sentire, & intelligere, possint in eodẽ animato inueniri, vt patet de homine, an proueniant ab eadem anima, & quia (vt Simp. hoc loco aduertit) quæstionis huius solutio adducta iam erat lib. I. vbi docet, in quouis viuente vnicam esse animam, per quod patet, omnes illas potentias ab eadem anima prouenire posse: mouet secundam quæstionem, an tales potentie sint separatæ loco, ita vt diuersæ sint in diuersis partibus subiecti. Et dicit in primis, in quibusdam animalibus huiusmodi potentias non separari loco, sed omnes esse in eadẽ parte, qualia sunt animalia scetilia; nam huiusmodi animalia adhuc diuisa viuunt, & in quavis parte, si pungantur, sentiunt, & habent dolorem: ergo ibi etiam est appetitus. De intellectu verò, inquit, & contemplatiua potentia, an sint diuersæ, & loco separeretur, dubium est: nihil enim hætenus determinauit.

In tertia parte cap. inquit Aristo. quòd sicut duobus sumus sani, scilicet corpore, vt materia; & sanitate, vt forma: & sicut duobus scimus, scilicet, scientia, vt forma; & intelle-

ctu, vt subiecto: ita duobus viuimus, sentimus, & loco mouemur, scilicet, corpore, vt subiecto; anima vero, vt forma, & actu: vnde inquit, anima est, quo primò viuimus, sentimus, loco mouemur, intelligimus: sed quia substantia est triplex, vt precedenti capite docuit, scilicet, materia, forma, & totum compositum, dicit, animam non esse totum compositum, hoc enim potius est animatum, quam anima: neque etiam est materia, quia materia, seu corpus, non est actus animæ, sed potius anima actuat corpus: ergo est forma, & actus: ergo id quo primò viuimus, sentimus, mouemur, & intelligimus, est actus corporis physici, & organici, potentia vitam habentis. Hæc de litera.

DISPUTATIO I.

Huius libri de natura & essentia animæ.

Placuit hac in re materiã vtriusque capitis iam explicati, hac vnica disputatione complecti, id enim est vtriusque intentum, scilicet, naturam, & essentiam animæ varijs definitionibus explicare, vt eius natura, & essentia cognita, de illius passionibus, & potetijs disputemus: & quidem meritò hac in re omittimus quæstionem, an sit cum existentia animæ, tum, experientia ipsa, tum etiam, communi omnium hominum conceptione constet.

Quest.

Quæst. 1. Vtrum anima sit actus corporis physici, & organici potentia vitam habentis.

Circa naturam, & essentiam animæ, varias antiquorum sententias refert Arist. suprà lib. 1. Prima fuit Democriti, & Leucipi, asserentium, animam esse ignem, ac calorem quemdam, membra corporis viuificantem, & mouentem. Secunda fuit Archelai magistri Socratis, asserentis, corpora omnia viuientia ex atomis constari, vnde principium illud, quo tales atomi mouentur, animam esse dixit.

Tertia fuit Platonis asserentis animam esse substantiam quamdam perse subsistentem, ac se ipsam mouentem: ac tandem, vt alios omittam Philosophos, quorum de hac re sententias latè commemorat Plutarchus lib. 4. de placitis Philosoph. cap. 2. animam nihil esse præter naturale corporis temperamentum, videtur sensisse Gale. li. 3. de symptomate. Aristoteles verò omnium optimè veritatis scopum attingens, dixit, animam esse formam quamdam, seu actum corporis physici & organici, &c. Sed quia prædicta definitio circa singulas eius particulas plura scitu digna continet, eas sigillatim explicemus oportet. Primò ergo dubitari potest, vtrum anima sit actus, seu forma quædam. Quàm dubitationem breuiter, & facile soluit Arist. cap. 1. huius libri, ostendens, animam esse

actum quemdam, non verò subiectum receptiuum huius actus, quia actus est id, quod est in alio, illique dat esse, sed potius anima est in corpore, quàm corpus in anima: ergo anima est actus quidam, & forma.

Potest etiam id secundo probari ex definitione formæ adducta ab Aristotel. 2. Physicor. *Forma enim est ratio, & quod quid erat esse rei;* sed anima est ratio constitutiuæ animati: ergo est forma, & actus.

Tertiò tandem, quia materia communis est tam rebus animatis, quàm inanimatis; anima verò solum viuentibus conuenit: ergo anima non est materia, sed forma quædam.

Secundò dubitari potest, vtrum anima sit actus primus, & substantialis. In qua re supponenda est diuisio actus, quam Aristotel. capit. primo huius libri adduxit: alius enim est actus primus, alius verò secundus, tamen cum esse primum, & secundum dicatur in comparatione ad aliud: actus primus duplex est; alius enim est primus, secundum quid, scilicet, in comparatione ad alium posteriorem, quæ ratione Aristotel. loco citato, sciētiam appellauit actum primum, quod in comparatione ad contemplationem, quæ est secundus actus, prior est, non est tamen actus simpliciter primus, hic enim est forma substantialis, & appellatur primus, vt vidimus primo de Generatione, disputatione prima, non quidem ordine executionis, quia,

A iij scili-

scilicet, prius actuet materiam quouis alio actu: nam saltem generatio productiua: formæ, cum sit via ad illam, prius natura actuat materiam, quam forma ipsa producta, sed appellatur primus ordine intentionis, seu perfectionis, est enim forma substantialis perfectior quauis alia forma, principaliusque a natura intenta.

Caietanus tamen hoc loco minus bene addit, quod quamuis actus primus, secundum suam entitatem sit perfectior actu secundo, non tamen in ratione formali actus. Cuius fundamentum est, nam ille actus est perfectior in ratione actus, qui magis actuat subiectum, & qui minus relinquit subiectum in potentia: sed talis est actus secundus: nam subiectum habens actum primum, adhuc est in potentia, ut actuatur magis per actum secundum: ergo in ratione actus, perfectior est actus secundus.

Merito tamen hæc sententia Caiet. communiter rejici solet: nam in primis, distinctio illa de actu, considerata secundum suam entitatem, & in ratione actus friuola est, nam cum tota entitas & essentia actus, sit actuare, non quidē actu, ut patet de anima separata, sed potentia, id est esse actuatum, ille actus, qui in ratione actuandi perfectior est, etiam debet esse perfectior in sua intrinseca entitate, nullam enim habet aliam entitatem.

Secundo: nam iuxta sententiam Caiet. actuatio (si est aliquid diuersum ab entitate actus), oritur

tamen ex ipsa entitate: ergo perfectior actus in ratione entitatis, etiam erit perfectior in ratione actuandi.

Tertio etiam falsum est, actum secundum, etiam in ratione actuandi esse perfectiorem primo, nam actuatio formæ substantialis est actuatio substantialis, conferens esse simpliciter: actuatur o vero cuiusvis formæ accidentalis, est solum actuatio accidentalis, quæ solum dat esse secundum quid, ergo etiam in ratione actus perfectior est actus primus, quam secundus.

Neque fundamentum Caiet. aliquid probat, quia quamuis subiectum habens actum primum, sit in potentia ad actum secundum, eo quod actus secundus est noua quædam entitas, diuersa ab actu primo, & posterior illo, tamen, si quemlibet per se consideremus, & non in quantum secundus supponit primum, longe magis, & perfectius actuatur potentiam actus primus, quam secundus.

Et si inquiras, utrum actus primus, qui est forma substantialis, possit separari ab actu secundo, qui est operatio illius formæ, ita ut aliquando possit esse forma sine omni operatione. In primis certum est, animam rationalem, cum liberè operetur, posse cessare ab aliquibus eius operationibus, illis scilicet, quæ subduntur imperio rationis, qualis est actio deambulandi, videndi, &c. Alias tamen operationes habet, minimè dependentes ab imperio rationis, qualiter, licet in libertate hominis positum.

positam sit, non assumere alimentum, tamen semen illo suscepto, nō est in sua potestate, nō nutrirī, medio illo, quia actio caloris naturalis in alimentum prorsus naturalis, & necessaria est.

Dicendum ergo est: ex natura rei, & secluso miraculo, nullā formam substantialem posse cessare ab omni operatione: vnde & Arist. 2. lib. de Celo apertē docet, vnum quodque esse propter suam operationem, vt ibidem exponā, & quidem de formis, quæ sunt animæ, id patet, nam si alimentum adsit, necessariō erit actio caloris in illud, si verō tale alimētum deficiat, adhuc calor naturalis non cessat ab actione, quia continuō agit in partes ipsius viuētis.

Nec placet eorum solutio, qui asserunt, calorem in actione, quæ agit in alimentum, non operari cū actuāli concursu animæ, sed se solo: nam re vera, sicuti anima natura sua ordinatur ad causandā nutritionem, ita etiam ad disponendum ad illam, & ita respectu talis actionis est principium radicale, concurrens cum calore: sicut quia forma ignis natura sua ordinatur ad producendum ignem, etiam concurret cū calore ad calefaciendum: potentie enim quæ sunt instrumenta formæ, sunt id, quo ipsa forma operatur. De alijs verō formis inanimatis, etiam probatur. Vnumquodque enim ad cōseruationem speciei intendit pro lucere sibi simile, & ita eam habet à natura insitam inclina-

tionem, vt continuō in passum proximum agat.

His suppositis dicēdum est, animam esse actum primum, & substantialem. Quam sententiam docuit apertē Aristot. cap. 2. huius lib. dicens, animam esse id, quo primō viuimus, dixerat autem paulo antea viuere, duobus modis integrari, corpore, vt materia, & anima vt actu: ergo si aliās asserit, animam esse id, quo primō viuimus, secundū illum anima actus est.

Et ratione probatur, nam vt 1. lib. Physic. argumentabar, ad probandum diuersitatem formarū substantialium, euidentis indicium esse, quōd experimur in corporibus naturalibus, tantam proprietatum & passionum diuersitatem: hoc enim indicat dari formas substantiales diuersas, cū materia eiusdem rationis sit in omnibus generabilibus, & corruptibilibus: sed similiter in rebus animatis experimur varias, & contrarias proprietates, quæ simili modo non possunt oriri ex diuersitate materiæ, cū eiusdem rationis sit in omnibus: ergo animata habēt formas substantiales diuersas, quas nos animas vocamus. ergo anima est actus primus.

Tertiō dubitari potest in hac questione, vtrū anima sit actus corporis physici, & organici, & quidem meritō Aristot. dixit, animam esse actum corporis Physici, quod est corpus substantiale, ad excludendū corpus mathematicum, scilicet quātitatē, anima enim non actuat quā-

titatem: sed immediatè actuat materiam primam, cum qua vnum per se componit:

Est tamen adhuc dubium, quid intelligat Aristot. per corpus Physicum, quòd est corpus substantiale. Nam in primis Scotus, ponens in materia formam substantialem corporeitatis, illi coruam, asserit animam esse actum corporis, idest, materiam actuatam iam forma corporeitatis, qua ratione efficit cum illa quoddam corpus: hæc tamen sententia falsum supponit principium vt latè ostendimus 1. Physi.

Quare secundò, alij asserunt, ibi nomine corporis intelligi materiam primam, nõ quomodocumque, sed actuatam, anima conferente gradum superiorè corporis: cum enim anima conferat plures gradus, scilicet, esse corporis, viuētis, &c. in quantum tribuit gradum vniuersalem corporis, non appellatur anima, vt sic enim conuenit, cum alijs formis non viuētium, & ita anima, secundum gradum vltimum animæ, est, inquit, actus corporis, idest, actus materiam primam actuatam iam tali anima, considerata secundum gradum vniuersalem formæ corporeæ: sic tenet Caiet. hoc loco.

Sed neque hæc expositio placet. Ratio est, quia forma Physica debet realiter distinguì ab eo, quod informat, alias solum esset forma Metaphysica ratione tantum diuersa, qualis est differētia respectu generis: sed distinctio illa graduum factis Metaphysica est, & per ratio-

nem: ergo forma, secundum gradum interiorē, non potest esse actus physicus, re ipsa diuersus à corpore, prout dicit gradum metaphysicum superiore.

Tertiò, alij asserunt corpus in prædicta definitione sumi pro corpore animato, quòd integratur ex anima, & corpore, ita vt sit sensus prædictæ definitionis: anima est actus corporis animati, & definiatur anima, per suum effectum formalem, ac si quis diceret, albedo est actus albi. Sic docuit Auerroes hoc loco, & Tolet. eandemque expositionem sequitur D. Thom. 1. part. quæst. 76. art. 4. ad 1. & videtur probari ex eodem Aristot. text. 10. ubi explicans, cuius corporis anima sit actus, ait: *non est autem, quod abijcit animam, sed quod habet.*

Sed neque hæc expositio placet, nam si anima est actus corporis animati, prout inuoluit animam, & per illud, vt sic definitur: ergo loco illius licebit ponere in tali definitione eius definitionem, iuxta regulam Aristote. 1. Topicorum, capit. 3. cum autem animatum definiatur, quod sit illud, quod habet animam, iam liceret dicere, animam esse actum eius, quod habet animam, & ita definiretur per se ipsam, & non per aliquid notius.

Neque valet dicere, prædicta verba debere intelligi in his, quæ definiuntur per intrinseca, non verò per extrinseca, qualiter vnū relatiuum definitur per aliud, quòd

extrinsecum est illi: & similiter anima per animatum, quod aliquid ab illa diuersum est, saltem sicut totum à parte. Hoc, inquam, non valet, nam Aristotel. loco allegato apertè etiam loquitur de his, quæ definiuntur, per aliquid extrinsecum. Dicit enim; malam esse definitionem Solis, si dicamus esse stellam in die apparentem, quia, inquit, loco diei licebit ponere eius definitionem, scilicet, latio Solis super terram: vnde erit sensus: Sol est Stella apparet in latatione Solis super terram, atque adeò idem definiretur per se ipsum: constat autè, prædictam definitionem Solis dari, per extrinsecum, scilicet per diem, & etiam definitionem diei per terram: ergo adhuc Aristot. loquitur de his, quæ definiuntur per extrinseca.

Secundò, quia semper definitio, & definitum sunt idem, & semper definitio clariùs explicat naturam definiti, quàm eius nomen: ergo semper loco nominis definiens, licet ponere eius definitionem, & ita nos capite de specie talem regulam vniuersaliter esse intelligendam docuimus.

Ex quo infertur, quod definitiones illæ: albedo est actus albi, aut, lux est actus lucidi, si sumatur album, vel lucidum, prout intrinsecè includit albedinem, vel lucem, vitiòse sint, quia loco illorum ponere illorum definitionem licet; & cum lucidum sit corpus habens lucem, iam diceretur, lucem esse actum corporis habentis lucem: si

tamen sensus sit, lucem esse actum illius corporis, quod lucidum est, non tamen includendo intrinsecè in lucido lucem ipsam, vera est definitio illa. vnde quando Arist. loco citato explicans, cuius corporis anima sit actus, dicit illum non abijcere animam, non intendit animam esse actum illius, prout includit illam, sed dicit re vera, & in re ipsa non excludere animam, non tamen quod anima sit actus illius, prout illam inuoluit, & fortasse S. Th. n. loco citato, nihil aliud intendit.

His ergo suppositionibus relictis, dicendum nobis est, illam particulam, *corporis*, positam in prædicta definitione, significare materiam primam, quæ disponitur ad recipiendam formam viuientis, quamuis enim materia prima completè non dicatur corpus, sicut neque etiam est substantia completa, est tamen incompletè corpus, quia est substantia corporea incompletè; & hanc fuisse mentem Aristot. ex eo constat, nam dum probat, animam non esse corpus, inquit, animam esse in corpore; corpus verò se habere vt subiectum, & materiam: ergo apertè loquitur de materia prima. Tum etiam, quia corpus, prout dicit animatum conflatum ex corpore, & anima, non est subiectum animæ, sed totum quoddam ex illa compositum.

Sed obijcies; nam Aristot. dicit, animam esse actum corporis physici, & organici, sed materia solum est organica, prout includit animam,

ex se enim non habet organa, cum omnes eius partes sint eiusdem rationis: ergo prædicta expositio non est iuxta mentem Arist. Respondetur, illam particulam, organici, non significare organizationem substantialem, in qua includitur anima, sed significare organizationem accidentalem, quæ dicit diuersas dispositiones præuias in diuersis partibus quantitatis, aut materiæ, non quidem, quod anima sit actus talium dispositionum, anima enim non recipitur subiectiue in dispositionibus, sed in materia taliter disposita. Et si obijcias, nam physicum includitur in organico, perperam ergo Arist. dicit, animam esse actum corporis physici, & organici. Ad hoc argumentum communis solutio esse solet, quod quamuis physicum specificatiue sumptum includatur in organico, etiâ specificatiue sumptum: tamen organicum reduplicatiue sumptum pro vltima differentia, qua in esse talis constituitur, non includit physicum reduplicatiue sumptum pro vltima sua differentia, quia differentiarum inferiores non claudunt formaliter superiores: dicunt ergo, physicum, & organicum in prædicta definitione non sumi specificatiue, sed reduplicatiue, & ita neutrum superflue poni, quia neutrum in alio includitur. Hæc tamen solutio plus subtilitatis, quam veritatis habet, anima enim non solum est actus corporis physici, & organici reduplicatiue sumpti, sed etiam specificatiue, sicut anima ra-

tionalis, non solum est actus hominis reduplicatiue, vt rationalis est, sed etiam specificatiue, vt homo est: ergo si anima dumtaxat definitur per physicum, & organicum reduplicatiue sumptum, non finiretur, per suum effectum, quasi adæquatum, atq; adeo minus bene finiretur.

Quare facilius potest responderi ex dictis, ibi organici, non sumi prout dicit organizationem substantialem, sed accidentalem dumtaxat, & ita non includit physicum substantiale.

Et si adhuc instes: nam saltē corpus includitur in physico substantiali. Respondetur, ita esse, tamen quia nomen physicum, tam potest conuenire accidentibus physicis, quam substantiæ corporeæ physicæ, cuius anima est actus, ideo ad explicandum, cuius entitatis physica anima esset actus, superaddere oportuit illam particulam, corporis.

Quartò, dubitari potest circa illam particulam, *potentia vitam habentis*, quid significet, vita enim, aut viuere, duobus modis vsurpari potest, scilicet, & pro esse substantiali viuientis, & pro operatione vitali: vnde plures accipiunt, illam particulam, *vitam*, pro esse substantiali vitali, quod tamen est contra mentem Aristot. dicentis: Vitam autem dicimus, nutritionem, accretionem, & decretionem: ergo aperte loquitur de operatione vitali, quasi dicat, animam esse actum eius corporis,

ris, quod est in potentia ad habendas operationes vitales. Ex quo rursus colligitur, quod, ut optimè docuit S. Thom. Philoponus, & Tolet. hoc loco super text. 7: particula illa, *Potentia vitam habentis*, non pertinet ad necessitatem definitionis, sed dumtaxat ad maiorem illius claritatem. Ratio est, quia cum organizatio natura sua sit propter operationes vitales exercendas, sufficienter hoc indicatum erat in particula, *organici*: ponitur tamen ad maiorem explicationem.

Ex dictis ergo colligitur, prædictam animæ definitionem uniuersè conuenire omni animæ informanti, omnibus enim a quæ, & principaliter conuenit, quod sint actus corporis, &c. Anima verò assistens, qualem quidam existimant esse intelligentiam respectu cæli, nulla ratione comprehenditur in hac definitione, neque est anima, quia eius corpus, nempe cælum, non est corpus organicum, qualibet enim pars cæli est cælum. Vtrū autem cælum, saltem in diuersis eius partibus, habeat qualitates diuersæ rationis, dicitur in libro de Cælo.

Infert secundo, hanc definitionem legitimam esse, in ea enim illa particula, actus, ponitur loco generis; reliquæ verò particule loco differentię, ad distinguendam animam à reliquis formis, per ordinem ad corpus organizatum, potentia vitam habens.

Ultimò tandem restat dubium

in hac quæstione, vtrum hæc definitio sit essentialis, vel potius descriptiua. Avice. enim lib. 2. naturalium quæstionum, quem plures sequuntur, existimat prædictam definitionem descriptiuam esse, & fundamentum esse potest ex dictis: datur enim per operationes vitales, quæ potius sunt accidentia, quam ad essentiam animæ pertineant.

Alij verò ex eo existimant, descriptiuam esse, quia datur per ordinem ad corpus, existimant autem; nullam relationem, etiam secundum dici, posse esse de essentia absoluti: hoc tamen fundamentum falsum est, ut latius diximus capite de relatione. Quare dicendum nobis est, cum fere communi omnium sententia, hanc animæ definitionem quidditativam esse. Ratio est, quia datur per verum genus, & veram differentiam essentialem animæ: ordo enim secundum dici ad materiam generale est, & essentialis omnibus formis: ordo verò talis, scilicet ad materiam organizatam, est vera differentia animæ, qua ab alijs formis distinguitur, & ita hæc definitio essentialis est. Neque fundamentum contrariæ sententiæ aliquid conuincit. Vidimus enim, qualiter particula illa, *Potentia vitam habentis*, non sit de necessitate definitionis, sed dumtaxat addita sit ad maiorem explicationem.

(1)

Quest. 11. Vtrum secunda definitio animæ legitima sit, & quâ ratione per illam demonstretur prima definitio?

Secunda definitio animæ adducta ab Aristot. cap. 2. huius libr. est, quod *Anima sit. quo primò viuimus, sentimus, loco mouemur, & intelligimus*. Circa quam tria videnda sunt. Primò, an sit legitima. Secundò, an sit quiddæ tatiua, vel potius descriptiua. Tertiò tandem, quâ ratione per illam demonstretur prima definitio.

Circa primum fuit sententia Simplicij, hoc loco asserentis, hanc definitionem non conuenire omni animæ, sed dumtaxat animæ rationali. Cuius fundamentum est, quia de sola illa verificatur, quod sit id, quo primò viuimus, sentimus, loco mouemur, & intelligimus, non uerò de anima sensitua, aut vegetatiua, quia nulla istarum est, sicut id, quo intelligimus.

Secunda uerò sententia fuit Aegidij asserentis, in prædictis uerbis non contineri unicam tantum definitionem, sed triplicem, ita ut anima vegetatiua definatur illis uerbis, id quo primò viuimus: sensitua uerò illis, quo sentimus, & loco mouemur, & tandem intellectiua, illis uerbis, quo intelligimus.

Tertia uerò & communis sententia à nobis tenenda est, prædictam animæ definitionem unicam tantum esse, conuenireque animæ in com-

muni, prout comprehendit omnem animam, quod imprimis colligitur ex Aristot. initio capitis secundi, ubi dicit, se intendere tradere aliam animæ definitionem, quâ priorem demonstrat: ergo eadem animam, quâ priori definitione definierat, etiam definit postea, sed prior definitio ex omnium consensu unica dumtaxat est, conuenitque animæ in communi: ergo etiam secunda.

Præterea quia quando Aristot. dicit animam esse, quo primò viuimus, sentimus, loco mouemur, & intelligimus, illa particula, *Et*, non debet sumi copulatiuè, quâ ratione solum conuenit animæ rationali, sed disiunctiuè, prout idem est, quod, vel, ita ut sit sensus, anima est id, quo primò viuimus, vel sentimus, vel loco mouemur, vel intelligimus, & ita conuenit omni animæ, ad modum, quo in definitione naturæ, quando dixit Aristot. naturam esse principium motus, & quietis, communis plurium expositio est, particulam, *Et*, non sumi copulatiuè, sed disiunctiuè. Vel secundo dici potest, ut alijs placet, etiam posse sumi illam particulam copulatiuè, ita ut anima in communi copulatiuè habeat omnia illa, sed non prout contracta in qualibet anima, sed in pluribus, sicut dicimus, albedinem participari à pluribus hominibus, non quidem, quia eadem numero albedo sit in pluribus hominibus, sed quia ratio albedinis in pluribus albedinibus contracta reperitur.

Et

Et si obijcias contra prædictam definitionem: Nam omne quod sentit, vivit; ergo sufficeret dicere, animam esse, quo primò sentimus, absque eo quod adderetur illa particula, quo primò vivimus. Similiter omne, quod à se loco movetur, sentit; ergo sufficeret dicere, quo loco movemur, ut perinde intelligatur, etiam esse quod sentimus, & vivimus.

Respondetur tamen, nullam ex prædictis particulis frustra poni, nam Aristot. intendit hac definitione explicare varias, & diuersas operationes animæ, & ita per illam particulam, *vivimus*, (ut notauit hoc loco Caietan.) non intelligit, quodlibet opus vitæ, sed operationes animæ vegetatiuæ, nam capit. 1. huius libri, explicans particulam illam, *Potentia vitam habentis*, dicit: Vitam autem dicimus nutritionem, & accretionem, & ita diuersa sunt hoc modo, vivere, & sentire, quamuis vnum supponat aliud. Similiter particula illa, *Loco mouemur*, precipuè sumitur pro loco motiuo motu progressiuo, & hac ratione non omnia, quæ sentiunt, moventur; conchilia enim, quæ sunt animalia quædam affixa petris, sentiunt, non tamen moventur localiter hoc modo, nisi secundum partes, quibus augentur: ad explicandas ergo omnes operationes animæ meritò positæ sunt omnes illa particule in tali definitione.

Circa secundum, quod in qui-

rebat quæstio, scilicet, vtrum hæc definitio sit quidditatiua, seu descriptiua, placet serè communis sententia, assentientium, descriptiuam esse. Ratio est, quia anima, ex se, & seclusis potentijs, non est sufficiens principium ad exercendas operationes vitales, sed solum radicale, & ita simul cum potentia constituit principium quoddam sufficiens ad operandum. Quemadmodum homo, prout habens risibilitatem, est principium sufficiens actus ridendi: ergo definitio, quæ explicat animam esse principium viuendi, sentiendi, &c. explicat naturam animæ descriptiuè per eius potentias, à quibus habet, quod sit principium sufficiens ad operandum, sicut quando definitur homo, quod sit animal aptum ad ridendum.

Secundo probatur ab inconuenienti, quia eiusdem essentia non possunt dari duæ definitiones essentialia, eò quod res tantum habet vnicam essentiam, sed prior definitio animæ, ut vidimus, quidditatiua est: ergo hæc secunda debet esse descriptiua. Patet consequentia, quia vtraque definitio explicat naturam animæ, ut anima est, licet diuersimodè, nam vna definitio id explicat quidditatiuè, alia verò descriptiuè.

Addo tamen, ut bene notant Fonseca. 3. Met. cap. 3. bene posse eandem essentiam definiri duplici definitione essentiali, altera Physica, altera verò Methaphysica, ut si definias hominem, quod sit corpus

con-

constans corpore, & anima rationali: & rursus, quòd sit animal rationale, utraque definitio quidditatiua est, tamen prior est Physica, posterior verò Metaphysica, non tamen potest eadem res quidditatiue definiri duplici definitione Physica, aut duplici Metaphysica, & ita Physicus non potest definire animam duplici definitione essentiali.

Sed obijcies: Animæ essentialis est, quòd sit id, quo primò viuimus, &c. ergo hæc definitio explicat quidditatem animæ: ergo est quidditatiua. Respondetur, quòd quamuis in anima vnica, & eadem entitas sit ratio formæ, & ratio principij operationum vitalium animalis, tamen prius concipitur ratio informadi, quàm ratio principij operandi, & ita saltem in nostro modo intelligendi, non explicat hæc definitio essentialiam, qua primò constituitur anima, licet in re vtrumque sit idem.

Circa vltimum, quod inquirebat questio, scilicet, vtrum hæc posterior definitio animæ demonstrat primam, Sanctus Thomas, quem plures hoc loco sequuntur, asserit priorem definitionem demonstrari, per hanc à posteriori, quia hæc posterior animæ definitio datur per operationes, quæ sunt posteriores anima, utpote quæ sunt effectus illius. tamen re vera non est ad mentem Aristot. ipse enim in principio capitis secundi aperte dicit, se velle tradere aliam animæ definitionem, quæ causam contineat, sed

demonstratio, per causam est à priori: ergo re vera intendit demonstrare à priori primam definitionem.

Quare magis placet sententia Themistij, Philoponi, & Tol. hoc loco asserentium, hanc definitionem demonstrare priorem, à priori in genere causæ finalis, sunt enim operationes, finis animæ, & ita demonstratio, quæ datur per esse, principium operandi est à priori, saltem in genere causæ finalis: qua autem ratione Aristot. conficiat demonstrationem, explicauimus iam in fine literæ capitis secundi: debet enim confici hac ratione. Id, quo primò viuimus, sentimus, loco mouemur, & intelligimus, est actus corporis physici, & organici, potentia vitam habentis, sed anima est id, quo primò viuimus, sentimus, loco mouemur, & intelligimus: ergo anima est actus corporis physici, &c.

Sed obijcies primò: nam Aristot. hoc lib. capit. 3. dicit, animam esse causam finalem potentiarum. ergo etiam est causa finalis operationis illarum: ergo impossibile est, quòd operationes ipsæ sint causa finalis animæ, aliàs idem, & in eodem genere esset causa & effectus, & ita prius, & posterius.

Secundò, nam finis præstantior est his, quæ sunt ad finem, sed operationes longè imperfectiores sunt animæ: ergo non sunt causa finalis illius.

Ad primum respondet optimè Niphus hoc loco, finem esse duplicem

eem, alius est finis quo, scilicet quo finis consequitur ad modum, quo Theologi dicunt visionem beatificam esse finem, quo, hominis, idest, quo constituitur beatus, dum per illam consequitur finem suum ultimum, alius verò est finis cui, & est res illa, cui finis aliquis desideratur: quauis ergo anima sit finis cui, respectu suarum operationum, quia anima est illi, cui dicitur sunt operationes, vt melius se habeat, ac magis perficiatur: operationes tamè sunt finis, quo ipsa anima perficitur, & ita quodammodo habent rationem causæ finalis respectu illius, saltem tamquàm finis minus principalis: anima enim ordinatur ad operandum medijs potentijs, & in quantum hæc demonstratio quodammodo procedit à causâ finali, dici potest à priori.

Ad secundum respondetur, eum finem esse præstantiorem, quam ea, quæ ad ipsam ordinantur, qui est absolutè, & simpliciter finis: operationes autem non sunt finis absolutè, & simpliciter ultimus, cum rursus ordinetur ad ipsam animam, tamquam ad finem, nempe vt illa melius se habeat, sed solum habent rationem finis, quo, & ita hæc tantum ratione est hæc demonstratio à priori.

*Quest. II. Vtrum in eodem viuente se-
periantur plures animæ?*

IN hac re inprimis vitandus est eorum error, qui asseruerunt, in

omnibus viuentibus vnica dumtaxat animam numero reperiri, simul omnia illa viuificantem, quem refert Albertus in summa de homine; asseriebant enim, quòd quemadmodum eadem numero anima rationalis varias & diuersas informationes tribuit diuersis organjs nostri corporis, pro eorum diuersitate, ita vnica, & eadem numero anima informat omnia viuentia, diuersimodè tamèn pro varia eorum diuersitate. Qui tamè error apertè pugnat cum principijs nostræ fidei, quæ credimus, in pluribus hominibus plures dari animas rationales, ex quibus quædam beatæ futuræ sunt, aliz verò damnandæ, & ita error iste damnatus est in Cõcilio Vienne si sub Martino V. & in Lateranensi sessione octaua.

Et ratione impugnari potest. Primò quidem argumento simili, quo Augustinus argumentatur cõtra Auer. ponentem intellectum vnum numero esse omnibus hominibus, quia impossibile est in eodem intellectu, aut in eadem anima esse simul scientiam, & errorem de eadem propositione, sed sæpe contingit in vno homine esse errorem de propositione aliqua, in alio verò scientiam de eadem: ergo non est in omnibus idem intellectus, aut eadem anima.

Secundò, quia omnia essent vnù substantiahter, quia ab vnica, & eadem anima omnia habent esse.

Quare maior est difficultas, an in eodem viuente sint plures animæ. In
B qua

quare, omisso Manicheorum errore, qui in homine duas animas esse asseruerunt, alteram bonam, quam à Deo bono conditam esse asseruerunt, alteram verò malam à malo Deo procedentem: contra quem latè dislerit August. de vera, & falsa religione capit. 1. & libr. de duabus animabus, & plures alij Theologi. Inter nostros Philosophos Plato in viuenti plures animas posuit, vt refert Auicenn. 6. libr. naturalium quæstionum parte. 5. & Sanctus Thom. 2. contra Gent. capit. 58. & sæpe alibi, asseruit enim hominem tres animas habere, non solam naturam, sed loco dissidentes: alteram immortalem in cerebro, veluti in arcè constitutam, ne reliquarum consortio, & fatuitate pollueretur: alteram, quam irascibilem appellabat, quam asserbat in corde residere: tandem aliam concupiscibilem, quam in ea corporis parte residere asserbat, quam Medici siptum transfuersum vocant. Quæ sententia in eo videtur posse fundari: quia contraria non possunt ab eodem principio provenire, sed in vno, & eodem viuenti experimur contrarias operationes: ergo non possunt ab eadem anima provenire.

Secundò, quia vt docuit Arist. 2. de Generatione animalium cap. 3. homo prius viuit vita plantæ; postea vita animalis, & tandem vita hominis: ergo habet tres illas animas.

Tertio, quòd saltem diuersis partibus organicis eiusdem corporis

debeant concedi animæ diuersæ rationis, probatur: quia non aliunde colligimus animam equi, & animam plantæ esse diuersæ rationis, nisi quia præstât informationes diuersæ rationis, postulantes diuersas dispositiones; sed similiter partes organicæ eiusdem corporis diuersam longè recipiunt informationem, vt caput, & brachium, & ita contrarias postulant dispositiones: ergo non possunt omnes informari ab anima eiusdem rationis, atque adeò, in eodem viuenti concedendæ sunt plures animæ.

In hac re dico primò. In quolibet viuenti non sunt plures animæ, sed vnica dumtaxat. Quam sententiam tenent hoc loco communiter interpretes Arist. vt iam hoc tempore indubitata, & certa habeatur, eaque tenet Arist. 1. lib. de Anima ca. 4. vbi dicit, gaudere, ratiocinari, & moueri ab eadem anima provenire, & secundo lib. de Anima tex. 31. docet, quòd sicut triangulus est in quadrangulo, ita vegetatiuum est in sensitiuo: ergo sicut quadrangulus vnica dumtaxat figura est, ita ab eadem anima, à qua provenit sensitiuum, provenit etiam vegetatiuum.

Et quidem, vt rationibus vtar, præter principia illa generalia, quibus 1. lib. Physic. disputa. 6. ostendimus, plures formas substantiales esse ex natura rei incompatibiles in eadem materia, possumus etiam ex proprijs argumentari, quia si v. g. in homine operationes animæ intellectiue procederent à diuersa

anima,

anima, ab illa, à qua procedūt operationes animæ sensitivæ, non esset cur homo nimis quibuldā occupationibus intētus ab alijs distraheretur, quod tamen ita esse exporitur. Patet consequentia, quia haberet animas diuersas, quarum quælibet suarum operationum est principium: vnde non esset, cur operationes vnus impidirentur ab operationibus alterius.

Secundò, quia quælibet anima ex illis apta esset tribuere effectum formalem sibi proprium: ergo iam per animam rationalem esset in specie hominis, per sensitivam in specie bruti, & tandem per vegetatiuam in specie plantæ, quod est absurdum.

Dico secundò: partes organicas eiusdem corporis, quantumvis sint diuersæ rationis, informari ab vna, & eadem anima. Hanc conclusionem docuit in primis Arist. cap. 1. huius libri, dicens, animam esse actum corporis phisici, & organici: ergo vna, & eadem anima informat organa diuersæ rationis.

Et ratione probatur, quia vel partes organicas habent diuersas animas totales, vel partiales diuersæ rationis. non totales, ostendimus enim, non dari in eodem composito plures animas totales: neque etiam partiales diuersæ rationis, quia vel illæ animæ partiales diuersæ rationis specificæ constituerent vnica totalem animam, tamquam actus, & potentia, ad mo-

dum, quo materia, & forma, quæ differunt specie partiali; constituunt totum compositum: & hoc non, quia vnā pars animæ non est subiectum alterius, sed potius quælibet est actus materiæ primæ: vel constituerent vnica totalem animam per continuationem: & hoc etiam non, quia ea, quæ specie differunt, non possunt continui inter se: ergo impossibile est partes organicas informari à partibus animæ diuersæ speciei.

Sed statim oritur dubitatio, qualiter organa sint diuersæ rationis, si verum est ab vnica, & eadem anima secundum speciem informari. In qua re communis Thomistarum sententia est: organa viuientis, nullam prorsus diuersitatem substantialem habere, nisi solum accidentalem, eò quod habent diuersa accidentia: qualiter ex eo præcisè asserunt os differre à carne, quia habet duritiem, frigiditatem, & siccitatem, è contra verò caro. Sic tenet Bañez i. de Generat. cap. 4. q. 8. art. 4. Sotus 5. Phys. q. 4. ad 8. Soncin. 8. Meta. q. 10. Capreol. in 2. d. 15. q. 1. ad 6.

Dicendum tamen est, partes organicas habere aliquam diuersitatem substantialem, ita quod quævis partes animæ, quæ correspondent talibus organis, habeant eandem essentiam & perfectionem specificam, tamen in perfectione individuali sint diuersæ rationis, vt in simili dicebam de gradibus qualitatibus.

l. tatis, i. lib. de Generat. cap. 4. ita vt etiam anima quodammodo in suis partibus sit heterogenea. Quod ita esse dicendum, probatur, nam existentia diuersarum dispositionum, & qualitatum, reuera debet oriri ex diuersitate aliqua substantiali partium: quæ enim causa reddi potest, quare tales dispositiones petat, quas alie partes non exposcunt, nisi in suo esse substantiali aliquid peculiare haberent, quod non habent alie partes; sed illa diuersitas substantialis non potest attendi ex parte materiæ, materia enim est eiusdem rationis, adhuc in compositis diuersæ speciei: neque etiam potest attendi ex diuersitate specifica partium formæ, vt ostensum est: restat ergo, quod attendatur ex diuersitate in perfectione indiuiduali partium ipsius formæ.

Addo, in formis indiuisibilibus, qualis est anima rationalis, aut si quæ est alia, de quo postea, cum partes non habeat, id referendum esse ad partes diuersæ rationis, quæ sunt in modo informationis, saltem enim modus informationis, qui, vt 2. Physicorum vidimus, est modus substantialis, diuisibilis in partes, quas informatio ab anima procedens diuersæ rationis habet, eo quod est actus corporis organici.

Et si obijcias, quare sicut informationes partiales diuersæ rationis intelliguntur procedere ab eadem indiuisibili anima rationali, ita etiam non possit intelligi accidentia diuersæ rationis ab eadem ani-

ma procedere, absque eo quod opus sit præcedere illam in se habere partes diuersæ rationis? Respondetur, non quidquid animæ rationali propter suam perfectionem tribuitur, tribuendum esse alijs formis diuisibilibus: nam, vt habet commune axioma: *Qua in inferioribus sunt dispersa, in superioribus sunt unita*, & ita informationes diuersæ rationis, quæ in animabus diuisibilibus quali dispersæ oriuntur à pluribus earum partibus, nihil mirum, quod in formis indiuisibilibus, quæ longè perfectiores sunt, ab eadem indiuisibili entitate oriuntur.

Ad argumenta superius adducta respondetur. Ad primum, falsum esse, operationes contrarias non posse ab eadem re oriri; voluntas enim modò rem aliquam amat, postea verò eandem odio prosequitur; viuentia etiam contrarijs motibus in contrarias partes pro sua sponte mouentur.

Ad illum locum Arist. quod scilicet homo prius viuit vita plantæ, deinde vita animalis, ac tandem, vita hominis, variè sunt interpretum expositiones: Nā Albertus in summa de homine, & Philippo. super illum locum aliter, reuera in materia seminis non introduci formam aliquam animalis, aut plantæ, antequam adueniat anima rationalis, sed immutare in femine disposito afferunt introduci animam rationalem; dicunt tamen, illam in tali composito prius præstare opera vitæ vegetatiuæ, in quibus cōuenit cum plantis, deinde

deinde opera vitæ sensitivæ, in quibus conuenit cum brutis, ac tandem postquam ad perfectiorem statum peruenit, præstare opera propria hominis: vnde notant verba Aristot. qui non dixit, prius esse plantam, deinde animal, &c. sed hominem prius viuere vita plantæ, deinde vita animalis, ac tandem vita hominis.

Vel secundò respondetur, cum communi Medicorum sententia i. materia seminis, non introduci immediate animam rationalem, sed post formam seminis introductam in materia illa, quamdam animam vegetatiuam, deinde aliam sensitivam, quousque tandem adueniat anima rationalis. Quam sententiam præter Medicos sequitur D. Thom. 1. partu quæst. 118. art. 2. ad 2. & quæstio. 66. artic. 3. ad 3. non est tamen intelligendum, priores formas adhuc remanere, adueniente anima rationali, quin potius, per aduentum vniuersalis præexistens expellitur. Vtrum autem, quando materia seminis habet formam vegetatiuam, re vera sit planta, & quando habet animam sensitivam, re vera sit brutum. Respondetur absolute, id non esse concedendum, quia planta, aut brutum ex communi vsu vocabuli significant species quasdam substantiales, ex natura rei independentes ab anima rationali, neque ordinatas ad illius introductionem: illæ autem animæ, quas embrio recipit, antequam informetur anima rationali, ex natura rei ordinantur, tam-

quam via quadam ad generandum hominem, & ita non appellantur planta, aut brutum, tamen re vera, prior anima est vegetatiua, secunda verò sensitiva, quousque tandem adueniat anima rationalis.

Ad vltimum verò argumentum respondetur bene à Toletto, quæst. 7. huius lib. supposita suppositorum distinctione, operationes diuersæ rationis ab illis prouenientes optimè indicare diuersitatem animarum, non tamen in eodem supposito, quia ab anima perfectiori, etiam oriri possunt operationes animæ imperfectioris, & ita ab anima rationali, non solum oriuntur operationes rationis, sed etiam sentiendi, & vegetandi, ita vt singulæ respectu illius, propter suam perfectionem sint inadæquate.

Quæst. IIII. Vtrum omnes animæ sint diuisibiles.

IN hac re, vt à notioribus incipiamus, certum debet esse, animam rationalem indiuisibilem esse, ita quod non componatur ex pluribus partibus formæ. In quo turpiter errarunt plures ex Stoicis, vt refert Gregor. Nyssen. 2. de Animæ cap. 2. nec mirum sanè, cum asseruerint, animam rationalem mortalem, corpoream esse, sicut omnes aliæ formæ. Et in primis ex his, quæ fide credimus, aperte probatur, animam rationalem indiuisibilem esse, credimus enim illam spiritualem esse ex illo Lucæ 23. In manus tuas Do-

B iiij mine,

mine, commendo spiritum meum:
 & ad Galatas 5. *Caro concupiscit ad-*
uersus spiritum: cuius rei plurima
 extant Scripturæ testimonia; con-
 stat autem spiritualia indiuisibilia
 esse, ob suam enim perfectionem
 carent partium integralium com-
 positione. Ea ratione etiam pro-
 bat, supposita immortalitate a-
 nimæ rationalis, quam infra osten-
 demus, quia quando abscinditur
 manus ab homine, si ibi erat sua
 anima partialis, non potest talis
 anima corrumpi, (supponimus
 enim, esse immortalem) si autem
 non corrumpitur pars illa animæ,
 vel manet in manu, & hoc non;
 tum quia requirit ob suam perfe-
 ctionem varium organorum ap-
 paratum, atque adeo in sola manu
 abscissa conseruari non poterit:
 tum etiam, quia iam ibi esset alius
 homo, quia ibi esset compositum
 ex corpore, & anima, quod ta-
 men est absurdum, si tamen pars
 animæ, quæ erat in manu, manet in
 alijs partibus restantibus hominis:
 tunc, vel illa pars animæ infor-
 mat partem aliquam materiæ,
 quam etiam informat anima, quæ
 restat in ipso homine: vel nul-
 lam partem informat. Si dicas,
 nullam partem informare, est ab-
 surdum, impossibile enim est, vt
 vidimus 1. libro Physicorum, na-
 turaliter dari formam diuisibilem
 sine materia, ad quam actuandam
 ex natura rei ordinatur. Si autem
 dicas, informare partem aliquam
 materiæ informatam ab alia par-

te animæ restantis: ergo dantur
 per naturam duæ formæ partiales
 in eadem parte materiæ, quod non
 minus repugnat per naturam, quam
 dari duas formas totales in eadem
 materia totali, quia ex natura rei
 sunt incompatibiles: dicendum er-
 go est, animam rationalem esse in-
 diuisibilem, ita vt sit tota in to-
 to corpore, & tota in qualibet
 eius parte.

Addo tamen, quod quamuis ani-
 ma rationalis indiuisibilis sit, mo-
 dus tamen informationis, qua cor-
 pus informat, diuisibilis est, ita vt
 diuersis partibus materiæ diuersæ
 partes informationis correspon-
 deant. Ratio est, quia quando ali-
 qua pars abscinditur ab homine,
 pars informationis, quæ erat in illa
 parte, non est, cum tamen partes
 informationis, quæ sunt in alijs par-
 tibus materiæ nondum diuisis, ad-
 huc remaneant: ergo informatio
 illius partis diuersa erat ab informa-
 tione aliarum. Neque enim dici
 potest, informationem illam par-
 talem ad alteram partem materiæ
 fuisse transactam, quia cum mo-
 dus, qualis est illa informatio per
 suam essentiam pedit a subiecto,
 quod modificat, non potest migra-
 re de subiecto in subiectum.

Possunt tamen duo obijci cōtra
 hanc sententiam. Primò, quia expe-
 rientia compertum est, caput homi-
 nis abscissum per saltus moueri a se
 ipso: ergo habet animam non aliā,
 nisi rationalem, quam antea habebat:
 ergo talis anima diuisibilis est.

Secundò

Secundò, quia saltem per naturam repugnat, idem corpus totaliter esse in diuersis locis: ergo similiter repugnabit, eandem animam rationalem totam, & indiuisam esse in diuersis partibus corporis loco distantibus. Respondetur tamen ad primum, illud prouenire ex spiritibus vitalibus aliquantulum permanentibus in capite abscisso, ex quorū reuolutione facta ex impetu abscissionis contingere potest ille motus.

Ad secundum respondetur, esse longè diuersam rationem, nam corpus est in loco circumscriptiuè, & diuisibiliter per proportionem ad locum: ita ut totum correspondeat toti loco, & pars parti; anima autè rationalis, quia spiritualis est, habet præsentiam definitiuam, sicut Angelus, & ita est tota in toto, & tota in qualibet parte.

Secundò conueniunt ferè omnes Auctores in hac quæstione, quòd animæ vegetatiuæ plantarum sint diuisibiles; experimur enim, virgàm ab arbore abscissam, si plantetur, germinare, quòd indicium est, partem illam suam partialem formam retinere; quia cum non sit semen arboris, necessarium est germinet, tamquam aliquod actu animatum. Et propter similem rationem tertio conueniunt omnes, animas sensitivas imperfectorum animalium, qualia sunt reptilia, & plures vermiculi, etiam esse diuisibiles; quia huiusmodi animalia diuisa viuunt, & mouentur: vnde August. de

quantitate Animæ, cap. 31. narrat, se vidisse longum vermiculum diuisum, cuius vtraque pars tanta agitataur vel òccidit, ac si esset totū quoddam animal, pinnino ab alio distinctum.

Nec valet, si dicas, ibi per diuisionem produci nouam animam totaliter diuersam à priori in parte illa. Ratio est, quia ad formam viuentis potius consequitur forma cadaueris, quam alia anima similis: ergo in illa parte abscissa, quæ antea erat informatà forma viuentis, non potest consequi de nouo alia anima similis; sed si aliqua forma de nouo produceretur, proculdubio eilet forma cadaueris, sicut ad formam embryonis non consequitur, nisi forma viuentis ex naturali subordinatione harum formarū. Neque enim potest dici, illas partes diuisas moueri ab spiritibus ibi remanentibus, ut in simili diximus de manu abscissa. Ratio est, quia motus causatus ab spiritibus remanentibus paruo tempore durat: neque enim manus abscissa mouetur per multū tempus, quia illa commotio spirituum statim finitur; at verò huiusmodi reptilia diuisa multo tempore durant: ergo signū est, quamlibet ex illis partibus retinere partialem animam, quā ante diuisionem habebant, atque adeò tales animæ diuisibiles sunt.

Solum ergo superest difficultas in hac quæstione. Vtrum animæ sensitivæ animalium perfectorum sint etiam diuisibiles, ut anima equi, &

B iiij leonis?

Soncin. 8. Metaphysic. quæstio. 11.
Iabellus, quæst. 4. Palatius. 2. de ani-
ma, cap. 20. Scot. in 4. dist. 44. quæ-
stio. 1. Iandun. 2. de anima, quæst. 7.
Tolet. quæst. 1. Ratio autem huius
est, quia iuxta hanc sententiam lon-
gè proprius saluatur materialitas
formæ animatorum, ex eo, scilicet,
quòd ita sit immersa materiæ, vt
singulis partibus materiæ corres-
pondeant singulæ partes formæ.

Secundò, quia non alia ratione
omnes Philosophi colligunt, for-
mas accidentales, materiales esse di-
uisibiles ad diuisionem subiecti, nisi
quia ab illo pendent, in suo esse, &
ex eius potentia educuntur, sed si-
militer animæ perfectorum anima-
lium educuntur ex potentia materiæ,
& in suo esse pendent ab illa:
ergo sicut formæ accidentales edu-
cuntur totæ de toto subiecto, &
pars de parte, ita formæ omnes sub-
stantiales materiales, alias etiam
posset quis facillè dicere, aliquas
formas accidentales materiales ef-
fè indiuisibiles, ita vt educantur to-
tæ de qualibet parte subiecti, quod
nullus dicit. Omitto hac in re plu-
res rationes satis efficaces, quæ ad
hanc rem probandam adduci so-
lent.

Ad fundamenta contrariæ sen-
tentia respondetur. Et in primis
S. Thom. (vt Thomistæ pro nostra
sententia allati volunt) non sentit
contrarium, quâdo enim dicit, ani-
mas perfectorum animalium non
posse diuidi, loquitur de diuisibili-
tate per separationem, ita vt in qua-

libet parte diuisa maneat anima, vt
in reptilibus, hoc enim est impossi-
bile, vt patebit ex solutione ad quin-
tum, non tamen loquitur de diuisi-
bilitate in partes intrinsecè diuer-
sas, siue separatè possint conserua-
ri, siue non, & eodem modo loqui-
tur Arist. loco citato.

Ad secundum respondetur, ar-
gumētum illud nihil probare, alias
etiam probaret, animas animalium
imperfectorum esse indiuisibiles,
nam etiam in illis, quando vna pars
sentit obiectum disconueniens, aliæ
partes fugiunt, & mouentur. Qua-
re dicendum est huiusmodi cōsen-
sum partium animæ, p̄ouenire ex
naturalī connexionē, & sympathia
partium organicarum illius, ita vt
dum vna pars percipit obiectum
disconueniens, etiam aliæ fugiant
ex mutua connexionē partium or-
ganicorum animæ. Verum est, par-
tem illam animæ, cui non applica-
tur sensibile aliquod, verbi gratia,
frigus, si applicetur pedi, & non
brachio, nō sentiri ab illa parte ani-
mæ, quæ est in brachio.

Ad tertium re vera, vt argumen-
tum ostendit, non repugnare, per
diuinam potentiam, quòd detur
forma aliqua materialis indiuisibi-
lis, licet tamen coniectari, talem
formam esse per naturam impossi-
bilem, cum nulla alia ratione colligamus, formas omnes accidentales
esse diuisibiles, nisi quia recipiuntur
in subiecto quanto, & extenso, ex
cuius potentia educuntur, & ita
modus ille educationis formæ, ita

B v quòd

quòd tota anima educatur ex quavis parte materiæ, non probatur posse per naturam dari.

Ad quartum, verum esse, alia omnia, homine excepto, augeri, per aduentum nouæ partis formæ, cum noua parte materiæ, si tamen contingat animalia aliqua ex nimia augmentatione imbecilliora reddi, hoc est, quia requirunt debitam commensurationem, & proportionem organorum, vt organa sibi inuicem inferuire possint; & ita minus aptè conseruantur ex nimia augmentatione; quòd non solum in viuentibus perfectis, verum etiã in plantis contingere experimur, cum tamen animæ plantarum diuisibiles sint.

Ad quintum, esse diuersam rationem de animabus animalium perfectorum, & imperfectorum, quauis omnes sint diuisibiles, nam animalia perfecta propter suam perfectionem, non possunt conseruari in qualibet parte, quia requirunt plurimum organorum apparatus, quem tamen animalia minus perfecta non requirunt, & ita in partibus diuisis adhuc conseruantur.

Questio V. Verum anima informes omnes, & singulas partes corporis?

IN hac re tanquam certum apud omnes suppono, quòd tamen anima reperiatur in pluribus partibus corporis, quantum ad suam substantiam, & entitatem animæ, non

tamen quantum ad omnes eius potentias, & operationes, in quo differt ab alijs formis, quæ non sunt actus corporis organici, qualiter forma ignis est in quavis parte illius, non solum secundum suam substantiam, sed etiam secundum omnes suas potentias, & operationes, quia in qualibet parte habet calorem, & siccitatem, quibus operatur, tamen anima cum ad diuersas potentias requirat varia organa, diuersis qualitatibus temperamentis affecta, non habet in qualibet parte omnes suas potentias, sed iuxta diuersitatem organorum, & ita in organo visus habet potentiam visiuam, in auditu audituam, & sic de reliquis.

Solum ergo est dubium, verum anima, saltem quantum ad suam entitatem, & substantiam, sit in quavis parte corporis, licet non sit secundum omnes eius potentias. Secundò supponendum est, falsam esse quorundam sententiam asserentium, animam solum residere in corde secundum suam entitatem, in alijs verò partibus corporis tantum secundum suas virtutes, & potentias, quibus fortasse tribuit fundamentum Arist. lib. illo de communi animalium notione, vbi dicit, quòd sicut Princeps non est in tota ciuitate, quam gubernat, sed in vna duntaxat parte, indeque omnia gubernat: ita anima non est in quavis corporis parte, sed in præcipua, scilicet in corde, in illaque omnes alias partes regit.

Ratio-

Ratione etiã videtur posse probari, quia forma vbiçunque sit, tribuit omnem suum effectum formalem: ergo si anima est in quavis corporis parte, sequitur, quod manus dicatur homo, & sic de reliquis. Similiter manus hominis diceretur intelligere, quia ibi est tota anima rationalis, in qua residet potentia intellectiva.

Hæc, inquam, sententia falsa est: nam si anima tantum residet in vna parte corporis: ergo in alijs partibus debet dari alia forma, & ita vivens, non esset aliquod vnum per se, sed per accidens, integratum ex pluribus compositis, diversis formis constitutis.

Secundò, quia potentia oriuntur ab anima: ergo si anima in vna tantum parte residet, non possent potentia vitales residentes in alijs partibus corporis ab illa effectivè oriri, utpote, quia distaret ab illis partibus. Vnde quando Arist. loco citato dicit, animam solum residere in corde, non loquitur de illa quantum ad suam entitatem, & substantiam, sed secundum virtutem gubernativam reliquorum membrorum, hanc enim virtutem principaliter docet, residere in corde.

Ratio autem contrariæ sententiæ nihil probat, nam quamvis anima cuilibet parti in qua est, tribuat aliquem effectum formalem, qualiter in capite tribuit denominationem capitis, & in ossè denominationem ossis, tamen effectum formalem adæquatim non tribuit, nisi

toti composito, in quo differt ab alijs formis, quæ non sunt actus corporis organici, nam quælibet pars ignis denominatur ignis, non tamen quælibet pars hominis denominatur homo. Ratio est, quia homo præter animam, non dicit, quodcumq; corpus, sed illud, quod est varijs organis ornatum, quæ omnia organa, quia non possunt in eadem parte reperiri, idèò non quælibet pars denominatur homo.

Ad aliud verò, quod dicitur, quod anima in pede intelligeret. Respondetur, aliud esse, quod anima, quæ est in pede, intelligat, aliud verò, quod pes intelligat, aut anima per pedem, & ita verissimum est, animam, quæ est in pede, intelligere, quia est unica, & indivisibilis anima rationalis in quaiibet parte corporis, tamen non intelligit pes, aut anima per pedem, quia operatio intelligendi, non est affixa alicui determinato organo, sicut actus videndi inest oculo, & ita dicimus oculum videre, quin potius, cum intellectus sit potentia spiritualis animæ, nulli organo est affixus; & ita non dicitur pes, aut manus intelligere, solum denominatur homo intelligens, quia est suppositum completum, actiones autem sunt suppositorum: vnde quod communiter dicitur, potentiam intellectivam residere in capite, non idèò intelligendum est, quia caput sit organum potentia intellectiva, sed quia in ea parte resident sensus interni ministrantes species intelle-

ctui

Atui ad intelligendum, de quo latius
3. lib. de Anima.

Tertiò supponendum est, non omnia, quæ reperiuntur in viuentibus, informari anima, nam saltem carnes emortuæ, non informantur anima, eo quòd in illis non experimur operationem aliquam vitalē, neque sentiunt, aut augentur, nisi per iuxta positionem partis similis, qui modus augmentationis, etiam conuenit non viuentibus: similiter de excrementis, vt salua, & alij, conueniunt omnes non viuere, quamuis de capillis mihi non sit improbabilis eorum sententia, qui asserunt, illos viuere, augentur enim, per intusumptionem, per radices, sicut arbores, & ita iam habent operationem aliquam vitalē. Sic tenet Bañez 1. de Generat. cap. 4. quæst. 8. art. 4. & est expressa sententia S. Thom. in 4. d. 44. quæst. 1. art. 2. quæst. truncula 3. ad 3.

Quartò conueniunt omnes, ossa, cartilagines, & similia re vera viuere, & informari anima; quia quamuis anima in illis non exerceat sensationem, saltem est in illis augmentatio, quæ est propria viuentium, augentur enim per intusumptionem, & ita re vera informantur, quia, vt dictum est, cum anima sit forma corporis organici, nõ debet in qualibet parte suas omnes operationes exercere, sed pro diuersitate organorum, & ita vngues, non minus quàm ossa, & cartilagines informantur anima. Experimur enim eas augeri per intussum-

ptionē. Neque oportet distinguere de partibus illis, quæ supereminet supra digitos, & de alijs inferioribus, vt quidam sine fundamēto volūt: eadem enim est ratio de omnibus. Tandem de dentibus communis sententia est informari anima, sunt enim ossa quædam ad masticationem efficiendam, à natura ordinata.

Solum ergo est dubium: apud Auctores de quatuor humoribus, qualis est sanguis, aut pituita, an scilicet viuant, quæ difficultas præcipuè controuertitur ab Auctoribus de sanguine, & idem re vera est de alijs humoribus, nam ex communi Medicorum sententia, contingere potest, quòd viuens ex alijs humoribus nutriatur, verbi gratia, ex pituita, ex defectu sanguinis, licet nõ ita facilē, & bene, sicut ex sanguine. Et quidem prima sententia est afferentium, sanguinem re vera informari anima, distinguit enim hæc sententia duplicem sanguinem; alterum, quem appellat nutrimentalem, eò quòd nutritioni deserviat, sitque alimentum viuentis; alterum verò animale, qui longè magis depuratus est, & huc dicunt informari anima viuenti. Tenet Caieta. 3. part. quæst. 4. artic. 2. & quæst. 54. art. 2. Conrad. 1. 2. quæst. 54. Tolet. quæst. 2. de anima, quæst. 4. Bañez 1. de Generat. cap. 4. quæst. 8. art. 5. Et probari potest primò ex Arist. 2. de partibus animalium, capit. 2. & lib. de historia animalium, capit. 19. vbi ait: *Quòd dum animal*
viuit,

viuit, sanguis animatur, & seruet.

Secundo, quia ex apprehensione aliqua, aut subito motu sentimus sanguinem moueri ad cor, aut ad iaciem, ut contingit ex verecundia, qui modus mouendi videtur proprius rei animatae.

Tandem tertio, quia sanguis, & reliqui humores, sunt de integritate nostri corporis, & ita ex recepta omnium Theologorum sententia assumptus fuit a Verbo diuino, imò, ut Scriptura saepe docet, fuit pretium nostrae redemptionis: ergo reuera animatus est, non minus, quam aliae partes viuientis.

His tamen non obstantibus, dico primo in hac quaestione, sanguis, & reliqui humores, non viuunt, & ita non informantur anima, sed alia forma diuersa, quae sententia hoc tempore communior est. Tenet Alexan. Alensis 2. p. quaest. 92. membro 7. Scot. in 4. dist. 10. quaest. 1. ar. 2. Valle. lib. 2. contr. Medi. cap. 4. & videtur mihi expressa sententia S. Tho. 3. par. quaest. 31. ar. 5. ad 1. ubi dicit: *Carnem, & ossa esse actus partes viuētes; sanguinem verò minime*, sentit ergo actu non informari anima, sicut aliae partes viuientis, sed solum in potentia, in quantum est alimentum, quod potest conuerti in substantiam aliti. Idem etiam videtur sentire Aristot. 2. de partibus animalium, capit. tertio, ubi dicit: *Sanguinem debere esse alimentum*, sed alimentum debet esse diuersae rationis, ac carere forma, quam po-

stea per substantialem transmutationem recipit, scilicet formam viuientis: ergo sentit, sanguinem inanimatum esse, ubi Arist. reuera absolute loquitur, & ita distinctio illa de sanguine nutrituali, & animali, neque sufficienti ratione probatur, neque reuera verum habet: nam quod quaedam pars sanguinis contingat esse magis depurata alia, solum arguit diuersitatem quamdam accidentalem intra eandem speciem. Et ratio ad probandam conclusionem sumitur ex dictis, nam alimentum, ut conuertatur in substantiam aliti, per substantialem transmutationem debet formam praecedentem amittere, & aliam de nouo acquirere, sed quando sanguis in carnem, aut aliam similem partem viuientis conuertitur, acquirit formam viuientis: ergo antea carebat tali forma.

Neque satisfacit eorum solutio, qui asserunt, sanguinem per nutritionem, qui est actio substantialis, non acquirere formam aliquam substantialem, quam antea non haberet; sed mutare modum quendam substantialem essendi, ex eo scilicet, quod ex sanguine fiat caro, vel quid simile. Nam contra est, quia de ratione modi substantialis est, quod ordinetur ad integrandam substantiam in suo esse substantiali, ut ostendimus primo Thyl. corum: ergo si sanguis, antequam nouum illum modum acquireret, idem numero est, ac postea substantialiter, iam ille modus adueniens

ueniens est extra essentiam substantiæ præexistentis sanguinis, & ita potius esset modus accidentalis, quam substantialis, atque adeo nutritio, quæ iuxta hanc sententiam ad illum terminatur, potius esset mutatio aliqua accidentalis, quam substantialis.

Secundo, quia reuera incredibile est, sanguinem iam extractum à corpore viuere, sed sanguis extractus à corpore continuari potest, cum eo, qui est intra corpus per intermedium sanguinem fluentem: ergo etiam sanguis existens intra venas est inanimatus.

Tandem tertio, quia in sanguine nullam vitæ operationem experiri, qua probari posset illum viuere, neque enim sentit, neque augetur modo proprio viuents, sed potius per iuxtapositionem, sicut vinum augetur in dolio per nouam infusionem, neque augetur secundum proportionem quamdam, sicut reliquæ partes viuents: ergo non informatur anima.

Dico secundo, quamuis sanguis, & reliqui humores non viuunt, sunt tamen de integritate ipsius viuents, non quidem, vt quibuldam placeat, quia sanguis sit alimentum necessarium ad vitæ conseruationem; nam post resurrectionem corporum, nulla erit nutritio, aut augmentatio, cum tamen ex communi Theologorum sententia, corpora post resurrectionem habitura sint sanguinem. Dicitur ergo, sanguinem, & reliquos humores

esse de integritate naturæ, quia in sanguine residet calor, quo conseruatur vita animalis, & in alijs humoribus sunt etiam qualitates prorsus necessariæ ad esse ipsius viuents.

Præterea, quia sanguine conficiuntur spiritus vitales, & animales, qui prorsus sunt necessarii ad vitæ conseruationem.

Tandem ad fundamenta contrariæ sententiæ respondetur. Ad Aristotelē, ideo loco allegato dixisse: *Sanguineus, quādiu animal uiuit, animari*, quia continuo conuertitur in substantiam aliti, & tunc animatur, non verò ante talem conuersionem.

Ad secundum respondetur, sanguinem non moueri subito ad cor, vel ad faciem per virtutem propriam, quia se moueat, sed per attractionem, quia à partibus attrahitur, aut expellitur ab vna parte, vt ad aliam perueniat.

Ad vltimum, sanguinem esse de integritate nostræ naturæ, non quidem ex eo quod sit pars viuens, sed propter rationes dictas. Sanguis autem, vt dicatur pretium nostræ redemptionis, non opus est, vt reuera sit pars viuens, sufficit per Christi Domini Passionem pro nobis effusum fuisse, vt dicatur pretium redemptionis nostræ: qua autem ratione sanguis

assumptus fuerit à Verbo diuino, disputant

Theologi in materia de Incarnatione.

Qua-

Quæstio VI. Quot sint genera animarum, & animatorum.

DE hac re disputat Arist. cap. 3. & 4. sequenti, quia tamē præfens quæstio ad disputationem de essentia, & natura animæ conducit, placuit eam hoc loco disputare; docet autem Arist. loco citato, tria esse animarum genera, scilicet, vegetatiuum, sensitivum, & rationale: quatuor verò esse gradus vitentium, seu animatorum, scilicet vegetatiuum, sensitivum, loco motivum, & intellectivum. Quæ doctrina non caret difficultate: quia animatum, ut sic, constituitur per animam: ergo si tantum sunt tria genera animarum, tantum debent esse tria genera animatorum. Patet consequentia, quia tot sunt constituta, quot sunt constitutiva, sicut tot erunt genera coloratorum, quot sunt genera colorum.

Tamen dico primò, tria tantum esse genera animarum, scilicet, vegetatiuum, sensitivum, & rationale. Quam conclusionem cum Aristotele omnes eius interpretes recipiunt; & ratio, quæ communiter adduci solet, ea est, quia anima est quædam forma altioris ordinis, atque adeo eleuata supra alias formas purè materiales; sed huiusmodi modus eleuationis supra formam purè materiale tantum est triplex: ergo etiam tantum est triplex anima. Probatur minor: nam primus modus eleuationis est

omniò eleuatus supra materiam, qua ratione anima rationalis in se spiritualis est, & omnes alias res in se habet modò spirituali, scilicet, per species intelligibiles spirituales omnium rerum:

Secundus modus eleuationis conuenit animæ sensitivæ; hæc enim, quamuis in se materialis sit, & res per species materiales cognoscatur, tamen tales species minùs materiales sunt, & magis depuratæ, quàm obiecta, à quibus procedunt, qua ratione minùs materialis est species coloris, quàm color ipse. Tandem tertius gradus eleuationis supra alias formas conuenit animæ vegetatiuæ, hæc enim acquirit suam perfectionem modò quodam vitali, scilicet, per operationes vitales; quòd aliæ formæ puræ materiales non habet: ergo tantum sunt tres animæ.

Dico secundò, quatuor sunt gradus animatorum, scilicet, vegetatiuum, sensitivum, loco motivum, & intellectivum. Quàm etià conclusionem omnes vnanimiter amplectuntur; intelligunt enim per gradus animatorum ea genera animatorum, in quibus potentia animæ reperitur separata: huiusmodi autem tantum sunt quatuor. Ratio est, nam in primis sunt quædam animata, quæ tantum habent potentiam vegetatiuam, quales sunt plantæ; aliæ verò sunt, quæ habent potentiam vegetatiuam, & sensitiuam simul, non verò loco motiuam, & intellectiuam, qualia sunt conchilia.

chilia affixa petris, illa enim augentur, & sentiunt, non tamen inouentur motu progressiuo, de quo nunc loquimur: hoc enim intelligunt Auctores per loco motiuum.

Tertio, sunt alia animalia, quæ præter potentiam vegetatiuam, & sensitiuam, habent etiam potentiam loco motiuam, vt equus, & leo, non tamen habent potentiam intellectuam: ac tandè quartò, sunt alia animalia, quæ habent hæc omnia simul, vt homo: ergo tantum sunt quatuor gradus viuentium.

Ex quo patet, quòd appetituum, quamuis sit diuersa potentia, à loco motiuo, vt infra dicam, tamen non constituit diuersum gradum viuentis à loco motiuo, quia omnibus, quibus inest loco motiuum, inest etiam appetituum, & è contra: ita vt vnum non separetur ab alio, atque adeò non constituit diuersum gradum viuentis.

Vnde ad rationem dubitandi respondetur, reuera tantum esse tria genera animatorum, sicut & animarum, si in comuni loquamur, tamen per gradus animatorum intelligunt communiter Philosophi ea genera animatorum in particulari, in quibus separantur potentie animæ, hæc autem sunt quatuor, vt explicatum est.

Tandem hoc loco dubitari potest, vtrum omnes prædictæ animæ sint formæ informantes, vel tantum assistentes, vt de intelligentia respectu Cæli plures docet. Quæ difficultas præcipue videtur habere

posse locum in anima rationali, illa enim, vt vidimus I. Physicorum, est per se subsistens. Respondetur tamen, omnes prædictas animas esse actus verè informantes, & non assistentes, neque oppositum vnumquam docuit Aristotele. imò hoc plane indicauit hoc lib. cap. 1. vbi dicit, animam esse actum primum, vt scientiam, constat autem, scientiam esse actum informantem, & cap. 2. dicit, quòd sicut duobus sumus saniti, scilicet corpore, vt materia; & sanitate, vt forma, ita duobus viuimus, scilicet corpore, vt materia; & anima, vt forma, constat autem, sanitatem etiam esse actum informantem.

Et ratione probatur, quia ex anima, & corpore, fit vnum per se substantiale: ergo anima debet habere veram, & physicam vnionem cum corpore, vt ex illis aliquid verè vnum coalescat: ergo anima potius est actus informans, quam assistens, fateor, nullam implicare contradictionem, quòd anima & corpus coexistent simul, localiter, absque eo tamen, quòd anima sit physicè vnita per informationem cum corpore: sed quodlibet sit per se subsistens, absque dependentia ab alio, quia modus vnionis, cum sit entitas diuersa à materia, & forma, indiget noua actione, vt producat, & tunc anima potius haberet rationem assistentis, quam informantis, respectu corporis.

Quest.

Quæstio VII. Vtrum anima rationalis sit formaliter sensitiva, & vegetatiua?

IN hac re conueniunt omnes, sensitium, & vegetatiuum, posse tribus modis sumi. Primò, pro potentia, quæ est principium proximum vegetandi, & sentiendi, & pro gradu substantiali superiori, qui est gradus sensituius, & vegetatiuus, ac tandem tertio pro anima sensitua, & vegetatiua: vnde conueniunt omnes, hominem formaliter esse sensitiuum, & vegetatiuum, si sumatur pro potentia. Ratio est, quia potentia sensitua, & vegetatiua, formaliter reperiuntur in homine.

Secundò conueniunt omnes, gradum superiorem substantiale vegetatiui, & sensitui, formaliter esse in homine, non secus, ac esse animal, vel corpus. Ratio est, quia non minus est de essentia hominis, gradus substantialis essendi sensitiuum, aut vegetatiuum, quam gradus animalis, aut corporis, & ita sicut formaliter est animal, ita etiam formaliter est sensituius, & vegetatiuus.

Solū ergo est dubium, vtrum anima rationalis sit formaliter anima vegetatiua, & sensitua, quod alijs verbis alij inquirere solent, qua ratione anima vegetatiua, & sensitua contineantur in rationali.

In qua re prima, & communis sententia satis in scholis nostris recepta asserit, animam sensitivam, & vege-

tatiuam eminenter contineri in anima rationali, id est, tamquam in forma perfectiori, & eminentiori, quæ præstat effectus omnes, qui provenire possunt ab anima vegetatiua, & sensitua, non tamen contineri in illa formaliter. Quam sententiam tenet Tolet. hoc lib. cap. 3. q. 7. Caiet. 1. p. q. 76. art. 2. & videtur modus loquendi S. Thom. eodē art. 4. & 2. in corpore. Et probari potest. Primò ex Arist. hoc lib. capit. 3. ubi dicit, quòd sicut triangulus est in quadrangulo, ita vegetatiuum in sensitivo, & vtrumque in rationali; sed triangulus non potest esse formaliter in quadrangulo, quia sunt diuersæ species figuræ; impossibile autem est, vnā speciem formaliter componere aliam: ergo sentit, animam rationalem non esse formaliter sensitivam, & vegetatiuam; sed solum virtualiter, in quantum continet earum potentias, seu virtutes.

Secundò, quia anima sensitiva, & vegetatiua sunt quædam formæ materiales, & corruptibiles, vt patet de anima plantæ, & bruti: sed anima rationalis est formaliter spiritalis, & incorruptibilis: ergo anima rationalis non est formaliter sensitiva, & vegetatiua.

Tamen dico primò in hac re, quamuis possibile sit, vnā formā continere aliā virtualiter in genere causæ efficientis, eò quòd possit producere illā, tamen impossibile est, vnā formā continere aliā eminenter, seu virtualiter in genere

C causa

causæ formalis, ita quod tamquam causa formalis possit illam causare, & ita impossibile est, propriè, & in rigore loquendo, animam vegetatiuam, & sensitiuam, virtualiter contineri in anima rationali, veluti in causa formali. Ratio est, quia causa efficiens, non est causa extrinseca, quæ causet exhibendo suammet entitatē, quin potius causat producendo aliquod à se diuersum: vide, cū non repugnet, vnam formam habere virtutem ad producendam aliam, neque etiam repugnat, vnam formam continere aliam eminenter in genere causæ efficientis, quæ ratione lumen continet eminenter calorem: at verò causa formalis causat exhibendo seipsam subiecto, quod informat; & ita, vt causa formalis, non potest dare subiecto aliam entitatem præter suam: ergo non potest causare alteram formam distinctam in genere causæ formalis, atque adeò impossibile est, vnam formam contineri in alia eminenter in genere causæ formalis.

Dico secundò, animam rationalem esse formaliter sensitiuam, & vegetatiuam, & similiter animam sensitiuam esse formaliter vegetatiuam, ita vt anima vegetatiua, & sensitiua sit superior ad rationalem, & diuidatur in animam vegetatiuam, & sensitiuam materiale, & in animam vegetatiuam, & sensitiuam spirituale, qualis est anima rationalis. Hanc sententiam videtur innuere S. Thom. quæst. de

anima, art. 11. Et probatur euidenter. Primò, quia anima vegetatiua est quædam forma substantialis, quæ est principium vegetandi; & similiter anima sensitiua est quædam forma substantialis, quæ est principium sentiendi: sed anima rationalis formaliter habet, quod sit forma substantialis, & formaliter habet, quod sit principium vegetandi, & sentiendi, quia non minus præstat suum concursus ad huiusmodi operationes, quàm ad intelligendum. ergo anima rationalis formaliter est anima vegetatiua, & sensitiua.

Secundò, quia homo, vt homo est, specificatiuè, essentialiter, & formaliter includit esse sensitiuum, & vegetatiuum: ergo non minus habet formaliter esse vegetatiuum, aut sensitiuum, quàm esse hominem: ergo sicut habet hominem esse formaliter, id est, per formam in ipso formaliter existentem; ita debet habere esse vegetatiuum, & sensitiuum à forma sibi formaliter inharerenti; sed forma, quæ tribuit esse vegetatiuum, & sensitiuum, est anima vegetatiua, & sensitiua: ergo anima rationalis, à qua omnia hæc habet, non solū est formaliter anima rationalis, sed etiam est formaliter anima sensitiua, & vegetatiua; & simili modo anima sensitiua erit formaliter vegetatiua.

Et confirmatur, quia homo non minus propriè est sensitiuus, quàm equus; & vegetatiuus, quàm planta: sed

sed ista sunt formaliter talia per animam formaliter vegetatiuam, & sensitiuam; ergo id etiā habet homo, aliās sicut sol nō denominatur formaliter calidus, quāuis habeat calorem eminenter, neq; dicitur homo formaliter sensituius, & vegetatiuus, si solū eminēter habet animam vegetatiuam, & sensitiuam.

Et si inquiras, qua ratione anima rationalis contineat animam vegetatiuam materialem, & sensitiuam materialem, quæ sint species animæ condistinctæ contra illam. Respondetur, continere illas eminenter, non quidem propriè, & in rigore, vt iam ostendimus, quia non potest, vt causa formalis illas causare, sed ex eo quodd tribuit effectus formales illarum, scilicet esse sensituium, & vegetatiuum, similiterq; potentias, & virtutes illarum animarum. Et iuxta hanc doctrinam interpretandus est S. Thom loco citato, cūm asserit; animam vegetatiuam, & sensitiuam, eminenter, seu virtualiter contineri in rationali: ita vt loquatur, non quidem de anima sensitua; & vegetatiua genericè sumpta, qua ratione comprehendit, tam animam materialem, quā immaterialem; sed de illa, quæ materialis est specie condistincta contra animam rationalem. Hac etiam ratione interpretandus est Aristot. loco allegato, cūm dicit, ita sensituium contineri in intellectu, sicut triangulus in quadrangulo, atq; adeo non formaliter.

Tandem, ad rationem contrariæ sententiæ respondetur facillè, quod quamuis anima sensitua, & vegetatiua materialis corruptibilis sit, non tamen anima sensitua, & vegetatiua spiritualis.

Quæst. V III. Vtrum omnes anime habeant eandem perfectionem.

Adionem

IN hac re cōueniunt omnes, animas diuersæ speciei habere inæqualem perfectionem essentialē, sicut quæcumq; alix species essentialiter diuersæ; species enim, vt sepè docuit Arist. sunt sicut numeri, qui distinguuntur, sicut magis & minus perfectum, & ita anima sensitua est perfectior, quā vegetatiua, quia præstat quidquid illa efficit, & aliquid aliud, & intellectu, propter eandem rationem est perfectior omnibus.

Solum ergo est dubium de animabus eiusdem speciei, an omnes habeant æqualem perfectionem indiuidualem.

In qua re prima sententia est asserentium, omnes animas eiusdem speciei æqualem habere prorsus perfectionem indiuidualem. Teneat Duran. in 2. dist. 3. 2. quæst. 3. Sonci. 8. Meta. q. 26. Scotus cap. de substantia. quæst. 2. Tolet. 3. de anima. q. 18. & videtur sententia S. Thom. 1. par. q. 93 art. 3. vbi ait, speciem non participari diuersimodè à suis indiuiduis.

Et probz. videtur hæc sententia.

C 1) Pri.

Primò ex Arist. 3. Meta. c. 3. vbi ait, in indiuiduis eiusdem speciei, neque esse prius, aut posterius, nec melius, aut deterius.

Secundò, quia sequeretur, substantiam suscipere magis, & minus, non solum extensiuè, quòd nos ostendimus, probantes substantiam, seclusa quantitate, habere partes integrales, secùdù quas possit dici maior, aut minor, sed etiam intensiuè. Et probatur, quia illa maior, & minor perfectio animarù eiusdem speciei substantialis est, cum tales animæ sint substantiæ quædam, & est perfectio veluti intensiua: ergo iam substantia susciperet magis, & minus contra Arist. c. de substantia.

Tertio, quia species non alia ratione distinguuntur essentialiter, nisi quia seclusi omnibus accidentibus, habet inæqualem perfectionem essentialem, & substantialem: ergo hoc idem habent animæ eiusdem speciei, sequitur, quòd specie differant.

Quartò, quia non est, vnde colligatur talis inæqualitas animarum, secundum perfectionem indiuidualem: neque enim potest attendi ex parte materiæ, quia omnes materiæ sunt eiusdem rationis, & solum differunt secundum magis, & minus extensiuè, quia scilicet vna sit maior alia extensiuè, in perfectione verò intensiua nulla est prorsus differentia. Neque etiam ex parte agentis: quia plures animæ eiusdem speciei possunt sus-

celsiuè produci ab eodem agente, neque etiam potest id colligi à posteriori ex perfectioribus operationibus, quia maior perfectio operationum potest reduci ad maiorem perfectionem organorum, quibus anima operatur, & ad perfectius temperamentum qualitatum, quod in talibus organis requiritur: ergo ex nullo capite potest colligi talis inæqualitas animarum secundum perfectionem indiuidualem.

Quintò, quia in materijs eiusdem speciei non datur talis inæqualitas, quia nullum est indicium, vnde colligamus, vnam materiam esse perfectiorem alia; nam si qua esset, maximè quia informatur perfectiori forma: hæc autem ratio nulla est: eadem enim prorsus materia, quæ modò habet formam perfectiorem, verbi gratia animam rationalem, ante habuit formam imperfectam embryonis: ergo si in materijs nulla talis inæqualitas potest reperiri, neque in formis debet poni.

Dicendum tamen nobis est, animam eiusdem speciei habere inæqualem perfectionem secundum differentiam indiuidualem; estque expressa sententia S. Tho. 1. p. q. 85. art. 7. asserentis, maiorem, aut minorem perfectionem operationum viventium eiusdem speciei provenire ex inæqualitate animarum. Tenet etiam Sco. 8. Meta. q. 1. Ferrar. 1. contra Gen. c. 3.

Et ratione probatur, quia non ex alio

alio capite colligimus, viuientia specie diuersa habere animas inæqualis perfectionis specificæ, nisi ex accidentibus longe diuersæ rationis; quæ in illis experimur, sed etiam intra eandem speciem, non omnia indiuidua habent similia prorsus accidētia, in quibusdam enim temperamentum qualitatum, & reliquæ dispositiones animæ sunt perfectiori modo, quam in alijs, neque enim tale temperamentum in indiuisibili consistit, & ita Aristot. hoc lib. tex. 94. dicit, eos, qui sunt boni tactus, & molles carne, melioris ingenij esse, sed talis inæqualitas temperamentorum, & reliquorum accidentium, in nullam aliam causam reuocari potest, nisi ad inæqualitatem animarum: materia enim ex se est indifferens ad quacumque accidētia, sicut est indifferens ad quacumque formam substantialem: ergo in viuentibus eiusdem speciei, nō omnes animæ habent æqualem perfectionem indiuidualem.

Et si inquiras, quæ ratio assignari possit, quare ab agenti naturali potius inducatur in materia, quædam anima magis perfecta, quam alia minoris perfectionis? Respondetur, causam huius petendam esse ex dispositionibus præuijs, quibus materia disponitur ad recipiendam animam, nam quāto illæ dispositiones perfectiores sunt in proportionē, & temperamento requisito, tāto perfectiorem animam postulat; & ita inde oritur inæqualitas in perfectione indiuiduali animarū. Quæ

doctrina etiam habet verum in anima rationali: quāuis enim hæc forma spiritalis sit, quia tamen naturæ suæ est actus corporis organici, postulat in materia ad sui introductionem variā, & diuersā accidentia, ad diuersitatem organorum accommodata, quorum proportio, & temperamentum, cum non consistat in indiuisibili, nō reperitur æquē perfecte in omnibus indiuiduis hominis, & ita non omnes animæ rationales habent æqualem perfectionem indiuidualem.

Dénique, quodd hoc non repugnet, ratione Metaph. coniectari potest. Nam quemadmodum genus contrahitur per differentias specificas, ita species per differentias indiuiduales: ergo sicut nō repugnat, genus contrahi, per differentias specificas inæqualis perfectionis specificæ, neque debet repugnare speciem contrahi per differentias indiuiduales inæqualis perfectionis indiuidualis: ergo potest optimè intelligi, animas eiusdem speciei habere inæqualem perfectionem indiuidualem.

Tandem ad fundamenta contrariæ sententiæ respondetur: imprius ad D. Thom. respondetur, potius docuisse expressè nostram sententiam loco citato: vnde quando asserit, speciem participari æqualiter ab indiuiduis, non loquitur de æqualitate secundum differentiam indiuidualem, sed de æqualitate secundum rationem specificam: sicut etiam genus cum vniucum sit, de-

bet æqualiter participari ab speciebus, cum tamen vna species est perfectior alia, ratione specificæ differentie.

Et quid simile dici potest ad Arist. quod scilicet in indiuiduis eiusdem speciei nihil sit perfectius, aut deterius secundum differentiam essentialem, non tamen secundum differentiam materialem.

Ad secundum, substantiam non recipere magis, & minus intensiue, ita est intelligendum, non quidem quod vna substantia, non possit esse perfectior alia; sed quod quælibet substantia in se ipsa non possit suscipere maiorem, & minorem perfectionem, & ita in se ipsa non suscipit magis, & minus, vna tamen in comparatione alterius substantiæ potest esse magis, aut minus perfecta.

Ad tertium, esse longè diuersam rationem de differentiis specificis, & indiuidualibus: differentie enim specificæ sunt principia proprietatum, & operationum maxime diuersæ rationis, & ita dicuntur distinguere species, quas constituunt differentie tamè indiuiduales sunt principia proprietatum, & operationum eiusdem rationis, quamuis intra eandem rationem specificam, vna sit perfectior alia, & ita nõ sufficiunt ad distinguendas varias species.

Ad quartum, quod, vt vidimus, talis inæqualitas animarum eius se speciei à posteriori optimè colligitur ex inæqualitate operationum,

quauis immediata, & proxima causa perfectiorum operationum sit melius temperamentum qualitatum, tamè quod vna anima postulet melius temperamentum alia, ad ipsam inæqualitatem animarum reducendum est.

Et si dicas, satis esse, quod hoc reducatur in ipsum generans, quod non repugnat tribuisse meliorem dispositionem vni animæ, quam alteri. Contra est, quia melior dispositio natura sua ordinatur ad inducendam meliorem formam, & ita à priori in genere causæ dispositiue, inæqualitas dispositionum, quæ præcedunt in materia, arguit inæqualitatem animarum ex parte differentie indiuidualis.

Ad vltimū, esse diuersam rationem de materijs, & animabus informantibus illas: in materijs enim nullum habemus indicium, vnde sufficienter colligere possimus, vnā esse perfectiorē alia indiuidualiter, accidentia enim, quæ sunt propria ipsius materiæ, vt quantitas, sunt omnino æqualis perfectionis, per se loquendo in omnibus indiuiduis. Quod si vnū indiuiduum postulat maiorem quantitatem alio, id prouenit ratione formæ, quia scilicet requirit minimū: materia enim ex se in infinitum est diuisibilis, vnde nullum est fundamentum, vt in materijs assignetur talis inæqualitas in perfectione indiuiduali, in formis autem sunt proprietates, & operationes indiuiduales inæqualis perfectionis, ex quibus inferri potest

inæ-

inæqualitas formarū, à quibus procedūt. Et hæc de hac disputatione.

Caput tertium.

POSTQVAM Aristotel. in superioribus egit de natura, & essentia animæ, incipit iam agere de potentijs ipsius, & quidem in hoc capite tertio agit de potentijs animæ in communi, & duo agit: in priori parte explicat, quot sint potentia, & quot sint genera animatorum, in posteriori verò explicat, qua ratione vna anima contineatur in alia. Ad priorem ergo partem accedentes, dicit quinque esse potentias animæ, scilicet, vegetatiuam, sensitiuam, loco motiuam, appetitiuam, & intellectiuam, dicit verò, quatuor esse gradus viuientium. Quædam enim sunt viuentia, quæ tantum habent potentiam, vegetatiuam scilicet, augmentatiuam, seu nutritiuam, quales sunt plantæ. Alia verò sunt, quæ tantum habent potentiam vegetatiuam, & sensitiuam, non tamen loco motiuam, qualia sunt conchilia, ista enim augentur, & sentiunt, non tamen mouentur motu progressiuo: alia verò sunt, quæ habent potentiam vegetatiuam, sensitiuam, loco motiuam, non tamen intellectiuam, vt equus, leo: alia verò sunt, quæ habent hæc omnia simul, vt homo: ergo tantum sunt quatuor gradus viuientium ex separatione potentiæ animæ, vnde inquit, appetitiuum non constituit diuer-

sum gradum viuentis à sensitiuo: quia sensitiuum, & appetitiuum sunt ad inuicem coniuncta, ita vt vnum non separatur ab alio: nam quibus inest sensus, inest etiam, inquit, appetitus, & hoc probat. Nam quibus inest sensus, inest etiam dolor, & voluptas: ergo inest appetitus, cuius est dolor, & voluptas. Quod autem quibus inest sensus, inest etiam dolor, & voluptas: probat, quia omnia animalia habent sensum: ergo habent sensum tactus: sed vbi inest tactus, inest dolor, & voluptas: ergo de primo ad vltimum, quibus inest sensus, inest etiam dolor & voluptas, atque adeo appetitus.

Secundò id probat: quia omnia animalia habent sensum tactus: ergo omnia animalia habent sensum alimenti, alimentum enim percipitur per suas qualitates tangibiles: sed vbi est sensus alimenti, potest esse fames & sitis; & vbi est fames, & sitis, est appetitus, quia fames est appetitus calidi & sicci, sitis verò appetitus frigidi, & humiditatis: ergo de primo ad vltimum, vbi reperitur sensus, reperitur appetitus, atque adeo sensitiuum, & appetitiuum, nõ faciunt diuersos gradus viuētis.

In secunda parte capituli explicat, qua ratione vna anima contineatur in alia: ad quod vtitur exemplo figuræ, & in primis dicit, quòd sicut non datur figura aliqua in cōmuni separata ab omnibus figuris, ita neque vna anima in cōmuni separata ab omnibus animabus in particulari. Addit tamen, quòd

sicut inter figuras triangulus est prior quadrangulo, ita, inquit, inter animas, vegetatiua est prior sensitua, & sensitua, est prior rationali: vnde inquit, sicut triangulus est in quadrangulo, ita vegetatiuum est in sensitiuo, & vegetatiuum, & sensitiuum in rationali. Vltimò docet, quòd sicut vna anima separatur ab alia, ita potetia propria vnius animae separantur a potentijs alterius, vt vegetatiuum a sensitiuo.

DISPUTATIO II.

De potentijs in communi consideratis.

Prima quidem methodò Aristotel. post tractationem de natura, & essentia animae, de potentijs disputare aggreditur, & prius de potentijs eius tam in communi, quam in particulari sumptis, vt semper ab vniuersalioribus inchoetur disputatio. Ea autem, quae Aristotel. docet in hoc capite de gradibus viuentium, & de modo, quo vna anima continetur in alia, iam superiori disputatione explicata sunt, aut si quid explicatione indigeat, inter disputandum explicabo. Quare solum nobis disputandum restat de potentijs animae in communi.

Quaest. I. Vtrum potentiae animae distinguantur realiter ab illa?

Quod anima suas habeat potentias vitales, quibus operetur, nullus, vniquam Philosophorum

dubitauit. Patet enim, animam rationalem habere intellectum, & voluntatem, animam sensituiam suos sensus, ac tandem quidem animam vegetatiuiam constare habere potentiam nutritiuam, & generatiuiam. Solum est dubium, circa naturam talium potentiarum, vtrum scilicet sint entitates aliquae superadditae ipsi animae, ab illa realiter diuersae: loquimur autem de potentijs actiuis, nam certum est, non omnem potentiam passiuam, quam habet anima, distinguere realiter ab illa, nam saltem potentiae actiuae animae rationalis recipiuntur immediate in illa, & ita ipsae ex sua intrinseca entitate habent potentiam passiuam ad recipiendas potentias suas actiuas. Dixi tamen, non omnem potentiam passiuam distinguere realiter ab anima, ad significandum aliquas potentias passiuas realiter distinguere ab illa, illas scilicet, quae sunt idem realiter cum actiuis, iuxta infra dicenda: qua ratione, idem intellectus passibilis, qui respectu verbi mentis est actiuus, respectu speciei intelligibilis est potentia passiuus, dum illam recipit: vnde quia potentiae actiuae distinguuntur realiter ab anima, vt statim dicam, non mirum est, quòd potentiae passivae illius, quae realiter identificantur cum actiuis, etiam distinguantur ab illa realiter.

Restat ergo difficultas de potentijs actiuis, in qua re prima sententia affirmat, potentias non esse entitates realiter diuersas ab anima,

sed

sed solam ratione. Tenet Grego. 2. distinct. 16. quæst. 3. Marfil. quæst. 7. art. 7. Buridan. hoc loco, quæst. 6. Quorum fundamentum est, quia quemadmodum materia prima est principium passiuum, ita forma est principium actiuum. ergo sicut potentia passiuua materię, non est aliqua entitas, realiter diuersa ab illa, sed potius est ipsa entitas materię primę; ita similiter potentia actiua, non debet esse aliqua entitas superaddita formę.

Secundò, quia potentia actiua est illud, quod est principium operandi; sed anima est principium operandi; ergo ipsa anima est potentia.

Tertiò, quia si anima indigret potentia aliqua superaddita ad operandum, maximè, quia substantia, qualis est anima, nõ est principium immediatum operandi, hoc autem videtur falsum, quia potentie, quę oriuntur ab anima, necessariò debent fieri ab illa immediatè; aliàs fierent mediante alia potentia, & illa mediante alia, & sic in infinitum: ergo re vera anima est immediatè operatiua.

Quartò, quia in formis accidentalibus eadem forma accidentalis habet esse formam & potentiam, vt patet de calore: ergo multò melius id habebunt formę substantiales, quę perfectiores sunt.

Dico primò in hac quæstione, re vera negari non posse, quòd omnes potentie distinguantur realiter ab anima rationali. Quam sententiam tenent Auctores statim citan-

di. Et ratione probatur: quia imprimis potentie animę sentiunt, quales sunt sensus, & potentie animę vegetatiuę, scilicet potentie nutritiua, & generatiua, sunt potentie quædam materiales, & corporeę; sed anima rationalis spiritalis est: ergo nulla ratione potest negari, quòd distinguantur realiter ab illa, neque enim fieri potest, quòd eadem entitas sit corporea, & incorporea. De intellectu verò & voluntate, quę sunt potentie spirituales, hinc sumitur argumentum; nam si anima rationalis indiget potentijs superadditis ad operationes materiales, multò magis indigebit potentijs superadditis ad operationes spirituales, cum longè perfectiores sint.

Dico secundò, vniuersaliter loquendo; potentie animę distinguuntur realiter ab ea. Tenet Sanct. Thom. 1. part. quæst. 77. art. 1. & q. 54. art. 3. Capr. in 1. distinct. 3. quæstio. 4. Sot. cap. de Proprio, quæst. 2. Iauel. hoc loco, quæst. 9. & ibidem Tolet. & re vera est sententia Aristot. nam 1. lib. de Anima, text. 70. in quolibet viuente vnicam tantum animam ponit, potentias verò plures, vt videre est in hoc capite.

Et ratione probatur: quia formę inanimatorum habent potentias realiter diuersas, & superadditas, quibus operentur: ergo multò melius id concedendum est in formis animatorum. Antecedens probatur, quia calor ignis, qui est potentia, per quam ignis operatur, distin-

guitur realiter à forma ignis, quòd ex eo patet, quia potest ille calor remitti, & secundum gradus aliquos realiter corrumpi, non corrupta aliqua parte formæ substantialis ignis; hæc enim non est intensibilis, & remissibilis, ut suo loco dictum est: ergo etiam potentia animæ debent realiter distinguì ab illa.

Et si respondeas, argumentum hoc nullum esse, nam iuxta communem axiomam, Quæ sunt in inferioribus dispersa, sunt in superioribus unita: & ita animæ, quæ sunt altioris ordinis, quam formæ inanimatarum, per suam entitatem habebunt potetiam ad operandum. Contra tamen, quia non est tanta perfectio & simplicitas formæ viventis, ut in eadè indivisibili entitate possit illas duas rationes animæ & potentia inuoluere, solum enim in Deo id debet cõcedi, nam propter suam summam simplicitatem potentia eius est ipse esse.

Secundò etiam à simili confirmari potest, nam ad relationem longè minor entitas requiritur, quam ad operandum; relatio enim habet parvam entitatem; sed ut res referatur ad aliud, indiget entitate realiter ab illa diversâ: ostendimus enim nos suo loco, relationem realiter distinguì à suo fundamento: ergo multò melius indiget anima entitate realiter illi superaddita ad operandum.

Fateor, ad hanc rem probandam non multum utgere plures ratio-

nes, quas D. Thom. locis suprà citatis adducit, ea enim (ut alias omittam) quæ pluribus satis efficax videtur, scilicet, quòd cum anima sit immediatum principium essendi, non potest esse principium immediatum operandi, quia principium immediatum essendi, & operandi debent esse realiter diversa, cõtè enim videtur concludere. Nā quòd Thomistæ illam explicantes addere solent, debere ita intelligi, quòd idem non possit esse principium principale immediatum essendi, & principium principale immediatum operandi, falsum est, nam calor est principium immediatum principale essendi calidum, & etiam, est principium immediatum principale producendi alium calorem. Quare, nõ opus est rationes omnes D. Thomæ ad eò esse efficaces.

Dico tertio in hac questione; per divinam potentiam nullam implicare cõtradictionem, quòd Deus faciat creaturam aliquam, per suam essentiam potentem operari, neque enim ex hoc probatur, quòd esset summè simplex, sicut Deus, quia adhuc in tali substantia possit esse compositio actus, & potentia, scilicet, materia, & formæ, quæ tamen repugnat Deo, cuius rei aliquis coniectura est, quòd de facto substantia, per suam entitatem attingit ad producendam saltem primam passionem, cum ante primum accidens nullum possit præcedere: quid ergo mirum, quòd per divinam potentiam detur substantia ali-

aliqua absolute immediatè operatiua.

Sed obijcies, ergo etiam potest dari aliqua substantia, quæ per suam entitatem subsistat, ita vt substantia non sit illi entitas superaddita. Respondetur re vera, neque in hoc posse dari euidenter implicationem, quia adhuc in tali substantia posset intelligi compositio partium integralium: vnde non idèò necessariò esset summè simplex, sicut Deus. Quod verò tales creaturæ de facto non dentur, probandum est rationibus, quibus probauimus de facto, potentias realiter distingui ab anima, & subsistentiam à natura, neque enim quidquid perfectionis est, dicendum est de facto esse.

Superest respondeamus ad fundamenta contrariæ sententiæ. Ad primam respondetur, esse diuersam rationem de potentia passiuæ materiæ primæ, & de potetia actiuæ animæ. Ratio est, quia tota essentia materiæ primæ est, quòd sit pura potentia passiuæ, & ita non habet rationem potentie passiuæ, per entitatem aliquam superadditam; sed potiùs per suam intrinsecam essentiam: at verò esse principium proximum operandi, non est de essentia animæ, sed solum esse principium radicale, vt constat ex rationibus adductis in prima conclusione, & ita principium proximum operandi, scilicet, potentia est aliqua entitas superaddita ipsi animæ, & hinc patet solutio.

Ad secundum respondetur, po-

tentiam esse principium proximum, & accidentale operandi, anima autem autem est principium radicale, & substantiale.

Ad tertium, quod, vt diximus. 2. Physic. principium illud, *Quòd substantia non est immediatum principium operandi*, intèligendum est de substantia perfectè producta: tunc autem substantia aliqua censetur perfectè producta, quando non solum quantum ad suam entitatem substantialem; sed etiam quantum ad sua accidentia est perfectè producta: tunc enim substantia operatur medijs suis accidentibus: tamè substantia, antequàm producatur passionibus & potentiæ eius, est imperfectè producta, & ita non est mirum, quòd sit immediatum principium producendi suas passionibus, vt in suo esse completo perficiatur.

Ad quartum, in accidentibus eadem entitatem esse formam, & principium immediatum operandi, non tamen in formis substantialibus: ratio differentie est, quia formæ accidentales, non tantum ordinantur immediatè ad esse; sed etià ad operari, quia ratio calor est immediatum principium essendi, & operandi; accidentia enim sunt, quasi instrumenta substantiæ: at verò formæ substantiales, potiùs ordinantur primariò ad esse, quàm ad operari, & hoc colligimus à posteriori, in formis non viucentibus, qualis est forma ignis, illa enim ordinatur

ad operandum mediò calore.

Quest.

*Quest. II. Vtrum potentia anima possit
sine ab illa realiter separari, & an
separata ab illa existeret
violenter?*

HAcc questio eadem est cum illa, vtrum passiones realiter possint separari ab essentia, sunt enim passiones; vt plurimumque potentia quaedam, quibus ipsa operatur, vt risibilitas in homine. Et in primis certum est, passiones illas, quae non distinguuntur realiter ab essentia, qualiter passiones entis, quae ab ipso ente non distinguuntur realiter, non posse ab illa realiter separari. Nam, vt saepe dixi, ad separationem realem necessario requiritur distinctio realis extremorum.

Secundo, certum est, passiones, quae distinguuntur realiter ab ipsa re, sicut modus rei à re, non posse realiter ab illa separari, adhuc per diuinam potentiam, qua ratione figura, quae est passio quantitatis, est modus illius. Ratio est, quia cum modi, per suam intrinsecam essentiam vniantur subiecto, vt alibi ostendimus, neque per diuinam potentiam possunt dari sine subiecto: solum ergo est dubium de passionibus, quae sunt res, & non modi, quales sunt potentiae animae, vtrum per diuinam potentiam possint realiter separari ab illa.

Et dicendum est, cum ferè communi sententia, tales potentias, & proprietates animae, posse realiter separari ab illa, & è contra, posse

dari animam absque suis potentijs, vt animam rationalem absque potentia intellectiua, per diuinam potentiam. Tenet Ferra. 4. contra Gent. cap. 63. Bañez. 1. part. quaest. 77. art. 1. dub. 1. ad 4. Sotus in cap. de Proprio.

Et probatur ratione prima pars conclusionis, scilicet, quod possint dari potentiae animae realiter ab illa separate, quia non alia ratione colligimus, posse quantitatem, per diuinam potentiam dari separatam à substantia, vt patet in Sacramento Eucharistiae, nisi quia est entitas realiter diuersa à substantia, & ita non repugnat realiter ab illa separari, sed potentiae animae sunt entitates realiter ab illa diuersae: ergo nullam inuoluit contradictionem, quod dentur separate ab anima. Secunda verò pars conclusionis, scilicet, quod anima possit dari sine potentijs, aut essentia sine passionibus realiter ab illis diuersis, eadem ratione ostenditur, scilicet, quia sunt entitates realiter diuersae, & ita non debet implicare dari vnā sine alia.

Et si inquiras, an supposito miraculo, quod daretur anima absque potentijs, statim anima suae naturae relicta, & absque nouo miraculo produceret suas passiones? Respondetur affirmatiuè, nam cum essentia sit causa passionum, & anima causa suarum potentiarum, non secus, quam aqua est causa suae frigiditatis, sicut aqua calefacta, & deinde suae naturae relicta statim se reducit ad pristinam suam frigiditatem actiuè

actiuè à se ipsa, vt vidimus 2. Phy. ita essentia causaret suas passionēs.

Et si inquiras secundò, an potentia separata ab anima posset naturaliter operari. Verbi gratia, vtrū intellectus separatus ab anima posset naturaliter intelligere. Respondetur negatiuè. Ratio est, quia potentia animæ indigent actuali concursu illius, vt operentur, sunt enim veluti instrumenta ipsius animæ, & ita sine illa naturaliter operari non possunt, imò neque è contra, posset sola anima rationalis, sine potentia intellectiua naturaliter intelligere, quia ex natura rei, anima ordinatur ad operandum medijs potentijs, & ita si daretur anima rationalis sine intellectu, non idèd diceretur rationalis, quia se sola possit elicere actū rationis, sed quia est principium radicale intellectus, & operationum intellectus.

Quare maiorem habet difficultatem secundum quod inquirebat quæstio, vtrū scilicet, si potentia animæ darentur realiter separata ab illa, essent violenter, quæ difficultas generaliter tractari potest de omnibus accidentibus, si darentur à suo subiecto separata. In qua re prima sententia est assèrentium, quòd si illa realis separatio fieret ab agentiali quo creato, talia accidentia separata essent à subiecto violenter: si tamen fieret à Deo, dicunt, non fore illis violentiam: existimant enim, quòd quamuis creatura possit pati violentiam ab aliquo agentie creato, non tamen à Deo. Tenet Caieta. 1.

part. quæst. 82. artic. 1. & Conrad. 1. 2. quæst. 7. art. 4. Pereir. lib. 7. Physic. cap. 9. & plures alij.

Hæc tamen sententia falsa est, vt Medici, & alij docent 1. 2. quæst. 6. art. 4. ostendentes, creaturam etiā pati posse violentiam à Deo: quis enim diceret, quòd si Deus moueret lapidem fursum, ille motus non esset violentus illi, cum sit contra inclinationem grauitatis naturalis illius? Similiter si Deus produceret in aqua calorem, ille calor tam violentus esset aquæ, ac si ab alio agentie naturali produceretur, quia eodè modo esset destructiuus suæ naturalis frigiditatis, sed de hoc latius Theologo loco citato.

Secunda sententia est assèrentiū, accidentia separata à suo subiecto non esse violenter, quia existimant, ad rationem violentiæ requiri, quòd sit contra inclinationem actiuam rei, & quia forma accidentalis non est causa efficiens inhaesionis in subiecto, qua priuatur, dū est ab illo separata, idèd assèrunt, accidentia separata à subiecto, non esse in statu violento. Sic docet subtilis Molina 1. part. quæst. 12. art. 1. disput. 2.

Hæc tamen sententia, etiam nititur falso fundamento, scilicet, nō posse inferri violentiam contra inclinationem passiuam, etiam si non sit actiua. Ratio est, quia violentum opponitur naturali: ergo sicut aliquid tam potest esse naturale ratione principij actiui, quàm passiuui, ita tam potest esse aliquid violentum contra inclinationem passiuam.

suam, quàm contra actiuam.

Quare ut rem hanc explicemus, aduertendum est. Imprimis, ad rationem violentiæ non satis esse, quòd priuetur res aliquo sibi conaturali, sed requiritur, quòd etiam non sit ex vi alterius, etiam sibi conaturalis: hæc enim est ratio, quare quamuis vna forma corrumpatur in materia per aduentum alterius, materia tamen, nō dicitur pati violentiam, quia quamuis priuetur forma sibi conaturali, hoc tamen est per aduentum alterius formæ, etiam sibi conaturalis, ad quam etiam recipiendam dicit aliquam inclinationem. Et quia violentum definitur, quòd sit à principio extrinseco, passio non conferente vim, idè materia in tali separatione formæ, causata ex aduentu alterius, non dicitur pati violentiam; secus esset, si per diuinam potentiam materia priuaretur omni forma, tunc enim priuatio illa esset inducta à principio extrinseco, passio non conferente vim.

Secundū notandum est, etiam requiri ad rationem violentiæ, quòd res priuetur aliquo sibi debito, & non per introductionem alterius formæ supernaturalis superioris ordinis perfectiori modo, supplementis id, quod præstabat forma naturalis: hæc enim ratione omnes Theologi saluant humanitatem non extitisse violenter in Christo Domino, quantumuis in illo fuerit priuata sua naturali subsistentia, eo quòd erat in alio, nem-

pe in Verbo diuino. Ratio, inquam, est, quia licet talis humanitas fuerit priuata subsistentia propria, sibi conaturali, fuit tamen illi communicata subsistentia Verbi diuini, quæ infinita perfectio est, & ita humanitas perfectiori modo fuit in Verbo diuino, quàm aliàs esset in propria subsistentia. Denique ratio à priori huius est, quia cum per aduentum talis formæ supernaturalis, res perfectiori modo se habeat, quàm aliàs se haberet, cum forma illa naturali, qua priuatur, non debet dici perfectio violentata, sed habere statum quædam supernaturalem.

Tertiò notandum est, quòd quando aliquod accidens miraculose separatur à suo subiecto, & per se existit, satis est dubium apud Theologos, an talis per se existentia sit aliquis modus positivus, vel solum accidens dicatur per se existere, per solam negationem inhesionis illi superadditam, scilicet, quia priuatur inhesionem, quam habebat in subiecto. Vtraque enim sententia hac in re satis est probabilis, tamen iuxta diuersam opinionem, diuersimodè loquendum est, nam qui dicunt, & satis probabiliter, accidentia separata à subiecto dici per se existentia, non quidem per modum aliquem subsistentiæ positivum; sed per solam priuationem inhesionis, quam habebant antea in subiecto, consequenter sententur, talia accidentia, ut sic separata, esse violenter, quia priuantur

tur forma sibi connaturali, scilicet inhaesione in subiecto, & non per aduentum alterius formæ positivæ supernaturalis; sed per solam priuationem, quæ priuatio, quamvis supernaturaliter sit causata, insert tamen violentiam, quia priuat formam aliquam supernaturalem, & nihil ponit in subiecto, quod illud suppleri possit: sicut si Deus se solo expelleret frigiditatem ab aqua, per priuationem solam illius ab illo causatam, adhuc aqua esset in statu violento, quia talis priuatio, licet supernaturaliter causata fuerit, tamen nihil reale ponit supplens frigiditatem.

Secunda tamen, & communis sententia asserit, accidentia separata à subiecto acquirere quandam modum positium essendi supernaturalem, scilicet quandam subsistentiam accidentalem, qua accidens miraculose subsistit per se ad modum, quo substantiæ completæ, per subsistentiam quandam positivam substantialem per se subsistunt. Quod autem ille modus subsistentiæ accidentium separatorum non sit modus substantialis, sed accidentalis, patet ex doctrina generali de modis tractata à nobis 1. Physic. disputat. 2. ubi ostendimus, eum modum substantialem esse, qui ordinatur ad complendam substantiam in suo esse substantiali, qualis est subsistentia substantiæ, per illam enim constituitur suppositum substantiale in suo esse, sed illa subsistentia supernaturaliter communi-

cata accidenti separato, non ordinatur ad complendam substantiam; sed potius est modus accidentalis, quam substantialis.

Vnde iuxta hanc sententiam consequenter dicendum est, nullum accidens separatū à subiecto pati violentiam, quia licet priuatur inhaerentia sibi connaturali; tamen perfectiori modo se habet separatū, eod quod perfectior modus existendi, est existere per se, quam in alio existere, & sic quia subsistentia illa supernaturalis, quam acquirit, perfectiorem modum existendi tribuit illi, quam inheretia naturalis, qua priuatur, ideo non est in statu violento; sed supernaturali solum: sic docet Pater Suarez 3. part. tomo 1. disputat. 8.

Et si obijcias, nam omne accidens mediata, vel immediata petit afficere substantiam; sed ille modus subsistentiæ, qui est in accidenti separato à substantia, nulla ratione potest afficere substantiam, quia sequitur accidens, ut separatū à substantia: ergo talis modus subsistentiæ non est accidens. Respondetur, quod licet de ratione accidentium naturalium sit, quod ordinatur ad afficiendam substantiam, tamen accidens hoc supernaturale id habet sibi proprium, ut sequatur accidens, ut separatū ab illa, atque adeo non ordinatur ad afficiendam substantiam; sed potius petit separationem ab illa, quia est modus per se existendi, & non in substantia, quod nullum aliud accidens

habet,

habet, verum est accidens illud, habere subiectum inhaesionis, quia inhaeret accidenti separato.

Dico vltimò in hac quaestione, licet in opinione positum sit, vtrum potentia separata ab anima sint in statu violento, vel non, iuxta dictas sententias, tamen quòd è còtra animam priuata suis potentijs sit in statu violento, certum debet esse, & vniuersaliter omne subiectum priuatum accidenti sibi debito. Ratio est, quia priuatur aliquo sibi debito: ergo priuatio talis accidentis, si nihil aliud loco eius ponatur, violenta est illi, quia est à principio extrinseco, passio, non conferente vim idem est iudicium, si essentia sine suis passionibus daretur.

Questio III. Vtrum potentia procedant ab anima, & in quo genere causa?

DE hac re disputat Aristote. cap. 4. sequenti, tamen quia difficultas hac ad praesentem disputationem de potentia animae in communi sumptis pertinet, placuit hoc loco, eam inferere. Sunt verò de hac re variae Auctorum sententiae. Quidam enim asserunt, animam non esse causam efficiètem suarum potentiarum, & vniuersaliter, essentiam non esse causam efficiètem suarum passionum. Tenet Iandunus hoc lib. quaest. 9. Caietanus Tienenensis, text. 29. Sotus cap. de Proprio.

Alij verò asserunt, animam esse causam efficiètem suarum poten-

tiarum, non tamen principalem, sed instrumentalem. Dicunt enim, essentiam, vt instrumentum generantis, producere passiones. Quam sententiam tenent ferè omnes illi, qui asserunt grauias, & leuias moueri à generante, quales sunt omnes ferè Thomistae, quos retulimus 2. Phys. disput. 1.

Tertiò verò alij asserunt, essentiam esse causam suarum potentiarum efficiètem, non tamè per veram, & praedicamentalem actionem, sed per impropiam, quam ipsi appellant simplicem resultantiam, vel emanationem. Tandem Arist. cap. 4. sequenti docet, animas in triplici genere esse causam suarum potentiarum, & perinde essentiam suarum passionum; est enim eadem ratio, scilicet, in genere causae efficièntis, materialis, & finalis.

Quam sententiam vt intelligamus, supponendum est in primis, animam non esse causam formalem suarum potentiarum, vel essentiam suarum passionum. Ratio est, quia in primis non est causa intrinseca informans, potius enim potentiae aliquae informant animam, quales sunt potentiae spirituales animae rationalis, quae subiectantur in illa, aliae verò potentiae materiales sunt immediatè in materia prima, vt statim dicam: ergo anima, non est causa formalis intrinseca suarum potentiarum, neque etiam extrinseca, ita quòd illas extrinsecè specificet, potius enim potentiae specificantur per actus, vel per alia, iuxta infra dicenda:

tenda: ergo anima nullo modo est causa formalis suarum potentiarum.

Secundò, conueniunt omnes cū Arist. loco citato, animam esse causam finalem suarum potentiarum. Ratio est, quia potentia est propter operationem; & operationes animæ sunt propter ipsam animam, scilicet, vt ipsa anima per suas operationes perficiatur: ergo de primo ad vltimum, potentia est propter animam, atque adeò anima est causa finalis suarum potentiarum: vnde quod Aristot. dixit 2. de Cælo. capit. 3. *Vnumquodque esse propter suam operationem*, intelligendum est de fine, quo, qui est finis minùs principalis, est enim operatio, vt suprà vidimus, finis quo, respectu ipsius rei, tamen res ipsa est finis cui, respectu illius, quia est id, cui data sunt potentia, & operationes, vt magis in suo esse per illas perficiatur.

Solùm ergo superest difficultas, vtrum anima sit causa materialis, & efficiens suarum potentiarum, & quidem quod attinet ad genus causæ materialis; non omnes eodem modo sentiunt; nam qui existimant accidentia materialia subiectari in toto composito, & perinde inadæquatè in partibus essentialibus illius, consequenter tenentur fateri potentias vitales materiales, quales sunt potentia nutritiua, & omnes sensus, subiectari in toto composito, & ita in anima inadæquatè: nobis tamen, cū opinemur, accidentia omnia materialia subiectari im-

mediatè in materia prima, vt quod, aliter loquendum est.

Dico ergo primò, potentia spirituales animæ, quales sunt intellectus, & voluntas, sunt inhæsiuæ in anima rationali, non verò in materia, & ita ex eo dicuntur esse in homine, non quia sint in vtraque parte hominis; sed quia sunt in anima, quæ intimè est in homine, & iuxta hanc conclusionem expendo verba Aristot. dum dicit; potentias animæ procedere ab illa in genere causæ materialis, ita vt loquatur de potentijis spiritualibus animæ.

Et probatur conclusio. Primò, quia, vt vidimus. 1. Phyl. anima rationalis, adhuc in corpore habet propriam substantiam partialem, quæ per se subsistit, vt adhuc ex sententia S. Thom. ibi ostendi: ergo est subiectum capax ad sustentanda accidentia sibi propria, quales sunt suæ potentia spirituales.

Secundò, quia spirituale nō potest recipi in subiecto corporeo: sed totum compositum, nempe homo, corporeū est, & similiter materia, restat ergo, quod huiusmodi potentia spirituales tantum recipiantur in anima rationali.

Dico tamen secundò, omnes alias potentias animæ, vt potè, quæ materiales, immediatè recipi in materia prima, & ita animam non esse causam materialem harum potentiarum. Ratio est, quia nulla forma materialis; vt dictum est loco citato, habet substantiam, quæ per se

D. subsistat,

subsistat, solum illam habet materia prima: ergo tantum illa est subiectum capax ad sustentandas huiusmodi potentias vitales.

Si dicas, tales potentias esse in toto composito, quod materiale est, & subsistit ut quod. Contra est, quia, ut dicto loco argumentabar, intelligibile est accidens aliquod recipi in toto composito, quin recipiatur in partibus essentialibus illius, ex quibus intimè componitur, & ita in homine iam huiusmodi potentia materiales essent in anima rationali, atque adeo accidens materiale reciperetur in subiecto spirituali: ergo sicut in homine materia prima est subiectum capax ad recipiendas huiusmodi potentias vitales idem erit in alijs viventibus, est enim in omnibus materia eiusdem rationis.

Est tamen hoc loco advertendum, quod quamvis huiusmodi potentia vitales, tantum recipiantur in materia prima, tamen ut sint in illa, debet supponi anima informans materiam, quia cum huiusmodi potentia orientur ab anima, non possunt recipi in materia, nisi iam prius natura supponatur anima informans materiam illam, ut possit tales potentias in materia producere: ex hoc tamen non licet inferre, quod tales potentia sint in toto composito, aliud enim est accidens aliquod esse in materia prima habente formam; aliud, quod sit in materia & forma, sicut scientia, & reliqui habitus spirituales, quos ani-

ma rationalis acquirit in hoc statu, adueniunt illi unitæ corpori, tamen non subiectantur in corpore, sed duntaxat in anima rationali.

Solum contra hanc sententiam potest obijci, nam si potentia vitales non subiectantur in anima, sequitur, quod actiones omnes potentiarum vitalium materialium, verbi gratia, sensationes non sint actiones immanentes. Probatur consequentia, quia non subiectantur in anima, à qua eliciuntur. Et probatur, quia huiusmodi operationes subiectantur in potentijs, potentia autem non subiectantur in anima. Sed respondetur facile, tales operationes vitales potentiarum materialium non dici immanentes, respectu principij radicalis illarum, quod est anima; sed respectu principij proximi, & immediati, quod est potentia vitalis: & ita dicuntur actiones immanentes, quia manent intra potentiam, à qua eliciuntur.

Et si obijcias secundò, quod si, verbi gratia, potentia visiva est in materia prima, rectè diceremus, materiam primam videre. Respondetur, materiam primam solum concurrere ad visionem sustentando potentiam visivam à qua effectus provenit visio, & ita proprie non dicitur videre, quia videre cum sit verbum actuum, solum denominat causam agentem, præsertim, quod actiones, absolute, & proprie loquendo, solum sunt suppositorum, & quia materia prima

non;

non est suppositum, idè non dicitur absolute videre.

Vel secundò respondetur, quòd accidentia vitalia, quales sunt operationes vitales, ad hoc quòd denominent subiectum, debent in subiecto duo reperiri, & quòd sit susceptivum, & actiuum; at verò materia licèt sit susceptiva, non tamen est activa, atque adeò non denominatur videre, sed totum compositum, in quo materia est susceptiva, & anima activa.

Superest ergo tantum difficultas de causalitate causæ efficientis. Vtrum, scilicèt anima, sit causa efficiens suarum potentialium, & in uniuersum, an essentia sit causa efficiens suarum passionum: loquimur autem de passionibus, quæ realiter distinguuntur ab essentia: nam quando non distinguuntur, qualiter passionem entis non distinguuntur realiter ab illo, non possunt procedere efficienter ab essentia, debet enim inter causam, & effectum intercedere distinctio realis.

In qua re dico primò, animam esse causam efficientem suarum potentialium, & uniuersaliter essentiam suarum passionum. Quam conclusionem docet Aristot. cap. 4. sequenti, & cum eo communiter ferre omnes Interpretes. Et ratione probatur, quia formæ non viuendum sunt causæ efficientes suarum potentialium, qualiter experimur aquam actiue se reducere ad suam connaturalem frigiditatem, & ignem ad suum intensum calorem, si

sua natura relinquatur: ergo multo melius anima, quæ perfectior forma est, erit causa efficiens suarum potentialium vitalium.

Et si inquiras, quæ sit causa, quare aqua semel ablata sua naturali frigiditate, possit per naturam se ad illam reducere; ablata tamen semel potentia visiva, non possit anima absque miraculo illam producere? Respondetur, causam esse, quia ad potentiam visiuam requiruntur certæ dispositiones, & temperamentum qualitatum, quod non potest anima se sola efficere, tamen ad frigiditatem producendam non prærequiruntur præuix dispositiones, & ita facile potest forma aquæ illam iterum causare.

Dico secundò, animam esse causam efficientem principalem suarum potentialium, & essentiam suarum passionum, non verò instrumentalem. Quam sententiam satis indicauit S. Tho. 1. p. quæst. 7. art. 6. ad 3. ubi dicit, quòd sicut calor dimanat à luce, ita passio ab essentia; sed lux in opinione omnium, est causa æquiuoca principalis caloris: ergo & anima est causa principalis suarum potentialium, licèt æquiuoca, quia est diuersæ rationis ab illis.

Et ratione probatur, quia anima est longè perfectior suis potentijs, & essentia suis passionibus, & ex natura sua ordinatur ad talem effectum producendum: ergo nihil deficit illis ad rationem causæ principalis. Vnde quando S. Thomas

tribuit generandi productionem passionum, non vero essentia, loquitur de principio radicali, & remoto, & ita per quamdam attributionem ad principium radicale illarum, in quo sensu est verum principium illud, quod qui dat formam, debet dare consequentiam ad formam; non tamen loquitur de principio proximo immediato.

Possit et hoc loco circa dicta aliqua dubitari, de quibus nos late egimus §. Phys. quaest. 2. Primò ramque inquiri posset, vtrum essentia, & passiones eadem actione producantur: diximus, diuersa actione produci, quia termini realiter diuersi postulant actiones, & vias ad illos terminatas realiter diuersas.

Secundò dubitari potest, an talis productio passionum, seu potentiarum, sit mutatio realis, & breuiter diximus, potentias spirituales, quae producuntur eù anima rationali in instanti, quod creatur à Deo, non fieri per realem mutationem illius, alias tamen passiones, & potentias materiales, fieri per veram, & realem mutationem. Legantur ibi dicta §. Phys. quaest. 1. ad finem: consultius enim duxi rem hanc ad propriam eius sedem remittere, quam hoc loco vix tactam imperfectam satis relinquere.

Adbuc tamen hoc loco quaedam inquiri possunt. Primò, vtrum talis actio productiua potentiarum sit vera actio de praedicamento actionis, ita quod sit actio superaddita

rei factae, vel potius sit actio aliqua transcendentalis, quae non disiungitur ab ipsa re facta.

Et dico breuiter, reuera talem actorem esse praedicamentalem, & superadditam ipsis passionibus. Et probatur, quia passiones non pendunt per suam intrinsecam essentiam ab essentia, à qua causantur: ergo per actionem superadditam. Antecedens probatur in quantitate, quae est passio substantiae corporeae, & tamen non pendet per suam essentiam ab illa, quia miraculose saltem conseruatur separata ab illa, vt patet in Sacramento Eucharistiae: ergo quid simile potest intelligi in alijs passionibus, quae sunt res, & non modi.

Dubitabis secundò, vtrum passiones dimanent ab essentia ordine quodam, ita vt essentia cum vna passione, sit causa alterius, & illa alterius, &c. Et idem est de potentijs animae.

In qua re duae sunt sententiae, prima est asserentium huiusmodi potentias animae ordine quodam ab illa procedere, ita vt perfectiores sint causa aliarum, quae minus perfectae sunt, quorum fundamentum est, quia haec est vera propositio: homo ideo est risibilis, quia est admiratiuus, risus enim supponit admirationem alicuius nouitatis: ergo, irrisibilitas habet ortum ex potentia admiratiua. Sic tenet D. Tho. 1. p. q. 77. art. 7. & potest probabiliter defendi.

Alij

Alij verò afferunt, non minus probabiliter omnes huiusmodi potentias oriri immediate ab anima, quamvis quædam sint perfectiores alijs, quemadmodum enim calor ignis, quamvis sit perfectior siccitate illius, tamen non oritur siccitas ab igne, medio calore, sed vtraque qualitas immediate oritur à forma, sic etiam in potentijs animæ.

Et confirmatur, quia profectò non est sufficiens fundamentum, ut afferamus sensus omnes produci ab anima medio intellectu, ita quòd immediate orientur ab intellectu perfectiori illis, hoc tamen videtur gratis, & sine fundamento dictum.

Ad fundamentum autem contrariæ sententiæ responderi, propositionem illam: Ideò homo est risibilis, quia est admiratiuus, non significare veram causalitatem causæ efficientis, sed sicut actus admirationis dicitur causa actus risendi, ex eo solum quòd sit conditio quædam prærequisita ad actum risendi, non tamen quia actus admirationis, qui est actus intellectus, physice influat in actum materiale risendi, ita potentia admiratiua prærequiritur, ut conditio quædam ad potentiam risuam, non tamen ut vera causa efficiens illius. Addo tamen non repugnare, quòd vna potentia sit causa finalis alterius. Quæ ratione in homine sensus omnes sunt propter intellectum, scilicet, ut intellectus medijs phantasmatibus possit intelligere.

*Questio IIII. Verum potentia specifi-
etur per actus, & actus per obiecta?*

Conueniunt omnes in hac questione, potentias non specificari per actus inade quatos, possunt enim plures actus esse in eadem potentia, qua ratione voluntas habet varios actus, scilicet, amorem, & odium, & idem est de alijs potentijs. Solum ergo est questio, vtrum potentiæ specificentur per actus adæquatos, id est, per actum in communi illius potentiæ, ut potentia visiva per visionem, auditus per auditionem: & sic de reliquis.

Secundò, certum est, potentias, aut actus non distingui per obiecta materialia: possunt enim potentiæ, & actus specie diuersi habere idem obiectum materiale, qua ratione intellectus, & voluntas versantur circa ens, veluti circa obiectum materiale, & idem est de actionibus talium potètiarum: loqui nunc ergo de obiecto formali actus, & potentiæ.

Tertiò, conueniunt omnes, potentias non specificari per actus, aut actus per obiecta intrinsecè; neque enim obiectum est differentia essentialis constitutiva actus, sed est aliquod illi extrinsecum: & idem est de actu respectu potentiæ, est enim entitas diuersa à potentia. Solum ergo queritur, vtrum potentiæ specificentur per actus, & actus per obiecta extrinsecè, id est, tamquam à causa formali extrinseca.

In quare partem negatiuam tenet Scotus in 2. d. 16. Philoppon: & Paulus Vener. hic text. 3. Caiet. Thienen. tex. 39. Dicunt enim, quòd licet quoad nos dignosci possint species potentialium per ordinem ad actus, & species actus per ordinem ad tale, vel tale obiectum, tamen re ipsa, neque potentia specificantur per actus, neque actus per obiecta. Et videtur posse probari hæc sententia. Primò, quia si potentia specificantur per actus, & actus per obiecta: ergo de primo ad vltimum potentia specificantur per obiecta: ergo cum etiam actus specificentur per obiecta, sequitur potentias, & actus esse eiusdem speciei, quia habent idem specificationem: consequens autem est falsum, quia cum potentia sit qualitas, & actus de prædicamento actionis, potius differunt genere.

Secundò, quia impossibile est, ram aliquam pendere in sua specie a re non existente; sed quando potentia visua nullum habet actum, retinet tamen suam specificam rationem, non minus quam antea: ergo non fortitur suam speciem ab actu aliquo.

Tertiò, quia potentia visua, verbi gratia, est potentia aliqua in specie infima, eius tamè obiectum est vnum in genere, scilicet color in communi: ergo potentia non possunt specificari per obiecta, aliàs sicut obiectum est quid genericum; ita potentia, quæ ab alio specificatur.

Contraria tamen sententia communis est, & verissima, scilicet potentias specificari per actus adæquatos, & actus per obiecta. Quam sententiam docuit apertè S. I. hom. 1. par. quæstio. 77. art. 3. & quæst. de anima art. 13. quem communiter ferè omnes sequuntur. Et probatur ratione, quoniam potentia essentialiter dicunt ordinem secundum dici ad actus, & actus ad obiecta, & diuersæ potentia dicunt ordinem ad diuersos actus, & actus diuersi ad diuersa obiecta: ergo potentia specificantur intrinsecè per ordinem ad actus, extrinsecè verò per actus ipsos, tamquam per terminum illius habitudinis essentialis. Probatur maior, quia potentia nulla ratione possunt perfectè cognosci sine habitudine ad actum, ad quem dicunt potentia, neque actus sine habitudine ad obiecta, circa quæ versantur: ergo talis habitudo est de essentia actus, & potentia; sed diuersæ potentia dicunt habitudinē ad diuersos actus, & diuersi actus ad diuersa obiecta: ergo potentia essentialiter distinguuntur per actus, & actus per obiecta.

Sed statim oritur non parua difficultas, vnde nam dignoscendum sit, quod obiectum sit adæquatum alicuius potentia, & quis sit eius actus adæquatus; possit enim aliquis facile dicere, potentiam visiuam non esse vnā, sed plures, ita vt alia sit potentia correspondens albedini, vt obiecto adæquato, alia nigri.

ingredini, & sic de reliquis. Respon-
detur ad rem hanc, certè difficile
posse cognoscitamen attendendus
est diuersus modus operandi po-
tentiarum: hac enim ratione distin-
guimus intellectum à voluntate,
quia bonum, quod est obiectum
voluntatis, attrahit illam ad se; in-
tellectus verò potius attrahit ad se
obiectum per speciem eius, & ita
aliquando ex diuerso modo ope-
randi colligimus quasi à posteriori
diuersitatem potentiarum.

Quo supposito, illas à priori di-
stinguimus per diuersa obiecta, at-
tendenda etiam est perfectio po-
tentiae: nam obiectum, quod re-
spectu vnius potentiae est adaequa-
tum, potest esse respectu alterius
perfectioris inadaequatum. Qua ra-
tione color, qui est obiectum adaequa-
tum visus, est inadaequatum respec-
tu imaginationis, quia imaginatio
tam potest versari circa colorem,
quàm circa alia sensibilia: quae etiam
ratione color albus, qui est obiectum
adaequatum actus videtis album, est
inadaequatus respectu potentiae vi-
siuè: quia cum sub eadem potentia
possint comprehendi plures, actus
potentia ad plura obiecta se exten-
dit, quàm actus. Attendenda etiam
est improporatio, & disconuenien-
tia maxima, quae versatur inter ob-
iecta; nam quia colores, & sapor
maximam habent differentiam; &
diuersum modum immutandi sen-
sum, vt infra dicam, colligimus re-
quirere diuersos sensus; vt perci-
pantur: quia tamen colores omnes

videntur sub eodem lumine, velturi
sunt eadem ratione formali; colligi-
mus ab eadem potentia percipi:
& ita ex varijs, & diuersis circum-
stantijs pensanda est res ista.

Ad it. argui contrariae sententiae
respondetur, diuersimodè specifi-
cari actus, & potentias per obiecta,
nam actus dicunt ordinem ad ob-
iectum, prout terminant habitu-
dinem viae, & tendentiae: est enim
actus, qui versatur circa obiectum,
tendentia quaedam ad illud, obiectum
verò specificat potentiam, vt est
terminus habitudinis principij acti-
ui talis actus; potentia enim est prin-
cipium elicitiuum actus, & ita ex
diuersa ratione formali, qua ob-
iectum terminat habitudinem actus,
& potentiae, distinguuntur diuersi-
modè actus, & potentiae per obiecta.

Ad secundum, quod obiectum
solum tribuit speciem potentiae ex-
trinsecè; scilicet, terminando habi-
tudinem efficientem potentiae ad
illud, ad quod non requiritur quòd
existat, & ita non est causa formalis
intrinseca specificationis potentiae,
sed extrinseca, & idem est dicen-
dum de actu respectu potentiae.
Verum est, quod si esset impossi-
bile obiectum, esset impossibilis
actus, & potentia circa illud: qua
ratione saepe docuit Aristoteles, quòd si
esset impossibilis color; esset im-
possibilis visus. Ratio est, quia si esset
impossibilis color, esset impossibi-
le videri colorem; sed si est impos-
sibilitas videndi colorem; est impos-
sibilis potentia visiva: ergo si esset

impossibilis color, esset etiam impossibilis visus.

Ad tertium, nullum esse inconueniens, quod obiectum genericum tribuat speciem alicui potentie specificæ, quamuis tale obiectum non sit aliquod specificum in specie infima. Ratio est in primis, quia causa formalis bene potest tribuere effectum, quem in se formaliter non habet; albedo enim facit album, cum tamen non sit alba, & color specificat visionem in genere causæ formalis extrinsecè, cum tamen color non sit visio: & ita nihil mirum, quod obiectum genericum specificet extrinsecè potentiam aliquam unam in specie infima.

Secundò, quia, ut dixi, obiectum solum specificat potentiam terminando ad habitudinem essentialem, quam dicit potentia ad illud, & quia potentia visiva, v. g. non dicit habitudinem, tanquam ad obiectum adæquatum ad hunc, vel illum colorem, sed ad colorem in communi. ideo potentia potest sumere specificationem ab obiecto generico; relatio enim secundum dici, ut dicebam cap. de relac. non requirit necessario existentiam realem termini, quæ ratione adhuc, corrupto subiecto quantitatis, haberet quantitatem essentialem ordinem ad subiectum, cum si de illius essentia: ita quamuis color in communi non determinet partem rei, potest terminare habitudinem secundum dici, quam dicit potentia ad illum; quia saltem datur a parte rei illa ratio co-

loris contracta in pluribus coloribus.

Quæst. V. Vtrum sint tantum quinque potentia animæ?

Certum est in hac quæstione, non omnes potentias animæ esse vitales, quædam enim sunt potentie, quæ oriuntur ab illa secundum gradum genericum communem cum alijs formis non viuientium, quæ ratione grauitas hominis, quæ est quædam potentia, oriuntur ab eius anima, in quantum est forma corporis grauis, in quo conueniunt cum alijs formis non viuientium: tantum ergo illæ potentie dicuntur vitales, quæ oriuntur ab anima, in quantum anima est, id est, ut est forma diuersa a formis non viuientium, & de his potentijs inquirimus, vtrum sint quinque, ut docuit in hoc cap. Arist.

Ratio dubitandi est, primò, quia sicut inter potentias cognoscitiuas est diuersa potentia intellectiua a sensitiua; ita inter potentias appetitiuas, alia est appetitiua rationalis, qualis est voluntas, alia verò est appetitiua sensitiua, qualis est appetitus sensitiuus brutorum: debuit ergo Aristot. distinguere duas potentias appetitiuas, sicut intellectiuam distinxit a sensitiua.

Secundò, quia qualibet potentia appetit suum actum, & obiectum, dicit enim quamdam inclinationem ad actum, & ad obiectum medio actu: ergo appetituum non est poten-

potentia aliqua diuersa à reliquis, sed ratio generalis inclusiua in omnibus.

Dicendum tamen est breuiter cum Arist. hoc cap. quinque esse potentias animæ, scilicet, vegetatiuum, sensitium, loco motiuum, appetitiuum, & intellectuuum. Et in primis, quod istæ potentia sint diuersæ, & distinctæ, probatur: habent enim ordinem ad diuersos actus, & ad diuersa obiecta: ergo sunt potentia diuersæ; quod uero non sint plures, patebit ex solutione argumentorum.

Ad primum respondetur, verum esse, quod sicut inter potentias cognoscitiuas potentia intellectiua est diuersa à sensitiua; ita inter appetitiuas voluntas est diuersa ab appetitu sensitiuo, non tamen illas connumerauit Arist. quia facile erat, illas distinguere, sicut ipse distinxit potentias cognoscitiuas, & ita nomine appetitiui vtrumque appetitum, intellectualem scilicet, & sensitiuum amplexus est: appetitus autem naturalis non pertinet ad hanc considerationem, iste enim non est potentia propria animæ, cum reperiatur in inanimatis.

Ad secundum, hic non esse sermonem de appetitiuo, prout dicit illam generalem inclinationem, qua potentia appetunt suos actus, sed prout significat peculiarem potentiam animæ, qua anima appetit obiectum aliquod per actum elicitum, de quo appetitu plura dicam suo loco, sicut de alijs prædictis potentijs.

Solum ergo hoc loco aduertendum est, has potentias non esse vnas in specie infima, sed in genere; nam potentia sensitiua habet varias species, scilicet, visum, auditum, &c.

Tandem hoc loco aduertendum est circa rationem illam, qua Arist. probat, omnia animalia habere sensum tactus, hac ratione: omnia animalia habent sensum: ergo habent sensum tactus, quod quamuis non sit bona ratio formæ, quia est à superiori ad inferius affirmatiue, tamen est bona ratione materiæ, quia nullum animal habet sensum aliquem, quod non habeat tactum, & ita ratione materiæ bene valet, omnia animalia habent sensum: ergo habent sensum tactus.

Capit. quartum.

Aggreditur iam Arist. disputare de potentijs animæ in particulari, agit autem in hoc capite de potentijs animæ vegetatiuæ. Caput autem quatuor continet partes: in prima, proponit methodum obseruandam in hac re: in secunda docet, qua ratione anima sit causa suarum potentiarum: in tertia, rejicit sententiam quamdam Empedocleus: tandem in quarta agit de alimento, quia est obiectum circa quod versatur potentia nutritiua, quæ est potentia animæ vegetatiuæ.

Ad primam ergo partem accedentes, dicit, in tractatione de potentijs animæ, prius esse agendum de actibus illarum, quam de ipsis potentijs.

tij, quia actus sunt priores potentij, quod intelligendum est in genere causæ formalis, eò quod potentia specificatur per actus: nam in genere causæ efficientis potentia sunt priores actibus. Similiter, inquit, prius est agendū de obiectis, quam de actibus, quia obiecta sunt priora actibus. Addit tamen, se prius agere de potentij animæ vegetatiuæ, nam anima vegetatiua est vniuersalior cæteris animabus, reperitur enim in pluribus; plantæ enim habent animam vegetatiuam, non tamen sensitiuam, & rationalem.

In secunda parte agit iam de actibus potentiarum animæ vegetatiuæ, & inquit, animam vegetatiuam duplicem habere actum, scilicet, vti alimento; & generale sibi simile, quod inquit est naturalissimū opus viuentis; vt media generatione conseruetur species in pluribus indiuiduis, dicit tamen huiusmodi opus non reperiri in omnibus viuentibus, sed in illis, quæ habent tres conditiones. Prima, quod non sint imperfecta, id est, quod perueniant ad statum perfectum: quæ ratione pueri, propter paruitatem corporis non possunt generare. Secunda, quod non sint mutilata, vt eunuchi, vel frigida, aut aliò quouis impedimento affecta, vt impotentes. Tertia, quod non sint exputrescente facta: hæc enim saltem non omnia generant, sed plura sunt ex putrescente sola terræ, quales sunt plures vermes.

Sed quia dixerat finem genera-

tionis esse conseruationem speciei, dicit hunc finem triplicem, scilicet, cuius gratia, & hic est conseruatio, & perpetuitas speciei. nam gratia illius viuentia generant sibi simile; alius verò est finis cui, & hic est ipsum viuens, nam in eius vtilitatem cedit; alius verò est finis quo: scilicet quo consequitur finis cuius gratia, & hic est ipsa generatio, quæ per illam conseruatur species.

In tertia parte docet, animam esse causam suarum potentiarum, efficiētem in quantum illas producit, finale, quia propter illam sunt potentia, & operationes, vt scilicet anima magis perficiatur, ac tandem in genere causæ materialis dicit animam esse causam formale respectu compositi, quia tribuit illi vitam, viuere autem viuentibus est esse.

In quarta rejicit sententiam Empedoclis asserentis plantas habere suum sursum in ramis, deorsum verò in radicibus, quod ex eo probat esse falsum: quia per sursum est illa, per quam sumitur alimentum; vt patet in alijs viuentibus, sumunt enim alimentum per os, quod est sursum, sed plantæ sumunt alimentum per radices: ergo respectu plantarum radices sunt sursum, & folia deorsum: quauis respectu vniuersi folia habeant rationem sursum, & radices deorsum. Impugnat etiam Democritum asserentem, in mixtis viuentibus ignem esse causam augmentationis, quia ignis, inquit, nullum habet terminum magnitudinis, viuentia verò illum petunt: vnde

vnde potius anima est causa totius operationis vitalis.

Tandem in quanta parte capitis agit de alimēto, quod est obiectum potētiae nutritiuae, ad quod tres conditiones requirit. Prima, quod sit contrariū alito, id est, diuersae rationis ab illo, eò quod mutatur in alitum: mutatio autē est à contrario. Secūda est, quod sit ex his contrarijs, quorū vnū auget alterum, non enim omne contrarium auget alterum, quia ratione ægrotudo nō auget, sed potius minuit sanitatem. Tertia, quod taliter augeat alitum, vt conuertatur in illud, non verò è contra.

Dubitat tamen, vtrum alimētum debeat esse simile alito. Ratio dubitandi, inquit, est, quia eodē nutrimur, quo augemur; sed vnūquodque augetur per aduentū similis, vt quantitas per quantitatem: ergo etiā alimēto, quo nutrimur, debet esse simile alito. Alij verò, inquit, asserunt alimētū debere esse dissimile viuēti, quorū fundamentū est, quia alimētum transmutatur à viuēti; mutatio autem fit à contrario. Soluit autem dubitationem, dicēs, alimētū in principio, & quando nō est coctum, esse dissimile viuēti: in fine tamen debere esse simile: addit tamen, quod alimētum in quantum substantia nutrit, in quantum verò est aliquid, quantum auget. Secundum verò, quod habet aliquid superfluum, pertinet ad potentiam generatiuam, nam ex residuo alimenti fit semen: tandem definit potentiam nutritiuam, dicens, esse

vim quamdam, & potētiam animę ad conseruandum viuens, in quantum viuens est.

DISPUTATIO III.

De potentijs animę vegetatiue, & de earum acti.

MERITO quidem Aristot. acturus de potentijs animę in particulari, orditur à potētijs animę vegetatiuę, tum, quia omnibus viuētibz sunt communes, & ita ab vniuersaliorebus doctrina inchoatur; tum etiam, quia disputatio hæc minorem continet difficultatem, quam tractatio de alijs potētijs animę, & ita etiam à facilibus procedit. Suppono autem in hac disputatione, tamquam certum apud omnes, dari in viuētibz potentiam nutritiuam, & generatiuam, experimur enim viuētia nutrirī, & generare sibi simile: quare solum superest disputandum de natura, & quantitate harum potentiarum.

Questio I. Quid sit potentia nutritiua, & an distinguatur realiter ab augmentatiua.

DE hac re varie sentiunt Philosophi. Prima sententia est, quam refert Tolet. hic quest. 10. aliterentium potentiam nutritiuam nullā ratione distingui à calore naturali ipsius viuētis conuerrente alimentum in substantiam aliti; exillimant enim huiusmodi Auctores, calorem naturalem viuētis differre specie à calore elementali ignis, verbi gratia, ac proinde

inde, quod quamuis calor ignis non sit potenti- vitalis nutritiua, id tamen habeat calor naturalis viuētis.

Merito tamen hæc sententia ferè ab omnibus rejicitur, quia calor productus à Sole, & ab igne, non differunt specie, habet enim eodem prorsus effectus; sicut enim calor ignis producit ignem, ita & calor solis transiens per vitrum, ut diceb à primo de Generatione: ergo similiter, calor proueniens ab anima, & ab igne, non debent distinguī specie, atque adeo sicut calor elementalī non potest habere rationem potentie nutritiue vitalis, quia non est aliquod principium vitale, ita neque in viuētib. Neque obstat, quod calor in viuētib. producat carnem, non tamen in igne, id enim habet ex diuerso concursu, quo iuuatur ab anima, ab illo, quo forma ignis cooperatur cum illo.

Secunda sententia est, asserentium, potentiam nutritiuam non esse aliquid diuersum à temperamento quatuor primarum qualitatū, quo constat ipsum viuens. Quam sententiam plures ex Medicis sequuntur, eamque probant primò, quia si potētia nutritiua est qualitas diuersa à temperamento primarum qualitatū, cum talis potētia sit instrumentum animæ ad efficiendam nutritionem, ad quam actionem necessarius est concursus caloris, sequeretur, iam animam ad hanc actionem habere duplex instrumentum, scilicet, potētiā, & calorem

naturalem: multiplicare autem tot instrumenta, videtur minus consonum: nam non viuētia per vnicum dumtaxat principium causant actiones suas, qualiter graue per grauitatē mouetur, & ignis per calorem calefacit, ergo in viuētib., quæ longè perfectiora sunt, non sunt multiplicanda tot instrumenta.

Secundò, quia operationes potentie nutritiue sunt coctio alimenti, & conuersio substantialis illius in substantiam aliti; vtraque autem actio potest optimè fieri à calore, absque alia qualitate, sicut conuersio ligni in ignem sufficienter fit à calore absque alia qualitate superaddita: ergo frustra ponitur potentiam nutritiuam esse qualitatem diuersam à temperamento primarum qualitatū, de quo temperamento iam ostendimus 1. lib. de Generatione, non esse qualitatem aliquam diuersam ab ipsis qualitatibus temperatis in gradu remissio.

In hac re supponendum est in primis, ad nutritionem non solum concurrere calorem naturalem, sed etiam omnes quatuor primas qualitates. Quam sententiam docuit in primis Arist. 2. de Gene. animal., cap. 4. vbi dicit, augmentum viuētiū fieri à facultate animæ, utendo calore, & frigiditate: ergo aperte sentit, non solum calorem, sed etiam alias primas qualitates concurrere ad nutritionem. Et ratio est efficax, quia alimentum debet disponi qualitatibus similibus, ac sunt in ipso viuēti; ut

in co

In eo introducatur forma viuens, sicut lignum debet disponi per calorem ignis, vt cōuertatur in ignē; sed viuens non solum constat calore, sed temperamēto omnium primarum qualitarum: ergo omnes primæ qualitates concurrent ad nutritionem: verum est; quod sicut vita viuentium præcipue conseruatur calore, ita etiam nutritio præcipue calore naturali illius.

Hoc supposito dico primò, potentiam nutritiuam non esse tantum calorem ipsam naturalem, vt prima sententia allerebat: ratio est; quia etiam aliæ primæ qualitates concurrunt ad nutritionem: ergo solus calor non est principium sufficiens ad illam efficiendam, atque adeò non est potentia nutritiua.

Dico secundò, potentiam nutritiuam non esse temperamentum primarum qualitarum, sed aliam qualitatem diuersam, vtentem calore, & alijs primis qualitatibus, ad efficiendam nutritionem. Et in primis mihi videtur sententia expressa Arist. 2. de Generatione animalium capiti 4. vbi dicit; potentiam nutritiuam efficere incrementum, ytendo caliditate; & frigiditate: ergo est qualitas aliqua vtens primis qualitatibus, atque adeò ab illis diuersa: est etiam sententia expressa S. Tho. 1. p. q. 18. ar. 2. & q. 118. ar. 1. tenet etiam Albertus 2. de Anima tractatu 2. c. 6. Tolet. hoc lib. q. 10. Et ratione probatur; quia potentia nutritiua est potentia vitalis, propria anime vegetatiue; sed tempe-

ramentum primarum qualitarum, etiam reperitur in mixtis inanimatis: ergo potentia nutritiua debet esse alia qualitas vitalis diuersa à temperamento primarum qualitarum.

Et si respondeas, huiusmodi temperamentum non reperiri in non viuentibus in ea proportionē, qua reperitur in viuentibus; & ita illud temperamentum taliter dispositum esse proprium viuentium: Cont. à est; nam quod tale temperamentum sit magis aut minus intensum, non variat speciem; sed anima vegetatiua differt specie à formis non viuentium: ergo debet habere potentias sibi proprias, diuersas ab illis: potentia autem eius sunt, nutritiua, & generatiua: ergo huiusmodi potentia non possunt consistere in temperamento primarum qualitarum.

Secundò, quia potentia anime sensitiva, v. g. parentia visiva; in opinione omnium est qualitas diuersa à temperamento primarum qualitarum: ergo similiter potentia anime vegetatiue.

Tertiò, quia etiam actus potentia nutritiue sunt attractio alimenti, & retentio illius, huiusmodi autem actus non possunt fieri à temperamento primarum qualitarum: sicut in opinione omnium, virtus illa, qua magnes attrahit ferrum, est qualitas occulta; distincta à primis qualitatibus, quantumvis temperatis, quia non est verisimile calorem, & frigiditatem, esse causam motus localis, quo attrahitur ferrum: ergo potentia nutritiua

tiaua est qualitas aliqua, diuersa à tali temperamento, habens varios illos inadxquatos effectus.

Dico tertio, non omnes potentias nutritiuas esse eiusdem speciei, sed in viuentibus specie diuersis esse potentias nutritiuas specie diuersas. Quæ sententia communis est, & probatur facile, quia potentia distinguuntur per actus; sed nutritiones viuentium diuersæ speciei, sunt specie diuersæ, vt vidimus primo lib. de Generatione capit. 9. terminantur enim ad substantias specie diuersas: ergo & potentia nutritiua talium viuentium, sunt specie diuersæ, per quod patet esse diuersam rationem de potentijs visuiis, verbi gratia, & nutritiuis: nam quantumuis equus & leo, differant specie, potentia tamen visuiæ illorum non differunt specie, quia vterque visus habet idem obiectum, & eundem actum specie, secus verò potentia nutritiua illorum.

Dico quarto, non esse ponendam in anima potentiam diminutiuam, sicut ponitur potentia nutritiua. Ratio est, quia anima saltem per se loquendo, non ordinatur ad corrumpeudas partes ipsius viuentis, natura enim non intendit corruptionem: ergo non debuit tribuere potentiam viuentibus per se ordinatam ad talem actum, atque adeò non est ponenda in viuentibus potentia per se diminutiuua.

Ad argumenta contrariæ sententiæ respondetur. Ad primū, nul-

lum esse inconueniens, quòd densetur plura instrumenta subordinata ad causandum aliquem effectum, quemadmodum anima elicit actum visionis, mediante potetia visuiua, & specie visibili: nam quòd species visibilis non sit instrumentum coniunctū ipsi aniue, id est, ab illa proueniens, sed ab obiecto extrinseco, parū refert, nam reuera eodem modo requireret anima speciem ad actum visionis, ac si species ab illa oriretur.

De potentijs autem non viuentium est dispar ratio, nam operationes illorum sufficienter possunt causari ab vna qualitate, non tamen omnes actus potentia nutritiua, vt probatum est. Et hinc etiam patet solutio ad secundum: respondetur enim, non omnes actus potentia nutritiua posse fieri à primis qualitatibus, quia attractio, & retentio alimenti, non potest à solis qualitatibus primis, causari: imò neque conuersio alimenti in substantiam aliti potest fieri à solo calore naturali, absque aliqua alia qualitate, quia talis conuersio est propria animæ vegetatiua, & ita à potentia, quæ sit illi propria, debet oriri, qualis non est calor, cum etiam reperitur in non viuentibus.

Circa secundum, quòd inquit quaesitio, scilicet, vtrum potentia augmentatiua, & nutritiua sint diuersæ, est plurimum sententia satis in scholis nostris recepta, huiusmodi potentias esse realiter distinctas, & ita dicunt, tres esse poten-

tias

tias animæ vegetatiuæ, scilicet, nutritiuam, augmentatiuam, & generatiuam. Estque communis apud Thomistas: Tenet Ferrar. hoc loco quæst. 7. Bañez 1. de Gene. ca. 4. & 1. par. quæst. 78. art. 2. tenet etiam Galenus lib. de naturalibus facultatibus; Albertus tract. 2. cap. 6. & alij plures. Et videtur esse sententia S. Thom. 1. par. quæst. 78. art. 2. ubi distinguit tres potentias animæ vegetatiuæ, scilicet, generatiuam, augmentatiuam, & nutritiuam: ergo sicut distinguit generatiuam à nutritiua realiter in opinione omnium; ita nutritiuam ab augmentatiua: loquitur enim eodem tenore verborum; & in fine corporis docet, potentiam nutritiuam esse instrumentum augmentatiuæ; per quod satis indicare videtur, esse potentias realiter diuersas. Et ratio est, quia nutritio, & augmentatio, sunt actus realiter diuersi, vt suo loco diximus: ergo sicut ad nutritionem datur potentia nutritiua; ita debet dari ad augmentationem alia potentia diuersa, nempe augmentatiua.

Dicendum tamen est, potentiam augmentatiuam non esse realiter diuersam à nutritiua; vt optimè vidit hic Tolet. q. 10. & Vall. li. 1. controuer. cap. 20. & Philoppo. hoc lib. tex. 47. Et in primis Aristot. in hoc capite non nihil videtur fauere huic sententiæ, ubi tantum enumerat duas potentias animæ vegetatiuæ, scilicet, nutritiuam, &

generatiuam. Neque est cur dicamus sub nutritiua vtramque, nutritiuam, scilicet, & augmentatiuam; comprehendisse, cum reuera non sit sufficiens fundamentum ad distinguendas huiusmodi potentias, vt iam dicam.

Ratione ergo probatur à simili, quia quamuis sit diuersa actio illa, qua producuntur passionēs ab ea, qua generatur essentia, nullus tamen ponit duas potentias generatiuas, alteram terminatam ad essentiam, alteram verò ad passionēs, sed in omni opinione ad eandem potentiam pertinet vtrique actio, quia sunt actus habentes necessariam connexionem, ita vt vnus per se sequatur ex alio, sed similiter augmentatio (quidquid illa sit, de quo suo loco diximus) necessario est connexa nutritioni, & ex illa sequitur; ad modum, quo sequitur productio passionum ex productione essentiae: ergo vtrique actio potest in eandem potentiam reduci, atque adeò sine sufficienti fundamento distinguī solent huiusmodi potentiae: quod argumentum nunquam videtur planè solutum. Id enim quod plures dicunt, esse diuersam rationem, nam in generatione intenditur substantia per se, passionēs verò per accidens, tamen quando viuēs fit maius, per se intenditur maior quantitas, non satisfacit: nam vtrique passionēs & quantitas intenduntur ratione substantiæ, scilicet, vt substantia illis magis in suo esse perficiatur, imo multò magis

gis passiones sunt necessariae, quam maior quantitas: quare ergo passionibus intenduntur per accidens, cum quis generatur, & quando fit maior, per se intenditur maior quantitas.

Sed dicit aliquis, ex connexionem actuum non probari sufficienter illos pertinere ad eandem potentiam, alias cum actus voluntatis subordinetur ad actum intellectus, & cum illo habeat connexionem, diceret colligere voluntatem, & intellectum non esse potentias realiter diuersas. Respondetur, non quamlibet subordinationem actuum esse satis, ut tales actus ad unam, & eandem potentiam reducantur, nisi quando habent eundem modum tendendi ad obiectum, voluntas verò, & intellectus habet modum maxime diuersum tendendi in sua obiecta: intellectus enim, ut communiter dici solet, attrahit obiectum ad se per speciem illius, voluntas fertur ad obiectum, & sic ex modo operandi nimis diuerso colligitur distinctio intellectus à voluntate: potentia verò nutritiua, & augmentatiua operantur vniendo sibi alimentum, nutritiua quidem vnit sibi materiam alimenti, ut suo loco dixi, augmentatio verò vnit quantitatem illius, quorum vnum necessarium est conexum cum altero.

Et si inquiras, an saltem debeat concedi huiusmodi potentias, esse formaliter, & specie diuersas? Respondetur negatiue nam si id concedamus, nulla est ratio quare non distinguantur realiter, cum eorum

actus sint realiter diuersi, imò & obiecta, nempe alimentum, in quantum substantia, & secundum quantitatem eius, qua ratione pertinet ad potentiam augmentatiuam: imò ad distinctionem realem potentiarum non requiritur distinctio realis obiecti, tam enim intellectus, quam voluntas respiciunt ens in communi, licet sub diuersa ratione formali veri, vel boni: satis enim est, quod habeant actus adequatos realiter diuersos.

Ad fundamentum verò contrariæ sententiæ respondetur facile, quidquid sit de mente D. Thomæ, de qua non desunt qui dubitent, non quamlibet distinctionem actionum sufficere, ut potentia sint diuersæ, ut explicatum est.

Sed obijcies, nam animal quamdiu viuit, semper nutritur, non tamen potest semper augeri, ut vidimus 1. lib. de Generatione cap. 3. ergo potentia nutritiua diuersa est ab augmentatiua. Respondetur, quod, ut loco citato vidimus, semper quod animal nutritur, etiam si ibi vnit aliquam quantitatem: sed quia aliquando plus per aliam perdit, absolute non dicitur augeri, cum hoc tamè respectu illius partis, cui illa quantitas additur, illa actio augmentatio est, quia terminatur ad vniendam aliquam quantitatem.

Quest. II. Quid sit potentia generatiua, & an distinguatur à nutritiua?

Suppono in primis, nomine potentia generatiua hac in questione

stione duo posse intelligi. Primò, virtutē illam, quæ est in semine ad producendam substantiam viuētem; & certum est, huiusmodi virtutē non esse potentiā animæ, quia excepta medicorū sententia, semē non est actū aliquid animatum, sed solum in potentia continet vitam: ergo potentia illa, seu virtus seminis ad producendum viuens, nō est actū potentia aliqua vitalis, quæ oriatur ab anima: solum ergo potentia generatiua est potentia vitalis animæ, si sumatur pro potentia formatiua seminis, & decisiua illius, quia sunt actus vitales.

Suppono secundò, potentiam istā generatiuam debere esse qualitatem quamdam diuersam à temperamento primarum qualitatum: quod eisdem rationibus conuincitur, quibus superiori questione ostendimus potentiā nutritiua esse qualitatem aliquam distinctam à temperamento primarum qualitatum; est enim potentia vitalis animæ, vnde nequit consistere in solo temperamento primarum qualitatum, quod est commune etiam mixtis inanimatis. Tum etiam, quia actus huius potentiæ, non solum est producere semen, sed illud decidere, vt inde generetur viuens, incredibile autem est, solas primas qualitates posse talem actum causare. Sic docuit Valle. lib. 2. contro. medi. capit. 19.

Solum ergo est dubium, an hæc potentia generatiua sit distincta à nutritiua. Valles enim loco citato,

& alij existimant, potentias istas nō esse diuersas. Et videtur, posse probari primò ex Aris. hoc c. dicēte potentiam generatiuam versari circa alimentum, sicut potentia nutritiua: ergo habent idem obiectum, atque adeò non sunt diuersæ.

Secundò, quia potentia generatiua hominis, v. g. ordinatur ad producendam substantiam hominis, virtus autem nutritiua ordinatur ad producendam substantiam partialem hominis; sed totus homo, & pars hominis non differunt specie; ergo neque potentia generatiua, & nutritiua.

Tertiò, quia in non viuētibz, vt in igne, eadem est potentia, qua producit sibi simile, & qua se nutrit, vtrumq; enim prouenit ab eodem calore ignis: ergo similiter in viuētibz eadē debet esse potentia generatiua, & nutritiua.

Quartò, quia sæpè cōtingit, partem aliquam organicam viuētis semel abscissam iterum regenerari, quod præcipuè contingit in animalibus imperfectis, & in plantis: experimur enim ramum semel abscissum iterum reproduci, mediante virtute, qua talis arbor nutritur: ergo eadem est potentia generatiua, & nutritiua.

Dicendum tamen est primò, potentiam generatiuam, & nutritiua, realiter, & essentialiter esse diuersas, quorum vtrumq; probandū est ex diuersis actibus harum potentiarum: actus enim potentiæ nutritiue verè terminatur ad substantiam viuētem,

E

uentem,

uentem, introducit enim in materiam alimenti formam viuientis, actus autem potentiae generatiuae non est, ut vidimus producere substantiam viuentem: sed producere semen, & ideo generatiua vocatur, quia ex semine ab ipsa producto causatur generatio, quae etiam ratione generatio tribuitur viuenti, neque enim vnus homo immediate, & physice generat alium hominem, cum cōtingat foetus animari mortuo patre: sed ex eo solum illi tribuitur generatio, quia praebuit semen, ex quo foetus generatur, & ita semen illud in virtute generantis concurret ad generationem: ergo huiusmodi potentiae realiter, & essentialiter sunt diuersae.

Secundo, quia omnia viuentia habent potentiam nutritiuam: plura tamen illorum sunt incapacia ad habendam potetiam generatiuam, non solum ex impedimento aliquo: sed etiam ex sua natura specifica, plura enim sunt animalia imperfecta, ut sunt plures vermiculi, qui nullatenus possunt naturaliter fieri, per generationem medio semine: sed sunt ex sola putrefactione terrae: ergo indicium est, potentias illas requirere organa diuersis temperamentis affecta, & ita esse proprias diuersas.

Dico secundo, non omnes potentias generatiuas esse eiusdem speciei, quin potius in viuentibus speciei diuersis sunt potentiae generatiuae diuersae rationis. Probat-
 tur facile, quia actus potentiae ge-

neratiuae est formare semen: sed non omnia viuentia habent semen eiusdem rationis specificae, ordinantur enim ad producendas substantias maxime diuersae rationis: ergo non omnes potentiae generatiuae sunt eiusdem speciei.

Ad fundamenta contrariae sententiae respondetur. Ad primum, potentiam generatiuam, & nutritiuam, diuersimodè versari circa alimentum, ut etiam colligitur ex Aristot. hoc capite: nutritiua enim versatur circa illud, conuertendo illud in substantiam viuentem: generatiua conuertit residuum alimenti in semen, non tamen cōuertit illud in substantiam viuentem, quia semen non viuit.

Ad secundum iam patet ex dictis, potentiam generatiuam, non ordinari ad producendam substantiam viuentis: sed ad formandum semen. Et eodem modo respondetur ad tertium, esse maxime diuersam rationem de non viuentibus, ac de viuentibus, quia pars ignis, verbi gratia, producta per potentiam nutritiuam ignis, non differt specie à toto igne, qui fit per potentiam generatiuam illius, & ita tales potentiae nō distinguuntur specie; at verò in viuentibus semen productum, per potentiam generatiuam est diuersae speciei à substantia viuenti, quae per nutritionem producitur, & ita possulant potentias diuersae speciei.

Ad quod uero actum illum, quod videmus ab icillis iterum germinare, esse

esse actum potentie nutritiue, non generatiue, quia non est productio feminis: sed substantie partialis viuientis.

Quæstio III. Vbi resideant potentia generatiua, & nutritiua.

Quæstio hæc quantum attinet, ad organum potentie nutritiue, facile habet solutionem: nã etsi apud Medicos dubium sit, vbi resideat virtus formatiua sanguinis, quibusdam asserentibus illam residere in corde, alijs verò in venis, alijs tandem in iecore, quod longè probabilius est. Tamen communis ferè omnium sententia est, potentiam nutritiuam dispersam esse per omnes partes viuientis, quæ in formantur anima; quæ autem sint istæ, supra vidimus. Erratio est facilis, quia omnes partes viuientis, etsi non omnes sentiant, vt patet de ossibus, omnes tamen nutriuntur, & augentur: ergo habent potentiam nutritiuam.

Posset hoc loco dubitari, vtrum potentia nutritiua aliquando cesset à sua operatione, de quo diximus disputatione prima huius libri, nãquam cessare, quia vel agit in alimentum alterando illud, vel si alimentum desit, per calorem naturalem, quo vitur, vt instrumento, agit in partes ipsius viuientis, consumendo humidum radicale.

Maiorem habet difficultatem, quòd sit organum potentie generatiue. Hippoc. enim lib. de locis

existimant semē decidi à quauis parte viuientis, & ita in quauis parte esse virtutem formatiuam feminis: tenet etiam Albertus tract. 2. cap. 7. & olim placuit Aristoteli lib. de Generatione animalium, cap. 17. & 18. cuius sententia fundamentum est, quia experimur homines ex nimia effusione feminis in omnibus membris debilitari: ergo idè est, quia tale semen ab omnibus partibus est decisum. Præterea, experimur in effusione feminis, totum corpus debilitari: ergo signum est, tale semen decidere à toto corpore.

Melius tamen Valles lib. 2. controuerſi. Medic. cap. 3. docet, talem virtutem formatiuam feminis residere, non quidem in testiculis, vt alij asserunt: sed in quadam vena & arteria, quæ recta via tendit ad vasa feminis: nam per anathomen expertum est, in illa arteria sanguinem albescere ad modum feminis: ergo ibi formatur semen. Verum est calorem testiculorum requiri, vt foueat calorem naturalem illius arterie, tamen reuera semen in illa arteria formatur.

Secundò contra Hippocrat. est efficax argumentum: nam si semen à quouis membro deciditur, ita vt semen decisum à capite habeat virtutem ad generandum caput, & sic de alijs membris, sequeretur, hominem mutilatum brachio debere generare filium mutilatum tali brachio, quia non haberet semen decisum à brachio: imò sequeretur debere semper generari homi-

nem hermaphroditum. Patet, quia etiam fœmina præbet suum semen; vnde etiam deberet generari in tali homine sexus fœmineus, & ita semper euaderet hermaphroditus.

Nec fundamentum Hippocratis aliquid probat: nam in primis, quod omnia membra hominis ex nimio coitu debilitentur, non est, quia à qualibet parte decidat semen; sed quia semen formatur ex sanguine, & ita necessarium est continuo attrahi sanguinem ad illam partem, & ita alie partes ex defectu alimenti debilitantur. Quod autem totum corpus accipiat delectationem ex effusione seminis, potest contingere ex sympathia partium; sicut etiam dolor vnius partis alias quodammodo commouere solet; vel certe, quod verius est, tantum sentitur delectatio per illas vias, quibus semen effunditur.

Possit tamen hoc loco dubitari, vtrum etiã fœmina concurrat actiue ad generationem prolis, vel tantum passiuè recipiendum semen virile. In quare dicendum est cum communi plurium medicorum sententia fœminam etiam concurrere actiue ad generationem prolis; quia reuera emittit suum semen; & ita debet habere virtutem actiuam illius, neque ex hoc sequitur, fœminam se sola posse generare sortum; requiritur enim commixtio vtriusq; seminis, quia semen fœmineum non adeo perfectum est.

Est tamen aduertendum, Chri-

stum Dominum in vtero Virginis non fuisse formatum ex semine, sed ex purissimo sanguine Virginis, virtute Spiritus sancti, vt latius tradunt Theologi: fuit enim illa conceptio supernaturalis.

Quaest. 1111. Vtrum generare sibi simile sit opus naturalissimum viuientis?

Certum est in hac re, non omnia animalia generare omnino sibi simile in specie infima; patet enim equam generare mulum, generat tamẽ sibi simile, quodammodo, secundum rationem genericam, de hac ergo generatione sibi simili dixit Aristoteles esse naturalissimum viuientis opus, id est, magis naturale, quàm sint alia opera, in quare explicanda aliqua est dissensio inter Auctores. Quidam enim asserunt, ideò generationem appellari opus naturalissimum viuientis, magis quàm alie operationes vitales, quia generatio ordinatur ad bonum commune speciei, & ad conseruationem speciei in pluribus indiuiduis: alia verò opera, vt nutritio, solum ordinantur in bonum particulare ipsius viuientis.

Sed nõ placet, quia quemadmodum conseruatur species per productionem alterius indiuidui, ita per conseruationem indiuidui iam geniti, quod fit per nutritionem, & alias præter bonum commune extat in nutritione bonum proprium ipsius: ergo magis inclinatur viuens in propriam

propriam nutritionem, quam in generationem alterius.

Quare, ut alias omittam expositiones, quas in re tam leui non opus est ita in longo recensere, dicendum est cum S. Tho. hoc lib. text. 34. idem generationem appellari ab Aristot. naturalissimum opus viuientis, potius quam nutritio, aut quoduis aliud opus vitale, quia generare sibi simile, etiam conuenit alijs rebus inanimatis, & ita appellatur maxime naturale.

Et si dicas, etiam in non viuentibus reperiri suo modo nutritionem. Respondetur solum reperiri nutritionem in non viuentibus improprie, ut vidimus lib. 1. de Generat. cap. 5. at verò generatio etiam conuenit illis, quæ verè, & proprie produciunt sibi simile, ut ignis alium ignem.

Est tamen hoc loco aduertendum, quædam esse animalia, quæ ob suam perfectionem, non possunt fieri, nisi per generationem, medio semine factam, ut homo, & equus: alia verò sunt, quæ ob nimiam suam imperfectionem, semper fiunt ex materia putrida per putrefactionem, quales sunt plures vermiculi: alia verò sunt media, scilicet, quæ tam possunt fieri per veram generationem ex semine factam, quam etiam per putrefactionem, quales sunt mures, & de his viuētibus solet hoc loco dubitari. Vtrum ea, quæ fiunt per putrefactionem differant essentialiter, & specificè, ab his, quæ fiunt per generationem. Et certum est, illa,

quæ semper fiunt per generationem, ut est equus, differre specie ab his, quæ fiunt per putrefactionem.

Solum ergo quaestio est, an animalia, quæ interdum fiunt per generationem, interdum verò per putrefactionem, sint diuersæ speciei. Et dicendum est breuiter, & facile, huiusmodi animalia non differre specie: nam in primis quod fiant à diuersis agentibus, ut à viuenti, vel à causa vniuersali, non variat speciem, ut patet in simili de calore producto ab igne, & à sole, qui non differunt specie, neque etiam diuersus modus, quo fiunt, est sufficiens, ut distinguantur specie, homo enim factus per creationem, non differt specie ab homine facto per generationem. Cum ergo alias experiamur in vtrisque animalibus eadem prorsus accidentia, ut eadem figuram, & easdem operationes, non est sufficiens fundamentum ad asserendum talia animalia distinguere specie. Sic docuit aperte Arist. 7. Metaph. capit. 7. ubi dicit, aliquando similia animalia fieri ex semine, & sine illo, estque communis sententia, & facilis, in qua non opus est amplius detineri, ut ad ea, quæ alicuius sunt momenti, perueniamus.

Caput quintum.

Postquam Aristotel. egit de potentis animæ vegetatiuæ, incipit iam disputare de potentis animæ sensitiuæ, & in hoc capite agit de sensu in communi. Duo agit.

E. iij. Pri-

primò explicat, quare ratione sensus sit potentia passiva. In secunda parte explicat, à quo reducatur ad actum.

Ad primam partem accedentes, docet Aristoteles: *Sentire esse quoddam pati*: quæ verba iuxta diuersas sententias, diuersimodè explicanda sunt; nam qui asserunt, rationē formalem intellectiōnis, aut sensationis, de qua est eadem ratio, non consistere in actione, sed in ipsa receptione speciei impressæ, explicant verba ista, vt sonant, nempe quòd sentire, sicut & intelligere, sit formaliter pati, id est, recipere speciem impressam, & ita est passio perfectiua, non corruptiua. Qui tamen asserunt, rationem formalem intellectiōnis, & sensationis consistere in actione productiua speciei expressæ, vt diximus nos primo lib. de Interpretatione, cap. 1. explicant verba ista, in sensu causali, quasi dicat Aristoteles, sentire antecedenter, & causaliter, esse pati, quia debet præcedere receptio speciei impressæ, ad producendam speciem expressam per actum sensationis, & ita sensus diuersimodè est potentia passiva, & actiua: nam in quantum recipit ab obiecto speciem impressam, est potentia passiva; in quantum verò producit per actum sensationis speciem expressam, est potentia actiua.

Propomittamen Aristoteles duas dubitationes. Prima est, quare sensus non sentiat se ipsum. Secunda, quæ sit ratio, quare cum in sensu

tactus sint elementa (intellige virtualiter, & per suas qualitates) non percipiat sensus tactus suas qualitates, sed tantum alias extrinsecas.

Primam dubitationem simul cum secunda soluit ex dictis. Quia cum sensus sit potentia passiva, opus est ab alio reducatur in actum, vbi Aristoteles non intendit negare, non posse idem agere in se ipsum actione perfectiua, sed intelligendum est, sensum id habere peculiare, quòd debet ab alio reduci ad actum, nam indiget specie sensibili, quæ cum producatur ab obiecto sensibili, non potest seipsum reducere ad actum.

Secundò id probat, quia si sensus non indigeret reduci ad actum ab alio, se ipsum sentiret, & ita, inquit, est potentia passiva, quemadmodum si lignum haberet potentiam actiuam ad comburendum; se ipsum combureret.

Contra quam rationem obijci solet; nam ignis habet potentiam combustiuiam, & non seipsum comburit: ergo ex eo quòd lignum haberet potentiam combustiuiam, minùs bene infert Aristoteles, quòd seipsum combureret. Respondetur tamen, Arist. supponere hac in parte sensationem esse actionem immanentem, & ita inquit, si lignum haberet potentiam combustiuiam, ad modum, quo sensus illam haberet, si esset potentia actiua, scilicet per actionem immanentem, sequeretur, quòd seipsum combureret, sicut quòd sensus seipsum

sum sentiret, ignis autem solum est combustivus actione transeunte, non inmanente.

Aduertit tamen Arist. quod sentiens, sicut intelligens, stat dupliciter, scilicet in actu, ut quando actu sentit, & in potentia, scilicet, quod potest sentire: & hoc duplex est; aliud in potentia remota, scilicet, quod habet animam, quæ est principium radicale sentiendi, & intelligendi; aliud verò in potentia proxima, quod præter animam habet omnia requisita, ut possit exercere actum sentiendi, aut intelligendi.

In secunda parte capitis, ut explicet, à quo reducatur sensus ad actum, dicit, quod sensitivum potest sumi dupliciter. Primò nimis remotè, qua ratione, id quod disponitur ad recipiendam animam sensitivam, dici potest remotè sensitivum, quia est in potentia, ut recipiat animam, quæ est principium sentiendi, & hoc sensitivum docet, reduci ad actum à generante, quia generans introducit in materiam disposita animam, quæ est principium sentiendi. Alio verò modo dicitur sensitivum, pro eo, quod habetiam potentiam proximam ad sentiendum, & ita dicit sensum reduci ad actum sentiendi ab obiecto: nam, ut postea dicam, obiectum imprimit in sensu speciem sensibilem, à qua determinatur ad eliciendam sensationem circa illud obiectum.

Aduertit tamen Aristoteles esse

differentiam inter obiectum sensus, & obiectum intellectus, eò quod obiectum sensus est aliquid singulare extra animam existens: obiectum verò intellectus est universale, quod est intra animam; & hinc est, inquit Aristoteles, quod intelligimus, cū volumus, quia intellectus habet intra se suum obiectum, non tamen sentimus, cū volumus, quia quamuis etiam sensus habeat obiectum intra se mediante specie, sicut intellectus; habet enim speciem illius, tamen sensus requirit præsentiam obiecti: color enim non potest videri, nisi præsens; intellectus verò non requirit præsentiam realem sui obiecti: potest enim cognoscere rem absentem, & ita, inquit, assimilatur sensus scientijs sensibilium, id est, artibus mechanicis, ut interpretatur Philopponus, & Themistius; istæ enim non operantur, nisi circa obiectum præsens, quia versantur circa singularia præsentia. Et hæc de litera.

DISPUTATIO IIII.

De speciebus sensibilibus.

CUM Aristot. in hoc capite duo præcipue intendat, scilicet, sensum esse potentiam passivam, & reduci ad actum ab obiecto ipso, quorū utrumque, ut ex dictis patebit, fit mediante specie sensibili, meritò super hoc caput disputari solet de speciebus sensibilibus;

E iiii nam

nam quod attinet ad ipsam naturam potētiae sensitivae, vidimus iam disputatione praecedenti, qualiter sit qualitas aliqua diuersa à temperamento primarum qualitatū, sicut diximus de potentia nutritiua, & generatiua.

Quaest. 1. An sint ponenda species sensibiles?

In hac re non desunt, qui existiment, non esse ponendas tales species sensibiles, vt sensus percipiant sua obiecta. Quam sententiam Plotinus Aenead. 4. & Porphyrius, lib. de sensu tribuit Platoni: eandemq; sequitur Ocham in 2. d. 17. & 18. Gabri. d. 3. qu. 2. Durandus verò, licet ponat huiusmodi species sensibiles, vt videre est in 2. distinct. 3. num. 11. dicit tamen, non esse necessarias ad sensationes in omni sensu. Cuius fundamentum est primo: quia in intellectu non semper sunt necessariae species intelligibiles ad cognoscendum obiectum: ergo neq; in sensu. Antecedens probatur, quia ex communi Theologorum sententia, Angeli cognoscunt suam essentiam, absque specie aliquis illis superaddita: ergo simili modo possunt sensus cognoscere sua obiecta.

Secundò, quia si species ponuntur maxime, vt sint mediū ad cognoscendum obiectum, tamquam in quadam imagine representatiua obiecti, ex hoc autem sequeretur, prius debere cognosci speciem ipsam,

sicut ad cognoscendum Caesarem per imaginē, prius debet cognosci ipsa imago, quia propter quod vnumquodque tale, & illud magis; sed nullam talem speciem videmus, nisi tantum obiectum: ergo non sunt tales species.

Communis tamen, & recepta sententia est, ponendas esse species sensibiles, tam in sensu externo, quā interno, vt tales sensus possint sua obiecta percipere. Nec disputo modo, an etiam in sensu tactus, & gustus, sint ponendae huiusmodi species, de his enim est specialis difficultas suo loco tractanda. Et in primis colligitur planē hanc sententiam ex Aristot. hoc capite dicente, sensum esse potentiam passiuam, respectu sui obiecti, & ab illo reduci ad actum; sed nō potest semper immediate reduci ad actum ab ipso obiecto; nam saltem in visu obiectum debet esse ad extra, & non superpositum ipsi organo; sic enim potius impediret visionem: ergo sensus reducitur ad actum ab obiecto, mediante aliquo, deriuato ab obiecto in ipsum sensum; hoc autē est species sensibilis: ergo sentit Aristot. re vera dari huiusmodi species, & cap. 12. huius lib. dicit, commune esse omnibus sensibus recipere formas sine materia, quod communiter explicari solet de speciebus sensibilibus, vt ibi dicam, quem communiter eius Interpretes sequuntur.

Et ratione probatur. Primo, quia sensus est indifferens ad cognoscendum

dum hoc, vel illud obiectum, quæ ratione visus tam potest percipere colorem album, quàm nigrum, & similiter imaginatio, quæ est inter-nus sensus, est indifferens ad varia obiecta cognoscenda: ergo debet dari in tali sensu aliquod principiũ determinans illum ad sensationem huius obiecti, potius quàm illius, huiusmodi autem principium in-trinsecum sensui, illumque deter-minans, & constituens in actu pri-mo, appellamus nos speciem sensi-bilem: ergo ponendæ sunt huius-modi species.

Neque sufficit, si dicas, sensum sufficenter determinari ab ipsa præ-sentia obiecti. Nam contrà hoc est in primis, quòd non habet locum in sensu interno, imaginatio enim etiam se extendit ad res absentes. Præterea, neque in sensu externo sufficit, quia ex eo quòd color obij-ciatur visui, nisi aliquid physicum in illo imprimat, omnino est quid extrinsecum. ergo necessario debet poni aliquid intrinsecè, illud deter-minans ad visionem huius obiecti, potius quàm alterius, quòd est mu-nus speciei sensibilis.

Secundò probatur conclusio, quia in speculo videmus rem à tergo existentem, quam tamen absq; spe-culo impossibile est videre: ergo evidens indicium est ex tali obiecto derivari ad speculum speciem visi-bilem, & ita mediante specie refra-cta in ipso speculo videri.

Tertiò etiam id constat, expe-rientia illa, de argento existente in

fundo vasis, nam si vas non sit ple-num aqua, non potest tale argentũ videri ad aliquam distantiam, si au-tem sit aqua plenum, videtur, sig-num est per medium mittere ali-quam speciem sui, usque ad poten-tiam visivam, qua videri possit.

Ultimò id etiam probatur: nam arbores in aqua commota apparent fractæ, cuius rei nulla ratio assigna-ri potest, nisi refractione specierum visibilium: dantur ergo species sen-sibiles.

Quartò id etiam coniectari licet, quia experimur prius audire sonum proximum, quàm distantem: ergo idè est, quia obiectum aliquod agit per medium in potentia, & ita in proximiori spatio citius agit: ergo obiectum producit in potentia spe-ciem sensibilem.

Dico secundò: huiusmodi spe-cies sensibiles non ponuntur, vt sint obiectum cognitum vt quod à sen-su; sed solum cognoscuntur vt quo (vt aiunt) id est, sunt rationes, qua-re obiecta sensibilia cognoscantur vt quod. Quæ conclusio etiam est communis inter Auctores: tenet Buridanus hoc lib. quæst. 25. Fon-seca 2. Metaph. cap. 29. 2. sectione 5. doctus, & subtilis Molina 1. part. q. 12. art. 9. & plures alij.

Et probatur primò experientia ipsa: nam sensu visus nullam aliam entitatem videmus præter colorem, & lumen: ergo species visibilis non est obiectum, vt quod cognitum. Tum etiam, quia tota natura speciei ad id ordinatur, vt media illa cog-

noscatur obiectum sensibile, ad hoc autem satis est cognoscatur ut quod: ergo non est dicendum, esse obiectum quo cognitum.

Maiores habet difficultatem, an saltem per refractionem possit cognosci species, ut quod, ut quando videmus aliquid in speculo, ubi species refrangitur. Plures enim asserunt, tunc non videri obiectum: sed speciem ipsam in speculo refractam, quæ videtur sententia Sancti Thom. 1. part. quæst. 12. art. 9. in argumento, sed contra, quam etiam hoc tempore plures sequuntur. Et fundamentum esse potest, quia impossibile est aliquid videri, nisi obiectum sit ante oculos: sed in speculo, non videmus obiectum à tergo existens: sed speciem in speculo reflexam: ergo.

Secundo, quia experientia constat, speciem transeuntem, per vitrum viride esse causam, ut obiectum appareat viride, cum tamen obiectum reuera in se non sit viride: ergo potius videtur species reflexa in vitro viridi.

Tertio, id etiam videtur manifestè comprobari exemplo illo de vitro triangulari, ubi varia obiecta, & colores apparent, quæ reuera non sunt in obiectis ad extra existentibus: ergo solum possunt videri species ibi existentes.

Tamen longè probabilius existimo, in refractione adhuc facta in speculo, non videri speciem ipsam, ut quod: sed obiectum. Quam sententiam amplectuntur Tolet. Fonseca,

& reliqui paulo antea citati. Et probatur apertè, quia sæpè res in speculo apparet longè maior, quàm sit speculum: sed species ibi refracta non est maior speculo, quia in illo recipitur: ergo non videtur, ut quod talis species: sed obiectum ipsum, quia species non potest videri maior, quàm in se est, si enim videretur, percipi deberet cum præsentia, & extensione, quam habet.

Secundo, quia in speculo sæpè videmus simul duas res, & una sæpè apparet nobis magis distans, quàm alia: ergo signum est videri res ipsas, quæ inter se habent inæqualem distantiam à nobis, non verò species refractæ in speculo: istæ enim cum sint in speculo in hæsiuæ, æqualiter distant à vidente. Neque Sanctus Thom. loco allegato docuit contrarium. Solum enim dicit, per eandem speciem videri speculum, & ea, quæ sunt in speculo, id est, obiectum, quod relucet in speculo, non tamen eius species.

Neque hac in re placet mihi quorundam inanis distinctio asserentium, speciem reflexam in speculo non videri secundum suam entitatem: sed secundum suum esse representatiuum, id est, in quantum representat obiectum. Nam contra est, quod species visibilis nullam aliam habet entitatem præter representare, vel formaliter, tamquam imago, vel, ut alij volunt, virtualiter, ita quod sit principium speciei expressæ, quæ representat pro-

propriè, & formaliter, de quò potestè dicam: ergo perperam distinguunt isti representationem speciei, quævis illa sit, ab eius entitate.

Ad fundamenta autem prioris sententiæ respondetur. Ad primum non solum posse videri res ante oculos obiectas: sed etiam à tergo existentes, dummodo contingat refractione specierum illarum, versus oculum, semper enim, ut obiectum cognoscatur, debet potentia informari specie illius, & quia obiectum à tergo positum non potest mittere speciem in potentiam, nisi mediante refractione facta in corpore ante oculos existente, ideo citra tale in refractionem non potest innuotare potentiam, bene tamen cum illa.

Ad secundum respondent quidam ex lumine transiente, per vitrum viride produci quendam colorem viridem, & hunc videri, non verò speciem in tali vitro viridi refractionem sed non placet, quia color non resultat, nisi ex commixtione primarum qualitatum: ergo non est dicendum, talem colorem produci ex eo præcisè, quòd lumen aut species transiant per vitrum viride.

Dico præterea, neque etiam videri ipsum colorem viridem existentem in vitro. Ratio est, quia si per virtutem paruum videamus obiectum magnum, apparet in obiecto magnus quidam color viridis, iuxta magnitudinem ipsius obiecti, cum tamen vitrum ipsum, &

perinde eius color parvus sit: ergo non videtur color existens in vitro, quo argumento etiam probatur, non videri tunc speciem obiecti receptam in tali vitro, quia apparet nobis res quædam magna, cum tamen species, sicut obiectum, in quo recipitur, parva sit.

Dicendum ergo est, reuerà videri obiectum ipsum; quòd autem appareat viride, prouenit ex eo, quòd species, recepta in vitro, taliter ibi modificatur, ut faciat obiectum apparere aliter quàm sit, sicut species arboris recepta in aqua fluente, est causa, quòd obiectum appareat fractum, quia modificatur, sic, vel sic, à medio, in quo recipitur.

Ad vltimam experientiam respondetur, reuerà effectum illum vitri triangularis mirabilem esse; certum tamen esse debet, non videri species aliquas colorum ibi apparentium. Ratio est, quia cum tales species debeant produci ab obiectis, & reuerà non sint à parte rei in spatium illo colores illi ibi apparentes, neque etiam est possibile, quòd sint in tali vitro, verè, & propriè species illorum colorum.

Quare dicendum est, reuerà videri res aliquas ad extra existentes, ita tamen mutatas, ut aliæ res fere nouæ appareant; quòd autem aliter appareant tales res, prouenit ex eo, quòd species earum in tali vitro receptæ, taliter modificantur, per diuersam receptionem luminis, ut nimis peruersè representent obiecta, neque possumus semper occul-

tas rerum naturas ita clarè, & distinctè intueri.

Tandem ad argumenta in principio quæstionis adducta respondetur ad primum, quidquid sit de exemplo illo, esse diuersam rationem, quia essentia Angeli, quæ est illi intimè præsens, & proportionata, gerit vicem speciei; & ita per seipsam, ut potè quæ est sibi præsens, & proportionata, potest videri: obiecta verò sensibilia, cum ad extra sint, opus est, ut sint præsentia in sensibus, per eorū species: an verò obiecta sensibilia, quæ sunt intra organum ipsius sensus, possint sentiri, dicam infra.

Ad secundum respondetur negando consequentiam, nam si imago Cæsaris prius videtur, ideò est, quia est suis coloribus ornata, & ita videtur ut quod; species verò sensibilis non est colorata, & ita non potest videri ut quod; ad hoc autem, quòd obiectum percipiatur media illa, satis est cognoscatur ut quod. Illud autem principium, propter quod vnumquodque tale, &c. ut suo loco vidimus, debet intelligi, quando vtrumque extremum extrale ut quod, species verò visibiles non sunt visibiles ut quod.

Tandem ex dictis in hac quæstione inferitur, quàm sit verum, quod Aristot. docuit in hoc capite, scilicet, sensum esse potentiam passiuam, & reduci ad actum sentiendi ab obiecto, nam quauis sensus in quantum producit speciem expressam, quæ est simulacrum quoddam, me-

dio quo percipit obiectum, sit potentia actiua, tamen in quantum recipit ab obiecto species sensibiles, potentia passiuæ est, & ita ab obiecto media specie sensibili determinatur ad actum sentiendi.

Quæstio II. Quid sint species sensibiles?

SVb hoc generali titulo plura dubitari possunt. Primò enim inquiri potest, vtrum huiusmodi species sint substantia, vel accidens? Refert enim D. August. epist. 56. quorundam insanum errorem, asserentium, huiusmodi species sensibiles, aut Deos esse, vel saltem de substantia Dei.

Dicendum tamen est breuiter, huiusmodi species esse accidentia, scilicet, qualitates quasdam derivatas ab obiecto, ut communi Philosophorum consensu receptum est: Et ratio est, quia si sunt substantiæ: ergo vel sunt substantiæ spirituales, vel corporales: non spirituales; istæ enim, cum sint alioris ordinis, non pendent in sua conseruatione à re materiali; species tamen sensibiles pendent in sua conseruatione ab obiecto sensibili, & materiali, nam ablato colore pereunt species sensibiles, quæ ab illo dimanant, neque etiam sunt substantiæ corporeæ. Vnde vltèrius sequeretur, dari penetrationem dimensionum, quia in eodem oculo recipiuntur simul plures species diuersorum colorum. Quo argumento cõuincitur etiam, species sensus interni, non esse substantiam.

stantias corporeas; quia cum in memoria plures species in eadem parte conferuntur, iam daretur penetratio quantitatum. De speciebus autem intelligibilibus, nihil disputo usque ad 4. cap. 3. libri de Anima.

Secundo dubitari potest in hac questione, utrum huiusmodi species sint in sua entitate imperfectiores obiectis, à quibus procedunt. Quæ res difficile profecto dignosci potest, cum ultimæ differentię rerum sint nobis occultæ, si tamen coniectari licet.

Dico primò, species sensuum externorum esse in sua entitate imperfectiores obiectis, à quibus oriuntur. Et probatur, quia quando producit, verbi gratia, species coloris, nulla alia causa principalis assignari potest productivæ talis speciei, nisi color ipse, nam quidquid aliud dicatur, liberè, & sine fundamento dicitur: sed color producit speciem sui, ut causa æquivoca; causa autem æquivoca principalis debet dici perfectior suo effectu, ut sæpè dixi, quia non potest esse minus perfecta, aliàs non esset principalis, neque æquè perfecta, quia species diversæ necessariò sunt inæqualiter perfectæ: ergo debet esse magis perfecta: ergo obiectum sensibile perfectius est in sua entitate specie ab ipso producta: & ita huiusmodi species appellari solent intentionales, quia respectu obiecti habent esse diminutum, & ita totum earum esse est intendere ad causandam notitiam obiecti.

De speciebus vero sensuum internorum res est mihi omnino dubia: nam in primis non est necessarium, omnem speciem imperfectiorem esse suo obiecto, quando ab illo non pendent immediatè in fieri, & conservari, ut vidimus de speciebus sensuum externorum. Et hoc patet in specie intelligibili albedinis, quæ sine dubio est perfectior illa, cum utraque sit qualitas, & aliàs species intelligibilis sit quid spirituale: & ita non potest efficaciter convinci, speciem sensus interni esse imperfectiorem suo obiecto.

Ex alia verò parte est, quòd talis species est principium actionis vitalis, quod arguit in illa quamdam perfectionem: & ita de hac re nihil certò asserere audeo.

Tertiò dubitari potest, utrum species differant essentialiter ab obiectis, à quibus procedunt, verbi gratia, utrum species coloris differat essentialiter à colore: nam Durand. in 2. d. 3. quest. 6. num. 17. & in 4. d. 49. quest. 2. Vall. lib. 2. controuers. cap. 28. existimant species sensibiles non esse diversæ speciei ab obiectis, à quibus oriuntur.

Fundamentum autem huius sententiæ duplex est. Primò, quia obiectum, & eius species (inquit Durandus) se habent sicut lux, & lumen, quod derivatur à luce: sed lux, & lumen non differunt specie, secundum probabiliorē sententiam, de quo dicam infra, cap. 7. ergo neque species, & obiectum eius.

Secundò, quia per speciem (inquit

quit Durandus) cognoscimus obiectum, hoc autem esset impossibile, si esset diuersæ rationis ab obiecto, quia esset illi dissimilis, & ita minus apta ad cognoscendum obiectum per illam.

Hæc tamen sententia iam hoc tempore singularis est, & merito ab omnibus prorsus falsa iudicatur: nam quod species sensibiles differant essentialiter ab obiectis, à quibus causantur, docet communis Philosophorum consensus. D. Thom. 8. de veritate, art. 1. r. ad 3. & 7. Metaph. lect. 6. Alber. 2. de ani. tract. 4. c. 1. r. Tol. hoc lib. q. penult. Denique est communis Interpretum hoc loco, quam S. Thom. optime probat, quia sæpe videmus colores contrarios: ergo simul recipiuntur in potentia visionis species illorum: ergo si sunt eiusdem naturæ cum illis, erunt tales species contrariæ, sicut earum obiecta, atque adeo esset impossibile, si simul recipi in eadem potentia: signum ergo est, esse diuersæ naturæ ab obiectis.

Et si obijcias. nam huiusmodi species distinguuntur per obiecta diuersa, quæ respiciunt: ergo species obiectorum contrariorum necessariò debent esse contrariæ. Respondetur negando consequentiam: nam, ut in simili dicebam supra, quamuis actus distinguantur per obiecta, tamen non tribuunt actibus eadem naturam, quam in se habent, aliis enim visio coloris albi esset ipse color albus. & ita quamuis album, & nigrum contrariantur, non tamen visio al-

bi, & visio nigri dantur ergo huiusmodi visiones in eadem potentia, quando quis simul verumque videt: sic ergo in præsentia species obiectorum contrariorum non sunt contrariæ, quia licet distinctuantur per ordinem ad diuersa obiecta, non tamen habent eandem naturam, quæ habent obiecta ipsa.

Secundò probatur eorundem visio: nam si species albedinis non differret specie ab ipsa albedine, esset visibilis sicut illa: & ita semper simul videretur cum albedine, quod est contra experientiam: nam si dicas non videri, eò quod est quidam albedo nimis remissa. Contra est, primò, quia saltem ab albedine nimis intensa posset oriri species aliqualliter intensa, ita ut luscienter videri possit.

Secundò, quia quamuis esset remissa, tamen saltem illa species, quæ est prope oculum, posset videri, ut patet de alijs coloribus, qui quantumvis sint remissi, si tamen prope oculum ponantur, videri possunt.

Tertio probatur, quia speciebus sensibilibus conueniunt plures proprietates, quæ minimè in obiecta ipsa conuenire possunt: ergo sunt diuersæ naturæ ab illis. Antecedens patet: nam species visibiles producuntur in instanti, etiam vique ad longam distantiam. Præterea replent spatium maximum, quantumvis à paruo obiecto ortæ sint. Sed impossibile est, colorè paruū producere alium colorem in tam magna distantia, & in instanti: ergo sunt diuersæ naturæ ab obiectis ipsis.

Ratio.

Rationes autem Durandi nullius sunt momenti: nam in primis principium illud, quod assumit, quod scilicet species, & obiectum habeant se sicut lux, & lumen (quid quid sit de exemplo ipso, dicam infra) falsum est, neque ab ipso probatur, potius enim se habent sicut effectus, & causa æquiua: & ita sunt diuersæ rationis.

Ad secundum etiam respondetur, quod quamuis species sit diuersæ naturæ ab obiecto; potest tamen obiectum dignosci per illam, quia species sensibilis quodammodo est similitudo obiecti: vel formaliter (ut quidam volunt) ita quod sit illa imago obiecti: vel saltem virtualiter, in quantum est causa efficiens producendi speciem expressam, quæ est formalis similitudo obiecti, & ita conducit ad cognoscendum obiectum.

Quarto ergo ex dictis dubitari potest, utrum huiusmodi species impressæ sint formales similitudines, & imagines rerum: nam de speciebus expressis productis per actum sensationis, omnes admittunt esse idola quædam, & imaginationes, quibus potentia cognoscunt obiecta, ad modum quo verbum mentis est formalis similitudo obiecti.

In qua re communis sententia est in nostris scholis recepta; huiusmodi species impressæ, tam sensibiles, quam intelligibiles, esse formales similitudines, & imagines obiectorum, ita quod formaliter representent talia obiecta, & confirmant enim, huiusmodi species intelligibiles

do, conducere ad actum cognitionis, nisi eò quod tamquam imagines, & similitudines præferant obiecta ipsa, ad modum, quo per imaginem Cæsaris cognoscimus ipsum Cæsarem.

Mihi autem longè verior apparet eorum sententia, qui allerunt, species impressas, tam sensibiles, quam intelligibiles, non esse formales similitudines, & imagines obiectorum: sed solum virtualiter, in quantum sunt causæ efficientes ad producendam speciem expressam, quæ est formalis imago obiecti. A qua sententia non longè videtur abesse Caiet. 1. part. quæst. 27. artic. 1. & 9. *Ad cuius evidentiam*, ubi dicitur obiectum intellectus non esse illi præsens per speciem intelligibilem in esse intentionali, id est, tamquam in imagine intentionali: sed solum ut in causa, quia media specie intelligibili, simul cum intellectu causat actum cognitionis. Augustinus etiam 1. de Trinitate. cap. 12. dicit, speciem intelligibilem esse veluti semen obiecti: semen autem solum est simile illi, cuius est semen virtualiter, in quantum potest producere id, quod est illi simile.

Quæ sententia videtur efficaciter conuinci hac ratione: nam si species intelligibilis est formalis similitudo obiecti, sequitur actum illum, quo intellectus illam producit, esse cognitionem, & ita ad intelligendum, non esset opus alia actione productiua verbi, quod est contra omnes. Probatur sequela, quia non

nō aliter intellectus intelligit, dum producit verbum mentis, nisi quia habet iam in se quādam imaginem, & similitudinē obiecti, sibi repræsentantem tale obiectum: ergo si species intelligibilis producta ab intellectu esset formalis imago, & similitudo obiecti, sufficienter posset intellectus per illam intelligere, absque alia productione verbi; signum ergo est, talem speciem, non esse similitudinem, & imaginem obiecti.

Similiter si species sensibiles impressæ, receptæ in sensu, essent similitudines formales, & imagines obiectorum, non esset cur sensus produceret aliam imaginē expressam ad cognoscendum tale obiectum, vnde, quod dicemus 1. lib. de Interpretatione, disputatione, de verbo mentis, & 1. lib. Phy. in quaestio. de primo cognito, species intelligibiles repræsentare obiectum; intelligendum est, non de repræsentatione formali, sed virtuali: nā cum res hæc eo loco non potuerit commodè explicari, secuti sumus communem modum loquendi.

Et si obijcias: nam eadem ratione posset dici intellectus similitudo virtualis obiecti, quia etiam est causa efficiens virtualis producēti speciem expressam, quæ est formalis similitudo, & imago obiecti. Respondetur negando consequentiā, quia intellectus ex se est indifferens ad plura obiecta, & est principium vniuersale ad plura verba producēda; species verò impressæ correspon-

dent particularibus obiectis, & sunt principia particularia ad determinata obiecta intelligenda, ita vt sint, veluti semen obiecti, & ita possunt nuncupari virtuales similitudines illorum, vt potè, quæ sunt propriæ illorum.

Hinc patet falsum esse fundamentum contrariæ sententiæ: nam quāuis huiusmodi species impressæ, nō sint formales similitudines, & imagines obiectorum, quia tamen virtualiter continet plures imagines in genere causæ efficientis, quia ordinantur ad producendas illas, idèò sunt principium cognitionis.

Quæstio III. Vtrum species sensibiles, sint extensæ, & diuisibiles?

Ratio dubitandi est, primò ex Aristot. hoc lib. cap. 12. vbi dicit, sensus recipere formas sine materia, per formas autem sine materia omnes Interpretes intelligunt species sensibiles; cum ergo illas sine materia esse dicat, videtur tollere ab his speciebus extensionem, & diuisibilitatem, quam reliqua accidentia materialia habent.

Secundò, quia anima rationalis, quæ indiuisibilis est, est tota in toto, & tota in qualibet parte: sed species sensibiles idem habent: ergo sunt indiuisibiles, & inextensæ. Probatur minor, quia per quamlibet partem medijs videtur totum obiectum: ergo signum est in qualibet parte medijs representari totum obiectum, atque adèò totam speciem esse

esse in qualibet parte medij: ergo est indiuisibilis.

Dicendum tamen est cum communi Philosophorum consensu, huiusmodi species sensibiles diuisibiles esse, & extensas ad extensionem subiecti, in quo recipiuntur. Sic tenet D. Tho. hoc loco, Albert. 2. de Anim. tractat. 3. Tolet. q. 34. & plures alij, vbi non intendimus, huiusmodi species esse diuisibiles ad diuisibilitatem subiecti, ita quod intrinsecè non componantur ex suis partibus integralibus, ad modum, quo plures existimant substantiam, & reliqua accidentia sine quantitate nullas habere partes integrales; hoc enim impugnatum est primo Physic. vbi ostendimus substantiam, & reliqua accidentia materialia ex se, & non per quantitatem componi ex suis partibus integralibus: dicimus tamen, huiusmodi extensionem propriam esse accommodatam extensionem subiecti, ita vt in subiecto vnus palmi recipiatur species habens extensionem vnus palmi.

Et probatur facile, quia huiusmodi species sensibiles sunt accidentia quædam materialia recepta in subiecto diuisibili, verbi gratia, in aere, aut in organo sensus: ergo sunt extensæ, & diuisibiles ad extensionem illius, non minùs, quàm reliqua accidentia materialia; ita enim pendunt à subiecto materiali, sicut reliqua accidentia.

Addo, quòd quamuis sint extensæ in medio, per quod diffunduntur,

non tamen repræsentant obiectum modo diuisibili; ita quòd hæc pars extensionis speciei repræsentet quamdam partem obiecti; alia verò pars speciei, aliam partem obiecti: quin potius quælibet minima pars extensæ speciei repræsentat totum obiectum, & hoc est, quod alij dicere solent, species sensibiles esse diuisibiles ex parte subiecti, indiuisibiles verò ex parte obiecti, id est, quamlibet minimam partem repræsentare totum obiectum; sed hoc probat optimè secundaratio dubitandi supra adducta; nam per quamlibet partem medij videmus totum colorem, signum ergo est, speciem visibilem in qualibet parte medij repræsentare totum obiectum; hoc tamen non tollit, quòd minùs species sensibilis habeat extensionem ex parte subiecti. Vtrum autem intentio, & extensio obiecti repræsententur in specie per eandem indiuisibilem entitatem illius, vel per diuersas, dicam capite septimo huius libri, vbires hæc commodius disputari solet.

Et per hæc patet ad secundam rationem dubitandi. Ad primam, quòd (vt dicam capite duodecimo huius libri) Aristoteles ibi per formas sine materia intelligit species sensibiles, quæ vocari solent species intentionales, quas non ideo appellat sine materia, quia sunt immateriales, & spirituales; sed quia sunt minùs materiales, & corporeæ, quàm obiectum, à quo

F

pro-

procedunt, qua ratione species coloris perueniens ad potentiam visivam minus materialis est, quam corpus ipsum coloratum, a quo procedit.

Questio 1111. Quomodo, & a quo, producantur species sensibiles?

Postquam egimus de natura, & essentia harum specierum, deinde de earum causis tractandum restat. In quo duo sunt apud omnes certa; alterum est, huiusmodi species non habere causam formalem intrinsecam sui, quin potius ipsa sunt quaedam formae accidentales; forma autem non est talis per aliam formam: alterum verò est, causam finalem harum specierum esse sensationem, quae est cognitio obiecti sensibilis; dantur enim huiusmodi species, ut sint principium sensationis, simul cum potentia: de causa autem materiali, seu de subiecto earum, dicam quaestione sequenti; & ita hoc loco tantum superest difficultas de causa efficiendi: neque enim est cur hoc loco disputemus, quia ratione producatur species impressa in sensu interno. Id enim commodius tractabitur 3. lib. de Anima, cap. 2. aut. 3. De speciebus autem sensuum externorum adhuc duo inquiri possunt, secundum quod huiusmodi species sunt in duplici differentia, scilicet expressa, nempe quae producuntur per actum sensationis, & impressa; scilicet, quae imprimuntur

in potentia sensitiva, ut eliciatur actum sensationis: de causa ergo efficiendi speciei expressa dicam infra q. 6. Quare tantum superest difficultas de causa efficiendi speciei sensibilis impressae.

De qua re, ut omittam sententiam Auerro, hoc lib. comm. en. 6. asserentis, dandum esse sensum quemdam agentem, qui producat species sensibiles in sensu, ad modum quo datur intellectus agens producens in intellectu possibili species intelligibiles, de quo loco citato dicam. Dicendum ergo est, cum communi fere omnium sententia, species sensibiles produci ab obiecto, ut a causa principali & quivoca. Tenet Sanct. Thom. sepius; praecipue tamen primo contra Gent. cap. 65. & ibidem Ferrar. & hoc loco communiter Interpretes: neque obscure deducitur ex Aristot. hoc capite, ubi dicit, sensum reduci ad actum sentiendi ab obiecto: ergo ideo est, quia obiectum quodammodo concurret ad actum sentiendi, sed non per se ipsum, est enim obiectum extra potentiam, in qua fit sensatio; ut patet de colore: ergo per speciem ab illo productam in potentia ipsa; & ita huiusmodi species solent appellari impressae, quia ab obiecto imprimuntur in potentia sensitiva. Et ratio est, quia quanto obiectum est intensius, tanto intensiorem, & acriorem speciem mittit; & ita experimur senes, ut facilius cartam legere possint, illa aliquantulum ab

ab organo visus elongare, ne tam acrem, & intensam speciem mittat: signum ergo est, obiectum esse causam efficientem talis speciei; & ita dum magis distat à potentia, minus intensam speciem mittere.

Secundo, quia non alia ratione colligimus, ignem habere virtutem actiuam ad calefaciendum, nisi quia experimur, presente igne produci calorem, & illo ablato, tolli: sed eodem modo sentimus, presente obiecto, statim produci in potentia sensitua huiusmodi species, & illo ablato, non conservari tales species: signum ergo est, huiusmodi species sensibiles pendere ab obiecto, in fieri, & conservari: atque adeo obiectum est causa efficiens illarum. Quod autem sit causa principalis; patet, quia nulla alia causa principalis assignari potest, tum etiam, quia sunt imperfectiores obiecto, & ita appellantur intentionales, quia habent quoddam esse diminutum; & ita totum suum esse est intendere ad cognitionem obiecti causandam.

Solum posset hoc loco obijci, quia huiusmodi species sunt minus materiales, quam obiecta à quibus causantur, qualiter species albedinis minus materialis est, quam albedo ipsa: ergo sunt perfectiores obiectis. Respondetur negando consequentiam, quia aliquando minor materialitas provenit ex minore entitate rei, qualiter relatio similitudinis fundata in albedine minus materialis est, quam albedo ip-

sa ob minorem entitatem, quam habet; relatio enim paræ entitatis est.

Circa modum autem, quo huiusmodi species producuntur in medio, Albertus hoc lib. tract. tertio existimat, non produci unicam numero speciem in toto aere medio, usque ad potentiam sensitivam, sed plures totaliter diversas; ita quod obiectum producat in partibus sibi proxinis unicam speciem, & deinde illa aliam totaliter diversam in alijs partibus, & sic usque ad potentiam sensitivam. Sed non placeet, quia in productione luminis, aut aliarum qualitatum, in toto medio continuo tantum producitur qualitas, continuo extensa per totum medium, non vero plures totaliter diversæ; ergo non est cur hic negemus in speciebus sensibilibus; quando enim subiectum est unum, & continuum, qualitas in illo recepta unica numero, & continua est. Exhinc fit in diversis medijs, ut in aere, & in aqua, diversas numero species sensibiles produci ex diversitate subiectorum. Qua autem ratione species singulorum sensuum diffundantur per medium, suis proprijs locis disputabitur; hic enim ea, quæ omnibus sensibus generalia sunt, tradere intendimus.

Quest. V. Vtrum species sensibiles recipiuntur in potentijs sensivis ad causandam sensationem?

In hac re omnes fatentur speciem expressam recipi intra ipsam potentiam

tentiam sensitivam, non secus, quam verbum mentis productum per actum intelligendi manet intra ipsum intellectum, aliàs non denominaretur potentia sensitiva, aut intellectiva formaliter cognoscens, nisi quia adhuc opus formaliter habeat in se idolum, medio quo habet notitiam obiecti. Solum ergo est difficultas de speciebus impressis, quæ ab obiecto producuntur.

In qua re prima sententia est asserentium, tales species non recipi in hæsiuè in potentia sensitiva, quæ est qualitas superaddita organo; sed immediatè recipi in ipso organo. Sic tenet Philopponus, & Simplicius hoc loco text. 51. pro qua sententia nullam video, nec probabilem rationem, nisi fortasse, quia ut species impressa concurrat simul cum potentia ad producendam speciem expressam, non est necessarium sit in hæsiuè in illa; satis est, sit in organo, ubi talis potentia residet, quia tunc iam habet sufficientem similitudinem localem cum illa, ut possint simul cooperari ad producendam speciem expressam. Quod explicari potest exemplo, nam in communi Philosophorum sententia phantasma concurret effectivè simul cum intellectu agentis ad producendam speciem intelligibilem; phantasma autem, cum sit quid materiale, nequit esse in hæsiuè in intellectu agentis, qui spiritalis est: ergo similiter potest optimè intelligi, spe-

ciem impressam concurrere cum potentia sensitiva ad sensationem, quin sit in illa in hæsiuè.

Dicendum tamen est in hac re, huiusmodi species impressas recipi in potentia sensitiva, ad causandam sensationem. Tenet S. Thom. sæpissimè, sed præcipuè 1. par. q. 12. ar. 2. ad 3. & in 4. d. 49. quæst. 2. ad 2. & 3. contra Gent. cap. 49. quæ hoc loco omnes sequuntur; est etià expressa sententia Aristot. in hoc cap. ubi dicit, sensum esse potentiam passivam, & reduci ad actum ab obiecto; quod fieri non potest, nisi obiectum imprimeret speciem in potentia sensitiva: sentit ergo, sensum esse potentiam passivam, non solum respectu speciei expressæ, dū illam recipit; sed etiam, quia ab obiecto recipiat speciem qua reducatur ad actum.

Et ratione probatur à simili, quia in communi omnium opinione species intelligibiles recipiuntur in hæsiuè in intellectu ad causandam intellectionem; & ita Aristoteles tertio lib. de Anima dixit, intellectum quodammodo fieri omnia, quia omnium rerum recipit species: ergo non est negandum similiter, potentiam sensitivam intrinsicè recipere species impressas ad percipiendum suum obiectum. Idem etiam confirmatur exemplo de habitibus, qui in hæsiuè ponuntur in poteritjs, ut cum illis cooperentur ad causandos actus. Sed species impressæ non minus sunt necessariæ ad operandum, quam habi-

tus,

tus, quia species sunt necessarię simpliciter ad operandum; habitus autē non sunt necessarij ad simpliciter operandum, sed ad melius, cum sine habitu absolutē possit fieri actus, licet non ita facile.

Addo præterea contra Sonc. 7. Meta. q. 8. & alios Thomistas huiusmodi species educi de potentia subiecti, in quo recipiuntur, siue recipiantur in potentia sensitua, siue in medio. Ratio est, quia huiusmodi species sunt quædam accidentia, scilicet, qualitates quædam derivatæ ab obiecto: ergo natura sua habent esse dependens à subiecto, & ita fiunt dependenter ab illo; mediante concursu materiali subiecti: ergo educuntur de potentia illius.

Addo præterea, potentiam sensitivam merò passivē se habere, quando in ea producantur species impressæ. Ratio est, quia obiectum habet sufficientem actiuitatem ex se ad producēdas tales species, nam sicuti eas diffundit per medium, usque ad potentiam, ita mediante specie recepta in medio poterit optimē aliam speciem efficere in potentia, quin opus sit adiuvari effectivē à concursu potentie. Patet consequentia, quia potentia sensitiva, non est minùs capax ad recipiendam speciem, quàm medium ipsum.

Et hinc fit ulterius, productionem talis speciei, quam obiectum imprimis in potentia, non esse actionem vitalem, quia non habet

ortum effectivē à potentia vitali, sed solum ab obiecto sensibili. Neque obstat, quòd tale obiectum aliquando possit esse aliquid vitale, ut quando homo imprimit speciem sui in potentia visiva. Ratio est, quia licet tunc corpus, quod talem speciem mittit, vitale sit, non tamen illam imprimit, in quantum vivens est, sed in quantum est corpus. coloratum operans per colorem, qui non est potentia vitalis; ut enim suprà vidimus, non omnes potentie, aut actiones viventium vitales sunt, sed tantum illæ, quæ oriuntur à viventi, ut vivens est conditinctum, contra res inanimatas.

Ad rationem contrariæ sententiae respondetur, verum esse absolute, & in generali loquendo, non requiri ut aliquid cooperetur cum alio, quod sit in illo in hæsiuē; ut probat exemplum illud de phantasmate concurrente cum intellectu agente ad producendam speciem intelligibilem; tamen ex peculiari connexionē, quam habent species impressæ cum potentia cognoscitiva, requiritur quòd sint in hæsiuē in illa, ut cum illa concurrant ad actum cognitionis: unde autem coniectari possit hæc peculiaris connexio inter species sensibiles, & potentiam sensitivam, probabimus exemplo de speciebus intelligibilibus, & de habitibus, quæ ponuntur in hæsiuē in potentijs, ut cooperentur cum illa.

*Quaest. VI. Vtrum species impressa
concurrat ad producendam
speciem expressam?*

Variæ sunt de hac re philosophorum sententiæ. Prima est asserentiū, huiusmodi species sensibiles receptas in potentia sensitiva non præstare aliquem physicum influxum ad producendam speciem expressam; sed solum excitare potentiam, ut illa producat speciem expressam, admodum, quo incommuni Theologorum opinione intellectus mouet voluntatem, proponendo illi obiectum, absque eo quod physicè concurrat ad actum voluntatis. Sic videtur indicasse Simplicius hoc lib. tex. 51. & 52. & fundamentum esse potest ex dictis, quia intellectus sufficienter intelligitur mouere voluntatem, ex eo solum, quod illi proponat obiectū absque eo, quod illi præstet influxum physicum ad actum voluntatis: ergo similiter sufficienter determinatur potentia sensitiva ad percipiendum obiectum sensibile per expressam, ex eo solum quod per speciem impressam receptam in illa, illi proponatur obiectum, & fiat præsens.

Secunda verò sententia huic extreme opposita est asserentium, solam speciem sensibilem receptam in potentia sensitiva esse totalem causam producendi speciem expressam; potentiam verò sensitivam nihil efficere, nisi sustentare speciem

Tenet Albertus lib. de Apprehensione in principio, indicat etiam lauel. hoc li. q. 2. Pro qua sententia, nullū, neque apparatus video fundamentum, ut ex dicendis constabit.

Tertia sententia est asserentium, quod quamuis potentia sensitiva actiue concurrat ad producendam speciem expressam, non tamen recipiatur talis species in eadem potentia, à qua effectiue causatur, sed in alia diuersa, & ita in quolibet sensu duas potentias distinguunt, alteram productiuam speciei expresse, alteram verò receptiuam illius. Et idem asserunt suo modo de potentia intellectiva. Sic locuit Iandu 31 de Anima q. 26. & Apollinar. q. 13. existimant enim huiusmodi Auctores, non posse idem esse principium actiū, & passium respectu eiusdem effectus: quod tamen principium falsum est, ut saepe in Physica dictum est.

Quarta sententia est Cardin. Tolet. h. q. lib. q. 12. conclus. 2. asserentis, speciem impressam, non concurrere ad producendam expressam in genere causæ efficientis, sed potius in genere causæ materialis dispositiue, in quantum disponit potentiam sensitivam ad recipiendam speciem expressam. Quam sententiam probat primò, quia productio speciei expresse, quæ est sensatio, est vnica & indiuisibilis actio: ergo non potest fieri à duobus principiis diuersis: ergo cum potentia sensitiva sit causa efficiens talis sensationis in opinione ferè omnium; ut statim

tim ostendam, dicendum est, speciem impressam non concurrere actiue ad productionem illius, sed solum dispositiue.

Secundò, quia sensatio est actio vitalis, de cuius essentia est oriri à principio vitali: ergo tantum debet tribui actiue potètiæ sensitivæ, quæ vitalis est, non verò speciei impressæ, hæc enim non est aliquid vitale, cum producta sit in potentia ab extrinseco obiecto.

In hacre explicanda dico primò contra Albertum, potentiam sensitivam actiue concurrere ad producendam speciem expressam, atque adeò ad sensationem. Quæ conclusio, præterquam quòd est satis communis apud Auctores hoc loco, probari potest ex Arist. hoc lib. cap. 2. ubi in secunda definit. animæ, dixit, animam esse, id quo primò vivimus, &c. ergo sicut anima est principium efficiens radicale nutriendi, & loco mouendi; ita etiam sentiendi: de his enim omnibus eodem tenore verborum loquitur Arist. sed anima cum sit substantia, non est principium immediatum operandi, & ita operatur, medijs potentijs: ergo potentia sensitiva actiue concurrat ad sensationem in sententia Arist.

Præterea, sepe docuit Augustin. quòd ab obiecto, & potentia paritur notitia, præsertim tamen 4. li. de Trinit. c. 2. ubi illud verbum, paritur, denotat causalitatem cause efficientis, & ita aperte sentit, actum sensationis, qui est notitia quædam

obiecti sensibilis, non solum pendere effectiue ab obiecto media specie illius, sed etiam à potentia ipsa sensitiva.

Et ratione probatur. Primò, quia si sola species impressa recepta in potentia sensitiva còcurrit ad actum sensationis, sequitur, sensationem non esse actionem vitalem, de cuius ratione est, quòd proveniat à principio vitali, species autem impressa ab obiecto extrinseco non est aliquid vitale.

Et si respondeas, animam, quæ aliquid vitale est, mediante specie illa impressa, producere speciem expressam. Contrà est, quia sicut ad alias operationes vitales, v.g. ad nutritionem, & motum progressuum, ponuntur in anima potentiæ superadditæ, quibus actiue operatur ad sensationem, quæ longè perfectior actio est, potiori iure debet poni.

Secundò probatur à simili: nam nullus est, qui neget, intellectum actiue concurrere ad producendam suam speciem expressam, scilicet, verbum mentis: ergo neque id debet denegari potentiæ sensitivæ.

Tandem vltimò, quia sequeretur, sensationem non esse actionem immanentem. Pater consequentia, quia sensatio non subiectatur in specie impressa, à qua sola secundum hanc sententiam causatur, sed potius in potentia sensitiva. Neque enim dici potest, talem sensationem subiectari in anima, à qua elicitur, & ita respectu illius dici actionem.

F iij imma-

immanentem, hoc enim saltem in anima rationali non potest dici, nā cum sit spiritualis, non potest esse subiectum accidentis corporei, qualis est sensatio: est enim actio, quæ materialis est.

Dico secundo, speciem impressam etiam concurrere actiue cum potentia ad producendam speciem expressam. Est communis Auctorum sententia, quam tenet Sanct. Thom. 1. par. quæstio 14. art. 2. & quæstio. 54. art. 2. & q. 16. art. 1. & 1. 2. artic. 5. quem communiter eius discipuli sequuntur. Pro qua sententia faciunt illa verba Augustini: Ab obiecto, & potentia paritur notitia: & Arist. hoc cap. dicit sensum reduci ad actum sentiendi ab obiecto.

Et ratio est. Primo, quia species impressæ ideo ponuntur in potentis sensitivis, ut determinent illas ad actum sensationis, circa determinatum obiectum; huiusmodi autem determinatio longè melius intelligitur, si ponamus efficienter cum illa concurrere ad determinatum actum: quā si cum alijs dicamus excitare potentiam absque physico concursu cum illa: ergo cum alijs talis concursus physicus finis cum potentia non repugnet speciei impressæ, non est illi denegandus.

Secundo, quia in omnium opinione habitus effectiue concurrunt cum potentia ad eliciendos actus; cum tamen habitus sint minus necessarij ad operandum, quā spe-

cies sensibiles in potentia sensitiva, istæ enim requiruntur ad simpliciter operandum: ergo tales species actiue concurrunt ad producendam speciem expressam per actum sensationis.

Hoc tamen loco duæ se offerūt dubitationes. Prima est, vtrum species impressa sit causa principalis producendi speciem expressam, vel solum instrumentalis. Plures enim existimant esse causam principalem: quorum fundamentum est; quia effectus debet assimilari causæ præcipuæ; sed species expressa assimilatur speciei impressæ, quia repræsentat idem obiectum: ergo est causa principalis.

Tamen longè probabilius videtur, solum esse causam instrumentalem: nam, ut latè dictū est in Physica, de ratione causæ instrumentalis, naturalis est, quod sit imperfectior effectu productō; species autē impressa est longè imperfectior specie expressa, tum quia species expressa est formalis imago & similitudo; & ita constituit potentiam cognoscentem in actu secundo: fecus verò impressa, ut supra: tū etiā quia species expressa natura sua postulat fieri per actionem vitalem, qualis est sensatio: actio verò productiva speciei impressæ non est vitalis: ergo species impressa solum concurret ut instrumentum potentia; ad producendam speciem expressam.

Neque fundamentum contrarie sententiæ alicuius est momenti, ex

eo enim quod effectus assimiletur suæ causæ, non rectè colligitur absolute loquendo esse causam principalem. Si enim vnus homo supernaturaliter alium produceret per creationem; assimileretur vniuocè effectus productus causæ producenti, cum tamen creatura solum vt instrumentum posset attingere creationem, vt vidimus 1. libr. de Generatione, disputatione 1.

Præterea in causis æquiuocis & principalibus potius requiritur dissimilitudo inter causam, & effectum, est enim causa æquiuoca diuersæ rationis ab effectu, & ita species impressa est causa æquiuoca productionis. species expressæ, quia huiusmodi species sunt diuersæ rationis; altera enim est imago formalis, altera verò solum virtualis, & ita falsum est, quod formaliter assimiletur.

Secunda dubitatio, vtrum species impressa sit causa totalis producendi speciem expressam, de qua, quia serè est questio de nomine, dico duo: alterum est, quod si nomine causæ totalis intelligatur causa se sola operans, species impressa non est causa totalis, imò, neque potentia ipsa, neutra enim se sola potest producere speciem expressam; debet enim potentia sensitiva constitui in actu primo per speciem impressam, & ab illa determinari; vt possit per actum sensationis producere speciem expressam: si tamen nomine causæ

totalis intelligatur causa totum effectum producens, licet vt instrumentum, hac ratione species impressa appellari potest causa totalis, licet non sit ita propria locutio. Ratio est, quia tota species expressa fit à potentia, & etiam ab specie impressa vt ab instrumento, neque enim pars vnus sit ab vna, & pars ab alia, quia ad illam partem, quam potentia producit; indiget determinari ab aliquo, cum ex se sit indifferens ad producendas varias species: ergo adhuc ad illam partem concurrunt species impressa determinando potentiam actiue, atque adeò ad totam speciem expressam concurrunt.

Tandem ad fundamentum primæ sententiæ superius adductæ respondetur, voluntatè diuersimodè determinatè ab obiecto ad suum actum; ac determinatur potentia sensitiva. Ratio differentię est, quia cum voluntas sit potentia appetitiua, fertur, vt communiter dici solet, in obiectum; & ita solum petit, quod illi proponatur tale obiectum, vt ipsa seratur in illud: potentia verò cognoscitiua, qualis est sensus, & intellectus, cū sint potentia apprehensiuæ, ita debent reduci ad actum à suo obiecto, quod trahant obiectum ad se, hoc autem non potest fieri, nisi per speciem obiecti in illis receptam, quia obiectum per se ipsum, non potest ingredi potentiam; & ita opus est reducantur ad actum ab obiecto, mediante specie illius, atque adeò,

quod talis species actiue reducat potentiam ad actum.

Ad primam rationem Tolerti respondetur, eundem effectum optime posse fieri à duabus causis subordinatis; & ita fit species expressa ab specie impressa, vt ab instrumento simul concurrente cum potentia sensitiua, cui in operando subordinatur.

Ad secundam, non esse necessariam, quod omnia principia actionis vitalis sint vitalia, satis est oriantur à potentia vitali, siue illa operetur medio instrumento vitali, siue non. Tandem hæc omnia, quæ de speciebus sensibilibus dicta sunt, suo modo accommodari possunt speciebus intelligibilibus, ita vt species impressa sit causa instrumentalis speciei expressæ, scilicet verbi mentis, &c. Denique plura alia de speciebus sensibilibus dicam, dum de quolibet sensu in particulari fiat disputatio, neque enim oportet re à suis proprijs sedibus euellere.

Caput sextum.

Postquam Aristoteles in superiori capite egit de sensu in communi, agit modo de eius obiecto, scilicet de sensibili in communi, vt deinceps de singulis sensibus in particulari disputet. Caput autem, quia breue est, nulla indiget partitione, solum enim adducit aliquas diuisiones sensibilis, & singula membra explicat, dicit ergo sensibilia quædam esse per se: quædam vero

per accidens: sensibile per accidens est illud, quod per seipsum non immutat potentiam; sed per aliquid illi superadditum, qualiter substantia est sensibilis per accidens, scilicet per accidentia illi superaddita: videtur enim in quantum est affecta colore, & tangitur in quantum calida, vel frigida. Sensibile vero per se, est quod per seipsum immutat potentiam. Et hoc rursus duplex est; aliud enim est sensibile proprium, & est illud, quod ita est proprium vnius sensus, vt tantum percipiatur ab illo, qua ratione color ita est proprius visus, vt ab alio sensu non possit percipi. Sensibile vero commune, est illud, quod pluribus sensibus potest percipi, vt quantitas; hæc enim tam percipitur visu, quam tactu, & alijs sensibus: & hæc sensibilia communia docet esse quinque, scilicet, quantitas, figura, numerus, motus, & quies: concludit dicens hoc esse discrimen inter sensibile commune, & proprium, in ordine ad sensum, quod sensus non fallitur circa sensibile proprium, vt visus circa colorem; potest tamen falli circa sensibile commune, vt circa quantitatem.

DISPUTATIO V.

De Obiecto sensibili.

Attequam de sensibus in particulari, & illorum obiectis disputet Arist. merito in hoc capite tractatione de sensibili in communi præ-

præmittit: In qua disputatione
questio An sit, vt experientia nota,
supponenda est. Pater experientia
dari objecta sensibilia, & ita solum
restat eorum natura inuestiganda.

Quæst. I. Primum, vt objectum aliquod pos-
sit sensu percipi, debeat habere realē
præsentiam a parte rei.

Quæstio hæc nullam habet dif-
ficultatē, si loquamur de sen-
su interno, certum est enim apud
omnes, imaginationem etiam pos-
se versari circa res absentes, & de
memoria id etiam est certum: imò
proprius actus memoriæ, est res ab-
sentes percipere. Solum ergo est
questio de sensibus externis. In quo
adhuc inquiri possunt duo. Primum,
an ex natura rei requiratur talis
præsentia objecti, vt possit sensu
aliquo percipi. Secundo, utrū saltē
per diuinam potentiam possit ob-
iectum non existens percipi sensu
externo: quæ res, licet ex professo
ab Auctoribus non tractetur, sed
obiter, Buridanus hoc libr. quæstio.
22. videtur sentire etiam per natu-
ram id esse possibile. Et videtur
res hæc comprobari experientia,
quia aliquando visio vehementi
sensibili, vt vehementi lumine,
etiamsi ad alium locum visum con-
uertamus, videtur apparere idem
objectum.

Præterea, sæpè in absentia lucis,
clausis oculis, videre solemus, ne-
scio quid luminis: potest ergo ob-
iectum absens videri.

Tamen dico primo: per natu-
ram impossibile est sensum exter-
num percipere objectum aliquod,
nisi sit illi realiter præsens, ita vt
possit mittere speciem in sensum.
Est communis sententia, quā aper-
tè indicat Arist. cap. 5. præcedenti,
dum dicit, sensum reduci ad actum
ab objecto, & ab illo pati, quæ pas-
sio nulla alia esse potest præter re-
ceptionem speciei impressæ, sed
objectum non existens nullam spe-
ciem potest in sensu imprimere:
existentia enim est conditio neces-
saria ad causandum: sentit ergo
Arist. sensum externum non pos-
se percipere objectum non exis-
tens, & hinc sumitur ratio conclu-
sionis: quia cum sensus sit potentia
quædā indifferens ad plures actus
sensationis, circa hoc, vel illud
objectum, opus est determinetur
ab specie impressa ad percipien-
dum hoc objectum, potius quàm
illud, species autem impressa pro-
ducitur ab objecto, vt suprà vidi-
mus, objectum autem non existens
nihil potest producere: ergo ob-
iectum non existens non potest per-
cipi a sensu externo.

Et si respòdeas, fingi posse, quòd
producta iam specie impressa ab
objecto, statim tale objectum cor-
rumpatur, & ita poterit etiam cor-
ruptum sentiri per speciem ab illo
derelictam: Respondetur tamen,
hoc ex natura rei esse impossibile,
quia species impressæ sensuum ex-
teriorum pendent in suo conser-
uari ab objecto; experimur enim,
præfer-

præsente colore, si adiunt cætera requisita, produci species visibiles in oculo, illo verò absente, statim corrumpi, & ita huiusmodi species solum corrumpuntur ex defectu conseruantis, à contrario enim non possunt corrumpi, quia huiusmodi species non habent contrarium: ostendimus enim suprà adhuc species obiectorum non esse contrarias, & ita solum possunt corrumpi, aut ex defectu conseruantis, aut fortasse ex defectu subiecti.

Vnde ad experientias suprà adductas communis Interpretum solutio est, tales res apparentes non sentiri à sensu externo, sed ab interno potius, ita vt sit quidam actus imaginationis, quo obiecta illa videntur, quasi essent præsentia, vt somniantibus contingit: imaginatio autem bene potest versari circa obiectum absens: addiderim tamen, quod attinet ad perceptionem luminis factam clausis oculis, quòd cum exterius adest lumen, non nihil penetrare ipsas palpebras, cum tenues sint, ita vt aliquid lucis, etiam clausis oculis interius producat: quod manifesta experientia ostenditur: si enim clausis oculis versus solem faciem conuer- tas, reuerà aliquid luminis percipies; ita vt si manum ante oculos à thuc clausos obijcias, reuerà senties impedimentum lucis. Nec mirum est, quia cum palpebræ sint corpora quadam tenuia, & porosa, non nihil lucis potest per illas transire.

Maiorem habet difficultatem, vtrum saltem de potentia absoluta id sit possibile, ita vt per diuinam potentiam possit sentiri obiectum non existens. Et inprimis supponendum est, nullam implicare contradictionem, Deum se solo conseruare speciem iam semel ab obiecto productam, etiamsi tale obiectum deinde corrumpatur, sicut etiam potest illam sine tali obiecto producere. Ratio est, quia quod Deus facit medijs causis secundis, præsertim non vitalibus, quale est, vt suprà vidimus, obiectum produ- cens speciem, potest se solo facere: imo, vt docet D. Thom. 3. p. q. 76. art. 8. potest Deus simul cum po- tentia sensitiva causare actum sen- sationis sine specie impressa, quia cum illa non sit principium vitale, potest suppleri à Deo. Querimus ergo, vtrum absente obiecto, si Deus eius speciem seruet, pos- sit tale obiectum percipi à sen- su externo, vel etiam supplente Deo concursum speciei impressæ.

In qua re partem negatiuam se- quitur Gabriel in 2. d. 3. q. 2. concl. 2. dicit enim sensationem, verbi gratia, visionem natura sua esse cognitionem intuitiuam, de ra- tione autem cognitionis intuitiue est terminari ad obiectum prout præsens, hoc enim videtur impor- tari nomine cognitionis intuitiue, & ita censet adhuc per diuinam potentiam esse prorsus impossibi- le, obiectum absens posse percipi à sensu externo.

Secun-

Secundo, quia obiectum respectu actus habet rationem causæ formalis, saltem extrinsecæ, actus enim specificantur per obiecta, sed genus causæ formalis non potest suppleri à Deo: ergo impossibile est, obiectum non existens percipi sensu externo.

Dicendum tamen est, reuerà nullam inuoluere implicationem per diuinam potentiam, obiectum non existens percipi sensu externo, si Deus se solo producat, vel conseruet speciem impressam illius, vel saltem suppleat concursum speciei impressæ: & existimo esse communem omnium sententiam, licet ex professo non omnes de hac re trahant. Ratio enim est, quia actus sensationis physicè profluit à potentia sensitiva informata specie impressa, ab obiecto autem dicitur provenire remotè, in quātum producit talem speciem in potentia: ergo si Deus se solo illam speciem conseruet, vel producat in potētia, iam daretur sufficiens principium actus sensationis, & ita absente, vel corrupto tali obiecto, poterit optimè elici à potentia talis actus, ad sunt enim omnia principia physicè influentia in actum sensationis.

Et si respondeas, quod quamvis in hoc casu non requiratur ad sensationem obiectum, vt principium influens physicè in actum sensationis, tamen requiritur ad terminandum talem actum, est enim obiectum terminus, ad quem termina-

tur actus. Contrà est, quia hæc terminatio non est physica, ad modum quo punctum terminat lineam, sed solum est terminatio extrinsecæ per modum obiecti; hanc autem terminationem, etiamsi non existat à parte rei, potest habere, vt quando imaginatio versatur circa obiectum absens, etiam dicitur obiectum terminare illum actum, quia ad illud tendit talis actus, & ita non requiritur realis existentia ad terminandum actum.

Ad primum argumentum Gabri. responderetur, quod vt cognitio aliqua dicatur intuitiva, non opus est terminetur ad obiectum realiter existens, satis est videatur quasi reuerà existeret, ita quod videatur in in sua intrinseca entitate, & non in alio; qua ratione quando effectus cognoscitur in sua causa, aut causa in suo effectū, est cognitio abstractiva, & nō intuitiva, quod non cognoscitur in se, sed in alio cognito vt quod. In nostro autē casu obiectum, licet non existat, cognoscitur in se ipso, & non in alio, vt quod cognito, species enim non videntur vt quod, sed tantum vt quo, vt supra.

Ad secundum, Deum in eo casu non suppleri obiectum, ad huc enim ille actus versatur circa suum obiectum, licet tale obiectum actu non existat à parte rei, sicut quando quis imaginatur rem absentem, talis actus suum habet obiectum, licet actu illud non sit à parte rei.

Quaest. II. Vtrum sensibile commune, & proprium cognoscantur per eandem speciem?

IN hac re notandum est in primis, sensibile commune nõ ideo tale appellari, quia omnibus sensibus externis sit commune, ita vt ab omnibus possit percipi; vt hoc loco notarunt S. Thom. & Simplicius: nã figura numeratur ab Arist. inter sensibilia communia, cum tamen non possit percipi à sensu odoratus, neque à sensu auditus: dicitur ergo sensibile commune, quia pluribus sensibus percipi potest, licet non omnibus sensibus, quã ratione visus, & tactus percipiunt figuram obiecti sensibilis.

Secundo supponendũ est, quando Arist. hoc capite numerauit quinque sensibilia communia, scilicet, quantitatem, figuram, quietem, numerum, & motum; nomine quietis non intelligi quietem formaliter sumptam pro carentia motus, cum talis carentia nihil reale sit, nihil sensibile est, & ita neque est sensibile commune, neque proprium: debet ergo intelligi nomine quietis presentia rei in loco permansens, & inuariata, hæc enim sensibilis est: similiter per numerum non debet intelligi multitudo formaliter, sed debent intelligi presentia rerum in loco, diuise tamen, & discontinuæ: nam si Deus plura corpora penetraret in eodem loco, visus tantum iudicaret esse

vnum corpus, cum tamen reuera ibi esset multitudo corporum. Similiter, si vnum corpus poneretur in duobus locis, iudicaret visus esse plura corpora; solum ergo cognoscit sensus presentias illas diuise, & discontinuas, quas habent talia sensibilia inter se.

Maiorem tamen habet difficultatem, quid intelligatur nomine quantitatis. Communis enim plurimum sententia, quam sequitur Diuus Thom. 1. part. quaestione 76. articul. 3. ad 2. & hoc loco communiter Interpretes asserunt, intelligi quantitatem de prædicamento quantitatis. Nobis tamen aliter dicendum est: cum enim in quouis accidenti corporeo propriam ponamus extensionem; diuersam ab extensione quantitatis: nomine quantitatis intelligendam esse existimamus extensionem illam propriam, quam color, v. g. aut quoduis aliud obiectum sensibile ex se habet, diuersam à quantitate. Quam sententiam, docuit apertè Buridanus hoc lib. q. 14. Et ratio est, nam si albedo parietis, quæ de facto habet quantitatem, daretur, sine quantitate, extensa tamen sicut modo est, visus sine dubio eodem modo eam videret, ac modo videt; sed tunc non videret quantitatem, quia nulla talis esset: ergo neque modo quantitas immutat visum, sed propria extensio coloris.

Est tamen aduertendum, quod in colore duplex extensio imaginari potest, alia enim in ordine ad se, scilicet

scilicet, quod in se ipso habeat partes, quæ nihil aliud est, quam ipsa albedo habens in se partes integrantes, & hæc extensio non est sensibile commune, sicut neque ipsa albedo est sensibile commune, sed proprium visus: intelligitur ergo hoc loco nomine extensionis illa præsentia localis, extensa in loco, quam habet albedo, aut quodlibet aliud obiectum sensibile: hæc enim præsentia localis est quædam entitas illi superaddita, apta percipi a pluribus sensibus, & ita figura hoc loco significat illam præsentiam localem, prout sic, vel sic dispositam in ordine ad situm, & ita omnia sensibilia communia reducuntur ad præsentiam localem: quies enim, ut vidimus, dicit præsentiam localem invariabilem, & permanentem, motus vero dicit eandem præsentiam continuo variabilem, quia in motu sensus non percipit entitatem illam imperfectam, quæ est via ad præsentiam localem, sed tantum experitur continuo variari aliam, atque aliam præsentiam; numerus vero significat præsentiam diuisam, & discontinuam. Et hinc ulterius fit, quod quæstus de prædicamento quantitatis non fit sensibile per se, sed per accidens. Ratio est, quia sensibile per se tantum est duplex, ut docuit in hoc capite Aristoteles, scilicet commune, & proprium, sed quantitas non est sensibile commune, ut ostendimus, neque proprium, quia nullius sensus est proprius: restat ergo, quod

fit sensibile per accidens, scilicet, per colorem, & alias qualitates tangibiles illi adiunctas.

Sed obijcies, quia si aliquis homo existens iuxta cælum extenderet manum, reuera sentiret quantitatem cæli, quia sentiret se impediri, ne extenderet brachium, ab aliqua mole; sed cælum nullam habet qualitatem tangibilem, ut suo loco diximus: ergo ille homo per tactum solam quantitatem cæli sentiret: ergo quantitas est sensibilis per se, & non tantum per accidens. Respondetur, ut alias omittam solutiones, in eo casu illum hominem non sentire aliquid positum, sed negativè, ut aiunt, id est, sentiret se impediri, non tamen sentiret impediens: quod explicari potest exemplo de Angelo detinente aliquem, ne moueatur; in eo autem casu ille homo sentiret se detineri; cum tamen non possit sentire Angelum detinentem illum; Angelus enim insensibilis est; hoc tamen reuera non est aliquid positivè sentire, sicut quæstus in tenebris, quia sentiret se non videre non est verè sentire, carètia enim videndi insensibilis est, sed quia non videt, unde intellectus iudicat talem hominem non videre.

Colligo secundò ex dictis, omne sensibile commune esse modum modificantem sensibile proprium. Ratio est; quia omnia sensibilia communia reducuntur ad præsentiam localem, ut diximus, quam sibi propriam habet omnis qualitas

sen...

sensibilis, sed præsentia localis, vt ostendimus 4. Phys. est modus quidam superadditus rei, quæ denominatur præsens: ergo omnia sensibilia communia sunt modi sensibilis proprii, quod habet talem præsentiam in loco. Et hinc vltcrius fit sensibilia communia non distingui specie inter se, quia omnia important præsentiam localem, sic vel sic considerata per differentias accidentales, vt explicatum est.

His ergo suppositis circa præsentem quæstionem prima sententia asserit, sensibile commune percipi à sensu per speciem propriam illius diuersam ab specie sensibilis proprii. Tenet Scotus in 4. distinet. 1. 2. quæst. 3. Iandunus hoc libr. quæstio. 18. Aegidius, & plures alij loco citato, addunt tamen, quòd licet sensibile commune mittat propriam speciem diuersam ab specie sensibilis proprii, tamen non potest cognosci sine sensibili proprio: sicut quamuis color, & lumen sint obiecta diuersa, & fortè per diuersas species videantur, tamen non potest videri color sine lumine. Fundamentum huius sententiæ est. Primò, quia sensibilia primò diuersa non possunt per eandem speciem representari; sed color, qui est sensibile proprium, & præsentia localis illius, quæ est sensibile commune, sunt primò diuersa, spectant enim ad diuersum prædicamentum: nam color est de prædicamento qualitatis, præsentia verò localis de prædicamento vbi: ergo im-

possibile est, per eandem speciem cognosci, atque adeò sensibile commune suam habet propriam speciem diuersam ab specie sensibilis proprii.

Secundò, quia aliàs sensibile commune esset sensibile per accidens, quia esset per aliud sensibile, scilicet per speciem sensibilis proprii.

Tertiò, quia si sensibile commune percipitur per speciem sensibilis proprii, maxime quia non sentitur per se solum sine sensibili proprio. Hæc autem ratio nulla est, aliàs etiam è contrà dici posset, sensibile proprium sentiri per speciem sensibilis communis, quia etiam sensibile proprium non sentitur sine communi: neque enim videtur albedo, nisi prout taliter præsens, & figurata: ergo nulla est maior ratio, quare dicamus, sensibile commune percipi per speciem sensibilis proprii, quàm è contrà, quæ sententia reuera non caret sua probabilitate.

Secunda sententia huic opposita est, sensibile commune, & proprium per eandem prorsus indiuisibilem speciem percipi. Tenet Ferrar. hoc lib. quæst. 1. 1. & Fonse. 2. Met. c. 2. q. 2. sect. 3. Caiet. & Palatius in hoc cap.

Tertia tamen, & vera sententia à nobis tenenda est, sensibile commune non percipi à sensu per speciem propriam; sed per speciem sensibilis proprii, modificatam tamen à sensibili communi; ita quòd
in spe-

in specie sensibilis proprii producat sensibile commune quemdam modum repræsentatiuum sensibilis communis. Quæ sententia satis est communis. Eam tenet Cardin. Tolet. hoc loco quæstione 14. Bañez 1. part. quæst. 88. articulo 3. dub. 3. & plures alij. Ratio autem est, quia color, v. g. non percipitur in abstracto, sed prout hic, & nunc iacet à parte rei cum tali, vel tali præsentia locali; ita quod color, & talis, vel talis præsentia localis, se habeant per modum vnius obiecti, veluti adæquati: ergo totū hoc repræsentatur per eandem speciem, licet talis species modificetur à sensibili communi; ita quod variata præsentia locali, licet color idem prorsus perseveret, repræsentatur ut aliter se habens in ordine ad præsentiam localem: vnde sicut sensibile commune, & proprium se habent, sicut res, & modus, ut diximus: ita species sensibilis proprii est species, quæ est res, & species sensibilis communis, est modus.

Sed obijcies: Nam quomuis ratio sit modus, tamen species intelligibilis repræsentans relationem non est modus, sed vera res: ergo similiter, quamuis sensibile commune sit modus proprii, non debet illi tantū correspondere species modalis, sed quæ sit vera res. Respondetur negando paritatem rationis. Ratio est, quia cum species sensibiles producantur ab obiectis ipsis immèdiatè, proportionantur

illis, & ita sensibile, quod est modus, imprimet tantū speciem modalem, sicut sensibile, quod est res, imprimit verā speciem realitè: verò species intelligibiles non producantur immèdiatè ab obiectis ipsis externis, sed ab intellectu agente; & ita non est necessarium proportionentur cum suis obiectis.

Dico tamen secundò, speciem illam modalem, seu modum illum, quem sensibile commune imprimit in specie sensibilis proprii, per quē talem speciem modificat, esse entitatem realiter diuersam ab specie sensibilis proprii, saltem sicut modus à re. Patet planè, cum quia ipsum sensibile commune, scilicet præsentia localis ex natura rei distinguitur à re præsentī, quæ est sensibile proprium, ut vidimus 4. lib. Phyl. ergo postulant aliquam speciem modalem ex natura rei diuersam ab specie sensibilis proprii: species enim proportionantur obiectis.

Secundò, quia inuariata entitate coloris potest talis color aliam, atque aliam præsentiam localem acquirere: ergo inuariata specie reali coloris iam producta in toto hoc medio, potest illa species diuersimodè modificari iuxta diuersas præsentias illius coloris: ergo talis modus est entitas ex natura rei superaddita speciei reali coloris, correspondens sensibili communi. Et hinc colligo, quod quando aliqua res mouetur, & postea quiescit, non perit species sensibilis proprii, quia

quia ipsum sensibile proprium idē perseverat: sed tantum corrumpitur modus proveniens ab illo sensibili communi, scilicet à motu, qui iam cessavit.

Sed dubitari potest hoc loco, quando idem sensibile commune secundum speciem, scilicet præsentia localis, modificat species diversæ rationis, verbi gratia, speciem coloris, & speciem saporis. producat in illis speciebus modos diversæ rationis. Plures enim tenent partem affirmativam. Tamen probabilius existimo, tales modos esse eiusdem rationis, sicut & ipsa sensibilia communia, modificantia tales species, sunt eiusdem rationis. Ratio est, quia talis modus superadditus speciei sensibilis proprii, est aliquid præcise correspondens sensibili communi, scilicet præsentiæ locali, sed præsentiæ localis coloris, & saporis, non differunt specie, ut patet ex dictis 4. Physicorum, ad modum, quo albedo in homine, & in equo, non differunt specie: ergo modi præcise correspondentes tali sensibili communi non differunt specie, oriuntur enim præcise à sensibili communi, non verò à proprio. Nec mirum est, species diversæ rationis modificari, per modos eiusdem rationis, sicut ipsa præsentiæ localis, quæ modus quidam est, non differt specie in colore, & sapore, & ita modificat res diversæ rationis.

Ex dictis colligitur, idem esse dicendum respectu speciei expressæ,

qua sensus percipit sensibile commune, scilicet, quòd in illa correspondeat quidam modus repræsentans sensibile commune superadditus speciei expressæ sensibilis proprii, & ille modus est eiusdem rationis, quantumvis species expressæ sensibilia priorum sint diversæ rationis, proportionatur enim species expressa speciei impressæ, & hæc cum obiecto, à quo oritur.

Tandem ex dictis facile est respondere ad argumenta primæ sententiæ. Ad primum respondetur, quòd quamvis sensibile commune, & proprium sint primò diversa, in quantum sunt diversi prædicamenti, quia tamen faciunt aliquid vnum per modum concreti, qua ratione color, & præsentiæ faciunt colorem præsentem, ideò non mirum est, per eandem speciem, scilicet modificatam, possit percipi.

Ad secundum, sensibile commune esse sensibile per se, quia per se ipsum immutat sensum, in quantum producit modum quædam illi correspondentem, in quo differt à sensibili per accidens, quale est substantia; hæc enim nihil mittit in sensum, quo percipiatur: sed sentitur per accidens illi adiunctum, scilicet per colorem.

Ad tertium, quòd quamvis sensibile commune, & proprium cognoscantur simul, tamen potius sensibile commune dicitur modificare speciem sensibilis proprii, quàm e contra, quia (ut dictum est) species proportionatur obiecto: unde, quia potius

potius sensibile commune est modus sensibilis proprii, quàm è contra, potius enim præsentia localis est modus coloris, quàm è contra, ideo etiam in specie, id quod est modale, correspondet sensibili communi, species verò sensibilis proprii est res modificata, per modum ortum à sensibili communi.

Questio III. Vtrum sensibile commune possit percipi absque proprio, & è contra?

HAEC quæstio tam potest intelligi de potentia naturali, quàm de potentia absoluta: vnde dico primo, naturaliter impossibile esse, quòd percipiat sensus sensibile commune absque proprio, verbi gratia, præsentiam localem absque colore, vel alia re sensibili præsentia. Ratio est facilis, quia non potest in re ipsa existere sensibile commune absque proprio, neque enim potest dari præsentia, quæ non sit in colore, vel in alia qualitate sensibili: ergo semper quòd sensibile commune immutat sensum, etiam sensibile proprium illi adiunctum ex natura rei immutat eundem sensum, atque adeò per naturam impossibile est, sensibile commune percipi se solo absque proprio. Tum etiam, quia sensibile commune, vt vidimus, non sentitur per speciem propriam: sed per speciem sensibilis proprii modificatam ab illa: ergo ex natura rei impossi-

le est percipi absque sensibili proprio.

Dico secundo, etiam per naturam impossibile esse, quòd percipiat sensibile proprium, sine sensibili communi. Ratio est, quia sensibile proprium numquam potest dari, sine sensibili communi, neque enim potest dari à parte rei color, aut aliud obiectum sensibile, nisi habeat à parte rei præsentiam realem alibi: ergo si sensibile proprium potest immutare sensum, etiam id poterit sensibile commune illi adiunctum, atque adeò per naturam impossibile erit percipi sensibile proprium sine communi. Ratio verò à priori sumitur ex differentia, quæ versatur inter sensum, & intellectum: nam intellectus ob suam perfectionem est potentia abstractiua, scilicet, quæ potens est percipere obiectum abstrahens ab hic & nunc, vt quòd percipit re vniuersalem; sensus verò non est potentia abstractiua, & ita necessario percipit suum obiectum, prout hic, & nunc se habet à parte rei secundum circumstantias loci, & temporis; & ita impossibile est, cognosci sensibile proprium absque communi illi adiuncto, scilicet, absque præsentia locali.

Imò hinc dico tertio, etiam per diuinam potentiam absolutam fieri non posse, vt sensibile proprium percipiat absque communi, id enim implicat contradictionem. Et probatur, nam essentialiter còuenit potentia sensitiva, quòd nò sit potentia abstractiua: sed potius còcer-

G ij sens

nens hic & nunc, neque enim hoc conuenit sensui per aliquam entitatem superadditam, sed per suam essentiam: ergo cū Deus non possit immutare rerum essentias, necessarium est, vt sensus percipiat suū obiectū, vt hic & nunc existēs, sed implicat cōtradictionem dari à parte rei obiectum aliquod existēs, quin habeat præsentiā realem alicubi, vt vidimus 4. lib. Physicorum: ergo de primo ad vltimum implicat contradictionem percipi à sensu aliquod sensibile proprium sine sua præsentiā locali, atque adeo sine sensibili communi.

Dico quartò, neque sensibile commune possè percipi absque proprio etiā per diuinā potentiam. Et probatur primò ab inconuenienti, quia aliàs possèt, verbigratia, visus percipere aliquid, quod non est coloratum, quod est intelligibile, non minùs quòd auditus percipiat aliquid, quod non sit sonus. Sequela verò probatur, quia præsentiā locali, quæ est in colore, non est color, sed aliquid adiacens, & superadicum colori: ergo si illa sola absque colore videri possèt, iam visus aliquid possèt videre, quod non sit coloratum.

Dices, hoc nullum esse inconueniens, quia de facto, quando quis intuetur cælum, non videt colorem aliquem, cælum enim caret colore. Tamen contrā est, quia lumen cæli saltem est color apparēs, apparet enim per modum carulei coloris, & ita impossibile est videri

aliquid, quod non sit color, vel verus, vel apparens. Præsentiā autem localis coloris, neque apparens color est, quia præsentiā localis coloris, & soni, v.g. nō differunt specie, sed præsentiā localis soni, neque apparenter est color: ergo neque præsentiā localis coloris, per se, & præcisè sumpta.

Secundò probatur, quia sensibile commune non imprimit propriam speciem in sensu, sed tantum modificat speciem sensibilis proprii, sed ille modus, quem causat, neque per diuinā potentiam potest esse absq; subiecto, quod modifict, vt patet ex doctrina generali de modis tradita 1. Phys. ergo implicat contradictionem, percipi sensibile commune sine proprio: neque contra dicta video aliquid, quod ingerat difficultatem. id enim quod hoc loco obijci possèt de quætitate cæli, quam si quis tangeret, perciperet sine quantitibus tangibilibus, quibus caret, superiori quæstione explicatum est.

Quæst. II. Vtrum obiectum indiuisibiliter existens possit sensu percipi?

TVnc res aliqua existit indiuisibiliter, quando licet aliàs secundum suam naturam sit extensa, & habeat partes, tamen supernaturaliter tota correspondet cuilibet parti minimæ spatij: quare Corpus Christi Domini est in Sacramento Eucharistiæ modo indiuisibili, quia totum est in quauis minima parte hostiæ,

hostiæ: & ita habet ibi præsentiam Sacramentalem indiuisibilem. Querimus ergo, an corpus aliquod sic existens, possit sensu percipi, & an oculis possit videri?

In qua questione prima sententia affirmat, non solum naturaliter: sed etiam per diuinam potentiam repugnare, quod obiectum indiuisibiliter existens sensu aliquo percipitur. Tenet Paludan. & Capreol. in 4. d. 10. quest. vltim. Ricard. artic. 5. Fundamentum est, quia si præsentia indiuisibilis posset sensu percipi: ergo posset facile oculus videre puncta alicuius corporis, quæ habent præsentiam indiuisibilem, in spatio indiuisibili, sibi correspondenti; vnde nullus dubitare posset, an dentur puncta in qualibet magnitudine, quod tamen plures negant. Signum ergo est, præsentiam indiuisibilem nullatenus posse sensu percipi.

Secundò, quia talis modus essendi in loco indiuisibiliter, est maxime similis præsentia Angeli, est enim Angelus totus in quauis minima parte spatij. Sed præsentia Angeli non potest adhuc per diuinam potentiam percipi sensu, alias res spiritualis posset sentiri: ergo neque potest sensu percipi obiectum sensibile habens præsentiam indiuisibilem.

Secunda sententia huic extreme opposita est assertorium, id esse possibile, non solum supernaturaliter: sed etiam per naturam, dato casu, quod per miraculum obiectum sensi-

bile haberet illum modum essendi. Tenet Gabriel lect. quarta, Ocham in 4. d. 10. q. 4. Maior ibidem, q. 11. addunt tamen de facto non videri Christum Dominum existentem, sub hac præsentia indiuisibili, sub speciebus panis, speciali Dei voluntate impediens talem visionem.

Vt tandem rem hanc explicemus, aduertendum est, quæstionem hanc multipliciter posse intelligi. Primò quidem, si fingamus sensum habere præsentiam indiuisibilem supernaturaliter, sicut obiectum ipsum talem præsentiam indiuisibilem habet. Secundò, si fingamus sensum habere præsentiam indiuisibilem, obiectum tamen præsentiam diuisibilem sibi connaturalem. Tertiò, ita ut sensus sit in sua naturali præsentia diuisibili, obiectum verò habeat præsentiam indiuisibilem, in quo sensu habet quæstio præcipue difficultatem.

Vnde dico primò, obiectum existens modo diuisibili, & connaturali, non posse per naturam percipi à potentia existenti indiuisibiliter, bene tamen supernaturaliter. Probat per primam pars conclusionis, quia obiectum illud, ut per naturam possit percipi, deberet imprimere in potentia sensitua speciem existentem indiuisibiliter, ut esset proportio inter potentiam & speciem; talis autem modus præsentia est supernaturalis: sed nulli agenti naturali est debitus concursus ad producendum effectum supernaturalem, quia est supra naturam

suam: ergo per naturam obiectum naturali modo existens, non potest immutare potentiam sensitivam existentem indivisibiliter. Et hinc etiam patet, id repugnare per naturam, si fingamus, tam potentiam quam obiectum esse indivisibiliter; cum enim operari supponat esse, sicut tunc, tale obiectum habet modum essendi supernaturalem, ita & operari esset illi supernaturale, ut latius prosecuti sumus in lib. Phisicorum.

Secunda verò pars conclusionis, scilicet, quòd supernaturaliter id nò repugnaret, probatur, quia posset Deus supernaturaliter eleuare illud obiectum, ut produceret speciem indivisibiliter existentem, atque adeò proportionatam ipsi potentia; vel posset se solo talem speciem producere representatiuā illius obiecti, vel sine specie concurrere speciali concursu, cum potentia supplendo vicem illius, quod enim facit medijs causis secundis, præsertim non vitalibus; qualis est species impressa, potest facere se solo: ergo his omnibus modis non inuoluit contradictionem, tale obiectum percipi à potentia sensitiva indivisibiliter existente. Quare solum restat difficultas, an obiectum indivisibiliter existens possit percipi à potentia existente modo diuisibili, & connaturali.

Et in hoc dico primò. Per naturam id esse impossibile; adhuc ex suppositione prioris miraculi. Ratio est, quia præsentia illa superna-

turalis est, & ita supra naturam potentia naturalis sensitiva: ergo naturaliter non potest percipere obiectum tali modo existens.

Dico tamen secundò, per diuinam potentiam non repugnat percipi sensu obiectum aliquod indivisibiliter existens, tenet Scotus in 4. distinct. 10. quæst. 9. Bonauent. quæst. vltima. Alexand. 4. p. quæst. 4. membro 3. art. 2. & existimo esse mentem S. Thom. in 4. distinct. 10. quæst. 1. art. 4. quæstiuncula 2. ad 1. & distinct. 11. quæstio. 3. art. 1. ad 4. vbi dicit, oculum Christi existentis extra Sacramentum, qualiter est in Cælo, non videre seipsum, prout est in Sacramento, nisi forte, inquit, per miraculum sentit ergo id possibile esse per miraculum, & 3. part. quæst. 76. artic. 7. ad 2. dicit, oculum Christi existentis in Cælo videre Christum existentem in Sacramento.

Et ratione probatur, quia sicut color est aliquid perceptibile per visum, ita etiam præsentia realis coloris perceptibilis est per visum: sed si Deus crearet colorem aliquem supernaturalem, non repugnaret visum eleuari ad videndum illud: ergo neque debet repugnare, eundem visum eleuari ad videndam præsentiam supernaturalem obiecti sensibilis, existentis indivisibiliter. Nec satisficit, quòd Auctores contrarij respondent, esse diuersam rationem: nam talis color supernaturalis adhuc continetur intra latitudinem obiecti visus, quia est quid colo-

coloratum, & ita non repugnat, visum eleuari ad videndum illum: at verò præsentia illa cum indiuisibilis sit, non est aliquid sensibile, neque aptum sensu percipi. Nam contra est, quia non minus pertinet ad visum præsentia coloris, quam color: sed color etiam si supernaturalis sit, continetur per illos intra latitudinem obiecti visus adæquat: ergo etiam præsentia supernaturalis ipsius coloris, debet contineri intra latitudinem obiecti visus; quod enim hæc præsentia sit indiuisibilis, solum poterit impediri, ne naturaliter videatur, tamen quod supernaturaliter id repugnet, nulla profectò apparet evidens implicatio contradictionis, & ita non est denegandum diuinæ omnipotentia.

Et hinc oritur differentia inter saporem, aut sonum, & inter colorem indiuisibiliter existentem, quia adhuc per diuinam potentiam, non potest visus percipere saporem, aut sonum, sed quod non continentur intra latitudinem obiecti visus, implicat enim videri, nisi id, quod visibile est, audibile autem non est visibile: at verò color, & præsentia coloris sunt obiecta pertinentia ad visum, & ita quamuis color habeat præsentiam supernaturalem, modo indiuisibili, non excedit limites obiecti visus, licet sit supernaturaliter.

Ad argumenta autem primæ sententiæ respondetur. Ad primum, quod quando videtur superficies al-

bedinis, etiam videntur puncta, que sunt in illa, hoc tamen adeò confusè, & imperfectè; vt circa singula indiuisibilia non discernat visus: sed omnia simul prout, integrant illam superficiem videat. Sicut etiam partes proportionales minores, & minores, ita confusè videt, vt inter singulas earum non possit discernere, cum tamen illæ partes sint longè maiores punctis.

Ad secundum, esse diuersam rationem de præsentia Angeli; hæc enim spiritalis est, & ita natura sua excedit limites obiecti sensibilis: at verò præsentia obiecti sensibilis materialis est, & corporea in sua entitate, licet sit modo indiuisibili, sicut quamuis Christus Dominus sit in Sacramento Eucharistiæ indiuisibiliter, est tamen in se corporeus, & ita cum aliis præsentia obiecti sensibilis sit, non debet repugnare, vt sensu percipiatur, tametsi indiuisibiliter existat.

Questio V. Vtrum sensus possit
falli circa sensibile
propriū

Aristotel. in hoc capite eandem differentiam assignauit inter sensibile commune, & proprium in ordine ad sensum, quod circa sensibile proprium sensus non erraret, visus circa dolorem, bene tamen circa sensibile commune. Que verba non carent difficultate: inam vel Aristotel. loquitur de his obiectis, quando sunt debito modo ap-

proximata sensibus, & tunc in neutro sensibili fallitur, quia quando color est debito modo approximatus, etiam facile est intueri an corpus illud coloratum moueatur, vel quiescat, aut quam habeat figuram. Si autem loquatur, quando obiectum non est debito modo approximatum: sed in magna distantia, tunc etiam potest falli circa suum sensibile proprium: nam obiectum à longe existens sæpè apparet diuersi coloris, ac reuera debet: ergo vtriusque est æqua ratio, quomodo cumque loquimur.

Quare vt hac in re omittam varias auctorum expositiones, in quibus etiam ipsi non parum errant, non placet mihi eorum sententia, qui asserunt, rem hanc esse hoc modo intelligendam, quod sensus non potest errare circa sensibile proprium, secundum rationem generalem consideratum, licet possit errare circa singularem rationem illius, verbi gratia, quauis visus possit falli, an hic color sit albus, aut niger, tamen circa rationem genericam coloris non potest falli, semper enim iudicat esse aliquem colorem, quia nihil potest percipere, nisi sub ratione coloris; at vero circa sensibile commune adhuc in generali potest falli, dum corpus motum iudicat quiescere, vbi adhuc circa rationem generalem motus errat.

Hic, inquam, modus dicendi mihi non placet: nam etiam circa rationem genericam sensibilibus non

potest errare, vt enim supra vidimus, motus, & quies, hoc loco, quādo enumerantur ab Aristotele inter sensibilia communia, significant præsentiam localem, tali, vel tali modo sumptam. Motus quidem significat præsentiam localem, prout continuò variatam, & mutatam. Quies verò significat præsentiam localem, prout inuariatam & permanentem: sed sensus quamuis erret in hoc, an talis præsentia varie-tur, vel non, tamen circa rationem generalem præsentiae non potest falli, necessarium enim est cognoscere colorem alicubi esse, quomodo cumque illud sit: ergo in hoc æqua est ratio de sensibili communi, & de proprio.

Quare his omnibus omisis Aristoteles hac ratione est interpretandus, non quidem, quod sensus non possit errare circa sensibile proprium, sicut circa sensibile commune: sed quod facilius erret circa sensibile commune, quàm circa sensibile proprium, applicato vtroque in eadem distantia; nam multoties, posito colore in eadem distantia, in qua sufficienter discerni possit, an sit color albus, vel niger, fallimur circa sensibile commune, scilicet, an moueatur, vel quiescat, & an habeat hanc, vel illam figuram. Nec disputo modò, vtrum in sensibus sit veritas, aut falsitas, sicut in intellectu, scilicet, tamquam indicente, certum enim est, solum reperiri in sensu veritatem, aut falsitatem simplicem, non verò tamquam in dicente,

te, sensus enim nihil iudicant vero iudicio compositiuo, aut diuisiuo; sed tantum simplici cognitione, eoque imperfecta apprehendunt sua obiecta.

Est tamen hoc loco aduertendum, quasdam requiri conditiones, ut sensus non erret circa suum sensibile proprium. Prima est, quod tale obiectum sit illi propositum in debita distantia, defectu cuius circa colorem longè positum facile errat visus, requiritur etiã, quod tale obiectum videatur per debitum medium, defectu cuius visus dum intuetur arbores in fluuio, iudicat eas esse fractas, eo quod aqua, in qua tales species recipiuntur, per continuum fluxum taliter commouetur, ut tales species non representent obiectum, sicuti est. Simile quid est, quando color albus videtur per vitrum viride, ubi talis color apparet viridis. Requiritur etiã, quod organum sensus sit rectè dispositum per qualitates sibi connaturales, & debitas, respectu cuius infirmi non rectè iudicant de saporibus, ita ut dulcia illis amara videantur: habent enim organum gustus præter dispositum, ratione morbi.

Et si obijcias, nam adhuc his positis, adhuc sensus errat circa proprium sensibile, qualiter visus colores illos, qui apparent in Iride, veros esse iudicat, cum tamen non sint veri colores; sed causentur ex reflexione lucis. Respondetur etiã, hunc errorem oriri ex distantia ob-

iecti; nam si visus nimis esset proximus tali Iridi, iudicaret ibi tantum esse lumen, & non colorem aliquem verum.

Caput VII. De Visu.

Incipit iam Aristot. disputare in particulari de sensibus, & primò agit de Visu, qui præstantior est omnibus alijs; tum etiã, quia habet obiectum præstantius omnibus alijs, lumen, scilicet, & colorem; tum etiã, quia ad maius longè spatium se extendit, quàm alijs; videmus enim res à longè, quas tamen alijs sensibus percipere non valemus. Duo autem agit, in priori agit de obiecto visus, eo quod potentiaè dignoscuntur per obiecta: in posteriori verò agit de medio, per quod immutatur visus: dicit ergo Aristot. *Visibile illud esse, quod visu percipi potest, quale est, inquit; color, & lumen*: colorem autem definit sic: *Est motuius perspicui in actu*: appellatur autem perspicuum corpus diaphanum illuminatum, & ita cum color mittat species suas per corpus diaphanum illuminatum, meritò definitur, quod sit motuius actu perspicui: perspicuum verò dicitur esse id, quod secundum se non est visibile, sed per alienum colorem, & meritò id docet; aerem enim quantumvis illuminatum, non videmus, quo usque terminatur visio ad corpus opacum, vel ad aliquid obscurum: lumen verò definit, dicens, quod sit actus perspicui,

ut perspicuum est, id est, luminosi. quæ potius est explicatio quædam luminis, quam vera, & rigorosa definitio. Ratio est, quia cum, ut supra vidimus, semper loco nominis definitis liceat prætere eius definitionem, & cum perspicuum sit corpus diaphanum habens lumen, iam licet dicere, lumen esse actum corporis diaphani habentis lumen, & ita definiretur lumen per seipsum: ne ergo vitium hoc in Aristotele admittamus, consultius erit dicere, prædicta verba potius explanationem quamdam luminis continere, quam veram, & rigorosam definitionem.

Deinde impugnat sententiam antiquorum aliter sentientium, lumen esse corpus quoddam, qualiter Plato dixit esse quemdam ignem. Empedocles verò corpus quoddam diuinum; Democritus verò, rasuras corporis lucidi: ostendit ergo contra hos omnes, lumen nullatenus esse corpus. Primum quidem, quia lumen est in corpore, scilicet in diaphano, adhuc in eius profunditate, si ergo lumen etiam est corpus, iam daretur penetratio dimensionum.

Secundò, quia tenebræ, & lumen opponuntur, sed tenebræ dicunt priuationem luminis in aliquo corpore, scilicet in diaphano: ergo lumen potius est qualitas existens in corpore, quam corpus. Dicit deinde inter visibilia quædam videri in lumine, qualis est proprius vniuscuiusque corporis co-

loralia verò sunt, quæ videntur in tenebris, ut noctilucæ, quæ sunt quædam animalia de nocte tantum splendētia, propter exiguum lucē, quam ex se mittunt: & ita quamuis eorum color per diem videatur, non tamen eorum lux.

In secunda parte capitis agit Aristoteles de medio per quod immutatur visus, & inquit, ne cessarium esse medium aliquod, quia sensibile positum supra sensum non sentitur. Cuius rei, inquit, argumentum est, quod si quis corpus coloratum super ipsum oculum apponat, non videbit illud: unde reiicit sententiam Democriti asserentis, quod si spatium hoc interceptum inter nos, & cælum, vacuum esset, non possemus nos optimè videre formicam per cælum ambulantem: quod, inquit, falsum est, quia sensus non patitur immediate ab obiecto, sed per speciem prius receptam in medio: si ergo medium vacuum sit, nihil per illud videri potest. Tandem dicit medium, per quod immutatur visus, esse aerem, vel aquam, medium autem, per quod immutatur auditus, aquam.

DISPUTATIO VI.

De Visu.

IN disputationibus de singulis sensibus, non solum de sensu ipso, sed etiā de eius obiecto, & organo, & de omnibus alijs ad ipsum concurrētibus disputabimus, hæc enim omnia

omnia ad exactam cuiuslibet sensus cognitionem ordinantur.

Quæst. I. Quid sit lumen, & quo modo videatur?

DE natura luminis varias refert antiquorū sentētiās Auicē. lib. 6. p. 3. c. 2. quibusdā asserētibus, lumen esse corpus quoddā, vt Plato, & Empedocles dixit alijs verò asserentibus esse formā quamdā substantialē, deriuatā à corpore luminoso; alijs verò asserentibus esse substantiam quamdam spiritualem.

Tamen, vt à notioribus procedamus. Primò, certum debet esse in hac quæstione, quòd lumen non sit corpus aliquod, & præter duas illas rationes, quas Arist. conficit in litera, ad id probandū, quæ reuerà sunt efficaces, potest tertia ratio adiungi. Quia lumē natura sua est aptū diffundi per medium in instanti, qualiter sol in eo instanti, quo à Deo creatus fuit, sine dubio illuminauit spatium aliquod in instanti; sed per naturam impossibile est corpus aliquod moueri, & diffundi per spatium aliquod in instanti: ergo lumen non est corpus aliquod.

Secundò, certū esse debet, quòd quamuis lumen non sit corpus, sit tamen accidens aliquod corporeū; in hæsiuē existens in corpore, & non aliquid spirituale. Ratio est, quia cum lumen, vt experientia patet, sit aliquid visibile; nihil autem spirituale visibile est, nec potest produci ab agente corporeo, qua-

liter experimur luminosum corporeum producere lumen: ergo lumen non est aliquid spirituale: vnde tertio certum esse debet, lumen non esse formam aliquam substantialem, sed accidentalem. Ratio est, quia forma substantialis non potest per naturam expelli sine introductione alterius, ne detur materia sine forma; sed lumen expellitur absque introductione formæ positivæ per solam introductionem tenebrarum: ergo non est forma aliqua substantialis, sed accidentalis, scilicet, qualitas quædam de specie potentia; est enim principium agendi in corpore luminoso, non minus, quàm calor in corpore calido.

Solum ergo est quæstio inter Philosophos huius temporis, vtrū lumen sit qualitas realis, vel intentionalis, id est, vtrū lumen sit species intentionalis, repræsentans obiectum aliquod, vel potius qualitas realis condistincta contra speciem intentionalem, ad modum quo color non est qualitas intentionalis, sed realis repræsentata per aliam speciem intentionalem.

In qua re prima sententia affirmat, lumen deriuatum per medium à corpore luminoso esse qualitatem intentionalem repræsentatiuam lucis existentis in tali corpore. Tenet Scotus in 2. dist. 13. questione vnica. Aegidius, & Caiet. Thienensis hoc loco. Et fundamentum est, quia si lumen esset qualitas realis, & non intentionalis, ergo lumen

lumen dum est super oculum impeditur sensationem, sicut color si ponatur super oculum, impedit visionem; sed experientia constat, lumen contiguum cum oculo non impedire, imò iuuare ad visionem: ergo lumen est qualitas intentionalis, non realis. Alij verò asserunt, lumen simul esse qualitatem realem, & intentionalem, ita quòd per se, sum videatur.

Tamen dico primò, tam lucem, quàm lumen, quomocumque differant (de quo infra) esse qualitates reales, & non species intentionales alterius luminis, aut lucis. Est sententia Sancti Thomæ hoc libr. lectione 14. & 1. par. q. 67. artic. 3. Alberti, Philopponi, & Ferrariensis hoc loco. Et probatur ratione, quia species intentionalis est diuersæ speciei à qualitate reali, quam repræsentat (vt supra) sicut species coloris, & color specie differunt; sed lumen, seu lux existens in corpore luminoso, non differt specie à lumine, seu luce producta in medio, non secus quàm calor existens in medio non differt specie à calore ignis producente illū. Præterea; nec lumen repræsentat colorem; habet enim color aliam speciem visibilem, per quam videatur tum etiam, quia non potest assignari ratio, quare magis repræsentet album, quàm nigrum, cum ad visionem cuiusvis coloris requiratur lumen: ergo lumen, seu lux, nulla ratione est qualitas intentionalis, sed realis.

Secundò, quia si lumen, verbi gratia, receptum in aere, esset species intentionalis luminis existentis in sole: ergo per lumen reflexū in pariete videremus lumen existens in sole, etiam si sol à tergo sit, sicut per speciem visibilem reflexam in speculo videmus hominem etiam à tergo existentem; consequens autem est cōtra manifestam experientiam: quia per lumen reflexum ex pariete non videmus solem à tergo existentem, nec aliquid in illo videmus: ergo euidens indicium est, lumen non esse qualitatem intentionalem, sed realem.

Tertiò, quia in lumine experimur effectus reales, quos in nulla qualitate intentionalis experimur: ergo non est qualitas intentionalis. Antecedens probatur, quia lumen est visibile, vt quod, vt patet, species verò intentionales non sunt visibiles, vt quod (vt supra.) Præterea lumen physice calefacit, & exiccat, qui omnes sunt qualitatibus realis effectus, non verò intentionalis, species enim coloris nihil horum habet.

Ex his dico secundò, omne lumen percipi per speciem intentionalem diuersæ rationis ab illo, non minùs, quàm color percipitur per speciem visibilem, specie differentem à colore ipso. Quam conclusionem cōsequenter tenentur amplecti Auctores citati prima conclusione. Tenet etiam Palat. hoc loco, & Cardin. Tolet. quæst. 18. Patet ex dictis, quia omnis qualitas realis

realis indiget specie intentionali diuerſe rationis ab illa, per quam videatur: ſed lumen eſt qualitas realis, & non intentionalis, vt probatum eſt: ergo indiget, vt percipiatuſpēcie quadam intentionali diuerſe rationis ab illo.

Secundò, quia quando videmus lumen exiſtens in pariete diſtanti, tale lumen non poteſt immutare potentiam viſuam immediatè, per ſeipſum, cū n diſtet ab illa, neque etiam poteſt videri per lumen exiſtens in medio, quia hoc non diſfert ſpecie à lumine exiſtente in pariete; qualitas autem repræſentatiua neceſſariò debet diſferre ſpecie à qualitate repræſentata, vt ſpecies coloris à colore, aliàs nō eſſet maior ratio, quare vna ſpecies repræſentaret aliam, quā in e contra: ergo lumen percipitur per quadam ſpeciem intentionalem ab ipſo miſſam diuerſe rationis ab illo.

Et hinc fit omnino repugnare, quòd lumen ſit ſimul qualitas realis, & intentionalis, vt plurimi communiter exiſtunt in hac noſtra Academia. Ratio eſt, quia ſi lumen aliquid repræſentaret, maximè aliud lumē, non tamē colore, vt vidimus: ſed lumen non poteſt repræſentare, vt probatum eſt in exemplo Solis à tergo exiſtētis, cuius lux ab illo cauſata quantumuis reflectatur in pariete uſque ad noſtram potentiam viſuam, non cauſat viſionem ſolis, nec lucis exiſtētis intra ipſum ſolem. Tum etiam, quia repræſentare, eſt quædam differentia quali-

tatis maximè condiſtincta contra qualitatē non repræſentatiuas, & ita impoſſibile eſt, eamdem qualitatē ſimul eſſe realē, & intentionalē.

Nec dici poteſt, lumen ob magnam ſuam perfectionem vtrumq; hoc ſimul habere, id enim eſt gratis dictum, ſatis enim eſt, lumē ſit perfectiſſima qualitas inter omnes qualitatē reales, non tamē debet intelligi, quòd ſimul ſit qualitas realis, & intentionalis.

Dico tertio, inter lucem, & lumen non eſſe differentiam eſſentialem, & ſpecificam: ſed ſolū accidentalem, penes hoc quòd lumen eſt illud, quod eſt permanenter, & ab intrinſeco in luminoso, quale eſt lumen ſolis: lux verò eſt lumē deriuatū ab illo in mediū, per modū trāſeuntis. Eſt ſententia S. Tho. de veritate, quæſt. 9. art. 1. & hoc lib. lect. 14. quam Card. Tolet. & ſerè omnes iam communiter ſequuntur, & patet, quia ad ſeipſum reuerà nulla eſt differentia inter lumen exiſtens in candelā, & in aere: ſi denſitatem materiæ excipias, lumen enim in candelā exiſtens denſiorem habet materiā, quā in aere, neq; aliàs ſi in ſola ratione ſtemus, eſt ſufficiēs fundamentum ad probandum talem diſtinctionem eſſentialem, præſertim cū oſtenſum ſit, lucem non eſſe ſpeciem luminis: ergo non eſt ponenda talis diſtinctio eſſentialis.

Dico quarto, lumen eſſe qualitatem actiuam, tam actione a quiuoca, quā actione vniuoca de actione

ne æquiuoca patet, tū quia, vt probatum est, producit in potentia vi sua speciem intentionalem diuersæ rationis ab illo, per quam videatur, tum etiam, quia lumen producit calorem. Quod verò etiam sit actiuum actione vniuoca, patet, quia luminosum producit in medio sibi contiguo aliud lumen: sed hoc non differt specie à lumine existente in luminoso, vt ostensum est: ergo etiam est actiuum actione vniuoca.

Ad fundamentum primæ sententiæ suprâ adductum respondetur, esse diuersam rationem de lumine, & de alijs qualitibus visibilibus, lumen enim, quia natura sua requiritur ad visionem, eam habet naturam, vt propter sui perfectionem, non impediat visionem aliorum colorum, aut alterius luminis, quod non habent alia obiecta sensibilia ob suam imperfectionem, neque vnus color requiritur ad visionem alterius: sed potest quilibet sine alio videri.

Superiunt hoc loco duæ dubitationes, prima est, vtrum quando lumen recipitur in corpore opaco, vt quando lumen recipitur in pariete, ab eoque reflectitur, ibi tantum recipiatur lumen in superficie vltima parietis, vel etiam in profunditate. Et breuiter dicendum est, non tantum recipi in superficie vltima illius: sed etiam in profunditate. Ratio est, quia si tantum reciperetur lumen in superficie corporis opaci, iam daretur superficies luminis sine

partibus profundis luminis, quod non minus repugnat per naturam, quam dari superficiem quantitatis, sine partibus profundis: daretur enim indiuisibile separatum à continuo; & hinc fit, quod corpus opacum non ita distinguatur à diaphano, quod sit prorsus incapax lucis in eius profunditate: sed in hoc, quod diaphanum est capax luminis intensi, opacum verò non nisi nimis exigui luminis, & in aliquali profunditate: quod si fingeremus produci à Deo corpus aliquod, ita perfectissimè opacum, vt nullius lucis in sua profunditate esset capax, nec posset in eo recipi per naturam, lumen in superficie, ne detur indiuisibile separatum à continuo, habet enim indiuisibile ex natura rei dependentiam à partibus, quibus adheret, & non tantum à subiecto inhesionis. Denique de hac re plura dixi 1. lib. de Generatione capit. 4. legantur ibi dicta.

Vltima dubitatio est, vtrum per naturam possibile sit, quod dentur duo lumina numero diuersa in eadem parte medij, vt quando duo luminosa producant lumen in medio: nam quod ibi sint duo lumina numero diuersa, docuit Antonius Andreas Metaph. quæst. 8. Ferrar. 4. contra Gentes, capit. 26. nec displicet Cardin. Tolet. hoc loco: quorum fundamētum est, quia si in eodem cubiculo ponamus duo luminosa, & inter illa ponamus corpus opacum: tunc ex vi illius corporis opaci fiunt duæ vmbre in duobus parie-

parietibus: sed umbra est priuatio luminis: ergo si sunt duæ umbrae, sunt duæ priuationes duorum luminum: ergo antea in illo medio erant duo lumina, quorum quodlibet causabatur à suo luminoso, & modò per interpositionem corporis opaci impeditur.

Secundò, quia si existente iam vno luminoso in hoc cubiculo, adueniat de nouo aliud æqualis intensiōis cum illo, totum cubiculum euadit magis illuminatum: sed non potest esse, quia vnum intendat lumen iam ab alio productum, quia ponimus esse æqualis actiuitatis: ergo idò est, quia secundum luminosum producit de nouo aliud lumen numero diuersum.

Dicendum tamen est, duo luminosa solù producere in medio vnicum tantum numero lumen. Est communis sententia, quam tenet S. Tho. in 2. d. 3. art. 3. ad 2. Cap. eo-lus in 1. d. 7. q. 4. Caiet. 1. p. questio. 41. artic. 6. Socin. 7. Metaph. questio. 4. & magis probatur à Cardin. Tolet. Ratio huius sumenda est ex dictis à nobis in disputatione de principio indiuiduationis, vbi diximus, duo accidentia numero diuersa eodem modo informantia subiectum, non posse dari in eodem subiecto per naturam, quia eodem prorsus modo informant illud, alias nõ repugnaret, quòd in subiecto habere iam calorem vt quatuor, simul produceretur ab aliquo agente alius calor vt quatuor, quod est cõtra omnes Philosophos: quia ergo duo lu-

mina eodem modo informant subiectum, non secus quàm duo colores, cum in sententia nostra lumen, non sit qualitas intentionalis, sed realis, idò per naturam nõ possunt dari duo lumina numero diuersa in eadem parte mediij, quod secus est de duabus speciebus intentionalibus numero diuersis: istæ enim possunt dari in eadem parte mediij, quia non informant subiectum eodem modo: nam cum quælibet species tantum repræsentet obiectum, à quo fluxit, quælibet tantum ordinatur ad repræsentandum suum obiectum; & ita diuersimodè informant subiectum in ordine ad diuersa obiecta.

Vnde ad primum argumentum contrariæ sententiæ respondetur, illud opacum interiectum inter vtrumque illud luminosum causare duas umbras, umbra autem non dicit priuationem totius lucis, qualè dicit tenebra: sed priuatione maioris lucis; & ita argumentum illud potius probat, duo illa luminosa nõ producere duo lumina: sed vnum intendere lumen productũ ab alio, quātumuis sit æqualis virtutis, quia quodlibet illorum illuminat partes sibi proximas inter se, quæ tamen ab alio, à quo magis distant, non ita intensè illuminarentur, & ita fiunt duæ umbræ, quia tale opacum impedit, ne duo illa loca mediij recipiant tam intensum lumen, ac alias reciperent illo ablato.

Et ita respondetur ad secundum, in primis, secundum luminosum inten-

tendere partes distantes à priori luminoso, quia illæ sunt propinquiores, & similiter prius luminosum intense illuminare partes distantes ab alio, & sic totum medium eundem magis illuminatum: præsertim, quod, ut vidimus primo de Generatione cap. septimo, multitudo agentium iuuat ad producendum effectum intensiorem, quam si fieret ab vno tantum, quamuis neutrum producat ultra id, quod in se habet, imò nec tantam intensiorem, quam tam habet in se, & ita nihil mirum, quod medium habens duo luminosa intensius illuminetur, quam ab vno tantum.

Questio II. Quid sit color?

Circa naturam coloris fuit plurimum sententia asserentium, colorem nihil aliud esse, quam lumen receptum diuersimodè in corporibus, ita ut efficiat varios colores pro diuersa receptione luminis in corpore facta. Tenet Auerro. hoc lib. text. 7. Auicenn. lib. 6. part. 3. capit. 1. Alexand. lib. 1. naturalium questionum, quæst. 1. Quorum fundamentum est diuersitas colorum, quos videmus ex diuersa refractione luminis in corpore opaco, ut videre est in nubibus, & in collo columbe, & in Iride: dicere autem, quod isti non sint veri colores: sed tantum apparentes, videtur gratis dictum, cum eodem modo immutent sensum nostrum, ac immutant similes colores veri: nec video pro hac sen-

tentia probabile aliud fundamentum.

Quare in hac re supponendum est, apprimis, inter colores, quosdam esse veros colores, quosdam verò apparentes tantum, quales sunt colores Iridis, qui apparent in nube, diuersitas autem colorum apparentium à veris ex eo colligitur, quod colores apparentes citò euanescent, at, verò veri colores diu permanent. Præterea, quia videmus ex diuersa distantia solis à nubibus diuersos causari colores. Videmus enim in occasu solis, sole non multum distante à nubibus, apparere in illis rubrum quendam colorem, aliquantulum verò recedente sole, illum colorem mutari in fuscum, quod euidens indicium est, colorem illum non esse verum, sed apparentem, lumen scilicet diuersimodè receptum in partibus nubis: simile quid contingit in coloribus apparentibus in collo columbæ: nam iuxta eius diuersam positionem diuersi apparent colores, statimque alij, atque alij euanescent.

Terziò, hæc diuersitas colligitur à priori: nam colores veri diu permanentes oriuntur ex tali, vel tali temperamento primarum qualitatum: mixta enim iuxta diuersa temperamenta, quæ habent, diuersum habent colorem, color verò apprens nullum tale temperamentum requirit: sed diuersam dumtaxat refractionem lucis: constat ergo, colorem apparentem non distingui à lumine, quare solum restat quæstio de vero colore.

Secundò notandum est, Aristotel. optinè definisse colorem, in hoc cap. dicens: *Color est motiuis actu perspicui*; nam cum color mittat speciem visibilem per medium illuminatum, quod est perspicuum, idèd, quia agit in perspicuum, dicitur motiuis actu perspicui. Difficilius tamen definiuit colorem Aristot. cap. 3. de sensu & sensibili, dicens: *Color est extremitas perspicui in corpore terminato*. Vbi Aristotel. vt alias omnitam expositiones, per extremitatem intelligit vltimam superficiem, hæc enim est extremitas corporis, per corpus verò terminatum intelligit corpus opacum, in hoc enim terminatur visio: distinguit ergo Aristot. colorem per subiectum, scilicet per vltimam superficiem corporis opaci, in qua est color, appellat autem illam extremitatè perspicui, quia cum in corpore opaco recipiatur lumen aliquod, saltè in partibus existentibus versus superficiè vltimā, idèd quodā modo ab illo appellatur perspicuum.

Vbi obiter notandum est, quod quamuis color reuerà etiam sit in profunditate corporis, & non tantum in superficie, non minùs quàm calor, & aliæ qualitates, Arist. tamen idèd dixit esse in extremitate corporis, quia definiuit colorem, prout visibilis est, id est, prout potest terminare visionem, & quia visio non terminatur ad colorem in profundo existentem, sed ad eum, qui est in superficie corporis opaci, idèd talem colorem definiuit per

cuius subiectum, scilicet per extremitatem corporis perspicui in corpore terminato.

Quibus suppositis dicendum nobis est cum communi opinione, colorè verum esse qualitatem quandam essentialiter diuersam à lumine. Sic tenet Caieta. Thienensis. hoc lib. text. 67. Iand. q. 19. Card. Tollet. q. 17. & communiter expositores, eamque satis insinuat Arist. in hoc capit. vbi diuersi. modè definiuit lumen, & colorè, dicit enim, colorem esse motiuum actu perspicui, lumen verò esse actum perspicui. Et probatur manifestis cōiecturis, nam lumen efficit aliud lumen, color verò non efficit aliud colorem, neque enim corpus albu statim producit aliam albedinè, sicut lumen statim producit aliud lumen.

Secundò, experientia constat, non minui albedinem, etiam si lumen minuat. si enim prope illam sis, videbis non mutasse intensionem: ergo qualitas est diuersæ naturæ à lumine.

Tertiò, quia si color nihil esset præter lumen, quemadmodum in coloribus apparentibus experimur, eos faciliè variari, & corrumpi iuxta diuersam refractionem radiorum solarium, idem etiam deberet contingere in alijs corporibus coloratis. Quod tamen est contra experientiam, corpus enim album, quantumvis diuersam situs positionem mutet, non mutat colorem.

Quartò, quia quando mediante lumine videmus colorem album, &

H

nigrum,

nigrum, visus satis distinguit inter illos colores, & inter lumen ipsum: ergo reuera color est qualitas diuersæ rationis à lumine.

Tandem ex contraria sententia sequeretur, colorem album, & nigrum non differre specie, vtrumque enim est formaliter lumen, cui nihil est contrarium. Præterea ablato lumine statim corrumpentur omnes colores, illo verò accedente; iterum de nouo producerentur: quæ omnia satis sunt absurda: color ergo est diuersæ naturæ à lumine, & ita est qualitas secundæ orta ex temperamento primarum qualitatum, & ita experimur mixta diuersum temperamentum habentia, diuersum etiam habere colorem.

Denique ad fundamenta contrariæ sententiæ ex dictis patet, quàm magna sit differentia inter colorem verum, & apparentem. Addo tamen, quòd quando color dicitur esse obiectum æquatum visus, nomine coloris debet intelligi color abstrahens à vero, & apparenti, vterque enim est visibilis, vt quod.

Questio III. An, & quomodo requiratur lumen ad visionem coloris?

QUòd lumen requiratur ad visionem, adeò est experientia notum, vt non possit in controuersiam adduci, constat enim, sine lumine nullum colorem videri, & eo perfectius videri, quòd medium magis est illuminatum, nisi fortasse lumen adeò sit intensum, vt, lædat

sensum, ratione coloris, quem producit in organo visus: nam vt dicā c. 12. huius libri excellens sensibile corrumpit sensum. Quare tantum restat controuersia; quomodo requiratur lumen ad visionem coloris.

In qua re prima sententia est asserentium, lumen requiri ex parte medij, tamquam dispositionem necessariam, vt recipiat speciem visibilem peruenientem ad potentiam visiuam, dicunt enim, quòd quemadmodum d'aphaneitas est dispositio prærequisita in aere, aut in quouis alio corpore, vt perfectè recipiat lumen, ita etiam lumen est dispositio necessariò prærequisita, vt medium recipiat speciem intentionalem: & ita quòd lumen requiritur ex parte medij, tenet Ferrar. hoc loco quæst. 3. Cardin. Tolet. quæst. 17. Soncin. 5. Met. quæst. 9. Auerro. hoc libro text. 67. Et probari potest primò ex Aristotel. hoc capit. vbi dicit, quòd color est motius actu perspicui, id est, est productius suæ speciei per medium perspicuum, & illuminatum, vbi videtur sentire, colorem non posse producere speciem, nisi per medium illuminatum: sentit ergo, lumen requiri ex parte medij.

Secundò, quia lumen non requiritur ad visionem coloris ex parte obiecti. Restat ergo, quòd requiratur ex parte medij. Antecedens probatur experientia de hominibus, qui vulgò vocantur Zaories: isti enim, vt vulgò fertur, vident res in profundo terræ in tenebris iacen-

tes;

tes: ergo non requiritur lumen ex parte obiecti, sed potius ex parte medij.

Contraria tamen sententia longe verior est, scilicet lumen non requiri ex parte medij, sed ex parte obiecti ad videndum colorem: quod qua ratione sit, dicā postea. Quam sententiam videtur sequi D. Th. 1. par. quest. 67. art. 3. ad 3. & q. 79. artic. 3. ad 2. ubi dicit, quod sicut intellectus agens facit res actu intelligibiles, quia producit species intelligibiles earum, ita lumen facit colores actu visibiles: tenet etiam Albor. libr. de sensu, & sensibili, tractat. 2. cap. 1. & 2. Caietan. Conrad. & Medina. 1. 2. questione 1. art. 3. & quest. 25. artic. 1. Nec parum videtur fauere Aristotel. hoc cap. ubi dicit: *Quadam videri in lumine, quadam vero in tenebris*, id est, per medium tenebrosum.

Et ratione probatur, quia experientia constat, nos in tenebris constitutos videre colorem illuminatum à longe existentem; è contra verò, si obiectum sit in tenebris, nos verò in luce constituti, non videmus tale obiectum: ergo lumen non requiritur ad videndum colorem ex parte medij, sed ex parte obiecti.

Nec satisfacit, quod respondent Auctores contrarii, quod scilicet quando nos in tenebris constituti videmus obiectum illuminatum à longe existens, quamvis in loco ille tenebrosus non sit magna lux, semper tamen adest aliquale lumen,

licet non tam intensum, ac illud, quo color illuminatur. Hoc, inquam, non satisfacit, nam experimus, quod quantò locus, in quo sumus constituti, tenebrosior est, melius videtur obiectum distans illuminatum: ergo lumen non est conditio requisita ex parte medij, sic enim, quò perfectius lumen esset in medio, melius videretur color. Secundò, quia si lumen illud exiguum est sufficiens, ut talis color videatur: ergo si ponamus è contra obiectum esse in loco caliginoso, nos verò constitutos esse in loco lucido, poterit ita bene ac antea obiectum videri: quod tamen est contra manifestam experientiam. Consequentiam probo, quia aperte adest sufficiens lumen, ut perfecte videri possit.

Nec etiam valet, quod alij dicunt, quod lumen, quamvis non requiratur ex parte medij distantis ab obiecto, potest tamen videri color ab homine existente in tenebris, si obiectum illuminatum sit, tamen requiritur ex parte medij propinqui tali obiecto: & ita saltem requiritur, quod prope ipsum obiectum sit lumen. Contra hoc enim est, quod omne agens fortius agit & perfectius in propinquum, quam in distans: ergo si talis color mittit speciem visibilem intensam ad locum caliginosum, eo quod ibi perfecte videtur: ergo multò melius id posset in spat. o sibi propinquo, etiam si non esset illuminatū. Dicendum ergo est, lumen non esse dispositionem necessariam ex parte me-

di ad recipiendas species visibiles, sed potius requiri ex parte obiecti. Ad argumenta autem contrariæ sententiæ respondetur. Ad primum, verba illa, *Color est motius actu percipi*, solum significare, colorem esse aptum natum producere species per medium illuminatum, tamen inde non probatur, quod etiā si tale medium illuminatum non sit, non possit recipere species coloris, neque id docuit Aristoteles.

Ad secundum, homines illos, quos Zaories vocant, fortasse propter subtilitatem sui visus, videre in aere vapores aliquos, aut exhalationes niissas à corporibus sub terra latentibus, & inde per discursum colligunt, quæ corpora sub terra occultentur ex diuersitate vaporū, aut exhalationum, quas in aere intuentur, aut fortasse propter aliud exterius signum, quod exterius videant, alias profecto incredibile est, ipsos videre posse res sub terra latentes.

Maiorem habet difficultatem, quomodo requiratur lumen ex parte obiecti. In quare satis profecto difficili primus modus dicendi est, lumen ita requiri ex parte obiecti, quod per eandem indiuisibilem speciem, per quam videtur color, etiam per eandem indiuisibilem videatur lumen, tamquam ratio formalis, sub qua videtur color, & similiter per eandem indiuisibilem visionem, ita ut color & lumen eausent eandem prorsus speciem,

& visionem indiuisibiliter, absque eo quod partim corresponderet uni, partim verò alteri. Cuius sententiæ fundamentum est, quia obiectum materiale & formale eodem indiuisibili actu, & specie, debent cognosci, obiectum enim materiale non percipitur, nisi prout subest formali, qua ratione voluntas nihil amat, nisi sub ratione formali bonitatis: ergo per eundem indiuisibilem actum, quo percipitur obiectum materiale, debet percipi obiectum formale, sed lumen respectu coloris se habet quasi obiectu formale, dans illi esse visibile: ergo per eandem indiuisibilem speciem, & actum, quo videtur color, videtur etiam lumen.

Tamen ut rem hanc non parum difficilem explicemus, in primis supponendum est, lumen quando videtur se solo, absque colore (ut quando videtur lumen in caelo existens, ubi nullus adest color realis) videri per quamdam speciem totalem illius propriam, similiter per actum totaliter ad illud terminatum. Solum est difficultas de lumine, quando videtur simul cum colore.

In quo secundo supponendum est, colorem, & lumen per eundem actum totalem videri, & similiter per eandem speciem visibile. Quam sententiam docuit aperte S. Th. 1. 2. q. 8. ar. 3. ubi expresse dicit, visum eodem actu videre colorem & lumen, utiturque hoc exemplo ad probandum, voluntatem eodem actu

actu tendere in finem, & in media, quia tendit in medium propter finem, ad modum quo visus videt colorem propter lumen. Et ratio est, quia lumen, & color quando simul videntur, se habent per modum vnus obiecti adæquati, videmus enim colorem prout illuminatum: ergo similiter vnico actu totali, & vnica specie totum hoc debet cognosci. Solum ergo est controuersia, vtrum per eandem indiuisibilem visionem, & speciem videatur tam lumen, quam color, vel potius per plures partiales integrâtes vnica totalem.

Secundò supponendum est, obiectum formale terminans actum aliquem per eandem indiuisibilem actum cognosci, per quem cognoscitur obiectum materiale. Ratio est, quia actus non tendit in obiectum materiale, nisi prout indutum obiecto formali: ergo nulla entitas actus tendit ad obiectum materiale, nisi prout indutum ratione formali terminatiua actus: ergo per eandem indiuisibilem entitatem actus, qui cognoscitur obiectum materiale, per eandem debet attingi obiectum formale; alias entitas illa partialis, quæ tendit ad obiectum materiale, seorsum non respiceret illud prout indutum ratione formaliter terminatiua, & ita quia bonitas est ratio formalis terminatiua actus voluntatis, per eandem indiuisibilem actum, quo tendit voluntas in rem amatam, tendit etiam in eius bonitatem.

Et hinc fit, quòd qui asserunt, lumen esse rationem formalem terminatiuam actus videndi colorem, tamquam quid materiale, tenentur consequenter fateri, per eandem indiuisibilem visionem videri colorem, & lumen, & per eandem indiuisibilem speciem videri.

Vnde dico primò in hac difficultate, colorem, & lumen non videri per eandem indiuisibilem speciem, & per eundem indiuisibilem actum, & ita lumen respectu coloris non se habere tamquam obiectum formale terminans visionem coloris. Probatur conclusio primò, quia sensibile commune multò magis pèdet à sensibili proprio, quam color à lumine, quia sensibile commune est modus sensibilis proprii, lumen autem non est modus coloris, sed res prorsus ab illo distincta. Sed in communi omnium opinione sensibile commune & proprium non percipiuntur per eandem indiuisibilem speciem, sed potius sensibile commune producit quemdam modum supra speciem sensibilis proprii illi superadditum: ergo multò minus lumen, & color possunt percipi per eandem indiuisibilem speciem, & per eandem indiuisibilem visionem.

Secundò, fingamus, videri colorem illuminatum lumine, vt vnum, & lumine inuariato, crescat intensio coloris. Tunc argumentor sic: crescente intensione obiecti crescit perfectio intensiua actus, qua ratione quantò color est intensior, tan-

H iij tò est

tà est visio perfectior intensiua: ergo cum obiectum materiale & formale percipiuntur per eandem indiuisibilem visionem, sequitur, illud lumen inuariatum videri perfectius, & intensius, quò magis crescit intensiue color, quod manifestè est contra experientiam.

Tertiò in contraria sententia difficile saluatur, quòd visio albi, & visio nigri sint diuersæ speciei, quod tamen necessariò est fatendum: sequelam probo, quia actus lumunt suam speciem, non quidem ex obiecto materiali, sed formali: si ergo visio albi, & visio nigri terminantur ad lumen, tamquam ad rationem formalem terminatiuam illorum actuum, cum lumen utrobique sit eiusdem speciei, sequitur visionem albi, & visionem nigri non differre specie.

Nec satisfacit, quòd Auctores contrarij respondent, quòd quamuis obiectum formale, scilicet lumen, utrobique sit idem, tamen actus illi differunt specie, quia obiecta adæquata, & totalia illorum actuum differunt specie, visio enim albi habet pro obiecto adæquato album illuminatum, visio verò nigri nigru illuminatum.

Contra est, quòd species actus tantum attenditur ex parte obiecti formalis, nam si etiam ex parte obiecti materialis esset attendenda, tam specificaret actum obiectum materiale, quam formale: vnde nihil peculiare tribueremus obiecto formali: ergo actus non lumunt

suam speciem ex obiecto totali, integrato ex obiecto formali, & materiali, sed ex obiecto formali terminatiuo actus.

Patet ergo ex dictis, lumen, & colorem videri quidè eodem actu, & ita eadem specie, non tamen indiuisibili, sed integrata ex partiali specie correspondenti colori, & ex alia correspondenti lumini, statim tamen oritur difficultas, qua ratione vniantur inter se illæ duæ species partiales, vt integrent quandam totalem speciem representantem colorem illuminatum.

Quibusdam placet, illas duas species habere inter se vnionem physicam, mediante quodam indiuisibili physice vnitiuo illarum. Mihi tamen incredibile est, illas species physice vniri vinculo aliquo, & vnitiuo, omnis enim vnio physica, vel contingit quando partes vniantur, tamquam actus & potentia per modum vnionis superadditum, qualiter vniantur materia & forma, & hoc modo non possunt physice vniri hæ duæ species, ridiculum enim est dicere, speciem luminis informare speciem coloris aut e contra: vel est vnio per continuationem extensiuam, aut intensiuam: extensiuam, qualiter partes quantitaris vniantur indiuisibilibus, & partes graduales intensiõis qualitatibus vniantur indiuisibilibus intensiõis; vt suo loco diximus; sed hæc vnio per continuationem partium necessariò est inter partes eiusdem rationis, vt patet in exemplis adductis.

ductis, & ita quāvis materia vnatur cum forma per modum vnionis, non tamen dicimus, quod continuatur cum illa, quia sunt diuersæ rationis, sed species coloris, & luminis necessariò sunt diuersæ rationis, sicut obiecta, à quibus procedunt, sunt diuersæ rationis: ergo neque possunt physicè vniri per continuationem, atque adeò inter illas species nulla physica vnio intercedit: vnde existimo, tales species non coalescere in vnā quamdam totalem physicè, sed dici vnā per subordinationem, & dependentiam, ad modum, quo ex ipso colore & lumine fit vnum obiectum adæquatum, & totale visus; non quia physicè efficiant aliquid vnum, sed quia color subordinatur lumini, vt videri possit: ita species coloris habet dependentiam, & connexionem cum specie luminis: vnde sicut quāvis color, & lumen, vtrumque sit in se qualitas totalis physicè, nihilominus faciunt aliquid vnum subordinatione: ita existimo, quālibet ex his speciesbus totalem esse in suo physico esse, ex vtraque tamen fieri vnū subordinatione, & cōnexionē quadā.

Vnde ad fundamentum contrariæ sententiæ respondetur, non dici lumen obiectum formale visus, quia respectu illius partialis visionis tendentis ad colorem sit ratio formalis terminatiua illius, vt ostensum est, sed quia totus actus integratur ex partiali visione coloris, & ex partiali visione luminis, à præ-

stantiori sumit denominationem, lumen autem est longè præstantius colore: tamen reuera respectu visionis partialis coloris obiectum formale est ipse color, obiectum tamen materiale erit subiectum tali colore affectum.

Patet ergo ex dictis, lumen non ita requiri ex parte obiecti, quod sit ratio formalis terminatiua visionis coloris: restat ergo explicemus, qualiter requiratur ex parte obiecti, scilicet ex parte coloris, & dicendum est, lumen ita requiri ex parte obiecti, vt præter productionem suæ speciei concurrat etiam cum colore ad producendam speciem ipsius coloris. Ratio autem sumitur à sufficienti enumeratione, quia ostensum est lumen requiri ex parte obiecti, & non tamquam ratio formalis terminans indiuisibilem visionem coloris: ergo tamquam causa cooperans cum colore ad producendam speciem coloris: neque enim potest fingi alius modus, quo visio coloris pendeat à lumine, & hoc est lumen facere colores visibiles, scilicet producere species visibiles, quibus videri possint. Nec mirum est, id nos asserere, id enim docuit expressè Tho. 1. p. q. 67. art. 3. ad 3. non est tamen existimandum, lumen concurrere, tamquam instrumentum coloris ad producendam speciem illius, quia lumen est longè perfectius ipso colore: ergo sicut ipse color est causa principalis ad producendam speciem sui, ita & lumen.

H iij

Dicen-

Dicendum ergo est, vtrumque esse causam principalem, lumen tamen se habere tamquam causam vniuersalem aptam ad producendas species diuersorum colorum, ipsi colores se habent tamquam causae particulares, determinantes lumen, vt producat determinatam speciem, verbi gratia, albedo determinat lumen, vt producat speciem albedinis, & sic de reliquis.

Ex quibus tandem colligo, quod cum Deus possit supplere actiuitatem illum, quia lumen concurret ad producendas species coloris, id enim quod facit medijs causis secundis, non vitalibus, potest facere se solo, non repugnat per diuinam potentiam colorem videri sine lumine, quia lumen non aliter requiritur ex parte coloris, quam vt cooperetur cum illo ad producendam speciem talis coloris, sed hanc cooperationem potest Deus supplere, suppleendo vicem luminis: ergo non implicat contradictionem videri colorem sine omni prorsus lumine.

Quaest. III. Vtrum per eandem speciem representetur intensio, & extensio coloris, & quomodo?

PRO cuius intelligentia aduertendum est, quod cum species sit qualitas materialis, duplex diuisibilitas in ea considerari potest, sicut in alijs qualitatibus: altera quidem quoad extensionem, altera verò quoad intensiōem: & vt distinctè in re difficili, quae ab Auctoribus

non tractatur, procedamus, prius agendum est de extensione specierum, deinde verò de earum intensiōe, quod vtrumque supra c. 5. vsque ad hunc locum disputandū remissimus; & ita quidquid de his speciebus dictū fuerit, suo modo alijs etiā speciebus accommodandū est, si enim aliquid peculiariter notandum fuerit, dicam suis proprijs locis.

Et quidem, quantum attinet ad extensionem specierum, suppono ex dictis supra ca. 5. species sensibiles esse qualitates extensas per subiectum, sunt enim accidentia materialia, quae educuntur de potentia subiecti quanti, & extenti, & ita opus est, quod habeant extensionem ex parte subiecti, non minus, quam reliqua accidentia materialia.

Suppono secundò quamlibet partem huius extensionis speciei representare totam extensionem obiecti, vt etiam eodem loco ostēdi, nam per quamlibet partem mediij oculus intuetur totum colorem existentem in pariete: ergo quaelibet pars talis speciei extensae, quamuis minima sit, representat totum obiectum. Est tamen controuersia, vtrum per eandem indiuisibilem entitatem represententur omnes partes extensionis obiecti, vel potius diuersis partibus obiecti correspondant in specie diuersae entitates partiales, existentes in qualibet parte mediij per quam totum obiectum videtur, Ca. d. enim Tole. hoc libr. q. vltima existimat, per eandem indiuisibilem entitatem speciei.

speciei representari totam extensionem obiecti.

Tamen dico primò, totam extensionem obiecti non representari per eandem indiuisibilem entitatem, sed singulis partibus correspondere in specie partes quasdam ex natura rei diuersas, existentes tamen in qualibet minima parte medij. Probatur, quia si ab obiecto detrahatur pars aliqua, species iam non representat illam, quia iam non videmus illam, & tamen representat talis species alias partes, quæ remanent in obiecto: ergo per diuersam entitatem representantur singulæ partes obiecti, siquidem manente vna representatione, non manet alia.

Nec valet si respondeas, speciei illam eodem modo manere sicut antea, non tamè repræsentare partem illam iam corruptam, quia iam non dependet ab illa. Nam contra est, quia si tota entitas speciei, quæ erat antea, manet modò, repræsentabit sicut antea, siue dependeat in conseruari ab illa parte, siue non, si semel adinittamus, illam totam de facto conseruari, quia parum interest, quòd conseruetur ab hoc, vel illo agète, sicut si Deus se solo produceret speciem coloris, eodem modo repræsentaret colorem, ac si ab ipso colore fuisset producta.

Secundò probatur à priori, quia non minùs ordinantur istæ partiales entitates ad sua partialia obiecta, quæ repræsentant, quàm species totales ad totalia obiecta, sed di-

uersa obiecta te talia realiter diuersa, postulant diuersas species totales: ergo & diuersæ partes obiecti debent representari per diuersas partes speciei, ex natura rei diuersas: & hinc vterius sit, quòd sicut tota species pendet in conseruari à toto obiecto, ita singulæ partes illius pendent à singulis partibus obiecti, & ita corrupta parte aliqua obiecti perit pars speciei illi correspondens.

Ex his dico secundò, in specie sensibili duas extensiones esse necessariò ponendas: alteram quidem ex parte subiecti, quam disputationis gratia placet appellare subiectiuam, ne vtamur nominibus complexis: alteram verò ex parte obiecti, secundum quod repræsentat maius, aut minus obiectum, quam placet appellare obiectiuam; hæc tamen extensio ex parte obiecti est tota in quamuis minima parte subiecti, cum per quamlibet partem medij totum obiectum videamus. Hæc conclusio apertè sequitur ex dictis, nam ex ea parte, qua species recipitur in subiecto quanto, & extensio, necessarium est habeat extensionem ex parte subiecti: ex ea verò parte, qua repræsentat maius, aut minus obiectum, habet etiam extensionem obiectiuam: ergo in qualibet specie debet concedi extensio subiectiua, & extensio obiectiua. Nec mirum est, quia huiusmodi species præter ordinè ad subiectum etiam habent essentialem ordinem ad obiectum: ergo non

est mirum, quod habeant extensionem quamdam ex parte subiecti, aliam verò ex parte obiecti.

Ex his etiam dico tertio, secundum hanc duplicem extensionem habere speciem duo genera indiuisibilia: nam & habet indiuisibilia continuatiua extensionis continuæ, quam habet in subiecto, & cum etiam habeat extensionem continuam ex parte obiecti correspondentem partibus continuis ipsius obiecti, etiam debent poni in tali specie alia indiuisibilia continuatiua partium extensionis obiectiue.

Oritur tamen ex dictis duplex difficultas, altera est, ubi subiectentur vtraque hæc indiuisibilia: altera verò, vtrum talia indiuisibilia representent aliquid.

Circa primam difficultatem duo dicenda sunt. In primis, quod indiuisibilia continuatiua, & terminatiua extensionis subiectiue subiectiue subiectantur in indiuisibilibus subiecti, ita quod punctum speciei sit in puncto quantitatis, & superficies speciei in superficie quantitatis. Ratio est facilis, quia hæc extensio subiectiua speciei est proportionata, & accommodata extensioni subiecti, ita vt in palmo quantitatis habeat species extensionem vnus palmi: ergo sicut partes huius extensionis correspondent partibus subiecti, ita indiuisibilia illius debent correspondere indiuisibilibus subiecti.

Dico tamen secundò, indiuisibilia

extensionis obiectiue esse extensa per totum subiectum, in quo est talis species, ad modum quo sexto li. Phys. dicebam, indiuisibilia intentionis qualitatis esse extensa per totum subiectum, ita quod subiectentur in qualibet parte subiecti. Ratio est, quia species illa in qualibet parte subiecti representat totum obiectum: ergo in qualibet parte subiecti habet totam suam extensionem obiectiuam: ergo in eadem parte debent esse indiuisibilia continuantia partes talis extensionis obiectiue: sicut quia in qualibet parte subiecti reperitur intensio caloris, ita verbi gratia, indiuisibilia intentionis caloris subiectantur in parte extensa, & diuisibili, ubi est talis intensio: unde sicut non repugnat, indiuisibili intentionis esse diuisibile quoad extensionem, quamuis quoad intentionem indiuisibile sit, ita non repugnat indiuisibile extensionis obiectiue esse diuisibile quoad extensionem subiectiuam.

Circa secundam verò difficultatem dico primò, indiuisibilia extensionis subiectiue nihil representare, adhuc neque indiuisibile obiecti. Ratio est, quia hæc indiuisibilia non continuant extensionem petitam ab obiecto, sed potius petita à subiecto, & ita potius correspondent indiuisibilibus subiecti, quam indiuisibilibus obiecti, atque adeò non representant adhuc indiuisibilia obiecti.

Secundò, & præcipuè, quia per quamlibet partem extensionis, quam habet

habet species, à subiecto repræsentatur obiectum totum continuum, ut vidimus: ergo indiuisibilia obiecti non correspondent indiuisibilibus huius extensionis: nec mirum est, quòd sicut punctum quantitatis non est quantitas, ita indiuisibilia speciei non sint species repræsentantes.

Dico tamen secundò, indiuisibilia extensionis obiectiue repræsentare indiuisibilia extensionis obiecti, non tamèn ita distinctè, ut inter singula indiuisibilia possimus discernere, ut supra dicebam. Ratio huius conclusionis est, quia hæc extensio obiectiua correspondet ipsi obiecto, illique proportionatur: ergo sicut tota species correspondet toti obiecto, & pars parti, ut ostendimus, ita etiam indiuisibile debet correspondere indiuisibili.

Sed obijcies, nam ex communi Mathematicorum sententia, species visibilis terminatur ad oculum per modum anguli, cuius rei indicium est, quia si inter obiectum, & oculum, interponatur impedimentum, quò magis accedit ad oculum, tantò magis impedit visionem obiecti, ergo terminatur ad oculum per modum anguli, sed angulus terminatur in puncto, & in puncto est indiuisibile extensionis subiectiue speciei: ergo indiuisibilia extensionis subiectiue aliquid representant. Respondetur, quicquid sit de hac Mathematicorum sententia, non debere intelligi, quòd in puncto illius anguli sit species repræsen-

tatiua obiecti, sed sensus est, speciem magis coniungi, quò magis appropinquat ad oculum, semper tamen species repræsentans est in parte quanta, & diuisibili. Hactenus de extensione specierum.

Circa intensionem verò earum notandum est, quòd in obiecto representato per speciem sensibilem, præter extensionem, quam habet, etiam intensionem, quam necesse est per illam speciem etiam cognoscamus: per eandem enim speciem, per quam videmus colorem extensum in tanta quantitate, videmus etiam esse intensum, aut remissum; & sicut qualibet intensio coloris, verbi gratia, est extensa per subiectum, ita per eandem entitatem speciei, quo cognoscimus intensionem illam, cognoscimus etiam extensionem illius intensionis, qua videtur illa intensio, prout est in se, & prout in se est, extensa.

Est tamen difficultas, utrum quando intra eandem extensionem obiecti adueniat illi nouus gradus intensionis, hic nouus gradus representetur per eandem indiuisibilem entitatem speciei, per quam repræsentabantur priores gradus, cum sua extensione.

In quare Card. Tolet. iam citatus, qui existimat, omnes partes extensionis obiecti representari per eandem indiuisibilem entitatem, consequenter fatebitur, etiam partes intensionis representari per eandem indiuisibilem entitatem, sed sicut

licitat circa primum erat, ita & circa secundum.

Dico ergo primò in hac difficultate: certum debere esse, per eandem indiuisibilem entitatē speciei debere representari extensionem, & intensionem eiusdem gradus obiecti, verbi gratia, per eandem indiuisibilem speciem, per quam videmus colorem vt vnum, videmus etiam extensionē illius gradus. Ratio est iam tacta, quia illa species correspondēs illi gradui representat illum, vt est in te; sed illa intensio gradualis est extensio per subiectum: ergo tota entitas speciei representans colorem vt vnum, representat etiam extensionem illius.

Secundò, quia si in tali specie sunt duæ entitates, altera terminata ad intensionem præcisam, altera verò ad extensionem illius, vel illa entitas, quæ præcisè representat illam intensionem, representat illam existentem indiuisibiliter, verbi gratia, in puncto, & hoc non, quia iam representaretur obiectum aliter quam est, obiectum enim illud habet illam intensionem diffusam, & extensionem per subiectum diuisibile, vel representaret illam intensionem præcisè abstrahendo ab extensione, & non extensione, & hoc dici non potest, quia species sensibilis non habet tantam perfectionem, vt possit respicere rationem sic abstractam, quæ vix intellectu capi potest, quanto magis sensu.

Dicendum ergo est, per eandem indiuisibilem entitatem speciei,

qua representatur vnus gradus intensionis obiecti, representari etiam extensionem illius intensionis.

Dico tamen secundò, si intra eandem extensionem obiecti adueniat illi nouus gradus intensionis, hæc noua intensio non representatur per eandem indiuisibilem entitatem speciei, per quam representabatur prior intensio extensio, v. g. Si calori vt quatuor extensio in quantitate palmari adueniat quintus gradus, non representatur talis gradus adueniens per eandem indiuisibilem entitatem, qua representabatur priores gradus. Ratio est, quia partes extensionis obiecti non representantur per eandem indiuisibilem entitatem, vt iam ostendimus; ergo neque partes intensionis. Patet consequentia, quia in tali qualitate palmari non minus distinguuntur ante intellectum partes graduales intensionis, quam partes extensionis, vt ostendimus i. lib. de Generat. cap. 4.

Secundò, quia si color palmaris intendatur, melius ac perfectius videmus illum; sed non quia crescat representatio extensionis, eadem enim est extensio illius, vt suppono; ergo quia crescit representatio intensionis, sed tota entitas speciei est est representare: ergo si est noua representatio, est noua entitas in tali specie: ergo non representatur per eandem indiuisibilem entitatem illa noua intensio, per quam representabatur extensio priorum graduum.

Ex

Ex dictis dico tertio, in speciebus sensibilibus concedendas esse duas intensiones, alteram quidem correspondentem maiori, vel minori intensioni obiecti, & hæc appellari potest obiectiua: alteram verò subiectiuam, secundum quod species circa eundem gradum coloris potest habere in subiecto maiorem, aut minorem intentionem, vt explicabo. Probatur prima pars conclusionis, quia cū effectus proportionetur actiuitati agentis, quando color maiorem habet intensiōnem, maiorem habet actiuitatem, vt producat speciem perfectiorem intensiue: quod verò adhuc circa eundem gradum intensiōnis obiecti possit species habere maiorem, & minorem intensiōnem. probatur, quia omne agens intensius operatur in propinquum, quàm in distans. Ponamus ergo colorem, vt quatuor produxisse speciem intensam vt duo, in parte medijs aliquantulum distanti: ergo si eadem albedo, vt quatuor, magis eidem parti appropinquetur, produceret speciem magis intensam: ergo circa obiectum eodem modo manens potest species habere maiorem, & minorem intensiōnem in subiecto.

Et confirmari potest exemplo habitus charitatis, qui quamuis pro obiecto habeat Deum indiuisibilem, habet tamen maiorem, & minorem intensiōnem: ergo circa obiectum eodem modo se habens nõ repugnat, speciem habere maiorem, aut minorem intensiōnem.

Dico quartò, secundum hanc duplicem intensiōnem esse duo genera indiuisibilium intensiōnis in speciebus sensibilibus, nam & sunt indiuisibilia continuantia intensiōnem obiectiuam, & etiam sunt indiuisibilia continuantia gradus intensiōnis, quasi subiectiue. Ratio est, quia vtraque hæc intensiō habet partes graduales intensiue continuas: ergo per sua indiuisibilia continuantia.

Si autem quæras, vbi nam subiectentur vtraque hæc indiuisibilia intensiōnis. Respondetur facile ex principijs traditis sexto lib. Physicorum esse extensa, & diffusa per totum subiectum, in quo est talis species, & ita subiectari in subiecto quanto, & diuisibili. Ratio est eadem, ac de alijs qualitibus: idèd enim probamus, in diuisibilia intensiōnis caloris esse extensa, atque adèd diuisibilia quoad extensiōem, quia intensiō ipsa est extensa per subiectum, & ita indiuisibilia intensiōnis, quæ in illa clauduntur, debent extendi, & diffundi per subiectum; sed eadem ratione vtraque hæc intensiō specierum est extensa, & diffusa per subiectum: ergo indiuisibilia vtriusque intensiōnis debent esse extensa, & diffusa per subiectum. Denique de hac re legi possunt rationes loco citato adductæ, hic enim applicatæ eandem habent vim.

Et si inquiras, vtrū hæc indiuisibilia intensiōnis representent aliquid in obiecto? Respondetur, quod sic.

sicut supra diximus indivisibilia extensionis obiectivæ repræsentare indivisibilia extensionis obiecti, quia tota illa extensio sumitur penes ordinem ad obiectum extensum, ita etiam indivisibilia intensiopis speciei, quia intensio illa sumitur penes ordinem ad obiectum intensius, aut saltem ex meliori applicatione intensiori modo operans. Dici potest talia indivisibilia repræsentare indivisibilia intensiois obiecti, quia tota illa intensio ordinatur ad melius repræsentandum obiectum, & ita sicut partes intensiois ordinantur ad repræsentandum intensioem obiecti, ita indivisibilia ad indivisibilia, tota enim intensio specierum sumitur, non à subiecto, sed ab obiecto secundum maiorem, vel maiorem eius intensioem, aut saltem secundum maiorem applicationem ad partes medij, ut intensiorem producat speciem.

Addo etiam, indivisibilia extensionis subiectivæ, licet nihil repræsentent in obiecto, ut vidimus, habere tamen intensioem suam: nam ut ostendimus 6. lib. Physic. & 1. li. de Generat. c. 4. quia non repugnat id, quod est indivisibile secundum extensionem, esse divisibile secundum intensioem: qua ratione quò albedo est magis intensa, tanto puncta illius sunt magis intensa: ergo similiter species magis intensa habet puncta, & indivisibilia magis intensa. Denique doctrina hæcenus tradita generalis est

ad omnes species sensibiles, & tam habet verum in speciebus expressis, quàm in impressis: species enim expressa proportionatur speciei in impressæ, & habet etiam suam extensionem obiectivam, & subiectivam, similiterque, & intensioem, ut similibus rationibus ostendi potest.

Quæst. V. Quomodo producantur species sensibiles.

IN hac re quædam sunt certa, quædam verò dubia, certum enim est in primis, colores omnes habere determinatam sphaeram actiuitatis, intra quam possint producere suas species visibiles, & non extra illam, sicut de alijs agentibus naturalibus ostendimus 2. li. Physic. & ita color non potest ad quacumque magnam distantiam videri.

Secundò, certum est, species visibiles in tota hac sphaera produci in instanti. Ratio est, quia huiusmodi species visibiles non habent contrarium aliquod, propter cuius repugnantiam debeant successivè produci: nam si aliquid contrariaretur speciei albedinis, maximè species nigredinis: hæc autem non sunt contraria, quia dantur in eadem potentia visiva simul, quando quis simul videt album, & nigrum.

Tertiò, supponendum est, causam principalem productivam specierum visibilium esse colorem simul cum lumine, ostendimus enim ad id munus requiri lumen ex parte obiecti.

Potest

Potest tamen primò dubitari in hac quæstione, vtrum vna pars obiecti coadiuuat alteram ad producendam speciem visibilem illius. Sunt enim qui existiment, partes obiecti mutuo se se iuuare, vt ex cò sortio quælibet illarum producat acriorem, & perfectiorem speciem sui. Quorum fundamentum est, primò, quia alias difficile saluari poterit principium illud: *Opposita iuxta se posita magis elucescunt*, nisi ex tali iuxta-positione mutuo se iuaret ad producendas acriores species sui.

Secundò id videtur probari manifesta experientia, quia si granum tritici sit in aquali distantia, non videmus illud, si tamen eidem grano multa alia adiungas, iam videntur, omnia saltem confuse: signum ergo est, grana aduenientia coadiuuasse primum granum ad producendam perfectiorem specie sui, quam antea, ratione cuius iam videri possit.

Tertiò, quia vt vidimus primo lib. de Generatione, in qualitatibus vna pars gradualis coadiuuat alteram ad suam actionem, quæ ratione diximus, gradus superiores coadiuuare gradus inferiores ad suas actiones: ergo similiter non debet repugnare, gradum superiorem coloris, coadiuuare gradum inferiorem ad producendam speciem partialem correspondentem.

Nihilominus dicendum est, partes obiecti non se se coadiuuare ad producendas suas species partiales, sed quamlibet partem absque còcursu alterius producere speciem par-

tialem sibi correspondentem. Ratio est, primò, quia species est naturalis imago, & si multitudo obiecti ergo tantum potest naturaliter dimanare ab eo obiecto, quod repræsentat: ergo cum diuersæ partes obiecti repræsententur per species partiales diuersas integrantes extensionem illam obiectum supra connumeratam, impossibile erit, speciem partialem vnus partis fieri effectiue ab alia parte obiecti.

Verum est, quòd cum lumen, vt supra vidimus, sit causa vniuersalis ad producendas omnes species colorum, dimanant ab illo plures species coloris, quæ tamen non repræsentant lumen, sed colorem, quia species repræsentant causam particularem, à qua oriuntur, non vero vniuersalem, sicut non repræsentat Deum, qui est causa vniuersalis omnium actionum. Secundo, quia alias non esset maior ratio, quare illa species partialis repræsentaret vnã partem obiecti, quam aliam, si quidem ad vtraque partem missa est ad potentiam visivam.

Vnde ad primum argumentum respondetur, causam, quare opposita iuxta se posita magis elucescunt non esse, quia vnũ contrarium, v. g. album effectiue concurrat ad producendam speciem nigri acriorem, nã sicut est impossibile, frigus coadiuuare calorem ad suam actionem, nempe ad producendum calorem, ita est impossibile, nigrum coadiuuare album, vel e contra.

Ratio

Ratio est, quia quando contraria habent iuxtapositionem ex directo, immutant simul potentiam visivam, & ita facile talis potentia discernit inter illa, quādo verò sunt separata, non potest potentia visiva attendens alteri illorum, etiā attendere alteri perfectè, ut experientia patet, quia nō possumus simul versus duas partes aspicere, & ita opposita iuxta se posita magis elucescunt.

Ad secundū, vnamquamque potentiam visivam secundū maiorem, vel minorem perfectionem individualement, quam habet, requirere maiorem, vel minorem intensiōem, & etiā extensiōem in obiecto, ita ut obiectum remissum, aut parvum, quod à visu perspicaci videri potest, non possit videri à potentia visiva debili, quod aperte requirit proportionem quamdam inter potentiam, & obiectum: quia ergo vnum granū tritici seorsum sumptum, & à longa distantia positum, non efficit in specie sufficientem extensiōem obiectivam proportionatam potentie visive propter parvitatem ipsius obiecti, ideo non videtur illud granū seorsum sumptum: at verò cum nulus granorum producat speciem habentem sufficientem extensiōem obiectivam proportionatam potentie, ita totus cumulus videri potest, tamen coadiuvat vnum granum aliud, ut producat speciem partialem illi correspondentem.

Ad tertium, esse diuersam rationem; nam cum species sit naturalis

similitudo obiecti, non potest eriri, nisi ab eo gradu, qui illi correspondet, & ita superior gradus coloris non potest coadiuvare gradum inferiorem ad producendam speciem tali gradui correspondentem; at verò in productione caloris, quia effectus producendus non est naturalis imago, & similitudo alterius caloris à quo producitur, non repugnat gradum inferiorem produci à gradu inferiori, & superiori, quæ sunt in agenti, ita ut gradus superiores coadiuvant gradus inferiores ad illam actionem.

Secundò dubitari potest in hac questione, vtrum vna species sit productiva alterius. Ratio dubitandi est, quia si vna species est productiva alterius, sequitur quod possumus videre obiectum, non obiectum oculo ex directo, quod est contra experientiam. Probatur sequela, quia obiectum producit per lineam rectam speciem in medio, sed ex tali medio vsque ad potentiam visivam potest duci alia linea recta, licet non tendens per eandem viam, per quam prior linea tendebat, ut patet in illa figura: ergo possibile erit videri colorem nō ex directo oppositum oculo.

Secundò, quia sequeretur nunquam sensum falli circa suum sensibile, quāuis sit à longe positum. Et probatur, quia obiectum saltem in partibus propinquis producit speciem verè representatiuam illius: ergo si illa species habet virtutem ad diffundendam aliam speciem simili-

similem, & illa aliam intra spheram aëtiuitatis coloris, sequitur semper videri obiectum, vt in se est, absque errore.

Dicendum tamen est cum communi sententia. Quod quando obiectum videtur, per diuersa media, vt quando videmus obiectum infra aquam existens per mediam aquam & aerem, species existens in vno medio producat alteram in medio sibi propinquo, & ita quod vna species sit productiua alterius; & ratio est facilis, quia obiectum illud sub aqua existens, producit speciem in aere vsque ad potentiam: sed non potest producere illam immediate, quia non est contiguum cum tali passo: ergo mediante specie recepta in priori medio, nempe in aqua, habet ergo vna species virtutem ad producendam alteram.

Secundò, quia species refrangantur ex speculo, non tamen ex aere, cuius nulla alia causa reddi potest, nisi, quia species recepta in speculo, cum sit in materia magis densa, est apta producere ad potentiam visiuam speciem intensam obiecti, non tamen species recepta in aere raro. Vbi fortasse probabile est, quod quidam asserunt, etiam ex aere reflecti species ad potentiam visiuam, tamen propter nimiam raritatem aeris ita esse remissas, vt non possint deseruire nostro visui, qui acriorem speciem requirit. Et hac ratione saluari potest, quod plures narrant: præsertim tamen Aristote. 3. Meteo. capit. 4. de homine quo-

dam, ita perspicacem visum habente: vt propriam sui imaginem in aere veluti in quodam speculo intueretur: nam sicut experimur species visibiles reflecti ex aqua, quæ rarior materia est quam speculum, ita ex aere aliquantulum denso, per frigiditatem aliqualis reflexio cauari potest, licet propter exiguam intensiorem nobis ignota.

Est tamen aduertendum, quod sicut species prima producta ab obiecto pendet in conseruari ab illo, ita alia species producta ab illa priori specie dependet in conseruari ab illo; & ita ablato obiecto pereunt omnes species illius.

Vnde ad primam rationem dubitandi respondetur, obiectum non posse à nobis videri, nisi directè oculo obiectum (loquor extra reflexionem) cuius ratio est, quia sicut obiectum, cum habet naturam, vt non vitiat speciem, nisi per lineam rectam, ita species illius, quæ eius vicem gerit, in hoc etiam illius conditionem sapit, vt non nisi per eandem lineam rectam aliam speciem diffundat.

Ad secundam, quod cum nullum agens vniucum possit tantam intensiorem in effectu producere, ac in se habet, quando species in vno medio existens diffundit aliam in alio medio, & sic vsque ad potentiam visiuam, semper species illæ minorem habent intensiorem, & ita quia aliàs deprauantur à medio, per quod transeunt, vt diximus de speciebus transeuntibus, per

vitrum viride, & per aquam, in qua arbores apparent fractæ, idè non est mirum, quòd obiectum in longa distantia existens appareat aliter, quàm sit, tum ex minori intentione speciei, tum etiam, quia deprauatur à medio.

Et si inquiras, quomodo contingat hic error, respondetur, semper quidem produci in sensu speciem expressam, similem speciei impressæ, sit enim species expressa immediatè ab impressa, non verò ab obiecto: sed quia species impressa satis deprauata peruenit ad oculum, idè etiam producitur species expressa deprauata causans errorem in sensu.

Sed dubitabis, quæ sit causa quare quandoq; oculum digito comprimimus, apparet obiectum eleuatù extra proprium situm: respondetur causam esse, quia visio talis est naturæ, vt natura sua requirat speciem venientem per lineam rectam, & quia per compressionem illam iam non leuatur inter oculum, & obiectum linea perfectè recta, idè obiectum apparet aliter quàm sit, magis scilicet eleuatum, aut depressum.

Tertiò dabitari potest in hac questione, vtrum possibile sit, obiectum aliquod sensibile producere speciem repræsentantem rem vniuersalem. Ratio dubitandi est, quia quando videmus corpus aliquod à longè, verò iudicamus illud esse corpus, non tamèn discernimus an sit homo, vel equus: ergò tunc spe-

cies sensibilis repræsentat rationem vniuersalem corporis, non repræsentando inferiora illius. Respondetur tamèn, nullum obiectum sensibile posse producere speciem repræsentantem naturam vniuersalem abstractam à suis inferioribus. Ratio est, quia causa finalis, ad quam natura sua ordinatur productio specierum sensibilium, est sensatio, vt scilicet potentia sensitiva media illa specie cognoscat suum obiectum cognitione sensitiva: sed sensus præcipuè externus, non potest percipere vniuersale, percipiunt enim sensus sua objecta secundum condiciones, quas habent hic, & nunc, in ordine ad locum, & situm, à quibus vniuersalia abstrahunt, & ita vniuersale non cadit sub obiecto sensus.

Ad exemplum verò allatum dicendum est, si aliquid probaret, tantum probare, quod cum sensus in obiecto à longè existente tantum videat accidentia pluribus corporibus communia, scilicet magnitudinem, & colorem quemdam pluribus communem, percipit singulare quoddam quasi vagum. Mibi tamèn semper verissimum apparuit, quod dixi 1. lib. Physicor. in quaestione de primo cognito, adhuc in visione, qua rem aliquam à longè videmus, nobis aliquid determinatum videri, quamuis nimis confuse propter distantiam obiecti: nam si quis velit suprà se reflecti, experietur se iudicare illud corpus ipsi apparere carnem, vel lapidem, aut quid simile;

le; quo ductus fundamento loco citato dixi, primo cognitum à nostro intellectu cognitione confusa, non esse singulare aliquod vagum: sed determinatum.

Quæstio VI. Quomodo fiat visio?

Circa modum, quo fit visio, Plato in Timæo sensit, non fieri recipiendo aliquid intra oculum: sed potius extra mittendo aliquid, & ita fieri non per intusumptionem: sed per extramissionem: cuius sententiæ sectatores adhuc sunt diuisi explicantes varijs modis hanc Platonis sententiam. Quidam enim asserunt, potentiam visiuam mittere ex se spiritum quemdam visorij, vt aiunt, & per illum alterare medium, indeque confurgere quædam splendorem causantem visionem.

Alij verò dixerunt, potentiam visiuam ex se mittere quoddam lumen, quod perueniēs ad obiectum, indeque ad potentiam visiuam iterum reflectens causat visionem. Sic docuit Galen. libro 7. de placitis, & alios refert Plutarc. lib. 4. de placitis Philosophorum.

Communis tamen, & recepta iam Philosophorum sententia asserit, visionem non fieri per extramissionem: sed potius per intusumptionem, ex eo scilicet, quod potentia visiva intra se recipiat speciem impressam, simulque cum illa intra se producat speciem expressam, quæ est idolum quoddam representans colorem, & ita fiat vi-

sio, quæ est cognitio quædam obiecti colorati.

Et quidem, quod visio non fiat per extramissionem, probatur, quia vel illud, quod mittit potentia visiva, esset substantia aliqua corporea, licet subtilis, vel esset qualitas aliqua, nempe lumen: quod non sit substantia aliqua corporea, patet, quia impossibile esset illam in instanti peruenire vsque ad obiectum, cum motus localis non possit fieri in instanti: sed visio in instanti fit, & non succēssiuē: ergo non potest fieri per extramissionem alicuius substantiæ corporeæ, tum etiam quia illa substantia corporea subtilis facile stante vëto impediretur, ne perueniret ad obiectum: vnde nō posset in eo casu fieri visio, quod est contra experientiam.

Quod verò, neque etiam fiat per extramissionem luminis emissi à potentia visiva, probatur, quia si oculus noster ex se mitteret lumen ad medium, possemus quidem etiā in tenebris existētes semper aliquid lucis videre, quod est contra experientiam, saltem in nobis: alia enim sunt animalia, quorum oculi in tenebris aequaliter fulgent.

Secundò, quia actus auditionis, & actus aliorum sensuum, non fiūt extra mittendo aliquid: sed potius recipiendo intra se species sensibiles: quis enim dicat, auditum, vt audiatur, debere aliquid extra se mittere: ergo neque in potentia visiva id debet concedi.

Tertio, quia vel visio fit intra oculum,

lum, vel extra, si intra oculum, ad quid ergo debet oculus aliquid extra se mittere? Si autem dicas fieri extra oculum, contra est, nam visio natura sua est actio vitalis, denominans ipsum oculum videntem intrinsecè, & ita debet manere in illo, aliàs potius aer, in quo est intrinsecè visio, diceretur videns, quàm oculus: quæ omnia sunt absurda.

Dicendum ergo est, visionem potius fieri per intusumptionem, scilicet recipiendo speciem visibilem intra oculum, vt media illa producatür species expressa, quæ est idolum, quo visus cognoscit colorem.

Oritur tamen dubitatio ex dictis: nam si species visibilis recipitur intra potentiam visiuam, quomodo fieri potest, quòd cum potentia visiva sit in parua quantitate, ibi repræsentetur obiectum maximæ magnitudinis? Respondetur, nihil esse mirum, cum etiam in speculo intueamur res maximas: nam vt supra dicebā, species in qualibet parte in edij, quantumvis minima, habet extensionem obiectiuam, toti obiecto correspondentem.

Dubitabis etiam, nam si tota extensio obiectiuæ recipitur in oculo, quæ est causa, quare dum rem aliquam à longe videmus, appareat parua, cum tamen si propè accedamus, appareat magna, ac reuerà est? Respondent quidam, propter magnam distantiam obiecti fieri, vt species adeò remissa ad oculum perueniat, vt iam non repræsentet omnes partes obiecti, & ita apparet

paruum. Sed non placet, quia nulla est maior ratio, quare potius repræsentetur vna pars obiecti, quàm alia. Quare dicendum est, reuerà omnes partes obiecti repræsentari per eam speciem, tamen adeò confuse, vt videantur esse in minori loco, sicut corpus, quod condensatur, omnes partes habet modò, quas habebat antea, reductas tamen ad minorem locum: sic etiam quauis videantur omnes partes illius corporis, tamen propter nimiam confusionem, quæ repræsentantur, apparent in minori situ.

Questio VII. Quod sit organum potentia visiva.

IN hac questione notandum est Galen. lib. 10. de vsu partium per multa capita, & ex Valles lib. 7. controuerf. Medi. capit. 14. ac pluribus alijs, quorum doctrinam optime congestit Cardin. Tolet. in oculo propter varios musculos, quibus in hac, & in illam partem mouetur, qui adhuc in homine cæco manent, cum oculis optime moueat, dari quinque tunicas, & tres humores, vt ex anathome constat: nam in centro oculi est quidam humor, qui crystallinus dicitur, eò quòd crystalli similitudinem gerit, & hic appellatur pupilla, qui humor circumuoluitur quadam tenui pellicula, quæ dicitur tunica aranea, eò quòd in subtilitate tunicas aranearum imitetur. Deinde verò humor crystallinus hac tunica coopertus, habet

bet sibi adiunctum alium humorem, qui dicitur vitreus, splendet enim, sicut massa vitrea, qui humor vitreus taliter crystallinum circumdat, ut relinquat foramen quoddam, per quod veluti per fenestram species visibiles ad humorem crystallinum peruenire possint. Hunc autem vitreum humorem circumdat quædam alia tunica, quæ dicitur articularis, quia ex multis venis, & arterijs ad modum retis contexta est. Deinde enim est alia tunica tertia, quæ dicitur vnea, asimilatur enim vne, in qua ablato pedunculo manet foramen quoddam, quæ tunica in diuersis diuersum habet colorem, ita ut ab illa oculi denominentur cerulei, vel nigri; deinde subsequitur quarta tunica, quæ dicitur cornea, est enim dura, licet transparens, quam sequitur alius humor, dictus albugineus, eo scilicet à natura datus, ut hunc det humorem crystallinum. Tadem est vltima tunica hæc omnia ambiens, quæ dicitur consolidata, de quorum omnium munere latè disputant medici: non est autem nostrum in his immorari: legatur Cardin. Tolet. hoc cap. quæstio. 1. Sunt etiam in oculo duo nervi, qui appellantur optici, qui à cerebro tendunt ad ipsum oculum, alter quidem versus partem sinistram, alter verò versus dextram, qui nervi, quo magis à cerebro distant, magis inter se vniuntur, & postquam sese semel prope oculos coniungere, iterum separantur, ita ut quilibet versus suum oculum tendat.

His ergo suppositis Cardinal. Tolet. in hoc capite existimat potentiam visivam tantum subiectari in tunica aranea circumdante humorem crystallinum, cuius fundamentum est, quia læsa hac tunica impeditur visio; hoc tamen nihil probat, quia etiam læso quolibet humore oculi, aut quavis alia tunica, etiam læditur visio, cum tamen adhuc ex sententia Card. Tolet. potentia visiva non subiectetur in quolibet humore, aut tunica.

Auiscena verò lib. 6. naturalium questionum part. 2. capit. 8. existimat potentiam visivam non subiectari in parte aliqua oculi: sed in conjunctione illa, qua nervi optici inter se coniunguntur. Sed neque hæc sententia placet. Primum, quia nervi illi post conjunctionem illam, quam prope oculos habent, iterum per suas vias diuiduntur, ut quilibet tendat ad suum oculum; quod sane indicat, huiusmodi nervos potius fuisse à natura destinatos, ut per illos perveniant spiritus vitales ad oculum, quam ut sint organum, in quo resideat potentia visiva. Tum etiam, quia vno oculo clauso attentius videmus, sic enim ut directius sagittam in scopum mittamus, vno clauso oculo, scopum intuemur, idè ergo est, quia virtus animæ adhibenda per duas potèntias residentes in duobus oculis, clauso vno oculo, tantum adhibetur per vnam, & ita efficacior, & intensior adhibetur: signum ergo est, potentiam visivam potius subiectari in parte

aliqua oculi, ita ut sint duæ potentie visus, sicut sunt duo oculi, non vero in coniunctione illa nervorum opticorum; sic enim tantum esset vnica potentia visiva in quolibet animal.

Quare dicendum est cum communis sententia, potentiam visivam subiectari in pupilla, quæ integratur ex humore crystallino, & ex tunica aranea. Sic docuit Aristot. 1. lib. de historia animalium, cap. 9. & 1. lib. de Generatione animalium, cap. 1. Galen. lib. 8. de usu partium, cap. 6. congruentia autem ad hoc probandum sunt, quia hæc ratione melius intelligitur, naturam prædicant merito humorem illum crystallinum in centro oculi constituisse, ut esset sedes tota potentie visus. Tum etiam, quia humor ille crystallinus maxime diaphanus est; & ita maxime aptus ad recipiendas species visibiles, quibus videat, tum etiam, ut dicto loco docet Galen. visio præcipue læditur ex læsione pupillæ, quæ non ex læsione aliarum potentialiarum.

Ex quibus inferitur primo, humorem illum crystallinum reuera vigere in quo displicet Card. Tolet. loco citato, habet enim visionem, quæ est actio vitalis. Infero secundò, cui libet animali esse duas potentias visivas, sicut duo oculi realiter distincti, & distantes. Vnde quando communiter dici solet, in quolibet animali solum dari quinque sensus externos, non est sermo de distinctione numeri, sed specifica.

Possit tamen aliquis dubitare, quæ sit ratio, quare si quodlibet animal habet duas potentias visivas, ac perinde duas visiones, non appareant obiecta duplicia. Respondetur, quod sicut quando est contra vno oculo intuemur duo obiecta, non apparet nobis vnum obiectum; sed duo quia videntur talia obiecta, prout in se sunt, & sunt duo: ita quando est contra duobus oculis intuemur vnum obiectum; solum apparet vnum, quia videtur prout in se est, & reuera est vnum. Verum est, aliquando obiecta apparent duplicia propter commotionem spirituum vitalium, qui requiruntur ad visionem, ut contingit in ebrijs, in quibus ex nimio calore ita perturbantur spiritus vitales, ut obiecta illa appareant duplicia.

Dubitabit vltimò aliquis cuius nature sit humor iste crystallinus, Placitò enim tenuit esse nature igneæ, ita quod in illo prædominetur ignis, quia aliquando oculi scintillant: sed hoc nihil probat, hæc enim scintillatio referri potest, ut in causam, in spiritus vitales calidos. Dicendum ergo est cum Aristot. lib. de sensu, & sensib. 1. esse nature aqueæ, non quidem, ut quidam probant, quia aliquando oculi aqueum humorem effundunt, hoc enim potius prouenit ex alijs humoribus existentibus inter partes oculi, alijs cum sint homines continuo humorem aqueum effundentes, iam in illis consumpta esset pupilla. Ratio ergo est, quia ille humor est ad modum crystalli,

tam-

tamquam quædam aqua congelata.
Ergo de hoc capite.

Caput VIII. De Auditu.

Intentum Aristotelis in hoc capite est agere de Auditu: tria agit. Primum agit de eius obiecto, scilicet de sono; explicans, quomodo fiat, & quid sit, ubi etiam explicat, quomodo causetur echo. In secunda parte agit de medio, per quod immutatur auditus. Tertiò agit de voce, quæ quidam sonus est: dicit ergo, sonum causari ex percussione duorum corporum se collidentium ex quorum percussione aliquid resilit: oportet autem, quod corpora se collidentia dura sint, & ita lana non efficit sonum. Præterea sonus melius causatur ex collisione facta in corpore concauo, qua ratione cymbalo optimè fit sonus. Dicit præterea, collisionem corporum debere fieri motu veloci: nam corpora sese paulatim tangerentia, quantumvis dura sint, non efficiunt sonum, quia tunc non resilit corpus: deinde dicit, echo ex eo causari, quod sonus perueniens ad locum concauum, veluti re percussus resiliat ex tali corpore.

Deinde dicit, medium per quod immutari potest sensus auditus, esse aerem, & aquam, unde quâdo supra c. 7. dixit medium, per quod immutatur visus, esse aerem, & aquam, medium verò, per quod immuta-

tur auditus, esse aerem, non sentit sonum non posse diffundi per aquam, sed aerem esse medium longè aptius, quàm aquam.

Addit, intra auditum nostrum esse aerem quemdam immobilem, ut auditus audiat omnes differentias soni, dicitque inter sonos dari quædam sonum grauem, aliū verò acutum: sonus acutus, inquit, est, qui in breui tempore multum mouet sensum, grauis verò, qui in multo tempore paucum mouet auditum. Tandem agit de voce, dicens, quod vox est sonus factus ab animali, media respiratione causata à pulmone, cui intentione aliquid significandi: unde ille sonus, per gurgulionem emissus vox dicitur, & ita, inquit, pisces non formant voces, quia cum careant pulmone, carent etiam respiratione, & ita non formant vocem.

DISPUTATIO VII.

De Auditu.

Merito quidem Aristoteles post tractatum de potentia viſiua, deinde de auditua sermonem instituit, est enim sensus cæteris nobilior, & minus materialis, in cuius disputatione prius de eius obiecto, scilicet de sono, quàm de ipsa potentia agendum est, dignoscuntur enim potentia per obiecta.

Quest. I. Quid sit sonus, & à quo fiat?

DVo inquit questio hæc: alterum est, quid sit sonus, alterum

verò, à quo erasceretur: circa primum Cardin. Toler. hoc loco refert Themistium, & alios Græcos interpretes: asseruisse, sonum esse motum localem corporis resiliantis ex percussione corporum se collidentium, non verò esse qualitatem aliquam. Quæ sententia videtur ipsi primis habere fundamentum in Aristot. hoc capite, dicente, sonum esse istum; & motum corporum se collidentium; sentit ergo, sonum potius esse motum, quam qualitatem aliquam.

Secundo, quia sonus est quid successivum: patet enim, sonum semel factum successivè audiri, per diversas partes medijs prius in vna parte, quam in alia: ergo sonus potius est motus, & quid successivum, quam qualitas permanens.

Tertio, quia si sonus est qualitas, vel esset qualitas prima, vel secunda: non prima, quia Aristot. 2. de Generatione, cap. 1. & 2. tantum enumerat quatuor primas qualitates, scilicet, frigus, calorem, humiditatem, & siccitatem: sonus autem nulla harum est. Neque etiam est qualitas secunda, sonus enim non resultat ex temperamento primarum qualitatum: sed ex vehementi collisione corporum: ergo non est qualitas.

Dicendum tamen est, cum communi Philosophorum sententia, sonum esse aliquid diversum à motu locali, scilicet qualitatem quandam resultantem ex collisione corporum; quam omnes alij Auctores in hoc capite sequuntur. Ratio est

facilis, quia motus, ut suprà vidimus, est sensibilis commune; sonus autem est sensibilis proprium auditus: ergo sonus debet esse qualitas aliqua diversa à motu spectans peculiariter ad auditum.

Secundo, quia potest dari motus tam velox, quam tardus sine sonò: de tanto patet, nam si corpora sibi invicem lente, per motum localem appropinquant, ibi adest motus tardus, nullus tamen fit sonus. De veloci probatur, quia si corpus aliquod velociter moveatur, non tamen cum alio collidatur, etiam nullus fit sonus: ergo sonus nullo modo est motus localis.

Tertio, quia proprietates soni sunt maxime diversæ à proprietatibus motus localis, sonus enim, ut docuit in hoc capite Aristot. dicitur gravis, aut acutus; motus verò minimè. Præterea motus dicitur velox, aut tardus, non verò sonus: ergo reuera est qualitas diversa à motu.

Dico secundo, sonum esse qualitatem quandam primam, eo sensu, quo 2. lib. de Generat. diximus, lumen esse primam qualitatem, quia non oritur ex commixtione aliarum primarum qualitatum: sic ergo, quia sonus ex nulla commixtione primarum qualitatum oritur, & reuera est qualitas prima, & non secunda: nam si ex commixtione primarum qualitatum penderet, non tam citò evanesceret, imò neque posset tam velociter diffundi per medium: nam alteratio prævia primarum qualitatum non potest tam velociter fieri.

Ne.

Neque obstat Arist. loco citato, tantum enumerasse quatuor primas qualitates: nam, ut eodem loco adnotaui, tantum eo loco agit de primis qualitatibus, quæ disponunt ad omnes eorum omnium generationes, & corruptiones, de qua generatione, & corruptione ibi agere intendit, quæ qualitates solum sunt quatuor illæ primæ connumeratæ ab Aristot. tamen reuera aliæ sunt primæ qualitates, ut ibi diximus de lumine, & de impulsu: ad eundem ergo modum sonus est qualitas prima.

Et si inquiras, utrum sonus habeat sub se plures species essentialiter diuersas, partem affirmatiuam videtur indicare Cardin. Toletus hic, quæstione 1. dum probat primam conclusionem. Ego tamen non video sufficientis aliquid fundamentum, ut distinguamus specie vnum sonum ab alio: nam quod sonus sit acutus, aut grauis, profecto solum est differentia accidentalis, secundum maiorem, aut minorem soni intensiorem. Præterea, quod sonus causetur ab hoc, aut illo corpore, non potest variare speciem, sicut impulsus, quod fiat ab hoc corpore, vel illo, non variat naturam, & essentiam impulsus.

Solum potest hic obijci, nam alia obiecta sensibilia habent sub se varias species, ut color, & sapor; & idem est de qualitatibus tangibilibus: ergo etiam id debet esse in obiecto auditus. Hoc tamen argumentum non conuincit: nam in alijs ob-

iectis, verbi gratia, in coloribus est sufficiens temperamentum ad collegendam diuersitatem essentialem inter illos: requirunt enim diuersi colores diuersum temperamentum primarum qualitatuum, habentque proprietates diuersæ rationis: albu enim disgregat visum, &c. nihil vero horum inuenimus in sonis, & ita non est cur distinguamus specie vnum sonum ab alio. Et hinc vtrius sit, potentiam auditivam solum habere vnum actum secundum speciem, quia tantum habet vnicum obiectum secundum speciem infimam; quod tamen non contingit in alijs sensibus, quia habent obiecta specie diuersa sub suo obiecto adæquato, ut patebit discurreti per singula.

Ad argumentum contrariæ sententiæ respondetur. Ad primum, propositionem illam, scilicet, solum est motus corporum collidentium, intelligendum esse in sensu causali, id est, qui causatur ex motu corporum se collidentium, ut statim dicam: vnde quemadmodum nomen, impulsus, quamuis reuera significet qualitatem causatam ex actione impellendi, tamen etiam aliquando significat motum collisionis, ex quo resultat qualitas, quæ est sonus.

Ad secundam, solum probari, sonum successiue diffund: per partes medijs, ut mirâ explicabo, non tamen quod sit motus localis successiuus. Tandem ad tertiam patet solutio ex dictis.

I v Circa

Circa secundum, quod inquitur quæstio, scilicet à quo causetur sonus effectiue, supponendum est, ut docuit Aristot. in hoc capite, quod ad sonum requiruntur tria corpora, duo quidem se collidentia, per vehementem motum localem, quæ quò magis fuerint dura, melius efficiunt sonum, alterum resiliens ex tali corporum percussione, quod, quanto minùs fuerit durum, magisque rarum, aptius est, ut resiliat, ut patet de aere.

Et si obijcias, nam virga vehementi motu per aerem mota efficit sonum, ibi tamen tantum sunt duo corpora se collidentia; nihil enim est præter virgam, & aerem: ergo nõ requiruntur ad sonum tria corpora. Respondet bene Cardin. Tolletus, aerem secundum partes diuersas habere rationem collidentis, & resiliens: illæ enim partes, quæ tangunt virgam, illamque collidunt, habent rationem collidentis, quia verò ex tali percussione à virga facta aliæ partes formaliter pelluntur: id est habent rationem resiliens. Et hoc sufficit, ut causetur sonus.

His suppositis, dicendum est causam efficientem soni esse corpora se collidentia. Ratio est, quia sonus resultat in corpore resiliens ex vi collisionis corporum: ergo corpora se se collidentia sunt causæ efficientes soni, & ita talia corpora dicuntur sonantia, id est, causantia sonum.

Est tamen aduertendum, ut in simili dicebam de impulsu 8. libro

Physicor. sonum non prodci, per illum motum localem, quo corpora colliduntur, motus enim localis potius terminatur ad vbi, quam ad qualitatem, qualis est sonus: tantum ergò est ille motus localis conditio necessaria, ut producat sonus: deinde verò per aliam actionem distinctam producit qualitas, quæ est sonus.

Tandem ex dictis potest reddi ratio, quare cæli per suum motum non efficiant sonum: nam ut causetur sonus, debet inter corpora solida se tangentia intercedere corpus rarum, quod resiliat: sed inter corpora cælestia, quæ solida sunt, nulum est interceptum corpus, quod resiliat: ergo corpora cælestia medio suo motu, non possunt efficere sonum. Denique de hac re legantur dicta 1. lib. de Cæl. cap. 3.

Quæstio II. Quomodo incipiat, & desinat sonus, & in quo subiecto sit?

Dico primò, sonum incipere posse successiue, per vltimum non esse, sicut & ipse motus localis collisionis corporum. Ratio est, quia hoc ipso quod corpora se collidunt, aliud corpus interceptum resilit, per motum localem, & ita fit sonus: sed corpora possunt se continuo collidere, ita ut illa collisio duret tempore aliquo: ergo tunc producit sonus successiue.

Sed obijcias, nam si sonus producit

ducitur in tempore: ergo pars soni fit in parte temporis, & indiuisibile soni in indiuisibili temporis, debet enim esse proportio inter partes termini, & temporis, vt dicebam 6. lib. Physicor. ergo iam auditus audiret in parte temporis partem diuisibilem soni, & in instanti indiuisibile soni, atque adeo posset optinere discernere inter partem, & indiuisibile. Responderetur negando consequentiam: nam sicut visus, quamuis, vt diximus, videat partes, & indiuisibilia coloris, hoc tamen adeo est confusè, & inuoluntè, vt non discernat inter illa, idem est de indiuisibilibus, & partibus soni.

Et si adhuc instas, esse diuersam rationem: nam visus simul tempore videt partem, & indiuisibilia coloris; at vero auditus percipit indiuisibile post partem, quia producit in tempore successiuo, in quo instans est post partem temporis, & ita necessario debet discernere inter indiuisibile, & partem. Respondetur tamen, quod quemadmodum visus, licet simul percipiat partem, & indiuisibile coloris, tamen distantiam illam, quia punctum est ex ipsa parte, non percipit, quia vnum est immediate post aliud, estque restam exigua, vt non possit a sensu cognosci. Sic etiam quid simile intelligendum est in ordine ad distantiam durationis indiuisibilis soni, & partis: sunt enim hæc adeo inter se immediata, & coniuncta, & indiuisibile est res ita

minima, vt non possit res hæc discerni ab auditu. Vel secundo, & facilius dici potest ad hæc omnia, sonum non esse qualitatem successiuam, vt motus, licet successus produci possit, & ita adhuc in hoc instanti durat pars in præcedenti tempore producta, & ita totum illud auditur, non vero indiuisibile soni præcisè.

Dico secundo in hac questione, sonum etiam posse produci in instanti, scilicet quando contactus corporum se collidentium, per instantem tantum durat, ad modum quo 8. Physicorum dicebam, dici posse produci in instanti. Et probatur, quia sonus resultat ex collisione corporum, illa autem collisio, cum sit motus localis, quo vehementi impetu sibi inuicem appropinquant, finitur in instanti extrinseco, in quo desinit motus ille, in quo instanti est iam contactus: ergo poterit tunc resultare sonus in parte aeris collisa, præsertim cum sonus non habeat contrariam qualitatem resistentem, ne producat in illo instanti contactus.

Circa modum autem, quo sonus corrumpitur, certum est in primis, sonum non corrumpi a contrario, nullam enim inuenies qualitatem soni contrariam. Quod si dicatur, vnum sonum contrariam alteri, & ita ab illo corrumpi, falsum est omnino, cum vnus sonus, vt videmus, per se non differat specie ab alio: & si id diceremus, necessarium esset ad corruptionem vnus soni, a lumine alium

lum, vel extra, si intra oculum, ad quid ergo debet oculus aliquid extra se mittere? Si autem dicas fieri extra oculum, contra est, nam visio natura sua est actio vitalis, denominans ipsum oculum videntem intrinsecè, & ita debet manere in illo, aliàs potius aer, in quo est intrinsecè visio, diceretur videns, quā oculus: quæ omnia sunt absurda.

Dicendum ergo est, visionem potius fieri per intusumptionem, scilicet recipiendo speciem visibilem intra oculum, vt media illa producatur species expressa, quæ est idolum, quo visus cognoscit colorem.

Oritur tamen dubitatio ex dictis: nam si species visibilis recipitur intra potentiam visiuam, quomodo fieri potest, quod cum potentia visiva sit in parua quantitate, ibi representetur obiectum maximæ magnitudinis? Respondetur, nihil esse mirum, cum etiam in speculo intueamur res maximas: nam vt supra dicebā, species in qualibet parte medij, quantumvis minima, habet extensionem obiectiuam, toti obiecti correspondentem.

Dubitabit etiam, nam si tota extensio obiectiuæ recipitur in oculo, quæ est causa, quare dum rem aliquam à longe videmus, appareat parua, cum tamen si propè accedamus, appareat magna, ac reuerà est? Respondent quidam, propter magnam distantiam obiecti fieri, vt species adeò remissa ad oculum perueniat, vt iam non representet omnes partes obiecti, & ita apparet

paruum. Sed non placet, quia nulla est maior ratio, quare potius representetur vna pars obiecti, quàm alia. Quare dicendum est, reuerà omnes partes obiecti representari per eam speciem, tamen adeò confusè, vt videantur esse in minori loco, sicut corpus, quod condensatur, omnes partes habet modò, quas habebat antea, reductas tamen ad minorem locum: sic etiam quāuis videantur omnes partes illius corporis, tamen propter nimiam confusionem, qua se præsentantur, apparent in minori situ.

Questio VII. Quod sit organum potentia visiva.

IN hac questione notandum est Galen. lib. 10. de vsu partium per multa capita, & ex Valles lib. 7. cōtrouerf. Medi. capit. 14. ac pluribus alijs, quorum doctrinam optime congescit Cardin. Tolet. in oculo propter varios musculos, quibus in hac, & in illam partem mouetur, qui adhuc in homine cæco manent, cum oculis optime moueat, dari quinque tunicas, & tres humores, vt ex anathome constat: nam in centro oculi est quidam humor, qui crystallinus dicitur, eò quod crystalli similitudinem gerit, & hic appellatur pupilla, qui humor circumuoluitur quadam tenui pelli- cula, quæ dicitur tunica aranea, eò quod in subtilitate tunicas aranearū imitetur. Deinde verò humor crystallinus hac tunica coopertus, habet

bet sibi adiunctum alium humore, qui dicitur vitreus, splendet enim sicut massa vitrea, qui humor vitreus taliter crystallinum circūdat, ut relinquat foramen quoddam, per quod veluti per fenestram species visibiles ad humorem crystallinum peruenire possint. Hunc autem vitreum humorem circumdat quædam alia tunica, quæ dicitur articularis, quia ex multis venis, & arterijs ad modum retis contexta est. Deinde epim est alia tunica tertia, quæ dicitur vicia, assimilatur enim vicia, in qua ablato pedunculo manet foramen quoddam, quæ tunica in diuersis diuersum habet colore, ita ut ab illa oculi denominentur cærulei, vel nigri; deinde subsequitur quarta tunica, quæ dicitur cornea, est enim dura, licet transparens, quam sequitur alius humor, dictus albugineus, eo fine, à natura datus, ut humectet humorem crystallinum. Tadem est vltima tunica hæc omnia ambiens, quæ dicitur consolidata, de quorum omnium munere late disputant medici: non est autem nostrum in his immorari: legatur Cardin. Tolet. hoc cap. questio. 1. Sunt etiam in oculo duo nervi, qui appellantur optici, qui à cerebro tendunt ad ipsum oculum, alter quidem versus partem sinistram, alter vero versus dextram, qui nervi, quo magis à cerebro distant, magis inter se vniuntur, & postquam se se semel prope oculos cōiungere, iterum separantur, ita ut quilibet versus suum oculum tendat.

His ergo suppositis Cardinal. Tolet. in hoc cap. existimat potentiam visiuam tantum subiectari in tunica aranea, circumdante humorem crystallinum, cuius fundamentum est, quia laesa hac tunica impeditur visio; hoc tamen nihil probat, quia etiam laeso quolibet humore oculi, aut quauis alia tunica, etiam laeditur visio, cum tamen adhuc ex sententia Card. Tolet. potentia visiva nō subiectetur in quolibet humore, aut tunica.

Auicenna vero lib. 6. naturalium questionum part. 3. capit. 8. existimat, potentiam visiuam non subiectari in parte aliqua oculi: sed in cōiunctione illa, qua nervi optici inter se coniunguntur. Sed neque hæc sententia placet. Primo, quia nervi illi post cōiunctionem illam, quam prope oculos habent, iterum per suas vias diuiduntur, ut quilibet tendat ad suum oculum; quod sane indicat, huiusmodi nervos potius fuisse à natura destinatos, ut per illos perueniant spiritus vitales ad oculum, quam ut sint organum, in quo resideat potentia visiva. Tum etiam, quia vno oculo clauso attentius videmus, sic enim ut directius sagittam in scopum mittamus, vno clauso oculo, scopum intuemur, idē ergo est, quia virtus animæ adhibenda per duas potētiās residentes in duobus oculis, clauso vno oculo, tantum adhibetur per vnam, & ita efficacior, & intensior adhibetur: signum ergo est, potentiam visiuam potius subiectari in parte

aliqui oculi, ita ut sint duæ potestates visus, sicut sunt duo oculi, non vero in coniunctione illa nervorum opticorum, sic enim tantum esset una potentia visiva in quolibet animali.

Quare dicendum est cum communis sententia, potentiam visivam subiectari in pupilla, quæ integratur ex humore crystallino, & ex tunica aranea. Sic docuit Aristot. 1. lib. de historia animalium, capit. 9. & 1. lib. de Generatione animalium, capit. 1. Galen. lib. 8. de usu partium, cap. 6. congruentia autem ad hoc probandum sunt, quia hac ratione facilius intelligitur, naturam per quidam merito humorem illum crystallinum in centro oculi constituisse, ut esset sedes tota potentie visivæ. Tum etiam, quia humor ille crystallinus maxime diaphanus est, & ita maxime aptus ad recipiendas species visibiles, quibus videat, tum etiam, ut dicto loco, docet Galen. visio præcipue læditur ex læsione pupillæ, quæ non ex læsione aliarum potentiarum.

Ex quibus inferitur primo, humorem illum crystallinum reuera vigere, in quo displicet Card. Toler. loco citato, habet enim visionem, quæ est actio vitalis. Infero secundum, cuilibet animali esse duas potestates visivas, sicut duo oculi realiter distincti, & distantes. Unde quando communiter dici solet, in quolibet animali solum dari quinque sensus externos, non est sermo de distinctione numeri, sed specifica.

Possent tamen aliqui dubitare, quæ sit ratio, quare si quodlibet animal habet duas potentias visivas, ac perinde duas visiones, non appareant obiecta duplicia. Respondetur, quod sicut quando est contra unum oculum intuemur duo obiecta, non apparet nobis unum obiectum; sed duo quia videntur talia obiecta, prout in se sunt, & sunt duo: ita quando est contra duobus oculis intuemur unum obiectum, solum apparet unum, quia videtur prout in se est, & reuera est unum. Verum est, aliquando obiecta apparere duplicia propter commotionem spirituum vitalium, qui requiruntur ad visionem, ut contingit in ebrijs, in quibus ex nimio calore perturbantur spiritus vitales, ut obiecta illi appareant duplicia.

Dubitabit ultimum aliquis cuius naturæ sit humor ille crystallinus, Platonem enim sensisse esse naturæ igneæ, ita quod in illo prædominetur ignis, quia aliquando oculi scintillant: sed hoc nihil probat, hæc enim scintillatio referri potest, ut in causam, in spiritus vitales calidos. Dicendum ergo est cum Aristot. lib. de sensu, & sensibilibus, esse naturæ aqueæ, non quidem, ut quidam probant, quia aliquando oculi aqueum humorem effundunt, hoc enim potius provenit ex alijs humoribus existentibus inter partes oculi, alias cum sint homines continuo humorem aqueum effundentes, iam in illis consumpta esset pupilla. Ratio ergo est, quia ille humor est ad modum crystalli,

tam.

tamquam quædam aqua congelata.
Et hæc de hoc capite.

Caput VIII. De Auditu.

Intentum Aristotel. in hoc capite
est agere de Auditu: tria agit. Pri-
mò agit de eius obiecto, scilicet de
sono, explicans, quomodo fiat, &
quid sit, ubi etiam explicat, quomodo
causetur echo. In secunda parte
agit de medio, per quod immuta-
tur auditus. Tertiò agit de voce,
quæ quidam sonus est: dicit ergo,
sonum causari ex percussione duo-
rum corporum se collidentium ex
quorum percussione aliqd resilit:
oportet autem, quòd corpora se
collidentia dura sint, & ita lana
non efficit sonum. Præterea sonus
melius causatur ex collisione facta
in corpore concauo, qua ratione
cymbalo optimè fit sonus. Dicit
præterea, collisionem corporum
debere fieri motu veloci: nam cor-
pora sese paulatim tangentia, quan-
tumvis dura sint, non efficiunt so-
num, quia tunc non resilit corpus:
deinde dicit, echo ex eo causari,
quòd sonus perueniens ad locum
concauum, veluti re percussus resi-
liat ex tali corpore.

Deinde dicit, medium per quod
immutari potest sensus auditus, esse
aerem, & aquam: unde quædo suprâ
c. 7. dixit medium, per quod immu-
tatur visus, esse aerem, & aquam,
medium verò, per quod immuta-

tur auditus, esse aerem, non sentit
sonum nõ posse diffundi per aquam,
sed aerem esse medium longè ap-
tius, quàm aquam.

Addit, intra auditum nostrum esse
aerem quemdam immobilẽ, vt
auditus audiat omnes differentias
soni, dicitque inter sonos dari quæ-
dam sonum grauem, aliũ verò acu-
tum: sonus acutus, inquit, est, qui in
breui tempore multum mouet sen-
sum, grauis verò, qui in multo tem-
pore paucum mouet auditum. Tã-
dem agit de voce, dicens, quòd vox
est sonus factus ab animali, media
respiratione causata à pulmone, cū
intentione aliquid significandi: vn-
de ille sonus, per gurgulionẽ emis-
sus vox dicitur, & ita, inquit, pisces
non formant voces, quia: cū ca-
reant pulmone, carent etiam respi-
ratione, & ita non formant vocem,

DISPUTATIO VII. De Auditu.

Merito quidem Aristo. post tra-
ctatum de potentia viliua, de-
inde de auditiva sermonem insti-
tuit, est enim sensus cæteris nobi-
lior, & minus materialis, in cuius
disputatione prius de eius obiecto,
scilicet de sono, quàm de ipsa po-
tentia agendum est, dignoscuntur
enim potentia per obiecta.

Quest. I. Quid sit sonus, & à quo fiat?

DVo inquit questio hæc: alte-
rum est, quid sit sonus, alterum

verò, à quo transferatur: circa primum
 Cardin. Follet. hoc loco refert
 Themistium, & alios Græcos in-
 terpretes, asseruisse, sonum esse mo-
 tum localem in corporis resilientis ex
 percussione corporum se colliden-
 tium, non verò esse qualitatem ali-
 quam. Quæ sententia videtur illi-
 prius habere fundamentum in A-
 risto. hoc capite, dicente, sonum es-
 se istum, & motum corporum se
 collidentium; sentit ergo, sonum
 potius esse motum, quam qualita-
 tem aliquam.

Secundo, quia sonus est quid suc-
 cessivum: patet enim, sonum semel
 factum successivè audiri, per diuer-
 sas partes medijs prius in vna parte,
 quam in alia: ergo sonus potius est
 motus, & quid successivum, quam
 qualitas permanens.

Tertio, quia si sonus est qualitas,
 vel esset qualitas prima, vel secun-
 da: non prima, quia Aristot. 2. de Ge-
 neratione, cap. 1. & 2: tantum enu-
 merat quatuor primas qualitates,
 scilicet, frigus, calorem, humidita-
 tem, & siccitatem: sonus autem nulla
 harum est. Neque etiam est qualita-
 tas secunda, sonus enim non resul-
 tat ex temperamento primarum qua-
 litatum: sed ex vehementi collisio-
 ne corporum: ergo non est qualitas.

Dicendum tamen est, cum com-
 muni Philosophorum sententia,
 sonum esse aliquid diuersum à mo-
 tu locali, scilicet qualitatem quan-
 dam resultantem ex collisione cor-
 porum; quam omnes alij Auctores
 in hoc capite sequuntur. Ratio est

facilis, quia notus, vt supra vidimus,
 est sensibile commune; sonus autem
 est sensibile proprium auditus: ergo
 sonus debet esse qualitas aliqua di-
 uersa à motu spectans peculiariter
 ad auditum.

Secundo, quia potest dari motus
 tam velox, quam tardus sine sonò:
 de tanto patet, nam si corpora sibi
 inuicem lente, per motum localem
 appropinquant, ibi adest motus tar-
 dus, nullus tamen fit sonus. De ve-
 loci probatur, quia si corpus ali-
 quod velociter moueatur, non ta-
 men cum alio collidatur, etiam nul-
 lus fit sonus: ergo sonus nullo mo-
 do est motus localis.

Tertio, quia proprietates soni
 sunt maxime diuersæ à proprietati-
 bus motus localis, sonus enim, vt
 docuit in hoc capite Aristot. dicitur
 gravis, aut acutus; motus verò mi-
 nimè. Præterea motus dicitur ve-
 lox, aut tardus, non verò sonus: ergo
 reuera est qualitas diuersa à motu.

Dico secundo, sonum esse quali-
 tatem quandam primam, eo sensu,
 quo 2. lib. de Generat. diximus, lu-
 men esse primam qualitatem, quia
 non oritur ex commixtione aliarum
 primarum qualitatum: sic ergo, quia
 sonus ex nulla commixtione prima-
 rum qualitatum oritur, reuera est
 qualitas prima, & non secunda: nam
 si ex commixtione primarum qua-
 litatum penderet, non tam citò eua-
 nesceret, imò neque posset tam ve-
 lociter diffundi per medium: nam
 alteratio præuia primarum qualita-
 tum non potest tam velociter fieri.

Nec

Neque obstat Arist. loco citato, tantum enumerasse quatuor primas qualitates: nam, ut eodem loco adnotavi, tantum eo loco agit de primis qualitatibus, quæ disponunt ad omnes eorum omnium generationes, & corruptiones, de qua generatione, & corruptione ibi agere intendit, quæ qualitates solû sunt quatuor illæ primæ connumeratæ ab Aristot. tamen reuerâ aliæ sunt primæ qualitates, ut ibi diximus de lumine, & de impulsu: ad eundem ergo modum sonus est qualitas prima.

Et si inquirat, utrû sonus habeat sub se plures species essentialiter diuersas, partem affirmatiuam videtur indicare Cardin. Toletus hic, quæstione 1. dum probat primam conclusionem. Ego tamen non video sufficiens aliquod fundamentum, ut distinguamus specie vnum sonum ab alio: nam quod sonus sit acutus, aut grauis, profectò solû est differentia accidentalis, secundum maiorem, aut minorem soni intensiorem. Præterea, quod sonus causetur ab hoc, aut illo corpore, non potest variare speciem, sicut impulsus, quod fiat ab hoc corpore, vel illo, non variat naturam, & essentiam impulsus.

Solûm potest hic obijci, nam alia obiecta sensibilia habent sub se varias species, ut color, & sapor; & idem est de qualitatibus tangibilibus: ergo etiam id debet esse in obiecto auditus. Hoc tamen argumentum non cõuincit: nam in alijs ob-

iectis, verbi gratia, in coloribus est sufficiens temperamentum ad colligendam diuersitatem essentialem inter illos: requirunt enim diuersi colores diuersum temperamentum primarum qualitatum, habentque proprietates diuersæ rationis: albû enim disgregat visum, &c. n. hil verò horum inuenimus in sonis, & ita non est cur distinguamus specie vnum sonum ab alio. Et hinc vltèrius fit, potentiam audituiam solû habere vnum actum secundum speciem, quia tantum habet vnicum obiectum secundum speciem infimam; quod tamen non contingit in alijs sensibus, quia habent obiecta specie diuersa sub suo obiecto adæquato, ut patebit discurreti per singula.

Ad argumentum contrariæ sententiæ respondetur. Ad primum, propositionem illam, scilicet, solus est motus corporum collidentium, intelligendum esse in sensu causali, id est, qui causatur ex motu corporum se collidentium, ut statim dicam: vnde quemadmodum nomen, impulsus, quamuis reuertâ significet qualitatem causatam ex actione impellendi, tamen etiam aliquando significat motum collisionis, ex quo resultat qualitas, quæ est sonus.

Ad secundam, solûm probari, sonum successiue diffundi per partes medijs, ut mirâ explicabo, non tamen quod sit motus localis successiue. Tandem ad tertiam patet solutio ex dictis.

I v Circa

ducitur in tempore ergo pars soni fit in parte temporis, & indiuisibile soni, in indiuisibili temporis, debet enim esse proportio inter partes termini, & temporis, vt dicebam 6. lib. Physicor. ergo iam auditus audiret in parte temporis partem diuisibilem soni, & in instanti indiuisibile soni, atque adeo posset optime discernere inter partem, & indiuisibile. Respondetur negando consequentiam: nam sicut visus, quamuis, vt diximus, videat partes, & indiuisibilia coloris, hoc tamen adeo est confuse, & inuoluntè, vt non discernat inter illa, idem est de indiuisibilibus, & partibus soni.

Et si adhuc istos, esse diuersam rationem: nam visus simul tempore videt partem, & indiuisibilia coloris; at vero auditus percipit indiuisibile post partem, quia producit in tempore successiuo, in quo instans est post partem temporis, & ita necessario debet discernere inter indiuisibile, & partem. Respondetur tamen; quod quemadmodum visus, licet simul percipiat partem, & indiuisibile coloris, tamen distantiam illam, quia punctum est ex parte, non percipit, quia vnum est immediate post aliud, estque restum exigua, vt non possit a sensu cognoſci. Sic etiam quid simile intelligendum est in ordine ad distantiam durationis indiuisibilis soni, & partis: sunt enim hæc, adeo inter se immedata, & coniuncta, & indiuisibile est res ita

minima, vt non possit res hæc discerni ab auditu. Vel secundò, & facilius dici potest ad hæc omnia, sonum non esse qualitatem successiuam, vt motus, licet successiue produci possit, & ita adhuc in hoc instanti durat: pars in præcedenti tempore producta, & ita totum illud auditur, non vero indiuisibile soni præcisè.

Dico secundò in hac questione, sonum etiam posse produci in instanti, scilicet quando contactus corporum se collidentium, per instans tantum durat, ad modum quo 8. Physicorum dicebam, dici posse produci in instanti. Et probatur, quia sonus resultat ex collisione corporum, illa autem collisio, cum sit motus localis, quo vehementi impetu sibi inuicem appropinquant, finitur in instanti extrinseco, in quo desinit motus ille, in quo instanti est iam contactus: ergo poterit tunc resultare sonus in parte aeris collisa, præsertim cum sonus non habeat contrariam qualitatem resistentem, ne produceretur in illo instanti contactus.

Circa motum autem, quo sonus corrumpitur, certum est in primis, sonum non corrumpi a contrario, nullam enim inuenies qualitatem soni contrariam. Quod si dicatur, vnum sonum contrarium alteri, & ita ab illo corrumpi, falsum est omnino, cum vnus sonus, vt videmus, non differat specie ab alio: & si id daremus, necessarium esset ad corruptionem vnus soni, a lumine alium

Nobis tamen dicendum est, sonum esse qualitatem habentem latitudinem intensiōis & remissionis, idque non leuiter ex eo colligi potest, quod idem numero sonus causatus ex pulsatione cymbali, in principio intēsē a nobis audiatur, in fine verō idem sonus tinniens remissē audiatur, quod indicat sonum ipsum in principio intēsū fuisse, postea verō paulatim lāguescere.

Circa secundum, quod inquit quæstio, scilicet in quo subiecto sit sonus, communis omnium sententia admittit, sonum subiectari ad minus in parte resiliente ex collisione corporum. Ratio est, quia corpus resilens ex collisione corporū ducrum est rarum, ita vt facile per illam collisionem cogatur resilire, & velati dissipetur, & ita magis aptū est ad recipiendum sonum, quā corpora ipsa dura: imō hac ratione experimur partes aeris vento agitatae, nullo alio interueniente corpore, sonum efficere, in quantum quædam fortiter pellunt alias, & eas veluti percutiunt.

Maiorem tamen habet difficultatem, vtrum etiam sonus recipiatur in corporibus sonantibus, & se collidentibus. Partem affirmatiuam satis tenet Vega libro 1. de arte mēdendi: idque docuere antea nonnulli ex antiquis philosophis, quos refert Apollinarius. Cuius sententiæ fundamentum est, quia si post pulsationem cymbali, ex quo sonus resaltauit manu cymbalum apprehē-

das, impeditur sonus, vt patet experientia: signum ergo est ibi subiectari sonum: ergo sonus etiā subiectatur in corporibus se collidentibus. Probabilius tamen existimo, sonū non subiectari in corporibus se collidentibus: idque docuit D. Thomas & Auerroes hoc loco, & Cardinal. Toletus quæst. 20. nec displicet omnino eius ratio. Inquit enim, quod sonus, si est subiectinē in corporibus se collidentibus, cum non sit maior ratio quare sit in vno, quā in alio, deberet esse in vtroque: & ita cum sit duplex corpus, esset duplex sonus ex quo, inquit, vltcrius fieret numquam a nobis vnicum tantum sonum audiri, sed duplicem.

Respondent quidam, quod quāuis illi duo soni sint duo in esse soni, tamen sunt duo in esse audibilis. Exemplum esse potest, quādo duo canentes, voces æquē prorsus intēsās emittūt, vbi tantum videtur audiri vnica vox, cum reuera sint duo: tamen contrā est, quod cum corpora sonantia non possint adeō mathematicē æqualia constitui, vt in duratione & soliditate sint prorsus æqualia; necessariō si sonus subiectatur in illis, non potest ita indiuisibiliter esse æqualis, quod vnus nō excedat alium: vnde iā audirentur duo soni, & excessus vnus supra alium perciperetur.

Secundō probatur, quia cum pars resilientis sit sufficiens subiectum soni, & ex illa possit intentionaliter diffundi per totum medium, nō est cur dicamus sonū realem subiectari

in

in corporibus se collidentibus, quæ dura nimis sunt. Præsertim cum ratio in contrarium adducta non cõuincat oppositum: nam quod cymbalum tinniens manu apprehensum, faciat sonum deficere, non fit ex eo, quod talis sonus subiectetur in partibus solidis cymbali: sed ex eo quod in aere contento intra poros cymbali sonus aliquis subiectetur.

Deinde examinandum restat, quod sit medium aptum ad recipiendum sonum, & conueniunt omnes, tam aerem, quàm aquam esse medium aptum ad recipiendam speciem intentionalem soni: constat enim, nos in aere existentes audire sonum, & pisces sub aqua existentes audire voces piscatorum; & ita, ut refert Arist. de hist. animal. piscatores dum pergunt ad capiendos pisces, voces non emittunt, ne ab illis audiantur: hac etiam ratione narrat Plin. lib. 1. cap. 7. fuisse quosdam pisces in stagnis Cæsaris, qui proprio vocati nomine statim veniebant.

Secundò, certum debet esse, aerem esse subiectum capax ad recipiendum sonum realem, & non solum speciem soni, est enim valde rarum, & facile refrangitur, ac resilit. De aqua verò nonnulli dubitant: sed mihi videtur res certa: nam experientia patet, quod si homo sub aqua existens lapides inter se vehementi impetu tangat, exterius in aere auditur sonus factus sub aqua: est ergo aqua subiectum aptum ad recipiendum sonum. Ratio verò à

priori est, quia licet aqua non sit ita tenuis, ac rara, sicut aer, tamè reuerà rara est, & ita non est prorsus incapax ad recipiendum sonum realem.

Addo ultimò, quod licet corpora solida non sint capacia ad recipiendum sonum realem, tamen possunt recipere speciem intentionalem soni: patet enim, quod si quis intra cubiculum clausum loquatur, alius in alio cubiculo existens audit sonum, quod aperte indicat, speciem intentionalem soni pertransisse solidum parietem, per omnes eius partes, & non tantum secundum partes porosas aere plenas.

Quæstio III. Vtrum sonus perveniat usque ad auditum secundum esse reale, vel secundum esse intentionale?

Sensus quæstionis facilis videtur, id enim querimus, an sonus realis causatus ex percussione corporum perveniat usque ad auditum nostrum, vel potius audiatur sonus, per speciem intentionalem usque ad auditum pervenientem. In qua re prima sententia est asserentium sonum semper pervenire usque ad auditum secundum esse reale. Docuit Avicen. lib. 6. de auditu, Aegidius hoc lib. text. 84.

Secunda verò sententia huic extreme opposita asserit, sonum nunquam pervenire usque ad auditum, secundum esse reale, nisi tantum per speciem intentionalem. Sic tenet

Card.

Cardin. Tolet. hic quæst. 21. Nobis tamen media via incedendum est: potest enim sonus ita propè auditum causari, ut simul cum parte resilienti in qua subiectatur, perveniat usque ad auditum nostrum; ut per se patet. Vtrum verò sonus ille realis ad auditum perveniens, debeat producere intentionalem speciem, ut audiri possit, vel potius per se ipsum supra sensum positum possit sentiri, pendet ex quæstione illa vtrum aliquando sensibile positum supra sensum possit sentiri, vel potius necessarium sit semper medium aliquod, per quod distindatur species intentionales obiecti: de quo dicam infra, cap. 12. huius libri.

Dico tamen secundò, ut in plurimum, sonum non pervenire usque ad auditum secundum esse reale: sed solum per speciem intentionalem sui. Est communis sententia, quam D. Thom. Caietan. & alij hoc loco communiter sequuntur, & videtur satis rationi consentaneum: nam incredibile est, parvam particulam aeris resilientem ex percussione, in qua particula subiectatur sonus realis, pervenire ad longam illam distantiam, in qua auditur sonus, & per singulas audientium aures diffugari, præsertim cum flante vento in contrariam partem, nihilominus ad aliquam distantiam audiat sonus.

Et si respondeas, sonum illum realem subiectatum in parte resilienti, non pervenire per se ipsum ad auditum, producere tamè alium

sonum realem in medio sibi contiguo, & sic secundum esse reale distindui usque ad auditum. Cetera est, quòd sonus non potest prodici cessante percussione corporum, est enim actio illa conditio quædam prorsus necessaria ad productionem soni: non secus quàm actio impellendi est omnino necessaria, ut producat impulsus: ergo cessante iam prima collisione, ex qua in parte resilienti resultat sonus, non potest ibi distindui alius sonus realis per medium.

Dico tertio, sonum in instanti producere speciem intentionalem sui in tota sua sphaera actiuitatis. Ratio est, quia, ut supra dixi, species intentionales nullum habent contrarium, quòd productioni illatum resistere possit, & ita producuntur in instanti: ergo in eo instanti, in quo est sonus, cum iam adsit obiectum productivum specierum, debent species soni in tota illa sphaera produci.

Potest tamen obijci contra hanc sententiam: nam si in eo instanti, in quo primo incipit esse sonus, producit species intentionales per medium: ergo in illo instanti, in quo fit, debet audiri medijs illis speciebus productis: consequens autem est contra experientiam: nam si videamus hominem à longè percutientem lapidem, prius videmus ictum, quàm audiamus sonum, quòd apertè probat, prius fuisse productum sonum ex tali ictu, quàm audiat sonus.

Ref.

Respondetur tamen rem hâc explicandam esse exemplo de lumine a nobis adducto in lib. Physicorum: nam luminosum, verbi gratia sol, in primo instanti quo creatus fuit, produxit lumen in prima sphaera lux actiuitatis: tamen in partibus sequentibus successiue, quia per motum localem successiue fuit illi applicatus: sic etiâ sonus in prima sua sphaera producit species intentionales in instanti; & ita si aliquis in spatio propinquo existat, simul quod videtur, audit sonum: si tamen sit extra primam sphaeram soni, prius videtur, quàm audiat sonum, quia sonus delatus in parte aeris resilientis successiue applicatur alijs: atque alijs partibus ultra primam sphaeram: & ita in illis successiue producuntur species soni; & hinc est, quod prius videatur repercussio corporum: quàm audiat sonus, quando sit à longa distantia.

Hinc obiter intelligitur, quare sit causa, quare prius videatur à nobis lux fulminis, quàm audiat tonitruum, cum tamen euidens sit prius fieri tonitruum, quàm producat in aere lumen fulminis: nam cum fulmen intra nubem solidam contentum, non possit in aere producere lumen, nisi exeat extra lumen; ideò quia exit ab illa, illa rumpendo, quare ruptio est tonitruus, euidens est, prius fieri tonitruum, quàm luceat fulmen tamè prius nos videmus tale lumen, quàm audiamus tonitruum. Ratio, inquam, huius est, quia in instanti lumen producitur per totum

aerem vsque ad nostrum visum: habet enim sphaeram actiuitatis longè magis latam, quàm sonus: cum experiamur nos à longissima distantia videre obiecta, cum tamen sonum in ea distantia non audiamus: quia ergo sonus ille realis causatus ex repercussione facta in nube, opus est per motum localem ad nos aliquantulum accedat, ut sphaera actiuitatis illius vsque ad nos pertingat, ideo quia mouetur simul cum parte resilienti, in qua subiectatur licet motus localis, quo mouetur, successiue fit: ita species intentionales ab illo productæ, successiue vsque ad nos perueniunt, & ita post factum sonum tonitru, transacto tempore aliquo, auditur à nobis; lumen verò fulminis in instanti vsque ad nos peruenit: atque adeò prius videtur lumen, quàm audiat tonitruus.

Ex dictis etiam solui potest alia dubitatio, quare scilicet, quando plures simploquantur, voces singulorum minus perfecte audiantur: nam præter rationem illam generalem, *Quia pluribus in: è: us minor est ad singula sensus*, eò quod est virtus finita & limitata; est etiam alia peculiaris ratio, quia scilicet particule aeris ex illis varijs percussionebus resilientes sese mutuò obuiantes impediunt, ne sonus realis in illis existens ita bene diffundatur per mediū, & ita parte aliqua distant, prope quā alias accederet sonus ille, non producuntur tam intensæ species intentionales.

Tandem ex dictis etiam intelligitur, quare flante vento minus perfecte

rectè audiat sonus, quia scilicet ventus secum deferens aerem resilientem, per consequens secum deferret sonum, & ita versus illam partem rectè audiat sonus, non tamè versus contrariam.

Quest. IIII. Quomodo fiat Echo.

ECho, vt optimè docuit Plato in Phædone, nihil aliud est, quàm sonus reflexus à loco cōcauo, quod qua ratione fiat, non caret sua difficultate. Quidam enim Philosophi, quos retet Iandunus hoc loco, asserunt, Echo esse sonum specie diuersum à priori sono, à quo causatur. Quæ sententia meritò ab omnibus rejicitur, nam in Echo auditur sonus omnino similis priori, ita vt eadem prorsus videatur vox: non ergo est cur dicamus, sonum illum specie differre à priori.

Alij verò dixerunt, Echo non differre specie à priori sono, fieri tamen secundum reflexionem realem soni, & non per reflexionem specierum intensionalium soni. Tenet Philoponus hoc loco, Albert. tract. 3. c. 19. & Card. Toletus hic, videturque habere fundamentum in Arist. hoc capite, vbi ait: *Fit autem Echo, sonitus, inquamus, qui post sonum resultat cum aere factus vnus ob vas, vel locum, qui traxit ipsum, atque dissolui prohibuit, unde resilit veluti pila repulsus*: quibus verbis significari videtur, sonum realem simul cum parte aeris, in qua subiectatur, deferri vsque ad locum cōcauum,

in quo fit reflexio, indeque quasi pitam resiliere.

Et ratione probari potest eadem sententia, nam species intensionales non solum repræsentant obiectum, sed præsentia, quam habet obiectum in tali, vel tali loco, hac enim ratione per speciem visibilem, qua videmus colorem, cognoscimus etiam præsentia coloris, in tali vel tali loco, sed quando auditur Echo, non auditur in distàtia, in qua factus est primus sonus, sed apparet alia noua vox de nouo formata in loco illo cōcauo, in quo formatur Echo: ergo Echo non fit per reflexionem specierum intensionalium, sed per reflexionem soni realis.

Nihilominus, dicendum existimo, Echo non fieri per reflexionem soni realis, sed potius per reflexionem specierum soni. Tenet Buridanus hic q. 21. Apollinarius q. 24. subtilis disputator Molin. l. p. q. 55. disp. 2. & oppositum mihi factus est incredibile: nam Echo sæpe fit in corpore cōcauo, quàm maxime distanti; sed impolsibile est, tam breui tempore partem aeris resilientem, in qua subiectatur sonus, ad illum locum peruenire, & inde iterum ad auditum reuerti, præsertim cum adhuc flante vento in contrariam partem fiat Echo: ergo incredibile est, Echo fieri per reflexionem soni realis. Omitto hac in re nonnullas alias rationes, quæ ad hanc sententiam probandam à quibusdam adducuntur, non multum efficaces, neque enim est opus, sin-

gulas rationes refellere.

Ad argumenta autem contrarię sententię respondetur. Ad primũ, Aristotelem potius indicare nostrā sententiam illis verbis (*Sonitus, inquam, is, qui post sonum resultat*) vbi videtur asserere, non esse vnum sonum reflexum, sed aliquid resultās ex primo sono: hoc autem resultās per speciem intentionalem fit, illa autem resultantia aeris ab eo concauo, quam Aristot. ponit, non est simpliciter necessaria.

Ad secundum respondetur, species intentionales soni eam habere naturam, vt non tam exactē representent præsentiam, aut distantiam obiecti, licet species visibiles: quando enim obiectum longē videmus per speciem visibilem, et tamen representatur distantia obiecti, id est, præsentia in loco distant, id tamen minus perfectē habent species soni. Si enim vocem aliquam à longe audias, licet fortasse percipias confuse nimis ex qua parte perueniat sonus, situm tamen, vbi formatus sit talis sonus, non cognosces, & quid simile experimur in speciebus odoris, per illas enim, non nisi nimis confuse, aut fortasse per discursum, percipies situm obiecti odorabilis, nihil ergo mirum, si in reflexione facta in Echo species intentionales soni, tum propter imperfecta naturam naturam, tum etiam propter distantiam non representant distantiam soni: imò similem defectum experimur in reflexione specierum visibilium, cum enim te ipsum

aspecias, faciem contra positam videris, ita vt pars dextra in figura illa sit sinistra, & e contra, quia apparet tibi quasi nouum quoddam obiectum: nihil ergo mirum, quod in reflexione facta in Echo appareat quasi noua vox.

Ex dictis etiam facile potest solui dubium, quod tractat Aristot. libro de sensu, & sensibili cap. 7. an scilicet idem sonus possit à pluribus audiri, nam cum in nostra sententia percipitur per speciem intentionalem sui, non est opus; sonum realem per singulas aures diuulgari, sed per speciem intentionalem, in medio diffusam à singulis auditur.

Quest. V. Quid sit organum auditus.

IN aures præter externam auriculam eo sine à natura datam, ne exterior aer tam facile auditum ingredi possit, datur quædam cauitas habens anfractus, vt in illis aer externus confractus, ne tam facile ad profundum illius cauitatis peruenire possit, datur etiam in profundo illius cauitatis substantia quædam subtilis, ac spumosa, quæ aer animatus appellari solet, ac perinde longe diuersę naturæ est ab exteriori aere inanimato: datur etiam nervus quidam à cerebro versus auditum procedens, per quem cerebrum communicat auditui spiritus vitalis ad sensationem requisitos, qui nervus est coopertus quadam tunica, quæ dicitur membrana.

Cum

Communis ergo sententia est, potentiam auditivam subiectari in aere illo animato, nam nervus ille potius videtur à natura datus, ut sit medium, per quod spiritus vitales descendant à cerebro ad auditum, quam ut sit organum potentiae auditivæ: tum etiam, quia substantia illa spumosa subtilis nimis apta est ad recipiendas species intentionales soni, quibus audire possit, & ita magis videtur consentaneum, potentiam auditivam in tali aere animato residere: loquor tamen, ut in plurimum, nam, ut Aristotel. 2. de partibus animalium cap. 12. & c. 8. docet, in quibusdam animalibus organum auditus est in medio corporis inter anfractus quosdam & iuxta dictam sententiam facile conciliantur duo loca Arist. quæ aliàs videbantur contraria, nam in hoc c. tex. 83. dicit, organum auditus esse immobile, cum tamen tex. 82. dixisset aerem intra autem contentum semper moveri, primum enim intelligendum est de aere animato hic enim immobilis est: secundum verò intelligendum est, de alio aere elementalī, & inanimato intra aurem existente, vel, ut alij volunt, intelligendum est de motione intentionali: semper enim immutatur recipiendo species soni. Verum est, aerem illum animatum aliquando moveri posse ex prava dispositione, & morbo, qua ratione sæpe infirmi internum sentiunt tinnitum. Et hæc de hoc capite.

Cap. IX. De olfactu.

In hoc capite agit Aristot. de Olfactu, explicans breviter, quod sit obiectum, medium, & subiectum illius. Primum tamen proponit huius rei difficultatem, quod cum homo habeat olfactum imperfectiorem omnibus animalibus, nam sicut homo superat tactu omnia animalia, ita superatur ab illis in olfactu: ideo difficile esse vobis iudicare de hac re docet: dicit tamen, nos de hac re ex eo coniectari posse: nam olfactus datus est à natura animalibus propter gustum: animalia enim per olfactum iudicant, quæ alimenta sint sibi convenientia, homo autem superat reliqua animalia in gustu, eo quod gustus est quidam tactus, homo autem superat reliqua animalia in tactu, & hac ratione adhuc inter homines, illi inquit, qui sunt molles carne, & habent meliorem tactum, & etiam sunt magis ingeniosi illi verò, qui habent carnes duras, sunt hebetes ingenio. Dicit ergo, quod sicut inter sapores quidam sunt dulces, alij amari, ita inter odores, quidam sunt dulces, id est, delectabiles, alij verò amari, id est, disconvenientes. Deinde dicit, medium, per quod olfactus immutatur, esse aerem, & patet, de aqua vobis ob experientia, pisces enim magna distantia olfaciunt cibos, & ita ad illos capiendos perveniunt.

Docet præterea, quod sit subiectum

Et uolfaſtus, dicens, ſentum hunc, tam reperiri in animantibus reſpirantibus, quàm in non reſpirantibus, ut patet de priſcis: tandem dicit, quòd ſicut organum guſtus requirit temperamentum, in quo ſit abundantia humiditatis, lingua enim nimis ſicca perfectè minùs percipit ſapores, ut patet in infirmis; ita è contra ac organum olfactus requiritur abundantia ſiccitatis.

DISPUTATIO VIII.

De Olfactu.

Post auditum meritò agit Ariſt. de Olfactu, eſt enim præſtatio ſenſus, quàm guſtus, & tactus: tum quia minùs materialis eſt, tum etià, quia ad longiorem diſtantià percipit ſuò obiectum: nam guſtus & tactus requirunt maiore appropinquatione in ſuo obiecto, quàm olfactus.

Quæſt. I. Quid ſit odor?

De natura odoris variè ſenſerunt antiqui Philoſophi, Heraclitus enim, ut reſert Ariſt. de ſenſu & ſenſibili cap. 5. exiſtimavit, odorem eſſe vaporem quemdam, ſeu exhalationem emiſſam à corpore odorifero, nec videtur carere ſuo fundamento; hac enim ratione experimur corpora odorifera ſucceſſu temporis minorem longè odorem habere, quàm in principio: ſignum ergo eſt, mittere ex ſe vapores, & exhalationes odoriferas, do-

nec tandem totus illorum odor conſumatur. Auice. verò lib. 6. naturalium quæſtionum. 2. par. cap. de odore, aſſeruit eſſe humidum quemdam ſpiritum.

Tamen dico primò, odorem non eſſe vaporem, exhalationem, aut aliquid aliud ſubſtantiale, ſed potiùs qualitatem quamdà. Eſt communis Philoſophorum ſententia in hoc capite. Cuius ratio eſt, quia, ut Ariſt. docuit cap. 6. huius libr. ſubſtantia non eſt aliquid ſenſibile per ſe, ſed per accidens, ſcilicet per accidentia illi ſuperaddita, ſed odor eſt aliquid ſenſibile per ſe, & ſpectans per ſe ad olfactum: ergo non poteſt eſſe vapor, aut exhalatio aliqua, iſta enim ſunt ſubſtantia quædam tenues.

Secundò, quia. viſus & auditus ſunt longè perfectiores ſenſus, quàm olfactus, ſed obiectum viſus, & auditus, non eſt ſubſtantia aliqua, ſed qualitas: ergo obiectum olfactus, non debet eſſe ſubſtantia aliqua, ſed qualitas, ut patet de omnibus alijs ſenſibus.

Dico ſecundò, odorem eſſe qualitatem ſecundam, ortam ex certo temperamento primarum qualitatum: quam conſuſionem docuit Ariſt. cap. 5. citato de ſenſu & ſenſibili. Albertus ſumma de homine tractatu de olfactu q. 9. & communiter Interpretes hoc loco. Cuius rei argumentum eſt inprimis, quòd in corporibus ſimplicibus, qualia ſunt elementa, ſi in ſua naturali diſpoſitione exiſtant, nullum

expe.

experimur odorem, quod non nihil indicat, odores requirere temperamentum primarium qualitatum, quale reperitur in mixtis: imò experimur, in mixtis reperiri varios odores, iuxta diuersum temperamentum illorum: ergo odor est qualitas secunda.

Addo præterea, odorem requirere tale temperamentum primarium qualitatum, in quo calor, & siccitas excedant alias qualitates, experimur enim, fumum odoriferum sursum ascendere, quasi ignis naturam gerentem, & hac ratione corpora odorifera si calefiant, melius emittunt odorem, qualiter etiam experimur, quod si res odorifera nimis humectetur, non emitit odorem: requirit ergo odor prædominium caloris, & siccitatis.

Et si obijcias, nam experimur, incipiente pluvia terram odorem quemdam mittere: potius ergo requiritur ad odorem humiditas, quàm siccitas. Respondetur tamen, potius ex prædicta sententia efficaciter probari nostram sententiam: nam quando pluvia incipit, quia adhuc siccitas terræ superat humiditatem, emittit terra odorem, deinde verò dum pluvia continuatur, quia iam non superat siccitas, desinit esse talis odor: signum ergo est; ad odorem requiri prædominium siccitatis, licet requiratur aliqualis humiditas.

Dico tertio, odorem non esse aliquam speciem infimam: sed habere sub se varias species: experimur enim in odoribus propriætates

maximè diuersas, secundum quas longè diuersimodè immutatur olfactum: tum etiam, quia non omnes odores requirunt idem temperamentum: sed diuersum.

Tandem, ultimo dicendum est, odorem non esse qualitatem productiuam sui similis, quamuis producat species intentionales. Ratio est generalis de omnibus secundis qualitatibus, ex quibus nulla producit alteram sibi similem, ut patet de colore, grauitate, &c. Et ratio à priori assignari potest, quia omnis qualitas secunda necessariò requirit temperamentum primarium qualitatum: sed quatuor primæ qualitates à nulla qualitate secunda possunt produci, ut patet de colore, & alijs: ergo odor, & aliæ qualitates secundæ non sunt productivæ sui similis.

Solum ergo potest hoc loco obijci, nam si corpora ex se nullum habentia odorem apponantur iuxta corpus odoriferum, etiam talia corpora odorifera euadunt: ergo odor est productiuus sui similis. Respondetur, ibi nullum odorem produci: fiunt tamen talia corpora odorifera, hoc modo: nam exhalationes illæ odoriferæ, quæ exeunt à corpore odorifero, dum intra poros alterius corporis continentur, emittunt species intentionales sui, & ita tale corpus apparet odoriferum propter exhalationes, quas habet in poris inclusas.

Superfunt tamen hoc loco duæ dubitationes. Prima est, utrū odor

K ij sic

in corporibus se collidentibus, quæ dura nimis sunt. Præsertim cum ratio in contrarium adducta non cōvincat oppositum: nam quod cymbalum tinniens manu apprehensum, faciat sonum deficere, non fit ex eo, quod talis sonus subiectetur in partibus solidis cymbali: sed ex eo quod in aere contento intra poros cymbali sonus aliquis subiectetur.

Deinde, examinandum restat, quod sit medium aptum ad recipiendum sonum, & concipiunt omnes, tam aerem, quam aquam esse medium aptum ad recipiendam speciem intentionalem soni: constat enim, nos in aere existentes audire sonum, & pisces sub aqua existentes audire voces piscatorum, & ita, ut refert Arist. de hist. animal. piscatores dum pergunt ad capiendos pisces, voces non emittunt, ne ab illis audiantur: hac etiam ratione narrat Plin. lib. 1. cap. 7. fuisse quosdam pisces in stagnis Cæsaris, qui proprio vocati nomine statim veniebant.

Secundo, certum debet esse, aerem esse subiectum capax ad recipiendum sonum realem, & non solum speciem soni, est enim valde rarum, & facile refrangitur, ac resilit. De aqua verò nonnulli dubitant: sed mihi videtur res certa: nam experientia patet, quod si homo sub aqua existens lapides inter se vehementi impetu tangat, exterius in aere auditur sonus factus sub aqua: est ergo aqua subiectum aptum ad recipiendum sonum. Ratio verò à

priori est, quia licet aqua non sit ita tenuis, ac rara, sicut aer, tamē reuera rara est, & ita non est prorsus incapax ad recipiendum sonum realem.

Addo ultimum, quod licet corpora solida non sint capacia ad recipiendum sonum realem, tamen possunt recipere speciem intentionalem soni: patet enim, quod si quis intra cubiculum clausum loquatur, alius in alio cubiculo existens audit sonum, quod aperte indicat, speciem intentionalem soni pertransisse solidum parietem, per omnes eius partes, & non tantum secundum partes porosas aere plenas.

Questio III. Vtrum sonus perveniat usque ad auditum secundum esse reale, vel secundum esse intentionale?

Sensus questionis facili videtur, si enim querimus, an sonus realis causatus ex percussione corporum perveniat usque ad auditum nostrum, vel potius audiatur sonus, per speciem intentionalem usque ad auditum pervenientem. In qua re prima sententia est asserentium sonum semper pervenire usque ad auditum secundum esse reale. Docuit Avicenna lib. 6. de auditu, Aegidius hoc lib. text. 84.

Secunda verò sententia huic extreme opposita asserit, sonum nunquam pervenire usque ad auditum, secundum esse reale, nisi tantum per speciem intentionalem. Sic tenet

Card.

Cardin. Tolet. hic quæst. 2. 1. Nobis tamen media via incedendum est: potest enim sonus ita propè auditum causari, vt simul cum parte resilienti in qua subiectatur, perueniat vsque ad auditum nostrum, vt per se patet. Vtrum verò sonus ille realis ad auditum perueniens, debeat producere intentionalem speciem, vt audiri possit, vel potius per se ipsum supralensum positum possit sentiri, pendet ex quæstione illa vtrum aliquando sensibile positum supra sensum possit sentiri, vel potius necessarium sit semper in d. u. aliquod, per quod distindatur species intentionales obiecti: de quo dicam infra, cap. 12. huius libri.

Dico tamen secundò, vt in phisicis, sonum non peruenire vsque ad auditum secundum esse reale: sed solum per speciem intentionalem sui. Est communis sententia, quam D. Thom. Caietan. & alij hoc loco communiter sequuntur, & videtur satis rationi consentaneum: nam incredibile est, parvam particulam aeris resilientem ex percussione, in qua particula subiectatur sonus realis, peruenire ad longam illam distantiam, in qua auditur sonus, & per singulas audientium aures diuagari, præsertim cum stante vento in contrariam partem, nihilominus ad aliquam distantiam audiat sonus.

Et si respondeas, sonum illum realem subiectatum in parte resilienti, non peruenire per se ipsum ad auditum, producere tamè alium

sonum realem in medio sibi contiguo, & sic secundum esse reale distindij vsque ad auditum. Cetera est, quòd sonus nò potest produci cessante percussione corporum, est enim actio illa conditio quædam prorsus necessaria ad productionem soni: non secus quàm actio impellendi est omnino necessaria, vt producat impellus: ergo cessante iam prima collisione, ex qua in parte resilienti resaltauit sonus, non potest ibi distindij alius sonus realis per medium.

Dico tertio, sonum in instanti producere speciem intentionalem sui in tota sua sphaera actiuitatis. Ratio est, quia, vt supra dixi, species intentionales nullum habent contrarium, quòd productioni illarum resistere possit, & ita producuntur in instanti: ergo in eo instanti, in quo est sonus, cum iam adsit obiectum productiuum specierum, debent species soni in tota illa sphaera produci.

Potest tamen obijci contra hanc sententiam: nam si in eo instanti, in quo primò incipit esse sonus, producit species intentionales per medium: ergo in illo instanti, in quo fit, debet audiri medijs illis speciebus productis: consensuens autem est contra experientiam: nam si videamus hominem à longè percutientem lapidem, prius videmus ictum, quàm audiamus sonum, quod apertè probat, prius fuisse productum sonum ex tali ictu, quàm audiat sonus.

Ref.

Respondetur tamen rem hanc explicandam esse exemplo de lumine a nobis adducto in lib. Physicorum: nam luminosum, verbi gratia sol, in primo instanti quo creatus fuit, produxit lumen in prima sphaera suae actiuitatis: tamen in partibus sequentibus successiue, quia per motum localem successiuum fuit illi applicatus: sic etiam sonus in prima sua sphaera producit species intentionales in instanti; & ita si aliquis in spatio propinquo existat, simul quoddam videtur, audit sonum: si tamen sit extra primam sphaeram soni, prius videtur, quam audiat sonum, quia sonus de iure in parte aeris resilientis successiue applicatur alijs atque alijs partibus ultra primam sphaeram: & ita in illis successiue producuntur species soni; & hinc est, quod prius videatur repercussio corporum; quam audiri sonus, quando sit a longa distantia.

Hinc obiter intelligitur, quare sit causa, quare prius videatur a nobis lux fulminis, quam audiat tonitruum, cum tamen euidens sit prius fieri tonitruum, quam producatur in aere lumen fulminis: nam cum fulmen intra nubem solidam contentum, non possit in aere producere lumen, nisi exeat extra lumen; ideo quia exit ab illa, illa rumpendo, quare ruptio est tonitruus, euidens est, prius fieri tonitruum, quam luceat fulmen tamen prius nos videmus tale lumen, quam audiamus tonitruum. Ratio, inquam, huius est, quia in instanti lumen producitur per totum

aerem usque ad nostrum visum: habet enim sphaeram actiuitatis longe magis latam, quam sonus: cum experiamur nos a longissima distantia videre obiecta, cum tamen sonum in ea distantia non audiamus: quia ergo sonus ille realis causatus ex repercussione facta in nube, opus est per motum localem ad nos aliquantulum accedat, ut sphaera actiuitatis illius usque ad nos pertingat, ideo quia mouetur simul cum parte resilienti, in qua subiectatur sicut motus localis, quo mouetur, successiue fit ita species intentionales ab illo productae, successiue usque ad nos perueniunt, & ita post factum sonum tonitru, transacto tempore aliquo, auditur a nobis; lumen vero fulminis in instanti usque ad nos peruenit atque adeo prius videtur lumen, quam audiat tonitruus.

Ex dictis etiam solui potest alia dubitatio, quare scilicet, quando plures simplice loquuntur, voces singulorum minus perfecte audiantur: nam praeter rationem illam generalem, *Quia pluribus in eis minor est ad singula sensus*, eo quod est virtus finita & limitata; est etiam alia peculiaris ratio, quia scilicet particulae aeris ex illis varijs percussionebus resilientes sese mutuo obuiantes impediunt, ne sonus realis in illis existens ita bene diffundatur per medium, & ita parte aliqua distant, prope quam alias accederet sonus ille, non producuntur tam intensae species intentionales.

Tandem ex dictis etiam intelligitur, quare flante vento minus perfecte

rectè audiat sonus, quia scilicet ventus secum deferens aerem resilientem, per consequens secum defert sonum, & ita versus illam partem rectè audiat sonus, non tamè versus contrariam.

Quæst. IIII. Quomodo fiat Echo.

Echo, ut optimè docuit Plato in Phædone, nihil aliud est, quàm sonus reflexus à loco concavo, quod qua ratione fiat, non caret sua difficultate. Quidam enim Philosophi, quos reteret Iandinus hoc loco, asserunt, Echo esse sonum specie diuersum à priori sono, à quo causatur. Quæ sententia meritò ab omnibus rejicitur, nam in Echo auditur sonus omnino similis priori, ita ut eadem prorsus videatur vox: non ergo est cur dicamus, sonum illum specie differre à priori.

Alij verò dixerunt, Echo non differre specie à priori sono, fieri tamen secundum reflexionem realem soni, & non per reflexionem specierum intentionaliū soni. Tenet Philoponus hoc loco, Albert. tract. 3. c. 19. & Card. Toletus hic, videturque habere fundamentum in Arist. hoc capite, ubi ait: *Fit autem Echo, sonitus, inquam, qui post sonum resultat cum aere factus vnus ob vas, vel locum, qui traxit ipsam, atque dissolui prohibuit, unde resilit veluti pila repulsus*: quibus verbis significari videtur, sonum realem simul cum parte aeris, in qua subiectatur, deferri vsque ad locum concavum,

in quo fit reflexio, indeque quasi pitam resiliare.

Et ratione probari potest eadem sententia, nam species intentionales non solum repræsentant obiectum, sed præsentia, quam habet obiectum in tali, vel tali loco, hac enim ratione per speciem visibilem, qua videmus colorem, cognoscimus etiam præsentia coloris, in tali vel tali loco, sed quando auditur Echo, non auditur in distantia, in qua factus est primus sonus, sed apparet alia noua vox de nouo formata in loco illo concavo, in quo formatur Echo: ergo Echo non fit per reflexionem specierum intentionaliū, sed per reflexionem soni realis.

Nihilominus dicendum existimo, Echo non fieri per reflexionem soni realis, sed potius per reflexionem specierum soni. Tenet Buridanus hic q. 21. Apollinarius q. 24. subtilis disputator Molin. 1. p. q. 55. disp. 2. & oppositum mihi factus est incredibile: nam Echo sæpe fit in corpore concavo, quàm maxime distant; sed impossibile est, tam breui tempore partem aeris resilientem, in qua subiectatur sonus, ad illum locum peruenire, & inde iterum ad auditum reuerti, præsertim cum adhuc flante vento in contrariam partem fiat Echo: ergo incredibile est, Echo fieri per reflexionem soni realis. Omitto hac in re nonnullas alias rationes, quæ ad hanc sententiam probandam à quibusdam adducuntur, non multum efficaces, neque enim est opus, sin-

K

gulas

gulas rationes refellere.

Ad argumenta autem contrarię sententię respondetur. Ad primū, Aristotelem potius indicare nostrā sententiam illis verbis (*Sonitus, inquam, is, qui post sonum resultat*) vbi videtur asserere, non esse vnum sonum reflexum, sed aliquid resultās ex primo sono: hoc autem resultās per speciem intentionalem fit, illa autem resultantia aeris ab eo concauo, quam Aristot. ponit, non est simpliciter necessaria.

Ad secundum respondetur, species intentionales soni eam habere naturam, vt non tam exactē representent pręsentiam, aut distantiam obiecti, licet species visibiles: quando enim obiectum longē videmus per speciem visibilem, etiam repręsentatur distantia obiecti, id est, pręsentia in loco distanti, id tamen minus perfectē habent species soni. Si enim vocem aliquam ā longe audias, licet fortasse percipias confuse nimis ex qua parte perueniat sonus, situm tamen, vbi formatus sit talis sonus, non cognosces, & quid simile experimur in speciebus odoris, per illas enim, non nisi nimis confuse, aut fortasse per discursum, percipies situm obiecti odorabilis, nihil ergo mirum, si in reflexione facta in Echo species intentionales soni, tum propter imperfecta naturam naturam, tum etiam propter distantiam non repręsentant distantiam soni: imō similem defectum experimur in reflexione specierum visibilium, si enim te ipsum

aspecias, faciem contra positam videris, ita vt pars dextra in figura illa sit sinistra, & ē contra, quia apparet ibi quasi nouum quoddam obiectum: nihil ergo mirum, quod in reflexione facta in Echo appareat quasi noua vox.

Ex dictis etiam facile potest solui dubium, quod tractat Aristot. libro de sensu, & sensibili capit. 7. an scilicet idem sonus possit ā pluribus audiri, nam cum in nostra sententia percipiat per speciem intentionalem sui, non est opus; sonum realem per singulas aures diuagari, sed per speciem intentionalem, in medio diffusam ā singulis auditur.

Quęst. V. Quid sit organum auditus.

IN aures pręter externam auriculam eo sine ā natura datam, ne exterior aer tam facile auditum ingredi possit, datur quędam cauitas habens anfractus, vt in illis aer externus confractus, ne tam facile ad profundum illius cauitatis peruenire possit, datur etiam in profundo illius cauitatis substantia quędā subtilis, ac spumosa, quę aer animatus appellari solet, ac perinde longe diuersę naturę est ab exteriori aere inanimato: datur etiam nervus quidam ā cerebro versus auditum procedens, per quem cerebrum communicat auditui spiritus vitalis ad sensationem requisitos, qui nervus est coopertus quadam tunica, quę dicitur membrana.

Com

Communis ergo sententia est, potentiam auditivam subiectioni in aere illo animato, nam nervus ille potius videtur à natura datus, ut sit medium, per quod spiritus vitales descendant à cerebro ad auditum, quam ut sit organum potentiae auditivae: tum etiam, quia substantia illa spumosa subtilis nimis apta est ad recipiendas species intentionales soni, quibus audire possit, & ita magis videtur consentaneum, potentiam auditivam in tali aere animato residere: loquor tamen, ut in plurimum, nam, ut Aristotel. 2. de partibus animalium cap. 12. & c. 8. docet, in quibusdam animalibus organum auditus est in medio corporis inter anfractus quosdam & iuxta dictam sententiam facile conciliantur duo loca Arist. quæ aliàs videbantur contraria, nam in hoc c. tex. 83. dicit, organum auditus esse immobile, cum tamen tex. 82. dixisset aerem intra autem contentum semper moveri, primum enim intelligendum est de aere animato hic enim immobilis est: secundum verò intelligendum est, de alio aere elementalī, & inanimato intra autem existente, vel, ut alij volunt, intelligendum est de motione intentionali: semper enim immutatur recipiendo species soni. Verum est, aerem illum animatum aliquando moveri posse ex prava dispositione, & morbo, qua ratione saepe in firmi internum sentiunt gignitum. Et hæc de hoc capite.

Cap. IX. De olfactu.

In hoc capite agit Aristot. de Olfactu, explicans breviter, quod sit obiectum, medium, & subiectum illius. Primum tamen proponit huius rei difficultatem, quod cum homo habeat olfactum imperfectiorem omnibus animalibus, nam sicut homo superat tactu omnia animalia, ita superatur ab illis in olfactu: ideo difficile esse nobis iudicare de hac re docet: dicit tamen, nos de hac re ex eo coniectari posse: nam olfactus datus est à natura animalibus propter gustum: animalia enim per olfactum iudicant, quæ alimenta sint sibi convenientia, homo autem superat reliqua animalia in gustu, eo quod gustus est quidam tactus, homo autem superat reliqua animalia in tactu, & hac ratione adhuc inter homines, illi inquit, qui sunt molles carne, & habent meliorem tactum, & etiam sunt magis ingeniosi illi verò, qui habent carnes duras, sunt hebetes ingenio. Dicit ergo, quod sicut inter lapores quidam sunt dulces, alij amari, ita inter odores, quidam sunt dulces, id est, delectabiles, alij verò amari, id est, disconvenientes. Deinde dicit, medium, per quod olfactus immutatur, esse aerem, & nam, de aere patet, de aqua vero ob experientiam, pisces enim magna distantia olfaciunt cibos, & ita ad illos capiendos perveniunt.

Docet præterea, quod sit subiectum

K ij Etum

experimur odorem, quod non nihil indicat, odores requirere temperamentum primarum qualitatū, quale reperitur in mixtis: imò experimur, in mixtis reperiri varios odores, iuxta diuersum temperamentum illorū: ergo odor est qualitas secunda.

Addo præterea, odorem requirere tale temperamentum primarū qualitatū, in quo calor, & siccitas excedant alias qualitates, experimur enim, fumum odoriferum sursum ascendere, quasi ignis naturam gerentem, & hac ratione corpora odorifera si calefiant, melius emittunt odorem, qualiter etiam experimur, quod si res odorifera nimis humectetur, non emittit odorem: requirit ergo odor prædominium caloris, & siccitatis.

Et si obijcias, nam experimur, incipiente pluvia terram odorem quemdam mittere: potius ergo requiritur ad odorem humiditas, quā siccitas. Respondetur tamen, potius ex prædicta sententia efficaciter probari nostram sententiam: nam quando pluvia incipit, quia adhuc siccitas terræ superat humiditatem, emittit terra odorem, deinde verò dum pluvia continuatur, quia iam non superat siccitas, desinit esse talis odor: signum ergo est; ad odorem requiri prædominium siccitatis, licet requiratur aliqualis humiditas.

Dico tertio, odorem non esse aliquam speciem infimam: sed habere sub se varias species: experimur enim in odoribus proprietates

maximè diuersas, secundum quas longè diuersimodè immutant olfactum: tum etiam, quia non omnes odores requirunt idem temperamentum, sed diuersum.

Tandem, ultimo, dicendum est, odorem non esse qualitatem productiuam sui similis, quamuis producat species intentionales. Ratio est generalis de omnibus secundis qualitatibus, ex quibus nulla producit alteram sibi similem, vt patet de colore, grauitate, &c. Et ratio à priori assignari potest, quia omnis qualitas secunda necessario requirit temperamentum primarum qualitatū: sed quatuor primæ qualitates à nulla qualitate secunda possunt produci, vt patet de colore, & alijs: ergo odor, & aliæ qualitates secundæ non sunt productivæ sui similis.

Solum ergo potest hoc loco obijci, nam si corpora ex se nullum habentia odorem apponantur iuxta corpus odoriferum, etiam talia corpora odorifera euadunt: ergo odor est productiuus sui similis. Respondetur, ibi nullum odorem produci: sunt tamen talia corpora odorifera, hoc modo: nam exhalationes illæ odoriferæ, quæ exeunt à corpore odorifero, dum intra poros alterius corporis continentur, emittunt species intentionales sui, & ita tale corpus apparet odoriferum propter exhalationes, quas habet in poris inclusas.

Superfunt tamen hoc loco duæ dubitationes. Prima est, utrū odor

K ij fit

fit qualitas intensibilis; & remissibilis: responderetur affirmatiue, nam sicut tactu experimur vnū calorem esse intensiorem alio, ex eo quod fortius immutat illum, ita etiam olfactus vehementius immutatur ab odore intenso, quam à remisso: ergo est qualitas intensibilis & remissibilis, non minus quam calor.

Secunda dubitatio est, quæ sit causa efficiens odoris: & responderetur, quod cum odor sit qualitas secunda orta ex temperamento iam dicto primarum qualitarum, illud est causa odoris realis, quod tale temperamentum inducit, sicut illud est causa albedinis, quod inducit temperamentum primarum qualitarum requisitum ad albedinem.

Tandem ad fundamentum primæ sententiæ responderetur, solum probare, quod odor realis subiectatur in vapore illo seu exhalatione exeunte à corpore odorifero, non tamen quod odor sit exhalatio ipsa, aut vapor. & hac ratione expendo verba Arist. sect. 12. problematum q. 10. & sect. 13. q. 5. & 3. de sensu & sensibili, dum dicit, odorem esse vaporem, seu exhalationem, cum tamen cap. 5. de sensu & sensibili, dicat contra Heraclitum, odorem neque esse vaporem, neque exhalationem: debet, inquam intelligi, quod odor sit vapor, seu exhalatio subiectiue, id est, quod subiectum odoris sit vapor, & exhalatio, ipse verò impugnatur Heraclitum, quatenus se rastle asserbat, odorem non solum subiectiue, sed

etiam formaliter esse vaporem.

Et si obijcias, nam vapor natura sua est humidus magis quam siccus, sed odor natura sua requirit prædominium siccitatis: ergo odor non potest subiectari in vapore. Responderet bene Card. Tolet. hic q. 27. nomine vaporis non esse intelligendum verum vaporem, sed potius fumosam quamdam, calidamque exhalationem. hæc enim habet siccitatem, & calorem aptum ad temperamentum odoris.

Quest. II. Vtrum odor perueniat vsque ad olfactum secundum esse reale, vel potius per species intentionales?

DE hac re Auic. 6. lib. naturalium questionum par. 2. cap. de olfactu, Albertus 2. de Anima tractat. 3. c. 15. asserunt, odorem realiter peruenire per medium vsque ad olfactum. Quæ sententia videtur habere fundamentum in Arist. de sensu & sensibili cap. 2. vbi dicitur organum olfactus non debere esse actu calidum, vt patiatür ab odorabili calido; sed species intentionalis nullum producit calorem in organo, sed solum habet actionem intentionalem, vt dictum est supra: sentit ergo Arist. odorem secundum esse reale peruenire vsque ad olfactum, illumque physica alteratione immutare, & cap. 5. clarius id videtur docere, dicit enim, euaporationem odoris aliquando tangere sensorium.

Et ratione probatur primo, quia expe-

experientia constat; ex vehementi & diuturna olfactione dolere caput, sed species intentionales non lædunt organum, quia non sunt principium alterationis physice, & corruptiuz, sed intentionalis solū: ergo apertū indicium est odorem ipsum realem physicum peruenire vsque ad organum olfactus.

Secundō, quia, vt experientia constat, ad olfactionem requiritur præua respiratio, nisi enim prius respiratione aerem trahamus, nihil olfacimus, sed species intentionales, si per illas odor perciperetur, in instanti perducerentur vsque ad olfactum, vt in simili dicebā supra de speciebus visibilibus: neque indigerent respiratione aliqua, potius enim percipitur odor secundum esse reale, quā secundum esse intentionale.

Secunda sententia huic ex directo opposita est assertentium, odorem realem numquam realiter exire extra corpus odoriferum, sed solū diffundi per medium secundum species intentionales vsque ad olfactum. Solet pro hac sententia citari Auerroes hoc lib. tex. 97. nobis tamen media via incedendum est cum S. Tho. Philoppono, Ianduno, & alijs hoc loco.

Dico ergo primō, aliquando ex corpore odorifero effluere exhalationem, in quā fertur odor secundum esse reale vsque ad olfactum, quando scilicet corpus odoriferum est prope organum olfactus, iuxta quam sententiam interpretor ver-

ba Aristot. afferentis c. 5. de sensu & sensibili euaporationem odoris aliquando tangere sensorium, eamque sufficienter probat prima ratio adducta pro sententiā Auic. & Alberti, alias enim ex diuturna olfactione non contingeret dolor capitis, quia species intentionales non lædunt signum: ergo est fieri laesionem illam ab exhalatione calida deferente secum odorem realem, & ita calefacto, aut exiccato organo illo, contingit dolor: hac etiam ratione sæpe videmus, vaporem fumosum ex odorifero corpore sursum ascendere.

Dico tamen secundō, hanc fumosam exhalationem, in qua subiectatur odor realis, non semper peruenire vsque ad potentiam olfactiuam, sed ferē semper fieri actum olfaciendi per species intentionales, vt in simili dicebam de sono. Tenet D. Thom. hic sect. 20. & in 2. d. 2. q. 2. in fine. Philop. Iauell. Tole. & communiter Auctores in hoc capite.

Probat in primis ab experientia, nam, vt refert Albertus hic cap. 25. post bellum Troianum vultures ad spatium quinquaginta leucarum senserunt odorem cadauerum occisorum in tali bello; sed incredibile est, fumosam exhalationem ad tam longam distantiam peruenisse: ergo potius sentitur odor per species intentionales. Pisces etiam percipiunt odorem ad aliquam distantiam, cum tamen

K iiii exha

exhalatio subtilis, & hec non possit, per aquas ad sparium aliquod deferri, quia potius à frigiditate & humiditate aquæ corrumpetur. Ratio autem est, quia reliqua obiecta sensibilia habent virtutem, ut producant species intentionales sui; per quas sentiri possint: ergo neque id debet negari in odore: unde sicut aliæ species aliorum obiectorum in instanti producuntur, ita intra spheram actiuitatis agentis, quia non habent contrarium resistens illis: idem dicendum est de speciebus odoris, sicut tamen dicebam, soni species produci ultra primam spheram successiuè, sicut successiuè applicatus sonus realis alijs, atque alijs partibus, ultra primam spheram. Idem proportionali modo est dicendum de speciebus odoris, & ita non semper sentitur odor statim ac est, quia odor realis debet magis applicari versus nostrum olfactum, ut spheræ actiuitatis illius usque ad nos possit perungere. Legantur dicta in simili de sono.

Et hinc colligi potest ratio, quare opus sit corpora odorifera calefieri, ut melius eorum odor percipi possit, ratio enim est, quia per calefactionem, dum illud corpus rarefit, exhalationes odoriferae, quasi conclusæ, & consopitæ, exeunt, & ita diffundunt species intentionales sui per externum medium usque ad nostrum olfactum.

Tandem ad argumenta primæ sententiæ respondetur. Ad Aristot. iam patet solutio ex dictis in prima

conclusionem, ubi etiam dictum est.

Ad primam & secundam respondetur, ideo ad percipiendum odorem requiri respirationem, quia, ut infra dicam, organum olfactus coopertum est quadam carne spongiosa, & ita per respirationem aufertur tale cooperculum: unde iam patet immutari organum olfactus, & ita requiritur præuia respiratio, tamquam renouens prohibens.

Quæstio III. Quod sit medium olfactus, & quid illius organum?

In hac quæstione, quod attinet ad medium, per quod immutari potest olfactus, conueniunt omnes cum Aristot. in hoc capite illud esse aerem, & aquam, nos enim olfacimus per aerem, pisces vero per aquam, & ita utrumque est medium aptum ad recipiendas species intentionales odoris: est præterea aer medium maxime aptum ad recipiendam exhalationem odoriferam, in qua subiectatur odor realis: aqua vero, ut potè, quæ maxime est contraria tali exhalationi calidæ & sicca, non potest saltem per tantum tempus talen recipere exhalationem, statim enim corrumpitur ab aqua, licet pro breui aliquo tempore, quo daret alacritas præuia corrupta, non repugnat exhalationem illam aliquantulum detineri in aqua.

Quod vero attinet ad organum olfactus, notandum est cum Card. Tole. hic à cerebro procedere duos canales, usque ad ossa foraminosa

narium, quæ faciunt in extremitate duas carunculas ad modum extremitatis mamillæ, & ita apertantur caruncula mamillæ, per illosque canales deriuantur rami neruorum, & mittuntur excrementa ad nares: caruncula verò mamillares habent pro operculo carnem quamdam spongiosam, quæ compressa est ante tales carunculas, & per respirationem dilatatur, vt poris apertis exteriores odores interiorius ingredi possint.

His suppositis, prima sententia in hac re est Gale. lib. 8. de vsu partium, vt refert Vallet. lib. 2. controuer. Medicarum, capit. 24. afferentis olfactum in nulla ex dictis partibus subiectari: sed in ventriculo cerebri: eandemque videtur sequi Auicenna. 6. lib. naturalium, quæst. part. 1. cap. 5. Et fortasse fundamentum est: nam ex diuturna olfactione, vt supra dicebam, resultare solet dolor capitis: tamen fundamentum hoc nullum est: nam cum cerebrum non multum distet à carunculis mamillaribus, ad quas aliquando peruenit odor secundum esse reale, potest facile alterari cerebrum ab alteratione odorifera prope illud existente, & ita contingit capitis dolor, absque eo quod olfactus resideat in cerebro: nam reuera experimur nos in parte inferiori cerebri percipere odores. tum etiam, quia aliàs absque respiratione posset fieri odoratio aperto ore per cavitates occultas ad cerebrum tendentes, quod tamen est contra experientiam.

Quærendum est, si lib. collationum cap. 7. afferit, olfactum tendere in quibusdam nervis derivatis per cartilagineas narium. Hæc tamè sententia humili ratione refutari potest: in eum nervum istum usque ad inferiores partes habere descendant, non est opus respirare ad odorationem. Tum etiam, quia alia potentia sensitiva non subiectatur in nervo, vt vidimus de visu, & auditu: ergo neque idem ostendendum de olfactu.

Dicendum ergo est cum communi sententia, olfactum subiectari in carunculis mamillaribus, vt Toletus in hoc capite, & alij communiter docent, tenet etiam Gregorius Nyssenus de viribus animæ lib. 4. capit. 5. Et ex dictis probatur, quia talis potentia neque residet in cerebro, neque in nervo, neque in toto nare, aliàs sine respiratione posset percipere odorem: restat ergo sit in illis carunculis mamillaribus.

Est tamen aduertendum, operculum illud, quod supra carunculas mamillares posuit Arist. in fine huius capitis, non esse aliquid durum, & cartilagineum, vt ex anathome plurimi docent: sed est ante illas carunculas quædam caro spongiosa, quæ per respirationem dilatatur, & ita patet aditus odoribus subintrantibus.

Sed obiicies primò, Arist. lib. 4. de historia animalium cap. 8. ubi indicat, potentiam odorandi esse in naribus, & 2. lib. de partibus anima-

lium cap. 16. idem videtur docere. Respondetur tamen, Arist. nomine narium superiorem partem intelligere, in qua sunt illæ caruncule narium.

Et si obijcias secundum si in his carunculis relidet olfactus, sequitur, quod per canales ab ore ad illas tendentes sentiretur molestus odor ventriculi, aut stomachi. Respondetur tamen non sentiri, quia non tendit recta via ad ipsum os, sicut etiam homines, qui ex ore molestum emittunt odorem, non olfaciunt illum. Nec defunt, qui existunt, aliquando molestum illant odorem sentiri: sed de hac redicant medici.

Quod si tandem inquiras, quod sit huius organi temperamentum, respondetur esse humidum & frigidum: tum propter vicinitatem cum cerebro, quod frigidum, & humidum est: tum etiam, ut immutetur ab odore, qui calorem & siccitatem requirit.

Cap. X. De Gustu.

Agit Aristote. in hoc capite de Gustu, docens gustabile esse quoddam tangibile, id est, in tantum aliquid gustari, in quantum tangitur, ita, inquit, gustus non immutatur per medium externum: dicit præterea, quod sicut visus est visibilis, & inuisibilis, tam enim percipit lumen, quam tenebras, & auditus, sonum & silentium, ita, inquit, gustus est gustabilis & in-

gustabilis; inter saporos autem dicit esse suam contrarietatem, sicut inter colotes, amarum enim contrariatur dulci. Dicit præterea organum gustus potentia quidem humidum esse, debere tamen actu humectari, ut gustare possit: nam hac, inquit, de causa, lingua cum est multum sicca, aut multum humida, non percipit recte saporem, & ita, inquit, infirmi ob indebitum temperamentum organi non recte iudicant de saporibus.

DISPUTATIO IX.

De gustu.

Quamvis gustus maximam habeat similitudinem cum tactu, fit enim actio gustandi per contactum obiecti gustabilis cum organo gustus; merito tamen Aristoteles distinxit hunc sensum a tactu, ut ex dicendis constabit, & ita a nobis agendum est seorsum de utroque sensu.

Questio 1. Quid sit sapor, & quomodo intus gustum?

Circa naturam, & essentiam saporis simili modo philosophandum est, sicut de odore diximus, est enim sapor qualitas quedam, sicut aliæ qualitates, à qua denominatur corpus aliquod quale, scilicet saporosum, est autem qualitas secunda, & ita in mixtis diuersi saporos sunt, iuxta diuersum eorum temperamentum. Solum enim pos-

set obijci: nam aqua habet saporem, apparet enim vna aqua magis dulcis, quam alia, cum tamen sit corpus simplex. Respondetur tamen, quod si aqua esset in statu naturali, ita ut esset prorsus libera à partibus terrestribus, nullum haberet saporem: de facto tamen multis partibus terræ est permixta, & ita non mirum est, quod non nihil habeat saporis.

Dicendum est præterea, sapor rem non esse qualitatem productam, uan sui similis, ut in simili dixi de colore, sono, & odore, si enim corpus dulce iuxta amarum, non ut neutrum intrinsecum saporem mutabit, nisi forte intercedat aliqua localis mixtio inter partes vniuersales, quales sunt mixtiones artificiales, quæ sunt à coquis, ætædem sapor est qualitas intensibilis & remissibilis, qualiter inter saporis dulces quidam sunt intensiores alijs. Quæ omnia suppositis his, quæ diximus de odore, facilia videntur.

Creat species saporis multa tradunt Galen. de simplicium medicamentorum facultatibus lib. 1. capit. 23. Plinius lib. 15. capit. 27. Aristot. de sensu & sensibili cap. 4. cuius doctrinam sequitur Cardin. Tolet. hic quæst. 29. docet ergo Aristot. loco citato, octo esse species saporis, ad quas omnes reduci possunt. Prima est sapor dulcis, qualis reperitur in melle, & saccharo, cui opponitur sapor amarus, inquam extremus sapor. Tertia est sapor pinguis, qualis reperitur in pinguedi-

ne, & rebus vinctuosis, ut in butyro. Quarta est sapor acutus, qualis reperitur in pipere, & zinzibere. Quinta est sapor austerus, qualis reperitur in fructibus ante maturacionem. Sexta est sapor stipticus, qualis reperitur in fructu myrti, & serpyllimatura. Septima est sapor putricus, qualis reperitur in limonibus. Octava est sapor acetosus, qualis reperitur in aceto, ad quas veluti ad capitales species alia reduci possunt, quia illas sapiunt. Vnde sicut in coloribus album, & nigrum sunt colores extremi, alij vero sunt medi, quia quodammodo illos participanti, & ita dulce, & amarum in saporibus sunt extremi, alij vero sunt veluti medij saporis.

Et si inquiras, quod temperamentum primarium qualitatum requiratur ad saporem? Respondetur requiri temperamentum, in quo humiditas vincat siccitatem, hac enim ratione ad dandum saporem rebus utimur aqua & liquore. Et si obijciat ex dictis sequi, quod non possint in eadem parte subiecti reperiri odor & sapor, quod videtur falsum, ut patet in pomo. Probatur sequela, quia sapor requirit predominium humiditatis, odor autem contra requirit predominium siccitatis, ut vidimus, sed non potest fieri, ut in eadem parte subiecti siccitas superet humiditatem, & superetur ab illa: ergo non possunt esse in eadem parte sapor & odor.

Respondetur, quod, ut bene no-

taur

tauit Card. Tolet. ex Auicēna, Alberto & alijs, in nullo corpore reperitur in eadem parte præcisè sapor, & odor, vt argumentum probat, ad sensum tamen non potest percipi differentia inter illas partes: nam in paribus crassioribus, in quibus humiditas superat siccitatem, est sapor. In partibus verò subtilioribus, in quibus siccitas prædominatur, est odor: & quia istæ partes inter se sunt permixtæ, non potest hæc differentia ad sensum percipi. Atque hæc de natura saporis dixisse sufficiat. Alia videri possunt apud Auctores citatos, quæ tamē potius ad Medicum, quam ad Physicum spectant.

Circa secundum, quod inquit questio, quomodo scilicet sapor immutet gustum, Valles lib. 2. controu. Medic. cap. penultim. negat in gustu, & tactu dari species intentionales: dicit enim, quod cum obiectum gustabile, & tangibile nō percipiatur, nisi supposito reali contactu illorum cum organo, quia talia obiecta sunt illis præsentia, per se ipsa, nulla indigent specie intentionali, vt concurrant simul cum potentia ad actum sensationis: sed per se ipsa id efficere possunt, præsertim cum sensus isti sint minus materiales, & ita proportionati cum obiectis ipsis materialibus, quin opus sit talia obiecta deparari per species intentionales quod in visu auditu, & olfactu non contingit: isti enim sensus sunt minus materiales, & ita, inquit, requirunt speciem intentiona-

lem, quæ minus materialis est, quæ obiectum, vt illud percipiant. Neque existimo, sententiam hanc esse omnino improbabilem, & quod attinet ad tactum, idem sentit Card. Tolet. 3. lib. de Anima, quæst. 2. Nihilominus probabissus existimo, nullum obiectum sensibile per se ipsum efficere sensationem: sed mediante specie intentionali, atque adeo saporem non percipi, nisi per speciem intentionalem. Docuit expressè S. Tho. 1. par. quæst. 78. art. 3. quem communiter hoc loco plures sequuntur. Est etiam hæc sententia nimis conformis Aristote. qui in 1. cap. 12. sine limitatione dicit, commune esse sensibus recipere formas sine materia, id est, species intentionales, vt omnes interpretantur. Sentit ergo etiam gustum percipere saporem, per speciem intentionalem illius.

Et ratione probatur, quia vel obiectum saporosum supra linguam existens causat sensationem immediate per seipsum, vel producendo alium saporem realem in organo gustus, non per seipsum immediate. Primum, quia si ex communi omnium sententia, organum gustus est nervus quidam dispersus per linguam, quem obiectum saporosum supra linguam existens non tangit immediate, solum ergo tangit immediate superiorem pelliculam linguæ: sed agens immediatum debet immediate tangere passum: ergo tale obiectum non potest concurrere ad sensationem immediate per se

se ipsum; imò etiam si esset contiguum cum tali organo, non posset concurrere cum potentia ad sensationem. Primò, quia ut suprà, cap. 5. dicebam, sicut potentia, ut determinetur ad facile operandum, requirit principium illi inhærens, scilicet habitum illi intrinsicum: ita ut potentia sensitiva determinetur ad operandum tali, vel tali actione, requirit multò melius principium intrinsicum, & ita non sufficit præsentia obiecti per contiguitatem: sed mediante specie intima in illa recepta. Tum etiam, quia cum omnis potentia cognoscitiua sit apprehensiuua, opus est ad cognoscendum obiectum, teneat illud intra se, saltem per speciem intentionalem.

Si autem dicas, diffundere alium saporem per illud medium vsque ad organum gustus: contra est in primis, quia ut suprà dixi, sapor nò est qualitas actiua sui similis, & ita non potest vnus sapor saporem realem producere. Tum etiam, quia Aristot. vniuersaliter dixit: *Sensibile positum supra sensum non sentiri*, de quo dicam infra cap. 12. neque debet sine sufficienti fundamento limitari.

Tandem, quòd gustus sit sensus minùs perfectus, quàm visus & auditus, solum probat, uti speciebus minùs perfectis, non tamen quod non requirat species intentionales illi accommodatas: ergo sicut alij sensus percipiunt sua obiecta per species intentionales, ita & gustus.

Quæstio II. Vtrum gustus differat specie à tactu

In hacre Aegidius videtur sentire gustum non differre essentialiter à tactu: sed quòd tactus per omnes corporis partes diffusus ratione certi temperamentii, quod habet in lingua, percipiat sapes sibi, non verò in alijs partibus corporis. Nec defunt rationes, quibus hæc sententia probabilis fiat. Nam in primis Aristot. in hoc cap. dicit, gustabile esse quoddam tangibile, vbi videtur asserere, obiectum gustus pertinere ad obiectum tactus: erit ergo gustus quidam tactus in lingua existens.

Secundò, nam per tactum percipimus primas qualitates, ut calorè, humiditatem, &c. sed per gustum percipiuntur huiusmodi qualitates, gustus enim diuersimodè immutatur à cibo calido, ac quando est frigidus:

Tertiò, nam vtraque hæc potentia immutatur eodem modo, scilicet per contactum realem obiecti, & ita facilè quis poterit dicere, obiectum tågibile in communi, prout hæc omnia comprehendit, scilicet sapes, & primas qualitates, esse obiectum adequatum huiusmodi potentia. Præterea vtraque potentia est in eodem organo: in lingua enim sic est gustus, etiam tactus: ergo non est cur distinguamus specie gustum à tactu.

Dicendum tamen est cum communii sententia, gustum essentialiter differre à tactu, & ita sunt quin-

que

que sensus externi essentialiter diuersific enim expressè docuit Aristot. cap. sequenti. Ratio desumitur primò ex parte obiecti, quia gustus habet pro obiecto saporem, qui est qualitas secunda; tactus verò habet pro obiecto primas qualitates.

Et si respondeas, omnia hæc con-
stituerent rationem tangibilis in com-
muni, & hanc esse obiectum adæ-
quatum gustus, & tactus: contra, nā
similiter dicam ego, omnia obiecta
sensibilia pertinere ad eūdem sen-
sum externum, quia omnia conue-
niunt in ratione communi sensibi-
lis: ergo sicut ad differentias sensibi-
lium ponuntur plures sensus exter-
ni, ita ad differentias tangibilium,
quales sunt, & maxime diuersæ sa-
por, & primæ qualitates, debēt plu-
res sensus poni.

Secundò etiam colligitur ex di-
uersitate organi, quia tactus est per
totum corpus diffusus: gustus verò
eam habet naturā, vt solum sibi ex-
ponat determinatam partem, scili-
cet linguam, quod satis indicat, po-
tentiam hanc gustatiuam diuersam
longè habere naturam à tactu. Ne-
que dici potest, gustum solum esse
in determinata parte, quia ibi tantū
adest debzium temperamentum illi
debitum: hoc ergo probat nostram
sententiam, nā si gustus requirit di-
uersum temperamentum à tactu: si-
gnum ergo est, esse qualitatem essen-
tialiter ab illo diuersam, vt in simili
id colligimus de alijs secundis qua-
litatibus diuersæ rationis: vel certè
si non differt specie à tactu, nec re-

quirit diuersum temperamentum
ab illo, per quamlibet partem, vbi
est tactus, possemus alimentum gu-
stare.

Dices hoc solum probare diuer-
sitatem indiuidualem inter tactum,
& gustum, nā ex maiori perfectio-
ne indiuiduali, quam habet gustus,
potest prouenire, quòd postulet me-
lius temperamentum, & ira ibi tan-
tum erit organum gustus, vbi tale tē-
peramentum extiterit. Tamen con-
tra est, quòd quamuis hoc posset in-
telligi secundum maiorem, vel mi-
norem intensiōem illius tempera-
menti, ita quòd perfectior qualitas
postularet perfectius temperamen-
tum, semper tamen intra eandem
speciem temperamenti, sicut, & ip-
sæ qualitates primæ iuxta hanc sen-
tentiā ponuntur, habere eandē spe-
ciem, hoc autem solum impediret,
ne pars illa, in qua est temperamen-
tum minus perfectum, habeat perfe-
ctum actum gustandi, non tamen
quòd imperfectum aliquem actum
gustandi possit habere, sicut, & im-
perfectum habeat temperamentū:
quod tamen est contra experiētiā,
nam extra linguam nec imperfectū
actum gustandi experimur.

Ad fundamenta contrariæ sen-
tentiae respondetur. Ad primū, pro-
positionē illam: *Gustabile esse quod-
dam tangibile*, solum significare ob-
iectum saporosum non posse gusta-
ri, nisi per contactum illius cum or-
gano gustus, non autem quòd gu-
stabile sit obiectum tactus, prout
gustabile est, sed tantum secundum quali-

qualitate primas quashabet tangibile, vel, ut alij volunt: *Gustabile esse quoddam tangibile*, in quantum tangibile, dicit rationem genericam ad obiectum tactus, & gustus, sicut animal ad hominem, & equum, quamvis specie differant, & iuxta hunc sensum etiam verificatur, quod gustus est quidam tactus, sumpto tactu pro ratione generica ad gustum, & tactum condistinctis specie ab illo.

Ad secundum, per gustum non percipi calorem, aut humiditatem alimenti, sed per tactum ibi etiam existentem, gustus verò tantum ordinatur ad saporem.

Ad tertium, quod sicut quamvis visus, & auditus conveniant in hoc, quod immutentur per idem mediū, scilicet, per aerem, nō licet colligere, quod sint in eadem potentia, sic etiam quamvis gustus, & tactus conveniant in hoc, quod absque medio externo immutentur, non debet intelligi esse eādem potentiam. Præterea, neque habent gustus, & tactus idem organum adæquatum, nā lingua, quæ est organū adæquatum gustus, est organum inæquatum tactus, cum tactus etiam in alijs partibus reperiat, & ita nō licet colligere esse eādem potentiam: nam etiam in carunculis mamillaribus, ubi residet olfactus, reperitur aliquis tactus, cum tamen sint sensus maxime diversi.

Questio. III. Quod sit organum gustus?

IN hac re communis sententia est, potentiam gustatiam ref. de re in lingua, & palato, nō quidē in quavis parte illarū, sed in quibusdā nervis, quos gustatorios appellant, & sunt diffusi per huiusmodi partes, & quidē de utraque parte est res certa, quæ patet experientia, & de lingua id docuit Arist. lib. 1. de hist. animalium cap. 11. & 15. & 2. lib. de partib. animal. c. 17. de palato vero idem etiam docuit eodē cap. & lib. de hist. animal. c. 15. sed in qua parte linguae viget hic sensus, nō cōvenit inter Auctōres, quibusdam asserentibus vigere in lateribus. Sic docuit Lactātius l. de opificio mūdi c. 10. alijs verò asserentibus vigere in radice linguae: tenet Thomas, de Garbo quest. 70.

Melius tamē Arist. primo li. de historia animalium capit. 11. docet vigere in anteriori partē linguae, scilicet in cuspide illius, hac enim ratione, ut cibū aliquē melius gustemus, eū ad anteriorem partē linguae trahimus.

Quod si inquiras, quod sit temperamentū huius organi, respōdetur cū Arist. de sensu, & sensibili, c. 4. esse in aliquali prædominio siccitatis licet tale prædominiū exigū sit, & hac ratione immutatur gustus sapore, qui prædominiū humiditatis requirit. Vnde dicēdū est, organū gustus quodāmodo esse terreum, licet imperfectū, quia in eo nō multū prædomi-

dominatur siccitas, & ita Aristot. 3. lib. de Anima capit. 5. dixit nullum organum sensus esse terreum, quod intelligendum est de perfecte terreo, non verò ab aliquali prædominio siccitatis, quæ est propria terre. Et hæc de hoc capite.

Caput Vndecimum.

IN hoc capite duo agit Arist. primo proponit aliquas dubitationes, deinde verò agit de obiecto, medio, & organo tactus. Dubitat ergo primò Aristotel. vtrum tactus sit vnus sensus, vel plures: nam alij, inquit, sensus solum percipiunt vnâ contrarietatem, vt visus album, & nigrum, gustus amarum, & dulce: sed tactus percipit plures contrarietates, scilicet, calorem, & frigus, siccitatem, & humiditatem: ergo non est tantum vnus sensus. Respondet Aristotel. quòd reuera videtur, quòd sint plures sensus tactus.

Dubitat secundò Aristot. an tactus habeat medium internum, id est, an caro, quæ interna est, nobis sit medium distinctum ab organo tactus, per quod medium percipiamus qualitates tangibiles. Respondet carnem esse medium internum distinctum ab organo tactus. Ratio, inquit, est, nam si esset organum tactus, maxime, quia posito obiecto tangibili super carnem, statim illud sentiremus. Hæc tamen ratio, inquit, nulla est: nam si supra carnem apponamus subtilem aliquam pelliculam,

& deinde superponas obiectum tangibile, statim illud percipimus, ac si illa pellicula non medietur: sed illa pellicula non est organum, quia non est pars nostra: sed potius esset medium, per quod obiectum tangibile immutaret tactum: ergo nec modò caro est sensorium tactus: sed medium internum.

Vnde dubitat Aristot. tertio, an sit in tactu aliquod medium externum, vt in alijs sensibus, vt aer, vel aqua: & respondet inter corpus tangibile, & nostram carnem mediare aliquid: nam, inquit, quando duo corpora durasse tangunt in aqua, talia corpora humectantur, illa autem humiditas est in aliquo, scilicet, in aqua: ergo mediat aliquid aquæ inter vtrumque corpus, quamuis nobis lateat. Ad eundem ergo modum mediat aliquid aeris inter corpus tangens nostram carnem, & inter illam, quamuis nobis lateat, quia aer subtilior est aqua.

In secunda parte agit Aristot. de medio, per quod immutatur tactus, & dicit omnes sensus immutari per medium externum, quamuis sit differentia; nam gustus, & tactus non immutantur, nisi ab obiectis propè existentibus, tamen semper mediat aliquod imperceptibile aeri inter corpora dura tangibilia, & inter tactum; alij verò sensus immutantur ab obiecto distanti.

Agit deinde de organo tactus, & dicit, carnem non esse organum tactus: sed medium internum. Et probat, quia sensibile positum supra sen-

sensum nō sentitur: sed posito corpore tangibili supra carnem sentitur: ergo caro non est organum tactus: sed medium: unde inquit, cum obiectū tactus sint quatuor primæ qualitates; organum tactus debet esse in potentia ad primas qualitates, quas tangit, quia obiectum agit in potentia, & ita debet esse in potentia, ut patiatur ab obiecto, sicut visus, inquit, est in potentia ad album, & nigrum. Hæc omnia, quæ Arist. docet in hoc capite, satis sunt difficilia, de quibus iam in hac disputatione dicam.

DISPUTATIO X.

De Tactu.

IN hac disputatione, sicut & in præcedentibus, prius de obiecto dicam: deinde verò de ipsa potentia, neque est cur hoc loco varias tactus acceptiones adducam, scilicet prout significant contactus corporum, &c. quas hoc loco adducit Tolet. patet enim, nomine tactus hac in parte intelligi quamdam potentiam sensitivam percipientem qualitates tangibiles, cuius naturam querimus.

Quest. I. Quod sit obiectum tactus,

& quomodo illum immutet?

CERTUM est in hac re, obiectum tactus comprehendere quatuor primas qualitates; patet enim, nos

per tactum percipere calorem, frigus, &c. Secundo, certum esse debet, non solum primas qualitates pertinere ad obiectum tactus: sed etiam plures, & ex secundis, ut molle, & durum, & similes, ut in hoc cap. intendit Aristot. & experientia patet. Vtrum verò asperum, & lene sint propria qualitates, vel potius dicant partium positionē, alibi dixi.

Possit tamen hoc loco dubitari de gravitate, & leuitate, quæ sunt etiam qualitates secundæ, an percipiantur à tactu. In qua re Iulius Scaliger exercitatione 17. satis singulariter sentit, huiusmodi qualitates non percipi per tactum: sed per potentiam nostram loco motiuam. Quæ sententia error est in Philosophia: nam omnis potentia cognoscitiua sensitiva est sensus: sed si potentia loco motiva est potetia quædam sensitiva (est enim potentia propria animæ sensitivæ) ergo percipit gravitatem, & leuitatem corporum: sequitur esse potetiam sensitivam, & ita darentur plures sensus præter eos, quos tota Philosophorum schola ponit. Tum etiam, quia potentia loco motiva, ut adhuc nomen ipsum indicat, potius ordinatur ad causandum motū locale progressivum animalis, quam ad aliquid aliud.

Quare in hac redico duo, alterum est, gravitatem, & leuitatem non sentiri immediate, & per seipsam à sensu tactus. Ratio est evidens: nam aliàs posset tactus percipere gravitatem lapidis, etiam si per

L su-

superiorem partem tangat lapidem, quod est contra experientiam. Patet consequentia, quia tunc adest sufficiens approximatio, ut possit immutari à tali obiecto, non minus quam si è contra lapis ponatur supra manum, utrobique enim intercedit contiguatio illorum corporum.

Quare dico secundo, gravitatem, & levitatem solum sentiri à tactu per impulsum, quem in manu, aut alia parte imprimit, & ita ex vi tactus non posset percipi differentia inter gravitatem, & levitatem; nam impulsus ab utraque productus non differunt specie, etiam si alter petat sursum, alter verò deorsum, iuxta dicta octavo libro Physicorum; colligitur ergo hæc differentia per discursum, nam dum corpus imprimit impulsus in deprimentem manum, colligit intellectus tale corpus græve esse; dum verò imprimit impulsus eleuantem manum, colligit intellectus tale corpus esse leve.

His ergo suppositis, dubium est, quomodo huiusmodi qualitates tangibiles immutent manum, in quod rem aliàs difficilem difficiliorem reddamus, singula, quæ hic dubitari possunt, separemus oportet.

Primo ergo dubitari potest, utrum qualitates tangibiles percipiantur à tactu per species intentionales, ut de alijs obiectis sensibilibus diximus, vel potius per se ipsas sine specie aliqua. In quare Cardin. Tolet. hic, & Valles. lib. 2. controuers. Medica. cap. penultimo, negat opus es-

se specie intentionali, ut tactus percipiat qualitates tangibiles. Dicunt enim, quod cum calor, v. g. realiter immutet organum tactus, impertinens est species illius, imago enim obiecti tunc tantum desideratur, quando eius obiectum non est præsens; si ergo calor per se ipsam immutat organum tactus, ad quid debet poni species eius?

Communis tamen, & vera sententia asserit, tactum non percipere qualitates tangibiles, nisi per species intentionales, ita ut hic etiam verum sit, quod Arist. docuit cap. sequenti: *Sensum recipere formam sine materia*. Et ratione probatur. Primo, quia vel calor ligni sentitur à tactu per se ipsum, quia scilicet dum tangitur est contiguus cum organo tactus, vel sentitur per calorem, quem producit in organo tactus; ne utrum dici potest: ergo necessario calor percipitur per specie intentionalem. Probatur primum, quia ut in simili dicebam de obiecto gustabili, ut potentia determinata ad facile operandum, requirit principium cooperans cum illa, scilicet habitus illi inherentes: ergo multò melius principium determinans illam ad talem sensationem, atque adeo necessaria est species informans potentiam.

Secundo probatur ab inconuenienti, nam si calor contigitur cum tactu sentitur per se ipsum: ergo similiter lumen contiguum cum oculo videretur per se ipsum absque specie, consequens autem est falsum,

ut dicebam capit. de visu, nam lux remota non videtur per seipsam, cum sit distans à potentia visiva, neque etiam per lucem contiguam cum tali potentia visiva. Primò, quia cum utrumque lumen sit eiusdem rationis, unum non est representativum alterius: debent ergo imago, & res imaginata differre specie. Tum etiam, quia, ut dicto loco vidimus, potest oculus existens in tenebris videre lumen à longè existens: ergo necessarium est lumen distans videri per speciem sui: ergo etiam lumen proximū debet videri per speciem sui. Consequentiam probò, quia si lumen est productivum speciei intentionalis, multò melius illam producet lumen contiguum cum oculo, quàm lumen distans, quia est magis applicatum, & est agens naturale, quod non operatur ex libertate: sit ergo cōsequēs ex dictis, quod neque in qualitate tangibili sit sufficiens contiguitas cum passo, ut non percipiatur per speciem sui. Sola hic oriebatur obiectio, nam phantasma cōcurrit effectivè determinando intellectum agentem ad productionē talis speciei intelligibilis, cum tamen phantasma nō possit esse inhx sue in intellectu agentis, est enim, quid materiale. Dicam tamen de hac re 3. lib. de Anima capit. 5.

Quòd verò neque possit calor externus percipi per alium calorem realem, quem in tactu producit, probatur primò, quia calor receptus in organo tactus numquam

est tactus, ac calor ignis, quem sentimus per tactum esse vehementissimum: ergo nō poterit remissus ille calor esse quasi species, & ratio sentiendi calorem maximè intensum.

Secundò, quia si prope fornacem accedat, senties calorem adèd vehementem, ut possis vix illum ferre; si tamen subito ocludatur fornax, statim non senties illum, sed impossibile est, calorem in organo tactus productum in tam brevissimo tempore fuisse corruptum, corrumpitur enim per alterationem à contrario procedentem, atque adèd paulatim: signum ergo est vehementem illum calorem percipi per speciem intentionalem caloris existentis in fornace, quæ ocluso fornace, statim corrumpitur, nō verò per calorem realem in organo existentem; iste enim adhuc durat, quando non sentitur calor fornacis.

Tertiò, quia si calor externus sentitur per alium internum in organo productum: ergo adhuc corrupto; & absente calore externo, posset sentiri talis externus calor. Patet cōsequētia, quia adhuc corrupto externo illo calore, potest durare calor internus ab illo productus, qui secundum hanc sententiā est quasi species, & ratio percipiendi externum calorem, sicut supra dicebam, quòd si corrupto colore Deus conservaret speciem impressam illius in oculo, posset optimè videri color corruptus. Denique de

alijs obiectis sensibilibus ostensum est non percipi, nisi per species intentionales: ergo neque de tactu id debet dici.

Ad fundamentum autem Vallesii patebit solutio ex dicendis statim: ostendemus enim, calorem inhaerentem in organo tactus non posse illum intentionaliter immutare.

Sed statim nonnullæ insurgunt dubitationes. Prima est, an tactus posset percipere qualitates tangibiles, quas in suo organo habet, ut internum calorem organi. Videtur enim, quod sic: nam febricitantes sine dubio sentiunt vehementem illum calorem, quo defatigantur: ergo calor inhaerens in organo tactus potest percipi ab illo.

Secundò, quia si calor externus habet virtutem ad producendâ speciem intentionalem sui in tactu: ergo multò melius calor inhaerens poterit producere speciem sui in tali organo, est enim magis præsens, & coniunctus cum passo, & ita poterit percipi per talem speciem.

Dicendum tamen est, tactum non posse percipere qualitates intrinsecè inhaerentes in organo. Ratio est, quia aliàs tactus semper esset in continua sensatione, cū semper haberet in suo organo qualitates tangibiles; consequens tamen est contra experientiam, quia nō semper sumus in actuali sensatione nostrarum qualitatum.

Dicere enim, hanc sensationem continuam ideò non dignosci à nobis, quia ab assuetis non sit pas-

sio, non satisfacit; quia cū omnes sensationes cessent in somnijs, saltem cū quis post longum somnum excitatur, in qualibet parte sui corporis sentiret qualitates omnes sui organi, quod tamen est contra experientiam. Et hinc fit, tactum non solum non percipere qualitates inhaerentes in suo organo in statu naturali, id est, in proportionē, & intensiōe, quā illas requirit: sed neque in gradu excellenti præternaturali, ita ut si organum tactus habeat excellentem calorem violentum illi, adhuc non posset illum percipere, quia uterque calor est eiusdem speciei; & ita si calor intensus existens in organo tactus potest tactum immutare, etiam calor remissus illi connaturalis posset illum immutare saltem remissè.

Et si inquiras, quæ sit ratio, quare, cū calor sit productivus speciei intentionalis, non producat illam in suo organo, in quo inhaeret? Respondent quidam, causam eam esse, quia productio speciei intentionalis est actio assimilatiua, fit enim per illam species intentionalis, quæ est similitudo obiecti. Unde dicunt, quod quia iam organum illud realiter habet calorem, non est opus aliqua similitudine caloris, imago enim tantum desideratur, ubi obiectum deficit.

Sed non placet, quia esse reale, & esse intentionale, sunt maximè diuersæ rationis, imago enim, & obiectum necessariò debent differre specie: ergo cū calor, & species illius

illius non informant subiectum eodem modo, quantumvis subiectum habens calorem habeat iam quasi expletam capacitatem recipientem calorem realem, capacitas tamen, qua respicit speciem intentionalem illius caloris, adhuc videtur remanere vacua.

Quare dicendum est, quod sicut nulla alia ratione colligimus, calorem esse calefactivum, nisi à posteriori, quia scilicet experimur ipsum calefacere, ita quia experimur, internas qualitates organi tactus non percipi à nobis, inde à posteriori colligimus, calorem non esse productivum speciei intentionalis in subiecto, in quo est.

Dices, lumen, quod virtualiter continet calorem, producit illum in subiecto eodem, in quo est, experimur enim lumen solis in nobis receptum, quanto intensius est, tantò intensius nos calefieri: ergo etiam calor, cum virtualiter contineat speciem intentionalem sui, poterit illam producere in subiecto, in quo est.

Fortè dici posset, calorem non produci in nobis à lumine nobis inhaerente: sed à lumine existente in aere contiguo. Videtur tamen gratis dictum, quis enim dicat, quod si per impossibile sol intense nos illuminaret, nihil producendo in medio, non esset in nobis calor tantò intensior, quanto lumen intensius est.

Quare dicendum est, differentiam hanc reducendam esse ad di-

versam naturam harum qualitatū, lumen enim ex sua maiori perfectione est productivum caloris adhuc in subiecto, in quo est, calor tamen non est productivus speciei intentionalis in subiecto, in quo inhaeret. Sicut etiam magnes talem habet naturam, ut solum ferrum attrahat, non verò alia corpora, sic etiam à posteriori hæc diversitas colligenda est ab experientia, ut dictum est.

Vel secundò potest reddi optima huius rei ratio: nam, ut statim dicam, ad productionem speciei intentionalis primarum qualitatū tangibilium, debet præcedere realis, & physica alteratio, quia ergo calor nequit agere alteratione physica circa subiectum, in quo est, ut suo loco dixi, ita neque potest intentionaliter immutare organum, in quo est.

Ex dictis patet solutio ad secundam rationem dubitandi. Ad primam respondetur, in febricitantibus nullam partem sentire calorem intensum illi inhaerentem: sed vehemens calor existens in sanguine diffuso, per totum corpus sentitur in carne, vel una pars carnis sentit calorem vehementem in alia existentem.

Sed dices, fingamus casum, quod aliquis manu immediatè tangeret solem, tunc sine dubio sentiret vehementem calorem, est enim sol maximè calefactivus: sed in sole non est calor formaliter: ergo tunc tactus sentiret internum calorem sui organi productum à sole, quia in-

L. iij. tali

tali casu nullus alius adest calor, qui sentiri possit: Respondetur, quod cum sol intensius agat in partem sibi propinquam, quam in distantem, pars habens calorem minus intensum sentiret calorem intensiorem alterius partis, quod si daremus per impossibile omnes partes recipere æqualem calorem, certè nullus calor sentiretur, non enim sentiretur calor solis, quia non est formaliter talis calor in sole, neque etiam calor existens in organo, ut ostensum est: ergo nullus calor sentiretur.

Et si dicas, saltem sequi ex dictis partem illam contiguam cum calo nihil sentire, quia non potest sentire internum calorem, neque etiam calorem solis, quia non est in illo formaliter: ergo saltem pars illa immediata soli nihil sentiret? Respondetur, quod, ut sæpè dixi, quamvis in passu contiguo, cum agenti detur pars aliqua aliquota ultima, & ita immediata agenti, tamen adhuc in illa parte aliquota, cum non possimus dare partem proportionalem ultimam, nulla est pars ultimæ propinquissima soli, atque adeo, neque illi omnino immediata: sed sicut ante quamlibet est dare aliam, ita ante quamlibet est alia, cuius calor sentiri possit.

Neque dici potest, satis esse, quod calor sit in sole eminenter, aut virtualiter, ut possit sentiri calor aliquis diversus ab eo, qui ad extra producit a sole: nam ex na-

tura rei omnis sensus requirit obiectum actu existens, quod autem calor sit in sole eminenter, non est quod verè, & formaliter actu sit ibi calor: sed quia possit illum producere, hoc autem non sufficit, ut calor actu sentiri possit, sicut nec per naturam potest videri color possibilis tantum, nisi actu, & formaliter existat.

Secundò dubitari potest in hac questione, utrum ut qualitates tangibiles immutent tactum per species intentionales, necessarium sit prius immutare ipsum organum tactus, secundum esse reale, v.g. an ut calor externus tactus percipi possit per species intentionales, necessarium sit, quod prius immutetur ipsum alteratione reali, & physica. Ratio dubitandi est primò, quia sensatio tantum fit per speciem intentionalem receptam in potentia sensitiva: ergo absque omni prævia reali alteratione poterit obiectum tangibile percipi per species intentionales, atque adeo alteratio prævia physica impertinens est.

Secundò, quia inter qualitates tangibiles quedam sunt secundæ qualitates, ut molle, & durum, quæ non sunt productivæ sui similis, quamvis enim corpus molle ponatur iuxta durum, non amittet propriam duriciem: ergo saltem in his non potest ante immutationem intentionalem produci alteratio physica, & realis.

Tertiò, quia sequitur species intentionales obiectorum tangibilium

lium non produci in instanti: nam alteratio physica, ad cuius proportionem calor immutat tactum per species intentionales, successiue fit: ergo similiter immutatio intentionalis, quæ illam comitatur, erit successiua: sed species intentionales debent produci in instanti, qui carent contrario, ut supra vidimus: ergo qualitates tangibiles non immutant tactum intentionaliter, concomitantur enim ad alterationem physicam, & realem.

Dico primò, in qualitatibus secundis tangibilibus non requiritur, imò nec potest esse præuia alteratio physica antè immutationem intentionalem, & ita huiusmodi qualitates in instanti immutant tactum. Ratio desumitur primò ab experientia, quia cum quis manu apprehendit lapidem, reuera in instanti contactus, in quo finitur motus localis, per primum non esse in illo instanti per contactum sentit duriciem lapidis: nulla ergo requiritur alteratio physica.

Et ratio à priori est, quia qualitates secundæ, quales sunt molle, & durum, non sunt productiue sibi similis, ut supra vidimus: ergo in his antè immutationem intentionalem nulla realis physica alteratio potest precedere. Et hinc infero, ad actum tangendi, quantum est ex parte potentie tactiue, non requiri præuiam alterationem physicam: potentia enim, si semel recipiat speciem ab obiecto, sufficienter constituitur in actu primo ad elicien-

dum actum sensationis, & ita tactus, quantum est ex parte sui, nullâ physicam alterationem prærequirit: sed si talis alteratio aliquando requiritur, potius est ex parte obiecti, quia scilicet obiectum etiam est actiuum alteratione physica, & ita quia secundæ qualitates tangibiles non sunt actiue hoc modo, solum intentionaliter immutant tactum.

Dico secundò, in qualitatibus primis tangibilibus, quales sunt quatuor primæ qualitates, immutatio intentionalis consequitur ad immutationem realem per alterationem physicam, & ita in his necessaria est ad immutationem intentionalem præuia alteratio realis. Ratio conclusionis desumitur ex differentia, quæ versatur inter huiusmodi primas qualitates, quæ sunt obiectum tactus, & obiecta aliorum sensuum: nam obiecta aliorum sensuum sunt qualitates secundæ, ut patet de colore, odore, & sapore, qualitates autem secundæ non sunt productiue sibi similis, & ita solum habent actionem intentionalem; solus sonus, qui est obiectum auditus, est qualitas prima, non tamen productiua sibi similis propter rationem suo loco tactam, & ita quantum ad hoc eandem habet naturam, ac si esset qualitas secunda: at verò qualitates primæ tangibiles, præter actionem intentionalem, qua producunt speciem intentionalem sui, sunt productiue sibi similis, ut calor; & ita etiam necessario immutant organum tactus altera-

tione physica: inter quas actiones ea est differentia, quod alteratio realis, & physica ordinatur ad bonum speciei, scilicet, ut per multiplicationem talis qualitatis in pluribus individuis conservetur species; at verò actio intentionalis solum ordinatur ad bonum potentiae sensitivae, scilicet, ut mediante specie in illa recepta possit elicere actum sensationis, & quia maius bonum est respectu harum qualitatum conservare suam speciem, quam reddere potentiam aptam ad sentiendum, idè huiusmodi qualitates maiorem habent appetitum ad alterationem physicam, quam ad actionem intentionalem, & idè alteratio praecedat saltem naturam actionem intentionalem, ita ut actio intentionalis ibi solum possit esse, ubi praecesserit alteratio physica.

Ex quo patet, hanc praeviam alterationem potius requiri ex parte obiecti, quia scilicet obiectum ad talem actionem potissimè inclinat, quam ex parte potentiae, & ita si Deus miraculose impediret, ne calor calefaceret, produceret tamen speciem intentionalem caloris in tactu, posset optimè percipi talis calor, atque ex dictis, ut antea dicebam, colligitur ratio à priori, quare calor existens in organo tactus non possit producere ibi intentionalem speciem sui, quia scilicet non potest immutare realiter tale organum alteratione physica.

Et si dicas, hoc saltem non habere locum in secundis qualitatibus

tangibilibus, ut in mollicie, & ita posset optimè quis molliciem proprii organi percipere. Respondetur, hic habere locum primam solutionem superius adductam, nam cum experientia constet, tactum non sentire suam duriciem, aut molliciem, licet colligere à posteriori, huiusmodi qualitates talem habere naturam, ut non immutent intentionaliter quodvis subiectum: sed tantum externum.

Dico tertio, in hac difficultate, immutatio intentionalis primarum qualitatum tangibilium, non debet proportionari immutationi reali, per alterationem physicam. Ratio est, quia actio intentionalis potest esse longè intensior, quam immutatio realis, & physica. Primum, quia cum actio intentionalis fiat absque resistantia contrarij, sit longè facilius, & melius, quam immutatio realis, haec enim sit cum resistantia contrarij, & ita inaequali tempore fit maior immutatio intentionalis, quam realis.

Secundò, id docet manifesta experientia nam si manum propè ignem calefacias, sentis vehementissimum calorem ignis, cum tamen tam vehemens calor non possit realiter in nobis percipi sine magna corruptione, & iactura: est ergo maior immutatio intentionalis, quam realis, & physica. Accedit, quòd, ut infra ostendam, tactus non percipit, nisi qualitatem excellentem, & maiorem, quam in se habet: ergo immutatio intentionalis maior est,

est, quā alteratio realis, & physica.

Ad primam rationem dubitandi ex dictis est facilis solutio, solum enim probat, alterationem physicam praxiam non requiri ex parte potentiae tactuæ, ad hanc satis enim esset recipere speciem intentionalem, requiritur tamen talis actio ex parte obiecti, ut explicatum est.

Ad secundam etiam patet solutio ex dictis in prima conclusione.

Ad tertiam, species intentionales secundarum qualitatum tangibilium produci in instanti: iste enim, ut vidimus, non sunt cum alteratione reali, & physica: tamē species intentionales qualitatum primarum tangibilium, & perinde sensatio, quæ per illas fit, incipiunt, & desinunt in tempore, sicut alteratio praxia fit simul cum illa.

Neque obstat, quod talis actio fiat absque resistantia contrarii, hoc enim tantum probat, posse fieri in instanti, quantum est ex se, tamen sicut lumen, quamvis non habeat contrarium, producitur successiue ultra primam sphaeram, per acciden- tamen, quia luminosum successiue applicatur per motum locale alijs, atque alijs partibus medijs, ita quia huiusmodi species intentionales producuntur concomitanter ad alterationem realem physicam praxiam, cedentem, ab eaque dependent, eod quod obiectum magis inclinatur in illam actionem, ideo per acciden- tales species, & sensatio ipsa incipiunt, & desinunt, sicut alteratio illa. Et hinc ulterius fit, quod in fun-

gulis instantibus illius temporis, quo paulatim sentitur intentio caloris, siue quadam indivisibilia sensationis, quæ correspondent indivisibilibus intensiōis ipsius obiecti, ut in simili supra dicebam de specierum intensiōe, tamen, ut lococitato adnotavi, non distinguit tactus inter indivisibilia, & partes qualitatis, sicut nec visus discernit inter partes extensionis coloris, & indivisibilia illius, quamvis reuera quodammodo videatur talia indivisibilia, eod quod videt colorem continuum, quæ continuatio necessario fit per indivisibilia. Sicut enim tum propter exiguitatem indivisibilium, tum propter magnam simultatem localem, quam indivisibilia coloris habent cum eius partibus, non discernit visus inter indivisibile, & partem: ita propter exiguitatem indivisibilis intensiōis, magnamque simultatem, quam habent cum partibus temporis instantiæ, in quibus sentiuntur indivisibilia caloris, non discernit tactus inter indivisibilia intensiōis, caloris, & partes tales intensiōis: imò etiam in alijs sensibus potest fieri sensatio successiue per acciden- s, qualiter color potest videri successiue per partes, si contingat successiue, & paulatim produci, aut si successiue illum discooperias. Similiter sapor potest successiue sentire, secundum quod aliquando opus est ad hoc linguam humectari: talis autem alteratio fit successiue. Et intensio soni successiue per-

cipi potest, sicut si sonus ipse realis magis ac magis approximetur auditui, aut intensiorem speciem intentionalem efficiat, & eodem modo potest intensio odoris successiue percipi.

Tertio, dubitari potest in hac questione, quæ qualitas tangibilis sentiatur immediate, verbi gratia, quis calor sit, qui immediate tangitur, an illo, qui est in aere, qui est contiguus cum tactu, an verò, qui remotus est in igne aliquantulum distanti. Respondetur solum sentiri calorem contiguum. Et probatur primò ex ipso nomine tactus, neque enim verè dicitur esse tactus, nisi inter immediata, tum etiam, quia lingua non gustat saporem distantem sed eum, qui illi est contiguus: ergo neque tactus.

Tertio, quia sensibile commune non percipitur sine proprio: sed quando quis per tactum percipit calorem ignis distantis, reuerà per tactum non percipit eius quantitatem: ergo neque eius calorem, sed eum, qui est in aere simul cum quantitate illius: vnde quando vulgo dicitur percipi in hoc casu calor ignis, minus propria, ac philosophica est locutio, solumque illi tribuitur talis ratio obiecti, in quantum calor per aerem diffusus ab illo tamquam à prima radice habuit ortum.

Solum potest hoc loco obijci: nam si baculum impingis in parietem, manus tangens immediate baculum, reuerà sentit duriciem parietis, sentit enim difficultatem in

tali actione, qua impingit baculum: ergo duriciem distans potest percipi à tactu? Respondetur in tali casu manum nequaquam percipere duriciem parietis: sed impulsum parietis impressum in tali manu, indeque intellectus per discursum colligit parietem talem impulsu imprimementem durum esse.

*Quæstio II. Vtrum tactus solum
percipiat excellentes
qualitates?*

Cum organum tactus mixtum sit, necessàriò componitur ex quatuor primis qualitatibus, licet in gradu remisso. Querimus ergo in præsentia, an si calor existens in organo tactus sit, verbi gratia, ut duo, solum possit percipere calorem maioris intensiõis, vel certè æqualem, aut minùs intensum.

Dico primò, in qualitatibus secundis tangibilibus non requiritur, quòd obiectum, quod tangitur, excedat in intensiõne qualitates ipsius organi: sed possit percipi in æquali, imò & in minòri intensiõne. Ratio est, quia sæpè cõtingit aliquem habentem manum nimis mollem apprehendere manum alterius minùs mollem, & reuerà sentit molliorem illius manus, quàm apprehendit: ergo in secundis qualitatibus tangibilibus non requiritur excellentis qualitatis tangibilis supra qualitates ipsius organi.

Secundò, quia si aliqua esset repugnantia in hoc, ea maximè esset, quia

quia immutatio intentionalis in tactu requirit, immutationem realem: tactus autem non potest recipere qualitatem sibi similem in gradu, ac iam habet, quia iam habet illam, hæc autem ratio in secundis qualitatibus non procedit, quia in his ad actionem intentionalem nulla requiritur prævia alteratio, nihil ergo debet repugnare in his qualitatibus secundis, ut tactus percipiat qualitates non excellentes: sed potius minoris intensiois.

Contra hanc conclusionem potest obijci in primis Aristotel. 3. lib. de Anima capit. 4. quod ex eo probat intellectum debere esse incorporatum, & immixtum, ut aliâ res possit intelligere, quia inquit, *intus existens prohibet extraneum*: ergo hoc ipso, quod tactus habeat in se aliquam qualitatem, non poterit aliam similis gradus percipere, quia intus existens prohibebit extraneum, solum ergo poterit percipere gradum excellentem, quem in se non habet. Tunc enim non est aliquid intus existens, quod extraneum prohibeat. Sed de hac re, & de intelligentia huius rationis Aristot. quam non omnes rectè intelligunt, dicam loco citato.

Difficilius posset obijci ex Aristotel. in hoc capite prope finem, ubi reverâ nullam agnoscit differentiam inter qualitates tangibiles primas, & secundas, quin potius sentit nullam qualitatem similem, siue primam, siue secundam, pos-

se à tactu percipi, sic enim inquit: *Quo circa simile calidum, ac frigidum, & durum, & molle non sentimus, sed exuperationis*. Quæ verba aded sunt aperta contra nostram sententiam, ut illa nullo modo commentari audeam, quamvis enim conclusio Aristot. vera sit in primis qualitatibus, in molli tamen, & duro nequaquam, ut manifesta comprobatur experientia, quare, ut ipse dixit, magis amica veritas.

Dico secundò in hac questione, si sermo sit de primis qualitatibus tangibilibus, tactus non percipit nisi excellentes qualitates, & in hoc bene Aristotel. estque communis Philosophorum sententia, quam D. Thom. Niphus. Tolet. & alij in hoc capite super textum 18. amplectuntur, & ex dictis in superiori questione potest facillè desumi ratio, quia qualitates primæ tangibiles non possunt immutare tactum intentionaliter, nisi prius immutent illum realiter: sed si organum tactus, verbi gratia, habeat calorem ut duo, non potest pati ab alio calore habente æqualem, aut minorem intensiorem: sed à calore excellenti iuxta dicta 1. lib. de Generatione capit. 7. ergo tactus solum potest percipere qualitates primas excellentes.

Potest tamen obijci contra hanc conclusionem, quia, ut dictum est, immutatio intentionalis non debet proportionari cū immutatione reali; sed est maior illa: ergo quartus gradus caloris, qui sentitur, potest

potest producere speciem sui, quin efficiat quartum gradum sibi similem: ergo similiter potent calor vt quatuor producere speciem sui in tactu, habente aliàs calorem, vt quatuor, etiam si illum de nouo nō immutet realiter: ad quid enim debet illum realiter immutare, si habet iam calorem sufficientem ad immutationem intentionalem?

Respondetur, quòd si calor adueniens non immutat prius realiter tactum, saltem concurrente ad gradus inferiores producendos in organo tactus, non immutabit illum, si tamen quartus gradus caloris concurrat ad producendum aliquem gradum inferiorem, scilicet vt vnū, vel vt duo, iuxta doctrinam traditā in libris de Generatione, tunc poterit immutare tactum intentionaliter, & ita saluatur optimè, tactum percipere excellentes qualitates, præuia tamen facta immutatione reali, qua gradus excellentes, qui percipiuntur, concurrunt ad productionem graduum inferiorum, per quos realiter immutatur tactus, tamen absque præuia aliqua immutatione reali, non potest immutari tactus intentionaliter propter rationem suprà adductam, & ita experientia constat, nos numquam sentire calorem, nisi tactus noster realiter calefiat.

Sed obijcies secundo, nam si tactus solum percipit qualitates excellentes, si ergo tactus habeat calorem, vt duo, non percipiet in obiecto calorem vt duo: sed vt tria, &

ita percipiet gradum superiorem sine inferioribus, hoc autem est impossibile: Et probatur, quia sequeretur dari in specie, per quam immutat tactum, gradus intensiōis superiores correspondentes superioribus gradibus caloris, absq; gradibus interioribus: hoc autem est contra naturam intensiōis, vt vidimus suo loco: gradus enim superiores in qualitatibus ex natura rei depēdent ab inferioribus, & illos supponunt, videtur ergo impossibile, tactum solum percipere excellentes qualitates.

Pro solutione reuocandum est in memoriā id, quod supra capit. 5. diximus, nempe in qualibet specie dari duas intensiōes, alteram correspondentem intensiōi obiecti, secundum quod species repræsentat plures, aut pauciores gradus obiecti: alteram verò intensiōnem subiectiuam, secundum quod circa vnum, & eundem gradum potest dari species magis, aut minus intensa: inter quas intensiōes hæc est differentia, quòd intensiō obiectiua, licet hoc nomine appelletur, quia correspondet intensiōi obiecti; & non partibus extensionis illius, tamen reuerà potius habet modum extensionis, quā veræ, & propriæ intensiōis, quia se extendit ad repræsentandos plures, aut pauciores gradus, quando autem qualitas aliqua extendit se ad nouum obiectum, potius est augmentum extensionis, quā intensiōis, & ita quando habitus

scien-

scientificus extendit se ad nouam conclusionem ex vi nouæ demonstrationis habet de illud, illa augmentum potius appellatur ab omnibus augmentum extensionis, quam intensificationis: sola ergo intensio subiectiua est, quæ propriè est intensio, habet enim circa eundem gradum obiecti gradus intensificationis subordinatos.

Ad argumentum ergo respondetur, non dari gradum intensificationis superiorem sine inferiori, quia illa non est intensio in rigore: sed extensio speciei secundum partes correspondentes gradibus obiecti, in extensione autem nulla est subordinatio partium, qualiter habitus scientificus potest extendi ad hanc conclusionem, quin extendatur ad illam, & è contra, nihil ergo mirum, quòd detur species representans gradum superiorem absq; eo, quòd representet inferiorem.

Tertiò obijci potest contra conclusionem: nam si tactus solum percipit qualitates excellentes, sequitur quòd quantò magis calefit, tantò minus sentit calorem, quia quantò magis calefit, habet maiorem calorem, & ita minus separatur ab alio calore. Respondetur negando sequelam, nam, vt suprà dicebam, immutatio intentionalis maior est immutatione reali, ita vt calefactioni vt duo, correspondeat immutatio intentionalis caloris vt quatuor, & sic de alijs: & ita quantò tactus magis calefit, magis sentit gradus superiores, quia immutatur etiam

magis intentionaliter, quamuis sentiat pauciores ex inferioribus, vt argumentum probat, quia iam illi inferiores non excedunt illum.

Questio III. Quod sit obiectum rationis dolorifica, similiterque, & voluptatis, famis, & sitis?

SAEPè, præsertim per scissionem sentimus dolorem tactu ipse, & ita dubium est, quod sit obiectum, quòd per illam tactionem dolorificam sentitur: vbi non intendimus disputare, quid sit dolor, de hoc enim dicam, Deo fauente, latius aliquando in 3. lib. de Anima, disp. de dolore. sed tantum quaerimus, quid sentiatur per tactionem dolorificam: sunt autem de hac re varia philosophorum placita, & etiam medicorum. Simon Portius opusculo de dolore capit. 1. sentit, obiectum huius tactionis esse acuciem, vel duriciem corporis scindentis carnem, quem plures medici sequuntur. Hæc tamen sententia sine dubio est falsa: nam adhuc semoto cultello scindentem carnem, perseverat post talem scissionem dolor eiusdem rationis qui à principio sentiebatur, dū erat actualis scissio: sed postea non sentitur duricies, aut acucies cultelli, vt potè, quæ iam non est: ergo neque in principio, est enim eadem sensatio continuata, ac perinde debet habere idem obiectum.

Quare

Quare Auerroes libro 2. collecta. cap. 21. existimat, obiectum huius tactionis dolorificæ esse aliquam primam qualitatem excedentem naturalem temperiem tactus: hæc tamen sententia manifestè contrariatur experientiæ, quia longè aliter sentimus calorem, aut frigus, quàm dolorem illum scissione causatum: unde multoties, præsertim tempore æstatis, vehementem calorem sentimus, non tamen dolorem.

Vnde tertius modus dicendi, quem plures cõmuniter sequuntur, est obiectũ illius tactionis dolorificæ esse ipsam solutionem cõtinui, pro qua sententia citatur Aristot. 6. lib. Topi. cap. 47. Gale. lib. de inæqualitate, & temperie, & lib. 2. de locis c. 1. Sed neque hæc sententia placet. Primò, quia multoties sentimus dolorem, nulla facta scissione, sed dumtaxat ex prauo aliquo humore interius existẽte: ergo hæc sententia non assignat obiectum adæquatum huius molestæ sensationis, imò etiã si dolor causetur ex solutione cõtinui, falsa est hæc sententia, quia nomine solutionis cõtinui duo possunt intelligi, scilicet motus localis, quo caro scinditur, quæ est solutio cõtinui fieri considerata, & iste motus localis est sensibile commune, vt ex communi Philosophorũ sententia vidimus suprà cap. 6. ac perinde nõ potest percipere solo absque alio sensibili proprio: vel nomine solutionis cõtinui intelligi-

tur ipsa solutio in facto esse, prout significat præsentias diuisas illarum partium, & huiusmodi præsentia diuisæ etiam sunt sensibile commune, scilicet numerus, vt vidimus loco citato: ergo nullo modo sola solutio cõtinui potest esse obiectũ talis sensationis.

Quare alij hanc sententiã explicãtes asserunt, solam solutionem cõtinui non esse obiectum illius actus, cum sit sensibile commune, illam tamen simul cum acucie, aut duricie corporis scindentis, tamquã cum sensibili proprio esse obiectũ illius actus. Tamen contra hanc solutionem est ratio nuper facta, nã adhuc ablato cultello sentitur dolor similis præcedenti, & iuxta hæc sententiã tunc tantum perciperetur sensibile commune.

Secundò, quia sensibile commune tantum sentitur cū sensibili proprio, quod modificat, vt loco citato diximus, sed præsentia illæ diuisæ non modificant acuciem, aut duriciem cultelli, sed carnẽ, in qua sunt: ergo nõ possunt percipi à tactu simul cū qualitate aliqua cultelli.

Quare hac in re dicendum sine dubio videtur, obiectum tactionis dolorificæ esse qualitatem quamdam innominatam, quam vocant dolorificam, siue resultet ex scissione facta, vt quando sentitur dolor ex scissione partis, siue ex prauo humore interius existẽte, aut alia quauis causa, vt quando sentitur dolor nulla scissione facta. Quæ sententia planè colligitur

ligitur

ligitur ex refutatione aliarum opinionum; nec mirum est, nos ponere qualitatem istam innominatam, nam quemadmodum, quia experimur magnetem attrahere ferum, ponimus in illo quamdam occultam qualitatem ferriferam, ut ita dicam, ita ex eo quod sentiamus dolorem, & tactus habeat pro obiecto qualitates, sicut & alij sensus, non mirum est, quod ponatur ista qualitas dolorifera.

Sunt tamen hoc loco duo aduertenda, alterum est, istam qualitatem, non produci præcise ex solutione continui, nam cum solutio continui, ut supra vidimus, sit motus localis, quo partes segregantur, & diuiduntur, potius terminantur ad præsentiam localem, quam ad qualitatem, potius ergo sit illa qualitas per aliam actionem, quæ sit alteratio quædam subsequens ad solutionem continui, & ita motus localis est quasi conditio ad efficiendum dolorem, ortum ex solutione continui, ad modum quo in libris de Cælo dicebatur, motum esse causam caloris.

Secundò aduertendum est, huiusmodi qualitatem doloriferam aliquando causari ex solutione, & diuisione continui, & ita Aristot. loco citato dixit, dolorem esse, solutionem continui, quod non est intelligendum in sensu formali, sed in causali, non secus ac cum dixit, quod generatio vnius est corruptio alterius, ut suo loco vidimus.

Circa famem verò, & sitim Aristoteles supra capite quarto, & sæpe alibi docet famem esse appetitum calidi, & sicci, sitim verò esse appetitum frigidi, & humidum. Pro cuius intelligentia aduertendum est ex Galeno libro primo de causis symptomatum capite sexto, quod quando stomachus patitur famem, aut sitim, reperitur quædam corrugatio, & compressio partium stomachi, ex qua causatur quædam qualitas suo modo dolorifera, & molesta, & ita sensatio illius qualitatis est fames, sitis verò etiam est sensatio alterius qualitatis discouerientis, quas qualitates cum non possint fieri à compressione formaliter sumpta, hæc enim est motus localis, qui potius terminatur ad vbi, dicendum est fieri ab aliquali impulsu, quæ sibi inuicem partes stomachi imprimunt ex vi motus localis quo committuntur ad modum quo supra dicebam causam esse effectiuam soni esse impulsu causatum ab impetu resilientium, neque enim apparet alia particularis causa, cui talis effectus tribui possit.

Vnde colligitur, quod quando Aristot. supra cap. 4. definit famem, quod sit appetitus calidi, & sicci, sitim verò quod sit appetitus frigidi, & humidum, non tradit rationem formalem famis, & sitis, sed potius eas definit per effectus, & per appetitum, qui dritur ex fame. Ratio est, quia appetitus ille oritur tamquam ex causa ex fame, & siti: ergo ante tale appetitum præ-

intel-

intelligitur sitis, & famis tamquam causa illius: dicendum ergo est famem & sitim esse sensationes illarum qualitarum molestarum, quæ causantur ex corrugatione, & compressione partium stomachi.

Vbi obiter aduerto, ibi Aristote. dixisse famem esse appetitum calidi, & sicci, non quia reuerà quod ex fame appetitur, debeat esse siccum, appetitur enim ad reparandum humidum radicale: & ita debet esse saltem aliquantulum humidum: sed quia ex comparatione ad id, quod appetitur ex siti, habet rationem sicci, id enim, quod appetitur ex siti, est valde humidum.

Circa vltimum verò, quod inquirat quæstio, scilicet in quo consistat voluptas, non loquimur de voluptate, prout idem est quod delectatio, quæ est actus voluntatis, vel appetitus sensitui: de hac enim late disputant Theologi 1.2. loquimur ergo de voluptate venerea, quæ per tactum sentitur in coitu. Et dicendum est breuiter, illam esse quamdam suauem, & delectabilem sensationem ad tactum pertinentem, sicut è contra dolor est molestasensatio: neque oportet hic fingere occultam aliquam qualitatem, quæ sit obiectum illius tactionis: nam cum in illa parte, qua sentitur hæc voluptas, sit magna multitudo nervorum, viget ibi maximè facultas sentiendi, & suauitas, & mollicies partium, quæ tanguntur, causant delectationem illam: quibus accedit, quod etiam semè, quod

deciditur, habeat molliciem, & alias qualitates delectabiles, ex quibus omnibus causatur illa delectatio, & sensatio.

Quæstio III. An tactus sit vnus in specie infima?

Mirum est, quàm sint de hac re diuersæ opiniones. Primus dicendi modus est, esse duos tactus specie diuersos, quorum alter percipiat vnā contrarietatem, quæ est inter calidum, & frigidum: alter verò alteram, quæ est inter humidum, & siccum, tenuit olim Diuus Thomas hoc lib. sect. 22. & 1. part. quæst. 78. art. 3. ad 3. existimat hanc esse de mente Aristot. & reuerà videtur res non multum ab eius mente aliena: nam in hoc cap. in principio proponit eam dubitationem, an sint plures sensus tactus, conficitque duplicem rationem, qua id probari videtur. Prima est, quia vnus sensus tantum percipit vnā contrarietatem, qualiter visus tantum percipit contrarietatem, quæ est inter album, & nigrum: sed in qualitatibus tangibilibus sunt plures contrarietates extremæ, alia enim est inter calidum, & frigidum, alia verò inter siccum, & humidum. ergo sunt plures sensus tactus.

Cui rationi respondet Aristoteles, dicens, etiam in alijs sensibus quodammodo esse plures contrarietates, qualiter inquit, in voce acumen, & grauitas, & magnitudo, & paruitas, lenitas, & asperitas.

Secun-

Secunda ratio est, quia in alijs sensibus signamus obiectum vnum, sicut sensus ipse vnus est, qualiter obiectum visus est color; in tactu tamen non videtur posse assignari ali quod obiectum vnum. Quia rationem Arist. insolubilem relinquit: numquamque in hoc cap. docet, tantum esse vnicum tactum, propter quod S. Tho. & plures alij existimant Arist. reuera sensisse esse plures sensus tactus specie diuersas. Scio Arist. 3. de anima, cap. 1. aperte docere, tantum esse quinque sensus externos, vbi tantum vnicum tactum cõstitueretur, & ita alij dicunt, eo loco priorem sententiam retractasse.

Nobis tamen, quidquid sit de mente illius in hoc cap. vltimæ eius voluntati attendentibus dicendum videtur, reuera ipsum saltem loco vltimo citato vnum tantum constituisse: Auerroes verò hoc lib. tex. 108. præter duos tactus perceptiuos duarum contrarietatum alium ponit ad percipiendum graue, & leue. Albertus verò summa de homine, tractatu de tactu, quæst. 2. & Auicenna lib. 6. p. 2. de tactu duos alios tactus ad iungunt, alterum ad percipiendos dolores, & delectationes: alterum verò specialiter ad delectationes venereas. Tandem alij alium tactum specie ab his diuersum constituent in stomacho ad percipiendam famem, & sitim.

Vera tamen, & communis sententia est, tactum esse vnicum sensum in specie infima, cuius obie-

ctum ad æquatum sit qualitas tangibilis in communi, prout comprehendit omnes qualitates tangibiles. Tenet Sanctus Thomas 1. par. quæstione 7. artic. 2. ad 3. vbi soluit rationes Arist. in hoc cap. & ita retractauit sententiam, quam hoc loco olim tenuerat. Idem docet quæst. de anima, art. 3. ad 17. & opusculo 48. cap. 3. Philopponus hoc loco, digressionem super text. 17. Simpli letuscius verò super eundem textum Venetus super textum. 108. Card. To & omnes recentiores in hoc capite.

Et ratio est primò, quia quemadmodum omnes colores immutant visum eodem modo, quantumvis sint inter se maximè diuersi, ita & omnes qualitates tangibiles habent eundem modum immutandi tactum, scilicet per contactum: ergo ad eundem sensum tactus poterunt pertinere.

Secundò, quia magis differunt qualitates contrariæ, quàm contrarietates qualitatum contrariarum, nam duæ contrarietates qualitatum contrariarum non sunt inter se contrariæ, qualiter contrarietas, quæ est inter calorem, & frigus, non est contraria contrarietati, quæ est inter siccitatem, & humiditatem, sed qualitates contrariæ possunt percipi ab eadem potentia: ergo etiam plures contrarietates qualitatum contrariarum.

Per quod patet solutio ad primam rationem Arist. nam quando plures contrarietates habent simile

M modum

modum immutandi sensum, possunt ad eundem sensum pertinere.

Ad secundum, falsum esse non dari aliquid commune omnibus qualitatibus tangibilibus, sicut enim omnes colores conueniunt in ratione generica coloris: ita omnes qualitates tangibiles conueniunt in ratione generica qualitatis tangibilis.

Sed obijci potest difficilius. Nā gustus ex eo distinguitur a tactu; quia obiectum gustabile natura sua tantum potest sentiri in lingua, & non in alia parte: vnde colligimus gustum, & tactum natura sua esse potentias diuersæ rationis: sed eodem modo dolor ille, qui sentitur in capite, in nulla alia parte corporis sentiri potest: & idem est de similibus doloribus, qui natura sua videtur habere connexionem cum determinata parte corporis: ergo debent dari diuersæ potentie tactivæ ad percipiendos illos.

Respondetur, dolores omnino per accidens habere connexionem, cum determinata parte corporis, quia scilicet tantum in illa parte potest excitari qualitas illa dolorifica, quæ est obiectum illius sensationis: tamen si similis qualitas in alia parte excitaretur, haberetque simile temperamentum, ac est in capite, aut alio quouis membro; similis dolor in alijs partibus sentiri posset, tamē cum sit tam diuersa natura organorum, in eisque sint tam varia temperamenta, nihil mirum, quod tam diuersi dolores excitentur.

Quæstio V. Quod sit medium, per quod immutatur tactus.

A Verrores hoc loco existimauit neque corpora dura, neque liquida immediatè tangi à nobis, & ita tactum semper indigere medio externo ad percipienda corpora. Iam verò & Cardin. Toletus hoc loco in aliud extremum inclinant, dicentes, neque corpora dura, neque fluida indigere medio externo, vt percipiantur à tactu: sed immediatè tangi ab illo. Cum qua sententia dico primò: Tactus non indiget medio externo, ut tangat corpora liquida, verbi gratia, aerem, aut aquam. Ratio est facilis, quia vel inter aerem circūdantem nos, & corpus nostrum est vacuum; & hoc dici non potest, cum vacuum per naturam sit impossibile, vel intercedit aliud corpus liquidum, & sic iam illud tanget nos immediatè, & ita idem poterit dici de aere: vel nihil mediat, & ita absque externo medio poterit aer tangi à nobis, dicere enim inter aerem, & nos mediare, aliquod corpus durum, & contra experientiam est, posset enim à nobis percipi, & sine fundamento dicitur: ergo tactus, vt tangat corpora liquida, nullo indiget medio externo.

Dices, quod quamuis aer sit immediatus nobis, tamen eius qualitates non possunt percipi à tactu imme-

immediatè: sed contra est, nam si qualitates aeris sunt prope tactum nostrum: ergo saltem illæ, quæ excedunt in intensiōe qualitates organi nostri tactus, poterunt illum immutare: tactus enim excellentes qualitates saltem potest percipere: sed illæ species intentionales non mittuntur ad organum tactus; per medium aliquod nobis externum medians inter nos & aerem, quia, ut vidimus, nullum tale corpus est; ergo neque ad percipienda intentionaliter corpora liquida indigemus medio externo.

Quod autem hoc loco obijcit Auerroes, scilicet, quod cum aer sit locus naturalis noster, & locus sit potius conseruatiuus locati, quàm destructiuus, non potest immutare nostrum tactum, &que adeo non poterit immediatè à tactu percipi, sanè ridiculum est: nam quamuis de ratione loci naturalis sit, quod magis conseruet locatum, quàm in ipsum agat: tamen locus naturalis ratione qualitatis dissymbolæ non nihil agit in locatum, quia ratione vnum elementum est locus naturalis alterius, cum hoc tamen ratione qualitatis dissymbolæ vnum agit in aliud, ut aer agit in aquam per calorem, cum hoc tamen absolutè loquendo conseruat aquam: tum quia habet alteram qualitatem symbolam illi, tum etiam ratione influentiæ cælestis, quæ in illo modificata habet vim conseruatiuam locati, ut ex communi sententia

vidimus quarto libro Physicorum.

Dico secundò, etiam corpus durum immediatè posse tangi à nobis, atque adeo potest esse immediatus contactus etiam inter corpora dura, & non fluida. Hæc conclusio adeo est mihi certa, ut mirari non desinam, eam negari à quibusdam viris huius ætatis, aliis doctis, eamque bene probat Card. Tolet. hoc loco: nam si ingentem lapidem planam habentem superficiem supra terram ponas, vel inter illam & terram nihil mediat, & sic iam se tangunt immediatè, vel aliquid mediat, scilicet parua aliqua portio aeris, & tunc sequitur, ingentem molem illo quàm paruo aere sustentari, quod quis crederet?

Respondi posset, fortasse superficiem illam lapidis, non esse adeo mathematicè planam per naturam, ut non habeat paruas cauitates, inter quas, & terram necessariū est contineri particulas aeris, ne detur vacuum. Tamen contra est, quod sicut illæ cauitates parue non sunt terræ immediatè, ut bene probat hæc solutio, tamen saltem partes illæ, quæ supereminet illis cauitatibus, debent immediatè tangere terram, vel certè in aere sustentari.

Quare secundò alij respondent, nihil esse mirum, ingentem molem super paruam aeris portionem prope terram immediatè sustineri: nam si ingentem molem supra papyrus supra terram existen-

tem apponas, ingens illa moles in leui papyro sustentatur, hæc tamē instantius nullius est momenti: nam papyrus illa, & si tenuis, habet tamen consistentiam in suis partibus. & ita terra innixa ingentem lapidē sustentare potest: at verò aer, vt pote, qui maximè fluidus est, facillimè cedit, atque adeo non potest in se consistens magnam molem sustinere. Præterea multò melius id posset magna portio aeris, & ita melius ingens lapis detineretur magis distans à terra, quàm prope illam.

Secundò probatur, quia median- te figura sigilli imprimitur figura si- milis in cera: ergo opus est, sigillum ipsum tangere immediatè ceram, & non medio aere, iste enim cum nimis sit fluidus, inconstanter satis recipit figuram, & tamē reuerà incredibile videtur, malleum fortiter lapidem percutientem ipsum non tangere.

Potest tamen contra nostrā sen- tentiam obijci. Inprimis Aristot. in hoc capite dicens corpora dura se tangentia in aere, vel aqua, non se tangere immediatè, quia, inquit, corpora quæ se tangunt in aqua, hu- meantur adhuc secundum partes quibus se tangunt: ergo ibi interce- dit aqua humectans partes illas. Res- pondet Tolet: & Philop. in hoc ca- pite Aristot. tantum voluisse, quòd regulariter, & vt in plurimum me- diat aer, vel aqua inter corpora du- ra se tangentia, quia cum nullum corpus sit perfectè, & mathematicè

planum secundum superficiē, quæ aliud tangit, necessarium est, in ca- uitatibus illius contineri partem a- liquam aeris, vel aquæ, ne detur va- cuum: crediderim tamen Aristot. etiam loqui secundum partes emi- nentes, quibus corpora se tangunt, nam illius ratio ad hoc videtur ten- dere, nam adhuc illæ partes eminē- tes, secundum quas corpora se tan- gunt, humectantur, sed ex eo quòd humectantur, intendit Aristot. ibi intercedere aquam humectan- tem partes illas: ergo reuerà etiam loquitur de partibus se tangenti- bus.

Quare alij sicut liberius, ita & ve- riùs loquuntur, dicentes reuerà A- ristot. deceptum fuisse, sicut etiā, vt vidimus, deceptus est, existimās molliciem, & duriciem, solum sen- tiri à tactu in gradu excellenti: ne- que oportet plus Aristot. quàm firmæ rationi tribuere.

Ratio autem Aristot. friuola est: nam humiditas illa, quæ reperi- tur in partibus, secundum quas cor- pora se tangunt, non opus est, vt producantur ab aqua interiecta in- tēr vt tamque partem, sed potest ab aqua circūvicina produci, illa enim medijs partibus sibi proximis alias magis distantes humectare potest, quin sit immediatè in omnibus par- tibus, quæ humectantur.

Obijciunt secundò alij, quia si duo corpora dura se immediatè tã- gunt, sequitur, quòd ex eorum si- multanea separatione detur va- cuum, quia omnes partes illorum simul

simul separantur, & aer non potest simul intrare ad replendum illud vacuum, debet enim ingredi per motum localem, atque idè succedive: ergo ne concedamus dari vacuum, quando talia corpora separantur, cōsultius erit asserere non se tangere immediatè. Respondetur tamen, numquam dari per naturam corpora dura adeò perfectè plana, nec impulsus ita æqualiter producuntur in omnibus partibus, ut non eleuetur corpus magis per vnā partem, quā per aliam, licet id non sit nobis perceptibile, & cum aliās aer sit maximè fluidus, subito conluit ad paulatim replendum vacuum, prout tale corpus prius secundum vnās partes, quā secundum alias eleuatur. Quod si fingeremus casum metaphysicum, quod corpora illa haberent superficies perfectè planas, & omnino æqualiter secundum omnes partes, adinuicem, & simul separarentur, essentque ita occlusa, ut per nullam partem aer ingredi posset, certè vnu corpus traheret post se aliud, vel rumpetur, qualiter dicebā. Physic. hanc causā, quare paruo instrumento, quale est illud, quod vulgo appellatur (Zapparella) si vndique æqualiter lapidi adhaereat, lapidem aliquantulum grandem eleuamus, vel certe si lapis ingens sit, ita ut tali instrumento eleuari non possit, frangitur tale instrumentum.

Denique hæc est causa, quare si tabulam super aquam natantem

velis per omnes partes æqualiter eleuare, opus est magno impulsu, quia talis tabula trahit post se aquā, ne detur vacuum. Verum autè tangibile positum supra tactum possit sentiri, vel potius opus sit medio aliquo interno, ita ut per vnā partem viuentis producat species intentionales, & ab alia sentiatur, dicam capite sequenti, quæstio. 1.

Quæstio V. Quod sit organum tactus?

DE hac re prima sententia fuit Simplicij asserentis tactum residere in corde, si tamen hæc sententia assumeret, potētiam tactiuam solum residere in corde, non verò in alijs partibus, apertè est falsa, & cum etiam in alijs partibus sentiamus calorem, dolorem, aliasque tangibiles qualitates: alij verò asseruerunt, sensum istum solum residere in neruis dispersis per totum corpus, non verò in carne, sed potius carnē esse medium internum, & intrinsecum ipsi animali, per quod hic sensus immutatur. Tenet D. Tho. hic, & Auerr. commen. 108. landunus quæst. 29. & hanc sententiam docet expressè Aristo. in hoc capite, eam tamen vt satis falsam retractauit 1. lib. de histo. animalium cap. 4. & 2. de partibus animalium cap. 1. & 5.

Dicendum ergo, tactum non solum residere in neruis, sed etiam in carne. Docuit Galen. lib. 9. de decretis Hippocratis, & Platonis

cap. 2. Fernelius lib. 5. Physiolo. c.
 7. Avicenna lib. 6. naturalium par. 2. c.
 3. Alexander hoc lib. c. de contactu:
 Denique hoc tempore est. nam com-
 munis sententia; quam experien-
 tia rerum omniū magistra; satis do-
 cet; nam per quamlibet partem,
 quantumvis carnosam; sentimus
 qualitates tangibiles: nec dici potest
 sentiri illas qualitates per nervos
 quosdam diffusos per tales partes
 carnosas, quia etiam sentiuntur hu-
 iusmodi qualitates tangibiles in
 partibus nullum nervum habenti-
 bus; ut in iecore sentitur dolor, &
 in corde.

Secundò id probatur: nam tactus
 requirit temperamentum omnium
 qualitatum; ut possit ab omnibus
 immutari; sed inter omnes partes
 animalis caro habet perfectissimum
 temperamentum: ergo in illa resi-
 det tactus.

Denique ex fine sumitur con-
 gruentia: nam tactus eo fine est a
 natura datus animalibus, ut per il-
 lud noxia, & disconvenientia re-
 spuant, ad hunc autem finem opor-
 tuit dispersum esse per totum corpus:
 ergo in qualibet parte, quantumvis
 carnosā, inest tactus. Quod verò
 etiā resideat tactus in nervis, patet
 experientia, quia etiam in illis sen-
 titur dolor: neque obstat, quòd
 nervi habeant aliquod prædominiū
 siccitatis, & frigiditatis, nam ab ip-
 sibus vitalibus, quos continent,
 continuo calefiunt, & a carne hu-
 mida sibi adiuncta humectantur, &
 ita redduntur in proportionata

temperie, ut possint sentire.
 Maiorem habet difficultatem, an
 etiam in ossibus, & dentibus sit sen-
 sus tactus: quibusdam enim placet,
 partes istas non habere tactum pro-
 pter nimiam siccitatem, quem ha-
 bent, & ita quando sentitur dolor
 in dentibus, non tam sentitur in
 osse ipso, quam in carne circum-
 stante. Alij verò dicunt, in ossibus
 & dentibus reperiri aliqualem ta-
 ctum, licet remissum, neque est
 omninò improbable, quia dicunt,
 quando brachium, aut pes hominis
 abscinditur, etiam scilla iam carne
 sentiri dolorem in scissione ossis:
 hoc tamen reduci posset in com-
 motionem inde causatam in carne
 circumvicina, & ita reuertens sen-
 tiri dolorem in osse, sed in carne
 utraque tamen sententia non caret
 sua probabilitate. Fateor Arist. 7.
 lib. de anima text. 791. non solum
 ossibus, sed etiam nervis negasse in-
 esse tactum, illam tamen, quantum
 attinet ad nervos, mutavit in hoc
 capite, de quo hic satis.

Capitulum XII. De communibus omnium sensuum.

Postquam Arist. egit de quin-
 que sensibus externis, iam in
 hoc capite ultimò tradit quædam,
 quæ communes sunt omnibus sen-
 sibus, & inde aliquas dissolvit dubi-
 tationes: dicit ergo, commune esse
 omnibus sensibus recipere formas
 sine materia, appellat autem for-

mas.

mas sine materia ex communi inter-
pretum expositione species sensibi-
les, illæ enim cum sint quædam
imagines obiectorum, gerunt spe-
ciem, & formam illius, & ita dicit
suas recipere formas sine materia,
quasi dicat, potentiam visuam re-
cipere formam corporis colorati,
idest, speciem, quæ est quædam
forma præsentatiua illius, non ta-
men recipere materialitatem ipsius
corporis, quod explicat Arist. ex-
emplo de cera recipiente figuram
sigilli, ubi cera recipit formam, id-
est, figuram sigilli, non tamen eius
materiam: nam si sigillum terreum
sit, cera non recipit intrinsecè in se
ferrum.

Sed obijcies, nam medium, verbi
gratia aer, recipit formam sine
materia, recipit enim species sen-
sibiles: ergo hoc non est proprium
solum sensus. Respondetur. Arist.
non dixisse hoc esse proprium so-
lum sensus, sed generale esse omni
sensui.

Et si obijcias secundò, nam ta-
ctus recipit formas cum materia:
recipit enim non solum speciem
caloris, sed etiam calorem realem.
Respondetur, calorem realem non
recipi in potentia, sed in organo
potentiæ, potentia enim sensitiva
solum ordinatur ad immutationem
intentionalem, & ita solum species
intentionales recipiuntur in poten-
tia ipsa.

Secundò inquit commune esse
omnibus sensibus, quòd illud sit
sensorium, seu organum illius, in

quo est talis potentia receptiua for-
marum sine materia.

Ex quo duas soluit dubitationes,
alteram, quare excellens sensibile
corrumptat sensum, qualiter visus
læditur à vehementi lumine, & ta-
ctus à vehementi calore, & dicit
causam esse, quia potentia sensiti-
ua requirit in suo organo propor-
tionem, & temperiem primarum
qualitatum, quam quia dissoluit
vehemens sensibile, qualiter vhe-
mens calor destruit temperiem ta-
ctus, idèò, inquit, excellens sensi-
bile lædit visum.

Secundò soluit ex dictis aliam
dubitationem, quare scilicet plantæ
non sentiant, cum reuera vivant.
Respondet causam esse, quia non
habent debitam temperiem qualitatū
requisitam ad organum sensus. Tan-
dem concludit dicens, species sen-
sibiles etiam recipi in medio exter-
no, sed non vt tales species ibi per-
maneant, sed vt diffundantur vsque
ad potentiam sensitivam, ad quam
informandam per se ordinantur, vt
illam constituent intactæ primo ad
sensationem, ut dicitur in primis
capitulis philosophiæ naturalis.
De communibus omnium sensuum.

Hoc loco disputant quidam
de speciebus sensibilibus, illæ
enim sunt communes omnibus
sensibus: egimus tamen nos de hac
re commodius supra cap. 1. quare
nonnulla alia, quæ omnibus sensibus

communis sunt, hoc loco explicabuntur.

Quaest. 1. Vtrum sensibile positum supra sensum causet sensationem, an verò impediat illam?

Rem hanc attingit obiter Arist. supra cap. 7. & 11. quia tamen difficultas hac generaliter de omnibus sensibus tractari potest, eam hoc loco merito examinandam reliquimus.

In qua re prima sententia affirmat, nullum sensibile positum supra sensum causare sensationem, sed potius illam impedire, & consequenter asserunt, quod cum manu tangimus obiectum aliquod, pars, quae immediatè tangit tale obiectum contactu quantitativo, non sentit illud, sed alia pars distans, & ita pars immediata illi obiecto potius deseruit, ut medium, per quod altera pars distans immutetur, ut saluetur sensibile positum supra sensum, non sentiri ab eo sensu, super quem ponitur. Sic tenet Averro. commen. 116. Iandun. quaest. 29. & plures alij. Pro qua sententia nullum video fundamentum alicuius momenti, nisi quod Arist. praedictam propositionem absque limitatione protulerit; & 3. lib. de anima ex diversitate medij colligit differentiam sensuum externorum. Supponit ergo, omnem sensum externum requirere medium, per quod immutetur, atque adeo nunquam potius sentire sensi-

bile positum supra sensum.

In hac re dico primò, colorem, si ponatur supra oculum, non videri. Ratio est, nam, ut vidimus cap. 7. lumen requiritur ad visionem coloris ex parte obiecti, & ita non potest videri color, nisi illuminatus: unde, quia quando ponitur super pupillam, obscurus manet, illamque obscurat, ideò hoc sensibile positum supra sensum impedit sensationem.

Dico tamen secundò, per se loquendo, nullum aliud sensibile positum supra sensum impedit sensationem. Hanc sententiam docuit optimè Tolet. 3. lib. de anima cap. 1. quaest. 2. & quidem ratio id videtur manifestè suadere, quia omne agens naturale fortius, ac melius agit in propinquum, quam in distans: si ergo obiectum sensibile aliquo qualiter distans à sensu potest illi imprimere speciem sui, multò melius id poterit, quando est contiguum, & immediatum ipsi sensui ergo sensibile positum supra sensum, per se loquendo, non impedit sensationem.

Respondet Iandun. loco citato, reuera obiectum sensibile positum supra sensum producere speciem sui in tali sensu; dicit tamen, eam adeò esse materialem, ut visus, qui potentia minus materialis est; requirat speciem magis depuratam; & ita opus est medio, in quo talis species depuretur, ut ad potentiam minus materialis perveniat.

Hæc tamen solutio non placet, nam

nam aliud est loqui de intensione speciei sensibilis, aliud verò de eius materialitate: quamvis ergo obiectum, quò magis distat à potentia sensitiva, producat in illa speciem minùs intensam, tamen reuerà species intensà, & remissa eandem materialitatem habent, sicut tam materiale accidens est calor remissus, quàm intensus, quia non abiicit materialitatem, sed solùm amittit intensiorem, & ita tam depurata est species intensà, sicut remissà.

Et si obijcias, nam senes, & alij habentes debilem potentiam visiuam, melius res intuentur per ocularia, solentque, vt cartam legere possint, eam ab oculis aliquantulùm elongare: signum ergo est: speciem per illud medium magis depurari. Respondetur in primis, aliud esse loqui de specie, aliud verò de alijs qualitativis rebus, quæ produci solent ab obiectis simul cum specie intentionali: vnde multoties mediũ interiectum inter potentiam visiuam & obiectum, ad id deseruit, vt obiectum minùs immutet potentiam illam debilem alteratione reali, & physica: & ita minùs lædat organũ potentie visive.

Addo præterea, adhuc seclusa omni mutatione reali, & physica, multoties requiri elongationem obiecti ex imperfectione potentie visive; nam, vt suprà dicebam cap. de visu, potentie visive secundùm quod magis, vel minùs sunt perfectæ, pro sua differentia individuali postulant maiorem, aut minorem,

magnitudinem obiecti, ita vt si potentia aliqua visiva perfecta habeat vim ad videndam rem nimis parvã à longè, tamen non quolibet potentia id potest, & ita obiectum, quod habet quantitatem proportionatam cum virtute potentie perfectioris, nequaquam illam habet respectu alterius potentie imperfectioris. Ad eundem ergo modum species intensà, quæ est proportionata cum potentia visiva perfecta, habet intensiorem, & acrimoniã non proportionatam cum potentia visiva obiecti, & ita opus est ocularijs aliquid qualiter densis, vel elongatione obiecti à potentia, vt species illa non tam intensà ad potentiam perveniat: tamen in alijs sensibus res hæc non habet locum, experimur enim, calorem eò perfectiùs sentiri à tactu, quò magis approximatur, & quò minùs impeditur à medio, vt possit agere in tactum, & idem est de sono, & alijs obiectis sensibilibus.

Vnde secundo probari potest, facta inductione in alijs obiectis sensuum præter colorem: nam tactus cum non solùm residet in nervis, sed etiam in carne ipsa, cum obiectum tangibile possit immediatè tangere carnem, nihil perfectò impedire potest, quòd tale obiectum percipiatur à parte illa, qua tangitur, & idem suo modo de gustu, cū per salivam, aut alium humorem liquidum, possit sapor realis in locum causatus deferri usque ad organum gustus. De auditu verò id videtur experientia comprobari, plures

M v enim

enim infirmi sentiunt commotionem factam in aere interno auris, causatam ex morbo aliquo, ut de visu id probatur. Saltem respectu luminis, quia multoties dum clausis oculis, illos digito comprimimus, videmus interius lumen quoddam, quasi scintillans, ortum ex compressione humoris albuginei, quod dum peruenit ad pupillam, causat sensationem sui.

Et si inquiras, si ergo lumen potest videri, etiam si contiguum est cum oculo, quare ergo est ratio, quare non videmus lumen aeris, donec terminetur visio ad corpus aliquod aliquantulum opacum? Respondetur, id quidem non repugnare ex parte luminis: nam si tu extra oculum ponas crystallum, aut vitrum illuminatum, videbis illud, quia in illo corpore aliquantulum denso potest iam terminari visio; non tamen in aere, quia nullatenus densitatem habet, & simili modo si daretur corpus aliquod coloratum diaphanum, ita ut positum supra oculum posset habere ducem, tunc videri posset ille color, illuminatus, quantumvis sit supra sensum.

Oritur tamen ex dictis dubitatio, quare potentia visiva residens in pupilla non videt tunicas supra illam existentes, cum diaphanae sint, & illuminatae, saltem lumine externo, imò, & habent colorem aliquem, licet exiguum, si verum est, sensibile positum su-

praesensum posse sentiri per se aliquo modo. Respondetur, tunicas istas ita esse coniunctas, & unitas pupillae, ut cum illa se habeant per modum vnius, atque adeò sicut color pupillae non potest videri ab illa propter rationem dictam supra, ita nec tela, quae se habent cum illa per modum vnius, quum potius sicut color pupillae eam habeant naturam, ut non producat speciem sui intra ipsam pupillam, sed ad extra, ita videmus pupillam nostram in speculo: idem habent tunicae per modum vnius illi unitae. His etiam accedit nimia remissio illius coloris, ita ut comparatione colorum exteriorum ferè nullus sit, & ita externi colores ad se attrahunt visum.

Dixi tamen merito in conclusione, nullum obiectum sensibile praeter colorem positum supra sensum impedire sensationem per se loquendo, nam per accidens aliquando sensibile positum supra sensum impedit, ne fiat sensatio perfecte in quantum per qualitates reales illud immunde, & ita dissolui temperiem organi, qua ratione fumosa exhalatio, in qua subiectatur odor realis, dum per calorem agit in organum olfactus, causat in eo distemperiem, & ita non adeò perfecte odoratur, ut enim dicantur quaestione sequenti, multoties sensus laeditur ab excellenti sensibili.

Vnde propositio illa Aristoteli: *Sensibile positum supra sensum, impedit sensationem*, non debet intelligi

uersaliter, sed indefinite, & quod non impediatur sensationem quantum ad substantiam, sed quantum ad perfectionem, id est, aliquando impeditur sensationem perfectam per accidens, ut dictum est. Præterea quando 3. lib. de anima cap. i. probandi uersitatem sensuum externorum ex diuersitate medijs, per quod immutantur, non intendit sensus omnes indigere necessarii medio aliquo, per quod immutentur, satis est, quod possint immutari per media diuersa, ad colligendam diuersitatem illorum, quamuis non semper necessario petant medium.

Difficilior est locus Aristot. in capite de tactu, ubi aperte docet, quod sensibile positum supra illum non sentitur. Respondetur tamen, supponere opinionem illam, quod scilicet corpora dura non se tangant immediate, sed mediate, ut aer, vel aqua, & ita, inquit, corpora tangibilia, quantumuis supra organum tactus apponantur, non tanguntur immediate ab illo, atque adeo, nec proprie dicitur tangi, quia tactus, aut contactus, ut supra dixi, si proprie loquamur, requirit immediationem inter corpora se tangentia, & ita supposito illo principio, vera est sententia Arist. tamen principium illud falsum est, ut videmus.

Quest. II. Vtrum excellens sensibile corruptat sensum.

Ratio dubitandi est, quia nec sensus internus, nec intellectus laeditur ab excellenti obiecto, quantumuis enim imaginemur, aut intelligamus obiectum excellens, nulla fit laesio, imò perficitur sensus internus, & intellectus ab excellenti obiecto: ergo nec debet sensus externus laedi ab excellenti sensibili.

Quare in hac re exp. capda Caietan. hoc lib. text. 123. & ibidem Palacius existimant, sensum externum laedi ab excellenti sensibili, adhuc ratione speciei intentionalis, fingit enim Caietan. nescio, quam proportionem requisitam inter potentiam, & obiectum, & ita quia excellens sensibile mittit speciem excellentem illam proportionem, ideo asserit, excellens sensibile laedere sensum per speciem intentionalem. Hæc tamen sententia aliquid habet verum, aliquid verò prorsus falsum, verum quidem est, debere esse proportionem quandam inter speciem, & potentiam, ut obiectum possit percipi perfecte a tali potentia: hæc enim ratione, ut supra dicebam, res a longe existens, quæ remissam speciem mittit ad potentiam visiuam, videtur a potentia visiva perfecta, & perspicaci, ita ut illa species sufficiens sit ad causandam visionem obiecti in tali potentia visiva debili, tamen in alia potentia perfecta, non falsum tamen est, speciem sensibilem, quantumuis sit intensa, & ab excellenti sensibili proueniens, laedere

re po.

re potentiam sensitivam. Ratio est evidens, quia species intentionalis solum est activa actione intentionali, non verò alteratione reali, & corruptiva, quia non est productiva primæ, aut secundæ qualitatis alterationis, sed alterius speciei intentionalis sibi similis.

Secundò id patet à simili, nam species intentionales sensus interni non lædunt illum, ut patet, quantumvis quis fingat obiectum excellens. Denique hæc videtur aperta sententia S. Thom. quia 1. par. questio. 67. art. 3. ex eo probat, lumen non esse speciem intentionalem, quia est principium transmutationis realis; quamvis enim lumen ex se nullam habeat contrariam qualitatem, quam expellat, quia tamen est productivum caloris, qui est principium alterationis corruptivæ, idè lumen non est qualitas intentionalis, sed realis.

Quare dicendum est hac in re cum communi sententia, excellens sensibile lædere sensum, non quidè ratione speciei sensibilis, quam producit, sed ratione alterius adiunctæ qualitatis alterationis, quam habet: hac enim ratione, cum quis à tenebroso cubiculo exiens intensum intuetur lumen, sentit dolorem in oculis, quia frigiditas, quam oculi in tenebroso illo loco acquisierunt, per calorem à lumine productum, subito dissipatur, inde & distemperies quædam resultat in oculo, causans illius dolorem. Hac etiam ratione obiectum odorife-

rum nimis intensum causare solet dolor in capitis, quia scilicet exhalatio illa odorifera, dum ad earumculas prope cerebrum existentes pervenit, ratione caloris physice immutat cerebrum: unde causatur dolor. In auditu etiam ex vehementi sono fit læsio, nam propter vehementem aeris commotionem, qua percutitur organum, resultat quædam illius contusio, aut solutio continui. In tactu etiam ex vehementi calore ignis causatur dolor ex distemperie organi inde causata: quid simile in gustu contingere potest, unde numquam fit læsio ab specie intentionali, sed ab alia physica qualitate, per quam excellens sensibile realiter immutat organum.

Tandem ex dictis potest reddi ratio ad nonnullas experientias factis communes: nam in primis dum oculus diuturna visione colorem album intuetur, læsionem patitur ratione luminis inde reflexi. Præterea in aspicienda re minima defatigari solet visus, quia requiritur ad hoc magna fixio oculi, & ita impeditur motus naturalis palpationis oculi, quo conservatur, non secus, quam conservatur animal respiratione, & ita aliquando potest sensus visus lædi à minimo sensibili, sicut alij læduntur ab excellenti sensibili.

Tandem ex dictis colligitur ratio, quare exiguum luminosum in præsentia solis non videatur, quia scilicet excellens sensibile, propter suam perfectionem, quasi cogit potentiam

rentiam, ut cum magna applicatione ad ipsum tendat, unde non potest obiectum exiguum simul perfecte percipi, quia pluribus intentus minor est ad singula sensus.

Tandem ad rationem dubitandi respondetur in primis, intellectum à nullo obiecto intelligibili quantumvis excellenti, lædi, quia cum sit potentia spiritualis, nulli corporeo organo est affixa, ac proinde nullam reperiem qualitatū sibi exposcit, quæ dissoluta, lædatur: Dixi autem, sibi, nam cum actus intellectus pro hoc statu dependeat à sensu interno, ut 3. lib. dicam, multoties ex læsione facta in sensibus intellectus minus bene elicit suas operationes, ut patet in furiosis, & amentibus; tamen hæc læsio nō est illi intrinseca, sed potius in sensu interno, à quo dependet in sua operatione. Ratio autē, quare ex diuturna, & vehementi imaginatione contingat dolor capitis, ea est, quia ex diuturna imaginatione accenditur calor, indeque causatur distemperies in cerebro, atque adeo causatur dolor, non tamen dicitur propriè sensus internus lædi ab excellenti sensibili, sicut sensus externus, quia calor ille causans distemperiem cerebri, non causatur ab obiecto sensibili, qualiter causatur distemperies in organo sensus externi ab obiecto ipso, ut explicatum est.

Quæstio III. Vtrum in eodem sensu possint simul recipi plures species sensibiles numero tantum diuersæ.

REm hanc obiter attingi 1. libr. Physicor. disputatione vltima, & ad hunc locum latius disputandum remissi, nec difficilem habet solutionem, suppositis principijs ibi adductis. In hac ergo re, ut vidimus loco citato, plures ex Thomistis vniuersaliter defendunt, nulla accidentia solo numero diuersa posse recipi simul in eodem subiecto, etiam si intentionalia sint. Tenet Soc. 7. Met. 4. Hierueus quodl. 2. q. 9. Palud. in 3. d. 8. q. 2. denique hoc tempore est communis apud Thomistas, & præter rationes, quibus generaliter intendunt probare, plura accidentia solo numero diuersa non posse recipi simul in eodem subiecto, quæ loco citato videri possunt, argumentantur etiam ex proprijs de speciebus intentionalibus.

Primo, nam si sensus habet naturalem capacitatem, ut simul recipiat plures species intentionales, eandem etiam habebit ad plura alia accidentia, quantumvis realia sint. Et probatur, nam id eo, ut dicemus infra, est capax ad recipientias simul plures species intentionales, quia non habent omnino similem modum informandi subiectum, sed eundem modum informandi habent accidentia realia, verbi gratia, duo

calores: ergo æqua est ratio utrobique. Probatur minor, quia cum due species intentionales numero diuersæ tantum differant numero, tantum possunt habere modum informandi numero diuersum; nam si tribuerentur informationes speciei diuersas, formæ ipsæ speciei differrent, & non tantum numero, sed etiam duo colores, cum sint formæ numero diuersæ, tribuuntur informationes diuersas numero: ergo nulla est maior ratio de speciebus intentionalibus, quam de accidentibus realibus.

Secundò, quia aliàs qua ratione possunt due species numero diuersæ esse in eodem subiecto, etiam possent multiplicari in infinitum, quia non est maior ratio de vno numero, quam de alio; consequens autem est falsum, quia capacitas, quam habet sensus, vel medium ad recipiendas species sensibiles, finita est: ergo sicut nec potest infinitas species recipere, ita nec plures. Ad hanc sententiam probandam, utpote, quæ satis infirma est, licet in Academia nostra satis recepta, Thomistæ varia congerunt argumenta, quibus eam confirmant, sunt tamen prorsus futilia, ab his autem semper supersedendum duxi.

Quare in eius decisione duo videnda sunt. Primò, utrum due species impressæ possint simul esse in eodem sensu, aut in eodem medio. Secundò, utrum etiam possint dari duæ species expressæ in eodem sensu. Dico ergo primò, plures

species impressæ numero diuersæ recipiuntur simul in eodem sensu, & in eadem parte mediij: hanc sententiam sequuntur nonnulli, etiam ex Thomistis, Capreol. enim clare id videtur docere in 2. d. 7. quæst. 2. ad argumenta contra nonam conclusionem. Iauē. etiam idem sentit. 5. Meta. q. 16. ex alijs verò Auctoribus idem sentiunt Anton. Ardr. 5. Meta. q. 8. concl. 1. Palacios in hoc loco, Fonse. 5. Met. cap. 10. quæst. 1. Pater Suar. 1. tomo. Met. disp. 5. lect. 6. subtilis disputator Molin. 1. par. 58. art. 2. disp. 1.

Et ratione probatur. Primò, quia, ut experientia constat, duo corpora alba per quamlibet partem aeris, qua opponas oculum, videntur; signum ergo est, illa duo alba imprimere speciem sui in eadem parte mediij, vel ergo videntur per eandem speciem, quam intelligamus ab utroque simul procedere, & utrumque representare, vel per duas species: si dicatur hoc vltimū, habetur intentum, iam enim erunt in eadem parte mediij duæ species sensibiles numero diuersæ. Primum autem dici non potest, quod sic ostendo; quia si utrumque illud album videtur per eandem speciem, vel ergo videtur per eandem prorsus entitatem indiuisibilem speciei, vel per diuersas entitates partiales: primum dici non potest, quia si alterum ex illis corruptumatur, iam non videtur, nec representatur per talem speciem: signum ergo est, fuisse corruptam in tali specie

specie aliquam entitatem illi correspondentem. Patet consequentia, quia tota entitas, & essentia speciei est repræsentare: ergo si aliquares, quæ repræsentatur, corrupta est, planè conuincitur, fuisse corruptam aliquam entitatem illius speciei.

Secundò, quia si vtrumque obiectum videtur per eandem indiuisibilem entitatem speciei, sequitur, quòd si alteram illorum obijciatur nostris oculis, alterù verò è regione ponatur à tergo, etiam videtur illud obiectum, quod est à tergo, quod est contra experientiam. Patet consequentia, quia videtur per eandem indiuisibilem speciem.

Tertiò, quia si eadem indiuisibilis species ab utroque procedit, sequitur dari per naturam duas causas efficientes totales, & non subordinatas respectu eiusdè potius effectus, quia cum vtrumque illud album sit eiusdè speciei, & simul producat speciem illam, neutrum alteri subordinatur, quòd verò nec possint repræsentari per diuersas species partiales integrantes vnicam totalem, patet, quia cum per eandem partem mediij vtrumque simul videatur, saltè sequitur, quòd duæ species partiales numero diuersæ recipiantur simul in eadè parte mediij, & ita non repugnabit, recipi etiam duas totales numero diuersas.

Dices, consequentiam esse nullam, quia per nos plures gradus caloris diuersi numero partialiter recipiuntur in eadem parte subiecti,

non tamen duo calores totales: tamen contrà est, quia, vt in libris de Generatione dicebam, diuersi gradus caloris non habent eundem modum informandi subiectum, eò quòd habent inequalitatem in perfectione indiuiduali, idèò subiectum informatum vno gradu, adhuc est in potentia, vt informetur per alium: si autem illæ duæ species partiales non informant eodem modo, quia repræsentant diuersa obiecta: ergo longè facilius dici potest esse ibi duas species totales, sicut sunt duo obiecta totalia, quæ quia diuerso modo informant subiectum in ordine ad diuersa obiecta, quæ repræsentant, possunt dari simul in eodem subiecto: ergo sicut conceduntur duæ species partiales, eadem ratione concedi possunt duæ totales.

Secundò argumentor sic, quia, vel duæ illæ species partiales componunt vnicam totalem speciem per compositionem physicam, vel per subordinationem tantum: non per subordinationem, quia ea, quæ sunt subordinata, non sunt physicè vnum: ergo iam physicè loquendo, non est vnica species, sed plures, & ita habetur intentum, siue efficiant aliquod vnum per compositionem physicam.

Contrà est, quia compositio physica tantum est duplex, scilicet ex materia, & forma, vel per continuationem. Ex his autem prima compositio hic non potest habere locum, quia materia, & forma

necessariè

necessariò debent esse diuerse species, saltem partialis: utraque autem illa species partialis est eiusdem species, quia representant obiecta eiusdem speciei. Quòd verò nec possint vniri per continuationem inter se, probò, quia, vt capit. 5. dicebam, duplex tantum extensio fingi potest in specie sensibili: altera subiectiua correspondens diuersis partibus subiecti, & ista non potest habere hic locum, quia, vt ostēdi, per eandem indiuisibilem partem medijs videtur vtrumque obiectum: altera verò obiectiua petita ab extensione obiecti, quia obiecta non habēt inter se extensionē continuā: ponimus enim esse duo corpora totali adiscōtinua: ergo illi potius debēt correspondere duę extensiones obiectiuarum totales, quam duę partiales, species enim distinguūtur ex diuersitate obiectorum, & eadē ratione cōuincitur, illas partiales species nō posse inter se vniri per intēsiōnē obiectiuā, quia neque obiecta ipsa hoc modo inter se vniūtur. Præterea, quia ad intēsiōnem requiritur subordinatio partium, illæ autem duę species non subordinantur inter se, sicut neque obiecta ipsa: ergo reuera ibi sunt plures species totales numero diuersæ.

Secundò probari potest eadem sententia non minus efficaciter, quia quando quis se ipsum intuetur in speculo, producat speciem sui per medium vsque ad speculum, & deinde in speculo fit reflexio,

qua alia species resultat ex speculo ad potentiam visuam, nam per priorem speciem, quæ antecedit reflexionem, non posset quis se ipsum videre, quia illa species non tendit ad suum oculum, sed ad speculum: ergo planè conuincitur dari in eadem parte medijs plures species numero tantum diuersas. Nam si dicas, eandem speciem iterum reuerti ad potentiam visuam, sequitur idem accidens migrare de subiecto in subiectum.

Tertiò id probari potest ratione illa generali, qua disputantes de principio indiuiduationis, ostendimus accidentia illa diuersa numero, quæ non habent similem modum informandi subiectum, posse simul esse in eodem subiecto.

Quoniā, vt à suis ordiamur principijs, aduertendū est, vt notauit Pater Suarez loco citato, inter accidentia solo numero diuersa, quædam esse, quæ simili prorsus modo informant subiectum, ita vt saltem ex parte differentię indiuidualis nullam habeant inæqualitatem in modo informandi subiectum, quales sunt, duo calores vt quatuor, vel duæ albedines: alia tamen sunt accidentia, quæ quamuis in ratione specificata conueniant, tamen ex parte differentię indiuidualis diuersimodè informant subiectum, huiusmodi sunt gradus diuersę qualitatis, nam secundus gradus caloris, sicut in sua perfectione indiuiduali est perfectior primo, & ita quodammodo in perfectione, & actiui-

tate

tate illi dissimilis, ita etiam in modo informandi non habet omnino similem informationem cum primo gradu, huiusmodi etiam sunt duæ species diuersorum obiecto-
rum, v. g. Petri, & Pauli; nam species Petri tantum repræsentat illum, non verò Pauli; nam absente Paulo, videtur Petrus per suam speciem, non verò Paulus, & ita duæ illæ species non habent eundem modum informandi omnino similem, quælibet enim illarum reddit subiectum intentionaliter simile in ordine ad suum peculiare obiectum, non verò in ordine ad aliud.

Secundò vltèrius fit quod accidentia numero diuersa, habentia tamen similem modum omnino informandi, non possint dari simul in eodem subiecto, bene tamen accidentia, quæ dissimili modo informant, habent diuersa munera, quod in primis constat in calore: hac enim ratione adueniente secundo gradu caloris diuerso numero à priori, non corrumpitur primus gradus, quia cum præstent informationes dissimiles, neuter illorum est frustra.

Secundò, id optimè coniectat pater Suarez ex parte causarum: primò, ex parte causæ finalis: nam finis agentis naturalis est assimilare sibi passum, & ita quando accidentia sunt omnino similia, iam actio terminata ad secundum accidens, est omnino superflua, & otiosa; secus tamen quando sunt dissimilia, tunc enim diuersumodè assimi-

lent passa. Secundò, ex parte causæ efficientis, quia agens cum operatur propter finem, cessante fine, cessat eius actio, vnde cum per accidens iam adeptum fuerit assimilationem, quam intendebat, nisi accidens adueniens in munere, & modo informandi sit diuersam à priori, cessat actio eius.

Tertiò tandem ex parte causæ materialis, quia quando accidentia habent dissimilem modum informandi, informatio vnius non est sufficiens ad replendam totam capacitatem subiecti, quia adhuc habet capacitatem ad aliam informationem diuersæ rationis, cum non sit omnino similis præcedenti.

Ex dictis ergo colligitur ratio, quare species vides Petri, & Pauli non tribuunt subiecto effectum formalem omnino similem, quælibet enim tantum reddit subiectum intentionaliter simile suo obiecto, non alteri: ergo subiectum informatum vna specie, adhuc habet capacitatem, vt possit informari per aliam alterius indiuidui: ergo non repugnat species sensibiles numero diuersas esse in eadem parte mediæ.

Oritur tamen ex dictis non leuis difficultas: nam iuxta hanc sententiam duæ species eiusdem numero obiecti non poterunt esse per naturam in eadem parte mediæ, quia habent omnino similem modum informandi in ordine ad idem numero obiectum, cõsequens autem videtur esse falsum, vt ostendit sensus.

da ratio adducta, de reflexione facta in speculo. Respondetur, quod quamuis species recepta in speculo representet idem numero obiectum, ac species procedens ab obiecto versus speculum, adhuc tamen diuersimodè illud representat; nam species reflexa in speculo representat obiectum quasi ibi existens, nam quamuis, vt supra cap. 5. dicebam, species in speculo reducens representat, in qualibet distantia existat obiectum, verè enim videmus in speculo Petrum existentem in fenestra, aut alio simili loco, hæc tamen omnia representat, quasi reuerà essent in speculo: què modum representandi non habet species, quæ est in aere, & ita suo modo habent dissimilem modum representandi idem obiectum, atque adeò possunt esse in eadem parte medij.

Ex his dico secundò in hac questione, etiam dari simul in eodem sensu plures species expressas, numero diuersas; quando videtur simul plura obiecta numero diuersa. Hæc conclusio apertè sequitur ex superiori: nam eadem argumenta, quæ cōvincunt plura alba non posse representari per eandem speciem impressam, siue indiuisibilem, siue diuisibilem, eandem habent vim in specie expressa, vt discurrerenti patebit. Præterea, quia cum species expressa producatur ab impressa, illique proportionetur, sicut species impressa. Petri tantum representat Petrum, non verò Pau-

lum, ita producit speciem expressam illi similem representantem Petrum dūtaxat: ergo vt simul videatur Paulus, opus est alia specie expressa representatiua illius. Denique in hac re nulla maior repugnantia assignari potest de speciebus expressis, quàm de impressis.

Solum potest hic obijci: nam si quādo quis simul videt obiecta numero diuersa, producit species expressas: ergo etiam habet duas visiones numero diuersas, productiuas talium specierum, & ita iam posset potentia cognoscitiua cognoscere simul plura, quia cum talia obiecta numero diuersa, non sunt subordinata, non possunt coalescere in aliquod obiectū vnum; consequens autem est contra Sanct. Thom. qui adhuc videtur negare 1. par. quest. 58. art. 4. & de veritate q. 8. art. 14. & sæpe alibi. Respondetur tamen concedendo antecedens, quod verissimum esse ostendam 3. libi de anima. Et ex dictis planè conuincitur: nam plures species expressæ necessariò postulant plures cognitiones productiuas illarum: de mente autem S. Tho. si quam patitur interpretationem, ibi dicam.

Ex dictis infero, quod quamuis possint dari simul plures species numero diuersæ, representandi diuersa obiecta, non tamen plures idem numero obiectum; & eodem modo representantes, habent enim similem omnino modum informandi subiectum, loquor autem ex natura

tura

turæ rei, nam per diuinam potentiam id non repugnat, sicut neque repugnat dari duos calores totales in eodem subiecto, vt docuit optimè Grego. in 1. d. 17. quæst. 5. Oham quæst. 7. & Aegidius quodli. 4. quæst. 1. nam sicut potest Deus duas quantitates in eodem loco collocare, seruata earum distinctione, tamen si ex natura rei ab illo mutuo se se expellant, cur non poterit Deus duas species eiusdem prorsus obiecti, salua earum distinctione, in eodem subiecto conseruare: neque enim satis est ad vnionem physicam illarum, quòd sint in eodem subiecto, nisi aliquo indiuisibili intentionis, aut extensionis inter se copulentur, quod impossibile esse, suprà vidimus.

Tandem hac in re non parum mihi displicet doctrina Caieta. 1. par. quæst. 76. artic. 2. asserentis non posse esse in eodem subiecto duas species numero diuersas in esse rei, bene tamen numero diuersas in esse intentionali: nam esse intentionale, quod est esse repræsentatiuum, est tota essentia, & entitas specierum, & ita species, quæ in esse repræsentatiuo, seu in repræsentatione differunt, necessariò differunt in entitate re ipsa.

Ad argumenta autem Thomistarum ex dictis est facilis solutio. Ad primum, quòd, vt vidimus, adhuc intra limites differentiarum individualis quædam accidentia differunt magis, quàm alia, ita vt quæ-

dam habeant similem omninò modum informandi, alia verò dissimilem; ita enim quælibet diuersitas individualis accidentium satis est, vt possint per naturam plura numero diuersa esse similia in eodem subiecto.

Ad secundum, tot species numero diuersas esse composibiles, simul in eodem subiecto, quot sint obiecta diuersa apta illas producere. Vnde sicut possunt esse plures, & plures albedines sine termino, ita possunt esse plures, ac plures species sensibiles, tamen sicut non sunt possibiles albedines infinitæ in actu, sed solum in potentia, ita & species. Ex hoc autem non licet colligere capacitatem receptiuam subiecti esse infinitam, sicut quamuis ignis possit plura, & plura combustibilia comburere, si illi applicentur, non licet colligere habere actiuitatem infinitam.

Et si dicas, quòd quamuis Deus possit producere infinitum in actu, probamus tamen habere infinitam virtutem, ex eo quòd potest non tot, quin plura producere: ergo similiter in genere causæ materialis, ex eo quòd subiectum habeat capacitatem ad recipiendas non tot species, quin plures, debet probantem capacitatem receptiuam esse infinitam. Respondetur, esse diuersam rationem, quia virtus infinita Dei ex eo probatur, quia secundum perfectiorem essentiam potest quacumque data specie

aliam perfectiorem efficere, & hoc se solo absque dependentia ab alio: semper subditur agenti, ab illo enim accipit formam, quam recipit. Et subjectum autem in sua receptione hæc de hoc secundo libro.





LIBER TERTIVS

de Anima.

Cum haecenus egerit Aristot. de potentijs animæ vegetatiuæ, & de potentijs externis animæ sensitiuæ, scilicet de sensibus externis; intendit iam hoc tertio libro agere de potentijs internis, tam animæ sensitiuæ, quàm rationalis, ut sic disputatio de anima completa, & absoluta maneat.

CAPVT PRIMVM.

Quamuis Arabes interpretes huius libri initium sumant à capite quarto, in quo Aristot. incipit iam disputare de potentijs animæ rationalis; cōmunis tamen Græcorū, & Latinorū partitio illud ab hoc cap. desumit, in quo intentū Arist. est, probare nullum esse alium sensum externū, præter quinque connumeratos, ut deinceps de sensibus internis disputationē constituat. Id autem probat. Primò, quia si esset alius sensus externus, vel esset diuersæ rationis ab istis, vel eiusdem rationis: non eiusdem rationis, ita

quòd sit alius visus, quia, inquit, quolibet sensu percipimus omnia sensibilia illius generis, ut tactu omnes qualitates tangibiles, visu omnes colores, & sic de reliquis: ergo alius sensus eiusdem rationis superfluous est, natura autem nihil egit frustra. Quòd autem nec sit alius diuersæ rationis ab istis, probat ex diuersitate medijs, ut statim dicam.

Secundò ergo probat, quòd nō sit alius sensus ratione perita à sensorijs, seu organjs sensui, quia nullum aliud est organū sensus præter quinque cōnumerata, neque illud experimur: ergo neque est alius sensus.

N iij

Tertiò

Tertio, id probat ex diuersitate medijs, quia quidquid à nobis sentitur, vel sentitur per medium internum, qualiter tangibilia sentiri possunt per medium internum, vel sentitur per medium externum, vt visus, &c. tale autem debet esse medium, quale est elementum prædominans in organo, vt si prædominatur aer, medium est aer. Tantum autem est duplex medium externum, scilicet aqua, & aer; terra enim ob suam nimiam densitatem non est medium saltem aptum nam absolute loquendo aliquis sonus audiri potest medio pariete terre; ignis verò, inquit, aut in nullo prædominatur, aut communis est omnibus, quia sine calore nihil est sensitivum, sed animalia perfecta, inquit, in quibus ob suam perfectionem debent esse omnes sensus, habent organa, in quibus hæc elementa, & non alia prædominantur: ergo nullus est sensus præter connumeratos.

DISPUTATIO I.

De pluralitate sensuum exscriptum.

QUAMVIS Arist. tantum intēdat in hoc cap. nullum alium esse sensum externum præter connumeratos, omnia tamen, quæ ad eorum perfectionem, & actiuitatem explicanda supersunt, hac disputatione complectar, vt deinceps ad sensus internos gradum faciamus.

Questio Prima. Vtrum tantum sint quinque sensus externi, & an per se. Priori modo reperiuntur in homine, quam in alijs animalibus?

CONVENIUNT omnes, reuera potuisse Deum per diuinam potentiam plures alios sensus produxisse, in hoc enim nulla inuoluitur implicatio contradictionis, siue loquamur de multiplicatione specifica, siue de individuali: de specifica quidem, nam posset Deus aliud genus obiecti sensibilis creare iuxta immensam eius sapientiam, cuius non est numerus, & ita alius sensus diuerse rationis ab istis corresponderet. De individuali verò, quia potuisset sanè plures olfactus, aut plures sensus auditus in quolibet viuente creare, hoc enim nullam inuoluit implicationem: tantum ergo queritur, an de facto sint plures quam quinque sensus.

Dicendum est cum communis Philosophorum sententia, tantum esse quinque sensus connumeratos, scilicet visum, auditum, &c. Quæ conclusio ex eo sanè sufficenter colligitur, quod neque ab experientia, neque ex ratione habeamus indicium aliquod, unde in nobis sensus alius exterior debeat poni, & cum gustus sufficiat ad omnes sapes, & visus ad omnes colores, & sic de alijs, sine fine, & necessitate non debet poni alius sensus, natura enim nihil agit frustra.

Ratio

Ratio autem illa Arist. petita ex diuersitate medij, vt omnes admittunt, non est demonstratiua, licet habeat aliquid probabilitatis. Plures alie rationes solent hoc loco adduci, nulla tamen est demonstratiua, etli experientiam secludas, qua nullum aliura sensum experimur, nihil probant: quare in illis ad vnguem examinandis non est opus tempus consumere.

Dubitabit aliquis, an omnes isti sensus reperiantur in quouis animali, & quidē de tactu res est apud omnes certa, illū in quouis animali reperiri. Docuit Arist. lib. 2. cap. 4. vbi ex eo quod animalia omnia habent sensum, probat habere tactum, quasi tactus sit omnino necessarius omnibus animalibus: & idem docet hoc lib. tex. 63. & de sensu, & sensibili, cap. 2. Et ratio est, quia tactus discernit noxia, & nocua ab vtilibus, & ita oportuit sensum istum omnibus animalibus inesse, vt quæ sibi sunt vtilia, prosequerentur, quæ verò nocua, fugiat. De gustu verò, licet res sit magis dubia, etiam videtur dicendum, omnibus animalibus inesse. Docuit Apollinarius hic tex. 29. Venetus summa de anima, cap. 34. & aperte Arist. 2. de partibus animalium, cap. 17. vbi docet, omnia animalia tam sanguinea, quam exsanguia, eam habere partem, qua sapores sentire possint: & congruentia eadem est, ac de tactu: nam gustus discernit inter alimentum conueniens, & nociuum, vnde ad vitan-

da nocua, oportuit sensum istum omnibus animalibus inesse: tūc etiam vt ex delectatione, quam ab alimento in gustu suscipiunt, eas quarant, vt conseruari possint. Vnde quando Arist. supra lib. 2. tex. 17. dicit, tactum posse inueniri in reliquis sensibus, nomine tactus etiam gustum comprehendit; est enim, vt ipse docuit, gustus quidam tactus, & ita statim subdit: *Sapor autem vnus est tangibilium*: & eodem modo est interpretandus, quando textu 13. dicit, quædam animalia habere omnes sensus, quædam aliquos, quædam verò vnum, scilicet tactum.

De alijs verò sensibus dicendum est, non reperiri in omnibus animalibus, saltem imperfectis, nam animalia perfecta omnes sensus habent. Docuit Arist. 1. de historia animalium cap. 9. & sæpē alibi: vnde de talpa plures docent, non habere visum. Sic Arist. loco citato, Plin. lib. 30. cap. 3. dicit naturam adeo fuisse talpæ aduersam, vt illam perpetuis damnauerit tenebris, viuamque sepelierit, semper enim sub terra habitat. Alij verò, & forsan non improbabiler, affirmant, nam cum habeat deorganizationem oculi, frustra esset tota illa deorganizationis, nisi visum aliquem haberet. Docet Cardin. Tole. hoc loco sequutus Simplicium, & Albertum lib. 22. de animalibus, cap. de talpa.

Circa secundum, quod inquit quaestio, an scilicet hi sensus exte-

ni perfectiores sint in homine, quā in alijs animalibus, Ferrar. 2. libr. de Anima, quæst. 22. nescio quo fundamento ductus, asserit, sensus hominis distingui specie à sensibus brutorum, non quidem in ratione potentia, sed in ratione accidentis. Contra quod est, nam vel loquimur de ratione generali accidentis, quæ saltem analogicè omnibus est communis, & in hac potius conveniunt omnia accidentia, quā differant, vel de particulari, & specifica ratione talis accidentis, quæ est sensus externus. Et reuera si in hac specie distinguuntur, etiam distinguuntur in ratione talis potentia: accidens in communi contrahitur ad esse sensus per esse talis potentia sensitiva: ergo si sub hac ratione specie differunt, etiam differrent specie in ratione potentia sensitiva. Dicendum ergo est, sensus hominis non differre specie à sensibus brutorum, ut patet de visu, tactu, & de alijs, habent enim obiectum, à quo specificantur, & simili modo utrobique immutantur: ergo non est dicendum differre specie.

Neque obstat, quod potentia ista oriatur ab animalibus diversæ speciei, nam etiam calor procedens à sole, & ab igne, non differt specie, & ita potentia ista non sunt propriae passionis quæ modo cuiuslibet animæ sensitivæ, sic enim differret specie pro diversitate animarum, sed potius procedunt ab

his animabus, in quantum omnes conveniunt sub generali ratione animæ sensitivæ: cum hoc tamen dicendum est, ex parte perfectionis accidentalis huiusmodi sensus non esse equaliter perfectos in omnibus animalibus, & quidem de olfactu plura bruta, ut vultures, & canes, in eo superant hominem, quod ad maiorem longè distantiam olfaciant; homo verò illa excedit, ex eo quod plures odorum differentias percipit ex diverso temperamento organi, neque inde licet colligere diversitatem specificam inter hos sensus; nam adhuc inter homines, quidam percipiunt obiectum aliquod, quod tamen alijs non percipit, quare tota hæc diversitas ad diversitatem temperamentorum reducenda est.

De visu verò communis est sententia, visum lyncis in eo visum hominis superare, quod sit longè eo perspicacior, & à longiori distantia obiectum aspiciat. Nonnulli tamen affirmant, visum hominis plures colorum differentias percipere, quā visus lyncis, & quidem hoc non repugnat, ut in simili de olfactu diximus: an verò de tactu ita se res habeat, nescio quo indicio conjectari posuit.

De tactu hominis, communis medicorum sententia tenet, perfectiorem esse tactu brutorum, habet enim organum tactus in homine optimam temperiè: unde quod de aranea dici solet, quod habet perfectiorem tactum, quā homo, fortas-

fortasse tantum est verum in aliquo peculiari tangibili.

De gustu etiam videtur, hominem reliqua bruta excedere, nam cum egeat perfectiori alimento, perfectiorem etiam gustum debuit habere, licet fortasse quoad aliqua particularia obiecta ab alijs animalibus possit superari, vt de simia dici solet.

Tandem de auditu, saltem quoad perfectionem distantiae, plura animalia superant ipsum hominem, qualis est sus ex communi opinionum sententia, licet fortasse secundum aliam accidentalem perfectionem homo vincat reliqua animalia. Et iuxta praedictam doctrinam intelligenda sunt carmina illa pluribus forsitan notiora, quam bene, ac philosophice intellecta.

Nos sus auditu, lynx visu, simia gustu, Vultur odoratu, praeclit aranea tactu.

Solet tandem hoc loco disputari, quem ordinem perfectionis habeant huiusmodi sensus inter se: de quo initio disputationis eorum nos diximus, & patet visum excedere auditum, auditum olfactum, & hunc perfectiorem esse gustum, & tactum, quia non requirit tantam obiecti approximationem, tum etiam, quia abstractioni modo tendit in suum obiectum.

Difficilius est, quis sit ordo perfectionis inter gustum, & tactum. Et absolute loquendo verisimilius videtur, tactum excedere gustum, habet enim pro obiecto, tam primas, quam secundas qualitates: gu-

stus vero solum secundas, saporem scilicet, & humectationem, vt saporem percipiat: quae omnia cum non sint tanti ponderis, coniecturis potius, quam firmis rationibus nituntur, quare altiora petamus.

Questio II. Vtrum externi sensus eam habeant perfectionem, vt possint suas sensationes percipere?

Hanc questionem disputat Aristot. cap. sequenti, ne tamen disputationem de sensibus internis, quam eo loco incipit, cum disputatione de sensibus externis confundamus, placuit, antequam ad alia properem, disputationem hanc absolutam relinquere. In qua re duo sunt certa: alterum est, sensationem sensuum externorum percipi ab illis, saltem, vt quo, id est, quod sint rationes percipiendi aliud obiectum, vt quod: hoc enim negari non potest, vt nomen ipsum, sensatio, significat, est enim sensatio obiecti sensibilis, & ita est id, quo aliud sentitur, ac per consequens cognoscitur, vt quo: imò hoc generale est omni cognitioni, tam sensitiuae, quam intellectiuae, vt patet: est tamen nimis impropria locutio, proprie enim solum dicitur cognosci obiectum, quod cognoscitur; non vero cognitio ipsa.

Secundò, certum est, huiusmodi sensationes, saltem cognosci, vt quod, ab homine medio intelle-

N v tu

ctū, ut experientia patet, continetur enim intra latitudinem entis in communi, quod est obiectum adæquatum intellectus. Solum est dubium, an etiam per sensum ipsum externum cognoscantur: nā de sensu interno dicam disputatione sequenti.

In qua re partem affirmatiuam sequuntur Plutarchus, & Philoponus, quos refert Tolet. 3. lib. de anima, quæst. 3. idem sentit Simplicius, saltem de sensibus externis hominis, his enim nescio quid maioris perfectionis tribuit, quā alijs, propter coniunctionem, quam habent cum ratione. Scotus verò in 4. dist. 45. q. 3. & Ferra. 2. contra Gentes, cap. 66. asserunt, quòd quamuis sensus externus non possit actu reflexo cognoscere suum actum, ita ut per alium actum illum cognoscat, bene tamen actu directo. Et fundamentum esse potest, quia visus percipit tenebras, quæ minorem longè entitatem habent, quā eius visio: ergo multò melius poterit cognoscere suam visionem.

Secundò, posset sumi argumentum à simili de actibus intellectus, qui ab illo cognosci possunt, facile tamen potest reddi diuersitas rationis, ex eo quòd sensus præcipue externus non est potentia ita perfectæ, nec tam vniuersalis; sicut intellectus, vnde non quidquid perfectionis in intellectu reperitur, sensibus externis tribuendum est.

Quare hac in re dico primò, sensum externum non percipere suam sensationem actu reflexo, qui scilicet sit cognitio cognitionis existentis in eadem potentia: est communis sententia, quam sequuntur Auctores infra citandi, & quidē quòd absolute loquendo nullus exterior sensus sensationem suam percipiat; videtur clarè docuisse Aristot. de somno, & vigilia cap. 2. vbi de quouis animali dicit; *Non enim visu se videre videt*: quo nihil clariù dici potuit. Similia verba docet 4. Metaph. cap. 5. in fine, imò & capite sequenti eandem videtur docere sententiam, quamuis non ita apertè.

Et ratione probatur. Primò, quia multò magis visibilis est color, quā visio coloris, nihil enim est tam visibile, quā color, & lumen, & cum hoc color intrinsecè inhærens in organo visus, non videtur ab illo: ergo multò minus potest videri actus ille intimè inhærens.

Secundò, quia si sensus per nouum actum diuersum ab eo, quo cognoscit suum obiectum, cognoscit deinde suam sensationem, tam proprium conceptum formaret de suo actu, quā de suo obiecto, quòd tamen falsum esse, vnusquisque nostrum potest in se ipso experiri. Imò, & viteriùs deberet percipere secundam sensationem, qua cognouit primam, & deinde cognoscere secundam per alium actum, & sic in infinitum; nulla enim

enim videtur maior ratio vnius cognitionis, quam alterius.

Tertiò, quia si visio visibilis est, etià possit videri ab alio visio existens in oculo alterius, quidquid enim in se ipso aliquis intuetur, multò melius ab alio videri potest, quod tamen est contra experientiam. Tandem, quia reflexio supra proprium actum vix conuenit intellectui, percipit enim proprios actus nimis confusè: ergo id nō est tribuendum sensui externo, qui imperfectissima potètia est inter omnes cognoscitivas.

Dico secundò, neque actu directo posse sensum externum percipere suam sensationem, nisi fortasse, vt quo, quod minùs propriè dicitur, vt supra vidimus. Hanc conclusionem, sicut & præcedentem, tenet communis Philosophorum consensus, S. Tho. 1 p. quæst. 78. art. 4. ad 2. & quæst. 78. art. 3. ad 3. Caiet. 1. part. quæst. 14. art. 2. Albertus hic tractat. 4. cap. 7. Carr. Tolet. & alij hoc loco. Ratio est aperta, nam cognitio natura sua est tendentia ad rem cognitam, & ita est tendentia ad aliud: ergo cognitio, quæ terminatur ad obiectum sensibile, non potest terminari ad se ipsam, sic enim tenderet ad se ipsam, quod videtur cōtra rationem tendentiæ, hæc enim essentialiter est ad aliud, & propter eandem rationem existimo adhuc intellectui non cognosci actum illius actu directo: vnum dumtaxat excipio, diuinum, inquam, intellectū, qui

ob suam infinitam simplicitatem, & vnitatem, quam habet, est cognitio sup̄ius.

Obijcies tamen à simili: nam actiones productiue terminorum se ipsis sunt à parte rei, absque eo quod detur ad actionem alia actio: ergo similiter actio cognoscitiua obiecti se ipsa poterit directè cognosci. Respondetur, actiones productiuas terminorum non fieri à parte rei, si propriè loquamur, actio enim non fit, sed est id quo aliud fit, & ita, vt dicebam ex Physica, actio non incipit esse à parte rei, tamquam terminus factus, sed tamquam fieri ipsius: neque enim necessarium est, vt quidquid à parte rei incipit esse, incipiat vt terminus factus. Similiter ergo cognitio non est aliquid cognitum eodem actu, sed alio, in quo est diuersa ratio, ac de actione, hæc enim adhuc per aliam actionem non potest fieri, quia per suam essentiam pendet ab agenti, vnde non indiget actione superaddita, vt ab illo pendeat, cognitio verò non habet per suam essentiam præcise, quod sit cognita, sæpe enim consideramus obiectum aliquod, quina ducimus nos illud cognoscere, & ita cognitio indiget actu superaddito, quo cognoscatur, à sensu tamen externo nullatenus cognosci potest. Cuius rei alia ratio potest tandem assignari, quia sæpe quis videt Petrum, quin aduertat se illum videre: hoc autem esset impossibile, si sensus externus eodem

dem

dem actu, quo cognoscit obiectū, cognosceret eundem actum.

Iamdem iuxta contrariam sententiam dicendum esset similiter, eodē actu, quo aliquid appetimus, appeti ipsam appetitionem, vnde etiam similiter eodem actu, quo aliquid odio habemus, etiam ipsum actum odio habemus, quod manifeste repugnat, nam si voluntas odio habet aliquem actum, quare illum elicit?

Ad argumentum autem contrariæ sententiæ iam dixi suprā visum non videretenebras quali positivo actu, sunt enim nihil, atque adeo non cadunt intra limites obiecti sensibilibus, solum ergo dicitur percipere tenebras, quia per intellectus discursum homo cognoscit se in loco illo non videre. Et hæc de hoc capite.

Caput Secundum.

Agit iam Aristot. in his capitibus de sensibus internis, & qui dem in primo capite intendit probare, præter exteriores sensus esse ponendum alium internum, qui appellatur sensus cōmunis, ut percipiat sensationes sensuū externorum, & inter obiecta illorum discernat. Quamvis enim non satis conveniat inter interpretes de mente Philosophi in hoc capite, hoc tamen fuisse eius intentum explicat hoc loco D. Thom. Alexander in sua paraphrasi. c. 12. Auerro. Albertus, & omnes Latini interpretes. Duo agit in hoc capite Aristot. Pri-

mò duas proponit dubitationes, & soluit. Secundò explicat quod sit munus sensus communis.

Primò ergo dubitat Aristot. cū reuerà sentiamus nos sentire, an id fiat per sensum externum, vel potius per alium internum, & adductis vtriusque rationibus dubitandi, quas infra adducam, tandem dicit, sensum externum non operari, nisi moueatur ab obiecto, vnde tunc, inquit, est in potentia, quando actu non mouetur ab obiecto; tunc verò est sensus in actu, quando actu ab illo mouetur: tamen quia motio est, inquit, in passo, non in mouente, ideo motio, qua sensus mouetur, non est in obiecto, sed in sensu ipso. Quæ doctrina eò tendit, inquit Cardin. Toletus, ut inde colligamus, sensum externum non percipere suam sensationem, cū sensus externus moueatur ad suum actum ab obiecto; non verò à sua operatione, hæc enim est ipsa operatio: vnde docet Aristotel. simul esse sensibile in actu, & sensus in actu.

Dubitatur tamen secundò Aristot., quare excellens sensibile corrumpat sensum. Respondet causam esse, quia destruit temperiem requisitam ad organum illius, de quo iā diximus. Vnde colligit tria Aristot. Primò, quemlibet sensum externum habere suum sensibile, à quo patitur. Secundò quemlibet ex his habere facultatem, & potentiam quamdam suo organo affixam. Tertiò, quemlibet sensum externum discernere

cernere inter sensibilia particularia: sui obiecti adæquati, vt visum inter colores, auditum inter sonos.

Vnde in secunda parte capituli probat esse ponendum alium inter-
nuin sensum distinctum ab exterioribus, qui appellatur sensus communis; quia, inquit, animalia discernunt inter sensibilia diuersorum sensuum, vt inter colorem, & sonum, sed quilibet exterior sensus tantum discernit inter sensibilia sui obiecti, vt visus inter colores, non tamen inter sensibilia diuersorum generum: ergo ad hoc munus ponendus est sensus communis: quod verò iudicium discernens inter sensibilia diuersorum sensuum non possit etiam fieri à pluribus sensibus externis, simul probat, quia hoc, inquit, perinde esset, ac si essent duo homines, quorum alius tantum perciperet album, alius verò tantum dulce, vbi nullus illorum posset discernere inter album, & dulce, quia nullus cognoscit simul vtrumque extremum. Iudicium autem discernens supponit cognitionem extremorum: cum ergo nullus sensus exterior percipiat obiectum alterius sensus, nullus nec plures simul possunt discernere inter sensibilia diuersorum sensuum, & ita ad hoc opus est sensu communi.

Obijcit tamen sibi Aristot. nam ex dictis sequitur, idem simul pati à contrariis, sensus enim patitur ab obiecto, & hic sensus percipit sensibilia contraria diuersorum sensuum. Respondent Aristot. quod si-

cut punctum existens in centro circuli, licet in se sit vnum, tamen quodammodo est plura in quantum est principium plurium linearum, quæ ab illo ducuntur ad circumferentiam: ita, inquit, sensus communis, licet in se sit vnus, tamen quodammodo est plures, in quantum terminat plures cognitiones sensuum exteriorum.

Caput Tertium.

Intentum Aristot. in hoc cap. 7. est agere de imaginatione, seu phantasia. Duo agit. Primò, explicat qualiter distinguatur ab intellectu, & à sensu externo. Secundò, explicat quid sit. In primis ergo refutat errorem antiquorum, qui cum omnem animam corpoream ponerent, non distinguebant inter sensum, & intellectum, quod ex eo impugnat. Primò, quia intelligere aliquando est cū verò, aliquando verò cum falso: at verò sensus semper est verus circa proprium sensibile: ergo.

Secundò, quia intelligere, id est, discurre, vt hic exponit Card. Tolet. solum inest habentibus rationem, sentire autem omnibus inest: ergo sensus, & intellectus non sunt idem: vnde probat deinde Aristot. imaginationem distingui à sensu externo, & ab intellectu, seu estimatione, hic enim nomine estimationis, vt ex Philoppono aduertit Cardinalis Tolet. intelligit
inteli-

intellectum, siue cum discursu, siue sine illo, siue cum veritate, siue cum fallitate intelligat: dicit ergo imaginationē esse quid mediū inter intellectum, & sensum externum, ac proinde ab utroque distinguui. Ratio est, nam imaginatio, inquit, non fit nisi ex præcedenti sensu, quæ enim sentimus, imaginamur: intellectio autem non fit sine imaginatione, non enim intelligimus, nisi imaginatione supposita: ergo imaginatio est quid medium inter sensum externū, & intellectū.

Probat etiam rursus imaginationem non esse existimationem, quia existimatio, id est iudicium, non est sita in nostra potestate, præsentem enim demonstrationem non possumus dissentiri, imaginatio autem est in nostra potestate; quæ ratione, inquit, habentes artem memoratiua, quasdam sibi imagines fingūt, & figuras pro libito, per quas firmius res oblatas memoriæ mandat.

Secundò, quia imaginatio non causat in appetitu passionem, quāuis enim quis sibi per imaginationem leonem ad illum appropinquantem fingat, non contristatur magis, quā si illum depictum videret; si tamen ita existimet, contristatur. Deinde probat, quod imaginatio nō sit sensus externus: nam sensus externus omnibus animalibus inest: imaginatio verò secus, quia neque est, inquit, in vermibus, neque in formicis, & apibus. Præterea, quia sensatio exterioris sensus est certa, nam circa proprium

sensibile non fallitur, imaginatio autem non temper est certa, sapere enim dubitamus, an verum sit, quod imaginamur.

Ultimò, quia etiam clausis oculis, & quando nihil sentimus, imaginamur: ergo imaginatio non est sensus externus.

Tandem in fine capitis definit imaginationem, dicens: *Imaginatio est motus factus à sensu in actū: cū enim imaginemur obiecta, illa, quæ sentimus, actus imaginationis causatur à sensu in actū, id est ab actū sensus externi, vbi potius definitur actus imaginationis, quā potentia ipsa, quæ iuxta hanc doctrinam definiri poterit: Est potentia apta moueri à sensu in actū.*

DISPUTATIO II.

De sensu interno.

PLacuit vtriusque capitis materiam comprehendere hac vniuersa disputatione, sensus enim communis, & imaginatio, seu phantasia, de quibus disputat Ari. in his cap. fortasse non distinguuntur realiter, ut infra dicā, vbi etiā de memoria, existimatiua, & reminiscētia erit sermo.

Quæst. I. Vtrum præter externos sensus, sit necessariò ponendus alius internus, qui appellatur sensus communis, & quod sit diuisiuius?

IN hac re referri solet sententia Gal. lib. 8. de vsu partium cap. 6. asseren-

afferentis sensum communem esse eandem potentiam cum sensibus exterioribus, ita quod sit genus quoddam illis commune, non secus quam animal ad hominem & brutum. Communis tamen philosophorum cōsensus docet dari alium sensum internum specie diuersum à quinque sensibus exterioribus, quam Aristot. & eius interpretes in hoc capite amplectuntur. Ratio enim Aristot. id planè conuincit, quia animal non solum discernit inter obiecta eiusdem sensus, verbi gratia, inter colores, sed etiam inter obiecta diuersorum sensuum, nam adhuc brutum discernit inter colorem, & saporem, cum ad eibum prosequendum moueatur, non tamen ad quodcumque obiectum coloratum: sed iste actus discernendi in primis non potest fieri ab anima immediate, quia anima non potest esse principium immediatum operandi, neque potest fieri ab anima medijs pluribus sensibus externis, vt optime probat Aristot. quia discernens inter extrema debet cognoscere extrema illa, de quibus indicat, sed visus non cognoscit saporem, nec gustus colorem: ergo ponendus est sensus internus, qui cognoscat & discernat inter sensibilia diuersorum sensuum; præsertim quod cum iudicium illud discernens inter sensibilia diuersorum sensuum sit vnicus actus, non potest fieri à pluribus potentijs, quælibet enim potentia tantum inclinat in actum sibi proprium, &

non ad actum alterius potētis, quia non potest transcendere nisi proprium obiectum, & ita impossibile est iudicium illud fieri à pluribus sensibus externis simul.

Sed obijcies, nam frustra videtur naturam tot externos sensus animalibus tribuisse, si omnia illorum obiecta, & eorum differentia ab vnico sensu communi percipiuntur. Respondetur, naturam in hoc liberalem exstitisse, sed non superfluam; quia, vt ex dicendis infra constabit, diuerso modo percipiuntur hæc obiecta à sensibus externis; & ab interno, cum sensus internus eadem obiecta, etiam in eorum absentia possit percipere, quod non habent sensus externi, sicut etiam eadem obiecta percipiuntur ab intellectu, diuerso tamen modo, ac à sensibus.

Maiorem habet difficultatem; quid sit munus, & officium huius sensus interni, aut circa quæ obiecta versetur, & ex dictis patet munus esse, non solum cognoscere singula sensibilia sensuum externorum, sed etiam inter ea, quantumvis diuersa, discernere. Potest tamen dubitari, vtrum sensationes sensuum externorum cognoscantur ab isto sensu interno. In qua re Albertus summa de homine tract. 2. q. 1. existimat sensum istum communem nullatenus percipere sensationes sensuum externorum, sed sensibilia communia illorum duntaxat, & hinc fortasse sensum communem appellatum fuisse dicit.

Quæ

Quæ sententia meritò ab omnibus rejicitur. Tum quia etiam animal discernit inter sensibilia propria diuersorum sensuum, ad quem actum, ut vidimus, nullus externus sensus, nec plures simul sufficiunt: ergo etiam sensibilia propria pertinent ad sensum internum. Tum etiã, quia, ut lib. 2. cap. 6. vidimus, impossibile est percipi sensibile commune sine proprio, non enim percipitur, nisi ut modicans sensibile proprium, quis enim dicat posse præcipue per sensum percipi præsentiam alicuius rei, non percepta ipsa re præsentia?

Dicendũ ergo est, sensum hũc internum non ideo appellari communem, quia tantũ percipiat sensibilia communia sensuum externorum, sed quia, cũ omnia sensibilia quãtũmuis diuersa percipiat, communis dicitur respectu particularium sensuum externorum.

Secunda sententia fuit Philoponi, & Simplicij hoc loco assertentium sensationes sensuum externorum nullatenus percipi à sensu interno, sed potius ab intellectu. Quæ sententia videtur posse probari in primis ratione quadam dubitandi, quia in hoc c. 2. assertit Aristotel. nam si nõ eodem sensu, quo videmus, sentimus nos videre, sed alio, petam de illo an percipiat suã sensationẽ. Nam si dicas quod nõ, sed ad hoc esse opus alio sensu diuerso, idem erit de illo, & sic infinitum; si autem ille sensus potest percipere suam sensationem, qua-

re ergo id non dicemus de sensu externo, absque eo quod opus sit recurrere ad alium internum sensum?

Secundò, quia si sensus internus percipit sensationem, sensus externi, necessariò id erit per aliquã speciem repræsentatiuam talis sensationis, hoc autem videtur impossibile, quia nulla apparet causa, quæ possit producere in sensu interno illam speciem impressam, nã sensatio ipsa sensus exterioris, cũ sit actio, non est causa efficiens talis speciei, aliàs iam ad actionem daretur actio: species autem expressa producta per sensationem sensus externi, cũ sit similitudo obiecti, tantum debet producere similitudinem aliam, seu speciem obiecti, non verò speciem sui, ad modum, quo species impressa solum producant aliam speciem, & similitudinem obiecti, quod repræsentant, non verò speciem sui: ergo sensus, internus nullatenus percipere potest sensationem sensus exterioris.

Tertiò, quia obiectum cuiuscũque sensus debet esse sensibile, sed sensatio non est sensibilis, sed cognitio obiecti sensibilis: ergo nõ potest percipi ab aliquo sensu.

Dicendum tamen est cũ communi Philosophorum consensu, sensationes sensuum externorum percipi à sensu interno, & non solum ipsa sensibilia. Quam conclusionem miror negari à quibusdã in nostra Academia, cũ ex Aucto-ribus

ribus, vno dempto Simplicio, aut Philoppono, omnes vnanimiter eam amplectantur. Et in primis Arist. in hoc capit. etiam ad hunc finem videtur constituere sensum communem: sed clarissimè id docuit de somno, & vigilia, cap. 2. vbi de sensu externo loquens sic ait: *Nō enim visu se videre videt, nec visu, aut gustu iudicat, iudicare enim potest dulce ab albo, neque seorsum, neque simul: sed particula quadam communi, qua adiuncta sensibus omnibus sit*, id est sensui communi: vbi sensui communi vtrumque munus tribuit, & discernere inter sensibilia sensuum externorum, & eorum sensationes percipere, vocat autem sensum internum, potentiam adiunctam sensibus externis, non quia localitèr, aut subiectiuè sit illis adiunctus: sed quia cum sit potentia ab illis diuersa secundum numerum, est illis adiuncta, ad modum, quo in numeris dicimus, tertiam vnitatem addi, seu adiungi alteris in ratione multitudinis, licet non in ordine ad locum, aut subiectiuè. Eadem sententiam docuit apertè August. lib. 2. de libero arbitrio, cap. 3. & 4. D. Thom. 1. part. quæst. 78. art. 4. ad 2. & ibidem Caiet. Banez, & alij Thomistæ, Scotus in 4. dist. 45. quæst. 3. quem etiā eius schola sequitur, Tolet. hoc lib. quæst. 3. Ad quam rem probandam vtitur Augustinus experientia. Quia sæpè animalia conātur aperire oculos cupientia videre, quidquid autè eorum appetitus exposcit, debet esse illi propositum a sensu inter-

no: ergo reuerà per internum sensum apprehendunt sensationes sensuum externorum.

Similiter sæpè bruta timont eò redire, vbi percussa sunt: ergo recordantur sensationis doloris, nec eo loco habitæ. Tandem multoties per memoriam recordatur quis, se videre Petrum, quod nō potest dici fieri tantum per memoriam intellectiuam, cum experientia adducte conuincant, etiā bruta percipere sensationes sensuum externorum, tum etiam, quia, vt dicam infra, ad rationem memoriæ sensitiuæ, siue intellectiuæ, non satis est percipere obiectum prius cognitum, nisi cognoscatur, vt prius cognitum.

Potest tamen circa hanc rem dubitari, an sensus internus per eandem speciē cognoscat sensationem sensuum externorum, & obiectum illorum, ita vt cum quis recordatur Petri vt visū, an per eandem speciē cognoscatur Petrus, & eius visio, vel potius per duas species. Quibusdam videtur hoc fieri per duas species, alteram representantem obiectum sensibile, alteram verò sensationem illius. Sic indicare videtur Scotus loco citato, & probabile reputat Cardin. Tolet. probabilius tamen reputo hoc fieri per vnicam duxat speciē, licet modificatam, vt bene docuit Banez loco citato.

Vnde dico primò, sensibile externum, & sensationem ipsam non percipi per eandem indiuisibilem speciē, cum enim sæpè per sen-

O sum

sum internum cognoscamus obiectum sensibile, quin formemus notitiam de sensatione illius, ut cum quis cognoscit Petrum seorsum, signum est speciem obiecti sensibilis ex se, & absque aliquo superaddito non representare sensationem externam talis obiecti: ergo ad hoc opus est aliquo alio superaddito.

Dico secundò, sensationem externam non cognosci per speciem diuersam, quæ sit res diuersa ab specie obiecti sensibilis, sicut res à re. Ratio est, quia si species representans sensationem esset res omnino diuersa ab specie representante obiectum ipsum sensibile, posset sensus internus proprio libito uti specie sensationis ad cognoscendam illam seorsum, quod reuera excedit vires potentie sensitivæ. Solum enim recordamur obiecti visi, aut soni auditi, non verò visionis, vel auditionis seorsum: ergo illud, quod in specie ista correspondet sensationi sensus externi, non est res omnino distincta ab ipsa specie sensibilis externi.

Dices, ex hoc solum probari, sensationem externam, & obiectum ipsum sensibile non cognosci per duas species totales diuersas, non tamen quòd non cognoscantur per duas species partiales, distinctas tamen sicut res à re. Tamen contrà est, quòd cum sensitio externa, & obiectum sensibile differant specie, illæ duæ species partiales illis correspondentes debent differre specie, & ita ex utraque non posset in-

tegrari vnica species totalis physice, quia in primis non possunt physice vniri per continuationem, continuatio enim solum est inter extrema, quæ sunt eiusdem rationis, neque enim tamquam actus & potentia, quia ridiculum est dicere, vniam speciem informare alteram, si vtraque sit res, & non modus: ergo impossibile est, ibi intercedere duas species partiales diuersas, sicut res à re.

Dicendum ergo est, quòd sicut sensibile commune, & proprium percipiuntur per eandem speciem, licet modificatam à sensibili communi, ut suo loco vidimus, ita ut correspondeat sensibili communi species modalis, quæ sit tantum modus modificans speciem sensibilis proprii: ita sensitio externa percipitur per speciem modalem modificantem speciem obiecti sensibilis. Ratio est, quia sicut non percipimus figuram, aut præsentiam abstractam: sed modificantem sensibile proprium, scilicet colorem præsentem, aut realiter figuratum; ita quia visio secundum se non sentitur à sensu interno: sed solum quatenus sentitur albedo visa, id est vtrumque hoc habens modum vnius obiecti adæquati per vnicam speciem, licet modificatam, debet percipi.

Dices esse diuersam rationem: nam sensibile commune, ut supra vidimus, reuera est modus sensibilis proprii, & ita nihil mirum, quòd non percipiatur per speciem totaliter diuersam ab specie sensibilis pro-

proprij: sed solum modaliter distinctam, sensatio tamen externi sensus, non est modus obiecti sensibilis: sed res prorsus diuersa, quis enim dicat visionem, quæ est actio internans in oculo, modificare colorem ad extrinsecam existentem in pariete? ergo reuera talis visioni debet correspondere species totaliter diuersa ab specie obiecti sensibilis. Respondetur, quod quamuis sensatio externa in re ipsa non sit modus afficiens obiectum sensibile: tamen reuera cognoscitur, quasi esset modus illius: nam sicut non percipitur præsentia absolute, nisi color præsens, ita per sensum internum non cognoscitur visio seorsum: sed color visus, & ita in ordine ad cognitionem ita se habet, ac si reuera esset modus.

Sed instabis adhuc, quia si in ordine ad cognitionem internam sensatio externa se habet quasi esset modus obiecti sensibilis: ergo sicut sensibile proprium non potest percipi sine communi, quod est modus illius, ita obiectum sensibile non poterit percipi a sensu interno se solo, nisi quasi modificatum a sensatione sensus externi: & ita non poterit imaginari quis Petrum, sed Petrum, ut visum.

Quidam enim id concedunt, ita esse: nescio tamen, an sufficienti fundamento probetur, & si experiendum species, contrarium videtur indicare: nam quamuis per actum memorie cognoscat quis obiectum, prout sensatum, actu tamen

imaginationis: & per plura segmenta sibi quis apprehendit, quin in illa, ut sensata apprehendat: de sensibili autem communi, & proprio est dispar ratio: nam cum sensus externus non percipiat obiectum, nisi secundum realem præsentiam, quam habet a parte rei, sicut in re ipsa non potest dari sensibile proprium sine communi, neque enim potest dari color sine aliqua præsentia, aut figura; ita nec potest percipi a sensu externo, nisi ut taliter figuratus, aut præsens, quia cum figura illa, aut præsentia sit in re ipsa coniuncta cum colore, si color immutat visum, etiam præsentia illi adiuncta immutat visum: tamen obiectum sensibile non est reuera coniunctum cum sensatione externa tamquam cum modo sibi inhzrenti, unde cum aliis per se ipsum sit sensibile, potest a sensu interno seorsum percipi sine sensatione externa: præsertim, quod sensus internus eam habet vim, ut obiecta aliis a parte rei coniuncta, potius seorsum percipere possit, potest enim quis albedinem lactis sine eius dulcedine imaginari, quamuis utrumque hoc sensu interno percipi possit.

Adde præterea in hac dubitatione, speciem illam modalem repræsentantem in sensu interno sensationem externam, confusè nimis illam repræsentare, neque enim format quis proprium, & distinctum conceptum sensationis: sed confusum valde: unde distincta cognitio

tionis imprimit, haud secus, quam animalis sigillant.

Ad tertiam, quòd quamvis sensatio sensus exterioris non sit sensibilis à sensu ipso externo, bene tamen à sensu interno, neque enim repugnat id, quòd ab vno sensu non est sensibile, esse sensibile respectu alterius, sicut color non est sensibilis respectu gustus, bene tamen respectu visus.

Secundò dubitari potest in hac quæstione, vtrum sensus internus habeat vim ad cognoscendas suas species impressas, vel expressas, ut quod, id enim saltem de sensu externo negauimus suprâ capit. 5. tamen cum sensus internus longè maiorem habeat perfectionem, videtur de illo res dubia. Aristo. namque capit. 1. citat. de memoria, & reminiscencia indicare videtur, huiusmodi species cognosci, ut quod. Dicit enim, quòd sicut in pictura aliqua sunt duo, & quòd sit res quædâ, & quòd sit imago, ita phantasma, quod est species sensus interni, vtrumque habet, & utroque modo docet cognosci, quamvis, inquit, ut imago est, & quasi figura diu durans deseruiat memoriæ. Circa quæ verba varix sunt interpretum expositiones omnes, tamè videntur supponere, sermonem esse de memoria sensitua: nisi hitamen non displicet eorum expositio, qui existimant, Aristoteleni ibi interpretari posse de memoria intellectua, ita quòd species sensus interni non cognoscantur à me-

moria sensitua, sed ab intellectu, intellectus enim latissimū habet obiectū, scilicet ens in communi, sub quo omnia comprehenduntur. Unde probabilius longè existimo, huiusmodi species non cognosci à sensu interno, quia neque ab experientia, neque ex alio capite habemus indicium, ut id asseramus, & alias natura specierū potius videtur ordinari ad cognoscendū aliud, quàm ut ipsæ cognoscantur. De speciebus autem intelligibilibus est dispar ratio, istæ enim continentur sub ente in communi, quod est obiectum adæquatum intellectus, & ita possunt ab illo cognosci, species tamen sensibiles non sunt sensibiles ut quod, sed solum appellatur sensibiles, quia deseruiunt ad repræsentandum obiectum sensibile sensibus ipsis, non verò quia ipsæ sentiantur ut quod.

Illud hac in parte notandum est, quòd qui rationem formalem sensationis, sicut & intellectionis, dicunt consistere non quidem in actione, sed in specie expressa, si asserant sensum internum cognoscere suam sensationem, de quo iā dicam, consequenter fateri tenentur, sensum internum cognoscere suam speciem expressam, in ea enim ponunt rationem sensationis. Mihi tamen placet sentire cum communi Thomistarum sententia asserentium intellectionem, aut sensationem, non in specie expressa, sed in actione productiua illius consistere, de quo plura dicam

fufius lib. 1. de interpre. cap. 1. difp. 2. vnde non eft, cur modò dicam speciem expreffam cognofci à fenfu interno, fed fenfationem produétiuam illius, hoc tamè adeò eft còfufo modo, vt imperfectus valde foret conceptus, ficut & de fenfatione externa dixi.

Tertiò, dubitari poteft in hac quæftione, & difficiliùs, vtrum etiam fenfationes fenfus interni poffint ab illo cognofci. In qua re fatis graui communis Thomiftarù fententia, quæ diftinguit plures fenfus internos reipfa diuerfos, affert inter fenfus internos, eum, qui eft alio perfectior, percipere fenfationem alterius fenfus interioris, non fècus quàm quilibet fenfus interior, qui perfectior eft fenfu externo, percipit fenfationem illius, fenfationem verò fupremi, & perfectiffimi fenfus interni, dicunt non cognofci ab illo, fed à potentia intellectiua: numquam tamen admittunt, fenfum aliquem fuam operationem cognofcere, ne concedant reflexionem fuprà fe ipfam in potentia corporea. Tenet Cardin. Tolet. hoc lib. quæft. 9. concl. 2. ratione 6. & hoc loco eft inter Thomiftas communis fententia: eam enim videtur apertè indicaffe S. Thom. 2. contra Gent. cap. 66. ratione 4. vbi ex eo probat contra antiquos Philofophos, intellectum effe potentiam realiter diuerfam à fenfu, quia inquit, nullus fenfus fe ipfum cognofcit, nec fuam operationem, qualiter vifus; nec videt feipfum,

nec videt fe videre, intellectus autem cognofcit fe ipfum, & cognofcit fe cognofcere. Idem fentit Scotus in 4. dift. 45. quæft. 5. pro qua fententia nullum aliud firmum videtur poffe adduci fundamentum, nifi quia aliàs potentia corporea, qualis eft fenfus internus, poffet fuprà fe refleétere. Patet confequentia, quia cognitio reflexa eft cognitio cognitionis exiftentis in eadem potentia: fi ergo fenfus internus fuam operationem poteft cognofcere, poterit fuprà fe refleétere, quod videtur effe proprium potentie fpiritualis, qualis eft intellectus.

In hac re duo mihi videntur certa, aliud verò dubium. In primis certum eft, fenfum internum nò cognofcere, vt quod, fuam fenfationem per eandem fenfationem, ita quòd fenfatio alicuius obiecti fenfibilis fit cognitio fui ipfius, vt fuprà dicebani de fenfatione externa, quia cognitio ex natura fua eft via ad re cognitam, via autem eft ad aliud, vnde impoffibile eft, quòd cognitio aliqua fit cognitio fui ipfius, etià fi fit intellectiua, folum poteft dici, cognofci, vt quo, id eft, eft ratio cognofcendi aliud, eft tamen nimis impropria locutio, vt dixi fuprà, folum ergo poteft fenfus internus cognofcere fuam fenfationem, vt quod, actu reflexo, quæ fit actus diuerfus, & cognitio cognitionis exiftentis in eadem potentia.

In quo fecundo certum eft, duobus modis poffe intelligi fenfatio-

nem sensus interni cognosci ab illo. Primo, prout modificans ipsum obiectū sensibile, ita quod cognoscat quis obiectum, prout sensatum sensu interno, vt statim dicam. Secundo, ita quod cognoscatur talis sensatio sola absque obiecto aliquo sensibili, quod quasi modificet: & hoc modo videtur certum sensum internum non posse cognoscere suam sensationem, nam reflecti hoc modo supra suum actum, est maxima perfectio soli intellectui cōueniens.

Solum ergo dubium est, an sensatio interior, saltem prout quasi modificat ipsum obiectum sensibile, possit cognosci à sensu interno, & mihi probabilior apparet pars affirmatiua, quam, ne sine Auctore loqui videar, docuit Valles. lib. 2. cōtrouerſ. medica. cap. 2. 2. dicens, reminiscantiam esse opus memoriæ, cum se reflectit in se ipsam. Et ratio huius est, quia reuera negari nō potest, nos adhuc per memoriam sensitiuam recordari alicuius obiecti; prout antea imaginati; sæpe enim recordamur nos heri tale, vel tale obiectū fuisse imaginatos: hoc enim, vt etiam Auctores contrarij admittunt, non excedit vires memoriæ sensitiuæ, sed, vt infrā ostēdam, memoriæ sensitiuæ, & imaginatio, non sunt potentiæ realiter diuersæ: ostendam enim tantum dari vnicum internum sensum omnes hos actus cōprehendentem: ergo sensus internus potest cognoscere suam sensationē, prout quasi

modificantem obiectū aliquod sensibile.

Ex dictis facile videtur solui fundamentum contrariæ sententiæ, quamuis enim ea perfectio, quæ est reflecti supra suum actum, secundum se sumptum, repugnet potentiæ corporeæ; tamen reſt eccti supra ipsum actum, prout modificantem obiectum sensibile, ita quod hac solatione possit cognoscere, non videtur excedere vires sensitiuas, neque oppositum firma ratione ostendi potest. Et iuxta prædictam distinctionem potest facile exponi Diuus Thomas loco citato, & 2. contra Gentes cap. 66. cū dicit non posse sensum aliquem supra se reflecti, vbi non placet eorum interpretatio, qui asserunt Sanct. Thomā eo loco tantum loqui de sensu externo: ponit enim exemplum inuisu, nam quamuis Sanct. Thomas vtatur exemplo sensus externi, de illo enim est res clara, & notissima, tamen quoddam etiam loquatur de sensu interno, ex eo conijci potest, quod ibi impugnat aliquos Philosophos asserentes intellectum non distingui à sensu, quos planè constat non fuisse locutos de sensu externo, cū ex eorum sententia in brutis reperiantur sensus externi non tamen intellectus intendit ergo S. Thom. probare, intellectum distingui à sensu interno, ergo ratio illa, quod scilicet intellectus supra se reflectatur, nō verò sensus, reuera iuxta mentē D. Tho. intelligenda est etiam de sensu interno,

aliàs non assumeret sibi impugnam sententiam antiquorum.

Vltimò dubitari potest in hac quæstione, vtrum etiam sit munus sensus communis tribuere efficacitatem sensibus externis ad sentiendum. Quidam enim ita affirmant, tamen si hæc sententia asserat, ab ipsa potentia sensitiva, quæ est sensus communis, deriuari qualitatem quamdam quali coadiuuantem sensus externos ad suas actiones exercendas, meritò communiter reiicitur, quia hoc & fictitium est, & absque fundamento, & non rectè explicari potest, quæ, & qualis sit virtus illa deriuata à potentia, quæ est sensus communis: si tamen hæc sententia intendat spiritus vitales necessarios ad sensationem deriuari à cerebro, in quo residet sensus communis, vera est: nam iuxta probabiliorē, & communiorē Medicorum sententiā, nerui, per quos huiusmodi spiritus vitales deriuantur, ortū habent à cerebro, nō verò à corde; quod nō est nostri muneris probare.

Quæst. II. Vtrum sensus internus sit vnus, vel plures?

IN hac re, quod attinet ad possibilitatem, conueniunt omnes, possibile quidē fuisse Deum creare plures sensus internos realiter diuersos, quorum alterum perciperet sensibilia, prout præsentia, alter verò tantum prout absentia, alter verò absentia & præsentia, nā quod

hæc munera diuersis potentijs tribuerit, nullam inuoluit contradictionem; sicut neque implicat ad eandem potentiam hæc omnia munera reduxisse, ita quòd eadem potentia hos omnes actus tamquam sibi inadæquatos exerceret. Solum est dubium, qualiter de facto res se habeat, an scilicet sit vna potentia interna, vel plures.

In hac re prima sententia est Auic. lib. 6. p. 4. c. 1. distinguens quinque sensus internos, quam sequuntur Algazel. libello de anima tract. 4. cap. 4. Albert. tra. 4. c. 7. Iandu. q. 37.

Secunda sententia est S. Th. 1. p. q. 78. art. 4. quem sui sequuntur distinguentes quatuor sensus internos, sensum scilicet communem, imaginatiuū, seu phantasiam, tertio æstimatiuam, & tandem memoriam, seu reminiscentiam.

Tertia sententia tres tantum ponit sensus internos, non enim distinguit imaginatiuam, ab æstimatiua. Vnde ponit in primis sensum communem, deinde imaginatiuā, quæ iuxta hanc sententiam idem est cum æstimatiua, & cogitatiua, tertio ponit memoriam seu reminiscentiam. Tenet Gal. libr. de differentijs symptom. cap. 3. Greg. Nyf. lib. 4. de viribus animæ. cap. 6. & 7. Tolet. hic q. 6.

Quarta sententia duos tantum ponit sensus internos. Tenet Fonseca. 5. Meta. cap. 28. q. 7. sect. 4. & quidem quòd sint plures sensus interni realiter diuersi, videtur probari

bari r. ex Aristot. cap. 2. huius lib. ubi de sensibus internis loquens sic ait: *Quocirca sensibilibus ipsis semotis, insunt in sensuum instrumentis sensus, imaginationesque.* Ponit ergo plura instrumenta seu sensoria sensuum internorum, atque adeo sunt plures potentie realiter diuersae; quia eadem potentia sensitua, non potest esse in pluribus subiectis realiter diuersis; quod verò ibi sit sermo de sensibus internis, non verò de externis, aperte indicat verbum illud, *Imaginationesque*; constat enim actum imaginationis ad sensum internum pertinere, & cap. 3. agit de imaginatione, tamquam de potentia diuersa à sensu communis: ita postquàm cap. 2. egit de sensu communi, deinde nouum caput instituit de imaginatione, & lib. de insomnijs, cap. 1. dicit sensituum, & imaginatiuum esse idem numero, id est, idem subiecto, in essentia verò, & ratione formali differre.

Et rationibus videtur eadem sententia probari. Primò, quia potentiae distinguuntur per obiecta adæquata: sed memoria tantum habet pro obiecto sibi adæquato rem præteritam, ut præterita est, memorari enim tantum potest fieri circa rem præteritam: imaginatio autem pro obiecto sibi adæquato habet tam rem præteritam, quàm rem presentem, sic possumus enim imaginari tam circa rem presentem, quàm absentem: ergo necessario fatendum est esse plures sensus internos realiter diuersos.

Secundò, quia organum memoriae necessario debet esse diuersum ab organo imaginationis: ergo etià ipse potentie, quæ in talibus organis resident. Probatur antecedens, quia cum memoria sit potentia memoratiua, requirit in suo organo temperamentum aptum ad retinendas species rerum præteritarum, cum inter primas qualitates siccitas sit maximè retentiuæ, qualiter experimur corpora sicca diutius retinere figuram in illis impressam, quàm corpora humida, necessarium est ad organum memoriae temperamentum primarum qualitatum, in quo prædominetur siccitas. Imaginatio autè potius prærequirit prædominiũ aliquale humiditatis, qualiter experimur homines habentes cerebrum nimis siccum, licet memoria polleant, habere tamen hebetem imaginationem: sed impossibile est in eodem organo, aut in eadem parte subiecti prædominari siccitatem, & etiam humiditatem: aliàs in eadem parte, eadem qualitas esset maior, & minor: ergo necessario requirunt diuersa organa memoria, & imaginatio, atq; adeo sunt diuersæ potentie.

Tertiò, quia contingit lædi imaginationem, non læsa memoria, sæpè enim experimur homines habentes deprauatam imaginationem, ita ut malè iudicent, & discurrant, optimam tamen habere memoriam: ergo apertum indicium est, memoriam esse potentiam realiter diuersam ab imaginatione.

Vltimò, etiam sumitur cōiectura, ex eo quòd in cerebro, vbi residet sensus internus, sunt plures cellulae, quibusdam tunicis diuise, vt sint diuersa domicilia sensuum internorum: ergo etiam ibi sensus residentes sunt plures, & condistincti.

Vltima tandem, & vera sententia nobis tenenda est, tantum esse vnicum sensum internum, qui secundum varios actus, quos habet, varias sortitur denominationes, & ita appellatur sensus cōmunis, imaginatio, seu phantasia aestimatiua, cogitatiua, memoria seu reminiscencia. Fateor hanc sententiā apud Authores nonam esse, quāuis enim ipsi circa distinctionem vnus sensus interni ab alio in varias sententias sint distracti, tamen ferē omnes plures sensus internos admittunt, habet tamē hæc sententia duos fauores nō paræ authoritatis. Nam in primis Angust. lib. 2. de libero arbitrio, capite 3. & 4. postquā probauit necessariò esse ponēdos plures sensus externos, & præter externos esse ponendum alium internum, solum ponit vnum internum solum, clarè tamen, & distinctè. Probauit doctè hanc sententiam subtilis Thomista Pater Suarez in suis Commentarijs, qui olim dictauit, licet nō sint hoc tēpore typis mādāta. Eam sequūtur doctissimi viri. In eius autem probatione discurrendum est per singulos sensus internos, qui assignari solent, vt ostendamus inter

illos nullam esse realem diuersitatem.

Et imprimis, quòd imaginatio, seu phantasia, quod idem est, non distinguatur realiter à sensu cōmuni, docuit Galen. lib. 8. de vsu partiū, c. 6. & de differentijs symptom. cap. 3. Valles. lib. 2. controuer. medic. cap. 22. Grego. Nyssen. lib. 4. de viribus Animæ. cap. 5. & 7. Damascen. 2. lib. de Fide, ca. 17. & 20. & videtur indicare Aristot. lib. de memoria, & reminiscencia, cap. 1. vbi dicit, phantasiā esse passionem, seu affectionem sensus communis, quasi actum phantasie reducat ad sensum communem. Respondet S. Thom. 1. p. q. 78. ar. 4. ad 3. & sect. de memoria, & reminiscencia, idē phantasiā appellari ab Aristot. passionem, seu affectionem sensus communis, seu actum phantasie: pertineat ad eandē potentiam, quæ est sensus communis, sed quia phantasia supponit actum sensus communis: nam cum phantasia sit potentia cognoscitiua obiectorum sensibilium, etiam in eorum absentia, ad quod opus est, prius cognouisse illa præsentia, quod fit per sensum communem: idē phantasia est potentia subordinata ad sensum comunē, & in sua operatione posteriorem illo, & ita appellatur passio, seu affectio sensus communis.

Hæc tamen solutio non est ad mētē Arist. nā eadem ratione dici posset, phantasiā esse passionem sensuum externorum, quia in sua operat

operatione supponit operationes illorum, & est illis posterior. Imò etiam phantasia, seu idòlum productum per phantasia, posset ideo passio sensus communis, quia iuxta hanc sententiam supponit operationem præuiam sensus communis: cum ergo Aristot. peculiariter dicat, phantasia esse passionem, seu affectionem sensus communis, aliquid aliud videtur intendere.

Et ratione probatur hæc sententia, quia, sicut sensus communis percipit sensibilia præsentia, ita & phantasia percipit eadem sensibilia præsentia, imò & absentia: ergo non est cur sensus communis ponatur distincta potentia ab imaginatione, seu phantasia, sed actus sensus communis reducendus est ad imaginationem.

Antecedens autem probatur. Primò, quia imaginatio habet vim in opinione omnium ad percipienda sensibilia absentia, verè enim imaginamur circa rem absentem: ergo multò melius poterit percipere eadem sensibilia, quando præsentia sunt. Patet consequentia, quia præsentia obiecti potius iuvat ad cognitionem, quàm illam impedit: ergo impertinenter ponitur alia potentia diuersa ab imaginatione ad percipienda sensibilia præsentia.

Secundò, quia species impressæ, quæ producuntur in phantasia, ut operetur non producuntur in illa, quando sensus communis non operatur, quia tunc nullam possemus

assignare causam productivam talium specierum, cum in sententia afferentium phantasia distingui à sensu communi, species expressa sensus communis producat aliam impressam in imaginatione: ergo imaginatio iuxta hanc sententiam recipit species impressas simul quando operatur sensus communis: ergo tunc potest operari siquidem illa iam est continua in actu primo per speciem impressam: atque adeò necessariò concedendum est, quòd imaginatio non minus quàm sensus communis percipiat sensibilia præsentia: ergo frustra ponitur sensus communis potentia diuersa ab imaginatione, seu phantasia.

Respondent auctores contrarii, verum quidem esse, imaginationem ita percipere sensibilia præsentia, ac sensus communis percipit: dicunt tamen adhuc realiter distingui sensum communem ab imaginatione, eo quòd sensus communis tantum percipiat sensibilia præsentia, dum præsentia sunt imaginatio verò non tantum percipit præsentia, sed etiam absentia: quod satis est, ut istæ potentie sint realiter diuersæ, sicut in opinione omnium sensus communis distinguitur realiter à sensibus externis, quia non solum percipit sensibilia cuiuslibet sensus externi in particulari, sed etiam alterius: ergo sicut propter hanc maiorem utilitatem distinguunt omnes sensum communem à sensibus externis, non mirum quòd

prop.

propter similem maiorem utilitatem distinguatur imaginatio à sensu communi.

Hæc tamen solutio nulla est: nā ut supra lib. 2. cap. 3. dicebam, circa distinctionem potentialium plures circumstantiæ considerandæ sunt, ne pro libito, & sine fundamento plures distinguamus potentias: unde ad distinguendum sensum communem à quovis sensu exteriori, procedimus ab experientia, qua experimur, verbi gratia, visum, (& idē est de quovis alio sensu externo) nō percipere sensibilia alterius sensus externi, atque adeo neque posse inter illa discernere. Quo principio, tãquàm experientia comperito, discurremus inde ad probandum, sensum communem percipientem omnia sensibilia, quātumvis diversa, sensuum externorum esse potestatem realiter ab illis diversam: tamē cum tota operatio sensus communis possit faciliē reduci ad imaginationem, neque habeamus aliquod sufficiens fundamentum ad distinguendum sensum communem ab imaginatione, vè patebit ex solutione argumentorum, frustra assertur talis distinctio: aliàs si sola maior utilitas sufficeret ad distinguendas potentias realiter, faciliē posset quis dicere, dari duas potentias visivas realiter diversas, altera quæ tantum percipiat colorem album, alteram verò non solum album: sed etiam varios colores.

Quare alij iuniores respondent concedētes, etiam imaginationem

posse versari circa obiectum præsens, quando scilicet actus sentitur à sensu interno, dicunt tamen adhuc distingui imaginationem à sensu communi, ex eo quod talis præsentia obiecti per accidens se habet respectu imaginationis, quia etiā potest versari circa obiectum absens; at verò in sensu communi præsentia actualis obiecti se habet per se ad illum, quia non potest percipere obiecta nisi præsentia.

Sed neque hæc solutio satisfaciri: nam quamvis verum sit, quod præsentia obiecti requiratur necessariò ad sensum internum, prout denominatur communis: solum enim denominatur sensus communis prout habet hoc peculiare munus, quod est percipere sensibilia; prout sensata actu à sensu externo; tamen quod hæc eadem potentia nō possit habere aliud munus, scilicet percipere sensibilia, tam actu sensata, quàm absentia, & ita hoc modo denominetur imaginatio, non probatur: aliàs, ut dicebam, faciliē posset quis dicere, esse duas potentias visivas, alteram quæ comparatur ad colorem absolute, prout omnes colores comprehendit, ad quam per accidens se habet, quod color sit albus: alteram verò, quæ per se tantum comparatur ad colorem album: habemus ergo ex dictis sensum communem non distingui ab imaginatione.

Vt autem probemus, neque imaginationem, seu phantasiam distinguui ab æstimatoria, seu cogitativa, quod

quod idem est, aduertere oportet in sensu interno, adhuc brutorum, dari quendam actum, quo apprehendant quædam objecta, vt sibi disconuenientia, & contraria, qua ratione ouis viso lupo fugit, cum tamen non fugiat viso alio animali, quod indicium est, ouem nescio quam inimicitiam in lupo apprehendere: aliqua verò objecta, vt sibi conuenientia apprehendunt, qua ratione canis viso cibo pergit ad illum capiendum: potentia ergo interna percipiens huiusmodi objecta, vt conuenientia, aut disconuenientia, appellatur æstimatoria, seu cogitativa.

Est tamen dubium, an hæc potentia verè percipiat huiusmodi inimicitiam, aut conuenientiam, quidam enim existimant hoc excedere vires potentie sensitivæ, sunt enim conuenientia, aut disconuenientia, relationes quædam, quæ vix intellectu capi possunt, quanto magis sensu, unde dicunt ouem viso lupo, verè nullam inimicitiam apprehendere: sed eam habere naturam, vt visibili colore, & figura, qualem habet lupo, statim fugiat.

Alij tamen probabiliter existimant ouem non solum colorem, & figuram lupi cognoscere per sensum internum: sed etiam quandam sibi inimicitiam & disconuenientiam fingere, illamque quodammodo apprehendere, nimis tamen confusè, & solum quoad quæstionem, aut est, non verò quid, aut qualis sit illa inimicitia, hoc enim adhuc inter

homines rustici non percipiunt. Leuèrè hæc sententia verisimiliter apparet: nam difficile videtur, quòd si ouis tantum colorem, & figuram lupi percipiat, non verò disconuenientiam aliquam, fugiat, & contristetur. Et explicari potest exemplo: nam tam difficile percipitur actio vitalis, quam relatio, & cum hoc ferè omnes authores admittunt sensum internum percipere sensationes sensuum externorum, quamuis nimis confusè, & solum quoad quæstionem, an est, ita vt nullus modo cognoscat quid, aut qualis sit illa actio: ergo simile quid facile potest intelligi de conuenientia, aut disconuenientia objectorum sensibili, ita vt sicut sensus internus non cognoscit sensationem sensus externi, quasi in abstracto: sed cognoscit obiectum, prout sensatum a sensu externo, ita cognoscat lupum prout inimicum, non tamen inimicitiam in abstracto, hæc enim, vt sic, non est obiectum sensibile sensui aliquo, bene tamen priori modo, licet imperfectè.

Statim verò oritur difficultas, an disconuenientia lupi verbi gratia, cognoscatur a sensu interno, per eandem prorsus speciem, per quam cognoscitur color, & figura lupi? Respondetur negatiuè, quia cum disconuenientia illa sit obiectum diuersæ rationis, necessariò postulat speciem nouam diuersæ rationis, per quam cognoscatur, quæ species an sit distincta ab alia sicut res a re, vel saltem sicut modus, ex-
pli-

plicandum est, sicut quæstione superioriori locuti sumus de specie representante sensationem sensus exterioris, & eodem modo est loquendum de causa productiua talis speciei, est enim similis ratio, & sicut nullus externus sensus percipit suam sensationem, ita neque conuenientiam, aut disconuenientiam obiecti: sed hoc pertinet ad sensum internum: & hinc dici solet communiter cogitatiua, seu æstimatiua percipere per species non sensatas, quas elicit ex speciebus sensatis: nam visio lupo sensu externo, deinde quædam disconuenientiam fingit per species non sensatas sensu externo, id est, per diuersam speciem ab illa, qua cognoscit colorem sensu externo sensatum.

His suppositis, quodd æstimatiua, seu cogitatiua, non sit potentia realiter diuersa ab imaginatione, tenet Cardin. Tolet. hoc lib. q. 6. Sebast. Perez cap. 3. huius lib. q. 1. Fonsec. 5. Met. cap. 28. quæst. 27.

Et ratione probatur, quia æstimatiua, ut probauimus, non cognoscit conuenientiam, aut disconuenientiam in abstracto: sed cognoscit lupum, ut disconuenientem: ergo eadem potentia, quæ utitur speciebus non sensatis ad cognoscendam inimicitiam, quæ est in lupo, etiam utitur speciebus sensatis ad cognoscendum lupum, utrumque enim cognoscit, nempe lupum ut inimicum; non verò solam inimicitiam in abstracto: sed ille sensus internus, qui utitur speciebus

insensatis, appellatur æstimatiua, qui verò utitur speciebus sensatis, appellatur imaginatio: ergo uterque actus pertinet ad eamdem potentiam, atque adeò imaginatiua, & æstimatiua non distinguuntur realiter.

Secundò, quia longè difficilius est cognoscere lupum ut inimicum, quod sit per æstimatiua, quam cognoscere lupum absolute: ergo si æstimatiua habet virtutem ad cognoscendum lupum ut inimicum, multò melius eam habebit ad cognoscendum lupum, præsertim cum vnum necessariò includatur in alio. Quæ sententia adeò vera est, ut illam nostræ Academicæ magistri negare non audeant.

Patet ergo ex dictis, vnam eandemque potentiam esse sensum communem, imaginationem, & æstimatiua. Ut autem probemus, neque memoriam distinguere ab imaginatione, aduertendum est; non satis esse cognoscere rem prius sensatam, nisi cognoscatur, ut prius sensata; hoc enim significat nomen memoria: unde si quis imaginetur circa Petrum, quem olim vidit, ita ut non cognoscat se illum vidisse: sed quasi abstrahendo à temporis differetia, reuera ille actus potius ad imaginationem, quam ad memoriam pertinet, solù ergo erit actus memorie, quando cognoscitur obiectum, ut prius sensatum, ut cum quis recordatur se vidisse Petrum, ubi non tantum fertur in Petrum: sed in sensationem illius iam præteritam.

Se-

Secundò supponendum est, falsam esse eorum sententiam, qui asserunt, memoriam solùm esse receptaculum conseruans species, vt quis recordari possit rerum præteritarum, non tamen esse potentiam cognoscitiuam: nam etiam si memoria esset distincta realiter ab alijs sensibus internis; ita vt essent plures sensus interni realiter diuersi, adhuc faciendum esset non solùm conseruari species ad actum memorie: sed etiam ad actum imaginationis, cum absente obiecto possimus illud imaginari, quod indicat species tam imaginationis, quàm memorie, non pendere ex actuali præsentia obiecti; & ita adhuc in eius absentia optimè conseruari possunt tam ad actum imaginationis, quàm memorie.

Secundò, quia absurdum est dicere, memoriam sensituiam nõ esse potentiam cognoscitiuam: quid enim aliud est memorari, quàm re absentem iam antea sensatam in cognitione repetere? Præterea, quia memoria intellectiua in opinione omnium est cognoscitiua, vt patet, cum quis recordatur suarum actionum spiritualium, quas aliquando habuit, quod per sensum nullatenus fieri potest: ergo similiter memoria sensitui est potentia cognoscitiua obiectorum sensibilium, saltem prout prius sensata sunt.

Obijcies: nam sicut tur sensus internus ad cognoscenda sensibilia præsentia, scilicet sensus communis, & etiam ad sensibilia præterita,

prout præterita sunt, etiam debet dari ad cognoscenda sensibilia futura, prout futura sunt, quod tamen videtur excedere vires sensituias.

In hac re quibusdam videtur, sensum internum non posse, per naturam cognoscere futurum vt sic, esseque disparem rationem de præsentia, & præterito: nam præsens, & præteritum cum immutent sensum, vel saltem immutauerint, relinquunt specie, per quam cognosci possint: futurum tamen, sicut nõdum externum sensum immutauit, ita neque inde deriuata est ad sensum internum species, qua possit cognosci, & est res probabilis.

Mihi tamen verisimilius est, sensum internum posse apprehendere futurum, vt futurum est, non quidem, quod possit cognoscere rem infallibiliter, esse futuram, hoc enim esset diuinare, quod neque intellectui conuenit, nisi dono supernaturali prophetie illustretur: sed quod simplici intuitu apprehendat rem prout futuram, siue in rei veritate ita sit futura, siue nõ, quod satis indicare videntur nonnullæ experientie, hæc enim ratione canis alligatus viso cibo, cupit dissolui, vt ad cibum appropinquare possit, apprehendit ergo futuram sibi esse comestionem, si dissoluitur. Hæc etiam ratione sæpè animalia conantur aperire oculos, vt videant, ex appetitu visionis, neque obstat quod futurum nondum impresserit speciem suam, vt cognosci possit, potest enim percipi per spe-

speciem alterius rei iam sensatæ, nihil enim repugnat per speciem comprehensionis aliquando habitæ cognosci comprehensionem futuram per modum illius, quod diuersimodè cōuenit sensui, ac intellectui, intellectus enim intelligit rē spirituale per speciem rei materialis penetrando essentiam, & prædicata essentia talis rei, sensus autem nimis confusè versatur circa sua obiecta.

Sed obijciunt quidam, si cognitio sensus interni potest ferri in futurum, vt futurum est: ergo appetitus sensitivus, qui, vt infra dicam, huiusmodi cognitionem sequitur, poterit appetere futurum, vt futurum est, atque adeò bruta operarentur propter finem, quod proprium esse tantum creaturæ rationalis, docet tota Theologorum schola? Respondetur, operari propter finem propriè, ita quòd cognoscatur pro portio, quæ est inter medium, & finem, hoc esse proprium creaturæ rationalis, tamen operari propter finem impropriè, prout tantum dicit moueri ex fine ad acquirendum illum, etiam brutis conuenire potest: imò etiam agentia naturalia quodammodo operantur propter finem, vt ex communi Philosophorum consensu vidimus 2. lib. Phis. dis. ut. penult.

His suppositis, quòd memoria non distinguatur realiter ab æstimationia, quæ, vt nos probauimus, idem est, quod imaginatio, docuit Sebastianus Perez, & Fonsæca locis supra citatis iuxta quam sententiam,

exponendo verba Arist. de memoria, & reminiscencia cap. 1. dum dicit, memoriam ad eandem animæ partem pertinere, ad quam pertinet imaginatio, idest, ad eandem potentiam, ratio autem est iam supra tacta, quòd si memoria habet vim ad percipienda obiecta sensibilia in absentia eorum, multò melius eam habebit ad percipienda illa in præsentia obiecti, cum præsentia obiecti potius iuuat ad cognitionē, quam impediatur: ergo memoria non distinguitur ab imaginatione atque adeò neque ab æstimationia, quæ idē est, quod imaginatio.

Et confirmari potest à simili de memoria intellectiua, hæc enim in opinione omnium est idem realiter cum intellectu: ergo quid simile potest intelligi de memoria sensitua respectu imaginationis, & æstimationis, ne tot sensus sine sufficienti necessitate multiplicemus: vnde sicut potentia intellectiua solum habet rationem memoriæ intellectiua, quando intelligit rem prius cognitam, non verò prout fertur in obiectum præsens, ad eundem modum sensus internus, licet tam ad præsentia, quam ad absentia ferri possit, tamen tunc tantum habet denominationem memoriæ, quando fertur in rem prius sensatam.

Obijcies tamen Aristot. capit. 1: citato de memoria, & reminiscencia, ubi docet memoriam neque esse sensum, neque existimationem, ubi videtur illam distinguere non solum à sensu interno: sed etiam ab æstimatione

matia. Respondetur tamen Arist. prædicto loco potius loqui de actu memorie, quam de potentia ipsa, ita ut tantum doceat actum memorie esse diuersum ab actu æstimatorie, non tamen sentit esse potentias realiter diuersas, distinguit enim ibi huiusmodi actus per diuersa obiecta, quæ respiciant in ratione præsentis, aut præteriti.

Tandem, ut ultimo probemus, neque memoriam realiter distingui à reminiscencia, aduertendum est in hoc differre reminiscenciam à memoria, quod reminiscencia sit memoria prout successione quadam, & connexionem, aut dependentiam obiectorum ex vno ad alterius memoriam peruenit: ut cum quis ex eo quod recordatur Petri, inde recordatur Petrum tali loco hoc aut illud fecisse, ex connexionem obiectarum: memoria autem appellatur simplex recordatio obiecti.

Hoc supposito, quod neque memoria, & reminiscencia distinguantur realiter, est communis authorum sententia, quam S. Th. & alij Auctores supra citati communiter defendunt: & fundamentum est, quia nulla est sufficiens ratio, quæ nos cogat asserere actum memorie, qui sit successione quadam ex vno obiecto in aliud, non posse reduci ad eandem potentiam, cuius absolute est actus memorandi, uterque enim actus tendit in obiectum, ut prius sensatum, unde videntur actus in æquari ad unicam, eandemque potentiam pertinentes,

sicut in intellectu eadem potentia, quæ absolute intelligit, habet etiam intelligere cum discursu ex vno aliud inferendo, præsertim cum aliis ex parte organi non possit summi fundamentum ad distinguendas has potentias, ut ex dictis constabit.

Et si inquiras, quid sibi velit Aristot. cap. 1. citato de memoria, & reminiscencia, cum dicit ingeniosiores difficilius reminisci, eos vero, qui tardioris sunt ingenij, magis pollere memoria. Respondetur, Arist. hoc loco tantum velle, quod cum, ut infra dicam, necessarium sit, intelligentem phantasmata speculari, ita ut simul cum cognitione intellectiva sit coniunctus aliquis actus sensus interni, reuera qui promptiores sunt ad discurrendum, etiam habent sensum internum aptiorem ad pluralitatem successivam actuum circa obiecta connexa, hi tamen, ut in plurimum, non habent temperamentum ita aptum ad actum memorie.

Pateo ergo ex dictis hæcenus tantum dari unicum sensum internum secundum rem, qui secundum varios suos actus diuersas sortitur denominationes: nam in quantum percipit obiecta præsentia, prout actu sensata sunt à sensu externo, appellatur sensus communis, prout vero percipit obiectum, ut prius sensatum simplici quadam recordatione, appellatur memoria, prout vero hoc præstat successione quadam actuum, appellatur remi-

P
scentia

scientia: prout verò percipit obiecta sensibilia secundum se, quasi abstrahendo ab his temporis differentiis, appellatur imaginatio, seu phantasia: tandem verò in quantum ex speciebus sensatis percipit obiecta non sensata, sensu externo per species non sensatas, appellatur aestimatiua, seu cogitatiua, in re tamen vnicus tantum sensus internus est. Quæ sententia licet non sit ita communis, tamen reuera est probabilior, & quod attinet ad identitatem phantasiæ cum sensu communi, & sic de alijs, pluribus Aristonibus defenditur, licet pauci ex illis tantum vnicum sensum internum admittant.

Si autem aliquis inquirat, an saltem possit concedi esse plures sensus internos formaliter diuersos. Respondetur, quod si loquarur de distinctione formali essentiali, non potest concedi, distinctio enim essentialis potentiarum debet desumi ex actibus, & obiectis adæquatis: obiecta autem, & actus hæcenus connumerati sunt inadæquati respectu sensus interni. Præterea, quia si simul admittamus huiusmodi sensus internos distinguere essentialiter, non est cur etiam non admittamus, non distinguere realiter: nam ad distinctionem realem potentiarum satis est quod habeant actum, & obiectum adæquatum diuersum, etiam si habeant idem organum, vt patet de gustu, & de tactu linguae. Vnde non placet, qui contendunt expli-

care S. Tho. quatuor internos sensus assignantem, quod loquatur de distinctione formali essentiali: nam præterquam quod hoc falsum est, vt vidimus, etiam pugnat cum mente D. Thom. probat enim hanc sensuum pluritatem ex diuersitate organorum: potentia autem, quæ habent organa diuersa, necessario distinguuntur realiter, loquitur ergo de distinctione reali.

Dicendum ergo est, huiusmodi sensus internos tantum distinguere formaliter accidentaliter, scilicet penes diuersas denominationes, quas in ordine ad diuersos actus inadæquatos habent, vt vidimus, non secus quam potentia intellectiua in quantum absolute intelligit, appellatur intellectus, & in quantum intelligit res præteritas, appellatur memoria intellectiua, & in quantum intelligit discurrendo, appellatur ratio, cum tamen nullus concedat in homine plures potentias intellectiuas essentialiter diuersas adhuc distinctione formali, sed salum penes diuersas denominationes eiusdem potentia sumptas ab actibus inadæquatis illius.

Dubitabit tamen deinde aliquis, vtum etiam hic sensus erret circa suum sensibile. Respondetur etiam errare aliquando, quia sæpe concipit rem absentem, vt præsentem, vt patet de actu imaginationis.

Tandem ad argumenta contraria sententiæ responderetur, pro qua aduertendum est, quod cum sensus

internus vnus sit, vnicum tantum habet organum, in quo resideat, tamen hoc organum non requirit temperamentum omnino idem ad diuersos actus huiusmodi sensus: nam vt in illo vigeat actus memorandi, debet in tali temperamento aliquantulum vigere siccitas, quando verò calor habet certam quandam proportionem cum siccitate, ita vt frigiditas, & humiditas sint in minimo gradu, est temperies ad rectam imaginationem, & memoriã, quia cum memoria sit potentia intimius retentiuã, requirit aliqualem siccitatem, quæ ad hunc effectum præcipue deseruit, calor verò in certa proportionem admixtus alijs qualitatibus efficit temperiẽ a commoda imaginationi, & hinc fit, quòd quauis organum huius sensus in re vnũ sit, tamen secundum quod ex varijs dispositiõibus, quas habere potest, aliquando est magis aptum ad memoriã, aliquando ad imaginationem, idè secundum hanc diuersitatem accidentalem quodammodo denominatur plura, non secus quàm de sensu ipso interno diximus.

Vnde patet facilis solutio ad illud primum locum Arist. qui reliquis difficilior erat, dum dicit, *Sensum sensibilibus, manere in sensorijs imaginationes*, vbi appellat organum huius sensus sensoria in numero plurali, propter varias denominationes, quas sentire potest, secundum quod ex diuersa disposi-

tione ad diuersos actus huius deferuire potest, non verò quia sint plura organa realiter diuersa. Quòd verò in hoc lib. diuersum caput instituat de imaginatione, ac de sensu communi, nihil impedit, ad hoc satis est quòd hæc duo sint diuersa munera eiusdem potentie, sicut etiam seorsum agit de intellectu agenti ac de possibili, cum tamen in opinione multorum satis probabili intellectus agens, & possibilis non sint potentie realiter diuersæ de quo infra.

Ad vltimum locum ex cap. I. de insonnis, sunt qui putent Aristotelem, quando dicit sensitiuum, & imaginatiuum differre in essentia, & ratione formali, non tam loqui de potentijs, quàm de actibus, quali dicat, actum imaginationis differre in essentia ab alijs actibus huius sensus; tamen reuerà non videntur loqui ad mentem Aristot. nam verbum illud, *Imaginatiuum*, potentiam denotat potius quàm actum, & ita communis versio Argiropili, & Vatabli clariùs id habet his verbis: *Imaginandi vis eadem numero est cum potentia sentiendi, quamuis essentia, rationeque differant*. Vbi ex communi Interpretum consensu has potentias appellat eandem numero, idest, easdem subiecto. Sunt tamen statim difficilia verba illa, *Quamuis essentia, rationeque differant*: explicanda tamen sunt iuxta prædictam doctrinam: nam quemadmodum esse album,

vel nigrum, sunt differentie accidentales respectu hominis, tamen homo, in quantum albus, precise & reduplicatiue essentialiter differt ab homine nigro, ut niger est: ad eundem modum in sensu interno, quamuis imaginatio, & memoria accidentaliter differant, ex diuersa denominatione significante potentiam ordinatam ad diuersos actus, tamen prout sic, scilicet prout precise dicitur memoria, quodammodo differt quasi essentialiter ab imaginatione, prout imaginatio est precise absolute; tamen secludendo has reduplicaciones non distinguuntur essentialiter.

Ad primam rationem respondetur, quod quamuis res preterita sit obiectum, adæquatum memoriæ, prout memoria dicit sensum internum consideratum sub hac denominatione memoriæ, non tamen est obiectum adæquatum memoriæ, prout memoria significat sensum internum absolute; hic enim sensus se extendit ad alia obiecta presentia; quia quamuis obiectum adæquatum intellectus, prout precise consideratur ut apprehensiuus, sit verum apprehensibile; tamen obiectum adæquatum intellectus absolute, non tantum est verum apprehensibile, sed iudicabile etiam, unde eadem potentia est quæ apprehendit, & quæ iudicat, sic ergo dicendum est de memoria, & de sensu communi.

Ad secundam, idem organum secundum, idem temperamentum

qualitatum, est magis aptum ad actum memorandi: idem verò organum secundum aliud temperamentum, quod potest habere, est magis aptum ad actum imaginationis: unde solum probatur, eundem sensum internum ex diuersitate temperamentorum in quibusdam esse magis aptum ad vnum actum, in alijs verò ad alium, sicut inter sensus externos experimur, gustum huius hominis esse magis aptum ad percipiendum hunc saporē, ad alios verò non ita est vitalis temperamentum, quod habet.

Et hinc patet solutio ad tertium, nam eadem potentia potest laedi, quantum ad exercitium vnius actus, cum tamen quantum ad alios actus illa sanetur, ut dicebam de gustu respectu saporis: imò intellectu simile quid experimur, sunt enim plures, qui facillime apprehendunt, discunt, tamen difficile: nihil ergo mirum, quod immutatione temperamentum in sensu interno laedatur ista potentia quantum ad actum imaginationis, non tamen quoad exercitium memoriæ. Ad ultimam rationem patebit de organo huius sensus.

Quest. III. Vtrum animalia habeant sensum internum, & an hic sensus differat specie in homine, & in brutis.

QUANTUM AD PRIMUM, quod inquirat questio, aliquorum est sententia, quædam esse animalia adeo imper-

imperfecta, vt non habeant sensum internum. Videtur indicare Card. Tolet. hoc lib. 9. 8. Pro qua sententia nullam, nec probabilem video rationem: solum potest adduci Arist. qui cap. 3. huius libri text. 156. dicit in apibus & formicis non esse imaginationem.

Dicendum tamen est, omnia animalia, quantumuis imperfecta, habere sensum internum, licet in pluribus eorum non sit ita perfectus. Docuit Caiet. Thienensis: & Aegidius hoc loco, & aperte docuit Arist. 2. lib. de Anima text. 20. vbi dicit, quod quibus inest sensus, inest imaginatio, sed omnia animalia habent sensum: ergo omnia habent imaginationem, & 1. lib. Metaph. capite primo docet omnia animalia phantasias viuere. Ratio verò est, quia animalia omnia præter appetitum naturalem, rebus adhuc insensibilibus communem reuera habent appetitum sensitium, vt bonum proprium, & suarum potentiarum appetant, fugiantque nocua; sed appetitus sensituius sequitur cognitionem sensituiam, non quidem sensuum externorum, sed potius interni, qua proponit illi obiectum, vt conueniens aut disconueniens, quod à solo sensu interno fieri potest: ergo reuera animalia omnia habent sensum internum, & quidè de formicis & apibus, quæ satis imperfectæ sunt, docet aperte experientia; formicæ enim per eandem semitam ad suum domicilium reuertuntur, & apes,

ad suum locum, in quo mellificant, redeunt, quod satis indicat huiusmodi animalia habere memoriam. De imaginatione etiam colligitur. nam hæc animalia maxima prudentia pollent, quod sine imaginatione esse non potest.

Ad Aristotelem autem, Auerroes, & Albertus super illum textum, cum Aristotelem ad bonum sensum adducere non audeant, dicunt, quod exemplorum non requiritur veritas, & ita exempla illa ab Arist. adducta falsa esse. Melius tamen Philop. & Tolet. duplicem sensum internum considerari posse asserunt, alterum disciplinabilem, quem habent canes, & plura alia animalia, quæ ad plura exercitia disciplinabilia sunt, & hunc sensum non habent apes, & formicæ; ad nihil enim de nouo disciplinabiles sunt: tamen reuera habent sensum internum non disciplinabilem.

Quantum ad secundum, quod inquit quaestio, scilicet an sensus internus hominis differat specie à sensu interno brutorum, duæ sunt satis probabiles sententia; altera asseritiuum sensum internum hominis differre specie à sensu interno brutorum, quia, vt ostendimus, sensus internus hominis potest supra proprium actum reflecti, quod tamen sensus brutorum minime potest: tum quia non est indicium aliquod ab experientia sumptum ad hoc asserendum, tum etiam, quia non est cur tanta perfectio brutis tribuatur

Alij verò etiam probabiliter defendunt sensum internum hominis esse eiusdem speciei cum sensu interno brutorum, sicut de sensibus externis diximus ex communi sententia. Ratio est, quia cum huiusmodi potentia sensitiva sequatur hominem secundum rationem animalis, non secus quam sensus externi, sicut sensus externi non differunt specie in utroque, ita neque interni: praesertim quod non satis probatur, in sensu interno brutorum non posse esse reflexionem supra proprium actum: nam quamvis ab experientia nullum indicium sumi possit, sicut neque ad probandum quod non possit esse talis reflexio: aliunde tamen possumus coniectari: nam cum talis reflexio supra proprium actum non excedat vires sensitivas, non est cur animalibus maximè perfectis denegetur, licet ab experientia nihil nobis constet, imò etiam hoc ipso admissò, adhuc videtur non sufficenter probari distinctionem specificam inter sensum internum hominis, & aliorum animalium, potest enim intelligi, quod ex peculiari temperamento, quo melius sit dispositum organum huius sensus in homine, sit aptus ad huiusmodi actum, non verò sensum brutorum, non quidem quia ex se non posset, sed ex defectu tam perfecti temperamenti. Fateor neutram sententiam efficaciter suaderi, hæc tamen secunda mihi verisimilior apparet.

Quest. IIII. Quomodo producantur species impressæ in sensu interno.

QUAMVIS SUPRA LIBR. 2. CAPIT. 5. actum sit de productione specierum sensibilium sensuum externorum, de modo tamen, quo species impressæ perveniant ad sensum internum, ad hunc locum proprium disputandum remisimus, & quidem de modo, quo species expressa producitur à sensu interno mediante specie impressa in illo recepta, nihil peculiare notandum occurrit, sed quæ supra dicta sunt de sensu externo, proportionallimodo intelligenda sunt de sensu interno, imò & de intellectu: quare solum hoc loco habet peculiarem difficultatem, quo modo producantur species impressæ in sensu interno.

Omissa autem sententia Auer. & aliorum, qui asserunt, ponendum esse sensum agentem ad producendas species sensibiles impressas, non secus quam ponitur intellectus agens ad producendas species intelligibiles, de quo dicam capite de intellectu agenti.

Supponendum est in primis, necessarium ponendas esse species impressas in sensu interno ad percipienda obiecta sensibilia, quod similibus rationibus probandum est, ac de sensu externo, hic enim applicata eandem habent vim; est enim sensus internus potentia ex se indif-

indifferens ad percipiendum hoc, aut illud obiectum sensibile: unde oportet ponere in eo species impressas obiectorum, ut determinetur ad percipiendum hoc obiectum potius quam illud.

Secundò supponendum est quantum attinet ad causam efficientem, huiusmodi species non produci ab obiecto, sicut producantur species sensuum exteriorum, nisi nimis remotè. Sic docuit S. Tho. de spiritualibus creaturis art. 10. argumento ultimo cum sua solutione, & quæstione de anima art. 4. ad 1. & 1. p. q. 78. art. 4. ad 2. ubi dicit ex immutatione facta in sensu externo resultare aliam in sensu interno: ergo obiectum producens speciem sui in sensu externo non producit illam immediate in sensu interno: sed ex priori immutatione alia interior subsequitur. Et ratio est euidens, quia sæpe obiectum sensibile agit in sensum externum, cum tamen si sensus externus ob defectum attentionis animæ non eliciat sensationem, nulla imago talis obiecti remanet in sensu interno: ergo obiectum non est sufficiens causa ad producendam speciem impressam in sensu interno: quo argumento etiam conuincitur, speciem impressam sensus interni non produci efficienter ab specie impressa sensus externi, plura enim sunt animalia, quæ dormiunt apertis oculis, ut non solum in ouibus, sed in pluribus etiam hominibus experiri licet, & ita dum

dormiunt, licet non eliciant actum visionis, obiecta tamen ibi presentia reuera imprimunt speciem sui in tali potentia visiva, cum tamen talium obiectorum nulla species remaneat in sensu interno, donec sensatione à visu percipiatur, quod aperte indicat, speciem impressam sensus interni non produci ab impressa sensus exterioris.

Restat ergo difficultas, an saltem producantur ab specie expressa producta per sensationem sensus exterioris: pars enim negatiua videtur pluribus rationibus conuinci.

Primo, quia, ut vidimus secundo libro Physicæ, agens immediatum debet esse contiguum cum passio, sed sensus internus subiectatur in cerebro, ut ex communi Philosophorum sententia dicam infra: ergo impossibile est, speciem expressam productam per sensationem existentem in pede producere speciem impressam in cerebro.

Secundò, quia adhuc cessante sensatione externa, & perinde cessante specie expressa, quæ ab illa pendet in conseruari, durat species in sensu interno, verè enim imaginamur circa rem absentem: ergo saltem debet assignari alia causa conseruans talem speciem, & ita etiam prima productio illius poterit facile reduci in talem causam, quin opus sit recurrere ad speciem expressam sensus externi.

Tertiò, quia si species expressa sensus externi producit aliam impressam

pressam in sensu interno, sequeretur speciem illam impressam esse naturalem; similitudinem speciei expressæ, non verò obiecti, unde per illam non possemus percipere obiectum sensibile. Patet consequentia, quia species impressa tantum est naturalis similitudo illius, à quo producitur, qualiter species producta à colore tantum repræsentat colorem.

Tandem quartò posset hoc loco fieri obiectio, nam iuxta hanc sententiam impossibile videtur sensum internum cognoscere sensationes sensuum externorum, cum enim species expressa producta per sensationem externam tantum repræsentat obiectum, quod sentitur, non verò sensationem ipsam solum videtur posse ab illa derivari alia species repræsentatiua eiusdem obiecti, non verò sensationis, externe: ergo impossibile esset dari in sensu interno species impressas sensationum externarum; hæc tamen ratio iam à nobis soluta est quæst. 1. huius disputationis.

Quare dicendum est in hac re, speciem impressam sensus interni effectivè produci ab specie expressa sensus externi. Quam sententiam, ut communem tenet Fonseca 1. Met. cap. 2. q. 3. sect. 8. subtilis disputator Molin. 1. p. q. 1. art. 2. d. 4. Ferrar. 1. contra Gen. ca. 69. §. 4. ad primum horum, & hoc loco communiter Interpretes, idque docuit clarè Arist. de memoria, & reminiscetia c. 2. ubi dicit aliquid à sen-

su externo in memoria produci, super quem locum S. Tho. id etiam expressè docet, & cap. 1. ferè circa finem sic ait Arist. loquens de hominibus maxime humidis. *Primo ergo visorum impressionem servare, ac retinere non possunt*: sentit ergo obiecta visibilia media visione externa imprimere speciem sui in sensu interno. Ratio autem sumitur ex dictis, quia huiusmodi species sensus interni non possunt immediate produci ab obiecto, neque ab specie impressa illius: restat ergo dicendum, quod producantur ab specie expressa illius.

Est tamen difficultas, an fiat ab illa, ut à causa principali, vel potius instrumentali, quod ex eo pendet, an species expressa sensus externi sit essentialiter perfectior specie impressa sensus interni: nam quod huiusmodi species differant essentialiter, constat ex dictis cap. 5. nam cum nulla species impressa sit formalis imago, & similitudo obiecti, qualis est species expressa, necessarium est differare essentialiter huiusmodi species inter se.

Dicendum ergo est; speciem impressam sensus externi esse essentialiter perfectiorem specie impressa sensus interni, & ita esse causam principalem illius saltem æquiuocam. Ratio est, quia quamvis species impressa sensus interni deferuiat nobiliori potentia, quam species sensus externi, & ita secundum quid sit perfectior illa; tamen

tamē quia species expressa est formalis imago, & similitudo obiecti constituens potentiam cognoscētem in actu secundo, cū alias utraque species sit materialis, perfectior est species expressa sensus externi, quā impressa interni. Vnde dispar videtur ratio, si cōpares speciem expressam materialem cum impressa intelligibili, hæc enim est in sua entitate, & essentia spiritalis, & ita entitatiuē est perfectior quauis specie materiali.

Nec placet sententia Card. Tol. hoc lib. q. 3. ad 1. & Bañez 1. par. q. 47. art. 3. dubio ultimo asserentium, speciem impressam sensus interni non differre essentialiter ab specie impressa sensus externi, etiā si circa idem obiectum versentur, quod fasum esse ex eo conuincitur quia species impressa sensus interni eam habet naturam, & conditionem, ut etiam absente obiecto conferuetur, ut patet de speciebus memoriæ: species verò impressa sensus externi pendet in fieri, & cōseruari à præsentia obiecti, ita ut illo absente non possit ex natura rei cōseruari, quo manifestè indicat, huiusmodi species diuersas habere naturas & essentias: tam etiā quia sunt principia diuersorū actuum in specie: nam cū sensus internus sit potentia essentialitèr diuersa à sensu externo, ita sensatio interna essentialiter differt à sensatione externa: potentia enim distinguuntur per actus. Neque obstat quòd species impressa sensus interni, & ex-

terni possit habere idem obiectum scilicet colorem, ex peculiari modo respiciendi illud, possunt species distinguui: ita ut licet habeant idē obiectum materiale, non tamen formale, sicut etiam species materialis coloris in opinione omnium essentialiter differt ab specie intelligibili eiusdem coloris, quamuis habeat idem obiectum quasi materiale, & ad eundem modum loquendum est de speciebus expressis, ita, ut species expressa sensus interni essentialiter differt ab specie expressa sensus externi: tum, quia sensationes, per quas huiusmodi species producuntur, specie differunt ut probaui, & ita termini producti debent differre specie. Tum etiam, quia species expressa sensus externi pendet natura sua ab actuali præsentia obiecti, secus verò species expressa sensus interni: ergo etiā huiusmodi species distinguuntur essentialiter, & si versetur circa idem obiectum sensibile. Tandem quæ diximus de extensione obiectiua, & subiectiua specierum sensuum externorum, similiterque de intensione obiectiua illorum, simili modo applicanda sunt speciebus interni sensus: de hoc enim, & de pluribus alijs, quæ suprà diximus, æqua est utrobique ratio.

Ad argumenta superius adducta respondetur: Ad primum sunt qui dicāt, quòd quamuis sensus internus differat loco à sensu externo, ac proinde ab specie expressa in illo producta, satis tamen est animā,

P v

quæ:

quæ est causa principalis talis actionis, esse in cerebro, ubi huiusmodi species producuntur: hi tamen supponere videntur speciem expressam sensus externi non esse causam principalem speciei impressæ productæ in sensu interno, quod ostendimus esse falsum. Quare facilius respondetur non derivari immediate speciem impressam sensus interni ab specie expressa externi, quin potius per spiritus animales, existentes in nervis, aut per alios occultos meatus derivatur species impressa usque ad cerebrum, sicut etiam obiectum exterius non imprimit immediate speciem suam in sensu externo, sed prius illam diffundit per aërem, & sic usque ad potentiam sensitivam: ad eundem ergo modum per spiritus animales derivantur species impressæ a sensu externo usque ad cerebrum.

Ad hoc indum, probari efficaciter species impressas sensus interni non pendere in conservari ab expressa sensus externi, cum adhuc transacta sensatione externa conservantur species in sensu interno: pendunt tamen ab illa in fieri. De causa autem efficiendi conservativa harum specierum, transacta specie expressa sensus externi loquendum est, ac de conservacione specierum intelligibilium, vel etiam conservantur a Deo, quasi supplente vicem causæ primò producentis, sicut etiam homo genitus, licet in generatione pendeat

ab alio homine, non tamen in conservari, sed a Deo: vel certe species intelligibiles conservantur a potentia ipsa intellectiva, & ita similiter species sensus interni conservari debent ab spiritibus existentibus in cerebro, in quibus residere ex eo coniectamur, quod ebrii propter multitudinem vaporum ab stomacho ascerduntur; ac perinde perturbantium huiusmodi spiritus, inordinatas, & satius pravas habeant cogitationes, non secus quam in aqua commota apparent res aliter quam sint, quia species ibi existentes ex commotione illa perturbantur.

Ad tertium respondetur etiam diversam rationem; nam quem ad modum animal, licet producat aliud animal, semen tamen animalis non producit aliud semen: sed animal simile illi, a quo decusum est, ita cum species expressa sensus externi habeat se veluti semen derivatum ab obiecto, saltem mediante specie impressa, idcirco non producit in sensu interno speciem suam, sed speciem eiusdem obiecti, a quo illa fluxit, saltem mediatè: unde cum non oriatur ab illa tanquam ab obiecto, sed tanquam ab aliquo, quod gerit vicem obiecti in sensu interno, potius producit speciem aliam representantem tale obiectum, quam ipsam speciem, species verò impressa producta ab obiecto est quasi semine immediate ab illo creatum, & ita est similitudo virtualis illius.

Circa

Circa vltimum, quod inquit quaestio, an scilicet in sensu interno sit aliquid rationis, sensus quaestio- nis est, an omnes actus, qui repe- riuntur in intellectu, scilicet, ap- prehensio, iudicium, & discursus, mueniantur suo modo in sensu in- terno; ita tamen quod verè dici possit in illo esse apprehensionem, & iudicium, & discursum, & qui- dem quantum attinet ad apprehen- sionem; quæ est simplex quidam intuitus, seu simplex cognitio obie- cti, certum est illam suo modo re- periri in sensu, non solum interno: sed externo etiam, verè enim quili- bet sensus apprehendit suum obie- ctum. Solum est dubium, vtrum etiam in sensu saltem interno repe- riatur verum iudicium, & discursus: nam de externo sensu nullus admittit.

In qua re prima sententia admit- tit in sensu interno verum iudiciũ, quod sit actus enuntiãns hoc de il- lo, similiterque verum discursum, non quidem circa vniuersalia, hæc enim nullatenus possunt percipi à sensu: sed circa singularia; vnde di- cunt, quod quando intellectus syl- logizat circa vniuersalia, i magina- tio saltem discurret circa singularia contenta sub tali vniuersali. Do- cuit Auicēna 6. lib. naturalium par. 4. capit. 2. Niphus 1. lib. Metaphysi. disputat. 7. Iauel. quaestio. 8. imò id videtur docere Sanctus Thomas 1. part. quaestio. 78. articulo 4. ad 2. vbi dicit sensum communem iu- dicare, dum discernit album à ni-

gro, vel viridi: & in solutione ad quintum, tam iudicium, quam dis- cursum videtur admittere, si solu- tionem illam adiungas argumento, cui respondet: verum est, Sanctum Thomam, & reliquos Auctores, nō loqui de sensu brutorum, sed homi- nis, cui prædictam excellentiã di- cunt conuenire. Fundamentum au- tem huius sententiæ est, quia inter intellectum & sensum internum est necessaria connexio in ope- rando, vt enim infra dicam, anima rationalis pro hoc statu intelligit cum conuersione ad phantasmata: ergo necessarium est, quod simul cum iudicio, aut discursu intelle- ctus sit aliud iudicium, & discursus ille proportionatus in sensu in- terno.

Mihi tamen longè probabilior est sententia Tolet. hic q. 7. quem hoc tempore plurimi sequuntur, as- serētes, adhuc in sensu interno ho- minis, nec iudicium, nec discursum reperiri, & ita neque aliquid ratio- nis, quatenus ratio distinguit à brutis; nam per simplicem appre- hensionem absolutè sumptam non distinguitur intellectus à sensu: vtrique enim conuenit apprehen- dere obiectum, quamuis in pecu- liari modo apprehensionis sit etiam differentia. Hanc sententiã videtur docuisse Arist. cap. 3. huius lib. tex. 157. vbi ex eo probat imaginatio- nem distingui ab opinione, quia, inquit, opinionem sequitur fi- des, fides autem non potest esse in brutis, quibus inest imagina-

tio,

tio, nam quibus inest fides, potest esse persuasio: in brutis autem nulla persuasio esse potest: ergo nihil iudicant, si verè loquamur de iudicio, prout dicit actû attingentem connexionem prædicati cum subiecto.

Præterea, quia cùm Aristot. in prædictis verbis asserat, opinionem sequitur fides, reuerà nomine fidei non intelligit actum, aut habitum nitentem testimonio dicentis: nam cùm opinio propriè procedat ex ratione saltem probabili per se loquendo, nullam habet connexionem cum fide, quæ innititur testimonio dicentis: intelligit ergo Aristot. nomine fidei assensum, quæ acceptio fidei non parum est vilitata, & vulgaris: sæpe enim in communi hominum sermone adhibere fidem alicui rationi, est assentiri illi, dum ergo Arist. negat in brutis reperiri fidem, reuera negat reperiri in illis aliquem assensum: ergo iudicium, & discursum: in his enim necessarid inuoluitur assensus, aut dissensus.

Clariùs videtur docuisse libro de memoria, & reminiscencia, c. 2. post medium, vbi idè negat brutis inesse reminiscencia, quia hæc fit cù discursu, vbi loquitur de actu reminiscendi, qui fit per illatione, & discursum: ergo apertè negat omnem discursum brutis: sed quia prædicta loca tantùm probant, nō posse reperiri in brutis iudicium, aut discursum; argumentor ratione ad probandum, quòd si in ho-

mine secundùm partem sensitivam possunt reperiri huiusmodi actus, etiam possint dari in brutis, quod tamen negat Aristot. Ratio est, quia in sensu interno hominis potest reperiri iudicium, & discursus, vel hoc habet sensus ille ex se, vel ex coniunctione, quam habet cum intellectu: si ex se habet, ergo etiam sensus internus bruti poterit iudicare, & discurre, & ita brutum erit animal rationale, quod est absurdum: si autem hoc illi conueniat ex coniunctione, quā habet cum ratione: contrā, quia si talis sensus ex se non habet vim ad illos actus, neque illam habere poterit ex coniunctione ad rationem, quia per hoc, neque mutatur eius entitas, neque aliquid intrinsecum illi supperadditur. Tum præcipue, quia nulla potentia potest eleuari vltra suum obiectum adæquatum, sicut visus non potest eleuari ad percipiendum aliquid, quod non sit coloratum, vel ergo obiectum, quod respicit iudicium, & discursum, continetur intra limites obiecti adæquati sensus interni, & sic absque coniunctione ad rationem, poterit elicere illos actus, quia tendunt ad obiectum contentum sub obiecto suo adæquato, proportionato, & ita in brutis poterit reperiri discursus. Si autem non continetur intra limites obiecti adæquati sensus, nec poterit eleuari ex coniunctione cum ratione ad actus circa talia obiecta, vt ostensum est: ergo nullo modo sensus inter-

internus est capax iudicij, & discursus.

Respondent quidam, iudicium, & discursum non conuenire sensui interno præcisè ex cōiunctione ad rationem, sed ex sua differentia specifica; dicunt tamen, inde non colligi, quod in brutis possint reperiri huiusmodi actus: existimant enim sensum internum hominis specie differre à sensu interno bruti, & ita ex differentia specifica aliquid conuenit uni, quod nō alteri: verum tamen, ut quæstione præcedenti dicebam, reuerà non satis probatur distinctio specifica inter huiusmodi potentias, & hoc admissò, adhuc videtur falsa solutio, nam si præcisè ex potentia sensitua conuenit homini posse discurrere, non repugnaret per diuinam potentiam dari aliquod brutum in sua specie maxime perfectum, cui hæc potentia sensitua conueniret. Vnde iam brutum esset rationale. Tum etiā quia ex hac solutione sequitur, hominē esse rationalem præcisè secundum gradum sensituum, non considerando ultimam eius differentiam: quæ omnia videntur rationi nimis dissimilanea. Denique ratio à priori huius conciliationis est, quia ad iudicium requiritur cognitio formalis connexionis prædicati cum subiecto, & ad discursum cognitio illationis cōnexionis consequentis cū antecedenti, quod reuerà excedit vires sensitivas.

Et si dicas hæc omnia non co-

gnosci à rusticis hominibus, cum tamen in illis verè reperiantur iudicium, & discursus. Respondetur, quod licet rustici non cognoscant, quæ sit ratio formalis consequentiæ, an scilicet sit relatio, & quæ sit eius natura, tamen satis percipiunt hoc inferri ex illo, esseque connexionem inter extrema, quorum vnum de alio enuntiatur, quod satis est ad verum iudicium, & discursum.

Ad fundamentum autem contrariæ sententiæ respondetur, & in primis credendum est, Sanctum Thomā loco citato, non loqui ita apertè de verò iudicio, & discursu, sed nomine iudicij intelligit actum, quo extremum aliquod cognoscitur, ut diuersum ab alio, siue hoc fiat per simplicem apprehensionem, siue per iudicium verum, & actum complexum componentem, & diuidentem: & per discursum intelligit successiōnem plurium actuum, absque cognitione tamen connexionis, & illationis vnius ex alio: quæ actuum successio reperiri potest in sensu interno, ut de reminiscētia dicebam. Quod autem Sanctus Thomas non loquatur de verò iudicio, & discursu, ex eo videtur suaderi, quia etiā apellat iudicium actum illum, quo animal discernit colorem album à nigro, qui actus sensui externo conuenit, scilicet visui, cum tamen sine dubio S. Thomas non ponat in sensu externo verum iudicium, & in brutis loquitur.

quitur ergo de iudicio, & discursu
improprio.

Ex dictis respondetur ad funda-
mentum contrariæ sententiæ, nam
quamuis necessarium sit operante
intellectu, etiam imaginatione ope-
rari, ita ut apprehendat successio-
ne quadam obiecta illa, circa quæ
intellectus discurret, non tamē per
verum discursum cognoscentem
copnexionem consequentis cum
antecedenti, sicut quando intelle-
ctus discurret circa vniuersalia, non
est opus in opinione omnium sen-
sum externū percipere talia obie-
cta vniuersalia, sed sufficit percipe-
re obiecta singularia, sensibilia sub
illis contenta.

*Quæst. V. Vtrum somnia pertineant
ad sensum internum, & quomo-
do fiant.*

Item rem hanc nullus, quæ ego
viderim, hoc loco disputet, quia
tamen, ut ex dicendis constabit, ad
presentem pertinent disputatio-
nem, est quæ res Philosophica scire
digna, de illa aliqua dicam.

In primis supponendū est, som-
num duobus modis accipi. Primò
pro statu illo, in quo anima cessat
ab omni sensatione externa, non ta-
mē ex infirmitate aliqua, aut mor-
bo aliquo: si tamē talis cessatio pro-
ueniat ex infirmitate aliqua cor-
p-
sum grauius offendente, talis cessatio
non cessatur somnus, sed infirmi-
tas. Secundò tamen, & frequēti vsu
sumitur sonus pro inordinata ima-

ginatione, quam dormientes inter-
ius habere solent, dum ab opera-
tionibus externis cessant, quæ actio-
nem Philosophi in somniū appel-
lant, ut videre est apud Arist. li. de
in somnis, de qua procedit præfens
quæstio.

Secundò aduertendū est, causam
quare somniantes cessent à sensatio-
nibus externis: duplicē esse, alteram
finalē, alterā verò quasi effectiuam:
causa quidē finalis est, ne sensus ex-
terioris, & eorū organa, tā cōtinua
operatione defatigentur, sed à suo
munere quiescāt: vnde somnus me-
ritò quies appellari solet. Causa ve-
rò quasi effectiua huius cessationis
ea est, quia ut organa sensuū actus
suos exercere possint, indigens spi-
ritibus animalibus à cerebro ad to-
tum corpus descendētibus, quibus
quasi foueantur, ac recreentur, & ita
experimur laborantes apoplexia ni-
hil prorsus sentire, eò quod præ hu-
moris multitudine, viæ ac meatus,
per quos huiusmodi spiritus à cere-
bro per totum corpus diffundun-
tur, ita occluduntur, ut nullatenus
tales spiritus descendere possint, &
ita cessarēt operationes sensitivæ,
quia ergo in somnis propter nimiam
multitudinem vaporum ab stoma-
cho ad cerebrum ascendentium ta-
les viæ etiam occluduntur, sequi-
tur cessatio ab omni externa sensa-
tione, imò hic etiam ascensus vapo-
rū est causa efficiens somni, prout
significat deprauatam, atque inor-
dinatam imaginationem interius
habitam.

Ratio

Ratio est, quia quemadmodum in aqua commota obiecta apparēt fracta, & longē aliter quā sint; sic etiam propter magnā copiam vaporum ad cerebrum ascendē- tium ita perturbantur, & commo- uētur spiritus animales ibi existētes in quibus resident species impres- sæ sensus interni, ut obiecta appa- reant inordinata satis, fiantque dis- paratæ imaginationes. Vnde ex cō- muni Philosophorū sententia eua- poratio ab stomacho ascendens est causa efficiens somni, & hac de cau- sa pueri nimis sūt apti ad dormien- dum, ex eo quod cū magna humi- ditate polleant, magnā vaporum copiam ad cerebrum mittunt, & ita facile sunt ad somnum apti: & pro- pter eandem euaporationem docet Aristot. lib. de somno, & vigi- lia, capit. 3. esse ad somnos maximē aptos laborantes febre, aut lethar- go. Hinc etiam docet vinum pue- ris nocivum esse; imō & nutrici- bus, eō quod utrobique causet ma- gnā euaporationem: sunt etiam somnulosi qui venas strictas, & quasi occlusas habent; sic enim fa- cile occluduntur vaporibus, & ita ex impedimento spiritu ūscen- dentium contingit somnus.

Melācolici non sunt adeo prō- prii ad somnum, quia ex humore sunt frigidi, & sicci, vnde non ha- bent tamē tantam vaporum as- fluentiam, & hinc Medici saluam merito à cerebro descendere doc- cent, quemadmodum enim actio- ne solis vapor in sublimē fertur,

ibi que prae rigore loci refrigeratus consistit, ac denuō in aquā conuer- sus in terram defluit, ita excremen- tia euaporatio ad cerebrum ela- ta propter cerebri frigiditatem, in- pituitam, & saniem concrevit: vn- de causatur salua, imō & fluxio- nes ex capite oriri videmus.

Tertiō supponendum est, quod quamuis euaporatio sit causa som- ni, oportet tamen non sit maxima: hac enim ratione experimur post nimiam repletionem factam non statim cōtingere insōnia: eō quod propter magnā vaporum ascen- dentium copiam, species in cere- bro existentes adeo perturbantur, ut nihil omnino per illas cognosci possit, sicut experimur in aqua ni- xis commota nihil prorsus appa- rere, donec quietem habere incē- piat; melius ergo contingunt insō- nia aliquali euaporatione ascende- te: imō quantō minūs species per- turbantur, somnia magis ordinata fiunt, adeo ut sæpe in somnijs op- timi discursus fiant.

Quartō supponendum est, nul- lum esse animal, quod aut semper vigilet, aut semper dormiat: Ratio in primis est causa finalis somni su- perius tracta, oportet enim sensus ex- ternos, & eorum organa in operā- do, quasi defatigata quiescere, ut cū alias potentia sensitivæ, quibus omnia animalia gaudent: non sint frustra illis a natura indita, oportet animalia aliquando cū- gilare, ut suis actionibus fungi possint, vnde natura provida

neg.

nec perpetuum somnum, nec perpetuam vigiliam animalibus concessit.

Quinto supponendum est, ad diuersitatem somniorum non parum interire, talem, vel talem corporis affectionem: nam pituitosi somniat flumina, natationes, & similia; in quibus verò sanguis abundat, plura rubra apparèt: vide somniat se domuum combustiones videre, melancolici verò tristites. Cuius rei aliqualis ratio à simili de speciebus sensuum externorum desumi potest: nam sicut species sensuum externorum taliter modificantur ex medio, in quo percipiuntur, ut recepta in vitro viridi, omnia viridia appareant, ita vapores pituitosi ad cerebrum ascendentes, utpote qui frigidi sunt, & nimis humidi ad res huiusmodi percipiendas quasi modificant species, & ita in somnijs flumina, pluuia, & alia similia apparent, vapores verò sanguinis ad res rubras, qualis est sanguis, & domuum combustiones, inclinat denique quæuis alia corporis effectio, siue molesta, siue occidua, multum confert ad somniorum diuersitatem, hac enim actione prospera valetudine gaudentes læta somniat, infirmi verò tristitia. Vnde Galen. lib. de prælagijs, quæ dicuntur ex somnijs, narrat quemdam somniasse alterum crus factum esse sibi lapideum, & statim crepisse illum in ea parte fieri paralyticum. Plinius etiam libro septimo, cap. 50. narrat Publium Cornelium Rufi-

num dormientem amisisse visum, idque, cum illi accideret, etiam ipsum somniasse.

Multum etiam confert ad somniorum diuersitatem vehemens animi affectus qualis est amor, odiū, ut metus, hac enim ratione, qui ardenter amant, frequenter amores suos somniant: qui timent, terribilibus in somno visis. turbatur hæc etiam spectat vetus consuetudo, & vita, quam agimus, exercitatio: hac enim ratione Aristot. 3. Ethic. docet, hominis virtuosi somnia meliora esse, utpote qui in vigilia melioribus rebus intentus est, & solliciti homines, qui cura aliqua vehementer præmuntur, circarem illam somnare solent: vnde Ecclesi. cap. 5. dicitur: *Multas curas sequuntur somnia*, quorum omnium ratio est; nam anima vehementi illo affectu, aut consuetudine in vigilia affecta, hoc ipso, nescio quam suscipit inclinationem, ut ad similia in somnijs feratur, & ita animus quietus, & pacificus, læta ac iocunda somnia exolet: & hac ratione fertur Pythagoram, ut his frueretur somnijs cum iret cubitum, cantu, & sonolyra somnos captare solitū fuisse, & ob eam causam discipulis eum fabarum interdixisse, eo quod cibum iste inflammationē magnam causet tranquillitati mentis contrariam.

Loquor autem in his omnibus de causa naturali diuersitatis somniorum. Alia esse somnia supernaturaliter à Deo immissa, aut etiā demonis astutia, ut homines somnijs fide

adhi-

adhibentes decipiat, tenet communis Theologorum consensus: & inter alios docuit eleganter D. Gregor. lib. 4. Dialogorum capit. 48. & lib. 8. Moralium cap. 13. & quidem de somnijs illusione dæmonis causatis fit mentio in sacra Scriptura Ecclesiast. 34. *Nisi à Domino fuerit facta visitatio, ne des cor tuum in somnijs*: & Iob capit. 33. dicitur. *Quando homines dormiunt in lecto, tunc aperit aures virorum & erudiens eos instruit disciplina*: & Numerorum, cap. 12. ait Dominus: *Si quis fuerit inter vos Propheta Domini, apparebo illi in visione, aut per sonnium: loquar ad illum*. Quæ somnia tam diuina, quàm dæmoniaca, non consurgunt ex mera causa naturali: sed ex peculiari modo, quo Deus, aut diabolus mouet, & disponit species sensus interni, vt talia, vel talia somnia insurgant. Quemadmodum Typographi tali ordine, & serie characteres disponunt, vt quod ipsis placet significet: ita Deus, vel etiam diabolus taliter species internas commouere, & disponere potest, vt prout ipsis placuerit, somnia contingant: somniorum autem naturalium causa est cōmotio, & perturbatio earumdem specierum ex naturali euaporatione procedens.

His ergo suppositis, communi Philosophorum sententia receptū est, insomniā ad sensum internum pertinere, ita quod sint inordinati actus: imaginationis. Sic enim expresse docet Aristot. lib. de somno, & vigiliā cap. 1. vbi dicit, ad eādem

animi partem, id est, potentiam pertinere somnum, & vigiliā; constat autem vigiliā esse statum, in quo sensus ad suas actiones attendunt, & ad finem capitis ex eo docet in plantis nō appareri somnum, & vigiliā, quia vtrumq; hoc versatur circa sensum: & lib. de insomnijs capite primo, & deinceps sæpè id docet. Ratio autem ex dictis colligi potest, quia hoc loco nomine somnij, non tam intelligimus solam priuationem vigiliæ, quàm actus illos inordinatos imaginationis, qui in somnijs contingunt. Vnde necesse est somnium ad sensum internum pertinere. Verum est inde in hominibus insurgere deprauatas intellectiones: nam cū intellectus pro hoc statu operetur dependenter à sensibus, & cum conuersione ad phantasmata ad deprauatos actus imaginationis, quid simile sequitur in intellectu, vt etiam in furiosis, & ebrijs experiri licet.

Secundò, quia somnium pertinet sine dubio ad animam sensitivam, cū constet plantis non conuenire, debet ergo somnium pertinere ad aliquam potentiam, animam enim operatur medijs suis potentijs: sed non pertinet ad sensus externos: ergo ad internum. Probat minor, quia in somno potius deficiunt operationes sensuum externorum, vt patet: tum etiam, quia sæpè somniamus res, quæ non cadunt sub obiecto sensus externi, vt inimicitias, motem aureum, &c. Tandē id experientia conuincitur,

Q quia

quia sepe expertum est canem dormientem latrare, ad modum, quo etiam homines dormientes, & somniantes, aliquid externa voce proferre solent: signum ergo est, canes illos in somnijs per sensum internum apprehendere rem sibi disconuenientem, & ita latrare conantur: ergo somnia ad sensum internum pertinent: contra quam sententiam nihil video, nec probabile, quod difficultatem aliquam ingerat.

Possit hoc loco dubitari, an in somnijs sit perfectus usus rationis: & respondetur facile, in somnijs non esse libertatem, & perinde, nec rationis usum sufficientem, ut quis liberè operari dicatur, quamuis enim in somnijs reperiantur iudicia, & discursus, non tamen satis ordinati ob deprauatam imaginationem tantæ vaporum multitudine ascendente.

Plura etiam de vanitate somniorum, & de fide illis ut in plurimum deneganda, contra Stoicos hoc loco dici poterant, quæ ad Theologum potius, quam ad Philosophum spectant, ne tamen (ut somniantibus contingit) res valde inter se diuersas, & disparatas commiscere videar, hæc de somnijs, prout præsens patitur disputatio, dixisse sufficiat.

Quæstio VI. Quod sit organum sensus interni.

Autores illi, qui tres sensus realiter diuersos assignant, eo potissimum nituntur fundamento, quod in cerebro sint tres cellulae, ut ex anathome patet, quas esse organa sensuum internorum existimant: hanc tamen rationem non esse satis firmam S. Thom. assignas, quatuor sensus internos fateri tencur. Similiter qui duos tantum ponunt, quos supra citavi. Vnde illam trium cellularum diuisionem non fuisse ad hunc finem factam docuit Galen. 8. de usu partium, & fortasse ea fuit causa, ne illa cerebri substantia (quam Hispanicè, *seses* appellamus) cum aliquantulum sit fluida, & paruam habeat consistentiam, facile commoueretur: vnde oportuit in tribus illis cellulis diuisam collocari.

Nobis ergo dicendum est, numerum sensuum internorum ex cellularum numero nequaquam esse pensandum: vnde hac in re certum debet esse, organum sensus interni esse in cerebro: experimur enim ex vehementi, & diuturna imaginatione causari dolorem in capite. Id etiam satis indicat sacra Scriptura Danielis secundo capite illis verbis: *Somnium tuum, & visionem capitis tui.* Addo tamen non posse satis coniectari in qua determinata parte cerebri sit huiusmodi organum sensus interni.

Vltimò in hac disputatione quæ-

ri solet, ubi nam resideat radix virtutis sensitivæ, idest, quæ sit radix nervorum, per quos communicantur spiritus sensitivi requisiti ad omnem sensationem. In quare Aristot. deceptus est, existimavit enim hanc nervorum radicem, & originem esse in corde. Sic docuit lib. 3. de partibus animalium capit. 4. unde melius Galen. lib. 8. de vīsupartium huiusmodi radicem in cerebro ponit, quem iam omnes sequuntur: suntque manifestæ experientia id probantes: nam in primis, ut ex anathome constat, nervi, per quos spiritus sensitivi descendunt versus cerebrum, latiores, ac fortiores sunt, non secus quam rami versus radicem, à qua originem trahunt, latiores sunt.

Secundò, ex vehementi percussione facta in capite longè magis impeditur sentatio, quam si fiat in alijs partibus, ibi ergo residet radix virtutis sensitivæ. Tertiò, expertum est, quòd si pars aliqua ligetur, pars illa, quæ est versus cerebrum, sentit, alia verò, quæ incipit à parte ligata, usque ad inferiores partes nequaquam: ergo virtus sensitiva à cerebro deriuatur, de quare, quæ magis medica, quam philosophica est, legatur Valles. lib. 2. controu. Medic. capit. 13. & Tolet. hic quæst. 9. qui de hac re latè differunt.

Caput III. De intellectu possibili.

Postquam Aristot. egit de potentia animæ sensitivæ, incipit iam

disputare de potentia animæ rationalis: quamvis enim verum sit animam sensitivam præter potentiam sensitivam iam connumeratam, habere alias potentias, quales sunt appetitus sensitivus, & potentia loco motiva, de quibus infra, istæ tamen non sunt cognoscitivæ, ut suo loco dicam: unde ut disputationem de potentia cognoscitiva animæ absolutam relinqueret, post disputationem de sensibus tam internis, quam externis, merito de potentia intellectiva disputare aggreditur: præsens autem caput duas continet partes, in quarum priori agit Aristot. de natura intellectus possibilis: in posteriori verò de eius obiecto. Proponit ergo Aristot. initio capitis suam intentionem, quæ est, inquit, agere de ea parte animæ, idest, potentia, quæ intelligit, & sapit, hoc enim intelligit nomine partis ex sententia Themistij, Simplicij, & Sancti Thomæ hoc loco. Si autem, inquit, intelligere erit quoddam pati, quod an intelligendum sit formaliter, vel causaliter, vidimus supra lib. 2. explicantes litteram capitis 5. unde dicit, quòd sicut sensus est potentia passiva, ita & intellectus, & sicut sensus ex se non habet formas sensibiles, idest, species sensibiles, ita intellectus ex se non habet species intelligibiles actu: sed est tamquam tabula rasa, in qua nihil est depictum, est tamen in potentia omnia, quia omnium rerum potest recipere species, & ita est in pura

Quia poten-

potest et in genere intelligibilem. Quare, inquit, cum intellectus omnia intelligat, oportet incorporeū esse & immixtum aliis, inquit, intus existens prohiberet extraneum. Tum etiam, quia si corporeus esset, etiam esset calidus, vel frigidus, & alicui organo affixus, quod tamen organum non habet. Ac tandem tertio, quia si esset corporeus laderetur ab excellenti intelligibili, sicut sensus, qui corporeus est, laeditur ab excellenti sensibili, cum tamen potius perficiatur ab excellenti intelligibili: unde, inquit, intellectum fieri omnia, quando rerum omnium recipit species.

In posteriori parte capitis agit Arist. de obiecto intellectus, & dicit, quod aliud est res, aliud verò quidditas, qualiter, inquit, aliud est caro, aliud carnis esse: quæ verba varijs modis exponi solent. Quidam enim asserunt, his verbis tantum intendere rationem specificam esse diversam, saltē formaliter à ratione individuali, & ita, inquit, aliud est caro, id est, individuum carnis, aliud verò carnis esse, id est, essentia specifica carnis. Quæ interpretatio mihi non probatur, quia Aristoteles falsam addit hoc in quibusdam non ita contingere: constat autem in omnibus necessariò distinguere rationem specificam ab individuali, saltē ratione, adhuc in Angelis, ut dixi disputans de principio individuationis substantiarum spiritualium contra Thomistas: nam cum ratio specifica sit universalis, unò & numero

multiplicabilis, iuxta probabiliorē Theologorum sententiā: principium verò numericum sit prorsus individuum, & singulare, idè necessarium est semper distinguere principium specificum ab individuali.

Quare mihi videtur Aristotelem per carnem intelligere suppositum carnis, hoc enim est quod absolutè denominatur caro: per esse verò carnis intelligere formam, per quam constituitur esse, quasi dicat, aliud esse suppositum, aliud verò formam talis suppositi, qualiter, inquit, aliud est aqua, aliud esse aqua, id est forma; & quia in Angelis, & alijs substantijs spiritualibus, non reperitur compositio materiæ & formæ, addit non sic contingere in quibusdam alijs: unde dicit intellectum aliter se habere, quando cognoscit essentiam uniuersalem, ac quando intelligit singulare, non secus quam linea recta diuersimodè se habet, ac linea reflexa, quorum verborum rectam intelligentiam explicuimus 1. lib. Physic. quæst. de primo cognito, & infra repetam.

Dubitatur deinde, an intellectus sit intelligibilis, & respondetur quod est intelligibilis sicut alia cuncta. Addit tamen, quod in his, quæ carent materia, idem potest esse intelligens, & quod intelligitur, qualiter intellectus potest se ipsum intelligere, sensus autem, qui materialis est, non potest

seipsum sentire.

DISPUTATIO III.

De intellectu possibili.

IN hac disputatione, ut morem Aristotelis geram, non solum de potentia ipsa intellectiva, verum etiam de eius obiecto erit disputatio. Suppono autem, intellectum possibilem reuera esse potentiam animæ rationalis, nam sicut actus sentiendi postulat potentiam quædam sensitivam, à qua proxime eliciatur, eò quod anima, cum sit substantialia, non est principium immediatum operandi illam actionem: ergo similiter ad actum intelligendi, qui longè perfectior est, debet dari in anima rationali potentia intellectiva, quæ appellatur intellectus possibilis, neque opus est multiplicare potentias intellectivas, sicut multiplicantur potentie sensitivæ, nam intellectus ex sua perfectione extendit se ad omnia intelligibilia quovis modo intelligenda.

Quæst. I. Verum intellectus sit spiritualis potentia?

Fuit de hac re opinio Anaxagoræ, & aliorum antiquorum asserentium intellectum esse potentiam corpoream, imò mixtam omni corpore sensibili, ut omnia corpora sensibilia percipere possit. Quorum fundamentum erat, quia omnis potentia cognoscitiva patitur à suo obiecto aliquid ab illo recipiendo, ut autem vnum ab alio

patitur, debet communicare in materia cum illo: cum ergo intellectus omnia corporea intelligat, necesse est omni corpore esse mixtum, in qua ratione non considerant antiqui intellectum nostrum: non pati immediate ab obiectis, quæ intelligit, recipit enim speciem intelligibilem ab intellectu agentis medio phantasmatæ, ut instrumento, ut dicam infra: nullum autem est inconueniens, spirituale pati à corporeo ut ab instrumento, vnde non opus est communicet in materia cum illo.

Quare communis est iam, & recepta Philosophorum sententia, intellectum esse potentiam spirituales, ac proinde immediate subiectatam in anima rationali, & nulli corporeo organo affixam. Quæ conclusio primò ex eo efficaciter probatur, quia anima rationalis habet operationem sibi propriam, spirituales scilicet intellectiõnes: ergo opus est operationem illam fieri à potentia spirituali, quam nos vocamus intellectum possibilem. Consequentia est nota ex dictis, nã si operationes corporeæ sunt ab anima medijs potentijs sensitivis, operationes spirituales, quæ longè perfectiores sunt, debent sanè fieri ab anima media potentia spirituali. Quod verò intellectio, quæ est operatio animæ rationalis, sit spiritualis, probatur, quia intellectio non solum attingit res corporeas tamquam obiectum, verum etiam spirituales: cognoscimus enim Deum, & Angelos, quatenus per modum

rei materialis, illosque enim materia expertes esse attingimus: impossibile autem est, cognitionem corpoream attingere rem spiritualement, corporea enim cognitio solum se extendit ad res sensibiles, ut patet de operationibus sensuum, non autem ad spirituales propter magnam disproportionem, quam cum illis habent.

Secundò, eadem veritas conuincitur ex modo operandi intellectus, nam intellectus noster discurret, in quo actu attingit formarum connectionem consequentis cum antecedenti. Præterea intellectus etiam cognoscit prædicata: vniuersalia abstrahendo illa à circumstantiis loci, & temporis, quas eorum singularia à parte rei habent, ac tandem supra se ipsam reflectitur prædicata lux essentiae penetrando, quæ omnino sine dubio excedant vires potentiae corporeae: ergo est potentia spiritualis. Quæ res amplius confirmabitur infra, dum ostendemus, animam rationalem esse formam quãdam spiritualement à materia independentem. Ex hoc enim planè sequitur debere habere potentiam sibi propriam spiritualement, qualis est intellectus possibilis. Eandem eandem sententiam probat in hoc capite Aristot. duplici ratione.

Prima est, quia si intellectus esset potentia corporea, esset calidus, aut frigidus, & alicui determinato organo affixus; nullum autem est tale organum, cui sit affixus in-

tellectus: ergo non est potentia corporea.

Secunda ratio vrgentior est, nam si intellectus esset potentia corporea, deberet lædi ab excellenti intelligibili, sicut experimur sensum, qui potentia materialis est, lædi ab excellenti sensibili; consequens autem est contra experientiam, quia potius intellectus perfectitur in cognitione rerum altissimarum, & cuiuscumque alterius obiecti: ergo est potentia spiritualis.

Tertia tandem ratio, quam adducit Card. Tolet. his est difficultatibus implicata, ut Philosophis omnibus vehementer negotiū faccesserit; sic enim arguit: Intellectus intelligit omnia: ergo debet carere omni corpore, quia: alias intus existens prohiberet extraneum.

Contra quam rationem plura, & difficultia obijci solent. Primò, nam quamuis intellectus realiter sit intellectus, cum hoc tamen potest percipere alium intellectum sibi similem, absque eo quod intus existens prohibeat extraneum: ergo similiter quamuis intellectus esset corporeus, posset alia corpora percipere, absque eo quod intus existens prohibeat extraneum.

Secundò, quia imaginatio percipit quodcumque corpus, extendit enim se ad omnia corpora, cum sensibilia sunt, & cum hoc imago non est corporea: ergo ex hoc quod intellectus percipiat omnia corpora,

corpora, non rectè colligitur debere esse deputatum omni ratione corporis.

Tertio, ratio à priori huius esse videtur, quia potentia cognoscitiva, ut cognoscat obiectum aliquod non debet illud recipere secundum esse reale, sed secundum esse intentionale; satis enim est recipiat speciem intentionalem illius: sed esse intentionale, & esse reale, sunt inter se diversæ rationis: ergo quantumvis intellectus esset corporeus secundum esse reale, adhuc esset in potentia ad recipiendum alia corpora secundum esse intentionale, & ita intus existens non prohiberet extraneum hoc modo sufficienti ad cognitionem.

In hac re explicanda duo videntur, alterum est, quæ sit vis rationis Aristot. & qualiter sit intelligenda: alterum verò quid sit de veritate ipsius propositionis: *Intus existens prohibet extraneum.*

Circa primum sunt qui forment rationem Aristot. hoc modo: Intellectus percipit omnia corpora: ergo debet carere omni corpore, quia intus existens prohibet extraneum: cuius consequentis vim in eo dicunt consistere, quia quantumvis esse corporeum non impedit recipere speciem intentionalem aliorum corporum, de quo statim dicam; saltem tamè impedit, ne possit supra se reflecti. Dicunt enim nullam potentiam corpoream posse supra se reflecti, unde bene sequitur, quod

non intelligeret omnia corpora si corporeus esset, quia saltem non posset se ipsum intelligere, quidquid sit de alijs corporibus: neque est in probabili modus dicendi. Mihi tamen absolute loquendo aliquantulum displicet. Primo, quia, ut vidimus, non satis constat potentiam materialem non posse supra se reflecti, modo supra explicato. Tum præcipue, quia Aristotel. ut legenti patebit, non colligit intellectum debere esse incorporeum, ex eo quod percipit: omnia corpora, sed ex eo quod percipiat omnia, id est, tam res corporeas, quam spirituales: sic enim ait: *Quare necesse est ipsum, cum universa intelligat, non mixtum esse, sicut Anaxagoras dixit.* Quare dicendum est, vim rationis Aristotel. in eo consistere, quod cum intellectus intelligat omnia, tam percipere res spirituales, quam corporeas; cum autem res spirituales non possint percipi per speciem corpoream, sed per spirituales, necessarium est potentiam, quæ omnia cognoscit, spirituales esse, ut percipiat species spirituales rerum, quia in subiecto corporeo non potest recipi aliquod spirituale: ergo in hoc sensu verissimum est, illud principium, scilicet, quod intus existens prohibet extraneum, id est, ratio corporis, quam Anaxagorus posuit in intellectu possibili, impediatur extraneum, id est, cognitionem omnium aliarum rerum.

rum adhuc per species intentionales: unde quidquid sit de alijs corporibus, optimè saltem conuincitur, quòd intellectus nō posset percipere omnia, & iuxta prædictam expositionem cessant rationes in contrarium adductæ.

Ad primam rationem Aristot. respondetur, sua ratione non interdere, quòd si intellectus esset corporeus, non posset, percipere alia corpora, sed quòd non posset percipere omnia entia, unde vnus intellectus non posset percipere aliū intellectum, quia cum spiritualis sit, est capax ad speciem intelligibilem alterius recipiendam, imò omnia intelligere potest, quia omnia intelligit per species intelligibiles, quarum capax est, illarum tamen esset incapax, si esset corporeus.

Ad secundam, imaginationem saltem non percipere omnia entia, & ita idem sequitur de intellectu, si esset corporeus.

Ad tertiam, quòd scilicet esse reale absolutè loquendo non prohibeat receptionem alterius secundum esse intentionale, de quo statim dicam, tamen esse reale corporis impedit receptionem rerum spiritualium adhuc secundum esse intentionale, quia species illarum necessariò debent esse spirituales, & ita non possunt recipi in potentia corporea. Patet ergo ex dictis principium illud Aristot. intus existens prohibet extraneum, prout ab illo intelligitur, omni carere dif-

ficultate, si eius ratio rectè exponatur.

Quare maiorem habet difficultatem, an principium illud intus existens prohibet extraneum, semper sit verum in sensibus, in qua referè omnis sententia asserit, solum visum posse percipere excellentes qualitates, ita quòd pupilla, vel nullum habeat colorem, vel si alium quem habet, adeò sit exiguus, vt aliorum colorum visionem non impediatur: & quid simile asserunt de quouis alio sensu: tenet. Valle. lib. 2. controuers. Medic. cap. 31. Cardin. Tolet. & plures alij hoc loco, estque sententia satis in scholis nostris recepta, cui non parum fauet Aristot. vt statim dicam. Fundamentum autem huius sententiæ est, nā color existens in vitro viridi impedit perfectam visionem, omnia enim apparent viridia: ergo similiter si pupilla haberet colorem, multò melius impediretur visio perfecta coloris, quia impedimentum est magis coniunctum potentia, atque adeò dicendum est, pupillam nullum habere colorem, vel certe adeò remissum, vt aliorum colorum visionem non impediatur.

Secundò, potest adduci exemplum de auditu: nam si interius ex commotione aeris, aut alterius subtilis humoris habeat intra se sonum, & tinnitum aliquem, vt contingit in pluribus infirmis, non auditur sonus externus, nisi sit vehemens. Et si lingua sit aliquo amaro humore affecta, omnia iudicat esse amara.

ergo

ergo oportet semper organū sensus esse denudatū qualitātibus sensibilibus, vt illas percipere possit, aut saltem solum percipiet illas in gradu excellētis, ita vt ita intus existens prohibeat extraneū. Quibus tandem accedit auctoritas Aristoteli qui reuera principium illud semper tamquam verum admittit, nam quamuis verba in hoc capite adducta possint in bonum sensum adduci, iuxta prædictam expositionē; alia tamen sunt loca, quæ nullā pati possunt interpretationem: nam 2. de Anima, c. 1. aperte docet organum, tactus non percipere similes qualitates, sed excellentes duntaxat, vbi, vt dicto capite vidimus, non tantum loquitur de qualitātibus primis, quarum perceptionem debet præcedere realis, & physica alteratio: sed etiam de qualitātibus secundis, in quibus nulla talis alteratio præuia requiritur, vt de mollicie, & duricie, sic enim ait: *Atque id, quod albu nigrū, nigrumque albu perceptum est sensu, neutrum ipsorum actu, sed potentia sit utrumque oportet, & in catopis eodem modo.* Et capit. 2. de sensu, & sensibili docet organum olfactus debere esse denudatū calore, vt percipiat odorem, qui ex calore oritur.

His omnibus ego sanè libenter succumbere, ac prædictæ sententiæ firmiter adhererem, nisi in contrarium tot actā efficaces extarent rationes, quæ intellectum veritatis cupidum planè cōvincūt. Quare dicendum existimo, intus

existens secundum esse reale non prohibere extraneum secundum esse intentionale in sensibus, ita vt organum affectum qualitate aliqua posset similem qualitatem per speciem intentionalem percipere. Quod pluribus rationibus efficaciter meo iudicio ostenditur, & vt primam conficiam.

Suppono, falsum esse, id quod quidam ex Auctoribus contrariæ sententiæ affirmant, scilicet pupillam, quæ est organum potētiæ visivæ, nullo prorsus colore esse affectam, vt colores omnes percipere possit: quod in primis test cōtra manifestam experientiam, nam si oculum diuidas quousque ad humorem crystallinum descendas, talis humor planè videtur, imò sine tali diuisione propriam pupillam quis intuetur in speculo, quod euidentius indicium est, illam habere colorem aliquem, nihil enim nisi colorem videre potest.

Et ratio à priori est, quia cū color sit qualitas secunda, oritur ex permixtione primarum qualitātum: sed pupilla cū sit corpus mixtum habet permixtionem primarū qualitatum: ergo sine dubio habet colorem aliquem, licet exiguum, cū in illa adsit sufficiens causa coloris.

Quo supposito, argumentor sic: quia cū quis proprium oculum in speculo intuetur, videt pupillam in qua residet potentia visiva: ergo color realis in illa existens non impedit receptionem speciei intentionalis

Qy tionalis

tionalis sui ipsius ergo neque impediet receptionem speciei alterius coloris, similis etiam in gradu, cum uterque color sit similis in specie, & gradu, ut suppono: ergo intus existens secundum esse reale non impedit extraneum secundum esse intentionale.

Quod si quis sine fundamento, & contra quotidianam experientiam audeat negare aliquem propriam pupillam in speculo intueri contra est, quia saltem non audebit negare videri tunicas superiores: iam ergo in illis recipitur species earundem, aliis talis species non posset ad internam pupillam pervenire: ergo intus existens secundum esse reale non prohibet extraneum secundum esse intentionale.

Secundo potest sumi argumentum a sensibilibus communibus, nam quam tumuis organum potentie visus habeat tantam quantitatem, & talem figuram, cum hoc potest percipere per speciem intentionalem similem quantitatem & similem figuram in alio corpore existente: ergo similiter potest recipere speciem similis sensibilis proprii, ac in se habet.

Dicetur fortasse esse diversam rationem, quia sensibile commune percipitur per eandem speciem, quia percipitur sensibile proprium, unde quia potest organum visus recipere speciem alterius coloris diversae speciei, ac in se habet, etiam potest percipere sensibilia commu-

nia tali colore adiuncta, quantumvis sint similia istis, quae in tali organo existunt: hoc tamen non satisfacit, quia, ut suo loco ostendimus, saltem corresponderet sensibili communi propria species modalis distincta ab specie reali sensibilis proprii, neque enim potest utrumque hoc obiectum percipi per eandem indivisibilem entitatem: ergo sicut sensibile commune existens in organo potentie secundum esse reale non impedit receptionem speciei modalis similis obiecti, ita erit de sensibili proprio.

Tertio ad hoc propositum efficax est argumentum superius adductum, nam quamvis intellectus sit secundum esse reale intellectus rei materialis, tamen si esset causa productiva speciei propriae alterius intellectus, nequaquam repugnaret ex parte intellectus illi recipere: ergo intus existens non impedit extraneum secundum esse intentionale.

Cum argumento respondetur solum esse diversam rationem, nam spiritualia propter suam perfectionem possunt modificari per se esse alterius similis, sed et tamen corporea: Est tamen satis frivola solutio, nam ex eo quod spiritualia sunt perfectiora corporeis, solum probatur esse modificabilia per receptionem specierum spiritualium: ergo simili modo corporea erunt modificabilia per speciem minus perfectam, scilicet corpoream.

Quarto, idem etiam probat experientia

perientia supra adducta capite de tactu; nam si quis habens manum satis mollem alterius manum minus mollem apprehendat, tactu percipit aliqualem illius molliorem, ergo non solum æquale, sed minus potest percipere secundum esse intentionale.

Quinto, idem probari potest de gustu; nam si quis alterius linguam manducat, in tali obiecto saporem aliquem inueniet, quisquis ille sit; ergo sapor lingue inhaerens non impedit perceptionem alterius similis.

Certaratio à priori huius est, quia esse reale, & esse intentionale sunt duo, esse maxime diuersæ rationis: ergo quantumuis organum alicuius sensus sit informatum qualitate aliqua secundum esse reale, adhuc est priuatum illa secundum esse intentionale, & ita adhuc habet capacitatem ad recipiendum tale esse intentionale.

Dices, non esse in potentia, ex eo quod cum iam habeat tale qualitatem secundum esse reale, quod longe perfectius est quam esse intentionale, non est cur illam recipiat secundum esse intentionale. Tamen contra est, quod quantumuis esse reale sit perfectius, quam esse intentionale, non tamen habent eundem effectum, nam per esse reale absque esse intentionali non potest fieri cognitio obiecti: ergo quantumuis organum habeat qualitatem aliquam secundum esse

reale, quia tamen illa non potest præstare effectum, quantum præstat esse intentionale, adhuc debet esse in potentia ad esse intentionale, quod est diuersæ rationis ab esse reale. Sicut quantumuis subiectum aliquod sit actum per calorem, quicquid periclitior humiditate, adhuc in potentia ad humiditatem, quia est forma diuersæ rationis à calore, & ad diuersum effectum ordinata.

Ad id tamen in actu, quantum ad qualitates primas, verissimum esse, quod intus existens prohibet extraneum, ita ut tactus solum possit excellentes qualitates percipere. Ratio disparitatis est. ibidem tacta, nam ante immutationem intentionalem harum qualitatum debet precedere immutatio realis, hac autem immutatione nihil potest recipere, id quod actu habet, debet enim esse in potentia: unde tactus solum potest percipere excellentes qualitates primas, in secundis tamen qualitatibus non innotuit, ut loco citato dixi. Fateor sententiam hanc hæcenus explicatam mihi longe esse probabiliorē, tamen etiam fateor loca Aristotelis in contrarium adducta adeo euidenter illi aduersari, ut nullum nisi satis futilem explicationem subire possint, idem unusquisque, quam sibi placuerit eligat opinionem, mihi enim satis est veritatem ostendisse.

Argu-

Argumenta autem in contrariū adducta nihil mouere debent. Ad primum enim responderetur, quod si aliquid probaret, etiam haberet vim contra Auctores oppositæ sententiæ: ipsi enim asserunt intus existens prohibere tantum extraneū simile, non verò dissimile, quia caret illo: unde dicunt, quod quāuis tactus habeat calorem intensum, non ideo fit impotens ad percipiendam frigiditatem, quæ est diuersæ rationis à calore, sed tantum ad percipiendum similem calorem in gradu, ac in se habet, sed color vitri virilis et iam impedit visionem aliorum colorum, qui sunt diuersæ rationis ab illo, nam alij etiam colores apparent virides: ergo si argumentum aliquam haberet vim, etiā probaret contra ipsos intus existēs adhuc prohibere extraneum dissimile, quod ipsi negant.

Responderetur ei go, ideo vitrum viride positum inter potentiam visiuam, & obiectum, impedire perfectam visionem, quia cum obiectum post illud existens, & vitrum ipsum per eandem lineam visualem mittant species ad potentiam visiuam, ex permutatione specierum, obiectum post illud exillens aliter apparet, quàm sit: cuius rei argumentum est, quia si tale obiectum non ponatur post vitrum, sed ad latus illius, non impeditur perfectæ visionis talis obiecti, sed reuera videtur perfectè vt in se est, quia non immutat potentiam per eandem lineam; quia ergo si ille color existeret in-

hæsiue in potentia visiva, non posset in illa producere speciem iuxta dicta in capite de visu; atque adeo nec permisceretur cum specie colorum, qui sunt ad extra, ideo, color inherens organo non impedit visionem; bene tamen color ad extra existēs in vitro viridi. Similis ratio assignari potest, quare in aqua fluente arbores apparent fractæ, nā cum species arboris in aqua recepta inde perueniat vsque ad potentiam visiuam per eandem lineam permixta simul cum specie ipsius aquæ, ideo taliter modificatur, vt arbor appareat fracta, quia localiter per eandem lineam miscetur cū specie representante aquam contractam, & fluentem.

Sed instabis, quia saltem ex hac solutione sequitur colorem existētem in tunicis superioribus oculi impedire perfectam visionem, quia species colorum ad extra existentium recta via transeunt per illas tunicas, sicut per vitrum viride. Responderetur tamen negando consequentiam, quia color illarum tunicarum per eam partem, quæ ex directo correspondet pupillæ, adeo est tenuis, ac remissus, vt nihil impediatur, sicut etiam color vitri adeo remissus esse potest, vt non impediatur visionem colorum, vt patet in anteculis, quos colorem aliquem habere negari non potest, cum habeant permutationem primarum qualitatum, à qua color habet ortum. Verum est aliquando colorem tunicarum esse nimis

cæruleum, aut nimis nigrum, non tamen per paruam illam cavitatem pupillæ correspondentem: nam verius illam natura prouida, fere nullum illis indidit colorem, ne visio aliàs à natura intenta ex illa parte impediretur.

Et si adhuc vrgeas: Quare ergo est ratio, quare habentes oculos cæruleos imbecillum satis habeant potetiam visiuam, si verum est in parte illa, per quam transeunt species visibiles, in omnibus esse colorem nimis remissum. Respondetur causam esse, nam cæruleus ille color indicat temperamentum primarum qualitarum interius in pupilla existens non esse ita aptum ad visionem, fortasse ex frigiditate, & ita homines albi, qui frigidiore sunt, solent oculos cæruleos habere: imò experimur homines nimis albos ferè nihil videre propter exuperantiam frigiditatis.

Ad secundum de sono intra aurem commoto, ibi intus existente prohibere extraneum per accidens, vel quia ille humor ad aurem descendens prauè disponit organum auditus, ita vt ex praua dispositione non possit nisi vehementes sonos percipere, aut illum interius concitatum, vel certè, quia cum pluribus intentus minor sit ad singula sensus, non potest auditus aliàs intentus in continua audicione illius internæ commotionis, ita perfectè exteriores sonos percipere:

nam & hac ratione dicebam supra singulas voces plurium simul canentium minùs perfectè percipi, quàm si seorsum audirentur, virtus enim finita pluribus intenta, & quasi diuisa, minor circa singula redditur.

Ad tertium de lingua infecta humore amaro, dicendum nullus esse momenti, aliàs etiam conuinceret. Auctores contrariæ sententiæ, cum secundum illos intus existens non prohibeat extraneum diuersæ rationis: ergo in sententia illorum humor amarus non posset impedire perceptionem saporis dulcis.

Quare responderetur illius rei duplicem causam assignari posse. Prima est, nam humor ille in lingua infirmi existens propter suam crassitatem impedit perfectam applicationem rei dulcis ad partem ipsius linguae, & ita sapor illæ linguae adherens, cum habeat acrem nimis actiuitatem, quasi cogit potentiam vt illum tantum percipiat, sicut in visu dici solet, lumen maius offuscare minus lumen, quia ratione lumen solis non permittit, vt visus scratur in exiguum lumen stellarum propter magnam suam actiuitatem, qua quasi cogit visum, vt ad illud tantum teratur.

Quibus etiam tertia ratio addi potest: nam prauus ille humor linguam tenens, eam tollit temperiem, quæ ad sapores rectè percipiendos

rei materialis, illosque omni materia expertos esse attingimus: impossibile autem est, cognitionem corpoream attingere rem spiritualement, corporea enim cognitio solum se extendit ad res sensibiles, ut patet de operationibus sensuum, non autem ad spirituales propter magnam improprietatem, quam cum illis habent.

Secundò, eadem veritas conuincitur ex modo operandi intellectus, nam intellectus noster discurrit, in quo actu attingit formarum connectionem consequentis cum antecedenti. Præterea intellectus etiam cognoscit prædicata: vniuersalia abstrahendo illa à circumstantiis loci, & temporis, quæ eorum singularia à parte rei habent, ac tandem supra se ipsam reflectitur prædicata: essentia penetrando, quæ omnino sine dubio excedunt vires potentia corporea: ergo est potentia spiritualis. Quæ res amplius confirmabitur infra, cum ostendimus, animam rationalem esse formam quãdam spiritualement à materia independentem. Ex hoc enim planè sequitur debere habere potentiam sibi propriam spiritualement, qualis est intellectus possibilis. Tandem eandem sententiam probat in hoc capite Aristot. duplici ratione.

Prima est, quia si intellectus esset potentia corporea, esset calidus, aut frigidus, & alicui determinato organo affixus; nullum autem est tale organum, cui sit affixus in-

tellektus: ergo non est potentia corporea.

Secunda ratio urgentior est, nam si intellectus esset potentia corporea, deberet lædi ab excellenti intelligibili, sicut experimur sensum, qui potentia materialis est, lædi ab excellenti sensibili; consequens autem est contra experientiam, quia potius intellectus perficitur in cognitione rerum altissimarum, & cuiuscumque alterius obiecti: ergo est potentia spiritualis.

Tertia tandem ratio, quam adducit Card. Tolet. his est difficultatibus implicata, ut Philosophis omnibus vehementer negotiū faccesserit; sic enim arguit: Intellectus intelligit omnia: ergo debet carere omni corpore, quia: alias intus existens prohiberet extraneum.

Contra quam rationem plura, & difficultia obijci solent. Primò, nam quamuis intellectus realiter sit intellectus, cum hoc tamen potest percipere alium intellectum sibi similem, absque eo quod intus existens prohibeat extraneum: ergo similiter quamuis intellectus esset corporeus, posset alia corpora percipere, absque eo quod intus existens prohibeat extraneum.

Secundò, quia imaginatio percipit quodcumque corpus, extendit enim se ad omnia corpora, cum sensibilia sunt, & cum hoc imaginatio est corporea: ergo ex hoc quod intellectus percipiat omnia corpora,

corpora, non rectè colligitur debere esse denudatum omni ratione corporis.

Tertio, ratio a priori huius esse videtur, quia potentia cognoscitiva, ut cognoscat obiectum aliquod non debet illud recipere secundum esse reale; sed secundum esse intentionale; satis enim est recipiat speciem intentionalem illius: sed esse intentionale, & esse reale, sunt inter se diversæ rationis: ergo quantumvis intellectus esset corporeus secundum esse reale, adhuc esset in potentia ad recipiendam alia corpora secundum esse intentionale, & ita intus existens non prohiberet extraneum hoc modo sufficienti ad cognitionem.

In hac re explicanda duo videntur, alterum est, quæ sit vis rationis Aristot. & qualiter sit intelligenda: alterum verò quid sit de veritate ipsius propositionis: *Intus existens prohibet extraneum.*

Circa primum sunt qui formant rationem Aristot. hoc modo: Intellectus percipit omnia corpora: ergo debet carere omni corpore, quia intus existens prohibet extraneum: cuius consequentis vim in eo dicunt consistere, quia quantumvis esse corporeum non impedit recipere speciem intentionalem aliorum corporum, de quo statim dicam; saltem tamè impedit, ne possit supra se reflecti. Dicunt enim nullam potentiam corpoream posse supra se reflecti, unde bene sequitur, quod

non intelligeret omnia corpora, si corporeus esset, quia saltem non posset se ipsum intelligere, quidquid sit de alijs corporibus: neque est in probabili modus dicendi. Mihi tamen absolute loquendo aliquantulum displicet. Primo; quia, ut vidimus, non satis constat potentiam materialem non posse supra se reflecti, modo supra explicato. Tum præcipue, quia Aristotel. ut legenti patebit, non colligit intellectum debere esse incorporeum, ex eo quod percipit omnia corpora, sed ex eo quod percipiat omnia, id est, tam res corporeas, quam spirituales: sic enim ait: *Quare necesse est ipsum, cum universa intelligat, non mixtum esse, sicut Anaxagoras dixit.* Quare dicendum est vim rationis Aristotel. in eo consistere, quod cum intellectus intelligat omnia, tam percipere res spirituales, quam corporeas; cum autem res spirituales non possint percipi per speciem corpoream, sed per spirituales, necessarium est potentiam, quæ omnia cognoscit, spirituales esse, ut recipiat species spirituales rerum, quia in subiecto corporeo non potest recipi aliquod spirituale: ergo in hoc sensu verissimum est illud principium, scilicet, quod intus existens prohibet extraneum, id est, ratio corporis, quam Anaxagoras posuit in intellectu possibili, impediatur extraneum, id est, cognitionem omnium aliarum rerum.

rum adhuc per species intentionales: unde quidquid sit de alijs corporibus, optimè saltem conuincitur, quòd intellectus nò posset percipere omnia, & iuxta prædictam expositionem cessant rationes in contrarium adductæ.

Ad primam rationem Aristot. respondetur, sua ratione non întedere, quòd si intellectus esset corporeus, non posset, percipere alia corpora, sed quòd non posset percipere omnia entia, unde vnus intellectus non posset percipere aliũ intellectum, quia cum spiritualis sit, est capax ad speciem intelligibilem alterius recipiendam, imò omnia intelligere potest, quia omnia intelligit per species intelligibiles, quarum capax est, illarum tamen esset incapax, si esset corporeus.

Ad secundam, imaginationem saltem non percipere omnia entia, & ita idem sequitur de intellectu, si esset corporeus.

Ad tertiam, quòd scilicet esse reale absolutè loquendo non prohibeat receptionem alterius secundum esse intentionale, de quo statim dicam, tamen esse reale corporis impedit receptionem rerum spiritualium adhuc secundum esse intentionale, quia species illarum necessariò debent esse spirituales, & ita non possunt recipi in potentia corporea. Patet ergo ex dictis principium illud Aristot. intus existens prohibet extraneum, prout ab illo intelligitur, omni carere dif-

ficultate, si eius ratio rectè exponatur.

Quare maiorem habet difficultatem, an principium illud intus existens prohibet extraneum, semper sit verum in sensibus, in qua referè omnis sententia asserit, solum visum posse percipere excellentes qualitates, ita quòd pupilla, vel nullum habeat colorem, vel si aliquem habet, adeò sit exiguus, vt aliorum colorum visionem non impediat: & quid simile asserunt de quouis alio sensu: tenet. Valle. lib. 2. controuerf. Medic. cap. 3. Cardin. Tolet. & plures alij hoc loco, estque sententia satis in scholis nostris recepta, cui non parum fauet Aristot. vt statim dicam. Fundamentum autem huius sententia est, nà color existens in vitro viridi impedit perfectam visionem, omnia enim apparent viridia: ergo similiter si pupilla haberet colorem, multò melius impediretur visio perfecta coloris, quia impedimentum est magis coniunctum potentia, atque adeò dicendum est, pupillam nullum habere colorem, vel certe adeò remissum, vt aliorum colorum visionem non impediat.

Secundò, potest adduci exemplum de auditu: nam si interius ex commotione aeris, aut alterius subtilis humoris habeat intra se sonum, & tinnitum aliquem, vt contingit in pluribus infirmis, non auditur sonus externus, nisi sit vehemens. Et si lingua sit aliquo amaro humore affecta, omnia iudicat esse amara

ergo oportet semper organū sensus esse denudatū qualitātibus sensibilibus, vt illas percipere possit, aut saltem solū percipiet illas in gradu excellēti, ita vt ita intus existens prohibeat extraneū. Quibus tandem accedit auctoritas Aristotē qui reuera principium illud semper tamquam verum admittit, nam quamuis verba in hoc capite adducta possint in bonum sensum adduci, iuxta prædictam expositionē; alia tamen sunt loca, quæ nullā pati possunt interpretationem: nam 2. de Anima, c. 1. aperte docet organum tactus non percipere similes qualitates, sed excellentes dumtaxat, vbi, vt dicto capite vidimus, non tantum loquitur de qualitātibus primis, quarum perceptionem debet præcedere realis, & physica alteratio: sed etiam de qualitātibus secundis, in quibus nulla talis alteratio præuia requiritur, vt de mollicie, & duricie, sic enim ait: *Atque id, quod albu nigrū, nigrumque albu perceptum est sensu, neutrum ipso- rum actu, sed potentia sit utrumque oportet, & in cæteris eodem modo.* Et caput 2. de sensu, & sensibili docet organum olfactus debere esse denudatū calore, vt percipiat odorem, qui ex calore oritur.

His omnibus ego sanè libenter succumbere, ac prædictæ sententiæ firmiter adherere, nisi in contrarium tot ac tā efficaces extarent rationes, quæ intellectum veritatis cupidum planè cōvincūt. Quare dicendum existimo, intus

existens secundum esse reale non prohibere extraneum secundum esse intentionale in sensibilibus, ita vt organum affectum qualitate aliqua posset similem qualitatem per speciem intentionalem percipere. Quod pluribus rationibus efficaciter meo iudicio ostenditur, & vt primam conficiam.

Suppono, falsum esse, id quod quidam ex Auctoribus contrariæ sententiæ affirmant, scilicet pupillam, quæ est organum potētiae visuæ, nullo prorsus colore esse affectam, vt colores omnes percipere possit: quod in primis testē cōtra manifestam experientiam, nam si oculum diuidas quousque ad humorem crystalinum descendas, talis humor planè videtur, imò sine tali diuisione propriam pupillam quis intuetur in speculo, quod evidens indicium est, illam habere colorem aliquem, nihil enim nisi colorem videre potest.

Et ratio à priori est, quia cū color sit qualitas secunda, oritur ex permixtione primarum qualitātū: sed pupilla cū sit corpus mixtum habet permixtionem primarū qualitātū: ergo sine dubio habet colorem aliquem, licet exiguum, cū in illa adsit sufficiens causa coloris.

Quo supposito, argumentor sic: quia cū quis proprium oculum in speculo intuetur, videt pupillā in qua residet potentia visuæ: ergo color realis in illa existens non impedit receptionem speciei intentionalis

Q^{uod} tionalis

tionalis sui ipsius ergo neque impediet receptionem speciei alterius coloris, similis etiam in gradu, cum uterque color sit similis in specie, & gradu, ut suppono: ergo intus existens secundum esse reale non impedit extraneum secundum esse intentionale.

Quod si quis sine fundamento, & contra quotidianam experientiam audeat negare aliquem propriam pupillam in speculo intueri; contra est, quia saltem non videtur negare videri tunicas superiores: iam ergo in illis recipitur species earundem, alias talis species non posset ad internam pupillam peruenire: ergo intus existens secundum esse reale non prohibet extraneum secundum esse intentionale.

Secundo potest sumi argumentum a sensibilibus communibus, nam quam tumuis organum potentie visus habeat tantam quantitatem, & talem figuram, cum hoc potest percipere per speciem intentionalem similem quantitatem & similem figuram in alio corpore existente: ergo similiter potest recipere speciem similis sensibilis proprii, ac in se habet.

Dicetur fortasse esse diversam rationem, quia sensibile commune percipitur per eandem speciem, quam percipitur sensibile proprium, unde quia potest organum visus recipere speciem alterius coloris diversae speciei, ac in se habet, etiam potest percipere sensibilia commu-

nia tali colore adiuncta, quantumvis sint similia his, quae in tali organo existunt: hoc tamen non satisfacit, quia, ut suo loco ostendimus, saltem correspondet sensibili communi propria species modalis distincta ab specie reali sensibilis proprii, neque enim potest utrumque hoc obiectum percipi per eandem indivisibilem entitatem: ergo sicut sensibile commune existens in organo potentiae secundum esse reale non impedit receptionem speciei modalis similis obiecti, ita erit de sensibili proprio.

Tertio ad hoc propositum efficax est argumentum superius adductum, nam quamvis intellectus sit secundum esse reale intellectus rei materialis, tamen si esset causa productiva speciei propriae alterius intellectus, nequaquam repugnaret ex parte intellectus illi recipere: ergo intus existens non impedit extraneum secundum esse intentionale.

Cui argumento respondens sollet esse diversam rationem, nam spiritualia propter suam perfectionem possunt modificari per speciem alterius similis, scilicet tamen corporeae. Est tamen satis frivola solutio, nam ex eo quod spiritualia sint perfectiora corporeis, solum probatur esse modificabilia per receptionem specierum spiritualium: ergo simili modo corporeae erunt modificabilia per speciem minus perfectam, scilicet corpoream.

Quarto, idem etiam non rebat experientia

perientia supra adducta capite de tactu; nam si quis habens manum satis mollem alterius manum minus mollem apprehendat, tactu percipit aliqualem illius mollietatis, ergo non solum æquale, sed minus potest percipere secundum esse intentionale.

Quinto, idem probari potest de gustu; nam si quis alterius linguam manducet, in tali obiecto saporem aliquem inueniet, quisquis ille sit; ergo sapor lingue inhærens non impedit perceptionem alterius similis.

Certa ratio à priori huius est, quia esse reale, & esse intentionale sunt duo esse maxime diuersæ rationis: ergo quantumuis organum alicuius sensus sit informatum qualitate aliqua secundum esse reale, adhuc est priuatum illa secundum esse intentionale, & ita adhuc habet capacitatem ad recipiendum tale esse intentionale.

Dices, non esse in potentia ex eo quod cum iam habeat talem qualitatem secundum esse reale, quod longè perfectius est, quam esse intentionale, non est cur illam recipiat secundum esse intentionale. Tamen contra est, quod quantumuis esse reale sit perfectius, quam esse intentionale, non tamen habent eundem effectum, nam per esse reale absque esse intentionali non potest fieri cognitio obiecti: ergo quantumuis organum habeat qualitatem aliquam secundum esse

reale, quia tamen illa non potest præstare effectum, quoniam præstat esse intentionale, adhuc debet esse in potentia ad esse intentionale, quod est diuersæ rationis ab esse reale. Sicut quatuoruis subiectum aliquid sit actiuatum per caliditatem, quicquid peritior humiditate, adhuc in potentia ad humiditatem, quia est forma diuersæ rationis à calore, & ad diuersum effectum ordinata.

Ad id tamen in actu, quantum ad qualitates primas, verissimum esse, quod intus existens prohibet extraneum, ita ut tactus solum possit excellentes qualitates percipere. Ratio disparitatis est. ibidem tacta, nam ante immutationem intentionalem harum qualitarum debet præcedere immutatio realis, hac autem immutatione nihil potest recipere, id quod actu habet, debet enim esse in potentia: unde tactus solum potest percipere excellentes qualitates primas, in secundis tamen qualitatibus non inuenitur, ut loco citato dixi. Fateor sententiam hanc hætenus explicatam mihi longè esse probabiliorem, tamen etiam fateor loca Aristotelis in contrarium adducta adeo euidenter illi aduerari, ut nullum nisi satis futilem explicationem subire possint, idcirco unusquisque, quam sibi placuerit eligat opinionem, mihi enim satis est veritatem ostendisse.

Argu-

Argumenta autem in contrariū adducta nihil mouere debent. Ad primum enim responderetur, quod si aliquid probaret, etiam haberet vim contra Auctores oppositæ sententiæ: ipsi enim asserunt intus existens prohibere tantum extraneū simile, non verò dissimile, quia caret illo: unde dicunt, quod quāuis tactus habeat calorem intensum, non ideo sit impotens ad percipiendam frigiditatem, quæ est diuersæ rationis à calore, sed tantum ad percipiendum similem calorem in gradu, ac in se habet, sed color vitri virilis et iam impedit visionem aliorum colorum, qui sunt diuersæ rationis ab illo, nam alij etiam colores apparent virides: ergo si argumentum aliquam haberet vim, etiā probaret contra ipsos intus existēs adhuc prohibere extraneum dissimile, quod ipsi negant.

Responderetur ei go, ideo vitrum viride positum inter potentiam visiuam, & obiectum, impedire perfectam visionem, quia cum obiectum post illud existens, & vitrum ipsum per eandem lineam visuale mittant species ad potentiam visiuam, ex permixtione specierum, obiectum post illud existens aliter apparet, quam sit: cuius rei argumentum est, quia si tale obiectum non ponatur post vitrum, sed ad latus illius, non impeditur perfecta visio talis obiecti, sed reuera videtur perfecte vt in se est, quia non immutat potentiam per eandem lineam; quia ergo si ille color existeret in-

hasuē in potentia visua, non posset in illa producere speciem iuxta dicta in capite de visu; atque adeo nec permisceretur cum specie colorum, qui sunt ad extra, ideo, color inherens organo non impedit visionem; bene tamen color ad extra existēs in vitro viridi. Similis ratio assignari potest, quare in aqua fluente arbores apparent fractæ, nā cum species arboris in aqua recepta inde perueniat vsque ad potentiam visiuam per eandem lineam permixta simul cum specie ipsius aquæ, ideo taliter modificatur, vt arbor appareat fracta, quia localiter per eandem lineam miscetur cū specie representante aquam contractam, & fluentem.

Sed instabis, quia saltem ex hac solutione sequitur colorem existentē in tunicis superioribus oculi impedire perfectam visionem, quia species colorum ad extra existentium recta via transeunt per illas tunicas, sicut per vitrum viride. Responderetur tamen negando consequentiam, quia color illarum tunicarum per eam partem, quæ ex directo correspondet pupillæ, adeo est tenuis, ac remissus, vt nihil impediat, sicut etiam color vitri adeo remissus esse potest, vt non impediat visionem colorum, vt patet in anteculis; quos colorem aliquem habere negari non potest, cum habeant permixtionē primarum qualitatum, à qua color habet ortum. Verum est aliquando colorem tunicarum esse nimis

caru-

cæruleum, aut nimis nigrum, non tamen per paruum illam cauitatem pupillæ correspondentem: nam versus illam natura prouida, fere nullum illis indidit colorem, ne visio alias à natura intenta ex illa parte impediretur.

Et si adhuc vrgeas: Quæ ergo est ratio, quare habentes oculos cæruleos imbecillum satis habeant potestatem visuam, si verum est in parte illa, per quam transeunt species visibiles, in omnibus esse colorem nimis remissum. Respondetur causam esse, nam cæruleus ille color indicat temperamentum primarum qualitatum interius in pupilla existens non esse ita aptum ad visionem, fortasse ex frigiditate, & ita homines albi, qui frigidiore sunt, solent oculos cæruleos habere: imò experimur homines nimis albos ferè nihil videre propter exuperantiam frigiditatis.

Ad secundum de sono intra aurem commoto, ibi intus existente prohibere extraneum per accidens, vel quia ille humor ad aurem descendens prauè disponit organum auditus, ita vt ex praua dispositione non possit nisi vehementes sonos percipere, aut illum interius concitatum, vel certè, quia cum pluribus intentus minor sit ad singula sensus, non potest auditus alias intentus in continua auditione illius internæ commotionis, ita perfectè exteriores sonos percipere:

nam & hac ratione dicebam supra singulas voces plurium simul canentium minùs perfectè percipi, quàm si seorsum audirentur, virtus enim finita pluribus intenta, & quasi diuisa, minor circa singula redditur.

Ad tertium de lingua infecta humore amaro, dico etiam nullus esse momenti, aliàs etiam conuinceret. Auctores contrariæ sententiæ, cum secundum illos intus existens non prohibeat extraneum diuersæ rationis: ergo in sententia illorum humor amarus non posset impedire perceptionem saporis dulcis.

Quare responderetur illius rei duplicem causam assignari posse. Prima est, nam humor ille in lingua infirmi existens propter suam crassitatem impedit perfectam applicationem rei dulcis ad partem ipsius linguae, & ita sapor illæ linguae adhærens, cum habeat acrem nimis actiuitatem, quasi cogit potentiam vt illum tantum percipiat, sicut in visu dici solet, lumen maius offuscare minus lumen, quæ ratione lumen solis non permittit, vt visus feratur in exiguum lumen stellarum propter magnam suam actiuitatem, quæ quasi cogit visum, vt ad illud tantum feratur.

Quibus etiam tertia ratio addi potest: nam prauus ille humor linguam tenens, eam tollit temperiem, quæ ad sapores rectè percipiendos

rei materialis, illosque omni materia expertes esse attingimus: inpossibile autem est, cognitionem corpoream attingere rem spiritualement, corporea enim cognitio solum se extendit ad res sensibiles, ut patet de operationibus sensuum, non autem ad spirituales propter magnam disproportionem, quam cum illis habent.

Secundò, eadem veritas conuincitur ex modo operandi intellectus, nam intellectus noster discurrit, in quo actu attingit formarum connectionem consequentis cum antecedenti. Præterea intellectus etiam cognoscit prædicata: uniuersalia abstrahendo illa à circumstantiis loci, & temporis, quas eorum singularia à parte rei habent, ac tandem supra se ipsam reflectitur prædicata lux essentiae penetrando, quæ omnino sine dubio excedunt vires potentiae corporeae: ergo est potentia spiritualis. Quæ res amplius confirmabitur infra, dum ostendemus, animam rationalem esse formam quãdam spiritualement à materia independentem. Ex hoc enim planè sequitur debere habere potentiam sibi propriam spiritualement, qualis est intellectus possibilis. Tandem eandem sententiam probat in hoc capite Aristot. duplici ratione.

Prima est, quia si intellectus esset potentia corporea, esset calidus, aut frigidus, & alicui determinato organo affixus; nullum autem est tale organum, cui sit affixus in-

tellektus: ergo non est potentia corporea.

Secunda ratio urgentior est, nam si intellectus esset potentia corporea, deberet lædi ab excellenti intelligibili, sicut experimur sensum, qui potentia materialis est, lædi ab excellenti sensibili; consequens autem est contra experientiam, quia potius intellectus perficitur in cognitione rerum altissimarum, & cuiuscumque alterius obiecti; ergo est potentia spiritualis.

Tertia tandem ratio, quam adducit Card. Tolet. his est difficultatibus implicata, ut Philosophis omnibus vehementer negotiũ facesserit, sic enim arguit: Intellectus intelligit omnia; ergo debet carere omni corpore, quia alias intus existens prohiberet extraneum.

Contra quam rationem plura, & difficilia obijci solent. Primò, nam quamuis intellectus realiter sit intellectus, cum hoc tamen potest percipere alium intellectum sibi similem, absque eo, quod intus existens prohibeat extraneum: ergo similiter quamuis intellectus esset corporeus, posset alia corpora percipere, absque eo, quod intus existens prohibeat extraneum.

Secundò, quia imaginatio percipit quodcumque corpus, extendit enim se ad omnia corpora, cum sensibilia sunt, & cum hoc imaginatio est corporea: ergo ex hoc quod intellectus percipiat omnia corpora,

corpore, non recte colligitur debere esse denudatum omni ratione corporis.

Tertio, ratio a priori huius esse videtur, quia potentia cognoscitiva, ut cognoscat obiectum aliquod non debet illud recipere secundum esse reale; sed secundum esse intentionale; satis enim est recipiat speciem intentionalem illius: sed esse intentionale, & esse reale, sunt inter se diversa rationis: ergo quantumvis intellectus esset corporeus secundum esse reale, adhuc esset in potentia ad recipiendam aliam corpora secundum esse intentionale, & ita intus existens non prohiberet extraneum hoc modo sufficienti ad cognitionem.

In hac re explicanda duo videnda sunt, alterum est, quæ sit vis rationis Aristot. & qualiter sit intelligenda: alterum verò quid sit de veritate ipsius propositionis: *Intus existens prohibet extraneum.*

Circa primum sunt qui forment rationem Aristot. hoc modo: Intellectus percipit omnia corpora: ergo debet carere omni corpore, quia intus existens prohibet extraneum: cuius consequentis vim in eo dicunt consistere, quia quantumvis esse corporeum non impedit recipere speciem intentionalem aliorum corporum, de quo statim dicam, saltem tamè impedit, ne possit supra se reflecti. Dicunt enim nullam potentiam corpoream posse supra se reflecti, unde bene sequitur, quod

non intelligeret omnia corporea, si corporeus esset, quia saltem non posset se ipsum intelligere, quid quid sit de alijs corporibus: neque est in probabili modus dicendi. Mihi tamen absolute loquendo aliquantulum displicet. Primum, quia, ut vidimus, non constat potentiam materiale non posse supra se reflecti, modo supra explicato: Tum præcipue, quia Aristotel. ut legenti patebit, non colligit intellectum debere esse incorporeum, ex eo quod percipit omnia corpora, sed ex eo quod percipiat omnia, id est, tam res corporeas, quam spirituales: sic enim ait: *Quare necesse est ipsum, cum universa intelligat, mixtum esse.* sicut Anaxagoras dixit. Quare dicendum est, vim rationis Aristotel. in eo consistere, quod cum intellectus intelligat omnia, tam percipere res spirituales, quam corporeas; cum autem res spirituales non possint percipi per speciem corpoream, sed per spiritalem, necessarium est potentiam, quæ omnia cognoscit, spirituale esse, ut recipiat species spirituales rerum, quia in subiecto corporeo non potest recipi aliquod spirituale: ergo in hoc sensu verissimum, est illud, principium, scilicet, quod intus existens prohibet extraneum, id est, ratio corporis, quam Anaxagoras posuit in intellectu possibili, impediatur extraneum, id est, cognitionem omnium aliarum rerum.

rum adhuc per species intentionales: unde quidquid sit de alijs corporibus, optime saltem conuincitur, quod intellectus non posset percipere omnia, & iuxta prædictam expositionem cessant rationes in contrarium adductæ.

Ad primam rationem. Aristot. respondetur, sua ratione non intendere, quod si intellectus esset corporeus, non posset, percipere alia corpora, sed quod non posset percipere omnia entia, unde vnus intellectus non posset percipere aliū intellectum, quia cum spiritualis sit, est capax ad speciem intelligibilem alterius recipiendam, imò omnia intelligere potest, quia omnia intelligit per species intelligibiles, quarum capax est, illarum tamen esset incapax, si esset corporeus.

Ad secundam, imaginationem saltem non percipere omnia entia, & ita idem sequitur de intellectu, si esset corporeus.

Ad tertiam, quod scilicet esse reale absolute loquendo non prohibeat receptionem alterius secundum esse intentionale, de quo statim dicam, tamen esse reale corporis impedit receptionem rerum spiritualium adhuc secundum esse intentionale, quia species illarum necessario debent esse spirituales, & ita non possunt recipi in potentia corporea. Patet ergo ex dictis principium illud Aristot. intus existens prohibet extraneum, prout ab illo intelligitur, omni carere dis-

scultate, si eius ratio rectè exponatur.

Quare maiorem habet difficultatem, an principium, illud, intus existens prohibet extraneum, semper sit verum in sensibus, in qua referè omnis sententia asserit, solum visum posse percipere excellentes qualitates, ita quod pupilla, vel nullum habeat colorem, vel si alium quem habet, adeò sit exiguus, vt aliorum colorum visionem non impediat: & quid simile asserunt de quouis alio sensu: tenet. Valle. lib. 2. controuerf. Medic. cap. 3. Cardin. Tolet. & plures alij hoc loco, estque sententia satis in scholis nostris recepta, cui non parum fauet Aristot. vt statim dicam. Fundamentum autem huius sententiæ est, nā color existens in vitro viridi impedit perfectam visionem, omnia enim apparent viridia: ergo similiter si pupilla haberet colorem, multo melius impediretur visio, perfecta coloris, quia impedimentum est magis coniunctum potentia, atque adeò dicendum est, pupillam nullum habere colorem, vel certe adeò remissum, vt aliorum colorum visionem non impediat.

Secundo, potest adduci exemplum de auditu: nam si interius ex commotione aeris, aut alterius subtilis humoris habeatur se sonum, & tinnitum aliquem, vt contingit in pluribus infirmis, non auditur sonus externus, nisi sit vehemens. Et si lingua sit aliquo amaro humore affecta, omnia iudicat esse amara

ergo oportet semper organū sensus esse denudatū qualitatibus sensibilibus, ut illas percipere possit, aut saltem solum percipiet illas in gradu excellētē, ita ut ita intus existens prohibeat extraneū. Quibus tandem accedit auctoritas Aristotē qui reuerā principium illud semper tamquam verum admittit, nam quamuis verba in hoc capite adducta possint in bonum sensum adduci, iuxta prædictam expositionē, alia tamen sunt loca, quæ nullā pati possunt interpretationem: nam 2. de Anima, c. 11. aperte docet organum tactus non percipere similes qualitates, sed excellentes duntaxat, ubi, ut dicto capite vidimus, non tantum loquitur de qualitatibus primis, quarum perceptionem debet præcedere realis, & physica alteratio: sed etiam de qualitatibus secundis, in quibus nulla talis alteratio præuia requiritur, ut de mollicie, & duricie, sic enim ait: *Atque id, quod albiū nigrū, nigrumque albiū perceptum est sensu, neutrum ipsorum albiū, sed potentia sit utrumque oportet, & in ceteris eodem modo.* Et capit. 2. de sensu, & sensibili docet organum olfactus debere esse denudatū calore, ut percipiat odorem, qui ex calore oritur.

His omnibus ego sariē libenter succumbere, ac prædictæ sententiæ firmiter adherere, nisi in contrarium tot ac tā efficaces extarent rationes, quæ intellectum veritatis cupidum planē cōvincūt. Quare dicendum existimo, intus

existens secundum esse reale non prohibere extraneum secundum esse intentionale in sensibus, ita ut organum affectum qualitate aliqua posset similem qualitatem per speciem intentionalem percipere. Quod pluribus rationibus efficaciter meo iudicio ostenditur, & ut primam conficiam.

Suppono, falsum esse, id quod quidam ex Auctoribus contrariæ sententiæ affirmant, scilicet pupillam, quæ est organum potētiae visivæ, nullo prorsus colore esse affectam, ut colores omnes percipere possit: quod in primis fessit cōtra manifestam experientiam, nam si oculum diuidas quousque ad humorem crystallinum descendas, talis humor planē videtur, imò sine tali diuisione propriam pupillam quis intuetur in speculo, quod evidens indicium est, illam habere colorem aliquem, nihil enim nisi colorem videre potest.

Et ratio à priori est, quia cū color sit qualitas secunda, oritur ex permixtione primarum qualitatū: sed pupilla cū sit corpus mixtum habet permixtionem primarū qualitatū: ergo sine dubio habet colorem, aliquem, licet exiguum, cū in illa adit sufficiens causa coloris.

Quo supposito, argumentor sic: quia cū quis proprium oculum in speculo intuetur, videt pupillā in qua residet potentia visiva: ergo color realis in illa existens non impedit receptionem speciei intentionalis.

Q

tionalis sui ipsius ergo neque impediet receptionem speciei alterius coloris, similis etiam in gradu, cum uterque color sit similis in specie, & gradu, ut suppono: ergo intus existens secundum esse reale non impedit extraneum secundum esse intentionale.

Quod si quis sine fundamento, & contra quotidianam experientiam audeat negare aliquem propriam pupillam in speculo intueri, contra est, quia saltem non audebit negare videri tunicas superiores: iam ergo in illis recipitur species earundem, alias talis species non posset ad internam pupillam peruenire: ergo intus existens secundum esse reale non prohibet extraneum secundum esse intentionale.

Secundo potest sumi argumentum a sensibilibus communibus, nam quam tumuis organum potentie visus habeat tantam quantitate, & talem figuram, cum hoc potest percipere per speciem intentionalem similem quantitate & similem figuram in alio corpore existente: ergo similiter potest recipere speciem similis sensibilis proprii, ac in se habet.

Dicetur fortasse esse diversam rationem, quia sensibile commune percipitur per eandem speciem, quia percipitur sensibile proprium, unde quia potest organum visus recipere speciem alterius coloris diversae speciei, ac in se habet, etiam potest percipere sensibilia commu-

nia tali colore adiuncta, quantumvis sint similia his, quae in tali organo existunt: hoc tamen non satisfacit, quia, ut suo loco ostendimus, saltem corresponderet sensibili communi propria species modalis distincta ab specie reali sensibilis proprii, neque enim potest utrumque hoc obiectum percipi per eandem indivisibilem entitatem: ergo sicut sensibile commune existens in organo potentiae secundum esse reale non impedit receptionem speciei modalis similis obiecti, idem erit de sensibili proprio.

Tertio ad hoc propositum efficax est argumentum superius adductum, nam quamvis intellectus sit secundum esse reale intellectus rei materialis, tamen si esset causa productiva speciei propriae alterius intellectus, nequaquam repugnaret ex parte intellectus illi recipere: ergo intus existens non impedit extraneum secundum esse intentionale.

Cui argumento respondere solet, esse diversam rationem, nam spiritualia proprie suam perfectionem possunt modificare per speciem alterius similis, seculis tamen corporeis. Est tamen satis frivola solutio: nam ex eo quod spiritualia sint perfectiora corporeis, solum probatur esse modificabilia per receptionem specierum spiritualium: ergo simili modo corporea erunt modificabilia per speciem minus perfectam, scilicet corpoream.

Quarto, idem etiam probat experienti

perientia supra adducta capite de tactu; nam si quis habens manum satis mollem alterius manum minus mollem apprehendat, tactu percipit aliqualem illius mollietatis, ergo non solum æquale, sed minus potest percipere secundum esse intentionale.

Quintò, idem probari potest de gustu; nam si quis, alterius linguam manducet, in tali obiecto saporem aliquem inueniet, quisquis ille sit; ergo sapor lingue inhærens non impedit perceptionem alterius similis.

Certatio à priori huius est, quia esse reale, & esse intentionale sunt, duo esse maxime diuersæ rationis: ergo quantumuis organum alicuius sensus sit informatum qualitate aliqua secundum esse reale, adhuc est priuatum illa secundum esse intentionale, & ita adhuc habet capacitatem ad recipiendum tale esse intentionale.

Dices, non esse in potentia, ex eo quod cum iam habeat talem qualitatem secundum esse reale, quod longe perfectius est quam esse intentionale, non est cur illam recipiat secundum esse intentionale. Tamen contra est, quod quamuis esse reale sit perfectius, quam esse intentionale, non tamen habent eundem effectum, nam per esse reale obiectum esse intentionali non potest fieri cognitio obiecti: ergo quantumuis organum habeat qualitatem aliquam secundum esse

reale, quia tamen illa non potest præstare effectum, quia præstat esse intentionale, adhuc debet esse in potentia ad esse intentionale, quod est diuersæ rationis ab esse reale. Sicut quatuoruis subiectum aliquid sit actum per caliditatem, quicquid perfectior humiditate, adhuc in potentia ad humiditatem, quia est forma diuersæ rationis à calore, & ad diuersum effectum ordinata.

Addo tamen in actu, quantum ad qualitates primas, verisimium esse, quod intus existens prohibet extraneum, ita ut tactus solum possit excellentes qualitates percipere. Ratio disparitatis est. ibidem tacta, nam ante immutationem intentionalem harum qualitarum debet precedere immutatio realis, hac autem immutatione nihil potest recipere, id quod actu habet, debet enim esse in potentia: unde tactus solum potest percipere excellentes qualitates primas, in secundis tamen qualitatibus non inuenitur, ut loco citato dixi. Fateor sententiam hanc hæcenus explicatam mihi longe esse probabiliorem, tamen etiam fateor loca Aristotelis in contrarium adducta adeo euidenter illi aduersari, ut nullam nisi satis futilem explicationem subire possint, idem unusquisque, quam sibi placuerit eligat opinionem, mihi enim satis est veritatem ostendisse.

Argu-

cæruleum, aut nimis nigrum, non tamen per paruam illam cavitatem pupillæ correspondentem: nam versus illam natura prouida, fere nullum illis indidit colorem, ne visio aliàs à natura intenta ex illa parte impediretur.

Et si adhuc vrgeas: Quæ ergo est ratio, quare habentes oculos cæruleos imbecillum satis habeant potetiam visuam, si verum est in parte illa, per quam transeunt species visibiles, in omnibus esse colorem nimis remissum. Respondetur causam esse, nam cæruleus ille color indicat temperamentum primarum qualitatum interius in pupilla existens non esse ita aptum ad visionem, fortasse ex frigiditate, & ita homines albi, qui frigidiore sunt, solent oculos cæruleos habere: imò experimur homines nimis albos ferè nihil videre propter exuperantiam frigiditatis.

Ad secundum de sono intra aurem commoto, ibi intus existente prohibere extraneum per accidens, vel quia ille humor ad aurem descendens prauè disponit organum auditus, ita vt ex praua dispositione non possit nisi vehementes sonos percipere, aut illum interius concitatum, vel certè, quia cum pluribus intentus minor sit ad singula sensus, non potest auditus aliàs intentus in continua auditione illius interitæ commotionis, ita perfectè exteriores sonos percipere:

nam & hac ratione dicebam supra singulas voces plurium simul canentium minùs perfectè percipi, quàm si seorsum audirentur, virtus enim finita pluribus intenta, & quasi diuisa, minor circa singula redditur.

Ad tertium de lingua infecta humore amaro, dico etiam nullus esse momenti, aliàs etiam conuinceret. Auctores contrariæ sententiæ, cum secundum illos intus existens non prohibeat extraneum diuersæ rationis: ergo in sententia illorum humor amarus non posset impedire perceptionem saporis dulcis.

Quare respondetur illius rei duplicem causam assignari posse. Prima est, nam humor ille in lingua infirmi existens propter suam crassitatem impedit perfectam applicationem rei dulcis ad partem ipsius linguae, & ita sapor illæ linguae adhærens, cum habeat acrem nimis actiuitatem, quasi cogit potentiam vt illum tantum percipiat, sicut in visu dici solet, lumen maius offuscare minus lumen, quæ ratione lumen solis non permittit, vt visus seratur in exiguum lumen stellarum propter magnam suam actiuitatem, quæ quasi cogit visum, vt ad illud tantum teratur.

Quibus etiam tertia ratio addi potest: nam prauus ille humor linguam tenens, eam tollit temperiem, quæ ad sapores rectè percipiendos

piendos requiritur. Ex dictis etiam assignari potest ratio, quare in olfactu odorifera exhalatio carunculam mamillarem tenens impediatur aliorum odorum perceptionem, quia scilicet quasi cogit potentiam, ne ad alios odores distrahatur. Ex quibus etiam omnibus patet intus existens per se loquendo non impedire extraneum: nisi fortasse per accidens, nempe ex alia causa adiuncta.

Ultimò hac in parte dubitari potest, an saltem in sensu interno intus existens prohibeat extraneum secundum esse intentionale: & respondetur negatiue, ut rationes superius allatæ hoc etiam convincere videntur. Tum etiam, quia contingere potest, quod tactus percipiat calorem remissiorem illo, qui est in organo sensus interni: in hoc nulla profectò apparet repugnantia: sed sensus communis percipit sensibilia præsentia actu, sensata à sensu externo: ergo potest sensus internus percipere minorem calorem, quam in se habeat: ergo adhuc in sensu interno, intus existens non prohibet extraneum secundum esse intentionale. Verum est tactum non posse percipere nisi maiorem calorem, quam in se habeat propter præuiam illam realem alterationem, quam ante immutationem intentionalem diximus requiri: sensus tamen internus non requirit talem præuiam alterationem ad percipiendas qualitates tangibiles, quod ex diuersitate naturæ vtriusq; sensus petendū est.

Quæstio II. Vtrum intellectus sit pura potentia in genere intelligibilem?

Certum est intellectum non esse puram potentiam in genere entis, habet enim in se ad minus actum entitatum, id est entitatem propriam actualem, sicut etiā, & quæuis alia res; imò est actus quidam formalis: est enim quædam forma accidentalis, potentia scilicet inherens animæ rationali. Solum ergo est dubium, an saltem in genere intelligibilem sit pura potentia, ita ut in se nullum includat intelligibile.

Est autem ratio dubitandi, quia illud est pura potentia in aliquo genere, quod nullum actum illius generis includit: sed intellectus includit aliquid intelligibile, propriam scilicet entitatem, quæ in se intelligibilis est: ergo non est pura potentia in genere intelligibilem.

Dicendum tamen est cum communi Interpretum sententia, intellectum esse puram potentiam in genere intelligibilem, sic enim docuit in hoc capit. Aristoteles dicens: *Intellectum esse tamquam tabulam rasam, in qua nihil est depictum.* Ratio autem est facilis, quia ut res aliqua dicatur quasi proximè intelligibilis, non satis est habeat in se entitatem intelligibilem: sed quod habeat speciem sui in intellectu,

per

per illam enim fit quasi proximè intelligibilis: sed intellectus ex se nullam habet speciem intelligibilem, illi à natura inditam, quin potius huiusmodi species accipit ex phantasmatibus, vt infra dicitur: ergo ex se est pura potentia ad omnia intelligibilia, & ita est pura potentia in genere intelligibilium: quemadmodum, quia materia prima de se est subiectum omnium formarum, nullam illarum includens, dicitur pura potentia subiectiua, neque oportet in re leui diutius immorari.

Ad rationem dubitandi respondetur faciliè, quòd quamuis intellectus includat in se aliquam entitatem, illa tamen non est intelligibilis proximè, & immediatè nisi per speciem intelligibilem, & quia intellectus intelligit se per speciem rei materialis, quia speciem intellectus non habet ex sua natura: sed à phantasmatibus illam desumit, idèò adhuc non includit se, vt intelligibilis est, & ita est se est omnino pura potentia in genere intelligibilium.

Solet hoc loco dubitari: vtrum ex intellectu, & obiecto intelligibili fiat vnum per se in genere intelligibilis, non secus quàm ex materia, & forma fit vnum per se in genere entis, potest autem quæstio simili modo intelligi de potentijs sensitiuis respectu obiectorum sensibilium. Certum autem est non fieri vnum per se ex intellectu, & re intelligibili considerata in es-

se rei, quia lapis non vnitur secundum esse reale cum intellectu, quando ab illo intelligitur, vbi autem non est vnica partium, non potest ex illis resultare aliquid per se vnũ: solum ergo est dubium an ex intellectu, & obiecto intelligibili mediante specie intelligibili illius fiat vnum per se, id est, an ex intellectu, & specie intelligibili fiat vnum per se.

In qua re Auerroes hoc lib. text. 5. asserit fieri vnum per se ex intellectu, & obiecto intelligibili, imò magis vnum, quàm fiat ex materia & forma. Cuius sententiam recipiunt Caietan. & Zumel. 1. part. quæstio. 14. artic. 1. & plures alij hoc loco, quorum fundamentum est, quia ex pura potentia, & actu fit vnum per se, vt ex materia, & forma: sed intellectus est pura potentia ad omnia intelligibilia. ergo fit vnum per se ex intellectu, & obiecto intelligibili: quòd autem fiat magis vnum, quàm ex materia & forma, probant. Quia quamuis materia, & forma coalescant in aliquod totum, tamen forma non fit materia, neque è contra: sed intellectus quando obiectum aliquod intelligit, fit illud secundum esse intelligibile, sic enim docuit Aristoteles in hoc capit. prope finem. Et ratio est, quia illud est tale, quod habet formam, à qua prouenit esse talis rei, sicut illud est homo, quod habet formam hominis: sed intellectus quando intelligit obiectum aliquod, recipit

for.

formam illius rei considerata inesse intelligibili, recipit enim speciem intelligibilem: ergo fit talis res in esse intelligibilis, atque adeo magis fit vnum in esse intelligibilis ex intellectu, & obiecto intelligibili, quam ex materia & forma in ratione entis.

Solutio huius dubitationis aliunde habet ortum; nam qui asserunt ex subiecto, & accidenti fieri vnum per se saltem accidentale, sicut vnio accidentis cum subiecto accidentalis est, & non substantialis, quod satis esse probabile videbimus in Logica; consequenter fateri possunt ex specie intelligibili, & intellectu fieri vnum per se, & ferè est questio de nomine: isti enim Auctores nomine vnus per se, non intelligunt aliquid vnum substantialiter, sed aliquid, quod verè sit vnum, ibi autem verè est vnum, ubi est vera, & realis vnio partium, & quia inter intellectum, & speciem intelligibilem intercedit vera, & realis Physica vnio, ideò ex illis fit aliquid verè vnum, scilicet intellectus habens speciem intelligibilem: in communi tamen opinione, qua assentur ex subiecto, & accidenti non fieri vnum per se, etiam debet fateri non fieri vnum per se ex specie intelligibili, & accidenti: dicunt enim nomine entis per se non tantum significari aliquid habens partes verè unitas: sed habens partes per se ordinatas, & quia nullum subiectum per se, & essentialiter dicit ordinem ad

accidens, sed per accidens, ideò asserunt non fieri vnum per se ex illis: tamen reuera videtur questio de nomine.

Et iuxta opinionem primam argumentum Auerrois non indiget solutione, probat enim intentum: tamen iuxta hanc communem sententiam respondendum est, non ex quacumque pura potentia, & actu fieri vnum per se, nisi quando talis pura potentia est natura sua ens incompletum: nam ex pluribus entibus in actu non fit vnum per se, & quia iuxta hanc sententiam intellectus, & species intelligibilis, sunt duæ species qualitatis totales, & completæ, ideò ex illis non potest coalescere aliquid vnum per se.

Ad secundum respondetur, in nulla opinione posse probabiliter defendi, si propriè loquamur, fieri magis vnum ex intellectu, & specie intelligibili, quam ex materia, & forma, quidquid Caietanus & Zamel supra citati contendunt: illa enim locutio, quod scilicet intellectus dum rem aliquam intelligit, fiat res ipsa intelligibilis recipiendo formam expressam, & imaginem formalem illius, est locutio Metaphorica, sicut cum dicitur amantem transformari in rem amatam, vt quando imaginem Cæsaris Cæsarem appellamus: nam sicut ipsa imago ex eo solum dicitur forma rei, quia gerit speciem illius; ita etiam intellectus tali imagine informatus improprie di-

dicitur fieri ipsum obiectum intelligibile, & cum aliis inter materia primam, & formam ipsam substantialem, sit nexus, & vno substantialis, & per se ad inuicem ordinentur tamquam duo entia incompleta per se ordinata ad totum aliquod integrandum, ideo non tam fit vere vnu ex intellectu, & obiecto intelligibili, quam ex materia & forma substantiali.

Quest. III. Vtrum intellectus practicus, & speculativus distinguatur realiter, & similiter ratio superior & inferior.

Cum potentia dignoscatur per actus, ac tandem actus per obiecta, examinare quid sit intellectus practicus, quid vero speculativus, ex eo maxime pendet, quid sit cognitio practica, quid vero speculativa, de quo dixi in proemio Logicae: suppono ergo tam cognitionem practicam, quam speculativam, in eo convenire, quod sint contemplationes suorum obiectorum; cum enim cognitio practica etiam sit cognitio veritatis, convenit in ratione contemplationis cum cognitione speculativa, differunt tamen in peculiari modo, quo utraque contemplatur suum obiectum; nam cognitio practica est factiva sui obiecti, quia tradit regulas, & prescribit modum, quo fieri debet, ut patet de cognitione artis, qua artifex operatur: at vero cognitio speculativa si-

fit in sola contemplatione sui obiecti non dirigendo ad opus, & hoc significat communis ille modus loquendi, quod scilicet scientia practica habet pro obiecto aliquid operabile, ut operabile est: speculativa vero obiectum, ut duntaxat contemplabile. Hinc etiam docuit saepe Aristoteles, & S. Thomas, diversum esse finem scientiae practicae & speculativae, quod non debet intelligi de fine operantis, ut loco citato diximus, scilicet de fine, propter quem operans addiscit scientiam, possunt namque tam scientia practica, quam speculativa gratia eiusdem finis addisci, scilicet gratia questus: debet ergo intelligi de fine operis: finis autem operis est obiectum, quia terminat actum, terminare autem quoddam finire est; ita ut sensus sit, scientiam practica, & speculativam habere obiectum in ratione operabilis, aut merè speculabilis: ex quibus intelligitur quid sit intellectus practicus, & speculativus: sunt enim potentiae illae, quae ad huiusmodi actus, & obiecta ordinantur.

Secundo, supponendum est intellectum possibilem multis etiam alijs nominibus appellari: dicitur enim memoria secunda, secundum quod est informatus speciebus intelligibilibus, sunt enim species, ut supra dixi, veluti semè obiecti; unde potentia intellectiva illas recipiens, veluti sit gravis, & fecunda ad prolem producendam, scilicet verbum, unde etiam verbum conceptus dici solet.

R

Di-

Dicitur etiam intelligentia secundum quod simplici intuitu aliquid quando lectur in res ipsas, dum illas simplici apprehensione cognoscit: unde ex eo forsitan hac ratione intelligentia nupciatur, quia in tali modo cognitionis, intelligentiis spiritualibus assimilatur. Appellatur verò ratio in quantum discurret, & ratiocinatur, unde & dici solet ratio superior, & inferior.

Pro cuius rei intelligentia advertendum est ex Diuo August. li. 12. de Trinit. ca. 7. quod cum actus nostri liberi arbitrii regulari possint per regulam rationis, quando intellectus noster regulat huiusmodi actus per regulas æternas & superiores, scilicet quod sit contra legem Dei, & inducat poenam, eternam, tunc appellatur ratio superior. Quando verò considerat res temporales, appellatur ratio inferior, quæ doctrinæ communi sensu recipitur ab scholasticis doctribus.

His suppositis, dicendum est cum communi Auctorum sententia, intellectum practicum, & speculativum, rationem, & intelligentiam, rationem superiorem, & inferiorem, esse eandem prorsus potentiam, intellectum, scilicet, qui secundum varios actus, quos habet, tot nominibus appellari solet, & de intellectu practico, & speculativo docuit D. Thom. 1. p. q. 79. art. 11. de ratione verò, & intellectu, art. 8. de ratione verò supe-

riori, & inferiori art. 7. de intellectu verò, & intelligentia art. 10. & quidem de intelligentia, & ratione patet, nam ad eandem potentiam attinet, apprehendere terminos, & illis apprehensis iudicare, & discurre, sunt enim actus subordinati circa idem obiectum adæquatum intellectus, scilicet circa verum, ac proinde ad eandem potentiam reducendi sunt: ergo intelligentia, quæ est intellectus, prout simplici intuitu fertur in obiecta, & ratio, quæ est idem intellectus discurrens, non sunt potentie realiter diuersæ. De ratione verò superiori & inferiori etiam patet, quia cognitio rerum æternalium, & temporalium continetur sub adæquato actu intellectus, qui est cognoscere ens, prout comprehendit omnia ens: est enim obiectum adæquatum intellectus ens in communi, ut comprehendit omne ens, & eadem ratio probat de intellectu practico, & speculativo; unde & dici solet, quod intellectus speculativus, extensione fit practicus; nam idem intellectus, qui speculatur naturam alicuius rei, dum deinde attēdit admodum, quæ talis res debet fieri, tradendo regulas, & præcepta ut id fiat, appellatur intellectus practicus, & ita hæc omnia sunt varæ denominationes intellectus secundum diuersos illius actus in adæquatos.

Et si quis inquiras, an saltem concedi posset, intellectum practicum, & speculativum esse potentias formaliter

maliter diuersas. Respondetur negatiue, vt dicebam supra in simili de sensu interno, nam distinctio specifica potentiarum non est desumenda ex actibus, & obiectis inadæquatis, sed potius ex adæquatis, alias etiam esset dicendum, esse plures potentias visivas speciei diuersas iuxta diuersas species colorum, quæ sunt obiecta inadæquata visus: ergo reuera neque formaliter, & specificè distinguuntur, sed tantum per diuersas denominationes eiusdem potentie petitas à diuersis actibus illius.

Questio IIII. Vtrum intellectus sit potentia realiter diuersa à memoria intellectiua, & voluntate.

Questio hæc facilem habet solutionem, quantum attinet ad distinctionem memorie intellectiue ab intellectu, suppositis his, quæ diximus de sensu interno, nam si idem sensus secundum rem, qui fertur in obiectum absens, potest etiam ferri in idem obiectum, quando præsens est, multo melius id fatendum est in intellectu, cum multo maiorem perfectionem, & efficacitatem habeat ad percipiendum suum obiectum, quam sensus internus, & alias præsentia obiecti non impediat, sed potius iuuat ad contemplationem, & ita sicut de sensu interno ostendimus, ad eandem prorsus potentiam pertinere cognoscere sensibilia præsen-

tia & absentia; idem erit multo potentiori iure asserendum de memoria intellectiua, & intellectu, & ita non sunt potentie realiter diuersæ: imò etiam si admittamus memoriam sensitiuam realiter distingui ab imaginatione, adhuc indubitatum esse debet, non distingui memoriam intellectiuam ab intellectu, nam ex maiori logè perfectione, quam habet supra omnes sensus, obiecta omnia, quæ ad diuersos sensus pertinent, ad vnicam dumtaxat potentiam intellectiuam referenda sunt. Tum etiam quia obiectum adæquatum intellectus est ens in communi, prout comprehendit omne ens, sub quo etiam comprehenditur ens præteritum vt sic, quod pertinet ad memoriam intellectiuam, & ita communi omnium consensu receptum est, memoriam intellectiuam eandem esse potentiam cum intellectu.

Addo præterea cum Scoto in 4. d. 45. q. 3. §. circa ista, memoriam ex communi usu huius vocabuli, non tantum esse cognitionem rei præteritæ, adhuc vt præterita est, nisi in quantum quis recordatur se illam cognouisse: quamuis enim sciat quis se natum fuisse, tamen non dicimus illum recordari suæ natiuitatis, quia non recordatur se illam sensisse: vnde idem dixi supra de memoria sensitiua, & ita generale est memorie tam sensitiue, quam intellectiue, non percipere obiectum seorsum & secundum se, sed vt prius cognitum, aut sensatum.

Est tamen contra hæc omnia locus difficilis Aristot. lib. de memoria cap. 1. ubi dicit memoriam per se esse in parte sensitiva, per accidens verò in intellectu, videtur ergo sentire rationem memorie per se loquendo non conuenire intellectui. Henricus quod. 13. q. 7. asserit Aristot. in prædictis verbis loqui de actu memorie, quem dicit esse in intellectu per accidens, idest, per aliud, est enim iste actus coniunctus cum actu memorie sensitivæ, ita ut ad actum memorie sensitivæ subsequatur in intellectu alius actus memorie intellectivæ, & hoc appellat Arist. per accidens.

Sed non placet hæc expositio, nam eadem ratione dici posset intellectiorem conuenire per accidens intellectui, quia etiam in quavis intellectiione intellectus operatur per conuersionem ad phantasmata, ut infra dicam, & cum dependentia ab illa.

Quare dicendum est, mentem Aristot. loco citato tantum esse, quod memoria, ut sic, non sit passio adæquata intellectus, nam etiam continet sensui, unde quia sensitivum quodam modo est prius intellectui ratione vniuersalitatis, idem docet actum memorandi conuenire primo, & per se sensitivo.

Dubitabit deinde aliquis circa actum memorie intellectivæ, an quando quis per illum cognoscit obiectum, ut prius cognitum, illa prior cognitio, quam aliquando habuit, reliquerit in intellectu tā spe-

ciem impressam sui, quam obiecti, ut deinde memoria intellectiva possit recordari illius obiecti, ut prius cogniti.

In qua re plurimum sententia est, actum intellectus relinquere in illo propriam speciem, qua percipitur, licet imperfectam. Tenet Scot. in 4. d. 45. q. 3. §. *Circa istam*, quem eius discipuli communiter sequuntur. Quam sententiam probabilem satis hoc tempore plures sequuntur, adhuc tamen in eius explicatione sunt diuisi: quidam enim tantum concedunt actum intellectus relinquere in illo speciem quamdam modalem, ita ut per illam tantum cognoscatur ille actus, prout modificat obiectum, cuius est actus, ad modum, quo supra dicebam sensationem, tam externam, quam internam relinquere in sensu interno speciem tantum modalem.

Alij verò etiā admittunt, tale actum relinquere speciem realem, qua intellectus posset tale actum, etiā seorsum concipere, & non tantum prout modificat suum obiectum: tamē quod actus in se lectus relinquitur aliquā speciem sui, siue realem; siue modalem, esse probatur: nam actus potentie sensitivæ causat speciem sui in sensu interno, à quo cognosci potest, & ita sensus internus cognoscit per illā sensationem internas, & externas: ergo similiter actus intellectus id debet efficere, respectu potentie intellectivæ, à qua cognosci potest. Patet consequentia, quia non est minoris efficacitatis, actus intellectus, quā actus memorie sensitivæ.

Ve.

Verumtamen quamvis hæc sententia probabili satis ratione innitatur, communior tamen, & probabilior sententia est, omnes res spirituales, quæcumque illæ sint, intelligi per alienas species, neque pro hoc statu, quo anima est coniuncta corpori, habere propriam aliquam speciẽ. Hæc videtur mens S. Thom. vbi cumque de hac re tractat, præsertim 1. part. quæst. 87. & 88. & in primis experientia non parum fauet huic sententiæ, nam sicut substantias spirituales, nempe Angelos, cognoscimus ad modum rei materialis, & inde à posteriori colligimus nos non habere propriam speciem eorum; ita sanè actus intellectus, qui spirituales sunt, intelligimus ad modum alicuius rei materialis aliquando sensatæ: ergo inde optimè licet inferre tales actus cognosci per alienam speciem, atque adeò nullam habent propriam speciem ab illis relictam.

Secundo, quia si huiusmodi actus relinquerent speciẽ propriam intellectu ab illis productam, possemus pro hoc statu cognoscere huiusmodi actus spirituales, prout sunt in se; quod est contra manifestam experientiam. Patet consequentia, quia illud obiectum potest ab intellectu cognosci, ut in se est, cuius habet propriam speciẽ intelligibilem, ut patet de rebus materialibus.

Et si respondeas, actus ipsos solum relinquare speciem sui imperfectam, & ita non posse perfecte

cognosci, ut sunt in se. Contra est, nam in primis gratis videtur dici, huiusmodi actus non habere virtutem ad producendam speciem perfectam sui, si aliquã propriam producant. Tum etiam, quia si actus imperfectus, & remissus habet actiuitatem ad producendam aliquam sui speciem: ergo tam perfectus, ac intensus actus dari posset, qui perfectam speciem sui produceret, & ita per illam perfecte, & ut est in se, posset cognosci.

Tertio, nam etiam concedendum esset, actum voluntatis producere speciem sui in intellectu, dicere enim idè non posse, quia sunt extra intellectum, nullius momenti est, nam etiã sensatio externa mittit speciem sui in sensu interno, quamvis sit extra illum. Præterea concedendum etiam esset, intellectum, imò & animam rationalem, producere propriam speciẽ sui, quia non videtur maior ratio de actibus intellectus, quam de his omnibus, cum ergo de intellectu, & anima rationali unanimes sit omnium sententia, quod intelligant per species alienas, ut etiam Auctores contrariæ sententiæ admittunt, dicendum sanè videtur, etiam actus intellectus intelligi per speciem rei materialis.

Quare ad argumentum contrariæ sententiæ respondetur, esse diuersam rationem, quia enim sensus internus, quodammodo potest percipere sensationem, ut est in se, idè potest illa relinquare spe-

ciem propriam sui, tamen cum experientia constet, actum intellectus non cognosci, ut est in se, inde à posteriori colligimus non habere efficacitatem ad producendam propriam speciem sui. Dicere autem saltem posse producere speciem imperfectam, iam impugnatum est.

Tandem circa id, quod inquirebat quaestio, an scilicet intellectus realiter distinguatur à voluntate, dicendum est breuiter, huiusmodi potentias realiter distingui inter se, habet enim voluntas diuersum obiectum formale ab obiecto intellectus, quia obiectum intellectus est verum, obiectum verò voluntatis est bonum, ut sic. Præterea habent diuersum modum operandi, nam intellectus intelligit obiectum, ut dici solet, attrahendo illud ad se, est enim potentia apprehensiva, voluntas autem tendit in obiectum ferendo se in illud, quia cum sit appetitus quidam rationalis, fertur in obiectum, & ita non indiget specie aliqua ad eliciendum suum actum, quia non attrahit ad se obiectum per speciem, sed potius ipsa fertur in illud.

Addiderim tandem intellectum perfectiorem, ac nobiliorem potentiam esse voluntate, ut docuit optime D. Thom. 1. part. quaest. 82. artic. 3. & 3. contra Gent. caput. 26. contra Scot. in 4. dist. 49. quaest. 4. Ratio verò est, ut alias omittam, quia voluntas est quædam potentia cæca, ut aiunt Theologi, quæ fertur in obiectum illi ab

intellectu propositum cæco quodam impetu, intellectus verò est potentia discursiva, & quæ subtiliter inquirat rerum quidditates & essentias obtrusas, & reconditas, quod manifestè indicat intellectum perfectiorem esse voluntate. Et hæc de hac quaestione.

*Quaest. V. Vtrū in intellectu possibiles sunt
necessariò ponenda species ad percipienda obiecta?*

SUpra lib. 2. c. 2. & 7. duplicem in sensu distinguebam speciem, alteram quidem impressam, alteram verò expressam, & ad eundem modum in intellectu duplex species distingui potest: altera impressa, quæ sit principium determinans intellectum ad producendam talem, vel talem speciem expressam, quæ communiter appellari solet species intelligibilis: altera verò expressa, quæ verbum mentis appellatur, de vtraque dubitamus, an necessariò sit ponenda in intellectu ad intelligendum, & quia Auctores de vtraque non eodem modo loquuntur, idèò de vtraque sigillatim erit quaestio.

Circa species intelligibiles refertur solet sententia Galen. ut refert Grego. Nyssen. lib. de viribus animæ capit. 2. asserentis in vniuersum non dari species impressas, & specialiter de speciebus intelligibilibus. Tenet Durand. in 4. di. 6. quaest. 6. num. 10. ac de incept. Pro qua sententia inprimis est difficilis

Ratio, nam si admittamus huiusmodi species intelligibiles, dicendum est iuxta receptam sententiam illas produci in intellectu possibili efficienter ab intellectu agenti, si nullo cum phantasmate, ut instrumento, de quo infra cap. 5. Ex quo sic argumentor: nam si intellectus agens potest medio phantasmate, quantumvis materiale sit, producere speciem spirituales intelligibilem: ergo etiam facile dici potest intellectum possibilem uti phantasmate materiali ut instrumento, ad producendam verbum mentis, quo cognoscimus, quantumvis tale verbum sit spirituale, quia non videtur maiori ratio unius quam alterius: unde frustra ponitur species intelligibilis, imò & intellectus agens, cum verbum mentis possit ab intellectu possibili medio phantasmate produci.

Secundò obicit Durand, ratione supra libr. 2. cap. 6. adducta: nam si ad aliud esset necessaria species intelligibilis, maxime ut per illam, ut per imaginem, & similitudinem obiecti, illud cognosceremus, ad hoc autem opus esset, quod prius cognosceremus ipsam speciem, ut quod, sicut ut per imaginem cognoscamus Cæsarem, opus est prius cognoscere imaginem ipsam, sed experientia constat nos non semper cognoscere talem speciem, dum cognoscimus obiectum aliquod, sed tantum cognoscimus obiectum ipsum: ergo non sunt necessariae tales species intelligibiles.

Veratamen communisque sententia nobis tenenda est, quod sicut in sensu necessario sunt ponendæ species impressæ ad sentiendum, ita necessarium sit intellectum constitui in actu primo per speciem intelligibilem ad intelligendum, siue dicamus intellectionem formaliter consistere in actione productiva verbi, siue in verbo ipso, quod modo non disputo.

Hæc in primis fuit sententia Platonis, qui posuit in intellectu rerum omnium imagines. Augustinus etiam 2. super Genesim ad literam dicit, *Deum his res produxisse, semel quidem in se ipsis secundum esse reale, iterum verò secundum esse intelligibile in intellectu Angeli*. Et 1. lib. de Trinitate, cap. 2. dicit: *Positionem specierum intelligibilium difficile suadet ita rationibus ingenij: eandemque sententiam docet in hoc cap. Arist.* Dicēs intellectum esse susceptivum formarū, id est, specierum. Est etiam expressa sententia D. Th. ubi cumque de hac re tractat, quæ communis Philosophorum schola sequitur.

Et ratione probatur primò, quia multò maiorem proportionem habet obiectum sensibile cum sensu, quam obiectum intelligibile cum intellectu, est enim obiectum sensus quid materiale, sicut & ipse sensus: obiectum autem intellectus, qui spiritualis est, sæpe est aliquid materiale: ergo multò magis indiget intellectus specie illi proportionata ad intelligendum, quam sensus ad sentiendum.

Secundò id probatur ex indifferentia, quam habeat intellectus ex se ad cognoscendum hoc, vel illud obiectum, non secus quàm sensus: ergo debet poni aliquod principium intrinsecum illi, à quo determinetur ad eliciendam cognitionem potius circa hoc obiectum, quàm illud, nò minus quàm in sensu, quod principium est species intelligibilis.

Et si obijcias etiam intellectum agentem esse indifferentem ad producendam hanc, vel illam speciem intelligibilem, & tamen non determinatur ad talem actionem per aliquod principium illi inherens, sed per phantasiam, quod est in sensu interno: ergo simile quid posset intelligi de intellectu possibili. Ad hoc patebit solutio ex dicendis in solutione ad primum argumentum Durandi.

Ultimò probatur conclusio, quia intellectus percipit multa impossibilia, & entia rationis, quæ cù sensata non sint, non potest iuari à phantasmate illorum, habet ergo ad intellectionem illorum habere, speciem intelligibilem, à qua determinetur ad eorum cognitionem.

Vnde ad primum argumentum supra adductum pro sententia Durandi responderetur esse diuersam rationem de intellectu agèti, & de possibili: nam intellectus agens nò est potentia cognoscitiua, est enim munus illius producere speciem intelligibilem: intellectio autem non consistit in hac actione, sed in

productione verbi, aut fortasse in ipso verbo, actio autem non cognoscitiua non requirit, quòd principia coadiuuantia ad illam sint inherenta in potentia, à qua fit, quæ ratione potentia generatiua, quæ, vt supra, est qualitas diuersa à calore, vtitur calore ipso, vt instrumento ad suam actionem efficiendam, cùm tamen calor non sit inherens in potentia generatiua præsupponeretur ad calorem tamquam subiectum illius, quod tamen est falsum: nam cùm talis potentia sit qualitas quædam secunda, præsupponit primas qualitates, qualis est calor, tamen productio verbi mentis est actio cognoscitiua facta à potètia cognoscitiua, scilicet ab intellectu possibili, potentia autem cognoscitiua hoc habet peculiare, quòd requirat principia coadiuuantia, illi inherenta; quod colligimus à similitudine de potentijs cognoscitiuis sensitiuis: illæ enim non coadiuuantur ad producendam speciem expressam, quia cognoscunt, nisi ab specie impressa illis inherenti: negare autem species impressas sensibiles, est contra manifestas experientias adductas supra libro secundo, capite quinto.

Ad secundam rationem respondetur, quòd, vt dicebam loco citato species intelligibilis, aut quæuis alia species impressa, non ponitur, vt sit formalis imago, & similitudo obiecti, sed tantum est imago virtualis, vt ibi dixi, vnde potius ponitur quasi quoddam semè obiecti, determi-

nam

hans potentiam, quam informat, ad formandum conceptum & notitiam de obiecto, imò quamvis esset imago, & similitudo formalis obiecti, non opus esset, quòd prius cognosceretur, ut quod, qua ratione quando cognoscimus obiectum aliquod, non cognoscimus prius, ut quod verbum mentis, medio quo cognoscimus, sed satis est tale verbum cognosci ut quo; unde diuersa est ratio de imagine Caesaris respectu visus, nam illa est suis coloribus ornata, & composita, color autem obiectus visui necessariò videtur, tamen quamvis species intelligibilis, aut verbum sint obiecta intelligibilia, non est tamen necessarium, ut eo ipso, quòd eorum obiectum cognoscitur, etiam ipsa cognoscantur ut quod, sed ad cognitionem illorum opus est nouo actu; nam obiectum & species illius sunt res diuersæ, & ita postulant diuersos actus, quibus cognoscantur, actus enim distinguuntur per obiecta: unde quando Arist. lib. de memoria, & reminiscencia cap. 2. dicit eundem esse motum in imaginem, & rem imaginatam, non est intelligendum, quòd eodem actu utrumque cognoscatur, ut quod, sed alterum ut quo, alterum verò, ut quod. Et hactenus de specie impressa.

Circa speciem expressam, seu verbum mentis, an sit necessariò ponendum ad intellectionem, facilis est solutio, si supponamus rationem formalem intellectionis non esse actionem aliquam predicamenta-

lem, sed qualitatem, scilicet verbum ipsum: nam si verbum est ipsa actualis intellectio, necessarium erit verbum ad intellectionem tanquam ratio formalis intellectionis.

Maiores habet difficultatem, si sequamur plurium Thomistarum sententiam asserentium, rationem formalem intellectionis non consistere in verbo, sed in actione: in quo falsa est in primis sententia Canariensis de Trinit. q. 27. art. 1. q. 2. asserentis idem verbum mentis esse necessariò ponendum ad omnem intellectionem, ut sit imago, ut quod, cognita, & per ipsam cognoscamus obiectum in illa representatum: ostendimus enim verbum non cognosci eodem actu, quo producitur; loquimur in humanis: nam de Deo alia est ratio, ut latius Theologi. Cum enim illius cognitio ob infinitam perfectionem, quam habet, non debeat limitari ad determinata obiecta, necessariò est comprehensua omnium obiectorum intelligibilium.

Quare Caiet. 1. p. q. 27. art. 1. asserit solum in cognitione abstractiua esse ponendum verbum mentis, non autem in cognitione intuitiua, qua cognoscitur res per seipsam præsens intelligenti, ut quando Angelus cognoscit seipsum, aut Beati intuentur Deum realiter illis intimè præsentem. Et idem asserunt eodem loco Zumel, & Banez, denique alij, & Ferrar. asserunt verbum solum esse ponendum in cognitione distincta, non autem in confusa.

R. v

Dicen-

Dicendum tamen est, in omni prorsus intellectione creata ponendum esse necessarium verbum mentis, ut sit terminus productus per illam actionem, & imprimis Thomistæ contrarium asserentes nescio an bene possint explicare D. Tho. qui 1. part. q. 27. art. 1. in corpore dicit, omne, quod intelligit, eo ipso quod intelligit, producit aliquid ad infra; illud autem, quod per intellectiōem producit, appellatur ab omnibus verbum mentis: ergo D. Thom. expressè fateatur in omni intellectiōe esse ponendum verbum mentis. Dixi autem in omni intellectiōe creata, nam non levis est difficultas apud Theologos, qualiter in diuinis Filius & Spiritus sanctus, dum intelligant, non producant verbum: cuius solutio non est nostri muneris; dicemus tamen non nihil de hac re libr. 1. de interpretatione, disputatione de verbo mentis, quaest. 4.

Ratione ergo probatur per omnem intellectiōem creatam, siue intuitiuam, siue abstractiuam, siue distinctam, siue confusam debere produci verbum: quia de ratione actionis est habere terminum per illam productum, agere enim est aliquid efficere, seu producere, cum ergo in intellectiōe intercedat actio vitalis intellectus, siue in illa actione consistat formaliter ratio intellectiōis, siue non, necessarium est per illam aliquid produci, terminus autem per illam

productus est verbum: nam quid aliud esse potest: ergo in omni intellectiōe necessarium est ponendum verbum mentis, ut terminet intrinsecè talem actionem, tanquā aliquid productum per illam, obiectū enim solum est terminus extrinsecus specificans actionē illam.

Sed specialiter contra Caiet. & alios potest secundò fieri argumentum: nam si in cognitione intuitiua non produceretur verbum, ex eo quod obiectum est per se ipsum intimè præsens, sequeretur quod Pater æternus, dum se ipsum sibi intimè præsentem comprehendit, non deberet producere, atque adeo non esset necessarium ponere verbum in diuinis, quod est contra fidem, ponitur ergo verbum adhuc in cognitione rei præsentis, ut repræsentet intellectui rem illam præsentem, & ita possit cognosci.

Quaest. VI. Quid sint huiusmodi species.

EX dictis suprâ cap. 3. de speciebus sensibilibus nonnulla hic accommodari possunt: est enim similis ratio de specie impressa, & expressa intellectus; ac de specie expressa, & impressa sensus, ea seruata differentia, quod species sensus materiales sunt, species vero intellectus spirituales, sicut potentia ipsa, in qua recipiuntur: vnde ex dictis loco citato colligitur huiusmodi species essentialiter differre

ferre ab obiectis, quæ repræsentant, huiusmodi enim species sunt spirituales, obiecta verò, quæ propriè repræsentant, materialia sunt, res enim spirituales non cognoscuntur per speciem propriam, sed per speciem rei materialis; ergo huiusmodi species necessario debent differre ab obiectis, quæ repræsentant: tum etiam quia et si albedo, & nigredo sint qualitates contrariæ, species tamen illarum non sunt contrariæ, possunt enim, ex omnium sententia dari in eodè intellectu simul species intelligibiles illarum.

Colligitur secundò, quòd sicut species expressa sensus pendet in fieri, & in conservari ab actuali sensatione, ita verbum mentis pendet in fieri, & conservari, ab actuali intellectione, & ita illa cessante perit verbum, quòd est conceptus formatus per intellectionem, talis enim est natura harum specierum, & sicut species impressæ sensuum interiorum conservantur etiam transacta sensatione, ita species intelligibiles etiam conservantur transacta intellectione: de causa verò productiva illarum dicam. cap. 5. sequenti.

Tertiò ex dictis colligitur speciem intelligibilem non esse formalem similitudinem, & imaginem obiecti, id enim dumtaxat convenit speciei expressæ: nam si species intelligibilis esset formalis similitudo obiecti, posset sane intellectus per illam, absque alia

specie intelligere, siquidem illi repræsentat obiectum: unde actio productiva talis speciei esset intellectio, neque esset opus verbo mentis, solùm ergo deseruiunt species impressæ, ut sint veluti semen derivatum ab obiecto, quò potentia cognoscitiva parit cognitionem obiecti formando conceptum rei intellectæ.

Maiores habet difficultatem, an huiusmodi species sint imperfectioris obiecti, quæ repræsentant, quòd satis mihi dubium est, ut dixi supra lib. 2. cap. 5. quæst. 2. In quare Auctores, qui asserunt substantiam percipi ab intellectu per propriam eius speciem, non verò per speciem accidentis, necessario tenentur consequenter fateri speciem repræsentantem substantiam esse imperfectiorem suo obiecto, quam tales species sint accidentia quædam, substantia autem ex suo genere est absolute perfectior quovis accidenti.

Est tamen prædicta sententia minus probabilis, ut infra constabit, & ita cum solum detur propria species accidentis, ita ut tam obiectum, quam species illud repræsentans, sint accidentia; res est satis dubia, quòd nam illorum sit imperfectius, & quamvis de speciebus sensibilibus res sit magis dubia, ut loco citato dixi; tamen de speciebus intellectus absolute videtur dicendum, esse essentialiter perfectiores suis obiectis: nam species intelligibilis est accidens spirituale,

tuale, quod perfectius est quouis accidenti materiali, quod repræsentat. Tum etiam, quia huiusmodi species, si sunt impressæ, sunt principia actionis vitalis perfectissimæ, qualis est intellectio, quod non habent accidentia materialia, si verò sunt expressæ, sunt terminus productus per perfectissimam actionem vitalem, constituuntque potentiam in actu secundo illius, & ita sunt perfectiores suis obiectis.

Esti obijcias, nam species impressæ sensibiles sunt imperfectiores suis obiectis, saltem illæ quæ deferuiunt sensibus externis, vt loco citato vidimus: ergo idem erit de speciebus impressis intelligibilibus.

Respondetur esse diuersam rationem, nam illæ non sunt spirituales, sicut species intelligibiles: tum etiam immediatè pendent ab obiecto, tamquam à causa æquiuoca principali, vt ibi diximus, hæc autem causa necessariò est perfectior effectu, species verò intelligibiles non pendent immediatè ab obiecto, sed ab intellectu agenti, qui effectiue medio phantasmate illas producit, vt infra.

Potest etiam hoc loco dubitari, vtum huiusmodi species immediatè recipiantur in potentia intellectiua, posset enim quis fingere illas recipi immediatè in essentia animæ, vt de habitu gratiæ asserit communior Theologorum opinio. Regrepta tamen sententia est, huiusmodi

species immediatè subiectari in intellectu possibili, & de specie expressa patet, nam actio, & terminus in eodem subiecto recipiuntur, intellectio autem productiua speciei expressæ subiectatur in intellectu, alias non esset actio immanens, neque intellectus posset formaliter per illam dici intelligens: ergo species expressa producta per actum intelligendi subiectatur in intellectu. De specie verò intelligibili idem probari potest à simili de potentijs cognoscitiuis sensitiuis, illæ enim requirunt ad eliciendū actum cognitionis speciem impressam sibi inhzrentem, qua formaliter constituentur in actu primo, cur ergo id denegandum est intellectui?

Vltimò hoc loco posset esse questio de nomine, an omnis species expressa producta per actū intelligendi sit appellanda verbum mentis. Quidam enim negant propter terminum productum per primam operationem intellectus, scilicet per apprehensionem: nam cum intellectus per illam actionem nihil sibi dicat, neque enim aliquid affirmat, aut negat, videtur terminum per illam productum non debere dici verbum: nam verbum est aliquid productum per dictionem, seu locutionem. Crediderim tamen probabilius esse, adhuc terminum simplicis apprehensionis esse appellandum verbum quod à simili patet de locutione vocali: si enim quis hanc solam vocem, *Home* pro-

proferat, quodammodo dicitur vocaliter loqui, saltem simplici locutione, & talis vox prolata verbum appellatur, ita interior conceptus hominis quodammodo verbum mentis dici poterit, & eius productio simplex quædam, & minus perfecta locutio, sed cum de re contlet, talem terminum esse formalem quamdam imaginem representatiuam rei intellectæ, in vocibus ne multum moremur.

Quest. VII. Quomodo intellectus cognoscat singulare materiale.

HActenus de intellectu possibili, & eius speciebus diximus, modo verò de eius obiecto, & modo, quo illud cognoscit, agendum restat: illud in primis, vt certum suppono, obiectum intellectus esse illud omne quod rationem entis participat, siue reale sit, siue rationalis, est enim intelligibile, passio entis. In hac autem questione in qua agimus de modo, quo intellectus cognoscit singulare, non loquimur de rebus spiritualibus; nam de modo, quo res istæ cognoscuntur, postea erit sermo: tantum ergo loquimur de singulari materiali. Et in primis intellectum nostrum cognoscere singulare, res est adeò experientia comprobata, vt illam negare sit apertus error in Philosophia: in quo turpiter errarunt Philosophi Alexander, & Themistius hoc loco: constat enim expe-

rientia intellectum cognoscere singulare absentia aliquando per sensum sensata: dicere enim hoc tantum fieri per sensum internum, ridiculum est, nam cum intellectus in genere potentia cognoscitur; longè sit perfectior; & vniuersalior potentia, quàm sensus: sicut sensus potest cognoscere singulare, ita etiam intellectus. Præterea, quia intellectus placet distinguere inter singulare, & vniuersale, vt autem inter hæc extrema distinguat intellectus, necessarium est illa cognoscere: quando autem Aristoteles in hoc capite eam assignat differentiam inter sensum, & intellectum, quod sensus sit singularium, intellectus verò vniuersalium, non intendit intellectum tantum cognoscere vniuersalia, sed sensus debet tantum versari circa singulabilia, intellectus verò etiam circa vniuersalia, in quo à sensu distinguitur: superest ergo questio de modo, quo intellectus cognoscit huiusmodi singulare.

In qua re, prima, celeberrimæ Thomistarum sententia est, singulare cognosci indirectè ab intellectu, non verò tamquam obiectum directum: sic enim docuit S. Thomas pluribus in locis, præsertim 1. part. q. 14. art. 11. in solutione ad primum, vbi dicit, speciem intelligibilem non esse propriam similitudinem principiorum individualium: vnde sentit speciem intelligibilem directè tantum representare vniuersale, & cla-

& clariùs id docuit quæst. 86. art. 1. in corpore, ubi dicit singulare nec directè, non primò cognosci posse ab intellectu nostro, sed per quamdam reflexionem, quæ autem sit ista reflexio, varijs modis explicatur ab eius discipulis, ita vt valde inter se dissentiant.

Caiet. super art. 1. citatum ex q. 86. sentit singulare cognosci ab intellectu arguitur, ita quod intellectus postquam cognouit naturam vniuersalem, cum deinde aduertat, talem naturam non posse dari separatam à parte rei, sed in singularibus subsistentem, inde format quasi per discursum conceptum rei singularis. Sotus verò in Physic. q. 2. dicit singulare cognosci per determinationem phantasmatum, supponunt namque Thomistæ in sua sententia speciem intelligibilem tantum representare directè naturam vniuersalem, & phantasmatum, cum sit imago sensus, qui circa singularem versatur, representet singulare, dicunt, nescio qua ratione, intellectum determinari à phantasmate ad cognitionem singularis, postquam cognouit vniuersale. Probant autem suam sententiam Thomistæ 1. ex Arist. hoc cap. ubi dicit intellectum in cognitione singulari se habere veluti lineam reflexam: sentit ergo cognosci reflexè.

Secundò arguit D. Thom. loco ultimo citato, quia intellectus non solum cognoscit per speciem intelligibilem spiritualement, atque adeò abstractam à materia, cum ergo sin-

gulariam materiam concernant, quæ vel sola, vt Thomistæ putant, vel saltem simul cum forma est principium indiuiduationis, sequitur intellectum non cognoscere primò, & directè naturam singularem, sed potius vniuersalem, quæ abstrahit à materia, & conditionibus materialibus: vnde & dici solet intellectum abstrahere ab hinc, & nunc.

Tamen quamuis hæc D. Tho. sententia propter eius auctoritatem probabilis sit, longè tamen probabilius iudico, vt dixi 1. libr. Physic. singulare cognosci directè ab intellectu. Quam sententiam tenet Scotus in 4. dist. 45. quæst. 3. Durand. in 2. d. 3. q. 1. Tol. luc. q. 2. qui re maturius perspecta mutauit sententiam, quam olim tenuit 1. Physic. q. 5.

Pro cuius intelligentiâ aduertendum est, duobus modis intelligi posse rem aliquam cognosci ab intellectu propriè. Primò, ita vt habeat conceptum proprium illius, id est, non competentem alteri: & in hoc sensu non negat D. Thom. neque eius discipuli singulare cognosci propriè, & directè ab intellectu, concipit enim intellectus singulare tamquam aliquid vltimate iam contractum, quod non conuenit naturæ vniuersali, qua ratione si loquamur de hac lata significatione conceptus proprius, etiam potest dici nos formare conceptum proprium rerum spiritualement: nam de Angelis concipimus illos esse incorporeos, & omni materia priua-

tos,

tos, qui conceptus non competit rebus materialibus, & ita in hoc sensu dici potest proprius Angelorum.

Alio ergo modo dicitur res aliqua cognosci ab intellectu conceptu proprio; videlicet, quando res cognoscitur per speciem propriam, & directè repræsentantem illam, qua ratione dici non potest Angelos cognosci à nobis conceptu proprio, quia cognoscuntur per alienas species, è contra verò res materiales, quarum habet intellectus proprias species, dicuntur propriè, & directè cognosci ab illo.

Dicendum ergo in hac quaestione est, intellectum cognoscere singulare materiale directè, & per propriam speciem. Quæ sententia probari potest primò, quia intellectus agens non producit speciem se solo, sed adiutum à phantasmatè, ut ab instrumento, ut infra ostendam cap. 5. ex communi omnium sententia: sed phantasma cum sit imago sensus interni, qui circa singularem versatur, repræsentat naturam singularem accidentis sensibilem: ergo potius determinat intellectum agentem ad producendam speciem intelligibilem singularem, quàm vniuersalis abstracti à conditionibus individualibus, & ita phantasma longè magis accommodatum instrumentum est ad producendam speciem singularem, quàm vniuersalem.

Secundò, quia in intellectu non

minus quàm in sensu species expressa euadit similis speciei impressæ: fit enim ab illa tamquàm ab instrumento determinante intellectum, ad producendam talem, vel talem speciem expressam, & ita sicut de Angelis non habemus propriam speciem impressam, ita nequè formamus de illo proprium conceptum, sed tle singulari materiali format intellectus proprium conceptum expressum, ut ferè omnes Thomistæ admittunt, vno dempto Caie. vbi supra, quod præter quàm, quod experientia ipsa manifestè comprobatur (experietur enim quis, si velit supra se reflecti, potius se intelligere vniuersale ad modum alicuius rei singularis, quàm, aliquando vidit, quàm è contra) etiam ratio ipsa id suadet, cum enim cognitio nostra pro hoc statu fiat medijs sensibus, & dependenter ab illis, nihil magis potest propriè cognosci ab intellectu, quàm id quod sensu aliquo sensatum est: sed singulare est proprium obiectum sensus: ergo etiam intellectus format, de illo proprium conceptum, atque adeo etiam habet propriam speciem impressam, qua illud directè possit cognosci.

Tertiò, quia vel intellectus, non habet propriam speciem singularem materialis, quia singulare est, aut quia materiale est, vel propter utrumque simul: non quia singulare est, nam intellectus vniuersalis Angelus habet speciem propriam in

opinio-

opinionem omnium alterius Angeli singularis, cum illum proprie & directe cognoscat: ergo iam singulare, quantum de se, est capax, ut sit de illo species propria, ex parte verò intellectus nulla repugnantia assignari potest. Primo, quia si intellectus Angeli non est incapax ad hoc: ergo neque noster. Dicere enim, capacitatem illam intellectus Angelici provenire ex maiori perfectione, quam habet, quam noster intellectus, non est sufficiens ratio. Ex hoc enim quod intellectus Angelicus sit perfectior nostro, solum colligitur, vel habere perfectiores species, ut quod perfectiori modo cognoscat objecta, non verò quod solus ille sit capax recipiendi speciem propriam singularem.

Secundo, quia species singularis, quam hic ponimus in intellectu, non est materialis, sed potius spiritualis, quare ergo intellectus noster non erit ex se capax ad recipiendam illam?

Neque etiam obstat materialitas singularis materialis: nam etiam uniuersale materiale est, sicut enim hic homo componitur ex hac materia, ita homo in communi componitur ex materia in communi: ergo si auferas singularitatem, quantum est ex parte materie, tam materiale est uniuersale, quam singulare, id enim quod dici solet, uniuersale esse magis abstractum à conditionibus materialibus, sensus est, id est, à conditionibus indiui-

dualibus, nam illis exceptis, etiam uniuersalia sunt corporea, sicut singularia. Præterea cum talis materialitas cognoscatur per speciem spirituales, quid impedit rem materiale cognosci ab intellectu, dummodo id sit per speciem spirituales?

Quod verò neque impediat materialitas, & singularitas, simul probatur à simili de Angelo, ille enim habet species proprias singularium materialium: ergo iam ex parte materialitatis, & singularitatis, non repugnat dari speciem illius; neque alias potest sufficienter assignari repugnantia ex parte intellectus: ergo dicendum est, intellectum habere propriam speciem singularis materialis, per quam possit illud directe, & proprie cognoscere.

Tandem, res hæc magis constabit ex impugnatione singulorum modorum, quibus Thomistæ paulò antea citati asseriebant cognosci singulare indirecte, & reflexe. Et in primis non placet primus modus Caiet. asserentis, cognosci arguitiue; nam, potius uniuersale colligitur ex singularibus, quam è contra; nam, ut dicebam 1. libr. Physicæ, ex eo quod intellectus cognoscit plura indiuidua, habere conuenientiam aliquam, colligit inde esse naturam aliquam uniuersalem illis communem; potius ergo uniuersale colligitur ex singularibus, quam è contra.

Secundo, quia singulare non semper

per cognoscitur per discursum: nam ante discursum de re singulari necessario debet præcedere apprehensio terminorum singularium: ergo non semper singulare cognoscitur arguitur, si propriè de discursu loquamur.

Neque etiam placet modus dicendi Scoti asserentis singulare cognosci per determinationem phantasmatis: nam hæc sententia adhuc duobus modis explicari solet. Primò quidem, ita quòd intellectus informatus specie intelligibili vniuersalis assumat ut instrumentum phantasma ad producendum verbum rei singularis. Et hoc dici non potest, quia intellectus possibilis, qui intelligit, non utitur phantasmate, hoc enim est munus intellectus agentis. Tum etiam, quia potentia cognoscitiua, ut dicebam quæstione quinta, huius capitis requirit principia illi in hærentia, per quæ intelligat, & hac de causa dicebam solum phantasma non sufficere, ut sit instrumentum ad producendum verbum mentis: ergo non potest intellectus possibilis uti phantasmate ad cognitionem singularis.

Quare alij hoc tempore dicunt producta iam specie intelligibili rei vniuersalis, phantasma ut instrumentum intellectus agentis producere modum quemdam in specie intelligibili, quo species intelligibilis determinatur, & modificatur ad representandum singulare. Con-

tra quam sententiam argumetur sic: nam saltem iam concedit hæc sententia dari propriam speciem intelligibilem, saltem modalem directè representantem singulare. Et probatur, nam ille modus, quem isti fingunt superadditum in specie intelligibili, est proprius singularis, & ad nihil aliud ordinatur. ergo iam concedunt speciem modalem, qua singulare directè representatur.

Vnde argumentor, nam si phantasma est instrumentum accommodatum ad producendam speciem modalem singularis, quare ergo non dicemus produci quamdam speciem realem, per quam directè representetur singulare, cum opus sit tali specie modalis præsertim cum singulare non sit modus superadditus, & ex natura rei diuersus à natura vniuersali, ut supra dicebam de sensibili communi respectu proprii: nam cum sensibile commune sit modus superadditus sensibili proprio, correspondet illi species modaliter diuersa ab specie sensibili proprio.

Tandem contra hæc omnia facit, quòd nullum obiectum indirectè cognitum potest esse primò cognitum à nostro intellectu, ut pluribus rationibus ostendi primo libro Physicorum, & quæstione sequenti non nihil dicam: ergo singulare nullo modo potest cognosci indirectè ex cognitione vniuersalis, quouis modo hoc fingatur.

Ad argumenta contrariæ sententiæ respondetur. Ad primum, similitudinem illam Aristot. hoc modo intelligendam esse, vt Thomistius, & Philopponus exponunt, quod quemadmodum linea reflexa habet diuersum modum ab illo, quem habet linea recta, ita intellectus diuerso modo se habet, quando intelligit vniuersale, & quando cognoscit singulare, sunt namque isti diuersi actus, & ita ratione illius diuersi actus diuersimodè se habet, non tamen intendit Arist. singulare reflexè cognosci ab intellectu.

Ad secundum, quod quamuis singulare materiale concernat materiam, tamen non probatur hoc singulare non posse directè cognosci per speciem spiritualem abstractam à materialitate; vnde munus intellectus agentis non est abstrahere speciem intelligibilem à conditionibus singularibus, vt sine fundamento fingunt Thomistæ: sed abstrahere illam à materialitate: nā intellectus agens ex phantasmatē materiali, veluti deducit aliam speciem spiritualem, directè tamen representatiuam rei singularis. Id etiam quod dici solet, intellectum abstrahere ab hic & nunc, tantum denotat intellectum eam habere perfectionem, vt possit considerare obiectum aliquod præcisè secundum suam essentiam singularem, aut vniuersalem, non consideratis circumstantijs loci, & tēporis; quod secus est de sensu, hic enim nō percipit obiectum, nisi prout in tali

præsentia, & in tali loco existens, & ita concernit necessario hic, & nunc, intellectus verò minimè.

Ex dictis colligitur non repugnare, simul esse in eodem intellectu plures species intelligibiles numero tantum diuersas, non secus quam de speciebus sensibilibus dicebam 2. lib. capit. 12. cum enim istæ species ordinentur ad diuersa obiecta numero representanda, non habet similem omnino modum informandi: vnde intellectus habens speciem intelligibilem huius obiecti adhuc est in potentia ad habendam aliam speciem intelligibilem huius obiecti numero diuersi.

Questio VIII. Quomodo intellectus cognoscit vniuersale?

PRædicatum aliquod vniuersale, verbi gratia, color duobus modis potest ab intellectu cognosci, vno modo prout inclusum in suis singularibus, vt in hac albedine, qua ratione potius est singulare, quam vniuersale; & hoc modo certum est, prædicata vniuersalia alicuius indiuidui cognosci per speciem talis indiuidui. Ratio est, quia species representans hanc albedinem, representat essentiam illius; & cum de illius essentia sint hæc prædicata vniuersalia, scilicet color, & qualitas, talia prædicata ibi contenta representantur per speciem singula-

gularis, in quo sunt intimè inclusa.

Alio ergo modo potest cognosci vniuersale, prout scilicet est denu- datum à conditionibus individuali- bus, & ab illis abstractum conside- ratur; vbi non loquor de secunda intentione vniuersalis: sed de na- tura ipsa, tamen abstracta, & hoc modo quarimus, per quam spe- ciem cognoscatur ab intellectu.

In qua re primus dicendi mo- dus esse potest, vniuersale non cognosci per speciem intelligibi- lem singularem, sed per aliam di- uersam. Nec desunt leues ratio- nes ad hanc sententiam proban- dam. Primò, quia species expres- sa, quæ est conceptus formatus per actum intelligendi, euadit si- milis speciei impressæ, à qua cau- satur, vt sæpè diximus: sed spe- cies expressa singularis solum re- præsentat prædicata vniuersalia, prout contracta in singularibus: ergo quæuis notitia, quæ me- diante tali specie impressa habeat- tur, non erit de re vniuersali, prout abstracta à suis singularibus, atque adeò vniuersale, vt vniuer- sale est, non potest cognosci per hanc speciem.

Secundò, quia abstractum, & contractum, sunt conditiones con- trariæ, & sibi inuicem repugnan- tes: ergo impossibile est, speciem repræsentantem naturam, vt con- tractam, qualis est species rei singu- laris, repræsentare illam, vt abstra- ctam à suis singularibus: ergo vni-

uersale per aliam speciem cognos- citur.

Dicendum tamen est, vniuersa- le cognosci per speciem rei singu- laris, in qua est talis ratio vniuersa- lis inclusa. Ratio est duplex. Pri- ma, quia species intelligibilis re- præsentans hanc albedinem, repræ- sentat ea omnia, quæ sunt de illius essentia; sed prædicata superiora sunt de essentia inferiorum, quali- ter de essentia Petri est quòd sit ho- mo, animal, corpus, &c. ergo hæc omnia prædicata repræsentantur per speciem intelligibilem Petri: ergo cognoscuntur per talem spe- ciem.

Et si respondeas negando con- sequentiam, quia talia prædicata so- lum repræsentantur per talem spe- ciem, vt inclusa in singulari, de cu- ius essentia sunt, non verò repræ- sentantur vt abstracta, & ita per il- lam speciem non possunt cognos- ci, vt abstracta. Contrà est, quòd si ratio superior relucet in specie, licet contracta: ergo iam talis spe- cies repræsentat rationem illam su- periolem, & etiam contractionem: potest ergo intellectus vt illa specie secundum omnem lati- tudinem: ad quam se extendit, vi- delicet ad cognoscendam ratio- nem superiolem absolutè, & etiam prout contractam: potest ergo per illam speciem cognoscere prædi- cata superiora absolutè absque con- tractione, qua ratione vniuersalia sunt.

Sed instabis. Nam eadem ratio-

ne posset quis facillè dicere, per phantasma representans rem singularem posse intellectum agentem producere speciem rei vniuersalis, quia in tali re singulari representata per phantasma sunt prædicata vniuersalia inuoluta, vnde quodammodo representantur per phantasma: & ita poterit intellectus vti phantasmate secundum omnem suam latitudinem, ad quam se extendit, atque adeò poterit producere speciem vniuersalis abstracti: quod est contra superius dicta.

Respondetur negando consequentiam: nam intellectus possibilis habet vim ad præscindendam vnam rationem ab alia: vnde potest vti specie intelligibili secundum vnam rationem, præscindendo illam ab alia, quia verò totum munus intellectus agentis tantum est producere speciem intelligibilem, quia obiectum intelligi possit: ideò, quia potest per vnicam speciem cognosci tam ratio superior, quàm inferior, ideò non producit species diuersas harum rationum.

Secundò probatur conclusio: nam si ratio hominis, quæ est in Petro, vt est prædicatum vniuersale, postulat distinctam speciem intelligibilem ab ea, quæ representatur Petrus: ergo etiam ratio animalis peteret aliam speciem nouam diuersam ab specie hominis, & sic de singulis prædicatis superioribus. Consequentiam probò; nam sicut prædicatum, homo, dicit rationem

abstractam ab indiuiduis hominis; ita animal à pluribus speciebus, & sic de alijs prædicatis, ex quibus superiora abstrahuntur ab inferioribus: ergo singulis illorum corresponderent diuersæ species intelligibiles, quod nullus dixit, & est plane superfluum, cum omnia illa prædicata inclusa in Petro sufficienter representari possint per speciem representantem Petrum.

Sed dubitabis, an sufficiat vnica species singularis ad cognoscendum vniuersale vt abstractum, an verò requirantur plures plurium singularium. Ratio dubitandi est: nam intellectus ex eo habet fundamentum ad abstrahendam naturam vniuersalem pluribus communem, quia videt plura singularia habere inter se conuenientiam: vnde illud, in quo conueniunt, percipit vt omnibus commune: ergo necessarium est, concurrere plures species plurium singularium ad cognoscendum vniuersale, vt abstractum.

Respondetur tamen in primis, certum esse sufficere vnicam dumtaxat speciem intelligibilem ad cognoscendam rationem superiorem, tamen prout inclusam in singulari, qua ratione per speciem Petri cognoscimus esse hunc hominem, hoc animal, &c. Si tamen loquamur de ratione superiori, prout abstracta, distinguendum est: nam cognitio aliqua potest ex duplici principio oriri, scilicet, vel tãquàm ex principio, ex quo colligitur

qua.

quaratione præmissæ sunt principium cognitionis conclusionis, nõ quidem principium quo efficiens, hoc enim est species intelligibilis simul cum intellectu: sed principium ex quo talis cognitio colligitur. Aliud verò est principium quo, quod est causa efficiens talis cognitionis, qualis est species intelligibilis.

Dico ergo, ad cognitionem vniuersalis requiri plures species plurium singularium, tamquam principium ex quo: nam intellectus nisi videret conuentientiam plurium singularium, habet se velut cognitio præmissarum, ex qua alia inferitur: tamen si loquamur de principio efficiendi quo, sufficit vnica species vnus singularis ad cognoscendum tale vniuersale, quia tota natura talis vniuersalis sufficienter representatur per vnicam speciem: vnde per quamlibet speciem singularium potest cognosci vniuersale. Et per hæc patet ad rationem dubitandi.

Ex dictis patet, quàm sit verum id, quod latè ostēdimus i. lib. Physic. d. i. nempe vniuersale non posse esse primum cognitum à nostro intellectu: sed potius singulare, ex eo enim intellectus habet fundamentum ad percipiendam naturam aliquam communem pluribus, quia cognoscit plura indiuidua eiusdem speciei habere inter se conuentientiam aliquam: prius ergo debet cognoscere singularia illa, quàm naturam communem ab illis abstractat.

Secundò, nam cum intellectus noster pro hoc statu operetur dependenter à phantasia, quæ cum sensus sit, versatur circa singulare, id, quod primum cognoscit, illi quo prius obijcitur, est singulare. Sed ne rem hanc obiter attingens obtenebrare potius videar, quàm declarare, legantur dicta loco allegato, vbi res hæc suse satistra data est. satis sit hoc loco ea fundamenta iacuisse, quæ ad illius quæstionis intelligentiam promissi hoc loco tractanda.

Ex dictis etiam colligo, tam vniuersale, quàm singulare directè cognosci ab intellectu, vtrumque enim cognoscitur per speciem directè, & propriè illud representantem: vnde vtrumque est obiectum directè cognitum, licet vnum cognoscatur prius alio.

Tandem ex dictis facile est soluere rationes suprà adductas. Ad primam responderetur, verum esse speciem intelligibilem representare prædicta vniuersalia contracta in singularibus, quia tamen vtrumque representat prædicatum, & eius contractionem in singulari, idè potest optimè intellectus vti illa specie ad cognoscendum prædicatum vniuersale præscindendo illud à contractione in singulari.

Ad secundam, probare optimè, speciem intelligibilem non representare naturam vt abstractā, quod nos fatemur, tamen vt cognoscatur per illam naturam, vt abstracta, satis est, quod in illa representetur natura illa absolute, vt intellectus

fermet, deinde conceptum de illa præcise sumpta sine suis singularibus.

Quest. IX. Quomodo intellectus cognoscatur substantiam, & accidens?

Conueniunt omnes, ut credo, intellectum cognoscere accidens per propriam speciem intelligibilem, qua directè representatur: nam cum phantasma, medio quo intellectus agens producit speciem intelligibilem, sit species accidentis (sensus enim interior, cuius est phantasma, tantum versatur circa accidentia, substantia autem est sensibilis per accidens) ideo tale phantasma est instrumentum accommodatum, ut intellectus agens producat speciem propriam accidentis: & hinc patet accidens non cognosci per speciem substantiæ, sed per propriam suam speciem.

Solum ergo est difficultas de substantia, an cognoscatur per propriam speciem, vel potius per speciem accidentis. In qua re prima sententia est assensuum dari in intellectu propriam speciem substantiæ, diuersam ab specie accidentis, per quam cognosci possit. Tenet Sonci. 7. lib. Met. q. 14. lauell. q. 3. & in scholis nostris est res ferè omnium calculis recepta. Quæ videtur probari primò, quia substantia est prior cognitione accidentis; nam cum accidentia dicant essentialem ordinem ad substantiam, quod est substantia, de-

pendet quidditatiua cognitio illorum ex cognitione substantiæ, & ita cognitio substantiæ, est prior cognitione accidentis: ergo in illo priori necessario debet cognosci substantia per propriam speciem, non verò per speciem accidentis, nam quòd cognoscitur per speciem alterius, supponit cognitionem illius; quemadmodum quia Angelus cognoscitur per speciem rei materialis, prius cognoscitur res illa materialis, ad cuius modum deinde cognoscitur Angelus.

Secundò argumentatur à simili; nam accidens reale, verbi gratia calor, producit saltem ut instrumentum substantiam realem, ignem scilicet: ergo similiter accidens intentionale, nempe species intentionalis accidentis debet producere substantiam intentionalem, scilicet speciem substantiæ, & ita quamuis phantasma solum sit species accidentis, erit sufficiens instrumentum ad producendam speciem substantiæ. Omitto futiles alias rationes, quibus hæc sententia fulciri solet, sunt enim planè nullius momenti, qualis est ratio illa Soncinatis, & aliorum, quòd cum de substantia habeatur quidditatiua cognitio, non potest fieri per species proprias alterius rei: constat enim nos habere quidditatiuam cognitionem Angelorum, & nostræ animæ, cum tamen hæc omnia cognoscantur per species alienas. Cuius ratio est, nam quamuis res aliqua cognoscatur per

per species alienas, possunt tamen de illa plura demonstrari per eundem demonstrationem, ut quod Deus non sit corpus, &c.

Quare hac sententia relicta longè probabilius existimo, substantiam non cognosci per propriam speciem, sed per speciem accidentis. Quam sententiam tenet Richardus in 2. dist. 24. quæstion. 3. artic. 3. Heruæ. quodlib. quæstion. 12. Valles. capit. 64. de Sacra Philos. Iand. 1. de Anima quæst. 3. eamque hoc tempore sequuntur viri doctissimi. Et in primis res hæc manifesta experientia comprobatur, si quis enim velit supra se reflecti, experietur se cognoscere substantiam per modum accidentis, cognoscimus enim substantiam ad modum cuiusdam albedinis extensæ, vel ad modum alterius accidentis: ergo sicut Angelus non cognoscitur per propriam speciem, quia cognoscitur ad modum alterius, ita substantia.

Secundò probatur, quia phantasma est quod determinat intellectum ad producendum talem, vel talem speciem intelligibilem; sed phantasma tantum est similitudo accidentis, & non substantiæ: ergo intellectus non habet propriam speciem substantiæ.

Dices, speciem accidentis qualis est phantasma, in confuso representare substantiam, quia talis species non representat albedinem, verbi gratia, abstractam, sed in concreto, scilicet album, ubi inuolutè

continetur substantia. Sed contrariè est, nam quamvis species accidentis representet accedens in concreto, substantia tamen subtrahitæ tali accidenti, solum per accedens sentitur per talem speciem: ergo intellectus agens ex vi talis speciei non determinatur ad producendam propriam speciem substantiæ: unde cum intelligat dependenter à sensibus, etiam intelligit substantiam ad modum accidentis.

Ex dictis colligitur, quod sicut substantiæ non datur propria species intelligibilis, ita nec quantitatis prædicamentalis, nam, ut supra libro 2. capite 6. ostendi, etiam quantitas est sensibile per accedens, nam si Deus conseruaret albedinem parietis cum ea extensione, quam modò habet, ablata quantitate, eodem modo videretur, ac de facto, sicut in Sacramento Eucharistiæ albedo panis eodem modo videtur post corruptam substantiam panis, ac antea videbatur; unde quantitas non minus quàm substantia est sensibilis per accedens, ac perinde neque in intellectu correspondet illi propria species intelligibilis.

Colligitur secundò, quàm sit verum, quod 1. lib. Physic. disp. 1. ostendi primò cognitum à nostro intellectu non esse singulare substantiæ, sed accidentis, cum enim substantia cognoscatur ad modum accidentis, prius debet cognosci accedens, & ita substan-

tia non potest esse primò cognita.

Colligitur tertio facilis solutio eius quæstionis, quam plures i. lib. de Anima tractare solent, & nos ibidem ad hunc locum eius propriū disputandam remisimus, videlicet vtrum accidentia conducant ad cognitionem substantiæ, quāvis enim ad distinctam cognitionem accidentium à priori, per causam materialem habendam, oportet ut cognouisse substantiam, quæ illorum subiectum est, ad quod dicunt essentialem ordinem, tamen ad habendam cognitionem de substantia à posteriori, plurimum conducunt accidentia: nam ex peculiaribus accidentibus, & proprietatibus rei colligitur eius substantia, & essentia: tum etiam, quia cum substantia cognoscatur per speciem accidentis, plurimum conducunt accidentia ad cognitionem substantiæ, neque in re facilius opus est longiorem texere disputationem.

Ad argumenta contrariæ sententiæ respondetur. Ad primum, verum esse cognitionem substantiæ esse priorem cognitione distincta accidentis, hæc enim haberi non potest, nisi cognoscatur naturalis dependentia quam dicit accidens ad substantiam, ut ad causam materialem, à qua habet esse: tamen ante hanc cognitionem præcedit cognitio confusa accidentis, quæ solum cognoscitur accidens tantum, ut aliquid existens in rerum natura, non discernendo distinctè, an habeat independentiam, & dependentiam à sub-

iecto, licet reuera illam habeat. Namque opus est cognitione confusa ea omnia attingere, quæ in re reperiuntur, sic enim potius esset distincta, quam confusa.

Fit ergo res hoc ordine, quod prius intellectus format cōceptum confusum accidentis, & solum quoad quæstionem an est. Deinde verò ad modum accidentis sic confuse cogniti cognoscit substantiam distinctè: tandem verò cognita iam substantia, quæ est causa materialis, à qua tale accidens pendet, format distinctum conceptum accidentis, etiam quoad quæstionem, quid est.

Vnde quando Arist. 7. Met. text. 4. dixit substantiam esse priorem cognitione accidentis, loquitur de cognitione distincta, & non sequitur substantiam cognosci in illo priori per propriam speciem: sed per speciem accidentis prius confuse cogniti.

Ad secundum respondetur, esse diuersam rationem de accidenti reali respectu substantiæ realis, & de accidenti intentionali respectu substantiæ intentionalis, ut ita dicam: nam accidens reale ideò producit substantiam realem, quia est dispositio ad substantiam, illamque continet in virtute, tamen accidens intentionale non est dispositio ad substantiam intentionalem, ut patet in sensu, ubi quamuis producatur species accidentis, non tamen produciuntur species substantiæ, & cū cognitio intellectus pro hoc statu fiat dependenter à sensibus, res ita suo modo

do contingit in intellectu, sicut in sensu.

*Quest. X. Quomodo intellectus cognoscit
at pro hoc statu res spirituales,
& seipsum, suasque
actiones?*

IN hac re aduertendum est in primis, id quod supra dicebam, duplex principium posse assignari in iudicio aliquo, scilicet principium quo efficiens, & hoc est species intelligibilis, quæ est causa efficiens intellectionis; & principium quod, ex quo sunt præmissæ ad inferendam talem conclusionem. Duo ergo possunt dubitari in hac questione. Primum est, per quam speciem intelligibilem cognoscat intellectus res spirituales, & seipsum, suasque actiones: aliud verò est, ex quibus principiis, seu præmissis eliciat talem cognitionem.

Circa primum fuit quorundam sententia, animam rationalem cognoscere seipsam per seipsam: sic fatetur sensisse Platonem in Alcibiade, & Mirandum. in suis conclusionibus: tenet etiam Gregor. in 1. dist. 5. qu. 2. & videtur indicare August. lib. 9. de Trinitat. capit. 3. in fine, vbi dicit: *Quod mens seipsam nouit per seipsam, quoniam est incorporea*, & fundamentum esse potest, quia anima rationalis est intimè præsens sibi ipsi, & proportionata; nulla ergo indiget specie, ut se cognoscat, & idem est de intellectu, ut se cognoscat. Et confirmari po-

test à similibus: nam Angelus ut se cognoscat, non indiget specie superaddita, præsertim in cōmuni hoministarum opinione, quæ dicit ut Angelum se cognoscere per suam essentiam: idem ergo erit de anima rationali respectu suæ conditionis.

Dicendum tamen est primò, ad cognoscendas res spirituales sibi extrinsecas, quales sunt Angeli, indigere specie rei materialis. Hæc est communis omnium sententia, quam D. Thom. & eius discipuli communiter sequuntur 1. part. quæst. 87. & 88. & sæpè alibi, vnde Paul. 1. ad Corinth. capit. 3. Videmus, inquit, nunc per speculum, & in ænigmatæ: vbi loquitur de Deo, & eadem est ratio de alijs substantijs spiritualibus, & ipsa experientia id planè demonstrat. intelligimus enim Angelum ad modum cuiusdā iuuenis pulcherrimi habentis alas, &c. & cum conceptus, seu species expressa euadat, ut sæpè dixi, similis speciei impressæ, euidens est, intellectum in tali cognitione, uti specie aliena rei materialis.

Est tamen dubitatio, an quando quis intelligit Angelum, verbi gratia, detur aliquod obiectum terminatum talis actus præter rem illam materiale, ad cuius modum intelligimus Angelum.

Sunt enim qui dicant, nihil à re materiali terminare talem actum, quod tamen falsum est: nam longè aliud est, quod intelligitur, aliud verò id, ad cuius modum intelligitur: si enim quis vulgarem hominè

è media plebe acceptum, quasi esset Rex, intelligat, reuerà non intelligit Regem, sed plebeium hominem ad modum Regis; ita sanè quando quis cognoscit Angelum, id quod intelligitur, est ipse Angelus, de quo intellectus plures enutiat proprietates, quæ in re materiali minime inueniri possunt, semper tamen intelligit hoc totum ad modum rei materialis.

Dico secundò, etiam animam, aut intellectum ad cognoscendum se ipsum indigere specie rei materialis. Hæc etiam est communis omnium sententia, quam satis indicauit Arist. hoc cap. ubi dicit, intellectum intelligere seipsum, sicut alia cuncta: ergo sicut ad percipiendam alia objecta extrinseca indiget specie superaddita, sic etiam ad cognoscendum se ipsum: vnde cum se ipsum cognoscat ad modum rei materialis, euident est, intellectum uti specie rei materialis ad cognoscendum se ipsum.

Maior posset esse dubitatio, an actiones intellectus, & voluntatis producant in intellectu proprias species, quibus cognoscantur, hæc imperfectas. Partem enim affirmatiuam sequuntur plures hoc tempore cum Scoto in 4. dist. 45. quest. 3. quos supra retuli. quæst. 4. ut tamen ibi ostendi, longe probabilius est, actiones intellectus, & voluntatis, & etiam habitus intellectuales, denique omnem rem spiritua-lem cognosci per speciem alienam, exprimitur enim ista omnia à nobis

cognosci per modum rei materialis, neque formamus proprios conceptus de illis: ergo intelliguntur per species alienas.

Imò addo plures etiam res materiales, tam parua entitatis esse, vt sensu percipi non possint, cognosci tamen ab intellectu per alienas species: concipit enim quis lineam ad modum cuiusdam fili protensi, & punctum ad modum parui corpusculi. Simile quid est de relatione, & de alijs accidentibus materialibus exigua satis entitatem habentibus, quorum omnium ratio est, quia cum intellectus noster pro hoc statu intelligat dependenter à sensibus, ea omnia accidentia materialia, quæ sensu non percipiuntur, intelliguntur per speciem aliquius rei sensatæ, & ita ad modum illius concipiuntur.

Vnde ad argumenta contrariæ sententiæ respondetur, & in primis August. cum dicit mentem se perfecte cognoscere, tantum intendere, vt notauit D. Thom. 1. part. quæst. 87. art. 1. ad primum, quod mens per ea, quæ sunt sibi intrinseca, se cognoscat, scilicet per suos actus, licet à posteriori, non verò absque specie superaddita.

Ad primam rationem respondetur, quod cum modus cognoscendi nostri intellectus pro hoc statu sit dependenter à sensibus, quamvis animà, aut intellectus sit sibi præ sens, & proportionatus in esse rei, non tamen est proportionatus suo

suo modo cognoscendi, cum spiritalis sit, ipse verò cognoscitur ad modum corporis: unde propter hanc improprietatem cum suo modo cognoscendi, indiget specie rei materialis, ut se ipsum cognoscat.

Ad confirmationem respondetur, quidquid sit de exemplo illo, in quo non moror, esse tamen diuerſam rationem: nam Angelus, non solum est sibi præsens, sed etiam est proportionatus suo modo cognoscendi, intelligit enim res spirituales ut sunt in se: unde cum sit sibi sufficienter præsens, & proportionatus suo modo cognoscendi, nulla fortasse indiget specie superaddita; intellectus tamen noster, prout est in se, non est proportionatus suo modo cognoscendi.

Circa secundum, quod inquirebar quaestio, scilicet unde, aut ex quo principio deducat intellectus noster cognitionem rerum spiritualium, advertendum est, huiusmodi res dupliciter posse cognosci, scilicet, & quantum ad quaestionem an est, & quantum ad quaestionem quid est.

Hoc supposito non est animus hoc loco disputare de quidditate, aut existentia Angelorum ipsius Dei, est namque res Theologica: solum nonnihil dicam de accidentibus spiritualibus, quæ animæ nostræ inhaerent, quales sunt potentia & habitus.

Fuit enim aliquorum sententia

asserentium, actus voluntatis cognosci immediate per seipsos, ita quod immediate, & per seipsos concurrant ad actum illum cognitionis, quo percipiuntur. Tenet Pater Molina 1. p. q. 5. art. 4. sed non placet. Primo, quia experientia constat, huiusmodi actus cognosci ad modum rei materialis: ergo cognoscuntur per speciem rei materialis, non verò immediate, & per seipsos.

Secundo, quia potentia cognoscitiva, ut supra dicebam, debet uti principio aliquo sibi inhaerenti, quo constituatur in actu primo ad eliciendam cognitionem de re aliqua: ergo actus, qui sunt in voluntate, cum nullatenus inhaereant intellectui, non possunt immediate, & per seipsos causare suam notitiam.

Dicendum ergo est breuiter, animam cognoscere accidentia spiritualia sibi inhaerentia à posteriori: cognoscit enim suas potentias quo ad quaestionem an est per operationes, quæ experitur se intelligere, & velle. Et hunc etiam cognoscit habitus, quia experitur se facilius modo, quam antea operari, & ita colligit se habere internum habitum, quo redditur facilis, ac tandem cognoscit se habere speciem intelligibilem, quia est principium necessarium ad intelligendum. Denique essentiam horum omnium quodammodo colligit à posteriori; nam ex eo quod intellectus se extendat ad obiectum spirituale, quali.

qualiter intelligimus Deum, & Angelos, colligit intellectione esse actum spirituales, actus enim materialis non potest attingere obiectum spirituale, ut patet de actu potentie sensitivae: & hinc colligit potentiam elicitiuam talis actus esse spirituales, quia potentia corporea non potest elicere operationem spirituales, & cum talis potentia spiritualis non possit subiectari in materia, colligit esse ponendam formam spirituales, cui talis potentia inhaereat, quo argumento euidenter ostendam infra immortalitatem animae rationalis, & cum ad omnem cognitionem sequatur appetitus, colligit in hac eadem anima rationali dari aliam potentiam spirituales illi propriam, quae dicitur voluntas, & est quidam appetitus rationalis, & perinde colligit debere habere operationes spirituales: haec tamen omnia cognoscit per speciem rei materialis, ut ostensum est.

Questio XI. Vtrum intellectus noster pro hoc statu necessario intelligat per conuersionem ad phantasmata?

DE modo cognitionis animae separatae fortasse plura dicam infra, modo autem in his omnibus solum loquor de modo cognitionis animae unitae corpori: nam quod anima separata non intelligat per conuersionem ad phantasmata, per seipsum satis patet, cum phantasma

ta, quae species materiales sunt, non sunt extra corpus.

Præterea certum est, intellectum in prima cognitione alicuius obiecti necessario indigere operatione phantasiae: ratio est, quia non potest tale obiectum intelligere, nisi habeat speciem intelligibilem illius: talis autem species intelligibilis producit ab intellectu agenti medio phantasmate, ut instrumento; phantasma autem est idolum productum per operationem phantasiae, quod pendet à tali operatione in fieri, & conservari, non secus quam verbum mentis ab actuali intellectione: ergo in prima cognitione obiecti necessario dependet intellectus ab operatione phantasiae.

Solum ergo est dubium de alijs cognitionibus, quae sequuntur post habitam iam cognitionem de obiecto aliquo, quando scilicet intellectus est iam informatus specie intelligibili, an necessario intelligat dependenter ab operatione phantasiae, hoc enim intelligitur in praesenti per conuersionem ad phantasmata.

Ratio autem dubitandi in praesenti quaestione se se statim offert: nam intellectus informatus specie intelligibili est sufficiens principium ad eliciendam cognitionem de obiecto talis speciei, non secus quam sensus informatus specie sensibili est principium sufficiens ad eliciendam cognitionem: ad quid ergo indiget intellectus habens iam speciem intelligibilem operatione phantasiae?

Propter

Propter vim huius rationis Auctores in varias sententias sunt distracti. Primus modus est eorum, qui asserunt speciem intelligibilem depêdere in sua cōseruatione à phantasmate, à quo producit, unde necessarium esse dicunt, intellectum in quavis intellectiōe depêdere ab operatione phantasiæ, ut pote, quæ cōseruat speciem intelligibilem, quæ necessariò indiget ad intelligendum. Sic docuit Auicenna. ut refert San. Thom. 1. part. quæst. 66. art. 6. in corpore, quem optimè eo loco refutat; nam memoria sensitiva habet vim ad cōseruandas species, etiam cessante specie expressa sensus externi, à qua produciuntur, ut vidimus, ita quod tales species non pendeat ab illa in cōseruari, sed in fieri solum: nam etiam cessante sensatione externa contingit actus memoriæ: ergo multò melius id debet habere memoria intellectiva, quæ idem est quod intellectus: ergo tales species non pendent in cōseruari à phantasmate, sed solum in fieri.

Dicendum ergo est huiusmodi species intelligibiles incorruptibiles esse: nam in primis non possunt corrumpi defectu cōseruantis, quia non cōseruantur à phantasmate, neque etiam defectu subiecti, habent enim subiectum incorruptibile, scilicet intellectum possibilem: neque à contrario; quia species intentionales, ut supra vidimus, quantumvis sint de obiectis

contrariis, non sunt contrariæ species autem expressa, scilicet verbum mentis, corrumpitur ex defectu cōseruantis, pendet enim in cōseruari ab actuali influxu intellectus, quo cessante statim corrumpitur.

Quare secunda sententia est, scilicet sententia, quod intellectum in quavis intellectiōe necessariò debet cōverti ad phantasmata, quia cōstituant phantasmata concurrere saltem ut instrumentum physicum ad intellectiōem; sed hæc sententia ex superius dictis facillè refutari potest; nam cum species intelligibiles sint necessariò, ostende ad intellectiōem, & intellectus illis informatus sit principium sufficiens ad intellectiōem, impertinenter ponitur talis concursus phantasmatis, ad eliciendam intellectiōem; refertur, cum, ut supra dicebam, potentia cognoscitiua ad actum cognitionis necessariò debeat uti principio sibi inharrenti, quale non est phantasma.

Tertio ergo alij rei difficultati succumbentes, dicunt intellectum solum in prima cognitione indigere cōuersione ad phantasma, non tamen semel iam accepta specie intelligibili. Tenet Albertus hoc loco tract. 2. cap. 19. & Philoppon. tex. 30. & lib. 2. de Anima, cap. 4. Caieta. Thienensis hoc lib. tex. 34.

Verum tamen dicendum est, intellectum in quavis cognitione, ad hæc recepta specie intelligibili, indigere

digere operatione phantasie, atque adeò necessariò intelligere per cōversionem phantasmata. Tenet cōmunis philosophorum schola, tum hoc loco, tum infra, capit. 3. & D. Thom. cum suis discipulis 1. part. quæst. 84. art. 7. & 8. & est expressa sententia Aristot. infra capit. 8. ubi secundum vnam versionem sic habet: *Neceſſe est intelligens phantasmata speculari*, ubi per phantasmata intelligit obiectum repræsentatum in phantasmate, sicut imago Cæsaris, Cæsar dici solet: est ergo sensus, necessariū esse eum, qui intelligit, simul per sensum internum speculari, & cognoscere idem obiectū in phantasmate. Clariū tamen id habet versio Arigypoli, quæ sic habet: *Et qui contemplatur, necesse est vna cum phantasmate contemplatur*, quasi dicat, necessariū esse actum intellectus comitari actum phantasiandi.

Secundò id probatur manifesta experientia, qua experimur læsa operatione phantasie, etiā lædi operationes intellectus, vt patet in ebrijs, & furiosis, quod manifestè indicat, operationes intellectus pēdere ab operatione phantasie, & ita illa læsæduntur operationes intellectus: cum ergo non indigeat phantasmate, tamquam principio physice influente in intellectiōe, dicendum est indigere illo, propter naturalem harum potentiarum subordinationem non minùs quàm experientia comprobatur. A priori autem id optime colligit S. Tho.

loco suprà citato: nam cum modus operandi sequatur modum essendi, quia anima rationalis pro hoc statu est vnita, & connexa cum corpore, idè quantumvis habeat operationes sibi proprias, quale est intelligere, non mirum, quòd tales operationes sint connexæ, & dependentes ab operationibus corporis, & ita necesse est intelligere cum cōuersione ad phantasmata.

Et si inquiras, quomodo volitio, quæ est operatio spiritualis, habeat dependentiam à corpore. Sunt qui dicant huiusmodi volitionem esse connexam cum operatione appetitus sensitui, nō secus, quàm cognitio intellectua cū cognitione sensitua: sed non placet, nam appetitus sensituius sæpè prosequitur obiectum aliquod adhuc voluntate in contrarium reuolvente, vt patet de motibus effrænatae luxuriæ, quos voluntas sæpè euitare difficile potest: ergo in illis, siue voluntas velit, siue non, appetitus sensituius suum elicit operationem: de quibus effrænatis motibus dicebat Paulus: *Sentio legem aliam in membris meis repugnantem legi mentis meæ*: ergo appetitus sensituius, & voluntas non habent necessariam subordinationem.

Dicendum ergo est, operationem voluntatis eatenus esse necessariò connexam cum operatione aliqua corporis, quatenus indiget necessariò operatione intellectus proponentis illi obiectum: *Cum nihil voliquam, quin præcognitum*, & quia talis

talī actio intellectus necessariam habet connexionem cum operatione sensus, ideo de primo ad ultimum etiam actiones voluntatis necessario sunt connexæ cum operationibus corporis.

Dubitant nonnulli hoc loco, an Beati, & Christus Dominus, necessario intelligant per conuersionem ad phantasmata: sed quidquid de hoc sit, de quo plura tradunt Theologi 1. part. d. 1. art. 5. & inter recentiores doctē fatis Pat. Vazquez rem hanc illustrat disput. 46. cap. 2. ubi perdoctus Pater affirmās lumen intellectus agentis non esse necessarium in Beatis, perspicue docet, neque conuersionem ad phantasmata, quod tam verum est de alijs Beatis, quam de Christo respectu infusæ, non verò respectu cognitionis experimentalis: hanc enim, sicut & nostram, ex conuersione ad phantasmata fieri iudico: in quo in præsentia non est immorandum, quia non est huius loci, satis sit hoc loco ostendisse, naturalem modum intelligendi intellectus nostri pro hoc statu habere necessariam dependentiam à phantasmatibus.

Ad rationem autem dubitandi superius adductam ex dictis facilis est solutio, solum enim probat, intellectum nostrum semel informatum specie intelligibili nullū aliud principium requirere, quod in suā actionem physicē influat, non tamen quod non habeat necessariam connexionem cū operatione phan-

tasæ circa simile obiectum, propter naturalem subordinationem harum potentiarum.

Questio XII. Verum intellectus possit simul plura intelligere?

Conueniūt omnes, intellectum nostrum posse simul plura percipere, quando illa plura in aliquod vnum coalescunt, ita vt se habeant per modum vnius, qua ratione vnica intellectuone intelligimus domum, in qua tamen plures partes inuoluuntur constituentes vnicum totale, & adæquatum obiectum illius cognitionis. Similiter si loquamur de potentia cognoscitiua sensitua, vnico actu videmus colorem, qui tamen pluribus partibus integratur. Verum est, quod, vt ostēdimus capite de visu, lingulis partibus obiecti correspondent singulæ visiones & species expressæ partiales, integrantes tamen vnicam totalem visionem, & speciem talis obiecti, an verò si simili modo philosophandum in actu intellectus, quo intelligimus obiectum ex pluribus partibus integratum.

Probabilius existimo non esse eandem rationem: nam, vt habet commune axioma: *Quæ sunt in inferioribus dispersa, sunt in superioribus vnica*: & ita intellectio, quæ superioris ordinis est, per eādem indiuisibilem entitatē poterit plures partes eiusdē obiecti attingere, & ita Deus omnium supremus vnico indiuisibili intuitu omnia comprehendit.

Solum

Solum ergo est questio, an intellectus possit simul multa intelligere per modum plurium, id est, an possit obiecta totaliter diuersa, & disparata percipere simul.

In quo secundò certum est, id non posse fieri vnico intuitu: nam cum actus distinguantur per obiecta, vbi sunt plura obiecta totaliter diuersa, necesse est, vt sint plures actus totaliter diuersi. Id ergo querimus in presenti, an intellectus possit simul plures actus elicere, quibus plura, vt plura sunt, intelligat.

In quo certum est tertio, posse intellectum simul habere plures actus diuersi ordinis, id est, quorum alter sit naturalis, alter verò supernaturalis: qua ratione omnium Theologorum calculis receptum est, Beatos, & Christum Dominum præter cognitionem beatificam supernaturalem, habere simul naturalem rerum cognitionem; nec mirum est, quia cum actus supernaturalis fiat eleuante potentiam peculiari concursu, non repugnat potentiam aliis vnice actu naturali intentò, ex speciali Dei auxilio simul ad alium supernaturalem eleuari, loquimur ergo de actibus merè naturalibus, de his enim dumtaxat spectat agere ad Philosophum.

In quare prima sententia est asserentium, intellectum non posse per naturam habere simul plures actus, & ita neque intelligere plura per modum plurium. Tenet S. Tho. 1. p. q. 85. art. 4. & q. 58. art. 2. quæ Caiet. Banez & alij sequuntur.

Scio S. Tho. à nonnullis explicari, sed reuerà huius fuit sententiæ, vt legenti patebit, quam probat hac ratione, quia actus sunt vltimus terminus potentia, non secus quàm figura est vltimus terminus quantitatis, sed idem corpus non potest simul in eadem parte plures habere figuras, vt per se patet, neque enim simul potest eadem pars esse longa, & rotunda, quia vna figura necessariò excludit aliam. Præterea neque potest eadem linea simul habere duos terminos vltimos: solum ergo potest habere vnicum punctum vltimum: ergo similiter non potest eadem potentia simul habere plures actus.

Secundò adducit S. Thom. verba Arist. lib. 2. Topi. cap. 4. vbi dicit, quòd cōtingit multa scire, intelligere verò non nisi vnum, cum scientia sit habitus; sensus est, posse nos habitualiter multa scire, actum tamen intelligere non nisi vnum.

Tertio obijciunt, quòd sequatur duo accidentia numero diuersa esse in eodem subiecto, nam quatiò quis videt duo alba, haberet duas visiones numero diuersas, hoc tamen nullum esse inconueniens, imò necessariò dicendum, supra late ostensum est: nec video pro hac sententia aliam probabilem rationem.

Hæc tamen sententia semper mihi visa est difficilis, & contrariam longè existimò probabiliorem, videlicet posse intellectum plures actus simul habere, etiam nō subordinatos,

tos, quibus plura ut plura sunt, simul intelligat. Tenet Scot. in 1. dist. 3. quæst. 6. Gregor. in 2. d. 11. quæstio. 1. Durand. d. 3. quæst. ult. Caietan. Thien. hoc lib. text. 23. Molin. 1. part. quæst. 58. art. 2. disput. 1. imò ex Thomistis idem sentit Sotus 1. lib. de Posteriori resolut. quæst. 1. ad 4. & ut rem à suis ordiamur principijs.

Dico primò: potentia sensitiva bene potest percipere plura obiecta, ut plura sunt, idest non subordinata. Quæ conclusio suppositis, quæ supra diximus de speciebus sensibilibus, evidens est: nam quando quis videt simul duo alba loco distantia, & prorsus discontinua, necessario ibi sunt duæ visiones totales numero diversæ, & duæ species: nam quod non videantur per unicam, probò, quia, vel videntur per eandem indivisibilem entitatem visionis, vel per duas visiones partiales, non per eandem visionem indivisibilem, quia si alterum ex illis corrumpatur, iam non videtur, cum tamen manet visio alterius: ergo iam separatur visio unus à visione alterius: sed impossibile est eandem indivisibilem entitatem separari à se ipsa: ergo non videntur per eandem indivisibilem visionem. Quod verò neque per duas partiales, probatur primò, quia cum illæ visiones tantum diversæ sint numero, si coalescunt in unicam totalem, necessario id erit per continuationem inter se, sicut quando coniunguntur duæ aquæ; impossi-

bile autem est illas visiones continuari inter se, quia vel continuantur ratione extensionis subiectivæ, & hoc non, utraque visio est in eadem prorsus parte potentivæ yliuæ, non verò in partibus diversis discontinuis, vel ex parte extensionis obiectivæ, & hoc non, quia non representant unicam extensionem obiectivæ, sed duas totaliter discontinuas, quæ etiam ratione versantur circa duas intensiones duarum albedinum realiter, & totaliter diversas: ergo nullo modo possunt tales visiones inter se continuari. Præsertim, quod si semel admittatur, posse duas visiones partiales numero diversas esse in eadem parte subiecti, quare repugnabit esse duas totales, præsertim cum actus distinguantur per obiecta totalia.

Secundò tamen id clariùs probatur, quando quis simul videt album, & nigrum, ubi cum illæ visiones sint diversæ speciei, non possunt inter se continuari, neque alias possunt uniri, sicut actus, & potentia, quia ridiculum est dicere, unam visionem ex illis alteri inherere, sicut accidens inheret subiecto: ergo in hoc exemplo evidenter probatur, potentiam sensitivam simul percipere plura, ut plura sunt, per actus totaliter diversos, & per hæc patet etiam id inueniri in sensu interno, cum enim etiam immutetur à presentia obiecti, idem argumentum, quo ostenditur in sensu externo videte simul album, & nigrum, esse duos

T actus

actus specie, & totaliter diuerfos, probat de sensu interno; habet enim similem vim.

Ex his dieo secundò, meliò melius satendum esse; posse intellectum intelligere simul plura obiecta disparata; specie diuersa per actus totaliter diuerfos. Ratio est euidens; quia intellectus non est minoris actiuitatis, & perfectionis, quàm sensus, quare ergo ea perfectio, quæ sensui necessario tribuenda est, & quam fere omnes Thomistæ tribuunt, deneganda est intellectui. Et potest simile fieri argumentum, quia intellectus potest intelligere obiectum sensatum per sensum; & ita quando quis simul videt album, & nigrum, potest intellectus eadem obiecta intelligere, quæ tamen sunt plura postulanti diuerfos actus diuersasque species. Addo, quòd sicut pluribus intentus minor est ad singula sensus, ita intellectus ad plura obiecta distractus gemisè circa vtrūque versabitur, virtus enim vnita fortior est, quàm ad plura distracta.

Ad rationes oppositæ sententiæ responderetur. Ad primam, esse petitam ab analogia valde impropria, quando enim actus alicuius potentie assimilatur figure, solum intenditur, quòd sicut figura est vltimus terminus quantitatis, ita actus sit vltima perfectio potentie, non tamen quòd sicut corpus nequit plures habere figuras, ita potentia non possit simul plures habere actus. Ratio diuersitatis est, quia vna figu-

ra in sua intrinseca ratione excludit aliam, qualiter esse rotundum excludit quòd longitudo sit maior, quàm latitudo, alias non erit rotundum, tamen vnus actus non excludit alium, quādo non sunt contrarij, vt patet, quando quis simul videt album, & nigrum.

Ad locum autem Aristot. respondetur, illum loqui de cognitione perfecta, ita vt sit sensus, posse nos habitualiter plura scire perfecte, actualiter tamen non nisi vnum perfecte, quia vt antea dicebam, pluribus intentus minor est ad singula sensus.

Tandem postquàm egimus de intellectu possibili, & eius obiecto, & modo cognoscendi, disputandum erat de eius actibus, vt tamen Arist. ordinem sectemur, erit sermo de hac re infra cap. 6. vbi Arist. de hac re disputat. Et ita hæc de hoc capite dicta sufficiant.

Caput quintum de intellectu agentis.

Intentum Arist. in hoc cap. est, agere de intellectu agentis. Caput hoc duas continet partes, in prima probat Arist. ponendam esse intellectum agentem, & etiam possibilem. In secunda verò parte explicat eius naturam & proprietates. Ad primam partem accedens probat Arist. ponendum esse tam intellectum agentem, quàm possibilem, non quidem ea ratione, quam quidam hoc pacto formant.

Quòd

Quod ubicumque est omnia fieri, idest potentia passiva, debet esse omnia facere, id est potentia activa reducens talem potetiam ad actum: cum ergo in anima nostra detur potentia, quæ est omnia fieri, & potentia passiva, scilicet intellectus possibilis, qui est receptivus formarum intelligibilium, debet necessario dari alia potentia, quæ sit omnia faciens: habet ergo dari intellectus agens reducens intellectum possibilem ad actum, dum producit in illo speciem intelligibilem, quæ ratio minus bona formatur: supponit enim dari intellectum possibilem, quod hactenus non probavit Arist. quamvis enim superiori capite egerit de eius natura, & essentia, tamen de existentia illius egerit in hoc capite.

Aristot. autem aliam adducit rationem, quia non tantum probat ponendum esse intellectum agentem, sed etiam passibilem, de quo iam egerat, ut patebit legenti textum. Probat ergo Aristot. hac ratione, quia in omni natura est aliquid, quod se habet per modum activi, & aliquid, quod se habet per modum passivi, quod probat exemplo in arte, ubi ipsa ars est activa formarum artificialium, & supponit subiectum aliquod, quod sit receptivum talium formarum: debet ergo dari in anima nostra potentia passiva formarum intelligibilium, quæ est intellectus passibilis, & etiam potentia activa illarum formarum, qualis est intellectus

agens, potentia enim productiva formarum intelligibilium appellatur intellectus agens, hic enim producit species intelligibiles, ut infra.

Deinde Aristoteles in secunda parte explicat naturam, & proprietates huius intellectus, dicens esse veluti habitum, & lumen, ideo autem dicit esse veluti habitum, quia est productivus sui actus, sicut habitus sunt causa actus: dicit, verò esse sicut lumen, quia sicut lumen facit colores esse actu visibiles, ita intellectus agens facit res actu intelligibiles, dum producit species intelligibiles, per quas possit percipi: & hinc dici solet, intellectum agentem illuminare phantasmata: de quo infra questione secunda. Dicit præterea, huiusmodi intellectum agentem esse separabilem, id est, non pendere ab organo corporeo, & unmixtum, & incorporeum. Præterea esse impassibile, quod intelligendum est, tam de passione corruptiva, quam perfectiva; de corruptiva patet, quia huiusmodi intellectus non percipit qualitatem aliquam habentem contrarium: nam si quæ qualitates spirituales sunt, quæ habeat contrarium, illæ sanè recipiuntur in intellectu passibili, ut habitus scientiæ, & erroris, & similis. Præterea adhuc passione perfectiva est, impassibilis huiusmodi intellectus: nam species intelligibiles, quas producit, sunt in intellectu passibili: ergo intellectus agens, ut sic, impassibilis est: quæ omnia

probat. nam quod agit, præstantius est eo, quod patitur: sed intellectus possibilis est & parabilis, idest inde pendens ab organo, & est immixtus: ergo multo melius debet habere intellectus agens: sed quia dixerat intellectum agentem actiuum esse, & reducere ad actum intellectum possibilem, dicit quod scientia in actu est idem quod res, idest, quod res intellecta, sæpè enim obiectum scientiæ scientia appellari solet, qua ratione propositio opinabilis opinio dici solet, cum tamen opinio propriè loquendo potius sit habitus opinatiuus, scientia verò in potentia est prior tempore, inquit, quam scientia in actu. Dubitat tamen Arist. quare si intellectus est separabilis à corpore, anima separata non recordatur. Respondet, quod non reminiscitur, idest, non percipit eodem modo, quo in corpore percipiebat, quia deficit intellectus passiuus, idest imaginatio, hæc enim est potentia corpori affixa. Et hæc de litera.

DISPUTATIO III.

De intellectu Agenti.

Quamuis nonnulli hoc loco prius disputent de intellectu agentis, quam de possibili, eo quod minus intellectus agentis, scilicet productio speciei intelligibilis, antecedit operationem intellectus possibilis, scilicet intellectionem, cum hæc requirat speciem intelligibi-

lem, qua fiat: tamen placuit in omnibus communi interpretum consuetudine ordinem Aristot. insequi.

Quæstio I. An sit ponendus intellectus agens, & qua sit eius natura?

Circa primum, quod inquit quæstio, Auctores omnes, qui è medio tollunt species intelligibiles, consequenter affirmant non dari intellectum agentem, ad id enim duntaxat ponitur, ut illas producat in intellectu possibili. Tenet Durand. in 2. d. 3. quæst. 5. Gabriel in 2. d. 16. quæst. vnic. artic. 2. Et fundamentum esse potest. Primum, quia si datur intellectus agens, qui sit potentia animæ ad producendas species intelligibiles, etiam debet dari sensus agens ad producendas species sensibiles, qui sit etiam alia potentia animæ: sed talem potentiam nullus ponit, neque debet poni, cum obiectum sensibile sit de se sufficiens ad producendam speciem sui: ergo neque debet dari intellectus agens.

Secundò, quia productio speciei intelligibilis, ad quam efficiendam ponitur intellectus agens, potest optimè fieri sine illo: nam quamuis non possit fieri à sola anima, eo quod substantia non est immediatum principium operandi, potest tamen fieri ab anima medio phantasmate, ut instrumento determinante illam ad talem operationem: ergo impertinenter videtur

detur poni intellectus agens.

Tertio, quia ratio, qua Aristotel. probat in hoc capite ponendum esse intellectum agentem, & passibilem, nullius efficacis est: nam principium illud, quod assumit, quod in omni natura debet esse aliquid, quod se habeat per modum actiui, & aliquid, quod se habeat per modum passiui, multis de causis videtur falsum.

Primo, quia in Deo, qui perfectissimam habet naturam, inuenitur potentia actiua, quæ actiue omnia producit, non tamen inuenitur potentia passiua, quia est purus actus.

Secundo, in creatis in natura materię primæ inuenitur potentia passiua, non tamen inuenitur aliquod principium actiuum, reducens illam potentiam ad actum, neque enim educit materia actiue ex se formas, quibus ad actum reducatur.

Tertio, in natura cæli inuenitur principium passiuum respectu sui motus, non tamen inuenitur in illa natura principium actiuum talis motus, quia mouetur ab extrinseca intelligentia.

Quarto, in igne est principium actiuum respectu calefactionis, non tamen inuenitur in illo principium passiuum illius, quia ignis non recipit in se calefactionem, quam actiue causat: ergo non in omni natura, in qua inuenitur principium passiuum, debet reperiri actiuum, aut e contra.

Communis tamen, & recepta

Philosophorum sententia est, dari in anima nostra potentiam quandam spiritualem productiuam specierum intelligibilium, quæ dicitur intellectus agens, ideo sic appellatus, quia eius munus tantum sit agere, videlicet producere species intelligibiles, quam potentiam esse in anima, ex eo efficaciter conuincitur, quia cum species intelligibiles non possint produci ab obiectis ipsis, eo quod obiecta sensibilia materialia sunt, nihil autem materiale potest, ut causa præcipua, attingere productionem rei spiritualis, & quia propter eandem rationem non potest talis productio fieri à solo phantasmate, quia etiam materiale est, ideo necessarium est ponenda in anima nostra potentia quædam spiritualis, quæ ut causa principalis producat tales species: hæc autem potentia appellatur intellectus agens: est ergo necessarium ponenda.

Dico secundo, huiusmodi intellectum agentem non esse aliquid à nobis separatum: sed potius potentiam animæ nostræ inhaerentem. Ratio est, quia anima intellectiua debet in se habere instrumenta requisita ad intelligendum, unum autem ex requisitis est intellectus agens, ut ex phantasmatibus producat in illa species spirituales illi proportionatas, ut intelligat: ergo huiusmodi potentia debet esse propria animæ, & cum sit potentia spiritualis, eo quod ordinatur ad producendum effectum spirituales, non potest esse aliquid inhaerens.

corpori, debet ergo esse potentia animæ inherens.

Vnde ad argumenta contrariæ sententiæ respondetur. Ad primum negando consequentiam, idcirco enim datur intellectus agens, quia obiecta materialia, & phantasma illorū, cum etiam materiale sit, nō possunt ut causa principalis agere in potentiam spirituales, qualis est intellectus passibilis, producendo in illo speciem spiritualem: vnde necesse est ponere aliam potentiam spirituales, quæ sit causa principalis illius effectus: ut verò obiecta materialia sensibilia, cum sint perfectiora, quàm species intentionales, quas producant, & materiales, sicut illa habent in se sufficientem, & proportionatam virtutem, ad tales species producendas, ita ad earum productionem non est opus alia potentia: vnde non debet dari sensus agens, sicut datur intellectus agens.

Ad secundum respondetur, talem operationem non posse fieri ab anima medio phantasmate absque potentia superaddita, quæ est intellectus agens: nam imprimis si asseramus, huiusmodi productionem specierum intelligibilium, quæ est actio intellectus agentis, esse actionem vitalem, manifestum est debere habere ortum à potentia aliqua vitali illi proportionata, sicut de alijs operationibus id dicitur: tamen quidquid de hoc sit, dicam infra: Ratio ad id probandum desumitur à simili: nam sicut ad

alias operationes animæ minus perfectæ, qualis est nutritio, præter calorem, qui est instrumentum, præstitur potentia, quæ mediante anima illas eliciat, multò melius id debet concedi in productione specierum intelligibilium, quæ perfectior operatio est, & improporcionata phantasmati.

Tandem ad obiectiones contrariones Aristoteli respondetur, illam, sicut & plures alias, intelligendam esse nonnullis additis, Aristoteli enim non loquitur nisi in creatis, & ita prima obiectio cessat: quando enim dicit, in qualibet natura debere dari principium actuum, & passivum, loquitur de natura, quæ mediante tali actione, & receptione possit amplius perfici, qualiter anima nostra per intellectionem perficitur. Deus autem cum sit infinite perfectus, non potest amplius perfici. Præterea Aristoteli loquitur de natura aliqua in ordine ad perfectionem propriam sibi debitam, qualis est operatio intelligendi respectu animæ: vnde cessat obiectio de materia prima, illi enim nulla forma determinatè est debita: sed pro ratione dispositionis, quàm habet: quod si aliqua forma vagè est debita materię respectu huius, non debuit dari in illa principium actuum, quia principium naturale agendi nō ordinatur, nisi ad determinatam operationem, natura enim est determinata ad vsum.

Cessat etiam obiectio illa de cælo: nam cælum ordinatur ad motum localem.

localem, non tamquam ad perfectionem sibi debitam ratione sui: sed ratione horum inferiorum, ut scilicet sint varæ generationes, & corruptiones, ut vidimus 2. libro de Cælo: quæ etiam ratione quamvis in ære sit principium passivum respectu luminis, non tamen inuenitur in illo principium actuum, quia lumen non est perfectio debita naturæ aeris: sed illi omnino ab extrinseco proveniens. Tandem ignis non habet principium passivum respectu calefactionis, quia calefactio non ordinatur ad perficiendum ignem: sed alia à se: cum verò intelligere sit operatio ordinata ad perficiendam intrinsecè animam, opus fuit dari in illa principium passivum illius.

Circa ultimum, quod inquitur quæstio, videlicet quæ sit natura intellectus agentis, varia extant Philosophorum deliramenta, quibusdam asserentibus, intellectum agentem esse Deum, qualis est Alexander: alij verò saltem esse quamdam substantiam separatam: & fortasse sumpsit hæc sententia occasionem erandi ex Aristotel. in hoc capite, ubi secundum aliorum translationem intellectum agentem separatum appellat: utraque enim sententia satis erronea est: nam quod intellectus agens non debeat esse substantia separata in nobis existens, ex eo sufficienter conieciari potest, quia, ut antea dicebam, anima intellectiva debet in se habere omnia instrumenta requisita ad intelli-

gendum: alterum autem est intellectus agens, ut illi species intelligibiles ministret, quæ à rebus materialibus fieri nequeunt: ergo ad hunc effectum præstandum non debemus recurrere ad substantias separatas, scilicet intelligentias, sicut recurrimus in motu cæli, qui ad bonum potius horum inferiorum, quam ad ipsius cæli perfectionem ordinatur: quando autem Aristot. vocat huiusmodi intellectum separatum, non intèdit esse separatum ab anima: sed à corpore, quasi dicat, nulli organo corporeo esse affixum.

Tandem ex dictis constat, huiusmodi potentiam non esse cognoscitivam, est enim eius munus producere species intelligibiles: quæ actio prævia est ante intellectum.

Maiorem habet difficultatem, utrum huiusmodi intellectus agens sit potentia realiter diversa ab intellectu passibili. Sunt enim de hac re duæ opinioniones probabiles satis: altera asserentium esse potentias realiter diversas: videtur namque impossibile, potentiam non cognoscitivam, qualis est intellectus agens, esse idem realiter cum potentia cognoscitiva, qualis est intellectus passibilis; alteram verò asserentium, utramque esse eandem potentiam secundum rem, denominatione solum distinctam, penes ordinem ad diversa munera subordinata, qualia sunt producere speciem, & intelligere: actiones autem subordinatæ facile possunt

ad eandem potentiam reuocari. Quod autem actio intellectus agē-
tis non sit actio cognoscitiua, pa-
rum interest: nam etiam in intelle-
ctu passibili datur actio aliqua, quę
non sit cognitio, nempe productio
habitus intellectualis; hæc enim
quauis resultet ex cognitione, nõ
tamen cognitio, sicut ergo actiones
istę, quę subordinatę sunt, redu-
cuntur ad eandem potentiam, ita
dici potest de actione intellectus
passibilis, & agentis. Præterea quia
durum videtur concedere in nobis
duos intellectus realiter diuersos:
quidquid tamen ex his dicatur, fa-
tis est probabile.

*Questio II. Quomodo intellectus, agens
producat species intelli-
gibiles.*

QUAMVIS ex dictis constet, intel-
lectum agentē id munus exer-
cere, vt in intellectu passibili spe-
cies intelligibiles producat, quo ta-
men pacto id efficiat, vel an se solo,
vel ab alio adiutus, non satis con-
stat inter Philosophos, varias enim
de hac re confingunt sententias, in-
ter quas sit prima eorum, qui asse-
runt solum intellectum agentem
producere speciem intelligibilem
absque aliqua causa illum coadiu-
uante, per subordinationem tamen
ad actum phantasie, ita quod posito
phantasmate per naturalem sub-
ordinationem intellectus agēs mo-
ueatur ad producendam speciem
intelligibilem, non secus quam po-

sita cognitione obiecti conuenien-
tis statim voluntas mouetur ad actū.
volitionis per solam potentiarum
subordinationem absque aliqua
physica causalitate. Verumtamen
hæc naturalis potentiarum subor-
dinatio, licet aliquando admitten-
da sit necessario, quando scilicet
non potest vera & physica causali-
tas intercedere: quando tamen res
per veram, physicamque causalita-
tem explicari potest, non est cur ad-
meram subordinationem recurra-
mus. Adest etiam peculiaris ratio in
nostro casu ad id probandum: nam
cum species intelligibilis euadat si-
milis phantasmati, eandem enim
naturam accidentalem repræsen-
tat, signum est phantasma fuisse
physica causam illius, effectus enim
assimilatur suę causę.

Quod rursus a simili confirmari
potest: nam sicut verbum mentis
producit simile speciei intelli-
gibili, & ita species intelligibilis est
causa physica productionis verbi,
ita species intelligibilis producit
similis phantasmati: optimè ergo
inde conijci potest, phantasma ef-
se physicam causam speciei intel-
ligibilis. Exemplum autem de vo-
luntate nullius momenti est; bo-
num enim solum mouet volunta-
tem per modum finis metaphori-
cè, dum voluntatem ad se allicit,
& mouet, ad hoc autem satis est;
tale bonum proponi voluntati ab
intellectu, quin physice aliquid in
illam influat: phantasma autem
mouet intellectum agentem, de-

ter-

terminando illud ad producendum aliquid sibi simile, & ita mouet, ut causa physica, cui assimilatione effectus.

Quare secunda sententia est asserentium, phantasma reuera esse concusam physicam simul cum intellectu agente ad producendam speciem intelligibilem, non tamen esse causam physicam efficientem, sed exemplarem: quemadmodum enim quando pictor ex vna imagine aliam depromit, prior imago solum concurrit, per modum extrinseci exemplaris, quin aliquid in nouam imaginem depictam physice influat, ita dicunt phantasma ad id solum deferui re intellectui agenti, ut ad illius exemplar aliam similem imaginem eliciat.

Sed neque hęc sententia placet, quia exemplar, ut ex eius definitione patet, est id, in quod agens intuens operatur, & ita exemplar solum potest deferui re cognoscenti, ut ad illius imitationem aliud simile efficiat, sed intellectus agens non est potentia cognoscentia, ut omnes admittunt: ergo respectu illius non potest phantasma habere rationem exemplaris.

Dices, satis esse, quod anima per phantasia intueatur phantasma, & deinde per intellectum agentem poterit fieri aliquid simile exemplari: sicut quando pictor ex vno exemplari aliam similem imaginem format, non est necesse, quod manus formans imaginem illam cognoscat tale exemplar: sed

satis est cognoscatur ab alia potentia, scilicet a potentia visiva. Ita ne contra hoc est, quod neque phantasia intuetur in tale phantasma: nam, ut supra vidimus, idolum, seu phantasma obiecti sensibilis, non cognoscitur a sensu interno: sed tantum ut quod, dicere autem saltem cognoscitur intellectu, non satisfacit: nam productio speciei intelligibilis, de qua agimus, precedit cognitionem intellectus passibilis: ergo nullo modo potest phantasma habere rationem exemplaris in productione speciei intelligibilis.

Tertia sententia est asserentium phantasma solum concurrere ad talem productionem, ut causam formalem extrinsecam specificantem: sed minus placet hęc sententia quam precedens: nam, vel intelligit phantasma specificare actionem intellectus agentis, vel speciem intelligibilem productam: non speciem intelligibilem, species enim cum distinguantur per obiecta, ab illis desunt suam specificationem, non vero a phantasmatibus: si autem specificata actionem, cum non specificet illam tamquam terminus per illam productus, solum potest eam specificare tamquam agens, actio enim etiam specificatur ab agenti proximo: iam ergo phantasma actus concurrit ad illam actionem, quod nos intendimus.

Quarta sententia asserit, phantasma esse causam materialem, ex qua

respectu productionis speciei intelligibilis, non quidem ex qua effectus componatur, constat enim phantasma non componere speciem intelligibilem, sed ex qua intellectus agens abstrahit speciem illam. Quæ sententia etiam est falsa: nam materia, circa quam versatur productio speciei intelligibilis, est species intelligibilis, scilicet per enim res facta est materia, circa quam versatur productio illius; materia autem, circa quam versatur species intelligibilis, etiam non est phantasma, sed obiectum illius, obiectum enim appellatur materia, circa quam, materia autem ex qua non est nisi ubi habet rationem partis componentis: quæ ratione lapides sunt materia, ex qua fit domus: ergo impossibile est phantasma esse materiam ex qua: unde cum dicimus speciem intelligibilem fieri ex phantasmatibus, particula ex non dicit habitudinem causæ materialis, sed causæ efficientis, ut cum dicimus ex vno igne fieri alium ignem, cum tamen fiat efficiens.

Quinta tandem sententia est, intellectum simul cum phantasmate concurrere in genere causæ efficientis ad productionem speciei intelligibilis, adhuc tamen huius sententiæ sectatores sunt diuisi, quibusdam asserentibus intellectum agentem & phantasma esse causas solùm parciales, ita quod diuersis concursu partiali concurrant, qualis est Scotus in 1. d. 3. q. 8. ad

primum, alijs verò asserentibus, esse causas subordinatas eodem prorsus concursu operantes, ut iam hoc tempore tenet communior philosophorum sententia, quos statim referam.

Dico ergo primò, intellectum agentem esse causam principalem efficientem productionis speciei intelligibilis. Tenet S. Thom. 1. part. quæst. 84. art. 4. de veritate quæst. 10. Caie. 1. p. q. 55. art. 1. Per. 2. contra Gent. capit. 78. Scotus ubi suprà, & hoc loco communiter Interpretes, & videtur satis indicare Aristot. hoc capite, ubi intellectum agentem vocat omnia faciens, facere autem efficientiam dicit, & clariùs post initium capitis, dicit hunc intellectum idè esse ponendum, ut omnia agat, atque efficiat (supple intelligibilia) agere autem & efficere, apertè causam efficientem denotant.

Ratione verò satis conuincitur, quia productio speciei intelligibilis est operatio animæ rationalis, illa autem debet exercere media aliquæ potentia, quam suprà ostendimus esse intellectum agentem: sed nulla alia causa principalis assignari potest talis effectus: ergo intellectus agens est causa principalis ad producendam speciem intelligibilem.

Secundò, nam intellectus agens est potentia spiritualis animæ inherens, nec minorem habet perfectionem, quam species intelligibilis;

Imò multò maiorem: ergo habet virtutem proportionatam, & sufficientem ad illum effectum: ergo est causa principalis.

Dico secundò, phantasma concurrere ad huiusmodi productionem vt instrumentum physicum, efficienter determinando intellectum agètem, vt hanc potius quam illam speciem producat. Hæc est communis sententia, quam S. Thom. Scotus, & alij iam citati unanimiter defendunt. Et in primis quòd phantasma debeat aliquo modo concurrere ad productionem speciei intelligibilis, patet, tum à simili, tum à priori. A simili quidem, quia species expressa sensus externi concurret ad produendam speciem impressam in sensu interno: ergo similiter species expressa sensus interni, quod est phantasma, debet concurrere ad produendam speciem impressam in intellectu.

A priori verò ex eo probatur: nam intellectus agens est potentia de se indifferens ad producendas varias species intelligibiles diuersorum obiectorum; ergo vt hanc potius quam illam producat, ab aliquo debet determinari, quod nihil esse potest nisi phantasma: ergo concurret vbi causa determinans ad talem productionem speciei. Quòd verò concurret efficienter, probatur primò, quia non concurret, vt causa exemplaris, neque vt causa formalis extrinseca, vt iam ostendimus, neq; alio genere causæ distin-

cto ab efficienti còcurrat, vt facile constat: restat ergo concurrat, vt causa efficiens instrumentalis.

Secundò, quia species expressa sensus externi efficienter concurret ad producendam impressam in sensu interno: ergo similiter species expressa sensus interni debet concurrere efficienter ad produendam speciem impressam in intellectu.

Tertiò, quia effectus assimilatur causæ efficienter illum producenti, sed species intelligibilis similis est phantasmati in representando idem obiectum: ergo efficienter concurret ad illam produendam.

Tandem quarto, quia res hæc hoc modo explicata melius intelligitur, ita vt phantasma sit instrumentum determinans indifferèntiam intellectus agens. Quòd verò sit causa instrumentalis, & non principalis, patet, quia cum phantasma sit aliquid materiale, est longè inferioris ordinis, quam species intelligibilis, & ita illi proportionatum, solum ergo potest concurrere vt causa instrumentalis, ad quod non obstat materialitas, causa enim instrumentalis potest esse imperfectior suo effectu.

Addiderim hoc loco, falsam esse plurium sententiam assertentium, quòd quamvis phantasma sit instrumentum absolute loquendo ad produendam speciem intelligibilem, tamen respectu determinationis ad talem effectum, quòd scilicet producatur hæc species, potius

potius quam illa, sit causa principalis.

Quæ sententia à plurimis in Academia nostra recepta semper mihi visa est falsa; nam non solum species intelligibilis in communi, sed hæc species intelligibilis, v.g. albedinis, est superioris & perfectioris ordinis quam phantasma albedinis: ergo tale phantasma semper est improporionatū ad illum specialem effectum: ergo etiam ad illam actionem concurrit vt instrumentum, quævis enim ratio, quā in specie intelligibili consideres, spiritualis est, & ita improporionata cum re materiali.

Sed obijciunt: nam quod intellectus agens producat hanc peculiarem speciem intelligibilem, non potest reduci vt in causam principalem in intellectum agentem, quia cum intellectus agens indifferens sit, non potest esse causa principalis talis determinationis, debet ergo talis determinatio in effectu reduci in solum phantasma, vt in causam præcipuam. Respondetur, talem determinationem effectus reducendam esse in intellectum agentem, determinatum tamen ab speciali phantasmate: quamuis enim ex se indifferens sit, dum tamen determinatur per cooperationem phantasmatum, etiam est causa principalis, vt hæc specialis species producatur, & ita nihil debet reduci in phantasma, vt in causam principalem.

Dico tertio, intellectum agentem, si nullam qualitatem imprimere

in phantasma, vt illum eleuet ad productionem speciei intelligibilis. Hæc conclusio colligitur ex doctrina generali de instrumentis tradita 2. lib. Phis. disput. 3. vbi late ostendimus, non esse necessariam præuiam aliquam qualitatem instrumentis superadditam, vt dicantur eleuari ad actionem causæ principalis. Et in nostro casu id breuiter ostendo, quod si intellectus agens imprimit qualitatem aliquam in phantasmate, ratione cuius dicatur eleuari, vel illa qualitas est corporea, vel spiritualis: non spiritualis, quia nulla qualitas spiritualis potest recipi in subiecto corporeo: neque etiam corporea, quia per illam tam improporionatum manebit sicut antea; semper enim maneret corporeum: frustra ergo talis qualitas ponitur.

Dicendum ergo est iuxta doctrinam ibi traditam, phantasma non ex eo dici eleuari ab intellectu agentis, quia aliquam qualitatem ab illo recipiat, sed quia intellectus agens eadem actione cum illo concurrit, ad producendam speciem intelligibilem, & ita dum cum illo corporatur, fit phantasma potens elicere actionem, quam alias non posset, & ita eleuatur ad actionem superioris ordinis, quæ agat in intellectu passibile, speciem illi imprimendo.

Ex dictis etiam patet, quā sit verū, quod loco dicto ostendi, scilicet non esse semper necessariam præuiam actionem, qui instrumentum aliquod efficiat, ante actionem

causæ

causa principalis, patet enim phantasma nullam praeuiam operationem habere ante actionem illam, qua simul cum intellectu agentis producit speciem intelligibilem.

Dico quartò, phantasma & intellectum agentem eodem indivisibili concursu concurrere ad huiusmodi productionem, & non per diuersos concursus parciales. Hanc conclusionem statuo contra Scotum ubi supra, & manifestè deducitur ex doctrina generali de instrumentis tradita loco citato, ubi ostendimus causam principalem, & instrumentum eadem prorsus indivisibili actione concurrere, tamquam agentia subordinata. Et in nostro casu id breviter ostendi potest: quia vel aliquis concursus correspondet phantasmati, qui non correspondet intellectui agentis, & tunc sequitur illum concursum solum phantasmati debere tribui, atque adeò phantasma respectu illius esse causam principalem, quia se solo est sufficiens ad illum: unde iam terminus quasi partialis tali concursui correspondens produceretur à phantasmate, ut à causa principali, & ita aliquid speciei corresponderet phantasmati, ut causae praeipuae, quod iam ostendimus esse falsum: si autem quivis concursus procedens à phantasmate procedit etiam ab intellectu agentis, habetur intentum, nempe eundem indivisibilem concursum ab utroque procedere. Quia ratio ad omne instrumentum in simili forma accommodari potest. At-

que in praesenti id obiter attigisse sufficiat, plura enim de hac re dixi loco citato, ibique videri possunt, ne eadem pluries repetamus.

Possset tandem hoc loco dubitari, an haec productio speciei intelligibilis sit actio vitalis, & quidem inter Iuniores Philosophos, quibus res hac negotium novisse factessit, plures existimant huiusmodi actionem non esse vitalem, eò quòd intellectus agens in hac actione veluti suppleat vicem obiecti: nam species impressa, quam obiectum materiale ad extra existens non potest per se ipsum in intellectu imprimere, intellectus agens quasi id munus subiens producit: sed productio speciei impressae facta ab obiecto non est vitalis actio, ut patet de actione illa, qua colores producunt species sui in medio: ergo neque productio speciei facta ab intellectu agentis est actio vitalis.

Mihi tamen probabilius videtur huiusmodi actionem vitalem esse, est enim proprius actus intellectus agentis, quem esse potentiam vitalem ex eo coniectari videtur, quia est potentia orta ab anima rationali, non secundum gradum formae naturalis, in quo convenit cum alijs formis substantialibus non viventium: sed quatenus rationalis est: sed gradus rationalitatis est quidam gradus vitae, non secus quam gradus sentiendi, aut nutriendi: ergo talis potètia vitalis est, atque adeò, actio illi propria etiam est vitalis: quòd

autem productio speciei impressæ facta ab obiecto sensibili non sit actio vitalis, parum interest, quia quamuis illa actio non fiat modo vitali, hæc tamen productio fit modo vitali, abstrahendo talem speciem à phantasmatibus, quæ actio nulli alteri agenti nisi vitali convenire potest. Prior autem modus producendi speciem generalis est, etiam non viventibus, imò contingere potest vnum & eundem terminum posse fieri actione vitali, & actione non vitali, qualiter productio nouæ partis viventis potest fieri vitaliter per nutritionem, non vitaliter tamen à Deo solo. Quid ergo mirum, quòd quamuis productio speciei impressæ causata ab obiecto externo non sit actio vitalis, tamen productio speciei intelligibilis ex phantasmatibus sit actio vitalis?

Questio III. Quomodo intellectus agens illuminet phantasmata?

Intellectum agentem phantasmata illuminare, adeò philosophorum calculis receptum est, ut nihil tam sit frequens apud ipsos; idque desumpserit ex Aristotele, in hoc capit. ubi intellectum agentem tamen appellat, quod stare non posset, nisi aliquid illuminaret. sed non aliud nisi phantasmata ergo intellectus agens illuminat phantasmata.

Sed quamuis locutio hæc ab omnibus recipiatur, nescio tamen an fano modo ab omnibus intelliga-

tur, nam ex antiquioribus philosophis Abempace existimauit intellectum agentem illuminare phantasmata in hæsiuè, ex eo videlicet, quòd in illis imprimat lumen quoddam illis intimè inhærens, non secus quàm lumen ipsum dicitur illuminare medium.

Hæc tamen sententia ex dictis superiori quæstione facile refertur, quia scilicet tale lumen productum ab intellectu agenti in phantasmatibus, vel est aliquid spirituale, vel corporeum non spirituale, quia nihil tale potest recipi in subiecto corporeo: neque etiam corporeum: nam frustra esset tale lux, cum adhuc phantasma maneat corporeum, & ita improporionatum ad producendam speciem spirituales: ergo impossibile est, intellectum agentem illuminare phantasmata in hæsiuè.

Quare mihi hac in re placet sententia Caietan. 1. part. quæst. 79. artic. 3. dicens intellectum agentem illuminare phantasmata obiectiue, ita quòd nihil in illis imprimat, qualiter ipse Caietan. existimat lumen externum illuminare corpus coloratum obiectiue solum, ita quòd nihil luminis recipiatur in illo. Sed quamuis exemplum hoc non recipiam, eo quòd supra ostendi, corpora colorata operari a qualis lucis esse capacia, sententiam tamen eius recipio, & hac ratione explico: supponendo tamen hic nomine phantasmatis non tam intelligi idolum phantasiæ, quàm ob-

iectum

iectum illius, ut enim supra dicebam, sive imago, & eius obiectum eodem nomine appellantur, qualiter imago Cæsaris Cæsar appellatur. Dicitur ergo intellectus agens illuminare phantasmata, id est obiecta phantasmatum; similitudo autem à lumine ducta in hoc consistit, quod quemadmodum lumen externum fecit colores esse visibiles, qui sine lumine videri non possunt, ita intellectus agens facit obiecta intelligibilia, dum eorum species producit in intellectu, sine quibus intelligi non possunt: imò supra capite de Visu etiam dicebam, lumen externum concurrere ad pro-

ducendas species colorum, hoc ergo appellat Caiet. illuminare phantasmata obiectivè, & fortasse iuxta hunc modum explicari possunt aliter intellectum agentem poni ad confortandum intellectum passibilem: nam cum illi imprimat speciem necessariò requiritam ad intelligendum, tribuit illi sufficientem virtutem ad suum munus exercendum, & penes hoc dici potest illum confortare: neque video qua ratione hæc sententia secundum veram philosophiam confortari possit.

Et hæc de hoc capite,
& tractatu.

(i)



TRA.

THE HISTORY OF THE

The history of the world is a story of the human race, of its progress, its struggles, its triumphs, and its failures. It is a story of the human mind, of its power, its limitations, and its aspirations. It is a story of the human heart, of its joys, its sorrows, its hopes, and its fears. It is a story of the human spirit, of its strength, its weakness, its courage, and its cowardice. It is a story of the human race, of its progress, its struggles, its triumphs, and its failures. It is a story of the human mind, of its power, its limitations, and its aspirations. It is a story of the human heart, of its joys, its sorrows, its hopes, and its fears. It is a story of the human spirit, of its strength, its weakness, its courage, and its cowardice.





TRACTATUS DE Immortalitate animæ, de appetitu sensituiuo, & rationali, & actu vitali.

Disputatio 1. De immortalitate anima rationalis.

Rostquam disputatum
est de anima vegeta-
tiua, sensitua, & po-
tentis earum, restat
disputemus de anima
rationali, quantum attinet ad es-
sentiam eius.

Questio 1. Vtrum anima rationalis sit immortalis secundum Arist.

IEgatur Card. Tolet. 3. de Ani-
ma quæst. 15. & Auctores infra
citandi tractat. de Immortalitate
Animæ. Multi senserunt Aristote.
putare animam nostram esse mor-
talem: sic dicuntur sensisse Aristo-
genes, & Diehardus auditores
Aristot. vt refert Miran. lib. 4. exa-
minis cap. 4. Plutarc. lib. 1. de pla-
citis cap. 2. Galen. in histor. philo-
so. indicat Nyssen. lib. de Anima,

Pomponaceus lib. de Immortalitate Animæ, Theod. lib. 5. Græceni. affect. Iustinus martyr sermone exhortatorio ad Gentes, Orig. 2. Periar. indicat Nazian. oratione 1. Theologie in fine, Lactā. lib. de resur. carnis, Alexan. Aphro. de cuius mente latè Aug. locis infra citandis, & de mente Arist. idem sensit Simon Portius citatus à Tolet.

Secunda sententia est assèrentium Aristot. dubium fuisse in hac parte, licet magis videatur inclinare in animæ immortalitatem. Sic sentit Scot. in 4. d. 43. quæst. 2. Durand. in 2. d. 13. q. 3. Herueus lib. 1. q. 11. Niphus de Immortalitate Animæ c. 1. Canon. tamen lib. vlti. de locis Theol. c. vlt. putat Arist. magis inclinare in contrariam partem.

Tertia sententia est assèrentium esse immortalem secundum Aristot. Nonnullos refert Cardinal. Tolet. alios refert Miran. libro 4. examinis capit. 9. eruditè, vt adfo-

leg; Eugub. lib. 2. de perenni philo.
cap. 8. Villalpand. apologia de im-
mortalitate animæ. Petrus Marti.
tract. de eadem re, prolixè Palatius
3. de ani. cap. 4. quæ st. 1. Alb. tracta.
2. de ani. cap. 20. & tract. 3. cap. 13.
Pereir. lib. 7. suæ philo. cap. 19. Tol.
loco citato, & quod maius est D.
Thomas 2. contra Gent. cap. 78. &
79. Ferrar. ibi & eius schola, & 12.
Met. ut infra dicam, & probat Tol.
ex 2. de ani. text. 66. ubi dixit: *Quod
amare, cogitare, & similia, desinunt
cum corpore: intellectus autem for-
tasse divinum aliquid, & impassibile
est*, inquit Aristot. quæ eo fine dicū-
tur ab illo, teste Diuo Thoma: quia
cū locutus fuisset de intellectu, ad-
mittendò opiniones aliorum, pos-
set aliquis credere, sic sentire Arist.
ut verò explicaret non esse locutū
ex propria sententia, addit illa ver-
ba: *Dixit autem fortassis, ut advertit
D. Tho.* quia nondum hoc erat de-
terminatum.

Secundum testimonium est ex 2.
de anima, textu 21. *De intellectu au-
tem, & speculativa potetia nihil mani-
festum adhuc est, si dicitur aliud genus
animæ esse, & hoc solum posse separari,
sicut per patrum à corruptibilibus*. Lega-
tur Divus Thomas & alij ibi, & idē
inducat Aristoteles 12. Metaphysic.
textu 13. ubi manifestè id affirmat
Divus Thomas, Anton. Andr. & alij,
& 2. de generat. anim. cap. 3. do-
cet, actionem intellectus non com-
municare cum corpore: idē in sup-
ponit 1. de part. anim. c. eadem sup-
ponit 1. Ethicorum, cap. 11. dicitur,

etiam Aristotelem scripsisse dialo-
gum quemdam ad Eudemum, in
quo multas adducit rationes ad ostē-
dendam animæ immortalitatem, ut
refert Themist. paraphrasi in 3. de a-
nima, cap. 37. ex quo id desumpsit
Pereira, qui testatur, Eudemum il-
lum fuisse, cuius meminit Cicero
1. de divina. narrans somnium eius,
de immortalitate animæ.

Præter has autem sententias est
singulare figmentum quorundam
iuniorum, Aristotelem sensisse, a-
nimam quidem rationalem esse im-
mortalem, non eam, quæ informat
corpus, sed quæ assistens est: aliud
verò principium informans mate-
riam hominis esse corruptibile; quod
principium, si solum ponatur ani-
mæ sensitivæ, parum differt hæc sen-
tentia ab intellectu Averroistico: si
verò ponatur etiam habens opera-
tionem rationis simul cum anima
assistente, contra mentem Aristo-
telis est, ut constabit ex dicendis.
Fundamentum verò huius senten-
tiæ infra referam fideliter, & refel-
lam efficaciter.

Mihi videtur, Aristotelem ma-
gis inclinasse in immortalitatem ani-
mæ rationalis: hoc enim efficaciter
probant loca adducta pro tertia sen-
tentia. Cū verò affirmo, Aristo-
telem in hoc inclinasse de immor-
talitate, & duratione perpetua, ex
parte finis intelligo, ut voluerit a-
nimam semel creatam perpetuò du-
raturam; an verò senserit creati an-
te corpus, infra dicemus. Cum hoc
tamen ex summo, non omnino Ari-

stote-

Aristotelem putasse, se demonstrasse efficaciter immortalitatem animæ, quæ duo longè diuersa sunt. Et ad hoc secundum affirmandum me mouet, quòd cum hæc controuersia fuerit ea ætate inter insignes Philosophos disputata, sine dubio Aristotelè propter consequendam hominum gloriam, cuius erat audivissimus, mille in locis rem hæc tractasse, si existimaret, rem hanc demonstratue posse probari aliqua ratione à se inuenta.

Secundò dico, sensisse Aristotelem ut probabilius, animam rationalem informantem esse immortalè. Hæc est sine dubio mens Authorû, quos citauimus pro tertia sententia, & videtur probari efficaciter ex loco citato 12. Metaphysic. textu 16. & 17. nam de eadem anima rationali affirmat, & esse causam formalem, & manere post corpus, ut ibi explicat Sanctus Thomas clarissimè, Anton. André. & alij expositores, idem Sanctus Thomas 2. contra Gent. cap. 79.

Sed dicet aliquis, in eo loco, quàm do Aristoteles loquitur dubitatiue, quid dicendum est? Respondetur primò, quòd illa dubitatio secundum aliquos cadit supra omnes animas, quia forsitan aliqui existimabant, omnem animam esse separabilem. Sic interpretatur hunc locum Scotus in 4. distinctione 43. quæstione 2. indicant nonnulli expositores loco citato: dicuntque, huc esse non ordinem familiarem affirmandi. Nec desunt qui etiam addant Græcam par-

ticulam esse affirmatiuam. Adde tamen ex propria sententia, huiusmodi modum loquendi significare, Aristot. non putasse suam sententiam demonstrasse.

Restat explicemus aliqua loca illustriora, quibus utuntur existimantes Aristotelem sensisse animam informantem hominis esse immortalè.

Primus locus est ex 3. de anima cap. 1. in quo affirmat Aristoteles, intellectum passiuum extingui. Respondet nonnulli ex opinione Simplicij, qui sic intelligit illum locum, ut dicatur intellectus passiuus extingui, non quia secundum rem corrumpatur, sed quia amittit statum passiuum: quia cum pro eo statu non accipiat species à rebus, non patitur iam ab obiectis. Et propter similem rationem Diuus Thomas 1. p. quæstione 54. artic. 4. contendit, in Angelis non esse intellectum passibilem, id est, passibilem, quia in opinione Diui Thomæ non patitur ab obiecto, sed habet species infusas à Deo.

Hæc tamen doctrina non potest sufficienter probari ex mente Aristotelis, & ideo Diuus Thomas, & alij eo loco nomine intellectus passiuus intelligunt imaginationem: nam eodem libro cap. 3. dixerat Aristoteles, phantasiam esse quasi quendam intellectum. Et 1. Ethic. lect. 2. apud S. Tho. est, partem sensitivam esse rationalem, quatenus per obedientiam subditur rationi: & secundum hanc sententiam dicunt,

Aristot. affirmare animam rationalem in statu separationis nō recordari rerum, quas in hac vita sciuerat secundum eundem modum, i. est, cum conuersione ad phantasmata. Legatur Tolet. Palatius, & alij. Burid. quæst. 1. ad vltimum: & ex hac doctrina intelligitur, quod docuit Arist. 1. de Anima text. 66. quod intelligere corrumpitur corrupto quodam interiori: & quod attinet ad locum Arist. hæc secunda explicatio videtur verior: sed quod attinet ad præsentem quæstionem, sine dubio nobis fauet locus ille: nam si supponat Arist. animam manere post corpus, quomodo quæret causam, ob quam post mortem non reminiscatur, idque bene ponderauit Burid. q. citata in corpore.

Secundò potest obijci, quia Aristot. capit. 16. aut secundum aliam diuisionem capit. 10. reprehendit Solonem, eò quod dixerat, beatitudinem veram superesse homini post hanc vitam. Verumtamen, si attentè legatur illud caput, oppositum colligitur ex Arist. vt verò aduertit D. Thom. scilicet. 5. illud tātū reprehendit Arist. in Solone, quod in tempore mortis ponat felicitatem huius vitæ, quod id eò putat inconueniens, quod ex eius sententia felicitas consistit in contemplatione, ad quam homo eo tempore minus est aptus.

Tertiò possunt simul obijci nōnulla loca facilia 1. Physic. text. 28. dicit Aristot. se acturum de formis

generalibus, & corruptibilibus, & 2. Physic. text. 12. dicit: *Formam sola ratione posse separari à materia*, & 4. Physic. text. 17. probat formam nō esse locum, *quia locus separatur à re, non tamen forma*, & 8. Physic. text. 52. dicit principia, quæ se mouent per accidens esse corruptibilia, anima verò se mouet per accidens ad motum corporis, & 7. Meth. text. vltim. dicit. *Partes; quæ destructo toto manent, solum sunt partes materiales*.

Respondetur ad primum, quod Arist. vocat formas generabiles, & corruptibiles, formas rerum generabilium, & corruptibilium.

Ad secundum quod Aristot. loquitur de forma, & materia formaliter, & actu, respectu totius: quam rationem etiam anima rationalis actu non habet, nisi quando actualiter est coniuncta, vel per separationem intelligit distinctionem quidditatum, & in hanc secundam inclinatur ibi D. Thom.

Tertius locus facile intelligitur. Argumētum Arist. tale est: Forma non separatur à re, cuius est forma, manente ipsa re: ergo forma non est locus: quia is separatur à re, manente ipsa re.

Ad quartum respondetur, quod, vt D. Thom. & alij explicat, solum docet Arist. principia, quæ se mouent per accidens, esse in rebus corruptibilibus.

Tandem vltimum testimonium nihil habet roboris, quia Aristot. ibi non negat formam aliquam esse sepa-

separabilem à toto, sed solum affirmat, omnem partem separabilem ab illo habere quodammodo rationem materiæ respectu totius: ynde ex his omnibus locis non colligitur, animam rationalem esse corruptibilem ex Arist.

Quartò potest obijci, quia Arist. 12. Meta. tex. 39. dicit, quòd Deo felicitas inest perpetuò, nobis verò paruo tempore, & 3. Eth. c. 6. dicit, quòd fortis in periculo mortem timet, quia omnium terribilium ultimum est mors, & mortuo nihil videtur boni, aut mali accidere.

Ad primum respondet Card. Tolet. Arist. loqui de felicitate, quæ inest viuis, non de ea, quæ post mortem potest inesse animæ. Et re vera videtur conformis Arist. Locus verò ex Eth. explicatur à Card. Tol. hoc modo, vt fortis timeat mortem secundum Arist. quia post illam nihil boni, aut mali potest accidere, idest, quia post mortem non habet materiam, circa quam exerceat suam fortitudinem. S. Th. ibi sect. 14. sic interpretatur, vt mors dicatur ultimum terribilium, quia est terminus totius vitæ præsentis, & nihil post mortem videtur esse bonum mortuo, vel malum, de his, quæ pertinet ad præsentem vitam. Milu verò videtur, Arist. eo loco nò negare, posse aliquid boni, vel mali animæ accidere post hanc vitam, vel homini, quia ipse nò cognouit resurrectionem carnis: qui tamen putauit, animam esse perpetuam. Adde secundò, quòd ipse non loquitur absolu-

tè, sed quasi ex communi conceptione vulgi ignari. Adde tertio, quòd ibi videtur apertè supponere Aristotel. animas mortalium hominum futuras post mortem: aliàs dicere posset, non posse fortitudinè versari circa periculum post mortem, quia nec anima manet post mortem.

Quintò potest obijci ex 1. de partibus animalium, cap. 1. in quo docuit Aristoteles, animam non esse naturam, quod necessariò videtur intelligendum de anima non informanti: ergo cum sentit animam esse immortalem, vel non communicare cum corpore, explicari potest de anima non informanti. Respondetur, animam non esse principium formaliter, in quantum principium intellectus: tum, quia sapè est libera respectu huius actus, tum, quia spirituales actiones communi vocabulo non solent dici physice, aut naturales, quia neque in materia sunt, neque à materia dependent.

Sextò obijcitur doctrina Aristotelis 1. de anima, textu 8. in quo cum proposuisset, disputandum esse, an sit vna definitio communis animæ, & textu 13. dixisset, hoc pendere ex eo, an habeat propriam aliquam operationem.

Tandem sex. 51. concludit, esse Philosophi naturalis agere de anima, aut omnino, aut aliqua; quo in loco videtur Aristoteles velle tradere eandem doctrinam, quam tradidit loco citato: & iuxta eandem

coarctatam diceretur, sicut, solum
velle Arist. vel aliquam animam
intellectuam, non pertinere
ad Philosophum, vel animam ra-
tionalem, secundum aliquem sta-
tum non pertinere ad eundem.

Se primo obijcitur, Aristotel. 1.
de anima text. 24. ubi reprehendit
Anaxag. quia non videtur distin-
guere animam ab intellectu, cum
tamen mens; & intellectus non sit in
omnibus, in quibus est anima, imò
neque in omnibus hominibus: quo
loco vtuntur iuniores, quasi Arist.
distinguat mentem a sententiā ab
anima informanti.

Pro solutione aduertendum est,
quod Tolet. aduertit ex Simpl. &
alijs Græcis, eo loco per intelle-
ctum significari potentiam intel-
lectuam cum actu prudentiæ, qui
reuerā non est in omnibus homi-
nibus: pueri enim non habent usum
prudentiæ. D. Thom. verò ferè eo-
dem sensu intellectum affectum
habitu prudentiæ: & reuerā Arist.
text. antecedenti nomine intelle-
ctus potentiam intellectuam si-
gnificauerat; & ideo merito Card.
Tolet. eos vocat eos, qui ex hoc
loco Aristotel. colligunt vel intel-
lectum non esse à natura, vel non
inesse omnibus, quod est contra
mentem Arist. secū. 30. problemat.
quest. 51.

Obijcitur octauo locus quidam
ex 1. de generatio. animal. capit. 3.
in quo Aristot. inquit, an anima
omnes sint in semine, vel vnde re-
cipiant illas viuentia, postquam

locutus est de vegetali, sensuali, &
rationali anima, addit: *De mente
etiam dubitum esse potest, quoniam ten-
pora, & quomodo recipiant eam vi-
uentia.* Ex quibus verbis videtur
colligi quarta opinio supra posita.
Pro intellectu huius loci ad-
uertendum est, quod vt soluat A-
ristot. dubium illud, supponit for-
tum esse animatum. Secundo etiam
supponit, vt certum, sensualem
animam, qua viuens constituitur
in esse animalis, recipi in materia
seminis, etiam tempore præceden-
ti ante informationem animæ ra-
tionalis. His positis sic ait Aristot.
*Quamobrem, & de mente etiam, quo-
nam tempore, & quomodo, & vnde
eam recipiant, qua principium id par-
ticipant, plurimum dubitatur.* Ex
quibus verbis non est cur colliga-
mus de quarta aliqua anima distin-
cta à tribus præcedentibus esse ser-
monem. sed dubium esse de tertia
illa, quam dicit etiam hic recipi in
materia: vnde si bene perpendatur
totus contextus, nec leuissimum
quidem fundamentum habet in il-
lo, quarta sententia. Et hæc suffi-
ciant pro isto loco; quantum ad
præsentem difficultatem pertinet.
Quomodo verò Aristot. soluat eo
loco dubium propositum, non est
præsentis difficultatis. An verò ex
eo colligitur Arist. sensisse animam
rationalem esse ante corpus, dicam
suo loco.

Vltimo obijcitur pro quarta
sententia, quod Aristotel. 1. de ani-
ma capit. 4. text. 61. videtur affir-
mare.

mare, intellectum esse substantiam quamdam, & non corrumpi, & quod extrinsecus videatur aduenire: quibus verbis videtur significare Aristotel. huiusmodi intellectum aduenire homini iam constituto. Sed Diuus Thomas, & alij intelligunt Aristotel. loqui ex sententia aliorum. Tolet. verò non nullas reijcit expositiones, & ipse affirmat, per intellectum ibi significari animam, de qua verificatur, quod sit substantia quædam, & quod non corrumpatur, & quod extrinsecus adueniat, id est, quod non educatur de potentia materiz. Hæc sufficiat attigisse ex multis locis, ex quibus facile est alia explicare.

Quærere posset aliquis, quænam fuerit mens aliorum Philosophorum circa immortalitatem animæ. De mente Platonis consentiunt Auctores animam rationalem esse immortalem: de quo legi potest Pater Perejra lib. 6. suæ philosophiæ capit. 18. Eugub. lib. 9. de perenni Philosophia capit. 14. Euseb. lib. 11. de præparatione. Euange. capit. 14. Plures alios Philosophos adducit Eugub. loco citato. Idem senserunt multi ex Stoicis, & Pythagor. ut refert Plutarc. lib. 4. de placit. capit. 7. & multi ex Græcis, qui suam philosophiam sumpserunt ab Hebræis, ut refert Iosephus lib. contra Apionem: legatur Euseb. lib. 10. de præparatione. & Berosus lib. 3. Herodot. lib. 2.

Aduertendum tamen est, in hoc

fuisse deceptos plures Platonicos, quod posuerint transmigrationem ejusdem animæ à corpore in corpus, quod eruditè refutat Eugub. lib. 7. diuinarum institutio. legatur Antoni. 1. part. Theologali, capit. 5. Apuleius libro de Deo Socratis, Augustinus 9. de ciuitate capit. 16. Quæ hic poterant obijci ex doctrina Aristot. 1. cæli, cap. 12. diximus in lib. de cælo citato.

Quæstio II. Vtrum ratione naturali possit probari immortalitas animæ?

ANte omnia supponendum est, fuisse errorem Sædæcorum negantium animas post mortem durare, ut multi ex iunioribus referunt: legantur Patres circa capit. 22. Matth. circa capit. 10. eiusdem, & circa cap. 3. Sapientiæ varijs tractatibus de immortalitate animæ, homilijs de resurrectione Domini, & circa capit. 15. primæ Corinth. & circa caput 19. Iob. legantur Scholast. disput. 44. qui merito docent secundum nostram fidem animam esse immortalem; estque veritas hæc expressè definita in Concil. Lateranen. 3. sessio. 8. & docet D. Thom. 4. cont. Gent. cap. 79. infinitæ fere sunt auctoritates Scripturæ, quæ animæ immortalitatem probant.

Sed quæritur potest, an anima nostra sit immortalis solum ex dono
V iij Dei,

Dei, vel etiam ex natura sui. Respondeo: cum Patres affirmant, animam esse immortalem, intelligendi sunt secundum suam naturam: numquam enim dicunt aliquid, ex quo possit intelligi, illos velle animam ex speciali miraculo durare post mortem, & hic sensus aperte videtur intentus à Leone X. in Concil. Lateran. sessio. 8. sic enim dicitur: *Cum diebus nostris nonnulli ausi sint dicere de natura animae rationalis, quod sit mortalis, &c. & addit, sacro approbante Concilio damnamus & reprobamus omnes asserentes, animam intellectiuam esse mortalem, aut unam in cunctis hominibus, & hac in dubium vertentes, cum illa non solum verè, & per se, & essentialiter humani corporis forma existat, sicut in Canone Clementis Papae V. Generali Viennensi Concilio edito continetur, verum, & immortalis, & pro corporum, quibus infunditur, multitudine singulariter multiplicabilis, multiplicata, & multiplicanda.* Quibus verbis satis clarè indicat Conciliū animam rationalem per se, & essentialiter esse immortalem, sicut & corporis formam: praesertim cum in hac defunctione damnetur illi, qui affirmabant, illam secundum suam naturam esse mortalem. Vnde merito Bañez. 1. part. quaest. 75. art. 6. affirmat certum esse secundum fidem animam rationalem ex natura sua esse immortalem, & propter idem testimonium Molin. 1. p. q. 50 art. 5. col. 168. dicit esse periculosum in fide, asserere, Angelos

suapte natura esse corruptibiles. Vnde existimo parum esse tutum in fide affirmare non esse certum esse immortalē ex natura sua, quod audacter affirmant nonnulli ex Iunioribus.

Sed quæres primò, quomodo in Concil. Constantinopol. 6. act. 11. dicitur animas, & cætera indiuisibilia esse immortalia, non per naturam, sed per gratiam? Respondeo, mentem Sophronij, cuius est illa epistola, esse, nullam entitatem esse ex natura sua immortalem, quin egeat concursu Dei, quam doctrinam tradiderat Dionys. 4. de diuin. nomin. & 6. & his locis aduertunt eius Interpretes, & ipse manifestè se declarat cap. 6.

Quæres secundò, quomodo solus Deus dicatur habere immortalitatem? Respondetur, quod dicitur solus habere Deus immortalitatem sumptam pro omnimoda immobilitate, vt exponit Dion. 1. de diuin. nomin. & hoc modo explicat S. Tho. 1. p. q. 50. art. 5. ad 1. id, quod dixit Damasc. lib. 2. de fide. capit. 3. Angelum esse substantiam intellectualem gratia, & non natura immortalitatem suscipiētem: vult enim Diuus Thomas immortalitatem sumi à Damasc. pro perfecta immutabilitate, omnis enim mutatio mors quædam est, secundum Augustin. lib. 3. contra Maximinum capit. 12. & episto. ad Dioscorum. Potest etiam dici solus Deus habere immortalitatem à se per suam essentiam, sicut dicitur bonis, &c. Adden-

Addendum verò est ex doctrina S. Thom. contra Gent. cap. 30. & capit. 35. & 1. part. quæst. 10. artic. 1. ad ultimum, quod licet Angelus possit ab extrinseco deficere, tamen hoc non impedit, quin ex natura sua dicatur incorruptibilis, quia quantum est ex principiis intrinsicis, non habet unde postulare possit, & idera est de anima. Unde huiusmodi res possunt dici incorruptibiles, & immortales; quidquid malè dixerit Gabr. in 2. dist. 2. quæst. 1.

Sed quæres tertio, quomodo dicatur Ecclesiasticis 3. *Vnus est interitus, & hominis, & iumentorum, &c.* Respondéo, ibi Sapientem loqui ex persona impij, & insipientis, ut docet D. Thom. 2. contra Gentes capit. 79 & expositores Scripturæ loco citato, & supra citati Auctores agentes de immortalitate animæ. Legatur S. Tho. 1. part. quæst. 75. artic. 3. ad 1. Canon. 12. de locis Theolog. Scot. in 4. dist. 43. quæst. 1. Restat ergo ut videam, an hæc fidei veritas possit probari ratione naturali. In quo supponendum est, non posse impugnari huiusmodi veritatem ratione naturali, quia contra veritatem nullum habet mediū efficax ratio naturalis; & ideo, ut præcipit Concil. citatum, rationes philosophicæ factæ contra veritatem fidei saluantur à Catholicis Auctoribus.

His positis sunt multe rationes, quibus Auctores probant animæ immortalitatem. Plures adducit

Tolet. 3. de Anima quæst. 16. Prima ratio sit, quia sæpè utitur Sanct. Thom. Anima nostra habet operationem spiritualem: ergo est spiritualis: ergo independens à materia: ergo ex solo defectu materiæ non est corruptibilis. Probatur primum antecedens. nam intellectus cognoscit res spirituales. ergo operationem spirituales: consequentia fundatur in proportionem requisita inter operationem, & obiectum: antecedens probatur, quia iudicat inter res naturales, & spirituales.

Dices, intellectum nostrum cognoscere spiritualia per species rerum materialium. Sed contrà est, quia licet utatur huiusmodi speciebus, tamen reuera aliqua prædicata affirmat de rebus spiritualibus, quæ nullo modo possunt convenire rei materiali, quod efficaciter arguit huiusmodi obiectum, & intra latitudinem obiecti huius potentie: quod verò pro hoc statu, non utatur proprijs speciebus, solum arguit imperfectam esse cognitionem, at si dentur illi species propriæ, perfectè poterit ea obiecta cognoscere. Secundò declaratur ampliùs, quia sæpè intellectus cognoscit, res abstrahendo illas à singularitate, & à tempore, distinguens prædicata re ipsa distincta: qui modus reuera videtur excedere facultatem potentie materialis, alias non posset efficaciter probari, bruta non habere similem modum cognitionis. Et declaratur

amplius, tum ex reflexione intellectus supra proprium actum, & ex vi discursiva, quæ ex vno colligit aliud: & per omnia entia, & non entia diuagatur mirabiliter.

Quod si habet spirituales aliquam operationem, statim sequitur, ipsam esse incorruptibilem, quia si habet operationem independentem à materia, necesse est habere esse independentem à materia, quia ipsa operatio infert tale esse. Ex quo fit ulterius, ut hæc forma non possit corrumpi per solam expulsionem à materia, quia aliæ formæ ex eo corrumpuntur, quando expelluntur à materia, quia ex natura rei pendet in esse à materia; neque habent operationem, quam exercent independentem à materia. Ex quo colligo, animam rationalem non posse esse corruptibilem ratione contrarij; neque ad effectum subiecti; neque defectu agentis, quia pendet immediate à solo Deo. Quam ratiocinationem doctè persequitur D. Thom. multis in locis.

Sed dicet aliquis: Licet anima modò non dependeat in suo esse à materia, atque adeò non pendeat à corpore ut à subiecto quo ad operationem spirituales; pendeat tamen de facto à corpore, ut ab obiecto, idest, à ministrante species obiecti: ergo deficiente huiusmodi potentia ministrante obiecta, deficit anima.

Respondetur, quòd licet de facto habeat anima huiusmodi con-

nexionem cum materiali potentia ministrante species, tamen hoc ipso, quòd habet spirituales operationem, quæ essentialiter non requirit huiusmodi connexionem actualem, necessario fit, ut hæc forma sit separabilis à materia, quia potest exercere huiusmodi operationem, vel per species receptas in corpore, vel per species receptas à prima causa; quod fuscè persequitur Valle. de sac. Phil. ca. 4. pag. 88. & ex hac doctrina intelligitur discursus S. Tho. 1. p. q. 75. art. 8. & multa alia, quæ docuit agens de incorruptibilitate Angelorum 1. p. q. 50. art. 5. & ibi eius discipuli, & 2. cont. Gent. cap. 55. Legatur Cano loco citato, Fracastorius dialogo de anima, Perez, q. ult. 3. anima.

Sancti etiam Patres immortalitatem anime ostendere conati sunt. August. 2. Soliloquiorum, & lib. de immortalitate anime, Ambr. lib. de bono mortis, Chry. hom. 4. de providentia; & licet plures afferant rationes, ea tamen quæ sumuntur à providentia Dei, visà est Patribus valde efficax: supposito enim, id, quod lumine naturali notum est, scilicet Deum habere providentiam, ut communis fert Philof. & Theolo. schola, statim videtur animam duraturam post mortem. In qualibet enim Republica bene instituta specialis providentia gubernatoris est poena afficere malos, præmio bonos; quod tamen ex omni parte, & perfectè, non videt.

videmus exequi in hac vita; cum sepe mali delitiose viuunt, boni verò multis afficiantur malis vsque ad mortem: ergo necesse est, vt in altera vita mali puniantur, boni verò præmio afficiantur. Vnde, vt refert Clemens Roma. lib. 3. recognitio. dixit D. Petrus: *Si Deus iustus est, anima immortalis est.* Similem rationem indicat Plato dialo. de immortalitate animæ in fine, & Socra. vt refert Tullius Tuscul. 1. & simile quid dixit Epicarnius, vt refert Eugub. libr. 9. de per. philo. cap. 15. quam rationem pluribus verbis persequuntur. Patres, & cæteri Auth. & re vera hæc ratio efficacissima est. Vnde merito displicet Scotus multis authoribus. audacter enim in 4. d. 43. q. 2. putat rationem hanc inefficacem esse. Primò, quia existimat non esse lumine naturali notum, Deum habere prouidentiam. Secundò, quia etiam si hoc principium probetur, tamen sufficiens præmium virtutis est, virtutis ipsius delectatio; & poena sufficiens mali, esset ipsa deordinatio suæ voluntatis.

Verùm circa illud primum Scoti legendi sunt auctoritates in materia de prouidentia, & contra illum disputat Cano loco citato, neq; videtur sufficiens ex omni parte præmium virtutis, sola naturalis delectatio, cum sepe opera virtutis fiant cum magno labore. Tum etiam, quia vitium sepe non habet annexam tantam poenam, quantam de-

lectationem. Præterea, quæ nam delectatio esse posset in sola proferenda acerbissima morte, si nulla esset spes futuri præmij? & re vera vix videtur tantam potuisse habere difficultatem Hieremiam, Iobum, Abacum, & Dauidem circa inquisitionem causæ, ob quam Deus finit malos delitiose viuere in bonis, bonos verò doloribus affici. Vltèrius, si vera esset mens Scoti, quomodo verificaretur illud Pauli 1. Corint. 15. *Si in hac vita tantum in Christo sperantes sumus, miserrabiles sumus omnibus.* Præterea, si nulla esset alia poena peccatorum, quomodo homines possent coerceri à vitijs? quis esset timor poenæ? qualis virtutis amor?

Est tamen non leue argumentum pro immortalitate animæ petitum ab Auctoribus, sapientissimis Philosophis multarum gentium. Videtur enim insita à natura homini notio, vt in simili Tusculana prima argumentatur Cicero, vt probet Deum esse. Peti etià solet alia ratio non leuis momenti in philosophia, petita à fine hominis, quia necessario videtur esse affirmandum, hominem habere suum vltimum finem, quem tamen in hac vita miseris plena non videtur consequi.

Est tamen dubium quoddam, an huiusmodi rationes demonstrent animæ immortalitatem. Scotus enim suprà existimat, non esse demonstratiuas, & Varablus Ecclesiasticis

fialtis 3. num. 21. existimat, ratione naturali non cognosci immortalitatem animæ. Vall. tamen & Cano, alijq; huius ætatis existimant, rationem illam petitam ab operatione, esse demonstrationem philosophicam, & idè Cardin. Toletus quæstione 16. existimat, sententiam Scoti esse temerariam: & Chrysostom. loco citato existimat, suam rationem esse luce clariorem: affirmatq; eos, qui dubitant de immortalitate animæ, posse etiam dubitare, an in meritis sit dies. Neque fundamentum Vatabli aliquid habet efficacitatis, quia, vt supra diximus, in illo capite sermo est de insipiente.

Sed potest aliquis obijcere pro Scoto ex Augustino 13. de Trinitate capite 9. affirmat enim, paucos cognouisse immortalitatem animæ. Respondetur tamen, quod expressè in eo capite Augustinus affirmat, aliquos ratione naturali inuenisse immortalitatem animæ: videtur autem Augustinum loqui de his, qui proprio labore huiusmodi cognitionem adepti sunt. Addi etiam potest, quod Augustinus non loquitur de quacumque immortalitate, sed de immortalitate futuro post hanc vitam, simul cum beatitudine.

Secundò obijcit Scotus ex Gregorio lib. 4. Moralium in fine, qui adductis quibusdam rationibus pro immortalitate animæ, addit: *Qui propter has rationes non vult credere, credat propter fidem*: quasi supponat Gregorius, rationes non esse om-

nino efficaces. Quæ verba non inuenio apud Gregorium; & tamen licet sint Gregorij, facile possunt explicari. Neq; enim affirmat Gregorius, rationes esse inefficaces, sed cum ad fideles esset sermo, merito potuit dicere: Si quis non mouetur his rationibus, credat propter fidem.

Quæret aliquis, an bene Aristoteles ex operatione probauerit immortalitatem animæ. Dubium hoc propositum est, vt explicentur nonnulla, quæ circa hoc dixit Aristoteles. 1. enim de anima à textu 12. ponit aliquas propositiones. Prima est: *Si intelligere est imaginatio quadam, aut non sine imaginatione, non erit sine corpore*. Secunda: *Si anima humana aliquam habet propriam operationem, fieri potest, vt à corpore separatur, si autem nulla sit propria operatio, separabilis non est*.

Circavltimamaduertendum est, multum laborare Themist. Auerr. Aegidium, & alios in explicando modo argumentationis, quo vtitur Aristoteles, & mihi placet breuiter affirmare, illam rationationem Aristotelis ratione materiæ esse bonam: sic docuerunt Apollina. & alij, licet etiam possit dici, quod docuit S. Thomas, non esse ibi aliquam rationationem, sed contineri duas propositiones, quæ possent deferui re ad inuestigandum animæ immortalitatem, quod alij etiam amplectuntur.

Secundò oportet explicare, quid intelli-

intelligat Aristot. nomine propriæ operationis. Pro quo aduertendum est, quòd licet omnes operationes vitæ procedant ab anima, tamen quædam sunt, quæ in corpore, vt in subiecto, & organo, recipiuntur, ac perinde pendent ab illo, vt à causa materiali. Alia potest esse operatio, quæ & ab anima sit, & non recipiatur in corpore, atque adeò, neque pendeat à corpore, vt à subiecto, vel organo, cum ergo Aristot. dicat animam esse separabilem, si habeat propriam operationem, de operatione propria, secundo modo intelligendus est, secundum S. Thom. & alios, & communiter recipitur à iunioribus, licet Toletus velit, quòd loquatur Aristot. de operatione, in qua neque à corpore, vt obiecto dependeat: hæc autem (inquit ille) est cognitio intelligentiarum. Verum tamen, vt dicam suo loco, nulla est talis cognitio in hoc statu, & ideo de illa non potest explicari Aristot. & in his propositionibus conditionalis est sermo Aristotel. quòd verò ipse senserit animam habere propriam operationem, colligendum est ex locis suprà citatis pro immortalitate animæ ex mente Arist.

Sed quæret aliquis, quomodo Arist. 3. de Anima text. 30. docuerit intellectum numquam intelligere sine phantasmate. Videtur enim sequi ex mente Aristot. animam esse mortalem. Quod argumentum adeò efficax visum est

Caiet. vt propter illud dixerit Aristot. his libris sensisse animam esse mortalem, si est imaginatio, vel nō sine imaginatione. Sed si hoc ita esset, vix posset à contradictione liberari Arist. vt constat loco citato 12. Meta. Secundò contra hoc est, quòd si Arist. 2. lib. de Anima, text. citato nomine propriæ operationis intellexisset eam, quæ non penderet à corpore, vt obiecto, quod tenetur dicere Caiet. ferè euidenter sequeretur supponi statum separationis, vel saltem pro hoc statu esse talem modum operandi, hoc autem secundum omnino pugnat cum experientia, illud autem esset magnum vitium in argumento; tū etiam sequitur, vt vidimus, ex operatione in dependenti à corpore, vt à subiecto, colligi independentiam animæ à materia: ergo sufficit si nomine propriæ operationis hanc intelligat.

Ad dubium ergo propositum respondent aliqui, quòd Aristot. 3. de Anima loco citato dixit animam non esse sine imaginatione, quod tamen intelligit pro hoc statu: cum verò primo de Anima dixit, quòd si anima est phantasia, vel non sine illa, non est separabilis, intelligendus est, si pro nullo statu est sine illa. Sed hæc explicatio etiam videtur supponere duplicem statum, & ideo ex dictis possumus explicare Arist.

Pro cuius explicatione aduertendum est, quòd tribus modis potest dici aliqua operatio pendere à po-

à potentia materiali; vno modo tamquam ab elicente immediatè, sicut visio pendet à visu: alio modo, tamquam à proponente obiectum, sicut actus appetitus sensitiui pendet ab operatione sensus interni. Tertio modo tãquam à concomitante, propter connexionem cum eadem anima: qua ratione pendet intellectus ab operatione sensus interni, etiam postquam habet speciem obiecti. Cum ergo Aristot. dixit, quòd si anima habet aliquam propriam operationem, est separabilis; nomine propriæ operationis intelligit operationem independentem à potentia materiali, non solum tamquam ab elicente, sed etiam tãquam à proponente obiectum, ita vt solum dicatur pendere à potentia materiali, propter concomitantiam, quam operationem reuera habet anima etiam in hoc statu: cum verò dixit Arist. animam non esse separabilem, si est phantasia, vel non sine phantasia, iuxta duos priores modos intelligendus est: at cum 3. de anima affirmat non esse intellectum sine phantasia, iuxta tertium modum intelligendus est, & hanc explicationem merito amplectuntur plures huius ætatis. Legatur Arist. 1. de anima, text. 12. & 14.

Quæst. III. Vtrum anima rationalis inæpexit cum corpore.

Ratio dubitandi esse potest, quia si anima potest manere

sine corpore; etiam ex naturateis; ergo poterit etiam esse ante corpus.

Fuit quondam error Pythagoræ asserentis animam transmigrare à corpore in corpus: vnde consequens erat, animam esse ante multa corpora. Quem errorem sumpsit Pythagoras ab Aegypto. vt refert Herod. fuitque multorum: Platonis, vt in episto. qui etiam affirmat, hanc tenuisse Ioannem quemdam Episcopum Hierosol. imò eam tribuit Ruffino Hieron. apologia contra Ruffin. lib. 1. Fuit etiam error Orig. lib. 1. Pariar. cap. 7. lib. 2. cap. 3. 6. & 8. Legatur S. Thom. 2. contra Gen. cap. 83. & ibi Ferrara, Cardin. Tolet. 3. de anima quæst. 17. Ludouicus Viues super cap. 20. lib. 11. de Ciuitatè Dei.

Dico primò in hac quæstione, animam rationalem creatam esse simul cum corpore, ita vt qualibet anima fuerit à Deo in instanti, in quo vnita est materiæ. Hanc probat Sanct. Thom. multis rationibus, ex quo etiam illas desumpsit Card. Tolet. & quidquid sit de efficacia illarum, ea mihi videtur esse ratio, quæ simul etiam explicat disparitatem, propter quam ex natura rei maneat anima post corpus, & non sit ante illud, nam cum anima sit forma informans ex communi ordine naturæ, non producitur, nisi causâ materiali postulante formam; sicut & aliæ omnes formæ, in quo est magna disparitas inter creationem Angeli, & creationem ani

animæ rationalis; quia Angelus est totum quoddam completum immediate producibile; unde quod producat in hos, vel illo instanti, non potest referri in aliquam causam materialem, ut efficientem secundam, sed immediate in voluntatem Dei: at cum anima rationalis (ut dixi) sit forma, creatur secundum ordinem nature in instanti, in quo ultimo ad illam disponitur materia: intelligitur etiam causa, propter quam ex natura rei anima perseveret post dissolutionem à corpore, quia, ut constat ex supra dictis, semel producta anima, nulla ex causa est natura rei postulans corruptionem illius, & ipsa secundum suum esse postulat conservationem; quod non contradicit rationi formæ; at antequam producat in instanti unionis, nihil est quod postulet productionem illius; & modo intelligitur, quomodo dixerit Aristot. 12. Metaph. loco citato, omnem causam formalem non esse ante suum effectum; licet aliqua causa formalis possit manere separata ab illo. Legatur S. Thom. quest. 90. art. 4. Est enim hæc doctrina iam de fide, habetur in Conci. Bracha. 1. cap. 6. Legatur actio. 11. 6. synodi generalis in epistola Sophronij, Leo Papa in epist. 71. cap. 10. & 11. & epist. 11. ad Iulianum Episcopum, Damas. 3. de fide cap. 5. Cyrill. Alex. in illa verba Ioan. 1. *luminas omnium hominem venientem*

in hunc mundum, & D. Thom. 2. contra Gent. capit. 82. in fine adducitur auctoritatem ex libro de Ecclesiasticis dogmat.

Dico secundò, etiam esse certum secundum fidem, non esse transmigrationem animarum à corpore: est enim definitum, ut supra vidimus, pro multitudine corporum multiplicari animam; & in Scriptura sæpe indicatur huiusmodi multiplicatio; & distinctio; & hoc etiam probatur resurrectione, in qua unusquisque portabit secundum quod gessit in corpore, alias re vera non posset stare doctrina etiam Philosoph. afferentium non posse eandem completam substantiam ex natura rei reprodaci. Legatur August. libr. de hæresibus cap. 84.

Sed obijci potest, quod saltem Aristotel. contrarium senserit 2. libr. de generatione animalium capite tertio, nam ibi videtur dicere, *Mentem esse ante corpus, licet alia anima esse non possint*. Propter istum locum, ut Cardin. Tolet. refert 3. de anima quest. 15. conclus. 2. dixerunt nonnulli Aristot. loqui eo loci ex mente aliorum, quod probabiliter, inquit Tolet. colligunt propter tria. Primò, quia doctrina illa non erat nimis speculativa, sed historica. Secundò, quia re vera in eo capite aliquas opiniones aliorum refert. Tertiò, quia ibi insinuat Aristoteles animam rationalem habere quædam corpora divina, & non

ex

ex elementis, & hanc explicationem sequutus fuerat Card. Tol. in 2. de Anima q. 2. explicans illum locum: qua questione etiam addit aliam solutionem, vt cum Aristot. dicit, mentem ab extrinseco venire, loquatur non de entitate animæ secundum esse, sed de perfectione acquisita, videlicet habitu.

Neutra tamen istarum solutionum placet. Prima non habet fundamentum in eo textu, & dux cōiecturæ, quas fecit Cardinalis Tolet. non constant satis. Tertia autem explicari potest, quod quantum ad illud loquatur ex mēte aliorum, vtitur enim verbo, videtur, nec dixit corpus illud esse non ex elementis, sed magis diuinum, vel nobilius. Secunda enim solutio omnino est contra intētionem capitis, vt facile constabit legenti, & ideo Tolet. tertium addit quæst. illa. 2. 2. lib. quod anima rationalis dicatur extrinsecus aduenire, non quia sit ante corpus, sed quia non educitur de potentia materiæ. quam solutionem fufius explicat 3. de Anima quæst. 15. aduertit enim, quod Arist. illo cap. 3. 2. lib. de generatione animalium, duas quæstiones proposuit: vna est: an omnes animæ essent ante corpora, an cum semine, idest, ex vi illius aduenirent. Ad primam dicit, respondere impossibile esse, animas esse ante corpus. Ad secundam animam rationalem extrinsecus aduenire: Id quidē quod attinet ad secundam quæstionem, ita respondet Arist.

quod ad priorem forsā est probabilius, illam non determinasse quoad animam rationalem, sed docuisse solum, aliquas animas non posse esse ex natura rei ante corpus, quia habet corporalem actionem, vt ex contextu facillē intelligitur: & licet quis concedat, in eam partem aliquo modo inclinare Aristot. vt videatur admittere ex parte actionis non esse impedimentum, propter quod anima non possit esse ante corpus, dicendum est nihilominus, suam mentem declarasse 12. libr. Metaphysicorum.

Quest. 1111. An anima rationalis sit substantia composita ex materia, & forma?

SVpponendum est, omnino esse falsum errorem quorūdam asserentium esse portiunculam diuisam ex substantia Dei, vt docuit D. Tho. 1. par. q. 90. artic. 5. & 2. contra Gent. c. 85. contra quosdam hæreticos. Sic dicunt sensisse Manich. & Priscil. vt August. refert lib. de origine animæ, & libr. de hæresibus cap. 24. & Irenæus libr. 1. aduersus hæreses cap. 24. affirmat, Carpon fuisse huius hæresis auctorem, in quam inclinat Philo Iudæus in opusculo inscripto, *Quod deterius posteriori insidietur*. Qui error damnatur in Concilio Brachar. & a Leone Papa epist. 71. cap. 5. legatur August. supra epistol. 28. & 157. Chrysost. homil. 13. super Genesim. Et licet aliqui ex philo-

philosophis improprie videantur in hac re loquuti, tamen, ut aduertit Eugub. lib. 9. de peren. philoso. cap. 8. nonnulli solum voluerunt animam à Deo procedere: unde & Trismegist. Asclepio scribens: Més, inquit, non est abscessa à substantia Dei, sed quasi explicata, sicut lumen à sole. Legatur Scholiast. Damasceni 2. de fide, cap. 12. è multis verò principijs philosophiæ facile potest hic error impugnari.

Et supponendum est ex dictis, animam esse substantiam: disputat autem Diuus Thomas 1. parte quæstione 65. articulo 5. & quæstione de anima, artic. 6. an anima sit composita ex materia & forma: dupliciter autem potest intelligi, vel ita ut sit composita ex materia & forma, & subiecto verè materiali, & forma spiritali, & hic sensus omnino est falsus, quia tota entitas animæ est aliquid spirituale, ut probat ratio supra facta petita ab operatione: & communis est mens authorum locis citatis, & est doctrina certa secundum fidem, ut docuit Toletus propositione prima, ex his, quas ponit in principio primilibræ. Et hoc videtur magis de mente Concilij Lateranensis sub Innocentio Tertio, & habetur Extravagan. de summa Trinitate, & fide Catholica, Canone *Firmiter*: verba Concil. hæc sunt: *Is (id est Deus) ab initio temporis utramque de nihilo condidit creaturam, corporalem, & spirituales, Angelicam, & mundanam: deinde humanam, quasi communem*

ex spiritu, & corpore constitutam. Qui bus verbis aperte indicat Conciliu, hominem esse compositum ex corpore, & ex spiritu, prout spiritus dicitur aliquid condistinctum à corpore. An verò in hoc Canone definiat, Angelos esse purè spirituales, non est huius loci. Legantur interpretes 1. parte, quæstione 10. quo in loco explicant, & referunt aliquos Patres, qui videntur affirmare. Angelos esse corporeos, & consequenter idem indicat de anima rationali. Legatur Bañez 1. par. quæst. 75. artic. 2. Legantur Patres in illud Matth. xi 10. *Animam autem non possunt occidere.* Chrysostom. homil. 3. de incomprehensibili Dei natura, & hom. 3. in Genesim, Gregor. 5. Moral. cap. 21. August. de haeresib. hæresi 86. & lib. 10. super Genes. ad litteram, à cap. 22. & epist. citata quæstione præced. Legatur Castro verbo *Animæ*, hæresi 2.

Sed potest obijci testimonium illius Patris, quod refertur synodo 7. generali, act. 5. asserentis, animas, & Angelos esse eiusdem materiæ aereæ, vel igneæ. Verumtamen dicendum est, quod ad hoc non recipi à Concilio illud dictum, ut communiter tradunt Scholastici in materia de Angelis, loco citato, ibi enim solum erat sermo de adoratione imaginum, quam ex falsa conceptione de natura Angeli, & animæ conabatur ille Pater probare.

Secundo, alio modo potest intelligi, animam esse compositam ex

spirituali, & receptiuo aliquo spirituali, ut tota erutus animæ spiritualis sit. Quod inuicem nonnulli dixerant animam esse compositam ex materia, & forma, ut refert D. Tho. 1. part. quæst. 90. artic. 2. ad 1. & de spiritualibus creaturis art. 7. in quo primum affirmat D. Thom. sentisse August. 7. super Genes. ad litteram, forte dubius, habere animam suam materiam pro suo genere spiritua-lem, ex qua fieret: in solutione tamen alius argumenti explicat August. quod si locutus fuerit non ex propria sententia, illa nemini videtur impugnare. D. Thom. uero, & eius schola ubique negat animam componi ex materia & forma, & videtur mens Damasc. 2. de fide. cap. 12. definiens animam: indicat Hugo Victor. super capit. 4. Angelicæ Hierarchiæ, Dionys. & Concil. ut supra uidimus, animam appellat formam: in comuni autem modo loquendi non intelligimus aliquid compositum ex receptiuo, & forma.

Et ratione philosophica potest probari. Primo, quia sine aliquo fundamento philosophico dicitur oppositum. Secundo, vel illud receptiuum formæ essentialiter est forma, & ut constat ex physico. hoc fieri non potest, quia una forma non est informatiua alterius formæ substantialis, nec possunt poni diuersi gradus eiusdemmet formæ substantialis, quia hæc forma, ut constat ex lib. de Gener. non habet intensiorem, vel illud receptiuum est purè

materia, & tunc ex huiusmodi receptiuo, & forma feret totum integrum, ut constat à simili in alijs compositis, nec posset illud receptiuum informare materiam hominis: unde forma illa immediate sine subordinatione informaret duas materias, alteram verè materiale, alteram pro suo genere spirituali, & hoc quidem ex natura rei omnino repugnat rationi formæ, ut hoc habeat ex natura sua. Unde Philosophi cognoscunt huiusmodi receptiuum de essentia hominis, & Patres explicantes mysterium incarnationis, præter materiam, & formam, id est, corpus, & animam non cognoscunt aliquid aliud substantiale receptiuum.

Explicari amplius potest, quia etiam secundum hanc sententiam deueniendum est ad aliquam formam entitatis simplicem, quod statim de prima forma dici potest. Ex multis alijs principijs philosophicis impugnari potest hæc doctrina: hæc tamen sufficiat attigisse, quæ reuera suadent longè esse probabilius non esse possibile aliquid oppositum ex materia, & forma, informatiuum alterius materie; an uero in gradu rerum spiritualium sit possibile aliquid compositum integrum ex receptiuo, & forma spirituali, dicitur in Metaph. Nonnulla alia dici poterat de quidditate animæ rationalis, quæ in sequentibus commo-

dius dicetur.

Quæst.

Quest. V. *Utrum anima fiat a Deo?*

DE materia receptiua animæ nihil est speciale, quod dicamus præter generalem doctrinam de prima materia traditam in physic. restat ergo explicemus eius causam efficientem. In quo fuit error quorundam asserentium, animam fieri ab anima, sicut corpus à corpore: sic Apoll. & sequaces, ut refert Diuus Thomas 2. contra Gent. cap. 86. sic etiam dicitur scripsisse Tertulian. ut refert Cardinalis Toletus 3. de anima, quæ est. 17. ex Augustino libro de heresib. cap. 86. certum tamen est secundum doctrinam fidei, animam non fieri ab anima, sed creari à Deo. Est communis Scholast. omnium, eam tradit expressè Hieronym. in apologia contra Ruf. lib. 2. Legatur lib. de spiritu & anima, cap. 14. & lib. de Eccles. dogmatibus, quæ habentur inter opera Augustini lib. de heresib. cap. 81. Nec refert, inquit Diuus Thomas, quod in aliquibus locis oppositum indicet Augustinus in propria aliqua locutione. Legatur epistola 28. & epistola 157. & lib. 10. super Genesim ad literam, & liber de Baptismo paruul. cap. 10. Imò & multi Philosophi senserunt, animam esse factam à solo Deo, quorum dicta refert Eugubinus libro 9. de perenni Philosoph. cap. 5. & Aristoteles ut supra vidimus, testatur, animam extrinsecus aduenire.

Et ratione probari potest. Primo, quod non fiat dependenter à

materia, ab aliqua causa secunda, quia ipsa in suo esse est aliquid spirituale, atque adeo in suo esse independens à materia, & ita etiam ipse fieri. Legatur S. Thomas 1. parte q. 118. art. 2. Communis verò modus agendi causæ secundæ fit per educationem ex potetia subiecti, ex natura enim rei nulla creatura potest creari.

Sed querere posset aliquis, an Angeli concurrant efficienter ad productionem animæ. Legatur S. Thomas 1. par. q. 90. art. 3. & Card. Tol. 3. de anima, q. 13. qui refert, Auicennam sensisse, animas factas ab Angelis, quod receperunt quidam hæretici, ut Seleucus, Hermias, quorum fit mentio lib. 7. histor. tripartita, cap. 1. similem errorem habuit Apoll. ut etiam dicitur in 5. histor. tripartita, cap. 44. & Augustin. quidem, ut Toletus refert, dubius fuit, an secundum fidem sit omnino certum, animam à solo Deo creari, & ipse in epistola de origine animæ ad Hieronymum, licet teneat, animam à solo Deo creari, dubitat tamen, an sit de fide, & Lugdunensis quidam Episcopus nomine Eucherus, qui fuit posterior Augustino circiter centum annos, dicit, hoc difficile posse determinari, quia nihil est, inquit, à sanctis viris, aut Scripturarum autoritate dictum, aut certum. Castro autem verbo *Anima*, hæresi quinta tantum affirmat, quod si fuerit aliquis Scripturæ locus, cui apertè contradicat hæc assertio, erit hæresis: X ij ipse

ipse tamen nullum adducit Scripturæ locum.

Verumtamen S. Thom. 4. cōtra Gent. cap. 87. colligit ex dictis cap. præcedenti, excludendum esse errorem pōnētium animas esse creatas ab Angelis, & 1. part. quæst. 90. art. 3. dicit esse alienum à fide affirmare animas factas esse ab Angelis virtute Dei, utitur verò D. Thom. his locis verbis illis Genesim: *Et inspirauit in eum spiraculū vitæ*, & Tolet. adducit authoritatem Leonis Primi epistol. 91. dicentis animas à solo Deo incorporari. Et secundū rationem naturalem probari potest, quia ex natura rei Angelus nō potest esse causa principalis creationis animæ rationalis. Quod si aliquis dicat Angelos esse causas instrumentales, liberè, & sine fundamento loquitur in philosophia: cum hoc etiam si sit possibile, pendeat ex sola voluntate Dei, non ex communi concursu rerum, vel exigentia efficiētis causæ naturalis, ut interim omittam, quā sit dubiū, an creaturā possit eleuari ad creandum. Et hæc de hac disputatione.

DISPUTATIO II.

De appetitu in communi, & in particulari.

Diuisit Aristot. 2. de anima potentias animæ, in vegetatiuam, & sensitiuam, appetitiuam, & intellectiuam, & loco motiuam. Disputatū est hæcenus de tribus prioribus, consequens est, ut de appeti-

tiua, & loco motiua constituamus sermonem; & in hac disputatione agemus de appetitiua, in sequenti verò de loco motiua: & de appetitiua nonnihil docuit Arist. cap. 93. lib. de Anima: circa quod pauca quædam tradunt Doctores, fuscè enim disputatur hæc materia ab Scholasticis 1. part. quæst. 80. & 12. in multis quæst.

Quæst. I. De appetitu, & eius obiecto, in communi.

Aduertendum est primò, appetitum in genere sic posse describi. *Ut sit inclinatio in rem conuenientem*, iuxta doctrinam S. Tho. 1. part. quæst. 8. art. 1. & 1.2. quæst. 8. art. 1. & multis alijs locis, quam recipiunt Scholastici, apud quos constituta etiam est diuisio appetitus in naturalem, sensitiuum, & rationalem, de qua legatur D. Tho. 1. part. quæst. 6. art. 1. quæst. 87. art. 4. & multis alijs locis, quibus videri possunt eius discipuli. Dicitur ratio appetitus naturalis, ingenita cuiuslibet rei inclinatio in suum bonum, quam translatiue vocarent appetitum Philosophi; eò quod sit inclinatio rei ad bonum, quod non habet, ut docuit D. Thom. 1. part. quæst. 16. artic. 1. hic autem appetitus secundum communem sententiam Doctorum non distinguitur realiter à natura cuiuslibet rei: unde meritò Dionysius primo, de diuinis nominibus hunc appetitum vocat substantialem, & essen-

tia-

rialem habitudinem, & hoc appetitu quælibet potentia animæ dicitur appetere obiectum suum, vt docuit S. Thomas 1. p. q. 76. art. 1. ad 3. unde merito hic appetitus dicitur non subditus rationi, vt docuit S. Tho. 1. par. quæst. 80. ad 5. & 12. quæst. 17. art. 8. Neque enim potest ratio etiam cum libertate facere, vt res non inclinetur ex natura sua in bonum sibi conueniens. De quo appetitu posset aliquis quærere, an ita tendat in bonum, vt nulla ratione tendat in malum? Conueniunt omnes scholastici citati, non posse rem aliquam habere naturalem appetitum rei disconuenientis, & contrariæ, quia nulla res potest habere inclinationem sibi contrariam, nec potest alicui rei esse debitum suum contrarium: omne enim debitum fundatur in natura, unde est illi conforme, & in hoc non dubitarunt Philosophi. Absolutè ergo dicendum est, obiectum appetitus esse bonum, cuiuslibet rei proportionatum.

Tertiò quæres, an huiusmodi appetitus possit esse in rem supernaturalem, & alterius ordinis? Disputat de hac re Scholastici multis locis, maximè 1. parte, quæstione 12. & 13. in materia de beatitudine, & in 4. in eadem materia. Mihi absolute videtur, non posse esse naturalem appetitum ad rem supernaturalem, & alterius ordinis: quia appetitus naturalis respicit bonum cum ordine ad executionem: unde semper habet ordinem ad potentiam actiuam, vel passiuam, vel ad vtrumque;

sed in re naturali, respectu supernaturalis, vt sic, non potest esse potentia actiua, vel passiuam naturalis: ergo non potest esse appetitus. Maior per se videtur nota, dicitur enim lapis, verbi gratia, per se appetere centrum, quando caret loco naturali, quem potest habere, & à quo potest perfici in eodem ordine rerum. Neque enim ad rem impossibilem potest philosophicè poni in lapide appetitus naturalis. Minor probatur, quia entitati naturali, quantum est ex se, neque in genere causæ efficientis, neque materialis potest esse debitus concursus causæ, quia concursus debitus causæ proportionatur illi in ordine eodem rerum, secundum totam Philosophiam: ergo ad rem omnino supernaturalem, atque adeò extra totam latitudinem rei naturalis non potest esse debitus concursus causæ naturalis. Et declaratur ex dictis dubio præcedenti, quia debitum actionis fundatur in ipsa natura agentis. Et de appetitu naturali hæc mihi sufficere videntur.

Præter hunc autem appetitum, qui (vt Philosophi dicunt) tendit in rem naturalem, sine interiecta cognitione ponitur in rebus cognoscentibus appetitus dictus cognoscitiuus, quia formam cognitam potest appetere medio actu elicitò: & ideo dicitur sequi formam cognitam: ex quo Doctores probant, necessitatem huius appetitus, quia sicut

res naturalis inclinatur in formam naturalem sibi conuenientem; ita res habens cognitionem potest appetere formam cognitam, ut experientia ipsa testatur.

Iuxta diuersam verò potentiam cognoscitiuam in diuerso ordine assignant Philosophi diuersos appetitus: & eum, qui sequitur formam cognitam à sensu, vocat sensitiuum: eum verò, qui sequitur formam cognitam ab intellectu, vocant intellectiuium, vel rationale: pro quorum cognitione in genere supponendum est, quod de potentijs animæ in communi dictum est.

De actu horum appetituum possit aliquis querere, an fiat efficienter ab ipsa potentia: Et dicendum est, fieri efficienter ab illa.

Secundo possit querere aliquis, an huiusmodi actus requirat in potentia aliquod principium inherens, quod concurrat ex parte obiecti in genere causæ efficientis: dixit ex parte obiecti, quia non est dubium, quin ex parte obiecti concurrat habitus ad huiusmodi actum: querimus ergo de aliquo principio, quod in sua genere proportionetur speciei impressæ respectu actus cognitionis.

Communiter supponunt Authores in appetitu non esse huiusmodi principium, & omnes iuniores sine controuersia amplectuntur, & assignant communiter rationem ex doctrina D. Tho. multis in locis assentis intellectum trahere res ad se, voluntatem verò tendere in

res. Legantur 1. 2. quæst. 22. artic. 2. & quæst. 4. artic. 2. intellectus ergo trahit res ad se per similitudinem receptam ab obiecto, & ideo eget aliquo tenente se ex parte obiecti: voluntas verò suo pondere tendit in res. Quæ doctrina explicari potest amplius, quia intellectus, v.g. producit similitudinem expressam obiecti: unde & requiritur aliquid ex parte obiecti, ut effectus relinquatur secundum conditionem vtriusque, id est, potentiæ; at voluntas non producit similitudinem obiecti: sed pondus in illud, & quasi tendentiam actualem, & motionem, ad quam producendam potest potentia appetitiua esse sufficiens, sicut potentia motiua ad causandam motionem actualem ad locum, ut omittere non esse respectu potentiæ appetitiuæ fundamenta similia his, propter quæ ponimus species. Ratio verò à priori debet esse natura ipsius potentiæ, sicut & de intellectu agenti dixi non postulare ex natura sua principium inherens sibi: quæ doctrina, ut aduertat, ex sequentibus melius intelligitur.

Tertio possit aliquis querere, an actus potentiæ appetitiuæ sit immediate receptus in ipso appetitu. Philosophandum est sicut in simili de actu cognitionis, disputa. 5. quæst. 2. Et similiter philosophandum est circa perfectionem huius actus ex maiori, vel minori perfectione obiecti. Et similiter circa distinctionem quidditatis horum actuum à quidditate obiectorum.

Pro

Pro quibus omnibus legatur quæst. citat. An verò duo actus huius potentiae possint fieri simul, affirmandum est iuxta dicta disputat. citat. quæst. 3. An verò hic actus habeat terminum, explicandum est ex dictis quæst. 1. disputationis citatæ, sicut & nonnulla alia proportionè seruata.

Quæstio II. Quid sit appetitus sensitivus, & quomodo duplex?

PR dictis facile potest describi huiusmodi appetitus: nam si sumatur pro potentia, est principium elicitiuum actus vitalis tendentis in formam cognitam sensu: si verò sumatur pro ipso actu, etiam constat quid sit, quia actus solet vocari ab Authoribus appetitus elicitus: ex quo etiā facile constat, quod sit obiectum huius appetitus: quod amplius explicabo in fine huius quæstionis.

Illud dubium difficilior est, an appetitus sensitivus sit vna sola potentia, vel duæ distinctæ realiter. Communis est Authorum sententia, maximè Thomistæ assentientium irascibilem, & concupiscibilem realiter distingui: vocant concupiscibilem, appetitum tendentem in bonum: irascibilem verò potentiam resistentem contrariis in consecutionem huius boni. Est expressa sententia S. Thom. 1. part. quæst. 8. art. 2. & de veritate quæst. 13. art. 4. & quæst. 25. art. 2. & multis alijs

locis. ample ctuntur eius discipuli: idem dicitur sensisse Plato, & Pythagoras, vt sequit Plutarchus lib. 4. de placitis cap. 4. indicat Nyssenus lib. 4. Philosophiæ capit. 8. Damasc. 2. de fide capit. 12. Hieronymus super capit. 23. Matthæi, sequitur Galen. 6. de vsu partium capit. 18. Card. Tolet. 3. de anima quæst. 27. fundamenta huius sententiæ adducentur infra.

Secunda sententia est multorum iuniorum, hac ætate assentientium esse tantum realiter vnam potentiam. Et probatur primò à simili, quia tantum datur vnus sensus internus: ergo sufficit vna potentia appetitiua, quæ sequatur formam ab illo cognitam, quod potest declarari exemplo voluntatis, & intellectus.

Secundò efficaciter, quia cum non possit probari distinctio realis ex parte principij, non est cur actus irascibilis, & concupiscibilis dicantur adæquati, & inferre diuersas potentias, præsertim cum huiusmodi actus sint inter se subordinati, & claudantur in latitudine actus appetitus, & etiam exemplo actus potest declarari, & reuera hæc sententia secundum rationem videtur probabilior, licet minus confirmetur autoritate, & quod attinet ad Nyssenum, Damascenum, & Hieronymum. posset aliquis respondere, illos loqui de actibus, vel de ipsa potentia, secundum diuersam accidentalem denominationem.

Secundò, illos non tractasse rem omnino ex professo, vñsque nominibus, irascibilis, & concupiscibilis, iuxta communio rem modum loquendi Philosophorum.

Et declaratur hæc doctrina ex doctrina ipsius D. Thom. 1. parte quæst. 82. art. 5. in quo negat, irascibilem, & concupiscibilem in voluntate distingui. Explicat quamdam authoritatem Hieronymi, & aliam desumptam ex lib. de spiritu, & anima cap. 13. qui circumfertur tomo 3. inter opera Augustini, & vult S. Thom. locutiones has in voluntate non indicare diuersam potentiam: sed eamdem cum ordine ad diuersum actum; sic ergo possumus nos explicare communes locutiones Patrum, licet Damascenus, & Nyssenus videantur indicare oppositum.

Sed obijciuntur primò. Tendere in bonum, & tendere in arduum; sunt diuersa obiecta formalia: ergo inferunt diuersas potentias. sed concupiscibilis tendit in bonum, vt consequatur illud; irascibilis in arduum, vt superet: ergo sunt distinctæ potentie. Antecedens primæ consequentiæ videtur notum ex ratione boni, & ardui, consequentiæ verò videntur recte concludere.

Respondetur tamen, quòd licet hæc obiecta distinguantur in ordine ad actus, ita vt inferant actus diuersos specie, non tamen probatur ad quatuor distinctio respectu principij, vt vult D. Thom. 1. p. quæst. 82. art. 2.

Secundò potest obijci ex doctrina S. Thom. 1. part. quæst. 82. artic. 5. Sunt plures sensus interni: ergo & plures appetitus: sed hæc ratiocinatio supponit falsum fundamentum.

Tertiò potest obijci ex eodem S. Thom. quæst. 81. cita. artic. 2. in corpore 1. part. Aliquando irascibilis appetit contra inclinationem concupiscibilis: ergo distinguuntur. Antecedens probatur, quia sæpè irascibilis amat tristitia, quando vult illa superare, vt consequatur obiectum concupituræ. Respondetur primò, quòd huiusmodi actus non sunt propriè contrarij, quia tristitia amantur propter consecutionem boni concupiti: vnde reuera habent inter se ordinem, & secundò licet actus essent verè contrarij, non probatur sufficienter distinctio, quia potest esse principium aliquod elictum horum actuum.

Quartò potest obijci ex eodem S. Thom. art. citat. in corpore, passionibus irascibilis minuunt passionibus concupiscibilis, & è contrariis: ergo sunt contrariæ, & inferunt diuersas potetias. Antecedens probatur, quia ira accensa minuit concupiscentiam, & è contra. Respondetur: ex contrarietate, vt dixi, actuum non rectè inferitur distinctio principij. Quòd verò ex vno actu minuat alius, debet reduci à S. Thom. eiusque discipulis in virtutem animæ, quæ dum maiorem concursum deriuat circa vnum obiectum, necesse est minorem deriuare.

net circa aliud; quod etiam potest fieri, etiam si sit vna potentia, siue reddatur in concursum animæ, quasi partium, siue in concursum diuisum eiusdem potentia, siue in potentiam, & animam.

Sed posset primò aliquis dubitare de obiecto appetitus sensitui. In nostra sententia facile constat, vt dixi in principio quæstionis: verum qui distinguunt irascibilem à concupiscibili, affirmant obiectum concupiscibilis esse bonum delectabile; obiectum verò irascibilis bonum cognitum per species insensatas: sed hic modus dicendi primò supponit doctrinam illam de speciebus insensatis. Secundo etiam non videtur absolute verus, quia quis per speciem insensatam cognoscit filium, vt amicum: ergo poterit sub hac ratione illi amare bonum delectabile, & tamen potest timere lupum per speciem insensatam actu irascibilis.

Alij dicunt, quædam esse bona delectabilia, & hæc sunt obiectum concupiscibilis. alij bona, quæ conducunt ad consequendum obiectum concupitum. Alij dicunt, arduum esse bonum irascibilis: qui omnes impugnantur à nonnullis iunioribus, & fortè res est de nomine, & in nostra sententia loquendum est iuxta dicta, licet etiam dicendum sit, concupiscibilem verò sub hac ratione circa delectabiles irascibilem verò circa res, quibus deferretur, impeditur ve consecutio huius boni.

Secundo posset querere aliquis, quod nam sit organum huius potentia? Quidam distinguentes irascibilem & concupiscibilem, dicunt esse in diuersis partibus; concupiscibilem ponunt in hepate, irascibilem in corde. Alij putant, vtramque esse ponendam in corde etiam secundum Aristotelem, qui 3. de Anima text. 46. id docuit de irascibili, de concupiscibili verò 3. de partibus animalium capit. 4. sicque videtur sentire Sanct. Thom. 1. part. quæst. 20. art. 1. ad primum & 2. de veritate quæst. 27. artic. 1. communiter eius discipuli. Et Aphrodis. 1. de Anima capit. vltim. Cardinalis Toletus 3. de Anima, quæst. 27. licet distinguat has potentias, tamen solum assignat cor subiectum illarum, & licet Aristotel. text. 46. insinuet priorem sententiam, tamen S. Thom. & alij eo loco dicunt illum loqui ex mente Platonis, & iuniores frequenter affirmant, appetitum sensituum esse in corde.

Et probatur experientia, quia sicut ex nimia attentione defatigatur caput, in quo residet potentia cognoscitiua: ita ex nimia ira, vel letitia alteratur cor, & certè in Philosophia fatiè probabile argumentum, & ideo admittenda est hæc sententia, cum verò tantum ponamus vnum appetitum sensituum, non est cur ponamus aliud organum.

Quæst. III. De actu appetitus sensitui,
& eius causa efficienti.

Pro cognitione actus huius potentie legatur D. Thom. 1. 2. q. 12. & ibidem Thomista: nos verò nonnulla breuiter dicemus hoc loco.

Primo aduertendum est ex D. Thom. artic. 1. quod passio multipliciter dicitur; aliquando enim sumitur pro passione corruptiua, aliquando verò pro passione perfectiua: in hac verò materia significat actum appetitus sensitui, qui habet coniunctam aliquam materiale passionem, quam Damasc. 2. de fide capit. 22. sic definit. *Passio est sensualis motio appetitiua virtutis*, à Latinis solet dici affectus, Cicero verò Tullius. 4. has passiones vocat *Perturbationes*, turbidosque animi motus, & morbos. Legatur Chrysostomus in capit. 7. ad Rom. Augustinus. 7. de ciuitate cap. 4. Hieronimus. Matth. 5. & 26. Ioel. 1. & Zachariae 1.

Possent aliquis querere, quænam sit causa, ob quam actus appetitus sensitui causent materiales passiones in corpore? res est, quam confusè tractant medici: videri potest Galenus. 3. de locis affectis capit. 8. Auerr. 3. collect. cap. 4. S. Thom. 1. 2. quæst. 17. artic. 7. ad 2. quæst. 33. Ratio verò huius assignatur communiter consensio facultatum naturalium, scilicet sympathia, & conexio.

His positis, actus pertinentes ad

appetitum numerantur à S. Thom. 1. 2. quæst. 23. artic. 4. & recipiuntur eius doctrina communiter ab Authoribus, actus sunt, Amor, odium, desiderium, fuga, delectatio, & tristitia. Amor versatur circa bonum absolutè, desiderium circa bonum futurum, delectatio circa bonum præsens. Sunt alij tres actus, odium circa malum secundum se, fuga circa malum futurum, tristitia circa malum præsens, & hi actus pertinent ad concupiscibilem: amplior explicatio horum actuum non est præsentis loci.

Solum aduertendum est, hos actus semper fieri ex natura rei efficienter ab appetitu, quia sunt actus vitales. vnde merito communiter refutatur Scotus in 1. dist. 1. quæst. 3. & in 4. d. 49. quæst. 2. vbi docuit delectationem non fieri efficienter ab appetitu: sed esse meram passionem cōsecutam ex actu amoris rei præsentis: sed non habet sufficiens fundamentum, vt omittam id, quod dicemus infra, esse longè probabilius, actum vitalem nullo modo posse fieri sine cōkursu potentie vitalis.

Actus verò irascibilis quinque numerantur species, Desperatio, audacia, timor, & ira, quæ diuisio sic declaratur. Irascibilis versatur circa disensionem boni concupiti, & quia bonum illud sæpè est difficile, ne appetitus omnino desistat, dicitur Desperatio: si tamen etiam cognita magna difficultate, & resistentia, appetitus tendat, & quasi

quasi magna difficultate erigatur in consecutionem boni, tunc dicitur *Auidacia*; si verò non totaliter desistit, aliquo tamen modo vnitur, dicitur *Timor*, quando verò infertur aliquod malum appetenti, resultat in appetitu desiderium vindicandi iniuriam, & dicitur *Ira*. Plura de his actibus legantur apud D. Tho. & eius discipulos locis citatis, & specialiter de ordine illorū inter se legatur quest. 25.

Circa alteram partem questionis de causa efficiendi horum actuum, supponendum est ex dictis, potentiam concurrere ad habitum, si aliquis sit, nullū verò aliud principium inhaerens concurrere ex parte subiecti. Dubium tamen est de termino cognitionis sensus interni, an efficienter concurrat ad actum appetitus. Sententia circa præsentem difficultatem adducitur infra de simili difficultate de actu appetitus rationalis.

Est tamen specialis difficultas in actu appetitus sensitui, quia in opinione D. Thom. & Thomistarum sensus internus ponitur in capite, ut constat ex dictis disputat. de sensibus internis, & tamen appetitus ponitur in corde, ut constat ex questione præcedenti, distant ergo secundum locum actus sensus interni, & actus appetitus sensitui, & tamen in opinione D. Tho. nullum agens agit in distans. Præfens ergo difficultas non habet locum in opinione Aristot. qui sensum communem & appetitum po-

suit in corde, neque in opinione aliorum, qui appetitum, & sensum ponunt in capite, quos sequitur August. in principio suorum moralium: neque habet locum in opinione existimantium posse agens naturale ex natura rei agere in distans.

Secundum doctrinam ergo S. Tho. multi existimant, ut dicemus infra, cognitionem non concurrere ad actum appetitus: alij verò affirmant concurrere, quos sequuntur aliqui huius ætatis, & conantur solvere præsentem difficultatem dicentes, ad hoc ut cognitio possit concurrere ad appetitionem, sufficere ipsam esse præsentem animæ, quæ etiam est præfens potestati appetitivæ, ut in agentibus naturalibus, quando duo aliqua agentia concurrunt ad eundem effectum, non requiritur, ut utrumque secundum omnes suas partes sit approximatum passo, sufficit tamen, si utrumque sit iuxta sphaeram suam, ut habeat contiguam præsentiam.

Sed hæc solutio magnam habet difficultatem. Primò, quia ex natura rei in causis subordinatis nunquam reperitur una causa, quæ ex natura sua semper sit distans à passo, & à præsentia, quam causa principalis habere potest respectu passi.

Secundò, quia ex hoc sequitur, posse calorem intra suam sphaeram calefacere stuppam, si sit intermedium aliquod vacuum, calor ipse est præfens Deo, Deus autē ipse

est

est præsens stupor, cui subordina-
tur calor in agendo. Neque potest assi-
gnari ratio Philosophica, propter
quam sufficiat ad hoc, ut agat: cog-
nitio, esse præsensem animæ, quæ
est præsens appetitui, & non suffi-
ciat ad hoc, ut calor agat, esse præ-
sentem Deo, qui intra spheram ca-
loris est. præsens stupor.

Tertio, quia, vel præsentia cum
anima dicitur sufficere ex eo, quia
requiritur ex parte cognitionis ip-
sius, & hoc est falsum, ut constabit
infra. & hoc modo, etiam habet lon-
cum secunda præcedens difficul-
tas: vel quia anima requiritur ex par-
te potentie appetitiue. Et hoc ni-
hil refert ad cognitionem ipsam,
sicut nec refert Deum esse præsen-
tem in appetitu, & eius concur-
sum esse necessarium ex parte ap-
petitus. Et fortè ratio à priori
est, quia animæ prout existent-
i in capite non debetur concursus
ad eliciendum actum appetitus,
sed ipsi animæ, prout existent-
i in materia cordis: huiusmodi enim
operationes immanentes ex natu-
ra rei supponunt formam infor-
mantem: unde & secundum exi-
gentiam nature, si anima non infor-
maret materiam cordis, etiam si pos-
set informare materiam capitis, non
concurreret ad appetitionem: imò
etiam si esset præsens cordi non in-
formans materiam illius, non con-
curreret ad appetitionem, quia
actiones istæ supponunt infor-
mationem forme secundum ordinem
nature.

Et declaratur ampliùs in formis
diuisibilibus, quia anima equi, ver-
bi gratia, secundum diuersas partes
est in capite, & in corde: unde sine
fundamento diceretur, partem ani-
mæ, quæ est in capite, concurrere
ad appetitionem cordis, cum in cor-
de sit pars animæ sufficiens ad illam
operationem, ad quæ ex parte for-
mæ ex natura rei requiritur infor-
matio: ergo licet in homine ea-
dem sit anima in capite, & in cor-
de, tamen diuersus concursus de-
betur illi prout in corde, & prout
est in capite. Sicuti si etiam hic
esset aliquis ignis, & per longissi-
mam distantiam, ex virtute Dei
haberetur repetitam præsentiam, non
diceremus calori, qui coniunctus
est igni, prout in hac præsentia
est, esse debitum concursum ad
producendum ignem Romæ: quia
licet sit coniunctus causæ princi-
pali, quæ potest Romæ produce-
re ignem, tamen non est coniun-
ctus illi causæ in præsentia, pro qua
debetur illi concursus ad producen-
dam ignem Romæ. Omitto ta-
men rationes, quibus infra proba-
bo non esse necessarium fingere,
cognitionem concurrere efficien-
ter.

Et ex his potest dici ad similitu-
dinem illa in duorum agentium na-
turalium. Et primò ipsi tenentur red-
dere rationem, propter quam non
sufficiat similitas cum causa prima sub-
ordinata, ut possit agens creatum ag-
gere per mediū impeditū, vel per
vacuum in latitudine suæ spheræ.

Secun-

Secundò est diuersa ratio de actione immanenti, quæ ex natura rei requirit animam informantem, & ita illi soli prout informanti materiam cordis, verbi gratia, debetur concursus ad eliciendam operationem in corde: vnde præsentia cognitionis cum anima impertinenter se habet ad efficiendam operationem illam, quod clarius patet in anima equi, vt dixi; secus verò res se habet in agentibus naturalibus actione transiènti, quia hæc agentia non supponunt præsentiam in eodem spatio, in quo debent producere operationem, neque enim possunt esse penetratiue cum passio, & idè solum postulant, vel continuitatem, vel contiguitatem spatij, hæc est enim maxima similitudo, quam potest habere cum passio. Et idè existimo secundum principia D. Thom. quæ suprà retuli, verè non posse dici actum sensationis internæ concurrere ad appetitionem: & hoc loco sufficiat hanc difficultatem, quæ specialis est in appetitu, attigisse: infra enim dicemus quòd etiam si cognitio habeat sufficientem similitudinem ad efficiendum, non necessarium esse affirmare illam efficere.

Restat vnum dubium: circa actus appetitus, quos retuli, an sensu interno cognoscantur, & quomodo? Hanc rem vnus, quem viderim, attigit subtilis Pater Molina 1. part. quæst. 54. art. 4. qui affirmat huiusmodi actus cognosci à sensu inter-

no intuitiue per species proprias; nec tamen declarat an sint perfectæ, vel imperfectæ. Et D. Thom. 1. part. quæst. 87. artic. 4. affirmat omnem appetitum esse in re, cuius est, per modum eius. Vnde colligitur appetitum intellectiuum debere esse intelligibiliter in anima. Ex quo infertur, intellectum intelligere actum voluntatis. Et in eodem art. docet eundem appetitum sensitiuum esse sensibiliter in sentiente: ergo sequitur in doctrina Diui Thom. actus appetitus cognosci à sensu interno; hoc est enim esse sensibiliter in anima sensitiua. Doctrinam verò D. Tho. amplectuntur eius discipuli: de modo verò, quo cognoscantur actus appetitus, nihil inuenio apud D. Tho. qui cum in 3. dist. 25. q. 1. art. 2. explicuisset, quomodo cognoscantur hi actus ab intellectu, nihil addit de modo, quo cognoscantur à sensu interno.

Secundus modus posset esse asserentium huiusmodi actus nō cognosci à sensu interno: sicut fatentur communiter Authores, actus supremæ potentie sensitivæ cognoscitur nō cognosci ab aliquo sensu, vt constat ex dictis disput. de sensibus internis.

Probatur primò, quia ab experientia nō potest sumi efficax fundamentum, quia de cognitione brutorum nullum habemus certum signum, in nobis verò adèd est imperfecta cognitio intellectus, vt non improbabiler dicat quis, cognitionem illam fieri per alienam

spe-

species ab intellectu, sine hoc quòd præcedat in sensu cognitio talis obiecti, vt multi dicunt de cognitione actus talis potentie supremæ sensitivæ cognoscitivæ: vsus verò alienarum specierum, quoad præsentem casum sine sufficienti omnino fundamento concedentur sensui interno.

Nihilominus probabilius est, sensum internum aliquomodo cognoscere actus appetitus, non quidem per species omnino claras & distinctas, vt efficaciter convincit experientia: neque per usum alienarum specierum, propter rationem factam, præsertim, quia existentia actus appetitus vix potest sine discursu cognosci, vt in simili dixit de actu voluntatis, sed per species quasdam imperfectas, quod nullam videtur habere repugnantiam, & videtur magis congruum animæ sensitivæ, & animalium.

Quòd si aliquis obijciat, actum appetitus rationalis non cognosci per speciem causatam ab illis: ergo idem erit de actu appetitus sensitivi. Respondet, esse diuersam naturam horum actuum, vnde non est mirum, si diuerso modo cognoscantur a potentijs cognoscitivis, quibus proportionantur: vnde & actus voluntatis, vt dixi, quoad quidditatem, & existentiam potest cognosci ex discursu intellectu, qui modus esse non potest in sensu interno respectu actus appetitus, & ideo dicendum est, vel hos actus omnino non cognosci

a sensu interno, vel admittendus est hic modus cognoscendi vt probabilior. Ex his verò, & ex dictis de actu voluntatis facile est colligere, quomodo hic actus cognoscatur ab intellectu. Et hæc in dubio valde difficili & incerto sufficiat attingisse.

Quæst. 6111. Quid sit appetitus rationalis, & eius obiectum?

Appetitus rationalis secundum dicta describi potest hoc modo: *Est inclinatio tendens in obiectum bonum cognitum ab intellectu.* Quæ descriptio, sicut & similis de appetitu sensitivo, intelligenda est de tendentia per motum prosecutionis: nam appetitus per modum fugæ respicit malum: quodcumque autem bonum cognitum est ab intellectu, est obiectum huius appetitus, de quo fuit Schelastici locis infra citandis. Id solum est disputandum, an huiusmodi appetitus per modum prosecutionis possit tendere in malum vt malum. Legantur discipuli Sancti Thomæ 1. 2. quæst. 8. qui fuit rem hac tractant, quam ego breuiter attingam.

Prima sententia est assertentium, voluntatem posse ferri in malum sub ratione mali per modum prosecutionis. Ita Ocha. in 3. q. 13. dub. 3. Maior in 1. d. 38. q. 1. & in 4. d. 49. q. 6. Gabr. in 2. d. 9. q. 1. art. 3. dub. 2. Scotus 1. distin. 1. quæst. 4. §. *Ad argumenta*, dicit oppositum non esse probatum a Theologis, de quo dubius manet

manet in 2. dist. 43. q. 2. & precipuum fundamentum est petitiū a libertate voluntatis, quia cum sit libera, potest inquirere, refutare bonum, & eligere malum.

Secunda opinio est Angelī, c. 1. suorum moralium assentis voluntatem non solum posse ferri in malum per modum prosecutionis, sed posse etiam tendere in aliquod obiectum abstrahendo a bono, vel malo.

Sed dico primò, obiectum prosecutionis non potest esse malum, ut malum. Colligitur ex Aristot. 3. Ethic. c. 4. & 2. Ethic. ad Eudemum in fine, & Dionysius 4. c. de diuinis nominibus absolute docet, neminē respicientē ad malum operari: est doctrina D. Thom. 1. 2. loco cit. 3. contra Gent. c. 3. & multis alijs locis: & discipulus eius locis citat. sequitur Henricus quodlib. 1. q. 16. quodlib. 15. q. 9. Marfil. in 2. q. 16. artic. 5. Alensis 1. p. q. 17. Richar. in 2. d. 2. artic. 3. q. 2. & est cōmunis hoc tempore, & videtur expressē August. 2. confirm. a cap. 4. docet enim quòd, *Omnis peccans, etiam quando peccat, querit aliquod bonum*: & sepius repetit, misericordiam ut sic, non posse appeti.

Et probari potest experientia, quia experimur, numquā amari aliquod malum, ut malum formaliter, nisi sub ratione boni, vel propter aliquod aliud bonum.

Secundò potest probari a simili, quia appetitus naturalis non potest tendere in malum, ut malum:

ergo nec appetitus rationalis.

Tertio etiam a simili, qui intellectus non potest assentiri falso sub ratione falsi, ut notū est: ergo nec voluntas prosequi malum sub ratione mali: eadē enim videtur proportio vtriusque potētie ad vtrāque obiectum. Et ratio a priori est, quia omnis appetitus, vel est ipsa natura rei, vel datur propter bonū naturæ: Quod verò voluntas sit libera, non inter quòd possit velle malum, ut malum, ad hoc enim non habet libertatem, vel potentiam, libertas verò voluntatis consistit in electione, v. g. boni honesti, prae delictabili, aut utili, vel e contrario etiā est libera quoad exercitium, v. aiunt, quatenus representato bono obiecto, potest non elicere actum: an verò possit ferri in minus bonum neglecto maiori, non est huius loci.

Et iuxta hæc dico secundò, obiectum appetitus per modum suæ est malum, ut malum. Est communis Auctorū, quos rectè præcedenti conclusionē: & declaranda est contrarijs fundamentis: ex quibus concludo contra Angelum, non posse voluntatem ferri in obiectum abstrahens a bono, & malo, quod facile probatur ex prima conclusione. Addendum tamē est, posse aliquando amari malū propter bonitatem annexam, & tunc ratio formalis est bonitas: de qua actione legatur Medin. 1. 2. loco citato. Probari potest, & declarari, quia potest aliquis aliquid

quando velle malum poenæ, vt fugiat malum culpæ, vt docet experientia, & ratio in hoc, & similibus casibus est, quia potest apprehendi aliquod malum, vt medium utile ad aliquod bonum. Ex hac doctrina intelligitur, quod non dō posset aliquis appetere mortem, imō & ipsum non esse sui. De quo Thomista fufē 1.2. quæst. 10. art. 1. etiam intelligitur qua ratione possum velle malum alteri, si habet coniunctum bonum meum.

Quæstio V. De actu appetitus rationalis, & eius principio efficienti.

Supponenda sunt, quæ de actu appetitus in communi diximus. Addendum est, omnes actus, qui sunt in appetitu sensitivo, esse in voluntate, licet perfectiori modo, quia potest velle medium propter finem formaliter, & circa finem potest habere actum quemdam, scilicet amorem habendi illum, & hic dicitur intentio finis: potest etiam habere gaudium de illo vt habitō, & hic actus solet dici fructio. Circa medium verò, vt mediū formaliter, etiam habet duplicem actum: alius dicitur electio, quo voluntas ex prævia consultatione eligit medium: alius actus est, qui dicitur vsus, & ponitur actus voluntatis, quo applicantur potentie ad executionem mediorum pro consecutione finis: de quibus omnibus fufā suscipitur disputatio à

Diuo Thoma, & Thomistis 1.2. in materia de actibus: actus etiam, qui immediatē fit à voluntate, dici solet actus elicited illius, actus tamen alterius potentie, qui fit ex imperio voluntatis, solet dici actus imperatus voluntatis.

Circa principium efficiens horum actuum conueniunt omnes ferē Authores, voluntatē esse causam efficientem propter supradicta. Vnde periculose errauit Goffredus quodlibet. 7. quæst. 6. dicitur enim sensisse, actum voluntatis esse tamquā à totali causā à phantasmate: & Henricus quodlibet. 9. quæst. 5. refert quosdam alios docuisse eandem sententiam: cōueniunt etiam ex dictis præter habitum, & voluntatem ipsam, non concurrere ad hunc actum aliud principium inhaerens voluntati.

Difficultas tamen est, an verbum mentis efficienter concurrat ad actum istum. Prima sententia est asserentium verbum mentis efficienter concurrere. Sic Marfil. in 2. quæst. 16. artic. 3. Gregor. distinct. 25. quæst. vnic. conclus. 12. Gabr. ibidem quæst. vnic. Ocham quodlibet. 1. quæst. 16. Carthusia. in 2. distinct. 25. quæst. 3. artic. 2. & ex Thomistis Caietan. 1. part. quæst. 80. artic. 2. qui citat Heraclitum, & Adamnum, & 1.2. quæst. 22. art. 2. & 3. Soncin. 1.2. Metaph. quæst. 13. Contra. 1.2. quæst. 9. artic. 1. citatur Auerr. 1.2. Metaph. text. 76. sequitur nonnulli huius ætatis, & subtilis Molina infra putat probabilē senten-

sententiam, & hi vocant D. Thom. in suam sententiam, de cuius mente dicam infra.

Probant hanc sententiam ex Augustino, qui, ut explicet Spiritum sanctum producere à Filio, vitur exēplo verbi mentis respectu actus voluntatis, & ideo 1. de Trin. cap. 23. ait amorem procedere à scientia, & cap. 26. amorem esse de genere notitiam, & de notitia genita, sæpeque vocat amorem prolem cognitionis, quo modo loquēdi vitur Bern. de interiori domo. ca. 68. & Richardus de Sancto Viatore de contemplatione 1. p. quid simile indicat.

Ex hoc potest sumi prima ratio, quia in diuinis amor procedit à Verbo: ergo & in creatis, eadem videtur vtriusque proportio.

Secundò, phantasma concurret cum intellectu agēti ad productionem speciei intelligibilis: ergo & Verbum ad actum voluntatis cum voluntate: & idem argumentum fieri potest de specie impressa potentie cognoscitiue: vnde vel in vtroque casu explicandus est effectus per solum concursum potentie respectu actus circa obiectum, vel vtroque admittendus est concursus ex parte obiecti.

Et declaratur ampliùs, quia sicut in specie intelligibili reperitur ratio spiritualitatis, & specialis ratio huius obiecti, & in intellectu agenti reperitur modus agendi per principium assisens non inhærens, & modus agendi sine cognitione;

ita in voluntate reperitur ratio actus spiritualis, & ratio specialis ad obiectum, & voluntas ipsa non est cognoscitiua, & sicut intellectus agēs determinatur ab hoc phantasmate, ita voluntas determinatur à tali obiecto cognito: ergo de his omnibus videtur eadem ratio, & sicut actus cognitionis non solum est actus vitalis, sed talis obiecti: ita amor voluntatis non solum est actus vitalis, sed actus talis obiecti, & secundum hanc doctrinam soluuntur nonnulla, quæ possunt obijci contra hanc sententiam.

Primò enim obijci solet, quod voluntas de se sit sufficienter determinata supposita cognitione obiecti, quia est quædam inclinatio, quæ potest refugere malū & eligere bonum. Respondetur tamen secundum doctrinam huius sententiae, voluntatem esse sufficienter determinatam supposita cognitione, quod attinet ad determinationem concursus ex parte potentiae, non tamen habet ratione sui concursum requisitum ex parte obiecti, sicut dicendum est de intellectu possibili, vel agenti.

Secundò obijci solet: vel voluntas recipit aliquam similitudinē ab obiecto, aut inhærens principium ex parte illius: vel verbū concurret ex parte obiecti. Primum illud nullus cōcedit: hoc secundū videtur cōtra rationem actus vitalis, quia in potentijs cognoscitiuis semper actus elicitur ex natura rei ab aliquo principio inhærenti ex parte obiecti.

Y Respon-

Respondetur, quod etiam si requiratur concursus ex parte obiecti, tamen sufficienter reducitur in verbum mentis, quia est sufficienter approxumatum ad agendum cum voluntate, & perfectius quam esset principium aliud ab illo producendum in voluntate: nec refert potentiam cognoscitiuam communiter agere per principium inherens, quia est diuersa natura vtriusque potentiae, sicut de intellectu agenti concurrere cum phantasmate dicendum est, & aliquando potentia cognoscitiua potest operari per principium sibi praesens, vt de habitibus voluntatis, quando cognoscuntur ab intellectu Angeli, vel animae separatae, cuius sunt proprii, affirmant multi, & de substantia Angeli respectu sui intellectus est communis sententia. Quod si aliquis querat causam, propter quam possit verbum mentis concurrere immediatè cum voluntate, & phantasma non possit concurrere immediatè cum intellectu possibili. Respondetur ex dictis, quia verbum mentis est perfectius effectu, què posset producere in voluntate ad eliciendum actum, & ideo potest immediatè per se concurrere ad actum voluntatis, cum sit sufficienter praesens; at phantasma ipsum est imperfectius effectu ab illo producendo, scilicet intelligibili specie, & ita est magis improprie orationatum. Et secundo, quia cum intellectus natura sua possit separari à sensu interno, non

suit conueniens illum actualiter pendere semper à termino sensationis in genere causae efficientis, etiam pro hoc statu, aliàs in statu separationis ex natura rei nullam haberet speciem, aut principium, quo posset operari, nisi à prima causa illud acciperet per infusionem, vel immediatè à rebus acquireret; at voluntas, & intellectus semper sunt sibi praesentes pro quolibet statu, & operatio voluntatis semper supponit actum intellectus.

Tertio potest obijci: vel verbum mentis, & voluntas concurrunt vt duae causae partiales: & hoc non videtur verum vniuersaliter, quia potest contingere aliquando verbum mentis supernaturale concurrere ad actum voluntatis supernaturalem, cuius voluntas non potest esse causa principalis, vt constat ex dictis de concursu speciei impressae cum potentia: & e contrario, si aliquando potest cognitio naturalis entitatiue concurrere ad supernaturalem actum voluntatis, cognitio etiam non erit causa principalis. Hoc argumentum pono ad explicandum, quomodo philosophandum sit in hac sententia: absolute enim mihi non placet quod docuit Caiet. 1. p. q. 80. art. 2. quoad secundum, voluntatem esse causam principalem, verbum autem causam secundariam, sed quod dicitur de voluntate, est falsum, vt probat ratio facta, & Caietanus indicat sententiam plurimum

Theologorum, & Thomistarum, existimantium actum voluntatis entitatiuè, & quod substantiam, yti illoquantur, vniuersaliter esse naturalem: quod tamen merito refutatur à Theologis huius ætatis in materia de gratia. In proposita ergo quæstione philosophandum est, vt quando voluntas, & verbum concurrunt ad actum naturalem, semper voluntas sit causa principalis partialis: in verbo autem considerandum est, an sit nobilior actu voluntatis, nam quod aliquis actus intellectus sit nobilior aliquo actu voluntatis, constitutum est apud plures Theologos. Quod si vera est doctrina quorundam Thomistarum, asserentium, vniuersaliter omnem actum naturalem intellectus esse nobiliorem quocumque actu naturali voluntatis, dicendum est, verbum mentis concurrere vt causam partialem: quod si aliquando verbum sit imperfectius actione voluntatis philosophandum est, sicut in simili de specie impressa: quod si actus voluntatis sit supernaturalis entitatiuè, semper voluntas concurrat vt instrumentum, & idem est de verbo mentis, si sit naturale, si verò verbum mentis sit supernaturale, attendendum est, an sit, vel non si perfectius actu voluntatis, & philosophandum est secundum dicta.

Quartò solet obijci: nam intelligitur connexio inter intellectum, & phantasma sine actuali efficientia phantasia: ergo poterit intel-

liga connexio inter intellectum, & voluntatem sine efficientia verbi mentis. Propter hoc argumentum quidam huius ætatis concedunt actum intellectus dependere efficienter à phantasmatè, quod tamen suo loco refutatum est: nec videtur simpliciter necessarium, etiam si aliquis assermet, actum intellectus concurrere efficienter ad actum voluntatis, quia cum voluntas ipsa non recipiat aliquid ex parte obiecti, necessariò reducendus est concursus in actum intellectus: at verò cum intellectus possibilis aliquid recipiat à phantasia, non est necessarium, quod ipsa phantasia ad actum intellectus concurrat. Solet etiam obijci auctoritas D. Thomæ contra prædictam sententiam, sed de eius mente dicam infra.

Secundus modus dicendi esse potest asserentium, verbum mentis concurrere efficienter ad actum voluntatis, etiam si terminus sensationis internæ non concurrat efficienter ad actum appetitus. Fundamenta primæ partis possunt esse ea, quæ attulimus pro præcedenti sententia: fundamenta verò secundæ partis ea, quibus supra probauimus, terminum sensationis internæ non posse concurrere ad actum appetitus.

Tertia sententia est asserentium, verbum mentis solum concurrere ad actum voluntatis applicando obiectum. Sic sentit Henricus quodlibet. 9. quæst. 5. & quodlibet

bet. 12. q. 26. Scot. in 1. distin. 25. quæst. vnicâ, quam etiam nonnulli ex eius discipulis amplectuntur: ex discipulis verò D. Thomæ sic sentit Ferrara 1. contra gentes cap. 44. Capreol. in 2. distin. 25. quæst. 1. artic. 3. ad primum contra primam conclusionem Medi. 1.2. quæst. 9. art. 1. & iuniores Thomistæ. 1. p. q. 80. quam etiam multi huius ætatis amplectuntur, & mihi videtur vera, & licet prima sit probabilis, quæ modo explicato mihi placuit aliquando, hæc tamen videtur re vera probabilior.

Pro cuius explicatione aduertendum est, sine causa nonnullos distinguere de actu voluntatis naturali, vel libero, quia de omnibus re vera eodem modo loquendum est; nam si semel dicamus, concursum ex parte obiecti esse necessarium ad actum voluntatis, cum cunctis actus illius habeat obiectum, siue liberum, siue necessarium, semper concurret aliquid ex parte obiecti: si verò concursus, hic, necessarius non est, in nullo actu erit necessarius; quod enim actus sit necessarius, vel liber, non pendet ex eo quod obiectum concurrat, vel non concurrat, sed ex applicatione voluntatis.

Et declaratur in actibus intellectus, quia si semel daremus, aliquem actum fieri ex natura rei sine concursu obiecti, nullo modo esset principium ad probandum aliquem actum intellectus includere concursum obiecti; ex quo etiam fit,

malè nonnullos iuniores probare verbum mentis non concurrere efficienter, quia posito verbo, potest voluntas non operari: hæc, inquam, ratio nullius est momenti, soluti enim probat, verbum mentis non egere voluntate ad operandum, non tamen probat non esse necessarium concursum verbi ad actum voluntatis, quia ipsa actualiter determinatur ad operandum, sicut licet species intelligibilis non semper cogat intellectum ad eliciendam operationem, tamen quando applicatur intellectus ex libertate voluntatis ad operandum, applicatur etiam concursus speciei.

His posititis dico in hac quæstione, verbum mentis non concurrere efficienter ad actum voluntatis. Probat primò, quia appetitus naturalis per se ipsum est sufficienter inclinatus in bonum sibi conueniens: ergo voluntas est sufficienter inclinata, ut semel representato obiecto possit tendere in illud secundum exigentiam suæ naturæ.

Et declaratur amplius in appetitu, quem habet lapis ad centrum: non enim solum lapis per suam essentiam inclinatus est in centrum, quasi radicaliter, sed etiam per potentiam superadditam, scilicet gravitatem, ut constat, sed gravitas ad eliciendum actum pro consecutione essentialiter est sufficienter inclinata in genere causæ efficientis, ita ut ex parte rei, quæ appetitur, nihil requiratur, quod concurrat in genere causæ efficientis: ergo

semel

semel appellato obiecto per cognitionem appetitus rationalis, sufficienter inclinatus est in genere causæ efficientis, ut possit elicere actum circa suum obiectum in hoc, quod ex parte illius aliquid concurret in genere causæ efficientis.

Secundò probatur ex diuerso modo, quo respicit appetitus suum obiectum, & quo respiciunt potentia cognoscitiua, nam potentia cognoscitiua, ut dicitur sæpè D. Thom. trahit res ad se, imò sit ipsa res, ut dixit Aristoteles, quia tendit in obiectum per expressam imaginem illius, & quasi per generationem alicuius simili obiecti: unde requirit aliquid, quod concurret ex parte obiecti: appetitus non trahit res ad se, sed tendit ad illas, idest, non producit imaginem illorum, sed cæco quodam impetu appetitus tendit in res desideratas. Sicut lapis media gravitate tendit in centrum desideratum desiderio naturæ: & idem est serè suo modo de intellectu agentis, respectu speciei intelligibilis, sicut de potentia cognoscitiua respectu speciei expressæ: & hoc modo longè melius intelligitur, quare appetitiua potentia non requirant principium inherens tenens se ex parte obiecti; nam si huiusmodi concursus requirerent, vix posset assignari ratio propter quam actus sensus interni, verbi gratia, non produceret aliquod principium huiusmodi in appetitu sensitivo, imò & verbum mentis in ap-

petitu rationali, hoc ipso quod ipsum verbum mentis est sufficiens causa respectu illius principij, quia potest esse aliquod imperfectius principium, illud maxime, cum hoc modo facilius intelligatur concursus ex parte obiecti in appetitu sensitivo, & ex hac doctrina constat ad secundam rationem primæ sententiæ. Prima verò petita à simili non videtur ad propositum, quia, ut Theologi docent in materia de Trinitate, secundum Catholicam doctrinam Pater, & Verbum spirant Spiritum sanctum, quatenus habent eandem voluntatem Pater, & Verbum: unde Verbum per voluntatē spirat Spiritum sanctum, ita ut una voluntas Patris, & Filij sit principium spirationis Spiritus sancti, planum autem est, non posse hoc modo concurrere verbum mentis ad actum voluntatis.

Tertiò probatur, quia obiectum appetitus sensitivi, non potest concurrere in genere causæ efficientis ad actum appetitus: ergo appetitus de se est sufficienter inclinatus, ut præsentato obiecto, possit tendere in illud in genere causæ efficientis: ergo multò magis appetitus rationalis, erit de se inclinatus in suum obiectum. Consequentia hæc secunda videtur evidens in Philosophia, quia non potest assignari rationalis disparitas inter duos appetitus respectu suorum obiectorum, ut res latius contemplanti constabit. Prima verò con-

species ab intellectu, sine hoc quòd præcedat in sensu cognitio talis obiecti, vt multi dicunt de cognitione actus talis potentie supremæ sensitivæ cognoscitivæ: vsus verò alienarum specierum, quoad præsentem casum sine sufficienti omnino fundamento concedentur sensui interno.

Nihilominus probabilius est, sensum internum aliquomodo cognoscere actus appetitus, non quidem per species omnino claras & distinctas, vt efficaciter convincit experientia: neque per vsum alienarum specierum, propter rationem factam, præsertim, quia existentia actus appetitus vix potest sine discursu cognosci, vt in simili dixit de actu voluntatis, sed per species quasdam imperfectas, quod nullam videtur habere repugnantiam, & videtur magis congruum animæ sensitivæ, & animalium.

Quòd si aliquis obijciat, actum appetitus rationalis non cognosci per speciem causatam ab illis: ergo idemerit de actu appetitus sensitivi. Respondeo, esse diversam naturam horum actuum, vnde non est mirum, si diverso modo cognoscantur à potentijs cognoscitivis, quibus proportionantur: vnde & actus voluntatis, vt dixi, quoad quidditatem, & existentiam potest cognosci ex discursu intellectus, qui modus esse non potest in sensu interno respectu actus appetitus, & ideo dicendum est, vel hos actus omnino non cognosci

à sensu interno, vel admitterendus est hic modus cognoscendi vt probabilior. Ex his verò, & ex dictis de actu voluntatis facile est colligere, quomodo hic actus cognoscatur ab intellectu. Et hæc in dubio valde difficili & incerto sufficiat attingit.

Quæst. 1111. Quid sit appetitus rationalis, & eius obiectum?

Appetitus rationalis secundum dicta describi potest hoc modo: *Est inclinatio tendens in obiectum bonum cognitum ab intellectu.* Quæ descriptio, sicut & similis de appetitu sensitivo, intelligenda est de tendentia per motum prosecutionis: nam appetitus per modum fugæ respicit malum: quodcumque autem bonum cognitum est ab intellectu, est obiectum huius appetitus, de quo fufius Scholastici locis infra citandis. Id solum est disputandum, an huiusmodi appetitus per modum prosecutionis possit tendere in malum vt malum. Legantur discipuli Sancti Thomæ 1. 2. quæst. 8. qui fufius rem hanc tractant, quam ego brevis attingam.

Prima sententia est assensentium, voluntatem posse ferri in malum sub ratione in illi per modum prosecutionis. Ita Ocha. in 3. q. 13. dub. 3. Maior in 1. d. 38. q. 1. & in 4. d. 45. q. 6. Gabr. in 2. d. 9. c. 1. art. 3. dub. 2. Scorius 1. distin. 1. quæst. 4. 6. *Ad argumenta*, dicit oppositum non esse probatum à Theologis, de quo dubius manet

manet in 2. dist. 33. q. 2. & precipuum fundamentum est petitiū a libertate voluntatis, quia cum sit libera, potest inquirere, refutare bonū, & eligere malum.

Secunda opinio est Angelī, c. 1. suorum a moralium affectis voluntatem non solum posse ferri in malum per modum profectionis, sed posse etiam tendere in aliquod obiectum abstractando a bono, vel malo.

Sed dico primò, obiectum profectionis non esse malum, ut malum. Colligitur ex Aristot. 3. Ethic. c. 4. & 2. Ethic. ad studium in fine, & Dionysius 4. cate. diuinis nominibus absolute docet, neminē respicientē ad malum operari: est doctrina D. Thom. 1. 2. loco cit. 3. contra Gent. c. 3. & multis alijs locis: & discipulus eius locis citat. sequitur Henricus quodlib. 1. q. 16. quodlib. 15. q. 9. Marsil. in 2. q. 16. artic. 5. Alensis 1. p. q. 17. Richar. in 2. d. 25. artic. 3. q. 2. & est communis hoc tempore, & videtur expressè August. 2. confirm. a cap. 4. docet enim quod, *Omnis peccans, etiam quando peccat, querit aliquod bonum*: & sepius repetit, miseria ut sic, non posse appeti.

Et probari potest experientia, qua expectatur, nunquā amari aliquod malum, ut malum informaliter, nisi sub ratione boni, vel propter aliquod aliud bonum.

Secundò potest probari a simili, quia appetitus naturalis non potest tendere in malum, ut malum:

ergo nec appetitus rationalis.

Fertur etiam a simili, qui intellectus non potest assentiri falso sub ratione falsi, ut notū est: ergo nec voluntas prosequi malum sub ratione malitiae: enim videtur proportio vtriusque poteri ad vtrūque obiectum. Et ratio a priori est, quia omnis appetitus, vel est ipsa natura rei, vel datur propter bonū naturae. Quod verò voluntas sit libera, non inter quod possit velle malum, ut malum, ad hoc enim non habet libertatem, vel potentiam, libertas verò voluntatis consistit in electione, v. g. boni honesti, praelectabili, aut utili, vel e contrario etiā est libera quoad exercitium, v. aiunt, quatenus representato bono obiecto, potest non elicere actum: an verò possit ferri in minus bonum neglecto maiori, non est huius loci.

Et iuxta hæc dico secundò, obiectum appetitus per modum suæ est malum, ut malum. Est communis Auctorū, quos cituli pro precedenti conclusione: & declaranda est contrarijs fundamentis ex quibus concludo contra Angelū, non posse voluntatem ferri in obiectum abstractans a bono, & malo, quod facile probatur ex prima conclusione. Addendum tamē est, posse aliquando amari malū propter bonitatem annexam, & tunc ratio formalis est bonitas: de qua actione legatur Medin. 1. 2. loco citato. Probari potest, & declarari, quia potest aliquis aliquid quando

quando velle malum poenæ, vt fugiat malum culpæ, vt docet experientia, & ratio in hoc, & similibus casibus est, quia potest apprehendi aliquod malum, vt medium vtile ad aliquod bonum. Ex hac doctrina intelligitur, quomodo posset aliquis appetere mortem, imò & ipsum non esse sui. De quo Thomista fufé 1.2. quæst. 10. art. 1. etiam intelligitur qua ratione possum velle malum alteri, si habet coniunctum bonum meum.

Quæstio V. De actu appetitus rationalis, & eius principio efficienti.

Supponenda sunt, quæ de actu appetitus in communi diximus. Addendum est, omnes actus, qui sunt in appetitu sensitivo, esse in voluntate, licet perfectiori modo, quia potest velle medium propter finem formaliter, & circa finem potest habere actum quemdam, scilicet amorem habendi illum, & hic dicitur intentio finis: potest etiam habere gaudium de illo vt habitio, & hic actus solet dici fructio. Circa medium verò, vt mediū formaliter, etiam habet duplicem actum: alius dicitur electio, quo voluntas ex prævia consultatione eligit medium: alius actus est, qui dicitur vsus, & ponitur actus voluntatis, quo applicatur potentia ad executionem mediorum pro consecutione finis: de quibus omnibus fusa suscipitur disputatio à

Diuo Thoma, & Thomistis 1.2. in materia de actibus: actus etiam, qui immediatè fit à voluntate, dici solet actus elicitus illius, actus tamen alterius potentia, qui fit ex imperio voluntatis, solet dici actus imperatus voluntatis.

Circa principium efficiens horum actuum conueniunt omnes ferè Authores, voluntatè esse causam efficientem propter suprà dicta. Vnde periculose errauit Gofredus quodlibet. 7. quæst. 6. dicitur enim sensisse, actum voluntatis esse tamquàm à totali causà à phantasmate: & Henricus quodlibet. 9. quæst. 5. refert quosdam alios docuisse eandem sententiam: cōueniunt etiam ex dictis præter habitum, & voluntatem ipsam, non concurrere ad hunc actum aliud principium inhærens voluntati.

Difficultas tamen est, an verbum mentis efficienter concurrat ad actum istum. Prima sententia est asserentium verbum mentis efficienter concurrere. Sic Marsi. in 2. quæst. 16. artic. 3. Gregor. distinct. 25. quæst. vnic. conclus. 12. Gabr. ibidem quæst. vnica. Ocliam quodlibet. 1. quæst. 16. Carthusia. in 2. distinct. 25. quæst. 3. artic. 2. & ex Thomistis Caietan. 1. part. quæst. 80. artic. 2. qui citat Heraclum, & Adamnum, & 1.2. quæst. 22. art. 2. & 3. Soncin. 1.2. Metaph. quæst. 13. Contra. 1.2. quæst. 9. artic. 1. citatur Auerr. 1.2. Metaph. text. 76. sequitur nonnulli huius ætatis, & subtilis Molina infra putat; robabile senten-

sententiam, & hi vocant D. Thom. in suam sententiam, de cuius mente dicam infra.

Probant hanc sententiam ex Augustino, qui, ut explicet Spiritum sanctum producere à Filio, vitur exēplo verbi mentis respectu actus voluntatis, & ideo 15. de Trin. cap. 23. ait amorem procedere à scientia, & cap. 26. amorem esse de gigante notitiam, & de notitia genita, sæpeque vocat amorem prolem cognitionis, quo modo loquēdi vitur Bern. de interiori domo. ca. 68. & Richardus de Sancto Victore de contemplatione 1. p. quid simile indicat.

Ex hoc potest sumi prima ratio, quia in diuinis amor procedit à Verbo: ergo & in creatis, eadem videtur vtriusque proportio.

Secundò, phantasma concurret cum intellectu agēti ad productionem speciei intelligibilis: ergo & Verbum ad actum voluntatis cum voluntate: & idem argumentum fieri potest de specie impressa potentia cognoscitiua: vnde vel in vtroque casu explicandus est effectus per solum concursum potentia respectu actus circa obiectum, vel vtroque admittendus est concursus ex parte obiecti.

Et declaratur ampliùs, quia sicut in specie intelligibili reperitur ratio spiritualitatis, & specialis ratio huius obiecti, & in intellectu agenti reperitur modus agendi per principium assisistens non inherens, & modus agendi sine cognitione;

ita in volūate reperitur ratio actus spiritualis, & ratio specialis ad obiectum, & voluntas ipsa non est cognoscitiua, & sicut intellectus agēs determinatur ab hoc phantasmate, ita voluntas determinatur à tali obiecto cognito: ergo de his omnibus videtur eadem ratio, & sicut actus cognitionis non solum est actus vitalis, sed talis obiecti: ita amor voluntatis non solum est actus vitalis, sed actus talis obiecti, & secundum hanc doctrinam soluuntur nonnulla, quæ possunt obijci contra hanc sententiam.

Primò enim obijci solet, quod voluntas de se sit sufficienter determinata supposita cognitione obiecti, quia est quædam inclinatio, quæ potest refugere malū & eligere bonum. Respondetur tamen secundum doctrinam huius sententia, voluntatem esse sufficienter determinatam supposita cognitione, quod attinet ad determinationem concursus ex parte potentia, non tamen habet ratione sui concursum requisitum ex parte obiecti, sicut dicendum est de intellectu possibili, vel agenti.

Secundò obijci solet: vel voluntas recipit aliquam similitudinē ab obiecto, aut inherens principiū ex parte illius: vel verbū concurret ex parte obiecti. Primum illud nullus cōcedit: hoc secundū videtur cōtra rationem actus vitalis, quia in potentis cognoscitiuis semper actus elicitur ex natura rei ab aliquo principio inherenti ex parte obiecti.

Y Respon-

Respondetur, quod etiam si requiratur concursus ex parte obiecti, tamen sufficienter reducitur in verbum mentis, quia est sufficienter approxinatum ad agendum cum voluntate, & perfectius quam esset principium aliud ab illo producendum in voluntate: nec refert potentiam cognoscitiuam communiter agere per principium inhaerens, quia est diuersa natura vtriusque potentiae, sicut de intellectu agenti concurrere cum phantasmate dicendum est, & aliquando potentia cognoscitiua potest operari per principium sibi praesens, vt de habitibus voluntatis, quando cognoscuntur ab intellectu Angeli, vel animae separatae, cuius sunt proprii, affirmant multi, & de substantia Angeli respectu sui intellectus est communis sententia. Quod si aliquis quaerat causam, propter quam possit verbum mentis concurrere immediatè cum voluntate, & phantasma non possit concurrere immediatè cum intellectu possibili. Respondetur ex dictis, quia verbum mentis est perfectius effectu, quàm possit producere in voluntate ad eliciendum actum, & ideo potest immediatè per se concurrere ad actum voluntatis, cum sit sufficienter praesens; at phantasma ipsum est imperfectius effectu ab illo producendo, scilicet intelligibili specie, & ita est magis improprie proportionatum. Et secundo, quia cum intellectus natura sua possit separari à sensu interno, non

fuit conueniens illum actualiter pendere semper à termino sensationis in genere causae efficientis, etiam pro hoc statu, aliàs in statu separationis ex natura rei nullam haberet speciem, aut principium, quo posset operari, nisi à prima causa illud acciperet per infusionem, vel immediatè à rebus acquireret; at voluntas, & intellectus semper sunt sibi praesentes pro quolibet statu, & operatio voluntatis semper supponit actum intellectus.

Tertio potest obijci: vel verbum mentis, & voluntas concurrunt vt duae causae partiales: & hoc non videtur verum vniuersaliter, quia potest contingere aliquando verbum mentis supernaturale concurrere ad actum voluntatis supernaturalem, cuius voluntas non potest esse causa principalis, vt constat ex dictis de concursu speciei impressae cum potentia: & è contrario, si aliquando potest cognitio naturalis entitatiuè concurrere ad supernaturalem actum voluntatis, cognitio etiam non erit causa principalis. Hoc argumentum pono ad explicandum, quomodo philosophandum sit in hac sententia: absolute enim mihi non placet quod docuit Caiet. 1. p. q. 80. art. 2. quoad secundum, voluntatem esse causam principalem, verbum autem causam secundariam, sed quod dicitur de voluntate, est falsum, vt probat ratio facta, & Caietanus indicat sententiam plurimum

Theologorum, & Thomistarum, existimantium actum voluntatis entitatiuè, & quoddam substantiam, ut illi loquuntur, vniuersaliter esse naturalem: quod tamen merito refutatur à Theologis huius ætatis in materia de gratia. In propòsito ergo quæstione philosophandum est, ut quando voluntas, & verbum concurrunt ad actum naturalem, semper voluntas sit causa principalis partialis: in verbo autem considerandum est, an sit nobilior actu voluntatis, nam quoddam aliquis actus intellectus sit nobilior aliquo actu voluntatis, constitutum est apud plures Theologos. Quoddam si vera est doctrina quorundam Thomistarum, asserentium, vniuersaliter omnem actum naturalem intellectus esse nobiliorem quocumque actu naturali voluntatis, dicendum est, verbum mentis concurrere ut causam partialem: quoddam si aliquando verbum sit imperfectius actione voluntatis philosophandum est, sicut in simili de specie impressa: quoddam si actus voluntatis sit supernaturalis entitatiuè, semper voluntas concurrat ut instrumentum, & idem est de verbo mentis, si sit naturale, si verò verbum mentis sit supernaturale, attendendum est, an sit, vel non si perfectius actu voluntatis, & philosophandum est secundum dicta.

Quartò solet obijci: nam intelligitur connexio inter intellectum, & phantasma sine actuali efficientia phantasie: ergo poterit intel-

ligi connexio inter intellectum, & voluntatem sine efficientia verbi mentis. Propter hoc argumentum quidam huius ætatis concedunt actum intellectus dependere efficienter à phantasmate, quod tamen suo loco refutatum est: nec videtur simpliciter necessarium, etiam si aliquis assermet, actum intellectus concurrere efficienter ad actum voluntatis, quia cum voluntas ipsa non recipiat aliquid ex parte obiecti, necessariò reducendus est concursus in actum intellectus: at verò cum intellectus possibilis aliquid recipiat à phantasia, non est necessarium, quoddam ipsa phantasia ad actum intellectus concurrat. Solet etiam obijci auctoritas D. Thomæ contra prædictam sententiam, sed de eius mente dicam infra.

Secundus modus dicendi esse potest asserentium, verbum mentis concurrere efficienter ad actum voluntatis, etiam si terminus sensationis internæ non concurrat efficienter ad actum appetitus. Fundamenta primæ partis possunt esse ea, quæ attulimus pro præcedenti sententia: fundamenta verò secundæ partis ea, quibus supra probauimus, terminum sensationis internæ non posse concurrere ad actum appetitus.

Tertia sententia est asserentium, verbum mentis solum concurrere ad actum voluntatis applicando obiectum. Sic sentit Henricus quodlibet. 9. quæst. 5. & quodlibet.

seruel appellato obiecto per cognitionem appetitus rationalis, sufficienter inclinatus est in genere causæ efficientis, ut possit elicere actum circa suum obiectum tunc hoc, quod ex parte illius aliquid concurret in genere causæ efficientis.

Secundò probatur ex diuerso modo, quo respicit appetitus suum obiectum, & quo respiciunt potentia cognoscitua, nam potentia cognoscitua, ut dicitur sæpè D. Thom. trahit res ad se, imò sit ipsa res, ut dixit Aristoteles, quia tendit in obiectum per expressam imaginem illius, & quasi per generationem alicuius similis obiecti: unde requirit aliquid, quod concurrat ex parte obiecti: at appetitus non trahit res ad se, sed tendit ad illas, id est, non producit imaginem illorum, sed cæco quodam impetu appetitus tendit in res desideratas. Sicut lapis media gravitate tendit in centrum desideratum desiderio naturæ: & idem est serè suo modo de intellectu agentis, respectu speciei intelligibilis, sicut de potentia cognoscitua respectu speciei expressæ: & hoc modo longè melius intelligitur, quare appetitui potentia non requirant principium inherens tenens se ex parte obiecti; nam si huiusmodi concursum requirerent, vix posset assignari ratio propter quam actus sensus interni, verbi gratia, non produceret aliquod principium huiusmodi in appetitu sensitivo, imò & verbum mentis in ap-

petitu rationali, hoc ipso quod ipsum verbum mentis est sufficiens causa respectu illius principij, quia potest esse aliquod imperfectius principium, illud maxime, cum hoc modo facilius intelligatur concursus ex parte obiecti in appetitu sensitivo, & ex hac doctrina constat ad secundam rationem primæ sententiæ. Prima verò petita à simili non videtur ad propositum, quia, ut Theologi docent in materia de Trinitate, secundum Catholicam doctrinam Pater, & Verbum spirat Spiritum sanctum, quatenus habent eandem voluntatem Pater, & Verbum: unde Verbum per voluntatē spirat Spiritum sanctum, ita ut vna voluntas Patris, & Filij sit principium spirationis Spiritus sancti, planum autem est, non posse hoc modo concurrere verbum mentis ad actum voluntatis.

Tertiò probatur, quia obiectum appetitus sensitivi, non potest concurrere in genere causæ efficientis ad actum appetitus: ergo appetitus de se est sufficienter inclinatus, ut præsentato obiecto, possit tendere in illud in genere causæ efficientis: ergo multò magis appetitus rationalis, erit de se inclinatus in suum obiectum. Consequentia hæc secunda videtur tuius in Philosophia, quia non potest assignari rationabilis disparitas inter duos appetitus respectu suorum obiectorum, ut res latius contemplanti constabit. Prima verò con-

sequencia, supposito antecedenti, etiam videtur certa; antecedens autem probatum est supra, quia anima non concurret ad actum appetitionis, prout habet praesentiam in capite: sed prout habet praesentiam in corde. Quod potest amplius declarari ex concursu formae ad informandum, quia forma ipsa non informat materiam cordis, prout formaliter praesens in capite, ita est etiam de concursu efficientis, quod clarius elucet in diuersis partibus formae diuisibilis viuentis, quae, ut diximus suo loco, ad diuersam operationem requirit diuersam dispositionem.

Sed dices, ad operationem eliciendam in corde requiritur existentia ipsius formae, animae equi, verbi gratia, quae tamen non potest existere nisi in tota materia de organata: ergo existentia, & praesentia formae in vna parte necessaria est ad existentiam in altera, atque adeo, & ad operationem.

Respondetur, verum esse ex natura rei, non posse formam equi esse in vna aliqua parte solum: sed requirere existentiam in pluribus: ex hoc tamen non sequetur, animae verbi gratia, prout in capite, deberi concursum efficientem ad appetitionem eliciendam in corde, ut patet manifeste in concursu informationis, sicut enim ad informandum materiam cordis requiritur simultanea informatio materiae capitis: tamen si computaremus informationem cordis ad ipsam

animam, non procedit ab illa prout in capite: quod manifestum est in anima diuisibili equi, & constat etiam in dispositione materiali requisita ab hac anima, licet enim non possit introduci nisi praesuppositis quibusdam dispositionibus in diuersis partibus materiae, tamen formaliter loquendo, formae cordis, aut parti formae in corde, & prout ibi non debetur dispositio capitis: ergo eodem modo, licet ad efficiendum requiratur existentia formae in pluribus partibus materiae, poterit tamen in vna parte deberi formae quidam concursus non debitus prout in alia. Et declaratur amplius, quia etiam si defacto secundum communioem opinionem calor sit instrumentum animae ad nutritionem substantialem, & anima sit praesens calori capitis, & plantae pedis, verbi gratia, nullus tamen dixit animam prout in capite, & calorem capitis concurrere ad nutritionem pedis; quod tamen fieret, si anima prout in capite, & calori, prout praesens illi tali praesentia, deberetur concursus ad agendum in distans, modo anima sit praesens effectui; hoc autem esset contra omnes, & contra communem experientiam, etiam si calor ponatur ut instrumentum respectu substantialis nutritionis eleuandum ab anima. Ex quibus omnibus videtur colligi, terminum sensationis internae non concurrere ad actum appetitus, quia quan-

quantum ad hoc impertinens est simultas, quam habet cum anima, prout in capite.

Sed quæret aliquis, quænam sit regula generatis ad cognoscendum, quæ simultas cum alio iuuat ad agendum, vel in maiorem sphaeram, vel in distans respectu vnius agentis: nam quidquid sit de hoc casu, omnes tenemur fateri iuxta D. Tho. non sufficere simultatem ignis, verbi gratia, cum Deo, prout in hoc loco, vt possit ignis agere, vel in distantissimum passum, vel etiam in propinquum, interiecto vacuo, etiam si Deus vbique sit, vt re vera est, & hoc siue Deus agat in altero loco, vt causa vniuersalis, siue vt causa particularis, si materia aliqua id postulare.

Respondeo, regulam deducendam esse ex modo concurrendi vtriusque agentis, & ex ipso effectu: attendendum est enim, an præsentia agentis vtiatur ex natura rei possit iuuare ad modum agendi alterius, aut ex illa possit deberi concursus naturalis alteri. Hinc enim est, quod etiam si Deus sit coniunctus huic igni, & passo existenti Romæ, aut existenti in loco propinquiori, si sit interiectum vacuum, nihil faciat ex natura rei, vt ignis, qui in hac præsentia præsens est Deo, non possit calefcere passum Romæ, quia ex natura rei hic ignis non habet tantam sphaeram, vel passum existens in propinquiori loco, quando est medium vacuum, quia hoc agens ex natura sua non

agit in distans medio vacuo. Attendendum etiam est, an aliquod agens coniungatur alteri pro præsentia, pro qua illi secundo agenti debetur, vel non debetur concursus ad talem effectum, secundum exigentiam, & modum operandi vtriusque agentis.

Ex quo fit, vt etiam si calor coniunctus sit igni prout Romæ, tamen eidem calori ex vi talis præsentia, & simultatis non debetur concursus ad calefaciendum Compluti, etiam si idem ignis, qui est Romæ, sit Compluti, quia quod sit coniunctus igni prout Romæ, nihil refert in ordine ad effectum faciendum Compluti. Et ratio est, quia eidem igni non debetur idem concursus, prout existit Romæ, & Compluti.

Ex quo intelligitur, quod diximus de præsentia cognitionis internæ cum anima in ordine ad appetitionem: intelligitur etiam quia ratione, quæ diximus de hac re, nihil habeant contra nos, & pugnent contra asserentes terminum sensuæ cognitionis inter se concurrere ad actum appetitus, vt ostenditur, nullum effectum speciei alterius expressæ fieri in distans, vt constat in productione speciei impressæ sensus interni ab expressa sensus externi.

Ex his verò facile possunt explicari locutiones Patrum, qui aliquando indicant amores procedere à cognitione: solū enim cōtendūt aliquo modo cōcurrere cognitionē ad amorē: quatenus cognitio

applicat obiectum, & etiam respectu voluntatis in genere causę finalis, vt ex hac similitudine aliquo modo vt possunt, quasi balbutiendo explicent ineffabilem spirationem Spiritus Sancti: & ex hoc, quod dixi de genere causę finalis, potest assignari disparitas inter actum voluntatis, & actum intellectus, quia actus intellectus potest determinare voluntatem in genere causę finalis, at intellectus ab specie respectu actus non potest determinari in hoc genere, quia voluntas est, quę tendit in finem, vt finem. Et ex his constat mediam illam sententiam, quę diuerso modo loquitur de appetitu, & voluntate, falsam esse.

Sed quæret aliquis, quænam sit mens sancti Thomę circa præsentem difficultatem. Sententiam Caietani videtur indicare S. Thom. 1. part. quæst. 80. art. 2. in corpore: videtur enim vocare intellectum motuum, & actuum respectu voluntatis: & q. 27. art. 2. ad 3. & in 1. dist. 18. q. 1. art. 4. eodem modo videtur loqui de amore creato, & increato, & 1. 2. q. 1. art. 3. & sæpe alibi ait, actionem humanam specificari a fine, quia omnis actio specificatur (inquit) a principio agendi: vnde Caietanus non vult concedere suam esse sententiam contra sanctum Thomam, & qui illum sequuntur, conantur explicare mentem sancti Thomę, ita vt si aliquando dicat intellectum mouere finaliter voluntatem, non velit negare

efficientiam, sed assignare specialem, & manifestissimam causalitatem intellectus. Addunt intellectum non mouere efficienter voluntatem quoad exercitium, sicut e contrario mouet voluntas intellectum. Verumtamen negari non potest, quin sanctus Thomas nostram clarissimè indicet sententiam q. 22. de veritate art. 12. vbi expresse negat efficientiam intellectus respectu voluntatis 1. p. q. 12. art. 4. in corpore, & ad 2. & in 1. d. 38. q. 1. art. 1. & 1. 2. q. 23. art. 2. neque ex alijs locis potest sumi efficax argumentum contra nostram sententiam; nam in prioribus solum vult sanctus Thomas amorē procedere a cognitione; quod si intelligatur de amore creato, explicanda est hæc solutio, sicut supra locutiones Patrum: si verò sermo sit de amore increato procedente a Verbo, non est huius loci.

Vltimus locus, quo Diuus Thomas ait actionem humanam specificari a fine, quia omnis actio specificatur a principio agendi, exponitur ab Auctoribus 1. 2. loco citato: sufficiat dicere hoc loco non esse mentem D. Thomę, actionem humanam, in quantum talem specificari a fine vt a principio efficiente, sed a fine ipso, vt obiecto actus moralis; sicut solet dici, actionem physicam specificari a principio, & quidquid sit de hoc, sufficiat nobis discipulos sancti Thomę inter se dissentire circa mentem illius.

DISPUTATIO III.

*De potentia & actu vitali.**Quæstio I. Quid sit potentia & actus vitalis.*

POST disputationem de potentijs animæ in communi, & in particulari, & de comparatione illarum inter se, restat explicare, quid requiratur ad hoc, ut aliqua potentia sit vitalis; & secundò, quid etiam sit actus vitalis.

Circa priorem partem aduertendum est ex D. Thom. 1. p. quæst. 18. art. 1. quòd viuere ea dicuntur, quæ habet in se principium motus, quo se moueant: vnde Arist. 8. Physicorum tex. 28. *Officium vite*, inquit, *est a se moueri*, qua verò ratione huiusmodi motus viuientium distinguatur à motu grauium, dixit 8. Physicorum, & suprà etiam 2. lib. de Anima.

Secundò aduertendum est, ex D. Thom. art. 2. quòd nomen Vitæ sumptum fuerit ab operatione, tamen iam non significat solam operationem, sed principium operationis, siue primarium, & substantiale, quale est anima; siue superadditum, quale est potentia. Legatur Diuus Tho. 1. 2. q. 3. art. 2. ad 1. & q. 56. art. 1. ad 1.

Ex quo fit, quòd ad rationem potentie vitalis primò requiratur esse principium in operante: sed quia in viuenti etiam respectu operationum vitalium sunt aliqua prin-

cipia, ut constat de specie impressa, & habitu, & idè ab his principijs oportet distinguere potètiàm vitalem per aliquid aliud. Requiritur ergo secundò ad rationem potentie vitalis, ut oriatur ab anima, quæ est substantialis vita. Sed neque hoc videtur sufficere absolutè secundum doctrinam asserentium, intellectum agentem distingui realiter à possibili, quia, ut infrà dicam, secundum aliquos probabile est, productionem speciei intelligibilis non esse vitalem, & tamen, ut probaui disputatione de intellectu agenti, si intellectus agens distinguitur à possibili, nullam habet aliam actionem, quàm productionem speciei intelligibilis: ergo secundum hæc principia, etiam si intellectus agens oriatur ab anima rationali, non potest dici, quòd sit potentia vitalis, quia nullam habet operationem vitalem.

Secundum nostram tamen doctrinam absolutè verum est, omnem potentiam actiuam, quæ sequitur prædicatum vitæ substantialis, ut sic, esse vitalem. Quòd si aliquis velit defendere intellectum agentem distingui à possibili, & non esse vitalem potentiam; potest addere, ad rationem potentie vitalis requiri, esse potentiam animæ, quæ ad suam operationem egeat concursu animæ, quia, ut infrà dicemus, probabilius est, vitam ipsam substantialem concurrere ad actiones vitales, & concedere,

Y v

intellectu

intellectum agentem, etiam si sequatur prædicatum animæ, & hac ratione, quasi denominatiue posset dici vitalis; tamen non est talis potentia, quæ ad productionem sui effectus requirit cōcursum animæ: absolute tamen, quo modo loquendum sit secundum nostram sententiam, constat: quotuplex sit verò potentia vitalis, conitabit ex dicendis.

Circa secundam partem questionis de operatione vitali D. Thom. quæst. citata artic. 2. ad 2. hac sola ratione explicat opera vitæ, ut sint quatuor principia in operantibus, ut seipsos inducant in tales operationes. Aristotel. 2. de anima text. 13. diuisione quadam explicat opera vitalia, dicens, *Opera vitæ esse, intelligere, moueri secundum locum, alimentari uti, & sentire.* Supponit verò Aristoteles appetitionem, ut eo loco notant Auctores, & doctrinam hanc sine difficultate amplectuntur.

Ex dictis verò potest aliquo modo describi actus vitalis: *Ut sit actio pendens à principio vitali in quantum tali:* ita ut ex modo suo specificè pendeat à potentia animæ, & ab anima, quod dixerim, ut distinguam intellectiōem, verbi gratia, ab ea actione, quæ immediate ab anima producit voluntas, vel aliqua potentia, quam actionē nullus hactenus vocauit vitalem, & tamen reuerà oritur à vita substantiali, & terminatur ad potentiam vitalem: vnde negari non potest,

quin aliquo modo debeat dici vitalis, sicut actio, quæ fit Angelus, creatio verbi gratia, potest dici vitalis aliquo modo, quatenus est productio substantiæ viuētis: auctores verò communiter solum locuti sunt de actione potentiæ vitalis, & præsertim de actione illius circa suum obiectum: quod dixerim propter aliquos Thomistas, qui existimant, vnam potentiam animæ procedere ab anima media alia concurrente in genere causæ efficientis: quod tamen falsum est. Addendum est etiam huiusmodi actiones, quibus potentiæ sunt ab anima, non esse tales, ut ex modo suo constituent animam in alio ordine operantis actualiter, quam se habeat in suo genere essentia ignis respectu productionis caloris, & quantum ad hoc principium actionis, est eodem modo in utroque operante, essentia scilicet ignis, & anima rationali, & ut merito Doctores referunt, actiones huiusmodi vitales non errant.

Duorum esse potest, an omnis actus potentiæ vitalis sit vitalis. Ratio dubitandi esse potest petita à productione speciei intelligibilis: diximus enim fieri ab intellectu agentis, imò & absolute etiam potest esse maius dubium, si intellectus agens distinguatur à passibili, an hæc productio sit vitalis, de quo dubio nec vestigium est apud Auctores, nisi quod generali illa diuisione Aristotelis, quæ numerat actus vitæ, non includatur

hæc

hæc productio: & cum Aristot. lococitato non fecisset mentionem expressam appetitionis, docet Auctores subintelligi ab Aristot. nihil dicentes de productione speciei intelligibilis: cuius etiam iuniores non meminerunt. ergo tamen sufficienter dixi de hac re.

De actu immanenti, & circa causam materialem illius dubitat scholastici, an possit poni in subiecto immateriali virtute Dei. Affirmant Capreolus d. 1. quest. 1. art. 1. conc. 4. art. 1. ad 3. Deza. q. 1. ad 3. Ferrara 4. contra Gentes, capit. 36. Alensis 4. part. q. 8. memb. 3. artic. 5. 5. 5. & 6. Contrariam tamen docuit Durandus in 4. dist. 1. q. 4. Ocham quest. 1. Scotus d. 1. quest. 1. Gabriel q. 1. artic. 2. Alensis q. 1. & ex Thomistis Caietan. 3. part. quest. 62. art. 4. Scotus in 4. d. 1. quest. 3. Ledesina 1. p. quest. 6. Legatur Bafiez q. 45. artic. 5. & Medina 3. part. quest. 13. art. 2. & ex familia Scoti, Vega. lib. 2. in Tridentinum. capit. 14. & hæc sententia est longè verior iuxta principia tradita 2. Phisicis, an verò vnus possit poni in intellectu alterius, constabit ex dicendis.

Quest. I. Verùm Deus possit efficere terminum intellectus sine concursu intellectus?

Grauis autem difficultas est inter scholasticos, an possit Deus causare in intellectu, v.g. sine concursu efficienti ipsius intelle-

ctus, quidquid necessarium est ad hoc, vt intellectus intelligat: & idem est respectu cuiuslibet potentie appetitiue, vel cognoscitiue: & prius oportet explicare, an possit Deus se solo facere terminum intellectus.

Scotus in 32. dist. 14. quest. 2. art. 2. & in 4. dist. 46. quest. 11. Ocham. in 4. quest. 11. artic. 3. ad 2. & in 4. dist. 1. quest. 1. Durand. dist. 14. quest. 1. numero 9. & in 4. dist. 49. quest. 2. Richard. dist. 14. artic. 1. quest. 3. & d. 49. art. 3. q. 5. Gregorius in 1. d. 42. q. 1. artic. 2. Supplem. in 4. d. 1. art. 3. dub. 2. Altiacen. in 1. dist. 1. q. 2. Buridanus 10. Ethic. q. 4. Maior in dist. 44. quest. 8. Vega libr. 6. in Tridentinum ca. 8. & ex Thomistis Capreolus in 2. dist. 87. q. 1. ad 5. & 6. Scotus in 4. dist. 49. q. 3. art. 4. Deza in 2. d. 37. art. 3. Paludanus in 4. dist. 44. quest. & clariùs d. 49. quest. 1. Medina 1. 2. quest. 3. artic. 2. Soncin. quest. 12. & 21. & terè doctiores huius ætatis existimant absolutè terminum intellectus posse fieri à Deo: & Scotistæ existimant sic fieri terminum visionis beatificæ: vnus est Vega loco citato: existimant etiam pro hoc statu vitæ fieri à solo Deo in intellectu, & voluntate aliquos actus, & eo sensu intelligi verba Concilij Arausici, Canone 2. *Multa in homine bona sunt, quæ non facit homo: & similia passim reperiuntur in Augustino, dum loquitur de gratia præuenienti. Fundamenta huius sententiæ infra adducuntur.*

Secundum.

Secundus modus dicendi esse potest asserentium, non posse terminum intellectionis fieri à solo Deo, non quia actio, & terminus omnino sint idem essentialiter, sed propter specialem connexionem termini huius actionis cum sua actione. Est quorundam iuniorum, quam aperte docet Zum.: l. 1. p. q. 27. art. 1. in fine.

Tertius modus dicendi est, asserentium, terminum huius intellectionis absolute secundum se extra subiectum posse fieri à Deo propter fundamenta infra adducenda, in intellectu tamen non posse fieri à Deo sine concursu intellectus, & huius partis fundamenta infra adducam.

Quartus modus dicendi esse potest, nullo modo posse fieri à Deo hunc terminum, quia hic terminus pendet efficienter per suam essentiam ab intellectu. Probari potest primo, quia in his actionibus sine causa fingitur distinctio inter actionem, & terminum, cum actio, & terminus non separentur, frustra autem fingitur pluralitas, ubi necessaria non est.

Secundo, quia argumentum à simili petitur ab alijs actionibus non habet locum in immanentibus, & vitalibus, quæ sunt alterius nature, & habent valde dissimilem effectum.

Tertio, quia aliqui modi, qui non sunt casualitates materiales, pendunt à materia per suam essentiam, ut constat de præsentia, &

relatione: ergo intelligi potest alià qua entitas, quæ non sit causalitas efficientis respectu alterius procedere per suam essentiam à causa secunda.

Quarto, quia aliàs sequitur unum ex duobus, vel quòd dicendum sit cum Scoto, intellectum posse intelligere per verbum productum à solo Deo, vel quòd requiratur ad intellectionem, non solum verbum, sed actio intellectus. Et primum illud non videtur verum, ut dicemus; hoc autem secundum videtur speciale, imò in consuetum pro alijs formis, quæ ad suam informationem non requirunt concursum agentis particularis.

Quinto, hac ratione optimè intelligitur, quod de actione immanenti docuit Arist. actionem hanc nihil efficere, id est, distinctum. Secundo intelligitur optimè, quod D. Thom. docuit l. 1. p. q. 8. artic. 1. etiam sæpe alijs locis actionem immanentem esse actum perfectum, quia perfectè actuat, cum in illa non sit distinguere imperfectum fieri à termino illius: unde docuit D. Thom. 1. contra Gentes capit. 100. actiones immanentes nihil esse præter ipsas operationes. Et opusculo 48. tract. 2. c. 1. de actione, docet actionem immanentem, neque esse effectivam alterius, nec de prædicamento actionis.

Quintus modus dicendi esse potest asserentium, intellectionem non posse fieri à Deo ex eo, quia intellectionis nihil est aliud, quam actio

actio quædam pendens ab intellectu, quæ nullius est factiua: ita docent nonnulli, saltem in aliquibus intellectiõibus, vt dixi disput. 5. quæst. 1. & de omni sensatione externa id docet expressè Zumel 1. par. quæst. 27. artic. 1. dubio: *An beati videntes Deum forment verbum*, ad tertium; & in re sei è nihil differt hic modus à quarto præcedenti; vterque enim tantum ponit realitatem quamdam essentialiter dependentem in genere causæ efficientis à potentia vitali, nisi quòd hic modus malè loquitur, dum entitatem hanc vocat actionem, nullius tamen factiuam.

Sextus modus dicendi esse potest, hunc terminum posse fieri à Deo, etiam in potentia vitali; ita tamen, vt terminus per essentiam pendeat in genere causæ materialis à potentia, vt saltem hoc modo intelligatur terminus actionis immanentis, maiorem quamdam habere connexionem cum suo subiecto.

Dico primò, omnino esse improbabile affirmare, ex natura rei aliquem terminum potètie cognoscitiuæ, vel appetitiuæ fieri sine concursu eiusdem potentia in genere causæ efficientis. Probatur, quia quidquid sit de potentia absoluta, negari non potest, quin ex natura rei hic sit modus connaturalis operandi potentia vitalis: vnde Philosophi antiqui hac vnica ratione distinguebant animatum ab inanimato: neque refert, actum esse en-

titatiuè supernaturalem, quia eliciens est iuxta cõnaturalem modum potentia, vt apertè constat in actu supernaturali amoris elicitò liberè pro statu viæ: vnde in hoc displicet Scotus, & eius schola, qui in specie locutus est de visione supernaturali Dei, cui tamen meritò contradicunt Thomistæ citati, & auctores omnes huius ætatis: vnde falsus etiam est Vega loco citato: verba autem Concilij, & similes locutiones Augustini, quibus dicitur: *Multa fieri in nobis sine nobis*, alium habent sentum, neque enim volunt Patres, bona illa fieri in nobis sine nobis physicè concurrentibus, sed fieri in nobis sine nobis liberè concurrentibus, dum tangitur intellectus, vel voluntas gratuito aliquo motu.

Dico secundò, de potentia absoluta posse Deum causare terminum intellectiõis. Hæc est communis vtriusque scholæ. Et probatur, quia termini aliarum actionum possunt fieri à solo Deo: & terminus intellectiõis. Probatur consequentia, quia sicut alia actiones distinguuntur realiter à suis terminis, ita & intellectio distinguitur realiter à termino intellectiõis. Probatur, quia quòd ex natura rei terminus intellectiõis non separatur ab actione intellectus, non arguit dependentiam essentialem: ergo potest separari ab illa. Probatur antecedens, quia quòd lumen non separatur ab illuminatione ex natura rei, non inferat

essentia.

essentialem dependentiam à causa secunda illuminante, vt concedunt omnes communiter: ergo à simili. Et probatur, quia aliàs sequitur, illum pendere essentialiter ab anima in genere causæ efficientis, quia ex natura rei inseparabilis est ab illa. Quòd si dicat aliquis probari separabilitatem intellectus ab anima ex separabilitate quantitatis à substantia, cuius est passio.

Contra hoc est, quod vel admittit argumentum à simili, à forma non vitali ad formam vitalem, id est, à quantitate ad intellectum, & tunc deberet admitti argumentum à simili à termino actionis naturalis ad terminum actionis vitalis. Urgeo amplius, vel oportet assignare aliam rationem, qua probetur separabilitas intellectus ab anima, si argumentum à simili non admittitur, quæ reuera nulla potest assignari. Et urgeo amplius, quia aliqua actio vitalis distinguitur à termino: ergo à simili, ex hoc tantum, quòd actio sit vitalis, non infert essentialem entitatem cum termino. Consequentia in Philosophia videtur efficacissima. Antecedens probatur, quia augmentatio, & motus progressiuus sunt actiones vitales, vt constat ex communi sententia, & tamen secundum doctrinam traditam in Physica distinguuntur realiter ante intellectum.

Dices, terminum actionis vitalis cognoscitiuæ, vel appetitiuæ esse

alterius rationis, hoc autem ergò concedo, sed non infert identitatem essentialem cum sua actione, sicut dixi in simili de quantitate, & potentia intellectiua.

Secundò principaliter, quia ex communi modo concipiendi non concipimus hos terminos quasi modos rerum: neque enim concipimus terminum intellectiōis modificantem intellectum; sicuti intellegimus relationem, veluti affixam fundamento, aut sicut concipimus actionem adhaerentem termino, præsentiam alligatam rei præsentis: demum substantentiam terminantem naturam: in re autem, quæ non concipitur vt modus; nulla ponitur essentialis dependentia respectu subiecti, & in his rebus magni momenti est modus communis concipiendi. Vnde omittam Scotistas omnes nobis consentientes. Ferrara expresse docuit primo contra Gentes capit. 53. intellectiōnem realiter distingui à suo termino, quod sequitur lauellus 3. de anima quaest. 1. Banez, & iuniores Thomistæ 1. part. quaest. 272 agentes de æterna generatione Verbi, qui tamen in actionibus naturalibus, vt dixi 3. Physicorum, non distinguunt actionem à termino.

Tertiò, quia inconsuetæ est necessitas essentialis dependentiæ à suo principio ad hoc, vt forma informet idem principium in his rebus, quia non concipiuntur vt modi, vt constabit discurrenti.

Vnde

Vnde retorqueo argumentum, quia nulla est forma, quæ pendeat essentialiter à subiecto in genere causæ materialis, nisi quæ non potest concipi ut res, sed tantum ut modus; ita nulla forma dicit essentialem dependentiam à subiecto, in quo est; in genere causæ efficientis, nisi forsan, quæ non potest aliter concipi, quam modus.

Quarto, quia sine fundamento sufficienti ponitur essentialis dependentia verbi ab intellectu, vel etiam specialis connexio, ut constabit ex dicendis. Quinto, quia in genere causæ efficientis non est ponenda essentialis dependentia à creatura, nisi ubi omnino demonstratiue probatur, & forsan nulla talis est; & sine dubio nulla est in re, quæ non est modus, aliàs videtur sequi, non minus pendere huiusmodi creaturam à creatura, quam à creatore, quia ab utroque pendet per essentiam: & à neutro potest sine altero fieri; quod videtur contra doctrinam D. Tho. pluribus in locis asserentis creaturam non agere, quia Deus eget concursu illarum, sed quia Deus communicat illis virtutem agendi.

Et vrgeo amplius: quia omnis creatura ex eo habet pendere à Deo in genere causæ efficientis, quia per suam essentiam est ens participatum, & dependens, vnde vel per essentiam pendet à Deo, vel omnino habet connexionem cum causalitate illius: sed de nulla creatura potest affirmari, ut ita sit per

essentiam participatio alterius creaturæ, sicuti per essentiam est participatio entis primi; ergo de nulla creatura potest affirmari, quod ita per suam essentiam pendeat à creatura, sicuti pendet à Creatore. Consequentia videtur evidens: maior verò etiam ignobilioribus nota Metaphysicis. Minor probatur, quia nulla creatura potest ita ex fecunditate naturæ præhabere in se effectum, ut præ habet Deus eminenter omnem effectum, & ex virtute omnipotentia, ut per se constat ex ratione Creatoris. Quod si ponatur creaturam pendere ab altera creatura per essentiam, difficile intelligitur in æqualitas in dependentia in re, quæ non est actio essentialiter: in actione enim potest optimè respectu termini intelligi hæc inæqualitas, ut omittam ex imperfectione actionis, quæ modus quidam est; oriri specialem illam dependentiam, quæ demonstratiue probatur, & tamen semper verum est, etiam si actio pendeat à creatura, quod Deus potest producere omnem effectum se solo pendente à creatura in genere causæ efficientis, ut sæpe dictitant cum D. Thom. Theologi.

Sexto, quia intellectio Patris in diuinis terminatur ad Filium, atque adeo ad rem, & non ad modum tantum: ergo intellectio in creatis terminatur ad terminum, qui sit res, & non modus tantum, licet hoc sit inter duas intellectiones discrimen, quod terminus intelle-

intellektionis Patris sit persona, terminus verò creatæ intellektionis accidens quoddam. Septimo, quia concipimus terminum intellektionis ut causam efficientem habitus; ergo non concipimus, ut modum; nullum verò alium modum simili conceptione intelligimus. Octavo est bonum indicium, quod in alijs modis, vel post vnum succedit aliud, ut constat in præsentijs, & modis subsistendi: vel non deficit modus ex natura rei, ubi alius non succedit, nisi deficientibus extremis, ut constat, vel in relatione, vel in modo vnionis; nihil verò tale est in intellektione: ergo intellectus non habet cum illa connexionem, qualem experimur inter rem, & alios modos. Tandem, quia difficile probaretur maior perfectio verbi mentis, quam speciei impressæ, si verbum mentis esset modus quidam, cum species intelligibilis sit res.

Ex his verò facile excluduntur quidam alij modi, & specialiter illud de dependentia essentiali in genere causæ materialis ab intellectu, & quia hactenus tantum probatum est, absolute terminum intellektionis posse fieri à Deo extra subiectum, vel etiam in ipso intellectu. Et primò existimo verum, hunc terminum posse fieri à Deo omnino extra subiectum ex traditis principijs disputatione de potentijs animæ in communi. Circa alteram partem quidam, ut dixi, existimant probabilius esse, non

posse huiusmodi terminum poni in intellectu, nisi in intellectu ipso actiue concurrenti. Quod declarari potest ex probabilij doctrina afferentium formam dependentem à materia non posse poni in materia sine materiali concursu ipsius materiæ. Et probari potest, quia hac ratione optimè intelligitur, hunc terminum esse terminum actionis immanentis, quia ex sua ratione postulat, ut dum conceptus manet in aliquo, fiat ab illo. Hac etiam ratione optimè intelligitur, quod licet Deus absolute possit facere terminum prauæ volitionis, tamen non possit illum ponere in voluntate ipsa sine actiue concursu ipsius voluntatis. Tertio, hoc modo intelligitur, qua ratione non possit esse verbum mentis in intellectu, nisi illo vitaliter operante, si ad rationem vitalis huius status requiritur influxus efficientis, & est quidem non solum probabilis, verum subtilis admodum sententia.

Auctores tamen omnes, quos suprâ retuli, dum affirmant posse hunc terminum fieri à Deo, clarè loquuntur de productione verbi in intellectu, ut legenti constabit: & reuera mihi videtur probabilius, quia rationes contrariæ non omnino videntur conuincere, quod enim dicitur de actu immanenti, sufficienter intelligitur, si terminus ex natura sua postulet fieri connaturaliter à potentia, in qua recipitur: reliquæ con-

coniecturæ ex dicendis intelligitur: unde non videtur omnino coniungi tanta connexio inter materialitatem intellectus, & actionem eius, ut quoties materializet, debeat etiam causare suum verbum in genere causæ efficiētis, quando Deus velit producere terminum non secundum exigentiam causæ secundæ, & Diuus Thomas cum docet effectum causæ secundæ fieri posse à prima sine concursu secundæ, sine limitatione loquitur. Legatur in 4. distinctione 12. quæst. 1. artic. 1. quæst. 1. ad 1. & 1. 2. quæst. 5. 1. artic. 4. in corpore, 3. parte quæst. 77. art. 1. de potentia quæst. 6. art. 1. 3. contra Gentes cap. 99. quodlib. 1. artic. 22. quibus locis, & sæpe in alijs vniuersaliter docet Diuus Thomas omnem effectum causæ secundæ, quod attinet ad concursum efficiētis, fieri posse à causa prima sine concursu secundæ: nec Diuus Thomas aliquo modo limitat doctrinam, & ita sine limitatione recipiunt eius discipuli locis citatis.

Ad primum quartæ sententiæ constat ex dictis. Ad secundum etiam ostensum est, quomodo argumentum à simili in his etiam actionibus habeat locum, & quod attinet ad distinctionem, nihil speciale admittimus in præsentia. Ad tertium respondetur, verum esse, aliquos modos pendere in genere causæ materialis per essentia à rebus, quorum sunt modi: an verò etiam pendeat in genere causæ efficiētis, & incertum est, & ut dixi, terminum

intellectionis non concipimus, ut modum.

Ad quartum constabit ex dicendis, modò sufficiat dicere, ad informationem verbi mentis non esse requisitam actionem intellectus: an verò ad hoc ut intellectus constituitur in gradu vitaliter se habentis, requiratur efficiētia ipsius, infra dicitur: & quarta opinio hoc etiam admittit, licet dicat, efficiētiā non distingui à forma, quæ informat. Ad quintum disputatione 5. quæstione 1. explicui, quomodo sit intelligendus Aristoteles. Cum verò diximus, ibi actionem immanentem naturæ suæ habere connexionem cum termino, non est intelligendus vniuersaliter de omni actione immanenti: quia secundum nostram sententiam species intelligibilis producitur ab intellectu agentis, & manet in ipso, quia est idem cum possibili, à quo tamen in conservari non pendet, ut diximus: intelligenda est ergo doctrina illa de omni actione cognoscitivæ appetitivæ propriæ. Quomodo verò Diuus Thomas intelligitur quādo loquitur circa actiones immanentes actus perfecti, vno ex duobus modis posse hoc intelligi, vel quod loquatur de termino, quæ ratione opusculo illo citato (si illius est) dicit, actionem immanentem non pertinere ad prædicamentum actionis, & ut infra videbimus, aliquando affirmat intelligere non importare rationem originis. Vel secundò, quod vocet actus im-

Z

per-

perfectos, qui sunt actus rei habē-
tis in se principiū illius actus, quod
in actionibus transeuntibus non
contingit: præsertim cum huiusmo-
di termini habeant annexam suam
actionem. Aduertendum verò est,
quod ex quarta opinione necessa-
rio sequitur, nullam actionem co-
gnoscitivam, vel appetitivam po-
ni in prædicamento actionis, sed
tantum in prædicamento sui ter-
mini: quia est de conceptu essen-
tiali illius, hoc autem est contra cō-
munem doctrinam: de quo suo
loco.

Restat explicemus, an intelle-
ctus veri gratia, per solam recep-
tionem verbi producti à Deo, &
actionis Dei constituatur in statu
vitaliter intelligentis, ita, vt licet
non efficiat, intelligat nihilomi-
nus, sicut modò intelligit. Quod
est querere, an de facto status in-
telligentis formaliter solum dicat
informationem, licet ex connatu-
rali modo operandi verbum ipsum
mentis, quod informat, fiat ab intel-
lectu.

Omes Authores citati præter
Thomistas, concedunt, statum in-
telligentis consistere in informa-
tione: vnde consequenter affirmāt,
Deum posse efficere quicquid ne-
cessarium est ad hunc statum vite.
Vnus est ex Thomistis, qui hoc
indicat, Paludanus. Et probari po-
test hæc sententia. D. Tho. 1. par-
te, questione 34. articulo 1. ad 3.
vbi affirmat, intelligere nullam im-
portare rationem originis, sed so-

lam informationem, prout intelle-
ctus noster fit in actu per formā rei
intellectā.

Et ratione probatur hæc senten-
tia, quia verbum mentis est imago
vitalis obiecti: ergo si semel infor-
mat intellectum vitaliter, præsen-
tat illi obiectum, atque adeo per il-
lam imaginem intelligibiliter ten-
dit intellectus in obiectum, & hoc
est intelligere: & idem est de pon-
dere amoris in voluntate suo mo-
do.

Secundò, quia non potest as-
signari ratio, propter quam sit neces-
sarius influxus physicus intellectus
suis in genere causæ efficiētis: ergo
non est cur dicatur requiri. Quod
etiam ex natura rei sit coniunctus hic
concurfus, solum arguit connexio-
nem naturalem.

Tertiò, pro hac sententia possunt
impugnari fundamenta, propter
quæ aliqui negant huiusmodi ver-
bum posse fieri à solo Deo, quæ e-
tiam nos impugnauimus.

Thomistæ tamen, & doctiores
huius ætatis contendunt, hanc in-
formationem non sufficere, sed re-
quiri ad hunc statum vite concu-
sum efficientem ipsius intellectus.
Et fauet Diuus Thomas quæst. 4.
de veritate artic. 2. ad 5. dicit enim,
quod in nobis dicere non solum sig-
nificat intelligere, sed cum hoc e-
tiam significat extræprimere ali-
quam conceptionem. Addit: Ne-
que aliter possumus intelligere, ni-
si huiusmodi conceptionem expri-
mendo, & ego hanc sententiam
ample-

amplector. Et hoc supposito,

Dico tertio, principaliter in hac quæstione hunc statum vitæ necessariò includere actionem, & influxum physicum potentie vitalis. Multis rationibus solet probari huiusmodi conclusio: aliqua earum relatæ sunt supra relatis opinionibus, quæ ex dictis refutatæ sunt, alias verò omitto de industria, quia nullius sunt efficacitatis, & earum refutatio parum habet utilitatis, & doctrinæ. Pro conclusione ergo ponderanda sunt verba Concilij Tridentini, sessione 6. iam citata, in quo pro eodem videtur fumerè Concilium inanimè, & quod nihil omnino agit. Et Diuus Thomas, vt dixi loco citato, hanc etiam sententiam videtur amplecti: vnde cum loco citato expressè affirmet, intellectionem non importare formaliter rationem originis, sed informationem: non negat ad hunc statum vitæ requiri actionem, quam ibidem significat nomine dictionis, de qua expressè affirmat, quòd dicat hunc influxum physicum, & sine qua quæst. 4. de veritate dicit, non posse esse intellectionem.

Et cum Scotus distinguat etiam hoc modo dictionem ab intellectione, teneat re vera affirmare, quòd licet intellectus possit intelligere sine concursu efficientis, nò tamen dicere. Intellectibile autem videtur, vt possit intellectus habere assensum, vt verè dicatur assentire, & intelligere. Ratione

potest probari conclusio; quia omnis actus intellectus est quædā dictio & locutio; quod maximè relucet in actu iudicij. non videtur autem intelligibile, vt dicat intellectus sine actione. Maior videtur per se nota, minor verò probatur, quia ex sola receptione verbi non intelligitur, quòd aliquis dicat, imò supponere videtur dictionem. Et secundò declaratur in actu ipsius intellectus, quia potentiam vitalem advertere, non bene intelligitur sine concursu efficientis ipsius potentie, quia concursus materialis potius videtur supponere aduertentiam, quæ quidem ratio magni ponderis est apud bonos huius ætatis. Et declarari potest ex communi conceptione, quia omnes concedunt, in statu isto vitæ aliquid debere includi ex modo suo, per quod omninò perfectè distinguatur huiusmodi status ab statu actus secundi non viuentis, sed per solum concursum materiale vix potest intelligi: ergo. Maior, vt supra dixi, habetur ex communi conceptione. Probatur minor, quia concursus materialis non aliter exercetur à potentia passiva viuentis, quàm exerceatur à potentia passiva non viuentis: ergo ex hoc præcisè distinguì non potest. Declaratur antecedens. Primò, quia etiam si viuens eodem modo recipiat præsentiam localem causatam à Deo, ac recipit causatam præsentiam à propria po-

tertia vitali, tamen in vno motu, & acquisitione vnius presentie vitaliter se habet, & non in acquisitione alterius: antecedens constat, quia dum viuens mouetur ab extrinseco, non secus mouetur, quam lignum. Secundò declaratur principalis illa minor huius secundæ rationis, quia etiam si per impossibile verbum mentis reciperetur in voluntate, verbi gratia, vel in aliquo habitu spirituali illius, & daret illi suum effectum formalem, tamen dici non potest, quod voluntas in eo statu intelligeret: sicut neque si verbum mentis reciperetur in lapide, quia non aliter se haberet voluntas, vel lapis respectu receptionis huius qualitatis, qua se habent res inanimatae respectu receptionis suorum accidentium: *ibid.*

Sed dices, aliter se habere potentiam passiuam vitalem respectu termini vitalis, aliter potentiam passiuam non vitalem respectu suæ forme, quia vna recipit formam vitalem, id est, terminum ex natura rei producendum per actionem vitalem, alia recipit terminum non vitalem.

Sed contra hoc est, quia sicut efficere potentiam vitalem solum, non distinguit viuentia à non viuentibus, ut supra dicebam, quia ex modo operandi non aliter se habet anima rationalis dum producit intellectum, quam ignis dum producit suam calorem, & Scotus non distinguit viuens à non viuenti

precise, quia vnum causat suum motum, alterum secus, ipse enim Scotus concedit grauia, & leuia in se ipsis efficienter principaliter causare suum motum: debent ergo distingui ex diuerso modo operandi, & non ex sola diuersitate termini: ergo non debent distingui ex sola receptione termini, sicuti neque ex sola actione: sed ex aliquo alio modo diuerso, qui tamen sine influxu Physico efficientis intelligi non potest, ut constat ex dictis: quæ ratio magnam videtur efficacitatem habere contra principia Scoti.

Tertiò principaliter probatur conclusio ex parte voluntatis, & sui actus, quia amare, vel non amare liberè, necessariò inuoluit physicum concursum efficientis voluntatis: ergo amare, vel non amare necessariò: consequentia videtur efficax, quia necessarium, & liberum circa idem sunt opposita in hac materia. Antecedens autem probatur, quia potentiam operari liberè, est producere terminum, quem potest non producere, quod sine controuersia omnes admittunt, & præferunt nomen libertatis.

Et declaratur, quia libertas dicit indifferentiam respectu termini eliciendi, vel non eliciendi: sed hæc indifferentia non potest intelligi sine efficientia ipsius potentie, ergo: Maior probatur, quia in hoc differt libertas à necessitate, quod necessitas dicit determinatio-

nem

ne ad vnâ partem, libertas indifferentiam ad vtramque. Minor probatur, quia citra efficientiam non intelligitur indifferentia in sola receptione: nam in his potentijs passivis, potentie recipiunt terminum quâdiu durat influxus physicus agentis, & ex parte ipsius solius illius receptionis: non est differentia, si secludas actionem: vnde & voluntarium dicitur à principio in trinfeco.

Quartò probatur. Status vitæ, qui consistit in actu secundo, prout distinguitur ab statu vitæ, ut dicit primum actum vitæ substantialem, vel potetiam vitalem, principaliter consistit in actione ipsa: ergo ubi hæc deficit, non est huiusmodi status. Consequentia videtur efficax, & antecedens probatur ex communi doctrina Thomistarum asserentium, actionem vitalem specificari à principio vitæ, quod sæpè repetunt in materia de visione, de beatitudine, & de actibus, iuxta doctrinam Divi Thomæ supra allatam prima parte quæstione 18, quâsi sine limitatio ne recipiunt subtilis Pater Molina columna 282. primæ partis, Caietanus & alij prima parte, quæstio. 26. articulo 3. & 3. parte quæstione 9. articulo 1. & Pater Suarez 3. parte, tomo primo, disputatione 24. sect. 2.

Et probat ratione, quia vitalitas actionis non sumitur à termino præcise. Probatur, quia motus progressivus animalis ex com-

muni sententia est vitalis, quia eo modo non posset fieri à principio non vitali, & tamen terminus non est aliquid vitale, neque ex natura rei postulat semper produci actione vitali: ergo quantum ex hac actione licet colligere, hic status in actione principij vitalis consistit principaliter, siquidem sola actio vitalis constituit hunc statum, etiam quando inuenitur sine vitali termino: vnde communiter hic gradus vitæ dicitur consistere in actu secundo, & omnia, quæ attigimus præcedentibus rationibus, optimè intelliguntur ex hoc quòd dicimus, hunc statum requirere efficientiam principij, & loquendo de actionibus immanentibus, etiam requirit informationem, vt omnes vtriusque scholæ farentur. Si enim per impossibile intellectus efficere intellectiōem, nec tamen reciperet illam, non intelligeret. Hæc enim est ratio propter quam de facto Deus non intelligit mea intellectiōe, neque habitus meus, neque species, & qui ponunt dependentiam essentialem, etiam tenentur affirmare hunc statum includere efficiētiam, & informationem, licet ponant vtramque identitificatam.

Ex dictis solutæ sunt secunda & tertia ratio oppositæ sententiæ. Ad primam nonnulli dicunt, quòd si poneretur verbum in intellectu sine influxu physico efficienti ipsius intellectus per impossibile, sequeretur vtrumque, id est, quòd intel-

lectus intelligeret, & non intelligeret, intelligeret, inquam, quia haberet imaginem obiecti vitalem, & non intelligeret, quia ad statum intellectiōis requiritur influxus physicus efficientis ipsius intellectus.

Mihi tamen placet sentire cum Thomistis, & ideo respondeo, quod si poneretur verbum mentis in intellectu sine efficientia physica intellectus, reuera intellectus non intelligeret, quia hic status inuoluit actionem per efficientiam intellectus.

Dices, hæc est imago vitalis: ergo vitaliter informat intellectum. Respondeo distinguendo antecedens, si nomine vitalis intelligatur forma sufficiens, constituere hunc statum excludendo quodlibet aliud; nequaquam est vitalis: si verò nomine vitalis intelligatur forma quædam ex natura rei postulans fieri à potentia vitali, & actione vitali, utrique vitalis est hæc imago, in quo maxime distinguitur à præsentia locali, quæ non postulat ex natura rei semper fieri actione vitali, ut constat ex dictis.

Sed dices: ergo magis vitalis est motio localis progressiua, quam sit verbum ipsum mētis separatam ab actione: probatur consequentia, quia motio localis progressiua constituit statum viuētis, & verbum mentis per se non potest constituere. Respondeo, licet hæc in rigore comparabilia nō sint, verum tamen quantum ad id, quod infert:

ratio, verum est, neque hoc est aliud, quod inconueniens.

Sed quæret aliquis. Primò, an actio, quæ verbum eiusdem speciei, verbi gratia, fieret à Deo intellectu, sine concursu illius efficientis, & actio, quæ fieret ab ipso intellectu, sint diuersæ speciei? Respondeo breuiter ex principiis, quæ alibi tradidi, huiusmodi actiones distinguendas esse specie, in quo modo immorandum non est.

Secundò posset aliquis quære- re, numquid, si esset possibile idem verbum fieri à solo Deo actione eiusdem speciei, cum actione ipsius intellectus constitueretur in intellectu in statu vitali intelligentis: videbitur forsitan alicui in hoc casu utrumque futurum. Absolutè tamen mihi videtur probabilius iuxta allata principia, etiam in hoc casu intellectum non constituendum in statu vitaliter intelligentis, quia etiam in hoc casu verum est intellectum non influere physice in genere causæ efficientis in verbum.

Tertiò posset aliquis quæreretur an posset ponere Deus entitatem, & pondus odij Dei in voluntate ipsa. Respondeo secundum principia allata concedendum esse, Deum posse facere huiusmodi entitatem: in nostra tamen sententia, per illam non prosequeretur voluntas Deum odio, quod tamen tenetur concedere Scotus, & per se videtur valde absurdum: hæc verò entitas non sortitur malitiam,

moralem, nisi dum sit à voluntate liberè operante, & prout ab illa, sicuti omnes alij actus mali moraliter.

Quæstio II. Vtrum sine concursu animæ possit à Deo cum intellectu fieri, quidquid necessarium est ad statum intellectus ligendi?

EAdem difficultas habet locum in qualibet aliapotentia cognoscitiua, vel appetitiua: & idem proportionaliter dicendum est. Quærimus ergo, an sine concursu animæ, quæ est prima, & substantialis vita, fieri possit actus vitalis: nec solum quærimus, an fieri possit terminus actus intellectus: nam in nostra sententia constat ex dictis, hoc esse certum: docuimus enim, terminum fieri posse, etiam sine actiuo concursu intellectus. Difficultas ergo est, an sine concursu animæ fieri possit quidquid necessarium, ut ipse intellectus constituatur in statu vitaliter operantis, scilicet intelligentis.

Ratio dubitandi esse potest, quia cum anima sit vita substantialis, non videtur esse posse actus secundus vitalis sine dependentia à prima vitæ radice. Secundò, quia aliàs intellectus separatus posset intelligere.

In hac re omnes, qui putant sine concursu actiuo intellectus fieri posse quidquid necessarium est ad intelligendum, faciliiori negotio

concedent fieri posse absque concursu animæ. Imò cum eorum multi dicant, animæ potentias non distinguere ab anima, ut docuit secundo de anima, idem fere est dicere, hoc posse fieri sine concursu intellectus, & fieri posse sine concursu animæ.

Secundus alius modus dicendi esse potest, non posse sine concursu animæ fieri quidquid necessarium est ad intelligendum. Primò, propter rationes dubitandi. Secundò, quia si vera est communis doctrina S. Thom. & aliorum assertentium animam concurrere ad actiones vitales, hoc non potest esse, quia actiones istæ ex natura sua requirunt dependentiam à prima vita, & in hoc præsertim consistit status vitæ, & differentia actionis vitalis à non vitali: ergo cum sine illa potest saluari, non est cur de facto dicamus, animam concurrere cum potentia.

Tertia sententia est eorum, qui de facto affirmant, animam non concurrere efficienter ad actum vitalem: sed tantum per suam potentiam, cum quibus non est quæstio, sed tantum cum illis, qui admittunt animam de facto concurrere efficienter ad actus vitæ.

De difficultate hac nihil inuenitur expressum, & tractatum ab Authoribus: imò apud Philosophos huius ætatis nihil inuenio, scio tamen non paucis placuisse, non esse ita necessarium ad statum huius vitæ concursum animæ, ut sine

illo non possit stare status intelligendi: hoc verò probatur à posteriori; quia per solam actionem intellectus sufficienter intelligitur distinguere status taliter operantis ab illa non viventis, & actio ipsa intelligitur pendere à principio vitæ, vt vita est: atque adeò intellectio tunc procederet ab intellectu, vt sic, vt haberet sufficiens specificationem vitalem.

Secundò, quia etiam si de facto concedamus esse necessarium concursum animæ ad actionem intellectus, tamen nõ est sufficiens fundamentum, vt dicamus, non posse intellectum nisi tali concursu intelligere. Aliud enim est hoc posse ex naturâ rei ordinatum: aliud verò esse essentialiter requisitum. Ratio à priori debet esse, quia naturâ intellectiois talis est, vt non potest essentialiter concurrere animæ. Et declaratur exemplo; quia etiam si dicamus de facto calorem non calefacere; nisi ex lo concurrente cum calore propter subordinationem naturalem; tamen negandum non est, de potentia absoluta posse calorem solo concursu Dei adiutum calefacere, & in ipso actu intellectus est aptissimum exemplum: nam etiam si ex natura rei intellectus non agat sine specie, tamen de potentia absoluta non est, cur sine specie possit intelligere. Quæ doctrina valde est probabilis.

Secundò tamen existimo probabilius, non posse intellectum in-

telligere sine concursu animæ. Ratio verò, quæ me mouet, est. Primò, quia per se videtur contra rationem, intellectum separatum posse intelligere, & cum alijs loqui. quòd fieret necessarium, si concursus animæ de potentia absoluta non esset necessarius. Sed fugere posset aliquis vim huius inconuenientis, dicendo, vel has potentias non distinguere ab anima, vel etiam si distinguantur, non posse separari: sed vtrumque reputo minus probabile.

Secundò, alio modo posset quis respondere, posse intellectum vnitum animæ sine concursu efficiens animæ producere intellectioem, qua, vel homo, vel anima diceretur intelligere, non posse tamen intellectum separatum ab anima intellectioem efficere.

Sed contra hoc est, quòd non potest assignari ratio ob quam non possit intellectus separatus intellectioem elicere; si sine animæ concursu potest receptus in anima: nam quòd sit receptus, & inherens, non potest esse conditio agendi ita essentialis, quin à Deo possit suppleri. Quòd si aliquis velit absolute concedere inconueniens dictum, per se se videtur rationi dissonum, & contendo non posse concedi sequentibus rationibus, quæ etiam confirmant conclusionem.

Primò, exemplo voluntatis hæc enim non videtur posse operari separata: quia hæc potentia supponit obiectum suum, vt cognitum, & non

& non ab ipsa, quia ipsa non est potetia cognoscitiua: ergo ab operante; ergo si ipsa est separata ab operante, non poterit tendere in obiectum cognitum ab intellectu, cui ipsa non est coniuncta, hoc ipso, quod non est radicata in eadem anima cum intellectu: sicuti voluntas unius, neque poterit ferri in obiectum cognitum ab intellectu alterius. Et ratio vtriusque est, quia intellectus non habet unionem cum voluntate respectu operantis: ergo à simili intellectus separatus non poterit operari.

Quod si aliquis dicat, rationem hanc probare non posse, voluntatem hanc operari propter defectum obiecti, qui in intellectu separato non habet locum. Fateor hoc esse verum: tamen ex defectu obiecti volo ego colligere modum operandi huius potentie, qui est operari simul cum anima, ut hac ratione verè idem principium sit cognoscens, & volens, scilicet ipsa anima; aliàs si tantum anima ipsa esset intelligens per suam potentiam, & volens per aliam, vix posset assignari ratio, ob quam eadem potentie separata non possint simul saltem operari, si radicata in eadem anima non est requisita propter vitalentium influxum animæ, qui suppleri nequit. Quævis verò alia conditio non videtur ita essentialis, quin suppleri possit.

Secunda ratio pro conclusione est. Actio vitalis, ut sic, principaliter respicit principium, à quo habet

esse vitalis, ergo perfecta ratio actionis vitalis includit dependentiam à primaradice vite, quæ est vita substantialis. Consequentia est admodum probabilis: antecedens verò probatum est. Et hæ rationes factæ probant de facto, animam concurrere: quæ est communis doctrina antiquorum Philosophorum, S. Thom. & aliorum, & tenentur affirmare omnes, qui potentias animæ non distinguunt ab anima.

Hoc supposito, contendo talem concursum non posse ita suppleri à Deo, ut tamen actus maneat vitalis, quia concursus vite vitalis est, ut non maneat vitalis, nisi si maneat actus à principio intrinseco vite: probatur antecedens, quia propter hanc rationem diximus actum intellectus, vel motum localem non esse vitalem, quando fit à Deo, ideoque intellectum non efficientem non posse intelligere: ergo neque potest suppleri concursus sue vite substantialis, ita ut actus maneat vitalis, aliàs concursus vitalis intellectus posset suppleri.

Dices, concursum animæ non posse poni in rerum natura, quia est concursus vniuersalis causa, qui non potest poni in rerum natura, nisi determinetur à concursu specialis potentie vitalis: sed concursus intellectus est determinatus, & ita si sic maneat actus, verè est intellectio, quia est ab intellectu, ut sic.

Respondetur, verum esse quod

Z v dic

dicitur, cōcursum animæ esse quasi vniuersalem respectu potentiarum animæ; ideoque non posse poni, nisi à potentia determinatè: falsum tamen est, quod dicitur posse poni concursum intellectus, ut sic, sine concursu animæ, quia hic concursus vitæ modificat essentialiter concursum vitæ substantialis, ut dixi, & ita sine illo nequit poni in rerum natura: conditionalis autem vera est; quod si poneretur, esset determinatæ speciei.

Et declarari potest exemplo actionis creaturæ, quæ sine concursu Dei nequit poni in rerum natura, propter essentialem dependentiam: sic ergo suo modo philosophandum est in nostro casu. Et declaratur ampliùs, quia si concursus intellectus potest modificare concursum non vitalem: ergo concursus animæ posset etiam determinari à concursu speciali non vitali: & in hoc sensu intuli, posse suppleri concursum vitalem intellectus: quamuis in hoc casu, quo concursus animæ maneret sine intellectus concursu, non maneret intellectio. Sed neutrum fieri posse constat ex hoc, quod concursus vitalis solum est determinatiùs immediatus concursus eius, quo concurrat anima, & actio animæ solum determinatur per actionem vitalis potentie.

Et ex hac ratione vterius fit, non posse poni in rerum natura concursum vitalem intellectus, ni-

si simul anima concurrat, quia concursus potentie vitalis essentialiter coniungitur concursui vitæ substantialis, propter perfectam rationem vitæ: & sic neque receptus in anima, neque separatus ab illa poterit etiam de potentia absoluta elicere intellectiōnem.

Ex tradita ergo doctrina facile est soluere argumenta contraria, quibus motus antea existimaui oppositam sententiam esse probabiliorem.

Ad primum respondetur, si poneretur actio intellectus, ut intellectus est, sine concursu efficienti animæ, illam sufficere ad distinguendum viuētis à non viuētis statu: nos tamen negamus, posse talem actionem poni non concurrente anima, & consequenter negamus alia.

Ad secundum constat propter specialem rationem nos ponere essentialē naturam, actionis vitalis in dependentia à prima radice vitæ substantialis: ex quo soluitur ratio, quæ dicebatur esse à priori; & constat disparatæ eius exempli, quod in ratione ponitur.

Sed querere posset aliquis, an possit anima intelligere per solum suum cōcursum sine actiuo cōkursu intellectus. Respondetur non posse animam intelligere: quando intellectus non concurrat actiue, etiam si concurrat passiue. Declaratur priuò, quia, ut constat ex dictis, talis concursus animæ poni nequit sine determinato concursu intel-

tellectus, vel alterius potentie vitalis. Secundò, quia etiam ex dictis colligi potest, talem concursum non esse sufficientem ad constituendam intellectionem, quia non est determinata species intellectionis, ut præcise intelligitur à concursu intellectus separatus.

Circa suprà dicta aduerte, quia Scot. in 2. distinct. 16. & 4. distinct. 12. reputat esse inconueniens, intellectum separatum posse intelligere, & Caietan. 1. part. quest. 34. artic. 3. §. *Ad primam*, & recte rationem, quia beatitudo (loquitur enim de illa) est operatio vitalis, quæ non est, nisi viuentis: & forte propter hanc dependentiam, quam habet in sua operatione potentia vitalis ab anima, dicitur voluntas, & intellectus instrumentum animæ, ut loquitur Anselm. libr. de concor. & præci. lib. arbi. capit. ultimo.

Questio IIII. An anima sit causa efficiens actionum vitalium?

Questio est de physico concursu, ita ut anima ipsa concurrat ad has actiones, non solum per physicam efficientiam potentie, sed simul etiam per seipsam. In qua re, qui existimant vniuersaliter substantiam non esse actiuam, consequenter affirmabunt, animam non concurrere immediate, per se ipsam ad has actiones.

Caietan. 1. part. quest. 54. art. 3.

§. *Ad illud, quod obijciunt*, loquens de substantia Angeli, videtur negare substantiam Angeli concurrere efficienter ad intellectionem: eadem verò ratio videtur de anima rationali. Ex his verò, qui rem hanc in particulari tractarunt, nullus est, quem viderim, qui ex parte neget, animam rationalem concurrere ad actionem vitalem.

Existimare tamen posset aliquis, non esse necessarium huiusmodi concursum. Probat, quia ex nobilitate termini probari non potest hæc necessitas, quia potentia ipsa intellectiua nobilior est, verbi gratia: verbo mentis albedinis: ergo sicut verius est, ad calefaciendam non esse necessariam substantiam ignis, quia calor sufficienter potest reduci in calorem, ita ad producendum verbum mentis non videtur necessarius concursus animæ, quia tale verbum sufficienter potest reduci in intellectum.

Secundà sententia videtur communis Authorum assertum animam concurrere ad has actiones: supponit aperte S. Thom. 1. part. quest. 26. artic. 3. in corpore, dum probat in homine esse tantum vnā animam, quia alias non posset assignari ratio, ob quam in extensione vnius operationis sequeretur remissio alterius: idem habet quest. de anima artic. 11. in fine corporis, & 2. contra Gentes capit. 58. quest. 7. & prima part. quest. 102. artic. primo ad 3. &

Tho.

Thomistæ communiter his locis, quam conclusionem ex Avicen. 6. natural. refert, & recipit Palat. 2. de anima tol. 62. tractans, an in viuēti sint plures animæ, Cardin. Tole. 2. de anima quæst. 7. Bañez 1. generalit. cap. 4. quæst. 8. art. 3. & hac sententiam sequitur Fons. 5. Meta. cap. 4. quæst. 2. sect. 3. & supponit 4. Metaphyl. cap. 2. quæstione 1. sect. 2.

Et probant iuniores ratione allata, quia nisi intelligatur idē principium intellectiōis, v. g. nutritionis, non potest assignari sufficiens ratio, propter quam ex assiduâ operatione intellectus malè fiat nutritio, quod si quælibet potentia sufficiens est ad suam operationem, quāā posset assignari causa, propter quam crescente concursu intellectus, vel sensus, minueretur concursus potentia nutritiua? in naturalibus enim ex magno concursu frigoris, verbi gratia, nō minuitur concursus caloris, quia cuiuslibet potentia in suo genere debetur proprius concursus.

Et declaratur ampliùs ex doctrina specialium virorum asserentium minorem locum dandum esse speculationi intellectus, quia tepescit effectus, qui in oratione præcipuè intenditur, eā verò assignant rationem huius, quia anima, dum maiorem veluti deriuat cum intellectu concursum, necesse est minorem deriuat cum voluntate, quia eiusdem animæ partitus concursus minor reddetur ad operationem

vnus potentia, quod maior est in operatione alterius.

Verum hæc ratiocinatio, vt minus lapsiens aliquibus apparet. Et declarant, quia si de operatione potentiarum materialium sit sermo, probant hac ratione, animam concurrere ad actionem operationum materialium: nam quod vehemens sensatio interna fiat cum detrimento concoctionis, oriri potest, ex eo quod ex vehemēti, vel potius cum vehemēti attentione recurrat ad caput spiritus calidi, vt constat ex calore vehemēti, quem experitur caput, huiusmodi autem spiritus calidi iuuant quāā maximè ad concoctionem rectè efficiendam, & quia operatio sensus interni coniuncta est cum operatione intellectus, fit, vt multum, & assiduè speculantes patiantur huiusmodi detrimentum.

Si verò de spiritualibus potentijs sit sermo, omninò videtur falsum, affirmare ex sola perfectiſsima perfectione obiecti minui affectum, vt experientia constat: imò fieret ex opposita doctrina, minui affectum voluntatis, non solum ex intensiori intellectiōe, sed ex cognitione plurium rationum bonitatis in obiecto per plures actus intellectus, quod prorsus est contra experientiam, quia quando intellectus plures considerationes bonitatis in obiecto, eò magis, veluti à dulcedine bonitatis obiecti, allucitur grata volūtas, vt poterit vnusquisque experiri in se ipso. Quod si ali-

si aliquando ratione speculationis inquitur affectus, non est præcise ex eo, quia intellectus speculetur, & consideret rationem bonitatis in obiecto amando: sed quia aliquando cognoscens actu reflexo suam speculationem, in voluntate resultat affectus circa ipsam speculationem distinctus ab affectu ante elicto circa obiectum speculationis: unde in ipsa voluntate partitur concursus, alias nisi hoc contingat, existant verum affectum diminui ex perfectione intellectus, quæ ratio cinatio satis ostendere docet incertam esse rationem, quæ citati Authores vtuntur, vt probent animam concurrere ad has actiones, quod amplius constabit ex dicendis.

Sed cum 2. lib. de Anima disput. 1. quest. 4 ex eo probauimus, vnam tantum esse animam in homine, tantæ operationes plures non ita æqualiter perfecte procedunt ab illa, sicut vna tantum operatio, non est cur rationem hanc rejiciamus, quæ communis est, imò & negari non potest, si recte experientia perpendatur. Sicut enim doctissime, & satis de omnibus literis benemeritus Pater Vasquez. 1. 2. disputat. 34. capit. 2. docet, quod potentia animæ mutuo se impediunt: quod ipse explicauit disputat. sequenti ex illo communi axioma: *Pluribus intentis minor est ad singula sensus*, dicens, quod cum virtus animæ sit finita, quò magis in plura distrahitur, minus circa singula ope-

ratur. Vnde experientia tam manifesta de impedimento potentiarum animæ recte conuincit, ab animalibus operationes procedere: neque alia potest esse causa præcipua, cur homo, quando maxime attendit circa aliqua, non æque attendat circa aliqua, ac si tantum circa illud attenderet, nisi quia pluribus intentis minor est ad singula sensus. Dixi, *Præcipua*, quia ego non negarem ad hoc iuuare id, ad quod impugnatores nostræ rationis paruam attentionem, seu nullam circa aliqua, quando quis attendit circa alia, tribuebant: nam certum est spiritus, qui ascendunt ad caput, iuuare ad alias operationes, & sic illis ablati, vel nullo modo fieri illas, vel si fiunt, non facile. (Quo potest solui ratio facta contra nostram, si aliquid probare videatur.) Sed dico, hoc præcipue debere reduci ad hoc, quod cum virtus caput cuiuslibet creatæ sit finita, eo ipso, quod ad plura distrahitur, maiori conatu circa illa tendit, quæ ratio per se se mihi videtur manifestissima: nam meo videri, negari non potest, quod si ignis ageret per eandem partem in duo passa, adhuc æque approximata, minus ageret, quam in vnum, quod si adeo, quis virtus ignis est finita, sique, si anima distrahitur ad vnam operationem, non ita recte circa aliam operatur, ac si tantum circa vnam operaretur.

Notandum tamen est cum so-

pi. na

pietissimo Patre Vazquez, cuius discessus è vita animis doctissimorum non parum inextoris, ac tristitia intudit 1.2. disputat. 35. capit. 2. cognitionem non esse impedimentum voluntati, vt ardentius amet; sed potius iuuare, quia quauis, quò magis ad plura distrahitur, minus circa singula operetur, tamen cum hæ operationes intellectus, & voluntatis suapte natura ordinatæ sint, & connexæ, vna alteri non tantum non nocet: sed eam mirabiliter iuuat: vt quò perfectior fuerit cognitio, & quò plures rationes bonitatis in obiecto cognoscantur, perfectior sit dilectio: secus verò contingit in operationibus non connexis, nec subordinatis. Quo respondetur ad rationem contrariorum, qua nostra ratio eneruari videbatur. Imò adderem, quò adhuc in his potentijs subordinatis, si maxima attentione intellectus circa vnum obiectum tendat, circa aliud obiectum voluntas non æquè tendit, licet in illud, circa quod est cognitio, ex perfectiori cognitione perfectè tendat: quò manifestè indicat potentias non æquè operari circa plura, ac operaretur vna circa vnum propter rationem dictam, & liquet manifestè, ex eo quòd potentia impediatur ab inuicem in suis operationibus, hoc fieri, quia ab vno principio, scilicet ab anima, tales operationes procedunt.

Probant alij eandem sententiam

ab inconuenienti; quia si solus intellectus esset principium physicum intellectionis, separatus posset intelligere.

Verum si quis consideret animam non concurrere efficienter, & intellectum posse separari sine inconuenienti, posset concedere, intellectum posse causare efficienter, & recipere intellectionem, imò, etsi de potentia absoluta posset intellectus poni in lapide, existens in illo, posset efficere, & recipere intellectionem, qui tamen poni non potest.

Illud verò videtur certum, animam esse principium physicum nutritionis substantialis, quia potentia accidentaliter superaddita non potest esse causa principalis effectus substantialis, vt constat ex sæpè dictis de causa principali, & instrumentali, & ideo absolutè verum non est, quòd affirmat prima sententia.

Dubium esse potest de alijs operationibus vitalibus, & in his etiam mihi videtur probabilior secunda sententia, & propter autoritatem D. Thomæ, cuius mens videtur communis, omnibus authoribus placet, vt probabilior.

Et probari potest primò ex eo, quòd fundamentum oppositæ sententiæ non omninò cōvincat propter diuersam naturam actionis vitalis, & non vitalis, multa enim singulariter concedunt de actione vitali, quæ de actione naturali neganda sunt.

Et

Et declaratur secundo, quia si actio vitalis, vt probauimus, est principium, vnde ratio perfecta actionis vitalis dicit de essentiali a prima, & substantiali vita, quæ est prima radix operationis vitalis: & secundum hoc intelligitur, actionem intellectus agentis non esse vitalem, quia ex natura rei nihil est in hac productione, quod videatur requirere concursum vitæ substantialis. Neque inuenio in hac te maioris probabilitatem pro hac sententia: & quoniam ad hoc eodem modo philosophandum est de substantia Angeli, & ideo Caieta non videtur loqui consequenter, dum hoc negat de substantia Angeli: & tamen doctrina D. Thom. loquens de anima locis citatis, videtur sine exceptione recipi: neque potest assignari aliquod speciale fundamentum ad affirmandum hoc de substantia animæ, quod negat de substantia Angeli.

Quod si quis obijciat ex doctrina Diui Thomæ, substantiam non esse principium immediatum operationum, diximus iam, negari enim non potest, vt de nutritione probaui, animam concurrere ad operationem simul cum potentia, & in rigore immediate concurrat, quia actio per se ipsam immediate pendet a potentia, & ab ipsa anima: dicitur ergo substantiam non operari immediate, quia non operatur per se solum: sed simul cum potentia sibi subordinata. Et idem dicendum est de anima

sensitiva, & vegetativa plantæ, & brutorum, quod scilicet concurrant efficienter ad suas actiones, in quibus, cum diuisibiles sint, & extense, posset habere locum fundamentum Authoris: quomodo enim potest probari, parti animæ existenti in pede negari concursum ad suas operationes, ex hoc precise, quod pars aliqua existens in capite intendit elicere aliquam operationem, cum sint diuersæ partes existentes in diuersis locis, & partibus materiæ.

Sed quæret aliquis primo, an verum sit, concursum animæ minui, dum concurrat cum diuersis potentijs. Ratio dubij est, quia quid sit de experientia, qua videntur Authores, videtur dicendum, concursum animæ minui, sicut concursus potentia minuitur, dum simul elicit plures actus, & Authores oppositæ sententiæ hoc videntur affirmare, & supponere vt certum: existimo tamen non minui huiusmodi concursum, ex eo quod anima concurrat cum diuersis potentijs, quod probatum est contra fundamentum oppositæ sententiæ.

Et declarari potest, quia concursus animæ respectu suarum potentiarum est veluti concursus causæ vniuersalis determinandus a suis potentijs, & ideo precise, ex eo quod determinetur ad intelligendum, non minuitur ad nutriendum.

Et declarari potest in opinione alie-

asserentium, cælum concurrere cum his inferioribus: ex hoc enim, quod cum siccitate concurrat ad exsiccandum, non intelligitur concursus caloris diuinitus ad calefaciendum, quia, potenter proportionatur: & hæc est ratio a priori contra fundamentum secundæ sententiæ.

Tunc autem minuitur concursus animæ, quando concursus minus potenter diminuitur, diuiditurque in plures actus; tunc enim concursus animæ diuiditur ad diuisionem concursus potenter, simul cum concursu potenter diuiditur.

Secundò posset querere aliquis, an terminus actionis vitalis possit fieri sine concursu animæ. In quo possent esse varij modi dicendi, sicut in simili de potentia ipsa vitali; & idem existimo in hoc dubio & in illo: semper enim mihi placet, quod ex authoribus citatis ibi specialiter tradit Gregorius, omnem effectum in genere causæ efficientis posse fieri à solo Deo, quādo sine imperfectione fieri potest, pro quo adducit Gregorius articulum Parisiensem, oppositum dānantem vt erroneum.

Tertiò querere posset aliquis, an si solus Deus cum intellectu proderet terminum intellectiōis sine concursu animæ, quem dicimus habere de facto, constitueretur intellectus in statu intelligentis vitaliter; quæ dubitatio solum habet locum in doctrina eorum, qui affir-

mant, de facto animam concurrere, in quibus de hoc nec vestigium inuenies.

Possent quidem esse varij modi dicendi, breuiter tamen mihi videtur probabilius, per talem concursum constitui intellectum in esse intelligentis vitaliter, quia etiam si in eo casu intelligamus actionem intellectus non pendere à primā radice vitali, scilicet, à substantia animæ, tamen negari nō potest quin sufficienter intelligatur pendere à potentia vitali efficienter, & materialiter, vt sufficienter possit concursus ille distingui à concursu nō vitali, vt constare potest ex his, quæ fusc diximus de actu, & potentia vitali supra. Ex quibus facile est soluere aliquas obiectiuculas, quæ contra doctrinam huius hypothese fieri possunt.

Quartò querere posset aliquis, an si anima concursu Dei, sine concursu intellectus, efficiēter, & in se immediatē reciperet terminum intellectiōis, constitueretur in statu intelligentis. Superpono ex dictis, probabilius esse, terminum intellectiōis nullā virtute posse recipi in anima immediatē: vnde præsens dubitatio solum potest habere locum ex hypothese, si reciperetur, nam quod possit illum efficere cum concursu Dei, videtur certum ex his, quæ supra diximus.

Hinc etiam fingi possent varij modi dicendi: arbitror tamē probabilius

bilius, animam non constitui in statu intelligentis vitaliter, quia ex modo receptionis distingui non posset à modo receptionis rerum non vitalium, vt constare potest ex dictis de actu vitali suprâ. Sed neque ex modo efficiendi, quia anima ipsa nequit efficere ad modum quo potentia ipsa vitalis efficit, neque efficeret in eo casu, concursu, quo efficit simul cum potentia vitali,

dum ab illa quasi determinatur ad agendum: vnde in rigore non agit concursu proportionato potentia vitali, nec sibi, vt vita substantiâli: & sic non videtur vitaliter operari, vt rem subtilius contemplanti constabit. Plura, quæ in vtrâque partem dici poterant, colligi possunt proportionem seruata ex dictis de actu & potentia vitali.

Et hac de libris de Anima.



III. *Analysis*

1. The first part of the document is a list of names and addresses, which are arranged in two columns. The names are written in a cursive script, and the addresses are written in a more formal, printed style. The list includes names such as "John Smith", "Mary Jones", and "Robert Brown", along with their respective addresses in various cities and states.

... *Leptochloa* ...



S E L E C T A

CIRCA LIBROS ARISTOTELIS DE GENERATIONE,
& Corruptione, siue de Ortu, & Interitu, subtilioris doctrinae, quae in Complutensi Academia versatur, miro quodam ordine disposita, & in dilucidam methodum redacta.

PER LICENTIATVM FRANCISCVM
*Murcia de la Llana, in insigni eiusdem Academiae
Collegio Theologorum Collegam.*

LIBER PRIMVS
ARISTOTELIS DE
GENERATIONE, ET COR-
ruptione, seu de Ortu, & Interitu.

Quamuis isti libri de Generatione, & Corruptione, seu Ortu, & Interitu inscribantur, subiectum tamen horum librorum (ut varia Philosophorum placita omittam)

non est generatio, & corruptio, quia subiectum partis debet contineri sub objecto totius; sed subiectum totius Philosophiae est ens mobile: ergo subiectum huius partis Philosophiae debet esse ens mo-

A a j

bile

bile aliquid. Et ita placet sententia Aegidij, & Marfilij, hoc loco asserendum, obiectum horum librorum esse ens mobile ad formam, siue substantialem, quod est ens generabile, & corruptibile, siue accidentalem, quod significatur nomine alterabilis; & augmentabilis; nam augmentatio; & alteratio ad formam accidentalem terminantur; neque enim in his libris agitur de motu locali, seu de ente mobili ad ubi; hoc enim est subiectum librorum de Celo, ibi enim agit Aristote. de corporibus mixtis vniuersis, prout ordinatur ad motum localem, & situm, quem in vniuerso obtinent, & ita subiectum horum librorum, non est ens mobile ad ubi, sed ens mobile ad formam in communi; prout comprehendit formam terminantem alios motus præter localem, nam, Vbi, licet sit forma quædam modalis, adeo est imperfecta, vt illi hoc loco auctores denegare audeant nomen forme.

Est tamen animaduertendum, ens mobile ad formam, non tantum comprehendere corpora simplicia, sed mixta; nam proprietates, & affectiones, quæ hoc loco ab Aristote. tractantur de ente mobili ad formam, qualis est generatio, augmentatio, & alteratio, ita conueniunt corporibus mixtis, sicut simplicibus.

Circa inscriptionem horum librorum notandum est, non ideo illos inscribi de generatione & corruptione, quia eorum subiectum sit

generatio, & corruptio; quin potius, vt diximus, esse ens mobile ad formam; tu non etiam, quia etiam in his libris agitur de alteratione, & augmentatione: sed inscribuntur de generatione, & corruptione, quia sunt primæ, & substantiales mutationes, quæ hoc loco demonstrantur de ente mobili ad formam. Hæc autem disputatio de ente mobili ad formam bipartita est ab Aristote. nam hoc priori lib. agit de ente mobili ad formam in communi; in secundo vero libro de particulari ente mobili ad formam, qualia sunt elementa, agit enim de transmutatione elementorum. In huius autem doctrinæ traditione, more antiquo per disputationes singulis capitulis, et iuxta procedam.

In primo, & secundo capit. Aristote. proponit, & refutat antiquorum sententias, circa quidditatem, & essentiam generationis, & corruptionis, & distinctionem illarum ab alteratione. Vnde reprehendit illos Philosophos, qui, vt vidimus 1. lib. Physic. asserbant, omnia esse vnum. Isti enim consequenter non possunt admittere, esse aliquam generationem, & corruptionem substantialem, si omnia sint vnum ens, sed tantum mutationem accidentalem, permanente tamen eodẽ ente, sicut idem ens permanet, quando aliquod mutatur de nigro in albu. Deinde vero in secundo cap. reprehendit Democritum, asserente generationem alicuius corporis fieri congregatione plurimorum

rium in vnum : corruptionem verò segregatione illorum : nam vel illa, quorum aggregatione res generantur, indiuisibilia sunt, & hoc non, cum diuisibile; non possit componi ex indiuisibilibus; vel sunt corpora diuisibilia; & hoc non, quia generatio, inquit, potius est mutatio huius in aliud, quam coadunatio plurium in vnum. Quare in tertio cap. propriam de hac re præfert sententiam, & duo agit; in prima parte docet generationem esse simpliciter: appellat autem generationem simpliciter, generationem substantialem, nam productio accidentalis, non est generatio simpliciter: nam quando homo de nigro fit albus, non producit absolute loquendo homo, nisi tantum secundum quid, scilicet in esse albi. In secunda parte duas proponit dubitationes, easque dissoluit.

Ad primam partem accedentes, Arist. proponit rationem dubitandi, quæ possit videri impossibilem generationem simpliciter, scilicet, quia si generatur ens simpliciter, ergo generatur ex non ente simpliciter, sicut quando generatur ens, secundum quid, v. g. album, generatur ex non ente, secundum quid, ex non albo, scilicet: sed non ens simpliciter est nihil, ex nihilo nihil fit: ergo videtur impossibile generatio simpliciter.

Et confirmatur hac ratione, quia vel illud non ens simpliciter, ex quo generatur ens simpliciter, dicitur priuationem entis perfecti, quale

est substantia, & hoc non, quia cum omnia alia funderentur supra substantiam, vt non est substantia, nihil aliorum esse potest, nam, vt dixeram cap. de substantia: *Corruptis primis substantijs impossibile est aliquid aliorum remanere.* Et ita fieret ex nihilo: vel dicit priuationem entis, vniuersaliter sumpti, & sic negatio cuiuslibet entis, atque adeo nihil, & ita fieret ex nihilo. Respondet tamen Aristot. id quod generatur, neque fieri ex nihilo, neque ex ente simpliciter in actu, sed ex ente simpliciter in potentia ad formam, cum qua componit substantiam perfectam. Sed contra obiicit Aristot. quia substantia debet generari ex non substantia, vel ergo, hoc quod est non substantia, non est substantia actu, neque etiam est actu aliquid aliorum prædicamentorum, & ita nihil erit, atque adeo aliquid generabitur ex nihilo, vel actu non est substantia, tamen actu est aliquid aliorum prædicamentorum, scilicet accidentium, & sic iam dubitatur accidens substantia, atque adeo sine subiecto.

In secunda parte capitis, antequam hanc obiectionem dissoluat, duo quaerit. Primum, quæ sit causa, quare generationes, & corruptiones sint perpetuæ? Nam cum ipse (vt vidimus 8. Phys.) existimauerit, mundum sempiternum esse tam à parte ante, quam à parte post, etiam ponit generationes, & corruptiones perpetuas esse, & æternas. Respondet autem, causam huius esse,

Aa iij

quia

quia generatio vnius est corruptio alterius, &c. è contra.

Quærit secundò, quare, cum generatio vnius sit corruptio alterius, aliqued dicitur simpliciter generari, aliquod verò simpliciter corrumpi? v. g. quando homo corrumpitur, cum etiam ibi intercedat generatio cadaveris, quare potius absolute loquendo, appellatur corruptio? Similiter quando corrumpitur embrio, quare potius absolute loquendo illam appellamus generationem, quàm corruptionem? Et inter alia, respondet, causam esse, quia quando id quod generatur perfectius est eo quod corrumpatur, qualiter homo genitus perfectior est embrione corrupto, tunc (inquit) à præstantiori denominatur generatio, & non corruptio. Quando verò id quod corrumpitur perfectius est eo, quod generatur, tunc etiam à præstantiori, potius dicitur corruptio, quàm generatio, ut quando homo corrumpitur, & generatur cadaver: semper tamen inquit, tã in generatione quàm corruptione, manet materia prima, in qua sit generatio, & ita colligitur solutio ad obiectionem supra positam, scilicet, quod generatio sit ex materia prima, quæ actu est substantia imperfecta, ex illa tamen, & forma adueniente sit substantia perfecta.

Tandem dubitat vltimò, an in genito & corrupto maneat eadem materia, & dicit, esse eandem secundum rationem substandi, non tamen manere idem esse: quæ verba

non intelligenda sunt, quod non maneat idem esse materie primæ, siue loquamur de esse essentia, siue de esse existentia, nam, ut vidimus 1. lib. Phis. materia prima habet propriam entitatem, & propriam existentiam ex se, & non à forma; sed sensus est, manere eandem materiam, quæ substat alijs formis, non tamen manere idem esse, non quidem esse materie, quia reuera hoc idem manet, sed idem esse compositi substantialis; nam cum vnum corrumpatur, & aliud generetur, non permanet idem esse: quam exilimo, esse genuinam illorum verborum explicationem, ut attentè legenti patebit, quia postquam, Aristot. quæsiuit, an quando vnum contrarium generatur ex alio, tantum maneat illa contraria, vel saltem eorum subiectum, scilicet materia prima? Respondet his verbis: quod subiicitur idem est, esse autem non idè, id est, materia vtriusque tertij eadem manet, non tamen manet vtriusque primum. Et hæc de lixera sufficiant.

DISPUTATIO I.

De generatione, & corruptione substantiali.

IN his libris disputationes iuxta materiam & distinctionem singulorum capitulum proponam, & cum primum, Aristotel. in tribus capit. relatis disputet de generatione, & corruptione, quæ sunt mutationes sub-

substantialis, idèdò antequam de mutationibus accidentalibus, vnde augmentatione, & alteratione, disputemus; de generatione & corruptione substantiali est dicendum;

Questio I. Vtrum sit possibilis generatio substantialis.

IN hac re supponendum est in primis, falsam esse aliquorù sententiam, qui idèdò negabant dari generationem simpliciter, siue substantialem, siue accidentalem, quia existimabāt, omnia esse vnum ens, neque esse in rebus diuersas formas substantiales, sed accidentales tantum; ostendimus enim primo Philosophorum dari formas substantiales specie diuersas, quod inter alia, quæ ibi diximus colligitur ex tam diuersis proprietatibus, quas experimur in rebus, quæ diuersitas, cū nō possit oriri ex diuersitate materie, cū eadem materia sit in rebus; habētibus maxime diuersas proprietates, vt in viuente, & cadauere, quod ex illo generatur, necessariò oriri debet ex diuersitate forme substantialis. Supposito ergo, quòd corpora naturalia substantialiter differant, queritur, an generatio substantialis vnus in aliud sit possibilis?

Est tamen ratio dubitandi, primò, quia si per naturam esset possibilis generatio substantialis, etiam esset possibilis corruptio substantialis, quia cū forme substantiales sint inter se incòpossibiles, per generationem vnus, altera debet corrumpi: sed

natura non intendit corruptionem (vt est commune axioma Philosophorum) ergo neque potest intendere generationem.

Secundò, quia adhuc videtur habere viam ratio illa, quam Arist. ca. 3. adduxit, scilicet, quòd ens simpliciter debet fieri ex non ente simpliciter: sed id quod simpliciter est non ens, est nihil: ergo iam agēs naturale produceret aliquod ex nihilo. Nam quod Arist. respondet scilicet fieri nō ex ente simpliciter in actu: sed ex ente in potentia, scilicet ex materia prima, nō videtur planè satisfacere, quia materia prima non est aliquod formæ, quæ generatur, cū habeat entitatem realiter diuersam ab illa: ergo reuera forma, quæ generatur, ex nihilo sui fieri, & ita semper videtur colligi, aliquod fieri ex nihilo.

Tamè receptissima est apud omnes sententia Aristotel. scilicet dari generationes & corruptiones substantiales, quibus materia prima eadem manens transmutatur ab vna forma substantiali in aliam: quod pluribus rationibus facile ostendi potest. Primò, quia dantur diuersæ formæ substantiales, & inter se incòpossibiles, vt forma ignis, & forma aquæ: ergo per aduentum vnus debet altera corrumpi: ergo dantur generationes, & corruptiones substantiales.

Secundò, quia materia prima habet potentiam passiuam naturalem ad recipiendas formas substantiales: sed cuilibet potentie passiuæ naturali debet correspondere agens

naturale reducens illam ad actum naturalem, aliàs esset frustra talis potentia: ergo possibiles sunt generationes formarum substantialium.

Tertio, id probat Aristotel. cap. 1. huius lib. quando inquit, si esset impossibilis generatio, etiam esset impossibilis alteratio, quod ex eo probari potest; nam alteratio ex natura rei ordinatur ad generationem, ex eo quod per alterationem disponitur materia ad nouam formam recipiendam: ergo si esset impossibilis generatio per naturam, etiam esset impossibilis alteratio quæ ex natura rei ad illam ordinatur. natura enim nihil facit frustra.

Solent tamen contra hanc rationem Aristot. plura, quæ facilia sunt obijci. Primo, nam in cælo est alteratio, cum ibi producat lumina, quod qualitas quædam est, cælum autem secundum Arist. est ingenerabile, & incorruptibile: ergo possibilis est alteratio ubi est impossibilis generatio.

Secundo, quia ad generationem non requiritur quauis alteratio, sed alteratio intensa, non verò remissa; nam ut ex ligno fiat ignis, requiritur maximè intensus calor, ut expellat ferè totam, vel totam frigiditatem, qua conseruatur forma ligni: ergo saltem non probatur esse impossibilem alterationem remissam, etiam si esset impossibilis generatio.

Tertio, nam prius non dependet à posteriori, cum hæc eat esse ante po-

sterius, sed alteratio, quæ ordinatur ad generationem est prior illa: ergo non dependet ab illa, sed è contra, generatio dependet ab alteratione: ergo etiam si esset impossibilis generatio, esset possibilis alteratio.

Tandem vltimò, quia multòties datur inclinatio naturalis ad finem impossibilem, qualiter materia prima, adhuc corrupta forma, quantum est ex se habet potentiam naturalem ad illam, cum tamen per naturam impossibile sit, formam corruptam semel, iterum reproducere. Similiter omnes partes terræ habent naturalem inclinationem; ut sint in centro ipsius terræ, cum tamen naturaliter sit impossibile, omnes usque ad centrum terræ peruenire: ergo etiam si esset impossibilis generatio, posset dari alteratio ex natura rei ad illam ordinata.

Respondetur tamen in primis, hæc omnia non procedere contra rationem Arist. prout ab illo facta est. ipse enim loco allegato arguit contra Empedoclem, qui, ut refert Aristoteles capite secundo, duo dicebat. Primo, vnum elementum non posse generari ex alio. Secundo, elementatatum differre per qualitates, cõfandebatque generationem elementorum cū transmutatione illorum ab vna qualitate in aliam: & ita optime arguit. Quod si esset impossibilis generatio, esset impossibilis alteratio, cõ quod Empedocles non distinguebat inter generationem elementorum, & alterationem illorum. Verum, etiam,

etiam, si verum sit alterationem, esse diuersam mutationem à generatione, verissima illa ratio est, quòd si esset impossibilis generatio, etià esset impossibilis alteratio: cuius vim in tertia ratione explicuimus.

Vnde ad obiectionem primam responderetur, alterationem esse duplicem, aliam corruptiuam, & est, quæ ordinatur ad corrumpendam vnâ formam, alteramque introducendam, qualiter calefactio ordinatur ad corrumpendam formam aquæ, & introducendam formam ignis: alteram verò perfectiuam, & est illa, quæ quamuis producat aliquando qualitatem, non tamen ordinatam ad corruptionem alicuius formæ substantialis, qualis est illuminatio; lumen enim per illam productum non est qualitas corruptiua eius, in quo recipitur. Ratio ergo Aristot. intelligenda est de alteratione corruptiua, hæc enim est, quæ ordinatur ad corruptionem substantialem non verò de alteratione perfectiua, qualiter reperitur in cælo.

Ad secundam rationem respondetur, quòd quamuis ad generationem elementorum requiratur alteratio nimis intensa, quia elementa habent qualitates maximè intensas, eò quòd habent alteram in summo, alteram prope summum: tamen ad generationem mixtorum satis sunt alterationes remissæ, nam mixta habent qualitates in gradibus remissis, & ideo ex productione plurium qualitatum remissarum produci-
tur mixtum. Vnde bene probat,

quòd si esset impossibilis generatio, esset impossibilis alteratio etià remissa.

Ad tertiam responderetur, quòd licet alteratio sit prior generatione in genere causæ materialis, in quantum disponit materiam ad generationem, & se habet ex parte materiæ, tamè est posterior illam in genere causæ finalis, quia generatio est finis propter quem est alteratio: ut autem prius possit esse sine posteriori, debet esse prius in omni genere causæ, ita quòd in nullo genere causæ pendeat ab illo.

Ad vltimum respōdet bene Caiet. 3. p. q. 9. art. 4. quòd ut potentia aliqua sit naturalis, & non frustra, non requiritur, quòd absolute loquēdo consequatur suum actum, sed quando oportet, & vbi oportet: verbi gratia, hæc numero materia habet potentiam ad plures formas, quas tamè nō habuit, quia omnes formæ non sunt introducendæ in quavis materia: cum hoc tamen illa potentia naturalis non dicetur esse frustra, quia non oportet, nec est debitum, omnes formas introduci in hac numero materia, nisi illas tantum ad quas vltimatè disponitur, & quia non disponitur ad omnes vltimatè simul, non opus est quòd quælibet materia recipiat omnes formas. Similiter ergo, quauis quælibet pars terræ habeat naturalem inclinationem, ut sit in cētro terræ, non est tamen violenta, etiam si non sit in centro terræ, sed in superficie illius, quia solum est

illi debitum, quod sit in centro, quando alie partes terræ non impediunt. Vnde quia alie partes sunt creatæ in centro terræ, cum plura corpora non possint penetrari in eodem loco, necessarium est, quod alie partes terræ maneant extra centrum illius, & ita numquam datur naturalis inclinatio ad finem simpliciter impossibilem. Nam quod quælibet particula terræ non attingat centrum illius ex se, non repugnat illi, nisi solum ex suppositione, quod alie partes, cum quibus per naturam est impenetrabilis, iam centrum terræ occupauerint.

Ad aliud autem de potentia, quæ habet materia prima ad formam iam corruptam, respondetur in primis, quod quamuis materia prima, quantum est de se, habeat naturalem inclinationem, & potentiam ad recipiendam quamlibet formam, etiam corruptam, si per possibile, vel impossibile iterum reproduceretur, tamen absolute loquendo, non habet potentiam naturalem ad formam iam corruptam, quia potentia naturalis est ad possibile naturaliter, cum potentia, & possibile proportionentur, atque adeo, quia forma semel corrupta, per naturam est impossibilis poni à parte rei, ideo absolute loquendo non potest dici, manere materiam impotentia naturali ad illam formam non quidem, quod aliquid entitatis materię ablatum sit per separationem formæ: sed quia forma est impossibilis per naturam. Vnde autem proue-

niat, formam semel corruptam non posse iterum reproduci, dicam secundum libro de generatione.

Ad rationes dubitandi in principio, quæ sitionis adductas respondetur: Ad primam, verum esse naturam non intendere per se corruptionem: sed potius generationem, quia corruptio habet cuiusdam mali rationem, eo quod priuat re aliqua, quæ eo ipso, quod est ens, est aliquod bonum, quia bonum est passio entis, & ita quia malitia est priuatio bonitatis, corruptio habet rationem mali, atque adeo non est per se intenta à natura, nisi tantum generatio, quæ est illi adiuncta, hæc enim potius ponit rem nouam, à parte rei, quam priuat re aliqua. Nec valet dicere, corruptio est necessario adiuncta cum generatione: ergo si natura per se intendit generationem: etiam per se intendit corruptionem? Respondetur, quod quamuis necessario corruptio coniuncta sit cum generatione, tamen non intenditur ratione sui: sed ratione generationis, cum qua coniungitur, & ita solum est per accidens intenta.

Ad secundam respondetur, quod, ut vidimus 1. & 2. libro Physicorum, ad rationem creationis non satis est, quod nihil eius quod fit præcesserit: sed quod ex nihilo fiat tamquam ex subiecto, & ita formæ substantiales corporeæ non dicuntur creari, quia quamuis rota illarum entitas de nouo fiat, tamen ex aliquo subiecto præsupposita
fiunt.

ant, & ita non creantur, sed generantur.

Quæstio II. Vtrum generatio & corruptio sint actiones realiter diuersæ?

In hac re non desunt, qui existiment, generationem, & corruptionem, esse actionem eandem realiter, quæ in quantum formam reexistente expellitur, dicitur corruptio; in quantum verò nouam inducit formam, dicitur generatio. Quam sententiam expressè sequuntur hoc loco Matfil. quæst. 5. de generatione, Albertus de Saxonia, uæst. 4. & clariùs id docuit Banez oc loco, Caietan. 1. 2. quæst. 1. 3. & videtur esse expressa sententia diui Thomæ in illo articulo in solutione ad 2. ubi dicit infusionem gratiæ, & remissionem culpæ esse unum actum, quantum ad substantiam, id est, quantum ad essentiam, & entitatem: nam entitas, seu sententia actus, appellatur eius substantia: sed infusio gratiæ est quædam productio, remissio verò culpæ, est corruptio peccati: ergo in sententia S. Tho. generatio, & corruptio, est eadem actio.

Et probari potest. Primò, quia generatio, & corruptio non habent terminos realiter diuersos: ergo nec sunt mutationes realiter diuersæ. Probatùr antecedens, quia terminus ad què generationis est forma genita, terminus autem ad què corruptionis est non esse formæ

corruptæ: sed hoc non esse formæ corruptæ identificatur realiter cum forma genita, quia talis forma in sua intrinseca entitate, dicitur non esse formæ corruptæ, equaliter forma ignis in sua intrinseca entitate, dicitur non esse formæ ligni: ergo terminus vtriusque mutationis est idem realiter, atque adeò generatio, & corruptio non sunt mutationes realiter diuersæ.

Secundò, quia vnus motus est accessus ad vnum locum, & recessus ab alio: qualiter eodem motu locali, quo accedimus ad vnum locum, recedimus ab alio, ergo eodem motu quo subiectum acquirit formam nouam, recedit ab alia, atque adeò eadem est mutatio, generatio vnus, & corruptio alterius, sentit ergo non esse mutationes ex natura rei diuersas.

Tertiò, id videtur docuisse Aristot. nam hoc capite assignans causam perpetuitatis generationum, & corruptionum, dicit esse eam, quia generatio vnus, est corruptio alterius: ergo similiter sentit non esse mutationes ex natura rei diuersas.

Tamè dico primò: Generatio, & corruptio sunt mutationes essentialiter diuersæ. Hanc conclusionem docuit clarè Aristot. 5. Physicor. text. 7. ubi inter alias species mutationis diuersas, duas enumerat, alteram à non subiecto in subiectum, id est, à priuatio in positium, alteram verò à subiecto in non subiectum, id est, à positio in priuatiuum: sed generatio, & corruptio hoc modò

modo se habent, quia generatio essentialiter est mutatio, procedens de non esse ad esse, & corruptio essentialiter procedit de esse ad non esse: ergo generatio, & corruptio sunt mutationes specie, & essentialiter diuersæ.

Et hinc confirmari quidem videntur est potest hæc ratio, nā distinctio essentialis inter mutationes ex terminis, ad quos, & à quibus sumitur, sed generatio, & corruptio essentialiter versantur inter terminos specie diuersos, nā generatio procedit à priuatione formæ genitæ, ad esse illius, corruptio verò ab esse formæ corruptæ ad non esse illius: ergo essentialiter distinguuntur.

Dico tamen secundò; generatio, & corruptio sunt mutationes, non solum essentialiter, sed realiter diuersæ. Hanc sententiam tenet Tollerus, tum hoc capite, quæstione 3. tum etiam 5. Physicorū, quæstionibus 4. & Sanctus Thomas, quæstionibus pro contraria sententiā citari solet. Idem expresse docet de veritate, quæstione 28 articulo 6. & 5. Physicorū super text. 45. Vnde quando Sanctus Thomas de veritate, articulo 1. dicit, eundem esse motum, quo corrumpitur calor, & introducit frigus, tantum intendit ibi esse unicum motum propriè dictum, & positiuum: corruptio enim non est actio positiua, vt postea dicam.

Sed ratione efficaciter probari potest. Primò, quia quorundam vnum potest dari à parte rei, sine alio, illa duo distinguuntur realiter, neque enim

vt sæpè dixi, potest idè realiter inueniri sine se ipso, sed generatio, & corruptio hoc modo se habent: ergo realiter distinguuntur. Probatur minor, quia qualitates contrariæ de potentia absoluta possunt esse simul in eodem subiecto, imò, & plures formæ substantiales, vt vidimus primo libro Physicorum disputatione sexta: ergo posset Deus producere calorem, qui corrumpatur frigus: ergo potest dari à parte rei generatio, siue corruptio. Similiter Deus potest corrumpere calorem, absque eo quòd introducat frigus: imò in formis substantialibus, cum non repugnet, vt vidimus primo libro Physicorum, dari materiam absque omni forma, posset Deus corrumpere formam ligni, absque eo quòd ibi esset generatio alterius formæ: ergo potest dari à parte rei vna mutatio ex his sine alia, ergo distinguuntur realiter.

Secundò, quia multiplicantur realiter corruptiones, vbi tantum est vna generatio, vt quando ex pluribus elementis generatur mixtum, ibi est tantum vna generatio, quia generatur vna tantum forma mixti, sunt tamen plures corruptiones, quia corrumpuntur plures formæ elementorum: ergo generatio, & corruptio distinguuntur ex natura rei. Neque potest dici, vna tantum corruptio, corruptio illas plures formas elementorum, quia ibi sunt plures termini, à quibus scilicet plures

plures formæ elementorum, quia corruptio tendit ab esse formæ ad non esse. Similiter sunt plures termini ad quos, illarum corruptionum, scilicet, plures priuationes illarum plurium formarum: ergo sunt plures corruptiones. Similiter contingere potest, esse plures generationes, a parte rei, ubi tantum est vnica corruptio, vt si singamus mixtum, aliquod corrumpi, & resolui in plura elementa, ita quod ex illo generentur in diuersis partibus materie plura elementa, ibi essent plures generationes, & tantum vnica corruptio: ergo generatio, & corruptio realiter distinguuntur.

Tertia denique ratio à priori huius est, quia termini realiter diuersi postulant, actiones realiter diuersas, sed generatio, & corruptio habent terminos realiter diuersos: ergo distinguuntur realiter. Probatur minor, quia, quando lignum corrumpitur, & generatur ignis, terminus ad quem generationis ignis est forma substantialis ignis, terminus autem ad quem corruptionis ligni est priuatio formæ ligni, quæ quidem priuatio est in materia prima, illa enim est, quæ denominatur priuata forma ligni, sed priuatio formæ ligni, & forma ignis, distinguuntur realiter: ergo & actiones. Quod autem distinguantur realiter, probatur, quia forma substantialis, cui lignum habet effectum; alterum, primum, & positium, qui est dare esse; alterum, secun-

darium, & negatiuum, qui est expulsiuo, seu priuatio formæ præexistentis: ergo priuatio illa est effectus formalis secundarius, proueniens à forma ignis: ergo debet distinguui realiter ab illa. Probatur consequentia, quia, vt ostensum est, Physicor. inter omnem causam realem, & effectum, debet esse distinctio realis, quia idem non potest esse causa suæ entitatis.

Ad argumenta adducta pro contraria sententia, respondemus in primis illum locum D. Thom. nihil contra nos probare. Nam aliud est loqui de corruptione formæ positivæ præexistentis: aliud, verò, de expulsioue terminus à quo, verbi gratia, quando ignis generatur, aliud est loqui de corruptione formæ ligni, quæ præexisterat, aliud verò de expulsioue priuationis formæ ignis, quæ est terminus à quo generationis ignis, & ita quamuis corruptio formæ præexistentis sit diuersa actio à generatione, tamen priuatio formæ genitæ, quæ est terminus à quo generationis expellitur eadem actione, qua producitur forma genita, quia priuatio tollitur per aduentum habitus, cum quo essentialiter est incompatibilis, neque corrumpitur priuatio, si proprie loquamur, quia corruptio est destructio entitatis: priuatio autem nullā habet entitatem.

Est tamen hoc loco maximum inuertendum, non esse eadem actionem, quando terminus à quo, in actione aliqua est positum, vt quando produ-

producitur calidum ex frigido, tunc enim diuersa actione producitur calor ab illa, qua corrumpitur frigus, posset enim calor producti, non corrupto frigore, quia quamuis calor, & frigus in gradibus intensis sint naturaliter opposita, non tamen essentialiter, cum per diuinam potentiam possint dari simul in eodem subiecto, & ita opus est quod frigus expellatur diuersa actione ab illa, qua producitur calor: tamen quando terminus à quo solum est priuatio formæ generandæ, eadem actione qua producitur forma, expellitur priuatio, quæ est essentialiter opposita tali formæ, ita ut, neque de potentia absoluta Dei possint dari simul forma, & priuatio talis formæ, aliàs in quauis generatione, necessario esset triplex actio realiter diuersa, scilicet, generatio formæ productæ, corruptio formæ præexistentis, & expulsiō termini à quo generationis, quod nullus dixit.

Ex his ergo respondendum est ad locum D. I. hom. eadem actione produci gratiam, & remitti culpam, quia peccatum essentialiter dicitur priuationem gratiæ, ita ut, neque de potentia Dei absoluta possit esse simul cum illa, & ita eadem actione, qua gratia producitur, necessarium est tolli culpam, secus tamen est in alijs rebus, quæ non sunt essentialiter opposita.

Ad primam rationem respondetur, quod in generatione aliqua, possumus considerare duplex non

esse formæ corruptæ; alterum, quod est in forma genita, nam forma genita in se dicit, non esse formam corruptam. Sicut quælibet res vniuersaliter dicit, non esse alteram, & hoc non esse, est negatio, quia est carentia in subiecto non apto, quia repugnat formam genitam esse formam corruptam. Aliud verò est, non esse formam corruptam, in materia prima, quod est priuatio, nam est carentia formæ præexistentis, quæ carentia est in materia prima, quæ ex se apta est ad habendam talem formam. Dico ergo, terminum ad quem corruptionis esse priuationem formæ corruptæ, quæ quidem priuatio est in materia prima, non verò illud non esse, quod est in forma genita. Ratio est aperta, quia actio, & terminus necessario debent recipi in eodem subiecto, cum actio sit via, & tendentia ad terminum: sed corruptio, non recipitur in forma genita, sed in materia prima (illa enim est subiectum generationis & corruptionis, non verò forma) ergo terminus ad quem corruptionis est priuatio formæ corruptæ, quæ quidem priuatio est in materia prima, non verò illud non esse, quod est in forma genita, quia ergo priuatio illa, quæ est in materia prima, ita anguitur realiter à forma genita, quia adhuc corrupta illa forma, quæ modo generatur manebit in materia eadem priuatio formæ corruptæ, quam modò habet, idcirco de primo ad vltimum generatio, & eius terminus realiter distinguuntur.

tur à corruptione, & termino illius.

Ad secundum respondetur, aliud esse quòd accessus ad vnum locum, & recessus ab alio, nò sint duo motus, aliud verò, quòd non sint duæ actiones, quia primum est verum, secundum verò falsum. Quod sic explico; nam quando mobile aliquod mouetur ab vno loco ad aliũ, ibi interueniunt duæ actiones, altera productiua præsentia localis in nouo spatio, & hæc est motus propriè dictus, scilicet motus localis: altera verò corruptiua præsentia præexistens in priori loco, cuius terminus ad quem, est non esse illius præsentia, & ista actio dicitur recessus ab illo loco, & non est motus propriè dictus, quia cùm sit corruptio quædam, non est actio positiua, sed negatiua, vt dicam infra, & ita verũ est, actiones istas, scilicet accessus, & recessus non esse duos motus, & fortasse hoc tantũ intendunt, qui communiter concedunt propositionem illam, scilicet, accessus, & recessus sunt vnus motus, idest non sunt duo motus, sunt tamen duæ actiones; tamen, quòd accessus ad vnum locum sit actio realiter diuersa ab illo recessu, ex eo probari potest, quia cùm 4. libr. Physic. ostensum sit per diuinam potentiam posse dari eadem corpus simul in duobus locis: potest Petrus qui est Compluti accedere ad alium locum, quin recedat à priori: ergo potest dari accessus sine recessu, vel è contra: ergo sunt actiones realiter diuersæ. Idem

etiam proportionali modo probari potest de motu alterationis: nam licet omnium sententia receptum est, duas qualitates contrarias, adhuc in gradibus intensis, posse simul reperiri in eodem subiecto de potentia Dei absoluta, vt vidimus 1. lib. Physico. disputatione 1. ergo posset de potentia Dei absoluta, subiectum iam habens calorem, vt quinque, recipere frigus, vt quinque, absque eo quòd recedat à calore, vt quinque: ergo potest dari accessus ad vnã formam, huc recessus ab alia priori, atque adeò accessus, & recessus, non est vnica actio, sed duplex. Verum est huiusmodi actiones diuersas naturaliter loquendo simul fieri, simul enim, quod mobile accedit ad vnum locum, recedit ab alio; tamen, vt sepe dixi, non est idem, aliqua esse simul, & esse idem.

Hoc supposito, ad argumẽtum respondetur, dicendo, in generatione substantiali, non esse eandem actionem, qua materia prima accedit ad vnã formam substantialem recipiendo illam per generationẽ, & qua recedit à priori forma per corruptionem illius, quia cùm possibile sit dari per diuinam potentiam duas formas substantiales, simul in eadem materia, vt vidimus 1. libr. Physico. potest materia prima recipere formam ignis, quin recedat ab alia: ergo accessus ad vnã formam, & recessus ab alia, sunt mutationes realiter diuersæ. Verum est, vt supra dixi, materiam eandem actione

actione prius accedere ad formam genitam; illam recipiendo, & recedere a priuatione illius, quæ est terminus; a quo illius actionis est enim diuersa ratio, vt supra dicebam de oppositis priuatione; & de duabus formis positiuis, quæ se inuicem expellunt, priuatio enim, & habitus sunt essentialiter incompatibiles, ita vt, neque per diuinam potentiam possint dari simul in eodem subiecto, tamen quamuis duæ formæ positiuæ sint ex natura rei incompatibiles, non tamen de potentia Dei absoluta, & ita in his accessus, & recessus est diuersa actio.

Ad tertiam respondetur, propositionem illam, generatio vnius est corruptio alterius, non esse intelligendam in sensu identico, ita vt generatio, & corruptio sint eadem actio, sed potius in sensu causali, ita quod ad generationem vnius sequatur corruptio alterius; de quo satis dicam quaestione sequenti.

Questio III. Vtrum generatio vnius sit corruptio alterius?

EX dictis hactenus patet, propositionem istam, generatio vnius est corruptio alterius, non esse intelligendam in sensu identico, seu formali, cum ostensum sit generationem, & corruptionem, esse mutationes essentialiter, & realiter diuersas, & ita communiter interpretes illam explicant in sensu causali, ita quod generatio vnius sit causa

corruptionis alterius: nam cum duæ formæ substantiales sint ex natura rei incompatibiles, vna expellit aliam. Sed statim oritur dubitatio. Vtrum generatio & corruptio, sint ita inter se connexæ, vt semper ad generationem vnius sequatur corruptio alterius, & non est sermo de potentia absoluta; nam cum probatum sit 1. libr. Physico. materiam primam posse existere sine omni forma substantiali, posset corrumpi forma aliqua in materia, absque eo quod alia de nouo introduceretur, & ita posset dari corruptio sine generatione, cum eodem lib. ostensum sit, etiam posse dari materiam cum duplici forma, posset quidem forma aliqua de nouo generari in materia absque eo, quod forma præexistens corrumpatur, & ita etiam potest dari generatio sine corruptione; loquimur ergo de facto, & ex natura rei. Posset autem procedere questio de generatione, & corruptione formæ substantialis, & etiam de generatione, & corruptione formæ accidentalis, quæ quidem appellatur generatio, secundum quid.

Si loquamur de generatione, & corruptione formæ substantialis, duo dicenda sunt. Primum, quod si loquamur de termino formali generationis, scilicet de forma, non semper generatio vnius est corruptio alterius, neque è contra: nam quando in morte hominis generatur forma cadaveris, non corrumpitur forma hominis præexistens, cum im-

mor.

mortalis sit. Et similiter, quando corrumpitur forma embryonis, & generatur homo, non generatur anima rationalis, quia supponimus factam per creationem: ergo si loquamur de formis substantialibus, non semper generatio vnius est corruptio alterius. Addo tamen, in alijs præter hominem, semper generationem vnius formæ esse corruptionem alterius, & è contra. Ratio est, quia generatio est productio formæ in materia præsupposita: quia materia cum per naturam non possit dari, priuata omni forma substantiali, forma, quæ aduenit per generationem, debet expellere priorem formam, cum quæ est ex natura rei impossibilis, & ita generatio vnius est corruptio alterius. Similiter cum corruptio formæ sit destructio alterius, manente tamen materia (aliàs potius esset annihilatio) & cum illa materia non possit dari sine forma, necessarium est, ut ibi generetur alia forma, & ita corruptio vnius est generatio alterius.

Dico secundò, si loquamur de termino totali generationis, quod est compositum substantiale, quod propriè dicitur generari, & corrumpi, semper generatio vnius est corruptio alterius: & ita quando corrumpitur embrio, quamuis non generetur anima rationalis, tamen generatur homo, similiter quando corrumpitur homo, quamuis non corrumpatur anima rationalis, tamen corrumpitur homo, & ge-

neratur cadauer, & idem est in quolibet alia substantia. Et ratio sumi potest ex dictis, quia cum materia per naturam non possit esse sine omni forma, neque cum pluribus simul, necessariū est, quod ad generationem vnius totius sequatur corruptio alterius, & è contra.

Est tamen notandum, quod cum dicimus, generationem vnius esse corruptionem alterius, illa particula, vnius, non significat esse vnum, quod corrumpitur, si est vnum, quod generatur: nam, ut quæstione præcedenti diximus, contingere potest, quod quando plura corrumpuntur, vnum tantum generetur, ut quando ex pluribus elementis generatur mixtum, corrumpuntur plura, & generatur vnicum tantum. Similiter quando mixtum resoluitur in elementa, generantur plura elementa, & corrumpitur tantum vnicum mixtum. Illa enim particula, vnius, tantum denotat, quod quoties aliquid corrumpitur, aliud debet generari, & è contra, siue quæ corrumpuntur, aut generantur sint plura, siue vnum.

Maiorem habet difficultatem, Vtrum etiam prædicta propositio posset intelligi in accidentibus, ita quod in accidentibus generatio vnius semper sit corruptio alterius.

Pro cuius intelligentia aduertendum est, quod inter accidentia quædam sunt, quæ habent contrarium, qualiter calor & frigus sibi inuicè contrariantur, alia sunt, quæ non habent contrarium, ut lumen. Con-

ueniunt ergo omnes prædictam propositionem non habere locum in accidentibus, quæ non habent contrarium, qualiter quando luxaen corrumpitur, nihil generatur: sed solum introducuntur tenebræ, quæ nihil recte sunt: idem etiam contingit in speciebus sensibilibus, potest enim corrumpi in aere species visibilis albi per solam remotionem subiecti, absque eo quod aliud generetur. Solum ergo dubium est, utrum prædicta propositio semper habeat locum, saltem in accidentibus, quæ habent contrarium.

In quo plures sustinent partem affirmatiuam, tenet Ferrar. 2. contra Gent. capit. 4. & plures alij. Et ratio esse potest, nam si daretur corruptio sine generatione alterius, iam natura per se intenderet corruptionem, & non tantum per accidens: tamen distinguendum est: nam inter accidentia, quæ sibi inuicem contrariantur, quædam habent necessariam successionem inter se, ita ut semper vno corrupto, aliud subsequatur, qualiter calor nunquam corrumpitur, nisi per aduentum frigoris, & è contra naturaliter loquendo, & in his habet verum prædicta propositio, propter inaliabilem successionem, qua sibi inuicem succedunt.

Et si dicas, quod potest corrumpi albedo, non per aduentum nigredinis: sed per aduentum alterius coloris medij. Respondetur in primis, solum dixisse Aristotel. quod

generatio vnius sit corruptio alterius, siue illa sint proprie contraria, siue non. Addo tamen contrarietatem esse duplicem: quædam contrariantur, sicut extremum extremo, qualiter album, & nigrum sunt contraria, alia tamen sunt contraria, non sicut extremum extremo, sed sicut mediū extremo, qualiter fuscum contrariatur albo, quia & si sunt colores medij, tamen colores medij, respectu albi, induunt rationem nigri, unde quia albedo non potest tolli, nisi per aduentum saltem alicuius coloris medij, ideo quodammodo corrumpitur per aduentum contrarij.

Dico secundò, alia esse contraria accidentia, quæ tamen non habent necessariam connexionem, inter se, ita ut non semper vnum alteri succedat, quales sunt, habitus contrarij, ut scientia, & error, potest enim corrumpi scientia per non usum, absque eo quod opus sit induci errorem in intellectu: habitus enim hoc habent peculiare, ut non solum corrumpantur per aduentum contrarij habitus: sed etiam per non usum: ergo in his non semper generatio vnius est corruptio alterius.

Ad rationem autem contrariæ sententiæ respondetur, corruptionem non semper esse per se intentam à natura: nam quamvis detur corruptio sine generatione, ex eo quod agens cesset ab operatione sua non conservando effectum, tamen potest actus naturalis illius,

non ordinatur per se ad non agendum: sed agendum, & ad hunc finem est illi à natura concessa.

Dico tandem in hac difficultate quantum attinet ad mentem Aristot. quòd quando dixit generationem vnius esse corruptionem alterius, apertè loquitur de generatione, & corruptione substantiali, quia postquam quaesivit, an generatio simpliciter, seu substantialis sit possibilis, & antiquorum sententias refutauit. statim quaerit quæ sit causa, quare generationes, & corruptiones sint perpetuæ, eamque assignat, dicens causam esse, quia generatio vnius est corruptio alterius: ergo apertè loquitur de generatione, & corruptione substantiali, de qua prius dubitauerat, an sit possibilis.

Quest. III. Quid sit generatio & corruptio, & qualiter inter se compareantur?

IN hac quæst. plures inuoluuntur difficultates, quæ breuiter expediti possunt. Primò namque dubitari potest. Vtrum corruptio sit actio positua, ita quòd sit influxus aliquis posituius habens Physicam entitatem, de generatione autem nullus dubitauit: nam cum sit vera, & realis productio, & realis tendentia ad entitatem aliquam producendam, certum est, habere Physicam entitatem, pertinentem ad prædicamentum actionis, & ita esse actionem posituam. Solum ergo est dubium de corruptione. In

quo dicitur dum est breuiter, nullam corruptionem esse actionem realem posituam: sed potius esse actionem negatiuam, non habentem Physicam aliquam entitatem: estque communis sententia. Et probatur facillè, quia sicut est idè agens & efficiens, ita etiam eadè est actio & effectio: sed corruptio potius destruit, non ergo est realis actio. Et si respondeas, quòd id sum destruere, est aliquid efficere. Contra quia res aliqua sufficienter destruitur per solam cessationem actionis conservatiuæ. sed cessatio nihil reale est, cum sit quædam earentia: ergo corruptio non est actio positua, sed potius negatiua: vnde hic etiam habet locum illud principium, quòd sicut affirmatio est causa affirmationis, ita negatio est causa negationis: sed terminus corruptionis est negatio, scilicet non esse rei: ergo actio, quæ ad illum terminatur, nō potest esse actio realis positua.

Secundò, quia si corruptio esset actio positua, etiā id haberet anihilatio quæ totaliter destruit rem, & ita esset actio de prædicamento actionis, atque adeo accidentis: sed anihilatio totaliter destruit rem: ergo illud accidens reale maneret, sine subiecto, cui inhaereret, quod est multiplicare miracula sine necessitate: ergo sicut intelligimus, anihilationem non esse actionem posituam, id etiam poterit facillè intelligi de corruptione.

Tertiò idè ostèditur in opinione alientium actionē identificari

Bb ij cum

cum termino, quia terminus corruptionis non est aliqua entitas positiua, sed nō esse rei ergo & ipsa actio. Et hinc ulterius fit, quod quia ratio actionis præsupponitur ad mutationem, vel secundum alios est ipsa mutatio, sicut corruptio non est actio positiua, ita neque positiua mutatio, sed potius priuatiua. Patet ex dictis, corruptionem habere causam efficientem, si propriè loquamur, nam cum non sit effectio aliqua, sed potius defectio (vt ita dicam) ita nō habet causam verè efficientem, sed deficientem, quia corruptio est defectus conseruationis. Vltimò, ex dictis patet, id, quod q. 2. dicebam, scilicet inter generationem & corruptionem, non esse distinctionem realem positiuam, que est inter duas entitates positiuas, sed solum est distinctio realis negatiua.

Secundò dubitari potest hoc loco, vtrum generatio sit actio realiter diuersa à conseruatione eiusdè rei de quo iam diximus 2. Physi. disp. 4. quæst. 3. quod quoties conseruatio non fit ab eodem agente, à quo fuit facta prima productio, sit actio realiter diuersa à prima productione, vt quando postquam ignis produxit calorem, remoto illo igne, accedit alius ad conseruandū eundem calorem, tunc illa conseruatio est actio realiter diuersa à prima productione, quanuis terminus sit idem. Neque enim existimamus, actionem identificari cum termino. Et quidem præter rationes, quas

loco allegato ad idem probandum adduximus, probatur ratione à priori hoc idem. Nam, vt omnes fatentur, actio per suā essentiam pendet ab agente, à quo procedit, aliàs fieret per aliam actionem superadditam, & ita daretur ad actionē actio. Si ergo quando accedit diuersum agens ad conseruandum effectum iam ab alio productum, est eadem actio, iam ista actio non pendet à priori agente per suam essentiam, siquidem eadem actio, semoto priori agente, iam non pendet ab illo, sed ab alio. Vnde fieret, quod dependeret à priori agente per aliquid superadditum, & ita daretur ad actionem actio.

Dicendum ergo est, quod quoties conseruatio non fit ab eodem agente, à quo facta fuit prima productio, sit actio realiter diuersa à prima productione.

Denique plures alias rationes ad hoc efficaciter probandum videri possunt loco citato. Vnde dicendum est, conseruationem tunc solum esse eandem actionem cum generatione, quæ est prima productio rei, quando effectus ab eodem agente conseruatur, à quo primò productus est. Et tunc verum est, conseruationem esse primam actionem continuatam, secus verò est noua actio.

Tertiò dubitari potest in hac questione, quem ordinem habeant inter se generatio & corruptio, id est, quæ illarum sit prior: in quo duo dicenda sunt. Primò, quod si loqua-

de prioritate secundum durationem realem temporis, una non sit prior alia: nam vel daretur materia cum duplici forma, vel sine ulla. Et probatur, quia si generatio tempore, aut instanti aliquo temporis, antecederet corruptionem, tunc materia haberet duplicem formam, scilicet formam præexistentem, quia nondum est corruptio, & etiã formam de nouo genitam; si verò e contra fingamus corruptionem duratione aliqua reali, antecedere generationem, daretur materia sine forma ulla, quia, neque haberet formam priorem, cum corrupta sit, neque formam generandam, cum nondum sit generatio.

Solum ergo est dubium de prioritate naturæ, quæ istarum actionum sit prior altera. In qua re communis ferè sententia asserit, distinguendum esse: nam si loquamur in genere causæ formalis, generatio est prior corruptione, eo quod forma genita expellit formam corruptam, in genere causæ formalis, tãquam forma impossibilis cum illa: tamen in genere causæ materialis, e contra, corruptio est prior generatione. Et fundamentum esse potest: nã expulsio formæ præexistentis, est dispositio quædam prærequisita ad introductionem nouæ formæ, eo quod, durante antiqua forma, non potest alia forma introduci, propter impossibilitatem formarum: Sed dispositiones, quæ se tenent ex parte materiæ, spectant ad genus causæ ma-

terialis, ut ex communi omnium sententia vidimus 2. Physicorum, ergo in genere causæ materialis corruptio est prior natura, quàm generatio.

Nobis tamen aliter distinguendum est, ut vidimus 2. lib. Physicorum. disput. 4. quæst. 2. duplex enim est corruptio, siue expulsio formæ, quædam, quæ causatur ex vi introductionis formæ genitæ, qualiter forma ligni expellitur ex vi formæ ignis aduenientis, alia verò est expulsio dispositionum, quæ conseruabant formam ligni, quæ dispositiones non expelluntur ex vi formæ ignis: sed iam præsupponebantur expulsæ ex vi caloris dissonantis ad formam ignis.

Dico ergo, quod quamuis expulsio dispositionum formæ præexistentis in genere causæ materialis, sit prior quàm generatio formæ substantialis aduenientis, tamen corruptio formæ substantialis, quæ semper fit ex vi formæ genitæ, in nullo genere causæ est prior quàm generatio ipsa, generatio tamen est prior corruptione in genere causæ formalis. Et quod hoc ita sit dicendum, probatur primò, quia formæ substantiales expellunt se ex vi impossibilitatis, quam habent, tãquam formæ impossibiles: ergo nullo modo potest intelligi ante formam genitam, corruptio formæ substantialis, nisi ex vi formæ aduenientis: ergo expulsio prioris formæ nullo modo potest intelligi ante formam genitam, atque adeo,

nemque ante generationem illius, cū forma genita habeat esse per generationem.

Et si respondeas, posse optimè intelligi in genere causæ materialis, formam priorem expelli, non quidem ex vi formæ genitæ, sed ex eo quod dispositiones, quibus conservabatur, corruptæ sunt. Contra est, nam præter ablationem dispositionum conservatiuarum talis formæ, requiritur aliquid effectiue illam corrumpens, quia impossibile est idem se ipsum corrumpere: sed quod effectiue corrumpit talem formam, non aliter corrumpit quā effectiue producendo nouam formam illi impossibilem: ergo numquam potest intelligi formam substantialem expelli, nisi ex vi formæ genitæ, atque adeo corruptio nullo modo potest esse prior generatione.

Secunda ratio est, quia effectus secundarius non potest præintelligi ante primarium, à quo oritur: sed expulsio formæ præexistens est effectus secundarius formæ aduenientis, informatio verò est quasi primarius effectus, illius: ergo impossibile est intelligi expulsionem formæ præexistentis ante formam genitam, atque adeo, neque ante generationem illius. Nam si respondeas, expulsionem, quæ est effectus formalis secundarius formæ, non posse intelligi ante primarium in illo genere, scilicet in genere causæ formalis, bene tamen in genere causæ materialis. Contra, ha-

bet vim prima ratio. Nam tota ratio expulsionis formarum est propter impossibilitatem, & ita in nullo genere potest intelligi expulsio ante informationem formæ aduenientis. Argumentum contrariæ sententiæ nihil probat: nam quamuis expulsio dispositionum formæ præexistentis sit dispositio quædā prærequisita ad introductionem formæ substantialis, tamē expulsio formæ præexistentis, potius est effectus formæ aduenientis, quā dispositio ad illam, & ita corruptio substantialis in nullo genere est prior generatione.

Secunda verò pars conclusionis, scilicet, quod generatio sit prior natura corruptione in genere causæ formalis, facile constat, quia forma adueniens expellit formam præexistentem in genere causæ formalis, scilicet, tamquam forma cum illa impossibile: ergo generatione sui termini est causa formalis corruptionis formæ præexistentis.

Sed contra hoc obijci potest, & non leuiter. Nam si generatio est prior natura corruptione, sequitur materiam primam simul habere duplicem formam substantialem. Et probatur, quia forma genita est prior in genere causæ formalis expulsionem alterius formæ: ergo in illo priori natura nondum prior forma intelligitur expulsa: ergo tunc materia intelligitur habere duplicem formam, scilicet, genitam, & formam præexistentem, quia

in

in illo priori nondum expulsa est.

Ad hanc obiectionem, quæ re-
fertur ad difficillimam est, quidam respo-
dent, nullum esse inconueniens,
quod pro illa prioritate naturæ,
materia intelligatur habere dupli-
cem formam, dummodo in ipso
instanti temporis non habeat utrā-
que simul, sicut non est inconue-
nient, quod in illo priori, in quo
materia est prior naturæ quàm for-
ma, intelligatur materia sine omni
forma. Quæ solutio nõ placet, quia
illa prioritas naturæ est in instanti
reali temporis, quia in illo instanti
temporis præcindimus duas prio-
ritates naturæ: alteram qua intelli-
gitur forma expellens, tamquam
causa; alteram verò, in qua intelli-
gimus effectum illius posteriorem,
scilicet expulsionem formæ: ergo
si in illo priori, est verum dicere,
quod habet formam expellendam,
cùm in instanti reali temporis for-
ma præexistens non sit propter ad-
uentum nouæ formæ cum illa in-
compossibilis, sequitur, quod in
eodem instanti temporis sit, & non
sit forma corrupta, quia in primo
illo instanti non est propter adue-
tum nouæ formæ genitæ: ergo si
in aliqua prioritate naturæ, intelle-
cta in eodem instanti temporis, est
forma corruptenda, simul cum
forma genita, sequitur planè, quod
in eodem instanti temporis forma
corrupta sit, & non sit, quod est
absurdum.

Quare dicendum est, in nullo
instanti naturæ, intelligi materiam

simul cum duplici forma. Ratio
est, quia cùm prioritas naturæ sit
prioritas causalitatis respectu effe-
ctus, illa tantum intelliguntur esse
in illo priori, quæ sunt causa respec-
tu effectus, & quia præsentia for-
mæ corruptæ in materia, non est
causa expulsionis eiusdem formæ
à materia: imò talis præsentia in
materia opponitur exiuliiori ab
eadem materia, idè in illo priori
naturæ non intelligitur præsen-
tia formæ prioris in materia: sed
præcise intelligitur forma expel-
lens. Forma verò expulsa neque in-
telligitur præsens, neque absens,
quia de illa nihil agitur in illo prio-
ri naturæ.

Vnde ad argumentum respon-
detur, verum esse, formam expellen-
tem esse priorem naturæ, quæ in
expulsionem formæ, quæ est effectus
formalis illius: nego tamen conse-
quentiam, scilicet, in illo priori ad-
huc non est expulsa forma corrup-
ta, quia in illo priori nihil agitur
de forma expellenda, & ita non
consideratur utrùm sit expulsa, vel
non expulsa, quia cùm illa sit prio-
ritas causalitatis, tantum in ea con-
sideratur forma expellens, quæ est
causa expulsionis: de ipsa verò ex-
pulsione, quæ est effectus, nihil
agitur in illo priori.

Sed obieciēs, nam inter prepo-
sitiones contradictorias, non po-
test dari medium: sed istæ propo-
sitiones sunt contradictoriæ; forma
præexistens in illo priori est, & for-
ma præexistens in illo priori non

est: ergo altera illarum necessariò est vera in illo priori: sed non verificatur, quòd in illo priori sit expulsiò formæ, quia cùm talis expulsiò, sit effectus proueniens à forma expellente, debet esse posterior illa, & ita non debet considerari in illo priori, in quo intelligitur forma expellens: ergo altera contradictoria debet esse vera, scilicet, quòd in illo priori sit forma expellenda, & cùm rursus, in illo priori sit forma expellens: sequitur esse concedendù in illo priori naturæ, materiam habere duplicem formam. Respondetur tamè, veritatè, aut falsitatè propositionum contradictoriarum non esse sumendam penes prioritatem naturæ: sed penes realem durationem temporis, aut instantium temporis. Ratio est, quia cùm prioritas naturæ, sit prioritas causalitatis, in illo priori præcise agitur de causa, de effectu verò nihil agitur, & ita neque consideratur an sit, vel non sit, quòd sunt contradictoria: tantum ergo verificatur altera ex illis contradictorijs in instanti reali temporis, & ita in instanti reali generationis formæ genitæ, non est forma corrupta. Similiter in illo priori naturæ, in quo consideratur materia prior forma, nihil agitur de forma. sed præcise de materia, & ita non consideratur, vtrum sit forma, vel non sit, quia neutrum consideratur, solum ergo non est dare medium inter contradictorias in reali duratione instantis temporis, aut in ipso reali tem-

pore. Quæ doctrina satis profectò difficilis, est maxime notanda, vt plures auferantur æquiuocationes, quæ in simili materia occurrere solent.

Quartò dubitari potest in hac quaestione. Vtrum dispositiones quæ disponunt materiam primam ad generationem illius formæ substantialis: effectiue attingant generationem illius formæ, & non tantum dispositiue: de qua re latè agimus 2. lib. Physic. disput. 5. quaest. 4. disputantes vtrum accidentia effectiue concurrant ad productionem substantiæ, & breuiter duo diximus in opinione asserentium, accidentia non subiectioni in materia prima, sed in toto composito, nullatenus defendi posse, quòd accidentia, quæ sunt in passo, verbi gratia in ligno, quod disponitur, possint effectiue attingere productionem substantiæ ignis. Ratio est facilis, quia in instanti generationis subiectum iam est corruptum: ergo si accidentia subiectionantur in illo, etiam corrampuntur ex defectu subiecti, atque adeò non sunt in instanti generationis: sed existentia est conditio prærequisita, vt causa aliqua influat in effectum, quia operari supponit esse: ergo asserentes accidentia subiectionari in toto composito, non possunt admittere accidentia illa, quæ sunt in passo, quod disponitur effectiue attingere ad productionem formæ, nisi tantum illa, quæ sunt in agente disponenti tale passum ad corruptionem.

Dicebant

Dicebain tamen secundo in ve-
ra sententia, quæ creditur acciden-
tia immediate subiectari in materia
prima, ac per consequens non cor-
rumpi per aduentum formæ adue-
nientis: sed eadem numero potius
manere in genito, quæ fuerunt in
corrupto. Dicendum est etiam ac-
cidentia, quæ sunt in passio, imme-
diatè, & proximè efficienter attri-
gere generationem substantialem,
instrumentaliter saltem. Ratio est,
quia calor, verbi gratia, natura sua
est virtus instrumentalis producti-
ua formæ ignis: sed non repugnat
accidens operari in subiecto, in quo
est, actione æquiuoca producendo
effectum diuersæ rationis ab illo,
qualiter species intelligibiles in in-
tellectu producit verbum mentis,
& habitus sunt causa æquiuoca
actus in eadem potentia: ergo re-
uerà dispositiones, quæ subiectan-
tur in materia, effectiue attingunt
generationem formæ substantia-
lis.

Quintò dubitari potest, hoc lo-
co, quod sit subiectum generatio-
nis, & corruptionis substantialis, de
quo 1. lib. Physic. & sæpè alibi di-
ximus cum communis sententia ge-
nerationem, & corruptionem sub-
stantialem subiectari in materia pri-
ma, non verò in toto composito,
vt minè bene hoc loco opinatur
Bañez. Ratio est, quia cum genera-
tio substantialis formæ sit via ad for-
mam substantialem, necessarium
est illam antecedere ordine execu-
tionis, saltem prioritatem naturæ:

ergo in illa prioritatem naturæ debet
subiectum aliquod habere, cum sit
accidens: sed ante formam nihil est
in quo sit, nisi in materia prima: er-
go idem etiam docuit Aristotel. 8.
Physic. dicens, motum subiectari in
mobili quod transmutatur per il-
lud: & hoc lib. cap. 4. apertè docuit,
generationem subiectari in ente im-
potentiâ, quod est materia prima,
denique est communis sententia.

Sextò dubitari potest, an gene-
ratio, & corruptio distinguantur
realiter à materia prima? De qua re
legantur dicta 2. Physic. disputat. 5.
quæst. 1. vbi ostendimus, actio-
nem ex natura rei distingui à sub-
iecto in quo recipitur, imò in Lo-
gica, disputat. de prædicamento in
communi, ostensum est omnia ac-
cidentia realiter distingui à substân-
tia, in qua subiectantur, quia omnia
dependent ab illa tanquam à cau-
sa in genere causæ materialis; im-
possibile autem est, causam aliquâ
nò distingui realiter à suo effectu:
sed ex proprijs coniectari potest ad
id probandum de generatione, &
corruptione. Nam datur à parte rei
materia prima ante hanc numero
generationem, & corruptionem:
ergo distinguitur realiter ab illis,
iuxta principium illud sæpè à no-
bis repetitum: quod quæuis separa-
tio realis vnius ab alio arguit di-
stinctionem realem inter illa.

Septimò dubitari potest hoc lo-
co, vtrum corruptio sit naturalis?
Et breuiter dicendum est, genera-
tiones, & corruptiones naturales

esse, quāuis in violenta respectu formæ corrupte sunt naturales respectu agentis, quia naturaliter agit producendo formam, & respectu materię, quia cum habeat inclinationem ad quamlibet formam, naturale est illi, quamlibet recipere, est etiam generatio naturalis, respectu formæ productæ, quia producit illam modo constituturam ipsam formam, scilicet, ex potentia materię: & ex precedentibus dispositionibus, quæ illam exigunt, illamque disponunt.

*Quest. V. Vtrum in generatione substantia-
liis pereant omnia accidentia, quæ
fuerunt in corrupto: & an fiat re-
solutio vsque ad materiam
primam.*

REm hanc breuiter attingimus i. lib. Phys. disput. 5. quæst. 6. hoc loco latius tractandam promissi, habet hic propriam sedem: neque est cur hic disputemus, vtrum accidentia subiectentur in materia prima? Idem enim ita esse, ostendimus loco allegato: & ita hoc loco supponendum est in præsentiquæstione, omnes auctores, qui opinantur, accidentia non subiectari immediate in materia prima, sed in toto composito, consequenter asserant, non manere eadem numero accidentia in genito, ac fuerunt in corrupto: quia necessarium est, accidentia corrupti corrupto subiecto, eo quod in suo esse pendent ab illo, in genere causæ materialis, & ita illo princi-

pio supposito, impossibile est, manere eadem numero accidentia in genito. Sic tenent communiter Thomistæ, Capreol. in 2. dist. 15. quæst. 1. Caietan. de ente & essen. cap. 7. q. 6. Ferrara 4. contra Gent. quæstione 16 label. Bañez hoc libro cap. 4. sequenti quæstione, & denique est communis sententia Thomistarum, & adducunt Sanctum Thomam in 4. dist. 11. q. 2. ar. 1. quæstion. 3. ad 4. & tract. de formis. q. 6. opusc. 2. de dimensionibus interminatis, & hoc lib. cap. 4. q. 5. vbi clarius docuisse id videtur, cum enim hoc dubiū proposuisset, respondet in substantia genita de nouo succedere alia accidentia specie similia prioribus, numero tamē diuersa.

Probant secundò eandem sententiam ex Aristot. hoc lib. capite 4. sequenti, vbi dixit, *Generationem esse mutationem totius in totum, nullo sensibili remanente*: sed si manerent eadem accidentia in genito, quæ fuerunt in corrupto, reuera maneret aliquod sensibile, scilicet, accidentia sensibilia: ergo.

Et eodem loco ait, quod alteratio subiectatur in ente in actu, scilicet, in toto composito: nam materia prima potius appellatur ens in potentia: ergo quæ producuntur per alterationem debent subiectari in toto composito: ergo corrupti sunt ad corruptionem illius, atque adeò non manent eadem numero in genito.

Et cap. de substantia dicit, quod:

captis

corruptis prius substantiis, impossibile est aliquot aliorum remanere: ergo corrupto, verbi gratia, ligno, quod est prima substantia, impossibile est remanere aliquod accidens prius existens.

Tertio argumentantur ratione, quia alias non fieret in generatione substantiali resolutio usque ad materiam primam, ut commune Philosophi axiomata docet. Patet consequentia, quia præter materiam primam aliquid manet in genito, quod fuit antea in corrupto.

Quarto, quia sequeretur, formam substantialem productam per generationem non uniri immediate cum materia prima, sed potius medijs accidentibus, quæ adhuc remanent, ita non fieret ex materia & forma unum per se, & quia ibi mediatur accidentia ex substantia enim, & accidenti non potest unum substantiale fieri.

Quinto, quia sequeretur, formam substantialem non esse actum primarium, siquidem ante illam datur in materia prima accidentia eadem numero, quæ fuerunt antea.

Denique ad hoc propositum adduci poterant argumenta omnia ad probandum (quibus auctores isti probant) accidentia non subiecta in materia prima, quæ tamen, quia iam sunt soluta 1. Phys. loco allegato, propterea omitto.

Verum tamen pro huius rei intelligentia aduertendum est, quod inter accidentia, quædam sunt communia genito & corrupto, scilicet, quæ utriusque conveniunt, qualiter

quantitas omnibus corporibus convenit, & quando ex particula aeris generatur aqua, humiditas est utrique communis, cum aer, & aqua conveniant in humiditate: alia vero sunt accidentia non quidem communia genito & corrupto, sed propria utriqueque, quales sunt propriae passionēs, quæ dimanant à propria forma: certum ergo est apud omnes, accidentia, quæ non sunt utriqueque communia, non manere in genito: quia cum efficienter pendeat in conservari à forma, à qua effectivè proficiunt, ideo corrupta forma pereant, & cum forma adveniens sit diversæ rationis à præexistenti, neque poterit talia accidentia, ideo non manent in genito, & ideo impossibilitas, & alia propriae passionēs hominis, non manent in cadavere. Solum ergo est dubium de accidentibus, quæ sunt communia genito, & corrupto.

In quo dicendum est, eadem accidentia numero, quæ fuerunt in corrupto, manere in genito. Quæ sententia ab his, qui Arist. interpretati sunt, fuit maxime recepta: sic enim docuit Averr. 1. lib. Physic. comment. 6. & libro de substantiis, & cap. 6. & hoc libro commenta. 2. Albert. Magnus in hoc lib. tractatu 1. cap. 2. Albertus de Saxonia hoc lib. questione 6. Marfil. quæst. 7. Paulus Venetus in summa cap. 14. Percir. 5. lib. Physico. cap. 18. Quæ sententia probari potest ex Arist. hoc lib. cap. 4 sequen. ubi dicit, accidentia aliqua, quæ fuerunt in corrupto

rupto manere in genito; & 2. lib. de generat. cap. 4. idē docet elementa symbola facilius trāsmutari, quia quando generatur aliud elementum symbolum, retinet eandem illam qualitatem, in qua elementum corruptum symbolizat cum illo: quæ verba cum maiori proprietate explicantur in nostra sententia, ut iacent, quam in contraria, in qua explicari solent, quod manent eadem secundum speciem, non tamen secundum numerum, quæ expositio non est ita consentanea, sicut nostra, præsertim cum aliunde militent efficaces rationes, quibus ita esse asserendum ostenditur. In eadem sententia fui: sine dubio Sanct. Thom. quamvis locus pro contraria sententia citatis contrariam tenuerit sententiam, præsertim hoc lib. capit. 4. lect. 9. ubi clarissimè id docuit, tamen & Capreolus, supra allegatus, & Thomistarum princeps fatetur, quod re maturius considerata, mutauerit sententiam, quia 4. lib. contra Gent. cap. 81. apertè dicit post mortem hominis remanere eandem animam rationalem eandemque materiam cum eisdē dimensionibus: manet ergo eadem quantitas. Qui locus nō potest explicari, quod manent eandem dimensiones, secundum speciem, nō tamen secundum numerum, quia S. Thom. docet eodem modo manere eandem materiam cum eisdē dimensionibus: manet ergo eadem quantitas. Qui locus non potest explicari, quod manent

eandem dimensiones, secundum speciem, non tamen secundum numerum, quia S. Thom. docet eodem modo manere eandem materiam cum eisdē dimensionibus, quia dicit, manere eandem animam rationalem, aliàs valde æquiuocè loqueretur; sed manet eadem numero anima rationalis: ergo sentit manere eandem numero dimensiones in materia. Et 3. part. quæst. 9. artic. 3. ad 2. dicit, quod sicut habitus opinionis causatus per syllogismum probabilem idem manet, quamvis postea adueniat scientia; ita eandem dispositiones, quæ præfuerunt in materia, manent adueniente forma substantiali: sed adueniente scientia, manet in opinione omnium idem habitus opinionis numero, vel nullus omnino manet: ergo eodē modo sentit D. Thom. manere easdē numero dispositiones. Tamen id apertè docuit in 4. dist. 4. quæst. 1. art. 1. ad 3. ubi dicit eandem quantitatem præcedentem manere in materia post corruptionem, ut forma adueniens introducatur in materia extēsa ante formam: sed si in genito esset noua quantitas orta à noua forma, esset posterior forma, cuius contrarium docet S. Thom. ergo apertè sentit manere eandem numero quantitatem, nisi fictitijs, & violentis commentationibus verum, & germanum sensum offuscare velimus.

Sed quod præcipuum est, rationibus satis efficaciter probari potest eadem sententia Et primo, nō est

est parum efficax vulgaris illa ratio, quæ ab experientia desumitur, scilicet, quia videmus in cadauere mortuo, manere eundem colorem nigrum, quem homo dum viuus habuit: quia, quod Authores contrarij respondent, non manere eandem numero cicatricem, vel eundem numero colorem: sed alium de nouo similem produci in cadauere, impugnari potest: Quia, vel hic nouus color, vel noua cicatrix effectiue producit ab ipsa forma cadaueris, vel à causa vniuersali; nõ à forma cadaueris, quia forma tantum est causa naturalis accidētium, quæ sunt illi connaturalia, & debita ad suam conseruationem, qualiter calor oritur à forma ignis: sed cicatrix, vel niger color, impertinenter se habent ad conseruationem cadaueris, vt patet in alio simili cadauere, quod cicatricem talem non requirit: ergo non procedit effectiue à forma.

Et si dicas, non oriri à forma cadaueris, secundum se: sed prout introducit in materia sigillata tali cicatrice. Contra est, nam cum in instanti generationis in hac sententia consideretur materia prima nuda ab omni accidenti, materia illa, non magis petit hanc dispositionem, quam illam, nisi iuxta exigentiam formæ generandæ.

Secundò, quia si forma ex eo est causa illius, quia similis cicatrix præcessit in materia: ergo quando in materia ligni generatur ignis, nõ deberet oriri à forma ignis calor:

sed frigus, quia frigus præcessit in ligno potius, quam calor. Quod verò, nec productio talis cicatricis possit reduci in causam vniuersalē, patet, quia causa vniuersalis solum operatur iuxta naturam, & exigentiam rei productæ: sed ad conseruationem illius cadaueris omnino est impertinens cicatrix: ergo non fit à causa vniuersali. Tum etiam, quia prohibitum est recurrere ad vniuersalem causam, nullam particularem causam assignando, quæ determinet causam vniuersalem, est veluri ad sacra confugere.

Et confirmatur hæc ratio, quia sensus iuxta proprium sensibile debite applicatum non fallitur, nisi miraculum aliquod intercedat: sed visus eandem iudicat cicatricem esse: ergo non est cur dicamus falli, aliàs nulla efficax ratio posset sumi ab experientia.

Secundò probatur conclusio, quia nisi asseramus eandem numero dispositiones, quæ fuerunt in corrupto, manere in genito in instanti generationis, esset impossibilis corruptio formæ præexistentis. Et probatur, quia nunquam darentur dispositiones sufficientes ad expellendam formam: & probatur, quia nunquam dantur ante instans generationis, quia toto illo tempore non fuerunt dispositiones sufficientes ad expellendam illā, sunt enim composibiles cum illa, cum adhuc daret, in instanti autem generationis iam non sunt dispositiones illæ secundum hanc sententiam, quia

quia non manent in genito: ergo nunquam sunt dispositiones sufficientes ad expellendam illam formam, atque adeo impossibilis esset corruptio.

Respondent Authores contrarij, d. dispositiones ad formam aliquam esse in duplici differentia, quædam enim sunt præuiæ, & sunt quæ antecedunt formam genitam, aliæ verò sunt concomitantes, scilicet, quæ de nouo oriuntur à forma genita, illamque concomitantur, qualiter calor, ut octo, oritur à forma ignis, dicunt ergo, quod saltem datur dispositio vltima concomitans, quæ expellat formam præexistentem, existimant enim à forma ignis oriri calorem, ut octo, illumque expellere, vltimatè formam ligni, & ita dari dispositionem vltimam cõcomitantem. Addunt præterea ex dispositionibus præuijs dari nescio quamdam dispositionem vltimam negatiuè, ut ipsi loquuntur, id est, qua non requiratur alia maior ad expellendam formam corrumpendam.

Hæc tamè solutio plura inuoluit falsa, & quæ vix capi possunt, & ut ab hoc vltimo inci, iam, falsum omnino esse secundam illam sententiam, dari aliquam dispositionem præuiam vltimam, etiam negatiuè, scilicet, qua non requiratur vltior. Nam si cum qualibet præuia est compossibilis forma corrumpenda, aliàs non esset præuia ante corruptionem: ergo necessaria est vltima dispositio, ut expellatur vl-

tima forma. Patet consequentiâ, quia alia est insufficientis. Quod verò, nec dispositio illa, quæ ipsi appellant cõcomitantem ad formam geniti possit expellere formam corrupti patet, quia supponit illam expulsam. Et probatur, quia supponit formam iam genitâ, eo quod oritur ab illa, secundum istos: sed forma genita expellit formam præexistentem in genere causæ formalis: ergo dispositio concomitans, quæ supponit formam iam genitâ, non expellit formam corruptam: sed supponit formam, quæ illam expellit.

Secundò, quia hæc dispositio concomitans, quæ oritur à forma genita, est posterior illa: ergo non potest disponere ad formam illam generandam, alteramque corrumpendam. Patet consequentiâ, quia dispositio ad formam aliquam, necessario debet esse prior, & antecedere illam.

Sed adhuc secundò respondent, dispositionem illam, quæ oritur à forma genita, esse quidem posteriorem illa in genere causæ efficientis, quia efficienter oritur ab illa, tamen esse priorem illa in genere causæ materialis, quia disponit, & preparat materiam ad illam, nullum est inconueniens, idem esse prius, & posterius alio, in diuerso genere causæ. Contra est, quia etiam in eodem genere causæ materialis, est idem prius, & posterius respectu eiusdem, secundum hanc sententiam. Et probatur, quia illa
dis-

dispositio concomitans subiectatur in hac sententia in toto composito; quod est substantia genita, ac per consequens subiectatur in adequatè in partibus illius totius; scilicet in materia, & forma; ex quibus integratur entitas totius: ergo iam in genere causæ materialis est prior dispositio, quæ subiectatur in illa, & aliâ secundum istam sententiam, etiam eadem dispositio est prior illa formâ in genere causæ materialis: ergo idè respectu eiusdem est prius, & posterius in eodem genere causæ.

Secundò, quia reuerà accidentia, quæ oriuntur à forma genita (nisi vocabulis abutamur) potius sunt dispositiones conseruatiuæ illius, quam introductiuæ illius, quales potentia vitales, quæ oriuntur ab anima sensitua, potius disponunt ad eius conseruationem, quam ad eius introductionem.

Tertiò probatur conclusio, quia agens naturale est indifferens ad producendum hanc, vel illam formam numero in materia, quatenus de se, ignis plures formas numero diuersas producere potest; terminatur autem ad producendum hanc numero formam per dispositiones non concomitantes, quæ oriuntur à formâ: istæ enim iam supponunt formam productam: ergo determinari debet per dispositiones præuias: ergo necessarium est, quod illæ sint in instanti generationis, ut agens determinetur ad talem formam, atque ad id, eadem numero

accidentia, quæ fuerunt in corrupto, manent in genito.

Respondent ad hoc argumentum, accidentia præcedentia reliquisse in materia sigillationem quandam, à qua dicunt determinari materiam ad hanc numero formam, ac proinde, etiam agens determinatur ad talem formam producendam. Tamen contra est, quia si hæc sigillatio, vel illa producitur ab accidentibus in instanti generationis, vel producitur ante instanti generationis & hoc etiam non potest dici, quia ante instanti illam, nondum amisit materia formam; & perinde non amisit sigillationem, & determinationem quam de facto habet: ergo tunc non est sufficienter determinata ad alteram formam, quia non potest simul determinari ad formas incompatibiles. Quare alij dicunt agens determinari in instanti generationis ad producendam hanc formam determinatam, non quidem per dispositiones, quæ tunc sunt: sed satis est dispositiones illas præcessisse antea in corrupto, ut materia dicatur disposita, & determinata ad talem formam.

Sed contra hanc solutionem facile potest obijci: quia hoc, quod est dispositiones præcessisse, nihil reale est in instanti generationis: sed solum est extrinseca denominatio, data à dispositionibus præcedentibus: ergo nihil reale posituum assignatur in instanti generationis, quo tunc agens naturale, quædam materia

determinetur ad hanc numero formam.

Tandem quarta ratio cōclusiōnis à priori, ex dictis I. lib. Physico. petēda est, quia materia prima habet ex se, suam propriam existentiam, imò & subsistentiam: ergo est sufficiens subiectum ad sustentandam accidentia: ergo in instanti generationis, manent in illa eadem numero accidentia, quæ fuerunt in corrupto.

Ex dictis facillè intelligitur, quid sit dispositio vltima, & non vltima, quia cum quælibet forma substantialis ad sui conseruationem requirat certam aliquam qualitatem, ita ut cum minori non possit conseruari, dispositio illa, quæ totaliter expellit illam qualitatem, vltimateque disponit ad corruptionē illius formæ, & ad generationem alterius formæ, quæ præcessit, & permanet in genito, in instanti generationis dicitur dispositio vltima, ontè verò quā ad tantam intensiōnem perueniret, erat dispositio insufficiens, & nō vltima, eadem tamen est, secundum rem, dispositio vltima, & non vltima in accidentibus, quia idem calor qui disponit lignum ad corruptionem, dū est remissus, & insufficiens ad expellendam formam ligni, est dispositio præuia ante corruptionem, & non vltima, idem verò, quando deinde tantam habet intensiōnem, ut omnino expellat formam ligni, est dispositio vltima, manetque in genito. Et hinc, secundo inferitur dis-

positionem vltimam effectiue attingere productionem formæ, & non tantum dispositiue, quia, ut supra dicebam, cum maneat in instanti generationis, optinē potest esse instrumentum generationis ad producendam formam.

Et si obijcias, quia calor, ut octo, oritur à forma ignis, ergo non potest illam cauare. Respondetur, nūquam requiri calorem, ut octo, ad introducendam formam ignis præuiē: sed sufficit calor, ut sex, vel ut quinque: aliās si ad corruptendam aquam esset necessaria præuia dispositio caloris, ut octo, iam aliquando posset dari aqua cum calore, ut octo, atque adeo cum omni calore, quem ignis potest habere, quod est absurdum: ergo nunquam reuerà prærequiritur calor, ut octo, ad generationem: quia ergo à forma substantiali ignis genita oriuntur reliqui gradus quo usque calor præexistens fiat ut octo, ideò dici solet et calorē, ut octo, oriri à forma ignis.

Superest tamen respondeamus ad argumēta contrariæ sententiæ, & in primis ad Ar. respondetur, quod cum dicit in generatione, nō manere aliquid sensibile ex præexistentibus, non loquitur de accidentibus: sed de supposito substantiali, hoc enim est, quod sentitur, ut quod, quia, & passiōes, & actiones sunt suppositorum. Erit ergo sensus, quod in generatione substantiali nullum suppositum præexistens manet, quod verissimum est:

est, manent tamen in materia prima accidentia sensibilia. Et hanc fuisse mentem Aristot. ex eo colligitur, quia eodem loco dicit statim, alterationem fieri manente eodem sensibili, hoc autem non potest intelligi de qualitate sensibili, quia potius per alterationem corrumpitur qualitas, quæ erat antea, qualiter quando corpus sit de nigro album, corrumpitur nigredo: ergo debet intelligi nomine sensibilibus suppositum substantiale, quod idem manet in alteratione. Sic exponit Philosophus in 2. de gener. cap. 4. quem Tolet. & alij hoc tempore sequuntur.

Quando vero, quod difficilius est, asserit, subiectari in ente in actu alterationem, generationem vero in ente in potentia, respondetur tamen, nos non negare, quod accidentia subieciuntur in toto composito: negamus tamen, subieciari in utraque parte, quia quamvis albedo non sit in anima rationali, tamen albedo est in homine, quia est in materia prima, quæ tum sit intime in homine, optime verificatur albedine esse in homine, id est, in materia prima, & ita nos non negamus alterationem esse in homine, id est, in toto composito, quoad altera eius partem, quæ est materia prima: tamen cum generatio sit prior omni forma substantiali, quæ constituit totum in suo esse, nullo modo subieciatur generationi in toto composito.

Tandem quando in cap. de substantia dicitur, Corruptis primis substantijs, nihil aliorum remanere, in-

telligendū est de accidentibus proprijs, quæ pendunt in conservari à forma, non vero de communibus accidentibus, alias propositio falsa esset, saltem in homine, quia corrupto Petro, remanet eius intellectus, & voluntas, quia manent in anima rationali, quæ incorruptibilis est: ergo simili modo, accidentia communia in genito, & corrupto, quæ non pendunt in conservari à forma præexistenti, conservari possunt in materia prima, quæ incorruptibilis est.

Ad tertiam respondetur, axioma illud, quod in generatione substantiale sit resolutio usque ad materiam primam, non inueniri apud Aristotem. enim ait cap. 4. sequenti, generationem esse mutationem nullo sensibili manente: ex quo homines inferunt communiter fieri profus resolutionem usque ad materiam primam: inueniri tamen, quia, ut ex Philosopho, & alijs vidimus, illa particula, sensibile, non significat accidentia, sed suppositum sensibile: Adde secundo, principium illud verissime esse, si sano modo intelligatur, quia quando Philosophi asserunt, in generatione substantias fieri resolutionem, usque ad materiam primam, illi particule, usque, non excludit formas accidentales, sed substantiales, ita ut sensus sit, nihil substantiale præexistens manere, præter materiam primam, & ita substantiis fieri resolutionem usque ad materiam primam, cuius contrarium docuit Scotus, ponens formam contrariam esse contrariam materiam.

Ad quartam respondetur, quod
quomvis dispositiones, quæ fuerint
in corrupto, maneam in genito, ta-
men forma substantialis, quæ adue-
nit, non cadit supra dispositiones,
sed immediate supra materiam pri-
mam, & ita immediate vnitur illi,
solum requiruntur dispositiones,
vt præparent materiam ad recipien-
dam formam, non tamen, vt sint
aliquid interiectum inter formam,
& materiam, ita optime saluatur in
hac sententia, ex materia, & forma
substantiali fieri vnum per se, quia
talis forma non cadit supra dispo-
sitiones, sed immediate supra ma-
teriam primam.

Ad quintam respondetur, formam
substantialem, non ideo appellari
actum primum formalem, quia or-
dine executionis, prius informat
materiam primam, quam forma ac-
cidentalis, quia in opinione om-
nium, prius informat materiam ge-
neratio, quæ est, quidam forma
accidentalisis, quam forma ipsa sub-
stantialis, quia cum sit yz ad talem
formam, debet esse prior, & ideo talis
forma, & est in illo, priori, prius
afficit materiam, quam forma sub-
stantialis, appellatur, ergo forma
substantialis actus primarius ordine
perfectioris, quia est perfectior
formis accidentalibus. Vel secundo,
respondent alij, formam substan-
tialem appellari actum primum,
non prius, vt alij dicunt, ita
vt aliquid addat supra illam, sed ne-
cessaria id est, quod supra nullum
cadit, quia forma substantialis, vt

dixi, non cadit supra dispositiones,
sed immediate supra materiam pri-
mam. Hoc tamen minus placet,
quia hoc modo quantitas posset
appellari actus primus, quia imme-
diatè cadit supra materiam primam
secundum nostram sententiam. Ex
hac facis de hac quaest. *Actus primus*

*Quæst. VI. Vtrum agens naturale pos-
sit producere aliquid ex nihilo, & ita
attingere creationem?*

Aristoteles in hoc capite impos-
sibile censet, agens naturale
producere aliquid ex nihilo, quia
cum sibi obieciisset, ex eodem im-
possibilem generationem simplici-
ter ex non ente simpliciter, & ita
ex nihilo. Respondeo, nequaquam
fieri ex nihilo, sed potius ex non
ente simpliciter in actu, ente tamen
in potentia, & ita merito hinc
assumpta occasio, quæritur im-
terpretes, vtrum creatura, creatio-
nem possit effectivè attingere, tan-
quam causa principalis. Potest au-
tem quæstio duplici sensu intelli-
gi. Primo, vtrum creatura possit at-
tingere creationem, tamquam causa
principalis? Secundo, vtrum saltem
id possit, vt instrumentum? In quo
adhuc duo inquiri possunt. Primò,
vtrum possit esse instrumentum
illius naturalis, & proprium, vt alij
loquuntur. Secundo, vtrum sicut
creatura possit esse instrumentum
commune, id est, de se non magis
accommodatum huic effectui, quam
illi.

Circa primum conveniunt omnes, de facto nullam creaturam attingere, vel aliquando attingisse creationem; Scitanda. Damasc. 1. fidei orthodoxæ c. 7. dicit, impium esse dicere, creaturam aliquam aliquid huiusmodi creasse. Et similia verba habet Aug. de fide ad Petrum, cap. 3. & Cyril. 2. contra Iulian. Et ratio est, quia Scriptura ubi cum quo loquitur de creatione alii cuius creatura illam soli Deo tribuit, & ita Genes. c. 1. dicit, Creavit Deus celum, & terram, ubi nomen celum, & terræ, ut sancti Patres exponunt, comprehendit quid quod creabile est in celo, & in terra. Solum ergo potest dubitari, si ut in sacra posuit attingere creaturam. Toti autem huius rei difficultas in eo consistit, virtutem ad creandum in genere causæ principalis requiratur virtus infinita: nam si sufficit virtus finita, non repugnabit illi creaturæ, quod posuit attingere creationem, ut causæ principalis.

In hac ergo difficultate. Prima sententia est. Ad creandum, non requiritur virtutem infinitam, & proinde creaturam in genere causæ principalis, posse attingere creationem. Tenet præcipue Durand. in 2. d. 1. quæst. 4. Gabriel, labellus eddeni d. 8. quæst. art. 3. Et villis obijciunt, quod esse Creatorem est proprium attributum Dei, quod Deo tribui solet. Respondet verum esse, Creatorem ex sua intrinseca virtute, esse proprium Dei, independentem à

superiori causa; cum hoc tamen, posse creaturam esse causam principalem creationis per virtutem supernaturalem, quæ illi communicari potest, & semper, dependet à Deo. Fundamentum autem huius sententiæ est, quia effectus produciendus per creationem, quid creaturæ, & finitum est: ergo ad illud producendum tota auctoritas divina sufficiens virtus finita, sic enim servatur sufficiens proportio inter effectum, & causam.

Dicendum tamen nobis est cum communis sententia: ad creandum in genere causæ principalis, requiritur virtutem infinitam, & ita nullam creaturam adhuc per divinam potentiam posse attingere creationem in genere causæ principalis, cum qualibet creatura finita, & limitate virtutis sit. Sic docuit D. Thomas. 1. p. quæst. 45. art. 5. & saepe alibi, quem sui discipuli sequuntur. Tenet etiam Scot. cum suis discipulis in 4. d. 1. quæst. 1. Enri. quodlib. 3. quæst. 37. & hæc loco communiter interpretes Arist. & ratio D. Thom. est, quia ad producendum aliquem effectum, etiam ex aliquo subiecto præsupposito, requiritur aliqua virtus: ergo ad producendum ex minori subiecto, maior virtus requiritur, & ex infiniti maior: ergo ad producendum aliquid ex nullo subiecto, infinita virtus requiritur, sed virtus infinita non potest communicari creaturæ: ergo implicat contradictionem creaturam aliquam, esse causam principalem creationis.

Obijciunt tamen plures contra hanc rationem, quia modus iste argumentandi non est legitimus, quia in simili forma argumentationis probari posset, quod si corpus aliquod moueatur in vacuo, non moueretur in tempore, sed in instanti, cuius contrarium ostendimus ex communi sententia. *4. Physic.* Sequela probatur, quia potest confici argumentum, hoc modo: Quanto est minor resistentia, motus fit in minori tempore, eo quod maior resistentia in motu, causat maiorem tarditatem in motu, & ita, quod minor est resistentia, fit motus breviori tempore, & si sit minor resistentia, in breviori, ergo ubi nulla est resistentia, ut in vacuo, fiet motus in instanti: ergo modus ille argumentandi non videtur legitimus. *1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.*

Respondetur tamen, esse longe diuersam rationem, quia, ut ipso citato vidimus, prater resistentiam medij est alia intrinseca causa in corpore naturali, que causat successionem in motu locali, scilicet, habere partes extra partes inter se distantes, ratione quarum fit, quod saltem per naturam, non possit illud corpus in instanti, unico esse in pluribus locis, & ita, etiam ablata, omni resistentia medij, est alia intrinseca resistentia, ne motus fiat in instanti, & ita ille modus argumentandi, quando non procedit a causa ad quata, non est legitimus, at vero, operari ex nullo in potentia subiecti ad quata, arguit maiorem virtutem actiuam, &

ita operari ex nullo subiecto ad quate arguit infinitam virtutem. Neque argumentum contrarie sententiae aliquid probat. Respondetur enim, quod quamuis ad producendum effectum finitum sufficiens sit virtus finita, quantum est ex parte effectus, tamen, quantum est ex parte modi producendi, scilicet, ex nullo subiecto pre-supposito, non est sufficiens, quia operari hoc modo, arguit infinitam virtutem. *1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.*

Maiorem ergo habet difficultatem secunda dubitatio, scilicet, utrum saltem possit attingere creatura creationem, ut instrumentum. Et in primis conueniant omnes, nullam esseabilem creaturam, que ex natura sua ordinetur ad creandum, adhuc, ut instrumentum, licet non sit facile efficiendi huius rei rationem adducere, possemus tamen hoc modo coniectari, quia potentia actiua naturalis, natura sua ordinatur, ad aliquam potentiam passiuam, quia, ut habet communie axioma Philosophorum, quilibet potentia passiuam naturalem debet correspondere potentia actiue naturali, sed talis potentia passiuam residet in subiecto aliquo: ergo ex natura rei, quodlibet agens naturale solum operatur circa subiectum pre-suppositum, & ita producere ex nihilo, solius Dei est proprium. Solum ergo est dubium, utrum saltem supernaturaliter, possit aliqua creatura assumi, ut instrumentum ad creandum? Partem negatiuam

tenet

tenet D. Tho. 1. p. q. 45. art. 5. & clarius 3. p. q. 3. artic. 2. in corpore; ibi enim præcisè affirmat, humanitatem Christi, adhuc ut instrumentum Verbi diuini, non potuisse attingere creationem: legatur etiā 2. contra Gen. cap. 2. 1. & ita videtur S. Th. mutasse sententiam, quam olim tenuit in 2. d. 1. Sequuntur autem D. Th. fere omnes eius discipuli. Et probari potest hæc sententia. Primò, quia creatio est productio totius entis ex nihilo, & ita producit ens in quantum ens; sed nulla creatura, adhuc ut instrumentum, potest producere ens, in quantum ens; ergo nec potest instrumentaliter attingere creationem. Probaturs antecedens, quia si creatura posset producere ens, in quantum ens, posset producere se ipsam, quia continetur intra latitudinem entis, imò & Deum: sed nulla creatura potest se ipsam, vel Deum producere: ergo non potest instrumentaliter attingere creationem.

Secundò, quia ad creandum, adhuc ut instrumentum requiritur virtus infinita, quæ repugnat creaturæ. Et probatur simili ratione, quæ antea probabamus de causa principali creationis, quia ut instrumentum aliquod producat effectum aliquem ex subiecto, requiritur in illo virtus aliqua actiua: ergo ut producat ex minori subiecto, maiorem virtutem debet habere: ergo ut producat ex nullo subiecto ut in creatione debet habere infinitam virtutem, quæ repugnat creaturæ:

ergo etiam debet repugnare illi, esse instrumentum rationis.

Tertio, quia inter ens, & nihil, est infinita distantia, eò quòd non est imaginabilis alia maior: ergo requiritur virtus infinita ad producendum aliquid ex nihilo.

Quartò, quia si creatura posset esse instrumentum creationis: ergo vel esset sola substantia, quæ operatur, & hoc non, quia substantia non est immediatum principium operandi: vel est substantia, mediante aliquo accidenti; & hoc etiam non potest, quia modus operandi sequitur modum essendi: ergo sicut esse accidentis est dependens à subiecto, ita operatio accidentis dependet à subiecto; ergo accedens nihil potest producere, nisi in subiecto præsupposito: ergo non potest attingere creationem.

Tandem probant, quia de ratione instrumenti est, quòd habeat actionem præuiam ante effectum producendum à causa principali, quæ disponatur ad effectum causæ principalis, & ita necessarium est, quòd præsupponatur aliquod subiectum præuium receptiuum illius præuiæ actionis: sed in creatione nullum subiectum præsupponitur: ergo nulla creatura potest esse instrumentum creationis.

Dicendum tamen nobis est, per diuinam potentiam, non repugnare, assumi creaturam aliquam, ut instrumentum ad creandum, non quidem tanquam instrumentum proprium, naturæ suæ ordinatum ad

illam actionem; sed tamquam instrumentum commune, id est, quodd ex se non sit magis ordinatum ad creationem huius effectus: quam illius, ita, ut possit Deus assumere lapidem ad creandum, tam ignem, quam lignum, vel quamvis aliam rem. Quam sententiam tenet Magister in 4. dist. 5. Palatius in 2. dist. 2. quæst. 4. tenent, & Durand. & Abel. supracitatus, cum asserant, non solum ut instrumentum, sed etiam, ut causam principalem posse attingere creationem. Tadem id tenet doctissimus Pater Suarez 5. Meth. d. 2. sectio. 4. Et ratio huius est, quia virtus proportionata, & sufficiens ad actionem aliquam, non requiritur in instrumento, sed in causa principali; qualiter accidentia attingunt instrumentaliter productione substantiæ, quamvis habeant virtutem improporcionatam, & insufficienciam ad illam: ergo satis est, virtutem infinitam, quæ requiritur ad creandum; reperiri in causa principali creationis, quæ est Deus, non tamē debet reperiri in instrumento.

Secundo, quia in cōmuni Theologorum opinione, verba cōsecrationis, quæ aliquod creatum est, effectivē instrumentaliter attingūt productionem substantialem corporis Christi, sub speciebus, cum tamen ex nullo subiecto præsupposito producatur Christus sub speciebus: ergo similiter non repugnabit attingere creationē, ex nullo subiecto præsupposito.

Et si dicas, esse diversam ratio-

nem; quia quamvis ibi fiat corpus Christi ex nullo, tamquam ex subiecto, tamen fit ex aliquo, tãquam ex termino, scilicet, ex pane, quia panis conuertitur in corpus Christi, creatio tamen omnino fit ex nihilo, etiam tamquam ex subiecto, & tamquam ex termino à quo.

Tamen contra est, quia terminus à quo actionis, non est causa actionis, sed solum comparatur ad illam, tãquam ad aliquod præsuppositum, quia quando producit calor ex frigore, ridiculum est dicere, frigus esse causam calefaciendi, cum ergo terminus à quo, non sit causa actionis; nihil iuvat ad actionē, qualiter subiectum iuvat, quia est causa saltē materialis, præstans suum concursum ad illam; ergo dummodo actio fiat ex nullo subiecto, parum facit ad propositū, quodd habeat terminum à quo positivum, vel non; atque adeo, sicut creatura, potest esse instrumentum ad transubstantiandum panem in corpus Christi, ex nullo subiecto præsupposito, ita etiam ad creandum. Denique quodd in hoc nulla sit repugnantia, patebit ex solutione argumentorum contrariæ sententiæ, quia ad probandum non repugnare, satis est ostendere, qualiter repugnantia, quæ in contrariū adducuntur, nulla sint.

Ad argumenta in contrarium adducta respondetur. Ad primum, quodd illa propositio, creatio producit ens in quantum ens, distingui potest, quia illa particula, In quantum,

sum, dupliciter sumi potest, specificatiue, & reduplicatiue, si sumatur specificatiue, facit hunc sensum, creatura producit totam hanc entitatem determinatam, ita quod nihil illius præfuerit antea, & sic est vera propositio. Si autem sumatur reduplicatiue, prout reduplicat totam rationem entis, non solum quæ est in hac determinata creatura, sed in omnia alia, ita quod reduplicet omnem rationem entis, propositio est prorsus falsa, quia quando Deus creat, non producit suam entitatem, nec alias entitates, quæ iam præsupponuntur productæ, aliàs quando creatur anima rationalis, produceretur quodlibet aliud ens.

Quod verò dicunt quidam, saltem produci quicquid producibile est, quale est, non quod iam præsupponitur productum: absurdum est, quia anima rationalis, & infiniti Angeli, qui creati potuerunt à Deo, quando creauit homines, non fuerunt producti.

Ad secundam respondetur, quod quamuis illa optime probet de causa principali: tamen de causa instrumentali nihil probat. Ratio est, quia cum ad rationem instrumenti, non requiratur habere virtutem proportionatam cum effectu, quin potius operatur in virtute causæ principalis, ideo ad producendum effectum ex minori subiecto non requiritur maior virtus in instrumento, satis est, sit in causâ principali, in cuius virtute operatur, quod præsertim verum est in in-

strumento communi, hoc enim de se non ordinatur, nec accommodatur magis ad hunc effectum, quam ad illum, sed supra suam naturam eleuatur, ad producendum talem effectum.

Ad tertium, sunt qui existimant inter ens, & nihil, esse distantiam infinitam. Melius tamen sanctus Th. om. in 4. dist. 5. quæst. 1. articul. 3. ad 5. & Scotus in 4. dist. 1. quæst. 1. asserunt inter ens, & non ens, non esse distantiam infinitam, nisi quando tale ens est infinitum, vt Deus: tamen inter ens finitum, & nihil non est distantia, nisi finita. Et ratio est, quia quodlibet distat à nihilo, secundum gradus entis, quos habet ita quod maius, & perfectius ens, magis distat à nihilo, sed ens finitum solum habet finitos gradus entis: ergo finito modo distat à nihilo. Et ita ad probationem in contrarium adductam respondetur, falsum esse, non esse imaginabilem maiorem distantiam, quàm inter ens, & nihil, si sit sermo de ente finito, nam multò maior est inter ens infinitum, & nihil, quia habet infinitos gradus, & infinitam perfectionem entis, & ita infinite distat à nihilo.

Ad quartum respondetur, quod quamuis accidens secundum modum operandi naturalem, requirat subiectum aliquod, circa quod operatur, quod probat ratio in contrarium adducta: tamen quod hoc sit necessarium, de potentia supernaturali Dei, non probatur,

• Cc iij

quia

quia non repugnat aliquod eleuari ad operandum supra modum naturalem sibi debitum, qualiter aqua Baptismi supranaturaliter eleuatur, ad producendum effectum supernaturalem, & spiritualem, scilicet gratiam.

Ad quintum, vidimus 2. Physicorum disputatione 5. non esse de ratione instrumenti, adhuc naturalis, quod habeat præuiam actionem ante operationem causæ principalis, qualiter phantasma instrumenti concurret ad producendam speciem intelligibilem in intellectu, cum tamen in opinione omnium, ante illam actionem, nullam aliam habet actionem phantasma circa intellectum, & hoc præsertim debet esse verum in instrumentis, quæ eleuantur ad actionem supernaturalem, tamquam instrumenta communia, quia talia instrumenta non ordinantur natura sua ad illum effectum, & ita non habent actionem præuiam sibi propriam ad effectum causæ principalis ordinatam, qualiter in communi Theologorum opinione verba absolutionis effectiue produciunt gratiam in anima consentitis, nullam tamen operationem præuiam habent in illa absolutione.

Sed dubitabit aliquis tandem in hac questione, utrum creatura possit attingere anihilationem? Est autem anihilatio actio destructiua totius entis nihil penitus illius manente, ut si quando lignum corrumpitur, materia etiam corrumpitur,

talis actio esset anihilatio, quia tota res in nihilum redigitur.

In qua re non desunt, qui existiment creaturam, adhuc ut instrumentum, non posse attingere anihilationem, etiam per diuinam potentiam. Et fundamentum esse potest, quia impossibile est, effectum aliquem conseruari, nisi dependenter à Deo, influente in eius conseruationem: ergo nulla res potest attingere, anihilationem, & destructionem talis effectus, nisi impediatur concursus Dei conseruantis eum; durante enim influxu conseruatiuo, talis effectus adhuc conseruatur, sed impossibile est creaturam aliquam habere virtutem, ut impediatur Deum, ne influat in effectum (Deus enim operatur independentem ab omni alio:) ergo impossibile est creaturam aliquam attingere anihilationem.

In hac enim re dico primo, creaturam naturaliter non posse attingere anihilationem, ut causam principalem, nec ut instrumentum. Ratio est, quia sicut nullum agens naturale ordinatur ad producendum aliquod, nisi ex subiecto; ita neque ordinatur ad corrumpendum aliquod, nisi in subiecto, sed quando permanet subiectum alicuius formæ, potius est corruptio, quam anihilatio, quia manet aliquid illius, scilicet, subiectum, quamuis enim subiectum non sit aliquid entitatis illius formæ, tamen est aliquid illius per modum subiecti, quod tollit rationem anihilationis, sicut fieri

ex subiecto, tollit rationem creationis.

Dico secundò, per diuinam potentiam posse creaturam aliquam attingere anihilationem, non solum ut causam instrumentalem, sed principalem etiam. Ratio est, quia non requiritur tantavirtus ad destruendum, quam ad producendum, qualiter ignis non potest producere formam substantialem equi, cum sit logè perfectior ipso igne, tamen illa potest corrumpere per nimiam combustionem, producendo ibi suam formam. Vnde hic etiam habet locum axioma illud: *Facilius est, destruere, quam edificare*. Ratio à priori est, quia per destructionem non ponitur entitas aliqua à parte rei, sed potius tollitur, & ita nullam inuoluit implicationem, quòd creatura aliqua sit causa principalis anihilationis alterius: per quod patet esse diuersam rationem de creatione, & de anihilatione, cum ostensum sit, maiorem virtutem requiri ad producendum, quam ad destruendum.

Neque fundamentum contrarie sententiae aliquid probat, alias etiam probaret nullam creaturam posse attingere corruptionem, ex eo quòd nullo modo posset impedire concursus Dei conseruatiui effectus. Quare respondetur, quòd quamuis creatura non possit impedire concursus Dei, ita quòd quasi renuendo impediatur, potest impedire concursus Dei ratione modificationis in operando, quia Deus operatur modis secundis causis, & ita desinit in-

fluere, exigente id aliqua secunda causa, qualiter exigentibus dispositionibus, formam aliquam definit conseruare præexistentem formam, & hoc modo potest dici, causam secundam impedire concursus Dei conseruatiui effectus. Ex hac de questione, & capite.

Caput IIII. De Alteratione.

Postquam Aristotel. egit de generatione, & corruptione, quæ sunt mutationes substantiales, incipit iam agere de mutationibus accidentalibus, & in hoc capite agit de alteratione. Cuius intentum est, ostendere differentias, quæ versantur inter generationem, & alterationem, & duo agit. Primò, distinguit generationem ab alteratione: in secunda verò parte explicat quasdam dubitationes.

Ad primam accedentes, supponit Aristot. generale esse omni mutationi tam substantiali, quam accidentali versari circa subiectum aliquod; quod transmutetur ab vno termino in alterum: est tamen differentia inter generationem, & alterationem: quòd alteratio, inquit, est transmutatio huius totius in hoc totum, eodem sensibili remanente, id est, manente eodem supposito substantiali, quod est suppositum sensibile, ut quando homo sit musicus: manet idem suppositum sensibile hominis, at verò

generatio est mutatio huius totius in hoc totum, nullo sensibili manente, ist est, non manente aliquo supposito substantiali preexistenti, hanc enim esse mentem Arist. ostendimus cap. precedenti, quæst. 5.

Dubitat tamen Aristot. utrum quando accidentia sunt communia genito, & corrupto, maneant eadē accidentia in genito, quæ fuerunt in corrupto, ut quando ex aere generatur aqua, quorum utrumque diaphanum est: & respondet, reuerā manere eadem accidentia, v. g. eandem diaphaneitatem.

Deinde verò, duas alias differentias ponit, inter generationem, & alterationem, & reliquos motus. Prima est, ex parte termini ad quē, quia generatio terminatur ad substantiam, alteratio verò ad qualitatem, argumentatio ad quantitatem, latio verò, seu motus localis terminatur ad locum, quod intelligendum est, ut 4. Phys. videmus, tamquam ad terminum extrinsecum, quia terminus intrinsecus motus localis, potius est præsentia localis. Secunda differentia est ex parte subiecti, quia subiectum generationis est materia, at verò in aliis motibus, subiectum est materia, & aliquo alio modo, quod quæritur in questione sequenti exponetur. Nam, ut hæc de altera tera capitis.

(1)

DISPUTATIO II.

De Alteratione, & Intensione qualitatum.

IN hac disputatione, quæ utilis, sanè, & perdifficilis est, ut à nominis ethymologia incipiam, nomen, Alteratio, duobus modis sumi potest. Primò, pro quadam mutatione, quæ facit alterum, & non aliud, ratione cuius appellatur alteratio, quia, ut capite de differentia docuit Porphy. differentia accidentaliter facit alterum, id est, diversum accidentaliter. Differentia verò essentialis facit aliud, id est, diversum substantialiter. Si loquamur de alteratione, in hac generali acceptione omnes mutationes accidentales possunt appellari alterationes, quia reddunt subiectum alterum, & non aliud. Sumitur ergo alteratio in præsentia strictè pro mutatione illa accidentali, quæ est productiva alicuius qualitatis, hæc enim iam ex communi usu appellatur alteratio: & ita de finiri potest hoc modo: Alteratio est quidam motus productivus qualitatis. Nec placet eorum sententia, qui alserunt, Arist. definisse alterationem, esse mutationem huius totius in hoc totum, sensibili aliquo manente, & hoc enim generale est ad omnem mutationem accidentalem.

Quæst.

Quæst. I. Qualiter distinguatur alteratio à generatione, & reliquis motibus.

IN hac re plures differentia: assignari solent, inter generationem, & alterationem; quinque sunt præcipuè. Prima ex parte termini ad quem. Secunda ex parte termini à quo. Tertia ex parte subiecti. Quarta in successione ipsius motus. Quinta tamè in latitudine, seu diuinitate ipsarum mutationum.

Primo ergo, ex parte termini ad quem, differunt generatio, & alteratio; quia terminus ad quem alterationis, est accidens, & similiter aliarum mutationum accidentalium, vt in alteratione qualitas, in augmentatione quantitas, & in motu locali vbi; at verò in generatione, terminus ad quem, tam formalis, quam totalis est substantia, quia terminus totalis, est totum compositum substantiale, terminus verò formalis in omnibus (præter hominem) est forma substantialis, simul cum modo vnionis; in homine verò, quia eius forma non fit per generationem, sed per creationem, terminus formalis est tantum modus vnionis, quæ omnia, primo, & secundo Physicorum, disputata sunt, imò idem est in quauis mutatione accidentali, quia per illam non fit forma separata à subiecto, sed in illo, & dependenter ab illo. Vtrum autem forma, & modus vnionis, fiant eadem actio-

ne, vel diuersis, etiam vidimus locò citato.

Secunda differentia est ex parte termini à quo, quia terminus à quo in generatione est priuatio formæ generandæ; terminus verò alterationis est qualitas contraria, quia motus alterationis tendit à contrario in contrarium; vel si qualitas non fiat à contrario, sed à priuatione sui, vt lumen; tunc terminus à quo alterationis, non est qualibet priuatio, sed priuatio formæ accidentalis.

Tertia differentia est ex parte subiecti, quia generationi subiectatur in materia prima, ante omnem formam substantialem; eo quod est via ad illam; ac verò alteratio subiectatur in toto composito, non quidem quòd subiectetur in vtraque parte totius, scilicet, in materia, quam in forma, quia, vt vidimus i. libr. Physicorum, accidentia tantum inhaerent materiæ primæ, sed subiectantur in toto composito, secundum partem materialem, vt sæpissimè locis citatis dixi, & etiam infra dicam. In quo est differentia inter generationem, & alterationem, quamuis vtraque subiectetur in materia prima, quia generatio cum sit via ad producendum compositum, & formam, non debet subiectari in toto composito, tamen alteratio aduenit materiæ habenti iam aliquam formam, & ita supponit formam, non tamquam subiectum, quod, sed tamquam quiddam præ-

uiam existens in materia, & ideo debet subiectari in toto composito, secundum partem materialem illius, & hoc modo exponenda sunt verba vltima Arist. in hoc cap. cum dicit, subiectum generationis esse materiam primam: in alijs vero motibus, materia prima aliquo alio modo, id est, materia prima, secundum quod habet formam, quia ab illa ferè omnia accidentia dimanant, & ita supponunt illam, licet non tamquam subiectum.

Quarta differentia est ex parte successione, quia alteratio quando procedit à contrario in contrarium, vt à frigido in calidum, est motus per se successiuus, scilicet ex vi terminorum, quos per se respicit, quia contrarietas termini à quo, cum termino ad quem, causet motum esse successiuum, & ita alteratio quando procedit à contrario in contrarium, est motus propriè dictus; at verò generatio substantialis nullo modo est successiuus, vt patet in viventibus, quæ producuntur in instanti, vel si est successiva tantum, per accidens est, quia materia in qua introducenda est forma generanda, successiuè disponitur ad generationem, vt patet, quando disponitur lignum ad generationem ignis, ibi prius disponitur vna pars quam alia, tamen propriè loquendo, nulla generatio est successiva, vt videmus in Physico: Ratio est, quia quamuis substantia ex se sit diuisibilis in partes substantiales, tamen ex se, & se-

clusa quantitate, illæ partes non sunt impenetrabiles inter se, & ita, non habent partes extra partes, hoc enim est proprium quantitatis, quia tantum illa habet partes molles, & quantitativas, & ita omnes partes substantiæ non potunt produci successiuè, atque adeò generatio per se, & ex vi terminorum, inter quos versatur, non est successiva: sed tantum per accidens ratione prauitæ alterationis.

Et hinc patet quinta differentia, inter generationem, & alterationem, quia generatio, quamuis habeat partes correspondentes partibus termini, scilicet partibus substantiæ productæ, tamen non sunt partes per se successivæ: sed in instanti esse possunt, per se (vt dictum est.) Quod verò generatio, quantumvis sit in instanti, habeat partes, probatur, quia substantia, quæ per generationem produci- tur, habet ex se partes, integrales realiter diuersas, vt vidimus I. libro Physicor. ergo componitur etiam generatio ex partibus proportionatis partibus substantiæ. Patet consequentia, quia inter actionem, & terminum, debet esse proportio in diuisibilitate.

Secundò, quia quando cadaver, vel viuens produci- tur in instanti, potest de potentia absoluta produci vna pars sine alia, quia de potentia absoluta, potest Deus formam quamlibet, sub quavis quantitate, conseruare: ergo generatio partialis vnius partis potest dari sine gene-
ratione

ratione partiali alterari: sed ea quæ realiter separari possunt, & realiter distinguuntur, ergo generari, quælibet componitur ex pluribus partibus, & ita sicut in termino producto per generationem, scilicet in substantia, dantur partes, & indivisibilia, ut vidimus. 6. Phys. ita in generatione debent dari partes, & indivisibilia correspondentia indivisibilibus termini, & continuantia partes diuisibilis generationis.

Neque obstat, quod generatio sit instantanea, quia hoc solum tollit, quod generatio instantanea sit successiva, & non tamen, quod habeat plures partes simul in illo instanti coexistentes, sicut substantia habet partes, quantum in instanti producatur tota simul, & idem est proportionaliter modo, dicendum in quantum alia actione productiva termini, & diuisibilis, quantum fiat in instanti, ut si illuminatio esset in instanti. Et hæc de hac questione.

Quest. II. Vtrum alteratio sit motus continuus.

Tota huius questionis difficultas in eo consistit, vtrum alteratio duret tempore aliquo, inde enim consistit, vtrum sit motus continuus, quia motus esse continuum, non est aliud, quam durare tempore continuo. Et in primis non est, quæstio de mutationibus alterantibus instantaneis, qualiter color in instanti producit species visibiles

in potentia visiva, ut dicam secundo de anima, quæ productio est quædam alteratio, quia species visibiles, quæ producantur, quodammodo potentiam visivam immutant, & illam alterant: loquimur ergo de alteratione, quæ fit à contrario in contrarium, hæc enim fit successiva. Potest autem dupliciter intelligi alterationem esse continuam, scilicet, quoad intensiorem, ita quod motu continuo intendatur, & etiam quoad extensionem per subiectum, ita quod continuè per illud extendatur.

Quo supposito, prima sententia affirmat, alterationem non esse motum continuum, tamen quoad intensiorem, quam quoad extensionem, sed fieri in instanti per minimam, ita quod in instanti producat agens quædam partem intensiorem minimam, & deinde tempore aliquo quiescat, quousque in altero instanti producat alteram partem minimam intensiorem, & sic de reliquis.

Alij, verò docent, alterationem fieri hoc modo per minimam, quoad extensionem, ita quod agens in instanti alteret quædam partem minimam subiecti, & sic de reliquis instantibus, & ita nunquam fit motu continuo. Alij utrumque docent, scilicet, neque fieri continuè quoad extensionem, neque quoad intensiorem. Quam sententiam sequuntur plures ex Thomist. Capr. in 2. dist. 17. q. 2. Soncin. 8. Meth. q. 22. label. & Ferr. 3. Methap. tex.

3. Auct.

3. Auer. a. Physic. comment. 6. Et probant suam sententiam ex Aristotel. 8. Physic. text. 23. ubi dicitur, quod asserere *aliquid continuū alterari, est valde manifeste aduceri*. Et ratione videtur probari posse. Primo, quia quando agens aliquod operatur cum resistentia contrarij, non potest operari nisi instanti, et quod necessarium est, resistentiam illam paulatim vinci: ergo quando aliquod subiectum alteratur a contrario in contrarium, in quolibet instanti, assignabili, agens nihil operatur: ergo tunc datur quies; sed in quolibet tempore assignabili, datur infinita instantia: ergo per nullum tempus potest continuari alteratio.

Secundo, quia si alteratio continuatur tempore aliquo, requiritur in fine illius temporis dari infinitus calorem productum: Probatur, quia in singulis partibus illius temporis produciuntur aliquae novae partes caloris: sed in tempore datur infinitas partes: ergo in fine illius temporis daretur infinitus calor productus.

Dicendum tamen est, alterationem esse motum propriū dicitur, & continuum; tamen quoad intentionem, quā quoad extensionem, non quidem continuum; ita quod in toto vitae tempore daret, quia lignum non semper calefit. Sed ita continuum, quod non fiat in instanti, sed potius daret tempore aliquo. Quam conclusionem iniquam videntur repent ferē omnes Auctores in:

hoc ap. 80; in Physic. num. 10. ubi Aristot. restatūm enumerat hūmū, scilicet augmentationem, aliter rationem, & motum localem: ergo loquitur de motibus continuis, & successivis per se loquendo: quasi de quavis mutatione, etiam instantanea loqueretur, etiam motus ad substantiam esset continendus; idque sepe sepius docet 16. Physic. agens de divisibilitate motus.

Sed ratione potest facile ostendi, & primo, quod alteratio sit motus continuus, quod intentio dicitur. Probatur, quia quando subiectum fit ex frigido calidum, produciuntur calorem cum resistentia contrarij: ergo non potest produci per instantia, sed tempore divisibili, & successivē vincatur resistentia.

Secundo, quia motus localis, in opinione omnium, continuus est, cuius nulla alia ratio est, nisi quia partes quantitatis sunt ex natura rei incommensurabiles in eodem loco, & ideo opus est, quod successivē succedat una post aliam; sed eodē modo, quod in contrariis, sunt ex natura rei incommensurabiles in eodem subiecto: ergo necesse iriū est, quod pluriūm videretur pulsatur, & alia succedat: ergo alteratio est motus continuus.

Quod verō alteratio sit motus continuus quoad extensionem, probatur, quia aliter daretur agens naturale debite applicatum pallo, & non ageret in illud, quod est impossibile; quia agentia naturalia agunt, ut ipso quod possunt.

Sequ. la

Sequela probatur, quia si in facto
hæc instans, in quo est agens appli-
catum passio; vel in tempore se-
quæti; agit, vel non agit; si agit, ergo
iam alteratio est in aliquo tem-
pore continuo: si non agit: ergo
statim tempore aliquo agens natura-
le applicatum passio; quin agat in
illud.

Ad Respondentem contrarij; quod
quavis in illo tempore non est
alteratio, tamen ad huc agens
agit disponendo passum, ut deinde
in instanti sequenti recipiat quali-
tatem producendam per alteratio-
nem. Item contra est, quid non
omnis qualitas requirit aliam pri-
mam qualitatem præviā, quæ dis-
ponit ad illam; quia saltem primæ
qualitates, ut calor; & frigus, non
prærequirunt aliam primam præ-
viā qualitatem, disponentem ad
illas, aliā daretur processus in infi-
nitum: ergo cum producat calor;
& aliæ primæ qualitates, non ha-
bet idem hæc solutio. Secundo,
quia si tempore illo disponitur sub-
iectum; tunc actio, quæ disponitur,
est alteratio quædam; nihil enim
potest tunc produci; nisi qualitas
disponens: ergo iam alteratio est
quæ est continua; atque idem erit
de quavis alia actione alteratiua,
quæ fit inter terminos contrarios.

Ad Respondentem hoc loco satis dis-
ficilis dubitatio. Et cum non solum
qualitas, sed indivisibilia qualitatibus
producantur motu continuo; &
successivo. Videtur enim indivisi-
bile; non posse produci motu con-

tinuo, & successivo; quia indivisi-
bilia non habent partes, quæ suc-
cessivo producantur. *Ad*
Ad Vtamen rem habentia sui prin-
cipijs exordimur; nonnulla ex
his quæ diximus. & Physicorum
supponenda sunt. Primum, ergo sup-
ponendum est, qualitatem dupli-
cem habere divisibilitatem, scilicet;
& quædam intensiōem, & quædam ex-
tensionem, & ita habere partes in-
tensionis, quæ sunt partes graduales,
& etiam partes extensionis pro-
prias, & sibi intrinsecas, extensus
tamen ad extensionem subiecti.

Secundo, supponendum est, in
qualitate esse duo genera indivisi-
bilia, quia, & sunt indivisibilia
intensionis; scilicet; quæ termi-
nant, & continuant partes inten-
sionis; quia cum gradus qualitatis
inter se quoad intensiōem conti-
nuentur, necessarium est dentur
in qualitate indivisibilia continua-
tiua, & terminatiua partium inten-
sionis. Nec enim dici potest, qua-
litatem hoc modo esse continuam
ratione indivisibilium quantitatis,
quia indivisibilia quantitatis sunt
indivisibilia continuatiua extensio-
nis, ergo non possunt esse conti-
nuatiua intensiōis. Quæ est latitu-
do diversæ rationis a latitudine ex-
tensionis, ac per consequens postu-
lat continuatiua diversæ rationis;
sed quia intensiō qualitatis est ex-
tensa per subiectum; qualiter calor;
ut actio; est extensus per ignem;
ideo etiam dantur in qualitate indivi-
sibilia extensionis, continua scilicet
&

& terminatiua partium extēſionis.

Tertio ſupponendum eſt, quod quamuis indiuiſibilia intēſionis, ſint indiuiſibilia quoad intēſionem, tamen quoad extenſionem diuiſibilia ſunt, & ita ſubiectantur in parte quanta, & diuiſibili, vt late oſtenſum eſt loco citato. Et breuiter nunc Ratio eſt, quia intēſio qualitatis eſt in ſubiecto diuiſibili; ſed non poteſt talis intēſio eſſe intrinſecē continua quoad intēſionem per indiuiſibilia continuatiua, quæ ſunt in alio ſubiecto: ergo neceſſarium eſt talia indiuiſibilia intēſionis ſubiectari in parte diuiſibili, in qua eſt ipſa intēſio.

Ex confirmatur, quia impoſſibile eſt calorem, vt octo, eſſe extenſum per ſubiectum, niſi illud indiuiſibile terminatiuum, quo fit, vt octo; eſſet etiam extenſum. Et ratio à priori eſt, quia non repugnat rem indiuiſibilem vno modo, alio modo eſſe diuiſibilem, ſiue linea eſt indiuiſibilis quoad latitudinem; tamen quoad longitudinem diuiſibilis eſt.

Hinc vltcrius fit, cum indiuiſibilia intēſionis (cum ſaltem quoad extenſionem diuiſibilia ſint) quod habeant partes extenſionis, & indiuiſibilia continuatiua, & terminatiua extenſionis illius indiuiſibilis intēſionis. Similiter indiuiſibilia extenſionis qualitatis, quæ ſubiectantur indiuiſibilibus extenſionis quantitatis, quoad intēſionem diuiſibilia ſunt: qualiter quando albe-

do eſt magis intēſa, habet puncta, lineas, & ſuperficies magis intēſas, quam alia albedo remiſſa, & ita indiuiſibilia extenſionis qualitatis, cum ſint diuiſibilia quoad intēſionem, habent ſuas partes intēſionis, & indiuiſibilia, terminatiua, & continuatiua alium partium intēſionis.

Vltimo ſupponendum eſt, indiuiſibilia qualitatum contrariarum contraria eſſe, ſicut quantitates ipſæ contrariæ ſunt. Ratio eſt, quia indiuiſibilia extenſionis qualitatis, v. g. caloris, & frigoris habent ſuam diuiſibilitatem quoad intēſionem: ergo ſicut calor & frigus in gradibus intēſis contrariantur, ita etiam indiuiſibilia in gradibus intēſis, quæ omnia latius videri poſſunt 6. Phyſ. diſt. 1. q. 1. & 2. & 3. in 1. p. 1. r. 1. q. 1.

His ſuppoſitis, dico primo, quod in qualitatibus, quæ producuntur in inſtanti, quales ſunt ſpecies ſenſibiles, etiam indiuiſibilia producuntur in inſtanti. Ratio eſt talis, quia tales qualitates in ſuo eſſe integrantur ex ſuis partibus, & ex indiuiſibilibus illarum partium: ergo ſicut qualitas in inſtanti produci- tur, neceſſarium eſt etiam indiuiſibilia producantur in inſtanti.

Dico ſecundo, quando qualitas aliqua producitur ſuccelluē à contrariis in contrarium, vt quando produci- tur calor ex frigore, itaquam ex termino à quo, tunc etiam quodlibet indiuiſibile qualitatis produci- tur motu ſuccelluō, & continuo. Pro qua ſententiā pauci ex au-

thor.

toribus citari possunt, eo quòd difficultas hæc à nemine disputatur: possumus tamen efficaci ratione illam probare, quia huiusmodi indiuisibilia habent partes, vt vidimus, & habent inter se omnimodam contrarietatem: ergo producantur motu continuo & successiuo, quia non alia ratione ipsæ qualitates cōtrariæ successiuè producantur, nisi quia habent latitudinem partium, & contrarietatem inter se.

Et si obijcias, quia in quolibet motu continuo dantur sua indiuisibilia continuatiua partium diuisibilium motus, sicut in alio quolibet continuo dantur sua continuatiua, huiusmodi autem indiuisibilia motus, sunt mutationes quædam indiuisibiles, & instantaneæ, vt vidimus 3. Physico. disput. 1. ergo in motu alterationis necessarium est, assignare mutationes aliquas indiuisibiles, & instantaneas continuatiuas partium diuisibilium motus, quæ mutationes debent producere aliquem terminum indiuisibile, quia sunt mutationes indiuisibiles, & instantaneæ: ergo indiuisibilia qualitatis hō possunt produci motu successiuo. Respondetur, in qualitate dari indiuisibilia, prorsus indiuisibilia, & ita produci per mutationes prorsus indiuisibiles, & instantaneas.

Pro quo aduertendum est, quòd indiuisibile intensiōis, quoad intensiōem indiuisibile est, & diuisibile quoad extensionem, quia

componitur ex partibus diuisibilibus quoad extensionem, ac proinde ex indiuisibilibus extensionis illius indiuisibilis, & ita hæc indiuisibilia, quæ continent extensionem indiuisibilis intensiōis, sunt prorsus indiuisibilia, tam quoad intensiōem, quàm quoad extensionem.

Quòd sint indiuisibilia quoad intensiōem probatur, quia si essent diuisibilia quoad intensiōem, indiuisibile intensiōis, quod ex illis integratur, iam haberet aliquam intensiōem ratione suorum indiuisibilium, & ita nō esset indiuisibile quoad intensiōem. Quòd verò sint etiam indiuisibilia quoad extensionem, probatur, quia continent extensionem indiuisibilis intensiōis: ergo sunt indiuisibilia etiam quoad extensionem, sicut quia linea continuat partes superficiei quoad latitudinem, est indiuisibilis quoad latitudinem: ergo reuerà dicendum est, indiuisibilia extensionis, ex quibus integratur indiuisibile intensiōis, esse prorsus indiuisibilia, tam quoad intensiōem, quàm quoad extensionem, & ita debent produci per mutationes prorsus indiuisibiles, & instantaneas.

Idem est suo modo de indiuisibilibus intensiōis, ex quibus integratur indiuisibile extensionis qualitatis, quia indiuisibilia intensiōis qualitatis sunt diuisibilia quoad intensiōem, vt vidimus, & ita debent habere sua indiuisibilia continuatiua illius intensiōis, ac pro-

inde, ista indiuisibilia, quæ continuant intensionem indiuisibilis extensionis, debent esse indiuisibilia quoad intensionem, semper enim indiuisibile caret ea latitudine, quâ continuat, & ita indiuisibilia intensionis, necessariò debent esse indiuisibilia quoad intensionem: sed indiuisibilia indiuisibilis extensionis, etiam necessariò sunt indiuisibilia quoad extensionem, quia integrant rem quamdam indiuisibilem quoad extensionem: ergo necessarium est, quòd indiuisibilia intensionis, ex quibus componitur indiuisibile extensionis ipsius qualitatis, sint prorsus indiuisibilia, & ita producantur mutationibus instantaneis, & indiuisibilibus. Vnde patet, quibus indiuisibilibus correspondant mutationes indiuisibiles, & instantaneæ motus alterationis.

Potest autem hæc tota doctrina exemplo explicari, quia sicut in quantitate, superficies continuatur lineis, & lineæ punctis omnino indiuisibilibus, ita non mirum est, quòd qualitas componatur ex indiuisibilibus tam extensionis, quàm intensionis, quæ iursus integrantur ex alijs indiuisibilibus, quæ sunt prorsus indiuisibilia.

Superest tamen respondeamus ad argumenta supra adducta, eorum, qui existimabant, augmentationem, & alterationem, non esse motus continuos.

Ad Aristotelè respondetur, illum non intendere illos non dura-

re aliquo tempore continuo: sed solum intendere, non esse motus continuos, id est, perpetuos: disputat enim eo loco cetera Heraclitum asserentem, omnia semper moueri, & ita aduersus illum probat, alterationem, & augmentationem, non esse motus continuos, id est, perpetuos.

Ad secundam rationem respondetur, verum esse, quòd agens, quod passum alterat motu procedente à contrario in contrarium in singulis instantibus, non producat aliquid diuisibile qualitatis, tamen in singulis instantibus produciuntur illa indiuisibilia, de quibus nunc agimus, quæ cum prorsus indiuisibilia sint, debent produci mutationibus instantaneis, & indiuisibilibus, quibus continuantur partes diuisibiles motus, correspondentes partibus diuisibilibus terminis, & ita optime saluatur, alterationem esse motum continuum.

Ad tertium, solum probare, in fine illius temporis, quo durat alteratio, dari producta qualitatem infinitam, secundum partes proportionales, quia sicut ipsum tempus, quo mensuratur alteratio, solum est infinitum secundum quid, scilicet secundum partes proportionales, non tamen secundum aliquotas, ita absolute, talis qualitas finita est.

Possent tamen hoc loco dubitari, utrum alteratio habeat minimū? Quæ difficultas expedienda est iuxta opinionem, quam quis tenuerit circa

circa minimum qualitatum. Qui enim existimant, qualitates habere minimum, consequenter tenentur fateri, dari minimam alterationem, qua non possit esse minor. Qui verò tenuerint in qualitatibus secundum se præcise consideratis, & nõ quatenus sunt dispositiones conseruatiue subiecti, nullum dari minimum, tam intensiõis, quàm extensiõis, quod probabilius esse diximus 1. Physicor. disputat. 3. consequenter dicendum est, non dari minimam alterationem: sed sicut qualitas est diuisibilis in infinitum in partes minores, & minores proportionales, ita & alteratio, & ita non dari minimam alterationem.

Quæstio III. Quid sit intensio qualitatis, & quæ ratione distinguatur ab alteratione?

TRia in hac quæstione videnda sunt. Primum, utrùm alteratio distinguatur specie ab intensiõne? Secundum, utrùm distinguatur realiter ab illa? Tertiũ, utrùm remissio sit motus positivus, & propriè dictus, & quomodo distinguatur ab alteratione? Et circa primum videtur, quòd saltem distinguantur essentialiter, quia motus distinguuntur per terminos ad quos, & à quibus: sed alteratio, & intensio habent saltem diuersos terminos à quibus, quia alteratio tendit à contrario in contrarium: intensio verò à minori gradu ad maiorem eius-

dem qualitatis, non verò à contrario in contrarium: ergo distinguuntur essentialiter.

Dicendum tamen est, alteratiõnem, & intensiõnem non esse motus essentialiter diuersos. Probatur, quia habent terminos ad quos, & à quibus eiusdem speciei: ergo & ipsi motus nõ distinguuntur specie. Probatur antecedens, quia in primis habent eosdem terminos ad quos, quia alteratio producit calorem de nouo, intensio verò producit nouam partem caloris, priori super additam, scilicet, gradum nouum: sed totus calor, & pars caloris, non distinguuntur essentialiter, nisi tantum secundum magis, & minus, ad modum quo pars quantitatis, & tota quantitas non distinguuntur specie: ergo.

Quòd verò habeant terminos à quibus eiusdem speciei, probatur, quia alteratio quæ aliquid incipit de frigido fieri calidum, prouenit à totali contrario, prout causat priuationem totius caloris: intensio verò tendit à partiali contrario, prout causat priuationem maioris caloris producendi, idè enim subiectum non habet calorem de nouo productum per intensiõnem, quia habet gradus frigoris impossibiles cum illo: ergo sicut calor maior, & minor non distinguuntur specie ita, nec priuationes totius caloris, vel partis caloris causatæ, à contrario nõ distinguuntur specie: atq; adeò alteratio, & intensio, etiã habent terminos à quibus eius-

D d ij dem

dem speciei. Per quod patet solutio ad rationem dubij, falsum enim est, quod intensio non procedat à contrario, prout causat priuationem caloris noui producendi per intensionem.

Addo præterea, cum hoc optime stare, quod intensio procedat à minori ad maius, quia minus ibi non sumitur pro relatione minoritatis: sed prout dicit priuationem maioris caloris producendi per intensionem. Et quod hoc ita sit dicendum. Probatur, quia nomine minoris qualitatis tria tantum possunt significari. Primum, ipsa qualitas, quæ denominatur minor, & hæc præcisè sumpta non est terminus à quo intensionis, quia in omni mutatione, adueniente termino ad quem, debet expelli terminus à quo formalis, eo quod terminus à quo, & ad quem, sunt incompossibiles: sed quando aduenit maior qualitas producta per intensionem, nulla qualitas, nec aliquis gradus præexistens expellitur: sed potius supra gradus præexistentes alius de nouo additur: ergo minor qualitas præcisè non est terminus à quo intensionis, in ratione qualitatis.

Quod verò terminus à quo, sit minor qualitas, prout dicit priuationem, non verò relationem minoritatis, probatur, quia maior qualitas est terminus ad quem intensionis, non prout dicit relationem maioritatis, quia ad relationem non datur per se motus: ergo neque est

terminus à quo, prout dicit relationem minoritatis: restat ergo, terminus à quo intensionis, esse minorem qualitatem, prout dicit priuationem maioris qualitatis producendæ per intensionem: vnde sicut alteratio, vt vidimus §. Physicorum, quando procedit à contrario in contrarium, verbi gratia, à frigido in calidum, non habet duos terminos à quibus contrarios, scilicet, frigus, & priuationem caloris, quia ipsum frigus inuoluit priuationem caloris producendi, & ita idem motus tendit à frigido in calidum: & à non calido in calidum: ita etiam in intensione est tendentia à contraria qualitate, prout inuoluit priuationem maioris qualitatis producendæ per intensionem, ita quod non sint duo termini à quibus diuersi.

Ex quo patet solutio ad aliam dubitationem, quæ hoc loco disputari solet, scilicet, vtrum intensio sit motus propriè dictus? Et dicendum est, non omnem intensionem esse motum propriè dictum, vt patet de intensione luminis. Ratio est, quia ad rationem motus propriè dicti requiritur, quod sit per se successiuus, & non per accidens, hac enim ratione nutritio non est motus propriè dictus, quia solum est successiuus per accidens, scilicet ratione præuix alterationis, quia materia alimenti paulatim disponitur ad nutritionem: sed intensio luminis non est motus per se successiuus, quia cum lumen produ-

catur

catur absque resistantia contrarij, in instati possit intendi, solum intenditur successiue per accidens, quia luminosum, scilicet, magis, ac magis applicatur successiue partibus medijs, & ita magis, ac magis intenditur lumen in illis. ergo intensio qualitatis non semper est motus proprie dictus.

Dico tamen secundò, tunc intensio est motus proprie dictus, quando tendit à contrario causante priuationem maioris qualitatis producenda per intensiorem, qualiter frigus, ut quatuor, causat priuationem caloris, ut quinque, producendi per intensiorem. Ratio est, quia tunc est motus successiuius per se, scilicet, ex vi terminorum, quos per se respicit, quia tendit à contrario, prout causat priuationem maioris qualitatis contrariæ, quæ producit per intensiorem: ergo est motus per se successiuius, atque adeò proprie dictus.

Circa secundum, scilicet, utrum alteratio, & intensio sint motus realiter diuersi: Dico primò, non semper intensio est motus realiter diuersus ab alteratione, quin potius quando incipit qualitas produci, eo dem motu, quo producit, intenditur. Ratio est facilis, quia non est debilis calor, quin sit aliquantulum intensus in parua, vel magna intensio: ergo nulla est calefactio, quæ non sit intensio.

Et explicatur hæc ratio, quia cum calor sit diuisibilis in infinitum,

in partes minores, & minores, nisi quam damus partem, quæ non sit ulterius diuisibilis. ergo nulla est debilis alteratio, quæ non habeat rationem intensiōis: cum hoc tamen semper distinguitur, saltem accidētaliter ab intensiōe, quia eadem actio in quantum de nouo producit calorem, præcedente totali priuatione illius, appellatur alteratio: eadem uerò in quantum semper illud producit à minori ad maius, est intensio.

Dico tamen secundò, aliquando intensiōem esse actionem realem diuersam ab alteratione, scilicet, quando post productam iam qualitatem, iterum noua actione intenditur magis, ut si postquam agens aliquod produxit calorem in ligno, deinde accedat ignis, & illum magis intendat, tunc talis intensio est actio realiter diuersa ab alteratione. Ratio est, quia habet terminum realiter diuersum à priori actio: ergo est actio realiter diuersa ab illa. Antecedens patebit infra: ostendimus enim gradus qualitatis distingui realiter inter se, quia priores realiter dantur sine posterioribus, ut patet in calore remisso: ergo intensio productiua posteriorum graduum præsupponit priores productos per aliam priorem actionem: nam fieri potest, calorem eadem actione continua produci à primo usque ad octauum gradum, quia omnes gradus efficiunt unum, & eundem calorem continuū, & ita potest una continua actione successiue

Dd iij pro-

produci ab eodem agente, quæ actio in quantum incipit de nouo producere calorem, appellatur alteratio, in quantum verò semper intenditur à minori ad maius, est intensio.

Circatertium, vtrum remissio sit motus positiuus, & distinctus ab alteratione, & intensione, est quorundam sententia satis in Scholis recepta, cuius Auctor est Durand. in 1. dist. 17. quæst. 7. num. 2. remissionem esse motum positiuum, & propriè dictū: existimat enim terminum ad quem remissionis, non solum esse priuationē maioris caloris præexistens: sed esse aliquid positiuum, scilicet, qualitatem, prout minorem, quæ ratione, dicunt constitui in ratione minoris, gradum quemdam positiuum, qui dicunt esse terminum ad quem remissionis: hæc tamen sententia falsa est, & omnino intelligibilis.

Quare dicendum est, remissionem non esse motum positiuum, atque adeò neque motum propriè dictum: sed potius esse actionem quædam negatiuam, cuius terminus ad quem, est tantum priuatio maioris caloris, qui antea præexistebat, quod non obscure videtur indicasse Aristot. cap. de augmentatione, vbi in simili de diminutione ait, quod augmentatio sit aliquo accedente, diminutio verò aliquo recedente: vbi reuerà intelligit per diminutionem non poni aliquod, sicut per augmentationem: sed potius tolli. Et ratio est, quia

quando calor totaliter desinit, illa actio est corruptio totalis caloris, quia quamuis simul cum corruptione caloris sit adiuncta alia actio positia, quæ est productio frigoris, tamen desinitio ipsius caloris formaliter fit per actionem corruptiuam: ergo similiter, quando calor per remissionem partium desinit, & secundum aliquos gradus, talis actio debet esse corruptio, non verò actio positia terminata ad aliquam entitatem physicam.

Secundò, quia calor, vt quinque per solam detractionem aliquorū graduum sufficientissimè fit minor quàm antea, quia habet minus quàm antea: ergo per solam detractionem remittitur absque productione alicuius modi positiui. Dicendū ergo est, terminum ad quem remissionis esse minorem qualitatem, prout formaliter dicit carentiam maioris, ad quam carentiam sequitur relatio minoritatis, & ita remissionem esse quamdam corruptionem partialem.

Sed contra hoc obijciunt, quia omnis negatio, vel carentia fundatur in aliquo positiuo: ergo debet dari aliquis modus positiuus, in quo fundetur illa carentia maioris qualitatis, atque adeò modus ille positiuus erit primarius terminus. Respondetur tamen, carentiam præsupponere saltem entitatem positiuam subiecti, in quo sit, quia priuatio præsupponit subiectum: alium tamen modum positiuum fingere, à quo oriatur, chimericum valde

valde est, quia in corruptione luminis priuatio illius causata per talem corruptionem, solum fundatur supra entitatem positiuam subiecti, in quo per corruptionem inducitur talis priuatio luminis: nihil enim de nouo producitur, quando corrumpitur lumen, in quo intelligimus priuationem luminis.

Addo præterea, quod quando remissio alicuius qualitatis causatur ex intensiōe qualitatis contrariæ, qualiter frigus remittitur, quando calor intenditur, tunc priuatio illa oritur ex intensiōe contrariæ qualitatis, quia cum vnum contrarium sit causa formalis expulsiōis alterius, corruptio partialis vnius oritur ex positiua intensiōe alterius, tamen quia non semper remissio vnius qualitatis oritur ex intensiōe contrariæ qualitatis, quia quando lumen remittitur, nulla qualitas introducitur eo quod non habet contrariam qualitatem, ideo dixi priuationem illam productam per remissionem, sufficienter fundari supra entitatem positiuam ipsius subiecti, in quo per ablationem alicuius gradus præexistentis inducitur priuatio illa qualitatis maioris præexistentis.

Dico secundò, remissionem esse actionem realiter distinctam ab alteratione, & intensiōe, saltem distinctiōe negatiua, ad modum, quo supra dicebam, generationem & corruptionem distingui realiter negatiue, quia potest dari remissio sine alteratione, & intensiōe eius-

dem qualitatis: ergo distinguitur realiter ab illis. Probatur antecedens, quia postquam calor productus est, per alterationem, & per intensiōem peruenit usque ad octo gradus, deinde ab agenti aliquo potest paplatim remitti: sed tunc, quando durat remissio, neque est intensio caloris, neque productio illius: sed præcesserunt antea, sicut quamdiu durat alteratio, & intensio, non durabit remissio, nec tunc erat, quia non potest eadem qualitas simul intendi, & remitti: ergo datur remissio alicuius qualitatis sine alteratione, & intensiōe illius, atque adeò remissio est actio realiter distincta ab alteratione, & intensiōe eiusdem qualitatis. Et hæc de hac quæstione.

Quæstio III. Vtrum per additionem gradus ad gradum fiat intensio qualitatis?

HAc in re supponendum est, solam qualitatem, & alterationem ad illam terminatam, & relationes aliquas supra illam fundatas, recipere intensiōem, secundum partes graduales, non verò rem aliquam alterius prædicamenti. Et in primis de substantia, quod non possit intendi, & remitti, est communis sententia, quam docet D. Tho. 1.2.5.q.5.1 art.1. quia vna aqua, non est magis aqua quam alia, nec vna materia quam alia, quauis sit maior extensiuè. Et vt plures alias ratio-

Dd iiiij nes

nes omittam, ad rem hanc probandam minus efficaces, breuiter hac ratione probatur, quia formā aliquam intendi, est acquirere plures partes graduales in eadem parte subiecti, ita quod plures partes formæ correspondeant eidem parti subiecti: tunc enim calor intenditur, quando acquirit plures gradus in eadem parte subiecti, sicut autē plures formæ totales substantiales, non possunt esse in eadem parte materiæ, habent enim omnes formæ substantiales inter se naturalem repugnantiam, ita formæ substantiales non possunt intendi in subiecto.

De quantitate etiam est facilis ratio, quia natura quantitatis est habere partes extra partes, & non partes intra partes, qualiter requiruntur ad intensionem, & eadem ratio est de figura, & vbi, quæ etiam habent partes extra partes: & idem est de quando, quia duratio etiam habet partes extra partes successive, & duratione; de situ patet, ac tandem de relatione. Probatur, quia vna paternitas non est magis paternitas, quam alia. Addo tamē, relationem posse recipere magis, & minus intensiue, quia cum relatio proportionetur cum fundamento, sicut qualitates, in quibus fundatur relatio similitudinis, possunt recipere magis, & minus intensiue: ita etiam similitudo intensiue potest esse maior, & minor. Et ita patet, solam qualitatem, & alterationem ad illam, terminatam, & re-

lationes in illa fundatas, esse intensibiles, & remissibiles. Restat autem examinare, quomodo fiat huiusmodi intentio, & remissio in qualitatibus, quia de alijs quid simile erit dicendum.

De hac ergo re varia sunt Philosophorum placita. Prima sententia fuit asserentium, in intensione, v.g. quando calor intenditur, totum calorem præexistētem corrumpi, & alium de nouo, præexistenti perfectiorem produci. Similiter in remissione corrumpi totam qualitatem præexistentem, & de nouo produci aliam perfectiorem, tenet Durand. in 1. dist. 17. num. 25. Niphus 5. Physic. in fin.

Probat autem Durand. suam sententiam, quia sicut motus localis se habet ad vbi, seu, præsentiam localem: ita alteratio, seu intensio ad qualitatem: sed per motum localem continuo variantur præsentiae locales, & cum noua præsentia acquiritur, alia præexistens corrumpitur: ergo similiter in motu alterationis, seu intensionis, non est eadem qualitas, sed semper alia, & alia.

Secundò, quia in omni mutatione, terminus à quo, expellitur adueniente termino ad quem: sed in motu intensionis terminus à quo est qualitas remissa, eo quod intentio procedit à remisso: ergo adueniente qualitate intensa, quæ est terminus ad quem intensionis, debet corrumpi qualitas remissa, quæ erat prius.

Tan-

Tandem, quia ex Aristot. 1. Physic. in quavis mutatione solum manet subiectum commune utrique termino: ergo in intensione non manet qualitas præexistens, quæ erat terminus à quo, sed solum manet subiectum illius.

Hæc tamē sententia merito iam hoc tempore ab omnibus rejicitur: Et probatur, quia in primis non corrumpitur qualitas præexistens, ut alia de nouo generetur, quia tribus tantum modis potest qualitas aliqua corrumpi, primo à contrario, secundo ex defectu subiecti, à quo pendet, tertio ex defectu conseruantis: sed ex nullo istorum potest corrumpi, quando intenditur qualitas aliqua: ergo non corrumpitur. Probat antecedens, quia in primis, non corrumpitur à contrario, quia contingere potest, quod non habeat contrarium, ut quando lumen intenditur.

Secundò, quia quamuis habeat contrarium agens, quod habet virtutem, quæ ut in præsentia contrarij intendatur qualitas, multo melius habebit virtutem ad conseruandam præexistentem, ne corrumpatur, quia qualitas præexistens minus perfecta est, quam illa, quæ per intensiōem producitur iuxta hanc sententiam: ergo si habet virtutem ad producendum in præsentia contrarij qualitatem quamdam magis perfectam; cur non poterit melius conseruare præexistentem, ne corrumpatur, quæ imperfectior erat? Quod ve-

rò, ne corrumpatur ex defectu subiecti, patet, quia quando calor ligni intenditur, semper manet idem subiectum. Quod verè, nec posset corrumpi ex defectu conseruantis, patet, quia adest, verbi gratia, ignis, quando calor ligni intenditur: ergo ex nullo capite potest corrumpi. Dices non corrumpi propriè à contrario: sed per aduentum maioris qualitatis, quæ sibi modo maioris impossibilis est cum minori, ut minor est, atque adeò corrumpitur per aduentum alicuius incompossibilis. Hæc tamen non satisfacit, quia ex hoc solum probatur corrumpi per intensiōem minoritatem illam, quæ fuit in termino à quo, quia est impossibilis cum maiori qualitate; non itamen probatur corrumpi qualitatem præexistentem, quæ erat minor, alias quando homo per augmentatiōem, vel nutritionem fit maior, corrumpetur homo, qui antea fuit, quia proportionali modo fit de minori maior, sicut in intensiōe qualitas.

Secundò contra hanc sententiam optimè arguit Scotus in 1. distinct. 2. quæst. vltima, quia si dum calor remittit frigus, per talem remissionem corrumpitur frigus, & aliud de nouo producit, sequitur calorem, frigus producere effectiue, quod est absurdum. Sequela probatur, quia calor est causa efficiens illius remissionis: ergo si per remissionem illam de nouo producit frigus, sequitur calorem producere frigus.

De v Tandem

Tandem, quia sequeretur in intentione caloris infinities corrumpi calorem, & alium, atque alium de nouo in infinitum produci, quia calor est diuisibilis in infinitum: ergo dum magis intenditur, in infinitum, secundum partes proportionales, infinities corrumpetur, & produceretur. quæ omnia absurda sunt.

Secunda sententia in hac re asserit, intentionem fieri per variationem existentie ipsius qualitatis, ita ut qualitas per intentionem mutet existentiam imperfectam, quam habet, & aliam perfectiorem acquirat, nulla tamen facta variatione in entitate, sed solum in existentia. Tenet Capreolus 1. dist. 17. quæst. 2. art. 1. & Astudillo hoc cap. Huius sententia fortasse illud est fundamentum, quia essentia, ut sæpe docet Aristoteles, consistunt in indiuisibilibus, ergo per intentionem solum potest esse maior existentia qualitatis, non verò ipsa essentia.

Hæc tamen sententia duabus de causis non placet. Primò, quia inter essentiam, & existentiam, nulla est distinctio ex natura rei, ut ostendimus 1. Physic. dispu. 5. ergo non potest fieri mutatio aliqua realis in existentia, nisi etiam fiat in essentia, & entitate illius.

Secundò, quia etiam si concedamus, existentiam ex natura rei distingui ab essentia, potest facile impugnari, quia si possibile est, qualitatem in eadem parte subiecti acquirere perfectiorem existentiam, vel

hoc fit, ita ut prior existentia corrumpatur, & alia de nouo generetur, & hoc non, quia corrupta existentia rei, corrumpetur res ipsa, & ita iam corrumpetur qualitas præexistens, ut prima sententia asserbat, vel sit, ita ut priori existentia alia partialis addatur, qua perficiatur, & tunc potest fieri argumentum. Quasi existentia qualitatis potest in eadem parte subiecti acquirere nouam entitatem partialem: ergo intentio non tantum debet fieri per additionem existentie, sed etiam per additionem nouæ entitatis partialis, in eadem parte subiecti.

Tertia sententia, quæ hoc tempore est satis communis inter Thomistas, asserit, intentionem nec fieri productione nouæ qualitatis, nec nouæ partis qualitatis, sed per maiorem radicationem ipsius qualitatis in subiecto, quam radicationem dicunt esse quemdam modum, quem qualitas acquirit per intentionem, ita tamen, quod per intentionem nulla qualitas, nec partialis, nec totalis acquiratur, sed tantum modus qualitatis. Sic tenet Scotus 8. Metaphys. quæstione 21. Iacobus 1. quæstione 6. Bañez hoc cap. quæst. 5. & 2.2. quæst. 24. articu. 5. Medina 2. par. quæst. 52. articu. 2. Probatq; suam sententiã, primò ex D. Thoma 1.2. quæst. 2. artic. 5. ubi dicit, qualitatem non intendi per additionem qualitatis, sed quia eadem qualitas magis ac magis participatur à subiecto, & 2.2. quæst. 24. artic.

tic. 5. afferit, charitatem (& idem est de quavis alia qualitate) non intendit per additionem formæ ad formam, sed ex eo quod subiectum magis, ac magis participat eadem formam, secundum quod magis reducitur de potentia ad actum: & sæpe alibi D. Thom. quod si albedo esset separata à subiecto, non posset intendi. sentit ergo intensiorem fieri per maiorem radicationem formæ in subiecto.

Secundò probant ex Aristot. 4. Physic. tex. 84. ubi dicit, calidum fieri magis calidum, nullo facto calido de nouo: ergo per intensiorem caloris nullus calor producitur de nouo.

Tertiò argumentantur ratione desumpta ex Diuo Thoma 2. 2. loco citato, quia si per intensiorem additur noua pars qualitatis diuersa à præexistentibus, sequitur dari duo accidentia solo numero differencia in eodem subiecto. Quod si respondeas, solum probari, quod dentur duo accidentia partialia in eodem subiecto. Contra est, quia si duo accidentia partialia possunt dari in eodem subiecto partiali, eadem ratione poterunt dari duo totalia in eodem subiecto totali, est enim proportionalis ratio.

Tandem quartò quia si per intensiorem producitur aliqua pars qualitatis diuersa à præexistentibus, vel illa pars adueniens est diuersa ratione subiecti, & hoc non, quia aduenit in eodem subiecto, in quo sunt partes præexistentes, vel ratio-

ne agentis, & hoc etiam modo non est diuersa, quia qualitas potest intendi ab eodem agentis, à quo primo fuit producta, ergo ex nullo capite potest intelligi distinctio inter terminum productum per intensiorem & qualitatem præexistentem, & ita per intensiorem non produci- tur aliquod diuersum à præexisten- ti, sed solum fit intensio per maio- rem radicationem eiusdem qualita- tis in subiecto.

Hæc tamen sententia semper mihi visa est falsa, impugnariq; potest excludendo omnes modos, quibus authores illius sententiæ explicant hanc maiorem radicationem qualitatibus in subiecto, nulla prorsus de nouo adueniente qualitate totali, nec partiali. Primò enim quidam dicunt, illam maiorem radicationem esse nouam quādam informatio- nem ipsius, ita quod eadem forma, quæ præexisterat, intimius infor- mat subiectum, & ita dicatur magis radicata in subiecto: sed hoc est falsum, quia in causis naturalibus im- possibile est effectum crescere, nisi vel crescat virtus causatiua in cau- sa, vel saltem approximatio causæ ad effectum, qualiter ignis fortius calefacit, dū magis approximatur: ergo impossibile est, quod infor- matio forma intensior sit, nisi forma in sua entitate crescat, atque adeo in intensiōne prius est forma ipsa in sua entitate inten- sius augeri, quā in formare in- tensius.

Quare secundò alij dicunt, illam maiorem

maio rem radicationem esse, quòd forma magis inhaereat subiecto, ita quòd magis radicari sit magis inhaerere formam. Sed neque hoc est verum, quia inhaerentia formae accidentalis non distinguitur ab informatione illius, quia inhaerere est esse in subiecto dependenter ab illo, sed per informationem sunt forme accidentales in subiecto, à quo dependent: ergo in formis accidentalibus inhaerentia & informatio cum dependentia à subiecto sunt idem. Dixi, informatio cum dependentia, quia non quævis informatio est inhaerentia: quia anima rationalis informat, non tamen inhaeret materiæ, quin potius, ut vidimus 1. Physicor. habet propriam subsistentiam, saltem partialem, qua per se existit independenter à subiecto: quia ita informat, quòd in suo esse sit independentens à subiecto, quamvis informatio ipsa sit dependens ab illo, eo quòd informatio versatur circa subiectum aliquòd. tamen quando forma aliqua informat cum dependentia ipsius formae à subiecto, ipsa informatio est inhaerentia formae in subiecto, quia per informationem vnitur subiecto à quo pendet.

Tertiò, alij dicunt, qualitatem aliqua non magis radicari in subiecto nihil aliud esse, quàm quòd subiectum illius magis reducat de potentia ad actum ipsius qualitatis. Sic docet Sonc. ubi supra, estq; terminus iste loquendi magis communis Verum tamen, vel hic modus tantum continet verba, & non res:

vel incidit in nostram sententiam, scilicet, quòd per intensionem producat nova pars formae. Et probatur, quia tunc subiectum magis reducit de potentia ad actum, quando recipit magis de actu ipso: ergo si per intensionem magis reducit ad actum ipsius qualitatis, idè est, quia magis recipit de illo actu, & forma, quæ est qualitas: ergo per intensionem ipsius formae producit.

Quartò, alij dicunt, illam maiorem radicationem esse nouum quendam modum, quem acquirit qualitas per intensionem, & ita dicunt, per intensionem non produci novam qualitatem adhuc partialem, sed tantum novum modum qualitatis. Quisnam tamen sit iste modus, an scilicet sit informatio, seu maior inhaerentia ipsius qualitatis, non explicant: solum dicunt, quòd quemadmodum quantitas, quo magis dilatatur in ordine ad locum, absque eo tamen, quòd per rarefactionem producat aliqua pars quantitatis, ut vidimus quarto Physicorum, acquirit novum modum, ita qualitas per intensionem, absque eo quòd producat nova pars qualitatis, magis radicatur in subiecto, ex eo præcisè, quòd habet novum modum quantitatis.

Sed hic modus dicendi falsus est, quoniam vel ille modus qualitatis, qui acquiritur per intensionem, est eiusdem speciei cum ipsa qualitate, quæ intenditur, & sic potius est quali-

qualitas, quàm aliquid diuersæ rationis ab illa, & ita intensio fieret per aduentum nouæ qualitatis partialis: si autem ille modus, quæ isti fingunt, distinguitur specie ab ipsa qualitate præexistenti: ergo quando intenditur qualitas, constituitur in tali intensione per aliquam formam specie diuersam à præexistente, & ita sequitur, calorem intensum specie differre à calore remisso, quod est absurdum: ergo impossibile est per intensiorem produci aliquid, quod non sit qualitas eiusdem rationis cum præexistente. Exemplum tamen illud de rarefactione quantitatis, nullum est, quia per rarefactionem non fit quantitas maior intrinsecè, in sua entitate, cum nulla quantitas illi addatur, solum fit maior in ordine ad locum, quia acquirit nouam quandam extensionem in ordine ad locum: tamen per intensiorem fit qualitas maior intrinsecè in sua entitate, ad modum quo quantitas fit maior per augmentationem in sua entitate, atque adeò, sicut per augmentationem acquiritur noua pars quantitatis, ita per intensiorem noua pars qualitatis in eadem parte subiecti.

His ergo sententijs reiectis, dico primò in hac quæstione, certum esse debere per intensiorem produci aliquam nouam qualitatem, siue distinguatur realiter à qualitate præexistente, siue non, de quo postea. Ratio est, quia postquam qualitas producta est, & deinde

per nouam actionem intenditur, talis intensio est noua actio: ergo debet terminari ad aliquam nouam entitatem, quia ex natura rei noua actio productiua alicuius, nouum terminum postulat.

Dico secundò, entitatem istam productam per intensiorem esse qualitatem quamdam partialem eiusdem rationis cum præexistente, non verò modum quemdam diuersæ rationis ab ipsa qualitate, ita quod per intensiorem adquiratur in eadem parte subiecti noua pars gradualis qualitatis, quæ vnita cum præexistente, facit qualitatem præexistentem esse maiorem. Hanc sententiã docuit Scot. in 1. distinct. 17. quæst. vltim. Gregor. quæst. 4. label. quæst. 6. Tolet. 4. Physicor. quæst. 12. Et in primis, quod per intensiorem debeat produci aliquod quod sit qualitas, & non diuersæ speciei ab illa: vt quod intensiorem caloris debeat produci calor, ostendimus iam còtra quartum modum explicanti sententiã S. Thom. quod verò illa qualitas sit partialis, ita quod in intensiorem caloris non producat totus calor de nouo, ostendimus contra sententiã supra relata, quia reuera intendi qualitatem non est fieri de nouo: sed tantum productam acquirere plures gradus. Quod verò illa pars qualitatis, quæ est gradus adueniens, debeat produci in eadem parte subiecti, in qua sunt gradus præexistentes, non verò in alia parte subiecti diuersa: probatur, quia longè aliud est,

est, qualitatem intendi, & extendi per subiectum, potest enim calor vt octo permanens semper in eadem intentione amplius & amplius extendi per subiectum: sed quando qualitas extēditur, producitur noua pars extēisionis qualitatis in noua parte subiecti, aliās non extēderetur: ergo ad intentionem opus est, vt pars adueniat in eadē prorsus parte subiecti.

Addo ramen dictis, etiam in extensione qualitatis debere produci nouam partem qualitatis, & non solum nouum modum. Potestque simili ratione probari, quia si qualitas extenditur per aliquid diuersę rationis à præexistenti, sequitur, qualitatem extensam differre specie à qualitate, quæ erat antea, quia extenditur per aliquid diuersę rationis à præexistenti, debet ergo proportionali modo in extensione qualitatis produci, nõ quidam modus, sed noua pars qualitatis; non pars intensionis, sed extensionis.

Dico tertio, gradus qualitatis productus per intensionem, realiter distinguitur à gradibus præexistētibz, saltem partialiter, ad modum, quo 6. Physic. diximus, partes quantitatis distingui realiter inter se partialiter. Hanc sententiam etiā tuerentur authores citati in 2. cōclusionē. Et ratio est euident ex regula illa generali, quod quotiescumque à parte rei vnum potest separari ab alio, illa duo distinguuntur realiter, sed potest dari in qualitate primus gradus sine secundo, & secun-

us sine tertio, & sic de reliquis, quia qualitas acquirit nouum gradum per nouā actionem: ergo gradus qualitatis distinguuntur inter se realiter, & partialiter, atque adeo per intensionem producitur aliquod ex natura rei diuersum à præexistenti, ad modum, quo per augmentationem acquiritur noua pars quātitatis realiter diuersa à præexistenti.

Respondent authores contrarij, esse diuersam rationem, quia pars quātitatis, quæ acquiritur per augmentationem, subiectatur in noua parte substantiæ diuersā ab illa, in qua subiectatur quantitas præexistens, & ita est diuersa pars quantitatis, quia habet diuersum subiectū, at verò gradus qualitatis, qui per intensionem producitur, subiectatur in eadē parte subiecti, in qua sunt gradus præexistentes.

Sed non placet hæc solutio, quia accidentia, vt vidimus 1. Physicorum, non indiuiduātur à subiecto, sed à sua intrinseca entitate: vnde quemadmodum successiue dantur plures calores realiter diuersi in eodem subiecto, scilicet, modo vnus, & postea alius, quamuis subiectū sit idem, quia cū hoc retinere possunt suam diuersitatem intrinsecā per suas intrinsecas entitates, ita quamuis plures gradus sint simul in eadem parte subiecti, adhuc retinēt suam diuersitatem intrinsecā propter suas intrinsecas entitates.

Secundo probatur, quia calor intensus habet effectū longē præstantiorem,

tiorem, quàm calor remissius, quia calor intensus disponit ad formam ignis: secus verò remissus: ergo signum est, in calore intenso includi aliquem gradum, seu entitatē realiter diuersā à gradibus, qui sunt in calore remisso.

Tertio, quia si subiectū aliquod habet calorem, & deinde calor intenditur, subiectum illud dū recipit nouos gradus, realiter mutatur: ergo acquirit aliquid realiter diuersum à præexistētē. Patet consequentia: quia mutatio necessariò dicit nouitatem: ergo mutatio realis fit per aliquid nouum realiter: ergo realiter distinctū: quia nouitas distinctionem importat, & ita nouitas realis importat distinctionem realem.

Dico vltimò: etiam in extensione qualitaris, partem illam extensionis, quæ producitur, realiter distinguī à præexistētibus: hoc enim similibus rationibus ostendi potest, ac de intensione, scilicet, quia potest dari calor extensus in quantitate digitali: ergo quādo amplius extenditur pars illa, quæ de nouo aduenit, realiter distinguitur à præexistentibus, quia datur vnum sine alio.

Tandem in nostra sententia illud est aduertendum, etiam in ea verificari, quòd intensio fiat per maiorem rationem in subiecto, nō quidem eodē modo quo Thomistæ intendunt, ita quòd per intensiōem solum producatur nouus modus, & non noua pars for-

ma, vnde quia illa forma magis intenditur, cum acquirit plures partes intensiōis, idē magis radatur in subiecto.

Ad fundamēta adducta pro contrarijs sententijs respondetur. Ad primum primæ sententiæ, esse longe diuersam rationem de motu locali, & de motu alterationis, nam in motu locali, præsentia locales sunt essentialiter immobiles à tali numero spatio, vt latè vidimus 4. Physicorū: idē dum mobile pertransit ad nouum spatium, acquirit nouam præsentiam, priore corruptitur, & ita est vna præsentia ex natura rei impossibilis cum alia, at verò gradus remissi non sunt impossibiles cum gradibus intensis, quin potius ex omnibus illis coalescit qualitas quædam intensā, & continua, ita quādo in intensiōe producitur nouus gradus, non corrumpuntur præexistentes.

Ad secundum, quòd, vt suprà vidimus, terminus à quo intensiōis non est qualitas remissā, considerata præcisè in esse qualitaris, sed prout dicit carentiam illorum graduum, quibus qualitas constituitur intensā, & ita hæc priuatio tollitur, adueniente termino ad quem, scilicet, dum producuntur gradus intensi. Et eodē modo respondetur ad argumentum, in quauis transmutatione nō manere terminum à quo, ea ratione, quæ est terminus à quo, sed solum subiectū illius.

Ad

Ad argumenium secundæ sententiæ respondetur, quod, ut sæpè diximus, axioma illud: Essentiæ consistunt in indiuisibili, intelligendum est, quantum ad prædicata essentialia, id est, nullum prædicatum essentialiale potest detrahi ab essentia aliqua, vel addi, manente eadem essentia: quia si ab homine detrahas prædicatum animal, vel addas prædicatum alterum, non erit homo, non tamen debet intelligi, quantum ad partes physicas, & integrantes, quia hoc modo essentiæ habent latitudinem partium, qualiter quantitas intra limites suæ speciei potest esse maior, & minor.

Tandem ad argumenta Thomistarum. Ad primum, numquam D. Thomam aliquid contra nostram sententiam docuisse, si rectè intelligatur, quin potius videtur illam docere apertè, quia 2. 2. quæst. 24. ad 3. dicit, propriam vocem ignorare eos, qui asserunt charitatem (& idem est de alijs qualitatibus) intendi, solum per maiorem radiationem in subiecto, & non secundum suam essentiam, est enim, inquit, impossibile augeri radiationem formæ, & non augeri ipsam formam: vnde eius Interpres Caietan. 1. part. quæst. 44. artic. 1. circa solutionem, ad primum optimè aduertit intensionem, & remissionem formarum in sententia D. Thom. fieri in essentia, & entitate ipsius formæ: vnde quando S. Thom. 2. 2. quæst. 24. artic. 5. negat charitatem intendi per additionem,

loquitur de additione formarum, per vnionem, ita quod pars iam antea producta, deinde vniatur præexistenti formæ, non tamen loquitur de additione proueniente ab interna potentia passiva subiecti, quam fuisse eius mentem constabit legenti art. 5. in corpore: & eodem modo intelligendus est Sanct. Thom. quando ait, si albedo esset separata, non posset intendi: quia si esset natura suâ separata à subiecto, esset substantia, quia accidens potius petit esse in subiecto: ergo si natura sua esset separata, esset quid substantiale, & idè non posset intendi.

Ad Aristot. verò responderetur, maximè notanda esse illa verba, calidum sit magis calidum, nullo calido de nouo accedente. ibi enim dixit, nullo calido de nouo accedente, id est, nullo subiecto calido de nouo accedente, & ita quamuis per intensionem accedat nouus calor, non tamen accedit nouum calidum. Ratio est, quia cum gradus caloris, qui per intensionem producit, adueniat eidem prorsus parti subiecti, in qua erant gradus præexistentes, idè aduenit eidem parti calidæ, & ita non accedit nouum calidum, tamen accedit nouus calor eidem parti calidæ, in quo maximè differt inter intensionem, & augmentationem, quia duæ partes quantitatis non possunt penetrari in eodem subiecto, ita augmentatio fit non solum accedente noua quantitate: sed etiam acc-

accedente nouo quanto, quia simul cum noua quantitate aduenit noua pars materiæ, in qua subiektatur noua illa quantitas, & ita augmentatio fit nouo quanto accedente, tamen intensio fit, nullo calido accedente, vt explicatum est.

Ad primam rationem respondetur, quod, vt vidimus i. Physico. disput. vltim. accidentia non indiuiduantur à subiecto, & ita nullum est inconueniens dari duos calores partiales numero diuersos in eadē parte subiecti, quia quamuis sint in eadem parte subiecti, adhuc distinguuntur per suas entitates intrinsecas.

Sed instabis adhuc, quia quamuis accidentia non indiuiduantur à subiecto, adhuc tamen nō possunt per naturam dari duo accidentia. verbi gratia, duo calores totales numero diuersi in eodem subiecto totali, vt vidimus loco citato: ergo nec poterunt esse duo calores partiales in eadem parte subiecti: videtur enim proportionalis ratio. Respondetur tamen, esse diuersam rationem, quia duo calores totaliter diuersi, quales sunt, qui reperiuntur in subiectis diuersis, non habent inter se naturalem aliquam subordinationē, & sunt quasi disparati, nec ordinantur ad diuersa munera; at verò gradus diuersi eiusdem qualitatis habent inter se naturalem subordinationem, ita vt secundus natura sua prærequirat primum, & præterea non habet munera omnino similia, quia

posteriores gradus ordinantur ad perfectiorē calefactionem, quam priores: diximus enim loco citato accidentia, quæ diuersimodè afficiunt subiectum: præstantque diuersa munera, posse reperiiri simul in eodem subiecto, quamuis solo numero differant, qualiter secundo de Anima dicam, duas species visibiles duorum alborum dari simul in eadem parte subiecti: habet enim diuersa munera, quia qualibet illarum tantum representat obiectum suum, & non aliud.

Tandem ad vltimum ex dictis patet solutio, gradus enim alicuius qualitatis non distinguuntur realiter propter diuersitatem subiecti, nec etiam propter diuersitatem agentis, quia possunt plures ab eodem agenti, produci: sed distinguuntur per suas intrinsecas entitates, se ipsis diuersas ex natura rei.

Quæstio V Vtrum gradus qualitatis, qui producuntur per intensionem, habeant inter se naturalem subordinationem?

S^Uppono ex dictis, gradus qualitatis distingui inter se realiter, saltem partialiter, quia potest dari à parte rei primum sine secundo, & primus, & secundus sine tertio, & sic de reliquis, & ita calor, vt quatuor, et si non totaliter, partialiter realiter distinguitur à calore, vt tria, quia addit supra calorem, vt tria, quartum gradu caloris diuersum

Et sum

sum realiter à præexistentibus: ergo saltem per illam partem distinguuntur realiter ab illis.

Solum ergo est dubium, vtrum gradus isti qualitatis habeant inter se naturalem aliquam subordinationem, & inæqualitatem in perfectione individuali, quia quòd nò distinguantur specie, omnes conueniunt. Ratio est, quia quæ specie differunt, non possunt inter se continuari: sed huiusmodi gradus intensiue continuantur inter se per indivisibilia intensiōis, ad modum quo partes quantitatis extensiue continuantur: ergo non distinguuntur specie.

In hac re plures existimant, gradus qualitatis esse omnino similes, & æquales in perfectione individuali, ita ut tam perfectus sit primus gradus, sicut octauus, secundum se sumptus, solumque differre ordine temporis, ita quòd qui primus tempore producit, appellatur primus, & sic de reliquis: etsi omnes simul producantur, solum per intellectum numerantem, habeant denominationes primi & secundi, cuius sententiæ nullum video probabile fundamentum, nisi quia gradus qualitatis sunt eiusdem speciei, & ita non videtur maior ratio vnus, quàm alterius.

Tamen dico primò, gradus qualitatis habere aliquam inæqualitatem in perfectione individuali. Quæ conclusio, quamuis auctoritate probari non possit, quia Auctores de hac re nihil in speciali tradunt, po-

test rationibus efficaciter probari. Primò, quia quando ignis producit vnicū gradum caloris in aqua, expellit aliquem gradum frigiditatis: ergo si omnes sunt omnino eiusdem speciei, & perfectionis individualis nulla est profus ratio, quare expellatur vnus potius, quàm alius, atque adeò ille gradus caloris, vel expellet omnes gradus frigiditatis ab aqua, vel nullum, quorum vtrūque constat esse falsum: ergo cum vnus gradus caloris expellat vnum gradum frigiditatis, & non omnes, signum est esse maiorem aliquam rationem de vno, quàm de alio, & ita non omnes gradus esse æqualis perfectionis individualis.

Secundò id manifestè probatur, quia primus gradus caloris solum producit primum gradum caloris, non verò quartum, vel octauum, nec quilibet gradus est sufficiens dispositio ad formam ignis: ergo apertum est indicium, esse inæqualitatem in gradibus, secundum perfectionem individualem.

Et si obijcias, quia in substantijs sæpe contingit hominem, verbi gratia, producere alium hominem perfectiorem, secundum differentiationem individualem, contingit enim generari hominem fortiorem, & robustiorem, quæ naturalia accidentia indicant substantiam perfectiorem esse: ergo similiter poterit primus gradus, etsi imperfectior, alium perfectiorem producere. Respondetur, hominem aliquem, solum producere hominem robusti-

riorem se per accidens, scilicet, quia vel adiuuatur ab aliqua particulari constellatione astrorum, quæ eo tempore adsit, ratione cuius effectus perfectior euadat, vel propter aliam similem circumstantiam, ex varijs, quæ in hac materia occurrere solent, tamen per se loquendo, nihil producit in genere causæ principalis supra suam perfectionem.

Dico secundò in hac questione: Gradus qualitatis habent inter se subordinationem, ita vt posteriores gradus, ex natura rei, pendeant à prioribus, illosque supponant, & ita gradum aliquem appellari primum, vel secundum, non esse propter solam voluntariam enumerationem intellectus: sed propter naturalem subordinationem illorum: ita vt primus ob suam imperfectionem nullum alium præsupponat: secundus tamen ex natura rei præsupponat primum, & sic de reliquis.

Hanc conclusionem, etsi obiter attingat Caiet. 2. 2. quæst. 24. artic. 7. vbi docet, gradus priores disponere ad posteriores. Ratio autem sumitur ex dictis, quia gradus caloris, non omnes expelluntur simul: sed ordine quodam, ita vt prius expellatur octauus gradus, deinde septimus, & sic de reliquis: ergo gradus istius, etsi sint quasi penetrati in eadem parte subiecti, habent naturalem subordinationem, ita vt, posteriores prius expellantur, quam priores, illosque supponant. Præ-

terea cum gradus qualitatis habeant inter se naturalem quandam inæqualitatem imperfectione individuali, imperfectiores natura sua debent disponere ad perfectiores, & ita habent naturalem subordinationem.

Tandem à nominis etymologia potest sumi ratio: idè enim in qualitate partes intensiōis dicuntur gradus, quia inter se habent naturalem quandam graduationem, & subordinationem, quod secus est de partibus extensionis ipsius qualitatis, vel quantitatis, istæ enim partes, non dicuntur gradus ab Authoribus, quia quantum habent inter se ordinem in ordine ad situm, non tamen habent subordinationem secundum maiorem, vel minorem perfectionem in sua intrinseca entitate, & ita solum partes intensiōis ipsius qualitatis appellantur gradus.

Occurrit tamen difficultas, si posteriores gradus qualitatis pendent à prioribus ex natura rei, in quo genere causæ pendeant ab illis. Respondetur in primis, non pendere in genere causæ efficientis, ita vt priores gradus effectiue attingant productionem posteriorum. Ratio est, quia vnusquodque operatur in quantum est in actu: sed calor vt vnum, solum est in actu secundum vnum gradum: ergo non potest producere secundum gradum caloris, nec secundus tertium, & sic de reliquis.

Quod verò nec posteriores gra-

E c ij dus

duſ pendeant à prioribus in genere cauſæ materialis, tamquam à ſubiecto, ita quòd gradus ſecundus ſubieſtetur in primo, & ſic de reliquis. Probatuſ, quia ſi octauus gradus immediatè recipitur in ſeptimo, ſequitur octauum gradum caloris, & primum frigiditatis non contrariari inter ſe. Sequela probatur, quia primus gradus frigiditatis non recipitur in ſeptimo gradu caloris: ſed immediatè recipitur in ſubiecto: ergo ſi octauus gradus caloris non recipitur immediatè in ſubiecto: ſed in ſeptimo gradu, ſequitur octauum gradum caloris, & primum frigiditatis, non verſari immediatè circa idem ſubiectum, atque adeò, non contrariari, quia contraria verſantur circa idem ſubiectum immediatum: quòd verò conſequens ſit falſum, patet, quia primus gradus frigiditatis expellit octauum gradum caloris, non verò alios priores.

Dicendum ergo eſt, vt inſinuat Caietan. vbi ſuprà, poſteriores gradus qualitatis pendere à prioribus in genere cauſæ materialis, nò quidem tamquam à ſubiecto: ſed tamquam à diſpoſitione prærequiſita, quia diſpoſitiones ſpectant ad genus cauſæ materialis, vt vidimus ſecundo Phyſicorum, quia cùm poſteriores gradus ſint perfectiores prioribus, diſponunt naturà ſua priores ad poſteriores.

Sed obijcies, quia ex prædicta ſubordinatione graduum ſequi videtur, quòd in qualitatibus detur

minimum quoad intenſionem, contra dicta 1. Phyſicor. Sequela probatur, quia primus gradus non ſupponit alium imperfectiorem, aliàs nò eſſet primus, & ita eſt omnium intimus, aliàs in contraria qualitate, ex natura rei, eſſet poſſibilis alius gradus ſuprà octauum, qui opponeretur minori primo alterius qualitatis, quod tamen eſt falſum, quia ſumma latitudo poſſibilis eſt, vſque ad octo.

Sed reſpondetur facilè, negando conſequentiam. Pro quo notandum eſt, quòd ſicut partes quantitatis, quæ ſunt partes extenſionis, quædam ſunt aliquotæ, ſcilicet, quæ dicunt certam, & determinatam quantitatem, vt palmus: quædam verò proportionales, ſcilicet, quæ non dicunt certam, & determinatam quantitatem, & ita poſſunt ſumi minores, & minores in infinitum: ita in partibus intenſionis qualitatis aliæ ſunt partes aliquotæ, ſcilicet, quæ dicunt determinatam intenſionem, quales ſunt gradus qualitatis, vt calor, vt vnum, vel duo: tamen rursus quilibet gradus, qui eſt pars aliquota intenſionis, poteſt diuidi in infinitum, ſecundum partes proportionales, quia vnus gradus eſt diuiſibilis in duas medietates, & quælibet medietas in alias duas minores, & ſic in infinitum. Vnde optimè intelligitur, qualiter quauis primus gradus ſit prima pars aliquota, tamen nò datur minimum, quia adhuc ille gradus continet infi-

infinitas partes proportionales.

Et hinc ulterius fit, quod quilibet gradus qualitatis est diuisibilis in infinitum, primus gradus caloris opponitur gradui octauo frigiditatis diuisibiliter, ita ut medietas prima opponatur medietati vltimæ octauæ gradus frigiditatis, quia quilibet gradus paulatim expellitur secundum proportionales partes, quas habet.

Et si dicas, saltem sequitur dari maximum in intensione, quia non est per naturam possibilis maior calor, quam ut octo, aliàs esset possibilis alius minor primo, qui opponatur illi gradui, ultra octauum caloris. Respon. argumentum solum probare, qualitates habere maximum intensiōis; si considerentur ut sunt dispositiones naturaliter conseruatiuæ subiecti, in quo sunt: quia cum ignis, qui est omnium calidissimus, tantum ad suam conseruationem requirat calorem ut octo, & non maiorem, ideo hoc modo datur maximum in calore: tamen calor secundum suam naturam consideratus, potest esse maior, quam ut octo, & similiter non repugnabit calori, secundum se considerato, quod datur in illo gradus aliquis, qui sit imperfectior illo, qui de facto est primus, cum quolibet dato possit Deus alium imperfectiorem producere, de facto tamen non est possibilis alius gradus interior primo gradu frigiditatis, qui illi opponatur.

Ex dictis hætenus sequitur, qualiter sit intelligenda contrarietas,

qua est inter contrarias qualitates: nam verbi gratia calor, & frigus ita opponentur, quod quilibet gradus vnus opponatur alicui gradui alterius. sed non opponuntur cuilibet gradui vnus omnes gradus alterius, quia primus gradus frigiditatis tantum expellit octauum caloris, non verò alios gradus, & secundus frigiditatis, septimum gradum caloris, & tertius sextum, & quartus quintum, & quintus quartum, & sextus tertium, & septimus secundum, & octauus primum frigiditatis, & ita cuilibet gradui vnus opponitur gradus alterius, sed non omnes: & ita non repugnat quartus gradus caloris cum quarto frigiditatis: qualiter aqua tepida simul habet calorem & frigus in gradibus remissis: vnde dummodo ex vtraque qualitate detur tantum octo gradus, ut sint quatuor vnus, & quatuor alterius, tales gradus compolsibiles sunt in eodem subiecto.

Ad argumentum contrariæ sententiæ respondetur, verum esse omnes gradus vnus qualitatis esse eiusdem speciei, ex hoc tamen solum probatur, quod sint eiusdem perfectionis specificæ, notamen, quod secundum differentiam indiuidualem non sit vnus perfectior alio, sicut species, quāuis in ratione generica sint æquales, tamē ratione differentię specificæ potest esse vna perfectior alia.

Sed instabis, quia magis differunt primus & secundus gradus caloris, quam duo primi gradus duorum

Et iij rum

ru n gradum caloris, eò quòd primus, & secundus gradus caloris eiusdem, sunt dissimiles in altitudine, at verò duo primi diuersorum calorum habent eandem altitudinem: sed duo primi gradus diuersorum calorum distinguuntur numero: ergo primus, & secundus gradus eiusdem caloris magis debent differre, atque adeò differunt specie. Respondetur negando consequentiam, quia intra limites differentie individualis est vna maior alia, sicut etiam intra limites differentie specificæ quædam species differunt, vnae magis, quam aliæ, qualiter magis differunt album, & nigrum, quam album, & viride, utrobique tamen solum distinguitur specie. Et hæc de hac questione dicta sufficiant.

*Questio VI. Qua fit causa alterationis, qua fit per anti-
paritissimam?*

HOc antiparistasis nomen suam Heterologiam, & originem à Græcæ lingua meritò ducit, ideoque sic ne in æquiuoco laboremus, & more Andabathabarum pugnemus, ut ne huius nominis obscuritas linguae Latinæ ambiguitatem pariat, ab huiusmodi propositione, Anti, quæ, si verbum pro verbo reddamus, idem sonat in Latino sermone, quòd cōtra, & Pari, quod secundum versionem peritorum, aut aliud quàm iuxta significare, at-

que ostendere videtur, vnde ab Anti, quod est contra, Pari, quod est iuxta, & stalis, quod est stare, quali iuxta cōtra statio, & ita idem est antiparistasis, quod circumobstentia contrarij, atque adeò solet vnum contrarium, magis intendi, & roborari in sua virtute per antiparistasis, propter obstentiam contrarij, cuius rei sunt quàm plurimæ experientiæ, quæ nullatenus negari possunt: hac enim ratione experimur puteos tempore hyemis minus frigidos esse, quàm tempore æstatis, quia cū tempore hyemis frigus maximè vigeat in partibus externis terræ, calor retrahitur ad partes internas, & ita putei tempore hyemis calidiores sunt: è contra verò, tempore æstatis, sunt frigidiores, quia in partibus exterioribus terræ calor maximè viget, & ita frigus in internis magis roboratur. Hæc etiam est causa, quare nantes, statim fatem patiuntur, quia scilicet, calor fugit à partibus externis corporis ipsius, friget actus ab aqua, ad stomachumque retrahitur, & ita fatem causatur.

Tertiò etiam hinc dici solet, melopepones, & cucurbitas soli expolites pro tempore aliquo in partibus internis frigidiores reddi: & tādē hæc est causa, quare media regio aeris longè sit frigidior tempore æstatis, quàm tempore hyemis, quia scilicet hæc infima regio aeris calidior est, & ita frigus, veluti retrahitur ad mediā regionem aeris, ratione cuius redditur

frigidior tempore æstatis, quam tempore hyemis, cuius rei indicium est, quod tempore æstatis generatur grando, non vero tempore hyemis, sed nix: constat enim maiorem illam densitatem, quæ est in grandine, potius quam in niue, oriri ex maiore frigiditate, quæ ratione experimur, aquam, quod frigidior est, tantò magis congelari.

HINC ergo oritur ratio dubitandi in hac quæstione, quia cum vnum contrarium destruat aliud, potius debet vnum contrarium in præsentia alterius remitti, & debilitari in sua virtute, quam in illa roborari per antiparitalitatem.

PRIMA sententia in hac re est asserentiam, causam huius esse, quia vnum contrarium mittit species sui per medium, ut sentiat, quæ species dum perueniunt ad alterum contrarium, refranguntur, iterumque redeunt versus obiectum, à quo productæ sunt, & in illo augent qualitatem, quam habent, & ita ex præsentia contrarij magis roboratur in sua virtute. Sic tenet Paulus Venet. in summa cap. vigesimotertio, Marsilius hoc lib. quæstione decima septima, Albert. de Saxonia, quæstione decima quinta.

HÆC tamen sententia aperte falsa est. Primo, quia species sensibiles producuntur ab obiecto: ergo non possunt esse intensiores illi, causa enim non potest producere effectum intensiorem se: ergo quantumvis illæ species reuertan-

tur ad idem obiectum, non possunt intendere.

Tum etiam secundo, quia species sensibiles non habent producere obiectum, à quo procedunt, qualiter species albedinis non producant albedinem aliquam: ergo similiter species sensibiles caloris, & frigiditatis, non poterunt producere calorem aliquem, vel frigiditatem, & ita nec possunt esse causa alterationis factæ per antiparitalitatem.

Quare secunda sententia asserit, quod quando vnum contrarium obfessum à suo contrario magis intenditur, & roboratur in sua virtute, illa intensio effectiue provenit à contrario circumdante illud. Quæ sententia magis falsa est, quam præcedens, quia frigus, v.g. in se, nullo modo continet calorem, cum quo contrariatur, imò est illi omnino contrarium: ergo non potest intendere effectiue calorem per antiparitalitatem.

Tertio ergo alij asserunt, talem intensiorem effectiue provenire ab ipso corpore, cuius virtus intenditur in præsentia contrarij: dicunt enim, calidum habere virtutem ad se intendendum in præsentia sui contrarij, & ita illam maiorem intensiorem effectiue provenire ab ipso corpore, quod in sua qualitate magis roboratur. Sic tenet Toler. hoc lib. quæst. 24. & Astudillo, q. 21. quæ sententia falsa est. Id probatur, quia si corpus calidum, v.g. habet virtutem, ut magis roboretur

tur in suo calore à principio intrinseco in præsentia contrarij: ergo etiã in absentia contrarij multo melius id poterit efficere, cum ibi nulla adsit resistentia contrarij, & ita potius debet fieri talis intensio citra antiparitalitatem, quàm antiparitali.

Et si obijcias, quia experimur ignem aqua aspersum magis roborari, & intendi, quàm citra asperersionem illam. Respondetur, certè id non esse statim, ac aspergitur guttulis aquæ, quin potius à frigidity illarum remittitur: sed quia dum vehemèter paruas illas guttas calefacit, talis aqua conuertitur in vapores, & vapores in flammam: unde quia est maior flamma, magis comburit, quàm aliàs combureret.

Quare his, & alijs omisissis, dicendum est cum Vallesio 4. libro Methæo. & primo controuersiarum, capit. 5. intensiorem factam per antiparitalitatem prouenire à principio extrinseco, non verò ab intrinseca natura ipsius corporis, cuius qualitas intenditur. Quod exemplis adductis in singulis explicari potest: quia in primis, ideò media regio aeris est frigidior tempore æstatis, quàm tempore hyemis, quia vapores frigidi fugiunt partim ad puteos, & internas partes terræ, partim verò ad mediam regionem aeris, eo quòd hæc infima regio aeris à sole nimis calida redditur, & ita dum tales vapores perueniunt ad partes infimas terræ, & ad mediam aeris regionem,

hæc omnia redduntur magis frigida, è contra verò in hyeme, cum propter solis absentiam sit hæc media regio aeris nimis frigida, exhalationes calidæ, quæ à sole eleuantur à terra; fugiunt ad interiores partes terræ, & ita putei, & fontes calidiores sunt tempore hyemis, quàm tempore æstatis.

Idem est suo modo dicendum de natantibus, quia propter frigus aquæ, extrinsecas corporis partes circumdant; spiritus calidi fugientes externum frigus, retrahuntur ad internas partes, & ita iuuant ad coctionem in stomacho faciendam.

Tandem cucurbitæ radijs solaribus expostitæ, ideò frigidiores redduntur: tum quia actione solis, exhalationes aliquæ calidæ, quæ ibi sunt, extrahuntur, & ita in partibus cucurbitæ est minor calor. Tum etiam, quia vapores humidi, & frigidi ipsius cucurbitæ fugiunt ad internas partes, & ita internæ partes frigidiores redduntur.

Potest etiam alia causa reddi, quæ prædictam iuuat, quare media regio aeris frigidior sit tempore æstatis, quàm tempore hyemis, puteique frigidiores sint, quia cum propter solis actionem hæc infima regio aeris sit nimis calida, ideò etiam est magis rara, quia quemadmodum frigiditas petit densitatem ita calor petit raritatem, unde oportet, regionem mediam illi proximam magis condensari, & quia densitas petit frigiditatem, ideò si-

Aut densior est media regio aeris, ita etiam est frigidior. Idem est de aere existente in puteis, qui propter similem rationem magis condensatur tempore æstatis, & ita putei frigidiores redduntur, è contra verò in hyeme calidiores.

Occurrunt tamen hoc loco due dubitationes circa dicta; prima est, à quo moueantur effectiuè vapores, & exhalationes, quando propter præsentiam contrarij fugiunt ad alias partes, quia vapores sunt naturæ aqueæ, cum sint natura sua frigidi, & humidi. Imò multorum sententia est, non differre specie ab ipsa aqua; sed esse subtiles, & tennes partes aquæ; sed aqua non potest motu naturali ascendere ad mediam regionem aeris: ergo motus ille, quo vapores mouentur in æstate, non est naturalis. Similiter exhalationes sunt naturæ igneæ, sunt enim calidæ, & siccæ: ergo motus ille, quo tempore hyemis descendunt ad puteos, & partes infimas terræ, ut illas calefaciant, non est naturalis illis, ignis enim potius petit motum sursum.

Altera dubitatio est, quia calor est perfectior qualitas, quam raritas, & frigiditas, quam densitas (si verum est densitatem, & raritatem esse qualitates) quia calor, & frigus sunt qualitates primæ: raritas verò, & densitas qualitates secundæ: ergo non potest raritas esse causa caloris, nec densitas esse causa frigiditatis, quia imperfectius non potest attingere productionem per-

fectionis. Tamen ad primam respondetur, quod licet illi motus non sint simpliciter naturales vaporibus, & exhalationibus, dicuntur tamen secundum quid naturales, in quantum sunt ad fugiendum contrarium, habet enim quælibet res vim naturalem, ut à suo contrario fugiat, qualiter dum ignis viride lignum comburit, vapores aquosi ad eam partem confugiunt, quæ ab igne distat. Alij tamen tribuunt huiusmodi motus cælo, falso tamen: ostendimus enim 2. Physic. nullam actionem horum inferiorum immediate pendere à corpore cælesti.

Ad secundam rationem, raritatem, vel densitatem, non esse qualitates: sed importare talem dispositionem partium, ut ex Aristotel. capit. de quantitate sæpè dixi, vel certè si qualitates sunt, imperfectiores sunt calore, & frigore, & ita calor, & frigus oriuntur ab illis, tamquam à causa instrumentali, cui debitus est concursus causæ vniuersalis ad producendum viuens, unde sicut in generatione viuientis satis est assignare causam particularem, instrumentalem, influentem physicè in effectum, non verò aliquam principalem præter vniuersalem, quia viuens, à quo semel decusum est, potest esse mortuum, vel saltem distat loco, & ita non potest talis actio tribui immediate. Similiter ergo raritati, & densitati est debitus concursus causæ vniuersalis, ut producant calorem, & frigus, & ita satis est as-

signare causam particularem instrumentalem illius effectus. Et hæc de hac quæst. & capite.

Cap. V. De Augmentatione.

Intentum Aristot. in hoc capite est agere de augmentatione. Tria agit, primò explicat, quæ ratione distinguatur augmentatio ab alijs motibus, in secunda verò parte explicat, quomodo fiat augmentatio, ac tandem in tertia disputat de alimento, quo mediante fit augmentatio.

Ad primam partem accedentes, duas differentias assignat Arist. inter augmentationem, & reliquos motus. Prima desumitur ex termino ad quem, quia generatio substantiæ versatur circa substantiam, alteratio. circa qualitatem, motus localis circa ubi, augmentatio verò circa quantitatem; quod non ita est intelligendum, quod per augmentationem producatur quæritas: hæc enim numquam de nouo produciuntur, cum sit cõstua materiæ, vt diximus primò Physicorum: sed intelligendam est, augmentationem versari circa quantitatem non producendam sed vniendam, id est, terminatur ad vniendam quantitatem alimenti cum quantitate viuontis, de quo postea.

Secunda verò differentia sumitur ex parte modi, quia id, quod augetur, necessariò mutat locum,

secundùm partes auctas: id verò quod generatur, per generationem non mutat locum, quia mutare locum supponit antea fuisse, eò quod omnis mutatio, vt vidimus secundò Physicorum, supponit subiectum prius duratione existens. Similiter, inquit, quod alteratio non necessario mutat locum.

Et si dicas, quia quod calefit, cum rarefiat medio calore, necessariò mutat locum. Respondetur, saltem in omni alteratione non esse necessarium mutare locum, vt patet de illuminatione, quando illuminatur aer: at verò in omni augmentatione, cum necessariò adueniant partes nouæ quantitatis, necessarium est, vt in omni augmentatione mutetur locus, saltem secundùm partes.

In secunda parte capituli explicat, quomodo fiat augmentatio, & breuiter quatuor dicit, primò, augmentationem non fieri ex materia separata: sed potius, inquit, fit ex alimento corporeo & diuilibili, & ita augmentatio non fit ex indiuisibilibus, quia, vt docuerat sexto Physicorum, indiuisibile non facit maius. Secundò docet, eius quod augetur, quamlibet partem augeri. Tertiò, id quod augetur, manere idem numero ante, & post augmentationem. Quartò, augmentationem fieri sine vacuo, quamuis requiratur ad illam alimentum extrinsecus accedens, quia tale alimentum non recipitur in loco, qui antea fuerat vacuus: sed corpore ali-

aliquo repletus. Adhuc tamē, quod sicut augmentatio sit per aduentum quantitatis, ita diminutio per recessum quantitatis: vnde infra ostendam, diminutionem non esse actionem productiuam, sed potius destructiuam.

Tandem in tertia parte disputat de alimento, & dicit, alimentum debere esse impotentia viuens, & ita inquit, in principio esse dissimile viuenti, in fine tamē simile, quia alimentum, conuertitur in substantiam aliti. Tandem inquit, quod alimentum in quantum est substantia, nutrit, in quantum verò est quantum, auget ipsum viuens, & quod animal quamdiu uiuit, semper nutritur, non tamen semper augetur: quæ omnia latius patebunt sequenti disputatione.

DISPUTATIO III.

De Augmentatione & Nutritione.

IN hac disputatione, illud in primis supponendum est, quod etsi nomen augmentatio minus proprie ad qualitates transferri possit, illæ enim per intentionem quodammodo dicuntur augeri, saltem intensiue, imò & extensiue per partes extensionis, quas habent sibi extrinsecas, vt disputatione precedenti dictum est: tamen proprie loquendo, & ex communi usu huius vocabuli, augmentatio tantum versatur circa quantitatem, quam maiorem efficit, sicut nutritio circa substantiam, quam reparat.

Quæstio I. Vtrum augmentatio differat a nutritione, & scilicet quis motibus?

Suppono in primis, falsam esse, & satis singularem sententiam Magistri sententiarum in 2. dist. n. 3. allentis, reuera non dari nutritionem, quæ alimentum conuertatur in substantiam aliti: sed potius inquit, alimentum est quasi forētum actionis naturalis calori reitens, ne agat in humidū radicales, quo viuens conseruatur. Hec enim in primis est contra Aristot. hoc capituli vbi dicit aperte: *Alimentum fieri actu caruem post conuersionem*: ergo conuertitur in substantiam aliti: quæ conuersio substantialis dicitur nutritio, & in fine capituli, ait: *Alimentum in fine transmutationis esse simile viuenti*. ergo ideo est, quia conuertitur in eandem substantiam. Denique ratio huius est, quia alimentum, quod animal sumit, disponitur ab ipso viuente, ibique viuens introducit qualitates, & dispositiones sibi connaturales, sicut non alia ratione lignum conuertitur in ignem, nisi quia introducuntur in illo dispositiones connaturales ignis: ergo propter similem rationem, alimentum saepe conuertitur in substantiam aliti, & ita reuera datur illæ actio substantialis, quæ appellatur nutritio.

Secundo, & est ratio D. Thom. 1. part. quæst. 119. artic. 1. qui viuens habet virtutem ad producendam

dam substantiam sibi similem per generationem substantialem: ergo multò melius habebit virtutem ad producendam substantiam sibi similem intra se per nutritionem. Patet consequentia, quia si semen separatum à viuente producit viuens, eò quòd est virtus viuentis, à quo decisum est: ergo multò melius poterit ipsum per se reparare suā substantiam, alteram sibi similem producendo per nutritionem.

Hoc supposito, circa primum, quod inquitur questio, scilicet, vtrum augmentatio differat à reliquis motibus? optimæ sunt differentia, quas adducit Aristoteles in hoc capite: neque opus est illas iterum repetere. Solum circa secundum aduertendum est, quòd quando viuens augetur, quòd secundum partes mutat locum, nō est eadē actio, augmentatio, & motus localis, sed potius duplex, quamuis vtrique si mul tempore fiat: quia augmentatio terminatur ad vniendam quantitatem, motus verò localis terminatur ad præsentiam localem: ergo istæ mutationes sunt maximè diuersæ. Et quāuis simul tempore, quo quis augetur, mutet locum, tamen augmentatio prius natura est, quā motus localis. Ex eo enim quòd viuens per augmentationem acquirit maiorem quantitatem, idē magis dilatatur in ordine ad locum, & ita augmentatio prius natura est, quā motus localis.

Est tamen dubitatio, vtrum viuens in augmentatione dicatur mo-

ueri localiter ratione partium de nouo aduenientium per augmentationem, an verò ratione partium pre-existentium? Respondetur, aliud esse id, quod mutat locum, aliud verò id, ratione cuius mutatur locus. vnde partes pre-existentes dicuntur mutare locum, nō quidem, quia ipsæ nō permaneant in eodem loco, in quo antea erant, sed quia dū cōtinuantur cum quantitate adueniente, per talem continuationem fiunt maiores, & ita maiorem locū occupant, quā antea occupabāt, & ita partes aduenientes sunt ratio, quare pre-existentes maiorem occupent locum, & ita dicantur moueri: id tamen, quod occupat nouū locum sunt partes pre-existentes. Addo tamen, partes aduenientes mutare locum, id est, maiorem occupare locum, quā antea. Ratio est, quia in partibus substantialibus, quæ adueniūt per nutritionem, generantur pori, vt ibi intret alimentum ad nutriendas illas partes, & ita tales partes dilatantur, atque adeò maiorem occupant locum, quā antea.

Difficilius ergo est primum, quod inquitur questio, scilicet, quæ ratione nutritio, & augmentatio inter se distinguantur? Plures enim existimant, nutritionem non esse diuersam ex natura rei ab augmentatione, sed potius per eandem substantialem actionem, qua acquiritur substantia noua, quæ actio est nutritio, per eadē prorsus actionē secundariò acquiri quantitatem nouam,

uam, & ita appellari augmentationem, sicut etiam existimant, passio nem eadem actione produci, qua producitur essentia. Tenet Vall. 7. controuer. 29. indicat etiam Marsilius hoc libro, questione 10. Et fundamentum esse potest. Primò ex Aristotele hoc capite, tex. 41. vbi dicit, nutritionem & augmentationem esse eandem actionem subiecto, id est, eadem re, quia si tantum vellet, quòd augmentatio, & nutritio habeant idem subiectum inhætionis, idem dicere posset de augmentatione & alteratione, quia utraque actio habet idem subiectum, vt infra dicitur: ergo cum id peculiariter dicat de nutritione, reuerà intendit, nutritionem esse actionem eandem realiter cum augmentatione.

Secundò, quia in generatione totali alicuius substantiæ, præter illam actionem, qua producitur substantia, nulla est alia ad quantitatem in nostra sententia: ponimus enim eam de numero quantitatem, quæ præfuit in corrupto, manere in genito, & ita non est specialis actio terminata ad quantitatem: ergo neque in generatione partiali, quæ est nutritio, erit aliqua specialis actio circa quantitatem, diuersam ab ipsa nutritione. Patet consequentia, quia sicut in generatione totali quantitas totalis, quæ præfuit in corrupto, eadem sine noua actione manet in genito, ita in nutritione eadem quantitas, quæ fuit in alimento, manet postea in viuente.

Quantitas enim nunquam producit in nostra sententia, est enim eorum materia, atque adeò, eadem in illa manet in omni augmentatione, vel quauis mutatione.

Nihilominus dico primò, nutritionem, & augmentationem esse actiones realiter & essentialiter diuersas inter se. Tenet Sanctus Thomas 5. Physicorum text. 10. & 14. Albert. de Saxoniam hoc libro, questione 4. & 5. Physicorum, questione 4. Pereira libro 14. Physicorum, c. 2. Toletus hic, questione 8. Banez questione 1. & colligitur ex Aristotele 5. Physicorum, textu 10. vbi asserit, ad quantitatem dari per se motum, minimè verò ad substantiam: sentit ergo, augmentationem, & nutritionem esse actiones ex natura rei diuersas.

Et ratione probatur: quia in sententia asserentium, quantitatem produci de nouo in augmentatione, re vera augmentatio habet terminum realiter diuersum à nutritione, eo quòd nutritio terminatur ad substantiam partialem producendam, augmentatio verò producit quantitatem, quæ realiter distinguitur à substantia, vt supra diximus: ergo in hac sententia necessariò fatendum est, augmentationem realiter distingui à nutritione. In nostra verò sententia, qua asserimus, quantitatem non produci de nouo, ac proinde terminum formalem augmentationis esse unionem vnius quantitatis cum alia, idem etiam facile probatur, quia nutritio, termi-

terminatur ad substantiam partialem: argumentatio verò ad vniendā quantitatem alimenti cum quantitate viuentis, vnitium autem vnius partis quantitatis cum alia: necessarium est accidens, quia non possunt duo accidentia partialia vniri per aliquid substantiale; sed accidens, & substantia semper distinguuntur realiter, vt sæpe diximus, quia accidens pendet à substantia in genere causæ materialis: impossibile autem est, causam, & effectum, esse idem realiter: ergo augmentatio, & nutritio habent terminos realiter diuersos, atque adeò sunt actiones realiter diuersæ. Quod verò distinguantur etiam essentialiter, ex eisdem principijs colligitur, quia nutritio terminatur ad substantiam, augmentatio verò ad accidens, scilicet, ad vnitium vnius quantitatis cū alia: ergo sunt actiones realiter diuersæ, tamquam actio substantialis, & accidentalis.

Dico secundò, nutritionem etiam distingui realiter à generatione, quæ est productio totalis substantiæ. Ratio est, quia per nutritionem aduenit substantiæ noua pars, sed talis pars realiter distinguitur à substantia præexistente, quia potest vna realiter separari ab alia, quia ante nutritionem erat substantia, quæ postea per nutritionem aduenit: ergo nutritio, & generatio, sunt actiones realiter diuersæ.

Difficilius tamen est, vtrum nutritio, & generatio sint actiones specie, & essentialiter diuersæ, quo-

rūdam enim sententia est, non distingui essentialiter, quia generatio, & nutritio nō habent terminos essentialiter diuersos: ergo non distinguuntur essentialiter. Antecedens probatur, quia terminus generationis est totalis substantia, quæ producit ex priuatione sui, tamquam ex termino à quo: terminus verò nutritionis est pars substantiæ, quæ additur præexistenti, quæ etiam sit ex priuatione sui; sed pars substantiæ, & tota substantia non distinguuntur specie, sed secundum magis, & minus, quod non variat speciem, & proinde, nec priuatio totius substantiæ, & priuatio partis substantiæ, quæ sunt termini à quo, specie differunt, quia priuationes distinguuntur per habitus, quibus priuatur: ergo generatio, & nutritio habent eosdem terminos ad quos, & à quibus, secundum speciem: ergo nō distinguuntur essentialiter.

Nihilominus dico tertio, nutritionem, & generationem esse actiones specie, & essentialiter diuersas. Quam conclusionem, vt probeamus, supponamus oportet, quæ actiones intercedant in generatione totali, quæ verò int. redant in nutritione: in generatione enim præter alterationem, & corruptionem substantialem, de quibus modò non agimus, tantum est vnica totalis actio, quæ producit formam vnitam materiæ, licet partialiter sit diuisibilis, quia sicut modus vnionis, & forma distinguuntur realiter, ita postulant actiones, saltem

saltem partialiter diuerfas, ita vt nō fiant per eādem indiuisibilem actionem, nec est alia actio substantialis in generatione.

Tamen in nutritione plures actiones partiales inueniuntur, omiffa præuia alteratione alimenti, & corruptione substantiali illius, de quibus etiam non agimus. Quia inprimis, cū in nutritione materia alimenti vniatur, & continuetur cum materia viuētis, medio quodam indiuisibili substantiali de nouo productō, totis actio substantialis est, vnit enim duas partes substantiales materiæ, medio quodam indiuisibili substantiali productō. Præterea est productio partialis formæ, quæ producitur in materia alimenti, quæ rursus non est omnino indiuisibilis, vt in simili diximus de generatione, cū modus vnionis ipsius formæ partialis, & forma ipsa partialis non possint fieri eadē porfius indiuisibili actione, cū sint entitates realiter diuersæ.

Præterea est alia actio substantialis vniens formam partialem productam cū forma præexistenti, medio quodam indiuisibili substantiali, verum est, quod in homine, in quo forma est indiuisibilis, & ingenerabilis, non intercedunt tot actiones in nutritione, solum enim intercedit actio vniens materiam alimenti cū materia hominis, & actio vnitiva animæ rationalis cum materia alimenti, quæ de nouo aduenit, quæ actio producit nouam partem nodi vnionis, & animara-

tionalis indiuisibilis manens cōtēditur ad informandā nouā materiā; tamen in alijs formis diuisibilibus omnes productiones inueniuntur.

Secundō notandum est, omnes actiones connumeratas essentialiter includi in nutritione, ita quod nutritio essentialiter dicat omnes illas actiones. Ratio est, quia nutritio est conuersio alimenti in substantiam aliti. sed in conuersione alimenti in substantiam aliti itē mē includuntur omnes illæ actiones, scilicet, quod materia alimenti vniatur cū materia viuētis, & quod ex materia alimenti educatur pars formæ viuētis, & quod hæc pars formæ vniatur cū forma præexistenti: ergo nutritio formaliter includit has omnes actiones.

Sed obi, ciunt nonnulli, ex hoc sequi, nutritionem esse vnum per accidens, & non esse vnam simplicem actionem, siquidem essentialiter includit tot actiones connumeratas. Respondetur tamē inprimis, verum esse, quod nutritio nō sit vnica simplex actio, cū essentialiter cōpenatur ex illis actionibus partialibus iā enumeratis: simplex autem illud dicitur, quod caret cōpositione partium. Nec hoc habet inconueniens aliquod in Aristot. vel in ratione, quis sicut illud, quod resultat in nutritione, scilicet, noua pars viuētis, non est aliquod simplex: sed potius integratur ex materia alimenti, & partiali forma producta, & etiā ex partiali modo vnionis, vniēte formam illam par-

partialem cum materia, ita nec minus est, actionem productiuam illius esse simplicem aliquam actionem, sed potius ex pluribus partialibus compositam: nego tamen actionem illam totalem esse vnum per accidens. Ratio est, quia non integratur ex pluribus actionibus totalibus, quarum quilibet sit completa, sed potius ex pluribus partialibus. Ratio est, quia de actionibus eodem modo philosophandum est, sicut de terminis per illas productis. Hac enim ratione, quando aqua generatur, sicut in illa sunt plures partes integrantes vnam aquam totalem, quæ est vnum ens per se, ita omnes illæ partes non sunt vnica indiuisibili actione, sed pluribus partialibus constituentibus vnicam continuam generationem totalem. Similiter forma, & modus vnionis vnica totali actione producitur, integrata ex pluribus partialibus, sicut forma ipsa, & modus vnionis respectu termini totalis, quod est compositum, habent rationem partis: sic ergo ille partialis modus vnionis, qui in nutritione producitur, & partialis forma, & vnio materiæ alimenti cum materia viuentis, sunt entia partialia, ordinata ad integrandam quædam partem viuentis, vnitam præexistentibus, & cum illis componentem vnum per se, ita actiones illæ omnes sunt partiales, componentes quidem vnicam totalem actionem per se, cuius adequatus terminus est noua pars viuentis, ex illis parti-

busiam cõnumeratis integrata, quæ totalis actio dicitur nutritio.

Et si inquiras, quem ordinem habeant inter se illæ tres actiones partiales, ex quibus integratur nutritio, scilicet, productio partialis formæ, & vnio materiæ alimenti cum materia viuentis, ac formæ partialis cum materia præexistenti? Respondetur, in primis, hæc omnia simul tempore fieri, quia viuens non potest introducere suam formam in materia alimenti, nisi illam sibi vniat, aliàs non conuerteret alimentum in suam substantiam.

Nihilominus dico secundò, esse aliquem ordinem naturæ inter illas actiones, ita vt prior natura sit productio formæ viuentis in materia alimenti, quàm continuatio materiæ alimenti, cum materia viuentis, & formæ partialis productæ cum forma præexistenti. Ratio est quia ea, quæ specie differunt, non possunt continuari inter se, & ita vt continuentur, præquiri debet, quòd sint eiusdem rationis: ergo prius natura est actio illa, qua forma viuentis introducit in materiam alimenti, per quam alimentum fit simile viuenti, quàm sint alia duæ actiones: altera, quæ vnitur materiæ alimenti cum materia viuētis: altera, qua vnitur forma partialis producta cum forma viuentis præexistenti. Inter has verò duas actiones vnitivæ est etiam ordo naturæ, quia, vt vidimus 6. Phys. indiuisibilia formæ subiectantur in indiuisibilibus materiæ: sicut tota ipsa for-

forma subiectatur in materia: ergo indivisibile formæ de nouo productum, continuatiuum vnius partis formæ cum alia, debet subiectari in indivisibili materiæ de nouo producto, quod continuat materia alimentum cum præexistenti: sed omne subiectum est prius hatura ipso, quod in illo recipitur: ergo prius natura est vnitio materiæ, quam vnitio formæ.

His ergo principijs suppositis, efficaciter potest probari conclusio supra posita, scilicet: nutritionem essentialiter distingui à generatione: Ratio est, quia generatio tantum dicit actionem productivam forme in materia, non vero continuationem vnius forme cum alia, & vnius materiæ cum alia, sed huiusmodi actiones continuatiue essentialiter includuntur in nutritione, quia vivens non potest nutriri ratione partis separatæ ab illo: ergo nutritio essentialiter differt à generatione, & per hoc facilius soluitur argumentum contrariæ sententiæ, quia quævis pars viventis, quæ per nutritionem producitur, sit eiusdem speciei cum ipso vivente producto per generationem, tamen non est illa illa terminus, qui fit per nutritionem, sed indivisibile formæ, & indivisibile materiæ, quibus continuatur cum materia, & forma viventis, & ita in termino à quo, præcedit etiam privatio formæ generandæ in materia, & privatio illorum indivisibilium, in generatione autem so-

lùm præcedit privatio formæ generandæ.

Dico quartò in hac questione, non omnes nutritiones esse eiusdem speciei, sicut nec omnes generationes, quia sicut generatio equi, & generatio leonis distinguuntur specie propter diversos terminos utriusque actionis, ita nutritiones illorum distinguuntur specie, quia producuntur per illas formas partiales diversæ rationis, quæ per consequens habent continuatiua diversæ rationis, quibus vna forma continuatur cum altera, circa dicta sexto Physicorum: ergo nutritiones substantiarum specie differentium distinguuntur specie. Vtrum autem omnes augmentationes sint eiusdem speciei, dicam questione sequenti.

Eandem adiargumenta eorum, qui contendunt, augmentationem, & nutritionem non esse mutationes realiter diversas, & in primis ad Aristotelis respondetur, quod cum docet augmentationem, & nutritionem esse eandem actionem subiecto, loquitur de subiecto, non in quo, sed ex quo, quasi dicat, tã nutritionem, quam augmentationem, fieri ex eodem alimento, quia, ut postea idem explicat, idem alimentum, in quantum substantiam nutrit, & in quantum est quantum, auget.

Ad secundam, esse diversam rationem de generatione, & nutritione, quia quando aliquod generatur de nouo, eadem omnino quantitas, quæ præfuit in corrupto, manet

ingenito, nec ibi intercedit continuatio duarum quantitatum, & præter actionem illam, quæ est ad substantiam, non datur alia ad quantitatem, quando aliquod generatur: tamen quando aliquod nutritur, quamuis non producat de nouo quantitas (hæc enim nunquam producit, vt sæpe dixi) tamen intercedit continuatio quantitatis alimenti cum quantitate viuentis, & ita, quando aliquod nutritur, præter nutritionem, quæ est actio terminata ad substantiam, datur alia actio, scilicet augmentatio terminata ad quantitatem, non quidem ad quantitatem producendam, sed ad vniendam quantitatem alimenti cum quantitate viuentis, quia, sicut dicimus, motum localem tendere ad locum, non quod motus localis producat locum: potest enim locus supponi iam factus ante motum localem mobilis, sed terminatur ad locum acquirendum: ita etiam augmentatio terminari poterit ad quantitatem, non quidem producendam, sed vniendam. Et hæc de hac questione.

Quest. II. Quid, & quod simplex sit augmentatio, & diminutio?

Circa primum, scilicet, quid sit augmentatio, & diminutio, cum essentia, & quidditas motuum cognoscatur propter terminos, videndum est, quid sit terminus a quo, & ad quem augmentationis, & diminutionis. E: quidem prima, & co-

munis Thomistarum sententia asserit. Terminum ad quem augmentationis esse partialem quantitatem, quia viuens sit maius, quam existant produci per augmentationem: cum isti Auctores non ponant quantitatem coæquam materię primæ, vt nos ponimus, terminum verò a quo augmentationis, dicunt esse minorem quantitatem, non prout significat carentiam maioris quantitatis, sed prout dicitur, modum quendam minoritatis, scilicet, qualiter est tanta, & non maior.

De diminutione vero dicunt, esse actionem quamdam, non quidem corruptiuam, sed productiuam, vt in simili de remissione supra retulimus, & ita dicunt, terminum a quo diminutionis, esse quantitatem illam maiorem, quæ est in termino a quo diminutionis: terminum verò ad quem, dicunt esse minorem quantitatem, non prout dicit priuationem maioris, sed prout dicit modum quendam positium minoritatis, oppositum maioritati, quæ præstatur in termino ad quem diminutionis.

Verum hæc res hæc suppositis his, quæ in simili diximus de intentione, & remissione qualitatum, facile, & breuiter expediri potest: unde dico primum, terminum a quo augmentationis, esse minorem quantitatem, prout dicit carentiam maioris quantitatis. Et probatur, quia in quantitate minori, tria tantum considerari possunt. Primum, ipsa quantitas, quæ dicitur minor, & hæc non est terminus formalis au-

gmentationis. Ratio est, quia adueniente termino ad quem, expellitur terminus à quo, propter formalem composibilitatem, quam habent: sed adueniente maiore quantitate nihil præexistentis quantitatis corrumpitur, sed potius manet totum id, quod erat antea, & aliquid amplius: ergo quantitas minor in ratione quantitatis non potest esse terminus à quo augmentationis.

Secundò, potest considerari in quantitate minori relatio ipsa minoritatis, & hæc non potest esse terminus à quo augmentationis, sicut nec potest esse terminus ad quem maior quantitas, sumpta pro relatione, quia ad relationem non datur per se motus: ergo neque est terminus à quo minor quantitas, pro relatione minoritatis; ergo restat dicendum, terminum à quo augmentationis, esse minorem quantitatem, prout dicit earentiam maioris quantitatis acquirendæ per augmentationem, & hinc fit, terminum à quo, & ad quem augmentationis, non esse verè contrarios, sed potius privatiuè oppositos, cum hoc tamen augmentatio est motus propriè dictus, & per se successiuus, quia quamvis terminus à quo augmentationis non sit formaliter aliquid positivum, tamen augmentatio, ex vi termini ad quem, habet sufficientem causam, vt sit per se successiua, quia quantitas acquirenda ratione sui habet partes ex-

tra partes, inter se distantes, quæ successiuè acquiruntur ratione sui, & ita est motus propriè dictus. Aristoteles autem, vt dixi tertio, & quinto Physicorum, numquam docuit, motum propriè dictum debere esse inter extrema propriè contraria, aliàs falso diceret, augmentationem esse motum propriè dictum, quia secundum ipsum, capite de quantitate, quantitati nihil est contrarium propriè loquendo, loquitur ergo de contrarietate, siue propria, siue impropria, quomodo autem quamvis contrarietas impropria reperitur in substantia, non detur, per se motus ad substantiam, diximus loco citato, quia vel substantia non habet partes ratione sui (vt quidam opinantur) & ita per se non petit successiuè produci, vel certè si habet illas, vt est longè probabilius, illæ non sunt inter se distantes, nec quardam extra alias ratione sui, sed per quantitatem, vt ibi dixi, & ita per se loquendo, non petit motum successiuum, vt producat.

Dico secundò in hac questione, terminus ad quem augmentationis est maior quantitas, non ita, quod quantitas aliqua producat per augmentationem, hæc enim numquam producit, sed potius producitur per augmentationem illud indiuisibile, quod vnit quantitatem alimenti cum quantitate viuents, & quia mediante illa continuatio ne duorum quantitatum, absque aliqua alia productione, consurgit maior quantitas, quam præfuit in

ipso viuentis: ideo dici solet, augmentationem terminari ad maiorem quantitatem, non producendam, sed vniendam cum alia, & ita terminus ad quem formalis, est indiuisibile continuatum, ex cuius continuatione confurgit maior quantitas: vnde Aristotel. hoc cap. numerum docuit, augmentationem esse productionem maioris quantitatis, sed a klitamentum inquit magnitudinis: & hinc vterius constat augmentationem esse motum posituum, id est, productum alicuius entis: patet etiam esse mutationem quandam accidentalem, & ita essentialiter diuersam a nutritione, qua producitur substantia aliqua partialis.

Dico tertio, quamuis terminus intrinsecus, productus per augmentationem, tantum sit indiuisibile, quod continuat quantitatem alimenti cum quantitate viuentis, tamen terminus ad quem augmentationis, quasi extrinsecus, est ipsa quantitas alimenti, non quidem vt terminus productus, sed vt terminus acquirendus per illam. Quæ conclusio probatur à simili de motu locali, quia in opinione omnium præter præsentiam localem, quæ est terminus intrinsecus, & productus per motum localem, etiam locus est terminus illius, quia quamuis motus localis non producat locum, tamen terminatur ad illum acquirendum: ergo similiter, quamuis quantitas alimenti non producat per augmenta-

tionem, tamen quia augmentatio terminatur ad illam acquirendam, erit quantitas alimenti terminus, saltem extrinsecus augmentationis: est enim proportionalis ratio.

Dico quarto, diminutionem non esse motum propriè dictum posituum, sed corruptiuum potius: non ita, quod quantitas corrumpatur, quia hæc in nostra sententia, vt sæpè diximus, est coæua materiz, & ingenerabilis, & incorruptibilis, sicut illa, sed potius per diminutionem discontinuatur pars quantitatis, quæ erat antea vnita cū quantitate viuentis, eò quod pars aliqua substantialis, quæ antea erat viuēs, conuertitur in prauum humorem, vel quid simile, ratione cuius illa pars quantitatis iam separatur à viuenti, & quia impossibile est, separari illam partem, nisi ex eo quod corrumpatur indiuisibile, quod continuabat illam cum quantitate viuentis, ideo quia diminutio consistit in illa separatione, ex qua quantitas præexistens minor fit, ideo diminutio est actio corruptiua, & non productiua alicuius. Quæ sententiam re vera insinuaue Aristot. dicens hoc capite, augmentationem fieri aliquo accedente, diminutionem vero aliquo recedente: ergo sentit per diminutionem nihil poni in viuenti, sed potius recedere, & ita diminutionem potius esse mutationem corruptiuam, quam productiuam alicuius entitatis.

Sed dubitabit aliquis hoc loco, **utrum** ad rationem augmentationis requiratur, quod viuens acquirat maiorem quantitatem, quam illam, quam per aliam partem deperdit.

Sunt enim, qui existiment, non esse augmentationem, nisi quando viuens acquirit maiorem quantitatem, quam antea habuerit, & ita in homine tres status, siue etates distinguuntur solent: alter, in quo magis acquirit, quam deperdit, & appellatur status augmentationis; alter verò, in quo tantum acquirit, quantum per alias partes deperdit, & huiusmodi etas appellatur status, quia nec decrescit, neque augetur; alter denique, in quo magis deperdit, quam acquirit, quod contingit in senibus, in quibus plures partes conuertere solent in prauos humores, quam acquirant de sua substantia, & appellatur status diminutionis.

Dicunt ergo, solum in primo statu contingere augmentationem, non verò in secundo, & tertio: cuius sententia fundamentum est, quia augmentatio, ut nomen ipsum sonat, est, qua aliquod augetur, & fit maius: quando ergo plures partes deperdit viuens, quam ex alia parte acquirit, talis actio non erat augmentatio.

Dicendum tamen est in hac re: nomine augmentationis duo posse significari. Primum actionem acquisitionis quantitatis, non cuiuscunque, sed maioris, quam antea præcesserit in viuente, ita ut per illam sim-

pliciter, & absolute dicatur augeri, & hoc modo verum est, non esse augmentationem, nisi viuens acquirat plus, quam deperdat: tamen alio modo sumitur augmentatio, pro quavis acquisitione quantitatis, quia per quamvis acquisitionem quantitatis, saltem pars illa, cui immediate additur, fit maior, quamuis contingat, viuens simul per aliam partem plus deperdere, & ita appellatur augmentatio, saltem respectu illius partis, quæ augetur. Et quidem, quod talis motus sit augmentatio: probatur, quia, ut ex Arist. vidimus, tres sunt tantum motus proprii dicti, scilicet augmentatio, alteratio, & motus localis: sed talis acquisitio quantitatis non est alteratio, nec motus localis, ut patet: ergo est motus augmentatio.

Et hinc etiam facile soluitur aliud dubium, quod hoc loco disputari solet, utrum, scilicet, in quantitate detur aliquis alius motus præter augmentationem, & diminutionem, videbatur enim, quod concedendus esset alius motus medius, terminatus ad quantitatem, quia augmentatio terminatur ad maiorem quantitatem, & diminutio ad minorem: sed inter maius, & minus datur medium, scilicet, æquale: ergo inter augmentationem, & diminutionem, datur motus medius terminatus ad quantitatem æqualem. Respondetur, motum acquisitionis quantitatis æqualis eum illa præexistente, reuera esse augmentationem, saltem

Et iij

respectu

respectu illius, quod crescit; & equipatur cum alio, ut enim diximus, per quamvis acquisitionem quantitatis, quamvis fortasse totum ipsum viuens non fiat maius, si contingat plus per aliam partem deperdere, tamen saltem respectu illius partis, cui immediatè additur talis quantitas, est augmentatio, quia illa fit maior per talem additionem.

Circa secundum, quod inquitur quaestio, scilicet, quotuplex sit augmentatio? notandum est ex communij Philosophorum consensu, augmentationem esse duplicem: aliam, quæ fit per intusumptionem, qualis reperitur in viuentibus: quia viuentia augentur, sumendo intra se alimentum, quo nutriuntur, vel per os, ut animalia, vel saltem per radices, ut arbores humorem ex terra quemdam per radices percipiunt, illoque augentur alia verò est augmentatio per iuxtaositionem, quæ reperitur in non viuentibus, ignis enim non augetur per aliquid intra se sumendo, sicut viuens, sed per iuxtaositionem, quia dum iuxta illam ponuntur combustibilia, illa in suam substantiam couertit, & ita fit maior. Quod verò in non viuentibus etiam reperitur suus modus augmentationis, patet, quia non viuentia postquam iam producta sunt, etiam augentur, tam in substantia, quam in quantitate, saltè per iuxtaositionem: ergo actio, qua substantia augetur, erit nutritio, & actio, qua quantitas augetur, erit augmentatio.

Dubium tamen est, utrùm augmentatio, & nutritio non viuentium, differant specie ab augmentatione, & nutritione viuentium?

In quo dico primò, nutritionem non viuentium essentialiter differre à nutritione viuentium, improprieque appellari nutritionem. Probatur prima pars conclusionis, quia nutritiones distinguuntur per diuersos terminos; sed per nutritionem viuentium producitur substantia viuens, & terminus à quo est priuatio illius: in non viuentibus verò producitur substantia inanimata, & terminus à quo est priuatio talis substantia: ergo tales nutritiones habent terminos ad quos; & à quibus, specie distictos, atque adeò specie distinguuntur. Quod verò nutritio non viuentium minùs propriè dicatur talis, probatur, quia nutritio, ut supra vidimus, non tantùm dicit productionem nouæ substantia, sed vnionem illius cum substantia præexistenti; ita quòd hæc duo semper sint connexa, quia eùm forma viuētis non possit esse, nisi in certa quadam quantitate, quando per nutritionem viuētis producitur exigua pars substantia, necessarium est, illam vniri cum substantia præexistenti, quia materia tam parua est, ut forma viuētis non possit conseruari in illa separata: at verò in non viuentibus talis vnio substantia partialis productæ per accidens est, quia cum non habeat minimum, sed possit eorum forma, in quauis exigua parte se-

para

separata conseruari, ideò quòd partes de nouo productæ uiuantur cum illis, per accidens est, ita, ut talis unio non consequatur per se ad illam productionem, sed nutritio dicit essentialiter, non solum productionem nouæ substantiæ, sed conuersionem illius in propriam substantiam: ergo nutritio non uiuentium minus propriè participat rationem nutritionis.

Dico tamen secundò, augmentationem non uiuentium, eiusdem speciei esse cum augmentatione uiuentium, & ita imperfectione essentiali æqualem esse utramque augmentationem. Ratio est facilis, quia quantitates uiuentium, & non uiuentium, eiusdem speciei sunt, atque adeò, & indiuisibilia utriusque; sed augmentatio, vel terminatur ad quantitatem producendam, ut tenet communis opinio, vel secundum terminatur ad uiendam quantitatem, medio quodam indiuisibili, quod non differt specie in uiuentibus, & non uiuentibus: ergo utraque augmentatio est eiusdem speciei, & æqualis in perfectione essentiali.

Addo tamen, secundum quamdam perfectionem accidentalem, augmentationem uiuentium esse perfectiorem augmentatione non uiuentium. Ratio est, quia in augmentatione uiuentium est distributio quædam alimenti per varias partes animalis. Et præterea producit per illam augmentum debitum, ut uiuens perfectè possit suas ope-

rationes exercere: ut uero augmentum non uiuentium non est illis aliqua ratione debitum, cum ex se non postulent certam, & determinatam quantitatem, qualis requiritur ad perfectam organizationem uiuentium: unde Aristot. hoc cap. præcipue agit de augmentatione uiuentium, ut quæ magis propria est. Et hæc de hac quæstione.

Quæst. III. Vtrum augmentatio, & nutritio sint motus continui, & propriè dicti?

DUobus modis potest intelligi, augmentationem, & nutritionem esse motus continuos. Primò, ut continuum sit idem, quod perpetuum: quod est quærere, utrum augmentatio, & nutritio perpetuò durent? Secundò, ita ut quamuis non perpetuò durent, durent tamen tempore aliquo continuo, ita ut non fiant per sola instantia temporis.

Circa primum, certum est augmentationem, & nutritionem, non semper durare, absque interruptione, & ita non esse motus perpetuos. Tam, quia saltem quando animal perit, pereunt etiam suæ operationes, quales sunt, augmentatio, & nutritio, vel quia fortasse non adest debitum alimentum, vel quia non semper adest debita dispositio, ut alimentum conuertatur in substantiam aliti, & ita nutritio, & augmentatio non durant perpetuò.

¶ Ff iij

Sunt

Sunt tamen ad hoc propositum difficultia verba Aristot. hoc capite paulo ante finem, ubi dicit: *Viuens quamdiu viuit, semper nutritur, non tamen semper augetur*. Respondetur tamen, Arist. in primis non intendere, quod animal semper, & absque interruptione nutriatur, sed aduerbium, semper, distribuit pro qua libet ætate, ita ut sit sensus, in qualibet ætate viuens nutriri, idum semper conuertit alimentum in suam substantiam. Dum tamen dicitur, non semper augeri, non loquitur de augmentatione, prout significat quamlibet acquisitionem quantitatis, hanc enim necessario habet animal semper, quod nutritur, quia impossibile est, alimentum conuerti in substantiam aliti, quod sit per nutritionem, nisi quantitas alimenti, illo corrupto, uniat cum quantitate viuentis, in quo consistit ratio augmentationis: loquitur ergo Aristot. de augmentatione, prout significat actionem, quatorum viuens fit maius, ita ut crescat totum, & hanc dicit, non semper habere quamdiu viuit, solum enim crescit animal usque ad determinatam ætatem; unde optime dicit, animal in qualibet ætate nutriri, id est, conuerti alimentum in substantiam aliti, non tamen semper augeri, quia aliquando plus deperdit, quam per illam partem acquirit.

Quæstio ergo præcipue habet difficultatem in secundo sensu, vtrum, scilicet, nutritio, & augmen-

tatio sint motus continui, id est, durantes tempore aliquo continuo? In qua re prima sententia est asserentium, nutritionem, & augmentationem, non esse motus continuos, sed potius fieri per instantia, ita ut alimentum tempore disponatur, ut conuertatur in substantiam aliti, & transacta tali alteratione in instanti fiat conuersio alimenti in substantiam viuentis, & per consequens, etiam augmentatio simul sit cum nutritione, & idem dicendum est de singulis partibus alimenti, ita ut in tempore disponantur ad corruptionem: deinde vero in instanti sequenti conuertatur in substantiam aliti per nutritionem. Docet Auerroes octauo Physicorum commen. 23. Tole. hic quæstione 11. & videtur sententia Sancti Thom. octauo Physicorum super textum 23. ubi dicit, impossibile esse aliquid augeri tempore continuo, ita ut in qualibet parte temporis illius, aliquid augeatur, imò Aristot. text. illo 23. videtur id decuisse, dum dicit, impossibile esse aliquid continuo augeri.

Et rationibus videtur suaderi hæc sententia. Primo, quia nutritio incipit finita alteratione præuia, quia alimentum disponitur ad corruptionem, sed talis alteratio durat per tempus, quia, ut vidimus capite præcedenti, alteratio est motus successiuus: ergo in instanti, quo finitur talis alteratio, incipit nutritio, & augmentatio, quæ fit simul cum illa.

Secundo, quia forma viuentis requi-

requirit minimū, vt vidimus quanto Physicorum; sed quæ incipiunt in minimo, incipiūt in instanti, quia producantur in certa, & determinata quantitate, atque adeo non in minori, & minori successiue: ergo cum semper per nutritionem producatur forma viuētis; sequitur nutritionem in instanti esse.

Tertiò, & est difficilis ratio, quia si nutritio fit successiue in tempore: ergo in instantibus continuatiuis illius temporis est iam conuersa aliqua pars cibi, saltē m̃ vt tanta, & in partibus sequentis temporis conuertuntur alię partes cibi: ergo idē in illo instanti non cōuertitur pars alimenti; quæ restat, in substantiam aliti, quia non est dispositio necessaria ad talem conuersionem, vel ergo in tali dispositione deficit aliquid diuisibile, vel indiuisibile: si diuisibile, ergo indiget tēpore diuisibili, vt per alterationē diuisibilem fiat, aque adeo falsum erit dicere, immediatē post tale instans esse faciendam conuersionem partis alimenti restantis: si autem in tali dispositione deficit aliquid indiuisibile, ergo fit in instanti indiuisibile, atque adeo falsum erit dicere, quod alimentum tempore sequenti fit vltimatē disponendum ad corruptionem: ergo numquam est verum dicere, immediatē post hoc erit nutritio, & ita non fit in tempore, sed in instanti.

Quartò, quia vt cibus conuertatur in substantiam aliti, requiritur certa aliqua dispositio, quæ sit tan-

ta, & non minor, sed dispositio vt tanta incipit in instanti, quia vt sic est indiuisibilis: ergo nutritio, quæ incipit; quando est vltima dispositio ad illa, etiā incipit in instanti.

Quintò, de augmentatione est peculiaris, & difficilis ratio, quia, vt hactenus diximus, augmentatio non terminatur ad producendam quantitatem; sed ad vniendā quantitatem viuētis; & quantitatem alimenti; sed illa continuatio fit medio quodam indiuisibili continuatiuo producto, sed indiuisibile in instanti producit: ergo talis vniō fit in instanti, atque adeo augmentatio fiet in instanti.

His tamen non obstantibus, dico primò, nutritionem esse motum continuum. Tenet Marsil. hic q. 14. Alber. de Saxon. q. 53. Iandunus 8. Phys. q. 7. Soto 1. phys. q. 4. & 6. Phys. q. 6. Bañez hic q. 2. Et ratio est facilis, quia tunc fit conuersio alimenti in substantiam aliti, quando est vltima dispositio sufficiens ad illud corrumperendum, illudque conuertendum in substantiam viuētis, sed talis dispositio successiue introducit, & continuo in diuersis partibus materiæ alimenti continuis, nec enim potest calor v.g. vt sex simul in tota materia alimenti introduci; quia successiue, & continuo transmutantur partes alimenti in substantiam aliti atque adeo nutritio est motus successiuus, & continuus.

Dico secundò, nutritionem esse

Ff v motum n

motum successivum, & cōtinuum per accidens, atque adeò non esse ipse iam propriè dictū: motus enim propriè dictus per se, successivus debet esse, & non per aliud. Hanc conclusionē etiam tuerentur Auctores citati in 1. cōcl. estque cōmunis §. Phys. ubi Aristot. negat ad substantiam dari per se motum propriè dictū. Ratio autē est, quam ibi diximus. quia etsi substantia, quæ per nutritionē producit, habeat proprias partes; tamen illæ partes, cum citrà quantitatem non sint quantæ, & molles, non sunt necessariò. partes extra partes; & ita non habent inter se distantiam requisitam ad causandum motum successivum, atque adeò substantia quantum est de se, non habet sufficientem causam ad causandum motum successivum: solum ergo nutritio fit successivè per accidens, ratio praviæ alterationis, quia scilicet materia alimenti paulatim per partes disponitur ad recipiendam formam viventis, quia cum talis materia habeat partes extra partes, ratione quantitatis, hi ut successivè, & paulatim disponuntur: ergo nutritio est successiva per accidens, atque adeò non est per se motus propriè dictus.

Dico tertio, augmentatio est motus per se cōtinuus, & propriè dictus ex communi sententiā, quem Auctores citati prima conclusionē tuerentur; imò est sententia expressa Aristot. 6. Physicorum tex. 49. ubi eodem modo asserit de motu locali, & de motu augmentatio-

nis, quia utique motus in continuo est, & non datur in illis, prima pars, & primum mutatum esse: ergo sicut motus localis est per se cōtinuus, & propriè dictus, ita augmentatio: imò & Sanct. Tho. qui in contrariam sententiam adduci solet, idem expresse docet super eundem textum, tateor tamen locum in contrarium adductum difficile explicari posse, nisi fortasse Sanct. Thom. velit, motum augmentationis non esse motum cōtinuum, id est, perpetuum: hanc fuisse mentem Aristot. tex. illo 23. octavo Physicorum infra ostendam.

Ratione autem probari potest prædicta conclusio, quia augmentatio terminatur ad acquirendam novam quantitatem, ex eo quòd quantitatem alimenti vniat cum quantitate viventis; talis autem quantitas successivè acquiritur, quia cum ex se habeat partes extra partes, ratione sui petit, quòd alimentum paulatim, & per partes disponatur ad cōversionem in substantiam aliti, ac pròinde ad augmentationem, quæ simul fit: ergo augmentatio ex vi quantitatis, ad quam terminatur, saltem acquirendam, licet non producendam, est motus successivus: ergo & per se est successivus: quia quòd convenit motui ratione terminorum, inter quos versatur, per se illi convenit, quia per se est via respiciens tales terminos, atque adeò est motus cōtinuus propriè dictus.

Sed obiicies, quia dum aquæ duæ
conti-

continuantur, in instanti continuas
continuantur, & ita in instanti pro-
ducitur superficies continuatua il-
larum: ergo similiter quantitas ali-
menti in instanti potest vniri cum
quantitate viuentis, ita quod in in-
stanti producatuſ superficies con-
tinuatua illarum quantitatum. Re-
spondetur, esse diuersam rationem,
quia cum illæ duæ aquæ, & illæ
substantiæ, sint omnino similes, &
fluidæ, sufficit contactus, vt conti-
nuentur absque alia alteratione
præuia: vnde quia contactus fit in
instanti, in quo finitur motus loca-
lis, idèd in instanti continuantur
illæ duæ substantiæ, ac per conse-
quens quantitates illarum, etiam in
instanti continuantur: quia tamen
substantia alimenti est dissimilis
cum substantia viuentis, non potest
continuari cum illa, & ita opus est,
quod corrumpatur, & conuertatur
in substantiam aliti, quæ corruptio
fit media alteratione successiua:
quia ergo quantitas alimenti non
potest continuari cum quantitate
viuentis donec alimentum conuer-
tatur in substantiam aliti, aliàs ead-
em quantitas esset in duabus sub-
stantiis, idèd non potest vniri in
instanti quantitas alimenti cum
quantitate viuentis.

Et si inſtes, ex hoc sequi, augmē-
tationem esse per accidens successi-
uam; quia alimentum non potest
in instanti corrumpi, & conuerſi in
substantiam aliti. Respondetur, ad-
huc illam alterationem idèd esse
successiuam quoad extensionem,

quia quantitas alimenti habet par-
tes extra partes, & ita necessarium
est successiue disponi, & quia quā-
titas alimenti est terminus ad quem
augmentationis, non quidem pro-
ducendus, sed acquiſendus, idèd
augmentatio ex vi ſui termini, ad
quem habet successioneſ propriam,
& ita per ſe.

Ad argumenta contrariæ senten-
tiæ respondetur, & imprimis ad
Diuum Thom. qualiter interpre-
tandus ſit, vt verum dicat; & ne ſibi
contradicat, dum 6. Phisicorum,
super textum 49. expreſſe aſſerit,
augmentationem eſſe motum con-
tinuum, iam ſuprà explicui.

Ad Aristotel. autem, quod cum
ibi aſſerit, impoſſibile eſſe aliquid
continuo augeri, idem eſt conti-
nuum, quod perpetuum, & ita tan-
tūſ intendit augmentationem non
eſſe motum perpetuum. Agit enim
Aristo. contra Heraclitum, aſſe-
rentem omnia ſemper moueri, &
ita cōtra illum docet alterationem,
& augmentationem non eſſe mo-
tus continuos.

Ad primam rationem responde-
tur, quod omnis forma requirit de-
terminatam aliquam diſpoſitionē,
vt introducatur, & ita quouſque
alteratio diſponens ſit tanta, non
introducitur forma ſubſtantialis,
quamuis autem illa, vt tanta inci-
piat intenſiue per primum ſui eſſe,
quia vt ſic, intenſiue eſt indiuiſibi-
lis; tamen illa diſpoſitio, quæ in-
tenſiue eſt tanta, extenſiue eſt di-
uiſibilis, & ita quoad extensionem
ſucceſſiue

ſucceſſiue producit in ſingulis partibus materiæ, & forma viuētis ſimul cum illa per nutritionem, quia forma ſtatim producit in materia, quando adeſt vltima diſpoſitio ad illam.

Vnde ad argumentum in forma reſpondetur, verum eſſe, quod nutritio incipit poſt finitam alterationem præuiam, tamen alteratio præuia, quamuis abſolutè definat per primum ſui non eſſe, tamen non ſequitur nutritio ad alterationē abſolutē, ſed alterationem, vt in tanta intentione, quia requirit certam diſpoſitionem vltimam, non minorem, alteratio verò incipit eſſe, vt tanta intēſiue per primum ſui eſſe; quia vt ſic eſt indiuiſibilis, ſed quia ruruſ illa diſpoſitio, vt tanta intēſiue, & extenſiue, in partibus materiæ ſucceſſiue introducit, ideo incipit per vitimum non eſſe, & quia forma viuētis incipit cū illa in ſingulis partibus materiæ, eo quod eſt vltima diſpoſitio, ideo etiam forma viuētis per nutritionem, incipit per vitimum non eſſe ſucceſſiue, non autem per primum ſui eſſe, & in inſtanti.

Ad ſecundū reſpondetur, quod, vt vidimus tractatu de maximo, & minimo, quamuis forma viuētis, quando incipit totaliter de nouo produci, requirat minimū, eò quod requirat certam, & determinatam quantitatem ad organizationē membrorū, quæ non poteſt eſſe in quauis minima quantitate, tamen quādo producit pars formæ per nu-

tritionem, non requirit minimum, ſed ſa ſecundū partes minores, & minores in infinitum. Ratio autem differentię eſt, quia nutritio ſupponit ipſum viuens productum, & ita habere organizationē ſufficientem, vt conſeruetur forma, & ita quidquid deinde additur, poteſt eſſe minus, & minus in infinitum, nutritur autem viuens, & augetur, vt melius, & perfectius eliciat ſuas operationes, vt conſeruetur.

Ad tertium reſpondetur, verum eſſe, quod cū nutritio incipit per vitimum nō eſſe, & ſucceſſiue, verificatur de illa, nunc non eſt conuerſio alimenti in ſubſtantiam aliti, & immediatè poſt hoc erit; & ita ideo eſt, quia de eſt aliquid diſpoſitionis diuiſibile quoad extenſionem, quia ſi aliqua intēſio diuiſibilis reſtaret producenda ante nutritionē, non eſſet verum dicere, in hoc inſtanti non eſt, & immediatè poſt hoc erit nutritio, quia ante nutritionem debet produci illa pars diuiſibilis intentionis, vt diſpoſitio perueniat ad certum gradum, tantū quantum requirit forma viuētis, vt ſit diſpoſitio vltima ad illam, de eſt ergo in illo inſtanti aliquid diuiſibile quoad extenſionem, quia calor v. g. vt ſex, debet produci in partibus materiæ, vt in illis introducat ſua forma viuētis, tamen quia calor, vt ſex v. g. eſt vltima diſpoſitio ad nutritionem, ſimul quod in tempore ſequenti introducit calor, vt ſex, in partibus materiæ ſucceſſiue, ſimul etiam introducit forma

forma viuientis successiue per nutritionem, ita vt illa vltima dispositio non sit prior duratione aliqua, quàm forma, sed solum prior natura, quia disponit ad illam, tamen in duratione reali, simul est dispositio & forma, vnde optimè saluatur, quòd immediatè post hoc incipiat nutritio, quia incipit simul cum vltima dispositione, quæ extensiuè incipit immediatè post in partibus materiæ.

Ad quartum, quidam, ne cogantur concedere, vnionem quantitatis viuientis cum quantitate alimentii fieri in instanti, dicunt, quòd quamuis vna quantitas, vt tanta, vnatur cum alia; medio quodam indiuisibili continuatiuo, quia vt tanta indiuisibilis est, & terminatur intrinseco indiuisibili, tamen partes quantitatis absolute sumptæ, & non vt tantæ, vniantur medio quodam modo vniuersali diuisibili, & ita dicunt in augmentatione successiue & continuo vniri quantitatem alimentii cum quantitate viuientis, atque adeò optimè saluari augmentationem absolute esse motum continuum.

Verum tamen si hæc sententia intendat, necessarium esse modum vnionis præter indiuisibile ipsum superadditum; vt partes vniantur, verissima est; ostendimus enim sexto Physicorum, omnia indiuisibilia esse res, & non modos, respectu partium, quibus adherent, & ita quòd vniantur cum illis per modum vnionis superadditum: si

tamen intendat, aliquando continuationem duram partium quantitatis fieri, absque aliquo indiuisibili per solum modum vnionis, falsa est, quia necessarium est ea, quæ continuantur, vniri per vltima, ea enim, quæ secundum profunditatem vniantur, penetrantur inter se; sed in quantitate non est dare vltimum præter indiuisibile, quia, vt 6. Physico. ostendimus, non est dare partem proportionalem vltimam: ergo necessarium est, quòd quandocumque duæ quantitates vniantur per continuationem, dari quoddam indiuisibile, quod sit vltimum vtriusque, & mediante illo continuentur tamquam vnitiuo interiecto inter vtramque.

Quàm aliter, & facile potest solui prædictum argumentum, quia cum quantitas alimentii, & quantitas viuientis, sint quantitates diuisibiles, etiam quoad profunditatem vniantur inter se quadam superficie de nouo producta, atque adeò, quamuis sit illa superficies indiuisibilis quoad profunditatem, tamen quantum ad longitudinē, & latitudinem diuisibilis est in partes, & ita capax, vt producat motu continuo.

Et si obijcias, quia si in augmentatione quantitas alimentii continuatur cum quantitate viuientis, medio quodam indiuisibili, quare potius dicitur viuens augeri, quàm ipsum alimentum? Respondetur duabus de causis; prima, quia id augetur, quod manet post augmentationem;

tionem: unde quia non manet alimentum, sed viuens, eo quod alimentum conuertitur in substantiam aliti, ideo augetur viuens, non verò alimentum. Secundò, quia id debet dominari absolute augeri, quod est maius illo, quod additur: si enim gutta aquæ addatur magnæ aquæ, absolute loquendo non dicimus guttam augeri, sed aquam præexistentem, quia ergo alimentum, quod viuens conuertitur in substantiam, exiguum est respectu quantitatis viuensis, ideo potius viuens dicitur augeri, quam ipsum alimentum.

Est tamen aduertendum, quod quando quantitas alimenti continuatur cum quantitate viuensis, etiam accidentia illa, cum continuantur inter se, vt albedo vtriusque quantitatis, tamen hæc actio vniuita non est per se motus, sicut actio vniuita quantitatum. Ratio differentie est, quam sæpe dixi, quia quamuis omnia accidentia corpora habeant partes sibi proprias, quoad extensionem, tamen illæ partes ex natura rei non sunt impenetrabiles, & partes extra partes, hoc enim solum conuenit quantitati molli, & ita reliqua accidentia per accidens vniuntur, successiue scilicet, quia quantitates, in quibus sunt, successiue vniuntur, & ita vniitio reliquorum accidentium non est per se motus, sicut vniitio quantitatis alimenti cum quantitate viuensis.

Solet tandem in hac questione dubitari, vtrum quando pars ali-

menti conuertitur in substantiam aliti, sit eadem materia continua in parte iam conuersa, & parte, quæ adhuc manet sub forma cibi, ita vt eadem materia continua, secundum diuersas partes, partim informetur forma viuensis, partim verò forma cibi?

Quidam enim existimant, ita esse, adducuntque exemplum de virga cuius medietas est viridis, informaturque forma arboris viuensis, medietas verò alia est sicca, & informatur forma inanimata.

Dicendum tamen est, hoc ipso, quod aliqua pars materiae cibi informatur per nutritionem forme viuensis, discontinuam ab alia parte, quæ adhuc manet sub forma cibi, & ita formas diuersas non posse per naturam informari partes continuas materiae. Ratio est, quia diuersæ formæ natura sua ordinantur ad constituenda diuersa tota, & ita ex natura rei. postulant discontinuationem materiae, vt quodlibet totum habeat suam materiam diuersam ab alio, & ita Aristot. 5. Meth. cap. sexto, optimè dixit, ea esse vnum numero, quorum materia est vna. Quare ad illud de virga respondetur, concedendo, reuera non esse illas medietates virgæ physice continuas, sed apparenter solum, sunt enim quædam ita fortiter, & veluti intimè inter se coniuncta, vt appareant continuæ, cum tamen reuera non sint, vt in artificialibus sæpè experimur. Ethæo de hac questione.

Quest.

Quest. III. Vtrum viuens maneat
idem numero post augmenta-
tionem?

Non est cur hoc loco dispute-
mus, vtrum animæ corporeæ
sint diuisibiles, vel indiuisibiles, vt
perperâ hoc loco Bañez, Toletus,
& alij disputant, habet enim qua-
estio hæc suam sedem secundo de
Anima, præsertim cum in omnium
opinionem, saltem animæ viu-
entium imperfectorum, qualia sunt,
plantæ, reptilia, & alia huiusmo-
di, diuisibiles sint. Hic autem ha-
bet præcipuè difficultatem præ-
sens questio. Primum, quia cum istæ
animæ diuisibiles sint, cuilibet par-
ti materię correspondet, sua pars
formæ, diuersa ab alijs partibus, &
ita in parte materię, quæ erat ante
sub forma alimentari, introducit
noua pars formæ, quia si pars
formæ præexistentis extenderetur
ad informandam illam materiam,
iam eadem pars formæ simul infor-
marêt duas partes materię, quod
non minus est per naturam impos-
sibile, quàm, quod eadem forma
totalis, informet duas materias to-
tales.

Ex quo arguuntur sic: quia si
cum qualibet parte materię, adue-
nit viuenti noua pars formæ: ergo
cum viuens post magnam ætatem
transactam plurimas materię par-
tes acquisierit mediante alimento,
& præexistentes partes viuents,
paulatim per continuationem ca-

loris corrumpantur, iam in fine æta-
tis non habet viuens partem aliquã,
tam materię, quàm formæ, ex his
quæ habuit, cum primogenitum
fuit, sed totaliter erit transmuta-
tum: ergo post augmentationem
continuum non manet idem nu-
mero viuens.

Secunda ratio dubitandi est, de
non viuentibus, quia si portioni
aquæ addas æqualem illam portio-
nem, talis aqua augetur, nõ tamen
manet eadem numero, ac antea
erat, quia cum vtraque portio æqua-
lis sit, non est maior ratio vnius,
quàm alterius, antè autem erant
duæ aquæ totales, & non vna nume-
ro: ergo nec post augmentatio-
nem manet eadem numero aqua.

In hac re quorundam sententia
est, idèd viuens manere idem nu-
mero post augmentationem, quia
tamen per nutritionem adueniat
noua pars materię, forma tamen
non aduenit noua, & ita non fluit,
& refluit, sed eadem, quæ infor-
mabat partes præexistentes, absque
aliqua additione sui extenditur ad
informandam illam nouam mate-
riam, & ita manere idem numero
viuēs, quia saltè forma, à qua habet
esse semper manet inuariata. Quæ
modò dicendi sequuntur Auerroi-
stæ tractatu de nutritione capit. 1.
Durand. in 1. distinct. 34. adducit
que pro sua sententia Aristot. quem
hoc capere dicunt, asserere, viuens
post augmentat onem, manere
idem, secundum formam, non ta-
men secundum materiam.

Hæc

Hæc tamen sententia, quamvis verum dicat in homine, ubi forma est indiuisibilis, ibi enim eadem indiuisibilis forma extenditur ad informandam nouam materiam, ita vt sit tota in tota materia, & tota in qualibet parte; quod etiam plures aliter contingere in formis perfectorum animalium, existimant enim, illas esse indiuisibiles: de quo dicam secundo de Anima; tamen saltem in formis animalium imperfectorum, falsum dicit: anima enim talium animalium, sine dubio diuisibiles sunt: experimur enim anguem, & alia reptilia, adhuc diuisa, moueri, quod euidentis indicium est, illorum animam, adhuc diuisam, conseruari, & ita necessarium est, has animas diuisibiles proportionari cum partibus materiae, ita vt singulis partibus materiae correspondeat singulae partes formae: ergo saltem in his producit per nutritionem noua pars formae, aliàs si pars formae praexistens eadem indiuisa esset tota in vtraque materia simul, & tota in vtraque parte seorsum, proculdubio est indiuisibilis, sicut anima rationalis. Verba autem, quae ex Arist. adducuntur, scilicet, viues manere idem, secundum formam, non tamen secundum materiam; falso imponuntur illi, solum enim asserit, viuens augeri, secundum formam, non vero secundum materiam. Quae verba, quae ratione interpretabilia sunt, diuinae quæst. sequenti.

Quare, vt rem hanc explicemus,

notandum est, aliud esse quærere; vt in singulis augmentationibus viuens maneat idem numero, aliud vero vt in multis, & diuturnas augmentationes transactas permaneat idem numero viuens?

Vnde dico primo, si loquamur in singulis augmentationibus, viuens non est diuersum ab eo, quod fuit antea totaliter, distinguitur tamen à se ipso, sicut includens, & inclusum. Ratio est, quia viuens per augmentationem, & nutritionem acquirit quamdam partem quantitatis, & substantiae realiter diuersam à praexistentibus, vt supra diximus: ergo addit supra id, quod erat ante, entitatem realiter diuersam ab illo: ergo distinguitur realiter ab illo, sicut includens, & inclusum, quia post augmentationem includit aliquam entitatem quam antea non habebat.

Prima verò pars conclusionis, scilicet, quod viuens maneat idem numero, ac erat antea, patet, quia totum, quod erat ante augmentationem, permanet: ergo secundum illud, quod habebat antea, permanet idem: & hæc est mens Aristote. quando in hoc capite dixit, viuens permanere idem numero, factus enim est, vt permaneat idem subiectum motus, secundum illud, quod praefuit antea; nam si loquamur de toto illo, quod resultat ex illo, quod erat antea, & ex illo, quod de nouo acquiritur in omni motu, debet esse diuersum realiter

liter à præexistenti, sicut includens, & inclusum. Ratio est euident, quia in omni motu acquirit subiectum aliquam nouam entitatē ex natura rei diuersam à præexistenti: ergo addit supra id, quod erat antea, hac entitatem realiter diuersam: ergo distinguitur realiter à præexistenti, sicut includens, & inclusum, secundum hoc, quod includit nouum, & realiter diuersum. Quando ergo dicit in omni motu permanere idē subiectum, necessariō intelligendum est, cum eadem entitate, quæ præfuit.

Quare difficilius est, vtrum post longam vitam, plurimæque augmentationes factas permaneat idem numero viuens. Quidā enim existimant post longam vitam nullam prorsus manere partem ex his, quas viuens habuit in primo instanti generationis, sed iam omnes fluxisse, & alias de nouo successisse. Et ita existimant viuens post longam vitam peractam phylicē, & propriē non permanere idem numero, sed solum, secundum proportionem, qualiter fluuius appellatur idem, secundum proportionem, quia omnes aquæ fluunt, & refluunt, adueniuntque in eadem distantia, & proportionē. Ita etiam, quia omnes partes, quæ de nouo adueniunt viuenti, sunt eadem, secundum eandem proportionē, & figuram, & membrorum organizationem, solum hoc modo potest viuens appellari idem numero. Sic docet Marfil hoc

lib. quæst. 12. Albertus de Saxonia quæst. 10. tamen reuerā isti paruum entitatem numericam tribuunt viuenti.

Quare dico secundō in hac questione, etiam post longas, & diuturnas augmentationes, non variari omnino viuens, sed semper permanere in illo quasdā partes ex his, quas habuit, cum primogenitū fuit. Et ita semper permanere idem numero secundum illas.

Pro cuius intelligentia notandū est, partes viuents esse in duplici differentia; quædam appellantur nutritimentales, & sunt illæ, quas per nutritionem acquirit: aliæ verō appellantur seminales, & sunt illæ, quas ex vi solius seminis habet viuens. Et rursus istæ sunt in duplici differentia. Quædam sunt solidæ, quales sunt cartilagine, & ossa, & nerui. Aliæ verō sunt raræ, quæ facile actione caloris naturalis corrumpuntur, quales sunt partes, quæ carne constant tantum.

Dico ergo, partes aliquas solidas seminales, quas viuens in principio habuit cum illo permanere, ut ossa, & cartilagine. Ratio est, quia huiusmodi partes propter nimiam soliditatem, quam habent, difficilimē destruuntur à calore naturali, qua ratione experimur, senes iam penē decrepitos, etiam carnes habeant maxima ex parte consumptas, ossa tamen, & cartilagine cum parua, vel nulla diminutione habere. Quod certum indicium est, partes illas difficillimē pati à

Gg calore

calore naturali, ita ut ipsum viuens corrumpatur; prius quàm tales partes corrumpan-
tur. Quam sententiam docuit Albertus Magnus in summa de homine, quæ st. 1. de potentia generatiua. Richard. in secunda distinct. 3. Philop. & Nyphus hoc capite.

Solent duo obijci contra hanc sententiam. Primò, quia omnes viuentis partes informantur eadè forma viuentis: ergo sunt eiusdem rationis, & ita non videtur maior ratio, quare quædam semper maneant in viuenti, aliæ verò minimè.

Secundò, etsi partes solidæ plus resistent actioni caloris naturalis, quàm partes carnosæ, tamen adhuc aliquid patiuntur calore naturali: ergo cum huiusmodi partes solidæ acquisite in prima generatione exiguæ sint, tamen post longam, & diuturnam actionem caloris naturalis debent corrumpi, & aliæ loco earum succedere: ergo nulla est pars, quæ permaneant in viuente post longam eius ætatem.

Respondetur tamen ad primum, quòd quamuis omnes partes viuentis informantur eadem anima, quia anima est actus corporis organici, tamen iuxta diuersa organa, diuersas petit dispositiones, & ita non in omnibus petit soliditatem, & duriciem; à quibus prouenit, quòd ossa difficilè nimis corrumpan-
tur à calore naturali.

Ad secundum, verum esse, partes solidas aliquid pati à calore na-

turali, esseque in principio generationis exiguas respectu earumdem, quando viuens est in perfecta ætate, tamen quædam sunt, non adeò exiguæ, quales sunt costæ, & ossa, quæ sunt in femore, quæ non sunt adeò exiguæ, & cum aliàs propter duriciem, minimum quidem patiantur à calore naturali, ideo prius viuens ipsum totaliter perit, quàm istæ partes radicitus corrumpan-
tur.

Tandem ex dictis patet solutio ad primam rationem dubitandi, quamuis enim in pluribus viuentibus cum noua parte materiæ producatnr noua pars formæ, similiterque aliæ ex præexistentibus corruptione recedant, tamen aliquæ sunt partes solidæ in viuētibus, quæ eadem permanent, ita ut prius contingat mors animalis, quàm funditus corrumpan-
tur.

Ad secundam, quòd quando duæ portiones aquæ vniuntur, totum illud resultans ex illis, cum neutra illarum est idem realiter, quia distinguitur realiter à qualibet, sicut includens; & includiunt, per alteram partem, quàm dicit, solum est idem cum aliis copulatis, & vnitis, tamen semper est verum, utramque portionem aquæ manere eandem numero, ac fuit antea, quamuis diuersimodè, nam antea, qualibet erat totum, separatum ab alio, modò verò sunt cum relatione partis ad totum, eo quòd ratione continuationis cum alia iam habet ratione partis, tamen

re vera, in sua substantiali entitate eadem est. Et hæc de hac questione.

Quest. V. Vtrum in ea, quod augetur, qualibet pars augetur.

Aristoteles in hoc cap. docet viuens augeri, secundum speciem, non tamen secundum materiam, vel, vt alij vertunt, augetur, secundum formam, non secundum materiam, ibi enim species formam significat, vbi Aristot. non loquitur de materia, & forma, quæ sunt partes essentielles compositi naturalis, ostendimus enim in pluribus viuentibus, cum noua parte materiz adueniri etiam nouam partem formæ. Et ita tam materiam, quam formam augeri.

Quare, vt res hæc intelligatur, notandum est, quod partes viuents sunt in duplici differentia, quædam sunt homogeneæ, quædam verò, heterogeneæ. Illæ sunt homogeneæ, quæ integrantur ex partibus eiusdem rationis, qualiter qualibet pars carnis est caro, & quæuis pars ossis est os, heterogeneæ verò sunt, quæ integrantur ex partibus diuersæ rationis, saltem in qualitativis, figura, & alijs accidentibus diuersæ rationis, qualiter manus, vel brachium appellatur pars heterogenea, quia integratur ex carne, ossibus, & nervis, quæ sunt diuersæ rationis; & hinc fit, quod partes heterogeneæ componantur ex homogeneis, quæ tamen inter

se sunt diuersæ rationis. Atque adeo partes heterogeneæ dicuntur partes formales, quia differunt inter se figura, quæ solet appellari forma extrinsecare, qualiter Aristot. cap. de qualitate quartam speciem, scilicet figuram, formam appellat. Partes verò homogeneæ appellantur partes materiales, quia non componuntur ex partibus, quæ differunt figura, vt caro, vel os.

His suppositis, certum esse debet, non per quamlibet augmentationem augeri omnes partes viuents, contingere enim potest, quod modò fiat augmentatio in pede, non verò in capite, si fortè contingit illic alimentum esse magis dispositum, quam in alia parte. Solum ergo potest esse dubium, vtrum simul cum augmentatione vnius partis, contingat omnes alias augeri, non quidem simultate metaphysica, sed morali: contingere enim potest, quod in hac parte temporis fiat augmentatio in vna parte, non verò in alijs, nec loquimur de partibus proportionalibus, quia si viuens iam grande augetur, secundum partes omnes proportionales, ita quod cuiuslibet parti proportionali alia adderetur, fieret duplo maius tale viuens, tum etiam, quia cum alimentum debeat intrare per poros, vt fiat augmentatio, si viuens, secundum partes proportionales augetur, iam diuideretur continuum in omnem partem proportionalem, quod implicare contradictionem, vidimus 6,

Physic. loquimur ergo de partibus aliquotis.

Dico primò, cum viuens augetur, quælibet pars eius heterogenea augetur. Et hac ratione exponenda sunt verba Aristotel. in hoc capite, dum dicit, in eo, quod augetur, quamlibet partem augeri: & ita experimur, quod cum brachium crescit, crescit manus, caput, & pedes, iuxta proportionem suam, nisi fortasse ex lætione aliqua, vel morbo contrarium cõtingat: qua ratione contingit membrum nihil augmentationis subire.

Dico secundò, non omnes partes homogeneæ augetur immediate. Ratio est, quia, vt dicam quæstione sequenti, in viuenti iuxta partes solidas sunt pori, in quibus recipitur alimentum; ex quo viuens immediate augetur, & cum illa pars solida sit diuisibilis, partes profundæ illius immediate nõ tangunt porum, in quo est alimentum: ergo illæ partes non augetur immediate, id est, per aliquod intra se receptum, qualiter partes heterogeneæ, vt brachium, per sanguinem intra se receptum augetur.

Ex dictis ergo patet, quis sit sensus illius propositionis Aristot. id quod augetur, augetur secundum formam, non secundum materiam, sensus enim est, augeri secundum partes formales, quales sunt heterogeneæ immediate, & per se, non tamen augeri secundum quamlibet partem materialem immediate. Et hinc secundò fit, totam

hanc doctrinam intelligendam esse solû in viuentibus, inanimata enim, quæ minus propriè augetur, non habet partes heterogeneas, propterea in illis, non est verum dicere, quamlibet partem augeri, quia cum augeantur, per iuxtapositionem, illa pars, cui immediate ponitur pars adueniens, est quæ immediate augetur, aliæ verò minime. Et hæc de hac quæstione.

Quest. VI. Quæ sint causæ augmentationis, & quomodo fiat?

Circa primum, scilicet, quæ sint causæ augmentationis, & nutritionis, certum est, illam non habere causam formalem intrinsecam, quin potius ipsa augmentatio, & nutritio sunt quædam formæ accidentales, eò quod sunt actiones de prædicamento actionis, solum habent causam formalem extrinsecam, quia cum actio sumat suam specificationem ex termino, ideo terminus augmentationis, & nutritionis habet rationem causæ formalis extrinsecæ, respectu illarum. Quis autem sit terminus augmentationis dictum est supra quæstione secunda: in nutritione verò terminus quasi totalis, est pars substantialis, quæ de nouo aduenit, prout integratur, ex sua materia, & forma partiali illius: terminus verò formalis in viuentibus, quæ habent formam indiuisibilem, vt in homine, est solus modus vnionis partialis de nouo productus,

ductus, quo eadem forma indiuisibilis vnitur cum parte materiæ, quæ aduenit: est enim forma hominis ingenerabilis, & incorruptibilis. In viuentibus verò, quæ habent formam diuisibilem, terminus formalis est noua pars formæ simul cum modo vnionis, vt in simili diximus de termino formali generationis in lib. Physic. Vtrum forma & modus vnionis eadem indiuisibili actione producantur, diximus supra.

De causa autem materiali augmentationis dicendum est in primis, quod si loquamur de causa materiali, ex qua alimentum est causa materialis vtriusque, quia, vt docuit Aristot. in hoc capit. alimentum in quantum substantia nutrit, & ratione quantitatis auget. Si verò loquamur de causa materiali, in qua, seu de subiecto, quod difficilius est, dicendum est in primis, quod si loquamur de subiecto totali, ipsum viuens est subiectum augmentationis, & nutritionis, illud enim denominatur nutrire, & augeri, & ita Aristot. id docuit, viuens debere manere idem numero in augmentatione; & nutritione, quia, vt sæpe docuerat quinto, & sexto in physicorum, in omni nutritione debet dari subiectum permanens sub vtroque termino. Si verò loquamur de subiecto immediato, & præciso augmentationis, & nutritionis, dicendum est in primis de nutritione, quod cum illa inuoluat plures actiones partiales, vt supra vidimus, non est eodem modo loquendum de om-

nibus, quia actio illa partialis, quæ producitur pars formæ in materia cibi, subiectionatur in ipsa materia cibi, actio enim, & terminus recipiuntur in eodem subiecto.

Alia verò est actio, quæ vnitur forma producta cum forma præexistenti, cum quadam superficie substantiali, producta per vnitionem materiæ alimenti cum materia viuentis, & ita subiectionatur in materia. Rario est, quia, vt vidimus in Physic. indiuisibilia formæ subiectionatur in materia, sed actio, & terminus subiectionatur in eodem subiecto: ergo actio vnitiua vnus formæ, cum qua producitur superficies continuatiua vtriusque partis, debet subiectionari in superficie materiæ producta per vnitionem materiæ alimenti cum materia viuentis. Tandem sicut indiuisibile materiæ non habet subiectum inhaesionis, vt vidimus loco citato, eod. quod materiæ est primum subiectum, sed solum habet subiectum adhaesionis, quia adheret vtrique parti, quam vnit, ita actio productiua illius indiuisibilis, scilicet illius superficiæ, non habet subiectum inhaesionis, sed tantum subiectum adhaesionis, quod satis est, vt non sit creatio, vt vidimus eodem loco. Verum est, illā actionem esse accidentis de predicamento actionis, tamen non est de ratione omnia accidentis habere subiectum inhaesionis, sed satis est, si habeat subiectum adhaesionis, vt de creatione diximus secundo Physicorum, quæ tamen est actio de

prædicamento actionis, ut ostensum est.

De argumentatione verò dicendum est, subiectari in superficie materiæ de nouo producta in nutritione. Ratio est facilis, quia terminus augmentationis est superficies de nouo producta continuatiua quantitatis alimenti cum quantitate viuentis, sed indiuisibile quantitatis immediatè subiectatur in indiuisibilibus materiæ, ut in Physica ostensum est, ad modum quo ipsa quantitas immediatè inhaeret materiæ primæ, ergo augmentatio subiectatur inhaerens in indiuisibili materiæ, producta per nutritionem.

Et si obijcias, de ratione mutationis est, ut vidimus 3. Physicor. quod præsupponat subiectum, nõ solum prius natura, sed prius etiam duratione existens, sed indiuisibile materiæ simul duratione fit cum ipsa augmentatione, quia, ut sæpè vidimus, nutritio, & augmentatio simul duratione fiant: ergo ex dictis videtur sequi, non esse augmentationem motum, seu mutationem realem.

Respondetur negando consequentiam. Primò, quia satis est, subiectum totale, quod est ipsum viuens, præcedere formam, & non solum natura, sed duratione. Secundò, quia quamuis subiectum inhaesionis, solum præcedat in prior natura, tamen subiectum adhaesionis prius tempore præcessit. Et ratio est, quia, ut dixi 6. Physicor. subiectum adhaesionis aliquis in-

diuisibilis, sunt partes, quibus adhaeret, & quas copulat, quare ergo illa superficies producta per augmentationem copulat quantitatem alimenti cum quantitate viuentis, quæ prius duratione præexistebat, illique adhæret per duos modos vnionis superadditos; idèò optimè saluatur, augmentationem esse mutationem realem, respectu subiecti totalis, & subiecti adhaesionis: fateor sanè magis esse subtilia, & vera, quàm in scholis nostris audita, ideoque sine tanta metaphysica distinctè licebit dicere, subiectum augmentationis, & nutritionis esse viuens ipsum.

De causa verò efficienti augmentationis, & nutritionis, si absolute loquamur, dicendum est, esse ipsum viuens, quod media actione naturali caloris alimentum in propriam substantiam conuertit, & ita nutritur, & augetur: tamen si rem minutissimè explicare licet: dicendum est in primis, augmentationem, qua producitur superficies illa continuatiua quantitatis alimenti cum quantitate viuentis, licet mediatè ab ipso viuenti procedat, eò quod mediante conuersione alimenti augetur, tamen immediatè causatur ab ipsis partibus materiæ vnitis, quia sicut materia prima est causa efficiens quantitatis (ut 1. Physic. ostensum est) ita materia continua est causa continuationis quantitatis: sed hæc continuatio fit media illa superficie; ergo talis superficies effectiue

oritur.

oritur ab ipsis materijs, prout vni-
tus: nutritio verò fit à viuentē, me-
dijs dispositionibus receptis in ipso
alimento, hæc enim effectiue con-
currunt ad conuersionem substan-
tialē, ostendimus enim. 2. Physic.
accidētia recepta in passio, esse quæ
immediatē instrumentaliter attingunt
productionem substantiæ, &
ita iuxta hæc dicendum est, disposi-
tiones receptas in alimento instru-
mentaliter concurrere ad conuer-
sionem substantialem.

Tandem de causâ finali augmen-
tationis dicendum est, esse ipsum
uiuens, huiusmodi enim actiones,
scilicet, nutritio, & augmentatio, à
natura ordinatæ sunt propter ip-
sum viuens, vt melius se habeat,
meliusque suas operationes exer-
ceat.

Circa secundum, quod inquit
quæstio, scilicet, quomodo fiat au-
gmentatio, aliquam ingerit diffi-
cultatem. Primo, quia si verum est,
viuentia augeri per intussumptio-
nem, videtur necessariū, quod par-
tes internæ carnis nutrantur, & id,
ex quo nutriuntur, intret vsque ad
illas partes internas, & ita augmen-
tatio, vel fiat cum pene ratione di-
mensionis, vel certè cum scissione
aliquarum partium, & ita cum do-
lore, quæ omnia sunt falsa.

Secundò, quia cum animal nu-
tritur medio sanguine, vel medul-
lis conflatis ex sanguine, quando
sanguis deficit in parte superiori,
necessarium est, sanguinem ascēde-
re motu sursum, vt pars superior

nutriatur, sed sanguis est corpus gra-
ue: ergo nisi violenter, non potest
ascendere sursum: ergo augmenta-
tio non fit omnino naturaliter.

Tamen, vt qualiter augmenta-
tio fiat, explicemus, notandum est,
in viuentibus inter partes solidas esse
quasdam cavitates, quæ vocantur
pori, non quidem omnino vacui,
quia natura abhorret vacuum, sed
pleni aere, vel certò humore subti-
li, cuius rei manifestum indicium
est, quod animalia sudorem inter-
num, prauosque humores depel-
lunt, quia si non essent cavitates
istæ, per quas aqua illa expellere-
tur, non posset sudor contingere,
nisi cum generatione, vel saltem
cum scissione partium, atque adeò
cum dolore, neque omnia animalia
sunt æqualiter porosa, quia quædā
habēt poros magis obstruosos, & oc-
clusos, quædam verò maiores, hæc
enim est causa, quare in quibusdam
hominibus facilius cōtingat sudor,
quàm in alijs.

Secundò notandum est, cum Ga-
briele, & Aristot. secundo de par-
tibus animalium, cap. 5. variis mu-
tationes fieri in alimento, vt tan-
dem conuertatur in substantiam ali-
ti, quia præter masticationem fa-
ctam in ore, quæ in minutissimas
partes redigitur, deinde in stoma-
cho actione naturalis caloris con-
coquitur, conuertiturque in quam-
dam substantiam, quæ vocatur chili-
lus; deinde huiusmodi chilus per
vias quasdam, ad hunc finem à natura
designatas, accedit ad iecur, ibique

in sanguine conuertitur, sanguis verò deriuatur inde ad omnes partes corporis per venas, multipliciter ramificatas, ita vt per totum corpus dispergantur. Deinde verò partes animalis, per virtutem attractiuam quam habent, sanguinem attrahunt ad se per poros, vbi sanguis continetur, donec in substantiam aliti conuertatur.

Rursus in hac conuersione sanguinis septē actiones interueniunt. Prima est alteratio, qua sanguis diffinitur, vt conuertatur in substantiam aliti, deinde est productio formæ viuētis, in materia sanguinis, quæ non est actio omnino indiuisibilis, integratur enim ex actione partiali productiua formæ, & ex actione productiua vnionis illius cum materia. Tertia est corruptio sanguinis. Quarta continuatio materiæ sanguinis cum materiâ viuētis, medio quodam indiuisibili materiæ productio. Quinta est continuatio formæ productæ cum formâ præexistētī, medio quodam indiuisibili formæ, etiam de nouo producto. Tandem sexta post has actiones, quibus perficitur nutritio, sequitur augmentatio, quæ consistit in vnione quantitatis alimenti, cum quantitate viuētis: ad augmentationem autem sequitur motus localis, quia cum viuens fiat maior, maiorem occupat locum: quâuis autem inter illas concoctiones, sit ordo durationis, tamen deinde inter reliquas actiones solum est ordo naturæ: sunt enim omnes si-

mul tempore, habent tamen hunc ordinē, vt prior sit actio productiua formæ in materia alimenti, quod est sanguis, nam cum alimentum vnatur viuēti, in quantum est simile illi, prius supponitur esse simile illi, per productionem formæ, quàm illi vnatur. Deinde inter actiones vnitiuas, prior natura est vnio materiæ alimenti cum materia viuētis, quàm vnio formæ productæ cum præexistēti, eò quod superficies formæ de nouo producta subiectatur in superficie materiæ productæ per vnitionem materiæ alimenti cum materiâ viuētis, subiectum autem prius natura debet esse, & supponi productum: ergo prius natura est vnio materiæ; quàm vnio formæ: tandem est vnio vtriusque quantitatis, & reliquorum accidentium, ad quæ omnia sequitur esse motus localis.

Ex dictis patet solutio ad primam rationem dubitandi, potest enim fieri nutritio sine dolore, & sine penetratione per poros suprâ explicatos, ita vt pars solida viuētis augeatur medio sanguine recepto in poro, qui est iuxta illam.

Et si dicas, ex hoc sequi, quod viuētia non augeantur per intus sumptionem, sed per iuxta positionem in poris. Respondetur, quod quando Aristot. & reliqui Philosophi docent, viuētia augeri per intus sumptionem, non loquuntur respectu singularum partium, quæ augentur, sed respectu totius viuētis, ita quod viuens intra se sumat

ali-

alimentū, quo nutrirī possit, quod non contingit in non vigentibus: at verō si loquamur respectu singulorum partium, quæ sunt intra se ipsum, reuerā illæ augentur per iuxta positionem, quia cum totum viuēs non sit porus, sed necessariō habeat aliquas partes solidas, illæ necessariō augentur per alimentum iuxta positum in poris.

Ad secundam, reuerā in partibus viuētis esse virtutem attractiuam alimēti medio impulsu illi impresso, sicut magnes attractiuam ferri virtutem habet, nec enim credendum est, sanguinem, cum grauis sit, ascendere posse ad nutriendum caput, nisi ab illo effectiue trahatur, sicut etiam aliæ sunt partes in viuēti, quæ habent facultatem expultricem, scilicet, vt villata à se expellant excrementa, & prauos humores: cum hoc tamen dicendum est, augmentationem naturalem esse, tum quia formale augmentationis, vel nutritionis, non consistit in illa attractione, hæc enim actio est multo tempore ante augmentationem, tum etiam quia licet ista attractio, respectu sanguinis, violenta sit, quia vi illata attrahitur, tamen respectu viuētis est naturalis, quia habet naturalem virtutem ordinatam ad attrahendum alimentum, sicut optimè dicimus, attractionem ferri esse naturalem magneti, licet non ipsi ferro. Et hæc de hac quæst.

Quæst. vltima, quale debeat esse alimentum ad nutriendum?

Licet hæc res, si exactè pertractanda esset, medica sit, tamen quia Arist. in fine huius capituli non nihil de alimento disputat, placuit breuiter, quantum res philosophica pati possit, aliquid dicere. Arist. 2. de partibus animalium, capit. tertio, docet, sanguinem esse alimentum vltimum, ex quo partes animalis immediatè nutriuntur per conuersionem ipsius sanguinis in substantiam aliti.

Notandum tamen est, partes viuētis esse in duplici differentia, quædam sunt sanguinosæ, vt caro; quædam verò exangues, id est, sine sanguine, vt ossa: vnde dicendum est in primis, quoddam Aristot. ait partes animalis immediatè nutrirī ex sanguine, intelligendum esse de partibus sanguinosis, qualis est caro, tamen partes exangues non nutriuntur immediatè ex sanguine, qualiter ossa nutriuntur ex medulla, non verò ex sanguine, saltem immediatè, imò & stomachus, vt plures docent, non nutritur ex sanguine, sed chilo ibi gemito ex concoctione alimentī, & ita non est contrarietas inter Arist. & Medicos, asserentes, sanguinem non esse immediatum alimentum animalis. Vtrum autem omnis sanguis sit nutritivus, id est, ex quo viuens nutritur, vel sit concedendus alius sanguis à priori diuersus, vt qui-

dam volunt, sedem habet secundo de Anima.

Possit etiam hoc loco disputari, vtrum purum elementum possit esse alimentum viuientis. Videtur enim plantam immediatè nutrirì ex terra: est tamen res hæc medica, communiorque medicorum sententia est, nullum purum elementum posse esse alimentum viuientis, & ita plantæ non augentur immediatè ex terra, sed humore quodam actione caloris genito, quem dum per radices percipiunt, nutriuntur, & augentur. De his autem, & pluribus alijs, quæ hoc loco inquiri possent, ne extra nostrum negotium saltare videamur, hæc sint satis.

Caput VI.

CUM Aristotel. cap. 10. huius libri acturus sit de mixtione, incipit iam ab hoc capite, quædam ad illius intelligentiam necessaria præmittere, & cum ad mixtionem requiratur, quod miscibilia ad inuicem alterentur, & necessarius est contractus inter illa: breuiter capite isto de contactu requisito agit, & in summa docet, inter ea, quæ ad inuicem agunt, vel miscentur, necessarium esse, esse contactum: inquit tamen, contactum multiplicem esse: Primum, quando duo corpora habent vltima simul, siue inter se agant, siue non: secundò, quando non solum sunt simul secundum vlti-

ma, sed inter se habent rationem mouentis, & mobilis, id est, quando inter se agunt, & patiuntur, quæcumque ratione illud cõtingat, tunc enim est quædam immediatio inter mouens, & passum.

Tertiò notandum est, quando non solum habent vltima simul, sed agunt, & patiuntur ad inuicem, vbi nomine actionis, & reactionis intelligitur ex communi interpretu sententia, non quæuis actio, sed mutua alteratio, hæc enim, vt dicam capite sequenti, appellatur actio, & reactio, addit tamen, contactum in rigore sumi in prima significatione, quem tamen definit dicens, tangere est vltima habere simul, quæ omnia diffuse explicat. Hæc in litera.

Circa literam.

CIRCA hoc caput in primis disputari possit de similitudine requisita inter agens, & passum ad agendum, & de sphaera actiuitatis, intra quam debet esse passum, vt possit esse actio inter illa: de his autem late à nobis dictum est 2. Physic. disputatione de causa efficiente, quare hoc loco cum Aristot. definiat, & diuidat contactum, disputare placeat, licet breuiter, quæ sit ratio formalis contactus, quod à nemine videtur tactum, fortasse quia non videtur tanti ponderis.

Est in primis illud in hac re debet esse certum, quod quando duo corpora

corpora immediatè se tangunt, superficies vltimè illorum, debent esse penetratæ in eodem spatio: ratio est euidens, quia, vt latè vidimus, 4. Physico. sicut partes diuisibiles locati correspondent partibus diuisibilibus spatij, punctu namque adæquatè non potest esse, nisi in puncto spatij: ergo vel illa indiuisibilia vltima, per quæ corpora se tangunt, sunt in eodè indiuisibili spatij, & sic habeo intentum, scilicet, quodd in illo penetrentur, vel non, sunt in eodem indiuisibili spatij, sed in duobus, & tunc aperte sequitur, quodd illa corpora non se tangunt. Ratio est, quia non dantur duo indiuisibilia immediata: ergo si vltima indiuisibilia illorum duorù corporum sunt in duobus indiuisibilibus spatij, cum talia indiuisibilia spatij non sint immediata, necessariò debet mediare aliqua pars spatij, sed quando inter duo mediat aliqua pars spatij, non se tangunt immediatè, quia: aliquid mediat: ergo necessarium est, quodd in corporibus immediatè se tangentibus vltimæ superficies illorum penetrentur in eodem spatio, quamuis enim penetratio corporum sit impossibilis per naturam, tamè penetratio indiuisibilium nõ est impossibilis, sed necessaria, & est impropria penetratio. Vnde meritò Aristot. in definitione contactus dicit, corpora se tangere, quando vltima sunt simul, nisi enim sint penetrata, non possunt simul esse, vt ostensum est.

Dico ergo primò, contractam virtutalem formaliter consistere in formatione qualitatis in alio. Ratio est, quia contactus virtualis dicitur talis per proportionem ad quantitatum, quemadmodum in contactu quantitativo, aliquid vnius corporis est simul cum alio, ita in contactu virtuali, saltem virtus, vel qualitas producta ab vno est in alio, & ita virtualiter dicitur illud tangere: sed qualitatem esse in corpore aliquo, est informare illud: ergo ratio formalis contactus virtualis consistit in informatione qualitatis productæ ab alio. Dixi productæ ab alio, quia si Deus se solo produceret impulsus in ferro: non diceretur magnes tangere ferrum, quia cum talis impulsus nõ sit virtus illius, eò quodd non est ab eo productus, ideò non tangit illud per suam virtutem, atque adeò non est ibi contactus virtualis.

Dico secundò, quodd licet contactus virtualis præsupponat actionem productiuam illius qualitatis, qua agens tangit passum formaliter, tamen nõ consistit in tali actione. Ratio est, quia adhuc transacta actione productiuam illius qualitatis, si tamen illa perseveret in passo, cum sit quædam virtus producta ab agente, adhuc est virtus agentis in passo: ergo agens adhuc tangit passum media sua virtute, atque adeò est cõtractus virtualis transacta iam actione.

Dico tertio, etiam contactum quantitativum non consistere in actione.

actione aliqua. Ratio est, quia si duo corpora ita sunt approximata, ita quod vltima sint simul, & deinde Deus impediat omnem actionem inter illa per ablationem sui concursus, talia corpora adhuc se tangunt, vt patet ex definitione Arist. quia eorum vltima sunt simul.

Nec obstat, quod tangere sit verbum actiuum, quia plurima verba actiua non significat actionem propriam, sed grammaticalem duntaxat, penes hoc, quod videatur sonare actionem, sicut etiam formare, & sustentare, verba actiua sunt, neutrum tamen consistit in actione.

Dico quarto, rationem formalem contactus quantitativi non esse absolutam, sed reuelatiuam potius, ita vt consistat in relatione similitudinis localis, secundum vltima indiuisibilia. Probat ex definitione contactus adducta hic ab Arist. quia corpora, inquit, se tangere, est, quod eorum vltima sint simul: ergo consistit ratio formalis contactus in relatione similitudinis localis, secundum vltima indiuisibilia, quæ relatio est prædicamentalis de primo genere, fundatur enim in vnitatem locali, secundum vltima indiuisibilia, quemadmodum similitudo fundatur in vnitatem secundum qualitates.

Sed obieciēs, quia contactus produciatur per motum localem approximationis, ex eo enim, quod vnum corpus per motum localem ad aliud accedat, fit contactus, sed ad relationem non datur per se mo-

tus: ergo ratio formalis contactus non consistit in relatione. Respondetur, contactus non produci immediate per motum localem, quin potius per motum localem produciatur præsentia localis vnius corporis iuxta aliud, ita vt vltima sint simul, in vnitatem autem illarum præsentiarum fundatur relatio similitudinis localis, in qua consistit ratio formalis contactus, ad modum quo 4. Phisicorum diximus relationes propinquitatis, & distantie fundari in præsentia locali separata ab alio, vel illi coniuncta. Hæc de hoc capite.

Caput VII.

Postquam Arist. egit de contactu requisito inter duo, vt adinuicem agere possint, agit in hoc capite de ipsa actione corporum. Caput autem duas continet partes, in prima proponit sententiam antiquorum de hac re, deinde verò inter alias media via incedens suam declarat sententiam, docet ergo de actione, & passione duas fuisse antiquorum sententias, alteram dicentium simile non agere in simile, neque ab illo pati, & ita dicebant, quando minus calidum patitur a maiori calido, idcirco est, quia magnum, & paruum, vt sic, contraria sunt, & ita hoc modo dissimilia. Fundamentum autem huius sententie erat, quia si similia sunt æqualia; ergo neutrum ex illis vincet aliud,

aliud, atque adeo neutrum potest in alterum agere. Altera autem sententia fuit Democriti asserentis, simile agere in sibi simile, quia linea, inquit, non agit in albedinem.

Arist. vero in secunda parte cap. has sententias conciliat, dicens, illas non esse contrarias, sed subcontrarias, possunt enim conciliari, unde dicit: Agens & passum, neque debent esse omnino similia, neque omnino dissimilia, quia debent esse similia in genere, dissimilia autem in specie, id est, debent esse similia in materia, hæc enim appellatur genus physicum, & ita debent habere materiam communem, secundum formam autem debent esse dissimilia. Rationem reddit, quia si agit simile in omnino simile, idem posset agere in se ipsum, nil enim est in agens vnum sibi ipsi, quam ipsummet: unde, inquit, primum mouens mouet non motum, & ita primum alterans, scilicet calum, non patitur ab his interioribus, quia non communicat in materia cum illis, habet enim materiam diuersæ rationis ab illis. unde inquit: si agentia communicent in materia, sintque dissimilia in forma, aditque debita approximatio, erit inter illa mutua actio, & reactio. Tandem concludit, principium unde motus, esse ipsum agens, id est, agens esse principium operationis, passum vero principium passionis, non autem esse, cuius gratia ad fit.

DISPUTATIO IIII.

De proportionibus requisita inter agens, & passum ad agendum.

Quamuis 2. Physic. disput. 4. tam de causa efficiendi in communi sumpta, quam de requisitis ad illam, actum sit, hoc tamen loco disputat Arist. de proportionibus requisita inter agens, & passum ad alterationem, quæ est peculiaris actio, quæres in philosophia non parum necessaria est, neque admodum facilis.

Quæst. I. Vtrum agens possit agere in se ipsum?

Ratio dubitandi sumitur ex Arist. hoc capite, ut ex eo impugnat sententiam antiquorum asserentium, simile posse agere in simile, quia etiam idem posset agere in se ipsum. Et ita 7. & 8. Physic. sæpè docuit, omne, quod mouetur, ab alio debere moueri, imò in omni, quod à se mouetur, debere distinguere partem per se mouentem à parte per se mota, alias idem esset in actu, & in potentia in actu quidem, quia vnumquodque operatur in quantum est in actu: in potentia vero in quantum quod passiuè mouetur, debet esse in potentia ad terminum.

Verumtamen dico primò, idem non potest agere in se ipsum motu generationis, vel corruptionis, id est, idem non potest se ipsum generare,

rare, vel corrumpere. Ratio est in primis de generatione, quia sequeretur, idem esse, & non esse simul. Probat sequela, quia de ratione generationis est, quod procedat de non esse ad esse, & ita debet prius non fuisse; id autem quod generat, debet prius existere, quæ existentia est conditio necessaria ad agendum: ergo simul præexisteret, & non præexisteret, quæ ratio, non solum probat de potentia naturali, sed adhuc de potentia Dei absoluta: inconueniens enim, quod ex opposito sequeretur, quod idem simul sit, & non sit, adhuc de potentia Dei absoluta, poni non potest.

De corruptione substantiali fieri potest simile argumentum, quia in instanti, in quo est corruptio, non est corrupta, ex alia verò parte si se ipsum corrumpit effectiue, debet tunc existere, ergo simul esset, & non esset.

Dico tamen secundò, si loquamur, non quidem de corruptione substantiali, sed de alteratione præuiâ, quia aliquid disponitur ad corruptionem, idem posset se ipsum corrumpere, saltem secundum diuersas sui partes: hac enim ratione experimur ex defectu alimenti calorem naturalem animalis agere in partem illius, ita quod una pars agat in illam, eam ad corruptionem disponendo: imò hinc ulterius fit, quod etiam substantialiter illam corrumpat, attingendo ultimam corruptionem substantialem, pro-

ductionemque nouæ formæ. Ratio est, quia agens, quod producit ultimam dispositionem, etiam effectiue attingit corruptionem substantialem, & generationem nouæ formæ, sed experimur partes calidiores animalis agere in alias, illasque conuètere in prauos humores, quia non informantur anima viuenti, sed alia diuersa forma: ergo secundum diuersas partes non repugnat, idem corrumpere se ipsum per accidens.

Et si dicas, quia tunc agens intendit assimilare sibi passum: ergo nulla pars viuentis, quæ eius forma informatur, potest substantialiter destruere partem aliquam, introducendo in illam formam diuersam. Respondetur per se loquendo, omne agens intendere assimilare sibi passum per accidens tamen, & ratione dispositionis passum sepe agit, producitque effectum sibi dissimilem, quod ut ex communi sententia dicam cap. sequenti, ex mutua actione, & reactione elementorum generari mixtum, diuersum ab elementis: sic ergo, quia inter partes viuentis, cum heterogeneæ sint, non omnes petunt idem temperamentum, dum partes calidiores destruunt temperamentum aliarum, illas se corrumpunt, ita necesse est introduci ibi noua forma diuersa à forma viuentis, quâ ante habebat, quia impossibile est, formam genitam esse eiusdem speciei cum forma corrupta, ad quâ immediatè subsequitur, sicut nunquam generatur ig-

nisi in igne, sed in ligno, vel in alia re huiusmodi; cuius rei ratio est, quia agens intendit assimilare sibi passum, & ita nunquam producit formam similem illi, quam passum habet.

Dico tertio, motu augmentationis, & motu locali, idem potest agere in se ipsum, adhuc secundum eandem partem, & quidem de motu locali ostendimus 2. Phys. disp. 1. non solum animata, sed inanimata etiam moueri à se ipsis, ita quod eadem pars integrali sit mouens, & inota. De motu vero augmentationis idem etiam probatur quia viuens, secundum partes pre-existentes effectiue se auget, dum secundum illas partes effectiue conuertit alimentum in propriam substantiam, sed etiam viuens secundum partes pre-existentes denominatur auctum, quia aliud est, id quod denominatur actum, aliud verò id, ratione cuius augetur, quauis ergo viuens augeatur, ratione partium de nouo aduenientium, tamen id, quod augetur, & fit maius, est id, quod pre-existebat: ubi non intendo subiectum inhesionis, ipsius augmentationis esse partes pre-existentes, de tali enim subiecto diximus supra, solum enim intendendo partes pre-existentes denominari auctas passiuè, non quia augmentatio in illis recipiatur, sed quia partes de nouo acquisitæ adueniunt illis, & Phylice cum illis copulantur, & ita hac ratione dicatur passiuè augeri.

Dico quarto, si loquamur de motu alterationis, idem potest agere in se ipsum, & secundum eandem partem, actione perfectiua, corruptiua verò idem potest agere in se ipsum, secundum diuersas partes, non secundum eandem. Probatur prima pars, de actione perfectiua, quia eadem potentia indiuisibilis, scilicet intellectus, agit in se ipsam, dum per actionem intelligendi in se producit verbum mentis, & eadem voluntas producit in se amorem: denique actio illa, qua aqua se reducit in pristinam frigiditatem, actio quædã est, quia est actio productiua qualitatis, tamen oritur effectiue ab ipsa aqua, etiam vt à causa principali, vt ostendimus 2. Phys. disp. 1. ergo alteratione perfectiua bene potest idem agere in se ipsum. Quod verò alteratione corruptiua idem possit agere in se ipsum, secundum diuersas partes, patet ex supra dictis in exemplo illo de calore naturali consumente ex defectu cibi partes aliquas animalis, tamè quod alteratione corruptiua idem non possit agere in se ipsum secundum eandem partem, probatur, quia quælibet pars corporis naturalis ex natura rei petit qualitates conservatiuas sui, qualiter quælibet pars corporis naturalis ex natura rei petit qualitates sibi connaturales, qualiter quælibet pars aquæ petit frigiditatem sibi connaturalem: ergo hoc ipso petit absentiam qualitatis contrariæ; ergo nil potest secundum

dum eandem partem se ipsum disponere ad corruptionem.

Vnde ad rationes dubitandi. respondetur in primis Aristot. optimè argumentari contra Democrit. dicentem, quòd simile agit in simile, quia idem posset agere in se ipsum: Democritus enim asserēbat, conditionem necessariam ad agendum esse similitudinem, seu convenientiam agētis cum passō, ut quòd aliqua sunt magis similia, tantò melius possent inter se agere: contra quem mortuum dicendi optimè insert Aristoteles, quòd idem posset agere in se ipsum, quod intelligendum est semper, & in omni alteratione, etiam corruptiva, nihil tamen habet maiorem convenientiam, & proportionem cum se ipso, quàm ipsemet: ergo si quòd maior est similitudo, tantò melius cōtingere potest actio, sequeretur semper, idem posse agere in se ipsum, etiam per actionem corruptivam, quod est falsum: non tamen reputat Aristotel. inconueniens; quòd aliquando idem possit agere in se ipsum, quando est perfectiue: at verò quando Aristotel. 7. & 8. Physic. docet, omne, quod mouet, ab alio moueri, intelligendum est, quòd nihil se ipsum mouere possit, sed omnia, quæ mouentur, indigere concursu alterius, sola enim prima causa operatur sine indigentia concursus superioris, hoc tamen non tollit, quòd aliquid possit moueri à se, licet indigeat etiam concursu alterius. Ex hoc principio sic

intellectio, optimè probatur esse dandum primum motore, quia vllò alio indigeat ad operandum. Secundo exponitur, quòd vnumquodque moueatur ab alio ad applicationē hic, & nunc, quia quamuis ignis habeat virtutem ad calefaciendum, tamen quòd illi applicetur hoc lignum, potius quam aliud, ab extrinseco prouenit, vel domus combustio tribui solet applicanti ignem, ut hic; & nunc, comburat. Tandem 2. Physicor. disput. 1. vidimus, quā ratione interpretanda sunt verba Aristot. in eò quòd a se mouetur; distingui partem per se mouentem à parte per se mota, debet enim intelligi, ut verum sit, non de partibus integralibus, sed essentialibus, ita ut principium actiuum sit forma, materia verò passiuum.

Quaest. II. Vtrum simile possit agere in simile ratione maioris densitatis?

TOta difficultas questionis est, vtrum duo agentia æqualis intensiōis, atque adeò hoc modo similia, possit vnum agere in aliud, ex eo quod densius sit: atque adeò habens maiorem multitudinē partium? quòd est querere, vtrum densitas materiæ sit ratio producendi effectum intensiorem, quàm aliàs produceretur?

In qua re prima sententia affirmat maiorem densitatem materiæ (si cætera sint paria) ex parte intensiōis

fronis in qualitate, solum esse rationem, ut agens quod densius est, citius operetur, quam agens rarum: non tamen, ut operetur intensius, quin potius in intensione æqualem effectum producant. Quam sententiam plurimi hoc tempore sequuntur, eamque desumere ex Paulo Veneto in summa, ca. 23. & Alberto de Saxonia hoc libro, quæstione 14. & fundamentum esse potest, quia agens intendit assimilare sibi passum, sed in hoc casu corpus rarum, & densum habent similem qualitatem, etiam in gradu: ergo producant æqualem effectum: ergo vnum non poterit agere in aliud.

Secunda sententia asserit, maiorem densitatem esse rationem, ut agens possit producere maiorem intensiorem, quam in se habet: & ita corpus calidum ut quatuor, densum tamen, posse agere in corpus calidum, etiam ut quatuor, atque adeo simile posse agere in simile ratione densitatis materia, tenet Marsilius 1. de Generatione, quæstione 2. Sotus 2. Physicorum ca. 2. Nyph. 1. de Generatione, text. 19. dub. 2. quæst. 2. Tolet. hic quæst. 19. Quæ sententia multis suaderi videtur rationibus. Ex inprimis Arist. octavo Physicorum tex. 8. dicit, in maiori magnitudine maiorem virtutem esse: sed in agente denso sunt plures magnitudinis partes: ergo ibi adest maior virtus: sed agens maioris virtutis intensius operatur: ergo non solum crescit actiuitas ex ma-

iori intensione formæ, sed etiam ex multitudine materia, ut in agente denso. Et 1. libro Metaph. ait Aristoteles, quod virtus vnita fortior est seipsa dispersa: sed in agente denso est virtus vnita: ergo intensius operabitur.

Secundo, id probari videtur manifestis experientiis, quia ferrum candens producit in stappa calorem ut octo, quia producit in ea formam ignis, cum qua calor ut octo est: ipsum tamen ferrum non habet calorem ut octo, quia non est ignis, sed ferrum: ergo ideo est, quia propter magnam densitatem, quam habet, continet virtutem ad producendum maiorem calorem, quam in se habet.

Præterea, experientia constat, duo luminosa æqualis virtutis æque applicata eidem parti aeris, intensius illam illuminare, quam quodlibet seorsum: ergo multitudo agentium etiam æqualis intensiōis, confert ad producendum effectum intensiorem.

Tertio, quia repetitis actibus æqualis intensiōis, augetur habitus intensiue: experimur enim repetitis, etiam præmissis, facilius nos operari: ergo signum est, habitum intendi.

Quarto, id est de guttis aquæ, quæ pluries cadendo cauant lapidem.

Quinta experientia est de radijs solaribus, quia si transeant per speculum, vel densum vitrum, aliquando ignem causant in corpore

Hh. exi-

existente post speculum, quem tamen, ablato vitro, non causant, quæ omnia manifeste indicare videntur, maiorem multitudinem materiam esse causam, quare agens sit longè fortius, & potentius: & ita potest simile agere in simile, ratione maioris densitatis.

Tamen in hac re explicanda, dico primò, agens, quantumvis densum, non posse producere maiorem intensiorem in effectu, quàm in se habet, & ita simile non posse agere in simile, ratione densitatis. Quam sententiam tenet Gregorius in 1. d. 17. quæst. 4. articulo secundo. Victoria in relectione de augmento charitatis, Vallesius controuerfia decimaquarta, Astudillo. 1. de Generatione qu. 1. Pater Suarez primo tomo Metaphys. disp. vigesima octaua. Et probatur in primis ex Aristotele hoc capite, ubi dicit, actionem debere esse inter similia in materia, dissimilia verò secundum formam: ergo si agens densum habeat formam æquè intensam, sicut agens rarum non poterit agere in illud. Et hinc sumitur prima ratio, quia agens per actionem intendit assimilare sibi passum: ergo si passum habet iam qualitatem sibi similem, & etiam in gradu, non poterit agens ulterius agere: ergo non potest producere in passio maiorem intensiorem, quàm in se habet.

Et si respondeas, adhuc non esse passum perfectè simile agenti, quia licet habeat tantam formam

intensiue, quantum habet agens, non tantam extensiue, propter minorem densitatem materię, quæ est in agente.

Contra est, quia hæc maior multitudo extensionis non auget intensiue formam ipsam, sed vnumquodque operatur in quantum est in actu: ergo quantumvis qualitas agentis habeat ratione densitatis subiecti. Si maiorem multitudinem partium, si tamen passum iam sit simile in intensiue, cessabit actio: & ita agens tantum intendit assimilare in intensiue, non verò in tali, vel tali extensione: hæc enim ratione experimur, quòd si apponatur agens densum iuxta rarum, numquam illud officit densum, tantum enim intendit assimilare sibi passum in intensiue.

Secundò, probatur etiam à priori, quia, ut suprà vidimus, gradus qualitatis habent inter se inæqualitatem in perfectione individuali, ita ut posteriores sint perfectiores prioribus: ergo si agens densum tantum habet calorem ut quatuor, non poterit talis calor, quantumvis sit in materia densa, producere maiorem calorem quàm ut quatuor: imperfectius enim non potest attingere ad productionem perfectioris.

Et si dicas: Saltem ut instrumentum potest attingere ad productionem illius. Contra est, quia si priores gradus essent instrumenta ad producendos posteriores, sequeretur, vnum subiectum, quod semel incipit calefieri, debere peruenire

uenire vsque ad octauum gradum, quia primus instrumentaliter produceret in eodem subiecto secundum, & secundus tertium, & sic vsque ad vltimum.

Tertio, probatur conclusio ab impossibili, quia in opposita sententia sequeretur, lignum semel in quacumque intensiōe calefactum necessariō peruenire vsque ad octauum gradum, quod est contra experientiam. Probat, sequela, quia cum lignum sit corpus densius aere, lignum habens calorem vt duo, produceret in aere maiorem calorem, v. g. vt tria, & rursus maior calor aeris intenderet de nouo calorem ligni, & sic deinceps, quousque lignum conuertatur in ignem.

Vltimo, probatur conclusio, quia omnis effectus debet contineri in sua causa, vt possit produci ab illa: sed calor remissus, quantumvis sit in materia densa, nullo modo continet calorem intensiorem se: ergo nullo modo potest producere illum. Probat, minor, quia in primis non continet illum formaliter, alias non esset calor remissus, sed intensus, neque etiam continet illum eminenter. Probat, quia continentia eminentialis debet esse inter res diuersae speciei, qualiter ea, quae imperfectiora sunt, continentur eminenter in perfectiori: sicut lumen continet eminenter calorem: sed calor remissus & intensus non differunt specie: ergo vnus non potest in

altero contineri eminenter: ergo impossibile est, agens, quantumvis densum, producere aliquid vltra suam intensiōem, & ita non poterit agere in simile.

Dico tamen secundo, in hac difficultate, agens densum, ex eo quod habet maiorem multitudinē partium formarum, posse producere effectum magis intensum, quam agens rarum similis intensiōis, posset producere, licet non possit producere effectum intensiorem se. Sensus conclusionis est, quod si dentur duo agentia aequalis caloris, alterum tamen rarum, alterum densum, licet neutrum possit producere maiorem intensiōem; quam in se habet, imo neque aequalem, vt infra dicam: tamen agens densum producet intensiorem calorem, quam agens rarum: atque adeo, quod densitas, licet nō sit ratio producendi maiorem intensiorem, quam in se habet agens, erit tamen ratio producendi intensiorem effectum, quam producat, ab alio agente raro, habente similem calorem. Quam conclusionem statuo contra Auctores primae sententiae, asserentes, maiorem densitatem agentis solum iuuare, vt citius operetur, non verò vt operetur intensius: quam agens rarum. Et iuxta hanc conclusionem, exponendo verba Aristotelis citata i. Metaphysicorum, quod virtus vnita fortior est seipsa dispersa: sed quando materia est magis densa, forma habet partes magis vni-

tas, quàm si esset materia rara: ergo intensiorem producit effectum, quàm agens rarum. Hac enim ratione intelligenda sunt verba Aristot. octauo Physicor. tex. 30. alferentis, in maiori magnitudine esse maiore virtutem actiuam.

Et ratione probatur. Primo, quia experientia constat, maiorem impulsum intensiue produci in magna mole terræ, quàm in particula illius, cum tamen intensiue tanta grauitas sit in parua portione terræ sicut in magna, grauitas enim non crescit intensiue ad extensionem quantitatis, sed solum extensiue: ergo maior multitudo formæ non solum confert ad citius, sed ad intensius operandum: imò addo, adeò posse crescere multitudinem formæ, vt etiam si agens densum habeat qualitatem minus intensam, quàm agens rarum, producat tamen effectum intensiorem, quàm agens rarum.

Secundò, eandem conclusionem confirmat experientia adducta de radijs solaribus, qui cum perueniunt ad vitrum, propter densitatem materię fortius calefaciunt, quàm in aere raro, imò aliquando igne causant, quod nūquam contingit, quādo recipiuntur in aere raro.

Denique, vt plures rationes minus efficaces omittam, ratio à priori est, quia effectus non solum crescit ex eo quòd ratio formalis operandi intensiue crescat, sed etiam ex eo quòd eadem virtus melius applicetur passio, sicut si idem calor vt

quatuor, melius approximetur, fortius calefacit, sed quando virtus actiua est in materia densa, melius applicatur passio, quàm si esset in materia rara, quia cū partes formæ condespondeant partibus materię, sicut partes materię densæ sunt magis vnitæ, ita partes formæ: ac per consequens plures partes formæ applicantur, eidem parti passio, quàm si esset in materia rara ac magis dispersa.

Ex quo notandum est, quòd si corpus densum apponatur iuxta rarum, numquam rarum efficitur densum: idè ergo agens densum fortius operatur, quia habet plures partes formæ actiue intra id. m. spatiū, quàm agens rarum.

Dico vltimò in hac quæstione, ad rectam intelligentiam Aristot. in hoc capite, duas condiciones requiri, vt inter duo possit esse actio, scilicet, quòd sint similia in genere, dissimilia tamen specie, id est, secundum formam, vbi Aristoteles nomine generis non intelligit genus Metaphysicum, quod est prædicatum commune pluribus speciebus: sed loquitur de genere Physico, quod est materia: quasi dicat, debere esse materiam eiusdem rationis. Ratio autem est, quia cū principium physicum passiuum, in quo recipitur actio, sit materia prima, hæc debet esse eiusdem rationis in vtroque, vt possit vnum in aliud agere. & ita cælum nō potest comburi ab igne sibi proximo, quia nō communicat in materia cum illo, habet

habet enim calum (vt suo loco dicam) materiam longe diuersæ rationis à materia horum inferiorum. Quod verò agens, & passum debeant esse dissimilia in forma, patet, quia omne agens intendit assimilare sibi passum: sed si habeant formam similem, iam sunt similia, vnum quodque enim habet esse à sua forma: ergo debent esse dissimilia, secundum formam.

Sunt tamen hoc loco duo aduertenda: alterum est, quod non satis sit quæuis dissimilitudo inter formas, nisi tales formæ actiue sint inter se, quia (vt supra dixi) densitas non agit in raritatem, neque è contra. Alterum est adhuc inter similia secundum formas totales posse esse actionem, si sint dissimilia inter formas partiales, id est, in gradu formæ, qualiter calidum vt octo agit in calidum vt quatuor, intendendo illud, quia saltem sunt dissimilia in forma partiali, id est, in gradu formæ.

Tandem respondetur ad argumenta adducta pro contrarijs sententijs: Ad fundamentum primæ respondetur, quod licet omne agens intendat assimilare sibi passum, nunquam tamen intendit omnimodam assimilationem adhuc in intentione, quia, vt dicam quæstione sequenti, agens in nulla parte passi potest producere tantam intentionem, quantam in se habet: solum ergo intendit, assimilationem possibilem fieri ab ipso, & quia licet agens densum, & rarum habent

formam æquè intensam, tamen quia propter densitatem potest agens densius fortius agere, & ita magis sibi assimilare passum, idè licet habeat formam æqualiter intensam, non tamen causat æqualem assimilationem.

Ad argumenta secundæ sententiæ, iam vidimus, qualiter sit Arist. intelligendus, solum enim intendit agens densum fortius operari quàm agens raram, non tamen quod producat maiorem intensionem, quàm habet inter se.

Ad primam experientiam respondetur in primis, non esse necessarium asserere, quod in ferro candente sit ignis inclusus temporis illius, vt producat ignem in stuppam. Ratio est facilis, quia cū stuppa sit maximè sicca, atque disposita ad combustionem, non requiritur in ea, vt comburatur, tantus calor, ac requiritur in ligno, & ita minor calor, quàm vt octo, sufficit ad producendum ignem in stuppâ, atque aded non probatur, formam ob densitatem materiæ producere maiorem calorem, quàm in se habet: quæ solutio verissima est, neque potest calumniam pati.

Addunt tamen secundò alij, quos sequitur Pater Suarez, reuerà inter poros ferri candentis contineri particulas aeris ignitas, & ita etiam ignem fieri stuppam à particulis ignis illic contentis. Hinc verò sententiam Toletus, & alij hoc tempore impugnant, quia vel sermo est de ipsa substantia, vel de aere incluso

in poris illius, substantia ferri non est ignita proculdubio, id est, conuerſa in substantiam ignis, cuius rei indicium est, quia si tale ferrum candens fuisset naturæ relinqueretur, omnes eius partes se reducant in suam pristinam frigiditatem con naturalem ferro: signum ergo est, numquam amisisse formam substantialem ferri, quia si reuera esset ignis, non ita facile redderetur frigidum, quod verò neque continetur ignis intra poros ipsius ferri probant, quia corpus candens quod densius est, eò magis comburitur stuppam: sed quod densius est, pauciores habet poros: ergo non comburit stuppam ratione aeris inclusi in poris.

Secundo, quia etiam particula terræ candentis comburit stuppam, ibi tamen non potest contineri intra poros aliquis ignis, quia terra, inquit Toletus, cum sit elementum purum, non habet poros. Propter hæc tamen non deseram sententiam Patris Suarez, quamvis in re mihi probabilissima sint supra dicta: migrati quidem animi estem ab eo, à quo multa accepi, in re minima, ubi contrariæ rationes non adeo urgent, ita facile recedere. Vnde dicendum est, reuera inter poros candentis ferri ignem contineri, ita quod particulae aeris ibi contenti per nimiam combustionem, in ignem sint conuersæ, cuius rei nõ paruum indicium est, quod ferrum candens lucet, habetque rubrum colorem, & mittit

flamman igneam, quæ omnia corporis igniti solent esse propria.

Vnde ad primam rationem in contrarium obiectam respondeatur, verum esse corpus ignitum, quod pauciores habet poros, magis vrere stuppam, & ita optime probatur, non comburere stuppam, solum ratione aeris igniti in poris inclusi, quia, ut in prima solutione dixi, sufficiens est calor ferri candentis ad comburendum stuppam, ex eo quod est in materia maxime disposita ad combustionem, & quia corpus est densius, fortius est ad agendum, ideo facilius comburit stuppam. Ex hoc tamen non licet colligere, non contineri in poris illius aliquas particulas aeris igniti, licet bene probetur combustionem stuppæ aliunde posse optime ferri, quod non negat, sed clare affirmat Pater Suarez.

Ad secundam, falsum supponit Toletus, terram non habere poros, quod falsum esse ex eo constat, quia alias nullatenus possent eleuari à terra mediante solis calore vapores, & exhalationes, quia tales vapores, & exhalationes, sunt corpuscula tenuia: ergo ultra penetrationem, non possent eleuari à partibus terræ, nisi in terra ipsa essent pori, per quos ascenderent.

Ad tertiam experientiam de luminosis, ut varias omittam solutiones, quas longum esset recensere, & relinquo: respondetur, partem aeris contrapositam duobus luminosis æqualis virtutis intensius il-

lumi-

luminari, non quia *utrumque* luminoso, aut aliquod eorum possit effectum intensiorem se producere: sed cum omne agens intensius agat in partem propinquam, quam in remotam, etiam illa pars aeris cum sit diuisibilis in partes extra partes, non est secundum omnes partes æquè applicata *utrique* luminoso; & ita partes magis distantes ab *uno* luminoso remissè ab illo illuminantur, & quia sunt propinquiores alteri luminoso, intensius ab illo illuminantur, & partes distantes ab hoc luminoso, quæ sunt propinquiores alteri, intensius ab illo illuminantur. Et ita sola illa pars aeris lucidior euadit. positis duobus luminosis, quâtuvis sint æqualis virtutis, quàm si tantum unicum adesset.

Possit hoc loco dubitari, *utrum* per reflexionem, vel etiam propter densitatem materię possit luminoso, aut quoduis aliud agens intensius in remotum, quàm in propinquum agere: tamen de hac re commodius dicà *infra* questione quarta huius disputationis.

Solet etià hic disputari de actibus remissis intendentibus habitum, quæ res licet Theologica sit, & non leuem cõtineat difficultatem, breuiter non nihil dicam. Supponamus ergo habitum temperantiæ, verbi gratia, esse intensum, ut ex, elicere verò pl. res actus remissos, solum habentes intensiorem, ut quatuor: dubium ergo est, *utrum* tales actus pluries reperiri possint augere in-

tensionem ipsius habitus? Pars enim affirmatiua videtur experientia cõprobari: nam repetitis actibus etià remissis, faciliores reddimur ad operandum: signum ergo est esse habitum magis intensum. Respondetur tamen, duobus modis posse aliquem reddi faciliorem ad operandum: vno modo directè, ex eo quòd habitus intensior sit, & hoc modo per actus remissos non potest quis reddi facilior ad operandum, quia actus remissi cum minorem intensiorem habeant, quàm ipse habitus, non possunt augere intensiorem ipsius habitus, præsertim cum in probabiliori opinione actus sint imperfectiores habitu, quod sufficiens causa est, ut non possint illum intendere, quousque illum superent in intentione, alio tamen modo potest aliquis reddi facilior ad operandum indirectè, tamquam à remouente prohibens, & hoc modo potest quis per actus remissos sæpè repetitos reddi facilior, quod sic explico: nam cum habitus intemperantiæ sit contrarius habitui temperantiæ, & perinde ratione contrarietatis minueretur habitus temperantiæ, dum quis est intentus in eliciendis actibus temperantiæ, hoc ipso impeditur, ne eliciat actus contrarios intemperantiæ, quibus si intensior sit, augeretur habitus intemperantiæ, proinde ratione contrarietatis minueretur habitus temperantiæ, & ita repetere actus temperantiæ, etiam remissos, solum tamquam remouens

prohibens confert, ne habuit temperantiam remissior fiat, & contrarius habitus potentior fiat, atque adeò indirectè confert ad faciùs operandum. Sed de hac re satis.

Ad quartam experientiam de guttis aquæ, quæ sæpè cadentes cauant lapidem. Respondetur, verum esse, multitudinem illarum cauare lapidem, non quidè quia aliqua res possit humectare lapidem ultra intensionem, quam in se habet: sed quia generale est omni agenti, fortius, & intensius operari in passum melius dispositum, & quia lapis in principio incipit humectari per priores guttas, idè reliquæ guttæ cadentes, quia inueniunt passum magis dispositum, plus agunt, donec tandem lapis excauetur, nulla tamen gutta agit ultra priorem intensionem.

Ad vltimam experientiam respondetur, radios solares receptos in vitro intensius operari, quàm in aere, propter densitatem materiæ; & ita aliquando contingit, quòd in stупpa, vel in alia materia nimis disposita, producant ignem, ex hoc tamen solum probatur secunda conclusio, suprà posita, scilicet, quòd agens densius fortius potest agere quàm rarum.

Quæst. III. Vtrum agens per alterationem omnino possit assimilare sibi passum secundum formam?

Questio hæc tantum procedit de agente vniuo, quia æqui-

uocum non producit formam sibi similem formaliter. Vnde sensus quæstionis est, vtrum agens possit formam producere tam intensam, ac in se habet, ita vt calidum vt quatuor, possit producere intensionem vt quatuor? quam rem obiter attingit Aristot. 2. lib. Physico. disput. 4. & ad hunc locum eius proprium pertractandam remissi: in hac ergo re partem affirmatiuam, tamquam sibi certam euidenter supponere videntur communiter plures Auctores, dum asserunt calorem vt octo posse producere calorem alium vt octo, & similia: & fortasse fundamentum est, quia vnumquodque operatur in quantum est in actu: sed calidum est in actu secundum omnes gradus, quos actu habet: ergo potens est producere tantam intensionem, quantam in se habet. Secundò, quia si quilibet gradus caloris non potest producere alium sibi similem: ergo quilibet gradus caloris non est actius, quod est falsum.

Tandem hac in re dico primò, actione substantiali agens producit omnino sibi simile. Ratio est, quia forma substantialis, quæ fit per generationem, non habet intensionem, aut remissionem, secundum quam possit intelligi minus perfectà, secundum gradus, & ita fit omnino similis formæ generantis. Vnde solum est quæstio in formis, quæ possunt recipere intensionem, & remissionem.

Dico secundò, in alteratione

pro-

procedente ab agente æquiuoco, tamquam à causa principali, ut quando lumen calefacit, potest agens producere in effectu tantam, imò maiorem intensiōem, quam in se habeat. Probatur primò à simili, quia causa æquiuoca nullius intensiōis potest producere effectum intensum: ergo similiter causa æquiuoca alicuius intensiōis poterit producere effectum intensum: antecedens patet de intellectu, & voluntate, quæ nullam habent intensiōem, eo quòd non sunt qualitates intensibiles, aut remissibiles, & tamen produciunt actus intensos: ergo potest causa æquiuoca producere effectum intensiorem se.

Secunda ratio à priori est, quia causa æquiuoca principalis, cum differat specie ab effectu, necessariò est perfectior illo. essentialiter. Ratio est, quia non potest esse imperfectior: hoc enim repugnat cum ratione causæ principalis, neque æquè perfectæ, quia non sunt duæ species æqualiter perfectæ, sunt enim species, ut docuit Aristot. sicut numeri, in quibus duo numeri diuersæ speciei non possunt esse æquales, debet ergo causa æquiuoca principalis esse perfectior effectu essentialiter. & hinc fit, quòd lumen semper sit perfectius quouis calore, quantumuis intenso, atque adeò non mirum est, quòd habeat actiuitatem ad producendum calorem intensiorem se.

Dices, hac ratione probari pos-

se, lumen exiguae intensiōis producere summum calorem, scilicet, ut octo, quia semper in perfectiōne essentiali superat quemcumque calorem etiam maximè intensum. Respondetur, lumen exiguum in tam densa materia constitui posse, ut propter maximam densitatē materiæ producat maximum calorem, sicut lumen receptam in speculo producit ignem, quem non potest producere lumen existens in aere, cum tamen propinquius sit soli lumen existens in aere, quam in speculo distanti, eo quòd sol fortius illuminat medium, quo magis est sibi propinquum: ergo tam densa posset esse materia, in qua lumen recipiatur, ut propter nimiam densitatem, exiguum lumen producat calorem maximè intensum: quem admodum enim plures partes ligni, licet non sint intensiue tantæ grauitatis sicut particule terræ, causant tamen longè maiorem impulsum, ita plurimæ partes luminis, quæ sunt in materia densa, poterunt efficere nimis intensum calorem, hoc tamen non potest contingere in materia rara, quia ibi nò est tam actiuum lumen, aut quæuis alia qualitas: ut questione præcedenti explicatum est.

Dico tertio, actione vniuoca, ut quando lumen producit lumē, aut calor calorem, non potest producere agens tantam intensiōem, quantam in se habet: sed semper minorem, & ita nunc non potest omnino assimilare passum, quæ

H h v

con.

conclusio, licet hoc tempore pluribus difficilis appareat, & præter communem sensum, si rem attentè consideremus, verissima est, & euidenter demonstratur ratione, quia agens fortius operatur in partem propinquam, quàm in distantem: sed quantumuis agens ponatur contiguum cum passio, tamen nulla est dabilis pars passio ultimè propinqua agenti: ergo in nulla parte passio potest producere totam intentionem, quàm in se habet. Probatur minor, quia licet passum sit contiguum agenti, tamen in illo non est dare primam partem proportionalem, vt omnes admittunt, eò quod cum quælibet pars habeat partem extra partem, est diuisibilis in partem priorem, & posteriorem: ergo nulla est pars ultimè propinqua agenti, atque adeò in nulla parte passio produceret agens totam intentionem, quàm in se habebat.

• Et si dicas, saltem dari aliquam partem aliquotam paruum, quæ dicatur ultimè propinqua agenti. Cōtra, quia adhuc illa pars aliquotæ cum sit quanta, est diuisibilis necessariò in partem extra partem, & ita in partem priorem, & posteriorem: ergo adhuc in illa, & in quavis alia forma eius, agit in magis propinquam: ergo cum nulla sit ultimè propinqua, in nulla illarum produceretur tota intentio agentis.

Et si dicas ultimò, saltem ultimam superficiem passio contiguum

agenti esse ultimè propinquam agenti, quia est penetrata cum superficie ultimè illius, vt probaui capite præcedenti: ergo saltem in illa poterit produci qualitas tantæ intensionis, ac est in agente: quia cum sint ultimò penetrata illa indiuisibilia, sequitur euidenter, esse etiam ultimè applicata: ac per consequens, quod indiuisibile agentis contiguum, & penetratum cum indiuisibili superficie passio, possit introducere in illa totum calorem, quem in se habet, verbi gratia, si calor, qui est in agente, est vt quatuor, introducet in superficie ultimè passio, cum qua est contiguum ipsum agens, calorem etiam vt quatuor.

Ad hoc argumentum quidam hoc tempore respondent negando consequentiam, & rationem reddunt, quia non potest per naturam dari indiuisibile separatum à continuo: ergo si nulla pars passio recipit lumen, verbi gratia, vt quatuor, neque poterit dari superficies luminis vt quatuor, quia cum illa sit solum continuatiua partium extensionis luminis vt quatuor, si in nulla parte passio producit lumen vt quatuor, neque in superficie producit superficies luminis vt quatuor, non quidem ob defectum debite approximationis (vt argumentum probat) sed quia indiuisibile non potest dari separatum à continuo. Cuius ratio à priori est iam tradita octauo Physicorum, quia indiuisibilia pendent ex natura

tura rei à partibus, quibus adhaerēt. atque ad id ubi impossibilis est pars luminis ut quatuor, etiam est impossibilis superficies eiusdem luminis ut quatuor.

Mihi autem (ut dixi secundo Physicorum) multò magis probatur eorum sententia, qui asserunt, in superficie vltima passivi contigui produci totam intensiōem, quam in se habet agens: quia non est necessarium, indiuisibilia recipere intensiōem tantam, quantam partes profundæ recipiunt: sed id pensandum est ex maiori, vel minori propinquitate ad ipsum agens, quod fortius operatur in propinquum, quàm in distans, & ita quia superficies vltima magis est propinqua illi, quàm partes profundæ, aut alia indiuisibilia, quæ sunt in profunditate, idè est maior intensiō in superficie vltima, quàm in partibus profundis: vnde dicendum est, non esse necessarium, quòd superficies habens intensiōem ut quatuor, sit coniuncta cum partibus habentibus eandem intensiōem, satis est quòd habeat minorem intensiōem, sicut ipsæ partes continuæ non habent æqualem intensiōem: sed quædam maiorem, quædam verò minorem pro maiori distantia, vel propinquitate ad agens.

Est tamen aduertendum, nos non asserere in superficie vltima passivi produci integram aliquam qualitatem secundum extensiōem si nilem qualitati agentis; sed

solum produci quandam superficiem qualitatis, terminatam partium profundarum qualitatis, iuxta supra dicta sexto Physicorum, tamen in intensiōe similem agentis, quia, ut sepe dixi, indiuisibilia intensiōis latitudinem habet quoad extensiōem,

Secundò probari potest conclusio supra posita, quia aliàs sequeretur actionem agentis naturalis non contineri intra determinatam sphaeram actiuitatis: sed posse peruenire ad quancumque distantiam. Ratio est, quia si calidum ut quatuor posset producere totam intensiōem in parte aliqua sibi proxima: ergo etiam illa pars iam calida ut quatuor, posset in alia parte sibi immediata eundem calorem producere, & illa in aliam, & ita protenderetur calefactio sine termino, quod est manifestè contra experientiam: dicendum ergo est semper, quòd partes distantes magis ab agenti, minorem, & minorem calorem recipere, quousque totus calor finiatur, & ita ibi finitur sphaera actiuitatis agentis.

Ex dictis hactenus sequitur, quòd si darentur duo corpora penetrata in eodem loco, tunc posset producere vnum in alio totam intensiōem, quam habet. Ratio est, quia tunc ex vi penetrationis passum est omnino approximatum in eodem prorsus spatio, & aliàs agens est in actu, & passum in potentia ad totam intensiōem, quam habet

agens:

agens: ergo tunc posset agens tantam intentionem producere, quam in se habet, secus tamen est, quando talia corpora non sunt penetrata, licet sint contigua, quia tunc nulla pars passi est ultimam propinqua agenti.

Ut si inquiras, si ergo citra penetrationem octauus gradus caloris, qui est in agenti, non producit alium octauum in passio: sed septimū, verbi gratia, a quo fit ille gradus octauus? in primis respondetur, certum esse in productione qualitatis gradum perfectiorem non fieri effectiue ab imperfectiori, ita quod dum producit septimus gradus caloris, non concurreret sextus, & alij inferiores: sed concurrunt septimus gradus agentis, qui habet formam proportionatam cum se primo gradu producto, tamen se solo non posset illum producere, nisi adiuuaretur ab octauo gradu, non quidem, quia non habet formam proportionatam cum illo: sed quia cum nulla pars passi sit illi ultimam propinqua, semper operatur in passum distans, & ita, ut producat totum, quantum in se habet, debet adiuuari a gradu fortiori, cuius rei argumentum est: nam calidum ut octo, citius producit calorem ut quatuor, quam calidum ut quinque: ergo signum est, reliquos gradus supra quartum, etiam iuuare ad illam actionem: & ita semper gradus superiores concurrunt ad productionem graduum inferiorum, sed non e contra.

Hinc ulterius fit, octauum gradum caloris numquam producere alium octauum immediate, quia, ut ostensum est, nullus gradus potest producere tantum, quantum in se habet, nisi fortasse ab alio fortiori adiuuetur: supra octauum vero gradum, non datur alius. Dixi tamen immediate: nam mediate bene potest producere calor ut octo alium calorem ut octo. Ratio est, quia ad productionem formae ignis numquam requiritur tamquam preuia dispositio calor ut octo, sed sufficit minor, ut supra ostendi: quia ergo calor ut octo, dum producit calorem ut sex, vel ut septem, per consequens producit formam ignis, a qua deinde effectiue oriuntur alij gradus, usque ad octo, ideo mediate, & media forma ignis potest calor ut octo, producere alium calorem ut octo, non vero immediate per se ipsum.

Tandem ex dictis facile solvuntur argumenta primae sententiae: & in primis, quando Auctores communiter asserunt calidum ut octo, posse producere calorem ut octo, ut verum sit, intelligendum est, mediate, modo explicato.

Ad primam rationem respondetur, propositionem illam, vnumquodque operatur, in quantum est in actu, solum significare, quod ut agens operetur, debet esse in actu per formam, quae est principium operandi, non tamen quod producat tantam formam, quantum in se habet. Vel secundo vnumquodque oper-

operatur secundum quod est in actu, id est, secundum totam formam, & hoc verum est, quia adhuc ad productionem gradus inferioris concurrunt superiores, & quilibet gradus ad productionem alterius sibi similis, licet non se solo, ut calidum ut octo, secundum omnes gradus operatur, secundum quos est in actu, non tamen producit per se tantum, quantum in se habet. Et hinc patet solutio ad secundam: dicimus enim, quod quilibet gradum esse actiuum, & ita saltem concurrere ad productionem gradus inferioris, & qualem tamen non producit, nisi a superiori adiuuetur.

Questio IIII. Quae proportio requiratur inter agens, & passum in ordine ad spatium?

QUAMVIS 2. Physicor. disputa. 4. quaest. 4. & 6. ostensum sit, naturalia agentia habere determinatam sphaeram actiuitatis, ultra quam agere non possint, similiterque agens immediatum debere tangere passum contactu quantitativo, & non posse operari in distans, quin prius operetur in propinquum, adhuc tamen non est explicata proportio, quam requirit agens cum passum. Potest tamen dubitari, utrum agens possit fortius, & intensius operari in distans, quam in propinquum, & quidem, quamuis sit principium apud Philosophos satis receptum, omne agens intensius operari in propinquum, quam in di-

stans, sunt tamen in contrarium plures experientiae, quae non leuem ingerunt difficultatem.

Quia experimur aquam feruentem in lebece nimis calidam esse, fundum verò illius, quod igni longe proximus est, esse ferè frigidum, ita ut facile possit quis manum ibi retinere, ut docet Aristot. sect. 15. Problematum, quaest. 4. & 8. ergo ignis fortius agit in distans, quam in propinquum.

Probatur secundò, quia experimur aquam in hyeme frigore caeli congelari, aer tamè, qui immediatior est caelo, non congelatur, nec recipit tantam frigiditatem, quia si illam reciperet, proculdubio conuerteretur in aquam. Tertio etiam constat experientia, stuppam, aut papyrum multum igni approximatum comburi, minimè tamè aerem illi contiguum ignesceri, cum tamè aer intermedius, & igni proximior non conibatur. Quarto etiam experimur radios solares, dum reflectuntur in pariete, intensius illuminare aerem sibi proximum, cum tamen aliae partes aeris magis à pariete distantes, solique proximiores videantur minus lucidae: ergo sol intensius agit in distans, quam in propinquum. In hac re non desunt, qui licet asserunt, in passum a quod dispositum agens necessariò operari fortius in propinquum, quam in distans, asserunt tamè posse agens ratione maioris dispositionis existentis in passum intensius operari in distans, quam in propinquum.

Quae

Quæ sententia prima facie apparet valde vera: nam sicuti ad agendum requiritur virtus actiua in agenti, ita etiam debita dispositio in passio: ergo sicuti crescente virtute actiua agentis potest crescere effectus, ita etiam potest agens pro maiori dispositione passio intentius operari in distans, quàm in propinquum.

Secundò, quia ratione dispositionis passio potest agens habere effectum aliquem in distans, quem non habet in propinquum, ut omnes admittunt cum D. Thom. in 2. d. 14. quaest. 1. art. 6. ad 6. Auerr. 8. Phisic. & lib. 2. de Cælo, comment. 4. & planè conuincitur experientia illa de pæce nomine torpedo, qui in brachio piscatoris causat torporem, non tamen in arundine intermedia, ratione dispositionis passio: ergo maiori ratione alterare poterit partem distantem, quàm propinquam ratione maioris dispositionis passio.

Tertiò, quia experimur nubes soli obiectas, quò rariores sunt, lucidiores reddi, etiam si aliæ densiores sint magis propinquæ ipsi soli: ergo non obstante maiori distantia potest intensior ab agente produci effectus in distans, quàm in propinquum ratione maioris dispositionis passio. Quam sententiam probabilem reputat Pater Suar. 1. tom. Metaph. disput. 18. sect. 8. num. 31. tamen probabilius longè est, quod ipse eodem loco docet, scilicet aullo modo effectum aliquem

posse produci in parte distanti intensiorem, quàm in propinqua, etiam si adsit maior dispositio passio. Et ratio est efficax, quia si, verbi gratia, luminosum vt octo, posset producere in parte distanti lumen, vt sex, vel tale lumen causatur immediate à luminoso vt octo, vel à parte propinqua illuminata vt quatuor: sed à neutro causari potest: ergo nò est possibile. Probatur minor, nam in primis, non potest causari à parte illuminata vt quatuor, quia lumen vt quatuor est imperfectius lumine vt sex: ergo non potest causari ab illo, neque à luminoso vt octo, quia illud distat à tali passio, vt supponimus: ergo nò potest immediate in illud agere: non vt ostendimus 2. Phisic. agens immediate debet tangere passum, & ratio est, quia operari supponit esse: ergo vt agens operetur immediate in aliquod passum, debet esse illi immediatum. Probatur, quia operari in hoc tempore supponit agens esse præsens in hoc tempore: ergo operari in hoc loco supponit esse in hoc loco: ergo nihil potest operari immediate in distans.

Et si respondeas partem lucidam vt quatuor, producere lumen vt sex, in parte illa sibi propinqua, non tamquam principalis causa, cù sit minus perfectum lumen, sed tantquam instrumentum luminosi vt octo. Contrà est, nam omne agens, per actionem intendit a. similare sibi passum, & ita hoc ipso, quòd passum actu habet formam, quam agens

agens intendit producere, cessat actio, quia cessat finis eius: ergo pars lucida ut quatuor, ad summum posset producere in parte sibi proxima lumen, ut quatuor, & ultra nihil poterit quia dum habet lumen ut quatuor, iam est similis illi omnino: ergo nullo modo potest attingere ad productionem luminis, ut sex. Dicendum ergo est, numquam posse contingere, ut effectus ab agente aliquo procedens intensior sit in parte distanti, quam in propinqua, quantumvis ad maiorem dispositio possit.

Quare difficilior est, solvere rationes dubitandi supra adductas, & quidem, ad experientiam illam de aqua feruente in lebe, respondet optimè Aristot. sectione 14. Problematum, reuera fundum lebetis, dum aqua incipit calefieri, calidius esse illa, ut quilibet experiri possit, procedente tamen ulteriori calefactione, quando iam aqua feruescit, calidior est aqua, quam profundum lebetis. Cuius ratio, inquit est, quia exhalationes calidæ, quæ sunt in aqua existente prope fundum, quæ prius incipit calefieri, quam superior, cum aqua superior sit adhuc frigida, & densa, impedit, ne ascendant, & ita tales exhalationes conclusæ in fundo lebetis, median- tibus illis, adiuuatur actio ignis, ut profundum lebetis sit calidius aqua ipsa: am ut supra vidimus, multitudo agentium multum iuuat, ut effectus intensior euadat, quam aliàs fieret: postea verò, quando iam

aqua superior incipit intensè calefieri, & rarefieri, partes subtiliores illius aquæ, quæ nimis calidæ erant in fundo lebetis, & magis rarefactæ, quam superiores, ascendunt sursum: partes verò superiores, quæ frigidiores sunt, ac densiores, descendunt ad fundum lebetis, & ita ab illis refrigeratur fundum lebetis, partes verò superiores quæ calidiores sunt, feruescunt, cum tamen tunc fundum lebetis non sit adeò calidum, & quicquid dicitur est ad aliam experientiam quæ à quibusdam adducitur de oleo, quod dum supra papyrum positum est, calefacit, & calidius esse solet papyro ipsa, est enim similis solutio: ex hoc tamen numquam probatur, agens intensius operari in distans, quam in propinquum: radictæ enim experientie aliunde proneniunt.

Ad secundam enim experientiam de aqua, scilicet in hyeme congelata, respondent quidam, aquam in hyeme congelari, non verò aerem, quia dum aer in hyeme frigidior est, non impeditur aqua, ut totaliter reducatur à principio intrinseco ad totā suam naturalem frigiditatem, qualiter impeditur tempore veris propter extrinsecum calorem aeris, & ita in hyeme ex vi frigiditatis sibi conaturalis congelatur: sed non placet solutio, quia aqua natura sua fluida est: ergo non congelatur ratione frigiditatis sibi conaturalis, sic enim aqua in statu naturali existens non esset frigida,

gida, sed congelata. Quare dicendum est, aquam numquam congelari propter solam nimiam frigiditatem, nisi ab illa extrahantur partes subtiliores humidæ, ita ut non sit multum humida, & ita congelatur in hyeme, quia dum est nimis frigida, simul exsiccat ab influentia aliqua cælesti, aer tamen non congelatur fortasse prius, quam conuertatur in aquam propter nimiam eius raritatem, & humiditatem, & ita aqua, quæ ita se habet, magis disposita est ad congelationem: tum etiam, quia ab intrinseco habet nimiam frigiditatem.

Ad tertiam experientiam eodem modo respondetur, nam quando stappa multum igni approximata est, comburitur, non tamen aer interceptus inter illam, & ignem: nõ quia stappa maiorem calorem recipiat ab igne, quam aer illi proximus: sed quia propter nimiam siccitatem, & densitatem, & aliquantulum calorem, est magis disposita ad combustionem, quam aer, cum habeat nimiam humiditatem, & ita minor calor receptus in illa, quam in aere, sufficiens est ad illam comburendam: vnde numquam probat agens intensius operari in distans, quam in propinquum.

Ad quartam experientiam, varij sunt modi dicendi: nam in primis propter illam quidam planè concedunt posse agens intensius operari in distans, quam in propinquum, quod tamen impugnari potest ratione adducta pro nostra conclu-

sione. Alij secundò dicunt, id eo per reflexionem solem causare maius lumen in medio, quia radij solares ulterius natura sua tenderent, nisi in pariete, in quo reflectuntur, detinerentur; & ita intensius tunc illuminat medium, quam si ulterius diffunderetur, quia cum virtus unita fortior sit, radij solares in minori spatio collecti intensius illuminant, quam si ultra parietem detinerentur illos, protraherentur. Hac solutio non placet, quia experientia constat, magis operari lumen in medio, quando radij solares reflectuntur à corpore albo, aut etiam terfo, quàm à corpore nigro, aut fusco, cuius rei argumentum est: nam ad reflexionem luminis à corpore terfo, vel albo multoties propè noctem potest quis cartam legere, minime tamè iuxta corpus fuscum: signum ergo est, mediū apparere lucidius ad reflexionem factam à corpore terfo, vel albo: ergo tale lumen nõ fit maius ex vi solius detentionis radiorum solarium, quia quod attinet ad solam detentionem, radij solares, ita bene detinentur à corpore fusco, sicuti à corpore albo. Vbi hic obiter aduerto, locutiones istas, quibus comuniter dici solet, radios solares diffundi per aerem, & in corpore opaco detineri, non ita intelligendas esse, quod ipsi radij solares per se moueantur, ita ut sint corpuscula quædam à sole orta, ut placuit Democrito: lumen enim non est corpus aliquod, & ita neque per se aptum moueri, aut quies-

quiescere, sed potius est qualitas quædam, ut contra Democritum, & alios antiquos Philosophos, docuit Aristotel. 2. de anima, lib. 2. cap. 7. solum enim potest lumen contineri, aut ulterius transire, ex eo quod continuò producat, aut non producat in partibus vterioribus medijs. Similes sunt locutiones, cum dicimus, calorem animalis confugere aliquando ad partes internas animalis, aliquando verò ad externas exire, non quia per se moueatur, cum sit qualitas quædam, sed quia cum magna ex parte subiectetur in sanguine, & in spiritibus vitalibus, quæ sunt corpora quædam, mouetur ad illorum motum. Quare a experientia illam d. cendam est, ideò lumen reflexum videri maius, quia cum recipiatur in corpore denso, à quo reflectitur lumen, ibi est magis actiuum ratione densitatis materie, & ita mittit ad potentiam visuam maiorem, & intensiorem speciem sui, ratione cuius melius videtur. Præterea, quia, ut diximus, virtus in materia deniori fortius operatur, quam virtus à quantulum maior in materia nimis rara, & ita lumen receptum in corpore denso, licet minus sit, quam aliud receptum in partibus aeris illi proximis, quæ minus distant à sole, vtrumque simul melius illuminat potentiam visuam, vel cartam proximam, ut melius legatur, & ita apparet maior lux per reflectionem à corpore denso, num-

quam tamen est maius lumen in spatio distanti, quam in propinquo ipsi soli.

Iuxta hanc sententiam, qua fatemur lumen, quando reflectitur à pariete, recipi in illo, consequenter fatemur, lumen recipi in corpore opaco, non in sola superficie vltima illius, ut quidam volunt, sicut enim daretur in pariete sola superficies lucis: per naturam autem non potest dari aliqua superficies sola, quia non potest dari indiuisibile separatum, & ita dicendum est, non solum recipi lumen in superficie corporis opaci, à quo reflectitur, sed etiam in aliquibus partibus profundis proximis superficie vltimæ ipsius corporis, ne datur superficies lucis separata, quæ, ut vidimus sexto Phyl. habet partes, & indiuisibilia sibi intrinseca, iuxta proportionem ipsius subiecti, in quo recipitur.

Ex quo fit, corpus aliquod non ideò appellari opacum, quia nullo modo sit capax lucis, sed quia difficile, & exiguum lumen recipere potest, tamen reuerà aliquid recipere potest, & in quavis eius parte, quia omnes sunt eiusdem rationis. Vnde si daretur luminosum intensissimum perfectè illi applicatum, totum illud illuminare posset, hoc tamen per naturam non contingit in corporibus perfectè opacis, quia cum exiguum lumen recipere possint, partes profundæ distantes à luminoso nihil luminis recipiunt.

Sed obijciunt, lumen recipi in superficie corporis opaci, & nullum esse inconueniens à nobis allatum, scilicet, quod aliàs, si lumen reciperetur in sola superficie subiecti, daretur superficies lucis. sola separata à sua profunditate, dicitur hoc nullum esse inconueniens, sed necessarium admitterendum: quod probant, quia ponamus sphaeram actiuitatis luminosi, verbi gratia, se extendere tantum usque ad viginti passus, & deinde ponatur corpus contiguum cum extremitate talis sphaerae, tunc superficies vltima illius corporis penetraretur cum superficie vltima sphaerae, iuxta dicta supra, cap. sexto, atque adeo talis superficies corporis continetur intra terminum sphaerae actiuitatis: ergo potest lumen ipsum producere ibi lumen; tamen non potest tale lumen producere in partibus profundis extra illam superficiem, quia sunt extra sphaeram actiuitatis: ergo tunc necessario dabitur in illo corpore superficies luminis, sine profunditate illius luminis.

Respondetur tamen facile, argumentum hoc optime conuincere, numquam agens naturale agere in superficie corporis contigui cum extremitate suae sphaerae, ne detur indiuisibile separatum à continuo. Et ratio à priori est, quia quamuis, ut argumentum probat, illa superficies contineatur intra sphaeram actiuitatis agentis, tamē quod, ut ostendimus 6. Phis. omnia indiuisibilia ex natura rei pendent à parti-

bus, quibus adherent, saltem tamquam à subiecto adhaesionis, idē quando non est possibilis pars profunda, cui superficies qualitatis adhaereat, nec est possibilis illa superficies ex defectu subiecti, saltem adhaesionis, quia non potest talis superficies qualitatis solum producitur ad actionem enim praeter agens, & approximationem, etiam requiritur praesentia subiecti adhaesionis, à quo indiuisibile pendet: de hoc latius dicam secundo libr. de Anima.

Tandem respondetur ad argumentum allentium, saltem maiori dispositione passi agens naturale posse intensius operari in distans, quam in propinquum. Et ad primum respondetur, verum esse, effectum posse esse maiorem ex maiori dispositione passi, debet tamē ad effectum agens potius illū producere; tamē effectus non potest introduci intensior in parte distanti, quam in propinqua ex defectu agentis, ut in probatione nostrae sententiae vidimus, quia talis effectus nec immediatē potest produci à partibus medij proximioribus ipsi agenti, quod quid qualitas ibi est remissior, ut supponimus, atque adeo imperfectio, nec etiam potest produci immediatē ab ipso agenti distanti, quia agens immediatum debet esse contiguum cum passo, & ita etiam si ad se maior dispositio, non fit effectus intensior.

Ad secundam respondetur, diuersam rationem esse, nam quando pascis

piscis ille causat torporem in manu piscatoris distantis, quamvis talem effectum non producat in aridine intermedia, producit tamen in illa nimiam frigiditatem, vel aliam qualitatem occultam, quæ dum peruenit ad brachium piscatoris, ratione dispositionis passivi producit in illo torporem, & ita iam assignatur causa immediata talis effectus; tamen si agens intensius operetur in distans, quam in propinquum, nullum assignatur, ut dixi, agens immediatum talis effectus, atque adeo hoc fieri non potest.

Ad aliam autem experientiam de nubibus soli obiectis, si fortasse vera est, respondetur, causam illius esse posse, non quod maius lumen recipiat, in parte magis distante à sole, quam in propinqua, sed quia, ut supra dixi, lumen minoris intensiōis receptum in materia densa fortius illuminat partes aeris sibi propinquas, quam lumen aliquantulum maius receptum in materia multum rara: tunc etiam intensiorem speciem sui mittit, & ita ex his omnibus lucidior apparet. Simile quid dici posset de alia actionibus reflexis: & hæc est causa, cur tempore veris sol in conuallibus intensius calefacit, quam in cacuminibus montium, quia scilicet calor in terra recipitur, et non sit maior, quin ille, qui est in aere, eo quod magis distat à sole, tamen propter densitatem terræ fortius calefacit, quam calor existens in

aere raro, & ita profunditates nobis calidiores apparent: accedit etiam, quod in conuallibus ventus minus agitantur, quam supra montes, ratione cuius vertices montium plus longè refrigerantur, quam minima loca, & ita minus calidæ apparent.

Dubitabit tamen aliquis in hac questione, quæ sit causa, quare agens per lineam rectam fortius operetur, nam ex cōmuni Mathematicorū sententiā, solum tempore veris plus distat à nobis, quam tempore hyemis, cum tamen tempore veris nos longè fortius calefaciat. Respondetur autem, causam esse, quia sol, quando directè cadit supra nos, omnes illius partes applicantur versus nos, & ita licet distans sit, tamen per lineam rectam fortius calefacit, tamen quando est ad latus, non omnes eius partes applicantur versus nos, sed versus partes illi directò inferiores, atque adeo ex meliori applicatione partium actiuarum agentis fortius agit agens per lineam rectam.

Quest. V. Quæ proportio requiratur ad agendum inter actiuitatem agentis & resistentiam passivi

Ans. Accipere supponere primò in hac oportet, quæ sit actiuitas agentis, & quæ sit resistentia passivi, & an utraque in omnibus formis æqualis sit: & in primis actiuitas agentis appellatur virtus illa, seu qualitas, qua operatur, hæc autem acti-

uitas tunc est maior, quando intensius, aut celerius operatur, vel in maiori sphaera; quia hæc omnia denotant maiorem actiuitatem, à priori autem sumitur ratio maioris actiuitatis, vel ex sua specie, eò quòd qualitas aliqua in sua specie sit perfectior alia, quia cum actiuitas proveniat ex entitate rei, qualitas actiua perfectior est etiam maioris actiuitatis: intra eandem verò speciem, qualitas illa est magis actiua, quæ vel maiorem habet intensiorem, quàm alia, tunc enim est maior intensiue, vel saltem est in materia densiori, iuxta supradicta.

Difficilius tamen est, in quo consistat ratio formalis resistentiæ. Quidam enim asserunt, illam formaliter consistere in actione, quia passum rursus reagit in agens ipsum, quia impedit ne agens ita facile agat in illud. Tenet Senc. 9. Met. quæstione 6. Iauellus quæst. 2. Nyph. hoc loco. Valles. controuers. 2. Alij verò docent resistantiam non consistere formaliter in actione aliqua, sed per hoc præcisè, quòd qualitas resistens informat subiectum, & ita illud quasi prius occupet, per quod impeditur, ne agens, saltem ita facile agat in tali passio, & illud occupet, quasi non inueniretur iam à alia forma occupatum. Tenet Marsil. hoc lib. quæst. 19. Albertus de Saxon. quæst. 17. Venetus in summa de generat. cap. 2. utraque sententia, si vniuersaliter non loquatur, vera est.

Quare dicendum nobis est, duplicem esse resistantiam, aliam consistentem in actione, quæ passum per reactionem impedit. agens, ne ita facile in illud agat: alia verò, quæ in sola informatione subiecti consistit, quæ dum qualitas aliqua iam subiectum occupat, agens non ita facile agit in illud, sed paulatim illam vincit, quæ appellatur resistantia formalis, quæ fit per formalem impossibilitatem formatum. Et hoc ita esse dicendum probatur. Primò, quoad priorem partem, quia resistere est impedire, ne agens operetur, vel saltem ne tam facile; sed quando passum aliquod rursus agit in agens, debilitat, & remittit virtutem actiuam illius, aliquos eius gradus corrumpendo: ergo impedit, ne ita facile operetur, atque adeò per actionem illi resistit. Quòd verò detur aliqua resistantia, quæ non sit actio, sed solum fiat per informationem formæ impossibilis, probatur apertè, quia quando aqua calida actiue se reducit in pristinam suam frigiditatem, expellitque calorem in ipsa existentem, talis actio fit cum resistantia caloris, eò quòd è còtra frigiditati introducenda resistit calor existens in aqua: sed calor nihil tunc producit in illa, quia non potest assignari quid producat: ergo solum resistit frigiditati introducenda per informationem ipsius, cum antea tale subiectum occupauerit, & ita opus est quòd frigiditas contraria paulatim introducatur.

Secundò

Secundò, quia ponamus calidum, ut octo agere in frigidum, ut quatuor, tunc cum calidum ut octo sit fortius, quam frigidum ut quatuor, habet maiorem sphaeram actiuitatis, quam frigidum ut quatuor. Sit ergo sphaera actiuitatis calidi ut octo, duodecim passus, & sphaera actiuitatis frigidi ut quatuor, octo passus, & ponatur frigidum ut quatuor distans per decem passus à calido ut octo; tunc calidum ut octo, agit in frigidum ut quatuor, & successiue, quia cum habeat contrariam qualitatem, non potest ita facile vinci: ergo si frigidum ut quatuor, non potest ita facile vinci, propter contrariam qualitatem, quam habet, iam resistit calido ut octo, impedit enim, ne ita facile in illud agat: sed non potest agere in ipsum calidum, quia tale calidum est extra sphaeram suae actiuitatis, eò quod distat ab illo per decem passus, sphaera vero actiuitatis illius frigidi tantum se extendit ad octo passus, ut supponimus: ergo datur etià resistētia sine actione aliqua, per solam informationem, seu occupationem subiecti.

Potest tamen secundò dubitari, quae qualitates sint magis actiuae, quae vero magis resistiuae: & quidem quod attinet ad actiuitatem, res hoc modo se habet, ut calor sit magis actiuus, deinde frigus, humiditas postea, & tandem siccitas. Ratio est duplex, altera à priori, scilicet, quia actiuitas oritur ex perfectione

qualitatis: ergo eo modo se habent in actiuitate, quo se habent in perfectione, sed in perfectione ita se habet, quod calor sit omnibus perfectior, deinde frigus, tertio humiditas, quarto siccitas: ergo eundem etiam ordinem habent in actiuitate. A posteriori vero colligitur, quia experientia constat, calore celerius omnibus agere, secundò frigus, tertio humiditatem, ac tandem siccitatem omnibus tardiores esse.

Solum ergo est dubium, utrum sit in illis aequalis resistendi vis: in quo secundò certum esse debet, quod si loquamur de resistētia, quae sit per actionem, cum talis resistētia fiat per actiuitatem, eundem ordinem habent in resistētia actiua, quae habent in actiuitate, quia agendo resistunt.

Solum ergo est dubium, loquendo de resistētia formali, quae sit per informationem. In qua re prima sententia affirmat, hoc modo omnes qualitates esse aequaliter resistiuias. Tenet Petr. Martinez 1. de Caelo, cap. 9. quest. 9. Valle 1. controuers. capit. 1. quorum fundamentum est, quia resistētia formalis sit per informationem, ut dixi; sed omnes qualitates, si in aequalibus gradibus considerentur, verbi gratia, ut quatuor, aequaliter informant subiectum, quia informant secundum aequales partes formae: ergo omnes qualitates habent aequalem resistētiā formalem.

Secundum hac re placet communis
liiij senten.

sententia affirmans inter quilibet, quāto aliqua est minū actiua, tantō magis esse resistiuam resistētia formali, & ita loquendo de resistētia formali, siccitatem esse magis resistiuam, deinde humiditatem, testis frigiditatem, ac tandem vltimō calorem. Quam sententiā tenet Bañez hoc lib. cap. 9. quæstione 3. ad 3. Tolēt. quæst. 19. & iuxta hanc sententiā solent communiter interpretari verba Aristot. 2. de Generatione, cap. 2. ubi calorem, & frigus appellat qualitates actiuas, humiditatem vero, & siccitatem qualitates passiuas, quæ scilicet minū agunt, quā resistunt, & ita dicuntur qualitates passiuæ.

Et ratione probatur, quia experientia constat, longē esse facilius, rem calidam frigidieri, quā rem siccam humectari: ergo siccitas magis resistit, quā calor. Similiter difficilius exiccatur, quā calefit res aliqua humida: ergo humiditas magis resistit, quā calor.

Et si respondeas, aquam idē difficilius exiccare, quā calefiat, non quia magis resistit humiditas siccitati, quā frigus calori, sed quia calor magis agit in frigus, quā siccitas in humiditatem, cum calor sit longē actiuior, quā siccitas, & ita longē facilius aqua calefit, quā exicceat. Tamen contra est, quia aqua maximē calefacta ferē nihil humiditatis amittit: ergo licet calor magis vinceret siccitatem in actiuitate, quā frigus

in resistētia, non tamen esset actio tam notabiliter celerior, ita ut aqua maximē calefacta, ferē nihil humiditatis amiserit.

Secundō probatur conclusio, quia sicut resistere agendo, est perfectior modus resistendi, & hoc quidem modo est maior resistētia in qualitate perfectiori, ita resistere nihil agendo, sed quasi passiuē se se habendo, & adherendo ipsi subiecto, est modus resistendi imperfectus: ergo hæc resistētia maior est in qualitate imperfectiori, sed quæ imperfectior est, est minū actiua: ergo qualitates minū actiuæ sunt magis resistiuæ: denique in hoc natura prouida extitisse videtur, ut quod qualitas aliqua minū in contrarium agere potest, eō fortius subiecto adhereat, & sic difficilius dimouetur ab eo, & ita prouidit qualiter minū actiuam esse magis resistiuam.

Obijcies primō, quia experientia constat frigus facilius vinci a calore, quā calorem a frigore: ergo potius est maior resistētia caloris, quā frigoris. Respondetur concedendo consequentiam, si sermo sit de resistētia actiua, hæc enim optimē probatur, esse maiorem in calore, quā in frigore: tamen si sermo sit de resistētia formali, negamus consequentiam. quin potius contrarium planē colligitur ex maiori actiuitate caloris, quā frigoris, illa enim est maior actiuitas, quæ vincit maiorem resistētiā, vel æqualem

in breuiori tempore : si ergo calor actiuior est frigore , signum est resistentiam formalem frigoris maiorem esse resistentia ipsius caloris , quia æqualis non potest esse : quemadmodum enim actiuitas illorum est inæqualis , quia specie differunt , & ita in perfectione essentiali habent inæqualitatem , ita ob eandem causam , non potest resistentia utrobique esse æqualis.

Obijciat secundò , quia per nos , resistentia humiditatis maior est , quàm actiuitas illius : sed maior est actiuitas humiditatis , quàm resistentia siccitatis : ergo de primo ad vltimum resistentia humiditatis maior est , quàm resistentia siccitatis . Respondetur negando minorem , quin potius est maior longè resistentia siccitatis , quàm actiuitas humiditatis ; quia siccitas est prima in ordine ad resistentiam : et verò in ordine actiuitatis humiditatis , solum obtinet tertium locum , atque adeo calor , & frigus , sunt magis actiua , quàm humiditas : ergo si ne dubio non est tam actiua humiditas , quàm resistentia siccitas .

Et si insites , quia si siccum est magis resistuum , quàm humidum actiuum , sequitur , numquam posse humidum vincere siccum , quod est contra experientiam . Respondetur , negando consequentiam , quia quamuis si omnia sint paria , & ex parte intensionis , & densitatis , vel multitudinis materie sit magis resistua siccitas , quàm humiditas

actiua , tamen potest esse magis intensa humiditas , aut in maiori , vel densiori materia , & ita ratione huius erit magis actiua , quàm siccitas exigua resistua .

Denique ad argumentum contrariæ sententiæ respondetur , quòd quamuis omnes qualitates habentes æquales gradus æqualiter informent , tamen quia in perfectione essentiali sunt semper inæquales , & diuersæ speciei , idè etiam habent inæqualem rationem resistendi , sicut è contra , quamuis calor , & frigus , habeant æquales gradus , tamen in opinione omnium magis actiuus est calor , quàm frigus : ergo quid simile poterit intelligi è contra in virtute resistendi .

His ergo de actiuitate , & resistentia suppositis , restat quaestio , vtrum ad actionem debeat esse maior actiuitas agentis , quàm resistentia passi . In qua re plures distinguunt duplicem actionem ; aliam , quàm appellant victoriosam , qua agens vincit passum , destruendo totam eius qualitatem : aliam verò non victoriosam , qua licet passum reagat in ipsum agens , id tamen exiguum est , & tandem vincitur ab illo . Dicunt ergo ad actionem victoriosam requiri maiorem actiuitatem in agente , quàm sit resistentia passi . Hæc tamen distinctio , saltem hoc proposito , non placet , quia quamuis aliquando passum reagat in agens , tandem vincitur ab ipso agente , vt quando calidum vt octo , agit in frigidum vt duo ,

vbi tãdem vincitur frigidũ vt duo, tamen frigidum vt duo producit in calido vt octo, vnicum gradum frigiditatis, expellitque ab illo vnicum gradum caloris, respectu illius gradus, quem producit, victoriosa est, quia contraria resistentia passi producit illum gradum.

Quare dicendum est, in omni actione debere esse maiorem actiuitatem agentis in agendo, quã passi in resistendo, & ita semper prouenire à proportionẽ maioris actiuitatis, quã sit resistentia passi. Quæ conclusio, præterquam quod est communis, etiam manifeste probatur, quia in omni actione quæ sit cum resistentia, vt quando frigidum vt duo, agit in calidum vt octo, producit aliquem gradum qualitatis contra conatum, & resistentiam agentis: ergo necessariò virtus agentis superat conatum, & resistentiam passi.

Et confirmatur, quia si tanta est resistentia passi, quanta actiuitas agentis: ergo passum resistit toti effectui, quem agens potest producere, atque adeò agens nihil potest agere: ergo necessarium est, vt sit actio, quod sit excessus agentis supra passum, & ita omnis actio dicit victoriam, & omne pati est quoddam subiecti ipsi agenti. Ratio verò à priori huius est, quia quando frigidum vt duo, producit in calidum vt octo, vnicum gradum frigiditatis, ad productionem illius gradus solũ resistit octauus calor, non verò septem alij gradus, quia,

vt supra diximus, calor vt septem, & frigus vt vnum non sunt ex natura impossibiles: tantum ergo ad illam actionem resistit vnicus gradus caloris, at verò ad productionem vnius gradus frigiditatis concurrunt primus, & secundus gradus frigiditatis (vt diximus) supra enim vidimus gradus superiores effectiue attingere ad productionem graduum inferiorum: ergo tunc reuera est maior virtus vnius agendi, quã vnius resistendi, atque adeò semper actio prouenit à proportionẽ maioris actiuitatis, quã sit resistentia passi. Et si respondeas, octauum gradum caloris esse magis resiliuum, quã vterque gradus frigiditatis sit actiuus, tum quia ex sua specie est perfectior frigiditate, tum etiam, quia gradus posteriores sunt perfectiores prioribus, vt supra vidimus.

Contra tamen est, quia ex maiore perfectione solum probatur maior virtus actiua, non tamen resistentia (vt vidimus.) Secundo; quia etsi gradus posteriores sint actiuiores prioribus, si singula singulis comparentur, tamen octauus dumtaxat gradus caloris, si à prioribus præcindatur, non est magis actiuus, quã plures gradus frigiditatis simul sumpti, quod est fundamentum. Verum tamen ex perfectione posteriorum graduum optime probatur, alterationem expulsiuam contrarij in principio, difficilem esse, quia expelluntur gradus posterioris contrariæ qualitatis,

quæ

que perfectior est, & ita actiuiores sunt, atque adeò experientia sepe docet, alterationem longè facilius continuari, quàm inchoetur: ita ut etiam dicere merito possis, Dimidui facti qui bene coepit, habet.

Dico secundo, excessus actiuitatis agentis supra resistantiam passii debet esse absolute loquendo diuisibilis, quamuis ut tantus, possit esse indiuisibilis. Ratio est, quia indiuisibile non facit maius: ergo si fingere aus virtutem actiuam solum superare resistantiam passii per aliquod omnino indiuisibile, non esset maior virtus agentis, quàm resistantia passii, atque adeò non esset actiuior: debet ergo excessus esse diuisibilis.

Dico tertio, dimmodo excessus sit absolute diuisibilis, non sequitur, quòd sit determinatus, & tantus, sed quilibet sufficit. Sic tenet Marfil. hoc loco. contra Nyphum, & alios. Et ratio est, quia si virtus agentis excedit excessu aliquo diuisibili, licet non determinet resistantiam passii: ergo residit passum toti effectui, quem agens potest producere: ergo saltem ille effectus, ad quem non potest resistere passum, poterit produci ab agenti, atque adeò si excessus sit diuisibilis, licet non sit determinatus, & tantus, poterit optimè esse actio.

Quod autem hoc loco quidam obijciunt, quòd experientia compertum est, non quemlibet impul-

sus sufficere ad mouendum lapidem: ergo requiritur aliquis certus: nihil valet, quia quando impulsus, etiam parue actiuitatis, non superat resistantiam grauitatis, tunc non potest mouere lapidem, tamen si est maior ipsa grauitate aliquo excessu diuisibili, quilibet ille sit, mouebit lapidem.

Sed obijciunt secundo commune illud axioma Philosophorum, Actio est à proportionem maioris inæqualitatis, cuius sensus est, debere esse inæqualitatem inter virtutem actiuam, & resistantiam passii, & in tali inæqualitate maiorem debere esse in virtute actiua: ergo cum debeat esse à proportionem maioris inæqualitatis, signum est, requiri proportionatum aliquem excessum, & determinatum, ut sit actio. Respondetur tamen, particulam, à proportionem, etiam non significare, debere esse determinatum excessum in virtute actiua, sed potius tantò plus agere agens, quàm fuerit maior excessus supra resistantiam passii, & ita actio prouenit à proportionem maioris inæqualitatis, ita ut magnus excessus magnam causet actionem, exiguus vero exiguam, & ita ad agendum absolute non requiritur determinatus excessus. Et hæc de hac questione.

Quest. VI. Vtrum omne agens in agendo repatiatur?

HAc in re supponendum est, terminos istos, actio, & reactio,

ctio, passio, & repassio, hoc modo distingui; quia actio significat actionem illam, qua fortius agens agit; ut quando calidum ut octo, agit in frigidum ut duo; & ita passio appellatur illa receptio effectus procedentis ab agenti fortiori. Rea- actio verò dicitur illa, qua agens minus forte rursus agit in aliud, & receptio talis effectus dicitur repassio, & ita quaeritur, verum utrumne agens, quamdiu agit, repariatur? Loquimur autem, quando agentia communicant in materia; hoc enim requiritur ad actionem; ut Aristot. docet hoc capit. & ita, etsi intelligentia agat in caelum, nihil tamen reparatur ab illo, quia non habet materiam; sicut caelum. Similiter quamvis caelum; & haec inferiora; in quibus agit, constet materiam, caelum tamen non reparatur ab his inferioribus, quia habet materiam longè diuersae rationis ab illis.

Secundò supponendum est, quando utrumque est in actu ad operandum, & in potentia ad recipiendum, quod ab illo produci potest: ut quando agit calidum in frigidum, frigidum est in potentia ad recipiendum calorem, & in actu ad producendum frigiditatem: calidum verò est in potentia ad frigiditatem, & in actu ad producendum calorem: hoc verò deficiente non erit reactio, ut quando calidum ut octo agit in calidum ut quatuor, intendendo illum calorem, ut nihil reparatur à minori calido, etò quod non est in potentia ad ca-

lorem possibilem produci ab illo; quia iam illum habet. Et hoc est, quod alij dicunt, quaestionem debere intelligi non secundum eandem qualitatem, sed secundum contrarias: satis tamen erit, si sit inter diuersas: potest enim siccum agere in calidum, producendo in illud siccitatem, & tunc siccum reparatur à calido, recipiendo calorem ab illo, cum tamen calor, & siccitas non sint qualitates contrariae, sed diuersae dumtaxat.

Tertiò, etiam supponendum est, etiam quaestionem esse, quando utrumque agens est intra sphaeram actiuitatis alterius: quia si alterum non sit intra sphaeram actiuitatis alterius, nihil poterit pati ab illo.

His suppositis in hac quaestione, plures, & difficiles sunt rationes dubitandi, quibus aperte videtur probari, agentia praesertim contraria, non posse simul agere, & pati. Primò, quia impossibile est, idem secundum eandem qualitatem simul esse inferius, & superius, siue, quod idem est, simul vincere, & vinci ab eo; sed si calidum agit in frigidum, calor vincit frigus: ostendimus enim, actionem prouenire à proportionem maioris actiuitatis, quam sit resistentia passio: ergo si simul reparatur à frigore, vincitur ab illo. propter similem rationem verò idem, & secundum eandem qualitatem, & respectu eiusdem est inferius simul, & superius in agendo: quod est impossibile.

Secundò, communis ratio est, quia

quia fingamus ignem, & aquam agere inter se per medium, scilicet medio aere, tunc, cum omne agens debeat agere prius in propinquum, quam in distans, ut ignis, & aqua ad invicem agant, & repatiantur, debent prius agere in aerem medium: ergo si simul dum ignis calefacit aquam, frigefit ab illa, cum hoc fiat per medium, necessarium est, simul aerem calefieri, & frigefieri: ergo simul moveretur motibus contrariis, calefactione scilicet, & frigefactione.

Tertio augetur difficultas, quia sequuntur duo contradictoria, scilicet, quod idem medium sit calidum simul, & non sit calidum. Probatur sequela, quia fingamus, aerem illum medium inter ignem, & aquam, iam habere calorem ut quatuor, & frigus ut quatuor: quod non repugnat, cum ex utraque qualitate, ut vidimus, possit subiectum habere usque ad octo gradus, & non amplius, si ignis agit in aquam per medium: ergo aliquid in illo producit de nouo: ergo cum antea habuerit calorem ut quatuor, modo habet calorem ut quatuor: ergo si simul aqua reagat in ignem per aerem medium: ergo aliquid frigiditatis produceret prius in medio, & ita cum antea haberet frigus ut quatuor, modo habet frigus ut quatuor, quia iam excedunt latitudinem ut octo, ergo simul tale medium ut est calidum, ut quatuor, & non calidum ut quatuor, ita ut idem quartus gradus caloris

simul producat, & corrumpat.

Quarto arguit Burl. tertio Physicorum super text. 27. quia si constituuimus duo agentia, vel ista sunt equalia in virtute agendi, & sic neutrum agit in aliud, quia omnis actio, ut ostensum est, provenit a proportionem maioris actiuitatis: si autem sunt inaequalis virtutis, illud, quod habet maiorem virtutem, habet actionem, aliud vero minus, quia actio debet provenire a proportionem maioris actiuitatis: ergo nunquam, & actio, & reactio, sunt simul.

Tandem, quia in motu locali non est necessarium, quod mouens aliquid mobile rursus moueatur ab alio, qualiter licet manus moueat lapidem, non ideo mouetur ab illo: ergo neque in motu alterationis agens in agendo repatitur.

Propter has ergo difficultates Auctores in varias sententias sunt distracti: quidam enim dicunt esse inter agens, & passum mutuam actionem, & reactionem, non tamen secundum eandem contrarietatem: est enim in primis qualitatibus duplex contrarietas, altera inter calorem, & frigus, altera vero inter humiditatem, & siccitatem. Dicunt ergo, agens aliquod, dum agit in passum, producendo in illud, verbi gratia, calorem, non posse rursus repati ab illo secundum eandem contrarietatem, recipiendo frigiditatem tali calori contrariam, sed potius in illam contrarietatem, scilicet,

reci-

recipiendo humiditatem, vel siccitatem. Alij verò dicunt, inter agens, & passum esse in utramque actionem, & reactionem, & secundum eandem contrarietatem; non tamen secundum eandem partem; sed dicunt, agens secundum aliquas partes agere in passum, secundum alias verò repati ab illo.

Contra has ergo sententias dicendum est, omne agens in agendo repati, secundum eandem contrarietatem; & secundum eandem partem, & in eodem tempore, existentibus tamen conditionibus supra in principio questionis explicatis.

Quæ sententia communiter recepta est inter Philosophos. Tenet Marfil. hic quæst. 19. Albert. de Saxon. quæst. 16. Paulus Venet. in summa, cap. 19. Tolet. hoc lib. cap. 9. quæst. 3. & plures alij. Eam docuit expressè Aristot. hoc cap. ubi dicit, contraria adinuicem inter se agere: & similia capit. 8. & 9. & sequentibus habet, & 3. Phisic. text. 16. & sæpe alibi.

Et probatur manifestis experimentis. Primum, quis dum quis manu apprehendit pomum frigidum, calefit pomum, manûs verò redditur frigida secundum omnes partes, quibus pomum tangit; ergo ibi est mutua actio, & reactio, secundum eandem contrarietatem, & secundum eandem partem. Idem est, quando aqua frigida infunditur aquæ calidæ, ubi tota resultat tepida secundum omnes partes: signum

ergo est, secundum omnes partes, ibi fuisse mutuum actionem, & reactionem. Similiter cultelli, dum se vehementi impetu tangunt, ad inuicem hebetantur, secundum omnes partes, in quibus fit contactus. Denique sunt plurimæ, & manifestæ experientie.

Secundò probatur ratione manifesta, quia ad actionem tria requiruntur, scilicet, quòd agens sit in actu, passum verò in potentia: tandem, quòd inter illa sit debita approximatō. Sed quando corpus calidum debite approximat corpus frigidum, quælibet pars utriusque est in actu ad producendam suam qualitatem in alia, & in potentia ad recipiendam qualitatem alterius, quia caret illa: ergo ibi erit actio, & reactio simul, secundum eandem contrarietatem, & secundum eandem partem.

Denique ad id probandum arguit Aristot. cap. 9. sequenti, quia nisi sit mutua actio, & reactio, secundum eandem partem, non esset possibilis mixtio. Ratio est, quia si dum ignis agit in aquam, & non repatiatur ab illa, secundum eandem partem, qua in illam agit, in illis partibus, quæ repatiuntur, & non agunt; introduceretur forma aquæ: & similiter in partibus aquæ, quæ tantum repatiuntur, & non agunt, introduceretur forma ignis. Oportet ergo, ut generetur mixtum diuersum ab elementis, quòd elementa secundum eandem partem agere, & repati debeant

bedio per alterationem. De quo
latius suo loco.

Superest respondeamus ad rationes dubitandi in principio quæstionis adductas, in quo tota huius rei difficultas consistit. Et quidem ad primam facilis est solutio. Respondetur enim, nullum esse inconueniens, idem respectu eiusdem simul esse superius, & inferius in agendo, non tamen respectu eiusdem actionis: & ita non est omnino respectu eiusdem: quia (vt supra vidimus) omnis actio dicitur victoriam, quando calidum agit in frigidum, in tali calefactione calidum vincit, & est superius: è contrarium vero, quando frigidum tergit in calidum, trigidum vincit calidum, & ita simul idem est superius, & inferius, non tamen respectu eiusdem actionis.

Ad secundam rationem: dubij est etiam facilis solutio, nullum enim est inconueniens, idem simul moueri motibus contrarijs, motu alterationis, dummodò ad sit in gradibus remissis compossibilibus: vt si simul calefiat vt quatuor, & frigeat vt quatuor. Quod (nescio quofunda nento a thixti) quidam negare audent hoc tempore: conuincitur enim planè pluribus rationibus; quia in primis extant manifeste & experientie supra adducte, quibus constat, eandem rem simul calefieri, & frige fieri; sed non in gradibus intensis, quia illi sunt incompossibiles: ergo in gradibus remissis.

Secundo, quia alijs non saluaretur actio, & reactio simul, quod est contra Aristot. & contra omnes. Probatur, quia vel idem simul agit, & repatitur secundum gradus intensos, & hoc non; quia simul in eadem contrarietate sunt incompossibiles: vel agit, & repatitur secundum gradus remissos; & sic habeo intensum: vel secundum nullos gradus, & sic non est simul actio, & reactio.

Tandem (vt ex communi omnium sententia vidimus) contrarietas motus sumitur ex contrarietate terminorum: ergo quando termini non sunt incompossibiles, neque motus sunt incompossibiles: sed calor & frigus in gradibus remissis optimè compatiuntur, vt patet in aqua tepida: ergo neque calefactio, & frige factio sunt simul incompossibiles in gradibus remissis. Imò addo, minus propriam esse locutionem istam, qua dici solet, idem moueri motibus contrarijs in gradibus remissis: quia contraria (proprie loquendo) cum debeant se ab eodem subiecto expellere, debent esse incompossibiles: sed in gradibus remissis, neque qualitates, neque alterationes ad illas terminatae sunt incompossibiles: ergo si proprie, & in rigore loquamur, non sunt contraria, nisi in gradibus intensis. Solent tamen in gradibus remissis improprie appellari contraria; quia apta nata sunt, se ad inuicem expellere, si immediatè crederent.

Sed

Sed obijcies, quia non potest idem mobile simul mouere duobus motibus localibus: ergo neque duobus motibus alterationis. Respondetur, esse diuersam rationem; quia cum per naturam non possit vnum mobile simul esse in duobus locis, non potest simul moueri duobus motibus localibus: tamen quia simul potest habere qualitates contrarias in gradibus rebus, ita potest moueri motibus contrariis alterationis in gradibus rebus.

Difficilior longe est tertia ratio dubitandi: videtur enim probare, adhuc in gradibus entis idem moueri motibus contrariis. Quare ad illam plures sunt modi dicendi: quidam enim dicunt, inter agens, & passum esse mutuam actionem, & reactionem, non tamen per eandem lineam, sed per diuersam: nec concedunt idem simul moueri motibus contrariis in gradibus entis. Quae sententia tere coincidit cum ea, quam supra impugnauimus, eorum, qui asserunt, actionem, & reactionem, non contingere secundum eandem partem. Ita haec solutio non placet, tum propter dicta contra hanc sententiam, tum etiam, quia quando aliqua duo agentia comparata directe se respiciunt, nulla est assequibilis ratio, quare potius unum agat per hanc lineam, aliud vero per aliam: ergo reuera per eandem lineam tendit utraque actio.

Secundo, alij respondent in eo

casu, quod medium illud simul habet calorem vt quatuor, & frigus vt quatuor, esse adhuc quamdam actionem, & reactionem per tale medium: & ita concedunt, illud per actionem ignis simul recipere vnum gradum caloris, & corrumpi in illo alium gradum frigiditatis, & simul per actionem agentis frigidi corrumpi alium gradum caloris ex praexistentibus; & produci alium gradum frigiditatis: & ita numquam datur, nisi calor vt quatuor, & frigus vt quatuor: quae non repugnant. Quae admodum (inquiunt) si viuens perueniat ad maximum, quod potest habere tantum, quantum per vnam partem acquirit, per aliam deperdit.

Haec enim sententia, quae hoc tempore in hac nostra Academia est communis, satis aperte conuincitur falsitatis, quia vel haec sententia admittit, inter gradus qualitatis esse naturalem subordinationem, & dependentiam: similiterque & inaequalitatem. secundum perfectionem individualement, vt supra ostendimus, vel non admittit: si illud admittit, aperte potest conuincij, quia cum posteriores grades ex natura rei praesupponant priores, & ab illis ex natura rei pendant, non potest quintus gradus caloris permanere, nisi quartus, vel alius prior, a quo posteriores dependunt, corrumpatur, qualiter si quis prius respellitur octauus gradus, quam septimus: ergo vel tenetur haec sententia fateri,

teri, eundem quantum simul produci, & corrumpi; vel certe si alias ex præexistentibus corrumpitur, impossibile est, manere alios posteriores; qui ab illo pendent; præsertim quod in gradibus etiam est determinata oppositio, ita ut non quilibet cum quolibet opponatur, ut supra etiam ostensum est: ergo non potest corrumpi quantus gradus caloris, & quintus frigoris, nisi per aduentum quantum gradus caloris, & quanti frigoris: sed isti gradus sunt inter se impossibiles, quia excedunt latitudinem ut octo: ergo iuxta prædictam sententiam hæc solutio minime sustineri potest.

Si autem hæc solutio non admittat tales gradus qualitates ex natura rei subordinatos, sed aliter, prorsus esse similes, & æquales; tunc etiam aperte probatur eius falsitas, quia si huiusmodi gradus sunt omnia eiusdem rationis, ergo nulla est maior ratio, quare expellatur vnus gradus potius quam alius; atque adeo, vel debent expelli omnes, vel nullus, falso ergo asserit hæc solutio, quemdam gradum expelli, alium vero minime.

Secundo, quia si isti gradus sunt omnino similes: ergo sicut aqua habet virtutem ad producendum vnicum gradum frigoris in tali medio, adhuc in præsentia contrarii, ut prædicta solutio admittit, similiter habet virtutem ad conservandum gradum præexistentem, ne corrumpatur; quia tanta virtus requiritur

ad producendum effectum eundem, sicut ad conservandum, cæteris paribus: ergo falsum est quemdam gradum frigiditatis produci, quemdam vero simul corrumpi.

Quare his, & alijs solutionibus omittis, quæ ex dictis facile impugnari possunt, dicendum est, medium illud, per quod agentia contraria ad invicem inter se agunt, & repatiuntur, si fingamus nullum in se habere calorem, neque frigus, moveri simul motibus contrariis in gradibus remissis, quousque recipiat quatuor gradus caloris, & quatuor frigoris; qui sunt inter se impossibiles: quando vero peruenit ad statum, in quo iam habet quatuor gradus caloris, & quatuor frigoris, tunc non recipit simul calorem ut quinque, & frigus ut quinque, quia hæc sunt impossibilia, & ita non erit mutua actio, & reactio per illud; sed agens fortius, & perfectius operabitur.

Alia vero ratio est, quia si ignis iam produxit in aëre calorem ut quatuor, & medio illo etiam in aqua produxit calorem eundem ut quatuor, iam aqua habet simul calorem ut quatuor, & frigus ut quatuor; sed non potest simul recipere quintum gradum caloris, perueniente frigore ut quatuor, quia sunt impossibiles, eo quod excedunt latitudinem ut octo: ergo tunc agens, quod fortius est, vincit aliud: unde cum aqua tunc solum habeat frigus ut quatuor, non potest producere quantum gradum inigo-

frigoris in medio, vel in igne; quia nemo dat, quod non habet: & ita quando utrumque agens, peruenit ad eum statum, ut iam habeat calorem ut quatuor, & frigus ut quatuor, quod forte est, vincet aliud.

Sed instabis, quia ponamus talia agentia æqualis actiuitatis, tunc non est maior ratio, quare vnum potius, quam aliud vincat. Responderetur tamen, casum esse implicatiuum, quia hoc ipso, quod agentia sunt contraria, aut differunt specie, necessario vnæqualitas est magis actiua, quam alia: ostendimus enim supra, qualitates perfectiores magis esse actiuas: sed inter ea, quæ differunt specie, necessario vnum est perfectius alio: ergo maior est ratio, quare vnum potius, quam aliud vincat.

Et si instes secundo contra hanc solutionem, non semper est mutua actio, & reactio: ergo non omne agens in agendo repetitur. Responderetur, quæstionem hanc, ut principio quæstionis aduerti, intelligendam esse, quando utrumque agens est in actu ad agendum in aliud, & utrumque est in potentia, ut patitur ab alio: qui ergo quando aqua iam provenit ad eum statum, in quo iam habet calorem ut quatuor, & frigus ut quatuor, non est in potentia, ut recipiat frigus ut quinque, & calorem ut quinque: ideo tunc tantum præualeat vnica qualitas, alia verò decreuit, quousque corrumpatur, vel generetur mixtum, vel quævis alia res.

Tandem in hac quæstione notandum est, non semper esse necessarium ad hoc, ut omne contrarium agat in aliud, producere prius in medio aliquid de nouo, qui a aliquando satis est conseruari præexistens, v. g. fingamus ignem calefacere aquam per aerem intermedium habentem iam calorem ut quatuor: tunc ut ignis incipiat calefacere aquam, producendo in illam primum gradum caloris, non opus est, ut illum primum gradum producat in aere, quia iam tunc habet illum, cum supponamus habere calorem ut quatuor: satis ergo est, agat in medio, conseruando illum gradum, ut deinde in aqua carenti omni gradu caloris producat primum gradum caloris, & ita optime tunc saluatur, nihil agere in distans, quia prius agat in propinquum, conseruando iam alias productum, vel de nouo producendo.

Ad quartam rationem dubitandi responderetur, certum esse inter agentia specie diuersa, necessario vnum esse fortius alio, illud, scilicet, quod habeat qualitatem perfectiorem, quia illa, ut vidimus, est magis actiua: nego tamen agens fortius posse pati ab agenti debiliore, v. g. calidum ut octo, a frigido ut duo. Ratio est, quia, ut supra vidimus, quando frigidum ut duo producit vnum gradum frigiditatis in calido, ad illum gradum producendum concurrunt vterque gradus frigiditatis, non tamen resiliunt ad illius productionem

omnes

omnes octo gradus caloris, sed solum octauus, ut etiam supra ostendimus: & ita in hac peculiari actione potentius est frigidum ut duo, quam calidum ut octo, quia, non obstante eius resistantia, producit in illo vnicum gradum frigiditatis: immo quando producit medietas illius gradus frigoris, non resistit octauus gradus caloris, sed sola vltima medietas illius, non verò prima, quia dimidius gradus frigiditatis, & calor ut septem & dimidium non excedunt latitudinem ut octo, & ita optimè compatiuntur.

Ad vltimam respondetur de motibus alterationis, & de motibus localibus, diuersam esse rationem. Ratio est, quia vtraque qualitas contraria, ut calor & frigus, est actiua, & ita si vtraque agentia sint sibi inuicem approximata, necessarium est, sit mutua actio, & reactio: tamen non omne mobile, quod ab alio localiter mouetur, habet ex se virtutem sufficientem ad mouendum aliud, qualiter baculus, nisi ab alio moueatur, nil mouere potest. & ita est dispar ratio de motibus alterationis, & motu locali.

Quæstio vltima. Vtrum ex vi actionis, & reactionis mors sit naturalis viuentis?

Res hæc plus longè Medicis, quam Physicis, controuersa est: & ideo breuiter dicam. Conueniunt ergo omnes, mortem esse na-

turalem viuentibus, saltem ratione principij passiu: quia, ut videmus primo Physicorum, disputata vinita, materia, quæ habet annexam priuationem aliarum formarum, & appetitum ad illas, est principium corruptibilitatis, constat etiam, materiam de facto informatam formam viuentis, habere priuationem aliarum formarum, & appetitum ad illas, & ita viuentia omnia saltem habent in se principium naturale passiuum suæ corruptionis: immo & non viuentia propter eandem rationem: solum ergo est dubium, vtrum viuentia habeant in se naturale principium actiuum suæ corruptionis, quæ res ferè tacta est quæstione prima huius disputationis, vbi ostendimus, idem, saltem secundum diuersas partes, posse seipsum effectiue corrumpere. Quærimus ergo, vtrum ex vi actionis, & reactionis in humidum radicale, mors sit naturalis viuentibus?

Secundò, conueniunt omnes, mortem esse naturalem viuentibus ex vi actionis, & reactionis, quæ est inter calorem naturalem & alimentum, quia cum principio alimentum sit dissimile viuenti, ac proinde habeat qualitates contrarias, à quibus viuens ipsum in illius contradictione repetitur, & ita calor naturalis paulatim minuitur, ita ut humidum radicale, quod deperditur, numquam perfectè reparetur per humidum nutritiale, quod per nutritionem acquiritur, atque adeo ex vi huius actionis, &

reactionis, mors est naturalis viuē-
tibus, hoc tamen est ab extrinseco,
quia alimentum quid extrinsecum
est viuēti. Queritur ergo, vtrum
etiam habeat aliquod principium
actiuum naturale suæ corruptio-
nis ex vi actionis, & reactionis ip-
sius caloris naturalis, in partes ip-
sius viuētis.

In qua re partem negatiuam te-
net Mega super librum secundum
de arte medendi, Vallesius secun-
do controuersiarum medic. capit.
secundo, & quarto, Metaphysic.
capit. 1. existimantes actiuē solum
corrumpi viuens ab extrinseco, sci-
licet per actionem continuam ex-
trinseci ambientis, vel per re actio-
nem ambientis in calorem, quo fo-
uetur viuens. Cuius fundamentum
est, quia naturalis calor à natura in-
ditus viuētibz ordinatur ad na-
turalem conseruationem, & repa-
rationem animalium: ergo nō po-
test esse principium naturale cor-
ruptionis illorum.

Secundò, quia ex cōmuni Theo-
logorum sententia, si Adamus non
peccaret, posset ipse, & eius filij
durare in perpetuum: sed in eo ca-
su haberet naturalem calorem, si-
cut nos habemus, quia eādē na-
turam, & speciem haberet: ergo ex
vi solius reactionis naturalis caloris
mors non est naturalis viuēti-
bus.

Tandem posset hic fieri argu-
mentum, quia res nullā potest habe-
re in se principium actiuū suæ gene-
rationis, aliàs posset seipsam gene-

rare: ergo neque suæ corruptio-
nis.

Hæc tamen ratio soluta est iam
à nobis, quaestio. 1. huius capit. est
enim dispar ratio de generatione,
& corruptione, quia vt aliquid
actione generet, debet præexisse-
re, eò quod præexistentia est con-
ditio prærequisita ad causandum,
vt verò generetur, debet non præ-
fuisse, quod implicat: tamen in
corruptione nullum est inconue-
niens, vnam partem præexisten-
tem alterius corruptionem effecti-
uē attingere, quia quod eadē pars
viuētis non possit se ipsam effe-
ctiuē corrumpere, ostendimus lo-
co citato.

Et si dicas: ergo poterit similiter
vna pars viuētis aliam generare,
licet non se ipsam, & ita non sequi-
tur inconueniens illud, scilicet,
quod idem sit simul, & non sit. Re-
spondetur, ita contingere de facto
in nutritione, quæ est quædam ge-
neratio partialis, vbi partes viuē-
tis effectiuē attingunt conuersio-
nem alimenti in propriam substan-
tiam.

In præsentiergo, quaest. dicen-
dum est, mortem esse naturalem
viuētibz ex vi solius actionis, &
reactionis caloris naturalis in par-
tes ipsius viuētis, ita vt vna pars
viuētis aliam per reactionem dis-
ponat. Quæ sententia planè colli-
gitur ex Aristot. sectio. 3. Problem.
quaestio. 34. & lib. de iuuentute, &
senectute ad finem, & 2. de parti-
bus animalium, c. 2. vbi dicit, mor-

tem

tem duplicem esse: aliam violentam, quæ ab extrinseco corrupte causatur: aliam verò naturalem, quam dicit prouenire ab interno calore.

Ratio à priori huius est, quia viuientia in hoc differunt à non viuentibus, quod non viuientia sunt homogenea, idest, habent partes eiusdem rationis, & æqualitatis: at verò viuientia habent partes heterogeneas, idest, diuersæ rationis, & inæqualitatis, ita vt quædam maiorem calorem, quædam verò maiorem postulent frigiditatem: ergo partes viuientis, quæ diuersas qualitates postulant, ad inuicem, & inter se agunt, & reagent, & repatiuntur, & ita ad inuicem destruitur naturalis temperies, & proportio cuiuslibet requisita, per quod ad corruptionem disponuntur: ergo viuētia in se habent principium actuum suæ corruptionis.

Et si inquiras, quæ sit ratio, quare aqua, etsi à contrario extraneetur, & calefiat, nihilominus statim se reducit ad pristinam suam frigiditatem, tamen partes viuientis, si ab alijs alterentur, non possint se in suam naturalem dispositionem reducere. Respondetur causam esse, quia calor naturalis ita agit in partes animalis, vt illas paulatim corrumpat, donec illas in prauos humores conuertat. Præterea habet perpetuam litem cum illis, ita vt nunquam partes illæ suæ naturæ relinquantur, qualiter aqua finita calefactione, super naturæ relin-

quitur, ratione cuius potest se in pristinum reuocare.

Secundò probatur conclusio, quia in omnium opinione, si necitatus est naturalis viuētibas: & si senectus nimis sicca est, & contraria naturali humiditati viuētis, quæ calore potius, quàm humiditate conseruatur, & ita in senectute partes humidiores soluntur, atque adeò paulatim ad corruptionem disponuntur: ergo viuētia ex vi actionis, & reactionis inter eorum partes naturaliter corrumpuntur.

Vnde ad primum argumentum contrariæ sententiæ respondetur, calorem naturalem minimè destruere partem illam viuētis, quia, vt ostendimus 1. Physico. accidentia non agunt in suum subiectum, saltem actione vniuoca, qualis est actio dispositiua, qua calor disponit subiectum, producendo calorem, tamen agit in aliam partem habentem dissimiles qualitates, & cur non est naturalis tantus calor.

Ad secundum respondetur ex communi Theologorum sententia. Adamum in statu iustitiæ esse mortalem ab intrinseco, constat enim qualitatibus contrarijs, ex quarum actione, & reactione non minus contingeret mors naturalis, quàm modo solum: ergo præseruatur corruptione ab extrinseco: quia si Deus peculiari prouidentia non permitteret partes viuētis notabiliter extraneari, illas intrinse-

cus fouendo, vel certè quia post longam vitam peractam sine morte hominis ad caelestem patriam perducerentur, & non morerètur. De quibus hæc dicta sufficiant.

Caput VIII. & IX.

POSTQUAM Aristotel. capit. præcedenti egit de actione, & passionem, tandem in capite præsentem explicat, quomodo contingat talis actio, & passio, & quidem capit. 8. de hac re varias refert antiquorum sententias, easque rejicit: deinde verò in capit. 9. propriam de hac re profert sententiam, dicens, quòd cum ens sit duplex, vel in actu, vel in potentia, ens, quod est in actu, agit; quod est in potentia, patitur, non tantum secundum unam, vel alteram partem: sed secundum omnes, secundum quas est in potentia ad recipiendum terminum: debet enim, inquit, agens, & passum, esse approximata: addit præterea, actionem, seu productionem, non fieri per diuisionem, vel segregationem corporis. Quas, inquit, nulla esset augmentatio, quia in hac potius vnatur alimentum, quam segregatur, neque etiam esset alteratio, quia idem prorsus subiectum absque diuisione modò est calidum, modò verò humidum.

Caput X. De Mixtione.

IN hoc capite (quod vltimum est huius libri) postquam Arist. egerat de mutua actione, & reactione, qua plura inter se agunt, vt generetur mixtum, iam in hoc capite. agit de mixtione ipsa. Tria autem agit in hoc capite. Primò, distinguit mixtionem ab ipsis actionibus: secundò, explicat quomodo fiat mixtio. tertio, agit de miscibili.

Ad primam partem accedentes, proponit Aristot. rationem dubitandi, qua videtur probare, impossibilem esse mixtionem, quia vel miscibilia manet actu in mixto, vel non manent: si manent actu, ita quòd non sunt corrupta: ergo manent sicut erant ante mixtionem, atque adeò sicut antea non erant mixta, ita nec modò: si autem miscibilia non manent in mixto: ergo neque sunt mixta. Probatur, quia quòd non est, non potest esse mixtum.

Vt verò hanc rationem dubitandi soluat Aristot. explicat quid sit mixtio, docens qualiter distinguitur ab alijs actionibus, dicens, mixtionem in primis differre à corruptione, & generatione, quia quando lignum comburitur, ibi corrumpitur lignum, & generatur ignis, neque permiscetur lignum cum igne, neque è contra, quia lignum corrumpitur, & manet ignis tantum.

Quòd

Quòd verò etiam distinguatur à nutritione, & augmentatione probatur, quia in augmentatione, & nutritione duo concurrunt, scilicet corruptio alimenti, & generatio partialis, dum producit pars viuientis. sed mixtio differt à generatione, & corruptione: ergo etiam differt à nutritione, & augmentatione. Tandem quòd etiam differat ab alteratione, probat, quia quæ miscentur, non possunt omnimodo se habere sicut antea: sed per alterationem in subiecto factam, neque subiectum, neque accidens, quod per alterationem producit, amittunt aliquid de sua intrinseca entitate: ergo mixtio etiam differt ab alteratione.

Quo supposito, respondet ad rationem dubitandi iam adductam, dicens, miscibilia actu non manere in mixto, quia quodlibet illorum non est actu separatum ab alio, & per se existens, aliàs non esset mixtio, manere tamen in potetia, quia rursus separari possunt.

Deinde in secunda parte capituli explicat, quomodo fiat mixtio, dicens, illam non tantum fieri apparéter ad sensum, cuius possunt miscibilia ita in minutissimas partes redigi, ut vix sensu percipi possint, cum tamen reuera misceri possint, neque etiam, inquit, fit mixtio, ex eo quòd in minutissimas partes redigantur miscibilia, deindeque adinuicem copulentur: hæc enim, inquit, potius est plurium partium compositio, quam mixtio, quia ibi

manent omnes illæ partes, quæ adinuicem copulantur, qualiter, inquit, quado lordeu miscetur cum granistrutici, omnia grana manent integra: quare, inquit, mixtio ex eo fit, quòd miscibilia actu non maneant, sed potius in potentia, & virtute.

Tandem in tertia parte agit de miscibili, docens, quale debeat esse, & dicit tria debere habere. Primo, quòd miscibilia sint mutuo inter se actiua, & passiua, communicentque in materia, & hac ratione adinuicem refrangantur, & sic mixtionem efficiant. Secundo, quòd sint faciliè diuisibilia, qualia sunt humida, & ita lapis, inquit, & ferrum, difficilè miscentur: nec satis est, esse faciliè diuisibilia: sed requiritur, quòd nò sint viscosa, seu vinctuosa: hæc enim difficilè miscentur, qualiter oleum, vel butyrum, quæ viscosa sunt, difficilè miscentur cum aqua. Tertiò requiritur, quòd miscibilia sint proportionata in actiuitate, & magnitudine, quia si vnum sit longè fortius alio, conuertet illud in suam substantiam, & ita ex utroque non generabitur mixtum tertium: vnde concludit, dicens, quòd ex his miscibilibus per mutuam actionem, & reactionem refractis, generatur aliquod tertium, scilicet mixtum: vnde definit mixtionem, dicens:

Mixtio est miscibilium

alteratorum

vnio.

DISPUTATIO V.

Vltima huius libri, de Mixtione.

DE hac re disputat Aristot. tum hoc capit. tum lib. 2. capit. 9. & alijs, vbi postquam egit de elementis, ex quibus mixta generantur, agit de mixtione: quia tamen Aristot. dispositionem hanc hoc loco instituit, interpretes eius eam hoc loco absoluunt: ego verò eundem ordinem sequens, ea quæ Aristot. docuit in dictis locis, & alicuius in hac re momenti sunt, disputabo.

Quæstio I. Vtrum mixtio sit possibilis?

Mixtio multiplex est, vt partim colligi potest ex his, quæ Aristot. docet in hoc capite, Quædam (inquit) est mixtio, qua vtuntur pharmacopole in suis pharmacis conficiendis, in qua miscibilia non corrumpuntur, sed potius manent æctissimè copulata, vt effectum, in quem ordinantur, habere possint, & hæc improprie appellatur mixtio, potius enim est vnio localis plurium, quæ potius efficiunt vnum per accidens, quàm mixtum verè, & propriè vnum. Similis est mixtio, cuius meminit in hoc cap. Aristot. qua hordeum misceretur cum tritico.

Secundò sumitur mixtio pro continuatione duorum, qualiter dicere solemus, particulam aquæ

cum alijs misceri, & etiam est improprie mixtio, quia non resultat aliquod tertium diuersæ rationis à miscibilibus, & ita potius est continuatio, quàm mixtio, quia non resultat aliquod tertium diuersæ rationis ab illis, quare vera, & substantialis mixtio est, qua plura illa inter se vnita confunduntur, atque ita inter se alterantur, vt ex mutua eorum pugna resultet aliquod tertium diuersæ rationis ab illis: & de hac re potissimè agitur in præsentia, de qua quæritur, vtrum sit possibilis?

Et quidem mixtionem hanc esse impossibilem, pluribus rationibus conuinci videtur, quia, vt crementa vniantur ad conficiendum mixtum, opus est in vnum locum conueniant: vt ibi per mutuam actionem, & reactionem tertium aliquod ab illis diuersum generetur: sed per naturam impossibile est, elementa in vnū locum conuenire: aliàs in mixtis, quæ generantur in profundo maris, opus esset aliquā partem ignis, vsque ad eum locum descendere per tantam aquæ profunditatem, quod est incredibile. Imò etiā in liquoribus videtur impossibile mixtio, quia de ratione mixtionis est, quod miscibilia in aliquod tertium transmutentur, & ita non maneat secundum proprias formas, sed experientia docet, aquā vino permixtam posse per artem à vino extrahi, & separari, quolibet in sua forma manente: ergo etiam in his est impossibile mixtio.

Ter-

Tertio, quia non est à quo fiat huiusmodi mixtio: ergo non est possibilis. Probatur, quia causa efficiens mixtionis, vel sunt ipsa elementa, quæ sunt miscibilia concurrentia ad mixtionem: vel est causa aliqua vniuersalis, vt Deus, vel cælum: non primum, tùm, quia elementa, quæ simplicia sunt, sunt imperfectiora, quàm mixtum, quia continet illa virtualiter, vt infra dicam: ergo saltem in genere causæ principalis non possunt attingere ad productionem mixti, imò neque vt causa instrumentalis. Et probatur, quia de ratione cuiusvis causæ efficientis est, quòd existat in eo instanti, in quo causat, vt vidimus secundo Physicorum: sed elementa in eo instanti, in quo generatur mixtum, non sunt causa, quia tunc corrumpuntur, vt generetur mixtum: ergo. Quòd verò neque possit esse causa efficiens mixtionis causa aliqua vniuersalis, probatur, quia effectus particularis debet reduci in causam particularem: ergo cuiuslibet mixti particularis assignanda est causa particularis, non verò vniuersalis.

Dicendum tamen est cum communi Philosophorum sententia, veram mixtionem possibilem esse per naturam, non solum in liquoribus, sed etiam in elementis, ita quòd ex elementis tertia aliqua substantia in virtute continens elementa generetur. Et quidem de liquoribus facilis est ratio, quia cor-

pora liquida facillè inter se miscentur secundum minutissimas partes: ergo liquores contrarij sic inter se permixti habebunt mutuam actionem, & reactionem, donec se ad quoddam temperamentum reducant, & tunc poterit generari tertium aliquod mixtum, cuius sit proprium tale temperamentum.

Et simili ratione probatur de elementis, quia quando aqua ratione suæ humiditatis commiscetur terræ, tunc etiam elementa alterabunt se, secundum humiditatem, & siccitatem: ergo ibi concurrunt humiditas, frigiditas, & siccitas vtriusque elementi: còcurrit etiam calor à sole productus, & ita adfunt quatuor qualitates permixtæ, quæ in mixto reperiri solent: ergo adest sufficiens dispositio ad producendum mixtum, atque adeò erit possibilis mixtio.

Ad primam rationem dubitandi sunt qui existimant, necessarium esse, omnia quatuor elementa per se ipsa concurrere ad productionem mixti, quod tamen optimè impugnat ratio dubitandi, quia ridiculum est dicere, portionem aliquam ignis descendere vsque ad profundum maris, vbi generantur mixta.

Quare dicendum est, satis esse, quòd concurrant duo elementa per se ipsa, vt terra, & aqua, quia medio calore solis adfunt ibi omnes quatuor qualitates elementorum, & ita potest fieri mixtum.

Et probatur planè, quia elementa, in tantum requiruntur ad mixtionem, ut subiectum alterent, secundum qualitates, donec ex illis resultet temperamentum aliquod, medio quo mixtum aliquod generari possit: ergo ubi adsunt qualitates elementorum, quæ subiectum alterare possint, satis erit ad mixtionem, etiam si omnia elementa per se ipsa non concurrant, sed quando terra, & aqua permiscantur, ibi adsunt tres qualitates, scilicet, frigus, humiditas, & siccitas: ergo medio calore solis, adsunt omnes qualitates elementorum: ergo optimè potest fieri mixtio, atque ad mixtionem satis est, ut omnia elementa concurrant, secundum suas qualitates: at verò per se ipsa, satis est concurrere duo elementa. Tum, quia optimè saluatur definitio mixtionis, scilicet, Miscibilium alteratorum unio: immo addo, cum solo unico elemento, dummodo adsit aliud mixtum, quod simul cum elemento commisceatur, posse fieri mixtionem, quia cum mixtum, ut postea dicam, contineat quatuor qualitates elementorum, redactas tamen ad materiam: elementum verò contineat duas qualitates, in gradu magis intenso, potest elementum ita permisceri cum aliquo mixto, verbi gratia, cum liquore, ut per mutuam actionem, & reactionem utrumque corrumpatur, & generetur tertia aliqua substantia mixta. Dixi tamen, du-

modo adsit illud mixtum, quia ex unico tantum non fit mixtio, nam mixtio necessariò est inter plura, & ita Aristoteles merito in definitione mixtionis dixit: Miscibilium alteratorum unio: immo etiam potest fieri mixtio sine omni elemento, ut quando fit ex pluribus mixtis, verbi gratia, ex pluribus liquoribus: ibi enim saltem adsunt qualitates elementorum in illis liquoribus contentæ: & cum ex illis permixtis generetur tertia aliqua substantia, verè & propriè est mixtio.

Ad exemplum verò de aqua, vino permixta, respondetur, quòd, cum ut aqua conuertatur in vinum, vel è contrà, opus sit prævia alteratione, quæ vnum in aliud agat, ut illud in suam substantiam conuertat, toto illo tempore, quo durat talis actio, aqua retinet suam formam substantialem, & tunc per artem potest extrahi aqua à vino, non tamen postea, quia transacta alteratione, aqua est substantialiter conuersa in vinum, vel è contrà, quia tunc non manet utrumque secundum formam, sed potius vnum est in aliud conuersum: vel certè ex utroque generatur aliqua tertia substantia, inedia tamen, quia experientia illa de extractione aquæ à vino, ut in plurimum fit statim post immixtam aquam in vinum, quando nondum est facta conuersio substantialis, sed adhuc durat alteratio: idèò contingere solet, aquam vino permixtam ab illo extrahi.

Ad

Ad secundam rationem respondetur, optimè conuinci, elementa non attingere effectiue: ad productionem mixti, quia non sunt in instanti productionis mixti, tum etiam, quia, ut suprà dixi, elementa sunt imperfectiora mixto: ergo saltem, ut causa principalis, non possunt attingere effectiue eius productionem.

Nec valet solutio eorum, qui asserunt, quodlibet elementum seorsum sumptum, imperfectius esse mixto, tamen omnia simul sumpta, perfectiora esse mixto. Contra est, quia si quodlibet eorum intensiue est imperfectius mixto, omnia simul non possunt acquirere perfectionem illius, quia perfectio extensiuè numquam potest adæquare perfectionem intensiuè: sicut quia quodlibet brutum est imperfectius homine, etiam multa bruta simul sumpta, sunt imperfectiora illo in perfectione essentiali.

Quare dicendum est, quod quando ex elementis generatur mixtum, quamuis effectus ille particularis reducitur in causam aliquam particularem instrumentalem: quia, ut ostendimus secundo Physicorum, qualitates, seu dispositiones, quæ disponunt materiam aliquam ad productionem alicuius formæ, effectiue attingunt instrumentaliter productionem illius: tamè nulum est inconueniens, effectum particularem reduci tamquam in causam principalem, in solam cau-

sam vniuersalem, scilicet, in causam primam, quia cum mures & alia animalia imperfecta, generantur ex putredine terræ, nulla causa particularis principalis assignari potest, quia terra illius propinqua, cum natura sua sit imperfectior viuenti quouis, non potest esse causa particularis alicuius viuentis.

Ratio verò à priori huius est; quia licet causa vniuersalis ex se indifferens sit ad plures effectus producendos, tamen determinatur à particulari instrumento, scilicet à qualitatibus, quæ petunt determinatam formam ad particularem effectum producendum, & ita satis est, effectum particularem reduci in causam particularem instrumentalem. Dixi tamen, plures effectus reduci in causam solam primam, tamquam in causam principalem, ut excluderem plurimorum sententiam asserentium omnes effectus horum inferiorum in sua productione pendere à cælo, quia, ut latius 2. Physicorum, licet cælum media sua influentia multum conferat ad præuiè disponendum materiam aliquam, tamen effectiue non pendet generatio aliqua horum inferiorum ab actuali concursu cæli, ut citato loco ostendimus, quod de productione viuentium potissimè verum est: cælum enim est imperfectius quouis viuenti, cum inanimatum sit, ut suo loco ostendi: & ita nullius viuentis potest esse causa principalis, quare

K^t v nulla

nulla productio horum inferiorum in illud, ut in primam causam, reuocanda est. Legatur ubi dicta.

Quest. II. Quid sit mixtio?

Ratio dubitandi est, quia Arist. in ultimis verbis huius capituli hoc modo definit mixtionem, scilicet: *Mixtio est miscibilium alteratorum unio*: vel, ut habet alia versio: *Mixtio est miscibilium per alterationem in unum collectio*. In hac enim definitione videtur committi circulus, quia definitur mixtum per miscibile, & ita non definitur per aliquid notius, quia miscibile denominatur à mixtione saltem possibili.

Tamen, ut rem hanc intelligamus, aduertendum est, ad mixtionem plures actiones concurrere. Primum reperitur motus localis, quo miscibilia secundum partes minutissimas inter se miscentur, & in hac actione non consistit mixtio substantialis, sed localis potius. Secundum reperitur alteratio: quia miscibilia mutuò agunt, & repatiuntur, ut ad quoddam tertium reducantur, & in hac etiam non consistit ratio substantialis mixtionis, tunc quia est mutatio accidentalis, & ita in ea non potest consistere substantialis mixtio: tum etiam, quia mixtio significat productionem substantialem cuiusdam tertij quodam modo continentis miscibilia sed per illam præuiam alterationem miscibilium non producitur tertia aliqua substantia, alias virtualiter continens, sed po-

tius disponuntur miscibilia ad productionem talis substantiæ: ergo neque in illa alteratione consistit ratio formalis mixtionis.

Tertio ergo in mixtione reperitur productio formæ substantialis mixti, in quo miscibilia quodam modo continentur.

Tandem quarto reperitur unio inter materias ipsorum miscibilium, quia ex illis omnibus resultat unica totalis materia, quæ informatur forma mixti, ad modum, quo supra diximus, in nutritione, præter illam actionem, qua producitur in materia alimenti forma viuientis, reperiiri quamdam aliam actionem substantialem vnitiuam materiae alimenti cum materia ipsius viuientis.

Dubium ergo est, utrum ratio formalis mixtionis consistat tantum in actione productiua formæ mixti, vel in actione vnitiuæ materiarum ipsarum miscibilium, vel in utroque simul.

Et dicendum est breuiter, ut in simili sententia dixi de nutritione, mixtionem non esse actionem aliquam prorsus similem, sed potius integrari in suo conceptu essentiali, ex utraque illa actione, altera productiua formæ mixti, altera vnitiua materiarum ipsorum miscibilium, ita quod ex utraque coalescat quædam totalis actio per se vna. Ratio est, quia mixtio, ut ipsum nomen sonat, significat actionem productiuam alicuius tertij, ita tamen, quod miscibilia vniantur in illo: ergo præter productionem formæ sub-

substantialis, significat mixtio vnionem materiarum ipsorum miscibilium: formæ verò illorum cūa corumpantur, ad mixtionem nō possunt vniri. Vnde Aristoteles merito dixit: Mixtio est miscibilium alteratorum vnio.

Nec valet dicere, Aristotelem solum in hac definitione explicasse vnionem miscibilium, non verò productionem formæ mixti: ergo ratio formalis mixtionis tantū consistit in illa actione vnitiua. Respondetur, Aristotelem non loqui de vnitione, quæ tantū sit per mixtionem localem, sed de vnitione in quodam tertio substantiali, & ita etiam explicatur altera actio productiua formæ mixti, continentis miscibilia.

Quod verò ex vtraque illa actione fiat quædam totalis actio per se vna, patet, quia illæ actiones partiales habent inter se intimam connexionem & ordinem, vt producant mixtum: ergo in forma mixti & materijs miscibilium iunctis fit vnū per se, & ita ex actionibus partialibus mutuo inter se cōnexis, & subordinatis: & hinc patet, esse longè diuersam rationem, si Deus crearet materiam longè separatam à forma, & deinde multo tempore crearet formam, quia licet istæ actiones terminentur ad constituendum vnū per se, quod resultat ex materia & forma, tamen actiones illæ non coalescunt in vnā totalem actionem per se vnā, quia nō sūt cum actuali dependentia & cōne-

xione vnus cum alia, & ita qualibet est totalis in se.

¶ Et si inquiras, quem ordinē habeant inter se illæ duæ partiales actiones, in quibus integra essentia mixtionis consistit. Respondetur, quod attinet ad durationem temporis in eodem instanti temporis, esse vtramque illam actionē, quia in eo instanti, quo corrumuntur miscibilia, resultat tertium quoddā mixtum, in quo manent materiæ ipsorum miscibilium, & ita productio formæ mixti, & vnio materiarum ipsorum miscibilium, in eodem instanti fiunt: si tamen loquamur de ordine secundum prioritatem naturæ, dicendum est, vnionē ipsarum materiarum miscibilium ordine naturæ antecedere productionem formæ mixti. Ratio est, quia si forma mixti adueniret materijs illis, nondum vnitis, sed adhuc priuatis & discontinuis, essent etiā plures formæ discontinuæ ex discontinuatione subiecti: & ita simul cū illis mixtis discontinuis constitueret plura mixta totalia, & discontinua, atque adeo numquam produceretur vnicum mixtum. Tantū ergo dicendum est, è contrā prius naturæ vniri materiam miscibilem, & in vnicam totalem & continuam coalescere, vt ex vnitis illis materijs deinde vnica mixti forma educatur.

Dices: Vnde ergo in illo priori naturæ illę materię coguntur inter se vniri, quia tunc nondum intelligitur forma illarum veluti viuens?

Respon-

Respondetur ex eo vñiri, quia cū sint vltimatē dispositæ ad mixtionem substantialem, agens naturale iaducturum formam mixti illas vnit, vt illis perfectē permixtis per continuationem vnica mixti forma educatur.

Ex dictis facillē solui potest quæstio alia, quæ hoc loco tractari solet. Vtrū mixtio substantialis essentialiter differat à generatione substantiali? Plures enim communiter tuentur partem negatiuam, ea ratione ducti, quia actiones distinguuntur per terminos: sed idem mixtum, secundū speciem, quod producitur per mixtionem plurium miscibilium, potest etiam per solam generationem produci, vtrūque gratia, vermis, & potest produci per generationem ex semine, & etiam per mixtionem ex pluribus elementis mixtis, & puris factis: ergo cum aliis vtraque actio procedat ex eodem termino à quo, ex priuatione scilicet rei generandæ, sequitur generationem, & mixtionem habere eundem terminum à quo, & ad quem, atque adeo non distinguī specie.

Verū tamen hac in re, duo dicenda sunt. Primò, nō quamlibet productionem mixti esse mixtionem: primò, quia aliàs creatio hominis esset mixtio, quod ridiculum est. Secundò, & à priori, quia mixtio dicit actionem, qua plura miscibilia in vnum locum conueniunt: at plura mixta, non ex mixtione plurium miscibilium: sed tantū ex

alio mixto sunt, vt quando generatur viuens ex semine, & cadauer ex viuente: ergo non quamlibet productio mixti est mixtio.

Dico secundò, mixtionem essentialiter differre à generatione substantiali. Sic tenet Bañez hic quæst. 3. conc. 2. & in primis Arist. non longè abest ab hac sententia, mixtionem enim, & generationē, non eodem modo definiuit: generationem enim definiuit esse mutationem huius totius in hoc totum, nullo sensibili remanēti, mixtionem verò esse miscibilium alterorum vnionem: cū verò vtraque definitio essentialis sit, vera generatio, & mixtio essentialiter differunt.

Præterea Aristot. in hoc capite eodem tenore verborum, quo asserit, mixtionem differre à corruptione, augmentatione, & alijs motibus, asserit etiam, differre à generatione.

Sed ratione à priori probatur desumpta ex differētia, quam Aristot. assignat inter generationem, & mixtionem, quia mixtio supra generationem, & productionem formæ, essentialiter dicit vnionem miscibilium, vt diximus: ergo essentialiter differt ab illa, sicut homines essentialiter differunt ab anima, quia supra illam essentialiter dicunt aliquid aliud, scilicet corpus.

Nec ratio in contrarium obiecta aliquid probat. Respondetur enim, quod licet per generationē, & mix-

& mixtionem producatur, idem mixtum, quā materialiter, non tamen habent illæ actiones eundem terminum formaliter, quia idem mixtum, quatenus resultat ex commixtione plurium, terminatur per mixtionem, generationē verò nō terminat sub hac ratione formali: sed prout absolutē producitur sine plurium commixtione in aliquod tertium.

Tandem ad rationem dubitandi, in principio quæstionis propositā, respondetur, in illa definitione, nec committi circulum, nec definiri idem per se ipsum.

Ratio est, quia illa particula, miscibilium, ibi miscibile non denominatur à mixtione substantiali, quæ definitur. Sic enim definiretur idem per se ipsum: sed denominatur à mixtione locali, quæ cū ad sensum pateat, notior est, quā mixtio substantialis, & ita definitio optimē datur per notiora: erit ergo sensus definitionis, mixtionē esse coadunationem eorum, quæ localiter miscentur in loco alio tertio.

Questio III. Vtrum elementa manent formaliter in mixto?

IN elementis duo considerari possunt, scilicet substantia ipsius elemēti, & qualitas illius, quæ sunt eius accidentia: vnde duo inquiri possunt in præsentī quæst. Primum,

vtrum in mixto manent qualitates elementorum? Secundò, vtrum etiam eorum substantia maneat?

Circa primum, prima sententia affirmat: in mixto non manere qualitates elementorum, non solum easdem numero: sed neque easdem specie: sed potius ex quatuor qualitatibus elementorum resultare aliam quartam qualitatem diuersæ rationis, virtualiter continentem primas quatuor qualitates, in qua formaliter consistat temperamentum mixti. Sic docuit Scotus in secundo distinct. 14. quæstio. vnica, & insinuat a Durando in 4. distinct. 12. quæstio. 1. imò quod magis est, docere videtur S. Thom. hoc lib. super textum 84. & ratio esse potest, quia in corporibus simplicibus, qualia sunt elemēta, dantur qualitates simplices, scilicet, primæ qualitates: ergo simili modo in mixtis temperamentorum illorum qualitas aliqua mixta debet esse. & diuersæ rationis à qualitatibus simplicibus.

Secundò, quia qualitates simplices elementorum, sunt veluti proprietates illorum, frigidas enim, & humiditas sunt veluti proprietates aquæ: ergo non possunt oriri ab alia forma diuersæ rationis, qualis est forma mixti.

Verumtamen hac in re dico primò: temperamentum mixti, non esse qualitatem aliquam diuersam à quatuor primis qualitatibus elementorum: sed esse quatuor primas

primas qualitates formaliter existētes in mixtis, sicut aquam esse tepidam, non est aliud, quā habere calorem, & frigiditatem in gradibus remissis. Tenet ex resse Diuus Thom. 1. part. quæstione 63. artic. 4. & sæpè alibi, propter quod Tolet. Cardina. hoc loco facile sibi suadet, commentarios de generatione non esse Diui Thom. eò quòd in illis plura sint apertè contraria his, quæ Sanct. Thom. sæpè alibi docet. Tenet etiam Caietan. 1. par. quæst. 2. art. 2. Et quidem quòd in mixta sint formaliter quatuor qualitates elementorum eiusdem speciei cum qualitatibus ipsorum elementorum, docuit apertè Aristote. 2. de partibus animalium, capit. 1. ubi docet, mixtum constare ex virtutibus elementorum, illasque enumerat, scilicet frigus, calorem, humiditatem, & siccitatem.

Et ad hoc probandū ratio sumitur ab experientia, quia sentimus, subiectum eodem modo immutari à calore mixti, sicut à calore elementi, neque est vnde possimus colligere diuersitatem physicam inter tales qualitates. Quòd verò tales qualitates formaliter sint in mixto, & non solum eminenter, sicut est calor in Sole, probatur in primis, quia in mixtis diuersa est ratio, ac de cælo, quia cælum, cum sit incorruptibile, est incapax quatuor qualitatū contrariarum, ab his enim prouenit corruptio, corpora verò mixta corruptibilia sunt, &

proinde capacia talium qualitatū.

Secundò etiam, quia quando lignum calefit ab igne violenter, maiori calore, quā natura sua petat, tunc formaliter habet in se calorem illum violentum; sed calor violentus, & naturalis non differunt specie, vt calor in igne, & aqua: ergo etiam calor naturalis ligni, qui est formaliter in illo.

Tertiò, quia aliàs quando lignū frigidum redditur calidum, talis actio non esset motus propriè dictus, & successiuus, quia non procederet à contraria qualitate, ibi formaliter existente.

Tandem, quòd temperamentum mixti non sit qualitas aliqua diuersa ab ipsis primis qualitatibus temperatis in gradibus remissis; probatur, quia in primis talis qualitas frustra, & sine necessitate fingitur, cum ex nullo signo, aut effectu colligi possit, vt patebit ex solutione argumentorum: ergo nec ponenda est.

Secundò, quia quando aliquod elementum violenter alteratur per qualitatem sibi contrariam, vt quādo aqua alteratur per calorem, & fit tepida, tunc ex vtraque qualitate fit temperamentum quoddam violenter: ergo similiter temperamentum mixtum debet consistere in qualitatibus pluribus elementorum ad temperiem redactis: & hinc colligitur, quòd sicut tepiditas aquæ, licet in nomine significetur esse vnam, tamen reuerà non est

est una qualitas, sed plures qualitates temperatæ.

Ex his dico secundò, qualitates elementorum manere in mixto, non quidem in tam magna intensione, qua sunt in elementis. Ratio est primum, quia qualitates contrariæ in gradibus maximè intensis, qualiter sunt in elementis, sunt inter se impossibiles: ergo non possunt hoc modo inter se reperiri in mixto, ut calor in summo, & siccitas prope summum, qualiter est in igne, quia iam esset in illo dispositio vltima, sufficiens ad introducendam formam ignis, & ita mixtum corrumpetur potius tali temperamēto, quàm conservaretur.

Addo vltimò, quòd cum in nostra sententia accidentia communia genito, & corrupto maneant eadem numero ingenito, eadem numero qualitates, quæ in elementis præfuerunt, manent formaliter in mixto, redactæ tamen ad temperiem, eò quòd forma mixti non requirit magnam intensiōem in singulis qualitatibus.

Ad argumenta contrariæ sententiæ respondetur. Ad primum, ad solvendam distinctionem inter corpora simplicia, & mixta, non esse necessarium asserere, in mixto reperiri qualitatem mixtam, sicut in corporibus simplicibus reperiuntur qualitates simplices, satis est, quòd temperamentum constet ex omnibus primis qualitatibus temperatis, & connaturalibus mixto: hoc

enim nullum corpus simplex habet: quodlibet enim elementum tantum habet duas qualitates.

Ad secundum, huiusmodi duas qualitates, neque esse quasi proprietates elementorum, scilicet in gradibus intensis, ut sic autem connaturaliter non possunt reperiri in mixto.

Et si dicas, formam mixti differre specie à formis elementorum, & ita debere habere passiones speciei diuersas ab elementis. Respondetur, ita esse, quia proprietas mixti non est habere calorem, nec frigiditatem tantum: sed temperamentum constans ex omnibus quatuor qualitatibus: & ita mixtum semper addit supra quodlibet elementum qualitates speciei diuersas à qualitatibus talis elementi, verbi gratia, lapis supra ignem addit frigiditatem.

Maiorem ergo habet difficultatem, utrum elementa etiam quantum ad suas substantias maneant formaliter in mixto: duo enim possunt considerari in substantia elementorum, scilicet, materia, & forma substantialis illorum. Vnde certum est, materiam elementorum manere formaliter in mixto, neque enim potest corrupti materia, cum sit ingenerabilis, & incorruptibilis: non est tamen necessarium, omnes materias elementorum esse in mixto, ut supra dixi: in materia enim vnius elementi permutatam actionem aliorum in illa potest generari mixtum, cum talis materia habe-

habere posset qualitates omnes necessarias ad generationem mixti.

Solum ergo dubium est, vtrum formæ substantiales elementorum maneant formaliter in mixto: ita vt dici possit: Elementa manent formaliter in mixto, quantum ad suas formas substantiales.

Suppono autem, tripliciter rem aliquam posse contineri in alia, physice loquendo, vt omittam continentia n logicam, qua totum potentiale continet inferiora, scilicet formaliter, virtualiter, eminenter: tunc continetur formaliter, quando continetur secundum eius formam, propriè, & formaliter sumptam: qua ratione in tepido formaliter continetur calor & frigus: quia nihil aliud est esse tepidum, quam habere calorem & frigus in gradibus remissis: tunc verò aliquid continetur in alio eminenter, siue virtualiter, quando illud aliud habet virtutem productiuam illius: tamè est differentia, modò quando illa virtus productiua est instrumétalis, vel principalis, non tamen perfectior effectù: sed æquè perfectà dicitur continere tantum virtualiter, qualiter accidentia dicuntur continere substantiam, quia sunt instrumenta illius productionem attingentia: & ignis dicitur continere virtualiter alium ignem: & ita substantia continetur in accidentibus: tamen quando illa virtus productiua alicuius est perfectior & eminentior effectù, qualis est causa principalis æquiuoca, tunc dicitur cõti-

nere effectum eminenter, qua ratione dici solet, calorem contineri eminenter in sole, & creaturas cõtineri in Deo, tamquam in causa perfectiori ipso effectù.

Dubium est ergo, quo ex his modis formæ substantiales elementorum contineantur in mixto. In qua re prima sententia est asserentium, elementa manere formaliter in mixto, ita quòd ibi maneant secundum suas formas substantiales: sic docuit Auicenna libro 1. sufficient. cap. decimo, Auerroes tertio libro de Cælo, com. 66. & hoc loco cõmen. 1. Philopponus super tex. 74. Albertus Magnus tract. sexto, cap. nono, tum etiam li. de Cælo, tract. secundo, cap. primo. Et videtur hæc sententia fundamentum habere in Aristot. qui mixtionem definiuit, quòd sit miscibilium alteratorum vnio: si ergo solum est alteratorum vnio, ergo non corruptorum: æque adeò elementa manent formaliter in mixto. Et textu 84. dicit, elementa posse separari à mixto: ergo sentit ibi manere: nihil enim separari potest ab illo, in quo antea non erat. Et secundo de Anima, textu 92. querit, quare sensus non sentiat elementa, ex quibus constat? Respondet, causam esse, quia non est medium inter sensum, & alia elementa: ergo apertè sentit, elementa formaliter manere in organo sensus, quod mixtum est: quia si ibi non essent formaliter, facilè poterat soluere dubitationem, dicens, ex eo non sentiri, quia non sunt.

Et

Et ratione probatur. Primò, quia elementum (vt docuit Aristot. 9. Meth. cap. 3.) est, ex quo inuito fit aliquid: ergo elementa componenda mixtum debent esse in illo insita, id est, permanere.

Secundò, quia mixtio est quædam miscibilium compositio; sed compositio non potest fieri, nisi ex partibus, secundum suas entitates formaliter manentes; quia quod nõ est, nihil potest cõponere: ergo elementa formaliter manēt in mixto.

Verumtamen receptissima sententia est apud omnes, elementa nõ manere in mixto formaliter, sed tantum virtualiter: sic enim clarè indicauit Aristot. hoc cap. dicēs, elementa actu non manere in mixto, sed potentia tantum, id est, virtute, vt ibi explicuimus. Et secundo de partibus animalium enumerās tres virtutes compositionis, dicit, primam esse ex elementis; & se se explicans, addit, potiùs esse ex virtute elementorũ. Tenet etiam S. Thom. hoc loco supra tex. 84. & Scotus, Capreolus, & Gregor. omnes in 2. dist. 14. quest. 1. estque communis sententia.

In primis probatur, elementa non manere formaliter in mixto, quia vel tales formæ elementorum essent in eadem parte materiæ, quæ cum sint formæ ex natura rei incõpossibiles, & vt diximus primo Physicorum, requirunt qualitates maximè inter se contrarias, & incõpossibiles: ergo formæ elementorũ non manent in mixto.

Secundò, quia in mixto tantum sunt formæ elementorũ quasi permixtæ, vel præter illas est etiã forma mixti, non solæ formæ elementorum, quia quamplurimas operationes perfectissimas experimur in mixto, quarum formæ elementorum non possunt esse causæ, aliàs similes operationes experiremur in elementis, quod est falsum. Neque etiam sunt formæ elementorum simul cum forma mixti, aliàs in generatione illius formæ mixti non fieret resolutio vsque ad materiam primam, siquidem formæ præexistentes elementorum adhuc manēt in materia. Præterea, quia ex omnibus formis fieret vnum per accidens.

Et si dicas, non fieri vnum per accidens, ex eo quòd formæ elementorum per se subordinantur ad formam mixti, ita quòd forma mixti recipiatur in materia medijs formis elementorum. Cõtrà est in primis, quia iam forma mixti adueniret enti constituto in actu per formas elementorum, & ita non fieret ex illis vnum per se substantiale, tum etiam, quia saltem non est talis subordinatio inter formas elementorum, vt patet, quia inter se maximè contrariæ, & repugnantes sunt, vnde ex illis non posset resultare aliquid per se vnum.

Secunda pars conclusionis, scilicet, quòd elementa mancant in mixto virtualiter, probatur, quia in mixto est quædam forma, à qua ex natura rei dimanant virtutes, &

Ll qualita-

Qualitates elementorum: ergo elementa ipsa sunt virtualiter in mixto, quia qualitates mixti; quamuis in illo sint remissæ, si tamen intra eandem speciem crescant, possunt producere elementa, ut calor ignis, &c. ergo elementa virtualiter continentur in mixto.

Est tamen hoc loco aduertendum, falsam esse eorum sententiã, qui asserunt elementa contineri virtualiter in mixto, nihil aliud esse, quàm quod qualitates, seu virtutes elementorum sint in tali mixto. Et ratio est, quia si fingamus, per Diuinam potentiam auferri à ligno omnes quatuor qualitates, remanente solum substantia ligni, adhuc illa substantia esset substantialiter mixta, aliàs esset simplex elementum, sed de ratione mixti est, quod contineat miscibilia: ergo utraque qualitates, seu virtutes elementorum, adhuc in substantia ipsa continentur elementa.

Dicendum ergo est, elementa primo, & radicaliter ex eo contineri virtualiter in mixto, quia forma substantialis mixti talis est, ut natura sua dimanent ab illa virtutes, seu qualitates elementorum, & ita ipsa forma mixti virtualiter dicitur continere elementa ipsa.

Potest tamen obijci contra hanc doctrinam. In primis, quatuor primæ qualitates non sunt virtutes sufficienter effectivæ elementorum, nisi in gradibus intensis, in mixto autem solum sunt in gradibus remissis, quæ ratione non habent suf-

ficientem virtutem ad producenda elementa: ergo falsò dicitur, elementa contineri virtualiter in mixto.

Secundò, quia etiam vnum mixtum diceretur virtualiter continere omnia alia mixta, quia continet quatuor qualitates, quæ sunt virtutes aliorum mixtorum: imò, & vnum elementum diceretur virtualiter continere aliud, quia aqua verbi gratia, continet humiditatem, quæ est virtus aeris.

Sed respondetur ad primum, quod quamuis qualitates, prout sunt in mixto, non sint sufficientes ad producenda elementa: tamen absolute loquendo, dicuntur virtutes elementorum, qualiter homo, absolute loquendo, dicitur potens generare: quia licet id non possit in quavis parua quantitate, seu ætate, tamen ex se tendit ad statum perfectum, in quo id potest.

Ad secundum respondetur, negando consequentiam, quia mixtum non continet omnes qualitates in ea proportionem; quæ requiritur ad generanda alia mixta; neque tales qualitates ex se tendunt in illam proportionem, & temperiem, quæ est propria cuilibet mixto, pro varia illorum diversitate: sed potius tales qualitates ex se tendunt in perfectam intensiorem, ut sic autem potius sunt virtutes elementorum, quàm mixti. Similiter vnum elementum non dicitur virtualiter continere aliud, quia tantum continet qualitatem vicinam illius: præter illam autem requiritur alia qualitas,

tas, v. g. ad producēdū aerem, præter humiditatem requiritur calor, quem natura sua nō continet aqua, & ita aqua non continet virtualiter aerem.

Et si inquiras, vtrū sicut mixtum dicitur continere virtualiter elementa, etiam dici possit, mixtum genitum ex mixtione aliorum mixtorum continere virtualiter alia mixta miscibilia, vt quando ex pluribus liquoribus localiter inter se permixtis per mutuam illorū actionem, & reactionem, resultat aliud tertius liquor substantialis à priori bus diuersus.

Rēpondetur, reuera ita esse dicendum. Ratio est; quia in mixto non sunt qualitates intensiores, quā antea fuerant in miscibilibus, cō quod qualitates mixti producuntur ad qualitates miscibilium, & ita nō sunt maiores illis, sed ad temperiem redactæ: quia ergo illæ qualitates per se tendunt in augmentum, & in maiori intensione poterunt efficere mixtum simile prioribus, quando scilicet perueniunt ad eam proportionem intensiōis, quā priora miscibilia habebant, idēd mixtum resultans ex mixtione mixtorū, virtualiter dicitur illa continere.

Et si inquiras, vtrū etiam concedi posset, elementa cōtineri eminenter in mixto, & non solum virtualiter? Rēpondetur, reuera ita esse dicendum; quia contineri eminenter, est, contineri in alio perfectiori, & quia mixtum perfectius est elementis, idēd elementa conti-

nentur in illo, tamquam in eminentiori, atque adēd eminenter.

Ad argumenta adducta pro cōtraria sententia rēpondetur. Ad primum, locum Aristot. nihil probare, quia est argumentum ab auctoritate negatiua, quia ex eo, quod Aristoteles dicat, mixtionem esse alteratorum vnionem, nō idēd negat miscibiliadebere corrumpi: imō talis alteratio ad id ordinatur, vt miscibilia corrūpātur, & aliquod tertium resultet. Similiter illa particula, vnio, non significat, quod miscibilia, secundum suas formas permanentia vniantur, sed potius quod in aliqua alia forma virtualiter sint cōtenta, & vnita. Similiter, quando textu 84. dicit, elementa posse separari à mixto, non intelligendum est per separationem localem, ita quod elementa ibi formaliter permanentia ab illo extrahātur, sed separationem, idēd, per generationem, idēd, posse generari ex mixto, & ita elementa ibi virtualiter manentia per generationem, dicerentur tunc separari.

Ad vltimum locum ex 2. de animare spondetur, Aristotel. ibi non loqui de elementis, sed de eorum virtutibus, dum inquit, quare organum non percipiat qualitates, seu virtutes, elemententem. Ad quod rēpondet, causam esse, quod non est medium inter tale virtutes, & ipsum organū sensus; & ita non recte colligitur, eius mentē esse, quod elementa maneant formaliter in mixto.

Ad primam rationem respondetur, ad rationem elementi satis esse, quod ex illo insito aliquid fiat; insito, inquam, vel formaliter, vel virtualiter; & ita satis est, elementa virtualiter manere in mixto.

Eodem modo respondetur ad secundum, non ideo dicitur mixtum componi ex elementis, quia elementa sint partes formaliter in illo manentes, sed quia formaliter integratur ex qualitatibus, seu virtutibus elementorum, & ex ipsis elementis virtualiter.

Quest. IIII. Vtrum quodlibet mixtum necessarium postulet omnes quatuor qualitates elementorum?

Ratio dubitandi est in hac questione, quia non est dare medium inter corpus simplex, & mixtum, quia elementum tantum postulat duas qualitates; ergo posset dari corpus aliquod, cui essent contrariae tantum tres qualitates, & tunc tale corpus esset mixtum. Patet, quia non est simplex, quia simplex tantum requirit duas qualitates; ergo non omne mixtum postulat necessarium quatuor qualitates.

Secundo, quia mixtum aliquod tantum generari potest ex duobus elementis symbolis sine concursu aliorum, ut quando in profundo maris in parte aliqua terrae putrefacta per mutuam actionem, & reactionem aquae, & terrae, aliquod mixtum generatur: ergo tunc tale

mixtum solum habet qualitates aquae, & terrae, scilicet frigiditatem, siccitatem, & humiditatem: ergo potest tale mixtum dari, non continens quatuor qualitates primas.

In hac re breuiter dicendum est cum communi omnium sententia, quodlibet mixtum ex natura sua postulare omnes quatuor primas qualitates, sic enim docuit Aristot. 2. de generat. ca. 8. ubi dicit, quodlibet mixtum necessario continere quatuor elementa, sed non continet illa formaliter, ut vidimus: ergo virtualiter, scilicet secundum suas virtutes, atque adeo necessarium est, quodlibet mixtum necessario continere omnes quatuor virtutes elementorum.

Et probatur ratione. Primo, quia corpus simplex petit habere qualitatem simplicem, id est, non permixtam ex contraria qualitate, qualiter aqua ex sua natura habet frigiditatem, non tamen permixtam cum calore; ergo est contra mixtum debet postulare qualitates permixtas cum suis contrariis; sed omne mixtum necessario componitur ex aliquo elemento, quod habet duas qualitates: ergo mixtum debet habere illas permixtas cum alijs duabus contrariis, & ita omne mixtum ex natura rei postulat omnes quatuor qualitates.

Secundo, quia nullum mixtum potest tantum continere duas qualitates, hoc enim est proprium corporum simplicium, qualia elementa, neque etiam tantum potest continere

tinere tres : ergo debet continere quatuor. Probatür minor, quia si tantum contineret tres, necessario haberet aliquam illarum sine contraria qualitate: ut si fingamus tale mixtum esse calidum, humidum, & siccum, iam haberet calorem sine contrario in eodem subiecto, & tunc sequeretur posse in instanti intendi, usque ad octavum gradum, eò quod non habet contrarium resistens, & ita in instanti, & absque resistantia aliqua, posset converteri in ignem tale mixtum; sed natura nullum corpus producit, quod non possit se aliquantulum a contrariis trahi: ergo non potest esse per naturam mixtum non constans quatuor qualitatibus.

Sed obijcies, quia idem argumentum de facto posset fieri in aere, vel in quouis alio elemento, quia cum in aere in naturali statu considerato sine omni frigore detur calor, iam ille calor poterit in instanti intendi usque ad octavum gradum, & ita in instanti poterit converteri in ignem.

Respondetur negando consequentiam, quia duæ qualitates in summo non possunt convenire eidem corpori, quia habere v. g. calorem in summo, est proprium ignis, & ita nulli alteri convenire potest, & hinc fit, quod quia aer natura sua est summe humidus; hæc qualitas in summo, licet non sit directe contraria calori, tamen calor non potest pervenire ad summum propter repugnantiam, quam, ut

dixi, habent duæ qualitates in summo circa idem subiectum, & ita non potest aer in instanti in ignem converteri: secus tamen esset de illo mixto, quia mixtum nullam qualitatem potest habere in summo, hoc enim est proprium alicuius elementis: ergo si alias habet qualitatem contrariam resistantem, nec illa in instanti intendatur usque ad octavum, sequitur, tale mixtum absque resistantia aliqua in instanti corrumpi posse.

Vnde ad rationes dubitandi facile respondetur. Ad primam, quod licet per divinam potentiam non repugnet dari corpus aliquod, habere tantum tres qualitates, imò sine illis, tamen per naturam repugnat propter rationes adductas, tum quia corpus sic miraculose a Deo constitutum, neque esset perfecte mixtum, neque simplex, si tales qualitates ex se postularet, tamen non decuit, tale corpus fieri per naturam.

Ad secundam resp. non esse necesse, omnia elementa concurrant admixtionem, & ita optime potest generari mixtum ex duobus elementis, quod in primis facile constat, quia si alia elementa sint dissimibola, ut si generetur ex terra, & aere, nam in his elementis simul sumptis adsunt omnes quatuor qualitates, atque adeo sufficiunt per mutuam actionem, & reactionem generare mixtum, habens quatuor qualitates, imò in elementis symbolis etiam intelligi potest, ut quæ-

do ex terra, & aqua generatur mixtum, ibi enim saltem adest calor solis supplens vicem ignis, atque adeo iam adiunguntur omnes quatuor qualitates.

Questio vltima. Vtrum possit dari mixtum aequale ad pondus?

Questionem hanc, quæ tractari solet 2. de generatione, capit. 7. vel 8. hoc loco inferere placuit: ut hæc de mixtis disputatio absoluta maneat. Potest autem questio hæc in duplici sensu versari, secundum quod qualitates sunt in duplici differentia; alix alteratiue: quales sunt primæ quatuor qualitates: alix verò motiue, quales sunt grauitas, & leuitas. Primò ergo dubitari potest, vtrum sit possibile mixtum æquale ad pondus secundum qualitates motiue, id est, quod habeat grauitatem ut quatuor, & leuitatem ut quatuor, vtrum etiam sit possibile mixtum æquale ad pondus secundum qualitates alteratiue, ita ut æqualiter participet de illis omnibus.

In qua re si de potentia absoluta sit sermo, omnes conueniunt nullā implicare contradictionem, Deum creare corpus aliquod, ita temperatum ad pondus, ut habeat grauitatē ut quatuor, quia in hoc nulla inuoluitur implicatio contradictionis. Solum est dubium secundum ordinem, & potentiam naturalem.

In qua re partem affirmatiuam

tuentur Marfil. 2. de gener. quæst. 12. Albert. de Sax. quæst. 11. & probatur primò, quia qualitates motiue oriuntur ex alteratiuis, qualiter ex frigore, & siccitate oritur grauitas, ut patet in terra, ex calore verò, & siccitate oritur leuitas, ut in igne: sed potest dari mixtum temperatum ad pondus, secundum qualitates alteratiue; ut statim dicam: ergo etiam secundum motiue.

Secundò, quia qualitates contrarie in gradibus remissis, non repugnant ex natura rei: ergo non repugnat ex natura rei etiam dari temperamentum æqualitatis ad pondus, secundum grauitatem ut quatuor; & leuitatem ut quatuor: ergo si tale temperamentum ex natura rei non repugnat, neque repugnabit per naturam dari mixtum aliquod illud postulans, atque adeo poterit dari per naturam mixtum æquale ad pondus in qualitatibus motiuis.

Dicendum tamen est, secundum naturalem rerum ordinem, non esse possibile mixtum æquale ad pondus, secundum qualitates motiue. Quam sententiam tenet Barheez, & alij 2. de gener. cap. 7. qui optimè probant, quia omne corpus naturale postulat locum aliquem naturalem, in quo sit; tãquam perfectionem sibi debitam, sed talem locum nullum tale corpus naturale habere potest, nam aqua, & terra sunt loca corporum, quæ magis grauitant, quàm leuitant: aer verò, & ignis sunt loca naturalia corporum,

rum, quæ magis leuant: ergo nullum locum naturalem habere posset. Et si fingas tale corpus poni inter aquam, & aerem, ita vt partim sit in aere, partim verò in aqua.

Contra est, quia illa pars, quæ esset in aere, cum sit non magis leuis, quàm grauis, esset violenta, & similiter illa pars, quæ esset in aqua, atque adeò tale corpus numquam haberet locum sibi naturalem.

Ad argumenta contrariæ sententiæ facile respondetur. Ad primum, non rectè probari esse possibile mixtum æquale ad pondus, secundum qualitates motiuas, ex eo, quòd sit possibile secundum alteratiuas. Ratio est, quia grauitas requirit exuperantiam siccitatis, experimur enim terram, quæ summè grauis est, esse summè siccam: ergo oritur summa grauitas à summa siccitate superante frigiditatem; & hinc fit, quòd media grauitas debet oriri à media siccitate, vincentetamen frigiditatem: è contra verò summa leuitas debet oriri à summo calore vincente siccitatem. Vnde non probatur corpus temperatum ad pondus secundum qualitates alteratiuas, esse etiam temperatum ad pondus secundum motiuas.

Et si inquiras, vtrum tale corpus, graue, vel leue esset. Respondetur, reuerà esse graue, & ita secundum suam naturam inclinare ad motum deorsum. Ratio est, quia sicut summa leuitas requirit summum calorem vincentem siccitatem, vt pa-

tet in igne, ita leuitas media requirit calorem medium superantem siccitatem, sed in mixto æquali ad pondus secundum qualitates alteratiuas calor nullo modo superat, quia est æquale ad pondus: ergo nec media leuitas esset in tali corpore, & ita potius esset graue, quàm leue.

Sed contrà est, quia sicut summa leuitas nascitur ex summo calore, superante tamen siccitatem, atque adeò media leuitas ex medio calore, superante tamen siccitatem: ita è contrà summa grauitas oritur ex summa siccitate superante frigus, vt patet in terra: ergo similiter media grauitas debet oriri ex media siccitate superante frigus, sed in tali mixto nulla qualitas aliam superat: ergo nullo modo esset graue. Respondetur esse diuersam rationem, quia cum siccitas natura sua sit virtus terræ, eò quòd, vt sæpe dixi, natura sua tendit ad summum, quâ ratione est propria terræ, ideò natura sua inclinatur in grauitatem connaturalem terræ, atque adeò, vt non sit causa grauitatis, opus est superetur à calore, vt in igne: & quia in mixto isto æquali ad pondus nò superatur à calore, habet potius grauitatem, quàm leuitatē, & ita tale mixtum non esset leue, sed graue.

Et si secundò inles, quia si ibi etiam adest calor, quia natura sua tendit ad summum, etiam prout summum est: ergo virtus ignis, qui leuis est, tendet in leuitatem. Respondetur negando consequentiam, quia ibi impeditur calor à siccitate,

citare, absolute loquendo, tendente in gravitatem: siccitas vero ibi non potest impediri à calore, quia calor non inclinat in levitatem, nisi prout excedit siccitatem; ibi autem non excedit, præsertim, quia ibi etiam adiuvantur frigiditas, & humiditas; hæc enim simul sumpta potius inclinant in gravitatem, quam in levitatem, ut patet de aqua.

Circa secundum, quod inquitur questio, utrum scilicet possit dari mixtum æquale ad pondus, secundum qualitates alteratiuas, partem negatiuam sequitur Auerro. 2. lib. de celo, comment. 7. Nyphus 2. de generat. cap. 12. Bañez. 2. de genera. cap. 7. Et fundamentum esse potest, quia sæpè docet Arist. omne mixtum moueri ad locum elementi prædominantis, qualiter ferrum mouetur ad locum terræ, quia in eo prædominatur terra: sed, ut iam diximus, nullum est corpus possibile per naturam, quod non moueatur ad locum alicuius elementi: ergo nullum est possibile mixtum per naturam in quo aliud elementum non prædominetur; sed ubi elementum aliquod prædominatur, mixtum magis participat de qualitatibus illius, ut patet in exemplo dicto: ergo per naturam est impossibile mixtum æquale ad pondus, secundum qualitates alteratiuas.

In hac re aduertendum est duplicem æqualitatem, secundum qualitates alteratiuas intelligi posse, ac

de omni esse questionem apud Auctores: alia enim est æqualitas ad iustitiam, & est, quando qualitates obtinent proportionem requisitam; & debitam naturæ ipsius subiecti, siue sint inter se omnino æquales in intensione, siue non: tunc enim habet tale subiectum id, quod est debitum suæ naturæ, & illi connaturale: alia verò est æqualitas ad pondus, & est, quando qualitas æqualem proportionem obtinet quoad intensiōem, ita ut nullo modo aliam excedat tantum in intensiōe.

De æqualitate ad iustitiam certum est, rem habere sæpè temperamentum sibi connaturale, & debitum, & ita dari mixtum æquale, hoc modo ad iustitiam: tamè etiam certum esse debet, nullam rem dici permanere in tali statu prorsus sibi connaturali, vel propter extrinsecas agentia circumstantia, à quibus omnia corpora aliquid patiuntur, vel etiam propter internam repugnantiam, quam plura corpora inter se habent: qualiter supra dicebam inter partes animalis esse continuam actionem, & reactionem; quia cum sint partes heterogeneæ, atque aded diuersum temperamentum requirant, temperamentum vnius continuo pugnat cum temperamento alterius sibi proximi, & ita nulla pars dici potest durare in sua naturali temperie: ergo præcipue est de æqualitate ad pondus.

In qua re dico primò, per naturam non repugnat dari mixtum æquale:

æquale ad pondus, secundum qualitates alteratiuas. Tenet Marsil. 2. de gener. q. 14. Albert. de Saxon. quæst. 11. Vattel. 1. contro. med. capit. 2. Ratio verò est, quia quatuor qualitates in gradibus remissis æqualibus non repugnant secundum suam naturam, neque aliàs apparet repugnantia ex natura rei, quòd dari possit mixtum aliquod, tale temperamentum postulans: ex illo enim nihil contra naturam corporum naturalium sequitur. Id enim, quod dici posset, scilicet tale mixtum non magis futurum graue, quam leue, atque adeò nullum naturalem locum postulare, falsum est: ostendimus enim tale corpus fore graue: ergo per naturam non repugnat dari mixtum æquale ad pondus, secundum qualitates alteratiuas.

Dico secundò, nulla ratione probari posse, tale mixtum dari de facto, sed id esse prorsus incertum. id enim, quod quidam dicunt, quòd cum homo sit perfectissimus omnium mixtorum, debere habere temperamentum perfectissimum, quale est æquale ad pondus: nullius est momenti, quia tametsi hæc ratio probet, in homine dari tempera-

mentum absolute perfectissimum inter omnia mixta, tamen non probatur, illud debere esse æquale ad pondus, sed talis perfectio ex eo facile potest, quia longè magis, quam alia mixta accedat ad talem æqualitatem. Præterea ad sensum nulla ratione potest hoc probari, quia excellentius dissimilis vnius qualitatis supra alium subterfugit sensum.

Ad fundamentum autem contrariæ respondetur, in tali mixto æquali ad pondus, secundum qualitates motiuas, prædominari terram, non quidè secundum qualitates alteratiuas, cum asseramus, secundum illas esse æquale ad pondus, sed secundum qualitates motiuas, quia, vt supra vidimus, tale mixtum reuera esset graue, neque opus esset necessario in omni mixto possibili prædominari qualitates alteratiuas alicuius elementi, licet in mixtis, quæ de facto sunt, id non cõtingat.

Possit hoc loco dubitari de varietate temperamentorum, quæ in mixtis reperiuntur, de quo latè disputant Medici in materia de temperamentis. Et ita hæc de mixtione dixisse sufficiat, & de primo libro de generatione, & corruptione.

F I N I S.

L I V

L I B E R



LIBER SECVNDVS

Aristotelis de Generatione, & Corruptione.

IN secundo libro Aristot. intendit agere de trāsmutatione elementorum, quamuis etiam de elementis disputet. 3. & 4. lib. de Cēlo, diuersimodē tamen, ubi enim agit de elementis, prout sunt partes vniuersi ordinatæ ad situm, & dispositionem locale, quam in vniuerso obtinet: hic verō agit de illis, prout sunt corpora graua, & transmutabilia substantialiter.

Caput I. & II.

IN his capitibus agit Aristot. de numero primarum qualitatum, vt ex illo in tertio capite sequenti colligat numerum elementorum, tum etiam quia primæ qualitates sunt etiam principium alterationis corruptiue, qua mediante fit transmutatio substantialis elementorum, de qua hic præcipuē agit Aristot. Et quidem postquam Philosopho-

rum placita de elementis proposuit, in secundo capit. docet qualitates primas tantum esse quatuor, scilicet, calorem, frigiditatem, humiditatem, & siccitatem, inter quas docet calorem, & frigus esse qualitates actiuas, siccitatem verō, & humiditatem passiuas, id est, minus actiuas, & ita in comparatione caloris, & frigiditatis non dicuntur actiuæ.

DISPUTATIO I.

De qualitatibus primis elementorum.

IN elementis duæ qualitates considerari possunt, quædam motiuæ, quales sunt grauitas, & leuitas, quædam verō alteratiuæ, id est, secundum quas ad inuicem alterantur, & transmutantur, de qualitatibus ergo motiuis elementorum non est hoc loco disputandum, de hoc enim agit Aristot. in libr. de Cælo, cum in illis libr. agat de elementis

mentis secundum situm, & locum quem in vniuerso obtinent, quem locum adquirunt medijs qualitibus motiuis, id est hic tantum agendum est de qualitibus alteratiuis illorum, quia hæc ordinantur ad generationem, & corruptionem, quod hoc loco consideratur.

Quæst. I. Quos sint qualitates, & utrum illa sint formæ elementorum.

Inter qualitates quædam dicuntur primæ, quædam verò secundæ, quia illa qualitas, quæ ex alia priori oritur, appellatur qualitas secunda, quia ex illis prioribus oriuntur secundæ, grauitas enim oritur ex frigidityte, & siccitate, & quid simile dicendum est de coloribus, & odoribus, illa verò qualitas, quæ ex priori alia non oritur, appellatur prima, qualiter calor, & frigus non supponunt alias priores qualitates, à quibus oriuntur.

Sed rursus qualitates primæ sunt in duplici differentia, quædā enim sunt, quæ ordinantur ad generationem, & corruptionem substantialem, de qua agit Aristot. in his libris, ut calor, & frigus, & ita appellantur qualitates corruptiue, quædam verò non ordinantur ad transmutationem substantialem, ut lumen, & ita quamuis lumen sit prima qualitas, quia non oritur ex alijs primis (ut patet in cælo, ubi est lumen, non tamen primæ qualitates corruptiue, quia incorruptibile est) non numeratur ab Arist. lu-

men inter primas qualitates, quia tantum agit de primis qualitibus, quæ ordinantur ad generationem, & corruptionem substantialem.

Et si obijcias, lumen esse causam generationum, & corruptionum medio calore, quem eminenter continet. Respondetur in primis, id non esse ratione sui, sed ratione caloris, quem producit. Hic verò agit Aristot. de qualitibus per se ipsas disponentibus ad generationem & corruptionem.

Addo secundò, eas solum qualitates (ut sæpè diximus) immediate attingere generationem, & corruptionem, quæ sunt in passio, expellendo qualitates conseruatiue formæ præexistentis, lumen verò per se ipsum saltem nullam qualitatem expellit, quia nulli contrariatur, & ita non est de qualitibus primis, de quibus hic agitur, cuius generis sunt etiam plures aliæ qualitates primæ, qualis est virtus magnetis ad attrahendum, & mirabiles virtutes occultæ calorum influxu his inferioribus communicatæ, quorum mirabiles effectus non est credendum oriri ex commixtione qualitatum elementorum, sed immediate illæ qualitates procedunt à forma substantiali magnetis, vel calorum, ita ut mirabilem illam qualitatem, veluti propriam passionem sibi connaturalem postulent.

His suppositis dico primò, tantum dantur quatuor primæ qualitates, scilicet, calor, & frigus, humiditas, & siccitas, loquimur autem

(ut

(vt dixi) de qualitatibus, quæ formaliter, & per se ipsas sunt dispositiones ad generationem: quam sententiam sequuntur omnes Interpretes Arist. cum illo hoc capite. Et ratio est, quia in primis, istæ sunt primæ qualitates, quia ad introductionem illarum non requiruntur aliæ priores, vt patet, calor enim, verbi gratia, nullam priorem requirit ad sui introductionem, neque præter has dantur aliæ primæ, quæ per se ipsas formaliter disponant ad generationem, vt dixi de lumine, & alijs virtutibus occultis, quæ non per se ipsas, sed per qualitates primas, quas producunt, disponunt ad generationem: ergo tantum sunt illæ quatuor qualitates primæ.

Et si obijcias, quia calor oritur ex raritate, & frigus ex densitate, hac enim ratione, & non alia, aer, qui compressis labijs emittitur, frigidus exit ab ore, qui tamen antea calidus erat, vt pote quia ab internis partibus corporis missus est. Similiter calor, vt ait Aristot. 4. Meth. in principio, exiccatur, & frigus humectatur: ergo humiditas, & siccitas ex alijs prioribus qualitatibus oriuntur, atque adeo non sunt primæ qualitates.

Sed respondetur ad primum, raritatem, & densitatem (vt dixi 4. Physic.) non esse qualitates vere, & proprie, sed importare, vt docuit Aristot. positionem, siue talem, vel talem extensionem, quamuis in ordine ad locum, & ita non probatur, calorem, & frigus oriri ex alijs qualitatibus.

Et si inquiras, calorem saltem oriri ex lumine effectiue. Respondetur verum esse: id tamen non requirit calor per se loquendo, quia pluries producit calor, quin fiat ex lumine.

Ad secundum respondetur, calorem per se loquendo non exiccare, sed in quantum agens calidum per calorem partes eleuat subtiles, quæ cum secum ferant aliquam humiditatem, relinquuntur aliæ partes sicca: hæc enim ratione aer, qui non siccus, sed potius humidus est, pannum aqua humectatum exicare solet, quia per calorem, quem habet, resoluuntur, & eleuantur vapores humidi, & frigidi, & ita partes panis, quæ ex sua natura sicca erant, resoluuntur, frigiditas autem dicitur humectare, non per se, sed quatenus, dum causat densitatem, partes humectates applicat, & vnit, & ita se habet, quasi applicans actiua passiuis.

Dico secundò, huiusmodi quatuor primas qualitates non esse formas substantiales elementorum (vt falso credidit Alex. de sensu, & sensibili) sed potius dantur in elementis formæ aliæ substantiales, à quibus tales qualitates oriuntur, sic docet communis Philosophorum consensus, cum Aristot. hoc lib. tex. 22. dicente, elementa catenus esse contraria, quatenus habent passiones contrarias, qualitates ergo contrariæ non sunt formæ substantiales elementorum, sed passiones ab illis dimanantes.

Et

Et ratione probatur. Primò, quia aqua calefacta, & deinde facta naturæ relicta se actiuerè reducit ad suâ pristinam frigiditatem, à sua propria substantia, sed non à materia, quia cum ex se sit indifferens ad varias formas, etiam est indifferens ad quascumque qualitates, neque has magis, quam illas petit: signum ergo est, dari in aqua formam substantialem, quæ sit actiuum principium, à quo dimanat frigiditas.

Secundò, quia frigiditas, verbi gratia, ex sua natura est accidens, vt patet in alijs corporibus, à quibus potest adesse, & abesse, salua eorum essentia, sed frigiditas aquæ non differt specie ab alijs frigiditatibus: ergo etiam in illa est accidens: ergo non est forma substantialis.

Quæst. II. Quæ sit natura omnium
primatum qualita-
tum?

PRæter qualitates motiuas in elementis, quarum disputatio ad libr. de Cælo pertinet, tantum sunt qualitates primæ alteratiuæ, de quibus in primis dubitari potest, vtrum sint eiusdem speciei, neque est quæstio de qualitatibus dissymbolis, certum enim est, frigiditatem aquæ specie differre à siccitate, calore, & humiditate, solum ergo est dubium de qualitatibus symbolis, vt humiditate aeris, & humiditate aquæ, vel de frigiditate aquæ, & de frigiditate terræ,

vtrum scilicet differant essentialiter:

Partem affirmatiuâ tenent Philop. & alij, quos refert Tolet. hoc li. q. 7. quorû fundamentum esse potest. Primò, quia calor ignis non patitur secum summam humiditatem, ignis enim secundum suam naturam est calidus in summo, & siccus propè summum, atque adedò nullo modo potest conseruari cum humiditate, sed calor aeris secum admittit summam humiditatem, est enim aer secundum suam naturam humidus in summo, & calidus propè summum: ergo calor aeris, & ignis specie differunt.

Secundò, quia humiditas aeris fouet ignem, vt patet in oleo, in quo aer prædominatur, ex eo quod supra aquam leuitat, tamen humiditas aquæ extinguit ignem: ergo differunt specie.

Nec valet dicere, aquam extinguere ignem: non quidem ratione humiditatis, sed ratione frigiditatis. Quia contra est, quia quamuis aer sit frigidissimus, vt in hyeme, non extinguit ignem, quin potius ignis ad motum talis aeris accendi solet: è contra verò, si aqua vehementer calefacta in ignem mittatur, illum extinguit, signum ergo est, id fieri potius ratione humiditatis.

Tertiò, quia formæ specie diuersæ debent habere proprias passionis specie diuersas, nulla autem alia passio assignari potest, quam vnum elementum differat ab alio, nisi

nili per proprias qualitates: ergo qualitates vnius elementi debent differre specie à qualitatibus alterius.

Nihilominus communis, & recepta omnium sententia est, qualitates symbola; elementorum non differre specie, sed tantum accidentaliter, secundum magis, & minus, ita quod verbi gratia, humiditas aeris sit summa, secus verò humiditas aquæ. Sic docuit Arist. tex. 27. vbi docet, ignem ex aqua generare aerem, sed tunc non potest corrumpi humiditas aquæ, ignis enim, cum siccus sit, non potest aliam humiditatem nouam in aere producere: ergo remanet in aere genito, ex aqua, eadem humiditas. Sentit ergo Aristot. qualitates symbolas elementorum non esse diuersæ speciei.

Et ratione probatur, primò, quia aliàs ignis non posset intendere calorem aeris, neque aqua posset intendere frigiditatem terræ, quod est falsum. Patet consequentia, quia intensio debet esse per qualitatem eiusdem rationis cum præexistenti:

Secundò, quia quodammodo sentimus, tactum nostrum immutari à frigiditate aquæ, & terræ, ergo.

Ad argumenta autem contrariæ sententiæ respondetur. Ad primum, quòd si aliquam haberet vim, etiam probaret, calorem vt quatuor differre specie à calore vt nouem. Patet, quia calor vt quatuor est compossibilis cum frigore vt quatuor,

non tamen cum calore vt nouem: ergo sicut hic solum probatur differre accidentaliter secundum maiorem, vel minorem intensiorem, ita etiam solum probatur calorem ignis, esse solum intensiorem calore aeris, & quia forma ignis non potest conservari absque vili siccitate, ita neque potest conservari cum summa humiditate, hæc enim expellit omnem siccitatem.

Ad secundum, illud non prouenire, ex eo quòd humiditas illa specie differat ab humiditate aquæ, sed ex eo quòd cum flamma sit quædam substantia maximè tenuis, & rara, facile dissipatur ab ambiente, nisi aliunde foueatur, fouetur autem ab oleo per quasdam tenues exhalationes ab ipso oleo emissas, has autem non habet aqua, sed ad summum mittere potest vapores frigidos, qui potius flammam extinguunt.

Ad aliud verò, quod dicitur de aqua calida extinguente ignem, sunt qui putent, id prouenire ab humiditate aquæ contraria siccitati ignis. Sed non placet, quia etiam flamma extinguitur puluere sicco, etiam si calidus sit, quare verius dicitur, flammam tunc extinguere per suffocationem, quia scilicet superposito corpore denlo, impeditur, ne exeat.

Ad tertium, calorem non esse passionem ignis, quarto modo, cum etiam alijs conueniat, neque etiam est passio illius calor vt octo, quarto modo, quia potest cum minore calore

calore citra miraculum esse, vt quando aqua in illum agit, vbi cum producat in eo aliquam frigiditatem, necessarium est, expelli ab illo aliquem calorem, & ita tunc non habebit calorem vt octo, quare ex diuersitate specifica elementorum optimè probatur, elementa habere qualitates diuersæ speciei, saltem dissimulas, qualiter aë distinguitur ab aqua per calorem, nō tamen per qualitatem sygnolam.

Tandem in hac quæstione dubitari potest, quæ sint munerum harum qualitatum, & quidem omnibus generale est, producere sibi simile, qualiter calor producit calorem, &c. Addo tamen per accidens calorem esse causam frigiditatis, hæc enim est causa, quare melopepones (vt quæstione de Antiparitali dicebam) soli obiecti frigidiores reddi solent, quia scilicet calor eleuat partes subtiliores quæ aliquantulum calidæ sunt & ita relinquuntur. aliæ partes prorsus frigide.

Addo præterea, etiam esse munus caloris disgregare, & separare ea, quæ sunt diuersi generis, vt docet Aristot. cap. 2. huius lib. & ita in melopepone separat partes subtiles à crassis. Similiter hæc est causa, quare aqua cocta subtilior est, quàm cruda, quia per calorem attenuantur partes aliquæ crassæ, & dum redduntur subtiles, in vapores conuertuntur, sursumque eleuantur, & ita aqua remanens subtilior est, quàm antea, dum erat

cruda. Hæc etiam est causa, quare calor lutum indurat, ceram verò liquefacit, quia cum disgreget, & separet ea, quæ sunt diuersæ rationis, in luto, partes humidæ in vapores conuertit, & deinde terra quasi ablato impedimento, se ad suam frigiditatem, & siccitatem reducens, induratur, in cera verò illam humectat, quia in illa exhalationes aliquas siccas extrahit, & ita illis ablatis liquescit cera. Frigus verò è contra congregat partes diuersi generis, & ita cera frigore induratur, quia partes siccas illis miscet, est etiam frigus per accidens causa caloris, congregando partes calidas frigidis, hæc enim ratione putei tempore hyemali calidiores sunt, quia exhalationes calidæ ratione maximi frigoris existentis in medio in puteis congregantur, illosque calefaciunt.

De humidiæ dicendum est, id habere proprium præter productionem sibi similis, vt facit corpus humidum faciliè terminabile termino alieno, & ita corpora humida faciliè recipiant figuram ab extrinseco corpore, secus verò corpora sicca, vt ignis.

Caput III.

Postquam Aristot. egit de primis qualitatibus, iam ex illis ad numerum, & naturam inuestigandam accedit, & quidem propositis antiquorum sententijs, de numero elemen-

elementorum docet, quatuor esse elementa, scilicet, ignem, aerem, aquam, & terram, quæ elementa contrarietatem habere docet ratione suarum qualitaturn, & ita dicit, ignem esse magis calidum, quam siccū, aerem magis humidū, quā calidum, aquam magis frigidam, quā humidam, terram verò magis siccā, quā frigidam.

DISPUTATIO II.

De natura elementorum.

DE elementis quantum ad suas qualitates motiuas, & de situ, figura, & positione, quam in vniuerso habent, disputat Aristot. lib. de Cælo, & ita hoc loco (vt sæpe dixi) solum de illis agendum est, secundum suas qualitates alterationis, istæ enim ordinantur ad substantialem eorum transmutationem, quam hoc loco intendit Arist. præcipue.

Quest. I. Vtrum sint quatuor elementa, nec sint plura, nec pauciora?

IN hac questione solum in generali attingam de numero elementorum, quia de quolibet in speciali dicam in lib. de Cælo: de numero ergo elementorum variaz extiterunt apud antiquos Philosophos sententiæ, quidam enim tantum vnicum elementum assignarunt, Parmenides verò duo posuit elementa, scilicet aerem & aquam,

terram enim non esse corpus simplex, sed mixtum esse ex aere, & aqua asseruit. Quidam verò tria ponunt elementa, contra quos omnes Arist. hoc loco quatuor esse elementa docet, nec plura, nec pauciora.

Pro intelligentia huius rei aduertendum est, elementum varijs modis sumi posse. Primò enim significat id, quod est pars intrinsecè rem aliquam componens, qua ratione Aristot. sæpe materiam, & formam appellat elementa, quia ex illis corpora naturalia intrinsecè componuntur, & hinc secundò etiam cælum ipsum appellatur elementum ab Aristot. 1. Mete. quia ex illo etiam vniuersum componitur, & ita elementum sic in generali sumptum definitur ab Aristot. 9. Mete. cap. 3. esse id, ex quo insito aliquid componitur.

Secundò verò, & ad nostrum propositum sumitur elementum pro corpore completo, apto tamen vt ex illo mixtum efficiatur, & ita hoc modo materia, & forma non appellatur elementum, quia non sunt completa corpora, sed potius partes illius. Similiter cælum excluditur à natura elementis, quia tametsi sit corpus simplex perfectum, non tamen natura sua aptum ad mixtum efficiendum, cum in sententia Aristotelis. in corruptibilibus sit: vnde elementum propriè sumptum definitur ab Aristot. 3. de Cælo: *Elementum est, in quod corpora mixta resoluantur*. De his ergo elementis inquiratur in præsentia eorum numerus.

Dico

Dico primò, elementa esse plura quàm vnum: quam conclusionem probat etiam Arist. 3. de celo tex. 91. quia si vnicum tantum esset elementum, tantum esset vnicus motus ad locum illius, sed experimur esse plures motus, scilicet sursum, & deorsum, fumus verò ascendit, terra verò descendit: ergo sunt plura, & diuersa elementa, diuersa loca postulantia. Secundo, quia dari aquam, & terram, visu constat, aerem verò tactu experimur.

Dico secundo, elementa sunt quatuor, nec plura, nec pauciora. Hanc conclusionem probat Arist. 3. & 4. de celo ex qualitatibus motiuis, quia datur grauitas simpliciter, qualis est grauitas terræ, quæ descendit in locum infimum, & grauitas secundum quid, quæ aqua descendit ad locum prope infimū, quæ constituunt duo elementa: sed eodem modo per leuitatem simpliciter, ascendit corpus aliquod, vsque ad concauum lunæ, & per leuitatem secundum quid, quæ aer ascendit ad locum immediatum supremo elemēto: ergo sunt quatuor elementa, alterum graue simpliciter, alterum verò simpliciter leue, alterum graue secundum quid, alterum verò leue secundum quid.

Secundo id probat in hoc capit. quia tantum quatuor modis possunt combinari quatuor qualitates primæ: ergo tantum sunt quatuor elementa, quorum quodlibet habet suam combinationem. Ante-

cedens probatur, quia in primis qualitates contrariæ, etiam in gradibus remissis non postulant criti-
a corpore aliquo simplici, qualia sunt elemēta, quia corpus simplex debet habere qualitatem simplicissimam, non permixtam contrario: sed ex non contrarijs tantum sunt posibles quatuor combinationes, prima ex frigido, & sicco, qualem habet terra, secunda ex frigido, & humido, qualem habet aqua, tertia ex humido, & calido, qualem habet aer, quarta ex calido, & sicco, qualem habet ignis: ergo ex quatuor combinationibus simplicium qualitatū optimè colligitur quaternarius numerus elementorum.

Sed statim variæ oriuntur objectiones, quia de facto nullum elementum habet vtramque qualitatem in summo gradu, vt postea dicam, sed alteram in summo, & alteram prope summum, qualiter terra est sicca in summo, & frigida prope summum: ergo possibilis est combinatio vtriusque qualitatis in summo, & ita possibilia sunt plura elementa.

Secundo etiam est possibilis alia combinatio vtriusque qualitatis in gradibus remissis, ita quod, nec frigiditas, nec siccitas sit in summo, & sic de alijs.

Tertio etiam potest esse alia combinatio ex sicco in summo, & calido prope summum, quàm nullum elementum de facto habet, & ex calido in summo, & humido

M

pro-

prope summum, & sic de alijs quatuor, etiam possit intelligi vnum elementum, non requirere duas qualitates: sed vnam dumtaxat, quia vnitas simpliciorum est qualitate, & ita videtur magis propria corporis simplicis, illam tamen qualitatem, vnum elementum posset postulare in summo, & aliud prope summum, vnde secundum hoc cuiuslibet ex quatuor primis qualitatibus correspondere duo elementa, & ita essent octo elementa, quibus tandem accedit auctoritas Aristotelis, qui varia de elementis sensisse videtur, quia quamuis hoc loco, & 3. & 4. de celo assignet quatuor elementa, eaque simplicia, & duabus qualitatibus constantia, altera quidem in summo, altera verò prope summum, tamen 1. Meteororum, capit. 4. de elemento longe aliud sensisse videtur, sic enim ait: *Circa hoc autem, & habitus h. s. aer, quæ & præter consuetudinem vocamus ignem, non est enim ignis, excessus enim calidi, & velut feruor, & paulo antea dixerat. Quoniam quidem sursum, & vsque ad lunam dicemus esse corpus, alterum ab igne & aere, quoniam & in ipso hoc quidem purius esset, quæ omnia longè aliena esse videntur ab his, quæ omnis philosophorum schola docet de elementis.*

Tamè respondetur ad primum, reuerà ex illis omnibus combinationibus manifestè ostendi, non inuoluere repugnantiam, quòd de potentia Dei absoluta de naturâ plura

elementa, quàm sũt modò, secundum varias illas combinationes, tamen secundum naturalem ordinem id non decuit, neque enim decuit, vnum elementum habere vtramque qualitatem in summo, quia cum corpora simplicia natura sua ordinentur ad mixtionem efficiendam, non decuit elementum aliquod habere vtramque qualitatem in summo, quia si reliqua elementa non haberent etiam suas qualitates in summo, elementum illud, quòd haberet qualitates in summo, facile illa vinceret, & ita potius conuerteret illa in suam substantiam, quàm ex illis omnibus aliud tertium resultaret.

Si verò fingeremus, omnia elementa habere omnes suas qualitates etiam remissas, & hoc non, cum quælibet res ex sua natura inclinet in suum augmentum, & perfectionem, oportuit elementa habere aliquam qualitatem in summo, & quasi in maximo, ad quod per naturam inclinantur, & cum qualitates in mixtis non possint esse in summo gradu, restat hoc decuisse in elementis fieri: si verò vnum elementum haberet vtramque qualitatem remissam, alia verò haberent qualitates in summo gradu, facile conuerterent illud elementum in suam substantiam, & ita non resultaret mixtum, decuit ergo, neque vtramque qualitatem habere remissam, sicut, neque vtramque intensam: sed alteram in summo, secundum quam agat: alteram ve-

ro prope summum, secundum quā minus difficile vincatur, & ita ex pluribus mutuo agentibus, & reactionibus fiat mixtio.

Præterea, neque debuit dari per naturam combinatio illa ex sicco in summo, & calido prope summum, vel ex calido in summo, & humido prope summum: quia cum de facto detur terra, quæ est sicca in summo, & frigida prope summum, ut postea dicam, non decuit dari aliam combinationem ex sicco in summo, & calido prope summum, quia qualitas in summo est quasi propria passio illius elementum, & ita non debuit, dari aliud elementum, quod esset sicut in summo, & calidum prope summum.

Tandem oportuit elementum habere duplicem qualitatem. & non tantum unicam, ut secundum unicam maximè intensam agat in aliud, secundum aliam verò minus intensam facilius patiat, & ita ex illis omnibus per mutuam actionem, & reactionem resultet mixtum.

Præterea, id decuit, vnum elementum pugnare cum omnibus alijs, qualiter ignis ratione siccitatis pugnat cum aere, ratione verò caloris cum terra, & aqua, quia frigida sunt: si verò tantum haberet calorem, non pugnaret cum aere, & sic de alijs dicendum est.

Tandem ad Aristotelem dicendum est, quod cum dicit esse elementum, quod non est ignis, licet ut ignis, t. o. rectè utitur nomine

ignis, in significatione vulgari, quæ vulgariter ignis solet appellari corpus aliquod ignitum, qualiter carbonem igniti appellantur ignis, & hoc modo inquit non esse ignem, tamen est ignis simplex. Eundem sensum habent illa verba, dicimus esse corpus alterum ab igne & aere, id est, distinctum ab igne, & a corpore ignito. Tandem plura alia, quæ de elementis disputari possent hoc loco, quia magis propria sunt librorum de calo, visque ad eum locum differre placuit, illud hoc loco solum attingens, quod text. Arist. tangit.

Questio II. Vtrum quodlibet elementum habeat alteram qualitatem in summo, alteram prope summum, & quomodo?

Supponimus in hac re, elementum non ideo dici prorsus simplex, vel, quia caret compositione materie & forme, vel quia unicam simplicem qualitatem habeat: imprimis enim compositio ex materia & forma omni corpori naturali inest, ut vidimus 1. Physicorum, præterea vnum & idem elementum duas habere qualitates sibi conaturales, nullus negare potest; experimur enim, aquam frigescere, & humectare, solū enim appellatur corpus simplex, quia non habet substantialē mixturem ex alijs

Mm ij cor-

corporibus, qualiter mixtum componitur ex elementis, saltem virtualiter in illo manentibus; tum etiam, quia in qualitatibus non habet mixtionem ex contrariis qualitatibus, licet plures habeat qualitates simplices.

Quod autem quidam hoc loco obijciunt, quod si elementum non habeat mixtionem ex contrariis qualitatibus, sequeretur calorem acris posse in instanti attendi usque ad octauum gradum, quia caliditas est contrario; iam supra à nobis solutum est.

Vnde examinare oportet, quare ratione huiusmodi qualitates sint dispositiones in elementis, omittis fere infinitis philosophorum placitis, quia tot sententiæ sunt, quot capita: communis, & magis recepta sententia est Arist. in hoc cap. dicentis, terram esse siccam in summo, & frigidam prope summum, aquam frigidam in summo, & humidam prope summum, aerem humidum in summo, & calidum prope summum, ac tandem ignem calidum in summo, & siccum prope summum.

Vnde dico primo: terra natura sua est sicca in summo, & frigida prope summum, & quidem quod sit sicca in summo, probatur, quia elementum terræ est infimum, & imperfectius omnibus alijs: ergo terra est sicca in summo, suppono enim ex supra dictis, aliquam qualitatem debere conuenire alicui elemento in summo gradu, ad quæ

talis qualitas natura sua tendit, veluti in ultimam perfectionem: ergo siccitas in summo erit veluti propria passio terræ. Quod vero sit frigida, non in summo; sed prope summum (vt aiunt) patet in primis, quia suæ naturæ relicta frigefacit, vt experientia constat. Quod vero non sit in summo, patet primo, quia aqua, quæ minus densa est suæ naturæ relicta, longè magis frigefacit: ergo terra non est summè frigida. Tum etiam, quia, vt optimè notat Tol. si esset summè frigida, non esset apta ad communem animalium habitationem, quorum vita calore præcipue fouetur.

Et si dicas hoc arguèto probari, aquam non debere esse frigidissimam, est enim locus habitationis plurium animalium, scilicet, piscium; tamen respondetur negando consequentiam, quia cum densitas materiæ multum iuuat ad intensiorem effectum producendum, è contra verò raritas impediatur, si terra esset frigida in summo, multo intensius frigefaceret, quàm aqua, quæ propter eius raritatem impeditur, ne tam actiua sit, & ita dici solet à quibusdam, humiditatem retundere vim qualitatum magis actiuarum, scilicet, caloris, & frigoris, quia propter raritatem, ad quam natura sua inclinatur, impedit, ne frigiditas tam actiua sit, quàm si esset in alia materia densa.

Sed contra hanc conclusionem obijci potest, quia ignis longè magis

gis exiccat, quàm terra, ut experientia constat; ergo terra non est summè sicca.

Secundò, quia si terra esset summè sicca, nullam in partibus suis continuationem habere possit. hac enim ratione experimur in puluere, & cinere eorum partes nullam continuationem, & consistentiam habere propter nimiam eorum siccitatem.

Tertiò videtur, terram debere esse frigidam in summo, quia est summè grauis. grauitas autem oritur ex frigidityte, tum etiam quia maximè distat à primo calido, scilicet à sole, & ita elementa, quo proximiora sunt soli, eò sunt calidiora, ut ignis est calidior aere: ergo terra, quæ magis distat à sole, debet esse frigidissima.

Respondetur tamen ad primū, ignem idè citius exiccare, quia propter nimium calorem eius eleuat à corpore humido vapores humidos, illosque resoluit, & ita corpus illud minus humidum relinquitur, et si natura sua siccum sit, sed statim ablato impedimento, ad primam siccitatem se reducit.

Ad secundum, discontinuationem partium pulueris non prouenire ex siccitate sola, sed ex siccitate cū aliquo calore, siccitas enim absque calore nō disgregat partes, ut patet in lapide, vel in ligno nimis sicco.

Ad tertium, grauitatem, cū sit qualitas secunda, non oritur tantum ex vnica prima qualitate, sed ex

commixtione plurium illarum, & ita oritur ex siccitate superante frigiditatem: quòd autem terra maximè distet à sole, solum probat, calefieri ab illo, non ita bene, ac reliqua elementa non tamen quòd natura sua possit summam frigiditatem.

Dico secundò in hac quaestione, aquam esse frigidam in summo, humidam verò prope summum, & in primis quòd aqua sit frigida in summo, probatur, quia longè magis friges facit, quàm cætera elementa, & ita experimur; animalia aquatilia longè esse alijs frigidiora, sed omnis qualitas debet esse in summo in aliquo elemento, quia per se tendit ad summitatem, tamquam vltimam perfectionem: ergo aqua debet esse summè frigida: quòd verò sit humida, patet ab effectu, quia humectat: quòd verò non sit humida in summo probatur, quia nullum elementum potest habere duas qualitates in summo, ut supra dixi, eò quòd habere vnica in summo, est proprium cuiuslibet elemento, tum etiam, quia id non decuit ad mixtionem efficiendam, ut supra: ergo non est humida in summo.

Quòd autem hoc loco obijci posset, scilicet, quòd si aqua esset natura frigidissima, non esset naturaliter liquida, sed congelata, iam expeditum est à nobis supra i. li. c. 7. vbi ostendimus, congelationem aliquid præter frigiditatem

Mm iij requi-

requirere, requirit enim etiam siccitatem, cuius rei argumentum est, quod cum gelu applicat parti humidæ, liquefit, amittens priorem siccitatem.

Et si obijcias Secundò, quia si aqua est magis frigida, quam humida, sequitur, quod facilius exicccetur quam calefiat, quod est contra experientiam, experimur enim, aqua longè facilius calefieri, quam exiccare. Respondetur negando consequentiam, quia humiditas, ut supra dixi, est magis resistiva, quam frigiditas, & ita aqua facilius calefit, quam exicccatur.

Dico tertio in hac questione, aerem esse humidum in summo, & calidum prope summum. Et in primis probatur, quod sit humidus in summo, quia aliqua qualitas debet convenire in summo alicui elemento, nulla autem potest esse, quæ aeri possit convenire, quia in primis calor in summo debet convenire igni, ut postea dicam, est enim longè calidior aere, neque potest convenire frigiditas, hæc enim, ut vidimus, convenit aquæ, & siccitas terræ, restat ergo, quod aeri conveniat humiditas: imò & a posteriori ex eo patet, quia (ut Arist. docet, cap. 2.) humiditas facit corpus, cui inheret, ut sit facile alieno termino terminabile, humidum enim facile cedit: sed aer facilius terminatur termino alieno, quam aqua, ut patet: ergo est longè humidior illa: tum etiam, quia mixta illa, in quibus aer prædomina-

tur, sunt nimis humida, ut patet de oleo, in quibus aer prædominatur, cum experiamur supra aquam natat. Et si dicas, aerem etiam prædominari in ligno, cum etiam super aquam natet, cum tamen longè sit magis siccum, quam humidum. Respondetur, reuera in ligno non prædominari aerem, quod verò super aqua natet, ex eo provenit, quia in poris, quos plurimos habet, plurimas particulas aeris continet, & ita quasi esset inflatus super aquam natat: cuius rei argumentum est, quod si diu in aqua sit, humectatur, & frigescit, ut corrupto, vel saltem expulso interno aere, tandem mergitur, & ita lignum potius est mixtum terreum, quam acreum.

Quod verò aer sit calidus prope summum, probatur primo, quia per calefactionem solis, vel ignis extrahuntur à terra, & aqua vapores subtiles quidam, & in aerem convertuntur, calor enim est dispositio congrua ad generandum aerem: ergo aer natura sua calidus est, unaquæque enim res postulat, ut generet dispositionem similem illi, qua naturaliter conservatur. Præterea, quia elementa proxima debent esse symbola: dissymbole enim, sicut natura contrariantur, & dissident, ita etiam loco dissidere, & separari oportuit: sed aer est elementum proximum igni: ergo debet esse illi symbolum: sed non ratione humiditatis, per illam enim potius contrariatur

variatur siccitati ignis, restat ergo quòd sint symbola in calore.

Sed contra obijci potest, quia experimur, aquam multò magis humectare, quàm aerem: ergo aer nō est humidus in summo. Secundò, quia aer exiccat pannum humectatum: ergo potius est siccum.

Tertio, quia aer facillimè frigit: ergo non est calidus prope summum, sic enim non ita facile posset frigi fieri: cuius rei argumentum est, quia media regio aeris, quæ ab igne, & aqua est magis tuta, nimis frigida est, ibi enim pluit, & gradines, & alie frigidae meteorologicae impressiones generantur.

Respondetur ad primam, aquam ideo magis humectare, quia longè densior est aere: densitas autem materiz, ut supra vidimus, maximè iuvat ad actionem, & contra verò, raritas illa retardat.

Ad secundam, aerem exiccare pannum humectatum, non quia siccus sit, sed quia per calorem resoluit partes aliquas humidas illius, eleuatque vapores humidos, & ita partes sicca statim ad pristinam siccitatem reducuntur.

Ad tertiam, aerem facillè frigi fieri, non quia natura sua frigiditatem exposcat, sed quia cum nimis rarus, & tenuis sit, facillè immutatur à peregrinis impressionibus: ita dem media aeris regio non est natura sua frigida, sed per antiparitalitatem, ut latius dixi 1. lib. capit. 4.

Dico quartò in hac quæstione,

ignis est calidus in summo, & siccus prope summum, quòd sit in summo. Patet, tum quia debet habere aliquam qualitatem sibi propriam in summo, nullum autem elementum ita vehementer calefacit, sicut ignis: tum etiam quia cū calor sit perfectissima omnium primarum qualitatum, in perfectissimum elementum, quale est ignis, coincidere debet. Quòd verò sit siccus, etià patet à posteriori, quia exiccat, non tamen est summè siccus, quia siccitas, quæ imperfectissima est, debet esse propria imperfectissimi elementi, qualis est terra, non verò ignis: tum etiam, quia, ut sæpè dixi, idem elementum non potest habere duas qualitates in summo, qualiter autem contingat, ignem longè magis exiccare, quam terram, iam vidimus.

Et si dicas, quòd si ignis esset summè calidus, miraculum profectò esset, quòd aerem non comburat. Respondetur negando consequentiam, est enim rarissimus, raritas enim maximè retardat, & impedit actionem: verum est, inter illud, & aerem esse continuam pugnam, sicut est inter omnia alia elementa, mutuo enim ratione qualitatis inter se agunt, & repugnantur.

Caput III. vs. que ad XI.

IN his capitibus agit Aristotel. de transmutatione substantiali
Mm iiii ele-

potest esse causa principalis producendi aquam ex aere: quod verò è contra ignis producat aerem, quamuis sit principalior aere producto, tamen non est causa productiua substantiæ, quia non continet in se dispositiones requisitas ad formationem aeris, scilicet humiditatem, & ita non est causa ex natura rei ordinata ad illum effectum.

Quare dicendum est, quod humiditas, quam ex se habet, & terra simul cum calore producto ab igne attingunt instrumentaliter ad productionem aeris, tamquam instrumentum separatum, sunt enim sicut semen, quod natura sua petit concursum primæ causæ ad producendum viuens, & ita prima causa simul cum semine producit viuens. Adeumdem modum prima causa est causa principalis illius productionis, determinata tamen ab illis determinatis dispositionibus, quia veluti semen sunt: nec tamen est inconueniens (vt sæpè dixi) reducere effectus particulares in causam vniuersalem, determinatam tamen à particulari aliqua causa instrumentali, seu dispositione passi: cum hoc tamen meritò ait Aristotel. ignem producere aerem ex aqua, quia cum præbeat dispositionem aliquam ad talem productionem requisitam, dispositioni tribuitur talis actio illi, quia tamen non præbet omnem dispositionem requisitam, non tribuitur illi actio totaliter.

Restat ergo difficultas in hac

quaestione, vtrum etiam inter elementa disymbola, quæ potius contraria sunt, possit esse immediatus transitus, ita vt aqua immediate conuertatur in ignem, vel terra in aerem. In qua re prima sententia negat: dicit enim necessarium esse, elementum aliquod prius cõuerti in symbolum, quam conuertatur in disymbolum, verbi gratia, aquam prius debere conuerti in aerem, vt deinde conuertatur in ignem. Tenet Themistius 4. Physicorum textu 9. Sotus 4. Physicor. quæst. 2. in principio, neque habet hæc sententia leuem difficultatem, quia cum calor sit qualitas longè actiuior, quam siccitas, antequam ignis producat in aquam siccitatem requisitam ad introductionem ignis, producit calorem nimis intensum, & ita ex illo, & humiditate, quam aliàs habet aqua, parumque à siccitate ignis remittitur, resultabit dispositio sufficiens ad productionem aeris, & ita necessarium erit, aquam prius conuerti in aerem, quam in ignem.

Secundò, quia, vt docuit Aristotel. 4. Physicorum text. 22. extremum non potest pertransire in extremum, nisi prius transeat per medium: sed ignis, & aqua sunt elementa extrema contraria: ergo ex aqua non generabitur ignis, nisi prius aqua conuertatur in aerem medium.

Terriò, quia summa raritas, ita est propria ignis, sicut summus calor:

Mm v

lor:

lor: ergo sicut requiritur calor, saltem maximè intensus, vt generetur ignis tamquam dispositio prævia, ita etiam nimia raritas: sed repugnat, terram adhuc manentem sub forma terræ disponi per nimiam raritatem: ergo prius debet et terra conuerti in aliud elementum magis rarum: ergo in aerem, vt deinde conuertatur in ignem.

Dico primò in hac quæstione, certum debere esse, quodlibet elementum, etiam dissymbolum posse generari ex quolibet, siue mediâtè, siue immediâtè. Sic enim docet Aristotel. hoc libro capit. 4. text. 24. quoduis elementum posse generari ex quouis. Ratio verò sumitur ex dictis, quia symbolum potest generari immediâtè ex symbolo: ergo de primo ad vltimum poterit generari dissymbolum ex dissymbolo mediâtè, ita vt aqua conuertatur in aerem, & aer in aquam, & ita aqua conuertetur in ignem mediâtè.

Dico secundò, etiam posse esse immediatum transitum inter dissymbola, & ita quoduis elementum posse generari ex quouis immediâtè. Tenet Auerro. Marfil. Tolet. & communiter Interpretes hoc loco. Et ratio est, quia fingi potest, aliquid agens frigidum, & siccum exicasse aquam producendo siccitatem vt quatuor: deinde verò, si ignis accederet, dum illam intensè calefaceret vt septem, posset posita exiccatione priori, etiam exiccari vt septem, ita vt quamuis

siccitas tardius agat, tamen cum aliàs supponatur producta vt quatuor, gradus frigiditatis, dum producantur, facile possent produci alij tres siccitatis: ergo tunc generaretur ignis immediâtè ex aqua.

Et quo patet solutio ad primum argumentum contrariæ sententiæ, potest enim fingi casus, quod aqua coeperit exiccari aliquantulum ab alio agenti frigido, & sicco, deinde verò accedente igne non generetur aer, sed ignis ex nimia siccitate, & calore.

Ad secundum, principium illud, quod non potest transire de extremo ad extremum, nisi per medium, verum esse in motu locali, & quando transitus per medium est ex natura rei requisitus, vt perueniat ad extremum, vt in gradibus qualitatis, neque enim subiectum aliquid transire potest de primo ad octauum gradum caloris, nisi per gradus medios propter naturalem dependentiam graduum posteriorum à prioribus, non tamen est verum, quando transitus per medium non est ex natura rei necessarius ad attingendum extremum, qualiter potest aliquid fieri immediâtè de albo nigrum, absque eo quod transeat per medios colores.

Ad tertiam rationem, non esse dispositionem actiue concurrentem ad generationem, si fortasse qualitas est: sed consequitur ad esse ignis, & ita præcipue saltem non requiritur nimia raritas: sed aliqua-

lis sufficit, qualiter experimur, stupam in flammam conuersam, post talem conuersionem, multò magis rarefieri, quàm antea esset rara.

Questio II. Vtrum sit facilius transitus inter elementa symbola, quàm inter dissymbola?

Quamuis Philosophi omnes admittant, facilius elementum transmutari in symbolum, quàm in dissymbolum, id enim expresse docuit Aristotel. hoc lib. cap. 4. tamen in huius rei causa assignanda valde dissident, quia reuera eadem est contrarietas, & resistentia vnus ad vnum, & duorum ad duo: sed sicut in elemento simbolo, tantum est vnica qualitas expellenda, vt couertatur in symbolum, ita etiam est in agente, tantum vnica qualitas illi contraria. Et si in dissymbolo vtraque qualitas est expellenda, ita in elemento dissymbolo est duplex qualitas illi contraria: ergo cum eadem sit contrarietas vnus ad vnum, & duorum ad duo, sequitur, tam facile transmutari elementum aliquod in symbolum, quàm in dissymbolum.

Præterea Marsil. hoc libro questio. 10. & alibi questio. 8. dicit, dupliciter intelligi posse elementum facilius transmutari in symbolum, quàm in dissymbolum. Primum quidem, ita quòd citius, & cum minori resistentia fiat, & hac ratione, negat faciliorem esse transitum inter

elementa symbola, quàm inter dissymbola propter rationem dubitandi adductam.

Secundò, ita quòd talis transitus facilius sit in elementum symbolum, id est, quòd pauciora debent corrumpi, illa enim qualitas, in qua conueniunt, non debet corrumpi, cum vtrique elemento sit communis, & hanc tantum existimat fuisse mentem Aristot. sed immeritò quidem, quia Aristot. dum de hac re loquitur, vtitur his verbis: *Facilius, citius*: ergo reuera, plus longè se extendit, quàm iste Author admittit. Rationibus etiam statim adducendis patefiet falsitas huius sententia.

Quare Toletus hoc libro quaestione 9. docuit, idèò ignem, verbi gratia, facilius in se conuertere aerem sibi symbolum, quàm aquam dissymbolum, quia humiditas aque magis resistit, quàm humiditas aeris, eò quòd est in densiori materia, tum etiam frigiditas est contraria igni, cum qua est coniuncta, humiditas in aqua, non verò in aere.

Hæc tamen ratio nõ est in vniuersum vera, quia propter eandem rationem sequeretur, quòd terra difficilius in se conuerteret aquam sibi symbolum, quàm aerem dissymbolum, quia humiditas aque magis resistit siccitati terræ, quàm humiditas aeris, quia est in densiori materia. Si enim dicat, minus resistere, quia in aqua non est humiditas in sumo, sicut in aere, contra est, quia etiam in suo casu

fi

fur non est tanta humiditas in aqua, sicut in aere, & etiam ignis difficilius conuertit in se aquam, quam aerem.

Quare his, & alijs relictis, dicens est, causam generalem, quare sit facilius transitus inter elementa symbola, quam inter dissymbola, eam esse, quia cum symbola communicent in vna qualitate, facile, & absque magna resistētia illa qualitas producit ad summum, & ita tale elementum corrumpitur, verbi gratia, calor aeris absque magna difficultate intenditur vsque ad summum, & quia vt sic in summo est proprius ignis, licet non habeat summam siccitatem, facile conuertitur in ignem. Et quid simile est de terra respectu aquæ, aqua enim facile intendit frigiditatem terræ vsque ad summum, & ita facilius conuertitur in aquam, quam ignis, aliquando etiam iuuat densitas materię, qualiter humiditas aquæ, magis resistit igni, quam humiditas aeris.

Vnde ad rationes dubitandi respondetur, similem esse resistētia vnius ad vnum, sicut & duorum ad duo, si cetera sint paria, tamen, quia aucta qualitate, symbola ad summum, in quo gradu est propria alterius, etiam si ex aliqua qualitate non habeat summam intensiōnem, facile fit transitus, & ita facilius inter symbola, quam inter dissymbola.

Solet etiam hac in parte dubitari, vtrum ex duobus elementis pos-

sit generari mixtum, quod possibile esse vidimus supra, disputatione de mixtione. Vtrum verò ex duobus elementis possit generari aliud tertium elementum, dicendum est, nec id repugnare. quia in primis ex vno, vt materia, ex qua, & ex alio, vt ex causa efficiēti, potest aliud tertium generari, qualiter terra dum frigefacit partes aeris in eius cavitatibus inclusas, generat aquam, vbi aqua fit ex aere, tamquam ex materia ex qua: à terra verò effectiue disponente: si verò loquamur tamquam ex materia ex qua, non repugnat, ex duobus elementis generari aliud tertium; fieri enim potest, quod siccitas ab alio agente maxime humido remittatur, & simul ab alio agente nimis calido potest expelli frigiditas aquæ, & sic ex aqua calefacta, & igne humectato, poterit generari aer calidus, & humidus.

Questio Vltima. vtrum per naturam possit idem numero corruptum reduci?

Questio hac non procedit de potētia absoluta Dei, sic enim conueniunt omnes posse idem numero corruptum, iterum reproduci, sicut etiam, quando primum productum fuit factum fuit ex non esse, ita per Diuinam potentiam, postquam corruptum est, iterum non repugnat fieri ex non esse sui, & sic de fide credimus resurrectionem

ncm

nem corporum futuram esse: solum ergo procedit quæstio de potentia naturali, id est, utrum ab ætiali aliquo naturali possit effectus semel corruptus iterum reproduci. Vnde merito omnes hac in parte satis improbabilem reputant sententiam Marfil. hoc lib. quæst. 20. & Duran. in 4. dist. 4. asserentes, nec per diuinam potentiam posse idem numero corruptum iterum reproduci, nisi quando eius partes manent: hac enim ratione falsuât, possibilem esse hominis resurrectionem, quia licet ille corruptatur, manent eius partes, scilicet anima, & corpus, quæ iterum possunt reuiri, in alijs verò totis, quæ corumpuntur ad corruptionem suarum formarum, id non admittit, falso tamen, & absque vlllo fundamento, si enim res ex nihilo fieri potest, etiam si iterum redigatur in nihil, quare non poterit iterum reproduci?

Ex si obijcias, quodd' simili modo possit Deus rem iam antea productam, absque eo quod corruptatur, iterum reproducere. Respondetur, illam non esse nouam productionem, quia vt res dicatur produci, vel reproduci, debet supponi antea non fuisse, & sic illam non esse nouam productionem rei: sed conseruationem nouam eiusdem rei, & hoc nullam intulit implicationem, quia nos distinguimus entitatem actionis ab entitate termini, & sic non repugnabit, eundem terminum simul terminare

diuersas actiones ad illum terminatas: quæ ratione plures, & non improbabiler existimât corpus Christi Domini, sub speciebus panis conseruari actione realiter diuersa ab illa, quæ modo naturali conseruatur in cælo.

Quare hac sententia ommissa, dicendum primò in hac re, certum debere esse, successiua, vt motum, & tempus, adhuc per diuinam potentiam, non posse eadem numero redire. Sic docet S. Thom. quodlib. 4. art. 5. & in primis probatur de tempore, quia sicut presentia localis essentialiter respicit hoc numero spatium imaginarium, adeò vt nec per diuinam potentiam non posset eadem numero presentia localis moueri ad aliud spatium, vt latius vidimus 4. Physicor. ita tempus, & duratio realis essentialiter respicit hoc numero tempus imaginarium, in quo intelligitur quasi fluere: ergo illo elapso, adhuc per diuinam potentiam repugnat, idem numero tempus redire: essentie enim non possunt suppleri à Deo. de motu verò etiam probatur, quia cum motus sufficienter discontinuetur per discontinuationem temporis, hoc ipso quod tempus est diuersum, etiam est diuersus motus: sed implicat redire idem numero tempus: ergo idem numero motus.

Dico secundò, nulla res permanens, semel corrupta, potest eadem numero per naturam reproduci. Quæ conclusio satis recepta est apud omnes: eam enim docet hoc lib.

lib. Aristot. capit. 11. & cap. de op-
positis, ubi docet, quod à priuatione
ad habitum non est regressus,
est enim intelligenda à priuatione
rei iam corruptæ, quia à priuatione
rei nondum corruptæ optime
datur regressus, qualiter forma fit
ex priuatione sui. Eandem senten-
tiam tenet S. Thom. & eius inter-
pretes, in assignanda tamen eius ef-
ficaci ratione valde dissident.

Quidam enim ex eo probant,
hanc conclusionem, quia effectus
pendet ab actione, actio verò prior
non potest eadem redire, propter
dependentiam à tempore (ut de
motu diximus.) Verumtamen si hæc
ratio aliquam haberet vim, proba-
ret sanè, nec per diuinam potentiam,
posse eundem numero effectum
reproduci, quia prior actio produ-
ctiua, vel conseruatiua rei, nec per
diuinam potentiam potest redire
(ut de motu diximus) quod si ter-
minus non pendet essentialiter ab
illa priori actione, oportet assigna-
re causam, quare non possit eadem
res, et si per aliam actionem, per na-
turam reproduci.

Secundò alij dicunt, substantiam
aliquam semel productam, non pos-
se iterum redire, quia dispositiones
eandem numero, quibus antea con-
seruabatur, non possunt redire, eò
quod non est agens naturale, quod
illas reproducat: tamen hæc ratio
apertè petit principium idè. Qua-
rimus enim, quare eadem disposi-
tiones, quæ antea fuerunt, non pos-
sint eadem reproduci.

Tertiò alij docent, causam esse,
quia impossibile est, causam pro-
ducere effectum, què saltem emi-
nenter, vel virtualiter non conti-
net: impossibile autem est, causam
in se continere virtualiter effectum,
qui iam ab illa fluxit: quia quod flu-
xit, & exiit ab illa, non contine-
tur in illa. Sed neque hæc ratio pla-
cet, quia causam continere virtua-
liter effectum, non est, quia illum
intra se verè, & formaliter conti-
neat. sed tantum, quod habeat vir-
tutem ad producendum illum, ex
eo autem, quod illum effectum ex-
tra se producat, non redditur suffi-
ciens ratio, quare adhuc non habeat
virtutem ad illum iterum repro-
ducendum, & sic continebit adhuc
illum formaliter.

Quare his, & alijs pluribus omis-
sis, aliunde hac in re nobis conie-
ctari oportet. Primò, quia sicut res
pendet à loco, tamquam à mensu-
ra extrinseca, ita etiam pendet à tē-
pore: ergo sicut repugnat eandem
rem transire de loco ad locum ex-
tremum, nisi per medium, ita etiā
repugnabit transire de tempore ad
tempus, nisi per medium: ergo se-
mel corrupta, non poterit iterum
reproduci: sic enim transiret de tē-
pore ad tempus extremum, absque
transitu per medium, quia in me-
dio tempore non duraret.

Secundò, quia sicut est propriū
rerum naturalium mensurari quā-
titate permanenti, siue intrinsecè,
siue extrinsecè, ita etiam est pro-
prium rerum, quæ pendens à tem-
pore,

pore, vel extrinsecè, vel intrinsecè: ergo sicut non potest eadem res habere duas quantitates diuisas, & discontinuas adhuc successiue, quia partes aduenientes copulatur prioribus, sic non poterit mensurari successiue duplici tempore discontinuo per non esse illius.

Sed cõtra hoc obijci potest, primo, quia ex nullo capite videtur repugnare, quod idem numero effectus redeat per naturam, quia in primis hoc non repugnat ex parte effectus, quia effectus ipse in se quid possibile est, sicut & ante primam productionem erat possibile, neque etiam ex parte agentis, quia ex eo quod agens produxerit talem effectum, non ideo minuitur potentia eius, qualiter ignis semper remanet in sua vi, siue produxerit antea hunc calorem, siue non; neque enim repugnat ex parte falsi, quia sicut lignum, verbi gratia, habet potentiam, vt ex illo educatur alius numero calor quare non habebit potentiam ad calorem præteritum, qui omnino est eiusdem rationis cum illo?

Secundò, quia si ignis, verbi gratia, habet naturalem virtutem ad conferendum calorem ligni tempore vnius horæ: ergo poterit in qualibet parte illius horæ talem ca-

lorem conferuare: ergo si in medio illius horæ fingamus, talem causam corrumpi, poterit in reliqua parte illius horæ illum reproducere. Patet consequentia, quia, vt supponimus, habet virtutem ad attingendum talem effectum tota illa hora.

Respondetur ad primum, id repugnare ex parte effectus, quia licet in ordine ad diuinam potentiam in se sit possibilis, non verò in ordine ad potentiam naturalem agentis naturalis, quia sicut non potest eadem res diuisa transire de extremo ad extremum, nisi transire per medium, ita neque esse in pluribus temporibus discontinuis per non esse ipsius effectus. Repugnat etiã ex parte causæ efficientis, & materialis, licet enim retineat eandem virtutem sicut antea, tamen est alia conditio requisita, scilicet, vnitas, vel continuatio temporis, pendet enim in sua causalitate à tempore continuo.

Ad secundum, ignem habere virtutem ad conferuandum calorem tempore aliquo continuo, tamen si esset ex discontinuatione ipsius rei, non potest ex defectu conditionis, vt iam diximus. Et hæc de generatione, & corruptione.

Finis huius Tractatus.

The first part of the history of the world is the history of the human race. It is a history of the progress of the human mind, of the growth of human knowledge, of the development of human civilization. It is a history of the human spirit, of the human soul, of the human heart. It is a history of the human race, of the human family, of the human world.

The second part of the history of the world is the history of the human mind. It is a history of the human intellect, of the human reason, of the human imagination. It is a history of the human mind, of the human thought, of the human feeling. It is a history of the human mind, of the human soul, of the human heart.

The third part of the history of the world is the history of the human soul. It is a history of the human spirit, of the human mind, of the human heart. It is a history of the human soul, of the human thought, of the human feeling. It is a history of the human soul, of the human mind, of the human heart.

The fourth part of the history of the world is the history of the human heart. It is a history of the human spirit, of the human mind, of the human heart. It is a history of the human heart, of the human thought, of the human feeling. It is a history of the human heart, of the human mind, of the human heart.

LIBER PRIMVS

de Cælo.

Vniuersa de cælo, & mundo disputatio quatuor libris ab Aristot. comprehenditur. In duobus autem prioribus principaliter agit de cælo, in duobus verò posterioribus de elementis, quæ sunt partes cæli, nomine enim cæli (vt statim dicam) intelligo totum vniuersum: itaque in primo libro agit de numero, & qualitate partium vniuersi: in secundo autem libro agit specialiter de ea parte vniuersi, quam cælum dicimus, & de eius astris: in tertio verò libro agit de numero elementorum, & de modo, quomodo generari, quomodo corrumpi possint, tandem in quarto agit de qualitatibus elementorum, gravitate, inquam, & leuitate, in quibus omnibus more solito per disputationes materiam singulorum capitum pertractantes procedemus.

P R O O E M I V M.

Circa obiectum horum librorum supponendum est primò, vt se se aduertit D. Thom. in proæmio horum librorum, cælum tripliciter accipi, vt Aristot. docuit infra cap. 9. huius libri. Primò enim sumitur pro prima sphaera, quæ omnia ambit.

Nn

Secundò

Secundò sumitur pro aggregato ex omnibus corporibus cælestibus, in quo sensu dicimus, stellas omnes esse in cælo, non quidem in eadem cælisphæra, ut constat de Sole, & Luna, aliisque planetis, sed in globo corporum cælestium. Tertiò sumitur pro globo, tam corporum cælestium, quàm elementalium: & hoc modo usurpatur cælum ab Aristotele, cum hanc philosophia partem de cælo, & mundo inscripsit.

Advertendum tamen est in his omnibus, nomen, Cælum, a cælando dictum fuisse, ipi quantum alia cælat, & cooperit.

His suppositis, prima sententia est Syriani asserentis, obiectum horum librorum esse cælum, id est, corpus cæleste, prout tam primam, quàm alias sphaeras comprehendit. Hæc tamen sententia, si loquatur de obiecto principalitatis, verissima est, cum præcipuum, de quo Aristot. in hac materia agit, sit corpus cæleste: si tamen loquatur de obiecto ad æquato, optimè exploditur à Dino Thoma in prologo horum librorum, quia Aristot. quamvis in secundo libro præcipuè agat (ut dixi) de corporibus cælestibus, in primo tamen, tertio, & quarto capite multa tradit de elementis: ergo nequit esse obiectum ad æquatum.

Nec valet, si dicas, per accidens agere de alijs corporibus, in quantum influentia superiorum subijciuntur, nam contrà est: quia Aristot. non solum agit de elementis secundum hanc subiectionem, ad superiora corpora, sed de proprijs illorum motibus, & qualitatibus: quare Alexand. Alens. (ut loco citato docet D. Thomas) asserit, obiectum ad æquatum horum librorum esse totum univèrsum, secundum quod tam corpora elementalia, quàm cælestia comprehendit, secundum quod omnia ista corpora conveniunt in ratione corporis simplicis. Quæ etiam opinio ibidem rejicitur à D. Thoma, quia si ageret de his corporibus Aristot. secundum

etiam in quod conueniunt in ratione corporis simplicis, deberet tradere conuenientiam, quam huiusmodi corpora habent in qualitatibus omnibus, quam tamen non tradit, nisi solum in gravitate, & leuitate.

Quare dicendum est cum D. Thoma, obiectum horum librorum esse ens mobile ad vbi. Probatur, quia tractatus horum librorum est quedam pars totius philosophiæ naturalis: sed obiectum totius philosophiæ est ens mobile in communi: ergo obiectum huius partis debet esse ens mobile determinatum, non aliud, nisi mobile ad vbi, cum Aristoteles præcipue in his libris agat de partibus vniuersi in ordine ad motum localem, & ad vbi: ergo. Ex his patet, hos libros merito ab omnibus præferri, libris de generatione, & corruptione, quia in his agitur de ente mobili, prout se extendit ad motum localem: constat autem (ut dicitur 8. Physic.) motum localem præstantiorem esse omnibus alijs motibus, de quibus agitur in libris de generatione.



CAPVT PRIMVM.

Necndit in hoc capite Aristot. ostendere vniuersum esse perfectum. Tria agit; in prima parte docet, circa quæ versetur scientia de cælo, in secunda, vt vniuersum perfectum esse probet, agit de corpore, & de eius dimensionibus; in tertia id probat. Primò ergo dicit hanc propositionem: *Philosophia naturalis ferè plurima circa corpora, & magnitudines, atque horum affectus, motusve, & insuper circa principia, quæ sunt substantiæ talis, versari videtur*: intelligit autè Arist. per corpora, corpora de prædicamento substantiæ, per magnitudinem, quantitatem, & dimensionem; principia verò talis substantiæ intelligit materiam, & formam, ex per quibus integratur talis substantia corporea, habens illas affectiones, & motus, ita vt sit sensus; Philosophia naturalis ferè plurima agit de substantia corporea, & de affectionibus eius, vt de quantitate, & motu, & principijs illius substantiæ, scilicet materia, & forma. Circa quæ propositionem primò aduertendum est, solù dixisse, ferè plurima, quia in aliqua parte philosophiæ agitur de his, quæ per naturam non sunt possibilis, nec sunt substantiæ corporeæ, vt de vacuo, & infinito.

Secundò aduertendum est, quòd quamuis dimensionibus, quæ sunt affectiones substantiæ corporeæ, pertineant ad mathematicum, secundum quòd abstrahunt à materia sensibili; optimè tamen docet Arist. philosophiam agere de eisdem sub aliâ ratione, scilicet quatenus sunt affectiones substantiæ sensibilis. Adduxit autem Aristoteles illam propositionem, vt virtualem, vt indirectè inde intelligeretur, quòd cum hæc pars philosophiæ, quæ est scientia de cælo, sit ex principalioribus illius partibus, debet etiam versari circa corpora, & magnitudines, per quòd proponit ea, de quibus in toto hoc opere est acturus, scilicet de vniuerso, & eius corporibus.

In secunda parte, vt ostendat dignitatem huius obiecti, conatur ostendere, vniuersum hoc, de quo se acturum promittit, perfectum esse: ad quòd supponit definitionem corporis quanti, scilicet, quòd est diuisibile, in semper diuisibilia, & omni ex parte, vnde docet dimensionibus corporis, scilicet, quòd linea sit solùm diuisibilis quoad longitudinem; superficies ad longitudinem; & latitudinem: corpus autem ex omni parte, quantum ad omnem dimensionem est diuisibile.

Et si quæras, cur Arist. cum ali-

bis pò-

bi sæpè definiat quantitatem, hic etiam illam definiat. Respondetur, quod in cap. de quantitate definiuit quantum continuū, dicens: Quantum est, cuius partes copulantur termino communi, quæ datur per genus causæ formalis, cum formaliter cōstituatur aliquod in ratione quanti continui per copulationem partium in aliquo termino communi, & similiter in Metaphysica definiuit quantitatem continuam per effectum, scilicet, cuius est motus vnus; hic verò definiuit quantitatem per genus causæ materialis; quia phisici est, per materiam definire.

Qua supposita definitione, & dimensionibus quantitatis, in tertia parte probat, vniuersum hoc esse perfectum, quia vniuersum est corpus, & corpus habens omnem dimensionem, scilicet profunditatem, latitudinem, & longitudinem: ergo est perfectum: hoc autem probat, quia trina dimensio est omnis dimensio; tria enim, inquit, sunt omnia: hoc autem probat tripliciter. Primò, quia ex sententia Pythagoricorum omnia in his tribus continentur, scilicet principio, medio & fine. Secundò, quia ipsi tria, quasi omnia, Dijs suis offerebant. Tertiò, quia ipsa natura ducti, tres homines vocamus (inquit) omnia, cum dicimus: Ibi sunt omnes homines, secus verò si duo, tunc enim dicemus: Ibi sunt ambo, vel vterque.

Secundò probat vniuersum esse

perfectum, quia omne totum, & perfectum idem sunt, solum ratione materiæ differunt, quia omne commodatur quanto discreto, sicut tres vnitates dicimus esse omnes vnitates ternarij, totum verò quanto cōtinuo, vt tantam lineam, esse totam lineam: sed vniuersum est omne, & totum: ergo est perfectum. Tertiò id probat, quia illud est perfectum, quod omnia continet; vniuersum est tale: ergo. Quartò, quia illud est perfectum, quod in se totum, quod tactu alterius corporis non terminatur: sed vniuersum non terminatur tactu alterius corporis, vt probat infra cap. 9. vbi dicit, nihil esse extra caelum, ergo, &c.

Circa litteram.

S Olet circa hoc caput dubitari, vtrum vniuersum perfectum sit; hoc enim in hoc cap. Arist. ostendere intendit. In quo suppono primò, vniuersum multis modis sumi. Primò, pro aggregato ex creaturis, & Creatore: & hac ratione certum est esse perfectissimum, etiam perfectione infinita; quia illud est infinite perfectum, quod in se continet infinitam perfectionem: sed vniuersum, vt sic, continet infinitam perfectionem, Deum scilicet: ergo.

Alio modo sumitur, prout dicit aggregatum ex omnibus creaturis viuentibus, & non viuentibus. Tertiò modo, & ad propositum

Nu iij

Arist.

Aristot. sumitur pro aggregato ex corporibus simplicibus; & hoc utroque modo certum est, non esse infinitè perfectum. Primò, quia omnes creature, quæ in vniuerso sunt, sunt finitæ, & finitæ perfectionis: ergo aggregatio ex illis nequit esse infinitè perfecta. Patet consequentia, quia totum perfectum sumitur à suis partibus. Secundò, quia vniuersum, ut sic, non includit infinitam Dei perfectionem: ergo ut sic non est infinitè perfectum: querimus ergo, utrum sit absolutè perfectum vniuersum sic sumptum. Ratio dubij est, quia malum, & imperfectum idem sunt, cum malum sit priuatio perfectionis: sed vniuersum est quoddam malum, ergo imperfectum. Probatur minor, quia malum est ex quocumque defectu, sed in vniuerso sunt quamplurimi affectus defectuosi, ut monstra, ergo est malum, & imperfectum: tum, etiam, quia rationes Aristotelis non sunt efficaces, quia in primis illud principium, quod assumit, scilicet, tria sunt omnia, non esse vnde quaque verum; alijs verum esset dicere, tres digitos esse digitos omnes, & tria alba, omnia alba: quod constat esse falsum. Terriò, quia illud principium, quod supponit Aristoteles, scilicet, trinam dimensionem esse omnem dimensionem, nec ab ipso probatur, nec videtur posse probari: ergo est sine ratione dictum. Quartiò, quia inter omnia, quæ in vniuerso sunt, imper-

fectiora, sunt corpora: ergo malè, ex eo quòd sit corpus habens trinam dimensionem, probat esse perfectum.

His tamen non obstantibus, conclusio Aristotelis, scilicet, quòd vniuersum sit perfectum, verissima est, & præter rationes Aristotelis probari potest, quia tantum sunt tres gradus entis, scilicet esse, quod cuiuslibet enti conuenit: viuere: quòd còuenit viuentibus, intelligere, quòd conuenit Deo, & creaturis rationalibus, sed in vniuerso, ut constet, sunt omnes tres gradus entium: ergo vniuersum est perfectum.

Vnde ad priorem rationem dubitandi respondetur, quòd licet monstra, & alij defectus, qui sunt in vniuerso, sint defectus respectu causæ particularis, quæ ob suum defectum non potuit perfectum effectum producere, sicut crura propter defectum tibiæ solent causare defectuosam, & mancā deambulationem, non tamen sunt defectus respectu totius vniuersi, respectu cuius potius est perfectio, habere varietatem, & diuersitatem rerum, qualiter etiam corruptio, quæ est in corporibus vniuersi, non est illius defectus: tum etiam, quia corruptio necessaria est ad generationem, mediâ qua corpora in sua specie renouantur, & successione perpetua sunt.

Ad secundam optimè respondet Villalpandus, principium illud

Iud ab Aristotele traditum, scilicet tria sunt omnia, solum adduci vtopycum, & probabile, quod in aliquibus tenet, sicut qui diceret, hominem esse album: tenet autem in exemplo Aristoteles de dimensione corporis, ubi trina dimensio est omnis dimensio. Ratio autem, quare tantum sit triplex dimensio, ea est, quia quaelibet dimensio habet duas differentias positionis: sed tantum sunt sex differentie positionis: ergo tantum est triplex dimensio: non probauit autem Aristotel. hoc principium in hoc cap. quia à Mathematicis euidenter ostenditur, vt à Ptolomeo libro de dimensionibus, vt citat Simplicius super hoc capit. & per hoc patet ad tertiam rationem solutio.

Ad quartam respondetur, Aristotel. in hoc cap. solum voluisse ostendere, vniuersum esse perfectum, praesertim in ratione corporis; huc enim tendunt omnes rationes ab ipso allatae: hoc autem bene probat, ex eo quod sit corpus habens trinam dimensionem, quia quamuis in vniuerso entia corporalia sint minoris perfectionis alijs: sunt tamen perfecta in ratione corporis. Quod sufficit ad intentum Aristotelis.

Sed adhuc est dubium, vtrum vniuersum secundò, & tertio modo sumptum possit magis perfici. Respondetur, quod optime potest amplius perfici intensiue, & extensiue: intensiue quidem, quia potest Deus alias species sua natu-

ra perfectiores in vniuerso creare, cum qualibet data specie possit Deus aliam, & aliam perfectiorem facere. Similiter extensiue, quantum ad extensionem creaturarum, quia tam in indiuiduo, quam in specie posset Deus alias creaturas de nouo facere.

Addo tamen, vt latius dixi 3. Phisicor. hoc vniuersum, suppositis corporibus, quae de facto habet, non potuisse perfectiori ordine condici, vt docuit optime D. Thom. 1. par. quaest. 5. artic. 6. quia cum sub-lunaria corpora à caelestibus pendeant in sua conseruatione, oportuit necessario sub illis collocari ad recipiendum eorum influxum, & elementa grauiora necessario decuit esse sub leuioribus.

Et si secundò quæras, vtrum omnes tres gradus entium, qui sunt in vniuerso, sint de essentiali perfectione illius? Respondetur, quod viuere solum pertinet ad perfectionem accidentalem; quamuis enim nullum esset viuens: adhuc esset vniuersum perfectum, quantum ad perfectionem essentiali, quia haberet corpora simplicia, vni primæ causæ subordinata; reliqui autem gradus, scilicet, esse, & intelligere, sunt de perfectione essentiali vniuersi. De gradu essendi patet, quia alias nihil esset in vniuerso. De intelligere verò probatur, quia vniuersum non potest esse, nisi sit vna prima causa omnia disponens, & gubernans: gubernare autem, & dirigere, sunt opera intelligentis: ergo essentialiter

Nn iij requi r

requiritur gradus, qui est intelligere.

Et si inquiras tertio, utrum vniuersum, prout inuoluit Deum, & creaturas, sit perfectius Deo solo, eò quod inuoluit aliquid aliud præter Deum. Respondetur, non esse perfectius intensiue, quia omnes perfectiones creaturarum sunt in Deo eminenter, quodammodo extensiue potest dici perfectius, id est, sunt plura entia perfecta, absolutè tamen non est perfectius.

Sed contra hæc omnia obijcies, vniuersum esse quoddam ens per accidens, cum dicat aggregationem plurimum corporum totalium, & ex plurium substantiarum, ex quibus non potest fieri vnum per se, ex quo vltèrius videtur sequi, de vniuerso non posse esse aliquam scientiam, cum sit ens per accidens. Respondetur, quod, vt bene notauit Aristot. ea quæ sunt plura in vno genere, possunt esse vnum in alio: vt ex pluribus lineis, quæ sunt plura in genere quantitatis continuæ, sit vnum in genere quantitatis discretæ, scilicet vnus numerus; sic etiam ex pluribus corporibus, quæ sunt plura in genere substantiæ, sit vnum per se in situ, & ordine partium, in quantum omnes partes vniuersi retinent inter se situm, & ordinem sibi à natura præfixum: sicut etiam ex pluribus hominibus fit vnus exercitus, secundum quod suum debetum ordinem, & subordinationem retinent.

Caput I I.

Postquam Aristot. cap. præcedenti vniuersum esse perfectum ostendit, agit iam de partibus huius vniuersi, & in hoc cap. intendit probare, præter quatuor corpora simplicia, quæ sunt elementa, dandum esse aliud quidam corpus simplex, distinctum à quatuor elementis. Duo agit, primò supponit aliqua. deinde secundò ex illis probat suum intentionem.

Prima ergo suppositio est, quod omnia corpora naturalia, magnitudines ve, sunt per se loco mobilia. Probat hanc suppositionem, quia omnia corpora naturalia, & magnitudines habent naturam: sed natura est principium motus, & quietis, ergo omnia illa sunt per se loco mobilia. Secundò supponit, triplicem esse motum, scilicet rectum, circularem, & ex his mixtum, scilicet gyratiuum: hoc autem probat ex eo, quod triplex est linea, quæ est spatium, per quod potest fieri motus, scilicet recta, circularis, & ex his mixta, scilicet gyratiua; motum autem rectum subdiuidit in motum sursum, & deorsum. & definit vtrumque, dicens, motum sursum esse à medio, deorsum verò ad medium. Tertio supponit, quod sicut sunt quædam corpora simplicia, scilicet ignis, & terra, & quædam mixta, scilicet ea, quæ ex his componuntur, ita

motus;

motus, alius est simplex, qui tribuitur corpori simplici, & mixtus, qui tribuitur corpori mixto. Quinto supponit, quod quando vnus motus conuenit alicui corpori præter naturam, vel violenter, idem motus debet esse alteri corpori naturalis: Quinto supponit, quod vni non plura, sed vnu contrariatur.

His suppositis, sic probat suum intentum Aristot. quia motus circularis est violentus, aut præter naturam elementi, vt patet de igne, qui præter naturam mouetur ad raptum orbis lunaris: ergo dandum est aliud quantum corpus simplex, cui talis motus sit naturalis. Secundò, quia cuiuslibet corpori simplici debet contrariari sibi motus simplex; sed motus circularis non conuenit secundum naturam elementis: ergo alteri corpori. Quod non elementis, patet, quia quodlibet elementum habet suum motum simplicem. Præterea, quia vni multa contrariarentur; quia motui deorsum naturali terre contrariatur motus sursum: ergo si etiam contrariatur illi motus circularis, quia esset naturalis igni, v. g. iam vni multa contrariarentur contra quintam suppositionem.

Ad tertiam rationem supponit, motum circulem esse perfectionem omnibus alijs. Quod probat, quia motus diuersificatur per lineas: in quibus sunt, qualiter rectus differt à circulari, quia sit per lineam rectam, non per circulem,

sed lineam circulem, per quam sit motus circularis, est perfectior linea recta, quia lineæ circulari non potest fieri additio, sicut lineæ rectæ: ergo.

Secundò supponit motum circulem, cum perfectior sit alijs motibus, esse etiam priorem, quia perfectiora, licet non ordine naturæ, sunt priora imperfectioribus ordine perfectionis. Ex quibus sic arguit: Motus circularis est prior omnibus alijs motibus, ergo supponit subiectum prius subiecto aliorum motuum rectorum: ergo non potest subiectari in illis secundum naturam: ergo dandum est corpus aliud prius, cui conueniat huiusmodi motus. Et hæc de litera.

Dubia circa literam.

Primum dubium se se offert, quare Aristoteles demonstret calum esse, quia omnis scientia supponit de suo obiecto, an sit, & quid sit, vt docet Aristoteles primo Posterior. cap. 1. ergo malè in hoc capite probat illud esse, & in capite tertio sequenti agit de quid esse illius, Respondetur tamen, calum non esse obiectum horum librorum, sed partem subiectiuam illius, scilicet entis mobilis in commune de partibus autem bene potest demonstrari, an sint, & quid sint, vt docet Aristot. 1. Posterior. cap. 23. sicut scientia de homine demonstrat, ipsum constare corpore, & anima.

Nn v

Circa:

Circa primam suppositionem, qua Aristot. docet, omnia corpora naturalia, magnitudines esse per se loco mobilia, est dubium, quid intelligat per corpora naturalia, & quid per magnitudinem. Quidam enim dicunt, per corpora naturalia intelligere elementa, per magnitudines celos, quia sunt magna corpora huius universi: hæc tamen expositio non placet, quia Aristot. in hoc capite intendit demonstrare esse celum, ergo in prima suppositione non potest supponere, esse celum mobile, cum hic supponat esse celum.

Alij dicunt, per corpora naturalia intelligere elementa, & celum, per magnitudines vero dimensiones, ut lineam, vel superficiem. Quæ expositio placet D. Thomæ hic lectione 3. ut tamen vera sit, advertendum est, dupliciter posse dici, magnitudines per se esse loco mobiles; uno modo, ita ut particula, per se, appellet supra mobiles, & sit sensus, magnitudines esse rationes sui, & per se ipsas mobiles, & in hoc sensu est falsa expositio, cum accidentia, ut sunt dimensiones, moveantur per accidens ratione subiecti: alio modo, ita ut particula, per se, appellet supra verbum sunt, ita ut sit sensus, per se sunt loco mobiles absolute: prout abstrahit ab esse mobiles per se, vel per accidens, & sic verum est, illas esse per se loco mobiles absolute, & sic debet intelligi D. Thomas, per quod patet malè Villalp. hic q. 1.

hanc expositionem ut falsam, rejicere.

Tandem tertia expositio, esse potest, quod nomine magnitudinis non intelligat aliud, quam per corpora naturalia, ita quod sint synonyma: qui modus dicendi frequens est in Aristot. qualiter 2. Physicæ definiens naturam, dixit esse principium motus, & quietis eius, in quo est primò, & per se, & non secundum accidens: constat autem idem esse per se, quod non secundum accidens, sed adhuc videtur esse falsa prima suppositio sic intellecta. Primò, quia celum empyreum, quod dicitur beatorum sedes, est corpus quoddam naturale, & tamen non est loco mobile se, secundum omnes Theologos, ut testatur D. Thomas 1. part. quaest. 66. art. 3. Secundò, quia terra est ens naturale secundum se totam, non tamen est secundum se totam loco mobilis, nisi solum secundum partes. Tertiò, quia ratio Aristot. quod id probat, videtur esse à superiori ad inferius, quia hoc probat ex eo quod habet naturam: natura autem non solum est principium motus localis, sed aliorum motuum.

Sed nihilominus suppositio Aristoteles est vera. Pro cuius intelligentia advertendum est, quædam corpora naturalia, qualia sunt elementa, moveri ad acquirendam propriam perfectionem, quia conservantur in determinato sito universi, alia vero moveri ad comuni-

candum alijs suam influentiam, media qua conseruantur.

Præterea aduertendum est, quædam esse corpora per se loco mobilia à principio intrinseco actiuo, vt sunt viuientia, quædam verò à principio passiuo, vt cælum, quod licet actiue moueatur ab intelligentia, à principio tamen intrinseco, solum mouetur passiuè.

Tertio aduertendum est, id debere intelligi de motu secundum se totum, vel secundum partem solum, qualiter animalia quædam, quæ conchilia appellantur, sunt per se loco mobilia solum secundum partes, quia cum augeantur, secundum partes auctas localiter mouentur.

Vnde ac primam rationem in dubij respondetur, Aristotelem non cognouisse aliud cælum, sed illud à Theologis assignatur, ipse autem loquitur de corporibus ab ipso cognitis.

Et si dicas: Illud est ens naturale: ergo habet principium motus, respondetur, quod de ratione naturæ solum est, quod sit principium motus, vel quietis, vt in cælo empyreo, quamuis cum hac quiete habeat vniiformiter influere, vt docet D. Thoma. 1. part. quæst. 65. art. 3.

Ad secundum respondetur, terram non solum esse mobilem secundum partes, quod de facto contingit, sed secundum se totam, nam si tota à centro mundi abstraheretur, ad idem centrum naturaliter tendi-

ret, quia ibi est situs suæ naturalis conseruationis.

Ad tertium respondetur, quod illa forma argumentandi est bona ratione materiæ, quia quamuis natura non solum sit principium motus localis, sed aliorum, tamen, quia vbicumque reperiuntur alij motus, etiam reperitur localis: bene valet ratione materiæ, quia si corpus aliquod habet naturam, necessario est loco mobile, qualiter etiam Arist. 2. de anima, probat, in animalibus semper reperiri sensum tactum, ex eo quod reperitur sensus. Quæ probatio optima est ratione materiæ, quia in nullo est sensus, vbi non sit tactus.

Circa secundum suppositionem, qua dixit Aristot. triplicem esse motum, scilicet, rectum, & circularem, & ex his inixtum, est dubium. Primo, quia Aristot. probat, motum circularem, & rectum differre essentialiter, ex eo quod fiant per diuersas lineas, scilicet circularem, & rectam: constat autem, lineam circularem, & rectam non differre specie: ergo non bene id probatur. Imò ex hoc sequitur, motum sursum, & deorsum non differre specie, quia sunt per eandem lineam. Respondetur, quod licet linea recta, & circularis non differant in ratione lineæ, differunt tamen in ratione habitudinis; quia diuersam habitudinē dicit linea recta ad sua extrema, ab ea, quam dicit linea circularis. Similiter, quamuis motus sursum, & deorsum fiant

fiant per eandem lineam, est tamē diuerſa habitudo, in quantum motus ſurſum habet pro termino ad quem partem ſuperiorem, deorſum verò inferiorem.

Obijcies, quia Ariſtotel. in hac probatione non probat differentiam motuum ex termino ad quē, à quo ſumitur diſtinctio, ſed ex lineis: ergo non bene id probat. Reſpondetur, quòd ex diuerſa habitu- dine lineæ ſequitur, bene illos mo- tus habere diuerſum terminum ad quem, & idē in idē coincidit.

Circa definitiones, quas Ariſtot. adducit de motu recto, & circulari, eſt dubium. Primò, quia non videtur rectè definitus motus circularis, quòd ſit circa medium mundi; quia motus rotæ non eſt circa medium mundi. Reſpondetur, Ariſtot. loqui de motu corporum ſimplicium; qualis non eſt rota, quia motus epicyclorum ſunt circulares, non tamen circa medium, & ſunt motus corporis ſimplicis, ſcilicet cæli, ſunt autem epicycli circuli quidam, quos quidem mathematici imaginantur intra groſſitiem orbis cæleſtis. Reſpondetur, in primis, non ſatis eſſe certum apud Mathematicos, tales eſſe epicyclos, & quamuis ſint, tempore Ariſtotelis non erant cogniti, ſed poſtea Ptolomæus illos excogitauit. Nec placet ſolutio Villalpandi, ſcilicet, quòd huiusmodi motus facti in epicyclis ſint circa medium ſuum, licet non circa medium mundi: quia contra eſt. Nam

poſtquam Ariſtot. dixit, motum ſurſum eſſe à medio, & deorſum ad medium, definiuit circula- rem, quòd ſit circa medium: ergo eodem modo loquitur de medio in his vltimis verbis, & in prioribus; ſed in illis loquitur de medio mundi: ergo, & in his poſterioribus.

Tandem circa diuiſionem aduerſe, motum diuidi in rectum, & circularē diuiſione generis in ſpecies ſubalternatas, non infimas, quia motus rectus ſubdiuiditur in ſurſum, & deorſum, circularis verò in motum ab Oriente in Occidens, & ab Occidente in Oriens; quia quamuis fiant per eandem lineam, habent tamen diuerſam habitu- nem, ſicut motus ſurſum, & deorſum.

Sed ſi dicas, motus mixtus eſt, qui componitur ex alijs motibus, ſed motus cæli componitur ex tar- do, & veloci; qui iuxta polos eſt tardus, iuxta æquinoc- tium velox: ergo non eſt motus ſimplex. Reſpondetur vocari ab Ariſtotele ſimplem, quia non componitur ex motibus ſpecie differentibus, vt circulari, & recto. Ratio autem, quare ille motus ſit ſimplex, eſt, quia tarditas, & velocitas, ſolum ſunt inodi vnus, & eiufdem motus ſimplicis, qualiter eſt motus deorſum terræ, qui ſimplex eſt, & velocior eſt in fine, quàm in principio.

Et ſi quæras, quare Ariſtot. definiuit, tam motum rectum, quàm circula- rem penes ordinem ad me-
dium

diu mundi. Respondetur, rationem esse, quia omnis motus dicit ordinem ad aliquod quiescens: & sic omnes motus corporum simplicium dicunt ordinem ad centrum mundi.

Est etiam dubium circa id quod docet Aristot. quia vni vnum, & non multa contrariantur; quia contra est, quia liberalitati contrariatur prodigalitas, & auidia, & similiter coloribus medijs contrariantur extremi colores, vt viridi contrariatur album, & nigrum. Respondetur, quod vt extremum medio bene possunt vni plura contrariari, vt in exemplis adhibitis, non tamen vt extremum extremo, qualiter album solum contrariatur nigro.

Sed contra, quia lacti contrariatur amarum, & nigrum, etiam, vt extremum extremo. Respondetur, non esse secundum eandem rationem; sed lacti, in quantum album est, contrariatur nigrum: in quantum verò dulce est, contrariatur amarum.

Vltimò, dubium est circa id, quod in calce capituli docet Aristot. quod nullum violentum est perpetuum; quia contra est, quod media regio aeris semper est frigida propter antiparistatim, & ignis semper mouetur circulariter. Similiter terra, quæ natura sua postulat esse sub aqua, per plures partes est discooperata. Respondetur, quod terram esse discooperatam alicubi, & ignem circulari-

ter moueri, non est simpliciter violentum, sed aliquo modo à natura vniuersali: in terra quidem propter viuientium conseruationem, in igne verò, eò quod rapitur à motu naturali orbis lunaris. Similiter mediam aeris regionem esse frigidam, aliquo modo esse à natura vniuersali propter bonum videntis, vt ibi pluuia, & aliæ meteorologicæ impressiões ad vniuersi bonum pertinentes fiant.

Tandem hoc loco aduertendū est, id, quod 4. Physicorum adnotauit, scilicet reuera mentem Aristotelis esse, motum circularē specie disterre ab alijs, quia ex diuersitate specifica illius motus ab alijs, probat dandum esse quintum corpus simplex diuersum specie ab elementis, quæ mouentur motu recto.

DISPUTATIO I.

De motu corporis simplicis.

CVM Aristot. hoc loco ex diuersitate motuum simplicium probet, dandum esse aliud corpus simplex præter quatuor elementa, oportet breuiter de natura motus simplicis agere.

Quæstio prima. Vtrum motus simplex debeat tribui corpori simplici, & mixto mixto.

Mouetur hæc quæstio circa verba illa Arist. quod motus simplex

simplex debet tribui corpori simplici, & mixtus mixto. Pro huius autē intelligentia aduertendum est primo, corpus simplex vocari ab Aristot. illud, quod ex elementis non componitur, licet componatur ex materia, & forma, ut ignis, & terra, corpus verò mixtum illud est, quod ex pluribus elementis componitur.

Secundò notandum est, motum mixtum multis modis sumi, & motus simplex totidem sumitur, cum per contrapositionem ad mixtum dicatur. Primò aliquis motus dicitur mixtus, quia componitur ex recto, & circulari, qualis est motus gyrationis: simplex autem huic oppositus erit motus non gyrationis, sicut rectus, vel circularis: & certum est, Aristotel. non loqui de motu mixto, qualis est motus gyrationis, oppositus simplici, quia corpus mixtum naturaliter potest moueri motu non gyrationis, sed perfectè recto, ut patet de magna mole ferri descendente à loco sursum ad locum deorsum, quæ à ventis non potest agitari, ut faciat motum gyrationis, qualiter agitur papyrus propter sui parua gravitatem.

Secundo modo dicitur mixtus motus, quia componitur ex tardo, & veloci: simplex autem huic oppositus erit motus uniformis in velocitate. Et certum est, Aristotel. non loqui in illa suppositione de motu mixto, vel simplici, hac ratione, quia corpus simplex mouetur mo-

tu mixto, hoc modo, ut patet de motu calorum, qui versus polos tardior est, quam versus æquinoctium, & motus naturalis terræ velocior est in fine, quam in principio. Tertiò dicitur motus mixtus, quia componitur ex pluribus motibus: ut motus progressus animalis, motus verò simplex dicitur, quia non componitur ex pluribus motibus; & neque Aristot. loquitur de hoc motu simplici, vel mixto, quia mixtum, ut lapis, cum deorsum fertur, mouetur motu simplici. Quare motus simplex propriè sumitur pro illo, qui est à principio simplici, & per spatium simplex, ita quòd deficiente aliquo istorum, non sit propriè motus simplex, quia motus localis, & dicitur ordinem ad principium efficiens, & ad spatium, per quod fit, & ita simplex dicitur ex parte utriusque.

His suppositis, patet Arist. suppositionem verissimam esse, scilicet quòd corpus simplex moueatur motu simplici, & mixtus mixto. Primum patet, quia motus corporum simplicium sunt à principio simplici, scilicet à natura, & substantia propria simplici, id est, non mixta, licet illa sit principium actuum, vel passiuum, & per spatium simplex, scilicet per lineam rectam, vel circula rem: ergo sunt motus simplices, hoc tamen intellige, si relinquuntur propriæ naturæ, quia per accidens potest contingere, quòd corpus simplex moueatur motu mixto, scilicet

non

non per lineam simplicem, vt quando particula terræ ad centrum veniens à ventis in gyrum agitur: hoc autem est per accidens, quia relicta propria nature descendere per lineam rectam, & breuissimam, quia natura in his, quæ potest, semper facit melius.

Secundum verò, quod inquiri quaestio, scilicet, quod corpus mixtum non possit moueri motu simplici, etiam patet, quia talis motus non potest esse à principio simplici, est enim à propria natura, siue actiue, siue passiue hoc fit, quæ non est simplex, sed mixta: ergo motus simplex necessario debet tribui corpori simplici, & mixtus mixto.

Sed dices: Quodlibet mixtum solum mouetur ab elemento prædominante, sed illud est simplex: ergo mouetur à principio simplici: ergo cum rursus moueatur per spatium simplex, mixtum tunc poterit moueri motu simplici. Respondetur, quod licet principaliter dicatur moueri ab elemento prædominante, quia mouetur ad locum illius, adhuc tamen mouetur à principio mixto, quia mouetur à propria natura, quæ mixta est, elementa in se virtualiter continente.

Sed quæres, utrum motus simplex, & mixtus, distinguantur specie. Et primo certum est, motum mixtum ex tarditate, & velocitate, non distingui specie à motu simplici illi opposito, scilicet, à motu

uniformi in velocitate, vel tarditate. Cuius ratio est, quia velocitas, & tarditas sunt quidam modi accidentales motus, sicut esse remissum, vel intensum in qualitatibus: differentia autem specifica essentialis non potest sumi ex accidenti.

Similiter, certum est secundò, motum mixtum, scilicet, gyrationum, specie distingui à motu simplici illi opposito, scilicet à motu facto per spatium simplex, vt per lineam rectam, & circularē, vt clare docuit Arist. in hoc capite.

Solum est difficultas de motu mixto, & simplici ratione principij, scilicet, quæ proveniat à principio mixto. Et respondetur, quod non, vt patet de motu sursum ignis, & lapidis deorsum. Probatur, quia motus specificatur ex termino ad quem formaliter sumpto, hoc est, vt ordinem dicit ad terminum à quo: sed in utroque illo, motu est idem terminus à quo, & ad quem: ergo sunt eiusdem speciei; per eandemque rationem patet, motum esse violentum, vel naturalem, non esse differentiam essentialē, & specificam, sed solum accidentalem, quia eiusdem est speciei motus sursum naturalis ignis, & motus sursum terræ violentus. Secundò, quia si ex eo quod sit violentus, vel naturalis motus, sumitur aliqua diuersitas specifica motus, sequitur calorem aquæ, & ignis differre specie.

Patet,

Patet, quia alteri est naturalis, alteri verò violentus.

Quest. II. Verum corpus simplex tantum moueatur vnico motu simplici

Ratio dubitandi est primò, quia aer mouetur motu naturali simplici à terra vsque ad suum locum, & à concavo Lunæ vsque ad suum locum. sed hic non vnicus, sed duplex simplex motus est: quia vnus est sursum, alter verò deorsum: ergo corpus simplex non tantum mouetur vnico motu simplici.

Secundò, quia idem corpus simplex potest habere duplicem motum naturalem alterationis, vt si calor, & humiditas aeris intendatur vsque ad gradum naturalem aeris: ergo etiam poterit idè corpus simplex moueri duplici motu locali simplici.

Tertiò, quia motus rectus simplex, vt Aristot. docuit, tantum est duplex, scilicet sursum, & deorsum: sunt autem quatuor corpora simplicia elementalia: ergo nò cuilibet corpori simplici debetur suus motus simplex.

Quartò, quia non cuilibet corpori mixto debetur suus motus mixtus distinctus ab alio, quia lapis, & ferrum eodem motu deorsum mouentur ad locum deorsum: ergo neque cuilibet corpori simplici.

His tamen non obstantibus, di-

cendum est, vnicum corpus simplex tantum moueri vnico motu simplici: ita apertè tenet Arist. in hoc capite. Et certum est, debere intelligi de motu naturali solùm, non præternaturali, vel violento, qualiter ignis mouetur duplici motu simplici, altero naturali sursum, altero præter naturam circulariter ad raptum orbis lunaris. Sic autem intellecta suppositio Arist. verissima est, quia quodlibet corpus simplex tantum habet vnica naturalem inclinationem ad vnica determinatum locum: ergo tantum mouetur vnico naturali motu. Secundò, quia in quolibet corpore simplici tantum est vnica qualitas motiua naturalis: ergo tantum est vnicus motus naturalis.

Sed dicès: Etiam in viucentibus est vnica qualitas motiua, scilicet vna potentia loco motiua, & tamen mouetur diuerso genere motuum versus hanc, vel illam partem. Respondetur esse diuersam rationem, quia viucentia operantur media imaginatione, à qua possunt trahi modò ad hunc locum, postea verò ad alium: at corpora simplicia mouentur instinctu naturæ: & sic, cum illorum natura sit determinata ad vnum, naturaliter solùm vnico motu mouentur.

Sed dicès, qualitates secundæ, vt grauitas, & leuitas oriuntur ex primis qualitatibus; sed in corporibus simplicibus sunt plures primæ qualitates: ergo & possunt esse plures

plures qualitates motuæ naturales, atque adeò plures motus locales naturales. Respondetur, qualitates motuæ secundas non oriri ex vni- ca dumtaxat prima qualitate, sed solum oriri ex mixtione primarum qualitarum, tamquam à causa dis- tincta, ita quòd talis qualitas secun- da postulet ad suum esse talem, vel talem dispositionem in subiecto, secundum commixtionem prima- rum qualitarum, non secus quam lumen supponit ad sui introductio- nem in subiecto diaphaneitatem, sicut quādam materialem disposi- tionem, quamvis autem in elemen- to sint plures primæ qualitates, so- lum tamen est vnica commixtio il- larum, à qua per se, & immediatè oritur vna qualitas motuæ.

Ad rationes dubitandi respon- detur. Ad primam, quòd motus, quo aer mouetur à terra vsque ad suum locum, & ab igne, vsque ad eundem locum, possunt confide- rari dupliciter, vno modo in esse motus, & sic, vt bene probat argu- mètum, est duplex motus simplex, quia est duplex terminus ad què for- maliter sumptus, hoc est, prout di- cit ordinem ad duplicè terminum à quo. Alio modo possunt consi- derari in esse motus naturalis, & sic tantum est vnicus motus. Cuius ra- tio est, quia motus, vt naturalis, specificatur ex termino vt naturalis est: vnde quia vterque motus ten- dit ad locum aeris sub eadem ratio- ne naturalis, solum est vnicus mo- tus in ratione naturalis.

Sed obijcies: Motus specificatur penes terminum ad quem, vt dicit ordinem ad terminum à quo; sed est duplex terminus à quo, ergo est duplex motus. Respondetur, quòd terminus à quo correspondens mo- tu, in quantum naturalis est, solum est locus, à quo fit motus, secun- dum quod violentus est, qua ratio- ne est ineompossibilis cum termi- no ad quem, & scilicet locus, vt naturalis est, & sic, quamvis ter- mini à quo in illis duobus moti- bus sint diuersi in esse loci, non ta- men in esse violenti, qua ratione sunt termini à quo illius motus, vt naturalis est, & ita solum est vnicus motus in ratione natura- lis.

Sed obijcies secundò: Ergo iam ille duo motus contrarij sursum & deorsum naturales sunt eidem cor- pori simplici. Respondetur, quòd motus contrarij ad loca contraria non possunt esse naturales eidem corpori, quia ille motus est natu- ralis, qui est ad locum naturalem; non possunt autem duo loca con- traria esse naturalia eidem corpori, tamen motus contrarij ad eundem locum bene possunt esse naturales eidem corpori, quia licet contra- rij sint, tendunt ad naturalem lo- cum, præsertim quòd in esse natu- ralis non sunt contrarij, quia non sunt duo, vt probaui, contrarietas autem supponit distinctionem, & dualitatem.

Ad secundam rationem respon- detur, esse disparem rationem de
 Oo motu

motu alterationis, & de motu locali, quia non repugnat, elementum habere duas qualitates naturales, & ita non repugnat, quod simul moueatur secundum utramque qualitatem usque ad gradum sibi connaturalem, repugnat tamen habere duo loca diuersa naturalia, & sic repugnat, habere duplicem motum naturalem ad diuersa loca.

Ad tertiam respondetur, verum esse, in ratione motus recti solum esse duas species motus, scilicet sursum, & deorsum, tamen in ratione naturalis sunt quatuor motus naturales, sicut sunt quatuor loca naturalia, ita quod motus aque a centro ad suum locum, & motus aeris a centro ad suum locum sunt diuersi motus in esse naturalis motus. Ratio est, quia motus specificatur ex termino adque ultimo, in esse autem naturalis, ultimus locus aque est situs ipsius, & ultimus aeris est situs ipsius aeris; & ita in ratione naturalis illi motus differunt specie, non tamen in ratione motus in se, quia ut sic solum est respectu illorum vnicus terminus ultimus, scilicet supremum mundi.

Sed dices: Ergo motus violentus ignis a caelo usque ad aquam, & a caelo usque ad aerem sunt diuersi in esse violenti, quia sunt diuersa loca violenta illi. Respondetur, negando sequelam, quia non sunt termini ultimi; quia ultimus locus violentus respectu ignis solum est terra; in moribus vero naturalibus aeris, & aque, sunt

duo ultimi termini respectu illorum.

Ad quartum respondetur, esse diuersam rationem de mixtis, & simplicibus, quia mixtum mouetur ab elemento predominante, & quia in duplici mixto specie diuerso est vnicum elementum predominans, ut in lapide, & in ferro, potest duplex mixtum specie diuersum moueri vnico motu; corpora vero simplicia necessario postulant diuersa loca, & ita postulant diuersum motum locale simplicem.

Sed obijcies; Motus recti possunt esse naturales corporibus mixtis: ergo etiam motus circularis poterit esse naturalis. Respondetur esse diuersam rationem, quia mixtum mouetur ab elemento predominante: motus autem circularis caeli nulli elemento est naturalis: unde, quia nullum mixtum componitur ex caelo, motus circularis caeli nulli mixto potest esse naturalis, sicut motus elementorum. Et haec de hac quaest. & cap.

Caput III.

Postquam Aristot. superiori capite egit de quaestione, an sit corpus caeleste, optima methodo agit in hoc capite de quaestione quid sit? Et ita intentum illius est, ostendere, caelum neque esse graue, neque leue, generabile, vel corrupti-

ruptibile, augmentabile, vel alterabile. Duo agit. In prima parte aliqua ut certa supponit, in secunda vero rationibus, & auctoritatibus intentum suum probat.

Primò ergo supponit, graue illud esse, quod ad medium fertur; leue, quod fertur à medio. Supponit secundò definitiones grauissimi, & leuissimi, dicens, leuissimum illud esse, quod supereminet omnibus, quæ sursum feruntur: grauissimum verò, quod subest omnibus, quæ deorsum feruntur. Quibus suppositis definitionibus, probat, cælum non esse graue, vel leue, quia cælum non fertur à medio, neque ad medium: ergo neque graue, neque leue est. Antecedens verò probat, quia motus à medio est naturalis igni, motus ad medium est naturalis terræ: ergo non potest esse naturalis cælo. Consequentiam probat ex traditis superiori capite, quia cuiuslibet corpori simplici debet competere suus motus simplex: ergo non potest moueri motu sursum, vel deorsum, quia vel moueretur secundum naturam; & hoc non, quia hi motus sunt alijs corporibus naturales: vel præter naturam; & hoc non, quia sumouetur, v. g. deorsum præter naturam, ergo contrarius motus est illi naturalis: hoc autem esse non potest, quia talis motus est alteri corpori naturalis, scilicet igni, ergo.

Probat deinde, cælum neque esse generabile, neque corruptibile.

Primò, quia id est maxime consentaneum perfectioni corporis cælestis; sed quia hæc ratio solum sumitur à congruitate. Probat deinde alia ratione, quia omne, quod generatur, vel corrumpitur, habet contrarium, quia generatio incipit à priuatione ad formam, corruptio verò à forma ad priuationem: priuatio verò, & forma contraria sunt, id est, opposita (hoc enim intelligit nomine contrarietatis:.) sed cælum non habet contrarium: ergo non est generabile, neque corruptibile. Minorem probat, quia ea, quæ sunt contraria, habent motus contrarios; sed motui cæli nihil est contrarium, ut capite sequenti promittit se ostensurum: ergo. Probat deinde, cælum non esse augmentabile, quia omne, quod augetur, est generabile, & corruptibile, quia augmentatio supponit generationem alicuius nouæ substantiæ aduenientis, & corruptionem alterius, ex quo facta est de nouo hæc substantia adueniens, sed cælum neque est generabile, neque corruptibile: ergo nec est augmentabile. Quod vero non sit alterabile, probat, quia omne quod alteratur, augetur, ut patet inductione; sed cælum non augetur: ergo nec alteratur.

Ex quibus colligit, cælum perpetuum esse, impassibile, & insensibile, neque augmentum, neque decrementum habens: quod confirmat testimonijs: omnes enim

(inquit) tam Græci, quàm barbari, Dijs locum sempiternum, & incommutabilem assignant, sicut & ipsi sempiterni sunt. Quod rursus traditione confirmat, numquam enim (inquit) à maioribus accipimus, cælum aliquàlter corruptum, vel auctum fuisse.

Dubia circa literam.

Circa illa verba Aristot. quibus definiuit, leuissimum illud esse, quod supereminet omnibus, quæ sursum feruntur, notandum est cum D. Thoma hic lectione 5. intelligi debere inter ea, quæ sursum feruntur, aliàs ex illis verbis colligi posset, cælum esse leuissimum, quia omnibus, quæ sursum feruntur, supereminet.

Secundò notandum est, Aristot. hoc capite, dum ostendit cælum non esse alterabile, non loqui de alteratione perfectiua, sed corruptiua, quæ solum corporibus corruptibilibus inest, & hoc patet exemplis ab Aristot. adhibitis, ponit enim exemplum in sanitate, & languore.

Dubium præterea est circa id, quod docet Arist. cælum non esse augmentabile, quia cōtrā est, quod augmentatio fit secundum quantitatem; quantitas autem cæli est eiusdem rationis cum quantitate horum inferiorum, quia habet eandem rationem extensionis; sed quantitas horum inferiorum po-

test fieri maior per additionem: ergo quantitas cæli, atque adeò cælum augeri potest. Respondetur, quod licet quantitas cæli secundum se augeri possit, quia secundum se est eiusdem rationis cum nostra, non tamen prout in cælo, qualiter neque prout in cælo diuidi potest, licet secundum se sit diuisibilis.

Vltimò est dubium circa id, quod docet Aristot. quod omne alterabile est augmentabile, quia vel loquitur de alteratione perfectiua, & ita cælum erit augmentabile, quia alteratur alteratione perfectiua, vel de corruptiua, & sic elementa sunt alterabilia, non tamen augentur. Respondetur, loqui de alteratione corruptiua, elementa autem, quantum non propria augmentatione, quæ est per intus sumptionem; augeantur, tamen impropria, scilicet per iuxta positionem augentur.

DISPUTATIO II.

De natura cæli.

DE natura cæli plurima mathematici tradunt; quæ, vt bene probentur, eorum principijs indigent, & ita hoc locotantum ea, quæ à Philosophis communiter tradi-

solent, disputabo.

(?)

Quæst. I. Vtrum cælum sit graue, vel leue, vel aliam habeat qualitatem?

DVo inquit hæc quæstio, vnum est, vtrum cælum sit graue, vel leue: alterum verò, quam habeat qualitatem, de quibus suo ordine dicendum est. Circa primum est ratio dubitandi. Primum ex principijs Aristot. quia illud, quod rarefit, & condensatur, est graue, vel leue, secundum Aristot. 4. Physicorum: sed cælum habet quasdam partes rariores alijs, alias verò densiores, vt patet de stellis, quæ densiores sunt ipso cælo, & fateretur idem Arist. 2. cæli, cap. 7. ergo cælum est graue, vel leue.

Secundò, quia secundum ipsum graue est, quod fertur ad medium; sed planetæ aliquando accedunt ad medium, & aliquando recedunt, vt patet de Sole: ergo, &c.

Tertiò, quia quædam ex stellis dicuntur cadentes, sed non ob aliud, nisi quia versus nos aliquo modo cadunt: ergo.

Quartò, quia si alicui orbi cælesti adderetur aliquod astrum, non posset intelligentia illud portare, vt Aristot. docet 2. cæli, sed huius non potest esse alia causa, nisi quia astrum habet nouam grauitatem: ergo est cælum graue.

Ex ratione probatur, quia si aliqua pars cæli poneretur in his inferioribus, naturaliter ascenderet ad locum sui totius, quia ibi est suus

locus naturalis, omne autem naturaliter mouetur ad suum locum naturalem; ergo illa pars habet leuitatem, ratione cuius ascendit ad suum proprium locum, sicut ignis.

Propter hæc argumenta Homerus 1. Odissæ, quem postea secuti sunt Empedocles, & Anaximander, asseruerunt, cælum re vera graue esse, dicebant tamen, non tuere in hæc inferiora quia velociter circumfertur, sicut aqua in vase velociter in gyrum moto, non cadit, vel quia ab intelligentia detinetur.

Verumtamen hæc sententia à Peripateticis Philosophis, vt fabulosa, & commercia reiicitur, quamuis enim sit possibile corpus aliquod graue per tempus aliquod breue deinde detineri, propter velociter in gyrum agitationem: tamen quòd perpetuo ibi detineatur, est impossibile, nullum enim violentum est perpetuum. Illud verò, quod docent secundò, scilicet detineri ab intelligentia, refutat Aristoteles, quia misera esset intelligentia, quæ tanto tempore vi, & impulsu sic cælum detineret. Secundò, patet illud esse falsum, quia intelligentia, cum à natura determinata sit ad mouendum cælum, debet illud mouere iuxta exigentiam suæ naturæ: si ergo ipsum natura sua inclinat deorsum, non potest ab intelligentia detineri.

Sed quòd hæc sententia falsa
Oo iij sit,

sit, patet euidentibus rationibus, quia vnius corporis simplicis vnicus debet esse motus simplex; sed motus deorsum est naturalis terræ: ergo nequit esse naturalis cælo. Præterea, quia grauitas, & leuitas sunt qualitates secundæ, quæ oriuntur ex primis; sed in cælo non sunt qualitates primæ, vt statim dicam: ergo nec grauitas, & leuitas. Tertiò, quia cælum natura sua insuit in hæc inferiora: ergo natura sua postulat esse in loco apto a influendum: talis autem locus est pars suprema, vt inde virtus eius in hæc inferiora descendat: ergo repugnat habere grauitatem. Itaque illud, quod ex Homero traditur de Atlante illo, qui humeris suis orbem sustinebat, vt fabulam porticam docet Aristot. accipiendum esse.

Et si dicas: Sequitur ergo, quòd si quis extra vniuersum esset, posset illud facili negotio huc, & illuc manu ducere. Respondent quidam, negando consequentiam, quia sicut quamuis terra non grauitet in propria loco, vt dicemus libro quarto, non sequitur, quòd posset facili impulsu a suo loco dimoueri, ita non sequitur in vniuerso. Hæc tamen ratio non placet, est enim longè diuersa ratio, quia terra, quamuis in proprio loco non grauitet, ea tamen ipso, quòd ab eo loco dimouetur, iam incipit grauitare. vnde, quia grauitat, non sufficit quilibet impulsus ad dimouendum illam a

proprio loco, tamen, quantumuis cælum dimoueretur a proprio loco, non grauitaret: vnde exemplum non est ad propositum. Quare respondetur, quòd quamuis cælum non grauitet, nec leuitet, non tamen poterit huc, & illuc moueri, quia inter agens, & patiens requiritur determinata proportio, sicut quamuis aer in productione luminis non resistat, non quodlibet luminoso potest totum aerem illuminare, sic etiam, quamuis cælum ad illum motum non resistat per grauitatem, non tamen posset moueri a quolibet impellente, propter magnam improportionem inter mouens, & motum.

Vnde ad primum ex Aristotel. sumptum respondetur, quòd duplex est raritas, vel densitas, alia quidam, quæ consurgit ex commixtione quatuor primarum qualitatum; & hæc repugnat cælo, sicut repugnant ipsæ primæ qualitates, de qua loquitur Arist. cum 4. Physicorum dixit: illud, quod rarefit, & condensatur, esse graue, vel leue: alia verò est raritas, vel densitas, quæ confutgit ex maiori, vel minori multitudine, & quasi conglutinatione partium; & hæc reperitur in cælo; fateor tamen, vtrâque rationem esse eiusdem speciei, quia vtroque formaliter consistit in illa dilatione partium, & ita dicit partium positionem, vt docuit Arist. cap. de qualitate.

Ad secundum, quòd non quicunque accessus ad centrum est motus grauis,

gravis, sed accessus ad illum, tamquam ad suum locum naturalem, & per lineam rectam: qua ratione planetæ non accedunt ad centrum, scilicet ut ibi naturaliter quiescant, neque per lineam rectam, sed per circularē.

Ad tertiam respondetur, stellas illas, quas communiter cadentes vocant, non esse stellas propriè dictas, illas scilicet, quæ cælo affixæ sunt, sed esse quasdam exhalationes, quæ cum concremantur, cadere videntur ad modum cuiusdam stellæ cadentis.

Ad quartam respondetur, verum esse, quod si alicui orbi cælesti aliquod astrum adderetur, non posset intelligentia illud portare, non quidem quia grauitet, sed quia inter agens, & passum est determinata proportio, quæ respectu intelligentiæ finitur in quantitate sui orbis, & ita qualibet superaddita quantitate, etiam si non grauitet, iam sit excessus in proportione, atque adeo impeditur actio, sicut dixi de aeris illuminatione, ideo enim luminosum ut quatuor, non potest extēnuè illuminare totum aerem, quamuis aer ad talem illuminationem non resistat, quia requirit determinatam quantitatem, & spheriam, ultra quam etiam si non sit resistentia, nequit contingere actio.

Ultimum argumentum eam petit difficultatem, vtrum si aliqua pars cæli à cælo abstraheretur, & poneretur in his inferioribus, natu-

raliter quiesceret, vel naturaliter moueretur? Et in primis certum est, hanc difficultatem non soluere, qui dicunt, quod casus est impossibilis, & ita ex illo aliud impossibile sequitur, scilicet, quod talis pars moueatur ad locum sui totius, motu sursum, & non moueatur, quia non est leuis. Hic, inquam, modus non satisficit, quia quamuis sit impossibilis casus per naturam, maximè tamen deferuit ad inquirendam naturam cæli, sicut quamuis sit impossibile, terram abstrahi à suo centro, tamen quia si abstraheretur, moueretur naturaliter ad illud, oprimè colligimus, illam esse grauem, cuius generis quæstiones plures sunt apud Philosophos, ut si daretur vacuum, vtrum per illud moueretur corpus in instanti, & vtrum cessante motu cæli cessarent generationes, & corruptiones, quamuis neutrum sit per naturam possibile.

Quare ex his, qui directè respondent, quidam dicunt, partem illam naturaliter moueri sursum, quia quamuis cælum non sit formaliter leue, est tamen ominentè, ratione cuius posset sursum moueri, & videtur posse probari hæc opinio, quia illa pars cæli naturaliter petit vnionem cum suo toto, quia est pars quædam naturalis illius, sed non potest reuniri cum suo toto, nisi medio motu sursum, quo ascendit ad suum locum: ergo naturaliter moueretur sursum.

Secundò, quia quælibet res naturaliter inclinatur ad suum proprium locum: sed proprius locus illius est locus superior omnibus elementis: ergo naturaliter moueretur sursum ad partem superiorem vniuersi.

Hic tamen modus dicendi non placet, quia cælum non minùs continet eminenter leuitatem, sed etiam grauitatem, sicut enim concurrunt ad productionem corporum leuium, & ita dicitur eminenter continere corpora leuia, ita etiam concurrunt ad productionem corporum grauium: ergo ex hac parte non magis moueretur illa pars cæli sursum, quàm deorsum. Secundò, quia quamuis cælum eminenter contineat leuitatem, non potest per illam continentiam virtualem aliquid in se ipso producere, sed in alio, sicut non potest cælum per calorem, quem in se eminenter continet, se ipsum calefacere, sed aliam externam materiam, & ita dicitur eminenter continere leuitatem, quia potest illam in alio producere.

Quare ad utramque rationem factam pro hac sententia respondetur, quòd ex eo quòd illa pars naturaliter optet vnionem cum suo toto, & esse in suo loco naturali, solum sequitur, quòd motus ad suum totum, vel ad suum locum naturalem, sit naturalis ex parte termini, non verò absolutè, quia non est aliquod agens naturale, quod moueat partem illam tali motu, sicut

quamuis anima à corpore separata naturaliter petat vnionem cum suo toto, nihilominus resurrectio, per quam reunitur corpori, non est absolutè naturalis actio; quia quamuis ex parte termini sit naturalis, quia vnio illa animæ cum corpore naturalis est, non tamen est aliquod agens naturale, reuiniens animam cum corpore, & ita absolutè non vocatur actio naturalis.

Sed dices: Quia lapis continet eminenter terram, mouetur ad locum terræ: ergo cum cælum eminenter contineat leuitatem, mouebitur motu sursum. Respondetur, quòd ex hoc probaretur, etià moueri motu deorsum, quia etiam eminenter continet grauitatem. Quare respondetur, esse diuersam rationem, quia lapis non solum continet eminenter terram, sed etiam formaliter continet grauitatem terræ, ratione cuius mouetur deorsum, cælum verò non continet, vò probant, grauitatem, vel leuitatem formaliter.

Secundus modus dicendi esse potest, quòd illa pars cæli in his inferioribus posita moueretur circulariter, sic vt quando erat coniuncta cum suo toto. Fundamentum esse potest, quia illa pars abstracta eadem est, ac erat antea; sed antea mouebatur secundum naturam circulariter, ergo & modò.

Sed: neque is modus placet; quia illa pars solum habet inclinationem

tionem ad motum circula-rem, si reuniatur cum suo toto, sicut anima rationalis habet inclinationem ad informandum, si reuniatur, non tamen prout abstracta, præsertim, quod quamvis esset hæc inclinatio, non habet principium actiuum naturale ad motum circula-rem, quia intelligentia naturaliter solum inclinat ad mouendum totum cælum, non verò partes separatas, & ita motus circularis non esset illi naturalis.

Quare Petrus Martinez 1. cæli text. 19. dicit partem illam in tali causa expellendam esse ab elementis ad locum superiorem, quia cum naturaliter appetant esse sub cælo, per quamdam impossibilitatem pellerent illam partem, ut sursum ad proprium locum tenderet, sicut contingit, oleum aquæ admixtum partem superiorem petere.

Sed ne hic modus dicendi placeat, quia vel elementa expellerent illam partem efficienter, vel per impressum impulsu, vel formaliter: non primum, quia tiam cælum moueretur mediante impulsu, & vi illata, atque adeò non esset motus ille naturalis; tum quia probabilis est eorum sententia, qui asserunt, quod cum cælum non communicet in materia cum his inferioribus, non est capax alicuius violentiæ illatæ ab his inferioribus. Non secundum, quia vnum corpus non expellit aliud ab eodem loco formaliter, sed efficien-

ter, medio impulsu: cuius ratio est, quia expulsio formalis inter duo solum fit respectu illius, respectu cuius se habet ut forma, sicut calor, & frigus respectu ligni: corpora autem non se habent ut forma respectu loci, vel respectu situs; neque exemplum illud de oleo aliquid valet, quia oleum ibi per propriam leuitatem ascendit sursum, illa autem pars cæli neque grauius est, neque leuius.

Quare dicendum est cum communi opinione, quod illa pars ibi posita neque naturaliter quiesceret, neque naturaliter moueretur, sed quodlibet horum esset illi præter naturam, quia in primis non quiesceret naturaliter, quia est extra suum locum naturalem, nec moueretur naturaliter: in primis non motu circulari, quia hic solum illi competit, quando est coniuncta cum suo toto, non verò separata, cum non sit aliquod agens naturale illam mouens: neque motu recto, quia non sursum, nec deorsum, cum nec grauius, nec leuius: & ita quodlibet horum esset illi præter naturam; respectu verò motus circularis diceretur priuata, quia caret motu sibi natura sua debito, quamuis non secundum quod est in illo statu, sicut nec homini cæco est debitus visus, prout cæcus est, dicitur tamen priuatus, quia absolutè pro illo tempore erat illi debitus visus, licet non ex suppositione cæcitatibus, in quo differat a latente visus, quam habet cæcus.

motu alterationis, & de motu locali; quia non repugnat, elementum habere duas qualitates naturales, & ita non repugnat, quod simul moueatur secundum utramque qualitatem usque ad gradum sibi connaturalem, repugnat tamen habere duo loca diuersa naturalia, & sic repugnat, habere duplicem motum naturalem ad diuersa loca.

Ad tertiam respondetur, verum esse, in ratione motus recti solum esse duas species motus, scilicet sursum, & deorsum, tamen in ratione naturalis sunt quatuor motus naturales, sicut sunt quatuor loca naturalia, ita quod motus aque a centro ad suum locum, & motus aeris a centro ad suum locum sunt diuersi motus in esse naturalis motus. Ratio est, quia motus specificatur ex termino utroque ultimo, in esse autem naturalis, ultimus locus aque est situs ipsius, & ultimus aeris est situs ipsius aeris; & ita in ratione naturalis illi motus differunt specie, non tamen in ratione motus in se, quia ut sic solum est respectu illorum vnicus terminus ultimus, scilicet supremum mundi.

Sed dices: Ergo motus violentus ignis a cælo usque ad aquam, & a cælo usque ad aerem sunt diuersi in esse violenti, quia sunt diuersa loca violenta illi. Respondetur, negando sequelam, quia non sunt termini ultimi; quia ultimus locus violentus respectu ignis solum est terra; in motibus vero naturalibus aeris, & aque, sunt

duo ultimi termini respectu illorum.

Ad quartum respondetur, esse diuersam rationem de mixtis, & simplicibus, quia mixtum mouetur ab elemento predominante, & quia in duplici mixto specie diuerso est vnicum elementum predominans, ut in lapide, & in ferro, potest duplex mixtum specie diuersum moueri vnico motu; corpora vero simplicia necessario postulant diuersa loca, & ita postulant diuersum motum locale simplicem.

Sed obijcies; Motus recti possunt esse naturales corporibus mixtis: ergo etiam motus circularis poterit esse naturalis. Respondetur esse diuersam rationem, quia mixtum mouetur ab elemento predominante: motus autem circularis cæli nulli elemento est naturalis: unde, quia nullum mixtum componitur ex cælo, motus circularis cæli nulli mixto potest esse naturalis, sicut motus elementorum. Et hæc de hac quæst. & cap.

Caput III.

Postquam Aristot. superiori capite egit de quæstione, an sit corpus cæleste, optima methodo agit in hoc capite de quæstione quid sit? Et ita intentum illius est, ostendere, cælum neque esse graue, neque leue, generabile, vel corruptibile.

Adipibile, augmentabile, vel alterabile. Duo agit. In prima parte aliqua ut certa supponit, in secunda verò rationibus, & auctoritatibus intentum suum probat.

Primò ergo supponit, graue illud esse, quod ad medium fertur leue, quod fertur à medio. Supponit secundò definitiones grauissimi, & leuissimi, dicens, leuissimum illud esse, quod supereminet omnibus, quæ sursum feruntur: grauissimum verò, quod subest omnibus, quæ deorsum feruntur. Quibus suppositis definitionibus, probat, cælum non esse graue, vel leue, quia cælum non fertur à medio, neque ad medium: ergo neque graue, neque leue est. Antecedens verò probat, quia motus à medio est naturalis igni, motus ad medium est naturalis terræ: ergo non potest esse naturalis cælo. Consequentiam, probat ex traditis superiori capite, quia cuiuslibet corpori simpliciter debet competere suus motus simplex: ergo non potest moueri motu sursum, vel deorsum, quia vel moueretur secundum naturam; & hoc non, quia hi motus sunt alijs corporibus naturales: vel præter naturam; & hoc non, quia lemouetur, v. g. deorsum præter naturam, ergo contrarius motus est illi naturalis: hoc autem esse non potest, quia talis motus est alteri corpori naturalis, scilicet igni, ergo.

Probat deinde, cælum neque esse generabile, neque corruptibile.

Primò, quia id est maxime consentaneum perfectioni corporis celestis; sed quia hæc ratio solum sumitur à congruitate. Probat deinde alia ratione, quia omne, quod generatur, vel corrumpitur, habet contrarium; quia generatio incipit à priuatione ad formam, corruptio verò à forma ad priuationem: priuatio verò, & forma contraria sunt, id est, opposita (hoc enim intelligit nomine contrarietatis:) sed cælum non habet contrarium: ergo non est generabile, neque corruptibile. Minorem probat, quia ea, quæ sunt contraria, habent motus contrarios; sed motui cæli nihil est contrarium, vt capite sequenti promittit se ostensurum: ergo. Probat deinde, cælum non esse augmentabile, quia omne, quod augetur, est generabile, & corruptibile; quia augmentatio supponit generationem alicuius nouæ substantiæ aduenientis, & corruptionem alterius, ex quo facta est de nouo hæc substantia adueniens; sed cælum neque est generabile, neque corruptibile: ergo nec est augmentabile. Quod vero non sit alterabile, probat, quia omne quod alteratur, augetur, vt patet inductione; sed cælum non augetur: ergo nec alteratur.

Ex quibus colligit, cælum perpetuum esse, impassibile, & immensibile, neque augmentum, neque decrementum habens: quod confirmat testimonijs: omnes enim

(inquit) tam Græci, quàm barbari, Dijs locum sempiternum, & incommutabilem assignant, sicut & ipsi sempiterni sunt. Quod rursus traditione confirmat, numquam enim (inquit) à maioribus accipimus, cælum aliquàlter corruptum, vel auctum fuisse.

Dubia circa literam.

Circa illa verba Aristot. quibus definiuit, leuissimum illud esse, quod supereminet omnibus, quæ sursum feruntur, notandum est cum D. Thoma hic lectione s. intelligi debere inter ea, quæ sursum feruntur, aliàs ex illis verbis colligi posset, cælum esse leuissimam, quia omnibus, quæ sursum feruntur, supereminet.

Secundò notandum est, Aristot. hoc capite, dum ostendit cælum non esse alterabile, non loqui de alteratione perfectiua, sed corruptiua, quæ solum corporibus corruptibilibus inest, & hoc patet exemplis ab Aristot. adhibitis, ponit enim exemplum in sanitate, & languore.

Dubium præterea est circa id, quod docet Arist. cælum non esse augmentabile, quia cōtrā est, quòd augmentatio fit secundum quantitatem, quantitas autem cæli est eiusdem rationis cum quantitate horum inferiorum, quia habet eandem rationem extensionis; sed quantitas horum inferiorum po-

test fieri maior per additionem: ergo quantitas cæli, atque adeò cælum augeri potest. Respondetur, quòd licet quantitas cæli secundum se augeri possit, quia secundum se est eiusdem rationis cum nostra, non tamen prout in cælo, qualiter neque prout in cælo diuidi potest, licet secundum se sit diuisibilis.

Vltimò est dubium circa id, quod docet Aristot. quòd omne alterabile est augmentabile, quia vel loquitur de alteratione perfectiua, & ita cælum erit augmentabile, quia alteratur alteratione perfectiua, vel de corruptiua, & sic elementa sunt alterabilia, non tamen augmentantur. Respondetur, loqui de alteratione corruptiua, elementa autem, quamuis non propria augmentatione, quæ est per intus sumptionem, augeantur, tamen impropria, scilicet per iuxta positionem, augentur.

DISPUTATIO II.

De natura cæli.

DE natura cæli plurima mathematici tradunt; quæ, vt bene probentur, eorum principijs indigent, & ita hoc loco tantum ea, quæ à Philosophis communiter tradi-

solent, disputabo.

(1)

R. H. A.

Quæst. I. Vtrum cælum sit graue, vel leue, vel aliam habeat qualitatem?

DVo inquiri hæc quæstio, vnum est, vtrum cælum sit graue, vel leue: alterum verò, quam habeat qualitatem, de quibus suo ordine dicendam est. Circa primum est ratio dubitandi. Primum ex principijs Aristot. quia illud, quod rarefit, & condensatur, est graue, vel leue, secundum Aristot. 4. Physicorum: sed cælum habet quasdam partes rariores alijs, alias verò densiores, vt patet de stellis, quæ densiores sunt ipso cælo, & fatetur idem Arist. 2. cæli, cap. 7. ergo cælum est graue, vel leue.

Secundò, quia secundum ipsum graue est, quod fertur ad medium; sed planetæ aliquando accedunt ad medium, & aliquando recedunt, vt patet de Sole: ergo, &c.

Tertiò, quia quædam ex stellis dicuntur cadetes, sed non ob aliud, nisi quia versus nos aliquo modo cadunt: ergo.

Quartò, quia si alicui orbi cælesti adderetur aliquod astrum, non posset intelligentia illud portare, vt Aristot. docet 2. cæli, sed huius non potest esse alia causa, nisi quia astrum habet nouam grauitatem: ergo est cælum graue.

Ex ratione probatur, quia si aliqua pars cæli poneretur in his inferioribus, naturaliter ascenderet ad locum sui totius, quia ibi est suus

locus naturalis, omnè autem naturaliter mouetur ad suum locum naturalem; ergo illa pars habet leuitatem, ratione cuius ascendit ad suum proprium locum, sicut ignis.

Propter hæc argumenta Homerus 1. Odissæ, quem postea secuti sunt Empedocles, & Anaximander, asseruerunt, cælum re vera graue esse, dicebant tamen, non tuere in hæc inferiora quia velociter circumfertur, sicut aqua in vase velociter in gyrum moto, non cadit, vel quia ab intelligentia detinetur.

Verumtamen hæc sententia à Peripateticis Philosophis, vt fabulosa, & commertia reijcitur, quamuis enim sit possibile corpus aliquod graue per tempus aliquod breue deinde detineri, propter velociter in gyrum agitationem: tamen quòd perpetuo ibi detineatur, est impossibile, nullum enim violentum est perpetuum. Illud verò, quod docent secundò, scilicet detineri ab intelligentia, refutat Aristoteles, quia misera esset intelligentia, quæ tanto tempore vi, & impulsu sic cælum detineret. Secundò, patet illud esse falsum, quia intelligentia, cum à natura determinata sit ad mouendum cælum, debet illud mouere iuxta exigentiam suæ naturæ: si ergo ipsum natura sua inclinat deorsum, non potest ab intelligentia detineri.

Sed quòd hæc sententia falsa
Oo ij sit,

fit, patet euidentibus rationibus, quia vnius corporis simplicis vnicus debet esse motus simplex; sed motus deorsum est naturalis terra: ergo nequit esse naturalis cælo. Præterea, quia grauitas, & leuitas sunt qualitates secundæ, quæ oriuntur ex primis; sed in cælo non sunt qualitates primæ, vt statim dicam: ergo nec grauitas, & leuitas. Tertiò, quia cælum natura sua inluit in hæc inferiora: ergo natura sua postulat esse in loco apto a influendum: talis autem locus est pars suprema, vt inde virtus eius in hæc inferiora descendat: ergo repugnat habere grauitatem. Itaque illud, quod ex Homero traditur de Atlante illo, qui humeris suis orbem sustinebat, vt fabulam poeticam docet Aristot. accipendum esse.

Et si dicas: Sequitur ergo, quod si quis extra vniuersum esset, posset illud facili negotio huc, & illuc manu ducere. Respondent quidam, negando consequentiam, quia sicut quamuis terra non grauitetur in propria loco, vt dicemus libro quarto, non sequitur, quod posset illi facili impulsu a suo loco dimoueri, ita non sequitur in vniuerso. Hæc tamen ratio non placet, est enim longè diuersa ratio, quia terra, quamuis in proprio loco non grauitetur, ea tamen ipso, quod ab eo loco dimouetur, iam incipit grauitare. vnde, quia grauitatur, non sufficit quilibet impulsus ad dimouendum illam a

proprio loco, tamen, quantumuis cælum dimoueretur a proprio loco, non grauitaret: vnde exemplum non est ad propositum. Quare respondetur, quod quamuis cælum non grauitetur, nec leuitetur, non tamen poterit huc, & illuc moueri, quia inter agens, & patiens requiritur determinata proportio, sicut quamuis aer in productione luminis non resistat, non quodlibet luminosum potest totum aerem illuminare; sic etiam, quamuis cælum ad illum motum non resistat per grauitatem, non tamen posset moueri a quolibet impellente, propter magnam improportionem inter mouens, & motum.

Vnde ad primum ex Aristotel. sumptum respondetur, quod duplex est raritas, vel densitas, alia quidam, quæ consurgit ex commixtione quatuor primarum qualitatuum; & hæc repugnat cælo, sicut repugnant ipsæ primæ qualitates, de qua loquitur Arist. cum 4. Physicorum dixit: illud, quod rarefit, & condensatur, esse graue, vel leue: alia verò est raritas, vel densitas, quæ consurgit ex maiori, vel minori multitudine, & quasi conglutinatione partium, & hæc reperitur in cælo; fateor tamen, vtræque rationem esse eiusdem speciei, quia vtroque formaliter consistit in illa dilatione partium, & ita dicitur partium positionem, vt docuit Arist. cap. de qualitate.

Ad secundum, quod non quicunque accessus ad centrum est motus grauis,

gravis, sed accessus ad illum, tamquam ad suum locum naturalem, & per lineam rectam: qua ratione planetæ non accedunt ad centrum, scilicet ut ibi naturaliter quiescant, neque per lineam rectam, sed per curvaturam.

Ad tertiam respondetur, stellas illas, quas communiter cadentes vocant, non esse stellas propriè dictas, illas scilicet, quæ cælo affixæ sunt, sed esse quasdam exhalationes, quæ cum concremantur, cadere videntur ad modum cuiusdam stellæ cadentis.

Ad quartum respondetur, verum esse, quod si alicui orbi cælesti aliquod astrum adderetur, non posset intelligentia illud portare, non quidem quia grauitet, sed quia inter agens, & passum est determinata proportio, quæ respectu intelligentiæ finitur in quantitate sui orbis, & ita qualibet superaddita quantitate, etiam si non grauitet, iam sit excessus in proportione, atque adeo impeditur actio, sicut dixi de aeris illuminatione, ideo enim luminosum ut quatuor, non potest extenuè illuminare totum aerem, quamuis aer ad talem illuminationem non resistat, quia requirit determinatam quantitatem, & sphaeram, ultra quam etiam si non sit resistentia, nequit contingere actio.

Ultimum argumentum eam petit difficultatem, utrum si aliqua pars cæli à cælo abstraheretur, & poneretur in his inferioribus, natu-

raliter quiesceret, vel naturaliter moueretur? Et in primis certum est, hanc difficultatem non soluere, qui dicunt, quod casus est impossibilis, & ita ex illo aliud impossibile sequitur, scilicet, quod talis pars moueatur ad locum sui totius, motu sursum, & non moueatur, quia non est leuis. Hic, inquam, modus non satisfacit, quia quamuis sit impossibilis casus per naturam, maxime tamen deseruit ad inquirendam naturam cæli, sicut quamuis sit impossibile, terram abstrahi à suo centro, tamen quia si abstraheretur, moueretur naturaliter ad illud, oprimè colligimus, illam esse grauem, cuius generis quæstiones plures sunt apud Philolophos, ut si daretur vacuum, utrum per illud moueretur corpus in instanti, & utrum cessante motu cæli cessarent generationes, & corruptiones, quamuis neutrum sit per naturam possibile.

Quare ex his, qui directè respondent, quidam dicunt, partem illam naturaliter moueri sursum, quia quamuis cælum non sit formaliter leue, est tamen ominentè, ratione cuius posset sursum moueri, & videtur posse probari hæc opinio, quia illa pars cæli naturaliter petit unionem cum suo toto, quia est pars quædam naturalis illius, sed non potest reuniri cum suo toto, nisi medio motu sursum, quo ascendit ad suum locum: ergo naturaliter moueretur sursum.

tionem ad motum circularem, si reuniatur cum suo toto, sicut anima rationalis habet inclinationem ad informandum, si reuniatur, non tamen prout abstracta, præsertim, quod quamvis esset hæc inclinatio, non habet principium actiuius naturale ad motum circularem, quia intelligentia naturaliter solum inclinatur ad mouendum totum cælum, non verò partes separatas, & ita motus circularis non esset illi naturalis.

Quare Petrus Martinez. 1. cæli text. 19. dicit partem illam in tali causa expellendam esse ab elementis ad locum superiorem, quia cum naturaliter appetant esse sub cælo, per quamdam impossibilitatem pellerent illam partem, ut sursum ad proprium locum tenderet, sicut contingit, oleum aquæ admixtum partem superiorem pectere.

Sed nec hic modus dicendi placeat, quia vel elementa expellerent illam partem efficienter, vel per impressum impulsu, vel formaliter: non primum, quia iam cælum moueretur mediante impulsu, & vi illata, atque adeò non esset motus ille naturalis; tum quia probabilis est eorum sententia, qui asserunt, quod cum cælum non communicet in materia cum his inferioribus, non est capax alicuius violentiæ illatæ ab his inferioribus. Non secundum, quia vnum corpus non expellit aliud ab eodem loco formaliter, sed efficien-

ter, medio impulsu: cuius ratio est, quia expulsio formalis inter duo solum fit respectu illius, respectu cuius se habet ut forma, sicut calor, & frigus respectu ligni: corpora autem non se habent ut forma respectu loci, vel respectu situs; neque exemplum illud de oleo aliquid valet, quia oleum ibi per propriam leuitatem ascendit sursum, illa autem pars cæli neque grauius est, neque leuius.

Quare dicendum est cum communis opinione, quod illa pars ibi posita neque naturaliter quiesceret, neque naturaliter moueretur, sed quodlibet horum esset illi præter naturam, quia in primis non quiesceret naturaliter, quia est extra suum locum naturalem, nec moueretur naturaliter: in primis non motu circulari, quia hic solum illi competit, quando est coniuncta cum suo toto, non verò separata, cum non sit aliquid agens naturale illam mouens: neque motu recto, quia non sursum, nec deorsum, cum nec grauietur, nec leuitet: & ita quodlibet horum esset illi præter naturam; respectu verò motus circularis diceretur priuata, quia caret motu sibi natura sua debito, quamvis non secundum quod est in illo statu, sicut nec homini cæco est debitus visus, prout cæcus est, dicitur tamen priuatus, quia absolutè pro illo tempore erat illi debitus visus, licet non ex suppositione cæcitatæ, in quo differt à cæcitate visus, quam habet

catulus ante nonum diem, quia tēpore illo non est possibilis visus illi, & ita est negatus: respectu verò motus recti haberet quietem negatiuam, non quidem instantaneam solū (posset enim in tempore quiescere) sed negatiuam, id est, quæ est carentia motus non debiti; vtraque tamen quies esset illi præter naturam. Nec mirū est, partem illam à cælo detrusam nullum naturalem statum habere, est enim extra proprium locum naturalem; verum est, partem illam non fore corruptibilem, quamuis perperuū ibi detineretur, quia cum impassibilis sit, passione corruptiua elementa nihil in illa transmutarent.

Circa secundum, quod inquit quæstio, scilicet, vtrum cælum habeat aliquam aliam qualitatem, fuit sententia simplicij, vt citat D. Thom. 2. cælest. 1. 4. afferentis. in cælo nullas esse qualitates, nullasq; accidentia: quam tamen sententiam ibi refutat D. Thomas, ex eo quod periret omnis Astrologia, quæ procedit ex apparentibus secundū sensum in corporibus cælestibus. Præterea, neque cælum mouerentur, quia motus, qui accides est, debet subiectari in mobili. Et de lumine patet, quia hæc corpora inferiora de se non sunt lucida: participant ergo lucem à cælo.

Quare maior est difficultas de sono, vtrum cæli suo motu efficiat sonum, fuit enim, vt D. Thom.

ibi citat, sententia Pythagoræ afferentis, cælum suo motu sonum efficiere, illumquæ à nobis non audiri, vel quia hebetem habemus auditum, vel quia iam illi assueti sumus: hanc tamen sententiam reijcit Arist. 2. cæli, cap. 9. dicens, quod si cælum sonum faceret, non solū deberet à nobis audiri, sed nostrum corrumpere sensum, quia corpora, quæ illum causant, magna sunt, & velociter mota, unde nō posset nos fugere, quantumuis essemus assueti, si attentè audiremus. Quæ autem ratione ex contactu corporum cælestium non causetur sonus, sicut causatur ex contactu aliorum corporum sub-lunarium, dicam 2. de anima cap. octauo.

Denique verò qualitatibus dicendum est, primas qualitates corruptibiles, vt calorem, frigus, &c. non esse in cælo, quia illæ solū insunt corporibus corruptibilibus, non cælo, & propter eandem rationem non sunt qualitates secundæ, quæ ex harum commixtione resultant, vt sunt omnes colores, odores, &c. quod si nobis apparet color aliquis in cælo, in primis quando adsunt nubes, ille color apparens solū est in nube, quia ex diuersa receptione luminis secundū maiorem, vel minorem opacitatem causat illam colorum diuersitatem, si verò non adsint, solū videmus, vel lumen ipsius cæli, vel lumen in aeris regione ad aliquam distantiam reflexens. Similiter

militer qualitates gustabiles, quia ex primis resultant, non insunt cælo: vnde in cælo solum ex qualitatibus inest lux, quia per accessus, & recessus Solis, dies, & nox contingit, ac per consequens etiam diaphaneitas, quia lux est actus diaphani. Ex alijs verò accidentibus est in cælo numerus, quantitas continua, motus, & figura circularis, quia hæc est apta ad continentiam corporum, qualiter cælum continet, & ita cælum empyreum est secundum superficiem concavam circulari; secundum connexionem verò quidam dicunt esse circulari etiam, quidam verò quadratum, secundum illud Apoc. 12. *Civitas in quadroposita est.* Cuius rei exacta disputatio ad alium pertinet locum.

Quæst. II. Vtrum cælum sit ingenerabile, & incorruptibile?

Primò certum esse debet in hac quæstione, cælum ab extrinseco esse corruptibile, quia cum in suo esse dependeat à Deo, potest à Deo annihilari, sicut certum est, ab ipso fuisse creatum: vnde solum est quæstio, vtrum sit ab intrinseco generabile, vel corruptibile, partem enim affirmativam tenuit Plato, omnesque Philosophi ante Aristot. quia ponebant, cælum esse de natura elementalī, vnde sicut ipsa elementa corruptibilia sunt, ita cælum. Eandem sententiam sequitur Au-

gennas: imò ex Doctoribus sacris illam tenet Hieronymus homil. ad populum Antiochenum: citatur pro eadem sententia Basilus, Eusebius, Theodoretus, Ambrosius: imò ex recentioribus Scotus, Magister sententiarum, Catherinus, & alij plures. Et videtur posse sic probari, quia cælum natura sua est quantum: ergo natura sua diuisibile: ergo corruptibile.

Secundò, quia virtus finiti est finita: ergo virtus cæli ad durandum debet esse finita: ergo tandem cælum natura sua est corrumpendum.

Præterea circa rationem Arist. est argumentum, quia corruptio potius fit secundum qualitates alteratiuas, quàm secundum motiuas, ex eo autem, quod motui cæli nihil sit contrarium, solum sequitur, non habere contrarium secundum qualitates motiuas, non verò secundum alteratiuas, penes quas fit corruptio: ergo illa ratio est insufficientis.

Secundò, quia ex ea sequitur, cælum esse corruptibile, quia motui cæli ab Oriente in Occidentem contrariatur motus planetarum ab Occidente in Orientem: ergo. Imò & in sacra Scriptura videtur significari, cælos esse corruptibiles, vt Matth. 24. *Cælum, & terra transibunt.* Psalm. 101. *Opera manuum tuarum sunt cæli, ipsi peribunt.* Ps. 82. Petri 3. dicitur, cælos reservatos esse igni in diem iudicii, & magno impetu fore transitorios: ergo cremabuntur ab igne.

Hic.

autem Arist. ex eo quod motui cæli nihil sit contrarium, probet, immediate non esse contrarietatem in qualitatibus motuivis, tamen etiam probat, non habere aliquam qualitatem corruptibilem, quia semper quod motui alicuius mobilis est aliquis motus contrarius, est verum dicere, illud mobile habere aliquam qualitatem contrariam suis qualitatibus conservatiivis, ut patet, discurrendo per elementa, & omnia mixta.

Sed obijcies: Aer habet motus contrarios, quia movetur à terra ad suum locum, & à concavo Lunæ ad eundem, qui sunt motus contrarij, & tamen non habet qualitates motuivas contrarias: ergo ex motibus cōtrarijs nō inferitur cōtrarietas in qualitatibus motuivis. Respondetur, quod quando tales motus cōtrarij naturales sunt ad diversa loca, bene inferitur, ut patet de igne, & terra; Aristot. autem solum intendit, quod quotiescumque motui alicuius mobilis est aliquis motus contrarius, debet habere aliud contrarium, secundum qualitates alteratiivas: & hoc verum est discurrendo per singula; & ita cum motui cæli nihil sit cōtrarium, optimè probat, non habere contrarium ratione qualitatum alteratiivarum.

Ad quartam respondetur, motum planetarum ab Occidente in Oriens non esse contrarium motui cæli ab Oriente in Occidens, quia motus cæli sit per æquinoctialem

super populos mundi, motus verò planetarum per Zodiacum.

Ad loca verò Scripturæ respondetur, ex illis solum colligi cælum posse corrupti, non tamen ab intrinseco, præsertim quod sæpe nomine cæli in sacra Scriptura intelligitur aer, qualiter plures sancti Patres explicant illud, *Et aqua, quæ super calos sunt, laudent nomen Domini*, de aqua pluviæ existente in media regione aeris.

Quæst. III. Verum cælum sit corpus constans materia & forma?

A Verroes 1. cæli. tex. 5. adeo excellentem substantiam putavit esse cælum, ut illud minime haberet materiam, quem postea secutus est Scotus in 2. d. 12. quæst. 1. Gabriel dist. 12. & alij plures, imò verò videtur esse sententia Aristot. qui quarto Metaph. capit. 3. ait, res æternæ non esse compositas, secus, inquit, si materiam haberent, quæ est causa, ut res esse, & nō esse possint, & ita 2. Methaph. tex. 30. probat intelligentias esse sempiternas, quia carent materia: si ergo cælum materia constaret, sempiternum, & incorruptibile non esset: & libro de longitudine, & breuitate vitæ, dicit impossibile esse, quod habens materiam non habeat aliquid contrarium, sed corruptio sit à contrario: esset ergo cælum corruptibile.

Sed rationibus probatur, quia materia est principium corruptibilitatis;

litatis; sed cælum non est corruptibile: ergo.

Secundò, quia cùm cælum sit corpus perfectius corporibus inferioribus, debet magis ad substantias spirituales accedere, sed substantiæ inferiores sunt compositæ ex materia, & forma: ergo cælum hac compositione carere debet.

Tertiò, quia si cælum habet materiam, ergo illa quâdo recipit formam, transmutata fuit de non esse formæ ad esse illius formæ, & ita iam ex se potest esse cum forma, & sine illa, atque ided erit principium corruptionis, quia potest esse cum non esse formæ.

Quartò, quia si cælum habet compositionem ex materia, & forma, cùm forma sit principium agendi, iam in se haberet principium actuum sui motus, vnde non indigeret intelligentia motrice.

Vltimò, quia transmutatio substantialis facit nos cognoscere materiam esse, vt docet Aristotel. primo Physicorum, sed in cælo non est transmutatio substantialis, quia est incorruptibile: ergo neque materia.

Histamen non obstantibus, opposita sententia communis est, quam sequitur Plato in Timæo, & Arist. 1. cæli cap. 9. dicens, formam cæli recipi in materia: & 2. de gener. text. 51. vbi docet, principia componentia æqualia esse in æternis, & corruptibilibus; sed talia principia secundum ipsum primo Physicorum, sunt materia:

ergo cæli constant materia, & forma.

Et ratione probatur, quia cælum, vel est materia, vel forma, vel compositum ex vtroque; sed cælum non est materia sola, quia hæc nec est per se loco mobilis, neque potest sine forma, saltem de potentia Dei ordinaria dari: neque forma sola, quia hæc etiam non est per se mobilis, vt est cælum: ergo est compositum ex materia, & forma. Prætereà, quia si esset solum materia, vel forma, ergo esset natura sua imperfectum: vnde non esset causa efficiens perfectorum huius vniuersi.

Sed vt rationes oppositæ diluatur, aduertendum est, potentiam materie primæ esse duplicem, quædam est passiva solum, quæ scilicet solum habet pati, recipiendo suam formam: alia est potentia contradictionis, quæ scilicet potest modò, cum hac forma, modò sine illa esse: & hæc potetia solum inest materię rerum generabilium, & corruptibilium: non verò materie cæli; quam sequenti quæstione ostendam esse diuersæ rationis à materia horum inferiorum.

Secundò aduertendum est, quod potentia contradictionis, scilicet, quæ ordinatur ad esse, & non esse formæ, non eodem modo ordinatur ad esse, & ad non esse: sed ad esse ordinatur per se primò, ad non esse verò per accidens. Ratio est, quia omnis potentia per se habet respicere actum, vel quem faciat:

ciat, fractura sit, vel quem recipiat, si sit passiva: ergo cum non esse non sit actus, sed potius negatio actus, potentia contradictionis materię primę per se primò non est ad non esse huius, vel illius formę, sed per accidenſ in quantum, quia per se ordinatur ad esse formę, cum qua necessariò coniungitur, non esse alterius per accidenſ respicit non esse huius, vel illius formę.

Quo supposito respondetur ad Aristotel. auctoritates, ipsum loqui de materia, quę est potentia contradictionis, non verò de materia secundo modo, scilicet quę solum est passiva.

Ad primam rationem Aristotel. non omnem materiam esse principium corruptibilitatis, sed solum illam, quę non respicit unicam determinatam formam, vt actum adęquatam, sed hanc, vel illam, quę, cum possit ad hanc, vel illam formam contrahi, est principium corruptionis prioris formę: materia autem cęli (vt infra dicā) non est limitabilis ad plures formas, & ita cum non habeat potentiam ad aliam formam, non potest esse principium corruptibilitatis huius formę, quia hoc prouenit ex eo, quòd materia relinquit hanc formam, & coniungatur cum alia.

Ad secundam, quòd ex eo quòd inter entia corporea cęlum sit perfectius, solum sequitur, quòd sit substantia perfectior, corporea tamen, & composita ex materia, &

forma, sicut ex eo quòd inter res spirituales anima sit imperfectior, non sequitur animam rationalem esse corpoream.

Ad tertiam responderetur, quòd materia cęli in genere causa materialis est prior forma, tamen, quādo illam recipit, non transmutatur, quia ad hoc requiritur quòd prius extitisset duracione aliqua, vt latius diximus in Physica.

Ad quartam responderetur, quòd quamuis cęlum habeat formam, illa tamen non est principium actuum motus, quia principium intrinsecum bonum: unde quia cęlum non mouetur propter proprium bonum, sed propter aliorum bonum, nō habet principium intrinsecum actuum, habet tamen passiuum, quia hoc solum dicit inclinationem, vt moueatur ab alio, ad quod nō est necessarium esse propter bonorum proprium.

Ad vltimam, verum esse, ex transmutatione, formarum colligi, esse materiam primam, non tamen valet e contra, quòd vbi est materia prima, est transmutatio, sicut bene valet: Respirat: ergo est animal, non tamen: Est animal, ergo respirat; vt patet de piscibus, quia est argumentum a causa remota, in quo licet affirmatio sit causa affirmationis, non tamen negatio est causa negationis.

*Quæst. 1111. Verum materia cæli sit
eiusdem rationis cum materia
horum inferiorum?*

Dico breuiter, quod materia cæli, & materia horum inferiorum, non sunt eiusdem rationis. Ita D. Thom. 1. p. quæst. 66. artic. 2. & ibidem Caietan. Durand. in 2. distin. 12. quæst. 1. & est ferè communis opinio deducta clarè ex Aristot. præsertim 1. de generat. cap. 3. vbi ait, cælum non posse pati ab his inferioribus, quia non communicat cum illis in materia; & quidem scloquamur de conuenientia generica, scilicet in ratione potentie passiuæ, non est dubium, quin conueniat materia cæli cum materia horum inferiorum, vtraque enim habet potentiam passiuam respectu formæ substantialis, vnde solum est quæstio de conuenientia specifica.

Quod autem hoc modo sint diuersæ rationis primò à priori, quia omnis potentia habet distingui per actum suum adæquatum, sed actus adæquatus materię primæ, quæ est quædam potentia, est diuersæ rationis in cælo, & in his inferioribus: ergo. Probatur minor, quia actus adæquatus materię horum inferiorum non est hæc forma determinata, aliàs non posset habere aliam, sed hæc vel illa, at verò actus adæquatus materię cæli solum est forma cæli. Et probatur, quia si materia cæli haberet potentiam ad

alias formas inferiores, sequitur cælum esse corruptibile, quia habet materiam, quæ potest cum alijs formis, ad quas dicit potentiam, & appetitum, coniungi: vnde proueniret corruptio cæli, quia duæ formæ non sunt compoſibiles in eadem materia.

Ad hoc argumentum, quia difficile est, variz solent adhiberi solutiones, quia Scot. in 2. d. 14. q. 1. contrariam amplectens sententiam, asserit, cælum non corrumpi naturaliter, eò quod licet sua materia sit eiusdem rationis cum materia horum inferiorum, & principium, quantum est ex se, corruptibilitatis: non tamen est aliquod agens naturale, indicens oppositam formam.

Hæc tamen solutio falsa est, quia cum ignis sit contiguus orbi lunari, iam datur agens naturale, & non parum actiuum applicatum illi materię, vnde, si talis materia esset capax recipiendi formam ignis per continuam ignis actionem, saltem secundum partes aliquas cælum transmutatum esset in ignem, atque adeò esset corruptibile: ergo signum est, materiam Lunæ esse incapacem formæ ignis, & ita distingui specie ab illa.

Quare alij respondent, quod licet tales materię sint eiusdem rationis, & materia cæli habeat de se potentiam ad alias formas, est tamen cælum incorruptibile, quia forma illius informat inseparabiliter, & ita nequit contingere corruptio,
quia

quia satiat (vt alij loquuntur) totum appetitum materię. Sed etiam hæc solutio est falsa, quia informare inseparabiliter, vel satiare appetitum materię, non prouenit ex perfectione formę, quia anima rationalis est multo perfectior forma cęli, non tamē informat inseparabiliter.

Nec valet, si rursus respondeas, esse diuersam rationem, quia anima rationalis non continet virtutē alias formas, sicut forma cęli, ratione cuius continentię, quia scilicet in se continet alias formas, satiat appetitum materię, & informat inseparabiliter. Quia contra est in primis, quod forma cęli non continet virtutē, neque alio quouis modo animam rationalem, quia cū sit spiritalis, nullo modo producit ab ipsa: ergo saltem non tolleretur inclinatio ad illam.

Secundō, quia continere alias formas virtualiter, vel eminenter, non tollit potentiam & inclinationem ad tales formas, quia etiam si anima rationalis contineat vegetatiuam, & sensitiuam eminenter (vt plures volunt) adhuc tamen est in materia prima potentia, & inclinatio ad tales formas: cuius ratio a priori est, quia materia non solū habet potentiam ad habendas tales formas, secundū quod eminenter continentur in alia tertia, sed etiam secundū se, & formaliter: ergo quāuis contineret alias omnes eminenter, ad-

huc haberet potentiam, & priuationem ad illas formaliter sumptas: ergo tota ratio informandi inseparabiliter debet sumi ex impotentia materię cęli ad alias formas, ita quod solū respiciat formam cęli, vt actum ad æquatum.

Nec valet quod alij dicunt, idē informare formam cęli materiam suam inseparabiliter, quia habet dispositiones conseruatiuas carentes contrarijs qualitatibus, & in cęlum esse incorruptibile, quia non possunt expelli qualitates conseruatiuę formę cęli, cū contrario careant, vt sunt lumen, quantitas, diaphaneitas, & reliquę, quas certum est, non habere contrarium.

Hęc etiam solutio non placet, quia cęlum non habere qualitates contrarias, non prouenit solum a forma, quia multo perfectior est anima rationalis, quę tamen expellitur per contrarias qualitates, sed prouenit a materia, quia scilicet materia cęli non potest habere aliam formam, quia si aliam formam habere posset, etiam posset suscipere dispositiones ad illam: relinquitur ergo, cęlum esse incorruptibile ratione materie proprię, quia scilicet non habet potentiam ad alias formas: & ita non habet annexam priuationem aliarum formarū.

Secundō probatur conclusio posita, quia si materia cęli, & materia horū inferiorum sunt eiusdem rationis, comunicat ergo

solum est vnicū primum efficiens numero, & vnicus finis vltimus, quod est ridiculum.

Ad tertium, vtrāque illam materiam infinitē distare à Deo, plus tamen ea, quæ imperfectior est, sicut homo, & Angelus infinitē distant à Deo: sed magis distat homo, de ratione enim infiniti non est, quod non sit vnum maius alio, vt 3. Physic. explicuimus.

Ad vltimum, definitionē illam materię genericam esse ad omnes materias, non specificam. Ad confirmationem respondetur, quod quantitas sequitur materiam, non secundum rationem specificam: sed secundum rationem genericam, & ita cum sit eadem ratio generica materię, in illis non diuersificantur quantitates, sicut in omnibus animalibus sunt sensus eiusdem speciei, quamuis anima sensitua non sit eiusdem speciei, quia sequuntur illam sub ratione genericę naturę sensitivę: est autem eadem ratio generica in omnibus.

Sed quæres, vtrum vniuocē cōueniant in ratione materię absolutę? Respondetur, quod sic, scilicet in ratione potentię passivę substantialis, quia quemadmodum formis substantialibus assignatur vnica ratio vniuoca, licet incompleta, scilicet informare, & dare esse, ita etiam vtrique materię assignari debet ratio vniuocā, licet differant aliās secundum speciem. Et per hæc patet, malē Caietanum 1. part. quæstione 66. articulo secun-

do asseruisse materię orbium celestium analogicē conuenire in ratione materię, quia quemadmodum formę illorum non conueniunt analogicē in ratione formę, sed vniuocē, quia informare formaliter, & æquē, primò inuenitur in omnibus, ita etiam recipere formam, & totam componere; vniuocē dicitur de omnibus materijs celorum.

Sed obijciēs. His quæ sunt primò diuersa, non potest assignari aliqua ratio communis vniuoca, vt rebus diuersorum prædicamentorum: sed formę substantiales sunt primò diuersę, quia illa sunt primò diuersa, quæ se ipsis differunt: formę autem substantiales se ipsis differunt, quia distinctio fit per actus, & formę se ipsis sunt actus: ergo illis nō potest assignari ratio communis vniuoca. Respondetur, quod licet sint actus respectu sui subiecti, in se tamē habent compositionem ex potentia, & actu metaphysico, scilicet ex genere, & differentia, qualiter in accidentibus, licet sint quidam actus, tamē ex genere, & differentia inuenitur compositio.

Quæstio V. Vtrum corpora celestia, & eorum materia specie differant?

Conclusio est affirmatiua, scilicet quod corpora celestia, & eorum materia specie differant: ita S. Thom. 1. part. quæstione 47. articulo quarto, Caietan. quæst. 66.

artic. 2. Versus p. c. 7. Denique est communis opinio, & probatur ratione: in primis de materia, quia si materia Lunæ, verbi gratia, est eiusdem speciei cum materia Solis, habet ergo appetitum, & aptitudinem ad formam Solis, aque adeo orbis Lunæ esset corruptibilis.

Nec valet quod respondet Petrus Martinez, contrarium existimans in hoc capite, negando consequentiam, quia quælibet forma cæli satiatur appetitum omnem: quia contra est, quod si dicit appetitum ad aliam formam, quomodo potest satiatur appetitum ad illam? quia dicere, hoc esse, quia alias continet eminenter, nihil valet, quia formæ cælorum, ut statim probabo, etiam differunt specie, & aque adeo una est imperfectior alia, ex quibus imperfectior non potest continere eminenter perfectionem, & ita iam habebit appetitum ad illam.

Secundo, quia, ut superiori questione dixi, materia non solum habet appetitum ad formas eminenter contentas in alia tertia, sed secundum se, & formaliter sumptas, ut patet de materia hominis, quæ habet appetitum ad animam sensitivam, & vegetativam quamlibet, licet secundum plures contineatur eminenter in anima rationali. Denique omnes solutiones, quæ huic argumento accommodari possunt, superiori quæst. in simili sunt satis efficaciter inuicinate.

Secundo probatur conclusio,

quia si materia cælorum est eiusdem rationis, communicarent ergo cæli in materia: unde ad inuicem possent transmutari; atque adeo corrumpi.

Sed oppositam sententiam tenet Durandus in 2. dist. 14. quæst. 11. Soncinas 121. Meth. quæst. 10. Petr. Martinez hoc cap. ad quam probandam sic arguunt. Primo, quia formæ incorruptibili, ut anime rationali, & corruptibili, ut alijs formæ cuiuslibet horum inferiorum, datur una materia eiusdem rationis: ergo multo melius formis incorruptibilibus cælorum. Respondetur esse diuersam rationem, quia forma incorruptibilis, scilicet anima rationalis, non est actus adequatus suæ materiæ, & ita habet eandem materiam cum alijs formis corruptibilibus quæ respicit tamquam actum adequatum hanc, vel illam formam, at verò quælibet forma cæli est actus adequatus suæ materiæ, & ita sicut diuersæ sunt formæ in specie, ita & materia.

Secundo arguit, quia ideo colligimus, materias omnes horum inferiorum esse eiusdem rationis, quia informantur separabiliter: sed omnes materiæ orbium celestium informantur eodem modo, scilicet inseparabiliter: ergo sunt eiusdem rationis. Respondetur, non solum colligi ex hoc, sed quia materia horum inferiorum respicit tamquam actum adequatum hanc, vel illam formam; at verò materiæ cælorum respiciunt tamquam actus adequatos diuersas.

fas formas, & sic specie differunt.

Tertiò arguunt: Ea, quæ transmutantur, vt hæc inferiora, habent materiam eiusdem rationis: ergo etiam ea, quæ non transmutantur. Respondetur ex hoc potius colligi oppositum, quia ea, quæ transmutantur, ideò habent materiam eiusdem rationis, quia materia vnius potest recipere formā alterius: ergo cum cæli transmutari non possint, quælibet forma est actus adequatus suæ materiæ, atq; adeò sunt diuersæ rationis.

Secundum dubium in hac questione est, utrū orbes cælestes specie differat. Partem negatiuam tenet Auerroes 2. cæli, commentario 51. & ibidem Petrus Martinez, Duran. in 2. d. 12. quæst. 1. Probant autem suam sententiam ex Arist. hoc capite dicente, præter quatuor elementa dari quintum corpus, per quod videtur esse vnū in specie.

Secundò, quia si specie differrent, deberent habere motus differentes, quia cuilibet corpori simplici deberet competere suus motus simplex, sed motus orbium non differunt specie, præsertim illi, qui mouentur ab Oriente in Occidentis: ergo.

Tertiò, quia quæ habent formā in materia, multiplicantur in individuo, vt Arist. docet ca. 9. sequenti; sed cælum (vt vidimus) habet formam in materia: ergo multiplicatur numero: ergo sunt orbes cælestes numero differentes.

Opposita sententia nobis tenenda est cum S. Thoma 1. p. q. 47. Caiet. q. 66. art. 2. quam etiam tenet Bersorius 7. Cuius ratio est, quia multiplicatio individualis tantum est in rebus corruptibilibus, in quibus cum nullam sit corruptibile, oportet esse plura: sed cæli sunt incorruptibiles: ergo non plures numero, sed specie.

Secundò, quia ex diuersis accidentibus proprijs colligimus diuersitatem substantialem: constat autē, quodlibet astrū cæli habere diuersam virtutem influendi, & prædominandi in hæc inferiora: ergo.

Vnde ad primum ex Arist. respondetur, ibi solū conari, quòd sit aliud corpus ab elementis: quòd tamē illud sit vnum, vel multiplex, ibi non definiuit.

Ad secundum respondetur, orbes omnes habere diuersos motus, saltem in ratione naturali distinctos, quia quilibet postulat suum determinatum locum per determinatam viam, nec aliquid aliud intendit Arist.

Ad tertium, quòd ea quæ habent formam in materia, multiplicatur numero, quando talis materia habet annexam priuationem aliarum formarum, tunc enim, quæ talem habent, possunt numero multiplicari, aliter verò contingit in cælis, de numero autem orbium cælestium latè disputabitur infra, modò tantum partes substantiales cæli consideremus. Et hæc de hac questione.

Caput III.

Postquam Aristot. in capite precedenti probauit, cælum esse ingenerabile, & incorruptibile, ex eo quod motui eius nihil sit cōtrarium, iam hoc capite ostendit, motui cæli nullum esse contrarium: & quia motui circulari cæli solū potest intelligi cōtrariari vel motum rectum, vel semicircularem; tandem per motum circularem, probat de omnibus, quod non contrariantur motui cæli.

Probat in primis, motum rectum non cōtrariari motui circulari cæli, quia motus rectus habet suum proprium cōtrarium, ut motus sursum, & deorsum: ergo si etiam illi cōtrariatur motus circularis cæli, iam vni multa contrariantur. Sed quia posset aliquis dicere, quod motus circularis, qui fit per lineam concuam cæli, contrariatur motui circulari, facto per lineam conuexam. Respondet Aristotel. quod concuam, & conuexum non opponuntur contrariè: sed relatiuè, dicitur enim vnum in ordine ad aliud.



Deinde probat inter motus semicirculares nullā esse cōtrarietatem, quia possumus imaginari, inter huiusmodi

motus triplicem contrarietatem. Prima, quia motus semicircularis factus ab A. in B. contrariatur alteri motui circulari facto per lineam superiorem ab eodem in idem punctum, scilicet ab A. in B. ut patet in ista figura.



Secunda contrarietas est, quod motus semicircularis, qui incipit ab A. in B. contrarietur alteri motui semicirculari, incipienti è contra à B. in A. ut patet in secunda figura.



Tandem tertio, quod motus semicircularis ab A. in B. per semicirculum supremum contrarietur alteri motui semicirculari, facto per semicirculum inferiorem à B. in A. ut patet in tertia figura, probatque hos omnes motus non contrariari inter se. De primo, quia si motui ab A. in B. contrariatur alius motus factus per semicirculum inferiorem ab eadem A. in B. cum possint ab illa A. in B. fieri infiniti motus per magis superiores lineas semicirculares: ergo iam vni multa contrariantur.

Probat deinde, quod motus factus in secunda figura ab A. in B. non contrarietur alteri motui facto per eandē lineā à B. in A. quia si hi duo sunt motus contrarij, maximè quia

ter-

termini sunt contrarij : sed non sunt contrarij, prout distant, per illam lineam semicircularē: sed per lineam rectam, quia motus mensura debet esse certa, determinata, & minima, lineæ verò curvæ, quæ possunt protrahi ab A. in B. infinitæ, & non determinatæ quantitatis sunt, solum contrarietas alium terminorum potest mensurari per lineam rectam, quæ est mensura determinata; & certa: ergo cum de ratione contrarietatis sit, quod sit maxima distantia, & non sit maxima distantia inter illos terminos per lineam semicircularem, quia dari potest alia linea maior, & maior, necessario dicendum est, illos motus semicirculares non contrariari.

Probat deinde, motum semicircularem factum ab A. in B. in tertia figura per superiorem semicirculum non contrariari alteri motui semicirculari à B. in A. per semicirculum inferiorem, quia si contrarietur, maxime, quia termini essent contrarij: sed contrarietas illorum non sumitur per lineam semicircularem, quia secundum illam non est maxima distantia, cum possit intra eosdem terminos maior, & maior linea fieri, solum sumitur penes lineam rectam: ergo tales motus semicirculares non contrariantur.

Secundo, & potissime hoc idem probat, quia illi motus semicirculares continuantur, & componunt unicum totalem motum circularē,

contraria autem non possunt inter se continuari, neque componere unum tertium: ergo nullo modo motus semicirculares possunt inter se habere contrarietatem.

Sed quia posset aliquis dicere, motum integrum circularē factum ab A. usque ad idem punctum per B. contrariari alteri motui circulari facto ab A. in idem punctum per D. probat hoc esse impossibile, quia motus contrarij debeant habere terminos contrarios, cum autem uterque motus fiat ab eodem in idem punctum, & idem sibi ipsi non contrarietur, fit, quod tales motus non possint esse contrarij.



Sed obijciat aliquis: Sufficit illud punctum A. esse sibi ipsi contrarium secundum rationem, in quantum est principium, & finis, respondetur, hoc non sufficere ad contrarietatem, quia Deus est principium & finis, non tamen sibi aliquo modo contrarius.

Secundo respondet, quod motus realiter contrarij requirunt terminos realiter contrarios, contrarietas autem realis requirit realem distinctionem, qualis non est inter idem, & se ipsum.

Secundo probat hoc idem Aristoteles. quia fingamus duo mobilia moveri illis motibus, vel moventur per eandem regionem, vel per diversam, si moventur per eandem,

Pp iij dem,

dem, in primis, alterum est superfluum, nihil autem est in natura superfluum, imò cum tendant ab eodem in idem punctum, non habent terminos contrarios, atque adeò nec ipsi contrariantur; si verò fiant per diversam regionem, cum debeat vtrumque attingere omnia puncta illius circuli, & omnes differentias positionis, obviabunt se: tunc, vel sunt æqualis virtutis, & tunc neutrum movebitur, quia neutrum impellet alterum, & sic vtrumque mobile erit frustra, cum non possit habere suum motum naturalem, quem supponimus habere: si verò vnum sit fortius aliq, impellet aliud, & illud detinebit à suo motu, & sic iam hic erit frustra, cum suum motum naturalem nequeat attingere: ergo impossibile est, esse motum aliquem naturalem alicuius corporis contrarium motui cæli.

Circa literam.

Videtur, quòd motui cæli sit aliquid contrarium, quies enim opponitur motui. Secundò, contra rationem Aristot. est argumentum, quòd si de ratione motus contrarij est, quòd fiat per maximam distantiam, sequitur, quòd motus ab albo in nigrum per medios colores, non sit motus, quia fit per medios colores, qui non maxime distant ab albo, cum magis distet nigrum.

Tertiò, quia motui ab Oriente in Occidens contrariatur motus ab

Occidente in Oriens. Respondetur ad primum, Arist. loqui de contrarietate positiua, non de oppositione priuatiua.

Ad secundum, non esse vnum motum ab albo in nigrum per medios colores: sed duplicem, quia alius est motus ab albo in fuscum, & alius à fusco in nigrum. Aristoteles autem loquitur de vno motu simpliciter.

Ad tertium satis patet ex doctrina Aristotelis in hoc capit. quòd tales motus non sunt contrarij, eò quòd termini non sunt contrarij penes lineas circulares: sed per rectas, in quibus est maxima distantia.

Sed obijcies: motus propriè dictus fit inter terminos contrarios: ergo motus circularis ab eodem in idem punctum est inter terminos contrarios quod negat Aristoteles. Respondetur, nomine contrarietatis debere intelligi impossibilitatem, qualiter intelligitur incópossibilitas in illo termino, sub ratione principij, & finis, in quantum idem punctum, secundum quod initiat, non terminat.

Dices vltimò, quemadmodum corpora mota in eodem circulo motibus oppositis obuiarent se, ita mota in linea recta. esset ergo alterum illorum frustra, quod est inconueniens. Respondetur, Aristotelem concludere, quòd si sint in æqualis virtutis, corpus fortius destrueret aliud, hoc autem est inconueniens in corporibus, quæ mouē-

tur

ur circulariter natura sua, vt cælum, quia est incorruptibile: at verò si daremus duo corpora inferiora moueri per eandem numero lineam, non est inconueniens, quòd vnum corrumpere aliud, quia corruptibilia sunt, præsertim, quòd nò est opus moueri per eandem lineam rectam, & sic non se obuiabunt, Aristotel. verò loquitur ibi de corporibus motis per eundem circulum.

Vltimò aduertendum est circa id quod docet Aristotel. quòd concauum, & conuexum sunt relata, quia potest dari conuexum sine concauo, vt patet in globo solido. Responderetur, superficiem vltimam globi solidi non esse formaliter conuexam, prout conuexum dicit relationem ad concauum: sed est conuexa quasi materialiter, quia secundum illam potius tale corpus ambitur, quam ambiat.

Caput V.

Postquam Aristoteles capitibus præcedentibus egit de numero, & qualitate corporum vniuersi, agit iam de quantitate horum corporum, in hoc verò capite & sexto, & septimo ostendit, nullum corpus infinitum esse in hoc vniuerso. præcipue tamen in hoc capite probat de corporibus cælestibus, nullum ex illis infinitum esse in magnitudine. Fuit enim, vt Aristoteles refert, quorundam antiquorum opinio,

quòd in hoc vniuerso sit corpus ali- quod infinitum. Probat tamen sex rationibus, nullum esse corpus infinitum in magnitudine, quia vel illud esset mixtum, vel simplex: si mixtum, cum ex simplicibus cõponatur, si ipsa simplicia finita sunt, etiam mixtum ipsum finitum erit. Quòd verò corpora simplicia finita sint, probat: & de cælestibus in hoc capite, quia si aliquod corpus cæleste esset infinitum in magnitudine, non posset moueri circulariter. Patet, quia, vt circulariter moueatur, debet pertransire spatium interceptum inter duas lineas deductas à centro, vt patet in prima figura: sed illud spatium est infinitum: ergo nò potest pertransiri. Probatur minor, quia quanto lineæ magis protrahuntur à centro, magis distant: sed illæ protrahuntur infinite: ergo infinite distant, quia si finitè protrahuntur, iam erit vltimum in illo corpore, atque adeò erit finitum illa ergo distantia infinita non potest pertransiri: ergo.



Secundò, id probat supponendo prius, quòd si à tempore finito abstuleris tempus finitum, quod remanet, finitum est, aliàs si est infinitum, iam hæc pars erit maior suo toto, quod est impossibile.

Secundò supponit, quòd spatium, tempus, & motus, proportionantur, quantum ad finitum, vel infinitum, ita quòd si spatium fuerit finitum, tempus, & motus erunt

finita, & contra. Hoc supposito.

Arguit sic: Fingamus in tali corpore circulari, quod circulariter mouetur, lineam vnā ductā à centro vsque ad circumferentiam, quæ moueatur simul cū ipso corpore circulari, & fingamus aliam lineam ductā ab vna circumferētia ad aliam, quiescentem tamen, & deductā prope centrum, vt patet & in secunda figura. Tunc sic, vt illud corpus moueatur, linea ducta à centro ad circumferentiam debet pertransire totā aliam lineam prope centrū ductā ab vna circumferentia ad aliā, talis verò linea necessariò est infinita, quia pertransit totum corpus circulare, quod supponimus esse infinitū, linea verò infinita pertransiri non potest: ergo illud corpus non potest moueri.



Tertiò probat, quia fingamus duas lineas rectas, alteram finitam, alteram infinitam, & infinita moueatur, vt pertranseat finitam. Tūc sic, vt linea tota infinita pertranseat finitam, requiritur tempus infinitum, quia debet pertransire illam, secundum totam infinitum spatium, quod in se continet, at vidimus cælum moueri tempore finito viginti quatuor horarum: ergo est finita.

Quartam rationem sumit ex figura ipsius cæli, quia corpus figu-

ratum debet habere finem, quia figura est quātitas terminata: sed cælum habet figuram circularem, cū circulariter moueatur: ergo est corpus finitum.

Quintò probat, quia ponamus in circulo lineam, ab vna circumferentia ad aliam ductā per centrum, vt patet in quarta figura, & ponamus aliam extra centrum, scindentem illam ad angulos rectos, & ab vna circumferētia ad aliam. Et ponamus aliam ductā à centro ad circumferentiam.



Tunc sic, vt illud corpus infinitum moueatur, debet pertransire totā lineam. E. F. ductā extra centrum ab vna circumferentia ad aliam, quæ infinita erit, quia est à circumferentia ad circumferentiam corporis infiniti, & debet etiam pertransire totā lineam infinitam. A. B. ductā per centrum, quæ etiam propter eandem rationem est infinita: sed pertransiri infinitum est impossibile: ergo cū videamus cælum moueri tempore finito, necessariò debet esse corpus finitum.

Probat vltimò, quia, vt suprà dicit, tempus, motus, & mobile, proportionantur, quantum ad infinitum, vel finitum: sed cælum, vt constat, tempore finito mouetur: ergo spatium pertransactum est finitum, & etiam ipsum mobile: nullum ergo est corpus circulare infinitum.

Circa

Circa literam.

CIRCA hoc caput pro Aristotele est aduertendum, tertio Phisicorum ipsum egisse de infinito absoluto, an sit, & an sit possibile, hic agit de illo in ordine ad hoc vniuersum. Et in primis, dubium est circa id, quod dicit Aristoteles, quod si in vniuersum esset corpus infinitum, possent protrahi lineæ à centro ad circumferentiam, quia in infinito neque est medium, neque finis. Respondetur, Aristotelis rationem supponere experientiam, qua constat, dari centrum mundi, qua supposita, arguit, quod non detur corpus infinitum, non verò asserit ipse, quod corpus infinitum habeat medium, scilicet centrum.

Secundò est dubium circa id, quod dicit, quod si detur infinitum aliquod corpus, illud esset primum, quia adhuc illud corpus esset creatura: ergo non esset primum: hoc enim est Deus. Respondetur, quod esset primū in genere quantitatis, sicut enim quia Deus est infinitum in genere entis, est primum ens, ita hoc corpus, quia esset infinitum in genere quanti, esset primum quantum, nō quidem quia aliqua quanta causaret, sicut Deus: quantitas enim, non est principium actiuium, alias esset qualitas, quæ est potentia: sed quia esset.

perfectius omnibus alijs, atque aded, ordine perfectionis prius.

Vltimò aduertendum est, vim illius rationis Aristotelis, scilicet, quod si simplicia corpora finita sunt, etiam mixta erunt finita, secundum magnitudinem. Ratio est, quia forma mixti introducit in materia elementorum, quæ si finita est, necessariò quantitas illius mixti debet esse finita, cum quantitas sequatur materiam.

Caput VI.

PROBAT iam Aristoteles in hoc capite de corporibus, quæ mouentur motu recto, nullum esse infinitum, id verò ostendit ex duplici capite, scilicet ex locis vniuersi: secundò ex grauitate, & leuitate illorum. Primò ergo probat ex locis, & supponit primò locum sursum, & deorsum esse contraria. Probat, quia motus contrarij tendunt ad loca contraria: sed motus sursum, & deorsum, sunt contrarij: ergo & ipsa loca.

Secundò supponit locum sursum, & deorsum esse finita: probat, quia quotiescūque vnum contrarium finitum est, alterum debet esse finitum. Sed medium, scilicet locus deorsum, finitum est, quia grauiora, quæ ad medium tendunt, vt ipse docuit capit. 2. non tendunt in infinitum: ergo etiam locus sursum finitus est.

His

His suppositis, sic arguit: locus sursum, & deorsum, sunt finita: ergo locata sunt finita. Patet consequentia, quia locus est æqualis locato. sed locata in his duobus locis sunt extrema elementa: ergo elementa extrema sunt finita. Quo supposito.

Probat idem de elementis medijs, quia si illa infinita sunt, non haberent aliqui corpora extrema, inter quæ cõtinerentur: sed sunt elementa extrema: ergo, quia si non sunt, inquit, talia elementa media finita: ergo motus per illa elementa numquam perueniret ad extrema, nullum ergo ex elementis est infinitum.

Probat deinde hoc ex gravitate, & leuitate, quia si esset corpus aliquod infinitum, vel ergo illud haberet gravitatem finitam, vel infinitam. Probat modò, quòd non possit habere finitam, quia sequeretur eandem debere esse gravitatem corporis finiti, & infiniti: imò & finitum posset habere maiorem gravitatem, quàm infinitum. Probat, quia si gravitas corporis infiniti est finita: ponamus esse ut octo, & gravitatem corporis finiti esse ut quatuor, tunc sic, corpus finitum habet gravitatem ut quatuor, crescat ergo in dupli: proportionem, habet ergo gravitatem ut octo, atque adeò tantam, ac corpus infinitum: & si crescat in tripla, habebit maiorem: ergo maior erit gravitas corporis finiti, quàm infiniti.

Et rursus, cum corpus illud finitum possit esse pars corporis infiniti, pars habebit maiorem gravitatem suo toto, quæ omnia sunt absurda.

Quòd verò non possit habere gravitatem infinitam, quod erat illud membrum, probat, quia sequitur, quòd moueatur localiter, & non moueatur, quæ sunt implicationes. Patet primum, quia illud corpus mouebitur, cù sit graue, & maxime graue: quia si aliud corpus minoris gravitatis mouetur, quantum magis illud corpus habens maximam gravitatem? Quòd verò non moueatur, patet, quia quantum corpus aliquod est graue, tantò velocius mouetur: ergo si gravius sit, velocius mouebitur: ergo si habeat infinitam gravitatem, mouebitur in non tempore, scilicet in instanti: sed repugnat, motum localem esse instantaneum: ergo tale corpus moueretur, & non moueretur.

Et si dicas, dari minimum quoddam tempus, in quo moueatur. Cõtrà arguit: sit illud tempus, verbi gratia, ut duo, tunc sic: mobile finitum mouetur tempore finito, verbi gratia, ut quatuor: ergo si adueniat eidem mobili gravitas dupla, mouebitur æquè velociter, ac corpus infinitè graue. Probat autem Aristotel. suum intentum rationibus cõmunibus, ad quod supponit, omne corpus, vel esse finitum, vel infinitum. Præterea, vel constare partibus similibus, vel

dissi-

disſimilaribus. Rurſus, corpus infinitum diſſimilare, vel tale eſt, quia cōſtet partibus diſſimilaribus, numero infinitis: vel eſt tale, quia habeat partes diſſimilares, finitas numero, magnitudine verò infinitas.

Et probat his omnibus modis, non eſſe poſſibile. Primò, quòd nō poſſit eſſe infinitum diſſimilare, quia habet partes diſſimilares infinitas numero, probat ſic, quia tale corpus diſſimilare diceretur tale, quia cōſtaret corporibus ſimplicibus infinitis: ſed talia corpora nō ſunt infinita: ergo nec corpus diſſimilare. Probatur, quia corpora ſimplicia debent habere proprios motus ſimplices: ſed motus ſimplices ſunt finiti, ſcilicet ſurſum, & deorſum, & etiam motus circularis: ergo non poſſunt eſſe corpora ſimplicia infinita, atque adeò nec diſſimilare ex illis conſtans. Quòd verò non poſſit eſſe corpus aliquod diſſimilare infinitum, quia habeat partes diſſimilares finitas numero, magnitudinem verò infinitas, probat ſic, quia ſi tales partes eſſent, haberent infinitam gravitatem: ſed hoc repugnat, ut probatum eſt, ergo.

Secundò probatur, quia talia corpora debent habere loca infinita, non finita, quia locus debet eſſe æqualis locato, & finitum non poteſt adequari cū infinito. Quòd verò ſit impoſſibile habere loca infinita, probat, quia ſi eſſent loca infinita, motus ab illo loco eſſet infinitus, quia deſcendere per motum localem ad locum infinitum, non

poteſt fieri, niſi per infinitum motum: ſed eſt impoſſibilis infinitus motus. Et probatur, quia ubi eſt impoſſibile motum eſſe, impoſſibile eſt moueri: ſicut, ſi impoſſibile eſt eſſe album, vel pedale, aut eſſe in Aegypto, impoſſibile eſt, fieri album, vel pedale, aut moueri ad Aegyptum: ſed in motu infinito eſt impoſſibile motum eſſe, quia motum eſſe, eſt infinito motu, & implicat motum infinitum, eſſe finitum: ergo implicat, eſſe corpus diſſimilare, quòd habeat partes diſſimilares magnitudine infinitas.

Sed quia poſſet aliquis dicere cum Democrito, & Anaxagora, eſſe quidem in vniuerſo infinitas partes, ſeparatas tamen, & non vnitas. Subiungit Ariſtot. occurrendo huic tacitæ obiectioni, hoc eſſe impoſſibile, quia ſi iſtæ partes ſeparatæ ſunt: poſſunt ergo coniungi, & fieri vnum, atque adeò redit eadem ratio, & difficultas.

Quòd non poſſit eſſe corpus aliquod ſimilare magnitudine infinitum, quòd erat aliud membrum rationis facta, probat in primis, quia illud deberet habere infinitam gravitatem, vel leuitatem, quòd iam oſtenſum eſt, eſſe impoſſibile.

Secundò, quia vel moueretur circulariter, & hoc non, ut probauit cap. quinto; vel motu recto, & hoc non, quia per motum rectum deſeritur vnus locus, & acquiritur alius, impoſſibile autem eſt, corpus infinitum deſerere vnum locum, & alium acquirere: ergo relinqu-

tur

tur impossibile esse in vniuerso corpus aliquod magnitudine infinitum, quod moueatur motu recto.

Circa literam.

Primò dubium est circa id, quod docet Aristot. locum sursum, & deorsum esse contraria, quia motus ad talia loca, scilicet motus sursum, & deorsum contrarij sunt. Quia contrà est, quòd contrarietas motuum sumitur ex contrarietate terminorum ad quos. ergo potius motus sunt còtrarij, quia loca sunt contraria, quàm è contrà. Præterea, quia locus est quantitas, quantitati autem nihil est contrarium.

Ad primum respòdetur, à priori bene colligi contrarietatem motuum ex còtrarietate terminorum ad quos: à posteriori tamen contrarietas terminorum probatur per còtrarietatem motuum, neque hic est circulus, quia non est in eodem genere causæ, sicut probari potest à priori, hominem esse risibilem, quia est rationalis. Et rursus, à posteriori quod sit rationalis, quia est risibilis.

Ad secundum, quòd illa loca possunt considerari, vel secundum qualitates, quas in se continent, & sic habent contrarium, non ratione sui, sed qualitatum: si verò considerentur secundum se, habent contrarietatem, id est distantiam.

Circa id, quod dicit Aristoteles, quòd in maiori magnitudine debet esse maior grauitas, est argumentum, quia quātumuis ignis sit maior, & maior, semper habet calorem vt octo: ergo quātumuis esset maius graue, non haberet maiorem grauitatem. imò è contrà potest contingere, quòd corpus minus sit magis graue, quàm corpus maius, vt parum plumbi grauius est magna stuppa. Respòdetur ad primum, Aristoteli tantum voluisse, quòd si sit maius corpus, habeat maiorem grauitatem, non quidem, quo ad intensiorem, vt probat ratio, sed quantum ad extensionem, sicut etiam est maior calor in igne maiori, quàm in minori, quantum ad extensionem, & sic optimè deinde infertur, quòd quemadmodum maior ignis citius calefacit, quàm minor, ceteris paribus, quia, vt diximus primo lib. de Generatione, maior multitudo materiæ saltem iuuat ad citius operandum, & ita maior grauitas extēsiua causabit maiorem, & velociorem motum.

Et si obijcias, quòd materia, non est principium agendi: ergo non potest causare velociorem motum. Respondetur materiæ illam non causare maiorem motum: sed potius illum causat maior grauitas existens in maiori materia.

Ad secundum respondetur verum esse, parum plumbi grauius esse magna stuppa. sunt tamē corpora diuersæ rationis. Aristot. autem loqui-

loquitur, ceteris paribus, quia ubi est maius corpus, est maior gravitas, & hoc verum est, tam in plumbo, quam in stoppa, qualiter etiam contingere potest, corpus minus velocius moveri magno corpore, ratione figuræ, quia scilicet habet acutiem, qua melius scindat aerem, quod non habebit corpus maius, si sit figuræ obtusæ.

Sed maius dubium est circa id quod dicit Aristot. quod si corpus aliquod haberet infinitam gravitatem, deberet moveri in non tempore, quia quanto gravius est, velocius movetur, & si gravius velocius, & si infinite grave, deberet moveri in non tempore.

Contrà hoc est argumentum, quia sequitur de facto, posse Deum movere aliquod mobile in instanti. Probat, quia quanto agens est fortius, velocius movebit aliquod mobile: ergo si fortius, citius movebit: ergo si infinite virtutis, poterit moveri in instanti: consequens autem, ut o, tunc vidit Aristot. est falsum: ergo ille modus argumentandi fallax est.

Secundò, quia non semper valet ab augmento causæ ad augmentum effectus: sicut non valet, quanto minor est resistentia ex parte me huj, tanto est velocior motus, & si minor, erit velocior: ergo si nulla erit resistentia, erit in instanti motus: consequentia est nulla: ergo & ille modus argumentandi fallax est.

Tandem tertio, quia illud cor-

pus habet intrinsecam repugnantiam, ut moveatur in non tempore, scilicet propriam extensionem partium: ergo quantumvis causa efficiens cresceret in infinitum, adhuc illud corpus non posset moveri in instanti, quia est repugnantia ex parte effectus.

Respondetur ad primum, quod, ut latius videmus 3. Physic. nullam involuit implicationem, quod Deus de potentia absoluta moueat mobile aliquod in instanti de loco ad locum, tamen ille motus non erit proprie dictus, quia non esset successivus: sed tantum esset quadam mutatio localis.

Ad secundum respondetur, quod medium nullam habere resistentiam, non est causa adæquata, quod motus fiat in instanti, propter repugnantiam intrinsecam ex parte partium ipsius mobilis, tamen habere gravitatem, debet esse causa adæquata, quod motus sit in instanti, vel saltem illa erit frustra, quod intendit Aristoteles, & similiter responderetur ad tertium, quod Aristoteles intendit, vel quod sit causa adæquata motus in instanti, vel si non est, quod sit frustra, quia non potest totus effectus, ad quem natura sua ordinatur, produci ratione alterius repugnantia.

Circa id quod docet Aristot. quod ubi est impossibile motum esse, est impossibile moveri, est dubium: quia cælum habet semper moveri, nunquam tamen movetur, quia

quia eius motus numquam finitur. Respondetur tamen, etiam in celo dari motum esse, quia facta circulatione, est motum esse, secundum illam circulationem, & sic de alijs circulationibus.

Caput VII.

Intendit in hoc cap. Aristot. ex vi actionis, & passionis demonstrare, nullum esse corpus infinitum, quia cum præcedenti capite id probasset ex motu locali, qui proprius est corporum sensibilium: iam in hoc capite ex alia proprietate corporum sensibilium, scilicet ex actione, & passione, id conatur ostendere, & ut primam rationem conficiat, supponit, quod omnia agentia agunt in patientia sibi proportionata, eodem tempore, verbi gratia, si calidum ut quatuor, agit in frigidum ut quatuor, tempore vnus horæ, calidum ut duo, debet agere in frigidum ut duo, eodem tempore, quia eadem proportio est.

Hoc supposito sic arguit. Omne corpus sensibile, habet, vel agere, vel pati, vel vtrumque: sed nullum corpus infinitum potest agere, vel pati, aut vtrumque simul, ergo: Probatur minor, in primis quantum ad actionem, quia vel agit in corpus finitum, vel in infinitum, quodcumque corpus ponatur, sequitur, quod eodem tempore agat in corpus finitum, & in infinitum, quod est absurdum, ergo. Probatur tequela. quia si deus corpus ini-

nitum agere in finitum corpus, in primis illa actio non potest esse in tempore infinito, quia numquam finiretur, atque adeo, ut docuit præcedenti capite, quia est impossibile, motum esse, esset impossibile moueri, debet ergo tempus esse finitum. Ponamus ergo, quod corpus infinitum agat in corpus finitum, habens resistentiam, vel passibilitatem ut octo, tempore vnus horæ, & sumas deinde aliud corpus finitum, quod agat in corpus habens resistentiam ut octo, tempore duarum horarum: tunc sic, si corpus finitum agat in passum ut octo, tempore duarum horarum, si illud agens cresceret in dupla proportionem, debet agere in idem passum ut octo, tempore vnus horæ; sed in hoc eodem tempore agebat corpus infinitum: ergo finitum, & infinitum, eodem tempore agent in passum finitum.

Quod verò non possit agere in passum infinitum, probatur, quia illud tempus debet esse finitum, ut probatum est. si ergo vnus horæ, tunc sic: sumamus aliud passum finitum, in quod agat hoc corpus infinitum, tempore horæ dimidiæ, & crescat hoc passum in dupla proportionem, tunc agat in vna hora: sed in eadem hora agebat corpus infinitum in aliud infinitum: ergo eodem tempore ageret illud corpus infinitum in corpus finitum, & infinitum, quæ omnia absurda sunt, cum finiti ad infinitum nulla sit proportio: nec dici potest, quod illud

illud tale corpus infinitum ageret in corpus finitum in instanti, quia loquimur de actione facta cum resistentia passi, quæ necessario est cum tempore.

Et simili ratione probat, quod corpus infinitum, non possit pati, quia vel pateretur à finito, vel ab infinito, non à finito, quia ponamus pati tempore vnius horæ, quia non potest esse actio tempore infinito (vt supra.) Tunc sic: hoc agens finitum, à quo patitur corpus infinitum, etiam debet agere in alia corpora finita, tempore finito, propter eandem rationem: agat ergo hoc agens finitum in passum finitum, habens resistentiam vt octo, tempore duarum horarum, & minuatur resistentia huius passi vsque ad quatuor, tunc agat in illud tempore vnius horæ: sed in eodem tempore agebat in infinitum: ergo eodem tempore pateretur finitum, & infinitum ab eodem finito, quod est absurdum.

Quod verò non possit pati ab infinito, probat, quia si patitur ab illo tempore vnius horæ, illud infinitum, quod agit in aliud corpus infinitum, agat in corpus finitum: actio hæc non potest esse instantanea, quia loquimur de actione facta cum resistentia, quæ est necessario in tempore. Similiter non potest esse in tempore infinito, vt dictum est. Debet ergo esse in tempore finito.

Sit ergo dimidiæ horæ, & ponamus de inde hoc passum finitum

crefcere in resistentia secundum duplicem proportionem, tunc debet pati in duplo maiori tempore, quia crescit resistentia in duplo, erit ergo illud tempus vnius horæ; sed in eodem tempore patiebat in infinitum ab infinito: ergo finitum, & infinitum, eodem tempore patitur ab infinito: quæ omnia inconuenientia sunt, cum finiti ad infinitum nulla sit proportio.

Tertium verò membrum rationis, scilicet quod illud corpus non haberet agere, & participatiue, vt notum relinquit Aristot. quia si non potest agere, vel pati, multo minus poterit vtrumque.

Tandem in calce capitis probat rationibus topicis, non posse esse tale corpus, quia non moueretur motu circulari, quia hic est circa medium, in infinitum autem non est medium, nec motu recto, quia siue sit naturalis, siue violentus, debet esse de loco ad locum; infinitum verò, cum omnia repleat, non potest moueri de loco ad locum.

Secundò, quia si esset aliquod corpus infinitum, necessario deberent esse plura, quod est impossibile. Probat, quia vel illud debet moueri ab alio: omne enim illud, quod mouetur, ab alio mouetur: sed infinitum non potest moueri à finito, quia actio provenit à proportionem maioris equalitatis: ergo debet esse aliud corpus infinitum, quod est impossibile, cum vnum omnia repleat, & quod penetretur, hoc non est per naturam

ram possibile, quæ corpori cui-
bet proprium destinavit locum.

Sed posset aliquis dicere cum
Democrito, esse vnum corpus in-
finitum, non quidem continuitate:
sed quia constet ex infinitis corpo-
ribus. Arguit Aristoteles, vt probet
hoc esse falsum, quia omnia illa cor-
pora, vel sunt grauiora, & ita nullum
erit leue, contra experientiam, vel
sunt leuia, & ita nullum erit graue,
etiam contra experientiam. Et si
dicas, aliqua esse leuia, aliqua gra-
uia: contra arguit, quia iam illud
corpus nullum habebit proprium
locum, ex quo vltcrius fit, quod nō
possit moueri naturaliter, atque
ad eō esset frustra.

Circa literam.

PRImò est dubium circa id, quod
dicit Aristotel. quod actio agen-
tis naturalis debet esse in tempore
finito. Quia contra est, quod intel-
ligentia perpetuò mouet cælum,
& cælum perpetuò influit in hæc
inferiora. Respondetur, quod actio-
nes illæ, quæ sunt propter bonum
vniuersi, sicut vniuersum, secun-
dum Aristotelē perpetuò manet,
debēt esse perpetuæ, vt motus cæ-
li, & illius influentia, tamen actio-
nes naturales ad proprium bonum,
& ad proprium finem non possunt
esse tempore infinito, quia sic non
possent suum finem naturalem cō-
sequi Aristoteles autem loquitur
de his actionibus, quia loquitur de

actione. qua vnum corpus agit in
aliud, vt ibi introducat formam
propriam, qui est finis particularis,
& sic non potest esse tempore in-
finito, neque in instanti, quia, vt di-
xi, loquitur de actione, quæ fit cum
resistentia contrarij, vt dixi in lite-
ra, & ita bene infert debere esse in
tempore finito. Quo supposito
optimè procedunt rationes eius.

Sed adhuc patiuntur calumniam
rationes Aristotelis, quia si corpus
finitum potest agere in corpus in-
finitum: ergo multò melius id po-
rerit corpus infinitum. Patet con-
sequentia, quia habet maiorem vir-
tutem.

Secundò, quia ignis agit in æ-
rem sibi proximum propter finem
particularem, scilicet, vt illum in
propriam substantiam conuertat,
& hoc perpetuò: ergo adhuc ratio
est falsa. Respondetur ad primam
rationem, bene sequi, quod possit
corpus infinitum agere in corpus
finitum, tamē etiam sequitur, quod
non possit propter rationes Ari-
stotelis. Nec mirum est, quia ex il-
lo impossibili sequuntur duo con-
tradictoria, quod potius est pro
Aristot.

Ad secundam, ignis licet per-
petuò agat in aerem, non tamen ea-
dem actione, quia modò alterat
hanc partem, illam corrumpendo,
postea aliam, & ita numquam ibi
datur vna actio infinite durans, sed
reuerā sunt plures actiones.

Circa illam rationem, qua Ari-
stoteles probat, scilicet, quod si est

vnum

vnus corpus infinitum, debet esse aliud, quia omne motum mouetur ab alio, est dubium, quia posset quis dicere, illud corpus moueri à Deo, atque adeò non esse plura corpora infinita. Respondetur, Aristotelem hoc loco loqui de motibus rectis, quos experientia constat moueri media influentia alterius corporis, scilicet celestis, cælum enim, etsi non immediate, aliquid tamen confert ad actiones horum inferiorum, vt secundo Physicorum vidimus.

Et sic hac experientia supposita, arguit Aristoteles quòd si est vnus, debent esse plura, quia motus rectus nūquam fit à solo Deo: sed mediante influxu alterius corporis. Circa illam propositionem, quòd agens agit in passum sibi proportionatum, legantur ibi dicta 1. de Generali caput. 7. & hæc de hoc capite.

Caput VIII.

Postquam Aristoteles in reliquis capitibus egit de numero, & magnitudine corporum huius vniuersi, agit in hoc capite de numero ipsius vniuersi, vtrum, scilicet, sint plura vniuersa. Caput hoc continet quatuor partes, in prima aliqua supponit, ex quibus in secunda probat suum interum. In tertia occurrit aliquibus solutionibus, quibus posset aliquis ad suas rationes rel-

pondere. In quarta amplius suum intentum probat.

Primò ergo supponit, omnia corpora naturalia habere motum naturalem, & violentum: similiter quietem naturalem, & violentam. Secundò supponit, quòd ad eum locum mouentur naturaliter, vbi naturaliter quiescunt, & ad illum violentem, vbi violentem quiescunt. Tertiò supponit, quòd quando aliquis motus competit alicui mobili contra naturam, contrarius debet esse naturalis. His suppositis, in secunda parte capituli probat suum intentum sic: Si essent plura vniuersa, vel terra alterius (& idem est de quolibet elemento) moueretur naturaliter ad terram huius, vel violentem. Si violentem, ergo motus terræ ad terram alterius vniuersi esset naturalis, quia ab illo loco mouetur mobile naturaliter, vbi violentem quiescit, & sic iam terra huius mundi, cum esset eiuldem rationis cum alia, moueretur naturaliter ad terram alterius vniuersi, quòd est contra experientiam: vel moueretur naturaliter, & sic iam quiesceret violentem in alio loco alterius vniuersi, quia ab illo mouetur naturaliter.

Secundò, quia ad illum locum mouetur mobile naturaliter, vbi naturaliter quiescit: sed terra huius vniuersi naturaliter quiesceret in terra alterius, ergo necessariò, si essent plura vniuersa, terra vnius moueretur ad terram alterius.

¶ Quid ij Nec

Nec valet, inquit Arist. in 3. part. huius capituli, si dicas hoc non fieri, quia essent diuersæ rationis corpora huius, & alterius vniuersi, quia contra hoc est, inquit, quia iam mundus diceretur æquiuocè de utroque.

Secundò probat hoc esse impossibile, quia, ut suprà capit. 2. probauit, tantum est triplex motus, à medio, ad medium, & circa medium: ergo corpora alterius vniuersi haberent hos motus, cum nõ sint alij, ergo haberent eandem naturam cum his corporibus. Probatur consequentia, quia natura est principium motus, & quietis: ergo si habent eodẽ motus, habet eandem naturam.

Nec valet, inquit Arist. si secundò dicas, terram huius vniuersi non esse mouendam ad terram alterius propter maximam distantiam. Quia contra est, quod distantia non mutat naturam; ergo cum natura sit principium motus, & quietis, si eadem est natura, quatinus sit magna distantia, deberet esse idem motus.

Nec valet, inquit, si tertio dicas, quod illa duo elementa terrestria postularẽt proprium locum, vnde non moueretur terra vnius ad terram alterius mundi. Contra arguit Aristot. quia non magis differret terra huius, & alterius vniuersi, quàm duæ glebæ, & partes huius terræ: sed hæc habent moueri ad idem centrum; ergo terra vnius mundi moueretur ad terram alte-

rius: hoc autem, ut constat, est impossibile: ergo & impossibile plures mundos esse.

Sed quia posset aliquis dubitare de suppositionibus, quas in principio adduxit Aristot. conatur iam illas probare. Tantum autem probat secundam, scilicet, quod omnis motus naturalis, vel violentus; debent habere locum determinatum, ad quem tendant; quia de alijs suppositionibus in superioribus capitulis, scilicet in capite secundò huius libri egerat. Præterea, quia secundum se notæ sunt.

Secundam verò suppositionem sic probat. Primò, omnis latitudo, scilicet omnis motus localis, finitus est, ut latè probauit capite 6. ergo est à determinato loco ad determinatum locum. Secundò, quia in alijs motibus videmus illos versari circa determinatos terminos, ut sanatio tendit à morbo ad sanitatem: ergo etiam motus localis debet esse à quodam in quoddam, id est, à determinato termino ad determinatum terminum.

Tertiò, quia si non haberent determinatum locum, sequeretur esse infinitam velocitatem in motu, quia corpora naturalia, dum magis accedunt ad naturalem locum, velocius mouentur: ergo si ille locus non est determinatus, sed in infinitum distaret, motus haberet infinitam velocitatem.

Nec valet, inquit, si dicas corpo-

ta omnia vi moueri per expulsi-
nem, & non naturaliter, quia cen-
tra est, quod ea, quæ mouentur vi,
quanto maiora sunt, tardius mouen-
tur, sed quæto maior est portio ter-
ræ, tanto velocius accedit ad cen-
trum: ergo.

Secundò, nihil mouetur ad lo-
cum, à quo vi proijcitur, sed graui-
a mouentur ad locum deorsum: ergo
ab illo non proijciuntur vi aliqua.
Tandem in 4. par. cap. Arist. probat,
non esse plures mundos, rationi-
bus, vt ipse ait, primè Philosophiæ,
idest, Mathematicæ.

Prima ratio est, quia si essent
plures mundi, deberent esse plu-
res primi Motores, & plures intel-
ligentiæ numero distinctæ ad mo-
uenda corpora cælestia alterius vni-
uersi, sed non possunt esse plures
intelligentiæ numero distinctæ ad
mouenda corpora cælestia alte-
rius vniuersi, quia ea multiplican-
tur, quæ habent formam in ma-
teria. Primus autem Motor, &
intelligentiæ hoc non habent: er-
go.

Secunda est, si essent plures mû-
di, vel ergo alius mundus esset su-
per hunc, & tunc iam terra alterius
esset supra cælum, & corpora leuia
huius: si verò est infra, iam terra hu-
ius est superior corporibus cælesti-
bus alterius vniuersi.

Dubia circa litteram.

Circa primam suppositionem;
qua Arist. dicit omnia corpo-

ra naturalia habere motum natu-
ralem, & violentum: & quietem
naturalem, & violentam, aduertē-
dum est, nō debere intelligi de fa-
cto, sed quod possunt habere quie-
tem, & motum violentum, vt patet
de cælo, & terra, quæ de facto non
habent quietem violentam, possunt
verò illam habere, nomine autem
motus, vel quietis violentæ, idem
intelligit, quod non secundum na-
turam. Circa secundam suppo-
sitionem, qua dicit, quod ad eum lo-
cum aliquid naturaliter mouetur,
in quo naturaliter quiescit, est du-
bium. Primò, quia motus, quo
quis mouet portionem terræ ab
vna parte centri ad aliam, est ad lo-
cum naturalem, quia vbique natu-
raliter quiescit in cætro, non tamē
est motus naturalis quia est omni-
nō à principio extrinseco. Respon-
detur illud debere intelligi, quādo
est à loco violento, qualis non est
ille motus.

Sed contrā, quia si quis magnò
impetu mouet lapidem à loco su-
periori ad inferiorem, ille motus
est à loco violento ad naturalem lo-
cum, non tamen est naturalis mo-
tus, quia ille lapis non postulat in-
tra illud spatium tanto impetu mo-
ueri. Respondetur, aliud esse loqui
de motu, aliud verò de velocitate
motus, motus quidem est natu-
ralis, quia est à loco violento ad na-
turalem; tamen velocitas motus;
quæ est modus illius, præternatu-
ralis est, eū graue non postulet tā
tam velocitatem.

Qq iij Circa

Circa tertiam suppositionem, quæ dicit, quando unus motus conuenit alicui mobili contra naturam, contrarius debet esse naturalis. Est dubium, quia motus terræ supra hoc hemisphærium, ab vna parte terræ ad aliam per lineam semi-circularem ab A. in B. non est naturalis, nec contrarius motus per eandem lineam semi-circularem ab vna parte terræ ad aliam ab B. in A. etiam nō est naturalis, quia terra motu naturali mouetur per lineam. Respondetur, illud motum oppositum non esse contrarium, vt Aristot. probauit sup. c. 4.

Et si dicas, ponamus, quod moueatur terra à parte Orientali ad Occidentalem per lineam transversalem rectam ad suum centrum, ille motus non est naturalis, tamen neque oppositus, neque à terra ad partem Orientalem per lineam transversalem est illi naturalis; ergo adhuc est falsa suppositio.

Respondetur negando, illum motum, quo mouetur particula terræ ab Oriente ad centrum per lineam rectam transversalem, non esse naturalem, quantum ad substantiam, quia reuerè cum tendant à loco violento, scilicet superiori, ad naturalem, est motus naturalis, quantum ad substantiam, licet non sit naturalis, quantum ad modum, quia non petit fieri per aliam lineam, sed per lineam rectam perpendicularem.

Est etiam dubium circa id, quod dicit Aristoteles quod si non est determinatus locus, in quem graua ferantur, daretur infinita velocitas, & infinita grauitas, quia quod magis accedit ad centrum, velocius mouetur, & maiorem acquirit grauitatē: vnde si centrum non est determinatum, sed in infinitum distat, erit infinita grauitas, & velocitas. Contrà est, quia si centrum infinite distet, numquam magis accedit ad illud, quia semper distat in infinitum, & sic nō quia magis accederet ad centrum, illud graue mouetur velocius, vt ipse Arist. arguit.

Secundo, quia ex hoc tantum sequitur, quod habeat infinitam grauitatem acquisitam, & infinitam velocitatem in potentia, scilicet quod sit maior, & maior, sicut magis, & magis mouetur, non tamen ad infinitum, sicut nec motus est infinitus in actu, sed maior, & maior.

Respondetur ad primum, quod saltem dū magis illud mobile moueretur, magis distaret à termino à quo, & ita velocius magis, & magis quidem deberet moueri.

Ad secundum respondetur, sequi infinitam velocitatem, & grauitatem, quia cum omnis actio agentis naturalis sit propter finem, illud mobile acquireret suum finem, scilicet centrum, atque adeo cum distet infinita distantia in actu, quando ad illud perueniret, haberet infinitam velocitatem, grauitatemque acquisitam.

fitam. Et cum rursus arguis, quod si distat in infinitum, non posset mobile accedere. Respondetur verum esse, quod sequitur verumque, scilicet, quod accedit, quia est actio agentis naturalis, quæ debet habere finem, & quod non accedit quia distat in infinitum: imò hoc contendit Aristotel. quod ex illo impossibili sequantur hæc duo contradictoria.

Circa rationes, quibus Aristoteles hoc capitè probat, non esse plures mundos, plura dicam capite sequenti, ubi ex professio hanc difficultatem cum Aristotele, pertrahabo.

Caput IX.

IN præcedenti capite probauit Aristoteles de facto non dari plures mundos: iam verò in hoc capite intendit probare, nec possibile esse, quod dentur plura vniuersa. Duo agit. Primò proponit rationem dubitandi, quæ de hoc esse poterat. Deinde probat intentum, & simul respondet rationi dubitandi. Primò ergo dicit Aristoteles: *In his quæ habent formam in materia, alia, inquit, est ratio forma, alia ratio materie, sicut in circulari corpore alia est ratio circuli, alia materie circuli illius: omne tamen, quod habet formam in materia, est sensibile, per quod colligit, cælum esse sensibile, ea enim, inquit, quæ habent formam in materia, sensibilia sunt.*

Quo supposito, proponit rationem dubitandi, quæ de hoc esse poterat, ea enim, inquit, numero multiplicari possunt, quæ habent formam in materia: sed cælum, id est, vniuersum, habet formam in materia: ergo est numero multiplicabile.

In secunda parte capitis respondet dubitationi, & quæstioni propositæ, dicens, ea esse numero multiplicabilia, quæ habent formam in materia, non tamen constant omni materia possibili, quia si illa constent, non sunt numero multiplicabilia, sicut inquit, licet nasus dicat formam in materia, si tamen esset aliquis nasus constans omni materia possibili, non esset alius nasus, & si esset homo constans in sua carne omni materia possibili, non esset possibilis alius homo, si tales partes dissolui non possent. Ut verò probet vniuersum constare omni materia possibili, supponit, acceptiones cæli, quas nos supra primo capite adduximus, scilicet, cælum sumi pro primo mobili. Secundò, pro quocumque corpore celesti. Tertiò, pro vniuerso, secundum quod omnia corpora continet. De hoc cælo, id est, de vniuerso, probat, quod contineat omnem materiam possibilem, quia materia mundi est corpus sensibile: sed vniuersum continet omne corpus sensibile: ergo. Probatur minor, quia si non contineret, esset ergo aliud corpus extracælum, sed hoc esse non

Qq iij potest

potest, ergo. Probat minore, quia vel illud corpus esset mixtum, vel simplex; non simplex, quia vel moueretur motu recto, vel circulari: non circulari, quia cum esset eiusdem naturæ cum corporibus celestibus, moueretur ad loca horum corporum celestium, & sic iam non esset extra cælum; non motu recto, quia omnia, quæ mouentur motu recto, habent propria loca naturalia intra hoc vniuersum, unde illud corpus non esset extra cælum. Quod vero illud corpus non possit esse mixtum, probat, quia cum mixta ex simplicibus componantur, si ibi sunt simplicia impossibilia, etiam mixtum erit impossibile. Secundo, quia illud mixtum debet esse graue, vel leue: ergo tenderet ad loca intra hoc vniuersum, unde non esset extra, continet ergo vniuersum omnem materiam possibilem.

Ex his concludit Aristoteles dicens: *Patet insuper, nec locum extra cælum esse, nec vacuum, nec tempus: non locus, quia in omni loco potest esse corpus aliquod, extra vniuersum vero, ut probauit, nullum corpus esse potest, & propter eandem rationem inquit, non esse vacuum, quia in vacuo, licet nullum sit corpus, potest tamen esse: sed extra cælum non potest esse corpus: ergo, & propter eandem rationem, nec est tempus, nec motus: non tempus, quia non est numerus motus: sed non potest esse motus, quia nullum corpus naturale ibi esse potest: ergo non esset motus, nec tempus:*

unde colligit extra vniuersum esse; quæ non sunt apta ad essendum in loco, nec tempore senescunt: sed nullis alterationibus prius sunt subiecta, inter quas substantias vna, inquit, est omnium prestantissima: nec prauitatis cuiusque est particeps, inquit.

Circa literam.

Circa id, quod dicit vniuersum habere formam in materia, dubium esse potest, quæ sit hæc forma huius vniuersi, de qua re supra, capite primo plura dixi, dum ostēdi, vniuersum hoc tantum esse vnum ordine, in quantum corpora illa, quæ inter se maximè diuersa sunt, & in genere substantiæ non possunt in vnum conuenire, in genere ordinis, vnum dicuntur, secundum quod inter se obseruant quamdam subordinationem, & sic formam huius vniuersi dicendum est, esse illam subordinationem, & commensurationem corporum: unde malè Simplicius finxit quamdam substantiam in medio mundi collocatam, ipsum gubernatorem, quam illius formam esse asseribat, quod constat esse merum figmentum: tunc etiam, quia illa anima non posset omne vniuersum informare, cum anima tantum informet illud, in quo est: si ergo solū esset quidem in medio mundi, non esset forma totius vniuersi. Malè etiam alij dicunt formam huius vniuersi esse

esse Deum; cum constet proprie loquendo, Deum non posse habere rationem formæ, nisi metaphoricè loquamur, in quantum omnibus dat esse, & vivere.

Circa substantias illas, quas Aristoteles dicit esse extra cælum, fuit sententia Alexandri, ut citat Diuus Thomas hic, qui asseruit Aristotelem per has substantias intelligere cælus, hoc tamen optimè rejicit Sanctus Thomas. Primò, quia Aristoteles dicit illas non subire transmutationem, constat autem cælum continuò transmutari. Præterea, quia Aristoteles illas ponit extra cælum, cælum autem est non extra cælum, quare per illas substantias intelligit intelligentias, quæ neque in loco sunt, scilicet circumscriptiæ, nec transmutationem patiuntur, inter illas verò est vnica perfectissima substantia, Deus scilicet, quæ, inquit, nullius prauitatis est particeps, sed de hoc dicam latius.

DISPUTATIO III.

De vnitæ vniversi.

POSTquam Aristoteles egit de partibus huius vniversi, meritò iam in hoc capite, & præcedenti agit de vnitæ illius, docens non esse possibiles plures mundos, loquitur autem de potentia naturali Dei, quia de supernaturali, ut scipè dixi, nihil nouit.

Quæstio I. Vtrum possint esse plures Mundi.

TRIA in hac quæstione examinanda sunt. Primò, an de facto vni, vel fuerint plures mundi. Secundò, vtrum sint possibiles de potentia absoluta plures mundi solo numero differentes. Tertiò, vtrum etiam sint plures mundi specie differentes.

Circa primum fuit sententia antiquorum, plures esse, vel fuisse mundos, quia Anaximander, & Democritus de facto plures esse mundos asseriebant. Empedocles verò, licet vnum de facto tantum esse assereret, dicebat tamen plures fuisse, licet, & inimicitia corruptos. Et videtur rationibus probari posse hoc, quia forma huius vniversi est in partibus ipsius vniversi: seu corpora, quæ in principio creationis erant, iam corrupta sunt: ergo successerunt noua corpora, & in illis rebus nouus ordo, hoc autem est vniversum: ergo non est hæcenus vnicum solum vniversum.

Secundò, quia natura semper facit melius, melius autem est esse plures mundos.

Tertiò, quia hoc vniversum in se est vnum: ergo dicit distinctionem à quolibet alio, quia hoc est esse vnum: ergo est aliud vniversum, à quo dicat distinctionem.

Hanc tamen sententiam nõ solum in hoc capite, & præcedenti

reijcit Aristoteles, sed etiam 12. Metaph. text. 49. vnde solum esse, & fuisse vnum vniuersum, de fide esse docent Augustin. lib. de heresibus heresi 77. Isidor. i. Erymolog. capit. 5. & colligitur ex illo Ioan. 1. *Et mundus per ipsum factus est*, vbi in singulari fuit locutio, & ratione conuincitur, solum debere esse vnicum mundum, quia mundus, vt Cicero describit 2. de natura Deorum: *Est communis hominum, Deorum, & omnium rerum vrbis*. Omnia autem ista vnico mundo contineri possunt, non ergo sunt plures.

Secundo, quia hoc vnicum mundo sufficientissime demonstratur infinita Dei potentia, quia licet illa ad alios mundos se possit extendere, quia tamen hunc ex nihilo produxit, euidens est argumentum eius infinite potentie.

Tertio, quia si sint plures, non est maior ratio, quare sint duo, quam tres, vel octo, nisi id tantum in solam Dei voluntatem referas: ergo dicendum est tantum esse vnicum.

Vnde ad primum argumentum respondetur, verum esse, ordinem, & proportionem corporum, quae est forma huius vniuersi, esse subiectiuè in ipsis corporibus, manet tamen semper i dem ordo, quia licet corpora variètur materialiter, manet tamen idem locus, secundum proportionem, sicut dici solet adhuc variatis superficiebus materialiter, manet tamen eundem locum secundum proportionem.

Secundo respondetur, quod partes quasi elementales huius vniuersi, sunt elementa, & corpora caelestia; haec autem semper manent eadem, quamuis elementa secundum partes diminuantur.

Ad secundum respondetur, non esse melius esse plura vniuersa, quia aliud esset frustra, quia multiplicatio indiuidualis tantum est necessaria in his, quae perpetuo non possunt conseruari, vniuersum autem non potest secundum naturam corrumpi: quia in primis corpora caelestia incorruptibilia sunt omnino, at vero elementa, licet sint corruptibilia secundum se tota (vt infra dicam) tamen non possunt contingere haec corruptio in toto elemento, secundum naturam, quia ad inuicem agunt. & sic aliquid vnius ab alio corrumpitur, postea vero per nouam actionem restituitur.

Ad tertium respondetur, duplicem esse distinctionem realem, alia positua, & haec est inter extrema realiter existentia, neque est de essentia vnius: alia est distinctio negatiua realis, qualis est inter Petrum modò existentem, & Antichristum impossibilem, quia non sunt idem: dicitur autem distinctio realis, quia si aliud extremum daretur, esset inter talia extrema distinctio realis positua, & actualis, & haec est sufficiens ad rationem vnius, sufficit enim distinguere à quolibet alio possibili. Ex quibus sequitur, quod de facto non solum non sunt plu-

res mundi: sed nec possunt esse de potentia naturali, quia hic non potest secundum naturam corrumpi, ut dixi, & sic cum sufficiat iste, alius secundum naturam non est possibilis, quare solum potest esse alia quaestio, loquendo de potentia absoluta.

Et in primis certum est, non posse esse aliud vniuersum, secundum genericam pluralitatem, hoc est, quod contineat plura entitatum genera ab illis decem, quibus decem praedicamenta assignauit Aristoteles, est enim omnino inintelligibile dari aliquod ens, quod, vel non sit substantia, vel accidens, quod est quantitas, vel relatio, vel qualitas, &c. Similiter non potest dari aliud vniuersum inter plures gradus entium, quam esse, viuere, & intelligere, qui sunt gradus generici, quia est inintelligibilis alius nouus gradus.

Quare tantum est difficultas de pluralitate specifica, vel numerica, scilicet, an sint possibiles plures mundi specie, vel numero distincti.

De pluralitate quidem specifica, scilicet utrum possit Deus creare aliud vniuersum, habens corpora specie distincta a corporibus huius vniuersi, aperte tenet Aristoteles, ut vidimus in litera huius capituli, non posse dari plures mundos, quia, inquit, si alius specie differret ab hoc, esset aequiuoce mundus.

Secundo probat, quia tantum

possunt dari illi tres motus, a medio, ad medium, & circa medium: corpora ergo alterius vniuersi mouerentur his motibus secundum naturam: ergo haberet easdem naturas cum corporibus vniuersi, quia natura est principium motus: et si essent corpora eiusdem speciei: atque adeo tale nouum vniuersum non posset specie differre ab hoc: loquitur tamen Aristoteles de potentia naturali, tamen etiam quantum ad supernaturalem eandem sententiam sequitur Durandus in 1. dist. 44. quaest. 3.

Et probat hac ratione, quia ea, quae essentialiter subordinantur, faciunt vnicum vniuersum: sed si haec vniuersa specie distinguuntur, essentialiter inter se subordinantur, sicut perfectum, & magis perfectum, quae non sunt duae species aequaliter perfectae: esset ergo idem vniuersum, & non plura.

Confirmatur, quia licet posset Deus alia corpora specie diuersa a corporibus huius vniuersi producere, haberent tamen intra se eundem ordinem cum ordine horum corporum, alia enim essent sursum, alia deorsum, haberent eandem formam constitutiuam vniuersi, atque adeo esset idem specie vniuersum, sicut ternarius hominum, & leonum sunt eiusdem speciei, quamuis subiecta materialiter differant, semper enim sumitur distinctio a forma.

Haec tamen sententia Durandi aperte falsa est, & sic merito ferè ab omnibus

omnibus impugnatur, quia vniuersum dicit collectionem creaturarum, secundum debitum ordinem, & dispositionem: sed potest Deus creare nouam aliam sphaeram, cuius corpora essent diuersæ speciei ab istis, & haberent diuersum ordinem: ergo posset facere aliud vniuersum ab hoc specie distinctum. Probatur minor, quia qualibet data specie, potest Deus aliam perfectiorem, & perfectiorem facere: posset ergo Deus creare alia corpora simplicia diuersæ naturæ ab his omnibus.

Similiter, posset in talibus corporibus nouum ordinem describere, verbi gratia, si fingamus quamdam aliam sphaeram non circularem, sicut hæc est, sed quadratam, & corpora non mouerentur à parte superiori, vel inferiori, vel sed ad latus, vel alio diuerso modo infinite Dei potentia, possibili. Et per hæc patet, male aliquos asseruisse, bene esse, posse Deum quantum ad aliqua corpora nouum ordinem facere, non verò quantum ad omnia, quia contra est, quòd qualibet data specie, potest alia perfectior & perfectior dari: ergo nullum est corpus, vel nullus est ordo ita perfectus, quo nō possit melior, & melior fieri. Addo præterea etiā potuisse Deum alium mundum ex creaturis spiritualibus nouis constantem producere, hoc enim nullam dicit repugnantiam.

Vnde ad primam rationem respondetur negando, quòd talis mu-

lus esset & inuocè talis, quia sicut si Deus crearet de nouo aliam speciem animalis, illa inuocè conueniret in ratione generica animalis: ita si Deus produceret aliud specie vniuersum, inuocè conueniret in ratione generica vniuersi, quæ est habere corpora ordinata.

Ad secundum respondetur negando, quòd non possint esse aliæ species motus, quia sicut modò sunt motus à medio ad medium, & circa medium, ita in illo vniuerso quadrato possent fieri diuersi motus, alij ad dextrum, alij ad sinistram, secundum diuersas positiones in tali vniuerso imaginabiles, quæ etiam ratione posset Deus: alia noua corpora simplicia cum nouis qualitativis producere, cum qualibet specie data aliam, & aliam posset producere.

Ad tertiam rationem respondetur, quòd vniuersum potest sumi dupliciter, vno modo pro collectione rerum subordinatarum, secundum magis, vel minus perfectum, & sic alium nouum vniuersum, & sic alium in specie faceret, cum hoc vnum, quia in quantum differt specie, alteri subordinatur, sicut perfectum, & magis perfectum, nec modò loquimur de vniuerso, quia sic bene Durand. sed quæstio est, vtrum possit dari alia sphaera, habens diuersa corpora, & nouum ordinem, quamuis non dubium quod hæc, & illa sphaera, quia subordinantur, facerent vnum vniuersum, esset tamen alia sphaera, quod intel-

intelligimus nomine vniuersi.

Ad quartum respondetur, non tantum posse Deum noua corpora in specie creare, sed nouum ordinem, vt dixi.

Et si obijcias, illa noua sphaera haberet eosdem gradus entis, quos hæc, scilicet viuere, esse, & intelligere: ergo non differrent specie. Respondetur, hos gradus esse genericos, & sic sub quolibet illorum, verbi gratia, sub esse, vel sub viuere, sunt possibiles plures, & plures species ab his, quas hoc vniuersum habet.

Sed obijcies, si illa duo vniuersa specie differunt: ergo aliud est alio perfectius, atque adeo iam vnum esset imperfectius. Respondetur, quod non esset imperfectum: sed minus perfectum alio, quia species equi est imperfectior specie hominis, non tamen absolute imperfecta.

Maius ergo dubium habet tertium, quod inquirebat quæstio, verum scilicet possit Deus producere aliud vniuersum solo numero ab hoc differens, ita quod haberet elementa eiusdem speciei, similiterque corpora caelestia, & eodem modo disposita. Arist. enim, vt vidimus in litera huius capitis, & præcedentis, ex professo contendit, hoc esse impossibile, loquitur autem per naturam. Quam sententiam probat ipse cap. 8. quia si esset possibile aliud vniuersum numero ab hoc differens, cum terra huius, & alterius essent eiusdem speciei, & solo numero differrent, locus na-

turalis huius terræ, etiam esset alterius naturalis: ergo naturaliter moueretur ad hoc centrum, atque adeo naturaliter recederet ab altero centro, quod est suus locus naturalis: sed repugnat mobile aliquod de se recedere suum locum naturalem naturaliter: ergo.

Nec valet, inquit Arist. si dicas, hoc non esse, quia illæ duæ terræ cum numero distinguantur, postularent loca distincta numero: vnde terra alterius vniuersi postulans centrum alterius vniuersi, non moueretur ad hoc, quia contra est, inquit Arist. quod quia non magis differunt duæ portiones huius terræ, quam terra vnius, & terra alterius vniuersi, cum vtræque distinctio tantum sit numerica: sed duæ partes huius terræ habent naturaliter moveri ad centrum huius vniuersi: ergo etiā terra alterius moueretur ad centrum huius, atque adeo naturalem locum naturaliter descenderet.

Secundo hoc idem probat in calce capitis octauæ, quia si darentur plures mundi numero distincti, darentur plura corpora caelestia numero distincta, & plures intelligentiæ, & plures primi Motores distincti numero, hoc tamen repugnat, ergo.

Tertio, quia si tale vniuersum daretur, vel esset sub hoc, & sic iam corpora leuia illius essent sub grauibas huius, vel hoc esset sub illo, & sic idem sequitur, quod corpora leuia huius sint sub grauibas alterius.

Quar.

Quartò hoc idem probat hoc capit. 9. quia ea, quæ licet habeant formam in materia, continent tamen omnem materiam possibilem, non sunt numero multiplicabilia: sed vniuersum continet omnem materiam possibilem, quia extra vniuersum, vt vbi latè probat, nihil est, non est ergo numero multiplicabile. Hanc eandem Aristotel. sententiam secutus est Auerroes, Simplicius, Nyphus, Berofus, Villalpand. Petrus Martinez hoc capite, quàm alijs rationibus confirmant.

Primò, quia si tale vniuersum numero diuersum daretur, esset frustra. Secundò, quia de ratione vniuersi est continere omnia, si ergo daretur aliud ab hoc, neutrum contineret omnia, quia neutrum contineret ea, quæ sunt in alio: ergo non essent vniuersa.

Tertiò, quia vniuersum est vnum vnitate ordinis: sed si aliud daretur, diceret vtrumque ordinem ad vnu primum efficiens, tantum ergo esset vnum vniuersum, sicut plures ciuitates existentes sub vno Rege habent rationem vnius Regni.

In hac difficultate duò videntur fieri. Primò, vtràm possit dari aliud vniuersum numero ab hoc differens quantum ad corpora corruptibilia. Secundò, an possit dari etiam, quantum ad incorruptibilia, vt cæli, & intelligentiæ. Et quidem ab hoc secundo exordientes, dicendum est in primis, non repugnare per diuinam potentiam crea-

ri aliud vniuersum, numero diuersum ab hoc, non solum quantum ad corpora cælestia, verum etiam quantum ad intelligentias. Et quidem, quòd possint esse plures intelligentiæ numero diuersæ per diuinam potentiam, probavi primo Physicorum disputatione vltima de principio indiuiduationis, neque oportet rem hæc iterum repetere: legantur ibi dicta.

De cælis verò probatur, quia in hoc nulla apparet implicatio contradictionis: ergo non est denegandum diuinæ omnipotentiae. Antecedens probatur, quia in primis non repugnat ex parte Dei, cum habeat infinitam potentiam, atque adeò non limitatam ad vnum tantum numero cælum, neque etiam repugnat ex parte effectus, quia ante creationem huius vniuersi sine dubio posset Deus alia corpora cælestia, numero diuersa loco istorum producere: ergo etiam post illa producta posset etiam alia similia producere.

Et si obijcias, repugnare quidem ex parte effectus, quia sequeretur esse natura sua corruptibile. Et probatur, quia si daretur alius orbis lunaris: ergo materia huius orbis haberet potentiam ad formam alterius, cum forma huius, & alterius non differant specie: sed materia habens annexam potentiam, & priuationem aliarum formarum, est principium corruptibilitatis: ergo sequeretur cælum corruptibile esse. Respondetur

detur tamen, cælum de facto nullam habere potentiam naturalem ad illam formam possibilem, quia sicut talis forma numquam producenda erat per naturam, neque accepit cælum à natura inclinationem naturalem ad illam, & secundum suam naturam non habet principium naturale suæ corruptibilitatis: verum est, quod sicut per diuinam potentiam non repugnat creari formam aliam similem illi, quam de facto habet cælum, ita non repugnat per diuinam potentiam, illam recipere, si daretur. Ex hoc tamen non probatur, cælum secundum suam naturam posse corrumpi.

Quantum verò ad corpora simplicia, vel mixta corruptibilia, dicendum est, etiam non repugnare Deum producere aliud vniuersum numero ab hoc distinctum. Probatur, quia potentia Dei infinita est, atque adeò se extendit ab omne id, quod non implicat contradictionem: sed non implicat contradictionem, Deum creare aliud vniuersum, in quo esset terra eiusdem speciei cum ista, sicut enim potest alium hominem creare, potest aliud terræ elementum in alia sphaera producere.

Denique si aliqua in hoc esset repugnantia, maximè illa, quæ tangitur in argumentis, illa autem non est, vt patet in eorum solutionibus: ergo.

Vnde ad primum Aristotelis re-

spondetur negando in tali casu, terram alterius mouendam esse ad terram huius, & sic rationem illam Aristoteli friuolam esse, vt iam hoc tempore plures docent.

Ratio est, quia terra alterius vniuersi haberet iam sibi suum locum naturalem: vnde non amplius moueretur. Ratio autem à priori huius est, quia in tantum corpus corruptibile, vt elementum, habet moueri naturaliter ad locum aliquem, in quantum in illo loco acquireret propriam conseruationem: vnde quia terra alterius in proprio cetro conseruaretur, sicut hæc conseruatur in suo, cessaret finis motus, propter quem grauia mouentur, atque adeò non moueretur, sed ibi naturaliter quiesceret.

Et si dicas: ad eum locum corpus aliquod naturaliter moueretur, vbi naturaliter quiescit: sed terra alterius naturaliter quiesceret in hoc cetro: ergo naturaliter moueretur ad illud. Respondetur ad motum naturalem non sufficere, quod sit ad locum naturalem, sed requiritur, quod sit à loco violento, quia ideò naturaliter mobile mouetur ad locum naturalem, vt fugiat à violento, in quo disponitur ad corruptionem, alias particula ignis, existens in parte sursum huius hemisphærij, moueretur naturaliter ad alterum sursum alterius hemisphærij: vnde nõ esset in hoc loco naturali quieta: requiritur ergo, quod sit à loco violento,

to,

to, qualis non esset ille, motus.

Ad replicam respondetur, esse disparē rationē de duobus portionibus huius terræ, & de hac terra, & terra alterius vniuersi, licet utrobique tantum sit distinctio numerica, quia duæ portiones huius terræ sunt partes huius vniuersi, & ita habent inclinare ad centrum huius vniuersi: terra verò hæc, & terra alterius, non essent partes eiusdem vniuersi, & ita qualibet inclinaret in suum centrum. De terra verò absolute loquendo, dicendum est, non inclinare ad vnum numero centrum determinatum: sed ad hoc, vel illud, sicut potentia visiva inclinat ad colorem absolute, non verò in hunc, vel illum, & sic qualibet terra esset contenta suo centro, quia ibi habet perfectionem naturalem, ad quam acquirendam mouetur, vnde cessaret motus.

Ad secundam rationem respondetur in primis, quod cum primus Motor sit infinitæ virtutis, vnus, & idem primus Motor sufficiens est ad infinitos mundos creandos, & gubernandos. De intelligentijs autem iam vidimus, non repugnare dari plures numero diuersas de potentia absoluta: vnde quando Aristoteles hoc loco asserit, ea numero multiplicari posse, quæ habent in materia formam, vt verum sit absolute loquendo, interpretandum est de multiplicatione facta per generationem, hæc enim educit formam de potentia mate-

riæ. Rursus interpretandum est, non de quavis materia: sed de illa, quæ non est satiata sua forma, quia cælum tamen habet formam in materia, non est multiplicabile per generationem, per creationem tamen non repugnat multiplicari ea, quæ non habent formam in materia, & quidem, quod Aristoteles tantum loquatur de multiplicatione facta per generationem, ex eo coniectari licet, quia satis dubium est, vtrum cognouerit creationem Aristoteles, vt 2. Physicorum diximus.

Ad tertium, non esse inconueniens, corpora leuia esse sub grauius in alio vniuerso, dummodo hoc non sit intra idem vniuersum: tunc enim naturaliter petent partem superiorem.

Ad quartum respondetur, falsum esse vniuersum continere omnem materiam possibilem, licet enim contineat omnem materiam possibilem per naturam, non tamē possibilem de potentia absoluta, neque enim infinita Dei potentia exhausta est in materia huius vniuersi, sed aliam, & aliam creare potest, pro sua infinita virtute.

Circa hanc autem rationem aduerte, illam habere robur de potentia naturali loquendo, ad probandum non esse posibles plures mundos, licet non probet de potentia absoluta. Similiter illa secunda ratio, quod deberent multiplicari intelligentiæ, & corpora cælestia, etiā habet vim de potentia tantum ordi-

ordinaria, cum non sit possibile de potentia ordinaria.

Prima tamen, & tertia ratio, nec de potentia ordinaria, nec de potentia absoluta aliquid concluditur, licet enim plura vniuersa darentur, adhuc non sequeretur, secundum naturam terram vnus mouendam esse ad terram alterius, cum, vt dixi, suo centro esset contenta. Similiter non esset necessarium, multiplicare plures primos Motores, quia vnus infinitæ virtutis sufficeret ad infinita vniuersa.

Tertia similiter ratio non probat, etiam de potentia naturali, scilicet, quod corpora leuia alterius mundi essent sub grauius huius, quia hoc nullum est inconueniens, vt dixi, in diuersis vniuersis, esset tamen inconueniens intra idem.

Ad rationes autem eorum, qui Aristot. sequuntur, respondetur. Ad primam, negando tale vniuersum esse frustrâ, posset enim Deus illud facere ad ampliùs, & ampliùs manifestandum suam omnipotentiam licet secundum naturam non sit necessarium illud esse.

Ad secundam, de ratione vniuersi esse, continere omnia, id est, omnes gradus entis essentielles, quales sunt, vt supra dixi, esse viuere, & intelligere, vel quod contineat plures creaturas vni primæ causæ subordinatas, vt gubernanti illas. Vel secundò, solum esse de eius essentia continere omnia per na-

turam possibili de potentia absoluta.

Ad tertiam, quod de vniuerso possumus loqui dupliciter, vno modo pro collectione creaturarum omnium, prout subordinatur primæ causæ gubernanti illas, siue illæ sint sub vna, vel sub duabus sphaeris, & sic certum est debet, vtrumque illud vniuersum pertinere ad idem gubernans, quia illa duo dicunt inter se subordinationem ad vnum primum gubernans, sicut dicunt plures populi ad vnum Principem, & sic vocantur vnum regimen: alio modo sumitur vniuersum pro sphaera sub se varia corpora continente, & in hoc sensu loquimur de vniuerso, cum dicimus, aliud esse possibile, id est, aliam sphaeram, licet illa, & hæc, reuera, propriè tantum essent vnicum vniuersum, in quantum habent subordinari primo gubernanti, & dirigenti, ea enim, quæ subordinantur, faciunt vnum.

Quæst. II. *Utrum extra cælum sit aliquid?*

Aristot. in fine huius capituli, vt vidimus, duo dicit, alterum est extra cælum non esse aliud corpus, nec locum, nec vacuum, nec tempus, nec motum, propter rationes, quas in litera adduximus, neque oportet illas repetere. Alterum verò est, extra cælum esse substantias quasdam immortales vitam habentes, quæ nec tempore senescunt.

Rr ne

nec mutationibus subiiciantur, quæ duo suo ordine examinanda sunt.

Circa primum videtur, quod extra cælum sit locus, quia si Deus ibi produceret aliquem hominem, verum esset dicere, illum hominem alicubi produci, id est, in aliquo loco: est ergo extra vniuersum locus.

Secundò, quia ille homo ibi factus ex diuina potentia posset extendere brachium, per motum localem, sed per motum localem acquiritur locus, est ergo ibi locus, per quod probatur etiam, quod ibi posset esse motus, & tempus mensurans illum motum.

Præterea, quia ille homo mensuraretur tempore, & haberet actiones vitales, est ergo motus, & tempus ibi.

Videtur etiam, quod sit vacuum extra vniuersum, quia homo ibi factus replet spatium aliquod: ergo tale spatium de facto vacuū est. Præterea, quia si ille homo extenderet brachium, vel in illo spatio, per quod sit motus, inueniret corpus aliquod, & sic iam est corpus extra vniuersum, vel non inueniret, & sic esset quidem vacuum illud spatium.

Pro solutione aduertendū est, ad vacuum duo requiri, & quod sit locus non repletus aliquo, aptus tamen repleri, & quod sit intra illum aliquod spatium non repletum, quod significatur illa definitione vacui: *Vacuum est locus non re-*

pletus, aptus tamen repleri.

Vnde ad primum respondetur, quod ille homo qui ibi produceretur, non diceretur produci alicubi, id est, in aliquo loco reali, sed solum in imaginario, sicut quando corpus mouetur per vacuū, solum acquirit locum imaginarium.

Ad secundum respondetur, quod ille homo existens extra cælum, si extenderet brachium, non acquireret locum realem, sed imaginarium.

Sed dices, motus, vel est per locum aliquem, vel per vacuum, vel ergo illud corpus moueretur per locum, vel per vacuum: ergo extra vniuersum, vel est locus, vel vacuum:

Respondetur, vacuum sumi duobus modis, vno modo pro loco non repleto, apto tamen repleri, quod proprie dicitur vacuum priuatiue, quia dicit potentiam in subiecto apto: aliud verò est vacuum negatiue, id est, quoddam imaginarium spatium non repletum, non verò connotat potentiam in subiecto apto. Quando verò dicitur, omne corpus, vel moueri per locum, vel per vacuum, intelligitur de vacuo primo, vel secundo modo, scilicet pro vacuo priuatiue, vel negatiue.

Ad tertium patet, quod ille homo diceretur replevere vacuum, non tamen priuatiue sumptum, sed negatiue. Similiter in suo motu non inueniret corpus impediens, atque adeò diceretur moueri per vacuum

negatiue

negatiuè. Et cum subdis, quod ille homo haberet actiones vitales, que mensurarentur tempore. Respondetur, quod ille homo, & eius actiones mensurarentur tempore intrinseco ipsis actionibus: ex hoc autem non colligitur, de facto esse tempus, vel motum, quod Aristot. contendit.

Maius tamen dubium habet id, quod secundo loco docuit Aristot. scilicet extra cælum esse substantias quasdam immortalem vitam habentes, nec alicui motui subiectas, quia hoc certum est, debere intelligi, vt supra probaui, de substantijs spiritualibus, vt sunt intelligentiæ, & Deus ipse, de quo veniuntur verba Aristot. *Neque prauitatis cuiusquam est particeps, nec bonorum cuiusquam indiget*. de vtramque tamè videtur falsa assertio. Primo, quia secundum ipsum octauo Physic. c. 10. primus Motor est in orbe, non verò extra cælum. Secundo, quia Deus ubiq; est: ergo intra vniuersum, & non extra cælum.

Tertio, quia substantiæ spirituales, vt Angeli, ibi sunt, vbi operantur, quia operari supponit esse, sed omnes illæ operantur circa cælum: sunt ergo in cælo, & non extra cælum.

Pro solutione aduertendum est, quod aliquid esse in loco contingit dupliciter. Primo circumscriptiuè, ita quod ambiatur, & circumscribatur a corpore locante, & sic tantum corpora sunt in loco. Secun-

dò definitiuè, quia non circumscribatur à loco, vt Angelus, sed est ibi, media aliqua operatione transeunte, ita quod, sicut in loco circumscriptiuo aliud est locatum, aliud locus, aliud ratio essendi in loco, scilicet quantitas: ita in loco definitiuo, aliud est id, quod est in loco: & quasi locatum, quod est Angelus, aliud est locus ipse definitiuus, scilicet res, vbi operatur Angelus, & aliud est ratio essendi in loco, quod secundum auctores, qui dicunt Angelos esse in loco per operationem, est operatio ipsa: secundum eos verò, qui dicunt, esse per suam substantiam in loco, est substantia ipsius Angeli: quemadmodum autem sunt duo modi essendi in loco, scilicet definitiuè, & circumscriptiuè, ita sunt duo modi essendi extra locum, scilicet definitiuè, & circumscriptiuè: illud est extra cælum circumscriptiuè, quod non circumscribitur à locante, illud verò definitiuè, quod nullibi definitur loco.

Quibus positis, variz sunt expositiones circa illa verba Aristotel. quod extra cælum sunt illæ substantiæ immortales, supposito, quod intelligatur de intelligentijs, & Deo. Sed omnium optima est, quod sint extra cælum circumscriptiuè, id est, non circumscriptibuntur à cælo, nec à toto orbe: & sic, licet intelligentiæ sint in cælo definitiuè; quia ibi operantur, & eadem ratione Deus sit in orbe, quia omnia conseruat

media hac actione, dicuntur tamen circumscriptiue esse extra cælum, id est, non circumscribuntur a cælo.

Addo, Deum etiam habere realem præsentiam in spatio infinito, quod est extra cælum, est enim immensus, immensitas autem dicit infinitam repletionem loco: ergo Deus non solum est in spatio finito contento intra hoc vniuersum, sed etiam in spatio infinito, quod est extra cælum, per quod patet solutio ad rationes dubitantes.

Capit. X.

Postquam Aristot. hætenus egit de partibus vniuersi, & de pluralitate, vtrum, scilicet, sint plures, & postquam demonstrauit vnicum solum esse, agit iam in fine huius libri de natura huius vniuersi, & tractat eam quæstionem toties ab antiquis Philosophis agitam, Vtrum mundus sit ingenerabilis, & incorruptibilis, & in hoc capite tantum adducit placita aliquorum, & ea relictat, vt veritatem ex propria sententia in 11. & 12. cap. huius libri demonstraret. Proponit tamen, prius quam veritatem definiat, antiquorum Philosophorum placita, & rationes, vt his explicatis, inquit, veritas magis credatur.

Tum etiam, inquit, quia oportet aptequam sententiam de aliqua re feratur, partes ipsas litigantes audire, ne videamur absentes

damnare. Omnes ergo Philosophi, inquit, mundum generabilem, imò genitum esse asseruerunt, quidam tamen illum incorruptibilem esse assignarunt, vt Plato, quidam corruptibilem, vt Democritus: imò tandem corruptendum, & nunquam iterum reuocandum, quidam verò de facto asseruerunt, lite, & inimicitia elementorum continuo corrupti, & iterum renouari, vt Argentinus, Empedocles, & alij. Primam autem opinionem Platonis sic rejicit, quia nulla res naturalis est, quæ si generabilis est, etiam corruptionem non patiatur: ergo mundus si generabilis est, corruptibilis etiam debet esse.

Secundò, quia illa, ex quibus Plato posuit mundum in sua formatione conflatum fuisse, vel posuit transmutari, vel non; si non possunt, quomodo ergo ad esse, & ad formam mundi transmutata sunt, secundum ipsum, quando mundus formatus est? si verò possunt transmutari: ergo & modo possunt etiã transmutari, ita quod mundus aliquando dissoluendus sit; ergo si generabilis, etiam corruptibilis est.

Sed quia Platonicus Philosophi, vt Xenocrates, & Caledonius, illum corabantur excusare, dicentes Platonem secundum rem non posuisse materiam mundi rudem; & informem, priusquam mundus formaretur, sed vt melius eius doctrina intelligeretur, explicauit materiam istam præcisè aliquomodo.

do rudem, & informem, sicut licet lineę, quę sunt in aliqua figura, non sint prius, quā ipsa figura: Geometrę tamen prius illas designant, ut deinde melius intelligatur, figuram ex illis melius conflare. Hoc, inquit Aristoteles, nihil valet, quia Plāto posuit prius illas materiam inordinatam, quia ponebat elementa confusa esse, donec per veram illam transmutationem mundus formatus fuit; qualiter in exemplo, si lineę sumantur non formatę, sed extra figuram, tempore præcedunt ipsam figuram.

Refutat deinde Argentinum, & Empedoclem, & alios eiusdem opinionis, qui asserbant, mundum continua transmutatione generari, & corrumpi, dicens, reuera hos Philosophos. mundū in substantia incorruptibilem assignare, solumque, secundum accidentalem quamdam mutationem varietatem suscipere, sicut transmutatur, ait, puer, cum ex puero fit senex, idem secundum substantiam permanens.

Refutat in calce capituli. Democritum, mundum generabilem, & corruptibilem, imò tandem corruptendum, & nunquam iterum renouandum asserentem, quia nihil, inquit, ex nihilo fit, fuit ergo mundus factus ex aliqua materia, si ergo, inquit, mundus fuit genitus, secundum Democritum ex eo, quod materia transmutata est ad formam mundi, quando definat mundus, iterum poterit materia ad eandem formam transmutari, non

ergo secundum hoc repugnare debet, quoddam mundus iterum non renouetur.

Circa hoc caput nihil notandum occurrit, rationes enim, quibus Aristot. horum Philosophorum opiniones explodit, sunt sufficientes, tum quia de confutatione sententię Platonis, de qua poterat esse aliqua difficultas, latius agit infra capit. 12. posset etiā hic esse questio, vtrum idem numero corruptum possit per naturam redire, quod aliquantulum attigit Aristot. in refutando opinione Democriti, illam tamen omnes tractant secundo de generatione, cap. 11.

Caput XI.

R Eiectis iam Philosophorum opinionibus, de questione proposita, scilicet, vtrum mundus sit ingenerabilis, & incorruptibilis, incipit iam Aristot. propriam de hac re explicare sententiam, & in hoc capite explicat quot modis aliquid generabile, vel ingenerabile, corruptibile, vel incorruptibile dici possit, ut hoc supposito, sequentia capit. veritate aperiat. Duo agit. In prima parte explicat, quot modis dicatur aliquid generabile, & ingenerabile, corruptibile, & incorruptibile. In secunda verò parte docet, qualiter sit definienda potentia, & impotentia.

Primo ergo modo dicitur aliquid ingenerabile, quia de nouo in-

Rr iij

capit,

incipit, non tamen per veram generationem, vt motus, qui per alium motum non incipit, alias esset processus in infinitum.

Secundò dicitur ingenerabile, quòd licet generari possit, non tamen est genatum; tunc enim ingenerabile dicitur, quia ex suppositione, quòd non sit, non potest esse, alias simul esset, & non esset. Tertio modo, & potissimè dicitur aliquid ingenerabile, quòd impossibile est esse, vel quòd impossibile est non esse, postquam habuit esse, siue hoc sit per veram generationem, quæ est transmutatio, vel non.

Sed adhuc hoc ingenerabile est duplex, quia vel dicitur tale, quia negat substantiam actionis, scilicet, quia nullo modo fieri potest, vel dicitur tale, quia negat motum solum actionis, scilicet, quòd non facili, vel celeriter fieri potest. Similiter generabile tripliciter dicitur. Primò pro eo, quòd potest habere esse post esse non, siue hoc sit per veram generationem, vel non. Secundo modo dicitur generabile, quòd generari potest, sumptum pro posse pro actione possibili, id est, cuius est possibilis generatio, siue etiam pro modo, quia scilicet facile fieri possit. Tertio modo dicitur generabile, cuius esse est possibile fieri, siue de facto sit, siue non sit, dummodo sit possibile.

Adducit deinde acceptiones corruptibilis, & incorruptibilis, dicentis corruptibile primò sumitur

pro eo, quòd priùserat, & postea non est, vel pro eo, quòd nunc est, potest tamen non esse, siue vera corruptione hoc contingat, siue non. Secundò pro eo, quòd potest non esse per veram corruptionem, quæ sit transmutatio subiecti, qualis est corruptio hominis. Tertio tandem pro eo, quòd facile corrumpi potest.

Incorruptibile similiter tripliciter dicitur. Primò pro eo, quòd non potest desinere per veram corruptionem, vt motus, qui sicut propriè generari non potest, ita nec corrumpi. Secundò, quòd ab intrinseco non potest non esse, vt Angelus. Tertio, quòd difficile corrumpitur: sed quia in definitione generabilis, & ingenerabilis, corruptibilis, & incorruptibilis positum est possibile, & impossibile, explicat quot modis dicantur. Primò ergo dicitur aliquid possibile, vel impossibile simpliciter, nulla facta comparatione ad alterum: alio modo comparatiuè, id est, quòd alicui est possibile, vel impossibile, quòd contingit secundum potentiam, vel impotentiam, vnde dicit, quòd quando rem aliquam definimus secundum potentiam eius actiuam, talis potentia est definienda per maximum, ad quòd se extendit, vt si quis habeat potentiam ad portandum centum libras, non bene definimus, quòd possit portare octo, sed centum.

Et si obijcias Aristot. quòd non semper, qui videt rem magnam, potest

est videre minutissimam: ergo potius per minimum, quam per maximum est definiendi: potentia actiua, cum sit maioris perfectionis, videre rem parua, quam magnam. Respondetur, quod potentia debet definiri per maximum excellens, quantitas vero parua, licet talis sit in quantitate, est tamen magna in virtute, quia arguit magnam virtutem potentiae. Impotentiam vero docet, definienda esse per minimum, quod non potest: sicut si quis potest portare centum, & non centum & vnum, per hoc minimum, quod non, est definienda talis impotentia.

Circa regulas Arist. de terminis potentia, & impotentia.

Suppono primo, Arist. hoc cap. loqui de potentia, & impotentia comparatiue ad aliam, non vero de potentia absolute loquendo, & secundum se, qualiter 5. Meta. tex. 17. definitur ab illo, quod sit principium agendi, vel patiendi. Hoc vero ex eo patet, quod postquam dixit possibile sumi dupliciter, scilicet absolute, & comparatiue, statim agit de potentia a qua tale possibile denominatur.

Vt vero illius regulas sigillatim discutiamus, aduertendum est, circa definitionem potentiae, & impotentiae tres regulas deduci ex Arist. hoc cap. Prima est, quod potentia actiua est definienda per ma-

ximum, quod sic. Secunda, impotentia actiua definienda est per minimum, quod non. Tertia, potentia passiva debet definiri per minimum, quod sic, a quo pati potest: quibus Nyphus hic addit quartam, quam dicit deduci ex capite sequenti, scilicet: impotentia passiva definienda est per maximum, quod non potest pati.

Vt autem omnes istae regulae intelligantur, reuocanda est in memoriam definitio horum terminorum, maximum quod sic, minimum quod sic, maximum quod non, minimum quod non, quia maximum quod sic in potentia actiua, est ultimum in quod potest, & ultra non potest, minimum vero quod sic in potentia passiva, est illud minimum, a quo potest pati, & minus non potest propter paruitatem, maximum vero quod non, est illud, in quod non potest propter paruitatem, potest vero in quodcumque maius: dicitur vero maximum quod non, quia inter obiecta, interque non potest ob paruitatem, esse maximum, sicut si potentia potest in obiectum, ut quatuor & in quodcumque minus non potest obiectum ut tria, est maximum quod non, quia inter obiecta, in quae non potest ob paruitatem, est maximum, minimum vero quod non est illud, in quod non potest, & potest in quodcumque maius. Quibus suppositis de singulis regulis suo ordine agendum est.

Sit ergo prima conclusio. Potentia actiua debet definiri per maximum quod sic, ad quod se extendit.

Rr iij

Pro

Probatur, quia definitio debet explicare totam perfectionem. definiti: sed non potest explicari tota perfectio potentie actiue, nisi per maximum quod sic, ad quod se extendit, verbi gratia, si quis potest portare centum, non recte explicatur tota vis, & perfectio potentie per quatuor: ergo est per maximum quod sic definienda.

Secundò, quia si in definitione explicetur maximum quod sic, ad quod se extendit potentia, explicantur etiam alia obiecta. minora, in quæ talis potentia potest, verbi gratia, si dicamus posse portare centum libras, explicamus etiam posse portare viginti, & triginta, non tamen è contra, si explicemus posse portare triginta, non explicamus vltimum, ad quod se extendit, scilicet centum: ergo vt recte naturam explicemus, debemus illam per maximum, quod sic, definire.

Sed contra hanc conclusionem sunt difficilia argumenta. Primò, quia potentia infinita Dei est potentia actiua, omnipotentia scilicet, illa verò nullum habet maximum quod sic, quia nullum habet terminum, cum potest amplius, & amplius sine termino.

Secundò, quia vt Aristot. docuit si igni adhas infinita combustibilia, in infinitum crescet, illa comburendo, nõ ergo habet terminum potentia actiua ignis, ad calefaciendum.

Tertiò, quia actio prouenit à proportionem maioris inæqualita-

tis: ergo potentia portatiua centum, quod est maximum illius, excedit aliquo excessu resistentiam passiuam, quod portatur: tunc sic, ille excessus non est indiuisibilis, quia per indiuisibile nihil est maius, atque adeò neque excedit, est ergo diuisibilis: excedat ergo per excessum, vt duo. Tunc sic, superaddamus pondus, vt vnum, super pondus, vt centum, quod erat maximum: potentia portatiua adhuc excedit totum hoc pondus, quia excedebat excessu, vt duo, pondus, vt centum, & de nouo solum additur pondus, vt vnum, correspondens excessui, vt vnum, atque adeò semper manet aliqualis excessus ex parte potentie: ergo illa potentia potest portare plus quàm centum: ergo centum, quod supponebamus esse maximum: non potest esse maximum potentie, ergo potentia actiua potest se extendere ad maius maximo, atque adeò per maximum, quod sic non potest definiri.

Quartò, quia ex hac sententia sequitur, posse motum declinare per vltimum sui esse, quod est impossibile, vt latius probatur 6. Physicorum.

Probatur sequela, quia si potentia actiua, verbi gratia, portatiua habet maximum, sit illud centum, & moueatur quis portando pondus nonaginta & nouem in hoc tempore, si immediate post hoc superadditur pondus, vt vnum, adhuc potentia portare, quia.

quia est pōdus, vt centum, ad quod se extendit, atque adeò adhuc immediate post tale tempus durabit in illo instanti motus, tamen sitēpore sequenti addas maius pondus, iam potentia non potest, quia excedit maximum, ad quod se extendit, atque adeò cessabit motus: erit ergo in tali casu verum dicere: nunc est motus, & immediate post hoc non erit, quia erit pondus vltra maximum: sed hoc est definire per vltimum fuisse: ergo poterit dari vltimū esse motus.

Quintò; contra eandem sententiam arguitur, quia sequitur ex ea dari tardissimum motum, quod est impossibile, sicut dari calorem remississimum, cum quolibet dato possit dari minor, vt tenet vera opinio primo Physicorum, tract. de maximo, & minimo. Probatur sequela, quia quantò grauius pondus alicui imponitur; tardius, & difficilius portabit, & si grauius, difficilius: ergo si imponatur maximum pondus, quod est maximum respectu sue potentie, portabit tardissimè: dabitur ergo tardissimus motus.

Confirmatur, quia quantò maior est resistentia passi, tantò minuitur excessus potentie actiue agentis, & motus sit tardius: ergo si resistentia passi respectu potentie sit maxima, quia habet maximum pondus respectu potentie: talis ergo motus erit tardissimus.

Vltimò, quia ponamus maxi-

mum potentie actiue, esse centum libras, reuera incredibile est, quòd si alicui portanti illas superaddatur res leuissima, v. g. palea, non possit illam portare. potest ergo potentia actiua vltra maximum, quod sit, atque adeò non est per illud definienda.

Pro huius obiectionum solutione, & huius rei exacta intelligentia, notandum est, quòd dupliciter potest intelligi, potetiam aliquam habere maximum, vel minimum; vno modo in re aliqua determinata, in singulari, alio modo in numero, & collectio aliquarum rerum, ita quòd citratalem numerum, vel collectionem non possit.

Secundò aduertendum est, quòd maximum, & minimum est duplex, aliud Physicum, & est illud, quod ita est Physicè determinatum, vt licet potentia possit in aliquid vltra imperceptibile, non tamen in aliquid vltra sensibile Physicè, ita quòd sit excessus sensibilis. Aliud est maximum, vel minimum Mathematicū, & est illud, in quod ita potest potentia, vt nullo modo possit amplius, nec sensibiliter, nec mathematicè. Similiter excessus duplex est, Physicus, qui est sensibilis, & nominalis; Mathematicus, qui non est sensibilis, sed quali minimus excessus.

His suppositis, respondetur ad argumenta, & quidem Nyphus in hoc capite videtur asserere, Arist. solum hic loqui de potentia mutabilitatis, quæ habet magis, & minus,

Rr v per

per quod videtur excludi potentia Dei si tamen Nyphus hoc intendat, eius sententia est falsa, quia, ut infra ostendam, etiam potentia activa Dei habet suum maximum. *Quare ad i. arg. respondetur, Arist.* *Itam* loqui in hoc capite de potentia activa Dei, loquitur enim universaliter, & ita verum est, illam habere maximum: per quod sit definienda, non quidem maximum in re aliqua particulari determinata, cum quolibet dato singulari, possit aliud, & aliud facere, sed in aliquo determinato numero, & collectione, scilicet in numero infinito syncategorematicè. Et quod hoc ita sit dicendum, probatur, quia illud est maximum alicuius potentie, in quod potentia potest, & ultra non: sed Dei potentia se extendit ad infinitum syncategorematicè; cum possit facere, non tot, quin plura, & plura, quod est esse infinitum syncategorematicè, & non possit ultra se extendere ad infinitum in actu: illud enim, ut suppono, non est possibile: ergo maximum divine potentie est numerus infinitus syncategorematicè: & cum dicit, potentia Dei est infinita: ergo nullum habet terminum. Respondetur, si rem attentè consideres, non quodcumque habere terminum, tollit infinitatem potentie: sed illa potentia est finita, quæ habet terminum finitum, tamen potentia habens terminum infinitum non est finita. Ratio est aperta, quia quælibet potentia

habet proportionari cum suo maximo, ad quod se extendit; unde potentia quæ terminatur ad maximum finitum, est finita; quæ vero ad infinitum, est infinita, qualis est potentia Dei: & sic consequentia hæc habet terminum: ergo est finita, vera est, loquendo de termino finito, non vero de infinito.

Ad secundum respondetur, quod de potentia calefactiva ignis, vel possumus loqui de eius maximo, quantum ad intensionem, vel quantum ad extensionem, quantum ad intensionem quidem habet maximum, etiam mathematicum, quia cum calor ignis tantum sit ut octo, tantum se potest extendere ad maximum intensionis ut octo, & nullo modo ultra, nec Physicè, nec Mathematicè, cum nihil possit dare, quod non habet: si vero loquamur quantum ad extensionem, Respondetur, non habere maximum finitum, & determinatum in singulari, cum possit plura, & plura combustibilia comburere, habet tamen proximo infinitum syncategorematicè, id est, non tot, quin plura, quia cum non possit se extendere ad numerum infinitum in actu, cum illud non sit possibile, maximum illius est infinitum syncategorematicè.

Ad tertium respondetur, verum esse, potentiam debere excedere resistantiam passivi excessu aliquo, divisibili, tamen quamvis excussus ille sit indivisibilis Mathematicè, non vero Physicè, & sic si potentie

rentie portatiua centum addatur aliqua quantitas parua, a ihuc poterit potentia illam portare, quia licet centum esset maximum physicum, non tamen mathematicum, tamen ultra maximum mathematicum, nullo modo potest potentia, quia excessus est mathematicus, & indiuisibilis in ratione excessus: unde qualibet quantitate superaddita, iam non est excessus indiuisibilis requisitus. Et si obiecias, excessus physicus respectu maximi physici, non est vnica vnica, nec secunda, nec tertia: poterit ergo ultra mille vnicias portare, quod est falsum. Respondetur quod, licet qualibet vnica secundum se non sit excessus physicè sensibilis, tamen est deuenire ad tantam quantitatem, quæ sit excessus sensibilis, in quem non possit potentia, sicut vna gutta tantum non excavat lapidem, multæ tamen facientes quantitatem sensibilem, dicuntur illam excavare.

Ad quartum respondetur, negando ex hac sententia sequi, quod detur vltimum esse motus, quia licet tali maximo immediate post hoc superaddamus quantitatem sensibilem, quam quis ultra maximum portare non possit, ratione cuius immediate post hoc non possit esse motus, cum sit quantitas sensibilis maior maxima: tamen quia in hoc nunc non est motus; quia repugnat motum localem habere esse in instanti, ideo non est verum dicere, nunc est, & immediate post

hoc non erit, atque adeo non definit per vltimum sui esse.

Ad quintum respondetur, non dari tardissimum motum, quia licet supponamus potentiam portare maximum quod sic, tamen poterit esse tardior motus, quia potest illi aliquid aliud, licet non sensibile, superaddi, quod poterit portare, quod causabit tardiorē motum, licet non sensibilibiter.

Et si dicas: ponamus ergo potentiam portare maximum etiam mathematicè, tunc erit tardissimus motus, quia nullo modo potest ultra portare, & sic cum hoc adqueret totam actualitatem potentie, dabitur ergo tardissimus motus. Respondetur, non dari maximum mathematicè, sed terminatur potentia portatiua mathematicè termino extrinseco minimo quod non, in quo sit verum dicere, non potest centum, v. g. potest tamen quodlibet minus, tamen quia illud citra centum non est determinatum, sed potest esse maius, & maius secundum partes proportionales, nunquam poterit dari summa quantitas, atque adeo nec tardissimus motus.

Ad vltimum iam patet ex dictis, qualiter potentia portatiua habens pro maximo quod sic certum, possit ultra vnica pileæ, vel duas portare, quia potest ultra maximum physicū aliquid sensibile portare propter excessum sensibilem, & physicum, quem habet supra maximum suum, ratione cuius, dum modo

modo non addatur quantitas sensibilis, adhuc potest aliam portare, si tamen superaddatur quantitas sensibilis, non poterit, quia æquabit tunc excessum, quem habebat potentia.

Tandem prædicta conclusio non leuem ingerit difficultatem, quia si potentia actiua habet terminum intrinsecum, scilicet maximum quod sit: ergo potentia illuminatiua solis illuminat totam suam sphaeram actiuitatis, vel illuminat superficiem vltimam terminantem illam sphaeram, vel non: si non illuminat, ergo illa potentia non habet terminum intrinsecum, quia terminatur per indiuisibile; existens extra lumen à simili productum: si verò illuminat vsque ad illam superficiem inclusiue: tunc arguor sic: Vel in tali superficie vltima producitur lumen diuisibile, quo ad intensiorem: & hoc non, quia si talis superficies habet lumen diuisibile quoad intensiorem, poterit in parte sibi propinqua producere lumen aliquantulum intensius, licet non in tanta intensiōe, quantum in se habet, iuxta dicta 1. de generatione, capit. 7. & sic illa superficies non erit terminus vltimus sphaeræ actiuitatis: vel producit in tali superficie lumen indiuisibile, quoad intensiorem, & hoc non, quia, vt 6. Physi. vidimus, indiuisibilia extensionis qualitatibus, sicut est superficies luminis, possunt esse diuisibilia, quo ad

intensiōem, & sic non repugnabit superficiem vltimam luminis correspondentem vltimæ superfici sphaeræ, tametsi sit indiuisibilis quoad extensionis profunditatem, esse tamen diuisibilem, quoad intensiōem. Tum etiam, quia in qualibet parte ante vltimam superficiem talis sphaeræ, lumen habet aliquam intensiōem: ergo poterit talis intensio produci in superficie vltima, quæ immediatè adhæret tali parti, videtur ergo non habere terminum intrinsecum potentiam actiuam.

Respondetur in tali superficie vltima produci quidem lumen diuisibile, quoad intensiōem, vt argumentum probat, tamen non ex illa superficie deriuari lumen ad partes profundas, quæ sunt extra talem superficiem. Ratio est, quia cum illa superficies contineat lumen inextensum quoad profunditatem, non probatur producere lumen diuisibile quoad profunditatem, sicut quoad non habet intensiōem, non probatur producere intensiōem, & finitur sphaera actiuitatis intrinsecè in illa superficie vltima terminatiua.

Sit secunda conclusio in hac quaestione. Secunda regula Aristoteli. vera est, scilicet quod impotentia actiua est definienda per terminum quod non, v. g. si quis potest portare centum, & non cetum & vnum, per illud centum & vnum, quod est minimum, quod non, potest portare, est definienda. Ratio est,

est, quia potentia & impotentia actiua, sunt contrarie: ergo per contraria sunt definienda, sed potentia actiua definitur per maximum quod sic: ergo impotentia per minimum quod non.

Secundo, & clarius probatur, quia sicut potentia actiua eo est maior, quod plura potest: ita impotentia actiua, eo est maior impotentia, quod minus potest: ergo ut explicemus totam latitudinem impotentia, debemus explicare minimum, quod non potest, alias non recte explicabitur tota impotentia illius.

Tertio, si explicemus minimum, quod non potest, etiam explicamus alia obiecta, in quae non potest, v. g. Si quis potens centum, non potest centum & vnum, etiam per hoc minimum quod non, explicamus alia maiora, in quae non potest, v. g. centum & duo, & centum & quatuor, &c. Non vero e contra ergo per ly terminum quod non, est definienda.

Quarto, quia si talis impotentia actiua non definitur per minimum quod non, scilicet centum & vnum, non est maior ratio, quare definiatur per alia maiora, v. g. per centum & viginti, quam per totum, &c. Ergo solum per illud minimum quod non explicans alia obiecta, in quae non potest, definienda est talis impotentia.

Sed dices: idem impotentia actiua non potest, centum & vnum,

quia talis quantitas excedit potentiam, hic autem excessus debet esse diuisibilis, quia per indiuisibilia, ut dixi, nihil excedit: si ergo haec quantitas est diuisibilis, & dimidium illius excedit potentiam, v. g. Si potentia portatiua extendebat se ad centum, minimum quod non potest, est centum & vnum. Tunc sic ille excessus supra potentiam, quae se extendebat ad centum, est diuisibilis: ergo etiam medietas, vel tertia pars illius, cum si aliqua supra centum, quod erat maximum quod sic, erit obiectum, in quod non potest potentia: ergo centum & vnum non erat minimum quod non, quia etiam medietatem illius, quae additur supra maximum, non potest portare: ergo non habet minimum quod non.

Respondetur de hoc proportionali modo esse loquendum, sicut de maximo, & sic sicut potentia non potest in maius maximo, quod non, sensibilibiter, ita impotentia non potest in minus minimo, quod non, insensibilibiter, qualis est aliqua pars illius, quod additur supra centum, quod erat maximum, non tamen est impotens in minus minimo quod non, sensibilibiter.

Tertia conclusio sit. Tertia regula Aristotelis. scilicet, quod potentia passiua debet definiri per minimum quod sic, est vera. Probatur conclusio, quia quanto magis potentia passiua a minori patitur, eo est perfectior, ut potentia visiva eo est

est perfectior, quanto à minori obiecto potest pati, & immutari: sed definitio debet explicare ultimam perfectionem rei; ergo debet dari per minimum quod lic, quod minimum appellatur ab Arist. In maximum in eadem potentia passiva, ut activa est, scilicet maximum virtuale, quia requirit maximam virtutem.

Quarta conclusio fit, quarta regula Aristot. vera est, scilicet quod in potentia passiva debet definiri per maximum quod non, verbi gratia, si potentia passiva poterat pati ab obiecto ut quatuor, non tamen potest pati ab obiecto ut tria, propter paritatem, vel etiam similem causam, per hoc obiectum ut tria, quod est maximum inter ea, quæ non potest pati, est definienda. Ratio est, quia si illa est maior potentia passiva, & perfectior, quæ à minori patitur: ergo illa erit maior impotentia, quæ à maiori non patitur: illa est maior impotentia ad videndum, quæ maiores colores, non potest videre, quàm ea, quæ minores, difficilius videntur, ergo ut quis rectè explicet totam impotentiam, debet illam definire per maximum, quod non potest videre.

Circa has omnes conclusiones rursus advertendum est, quod eadem qualitas, v. g. potentia visiva, vocatur potentia respectu illius obiecti, à quo patitur, respectu verò illius, in quod non potest, vocatur

impotentia: & idem est de impotentia passiva, ita quod eadem qualitas secundum rem sit in duplici specie qualitatis sub diversa consideratione, scilicet in specie potentie, & impotentie; sicut idem calor in quantum disponit subiectum ad formam substantialem, est dispositio, in quantum verò est principium producendi alium calorem, est in specie potentie.

Caput XII.

Licet Aristot. suprà cap. 10. opinionem Platonis ponentis mundum generabilem, & incorruptibilem, reiecerit, hoc tamen capite ex professo illam explodit, intendens probare, nullum incorruptibile esse generabile, & nullum ingenerabile esse corruptibile, ut constet ex propria eius sententia mundum sempiternum, ingenerabilem, & incorruptibilem esse: quæ conclusio quæstioni superioribus capitibus propositæ respondet. Et in hoc capite tria agit. Primo more solito aliqua supponit, ex quibus in secunda probat rationibus communibus suum intentum: tandem in ultima parte id confirmat rationibus proprijs.

Ad primam ergo partem accedentes, Prima suppositio est, quod omne illud, quod habet potentiam ad esse, & non esse, debet habere determinatum tempus, in quo sit, &

& etiam determinatum, in quo non sit. Probat sic hanc suppositionem, & declarat, quia si homo habet potentiam, ut sit albus, & idem est de alijs predicatis, v. g. ut sit tricubitus, quod pertinet ad quantitatem, si non habet determinatum tempus, in quo sit albus, & determinatum, in quo non sit albus, potest ergo esse maiori, & maiori tempore, atque adeo infinito sub albedine: tunc sic vel tempus, in quo potest esse non albus, sequitur post hoc tempus infinitum, in quo est albus, & hoc non, quia ultra infinitum nihil est: vel est pars illius temporis infiniti, in quo est albus, & tunc etiam cum illo tempore homo sit albus, iam simul erit albus, & non albus, quod est impossibile, aut saltem non habebit potentiam, ut sit albus, & non albus, quod etiam est impossibile.

Secundò supponit, non esse idem falsum, & impossibile, sicut quando ego sto, falsum est quod sedeam non est tamen impossibile, nec etiã est idem verum, & possibile, quia possibile est Antichristum esse, non tamen verum est.

Tertiò supponit, quod falsum, & impossibile dupliciter possunt accipi. Primò, ex suppositione, sicut falsum est, & impossibile me stare, supposito quod sedeam. Secundò absolute, & simpliciter, quia licet est falsum, & impossibile, hominem esse equum.

Quartò supponit, quod non est

idem supponere falsum, & impossibile, sicut non est idem falsum, & impossibile, ut dixi.

Quintò supponit, quod ex uno impossibili sequitur quod liberum.

Sextò, & vltimò supponit, quod licet duo actus oppositi simul esse non possint, ut stare, & sedere, tamen potentia ad illos actus simul esse possunt. Hæc in 1. par. cap.

His suppositis, in secunda probat Aristotel. suum intentum, scilicet quod nullum incorruptibile sit generabile, & nullum ingenerabile sit corruptibile, hoc syllogismo: Nullum sempiternum est generabile, & corruptibile, omne ingenerabile, & incorruptibile est sempiternum: ergo nullum ingenerabile est corruptibile. Consequentia est nota, quia est syllogismus factus in Celarem. Maior verò probatur ex vi primæ suppositionis, quia omne generabile habet potentiam ad essendum, & non essendum: id enim est generabile, ut supra cap. 10. dixi, & similiter corruptibile, ut esse, & non esse possit: debet ergo habere determinatum tempus, in quo sit, & determinatū, in quo non sit: sempiternum autem non habet determinatum tempus, in quo non sit, quia semper est, ergo nullum generabile, & corruptibile est sempiternum: aliàs si generabile, v. g. sempiterno tempore est: ergo, vel tempus, in quo potest non esse,


esse, est post hoc tempus sempiternum, & hoc non, quia ultra infinitum nihil est, vel est pars illius temporis, & sic iam simul esset, & non esset.

Secundò probat eandem maiorem, quia aliquando esse, & aliquando non esse, est superius ad generabile, & corruptibile: ergo aliquando est, & aliquando non est, & idem est de corruptibili, non tamen valet: aliquando est, aliquando non est: ergo est generabile, quia potest esse corruptibile, quæ licet secundum rem coincident, ut probat infra Aristot. non tamen formaliter: sed de sempiterno negatur aliquando esse, aliquando non esse, quia semper est: ergo de illo de-

bet negari esse generabile, vel corruptibile. Patet consequentia, quia de quo negatur prius, debet negari posterius; sicut de quo negatur animal, negatur homo: illa ergo maior vera est, scilicet t. nullum generabile, & corruptibile est sempiternum: sed quia sempiternum, tam conuenit rebus, quæ sempiternæ non sunt, ut chimæræ, quàm rebus, quæ sempiternæ sunt, ut Deo. Probat quòd sempiternum, siue accipiat pro semper esse, vel pro semper non esse, non possit verificari de generabili, & corruptibili per quod iterum illam maiorem positam confutatur.



Et vt illius probatio recte intelligatur, aduertendum est, quod hæc particula, Semper ens, habet se sicut hæc particula, Omnis, quia idem est semper ens, quod omni tempore ens, & Semper non ens sicut Nullus, quia idem est semper non ens quod nullo tempore,



& non semper ens, sicut aliquis non, & non semper non ens, sicut aliquis, quia duæ negationes affirmant: unde eadem oppositio est inter has particulas, Semper ens, Semper non ens, &c. quæ est inter illa signa, Omnis, Nullus, Aliquis, vt apparet in figura nuper posita: unde sicut, Omnis, & Nullus opponuntur contrarie, quia alter est modus vniuersalis affirmatiuus, & alter negatiuus: ita semper ens, & semper non ens, opponuntur contrarie: & sicut omnis, qui est modus vniuersalis affirmatiuus, & ali-

quis non, qui est particularis negatiuus, opponuntur contradictorie, ita semper ens, & non semper ens opponuntur contradictorie, & sicut aliquis, qui est modus particularis affirmatiuus, & nullus, qui est vniuersalis negatiuus, opponuntur etiam contradictorie: ita semper non ens, & non semper non ens, opponuntur etiam contradictorie: & sicut aliquis, & aliquis non, opponuntur etiam subcontrarie, sic etiam non semper non ens, & non semper ens opponuntur subcontrarie, & sicut omnis, & aliquis sunt

Si subal-

subalterna, ita semper ens, & non semper non ens, & sic nullus, & aliquis non, sunt etiam subalterna, sic semper non ens, & non semper ens sunt etiam subalterna.

Hoc supposito, sic arguit: Illæ duæ subcontrariæ, scilicet, non semper non ens, & non semper ens, verificantur de generabili, & corruptibili, quia idem sunt, quod aliquando ens, & aliquando non ens: ergo illæ contrariæ, scilicet semper ens, & semper non ens, debent negari, quia aliàs verificarentur duo contradictoria, quia supposito quòd de generabili, & de corruptibili verificentur, non semper ens, & non semper non ens, etiam verificantur duæ illæ contrariæ, semper ens, & semper non ens, cum semper ens, & non semper non ens, sint contradictoria, & etiam semper non ens, & non semper non ens, iam verificabuntur de generabili, & corruptibili duo contradictoria: ergo, cum verificentur de illo duo subcontraria, scilicet non semper ens, & non semper non ens, quia idem sunt quod aliquando ens, & aliquando non ens: quod est generabile, & corruptibile. Aliàs duo contraria, scilicet semper ens, & semper non ens, debent remoueri: ergo repugnat generabile, vel corruptibile esse sempiternum; siue illud sumatur pro eo, quod semper est, siue pro eo, quod semper non est.

Eamdem rationem conficit Aristot. in literis, vt constat non solum esse veram ratione materiæ, sed ratione formæ, ita quòd in quacumque materia teneat: sit ergo A. semper ens, & B. semper non ens, & C. non semper non ens, & D. non semper ens. Tunc sic: inter A. & B. est medium, quia sunt contraria, tum etiam, quia contraria non possunt verificari de eodem subiecto, v. g. quòd homo sit albus, & niger: ergo debet dari medium, quod verificetur, tamen inter A. & C. vel inter B. & D. cum sint contradictoria, non est medium: ergo verum est dicere, quòd de quibus verificatur, C. & D. quæ sunt subcontrariæ, non possunt verificari A. & B. aliàs cum A. & C. & B. & D. sint contradictoria, verificantur de eodem duo contradictoria: ergo cum de generabili, & corruptibili verificentur C. & D. scilicet non semper non ens, & non semper ens, debet de illo negari, tam semper ens, quàm semper non ens, atque adeò nullum generabile & corruptibile, potest esse sempiternum, siue illud sumatur pro semper ente, siue pro semper non ente: relinquitur ergo sufficienter probata maior illius syllogismi, scilicet, quòd nullum sempiternum sit generabile, & corruptibile. Minor è verò eiusdè syllogismi, scilicet quòd omne ingenerabile, & omne incorruptibile est sempiternum, probat deinde Aristot.

Et

Et primò dicit, quòd si ingenerabile, & incorruptibile conuertuntur, si sempiternum prædicatur de vno, etiam prædicabitur de vtroquo: vnde omne ingenerabile erit sempiternum, & omne etiam incorruptibile, quia ingenerabile dicit semper esse à parte ante incorruptibile à parte post: ergo si ad invicem conuertuntur, quodlibet erit simpliciter sempiternum. Quòd autem conuertantur, probat, quia generabile, & corruptibile conuertuntur: ergo etiam ingenerabile, & incorruptibile debent conuerti. Anecedens verò probat dupliciter. Primò ex suppositione, quia si ingenerabile, & incorruptibile conuertuntur, etiam generabile, & corruptibile debent conuerti, quia si non conuertuntur: ergo non bene valet: est generabile, ergo corruptibile: ergo est incorruptibile, quia contradictorie opponuntur, & non debet dari medium: ergo si conuertuntur ingenerabile, & incorruptibile, iam generabile, quod erat incorruptibile, erit ingenerabile, atque adeò idem erit generabile, & ingenerabile, quæ sunt contradictoria, per quam rationem intendit Arist. probare, quòd si ingenerabile, & incorruptibile conuertuntur, etiam generabile, & corruptibile debent conuerti, sed ostendit, & nulla facta suppositione probat, quòd generabile, & corruptibile debeant conuerti.

Pro quo aduerte, quòd semper

ens idem est, quòd ens necessarium, idest, quod ab intrinseco non potest non esse. Similiter semper non ens, est non ens necessarium, idest, quod ex se non potest esse, vt chimæra. Hoc supposito, sic arguit Arist. quia generabile est medium inter semper ens, & semper non ens, cum si aliquando ens, & aliquando non ens, sed hoc idem habet corruptibile, est enim medium inter semper ens, & semper non ens, cum sit aliquando ens, & aliquando non ens: ergo generabile, & corruptibile conuertuntur: & idè argumētū cōficit Arist. in literis.

Probat deinde, quòd ingenerabile, & incorruptibile conuertantur ostensiuè, quia si non valet: est ingenerabile, ergo incorruptibile: ergo est corruptibile, ergo generabile: quia corruptibile, & generabile, vt probaui, conuertuntur, ergo idem esset ingenerabile, & generabile, quæ sunt contradictoria: sicut corruptibile, & incorruptibile.

Ex dictis colligit Aristot. malè Platonicos posuisse mundum generabilem, & incorruptibile, quia ea ex parte, quæ est generabilis, est aliquando ens, & aliquando nō ens, atq; adeò cum habeat potentiam ad essendum, & non essendum, debet habere determinatum tēpus in quo sit, & in quo non sit, ex prima suppositione suprà probata. Ex ea verò parte, quæ illum incorruptibilem ponit, facit illū sempiternū, quia.

vt probatum est, ingenerabile, & incorruptibile. conuertuntur, id verò quod est ingenerabile, & incorruptibile, est sempiternum, cum dicat semper esse à parte ante, & à parte post: ex quo fit, quod non debeat habere determinatum tempus essendi, & non essendi, sed quod debeat esse tempore infinito.

Secundò probat hoc falsum, quia, inquit, omnia quæ sunt, necesse est agere, vel pati, esse vel non esse tempore infinito, id est, determinato: si autem aliquid esset generabile, incorruptibile tamen, illud nec posset agere, nec pati, esse, vel non esse tempore infinito, vel definito: non infinito, quia non ex omni parte est infinitum: præsertim quod ipsum, inquit, infinitum aliquo modo est definitum, quo scilicet non est maius; quod verò est infinitum ex vna parte, non est hoc modo definitum, quia potest esse illo aliquid maius, cum à parte ante sit finitum, ex quo non repugnat augeri, nec tempore definito, quia, vt dixi, quod est à parte post infinitum, vt est generabile, & incorruptibile, vt posuit Plato, vniuersum à parte post non definitur, id est, determinatur, atque adeò propriè nec est infinitum, nec definitum.

Tertiò contra eandem sententiam arguit, quia si aliquid est incorruptibile, generabile tamen, potuit ergo antea, & ante inesse, quia non est, inquit, maior ratio, cur in

hoc signo, quam antea inceperit, potuit ergo esse ab æterno: ponatur ergo inesse simul: ergo est, vt probat ratio; & non est, vt Plato posuit, atque adeò (vt quidam expouunt) hanc rationem probat, quod si est infinitum ex vna parte, scilicet à parte post, debet esse ex omni, scilicet à parte ante, & eadem ratione conuinci potest, quod nullum sit ingenerabile, & corruptibile, quia si corrumpitur, cur magis in hoc signo, quam antea corruptum est, vel postea? potest ergo magis, & magis durare, ita quod sit sempiternum: ergo si ex alio capite non est, vt authores contrarij ponunt, simul erit, & non erit.

Quartò, & ferè in idem incidit, quia omnis, inquit, potentia habet antecedere suum actum: ergo potentia, quam habuit mundus ad essendum, antequam esset, potuit prius, & prius reduci in actum: ergo ab æterno est, quia ponamus hoc inesse: ergo si secundum Platonem, non est ab æterno, quia est genus simul: ergo fuit, & non fuit. Sed quia posset aliquis dicere pro Platone, modum quidem, sicut materiam suam est generabilem, ita corruptibilem, numquam tamen corrupturam. Arguit còtra, quia omne, inquit, corruptibile tandem corrumpitur, & omne generabile tandem generabitur, quia habet potentiam generabilem ad esse, & corruptibile ad non esse: ponatur ergo inesse, aliàs numquam generabitur,

nerabitur, nec corruptibile corrumpetur: est ergo sempiternum: ergo semper ens, ut & alias ponebamus aliquando esse, si est generabile, & aliquando tandem non esse, si est corruptibile: ergo simul esset, & non esset.

Nec valet, inquit, si dicas incorruptibile habere potentiam, ut non sit, non tamen postquam est: sed ad non esse præteritum, quod præcessit generationem. Contra arguit, quia omnis potētia est, vel alicuius præsentis, vel futuri, non verò præteriti, quia ad præteritum non est potentia: ergo si habet potentiam ad non esse, debet esse, ad non esse, vel præsens, vel futurum, atque adeo iam generabile erit corruptibile contra Platonem.

Ultimò tandem arguit contra Platonem, quia generabile, inquit, & corruptibile alterabilia sunt, alteratio autem fit è contrario: ergo omne generabile est corruptibile contra Platonem, & similiter omne corruptibile debet esse generabile, quia sicut fit alteratio ad corruptionem huius, sic potest fieri ad generationem illius. Hæc de litera, quæ longè profectò difficilior est, quam utilis.

Dubia circa literam.

Prima suppositio huius capituli sequenti explicabitur, circa secundam verò, quòd dicit, non esse idem falsum, & impossibile, aduer-

tendum est, illam debere intelligi in materia contingenti, ut patet in exemplo ab Aristotele adducto, de eo qui cum sedeat, falsum est, quòd stet, non verò impossibile, in materia verò remotaratione materiæ idem est falsum, & impossibile, sicut falsum est, hominem esse equum, & etiam impossibile. Similiter id, quòd dicit, non esse idem possibile, & verum, debet intelligi in materia contingenti, in qua verum est, Petrum v.g. posse esse nigrum, non tamen verum est, esse nigrum, non verò debet intelligi in materia necessaria, quia in hac ratione cum prædicatum possibile necessario insit, idem est, possibile, & verum, ut verum est esse hominem animal, atque etiam possibile.

Cōtra rationem illam, qua Aristot. probat sempiternum esse incorruptibile, & incorruptibile, quia sempiternum semper est, generabile verò, & corruptibile aliquando non est, ponatur in esse: ergo simul erit, & non erit.

Obijcit S. Thom. hic text. 131, quia licet quis habeat potentiam ad duos actus contrarios, non tamen potest poni vnus actus, stante contrario actu, sicut ille, qui stat, habet potentiam ad sedendum, nō tamen ita quòd possit poni sessio simul, quando stat: sed in alio tempore, & sic stante sempiterno, non potest poni in esse non esse.

Respondetur, quòd omne accidens debet poni absque corruptione subiecti: unde, quia stare non est

S iij acci-

accedens sessionis, nec è contra, non oportet, quòd adueniente sessione, maneat stare, qui sunt actus impossibiles: tamen si ponamus, sempiternum esse generabile, & corruptibile, cum sempiternum necessariò sit, deinde potest accidentaliter generari, & corrumpi. Hæc omnia debent supponere ipsum esse necessarium illius sempiterni, & sic adhuc illo stante, secundum illam opinionem posset esse, & non esse corruptionis, quia est accidens illius generatio, vel corruptio: omne verò accidens debet supponere subiectum: vnde optimè sequitur, quòd simul sit, & non sit: non verò sequitur in sessione, quia sessio non est accidens huius, quod est stare, vel è contrà: & sic vno adueniente, oportet aliud permaneat.

Contra id quòd dicit, quod inter duo contraria, scilicet, semper ens, & semper non ens, debet dari medium, scilicet, aliquando ens, & aliquando non ens, est argumentum, quia non semper inter contraria datur medium, quia inter par, & impar, ægrum, & sanum, quæ sunt contraria, non datur medium. Respondetur, quòd loquendo de rebus ipsis contrariis, quando talia contra vniuersalia sunt, datur medium, sicut inter omne, & nullum, aliquis: sic inter semper ens, id est, omni tempore ens, & semper non ens, id est, nullo tempore ens, datur medium, scilicet aliquando ens, & aliquando

non ens. Cuius ratio est, quia alterum affirmat totum, alterum negat totum. Vnde illud est mediũ, quod ex parte affirmat, & ex parte negat, vt aliquando ens, & aliquando non ens.

Sed dices: Hæ duæ propositiones subcontrariæ, Aliquis homo est albus, & aliquis homo non est albus, non possunt eadem rei conuenire: ergo nec hæ duæ subcontrariæ, hoc aliquando est ens, & hoc aliquando non est ens, non debent, verificari de generabili, & corruptibili. Respondetur esse diuersam rationem, quia esse album, & non album, sunt actus oppositi, qui non possunt eadem conuenire, tamen, aliquando ens, & aliquando non ens, non sumuntur pro actibus oppositis, nec pro eodem tempore, sed pro potentia ad opposita, scilicet pro posse esse, & posse non esse, potentiæ autem ad opposita optimè possunt esse simul, non verò actus: præsertim quòd si sumantur pro actu aliquando ens, & aliquando non ens, non sumuntur pro eodem tempore, quia illa particula, aliquando, non determinat tempus, & sic pro diuerso tempore nõ repugnat: esse verò album, & non album, si sumantur pro eodem tempore, etiam repugnat: si verò pro diuersis non repugnat. Vnde argumentũ nihil concludit.

Circa illam probationem, qua Aristot. probat, generabile & corruptibile conuerti, quia ingenerabile, & corruptibile conuertuntur, &

& rursus ingenerabile, & incorruptibile conuerti, quia generabile, & corruptibile conuertuntur, aduertendum est cum Augustino Nypho hic, quod etiam in litera nos aduertimus, non esse circulum, quia primum probat ex hypothesi, idest, si generabile, & corruptibile conuertuntur, etiam ingenerabile, & incorruptibile, debent conuerti: & deinde ostensiuè, & à priori, probat generabile, & corruptibile, in generabile, & incorruptibile, conuerti rationibus in litera explicatis.

Est autem argumentum contra rationem, qua probat, generabile, & corruptibile conuerti, ex eo quod à quo remouentur extrema, debet conuenire medium, sed à generabili, & corruptibili remouentur extrema, scilicet semper ens, & semper non ens: ergo debet illi conuenire medium, scilicet aliquando ens, & aliquando non ens. Et contra hoc argumentum, quia ex eo quod generabile, & corruptibile sit medium inter semper ens, & semper non ens, quia est aliquando ens, & aliquando non ens, & non sequitur, quod inter se conuertantur, quia etiam fulcum, & viride, sunt medij colores inter albū, & nigrū, non tamen inter se conuertuntur.

Secundò, quia non semper est verum, quod à quo remouentur extrema, debet illi conuenire mediū, quia ab aere remouentur extremi colores, scilicet albū, & nigrū, non tamen conueniunt colores medij.

Respondetur ad primum, quod medium est duplex, aliud est adæquatum inter extrema, vt inter impossibile, & necesse medium adæquatum est contingens, quia extra illud nullum aliud est medium inter illa extrema: aliud verò est medium in adæquatum, vltra quod est aliud medium, qualiter fulcum est medium in adæquatum inter albū, & nigrum. Arist. ergo non probauit, generabile, & corruptibile, conuerti præcise, quia sint medium inter semper ens, & semper non ens, sed quia conuertuntur cum medio adæquato, scilicet aliquando ens, & aliquando non ens, quod est contingens, quia cum vtrumque sit aliquando ens, & aliquando non ens, optimè sequitur esse idem.

Sed obijcies: Contingens est superius ad generabile, & corruptibile, quia generabile dicit prius non esse, & postea esse, cum generatio incipit à priuatione rei: corruptio verò è contra prius dicit esse, & postea non esse. Contingens verò dicit posse esse, & non esse absolute, sine hoc, vel illo ordine, ex eo verò quod aliqua sint idem secundum genericam rationem in aliquo superiori, non sequitur esse se idem inter se omnino, vt patet de homine, & equo: ergo licet generabile, & corruptibile sit contingens, non sequitur esse idem inter se. Respondetur, quod contingens solum est superius secundum rationem ad generabile, & corruptibile, non verò secundum

rem, quia idem sunt, & numquam reperitur vnum in alio. Aliud tamen est genus, quod reperitur sine hac specie determinata, & sic non habet copuerti cum hac specie determinata, neque cum illa, contingens autem cum qualibet illarum conuertitur, quia solum est superius secundum rationem, & ita etiam species inter se conuertuntur, & cum genere, quia secundum rem in idem coincidunt.

Est tertia eadem dubium circa illa verba Aristotelis, quibus arguens contra Platonem in secunda ratione dicit, aliqua posse agere, vel non agere tempore infinito, vel finito, & similiter esse, vel non esse. Contra enim est, quod secundum ipsum, ea, quæ habent potentiam ad essendum, & non essendum, vel agendum, & non agendum, debent habere determinatum tempus, non ergo infinitum. Respondetur, quod, ut ibi ipse exponit, hoc tempus infinitum, aliquo modo est definitum, scilicet, quo non est maius, & sic quando dicit, quod habet potentiam ad essendum, & non essendum, debere esse determinatum tempus essendi, & non essendi, idem est determinatum tempus, quod definitum, quale est aliquo modo infinitum.

Melius tamen secundò respondetur, quod illa prima suppositio intelligitur de his, quæ habent potentiam ad essendum, & non essendum, vel agendum, & non agendum, per alia verò verba non dicit

Aristoteles quod aliquid possit agere, & non agere, esse, & non esse tempore infinito: sed loquitur disiunctiue, id est, vel debet esse tempore infinito, vel definito, & similiter agere, vel pati. Et per hoc patet, cum hoc non contrariari aliud, quod supra capit. 6. docuit, scilicet, quod omnis actio agentis naturalis debet esse tempore finito, vel determinato. Ratio est, quia ad verificationem propositionis disiunctiue sufficit altera pars vera, & sic cum dicit hic, omnia agentia agere, vel pati tempore infinito, vel finito, non est contradictio.

Contra tertiam rationem, quæ contra Platonem arguens, dicit, quod si mundus generabilis fuit, potuit ergo antea, & antea: ergo ab æterno generari, atque adeo quod debuit esse ab æterno. Est argumentum primò, quia cum hic effectus dependeat a causa libera, licet ex se possit esse antea, & antea, & ab æterno, tamen de facto propter liberam Dei voluntatem non fuit ab æterno: nihil ergo concludit.

Secundò, iste modus argumentandi non videtur legitimus, quia est arguere ab infinito in potentia, ad infinitum in actu, quod non valet, sicut non valet, quantum est diuisibile in plures, & plures partes: ergo potest esse diuisum in omnem suam partem. Similiter non valet, Deus potest facere plura, & plura indiuidua vnius speciei: ergo potest facere infinita in actu: ergo Aristot.

Aristotelis consequentia nulla est.

Pro solutione duo aduertenda sunt, quæ sunt præcipua fundamenta, quibus nituntur rationes Aristotelis in hoc capite. Alterum est, Aristot. in hoc cap. supponere id, quod 8. Physicorum docuerat, scilicet, Deum operari saltem quantum ad productionem rerum incorruptibilium, ut æalum, & vniuersum, ut quoddam agens naturale; necessarium, & non liberè; quidquid sit de huius rei veritate: hoc verò constat primò, quia 8. Physic. text. 79. ad probandum Deum non habere aliquam quantitatem, quia, inquit, si esset corpus, cum sit infinitæ virtutis, moueretur in non tempore. Ratio verò hæc non haberet vim, si omnibus liberè ageret, quia tunc prohibito moueretur in tempore. Præterea 8. Physicor. text. 7. dicit, quod si mobile aliquod est ab æterno; & similiter mouens, motus debet esse ab æterno. Hæc autem consequentia non potest habere vim, nisi quia Deus necessariò agat, aliàs non bene sequitur, quod sit ab æterno, quia licet sit mouens, & mobile, nolet tamen mouere illud ab æterno.

Secundò aduertendum est, quod, ut omnes referunt, Plato in *Tymæo* asseruit, mundum genitum fuisse ex materia quadam informi, apta tamen, & disposita ad recipiendam formam mundi. Ita docet *Diuisus Ambrosius* in *Exameron* ex *Basilio Magno*. Ita etiam explicat ipsum *Platonem* in *Tymæo*

fere omnes eius discipuli, dicentes, ipsum posuisse quamdam materiam, ex qua fuit formatus mundus, quam vocauit *Hylem*, in qua materia idcirco introducta fuit forma mundi, & ita consequenter asserunt, ipsam creationem impossibilem existimasse.

Vnde ad argumentum respondetur, non posse esse recursum ad Dei libertatem; quia supponit ex 8. Physicorum, Deum esse agens necessarium, quantum ad productionem vniuersi, atque adeò, non materia ab æterno disposita necessariò ab æterno debet introduci formam.

Ad secundum, verum esse, illud modum argumentandi non tenere ratione formæ, ut probant exempla adhibita, tenet tamen ratione materiæ, quia si materia prima est vltimatè disposita, & Deus in illa actione est agens necessarium, rectè sequitur, quod non solum antea, & antea, sed ab æterno debuit esse mundus, quia ab æterno est materia disposita, & etiam agens, operans necessariò. Et in his suppositionibus fundatur illud, quod in eadem tertia ratione sumit, scilicet, quod illud, quod est infinitum ex vna parte, debet esse infinitum ex omni, quando scilicet est potentia in subiecto ad recipiendam formam tempore infinito à parte antè, & agens operatur necessariò, ubi verum est, quod si illud tale infinitum à parte post in duratione, quale

esse illius, quia in æternum erit sine tali forma: ergo non habet determinatum tempus per essendi.

Et confirmatur, quia nulla videtur esse potentia ad essendum, & non essendum, quia vel hoc conuenit rei, quando est: & hoc conuenit rei, quando est: & hoc non, quia iam de facto est: ergo non habet potentiam ad essendum, vel conuenit rei, quando non est: & hoc etiam non, quia tunc non habet potentiam, ut non sit, quia iam non est: nunquam ergo est illa potentia ad esse, & non esse.

Pro intelligentia huius dubij reuocandum est in memoriam, quod supra capit. 3. quest. 3. dixi, scilicet quod potentia contradictionis, quæ est de esse ad non esse, non eodem modo ordinatur ad esse, & ad non esse, quia ad esse ordinatur primario, & ad non esse per accidens, quia omnis potentia habet respicere aliquem actum, vel quem causet, si actiua sit, vel quem recipiat, si sit passiva: unde ad non esse actus, solum ordinatur per accidens ratione alicuius impossibilis cum tali actu.

Secundo aduertendum est, quod licet potentia actiua, ut dixi capite præcedenti, non habeat semper terminari maximo finito, sed infinito, ut dixi de potentia Dei: tamen potentia ad esse, & non esse, debet habere terminum finitum. Ratio est, quia si ille terminus est infinitus, non ergo potest pertransiri: si ergo duraret sub esse infinito tempore,

nunquam posset peruenire ad non esse, atque adeo iam non haberet potentiam ad non essendum, debet ergo talis potentia tam ad esse, quam ad non esse, terminari termino finito: & hæc est aperta ratio, quare ex se æterna non habeant potentiam contradictionis, verbi gratia, cælum, quia si infinitum tempore ex se sunt: ergo ex se non possunt peruenire ad non esse, quia illud infinitum tempus est impertransibile, & propter eandem rationem conuincitur, materiam cæli non esse potentiam contradictionis, ut supra capit. 3. dictum est.

Tertio notandum est, quod quando Aristotel. dixit, ea quæ habent potentiam essendi, & non essendi, &c. loquitur de his quæ possunt esse, & non esse ab intrinseco, non vero ab extrinseco, qualis est Angelus, & anima rationalis, ut dicam cap. sequenti, in illis vero, quæ possunt esse ab intrinseco, & non esse, scilicet ratione materiæ dispositæ ad esse, vel non esse formæ, duplex est potentia, alia remota, alia proxima, potentia materiæ remota ad esse formæ est ipsa potentia materiæ secundum se, quando non est disposita ad tale esse, vel ad non esse, ut quod eadem potentia materiæ primæ, quæ ante dispositionem dicebatur potentia remota, quando incipit disponi, dicitur potentia proxima. Aristoteles ergo in illa suppositione loquitur de his, quæ habent potentiam proximam ad essendum, & non essendum, quare
do

debet intelligi de potentia proxima ad esse, quam negat posse esse tempore infinito.

Ad tertium respondetur, quod maximum tempus, quo res potest esse, vel non esse, non est maximum: ita quod nullo modo ultra illud aliquid aliud, saltem insensibile, possit durare: sed est maximum Physicè, & sic non desinit per ultimum sui esse, quia ultra, aliquid potest durare, scilicet non sensibile: Mathematicè autem non terminatur maximo quod sic, sed minimo quo non, id est, in hoc instanti inceptuo temporis, quod est minimum quod non, non potest durare, & in minori tempore potest, tamen in illo minori non est dare ultimam partem proportionalem, & sic non dabitur ultimum esse rei permanentis, de quo philosophandum est, sicut supra de potentia portatiua locuti sumus.

Ad ultimum respondetur, quod, ut supra dixi, duplex est potentia ad esse, alia proxima, alia remota, & similiter ad non esse: suppositio ergo Aristotelis debet intelligi de potentia ad esse, vel non esse proxima, qualis fuit in materia mundi secundum Platonem, materia verò Petri non habet potentiam ad esse formæ illius tempore infinito, loquendo de potentia proxima, quia non fuit ab æterno disposita ad esse formæ Petri, post corruptionem verò equi, verbi gratia, licet materia illius sit sub non esse tempore

infinito, quia nunquam illa redibit, non sequitur falsam esse suppositionem Aristotelis, quia post corruptionem equi non habet potentiam ad essendum, & non essendum, quia non potest esse semel corruptus per naturam, non quidem, quia in materia prima non sit potentia ad illam formam amissam, ut malè quidam asserunt, quia eadem est materia modo, ac fuit ante corruptionem formæ: sed antea secundum se erat potens illam recipere: ergo & modo, quantum est de se: sed ratio est, quia non est agens naturale, quod possit eandem formam corruptam reproducere, cum probatum sit in libris de generatione, & corruptione, per naturam id esse impossibile.

Sed obijcies. Potentiæ passivæ naturali debet correspondere agens naturale, inducens talem formam, aliàs illa potentia esset frustra: ergo si ad formam corruptam maneret in materia potentia naturalis, esset agens naturale illam inducens.

Respondetur, quod hæc potentia passiva materiæ ad formam corruptam, tantum est naturalis ex parte termini, non verò simpliciter, quia non respicit agens naturale, nec actionem naturalem, qua talis forma introducatur: illud verò axioma debet intelligi de potentia simpliciter naturali, tam scilicet ex parte termini, quam ex parte actionis, vel passionis.

Et si dicas, frustra ergo est illa po-

ten-

tentia, siquidem ad actum non solum non est reducenda, sed nec potest per naturam reduci.

Respondetur etiam, hoc axioma debere intelligi de potentia naturali simpliciter, qualis non est illa, vt explicui.

Ad confirmationem respondetur, quod duplex est potentia, alia priuatiua, hoc est, quæ secum habet adiunctam priuationem actus, & hæc potentia tollitur adueniente actu, quia iam non est priuatio illius: alia est potentia perfectiua, quæ non tollitur suo actu: sed potius illo perficitur, quæ duæ potentie eadem sunt secundum rem, quia eadem potentia secundum quod habet adiunctam priuationem actus, vocatur priuatiua, secundum verò quod potest perfici per actum aduenientem, dicitur potentia perfectibilis.

Vnde dico ad argumentum, quod quando res est, non habet potentiam priuatiuam, vel, vt melius dicam, priuatam, quia iam habet actum, scilicet esse, habet tamen potentiam perfectibilem, quia hæc non destruitur adueniente actu: sed potius perficitur, quia materiam primam actualiter habens formam, actualiter ab illa patitur illam recipiendo: ergo adhuc habet potentiam passiuam ad illam, aliter non posset pati.

Sed dubitabis vltimò in hac questione, quia saltem non videtur vera suppositio Aristotelis in accidē-

tibus, in quibus etiam est potentia ad essendum, & nō essendum, quia hæc potentia, vt explicuimus, debet esse potentia proxima ad esse, vel non esse, scilicet medijs dispositionibus præuijs, in accidentibus verò non est potentia proxima, & remota, quia saltem non omnia requirunt dispositionem præuiam ad suum esse, vt patet de calore & frigore, licet alia propter sui maiorem perfectionem hanc requirant, vt patet de lumine, & speciebus intentionalibus, quæ requirunt diaphaneitatem in subiecto.

Respondetur tamen, quod etiam in accidentibus, in quibus non est necessaria dispositio præuia, datur aliquo modo potentia proxima, & remota, quia quando incipit esse approximatio inter agens, & passum ad productionem accidentis, tunc subiectum cēsetur esse in potentia proxima ad esse-talis accidentis, ante talem verò approximationem est in potentia remota.

Questio II. Vtrum immortalitas animæ rationalis stet cum principijs Aristotelis hoc capite?

NON est cur in hoc loco disputemus, vtrum anima rationalis immortalis sit, habet enim questio hæc propriam sedem in libris de Anima, vbi ab omnibus disputatur. Tantum ergo est difficultas, vtrum immortalitas hæc pugnet cum prin-

principijs Aristotelis in hoc capite, quia quod alibi ipse existimauerit, animam rationalem immortalem esse, est certissimum, & ut tale ab omnibus recipitur, quia secundo de Generatione ait, animam rationalem extrinsecus accedere, & non communicare cum corpore in suis actionibus, id est, habere actiones spirituales essentialiter independentes à corpore. Idem repetit tertio de Anima capite quarto, & quinto, docens intellectum agētem, & possibilem separatim esse à corpore tamquam à subiecto, scilicet inhaesionis. Idem docet 1. de Anima textu 12. & 1. lib. assignans differentiam inter animam rationalem, & alias animas, quod illa perpetua sit, hæc verò corruptibiles.

De proposita ergo questione Auerroes, quem Simplicius, & alij hoc capite sequuntur, existimat reuera immortalitatem animæ rationalis non cohærere cum his, quæ hoc capite ab Aristotele traduntur, quia primò in prima suppositione dixi, quod ea, quæ possunt esse, & non esse, debent habere determinatum tempus effendi, & non effendi: sed anima rationalis, ut constat, potest esse, & non esse, cum aliquando sit, & non sit: debet ergo secundum Aristot. habere determinatum tempus, in quo sit: non est ergo secundum ipsum perpetua, & immortalis.

Secundò, quia secundum ipsum, omne possibile non esse, est corruptibile, & secundum ipsum tandem

corruptetur: sed anima rationalis potest non esse: ergo corruptibilis, & tandem corrumpetur.

Tertio, quia ex eo probat, generabile, & corruptibile conuerti, quia est medium inter semper ens, & semper non ens, scilicet aliquando ens, & aliquando non ens: sed anima rationalis, aliquando est, & aliquando non est: ergo est generabilis, & corruptibilis: non ergo est immortalis.

Quartò, quia quod est infinitum ex vna parte, debet esse ex omni secundum Aristotelem hic: sed anima rationalis non est infinita, quantum ad durationem ex omni parte, cum ex parte antea habuerit initium: ergo ex nulla parte est infinita in duratione.

Quintò, quia secundum ipsum necessarium contingens, & impossibile diuidunt omne ens: sed anima rationalis non est impossibile, ut de se patet, nec necessaria, quia alias semper fuisset, sicut Deus: est ergo contingens, atque adeò aliquando ens, & aliquando non ens, & consequenter corruptibilis.

Sextò, quia secundum Aristotelem hic, quod non est ingenerabile, est generabile, quia secundum ipsum opponuntur contradictorie: sed anima rationalis non est ingenerabilis, quia secundum illum est semper ens, anima autem non est semper ens: ergo est generabilis, ergo corruptibilis, quia secundum ipsum conuertuntur.

Opposita tamen sententia nobis tenen-

tenenda est, quam moderni exposi-
tores, vt Vallalpandus, & Petrus
Martinez sequuntur cum Nipho
in hoc capit. Et vt rectè intelligatur
aduertendum est, rationes Aristo-
telis in hoc capite habere robur,
circa id quod intendunt, scilicet
impugnare Platonem ponentem
mundum incorruptibilem, geni-
tum tamen ex materia præexisten-
ti, non verò probant contra nos,
quia mundum non ex materia, sed
ex nihilo factum esse credimus: vn-
de tam in suppositionibus, quàm in
rationibus loquor de generabili ve-
ra generatione, hoc est quæ fit per
transmutationem materiæ, de non
esse ad esse, qualem posuit Plato
mundi generationem: vnde non
loquor de corporibus cælestibus:
constat enim cælum hac ratione ef-
se ingenerabile, & incorruptibi-
le.

Ex quo vlteriùs etiam fit, quòd
licet prima suppositio Aristotelis,
quòd sicut omnia ea, quæ habent
potentiam essendi, & non essendi,
debent habere ad vtrumque deter-
minatum tempus, possit intelligi
de omnibus formis substantialibus,
præter animam rationalem, de qua
intrà dicam, quia illæ incipiunt, &
desinunt cum substantia totali &
completa, quæ habet determina-
tum tempus essendi, & non essen-
di, tamen reuera Aristoteles hoc
capite tantum loquitur in illa pri-
ma suppositione, & in alijs rati-
onibus de substantijs completis & to-
talibus, vt patet. Primo, quia loqui-

tur de illo, quod verè generatur, &
corrumpitur: forma verò substan-
tialis in rigore loquendo, non est
id, quod fit, vt quod, sed vt quo.
Tum etiam, quia omnia in hoc ca-
pite adducta ab Aristotele eo ten-
dunt, vt probet quòd si mundus ge-
nitus est, debeat esse corruptibilis:
constat autem Platonem (contra
quem arguit in hoc capite Aristo.)
locutum fuisse de vera generatio-
ne, & quæ sit transmutatio.

Tandem aduertendum est, quòd
duplex est potentia ad esse, vel non
esse: alia ab intrinseco, quæ con-
uenit rebus corruptibilibus, cum ha-
beant materiam, quæ est potentia
contradictionis, ratione cuius pos-
sunt esse & non esse, & hoc tale di-
citur generabile ab intrinseco, quia
habet in se principium, vt possit
fieri, & corrumpi, media materiæ
transmutatione, alia verò est poten-
tia ab extrinseco, qualiter omnia
incorruptibilia, antequàm essent,
habebant potentiam ad essendum,
scilicet ex parte agentis, Dei scili-
cet, non verò ab extrinseco, quia in
se non habent materiam per cuius
transmutationem possint esse, vt
patet de rebus spiritualibus, & cor-
poribus cælestibus, quæ non ha-
bent materiam transmutabilem, &
quæ sit potentia contradictionis, ve-
latè suprà dictum est capite tertio:
postquam verò istæ res incorru-
ptibiles sunt, habent potentiam in-
trinsecam ad essendum, & tan-
tum possunt non esse ab extrin-
seco. De spiritualibus patet, quia
non

non habent materiam, quæ est principium corruptibilitatis. De calis verò etiam constat, quia illorum materia, ut loco citato dixi, non est potentia contradictionis, nec principium corruptibilitatis: unde tantum ab extrinseco principio, postquam sunt, possunt non esse, quæ omnia habet anima rationalis.

Unde ad primum argumentum oppositæ sententiæ respondetur, illam suppositionem intelligi de his, quæ possunt esse, & non esse ab intrinseco, quales sunt res generabiles vera generatione, quæ sit transmutatio, hæ enim res habent materiam, quæ dicit potentiam contradictionis, quæ est potentia subiectiua, & intrinseca ad esse, & non esse, non verò intelligitur de anima rationali, quæ non habet potentiam ab intrinseco, ut non sit, postquam est, & ut sit postquam non est, ut dixi de rebus incorruptibilibus.

Ad secundum, quod omne possibile non esse ab intrinseco, est corruptibile, quia illud tale habet potentiam contradictionis, quæ est principium corruptibilitatis, & sic non habet locum in anima rationali, quæ tantum potest non esse ab extrinseco, quia scilicet Deus potest illam corrumpere.

Ad tertium, verum esse illud, quod est aliquando ens, & aliquando non ens, esse generabile, & corruptibile, hoc verò intelligitur de

his quæ sunt aliquando ens, & aliquando non ens ab intrinseco, scilicet quæ ex se possunt esse, & non esse, qualis non est anima rationalis.

Sed dices: inter duo contradictoria non est medium. sed anima rationalis ab intrinseco non habet esse semper non ens: ergo ab intrinseco est aliquando ens, quod est contradictorium semper non entis. Respondetur, cum reduplicatione optimè dari medium inter contradictoria, qualiter loquuntur Logici, quod de se natura non habet esse vniuersalem, neque non vniuersalem, quia de se haberet esse vniuersalem, nullo modo posset esse singularis, nec per se, nec per accidens. Similiter si de se esset non vniuersalis, nullo modo posset esse vniuersalis: sic anima rationalis cum hac reduplicatione ab intrinseco, neque est semper non ens, neque aliquando ens, quamuis sint contradictoria.

Ad quartum iam dixi supra, illud principium, scilicet, quod est infinitum ex vna parte, debet esse ex omni, intellige quantum ad durationem, & in his, quæ cum infinito tempore sunt a parte post, habent materiam a parte antè, infinito tempore proximè dispositam (ut posuit Plato materiam mundi) & sic in his illud principium est verum, ut dictum est in dubijs circa literam, constat enim, animam rationalem, quamuis infinito tempore sit a parte post,

T t non

non habuisse à parte ante materiam ultimata dispositam infinito tempore.

Ad quintum, verum esse, animam rationalem esse quid contingens; hoc verò ab extrinseco, quia ab extrinseco potest esse, non esse; contingens verò, quod conuertitur cum generabili, & corruptibili; est contingens ab intrinseco, illud scilicet, quod in se habet materiam, quæ sit potentia contradictionis ad esse, & non esse talis rei.

Ad sextum respondetur, quòd anima rationalis non est generabilis, sed ingenerabilis, quia generabile propriè loquendo conuenit rebus, quæ sunt per veram generationem, quæ sit transmutatio materiæ primæ; anima verò non fit ex vi transmutationis, sed per creationem: generabile enim, vt supra cap. I. dictum est, propriè sumitur pro eo quod affirmat inceptionem, & modum inceptionis, transmutationem scilicet. Quando autem Aristotel. dicit, omne ingenerabile esse sempiternum, idem est ingenerabile apud ipsum, ac aliud, quod non fit media transmutatione subiecti, qualiter mundum fuisse factum existimauit Aristoteles: licet verò anima rationalis non fiat per transmutationem, fit tamen media aliqua transmutatione materiæ primæ, quia per actionem illam, qua anima iam creata est à Deo in priori naturæ, postea quando corpori vnitur, transmutatur materia,

abijciendo vnā formā, & aliam recipiendo. Tum etiam transmutatur per dispositiones antecedentes, abijcientes formam contrariam, vt ad introductionem animæ rationalis materia sit disposita, quia, vt dicitur in libris de anima, licet anima rationalis non inhæreat corpori, est tamen actus corporis, ratione cuius requirit in corpore determinatas dispositiones, vt à Deo solo conseruetur, sicut à solo ipso creata est, quia quantum ad præsentiam talium dispositionum, illam in corpore conseruat. Aristoteles verò loquitur de ingenerabili, nulla facta transmutatione, qualiter ab æterno mundum fuisse factum putauit, & sic dixit illum esse sempiternum.

Quæst. III. Vtrum omne corruptibile sit tandem corrumpendum, & omne generabile generandum.

NOtanda sunt verba Aristotel. in hoc capite, textu 133. non enim sicut dixit, omne corruptibile tandem corrumpetur, dixit: Omne generabile tandem generabitur; sed dixit: *Si generabile est, ortum est, id est, si id, quod est generabile, de facto est, necesse est habuisse ortum.* Per quæ verba, vt rectè Nyphus in hoc capite, ponit differentiam inter generabile, & corruptibile, quia omne corruptibile tandem corrumpetur in indiuiduo, tamen omne generabile non necessariò generabitur in indiui.

diuiduo, sed in specie. Ratio disparitatis est, quia materia prima rei corruptibilis, verbi gratia, lapidis, habet potentiam, & appetitum desiderij naturalem ad alias formas: debet ergo ista potentia reduci in actum, aliàs frustra erit: sed non potest reduci in actum, nisi hoc indiuiduum lapidis corrumpatur, quia duæ formæ substantiales sunt impossibiles in eadem materia: ergo verum est, omne corruptibile esse in indiuiduo corrumpendum. De generabili verò alia est ratio, quia materia prima non per se respicit, nec dicit potentiam ad hanc determinatam formam in indiuiduo, sed ad hanc, vel illam, atque adeò non est necesse, quòd hæc in particulari generetur, quia tamen materia prima rei corruptibilis, verbi gratia, lapidis, licet non respiciat per se formam hanc plantæ, tamen per se respicit hanc, vel illam, & nulla ex his potest introduci, nisi per hoc, quod hoc indiuiduum corrumpatur, idèò necessariò hoc in indiuiduo corrumpitur; non verò hoc in indiuiduo generatur, nisi solum in specie, quia cum species non possit conseruari in hoc indiuiduo, appetit hoc vel illud generari ad conseruationem speciei. Cuius rei etiam alia potest reddi ratio, quia minus requiritur ad corruptione huius rei in indiuiduo, quam ad eiusdè rei in indiuiduo generationem, quia ad corruptione illius rei in indiuiduo sufficiunt dispositiones

alterius cuiuslibet formæ, quia per quamlibet formam expellitur hæc in indiuiduo; tamen ad generationem huius rei in indiuiduo requiritur determinata dispositio tali formæ appropriata, quæ non necessariò opponitur, & sic nõ omne generabile generabitur in indiuiduo, nisi fortè in illa tali specie tantum sit vnicum indiuiduum, qualis est mundus, tunc enim hoc generabile in indiuiduo tandem generabitur. Ratio est, quia huiusmodi species habentes vnicum indiuiduum, habent illud incorruptibile, vt patet de mundo, & corporibus celestibus; & sic illud est generabile, supponendo materiã illius: sic enim loquitur Arist. necessariò illud tale in indiuiduo generabitur, quia materia rei incorruptibilis tantum dicit potentiam ad indiuiduum illius speciei, vt supra ca. 3. dixi de corporibus celestibus, & sic illud tale in indiuiduo, si est generabile, vt posuit Plato: mundum esse generabilem, in materia disposita tandem generabitur, aliàs materia esset frustra, si formam huius indiuidui non suscipit, quia aliàs nequit recipere.

Sed sententia hæc Arist. sic intellecta, apparet falsã. Primò, quia lumen Solis corruptibile est, nõquam tamen corrumpetur, ergo.

Secundò, partes terræ, quæ sunt in centro terræ, ex se corruptibiles sunt, tum quia habent materiam annexam priuationi, quæ est principij corruptibilitatis: tum, quia omne corrumpitur à suo contrario, quæ

Tt ij libet

libet verò pars terræ habet contrarium potens corrumpere frigiditatem illius, quia conseruatur, illæ tamen partes nunquam corumpuntur: ergo.

Tertiò, quia corrumpi rem, est quid contingens, dependet enim à causa contingenti: ergo non necessariò corrumpitur.

Quartò, quia si generabile potest non generari in indiuiduo, potest ergo esse semper non ens: ergo non erit aliquando ens, quia sunt contradictoria. ergo generabile nō est aliquando ens, & aliquando nō ens, contra Aristot. hoc cap.

Ad primum respondeo, lumen de se non esse corruptibile, quia non habet contrarium: sed per accidens, ex defectu conseruantis, vel subiecti Arist. verò loquitur de illo, quod per se est corruptibile.

Ad secundum sunt qui dicant, quòd licet terra sit secundum partes corruptibilis, non tamen secundum se totam: hoc verò, vt sequenti quæstione explicabimus, est omnino falsum. Quare respondeo, verum esse secundum se totam, & secundum partes esse corruptibilem, & sic aliquando corrumpetur, non tamen secundum se totam: sed secundum partes, sic enim debet intelligi hæc sententia Aristot. partes verò illæ, quæ sunt in centro, communis opinio est, aliquando esse corrumptendas, quia per cōtinuam partium terræ transmutationem ab elementis contrarijs factam, aliquando erunt partes existentes in

superficie terræ, & sic aliquando corrumpentur: sed meliùs dicitur, illas partes, non esse existentes intra sphaeram actiuitatis agentium, quibus possunt transmutari: debet autem Arist. intelligi de corruptibili existenti intra sphaeram actiuitatis agentis.

Ad tertium, licet sit contingens, rem corrumpi hoc, vel illo tempore, non tamen est contingens corrumpi aliquando: sed necessariò ex se tandem finietur, nisi ab extrinseco conseruetur, qualiter potest Deus lapidem perpetuò conseruare.

Ad quartum, quia licet omne generabile, & corruptibile sit ex se aliquando ens, & aliquando non ens, quia ex se potest modò esse; postea verò non esse, per accidens tamen ab extrinseco potest esse semper non ens, quia ab extrinseco fit, quòd nūquam producat, ipsum enim, quantum est ex se, est generabile, & aliquando ens, & aliquando non ens, vt Arist. docuit.

Sed quæres, vtrum hæc propositio: Omne corruptibile tandem corrumpetur, habeat verum in accidentibus. Respondetur, quòd sicut in substantijs non est verum, omne generabile in indiuiduo generandum esse, ita neque est verum in accidentibus, quia in qualibet re sunt accidentia, quæ comproducentur ad productionem illius: unde si in indiuiduo hæc res non tandem generabitur, etiam neque illius accidentia. Quantum ad corruptio-

ruptionem verò alia est ratio, quia licet quantitas perpetuò maneat in materia prima, vt potè, quòd veluti passio illius ab illa conseruatur effectiue, tamen ferè omnia alia accidentia pendent in suo conseruari à forma, & sic corrupta illa, corrumpuntur: & sic si omnis substantia corruptibilis tan dem corrumpetur, etià accidentia illius corrumpentur.

Quæst. IIII. Vtrum mundus sit incorruptibilis?

Conclusio est affirmatiua, scilicet mundum natura sua esse incorruptibilem, licet secundum mixta omnia, corrumpendum esse sit de fide. Conclusio est certa apud omnes Peripateticos: & probatur, quia quidquid est corruptibile, est generabile: sed mundus non est generabilis: ergo. Probat, quia omnis generatio fit aliquo præsupposito subiecto, scilicet materia prima, in quo differt à creatione: vel ergo si mundus est generabilis, fieret ex materia præexistenti cum alterius mundi forma. & hoc non, quia de potentia saltem ordinaria non sunt possibiles plures mundi, vel ex materia præexistenti sine forma: & hoc etiam non, quia non potest materia existere sine forma.

Secundò, & efficacius probatur, quia mundus est vnus vnitate ordinis, sed non potest in corporibus huius vniuersi alius ordo inue-

niri: ergo non potest corrumpi. Probat, consequentia, quia corruptio in hoc differt ab annihilatione, quòd illa relinquit subiectum transmutatum ad aliam formam: annihilatione verò nullum relinquit subiectum, sed omnia destruit, sicut creatio est productio totius ex nihilo. Minor verò probatur, quia corpora huius vniuersi natura sua petunt ordinem, quem de facto habent, scilicet quòd alia sint sursum, & alia deorsum, &c, ergo mundus incorruptibilis est: quæ ratio est præcipuum illius conclusionis fundamentum, alia enim, quæ hic adduci solent, non multum sunt efficaces, in quibus non est opus detineri, vt ad alia gradum faciamus.

Contra conclusionem est argumentum, quia illud est corruptibile, quod in se habet contraria, cum corruptio fiat à contrario, sed vniuersum continet in se elementa contraria: est ergo corruptibile. Ad hoc argumentum solet esse aliquorum solutio, quòd elementa, licet secundum partes sint corruptibilia, non verò secundum se tota. Hoc tamen planè est falsum, quia pars terræ habet eandem materiam saltem eiusdem rationis cum tota terra, sed pars terræ habet materiam, quæ dicit potentiam contradictionis, & cui est annexa priuatio aliarum formarum, quæ est principium corruptibilitatis: tã ergo tota terra, quàm pars est secundum se corruptibilis.

Tt iij Se

Secundò, quia in tantum aliquod est corruptibile, in quantum suæ qualitates conseruatiuæ habent contrarium, à quo expelli possint, per quod contingit corruptio: sed frigiditati totius terræ est aliquod contrarium, scilicet calor totius ignis: ergo.

Nec valet, si dicas quòd licet hæc contrarietas inueniatur, non potest vnum elementum alteri applicari, atque adeò non potest contingere corruptio, quia contrà est, quòd per accidens est omnino ad propriam, & intrinsecam naturam rei, quòd possit alteri applicari, vel non.

Tertiò probatur, quia terra est corpus homogeneum, scilicet, cuius partes sunt eiusdem rationis cū ipso totò: ergo partes corruptibiles sunt, etiam totum ipsum est corruptibile, quia cuius hæc corruptio de facto solum exerceatur in partibus.

Et si dicas, potentia, quæ non potest reduci ad actum, est frustra: sed hæc corruptibilitas non potest reduci ad actum: ergo non est, quia esset frustra. Respondetur, quòd nulla est naturalis potentia per se, ordinata ad corruptionem, quia natura non intendit per se corruptionem: sed per accidens, in quantum ex eo, quòd materia habeat appetitum ad alias formas, potest hanc desinere, per se tamen non ordinatur ad corruptionem.

Quare ad argumentum respondetur, quòd licet quodlibet elementum sit corruptibile, non tamen hoc cedit ad corruptionem vniuersi, quia illud, quod creatur ex tali elemento, etiam esset pars vniuersi, & manet in eodem situ, & ordine: constat verò, vtdictum est: formam vniuersi

esse ordinem. Et hæc de hoc libro.





LIBER SECVNDVS de Cælo.

CAPVT PRIMVM.

EGIT Aristoteles de toto vniuerso, & de eius partibus, cognitione aliqua confusa, iam ergo de cælo, & illius partibus agit cognitione distincta, & clara, & primò ex dictis infert, dicens: *Patet igitur, vniuersum nec habuisse initium, nec finem habiturum:* vnde docet etiam cælum esse perpetuum: & maxime, laudat antiquos asserentes, cælum tamquam quid immortale esse perpetuum: & inde docet motum cæli esse perpetuum, nò laboriosum, & sic impugnat Empedoclem dicentem cælum esse graue, non tamen reuerà in hac inferiora, quia violenter per illum motum circularem detinetur, sicut aqua in vase in gyrum moto contingit aliquantulum detineri: hoc impugnat, dicens, quòd si motus cæli sic esset violentus, nulla ratione perpetuus esse posset,

secundum illud axioma: *Nullum violentum perpetuum.*

Circa hoc cap. potest esse questio, vtrum motus cæli sit naturalis, circa illa verba: *Quòd motus cæli non est laboriosus.* De qua 2. Phisic. egimus, & idèd à nonnullis eorum hic supersedere operæpretium duximus.

Caput II.

Intendit Aristoteles in præfenti capite agere de qualitatibus cæli, quæ vocantur differentie positionis. Duo agit, in prima parte impugnat Pythagoricos ponètes in cælo dextrum, & sinistrum, non verò alias differentias. In secunda verò parte propriam de hac re explicat sententiam. Primò ergo dicit, videndum esse, cum sint, qui tantum in cælo dextrum, & sinistrum assignant, an ita res se habeat, vel aliter etiam differentie positionis ponendæ sint. vt verò hoc præstet, expli-

T t iij cat

cat in ordine ad quid sumantur istæ differentie positionis, & dicit posse sumi in viventibus in ordine ad dimensionem, & in ordine ad motum localem. In ordine quidem ad dimensionem, quia sursum, & deorsum sunt principia longitudinis, quæ sumitur à parte superiori, quæ est sursum, & ad inferiorem, quæ est deorsum: dextrum verò, & sinistrum sunt principia latitudinis, ut in animali latitudo sumitur à latere sinistro ad dextrum: antè verò, & retrò sunt principia profunditatis.

In ordine verò ad motum sumuntur hac ratione, quia sursum, & deorsum sunt principia argumentationis. Primò, quia per partem sursum sumitur alimentum, tum etiam, quia versus illam partem fit præcipue augmentatio: dextrum verò, & sinistrum sunt principia motus localis, semper enim incipiunt motum à medio pede dextro: antè verò, & retrò sunt principia alterationis, quia sensatio, quæ quidè alteratio quædam est, est in parte anteriori animalis, quia ibi sunt sensus.

Ex his verò differentiis docet, non omnes esse in omnibus viventibus, qualiter, inquit, in planta tantum est sursum, & deorsum: unde videndum est, inquit, an ita in cælo contingat.

Ex dictis verò inferitur in inanimatis non reperiri differentias positionis, quia istæ semper sunt principia motus, quia incipiunt à parte

determinata, motus verò inanimatorum incipit à parte qualibet, quia versus quamlibet mouetur, & versus quamlibet augentur, & versus quamlibet alterantur, æqualiter quod in viventibus non est: sunt tamen istæ differentie positionis in inanimatis in ordine ad nos, & per extrinsecam denominationem: & hoc tripliciter. Primò per similitudinem, qualiter in statua dicimus esse brachium dextrum, & sinistrum. Secundò per positionem, qualiter Augures, ea quæ ad nostram dextram sunt, vocant dextrum, qualiter columnam appellamus dextram. Tertiò per contrapositionem, qualiter in imagine representata in speculo sinistrum est, quod oppositum est nostro dextro.

His suppositis impugnat deinde Pythagoricos: ponentes in cælo, tantum dextrum & sinistrum, reliquas differentias omittentes. Primò hoc impugnat, quia sursum & deorsum, non minus sunt principia dimensionum, vel motuum, quam dextrum, & sinistrum, imò multo melius, quia dextrum & sinistrum, tantum differunt virtute, non verò figura, qualiter brachium dextrum non differt à sinistro, at verò sursum & deorsum secundum virtutem & figuram differunt, sunt ergo potiores differentie: ergo si inuenitur in cælo dextrum & sinistrum, etiam debet inueniri sursum & deorsum.

Secundò, quia posteriores differentie

rentur

rentiæ semper supponunt priores, dextrum autem, & sinistrum sunt posteriores differentiæ, quàm sursum & deorsum, quia illud est prius à quo non valet subsistendi consequentia, in omnibus verò animalibus experimur, quòd ubi est sursum & deorsum, etiam sit dextrum, & sinistrum, non tamen è contra, quia, ut supra dixi, in plantis inuenitur sursum & deorsum non tamen dextrum & sinistrum.

Tertiò, quia sursum & deorsum sunt principia longitudinis, dextrum, & sinistrum latitudinis: sed prior est lógitudo, quàm latitudo, quæ illam supponit: ergo dextrum, & sinistrum supponunt sursum & deorsum.

Quartò, quia in quolibet motu animatorum est, vnde motus, à quo motus, & per quod motus; vnde motus est pars directiua motus viuentis, hoc autem est pars sursum, scilicet caput, quia ibi residet imaginatio à qua dirigantur motus, à quo est pars dextra, à qua incipit motus in executione, per quod motus est antè, quia per partem anteriorem continuat animal suum motum, sed prius est, vnde motus, quàm à quo motus, quia prius est dirigere motum, quàm illum incipere: ergo si est in cælo à quo motus, scilicet, dextrum, debet esse vnde motus, scilicet, sursum. Hæc in prima parte capit.

In secunda parte propriam de

hac re explicat sententiam, dicens, in cælo esse omnes sex differentiæ positionis. Quod probat hac ratione. Omne animatum perfectum habet sex differentiæ positionis, cælum est perfectè animatum, ergo.

Nec valet, inquit, si dicas, cælum esse homogeneum, & habere partes eiusdem rationis, & figuræ, non ergo potest habere has differentiæ: hoc, inquit, non valet, quia quamuis eandem habeat figuram in omnibus partibus, habet tamen in illis diuersam virtutem, & qualitates: sicut inquit, in hominè posito in figura circulari, adhuc in illo est dextrum, & sinistrum. Nec valet rursus, si secundo dicas, in cælo nō esse dextrum, quia dextrum est, in quo incipit motus, motus autem cæli secundum Aristot. ponentem in undum ab æterno, non incipit: ergo. Respondetur, quòd quamuis motus cæli, non inceperit, tamen si inciperet, ab Orienti inciperet, & ita Oriens habet virtutem dextram, inceptiuam motus.

Explicat deinde Aristoteles quo pacto inueniantur istæ differentiæ positionis in cælo. Est autem aduertendum in cælo esse duos polos, qui sunt quædam puncta fixa, super quæ fit motus (ut est videre in quolibet globo) quorum alter dicitur Polus Arcticus, qui nobis est manifestus, alter Antarcticus, qui nobis est occultus: dicit

cit ergo sursum in cælo esse Polum Antarcticum, deorsum verò Polum Arcticum. Quod probat, quia sursum, & deorsum sumuntur penes maximam distantiam, maxima autem distantia à cælo, est à Polo Arctico ad Antarcticum: ergo.

Nec valet etiam si dicas, esse maximam distantiam in cælo ab Oriente in Occidens, quia, inquit, Oriens, & Occidens sunt latera cæli, scilicet pars dextra, & sinistra, sursum autem, & deorsum, scilicet Polus Arcticus, & Antarcticus, est maxima distantia, præter distantiam laterum, atque adeò illa est longitudo. Quod autem Polus Antarcticus sit sursum, & Arcticus deorsum, probat, quia si fingamus hominem habentem manum dextram in Oriente, & sinistram in Occidente, cuius facies esset versus hoc hemispherium, per quod continuatur motus, tunc ille homo, intelligimus quod moueret cælum, sicut mouetur modo, scilicet, ab Oriente in Occidens: ergo cum in cælo ponantur ad modum, quo ponuntur in animali, debemus dicere, Oriens, est dextrum, cum ab illo incipiat, & Occidens sinistrum: sed ille sic positus haberet caput in Antartico, & pedes in Arctico: ergo Arcticus est deorsum, & Antarcticus sursum, proportionali modo, & ante erit hoc hemispheriũ, versus quod est facies illius hominis, retro verò, aliud hemispherium, quia si fingamus hominem contrario modo, non moueretur ab

Oriente in Occidens cælum, vt de facto moueretur: ergo cum differentie positionis debeant assignari in cælo, ad similitudinem hominis, ibi existētis secundum modum aptũ, vt re& moueat cælum, dicendum est, differentias esse has hoc modo assignatas.

Vnde colligit, quod nos, qui sumus in polo Arctico, sumus re vera in parte deorsum: homines verò alterius hemispherij, qui sunt in Antartico, in parte sursum: dicit tamen nos esse in parte sinistra, quia sumus in vero Oriente, alios verò in dextra. E contra verò contingere, si consideremus sursum, & deorsum, & alias differentias respectu motus planetarum, quia cum planete moueantur opposito motu, deberemus fingere illum hominẽ, vt media manu dextra mouere cælum, positum contrario modo, scilicet, ita quod haberet faciem ad alium hemispherium versam, & caput in Arctico, & pedes in Antartico, & manum dextrã, à qua incipit motus in Occidente, sinistram verò in Oriente, & ita respectu huius motus, opposito modo sunt sumendæ differentie, ita erit sursum Arcticus, & deorsum Antarcticus, & sic de reliquis. Hæc de litera.

DISPUTATIO L.

De differentiis positionis cæli.

IN hac disputatione non solum ostēda, n. quid de differentiis positionis

fictionis cæli sentiendum sit, sed etiã de viuientibus illas habentibus non nihil dicam, vnũ enim ferè ex alio pendet.

Quæst. I. Vtrum cælum sit animatum, atque adeo capax ad habendas differentias positiones?

VT breuiter, quæ in hac quæstione dicenda sunt, & in quo difficultatis punctum consistat aperiamus, notandum est, duobus modis posse intelligi cælum esse animatum. Primò quidem anima informãtis, ita vt habeat animam, quæ sit pars substantialis & essentialis ipsius cæli, non secus, quàm homo in formatur anima rationali. Secundò anima assistenti, ita quòd quamuis illius anima non sit pars substantialis essentialis illius, dicatur tamen per assistentiam anima, & de vtroque genere animationis videndum est, vtrum cælum possit dici animatum.

Loquendo ergo de anima informante communis opinio tenet, Platonem in Phædone, & sæpè alibi existimasse, cælum esse animatum anima informante. Citatur pro eadem sententia Origenes 1. Periarcon, Eusebius, Alexander Aphrodisi. & alij plures, existimo tamen, vt tenet iam communis opinio, debere esse certissimum cælum non esse animatum anima informante, & oppositum existimo esse errorem in Philosophia & forsan in Fide, quia certum

est, cælum non esse informatum anima sensitua, vel vegetatiua, quia hæ sunt formæ corruptibiles, & rerum corruptibilium, & generabilium, cælum autem nihil horum est, vt suprà vidimus: tum etiam quia cælum non habet augeri, vel alterari per primas qualitates, neque generare sibi simile, quæ sunt operationes animæ vegetatiuæ, neque etiam habet potentias proprias animæ sensitivæ, vt est tactus, visus, gustus, &c. vt falsò Hissiodus, & Syrianus, simpliciterque Stoici (vt hic omnes citant) fabulantur: quòd verò informetur anima rationali, existimo esse contrà fidem, qua credimus beatos, vel damnatos fore, qui tali anima informantur, quare cælum nunquam fore constat, & ita Diuus Thomas de potentia, quæstion. 6. articulus. 6. asserit, hoc esse contrà fidem, quamuis de hoc alibi fuerit dubius.

Sed secundò probatur, aperte hoc repugnare in ratione naturali, quia forma informans essentialiter habet facere vnum per se substantiale cum materia prima, constat autem, intelligentiam, cum sit quoddam ens totale, & completum, non posse facere vnum per se substantiale cum ipso cælo, ex duobus enim entibus in actu, non potest fieri vnum per se: imò neque Aristot. existimauit cælum esse animatum anima informante (vt bene hoc in loco quidam aduertunt) ipse enim 2. de ani-

ma

ma cap. 1. definit animam, quæ est actus informans, dicens: *Esse actum corporis organici potentia vitam habentis*: constat autem cælum non esse organicum corpus: & 3. de anima, textu 62. ait, animam intellectiuam non posse esse in eo, cui repugnat anima sensitua, & vegetatiua, quæ, vt probauimus, cælo repugnant, & 8. Physicor. dicit, intelligentiâ magis esse in vna parte cæli, quàm in alia, quod non potest conuenire formæ informanti, cum substantialiter sit in qualibet parte.

Restat ergo totius difficultatis punctum, & controuersia in hac re, vtrum cælum sit animatum anima assistenti, ita quod nomen animati mereatur. In qua re, prima sententia est Aristotelis in hoc capite, quem omnes eius expositores sequuntur, asserentes, quod quamuis cælum non sit animatum anima informanti, est tamen informatum anima assistenti, ita quod, esse animatum dicitur de cælo analogia proportionalitatis, quæ analogia consistit in hoc, quod quemadmodum anima informans est in suo toto, & in qualibet eius parte, per informationem, ita anima assistens informat cælum per operationem, & motum, quæ in ipso exercet. Pro qua sententia tuenda, variè arguunt auctores.

Primò sic arguit Auerroes, quia cælum producit viuentia, cum Sol, & homo generent hominem, debet ergo ipsum cælum esse anima-

tum, vt animal producat, quia imperfectum non potest producere perfectus.

Secundò, quia quotiescumque aliqua operatio dependet à duobus, alterum se debet habere, vt actus, alterum, vt potentia, vt docuit Aristoteles 2. de anima, capit. 2. qualiter intelligere, dependet ab intellectu, & scilicet eie, ita vt intellectus se habeat, vt potentia, species verò, vt actus informans, sed motus cæli dependet ab ipso, & ab intelligentiâ, habet se ergo intelligentiâ vt actus, non informans: ergo assistens, est ergo animatum anima assistenti.

Tertiò, quia anima est principium vegetandi, sentiendi, & loco mouendi, vt dicitur 2. de anima cap. 2. non quidem omnium simul, quia anima vegetatiua, non est principium sentiendi, vel intelligendi, sed disiunctiue: sed intelligentiâ in cælo est principium loco mouendi: ergo est anima cæli.

Quartò, quia corpus celeste est præstantius omnibus corporibus inferioribus: sed multa inferiora corpora sunt animata: ergo & cælum, aliàs esset imperfectius.

Hæc tamen Aristot. sententia, quamuis ab eius expositoribus sustineatur, nullus tamen est, qui apertè non videat eam esse fabulosam, & omnino falsam. Quod eundem rationibus conuinci potest, quia animatum, vt animatum est, dicitur unum per se resultans ex corpore, & anima; sed ex cælo, & intelligentiâ

gentia nullo modo fit vnum per se: ergo non est animatum. Probatur minor, quia imprimis in genere substantiæ non fit vnum per se, quia, vt supra dixi, ex duobus entibus in actu non potest fieri vnum ens per se in genere substantiæ: constat autem tam intelligentiam, quam cælum, esse quasdam substantias totales, vel fit vnum per se (vt communiter dici solet) in genere motus, & hoc non, quia genus motus est quantitas, motus enim, secundum se pertinet ad prædicamentum quantitatis, constat autem, intelligentiam nullo modo posse constituere aliquid quantitatum.

Si autem dicas, quod facere vnum per se in genere motus, reuera non est facere vnum quantitatum: sed facere vnum principium totale motus, in quo genere fit vnum per se: ex cælo, & intelligentia. Contrā argumentor, quia si res attentè consideretur, duo aliqua facere vnum principium totale operationis, nõ est, quod ex istis duobus fiat aliquod tertium totale: sed dicuntur esse vnum totale principium, quia vnā operationem causant, sicut Petrum, & Paulum esse vnum principium portandi lapidem, non est quod ex illis fiat aliqua res tertia: sed quod cooperentur eadem actione, itaque esse vnū, est habere vnā operationem, hoc autem non est quod ex utroque fiat aliquod tertium, tum etiā, quia animatum, vt sit ad prædicamentū

substantiæ pertinet: ergo si ex intelligentia, & cælo fit vnum per se in genere animati, iam fieret vnum per se in genere substantiæ ex duabus substantijs totalibus.

Sed obijcies: operari supponit esse: ergo vnum in operatione, supponit vnum in esse. si ergo cælum, & intelligentia sunt vnum in operatione, debent esse vnum in esse, & substantia, atque adeo constituant vnum animatum. Respondetur esse fallax argumētum, quia cum operatio supponat actiuitatem in agente, & actiuitas proveniat ab actu, omnis operatio supponit actum primum, qui est esse, tamen quia plura habentia diuersa esse, possunt operari eadem actione, si sint agentia subordinata, vt Deus & creatura, ideò non requiritur vnum in operatione esse vnum in esse.

Probaturssecundò: quia non minus est Deus in re qualibet inanimata per actionem, quam in illa exercet, scilicet illam conferuando, quam sit intelligentia in cælo per motum, vtrumque enim ibi est per operationem, vel secundum alios per suam substantiam, quamuis Deus habeat alios modos essendi: sed qualibet res inanimata, vbi gratia lapis propter hanc Dei assistentiam, non potest dici animatus: aliās nihil esset inanimatum: ergo neque esse Angelum cælo assistentem per motum localem, debet sufficere, vt cælū dicatur animatū, quia sicut intelligentia essentialiter ordi-

ordinatur ad mouendum cælum, & naturaliter, ut cælum moueatur ab intelligentia, ita Deus in quantum causa naturalis vniuersalissima natura sua, ordinatur ad hæc inferiora conferuanda, per quam conferuationem rebus omnibus assistit, & è contrà res inferiores postulant, natura sua à Deo conferuari.

Quod argumentum reiicit quādam solutionem, quæ ab authoribus contrariæ sententiæ assignari solet, quia dum ipsis obijcitur: etiā naui posset dici animata à nauta in illam per operationem assistente. Respondent esse diuersam rationem, quia naui non ordinatur natura sua, ut gubernetur à nauta, vel è contrà: sed totum hoc fit per artem, at verò cælum essentialiter ordinatur, ut moueatur ab intelligentia, & è contrà, ut intelligentia moueat cælum: hæc, inquam, solutio illa ratione manet reiecta, quia inter Deum, & causam secundam, est hæc naturalis ordinatio agentis, & passi, cum tamen hoc non sufficiat ad animationem.

Tertiò probatur, quia quamuis intelligentia sit in cælo, & in qualibet eius parte, sicut est anima in toto, per informationem, malè colligunt Authores oppositæ sententiæ, animatum dici de cælo, analogia proportionalitatis: quia ad rationem animæ non sufficit esse in qualibet parte: sed requiritur facere vnum per se, cum corpore animato habente vitam, qualiter non

fit vnum ex intelligentia, & cælo; ut vidimus, imò hoc, quod est esse in qualibet parte cæli, est quædam ratio communis omnibus formis, & non solum animabus, malè ergo ex illa assistentia vocatur intelligentia anima.

Ex dictis infero, cælum nulla ratione esse dicendum animatum, quia hoc dicit quādam vnitatem per se resultantem ex anima, & corpore, quia ex cælo, & intelligentia nullo modo resultat: & propter hanc rationem colligo secundò, nullam esse animam assistentem, nisi nimis loquamur improprie, quia ex re assistente, & illo cui assistit, non fit vnum per se, qualiter debet fieri ex anima, & corpore animato. vnde intelligentia nō assistit cælo, ut anima: sed ut motor mobilis: imò esse assistens, & esse animā, credo esse terminos repugnantes, sed hæc assistentia intelligentiæ in cælo, ut motor mobili, non est, ut insinuaui supra, sicut assistentia nautæ in naui, quia illa assistentia non est ex natura rei: sed ex arte, hæc verò est ex natura rei.

Tertiò infero, aliquos negantes in cælo esse differentias positionis, malè concedere, cælum posse dici animatum anima assistenti, quia assistere reuerà non est animare, vel esse animam, alias Deus, ut supra probaui, posset dici cuiuslibet rei anima assistens.

Vnde ad argumenta pro Aristotelis sententia facta respondetur. Ad primum, quòd aliquid concur-

tere

rerè ad generationem alterius, stat duobus modis, vno modo solum dispositiue disponendo ad talem generationem, alio modo vltimate attingèdo ipsam generationem substantialem. Dico ergo, quòd cùm cælum non sit animatum, non habet attingere ipsam productionem viuèntium: sed solum concurrir ad illam dispositiue, sicut dicere concurrere ad generationem muris, quia medio suo calore, & influèntia disponit terram, vt media illius putrefactione generetur mus, & ad hoc non est necesse, cælum esse animatum, quia non attingit ipsius animæ productionem, & ita verum est, quòd Sol & hōtio generent hōminem: sed diuersimodè, quia Sol generat dispositiue solum, hōtio verò propriè.

Ad secundum illud principium Aristotelis secundo de Anima traditum, quòtiescūque vna operatio pendet à duobus, alterum te debet habere vt actus, alterum vt potentia, debere intelligi, quando pendet à duobus in genere causæ efficientis, qualiter intellectio dependet ab intellectu, & specie intelligibili, constat autem, motum cæli non dependere à cælo in genere causæ efficientis, quia solum concurrir passiue, intelligentia verò actiue, vt statim dicam.

Et si obijcias, quòd calefactio ignis dependeat ab igne, & à Deo in genere causæ efficientis, non tamen vnum se habet vt actus, alterum vt potentia. Respondetur, hoc

principium debere intelligi, quando dependet à duobus efficienter, tamen ab vno, vt agente quo, ab alio verò vt agente quod, qualiter calefactio ignis dependet à calore illius, vt ab efficiente quod, & ab igne, vt ab efficiente quod, & ita efficiens quo, se habet vt actus alterius, illi inhaerens, non verò debet intelligi de efficientibus quod, qualiter calefactio dependet ab igne, & à Deo.

Ad terciū, quòd anima est principium loco mouendi, nō quidem circulariter, vt est intelligentia: sed motu recto, vel progressiuo, vt in pluribus animalibus, vel qui sequatur ad augmentationem, qualiter animalia illa dicta conchilia habent in quæri localiter.

Ad quartum, corpus cæleste nō esse simpliciter præstantius corporibus animatis: sed solum secundum quid, quia est incorruptibile, & perpetuum natura sua, non verò simpliciter, quia quodlibet animatum minimum, verbi gratia formica, multò præstantius est ipso cælo, cùm habeat animam, à qua perfectio simpliciter sumitur, tamquam à forma.

Ex dictis sequitur, quòd ratio, propter quam motus cæli est vniuersalis, & ordinatus, non est, quia in se habet intellectum illum fieri ordinantem, vt falsò quidam antiqui existimarunt: sed quia ita petit illum natura sua, non verò quia habeat animam rationalem, & cognitionem.

Sed dubitabis vltimò in hac questione, quare si intelligentia non est anima cæli, indigeat cælum illa tamquam motrice. Est autem ratio dubitandi. Primò, quia omnis motus, vel est à se, vel à generante, sed cælum non mouetur à generante: ergo à se, non ergo indiget intelligentia.

Secundò, quia omnis passio effectiue oritur ab essentia: sed motus cæli est illius passio: ergo oritur effectiue à forma cæli: non ergo indiget cælum intelligentia motrice.

Tertiò, quia operationes Angelorum solum sunt velle, & intelligere: ergo non mouent cælos.

Sed his non obstantibus dicendum est, cælum indigere intelligentia, quamuis non vt anima, vt motrice tamen. Ratio autem est, quia ea solum habent in se principium actiuium motus, que mouentur propter proprium bonum, & propriam perfectionem, vt patet de viuentibus, quia moueri à se, debet esse propter bonum sui, cum ergo cæli non moueantur propter propriam perfectionem: sed horum inferiorum, vt scilicet sint generationes, & corruptiones, idè indigent intelligentia mouenti. Vtrum autem hæc intelligentia moueat necessariò ipsum cælum, quidam existimant necessariò illud mouere, ita quòd non possit desistere à mouendo, quia dicunt. Sicut supremum corpus mouet inferiora corpora necessariò, scilicet

cælum, ita infimus spiritus, vt Angelus, debet necessariò mouere inferiora corpora, existimo tamen nulla ratione posse probari, quòd cælum moueatur ab intelligentia necessariò, ita quòd illa non possit desistere à mouendo, est enim intelligentia natura sua agens liberum. vnde sicut liberè mouet Angelus alia corpora, ita cælum, quauis diuersimodè; quia ex natura rei non ordinatur tamquam agens naturale ad alia corpora mouenda; qualiter ordinatur ad mouendum cælum: vnde sicut Deus concurrit liberè ad motum cæli, tamen tamquam agens naturale, & quod nunquam desistit ab illa operatione, sic intelligentia tamquam agens naturale liberè mouet, & mouebit cælum, est tamen longè dispar ratio, de supremo corpore, quale est cælum respectu inferiorum, quia illud non est agens liberum per voluntatem, qualis est Angelus.

Vnde ad rationes dubitandi respondetur. Ad primam, quòd quando dicimus, omne motum vel esse à se, vel à generante, debet intelligi de motu recto, circularis autem naturalis, neque est à se, neque à generante, sed ab intelligentia.

Ad secundam, quòd motus cæli non est passio illius, nulla enim operatio est passio alicuius rei, sicut ridere non est passio hominis: sed potentia risiva, ita moueri non est passio cæli, sed habere aptitudinem passiuam ad motum, & hæc oritur ab essentia illius.

dinē passiuā ad motum, & hęc oritur ab essentia illius.

Ad tertium dico, quod quamuis operationes internę Angelorum solum sint intelligere, & velle, tamen etiam habent alias externas, vt mouere corpora, in quo multi falluntur, existimantes Angelum nullo modo attingere ipsum motum exteriorem, quia dicunt: Solum operatur Angelus per voluntatem, ita quod ad velle exterius sequatur motus: hoc tamen est falsum, quia non minus, imo multo perfectius operatur Deus per voluntatem, quam Angelus, cum hoc tamen habet actiones ad extrā, quia concurrit eadem actione qua creatura, quæ est actio ad extrā, sed dicitur operari per voluntatem, quia media sua voluntate se mouet, & quasi sibi impetat, vt actionem ad extrā producat, sicut artifex media intellectione se dirigit ad actionem ad extrā causandam, sic in Angelis dicendum est.

Quest. II. Vtrum in calo inueniantur sex differentia positionum?

ANte quam explicemus, vtrum in calo inueniantur differentia positionis, explicandum est quid illæ sunt, & qualiter sumantur. Primò ergo notandum est, quod in viuētibz, v. g. in homine, reperiuntur sex differentia positionū, quia caput est sursum, pe-

des deorsum, & alterum brachium est dextrum, & aliud sinistrum, petus autē, tergum verò retrò.

Secundò notandum est, sufficientiam harum differentiarum sumi in ordine ad dimensiones, & in ordine ad diuersos motus, & etiam in ordine ad eundē. In ordine quidem ad dimensiones, quia quæ sursum sunt principia longitudinis, eò quod versùs illas sumitur longitudo: dextrum autem, & sinistrum sunt principia latitudinis, antè verò, & retrò sunt principia profunditatis: vnde cum constet, tres tantum esse dimensiones, quarum cuiuslibet duæ differentia correspondēt, tantum possunt esse sex positionum differentia.

Secundò etiam sumuntur in ordine ad diuersos motus, quia sursum est principium augmentationis, quia per partem superiorem, os scilicet, sumitur alimentum, ex quo prouenit augmentatio, & illi correspondet in parte opposita deorsum; dextrum verò est principium motus localis, quia constat animalia aptiora esse ad motum localem in parte dextra, quā in sinistra ex natura rei, cui correspondet in parte opposita sinistra: ante verò est principium alterationis vitalis, quæ est sensatio, quia in parte anteriori sunt sensus, in quibus sensatio contingit, quia solum à tergo inuenitur tactus, omnes verò sensus simul reperiuntur in parte anteriori, ita principaliter illi tribuitur sensatio. Sumuntur etiā in ordine ad motū loca-

Vu lens,

lem, quia sursum est, vnde motus, id est, est directiuus motus, quia in parte sursum est imaginatio, media qua anima se dirigit ad motum, & huic oppositum est deorsum: dextrum verò est, à quo motus, quia quantum ad accretionem incipit motus à parte dextra, & illi opponitur sinistrum: Antè verò est, per quod motus, quia per partem anteriorem continuatur huiusmodi motus inceptus, & illi opponitur retrò.

Tertiò notandum est circa ordinem inter has differentias positionum, quòd sursum, & deorsum sunt simpliciter priores omnibus alijs, quia si loquamur respectu dimensionum, prior est longitudo, cuius principia sunt sursum, & deorsum: si respectu diuersorum motuum, etiam sunt priores, quia augmentatio est prior motu locali, prius enim quàm viuens possit moueri, debet augeri, & nutriri, ad habendam in membris quantitatem, & proportionem ad motum localem requisitam, vnde quantum & Physicorum dicitur, motum localem esse priorem omnibus alijs, non debet intelligi in viuentibus sed loquendo de illo, secundum se, quia ratione, quia ubicumque requiritur augmentatio, & alteratio, inuenitur motus aliquis localis, non tamen e contrà, quia calum non augetur, neque alteratur alteratione, quæ sit motus propriè dictus, quia est inter qualitates contrarias, quæ calo, vt supra vidi-

mus, non insunt; ideo motus localis est vniuersalior, atq; adeò prior drioritate vniuersalitatis: respectu verò eiusdem motus localis, etiam patet, quia sursum est vnde motus: hoc autè prius est, quia vnde motus est pars directiua motus: dirigere autem prius est, quàm incipere, & continuare: quod conuenit alijs differentijs. Dextrum verò, & sinistrum, si loquamur in ordinè ad eundem motum localem, vel dimensiones, priores sunt antè, & retrò, quia prior est latitudo in dimensionibus, quàm profunditas; & in motu proprio est incipere motum, quàm continuare: constat autem dextrum, & sinistrum esse principia latitudinis, & etiam continuationis motuum. Si verò loquamur respectu diuersorum motuum, prior est antè, & retrò, quàm sursum, & deorsum, quia alteratio vitalis, scilicet sensatio, prior est in viuētibus, quàm motus localis, cuius est principium dextrum, quia antequam animal incipiat moueri, habet sensuum operationes, cuius est principium antè. Neque est incòueniens idem respectu diuersorum esse prius, & posterius.

Quartò circa essentiam, & quidditatem harum differentiarum aduertendum est, quòd licet differentie positionis pro materiali dicant in parte, in qua sunt, qualitatem aliquam, qualiter pars dextra dicit virtutem inceptiuam motus, formaliter tamen potius dicunt relatione quadam, quia sursum, vt sic, dicitur.

citur.

etur respectu deorsum; & sic de alijs. Vnde, quod plures asserunt differentias positionis esse principia motus, non est intelligendum de differentijs positionis formaliter sumptis, relatio enim non est ætuali, sed de parte materiali, cui talis relatio inest, quia pars dextra est, quæ incipit motum; & sic de alijs.

His suppositis, primò certum est in hac questione, in viuentibus perfectis horum inferiorum reperiri has omnes differentias positionis, vt in homine, & equo, &c. Est enim in his sursum, & deorsum, dextrum, & sinistrum, antè, & retrò.

Secundò conueniunt omnes, nò reperiri has omnes differentias in omnibus viuentibus, quia in plantis non est dextrum, & sinistrum, neque antè, vel retrò, cum non inueniantur in his partibus diuersæ virtutes in plâis, vnde solum reperitur in illis sursum, & deorsum: sursum sunt radices, quia per illas partes sumitur alimentum, sicut in nobis pars superior est sursum, deorsum verò sunt rami. Cuius ratio est, quia planta solum habet augmentationem, cuius principia sunt sursum, & deorsum: in animalibus verò affixis petris, quæ vocantur conchilia, reperiuntur quatuor differentie, scilicet sursum, & deorsum, quia habent augmentacionem, cuius sunt principia, est etiam antè, & retrò, quia habet alteracionem, quæ est sensatio, cuius sunt principia, non verò habent dextrum,

& sinistrum, quia non habent motum locale progressum, cuius sunt principia illæ differentie: in animalibus autè perfectis, in quibus reperiuntur illi tres motus, scilicet augmentatio, alteratio, & motus localis, inueniuntur omnes differentie.

Tertiò conueniunt omnes, huiusmodi differentias positionis, propriè, & formaliter non reperiri in rebus inanimatis, vt in lapide, quia hæc non habent partem determinatam, versus quam, aut per quam augeantur, vel moueantur localiter, vel alterentur, sed per quamlibet illorum partem possunt fieri hi tres motus, quod secus est in viuentibus, atque adeò differentie positionum sunt propriæ animatorum, solum verò possunt reperiri in inanimatis impropriè, & per extrinsecam de nominationem tribus modis, scilicet, per ordinem ad nos, per similitudinem, & per cōtrapositionem, vt Arist. explicuit in litera capituli, vt vidimus.

Sed obijcies primò, quia in inanimatis inueniuntur omnes tres dimensiones, quarum differentie positionis sunt principia: ergo.

Secundò, quia Arist. cap. de quantitate dixit, quantitatem continuam habere positionem in continuo; sed omnia inanimata sunt quanta: ergo habent differentias positionis.

Respondetur ad primam, non satis esse habere dimensiones ad tales differentias positionum, nisi sint partes determinatæ, quæ sunt prin-

Vu ij cipia

cipia illarum, qualiter non sunt in non viventibus, cum homogenea sint.

Ad secundum, aliud esse habere differentias positionum, aliud verò habere positionem in continuo, quia hoc solum est, quod una pars sit in alia, ut digitus in manu, non verò habere differentias positionum.

Restat ergo difficultas, utrum in cælo insint huiusmodi differentie positionum. De qua re prima sententia est Aristotelis in hoc capite, quem ferè omnes eius expositores sequuntur: cuius sententia consistit in hoc, quod quamvis cælum secundum figuram sit homogeneum, est tamen secundum virtutem heterogeneum, & habet distinctas virtutes, quæ sunt differentie positionum: sumuntur autem secundum illum, & eius expositores hac ratione, quod polus Antarcticus sit sursum, Arcticus verò: deorsum, quia versus hos polos sumitur longitudo cæli.

Pro quo notant eius expositores, quod quamvis apud Astrologos sumatur longitudo cæli ab Oriente in Occidentem, quia isti considerant cælum in ordine ad terram habitabilem, est autem multò maior terra habitabilis ab Oriente in Occidentem, quam ab uno polo ad alium; tamen quantum attinet ad ipsum cælum longitudo sumitur ab Antartico ad Arcticum.

Docent deinde, dextrum esse Oriens, & Occidentem illi opposi-

tum sinistrum, quia ibi est pars incipientia motus, quia quamvis secundum Aristot. de facto non inceperit motus, cum fuerit mundus ab ætère, tamen si inceperit, ab illa parte deberet incipere, eò quod ibi est maior virtus: quod colligitur ex effectibus productis in terrâ Orienti correspondente, ubi experimur esse multò præstantiores effectus. Ante verò docet esse hoc hemisphærium, quia per hoc spatium continuatur motus cæli, & illi oppositum est retrò.

Hanc Arist. sententiam probat eius sequaces. Primò, argumento ipsius. Cælum est animatum perfectum: ergo habet sex differentias positionis.

Secundò, quia illud, quod movetur à parte determinata, & per partem determinatam, habet differentias positionis, quæ sunt principia motus sic facti, scilicet à parte determinata, & per partem determinatam, ut patet in homine; qui non movetur per retrò: sed cælum movetur à parte determinata, & per partem determinatam, scilicet ab Oriente, & per hoc hemisphærium: ergo habet differentias positionum.

Cōfirmant, quia aliàs posset cælum per quālibet sui partem incipere, & continuare motum, sicut lapis per quālibet partem sui potest incipere, & continuare motu deorsum, quia non habet differentias positionum.

Hæc tamen Aristot. sententia adeò falsa est, & fabulosa, ut acer-

rimus illius defensor Auerroes in hac parte ipsum Aristotelem sustinere non potuerit, & ita negat in cælo esse differentias positionum, quem sequuntur Alexander Aphrodisi, Themistius, & iam in insigni schola Complutensi cœpit hæc veritas introduci à viris doctissimis. Et vniuersaliter, quòd nullæ differentię positionum possint esse in cælo, probatur, quia differentię positionum solum inveniuntur propriè, & formaliter in rebus animatis, lapis enim non habet partem dextram, vel sinistram, sed cælum, vt vidimus præcedenti quæst. non est animatum: ergo non habet differentias positionum.

Secundò probatur, quia in motu proiectorum idè assignamus qualitatè illum, quæ dicitur impulsus, vt tale projectum moueatur, quia in absentiâ, quando distat à proijciente, non potest proijciens, tangere ipsum passum, vnde opus est, illi imprimat virtutem, vt in absentiâ moueatur; sed intelligentia est semper præsens, & assitens ipsi cælo, non ergo indiget aliqua qualitate in cælo imprella, vt illud moueat, sed immediate potest ipsum mouere, malè ergo in cælo assignantur istæ differentię positionum, quæ sunt qualitates motuæ.

Sed specialiter tercio de singulis differentijs arguitur, quia ipsi dicunt in Polo Antartico, quem dicunt esse sursum, esse virtutem directiuam motus, ad modum quo

barbitosor per quãdam partem rotæ dirigit illius motum. Quia contra est, quod intelligentia tam perfectè mouet cælum in hac parte, quàm in illa, & æqualiter omnibus assitit per motum, quare ergo magis dirigit in hac parte, quàm in illa?

Præterea, quia id, quod dicit Aristoteles, scilicet longitudinem cæli sumi ab vno Polo ad alium, est omninò inintelligibile, quia in globo perfectè sphærico, quale est cælum, tanta est distantia ab Oriente in Occidens, quàm sit ab vno Polo ad alium: ergo in cælo de se nulla est maior longitudo in vna parte, quàm in alia, sed solàm potest habere maiorem longitudinem in ordine ad terram habitabilem, qualiter illam desumunt Astrologi.

Quartò, quia id etiam, quod dicunt, scilicet Oriens esse dextrum, est omnino falsum, quia id, quod est Occidens respectu nostri, est Oriens respectu aliorum a' terrius hemisphærij: & id quod respectu aliorum est Occidens, est respectu nostri Oriens: vnde iam essent plura dextra in cælo: solùm ergo in cælo est Oriens, vel Occidens respectu hemisphærij. Tum etiam id, quod dicit Aristotel. quòd si cælum inciperet moueri, inciperet ab illa parte, est omnino falsum, quia intelligentia non prius mouet vnã partem cæli, quàm aliam, sed totum simul, & ita si inciperet moueri, vt de facto incepit, secundum veritatè omnes

nes partes inciperent simul, quamvis hic motus fiat versus hoc hemisphærium propter rationem infra dicendam.

Ex dictis sequitur primò, cælum non moueri ab intelligentia media aliqua qualitate, illi impressa, sicut nec Angeli mouent alia corpora media qualitate illis impressa, sed immediate per se ipsam, quia ibi est præsens producens ipsum motum, mediante naturali inclinatione passiva ipsius cæli ad talem motum, tamen requiritur illa qualitas motiua in corporibus, quæ mouentur ab aliquo absente, ut in proiectis, ut media illa virtute tangat ipsum passum.

Sequitur secundò, solam esse differentias positionum in cælo per similitudinem, sicut dicitur hominibus pictis, homo per similitudinem, & hac ratione verum est, Polum Antarcticum esse sursum, Arcticum deorsum, Oriens nostrum dextrum, Occidens sinistram, ante hoc hemisphærium, & aliquid retrò, quia cum hæc sumuntur per similitudinem ad hominem v. g. oportet fingere quendam hominem, quasi insitum ipsi cælo, & se mouentem simul cum cælo, qui ut moueretur per hoc hemisphærium, qualiter mouetur cælum ab Oriente, deberet habere caput, quod est sursum, in Antartico, pedes in Artico, manum dextram in Oriente, sinistram in Occidente, & faciem, quæ est ante, versus hoc hemisphærium, & ita

versus aliud hemisphærium erit retrò.

Sequitur vltimò, quæ sit ratio, quare intelligentia in cælo existens non dicatur moueri ad motum illius, sicut reliqua, quæ sunt in aliquo toto, dicuntur moueri ad motum illius. Ratio est, quia intelligentia non est in cælo, illi inhaerens, sicut inhaerent accidentia, quæ dicuntur moueri ad motum illius, sed est quoddam totum completum, per se subsistens, nequæ est in cælo, ut pars illius, sicut sunt reliquæ formæ substantiales in suis totis, propter quod dicuntur moueri ad motum sui totius, sed solum est in cælo assistendo, sicut Deus assistit in omnibus rebus, quia non dicitur moueri ad motum rectum.

Vnde ad argumenta pro Aristot. sententia facta respondetur. Ad primum negando cælum esse animatum, ut supra ostensum est.

Ad secundum, falsum esse cælum moueri à parte determinata, quia omnes partes simul secundum rem inceperunt moueri: quod autem moueatur per partem determinatam, scilicet versus hoc hemisphærium, non est quia hoc hemisphærium sit ante, per quod contrahatur motus, sed quia natura cæli, quamuis inanimatum sit, postulat motum sic factum, sicut grauiæ postulant motum ad locum inferiorem, & leuiæ ad superiorem, solum, quia ita petit naturalis cæli inclinatio, sicut etiam planetæ petunt contra-

contrarium motum, scilicet ab Occidente in Oriens.

Ad confirmationem patet solutio, quod non potest per quamlibet partem cōtinuare motum, sed ab Oriente in Occidens, sicut moventur Planetæ contrario motu, solum quia talem motum exigit natura illius corporis, scilicet, quod fiat per illam partem, quod non peccant grauiā, & leuiā.

Sed dubitabis vltimò in hac questione, & capite, quid ergo probat Aristot. hoc capite contra Pythagoricos. Respondetur Aristot. illa ratione, qua impugnauit Pythagoricos, non intendere probare, quod sint absolute omnes differentie positionum in cælo, sed hoc probauit post impugnatam illorum opinionem, sed solum contendit, quod si ipsi ponunt in cælo dextrum, & sinistrum, etiam debeant ponere sursum, & deorsum, & hoc verè probat, quia sursum, & deorsum sunt priores differentie, atque adeò debent ab alijs supponi, & ita contra ipsos opportunè inlurgit, quamuis deinde propriam de hac re proferens sententiam, errauerit. Et hæc de hoc cap.

Caput III.

Postquam Aristot. egit de qualitatibus cælorum, ostendit ex vi motus esse plures cælos: & primò proponit difficultatem, quæ est de inuenienda huius rei sufficienti ratione. Primò, quia motus

cæli, vt supra capit. 4. nihil est contrarium, si autem haberet contrarium, facile esset colligere, esse plures motus corporum cælestium, atque adeò plures cælos.

Secundò, quia cælum longè à nobis distat, ob eamque rem cognitio illius est maximè difficilis, sed nihilominus pergit ad hanc rem probandam, supponendo tamen, vnumquodque esse propter suam operationem.

Hoc supposito, sic arguit per consequentias aliquas hac ratione: Cælum est sempiternum, cum sit præcipua pars vniuersi, de quo iam dixerat esse sempiternum: ergo etiam eius motus est sempiternus. Patet consequentia, quia vnumquodque est propter suam operationem: tunc sic; motus cæli est sempiternus, sed motus circularis cæli sit circa medium mundi, quod est terra, debet ergo esse terra.

Quod rursus confirmat, quia omnis motus sumitur penes ordinem ad aliquod quiescens, penes ordinem ad quem dicatur moueri, vel elongari, hoc autem quiescens non potest esse aliqua pars cæli. Probat, quia nulla pars cæli quiescit, quia vel quiescit naturaliter, & hoc non, quia si pars cæli quiesceret naturaliter in centro, quod est fixum, in ordine ad quem sumitur motus localis, tenderet illa pars ad centrū, sicut tendunt grauiā: neque violentè, quia nullum violentū est perpetuum, constat autem tale fixum medium in motu circulari debere

Vv iij re esse

re esse sempiternum, sicut est ipse motus circularis.

Arguit deinde hac ratione: Est elementum terræ, quod est medium mundi: ergo datur ignis. Probat consequentiam, quia si datur vnum contrarium in rerum natura, etiam debet dari aliud, constat autem, ignem, & terram esse elementa contraria, quod intelligit secundum qualitates motivas, quia secundum alterativas, magis contrariatur igni aqua. Tunc sic arguit. A parte rei datur ignis contrarius terræ, quæ sunt elementa extrema: ergo etiam debent dari alia duo elementa media. Probat, quia etiam terræ, quæ est frigida, & sicca, contrariatur aer, qui est calidus, & humidus: & igni, qui est calidus & siccus, contrariatur aqua, quæ est frigida, & humida: dantur ergo quatuor elementa.

Tunc rursus arguit sic. Si sunt in rerum natura elementa contraria, debent ergo esse generationes, & corruptiones, quæ resultent ex mutua contrariorum actione. unde ultimum colligit, quod si est diversitas generationum, & corruptionum, debent esse diversæ lationes, id est, diversi motus celorum, per quorum influentiam fiunt, quia si vnus tantum esset, cum sit vniformis, non fierent tam variae generationes, & corruptiones: si ergo sunt plures motus celorum, debent esse plures cæli, qui huiusmodi motibus moveantur.

Circa literam.

Circa probationem adducit Aristot. ad probandum dari elementum in centro mundi, quod a quibusdam obijcitur de motu circulari Ecentricorum, & Epicyclorum, qui non sunt circa medium, & iam dixi supra c. 2. hos non cognovisse Aristot. imò neque in re forsan est verum, esse tales epicyclos, vt plurimi ex Mathematicis contendunt, quæ disputatio illorum est propria, quare hic solum habet difficultatem illa propositio Arist. *Quod vnumquodque sit propter suam operationem*, quariter, in quam, sit intelligenda. De qua re bene loquitur Caiet. 1. 2. q. 3. art. 4. dicens, eam debere intelligi non quidem, quod esse sit propter operari, tamquam propter finem principalem, quia finis principalis perfectior est re, quæ ordinatur ad illum: constat autem operationem imperfectiorem esse ipsa substantia, cum sit accedens, sed propter operationem est tamquam propter finem minus principalem, ordinatum rursus ad ipsum esse, scilicet, vt illa operatione perficiatur ipsum esse rei, quia perfectior est res cum operatione, quam sine illa, cum habeat, quod ipsa dicit, & aliquid amplius, vt dici solet. 2. de anima. cap. 2.

Neque valet, si obijcias, cælum habere operationem, motum scilicet,

licet, non tamen est propter illud, sed propter generationes, & corruptiones. Respondetur enim, quod quamvis cælum sit propter generationem, & corruptionem; tamen propter finem ultimum, tamen est etiam propter suam operationem, ut propter finem minus principalem, & non ultimum.

DISPUTATIO II.

De influentia cæli.

QUOD Aristoteles in hoc cap. pertrahat de distinctione, & pluralitate cælorum, placuit differre usque ad disputationem ultimam horum librorum, quæ erit de compositione & partibus universi, ubi hæc omnia latius patebunt, quare hoc loco à nobis agendum est de influentia cæli requisita ad generationes horum inferiorum.

Quest. I. Vtrum cælum agat in hac inferiora, & quid possit agere?

INferiora hæc pendere à cælo, & ab eius motu, expressè determinavit Arist. 1. Meteorologicorum capit. 2. dicens: *Oportere mundum hunc esse contiguum latioribus superioribus, ut inde eius virtus in hac inferiora descendat.* Et 2. Physi. asserit: *Quod sol, & homo generant hominem.* Et 2. de genera. text. 54. docet: *Motum planetarum per lineam obliquam, scilicet per Zodiacum, esse causam generationum, & corruptionum.*

num. Idem docet Augustinus, dicens: *Corpora hæc inferiora per subtiliora suprema gubernari.* Quod etiam comprobatur experientia, qua constat, per diuersum Astrorum motum diuersas in his inferioribus fieri generationes: & denique ratio est, quia quemadmodum omnia spiritualia habent dependere in fieri, & conseruari à primo illius generis, quod est Deus; ita omnia corpora debent dependere ab uno primo corpore, quod est cælum.

Et si obijcias: Omne agens prius agit in propinquum, quam in remotum: ergo si cæli superiores habent transmutare hæc inferiora, prius deberent transmutare alia corpora cælestia intermedia, unde cælum transmutabile, & corruptibile esset. Respondetur non oportere, quod agens, quod agit in remotum, agat in propinquum eadem actione, sed alia actione distincta. Patet hoc exemplo communi de illo pisce, nomine Torpedo, qui media aliqua qualitate impressa in rete, habet deinde causare in manu piscatoris torporem, cum tamen illum non causet in rete, quia est subiectum incapax: eodem ergo modo cæli superiores agunt in inferiores, illos illuminando, non verò transmutando, quia non sunt capaces: in hæc verò inferiora agunt transmutando.

Sed maxima hic occurrit difficultas, quia si cælum agit in hæc inferiora, sequitur, quod imponat rebus

V u v.

infe.

inferioribus necessitatem, atque adeò, quòd non sunt effectus contingentes. Paret consequentia, quia transmutationes, & effectus in his inferioribus sequuntur ex vi actionis, & influentiae cæli in hæc inferiora, cum ergo cælum sit agens necessarium, atque adeò necessariò influens, sequitur omnia necessariò euenire. Quæ difficultas eadem est cum illa, quæ tractari solet in libro de interpretatione cap. 8. vtrum, si Deus operaretur per modum naturæ, vt de facto operatur cælum, adhuc essent effectus contingentes.

Breuius tamen hoc, quantum attinet ad cælum, à nobis explicandum est, & quidem Caietan. 1. part. quæst. 13. art. 6. plurimum laborat in hac re elucidanda, consistit autem eius sententia in hoc, quòd quamuis cælum sit agens necessarium, nihilominus tamen non operatur se solo, sed cum causa secunda particulari, quæ quia contingens est, illa prima causa modificatur cum secunda contingenti, & ita sequitur effectus contingens, quòd explicat in syllogismo, in quo quamuis maior propositio sit necessaria, tamen si minor est contingens, conclusio ex utraque procedens non sequitur necessariò, sed contingens: & probatur, quia sequitur debiliore parte.

Eundem modum dicendi sequitur Zumel 1. part. quæstio. 14. art. 13. quæstio. 2. versus finem, hic

tamen modus dicendi totaliter difficultatem non euacuat, quia supponit esse aliquam causam contingentem: cuius tamen oppositò contendit probare argumentum, & de quo redit eadem difficultas, quia causæ inferiores operantur ex vi influentiae cælestis: ergo cum cælum necessariò influat, omnes debent operari inuitabiliter, atque adeò non contingenter.

Quare, reiectis solutionibus quæ plurimis, quæ de hac re in simili esse solent. Respondetur, quòd in primis, si loquamur de actibus liberis voluntatis, argumentum nullam habet difficultatem, quia cum actus spirituales, cælum non habet directè influere in illos, cum sit quid corporeum, sed solum potest moueri indirectè voluntas ex impressione aliqua cælesti impressa in appetitu, vel corpore: verbi gratia, si cælum influat in appetitum calorem, vel alias qualitates inclinantes ad libidinem, quamuis ex his contingat attrahi voluntatem ad res libidinosas, & turpes, nõ tamen necessariò, sed libere, quia potest illis resistere, non sequens tales impressiones cælestes, quia voluntas operatur per cognitionem, quia possunt proponi illi, res libidinosæ, vt non taciende. vnde cum voluntas sequatur cognitionem deliberatam, potest ab illis cessare.

Maior ergo est difficultas de alijs causis merè naturalibus, quæ non habent operari media cognitio-
ne,

ne, vel arbitrio, & in his dico etiam reperiri effectus contingentes, quantumvis calum necessario influat, quia quavis, quantum ex parte calis, effectus necessario eueniat, tamen absolute loquendo contingenter euenit, quia non repugnat ab alia extrinseca causa effectum impediri: imò effectus ipse, quantum est de se, est aptus impediri, vel non impediri, & ita absolute loquendo, est in effectibus contingentia.

Sed contra hunc dicendi modum arguit D. Thom. 1. part. q. 115. art. 6. hac ratione, quia adhuc impedimentum, ratione cuius potest effectus vitari, etiam est reducendum in calum, quia calum est causa illius: ergo necessario ponitur, si calum influit, ut ponatur, vel necessario non ponitur, si calum non influit, ut ponatur, & ita si ponitur, necessario vitatur effectus, id est necessario non sequitur si autem non ponitur, necessario sequitur ex vi influxus celestis, nunquam ergo dabitur altera pars contradictionis contingens, scilicet, quod contingenter ponatur, vel contingenter non ponatur: & ita loco citato D. Thom. affert alium modum dicendi, forsan maioribus difficultatibus implicatum, in quo breuitatis gratia non moror.

Quare ad illius argumentum respondendo, cedens modo esse loquendum de illo impedimento: quod sequitur ex influxu celesti, sicut lo-

cuti sumus de effectu quolibet absolute, quia illud impedimentum, quantum est ex parte calis, necessario ponitur, si calum ad illud influit, vel necessario non ponitur, si non influit, tamen absolute contingenter ponitur; quia non repugnat illius naturæ poni, vel non poni, propter quod de se, & intrinsece est quid contingens, atque adeo etiam effectus contingenter sequitur, vel contingenter non sequitur.

Quantum ad secundum, quod inquit questio, dicendum est in primis, calum lumen producere in hæc inferiora, quod experientia constat, cum videamus per accessum, vel recessum, Solis, quomodo omnia alia lumen participant, causari dies, vel noctes. Et similiter medio lumine habet producere calorem, & ita experimur noctes semper frigidiores esse, quam dies per absentiam luminis, a quo prouenit calor; eò quod continetur virtualiter in lumine propter ipsius luminis eminentiam.

Neque mihi placet hac in re aliquorum sententia, dicentium, calum non posse in hæc inferiora producere motum, constat enim tempore Februarii maiores concitari ventos, quam in alijs mensibus ex diuersa Astrorum prædominatione, ad quod non opus est, prius corpora superiora moueatur, quia, ut dixi supra: non est necessarium agens, quod agit in distans, agere in propinquum eodem gene-

re actionis, sed dum occultam virtutem imprimit, potest Planeta in aere causare ventum, & reuolutionem: imò id docet Aristot. in 1. a. cap. 7. dicens. Astra calefacere aerem, ipsum conterendo, scilicet mouendo: neque intelligas vëtum esse aliquid distinctum ab ipso aere, quia ex Aristot. ventus non est aliud quàm aer commotus, ita quòd differat ab aere, sicut homo currens differt ab ipso quieto. Denique ex diuersa planetarum natura diuersæ qualitates producuntur in his inferioribus, de quo plura à pluribus traduntur tractatu de sphaera, quæ longum esset hic recensere.

Secundò dicendum est, cælum concurrere ad generationem omnium rerum inanimatarum, siue simplicia sint, siue mixta, vnde habet producere metalla, & lapides pretiosos, quia his omnibus perfectius est cælum. Solum ergo in hac re habet difficultatem, vtrum cælum producat viuentia: de quo post quæstionem sequentem erit specialis quæstio.

Quæst. 11. Vtrum cessante motu cæli, cessant generationes, & corruptiones?

Primò certū est in hac quæstione, quòd cessante motu cæli possunt esse generationes, & corruptiones de potentia absoluta, quia quod Deus facit medijs causis secundis, potest facere se solo: ergo

generationes, quas modò causat mediante motu cæli, possit se solo causare: solum ergo est difficultas, quid hæret ex natura rei.

Secundò certum debet esse in hac quæstione, motum cæli nō esse rationem formalem, & agens, quo cælum influat in hæc inferiora, sicut calor ignis est agens quo, & ratio formalis producendi alium calorem, vt optimè vidit Durandus in 2. dist. 19. q. 3. & cum eo Son. 12. Metaph. q. 13. Ratio est, quia ad actionem non est actio: ergo motus localis cæli non est principium quo, operandi in generationes, & corruptiones huius vniuersi.

Tertiò certum esse debet, quòd motus cæli non sit ipsa actio, qua cælum concurrat ad generationes, & corruptiones horum inferiorum, quia cælum alia actione influit in hæc inferiora corpora, illa alterando, alia verò mouendo: quemadmodum ergo in igne alia actio est alteratio procedens ab igne: alia verò motus localis illius.

Solum ergo est dubium, vtrum motus cæli sit conditio necessariò requisita ad generationes, & corruptiones horum inferiorum. In qua re prima sententia est D. Th. hic lect. 4. & tapè alibi, Ferrar. 2. contra gentes cap. 20. Scot. in 4. d. 48. q. 1. art. 2. Petri Martinez, & Villalpand. hoc loco, & plurium aliorum, qui dicunt, quòd cessante motu cæli nullo modo possunt contingere generationes, & corruptiones, ad quam sententiam

sententiam probandam multa congerunt argumenta.

Primò, quia mouere immotum, est proprium Dei: ergo cælum non potest concurrere ad generationes horum inferiorum, nisi medio suo motu, & ipso non concurrente, non fierent, quia est causa vniuersalis, à qua alix particulares dependent: ergo cessante illius motu, non essent generationes, & corruptiones.

Secundò, quia motus localis cæli, vt Arist. docet 8. Physicon. est primus inter omnes motus: ergo ablato illo auferuntur reliqui. Patet consequentia, quia ablato primo in vnoquoque genere, auferuntur reliqua, quæ sunt post illud.

Tertio, quia sicut cor in animali est præcipua pars ipsius, ita cælum respectu vniuersi: ergo sicut se habet motus cordis ad reliquos motus animalis, ita motus cæli ad reliquos vniuersi motus; sed cessante motu cordis, statim cessant omnes motus animalis: ergo cessante motu cæli debent omnes vniuersi motus, & mutationes cessare.

Quartò, quia idem, in quantum idem, semper est natura facere idè; sed generationes, & corruptiones importat quendam varietatem: ergo non possunt prouenire à cælo omninò quieto, & eodem modo se habente.

Quintò, quia cælum habet influere in hæc inferiora, & in illorum motus, & mutationes, media virtute intelligentiæ, illi assistentis:

sed si cessaret motus cæli, non assisteret intelligentia in cælo: ergo cessante motu cæli, non essent generationes, & corruptiones.

Sed de hac re optimè loquitur Durand. in 2. d. 15. q. 3. asserens, quòd etiam cessante motu cæli essent generationes, & corruptiones, quamuis non ordinatæ, & cum varietate, & ordine, quem modò habent. Eandem tenet sententiam Scotus in 2. d. 14. quæst. 2. Sonci. 12. Metaph. q. 3. & alij plures. Et quidem quòd etiam cessante motu cæli non essent generationes: ita ordinatæ, & variæ, sicut modò sunt. Probatur, quia per accessum, & recessum Solis ad signa Zodiaci contingunt diuersæ generationes, & corruptiones, qualiter experimur accedente Sole ad Cancrum generari plantas, & accedente ad alia signa multos, & diuersos generari effectus: ergo si cessaret motus, quo Sol habet accedere, & recedere ad has partes Zodiaci, quæ vocantur signa, non esset ista varietas, & diuersitas effectuum.

Quòd verò absolūtè essent aliquæ generationes, & corruptiones cessante tali motu. Probatur primò, quia vt vnū corpus influat in aliud qualitatem aliquam, non oportet moueri localiter, vt patet de magne te quieto, qui influit in ferrum qualitatem attractiuam, qua illud ad se attrahit: ergo etiam cælum omninò quietum posset in hæc inferiora influere media aliqua influentia generationis, & corruptionis: quia

quod.

quod quidam dicunt, scilicet magnetem etiam moueri à cælo, quia ab illo accipit virtutem, vt producat illam qualitatem, verum est, tamen non indiget ad hoc motu aliquo locali; ergo eadem ratione cælum medio concursu generali Dei posset in hæc inferiora influere.

Secundo, quia etiam quiescente cælo Sol illuminaret, vt auctores etiam oppositæ sententiæ fatentur; sed Sol medio lumine habet producere calorem quæ est qualitas corruptibilis, & principium generationum, & corruptionum: ergo essent generationes, & corruptiones.

Neque placet quod quidam ad hoc respondent, dicentes illuminationem esse actionem intentionalem, & ad hanc non requiritur motus cæli, requiritur tamen ad calefactionem inde secutam, quia est actio physica.

Hoc tamen reuera non satisfacit, quia non minus concurrit cælum ad illuminationem, quam ad calefactionem media illa factam: ergo sicut ad illuminationem intentionalem non oportet quod moueatur, etiam neque ad physicam calefactionem: neque ego video, cur vnum possit, & aliud non.

Tertio, quia quis dicit, quod si cælum non moueretur, & applicaretur suppa igni, quod ignis illam non combureret, & fieret ignis? & ita, vt Durandus inquit loco citato, dicere talem stuppam non fore ab igne comburendam, est articulus

condemnatus à Doctoribus Parisiensibus.

Vltimo probatur, quia cælum empyreum, vt supra capite tertio vidimus, quamuis quietum, habet influere in hæc inferiora, quia hæc est operatio propria cælorum, ad quam omnes aliæ ordinantur, licet cælum empyreum etiam habet alium finem, esse scilicet beatorum sedem: non ergo indiget cælum motu locali, vt absolute influat, vt causat generationes, & corruptiones.

Noque placet in hac re ratio, quam ad hanc sententiam confirmandam plures auctores adducunt, dicentes, quod si cessante motu cæli, non essent generationes, & corruptiones: vel ergo omnia desinere per corruptionem, vel per anihilationem. Si per corruptionem, cum ad corruptionem, sequatur generatio, iam essent generationes, & corruptiones. Si per anihilationem, hoc est impossibile, quia quemadmodum cælum non potest esse causa creationis, ita nec anihilationis. Hæc tamē ratio nihil probat, quia tunc cælum non esset directa causa anihilationis, sed Deus illa anihilarer ex defectu conseruantis, si darenus illa non posset conseruari, neque ad inuicem corrumpi, & generari sine motu cæli.

Vnde ad argumenta in contrariam partem adducta respondetur. Ad primum, quod immotum potest sumi dupliciter, scilicet immotum id est, non motum localiter, & ope-

operari hac ratione immotum, non est proprium: solius Dei, ut diximus de cælo empyreo, & alijs corporibus. Alio tamen modo sumitur immotum, id est, non adiutum cōcursu alterius causæ, & exlum in tali casu non operaretur hac ratione immotum, quia indiget cōcursu vniuersali, & generali Dei, operaretur tamen immotum localiter.

Ad secundum respondetur, verum esse motum localem esse primum inter omnes motus ea ratione, qua hoc explicatur 8. Physic. non quidem prioritate causalitatis, quia motus non potest esse causa actionis, cum ad actionem non sit actio, sed e contra: vel secundum perfectionem, quia est perfectior omnibus alijs: vel secundum vniuersalitatem, quia in nullo alio reperitur alius motus, vbi non reperitur motus localis. In multis tamen est motus localis, vbi non sunt alij, ut in cælo, vbi non est motus augmentationis, neque alterationis, quæ est motus propriè dictus, cum hæc sit alteratio corruptiua; non verò dicitur motus localis primus in genere causalitatis. Illa autem propositio, quod primum in vnoquoque genere est causa reliquorum, debet intelligi de primo in causalitate, qualiter Deus in genere causæ efficientis est primum, à quo omnes aliæ causæ dependent, & etiam in genere causæ finalis est primus finalizans, quia finis vltimus est primum mouens;

quia est primum in intentione, quam vis in executione sit vltimum, & materia prima, quæ est prima in genere causæ materialis, cum sit primum subiectum, est primum principium patiendi, & recipiendi.

Ad tertium respondetur, esse diuersam rationem de corde, respectu animalis, & de cælo, respectu vniuersi, quia cessante motu cordis moritur, & desinit ipsum cor, eo quod maxime est calidum, requirit illam attractionem aeris factam in pulmone ad sui refrigerationem, & conseruationem, & ita non mirum est, quod pereat animal, & omnes eius actiones: at verò cessante motu cæli non ideo cælum corrumperetur, quia est impalsibile, & non conseruatur ratione sui motus, sed ratione suæ propriæ naturæ, à qua habet esse incorruptibile, & ita non ideo pereunt actiones vniuersi, sed posset optime, ut probauimus, influere in hæc inferiora.

Ad quartum, quod idem in quantum idem, semper est natum facere idem, quantum est de se, tamen ratione dispositionis in passio existens potest causare diuersa, sicut idem lumen Solis liquefacit ceram, & obdurat lutum; sic etiam ratione diuersæ dispositionis existens in passio, posset hoc subiectum hoc modo alterari, aliud verò diuersi modo dispositum ex diuersa natura, diuersi modè; & ita essent aliquo modo variæ generationes, licet non cum tanta varietate, quæ sunt modò, ut supra dixi.

Ad

Ad quintum respondetur, cælum ab intelligentia solum accipere motum localem, tamen influentiam, vel virtutem influendi non habet ab illa, sed à propria natura, & ita quamvis intelligentia non assisteret in cælo, cessante motu, adhuc cælum ratione suæ propriæ naturæ influeret.

Ex dictis infero, quòd si S. Thomas, vel Aristoteles alicubi dixerint cessante motu cæli, non fore generationes, & corruptiones, debent intelligi quantum ad varietatem, vel diuersitatem, quod nos fatemur.

Quæst. III. Vtrum cælum producat viuientia?

Primò certum esse debet in hac quæst. cælum etiam, vt causam principalem concurrere ad generationes inanimatorum, vt suprà dixi, eò quòd inter corpora inanimata est perfectissimum: quod non est ita intelligendum; quòd actio aliqua horum inferiorum immediatè pendeat à cælo, vt latius probatur 2. Phisic. sed ita quòd effectus horum inferiorum tribuantur cælo, vt disponenti ad tales effectus.

Secundò, certum est apud omnes, cælum seclusa intelligentia non concurrere ad generationes viuentium, quia omnes conueniunt, seclusa intelligentia, illud non esse animatum, sed imperfectius omnibus viuentibus; atque adeò non potest concurrere ad illorum generationem.

Solum ergo est difficultas de cælo secundum quod habet intelligentiam sibi assistentem, & mouentem. De qua re omnes auctores suprà citati, quia existimant cælum esse animatum, opinantur concurrere ad generationem omnium animatorum, quia dicunt esse perfectissimum animatum: vnde sicut habet influere in generationes aliorum corporum, ita & animatorum. Ad quam sententiam probandam arguunt sic. Primò, quia ex Aristotele, *Sol, & homo generant hominem*, & Dionysius capite 4. de Diuinis nominibus asserit, *Solem ad generationem visibilem, conferre, similiterque ad vitam, & nutritionem.*

Secundò probant, quia quod disponit aliquod passum ad generationem alicuius formæ, dicitur talem formam attingere, sicut quod disponit ad formam ignis, attingit illius generationem: sed cælum media sua influentia disponit semen ad generationem viuentium, vt omnes fatentur: ergo attingit illorum productionem.

Tertiò, quia plurium animatorum non potest assignari alia causa præter cælum, vt patet de generatione muris, & ranæ, & aliorum.

Oppositæ tamen sententia, scilicet cælum adhuc virtute intelligentiæ non posse producere viuentia, multò verior est, & eam tenentur amplecti omnes, qui existimant, vt nos suprà ostendimus, cælum nulla ratione animatum esse, quia si inanimatum est cælum, est imperfectius

Aliis omnibus viuentibus : vnde non potest illorum generationem attingere.

Ad quod probandum accom-
modari possunt omnia argumenta
suprà facta, quibus ostendimus, cæ-
lum nullatenus animatum esse.)

Sed specialiter n. odò probatur
hoc, quia cælum ex se, & secun-
dum propriam formam cæli, cum
sit inanimatum, non habet virtu-
tem ad producenda animata, neque
hæc virtus potest illi communicari
ab intelligentia, quia cum intelli-
gentia solum intuat in cælo mo-
tum, non habet cælum ab illa ali-
quam substantialem virtutem ad
producenda viuientia.

Dicendum ergo est, cælum non
esse aliqua ratione instrumentum
intelligentiæ ad producenda vi-
uentia, sed nullatenus habere vir-
tutem ad illa producenda, imò ne-
que ad productionem inanimato-
rum operatur ut instrumentum in-
telligentiæ; aliàs intelligentia esset
causa principalis: vnde posset An-
gelus producere lapidem, quod est
falsum: sed quidquid influit, habet
ex propria virtute.

Neque placet hac in re modus
dicendi Durandi in 2. distinctione
15. quæstione 1. aliterentis, quod
quamuis cælum sit inanimatum, &
non habeat influere virtute intelli-
gentiæ, ut illius instrumentum: ta-
men, inquit, adhuc potest produ-
cere viuientia, quia quemadmo-
dum, licet semen deciduum à viuen-
ti non sit quid viuens, & animatum,

adhuc tamen habet virtutem ad
producendum viuens: sic, inquit,
quamuis cælum inanimatum sit,
habet virtutem ad producenda om-
nia viuientia, & est quasi quoddam
semen omnium illorum.

Hic, inquam, modus dicendi non
placet, quia semē idē habet virtu-
tem instrumentalem ad producen-
dum viuens, quia deciduum est à vi-
uenti, à quo accepit qualitates in-
ductiuas formæ viuentis, & est re-
uera aliquid ipsius viuentis, quam-
uis non sit viuens, quod non habet
cælum.

Vnde ad argumenta in contra-
rium facta, respondetur. Ad pri-
mum, verum esse, quod Sol, & ho-
mo generant hominem, tamen di-
uerſimodè, quia homini tribuitur
absolutè generatio alterius homi-
nis, quia medio semine proprio,
natura sua ordinato ad generatio-
nem, illam attingit generationē ho-
minis: Soli vero solum potest tri-
bui actio, ut alteranti semen ipsum.

Ad secundam, dispositionem
ultimam necessariam esse ad intro-
ductionem formæ hominis integri,
ex varijs accidentibus in tali, vel
tali proportionem sumptis, quæ om-
nia simul sumpta non possunt re-
duci in solam virtutem cælestem,
sed ad exigentiam seminis.

Addo præterea, non quidquid
producit ultimam dispositionem,
ut causa principalis, attingere pro-
ductionem formæ, ut causam prin-
cipalem, ut latius dixi in Physica,
quia cum forma substantialis sit

longè perfectior vltima dispositio-
ne, contingere potest aliquid esse
causam principalem producendi
vltimam dispositionem, non verò
forinam ipsam.

Adquam rem explicandam vti
possemus exemplo de ouis in for-
nacem ignis missis, vbi calore ignis
disponuntur ad generationem pul-
li, cum tamen ignis non possit esse
causa principalis productionis vi-
uentis, cum sit longè imperfectior
illo.

Ad tertiam, mures, & alia anima-
lia imperfecta non produci vltima-
tè à cælo, sed à Deo medianstibus
præiis dispositionibus à cælo in-
fluxis.

Et si obijcias, quòd effectus par-
ticularis, reducendus est ad causam
particularem: ergo oportet as-
signare aliam causam particularem
generationis muris. Respondetur,
quòd hoc argumentum solum mi-
hilar contra auctores oppositæ sen-
tentix, ponentes hæc imperfecta
animalia produci à cælo: quod
constat etiam esse causam vniuer-
sale.

Respondetur ergo, cuilibet ef-
fectui in particulari dandam esse
aliquam causam particularem, vel
efficientem, vel materiam, & ita
particularis causa generationis mu-
ris, est terra sic disposita, quam-
vis non secundum se, cum etiam
sit materia vniuersalis ad plu-
ra animalia imperfecta
generanda.

(?)

Caput III. V. & VI.

Postquam egit Aristot. de plu-
ralitate cælorum, agit in 4. cap.
de figura cæli, docens, illam esse
circularem. Primò, quia perfectis-
simo corpori perfectissima debet
competere figura, hæc autem est
figura circularis, tum etiam quia
cælum dicitur à celando, & conti-
nendo: ergo debet habere figuram
aptam ad continendum, hæc au-
tem est circularis: vnde dicit, omnia
elementa intra cæli superficiem
contenta, esse figuræ sphericæ.

Sed in cap. 5. inquit, cur mo-
tus cæli magis fiat versus hoc hemi-
sphærium, vbi ab Oriente in Occi-
dens, quàm è contra. Et respondet,
rationem esse, quia natura semper
facit melius, cum ergo, vt ipse cap.
2. huius libri docuit, sit hoc hemi-
sphærium ante, & aliud retro, &
ante sit perfectior differetia, quàm
retro, idèd mouetur per ante, &
non per retro.

Deinde cap. 6. agit de vniformi-
tate motus cæli, docēs, esse vni-
formem, præcipuè quia in motu
diurno est vigor, status, & decre-
mentum, sicut in augmentatione
viuentis, vigor correspondet prin-
cipio, status medio, decrementum
fini; motus autem cæli, neque ha-
bet principium, neque finem, sed
fuit ab æterno: ergo non est difer-
mis;

inis: hæc autem ratio supponit falsum fundamentum, ut supra vidimus, scilicet motum cæli fuisse ab æterno.

Quare secundò melius id probat, quia si motus cæli non esset vniformis, sed modò intensus, modò remissus, vel hæc intensio proveniret ex mutatione mouentis, vel mobilis, quia, inquam, diuersimodè sunt disposita secundum qualitates, constat autem cælo, vel intelligentiè nihil de nouo aduenire, est ergo vniformis, quod non est intelligendum, quòd sit æquè velox, quantum ad omnes partes, quia quodlibet corpus globosum, habet moueri tardiùs versùs Polos, quàm versùs medium, ut patet in rota, sed dicitur vniformis respectu cuiuslibet partis in se, quia vna pars nunquam mouetur tardiùs, quàm in alio tempore, quamuis vna pars in comparatione alterius partis, tardiùs moueatur.

Caput VII.

Agit Aristot. in hoc capite, de partibus cæli, quæ stellæ vocantur, vtrum scilicet sint naturæ cælestis, vel elementalis, proponens rationem dubitandi, quæ de hoc esse poterat, quia astra habent calefacere inferiora, ut patet de Sole, & alijs astris calidis, vnde cum calefacere sit proprium ignis, videtur quòd sint naturæ ignis. Respondetur tamen vanam esse rationem,

quia calefacere, non solum conuenit igni, sed pluribus alijs rebus, quia etiam, inquit, motus est causa caloris: vnde, inquit, stellæ habent causare calorem in aere, quia causant in illo media influentia, ventum, & commotionem, qui motus est causa caloris. Vnde respondet stellæ non esse de natura elementali, sed de natura cælesti. Quod probat, quia stellæ habent secundum naturam moueri motu circulari, corpora autem elementalia habent moueri motu recto: ergo non sunt de natura elementali.

Circa literam.

Hoc loco disputari solet, vtrum motus sit causa caloris, & quo modo, & quidem circa eam questionem, vtrum motus sit causa caloris, non potest esse aliqua controuersia, sunt enim plures experientie ad hoc probandum, videmus enim rotam molendini, quando absque tritico mouetur, maximum calorem, imò, & ignem causare, quòd etiam experimur in percussione silicis.

Solum ergo est hic aduertendum, quod quamuis motus ex sua ratione habeat esse causam caloris, aliquando tamen per accidens, & ex alio adiuncto, habet causare frigus, quod contingit primò in motu flabeoli, quo faciem refrigeramus, & aere ab ore missò solemus ius infrigidare, hoc tamen est per accidens,

cidens, quia per illum motum auferuntur partes aeris calidiores existentes iuxta faciem, velius, & tū deinde adueniant aliae frigidiore, refrigeratur facies. Tum etiam, quia aer ab ore ferè cōcluso exiēs ex paruitate orificij condensatur, densitas autem petit frigiditatem. Similiter contingit aquam statim facilius à Sole calefieri, quā fluentem, quia radij solares facilius refranguntur ex aquis quietis, quā ex motis, & quia per lumen producit calor, ideo sunt calidiores aquae stantes quā fluentes, & haec est eadem ratio, quare in terra existente in conuallibus multo maior calor inuenietur, quā in vertice montis, quia, inquam, in conuallibus aer est quietus, & ita melius participat calorem causatum ex refractione radiorum solariū: à terra procedentium, quā aer existens in vertice montis, quia in vertice modò vnus, modò alius aer aduenit, & ita non potest ita bene participare radiorum refractionem, & calorem ex illa causatum.

Maiores ergo est secunda difficultas in quaestione proposita, scilicet quare sit ratio, quare motus sit causa caloris, & quidem quidam dicunt causam esse, quia in quolibet mixto sunt omnia elementa, & per motum illius corporis produciunt ignem, qui cum antea esset suffocatus, quasi reuiuiscit, & praeminet, atque adeo maiorem causat calorem. Haec tamen senten-

tia insufficiens est, & falsa, quia secundum Aristotelem in hoc capite, & experientiam, astra habent causare calorem in aere, illum conterendo, & confricando, ut amplius infra patebit, cum tamen aer non habeat in se ignem aliquem, eo quod non est mixtum, est etiam falsa, quia ignis non est in mixta formaliter, ut possit dici suffocatus, sed solus est eminenter, & virtualiter.

Quare Auerroes hoc loco asseruit causam esse, quia proprium est mobilis esse calidum, unde cum actu mouetur, fit actu calidum, hoc tamen bene impugnat D. Thomas. hoc capite, quia mobile absolute loquendo abstrahit a mobili motu calefactionis localis, vel frigefactionis: ergo non est illi magis naturalis calefactio, quā frigefactio.

His ergo relictis opinionibus, duplex huius assignatur causa: prima est, quam loco citato tradidit D. Thomas, quia scilicet primum in vnoquoque genere est causa reliquorum, quae sunt post illud. Unde quia motus localis est prior omnibus alijs motibus, est causa calefactionis, quae est prima inter alterationes.

Melius tamen hoc secundo explico, & dico primo, certum debere esse, quod motus localis non sit causa proprie loquendo respectu caloris, quia motus localis est actio, & ad actionem, qualis est calefactio, non est actio.

Secundo certum debet esse, quod motus localis, non sit causa calefactio-

calefactionis; sumpta causa pro causatione, ita quod ipse motus localis sit productio caloris, quia constat productionem caloris esse alterationem; cum terminetur ad qualitatem: motus autem localis non est alteratio.

Dicendum ergo est, causam quare motus sit causa caloris in viuentibus facilem esse, quia per motum localem spargitur sanguis, qui calidus est, ad omnes corporis partes, atque adeo illas calefacit. Et similiter per maiorem motum cordis producentur spiritus vitales, qui etiam per motum localem sparguntur, & calefaciunt corpus. In non viuentibus autem ratio est, quia partes ipsius mobilis confricantur cum aere medio, & inter se: ratione cuius confricationis, & collisionis corpus, quod mouetur, rarefit, & ad raritatem sequitur calor, qui est illi connaturalis, non quidem, quia raritas habeat producere calorem, quia raritas non est qualitas actiua, si enim corpus rarum apponamus iuxta densum, rarum non rarefacit aliud, neque e contra; signum ergo est raritatem, vel densitatem, non esse qualitates actiuas, & ita solum sequitur calor ad raritatem per subordinationem, sicut ad imaginationem, qua brutum apprehendit aliquod obiectum delectabile, sequitur in appetitu quoddam desiderium absque aliqua Physica casualitate: imaginationis, & si illa rarefactio sit magna, sequitur maximus calor, atque

adeo ignis, ut patet in percussione silicis.

Ex dictis infero primò, malè aliquos asseruisse, quod corpus motum in vacuo, non acquirat calorem; quia dicunt, quod tunc tale corpus, non haberet confricationem, quia non est medium per cuius collisionem habeat confricari. Hoc tamen falsum est, quia si per vacuum moueretur corpus aliquod fluidum, ut aer, quamuis illud tunc non confricaretur, & collideretur cum medio, quia iam supponimus moueri per vacuum; tamen per illud motum partes ipsius aeris, quia fluidæ sunt, ad inuicem inter se confricarentur, & colliderentur, ad quam confricationem sequeretur quædam noua raritas, & ad illam nouus calor.

Secundò infero, quæ sit ratio quare astra dicantur calefacere, aerem ipsum conterendo, & confricando: pro quo aduerte, quod in aere potest duobus modis causari calor ab astris superioribus: vno modo medio lumine, qualiter Sol aerem calefacit medio suo lumine alio modo dicuntur astra calefacere aerem, ipsum conterendo, & confricando, ut docuit Aristot. hoc capite, non quidè, quia astra immediatè, & per se ipsa conterant ipsum aerem, constat enim non esse contigua cum aere, ut possint cum illo confricari, vel conterì, sed quia media tali, vel tali influentia habent in illo causare reuolutionem, & ventum, ut patet in tempore Fe-

beuarij, ad quam reuolutionem aeris, quia illius partes inter se, medio illius motu confricantur, sequitur calor, nisi per accidens aliud de istis partes, motu habent frigesieri, ut patet de vento, qui dicitur Circius, & de ventis transeuntibus per partes niue coopertas, ubi frigesiunt, & per accidens ille motus est causa frigiditatis, per se tamen ex illo motu, & confricatione sequitur calor, neque opus est, quod lastra, quae habent causare reuolutionem in aere, causent illam in caelis inferioribus, quia, ut supra dixi, non est opus, quod agens, quod agit in remotum, agat prius in propinquum eodem genere actionis, sed alia actione diuersa, producendo scilicet in illis lumen, sicut Sol producendo in inferioribus orbibus lumē, habet calefacere aerem inferiorem.

Compēdium reliquorum huius libri.

IN reliquis capitibus huius libri, agit Aristotel. de motu, & figura stellarum, & de illarum pluralitate. Deinde verò in duobus ultimis capitibus differit de terrae immobilitate. Quae omnia ut intelligas, aduertendum est supra dictis c. 3. in lib. omnes orbes celestes specie differre inter se, & quod stella non habent moueri motu proprio, quia sic scinderent caelum, & illud corrumpere, sed habent moueri assi-

xa in caelo, sicut nodus in tabula. Vtrum verò astrū distinguatur specie à suo orbe, in quo est, v.g. Luna à suo orbe, probabilior sententia est, esse idem numero corpus differens secundum maiorem densitatem, & lumen ab alijs partibus: quemadmodum differit nodus à reliquis partibus tabulae solum secundum modum quemdam, & virtutem, & ita facies illa, quae in Luna apparet, causatur ex diuersitate partium secundum raritatem, & densitatem, & secundum maius, & minus lumen, diuersimodè in talibus partibus receptum.

Ex quibus rursus aduertendum est, quod quemadmodum caelum est figurae sphaericae, ita etiam stellae sunt talis figurae, quia quemadmodum caelo, quia perfectissimum corpus est, competit figura perfectissima, qualis est circularis, ita etiam stellis, cum sint de natura celesti, ut capite praecedenti probauit Aristoteles debet competere, illa figura; tum etiam, quia ad motum circularem, qualis est motus stellarum, est accomodatissimus: ynde fit, quod Luna solum appareat in propria figura in plenilunio, in alijs verò temporibus non apparet, sed dimidia, quia cum participet à Sole, propter terram impediētem non habet totam illam illuminare, atque adeò non apparet tota, ut est, nisi solum in plenilunio, & secundum hanc diuersitatem habet sortiri diuersa nomina, quia quādo apparet in cornu curuata,

nata, ab antiquis dicebatur a lenoydes; quando verò est æqua proportionē diuisa, appellatur Dichotomos: quando verò iam ferè plenum habet circulum, dicitur Amphitritos. Quando verò est tota rotunda secundum propriam figuram, vt in plenilunio, vocatur Kanetinos.

Circa quod etiam est aduertendum, non omnes stellas esse eiusdem speciei, vt falso putauit hic Auerroes, quia re vera experimur diuersos aliorum effectus, & influentiam, nullum autem est aliud, vnde illarum diuersitatem possumus colligere. Docet tamen Arist. in suprenia sphaera magnam multitudinem stellarum inueniri, cum tamen in alijs solum sit vnica, vt patet de orbe solis, & lunæ, &c. Ratio autem est propter magnam primæ sphaeræ perfectionem supra omnes alias, vt pote quia magis accedit ad perfectionem primi motoris, cum habeat omnes alias mouere: de qua prima sphaera docuerat Aristot. 2. de generatione text. 55. motum diuinum illius esse causam perpetuitatis in rebus, motum verò solis per Zodiacum esse causam varietatis in generationibus & corruptionibus, quia Sol dum ad diuersa Zodiaci signa peruenit, cum magna diuersitate influunt, tales autem modum influendi, ita varium, non habet primum mobile.

Tandem vltimò disputat Aristot. de terræ immobilitate, circa quod aduerte in primis, certum esse terram esse sphaericam saltem

cum ipsa aqua, ita vt ex illa & aqua fiat quoddam corpus globosum, sphaericum, atque rotundum, non quidem mathematicè, cum cõsuet, esse in terra montes supereminentes alijs partibus, sed physicè, quia ista omnia in comparatione, vniuersi pro nihilo reputantur, & ita falsa est quorundam antiquorum opinio, qui dicebant terram habere figuram tympani (cõ conuocatam) hoc autem est falsum, quia re vera necesse est terram habere figuram sphaericam, quia cum grauis sit, quando vna pars multū alijs supereminet, debet ruere ad faciendum globum.

Et si dicas, quod elementa non grauitant, vel leuiant in proprio loco, vt dicemus lib. 4. ergo illa pars sic præ alijs eleuata non potest secundum naturam ruere ad faciendum globum.

Respondetur, partem illam sic magis præeleuatam non esse omnimodo in loco naturali, quia natura sua postulat confluere ad faciendum globum, & ita quando plurimum eleuatur, tandem ruit.

Circa locum autem terræ, rursus sciendū est, illam tenere mediū mundi in quo etiam plures antiqui errant, ponentes illam extra centrum mundi. Ratio autem quare necessario est in centro mundi, est, quia ignis, qui est contrarius terræ, secundum motum habet tendere ad circumferentiam circularem Orbis Lunari: ergo & terra debet e contra moueri ad partem

oppositam, quale est medium contentum in illa circumferentia, ita quod ex terra, & aqua fiat vnus globus, habens centri rationem respectu vniuersi, vt videre est in mappis.

Circa immobilitatem autem terre aduertendum est, fuisse quorundam sententiam, qui dicebant celum perpetuo quiescere, terram verò moueri in suo loco motu circulari, vt diuersi modè influentiam ex li reciperet. Hæc tamen sententia aperte falsa est, quia si terra circulariter moueretur, possemus nos aliquo modo videre Polum Antarcticum, quod numquam fit, ergo.

Præterea, quia omnia ædificia

ruerent tali motu, sicut ruerent facta terre motu. Præterea, quia si sagittam sursum directè mittas, cadit ad eandem partem in terræ, in qua fuit emissâ: ergo signum est, terram quiescere, alias quando directè mittitur, non posset ad eandem partem, à qua missa est, peruenire, quia pars terræ, à qua missa est, iam discessisset ab illo loco, & huic consonat Ecclesiast. 1. *Terra in vniuersum stat.* Et Psalm. 103. *Fundasti terram super stabilitatem suam.* Denique hæc omnia, quæ hic pro more Complutensis Academiæ obiter, & imperfectè attingo, infra in disputatione vltima horum librorum, quæ omnium eorum materiâ cōplectitur, latius explicabo.





LIBER TERTIVS

De Cælo.

IN toto 3. libro, qui octo capita cōtinet, agit Aristot. de numero elemētorum, docensesse quatuor, contra Anaxagoram infinita, & dissimilaria elemēta pōnentem, & contra Anaximenem, & Heraclitum, qui vnum tantum assignarunt, de quo, & de

transmutatione elementorum (de qua in reliquis capitibus disserit Aristot.) solent fusiùs omnes agere 2. de generatione, & infra latè disputabo. Et ideò de hoc modò nihil dicendum est; neque in toto hoc libro aliquid peculiare, & scitu dignum inuenies præter ea, quæ 2. de generat. traduntur.

(3)





LIBER QVARTVS

De Cælo.

CAPVT PRIMVM.



A Git iam Aristot.
 hoc libro, quifex
 capita continet:
 de qualitatibus
 motibus elemen-
 torum, poſtquam
 in ſuperiori ege-
 rat de qualitatibus alteratiuis, &
 hoc capite ſolū intendit definire,
 & d uidere graue, & leue, dicit er-
 go, graue aliud eſſe tale ſimplici-
 ter, vt terra: aliud in comparatio-
 ne, vt aqua, que reſpectu aeris gra-
 uis vocatur. Similiter leue duplici-
 ter eſt, aliud ſimpliciter tale, vt ignis,
 aliud in comparatione, vt aer,
 qui reſpectu aque leuis dicitur. Do-
 cet ſimiliter in locis quendam eſſe
 locum ſimpliciter ſuperiorem, &
 ad hunc tendunt leuia ſimpliciter,
 alium ſimpliciter inferiorem, & ad
 hunc tendunt grauia ſimpliciter:
 alia verò ſunt loca media, & ad hæc
 tendunt graue comparatione,
 & leue comparatione
 tale.

Circa literam.

V Idetur terram non eſſe ſimpli-
 ter grauem, plumbum enim
 eſt grauius terra, cū videamus
 maius habere pondus. Tamen re-
 ſpondetur, quòd ſi terra eſſet in
 ſua naturali diſpoſitione, qualiter
 forſan ſunt partes centrales, eſſet
 grauior plumbo, quia plumbum eſt
 graue, quia participat terram: ergo
 terra eſt magis grauis ſecundū ſe,
 qui propter quod vnumquodque
 tale, & illud magis.

Sed aduertendum eſt rursus,
 quamlibet partem terræ eſſe ita
 grauem quantum ad intentionem,
 ſicut tota terra: & idem eſt de alijs
 elementis quantum ad ſuas qualita-
 tes. Ratio eſt, quia grauitas terræ
 eſt qualitas ſecunda, quæ oritur ex
 commixtione primarum qualita-
 tum, ſcilicet ex frigidityte, & ſic-
 citate: ſed quamlibet pars terræ ha-
 bet

bet frigiditatem sicut tota terra, sicut etiam qualibet pars ignis habet calorem vt octo: ergo est ita grauis quantum ad intensionem sicut tota terra, cum hoc tamen velocius mouetur magna pars terræ, quam pars uia illius portio, quia maior multitudo materiæ est ratio citius operandi, imò & produçendi effectum intensiorem, quam fiat ab agenti raro, vt dixi r. de generatione, capite 7. quia eo ipso quòd est maior materia, est maior forma, quæ est principium operandi, hoc est, magis extensa, sicut magnus ignis citius calefacit, quam paruus, quia quamuis materia non sit principium agendi, est tamen ratio, quare forma, quæ est principium agendi, sit maior, vel magis extensa.

DISPUTATIO VLTIMA

De qualitatibus motibus elementorum.

Quæstio I. Vtrum qualitates motiua elementorum differant specie.

Certum est in hac quæstione, cuiusmodi elementi sit, pertinere ad speciem subalternam potentiæ actiue, quæ est secunda species qualitatis, quia omnes istæ qualitates motiue sunt principia agendi, vel operandi, quæ est definitio potentiæ actiue, sunt enim principia motus localis. Solum ergo est dif-

ficultas, vtrum sint eiusdem speciei infimæ.

Est autem ratio dubitandi, quia potentiæ, quales sunt istæ qualitates, debent distinguiper actus, quos respiciant: sed grauitas terræ, & aquæ, respiciunt eundem motum deorsum secundum speciem, solum differentem secundum magis, & minus: ergo sunt eiusdem speciei. Et idem est de leuitate ignis, & aeris, quæ etiam respiciunt eundem motum sursum.

Secundo, quia grauitas in terra oritur ex frigidityte. Similiter grauitas aquæ, sed non differunt specie frigiditas terræ, & aque, nisi solum secundum magis, & minus: ergo neque grauitas vtriusque. Et idem est de leuitate ignis, quæ oritur ex calore, constat autem calorem aeris esse eiusdem speciei cum calore ignis: ergo etiam leuitas aeris, & ignis.

Nihilominus dicendum est grauitatem terræ, & aquæ specie differre, & similiter leuitatem ignis, & aeris. Probatur primò, quia grauitas terræ, quantumuis sit remissa natura sua, perducit terram ad locum infimum mundi, secus verò grauitas aquæ, quamuis intra propriam naturam intendatur, semper enim aqua postulat esse supra terram: ergo hæc duæ grauitates non tantum differunt secundum magis, & minus, sed sunt diuersæ rationis.

Secundò, quia qualitates motiue elementorum sunt quædam proprie-

prix passionēs, quæ oriuntur ab essentiis illorum, sicut risibilitas oritur ab essentia hominis, sed omnia elementa habent essentias distinctas in specie: ergo etiam illorum passionēs, quæ sunt istæ qualitates motiuz, debent specie distingui.

Tertio, quia aded albedo differt specie à nigredine, quia oritur ex diuersa commixtione primarum qualitatum: sed grauitas terræ oritur ex diuersa commixtione qualitatum à grauitate aquæ, quia grauitas terræ non solum oritur ex frigiditate, sed ex commixtione frigiditatis cum siccitate in tali tertio: grauitas verò aquæ ex commixtione frigiditatis cum humiditate, quæ sunt diuersæ commixtiones. Et idem est de leuitate ignis, quæ oritur ex commixtione caloris cum siccitate, leuitas verò aeris nascitur ex commixtione caloris cum humiditate.

Et si inquiras, quæ sit ratio, quare aer vocatur absolute leuis, & aqua absolute grauis, cum sit certum, vt vidimus in litera, aquam in comparatione terræ esse leuem, & e contra aerem in comparatione ignis esse grauem. Respondetur, rationem esse, quia descensus est proprius grauis: & quia aqua descendit per plura elementa, quam ascendit, quia descendit per ignem, & aerem, & ascendit solum per terram, ideo absolute grauis vocatur: aer verò e contra dicitur absolute leuis, quia per plura ascendit, quam descendit, vt perueniat ad

suum locum, quia ascendit per terram, & aqua descendit per solum ignem, & ideo dicitur absolute leuis.

Vnde ad primam rationem respondetur, quod grauitas terræ, & aquæ non quomodo cumque respiciunt motum deorsum, sed in ratione naturalis, constat autem motum deorsum terræ in ratione naturalis differre specie à motu deorsum aquæ, quia habent diuersos terminos vltimos, quia vltimus terminus motus naturalis terræ, locus illius est, & vltimus terminus motus aquæ, est locus eiusdæ aquæ, quæ sunt loca differentia.

Ad secundam iam patet, quod non oriatur grauitas terræ ex sola frigiditate, sed ex commixtione qualitatum terræ, quæ diuersa est à commixtione qualitatum aquæ.

Caput I. I. & III.

IN hoc cap. 2. tantum recenset quorundam antiquorum opinionēs circa grauitatem, & leuitatem elementorum, in capite verò tertio docet, quare graua deorsum, leuia verò sursum serantur. Ad quod supponit, quod motus non est à quouis in quoduis, sed à quodam in quodam, id est, à determinato in determinatum.

Secundo supponit omne mobile, quod motu secundum naturam mouetur, tendere ad propriam perfectionem, vt sanabile habet tendere.

tendere per sanitatem ad sanitatem.

Hoc supposito respondet, dicē; falsam esse eorum opinionem, qui dicebant ideo particulam terre moueri ad centrum mundi; quia ibi sit terra sibi similis. Quia contra arguit: quia ex hoc sequeretur, quod si poneremus illam in concavo Lunæ, moueretur particula terre secundum naturam illa concavum Lunæ; atque adeo sursum.

Ratio ergo, inquit, est, quia in centro, & medio mundi, est sua perfectio, quia ibi naturaliter conseruatur à cælo, quantumuis ibi nulla alia esset terra: unde inquit, si cut quærenti, cur sanabile mouetur ad sanitatem, respondemus, quia sanitas est perfectio illius, ita quærenti, cur grāua ad medium mundi tendant, respondendum est, quia ibi est sua conseruatio, & perfectio, quamuis, inquit, est differentia, quod sanabile, & augmentabile indigent aliquo extrinseco, vt acquirant perfectionem sanitatis, vel augmentationis: grāua uero nullo extrinseco indigent ad suum motum deorsum, sed in se ipsis habent principium sui motus: sanabile uero non, nisi forte sit parua ægritudo, tunc enim quando est parua ægritudo in vna parte, illa reducitur ad sanitatem ab alia parte sana: per quæ verba videtur innuere Aristoteli id quod 2. Physic. adnotaui; scilicet grāua, & leuia habere in se principium sufficiens sui motus, & ita non esse, cur reducāmus talem motum ad generans.

Circa literam.

Circa literam huius cap. nisi alibi iam actum fuisset, disputandum esset de mouente grāuium, & leuium: vtrum, inquam, à se, vel generante moueantur, quod attigit Aristoteles illis verbis: *Grāua uero, & leuia in se ipsis principium sui motus habent.* Sed de hoc omnes tractant 2. Physicor. solum hic aduerte, quod quando dicit, augmentabile indigere aliquo extrinseco ad augmentationem, non intelligit tanquam principio effectiuo, augmentur enim viuentia à se ipsis, sed tanquam materia, scilicet, indigent alimento.

Caput IIII.

Agit Aristot. in hoc cap. de diversitate grāuium, & leuium, & dicit quoddam esse elementum simpliciter graue, vt terra; aliud simpliciter leue, vt ignis; elementa uero media, inquit, partim grauitatem, partim leuitatem habent, quod non intelligas, quod aqua habeat duas qualitates motiuas, hæc enim nulli elemento, imò, nulli corpori inest, sed vna, & eadem qualitas motiua aquæ vocatur grauitas in comparatione aeris, & leuitas in comparatione terre. Rursus ponit aliam differentiam, quod omnia elementa præter ignem habent.

bent quamdam gravitatem in suo loco, cuius signum, inquit, est, quòd videmus utrè aere plenum maiorem habere gravitatē, & pondus, quàm vacuum: ergo aer gravitat in proprio loco.

*Quaest. II. Vtrum elementa gra-
uitent in proprijs*

locis?

Primò, centum est in hac quaestione, omnia elementa retinere in proprio suo loco duas qualitates moriuas, verbi gratia, terra adhuc in proprio loco retinet suam gravitatem; neque enim est qualitas citò transiens, sed est passio terrae semper, & ubicūque sit, illam concomitans: solum ergo est difficultas, vtrum terra in proprio loco grauitet; id est, imprimat vim ad descensum, sicut lapis in superiori loco detentus, dicitur gravitare, quia habet pondus, & pellit ipsum corpus detinens: & idem est de alijs elementis, vtrum, inquam, in proprijs locis habeant gravitare, vel leuitare.

In quare prima sententia est Aristotelis hoc capite, quem plures sequuntur, qui asserit omnia elementa praeter ignem gravitare, & quamdam imprimere vim ad descendendum.

Pro qua sententia est in primis illud argumentum Arist. quòd videmus utrè aere plenum maius habere pondus, quàm vacuum: ergo idè est, quia aer in proprio loco

gravitat. Ad quam sententiam probandam rursus arguunt illius fautores, quia vidimus lignum centum librarum velocius moveri per aerem plumbo vnius librae. Deinde verò per aquam, si parua sit, non potens lignum sustinere, velocius movetur plumbum, quàm lignum: ergo idè est, quia aer; qui maior est in ligno, quàm in plumbo, eò quòd habet plures priores, gravitabat in proprio loco.

Tertiò, quia aer velocissimè movetur ad replendum vacuum relictum in aqua, violenter tamen ascendit ad replendum vacuum relictum in igne: ergo idè est, quia gravitat in proprio loco, ratione cuius facilius descendit, quàm ascendit.

Quartò, quia si daremus, plumbum vnius librae habere de terra, aqua, & igne, tantum, ac lignum centum librarum, velocius moveretur lignum centum librarum, quàm plumbum vnius librae, sed non ob aliud, nisi quia magis haberet de aere, quàm plumbum: ergo idè est, quia aer gravitat.

Quintò de aere id probat Albertus, quia humiditas magis in gravitatem, quàm in levitatem inclinatur: sed aer est humidus: ergo debet gravitare.

Sextò denique, quia dum quis ab alto loquitur, ille sonus melius auditur in partibus infimis, & ita sedes ad loquendum in alto huius colloca solet. Idè ergo est, quia particulae aeris, in quibus sonus subiectatur, descendunt, & ita secum deferunt

ferunt fontem: ergo aer grauitat in proprio loco.

Sed etiam in hac re à nobis deferendus est Arist. est enim sententia eius falsissima, & ita oppositam sequutus est Ptolemæus, Simplicius, Themistius, & alij, qui dicunt aerem non dici leuem secundum quid, quia sit etiam aliquo modo grauis, quia vnus elementum simplicis debet esse vna qualitas motiua simplex, vnde aer solū habet leuitatem, dicitur tamen grauis in cōparatione ignis. Quod tamen nullū elementum possit in suo loco grauitare, nec leuitare, ita quod imprimat vim ad ascendendum, vel descendendum à proprio loco, probatur euidenter, quia si elementa in proprijs locis grauitarent, vel leuitarent, sequeretur quod violenter sisteret in proprijs locis: vnde motus ad illa loca non esset naturalis, imò potius ē contra, motus à proprio loco esset naturalis, quia ab illo loco mouetur aliquod mobile naturaliter, vbi violenter quiescet: imò neque semper esset in proprijs locis: nullum enim violentum est perpetuum, præsertim cum habeat qualitates motiuas, quibus facile ad locum sibi naturalem moueri possint.

Secundò sunt de hac re manifestæ experientie, quia nos qui sub magna mole aeris sumus, nullā in humeris nostris grauitatem sentimus: ergo non grauitat aer in proprio loco. Similiter qui sub aqua natat, nullum supra se pondus sen-

tiunt, ergo nō grauitat aqua in suo loco.

Vnde ad rationem Arist. respondetur, verum esse, posse contingere vtem aere plenum maius habere pondus, quam si esset vacuus, tamen hoc non est ratione aeris ibi contenti, sed quia cum inflatur, solēt in ipso remanere quædam guttulæ aque causatæ ex stato humido, & calido instantis, qui quidem flatus habent in se quasdam partes vaporis, quæ deinde refrigeratæ in vtre in aquam vertuntur, & ita aqua extra proprium locum existēs grauitat, ratione cuius sit vter ponderosior se ipso vacuo, tamē proculdubio si vter ille purissimo aere impleteretur, nō esset grauior se ipso vacuo, vt Nyphus, & Themistius testantur se fuisse expertos.

Vbi obiter aduerte etiam posse contingere, vterem aere plenum leuiorem esse se ipso vacuo, si contingat aerē intrā existentem, ipsum vtem, alias maxime humidū, exiccicare, non quia aer lenitet, sed quia vter ponderosior est humidus, quā exiccatus, per quā exiccationē foras mittit paruulos vapores aqueos, extra proprium locum grauitantes.

Ad secundam respondetur, quare lignum centum librarum velocius mouetur in aere, quam plumbum vnus libræ, in aqua verò tardius, non esse, quia aer maior contentus in ligno grauitet in proprio loco, sed quia reuera pōderosius est lignum, quia est centum librarum, quam

quàm plumbum vnius libræ, deinde verò in aqua tardius mouetur lignum quàm plumbum, quia habet lignum magnas partes aeris in suis poris contentas, quæ sua natura petunt supernatare aquam, & ita magna vi infra illam adducuntur, quod non contingit in plumbo, quod minus, vel nihil aeris formaliter habet, sicut habet lignum.

Ad tertiam, falsum esse, quòd aer moueatur maiori velocitate ad replendum vacuum relictum ab igne, quàm relictum ab aqua, sed ad vtrūque vacuum implendum eodem modo concurrat, quia vtrumque est propter bonum vniuersi.

Ad quartam, esse impossibile, dari plumbum vnius libræ, habens magis de terra, aqua, & igne quàm lignum centum librarum, quia reuera haberet maius pondus, quàm lignum, vnde non esset solum vnius libræ, sed plusquam centum, quia cum terra sit præcipue grauis, si magis participet de terra, quàm lignum centum librarum, proculdubio habet maius pondus quàm lignum: vnde haberet magis, quàm centum libras, qualiter de facto

plumbi palmus grauior est palmo ligni, quia magis participat de terra.

Ad quintam, quòd humiditas de se non magis inclinatur in leuitatem, quàm in grauitatem, sed diuersimodè secundum quod diuersimodè commiscetur cum alia qualitate, & ita in aqua inclinatur in grauitatem, in aere verò in leuitatem, ratione diuersæ commixtionis, ex qua tales qualitates motiue oriuntur.

Ad vltimam, sedem ad loquendum non ideò collocari in alto situ, quia aer deferens sonum continuo descendat, sed quia sonus minus impeditur, ac quando talis sedes est in loco inferiori, tunc enim dum peruenit ad alia corpora, etiam in inferiori loco posita impeditur, ne ita facile ulterius progrediatur, & ita melius auditur sonus ab alto loco procedens.

Quæ Aristoteles docet in hoc capit. 5. & 6. huius libri restantibus non sunt magni momenti, ideò prætermittenda esse duxi: atque ita hæc de cælo dicta sufficiant ad laudem, & gloriam Dei omnipotentis.

*Sub correctione Sanctæ matris
Ecclesiæ.*



INDEX DISPVTA- tionum, & Quaestionum librorum de Anima, Cælo, & Generatione.

DISPVATIO I.

De natura & essentia Animæ.

Quest. 1. Vtrum anima sit actus cor-
poris physici, & organici po-
tentia vitam habentis, fol. 7.

Quaest. 2. Vtrum secunda definitio ani-
ma legitima sit, & qua ratione per
illam demonstretur prima definitio,
fol. 14.

Quaest. 4. Vtrum omnes anima sint di-
uisibiles, fol. 21.

Quaest. 5. Vtrum anima informet om-
nes, & singulas partes corporis,
fol. 26.

Quaest. 6. Quot sint genera animarum
& animatorum, fol. 31.

Quaest. 7. Vtrum anima rationalis sit
formaliter sensitiva, & vegetativa,
fol. 33.

Quaest. 8. Vtrum omnes anima habeant
eamdem perfectionem, fol. 35.

DISPVATIO II.

De potentijs in communi
consideratis.

Quest. 1. Vtrum potentia anima
distinguantur realiter ab illa,
fol. 40.

Quaest. 2. Vtrum potentia anima pos-
sint ab illa realiter separari, & an
separata ab illa existerent violen-
ter, fol. 44.

Quaest. 3. Vtrum potentia procedant ab
anima, & in quo genere causa, fol.
48.

Quaest. 4. Vtrum potentia specificentur
per actus, & actus per obiecta, folio
53.

Quaest. 5.

I N D E X.

Quaest. 5. Vtrum sint tantum quinque potentia anima, fol. 55.

DISPVATIO VI.

De obiecto sensibili.

DISPVATIO III.

De potentijs animæ vegetatiuæ,
& de eorum actu.

Quaest. 1. Quid sit potentia nutritiua, & an distinguatur realiter ab augmentatiua, fol. 59.

Quaest. 2. Quid sit potentia generatiua, & an distinguatur à nutritiua, fol. 64.

Quaest. 3. Vbi resideant potentia generatiua, & nutritiua, fol. 67.

Quaest. 4. Vtrum generare sibi simile sit opus naturalissimum viuientis, folio 68.

Quaest. 1. Vtrum ut obiectū aliquod possit sensu percipi debeat habere realem presentiam à parte rei, fol. 91.

Quaest. 2. Vtrum sensibile commune, & proprium cognoscantur per eandem speciem, fol. 94.

Quaest. 3. Vtrum sensibile cōmune possit percipi absque proprio, & è contra, fol. 99.

Quaest. 4. Vtrum obiectum indiuisibiliter existens possit sensu percipi, fol. 100.

Quaest. 5. Vtrum sensus possit falli circa sensibile proprium, fol. 103.

DISPVATIO III.

De speciebus sensibilibus.

Quaest. 1. An sint ponenda species sensibiles, fol. 72.

Quaest. 2. Quid sint species sensibiles, fol. 76.

Quaest. 3. Vtrum species sensibiles sint extensa & diuisibiles, fol. 80.

Quaest. 4. Quomodo, & à quo producantur species sensibiles, fol. 82.

Quaest. 5. Vtrum species sensibiles recipiantur in potentijs sensitiuis ad causandam sensationem, fol. 83.

Quaest. 6. Vtrum species impressa concurrat ad producendam speciem expressam, fol. 86.

DISPVATIO VI.

De visu.

Quaest. 1. Quid sit lumen, & quo modo videatur, fol. 107.

Quaest. 2. Quid sit color, fol. 112.

Quaest. 3. An, & quomodo requiratur lumen ad visionem coloris, fol. 114.

Quaest. 4. Vtrum per eandem speciem representetur intensio, & extensio coloris, & quomodo, fol. 120.

Quaest. 5. Quomodo producantur species visibiles, fol. 126.

Quaest. 6. Quomodo fiat visio, fol. 131.

Quaest. 7. Quod sit organum potentia visiva, fol. 132.

Disp.

I N D E X.

DISPUTATIO VII.

De Auditu.

Quest. 1. Quid sit sonus, & à qua quo fiat, fol. 135.

Quest. 2. Quomodo incipiat, & desinat sonus, & in qua subiecto sit, fol. 138.

Quest. 3. Vtrum sonus perueniat vsque ad auditum secundum esse reale, vel secundum esse intentionale, fol. 142.

Quest. 4. Quomodo fiat Echo, fol. 145.

Quest. 5. Quod sit organum auditus, fol. 146.

DISPUTATIO VIII.

De olfactu.

Quest. 1. Quid sit odor, fol. 146.

Quest. 2. Vtrum odor perueniat vsque ad olfactum secundum esse reale, vel potius per species intentionales, fol. 150.

DISPUTATIO. IX.

De gustu.

Quest. 1. Quid sit sapor, & quomodo immanet gustum, fol. 154.

Quest. 2. Vtrum gustus differat specie à tactu, fol. 157.

Quest. 3. Quod sit organum gustus, fol. 159.

DISPUTATIO X.

De tactu.

Quest. 1. Quod sit obiectum tactus, & quomodo illum immutet, fol. 161.

Quest. 2. Vtrum tactus solum percipiat excellentes qualitates, fol. 170.

Quest. 3. Quod sit obiectum tactionis dolorificæ similiterque, & voluptatis, famis, & sitis, fol. 173.

Quest. 4. An tactus sit unus in specie infima, fol. 176.

Quest. 5. Quod sit medium, per quod immutetur tactus, fol. 178.

Quest. 6. Quod sit organum tactus, fol. 181.

DISPUTATIO XI.

De communibus omnium sensum.

Quest. 1. Vtrum sensibile positum supra sensum causet sensationem, an vero impediat illam, fol. 184.

Quest. 2. Vtrum excellens sensibile corrumpat sensum, fol. 187.

Quest. 3. Vtrum in eodem sensu possint simul recipi plures species sensibiles, numero tantum diuersa, fol. 189.

DISPUTATIONES, ET Quæstiones tertij libri de Anima.

DISPUTATIO I.

De pluralitate sensuum exter-
norum.

Quest. 1. Vtrum tantũ sint quinque
sensus externi, & an perfectio-
ri modo reperiantur in homine
quam in alijs animalibus, folio
198.

Quest. 2. Vtrum externi sensus eam
habeant perfectionem, ut possint suas
sensaciones percipere, fol. 201.

DISPUTATIO II.

De sensu interno.

Quest. 1. Vtrum præter externos
sensus sit necessario ponendus
alius internus, qui appellatur
sensus communis, & quod sit
eius unus, fol. 206.

Quest. 2. Vtrum sensus internus sit
vnus, vel plures, fol. 216.

Quest. 3. Vtrum animalia habeant
sensem internum, & an hic sensus
differat specie in homine, & in bru-
tis, fol. 228.

Quest. 4. Quomodo producantur spe-
cies impressa sensu in interno, fol.
230.

Quest. 5. Vtrum somnia pertineant ad
sensum internum, & quomodo fiant,
fol. 238.

Quest. 6. Quid sit organum sensus
interni, folio 242.

DISPUTATIO III.

De intellectu possibili.

Quest. 1. Vtrum intellectus sit spi-
ritualis potentia, fol. 144.

Quest. 2. Vtrum intellectus sit pura
potentia in genere intelligibilem,
fol. 254.

Quest. 3. Vtrum intellectus practicus,
& speculativus distinguantur rea-
liter, & similiter ratio superior, &
inferior, fol. 257.

Quest. 4. Vtrum intellectus sit poten-
tia realiter diversa a memoria in-
tellectiva & voluntate, fol. 259.

Quest. 5. Vtrum in intellectu possibili
sint necessario ponenda species ad
percipienda objecta, fol. 261.

Quest. 6. Quid sint huiusmodi species,
fol. 266.

Quest. 7. Quomodo intellectus cognos-
cat singulare materiale, fol. 270.

Quest. 8. Quomodo intellectus cognos-
cat universale, fol. 274.

Quest. 9. Quomodo intellectus cognos-
cat substantiam, & accidens.

Quest. 10. Quomodo intellectus cognos-
cat pro hoc statu res spirituales, &
seipsum suasque actiones, fol. 281.

Quest. 11. Vtrum intellectus noster pro
hoc statu necessario intelligat, per
conversionem ad phantasmas, fol. 284.

Quest.

I N D E X.

*Quas. 1. 2. Vtrum intellectus possit plu-
ra intelligere, fol. 287.*

DISPUTATIO III. De intellectu agentis.

*Qvas. 1. An sit ponendus intellectus
agens, & qua sit eius natura,
fol. 292.*

*Quas. 2. Quomodo intellectus agēs pro-
ducatur species intelligibiles, fol. 296.*

*Quas. 3. Quomodo intellectus agens
illuminat phantasmata, fol. 302.*

Disput. de quibusdam tractatibus.

DISPUTATIO I. De immortalitate animæ.

*Qvas. 1. Vtrum anima rationalis
sit immortalis secundum Arist.
fol. 305.*

*Quas. 2. Vtrū ratione naturali possit
probari immortalitas animæ, fol. 311.*

*Quas. 3. Vtrum anima rationalis in-
ceperit cum corpore, fol. 318.*

*Quas. 4. An anima rationalis sit sub-
stantia composita ex materia & for-
ma, fol. 320.*

Quas. 5. Vtrū anima fiat à Deo, fol. 323.

DISPUTATIO II. De appetitu in communi, & particulari.

*Qvas. 1. De appetitu & eius obiecto
in communi, fol. 324.*

*Quas. 2. Quid sit appetitus sensitivus,
& quod duplex, fol. 327.*

*Quas. 3. De actu appetitus sensitivi, &
eius causa efficiendi, folio 330.*

*Quas. 4. Quid sit appetitus rationalis,
& eius obiectum, fol. 334.*

*Quas. 5. De actu appetitus rationalis,
& eius principio efficiendi, fol. 336.*

DISPUTATIO III. De potentia & actu vitali.

*Qvas. 1. Quid sit potentia vitalis, &
eius actus, fol. 345.*

*Quas. 2. Vtrum Deus possit efficere
terminum intellectionis sine concu-
rsu intellectus, fol. 347.*

*Quas. 3. Vtrum sine concursu anima
possit à Deo, cum intellectu fieri
quidquid necessarium est ad statum
intelligendi, fol. 359.*

*Quas. 4. Vtrum anima sit causa effi-
ciens actionum vitalium, fol. 363.*

Disputationes, & Quæstiones circa libros de Generatione.

DISPUTATIO I. De Generatione, & Corruptione substantiali.

*Qvas. 1. Vtrum sit possibilis gene-
ratio substantialis, fol. 375.*

*Quas. 2. Vtrum generatio, & corru-
ptio sint actiones realiter diuersæ,
fol. 379.*

*Quas. 3. Vtrum generatio vnius sit
corruptio alterius, fol. 384.*

*Quas. 4. Quid sit generatio & corru-
ptio,*

INDEX.

prio, & qualiter inter se comparen-
tur, fol. 387.

Quaest. 5. Vtrum in generatione substā-
tiali pereant omnia accidentia, qua
fuerunt incorrupto, & an fiat reso-
lutio usque ad materiam primam,
fol. 394.

Quaest. 6. Vtrum agens naturale possit
producere aliquod ex nihilo, & ita
attingere creationem, fol. 402.

DISPUTATIO II. De alteratione.

Quaest. 1. Qualiter distinguatur al-
teratio a generatione, & reli-
quis motibus, fol. 411.

Quaest. 2. Vtrum alteratio sit motus cō-
tinuus, fol. 413.

Quaest. 3. Quid sit intensio qualitatis,
& qua ratione distinguatur ab al-
teratione, fol. 419.

Quaest. 4. Vtrum per additionem gra-
dus ad gradum fiat intensio quali-
tatis, fol. 423.

Quaest. 5. Vtrum gradus qualitatis qui
producentur per intensiōem, ha-
beant inter se naturalem subordi-
natōem, fol. 426.

Quaest. 6. Quae sit causa alterationis,
qua sit per antipathetism, fol. 428.

DISPUTATIO III. De augmentatione, & nutritione.

Quaest. 1. Vtrum augmentatio diffe-
rat a nutritione & reliquis mo-
tibus, fol. 443.

Quaest. 2. Quid & quomodo sit aug-
mentatio & diminutio, fol. 450.

Quaest. 3. Vtrum augmentatio, & nu-
tritio sint motus continui, & proprie
dicti, fol. 455.

Quaest. 4. Vtrum vivens maneat idem
numero post augmentationem, folio
463.

Quaest. 5. Vtrum in eo quod augetur
qualibet pars augeatur, fol. 467.

Quaest. 6. Quae sint cause augmentatio-
nis, & quomodo fiat, fol. 468.

DISPUTATIO IIII. De proportionem requisita inter agens, & passum ad agendum.

Quaest. 1. Vtrum agens possit agere
in se ipsum, fol. 477.

Quaest. 2. Vtrum simile possit agere in
simile ratione maioris densitatis,
fol. 480.

Quaest. 3. Vtrum agens, per alteratio-
nem omnino possit assimilare sibi
passum, fol. 488.

Quaest. 4. Quae proportio requiratur in-
ter agens & passum in ordine ad spa-
tium, fol. 493.

Quaest. 5. Quae proportio requiratur ad
agendum inter activitatem agentis
& resistantiam passi, fol. 499.

Quaest. 6. Vtrum in agendo repatiatur,
fol. 505.

Quaest. vii. Vtrum ex vi actionis, & rea-
ctionis mors sit naturalis viventis,
fol. 513.

DISPUTATIO V. De mixtione.

Quaest. 1. Vtrum mixtio sit possibili-
bilis, fol. 518.

Quaest. 2.

I N D E X.

Quest. 2. Quid sit mixtio, fol. 522.

*Quest. 3. Vtrum elementa maneant
formaliter in mixto, fol. 525.*

*Quest. 4. Vtrum quodlibet mixtum ne-
cessario postulet omnes quatuor qua-
litates elementorum, fol. 532.*

Disputationes, & Quaestiones libri secundi de Generatione.

DISPUTATIO I.

De qualitatibus primis ele-
mentorum.

*Quest. 1. Quot sint qualitates, &
vtrum sint forma elementorum,
fol. 530.*

*Quest. 2. Quae sit natura omnium pri-
marum qualitatum, fol. 541.*

DISPUTATIO II.

De natura elementorum.

*Quest. 1. Vtrum sint quatuor elemē-
ta, nec sint plura, nec pauciora,
fol. 544.*

*Quest. 2. Vtrum quodlibet elementum
habeat alteram qualitatem in su-
mo, alteram prope sumum, & quo-
modo, fol. 547.*

DISPUTATIO VI.

De transmutatione elementorum.

*Quest. 1. Vtrum quodlibet elemen-
tum possit transmutari in quodli-
bet, fol. 550.*

*Quest. 2. Vtrum sit facilius transire
inter elementa symbola quam inter
dissymbola, fol. 555.*

*Quest. vltim. Vtrum per naturam possit
idem numero corruptum redire,
fol. 556.*

Disputationes, & Quaestiones libro- rum de Caelo.

DISPUTATIO I.

De motu corporis simplicis.

*Quest. 1. Vtrum motus simplex de-
beat tribui corpori, & mixtus
mixto, fol. 573.*

*Quest. 2. Vtrum motus simplex tan-
tum moueatur vnico motu simplici,
fol. 576.*

DISPUTATIO II.

De natura Caeli.

*Quest. 2. Vtrum caelum sit graue, vel
leue, vel aliam habeat qualita-
tem, fol. 581.*

*Quest. 2. Vtrum caelum sit generabile,
& incorruptibile, fol. 587.*

*Quest. 3. Vtrum caelum sit corpus con-
stantis materiae, & formae, fol. 589.*

¶ iiii

Quest.

I N D E X.

Quas. 1. Vtrum materia califit eifdem rationis cum materia horum inferiorum, fol. 592.

DISPUTATIO III.

De vnitae vniuerfi.

Quas. 1. Vtrum poffint eſſe plures mundi, fol. 617.

Quas. 2. Vtrum extra calum fit aliud quod, fol. 625.

DISPUTATIO IIII.

De incorruptibilitate vniuerfi.

Quas. 1. Vtrum omne id quod habet potentiam ad eſſendum, & non

eſſendum debeat habere determinatum tempus eſſendi, & non eſſendi, fol. 650.

Quas. 2. Vtrum immortalitas animae rationalis ſit cum principijs Ariſto. in hoc capite, fol. 654.

Quas. 3. Vtrum omne corruptibile ſit tandem corrumpendum, & omne generabile gerendum, folio 658.

Quas. 4. Vtrum mundus ſit incorruptibilis, fol. 661.

Disputationes, & Quaestiones ſecundi libri de Caelo.

DISPUTATIO I.

De differentijs poſitionis caeli.

Quas. 1. Vtrum calum ſit animatũ, atque adeo capax ad habendas differentias poſitionis, fol. 667.

Quas. 2. Vtrum in caelo inueniatur ſex differentia poſitionum, fol. 673.

DISPUTATIO II.

De influentia Caeli.

Quas. 1. Vtrum calum agat in hac inferiora, & quid poſit agere, fol. 681.

Quas. 2. Vtrum ceſſante motu cali ceſſarent generationes & corruptiones, fol. 684.

Quas. 3. Vtrum calum producat vintum, fol. 688.

DISPUTATIO VLT.

De qualitatibus motiuis elementorum.

Quas. 1. Vtrum qualitates motinae elementorum differant ſpecie, fol. 699.

Quas. 2. Vtrum elementa grauitent in proprijs locis, fol. 702.

Siquid dixerim quod contradicat, vel contradicere videatur Sacroſanctae Romanae Eccleſiae, illud annullo, & eius correctioni pie me ſummitto.



M A T R I T I, M D C X V.

Apud Hannibalem Falorſium.



